


Lataiqui' loya'apa
ite al c'a
lixpic'epa EanDios



New Testament in Chontal, Highland Oaxaca (MX:chd:Chontal,
Highland Oaxaca)

Lataiqui' loya'apa ile al c'a lixic'epa LanDios
New Testament in Chontal, Highland Oaxaca (MX:chd:Chontal, Highland Oaxaca)

copyright © 1991 Wycliffe Bible Translators, Inc.

Language: Chontal, Highland Oaxaca

Translation by: Wycliffe Bible Translators, Inc.

Chontal, Sierra de Oaxaca [chd], Mexico

Copyright Information

© 1991, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Chontal, Highland Oaxaca

© 1991, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 23 Aug 2023 from source files dated 30 Dec 2021

6400fb6e-80e3-5cbe-8b37-1a879c9db6c6

Contents

San Mateo	1
San Marcos	52
San Lucas	82
San Juan	135
Los Hechos	176
Romanos	227
1 Corintios	251
2 Corintios	273
Gálatas	287
Efesios	295
Filipenses	304
Colosenses	310
1 Tesalonicenses	316
2 Tesalonicenses	321
1 Timoteo	324
2 Timoteo	331
Tito	336
Filemón	339
Hebreos	341
Santiago	358
1 Pedro	364
2 Pedro	370
1 Juan	374
2 Juan	380
3 Juan	381
Judas	382
Apocalipsis	384

LATAIQUI' LINIĒPA SAN MATEO LOYA'APA IĒE AL C'A LIXPIC'EPA ĽANDIOS

¹ Jifa'a iħniya liħpuftine litatahueló Jesucristo ĩecui'impá ĩi'hua cal rey David: Abraham itatahuelo David.

² Abraham i'ailli' Isaac.
Isaac i'ailli' Jacob.

Jacob i'ailli' Judá jouc'a lipimaye.

³ Judá i'ailli' Fares y Zara, qui' máma' iħniya cuftine Tamar.

Fares i'ailli' Esrom.

Esrom i'ailli' Aram.

⁴ Aram i'ailli' Aminadab.

Aminadab i'ailli' Naasón.

Naasón i'ailli' Salmón.

⁵ Salmón i'ailli' Booz. Qui' máma' Booz cuftine Rahab.

Booz i'ailli' Obed. Qui' máma' Obed cuftine Rut.

Obed i'ailli' Isái.

⁶ Isái i'ailli' cal rey David.

David i'ailli' Salomón. Qui' máma' Salomón iħque ĩaca'no' ate'a ilecopa cal xans Urías.

⁷ Salomón i'ailli' Roboam.

Roboam i'ailli' Abías.

Abías i'ailli' Asa.

⁸ Asa i'ailli' Josafat.

Josafat i'ailli' Joram.

Joram i'ailli' Uzías.

⁹ Uzías i'ailli' Jotam.

Jotam i'ailli' Acáz.

Acáz i'ailli' Ezequías.

¹⁰ Ezequías i'ailli' Manasés.

Manasés i'ailli' Amón.

Amón i'ailli' Josías.

¹¹ Josías i'ailli' Jeconías jouc'a lipimaye.

Lan xanuc' iħniya quiyouyomma ĩamats' Babilonia ilecom'mola' cal rey Jeconías jouc'a lixanuc', icuai'entsola' ĩamats' Babilonia.

¹² Jeconías i'ailli' Salatiel, iħque nipajnyota ĩamats' Babilonia.

Salatiel i'ailli' Zorobabel.

¹³ Zorobabel i'ailli' Abiud.

Abiud i'ailli' Eliaquim.

Eliaquim i'ailli' Azor.

¹⁴ Azor i'ailli' Sadoc.

Sadoc i'ailli' Aquim.

Aquim i'ailli' Eliud.

¹⁵ Eliud i'ailli' Eleazar.

Eleazar i'ailli' Matán.

Matán i'ailli' Jacob.

¹⁶ Jacob i'ailli' José. Iħque José ipe'ailli' María. Maħque

María ĩipo'nopa Jesús, iħque cuftine cal Cristo.

¹⁷ Toxhuej'metsola' liħputine litatahueló cal Cristo, iħne ĩiniħiya jifa'a, toxhuej'me'mola' oquej nuxans oquexi'.

Topangocola' Abraham, cocuaiya cal rey David, joupa oxhuej'mepola' imbamaj maluxi litatahueló cal Cristo.

Ti'hua toxhuej'metsola', topangococonla' David, cocuaiya petsi loya'apa: "... ilecom'mola' cal rey Jeconías jouc'a lixanuc', icuai'entsola' lamats' Babilonia". Jilpe joupa oxhuej'mepola' ocuenaye imbamaj malujxi litatahueló cal Cristo.

Tijoula' topangococonla' petsi liniliya: "... ilecom'mola'... icuai'entsola' lamats' Babilonia", ti'hua toxhuej'metsola', cocuaiya liniliya loya'apa: "... María hipo'nopa Jesús, ilque cuftine cal Cristo", jilpiya joupa oxhuej'mepola' ocuenaye imbamaj malujxi litatahueló cal Cristo.

¹⁸ Itsiya cu'i'molhuo' li'ipa licuai'ma Jesucristo fa'a li'a lamats'.

María ti'i'ma qui'máma' Jesús. Ilquiya joupa epi'ipa cataiqui' José. Hniya aiquejonliyotsti. María ma' ahuats', iximpoxi innay. Tofta'a li'e'epa cal Espíritu Santo. ¹⁹ José liximpa innay María, ¿te co'eya? Ilque José tihuequi lataiqui' locuxepa LanDios. He lataiqui' ticua: "Hniya lan xujc'a cacat'no' tocuftisola'". José ixim'ma cuanuc' María, aimicua micufya. Ticua: "A'i cacufya. Aicuya'aya. Ma le'a aicalecuya."

²⁰ Micua tofta'a lipicuejma' José ipaiyo'ma. Imaxcaitsi anuli tepaluc LanDios. Ilque tepaluc timi:

—José, ima' otatahuelo cal rey David. Itsiya camihuo': Aimoxhuełmot'le'ma. Tapenufla' María copeno. A'i xans litai'ipa María. Ma cal Espíritu Santo itai'ipa. ²¹ Tipo'no'ma li'hua amijcano. Ima' tacui'i'ma Jesús. Ilque tuntu'e'mola' lixanuc'. LanDios aimecani'eyacola'. He lipuftine lofmecui'ya tuhualquemma: Lonu'eyale.

²² He li'ipa María enanłpa lataiqui' linespa cal profeta luya'apa linespa LanDios, tuya'e': ²³ ¡Tocuejle! Lahuats' ti'i'ma quinnay, tipo'no'ma qui'hua.

Ilque li'hua tecui'im'me Emanuel.

Lipuftine lacui'inyacu tuhualquemma: Fa'a tipa'a LanDios, almana' anuli.

²⁴ José imaf'i'ma, itsahuemma, i'e'ma ma to limipa tepaluc LanDios. Epenuf'ma María. Ileo'ma lejut'ł. ²⁵ Mi'huaijma tipajntsi cal te'a qui'hua María, tama imajm'me anuli lajut'ł, aqui'eyotsti anuli. Lipajntsi lamijcano, José ecui'i'ma lipuftine Jesús.

2

¹ Hniya litiné, micuxe cal rey Herodes, Jesús ipajnyotsti liłya' cuftine Belén, lopa'a al distrito Judea.

Małniya litiné lan xanuc' linxingufale icuaita al distrito Judea, al cuecaj quiłya' Jerusalén. (Hniya tecui'innila' lam Mago.) Quiyouyomma hilemats' pe liyuf'maj 'ora.

² Icuitsuf'me. Timinnila' lan xanuc' nomana' Jerusalén:

—Imanc' unc'ijudío, ¿pe copa'a lamijcano ilque łorey? Ałsimpá liyuf'ma lixamna loya'apa joupa ipajnta ilque cal rey. Ałcuai'me laxc'onłingotai'me.

³ Licuej'ma ille lataiqui' cal rey ixhuełconni. Jouc'a ixhuełconca jahuay lan xanuc' nomana' jilpe liłya' Jerusalén. ⁴ Cal rey ijoc'i'mola' lixanuc' cal cuecaj ca'ailli' jouc'a lomxiye nomuc'iyalepá locuxepa LanDios. Icuis'e'mola', timila':

—Al Paxi Linilingiya, ¿te quicuapa? ¿Pe copajnyoya cal Cristo?

⁵ Hniya timiyi:

—Cal Cristo tipajnyota liłya' Belén, lopa'a al distrito Judea. Tofta'a licuapa cal profeta linilpa linespa LanDios, tuya'e': ⁶ Ima' Belén, miłya' lofpa'a al distrito Judea, aimetets'i'mo' ilne nocuxempola' lan xanuc' nomana' lamats' Judá.

Ima' ti'i'mo' quipiłya' anuli cal cuecaj nocuxeya.

Ilque ac'a ticuxe'mola' laixanuc', ilniya lixanuc' Israel.

⁷ Herodes i'e'moxi ch'ix. Ijoc'i'mola' ilne linxingufale, ilne lam Mago, timila':

—¿Te quitine limaxcaita cal xamna? Lu'ila'.

⁸ Hniya u'i'me. Cal rey Herodes umme'mola' tiyele liłya' Belén. Timila':

—Tonlele, jilpe liłya' tolahuetsa lamijcano. Litine tołsintsa, alu'i'ma. Iya' jouc'a ca'hua'ma. Caxc'onłingaita.

⁹ Lam Mago iquimf'e'me cal rey limipola', iye'me.

Milmana' hilemats' ilne iximpá limaxcaita cal xamna. Itsiya maŕque cal xamna i'hua'j'me'mola'. Licuaitsi lajut'í pe lopa'a lamijcano, imaxcaiconno, ecaxemma al toncay.

¹⁰ Ixoconni quileta lam Mago lixim'me cal xamna. ¹¹ Itsulfoŕai'me lajut'í, ixim'me lamijcano jouc'a María, ilque i'máma'. Exc'onŕingolai'me lamijcano. Exi'e'me liŕcaxax, icuf'i'me lamijcano liŕtaic'. Tipa'a al 'oro, tipa'a al 'incienco, tipa'a laceite ipitali juaiconapa, tujuej c'a, lipuftine mirra.

¹² Lam Mago ipaiyo'me. LanDios timila':

—Aimoluyalaiconata pe lopa'a cal rey Herodes.

Licuej'me toŕta'a, ocuena cane iyena'me, icuainatsa liŕpiya'.

¹³ Liyena'me lam Mago, José ipaiyocona'ma. Ixim'ma anuli ŕepaluc LanDios. Lapaluc timi:

—Totsahuenni. Tolecotsola' lamijcano jouc'a qui'máma'. Ilque cal rey Herodes tumme'mola' lixanuc' tehue'me lamijcano tima'anŕe. Aimicoŕ'molhuo' tonŕeŕe lamats' Egipto. Toŕmajntsa jilpiya. Iya' cu'ito' te quitine toŕpailinacu.

¹⁴ José itsahuenni ilne lipuqui', ileco'mola' lacamijcano jouc'a qui'máma'. Iye'me, icuaitsa lamats' Egipto. ¹⁵ Jilpe imajnhuo'me. Timanŕa' cal rey Herodes ilne tipailinacu, ticuainata hilemats'. Ilne lo'iya tenanŕ'ma luya'apa cal profeta, ilque uya'apa locuapa LanDios, ticua: “Aijoc'ipa lai'hua, tipanni jilpe lamats' Egipto”.

¹⁶ Lixim'ma cal rey Herodes lam Mago lifel'mipa, ixtunni juaiconapa. I'nujuaitsi lu'i'me lam Mago. Ilne ines'me: “Itsiya joupa uyaipa to oquej camats' laŕsimpa limaxcaita cal xamna”.

Cal rey umme'mola' lixanuc' tima'antsola' lan tsocay camijcanó limajnyota liŕya' Belén jouc'a liŕelolŕya' lomana' huejnca. Tima'antsola' jahuay laicamijcanó, ja'ni lixhuitola' oquej camats', o ja'ni aiquixhuaiyila', ma' anuli tima'antsola'. ¹⁷ Toŕta'a enanŕ'ma linespa cal profeta Jeremías, tuya'e':

¹⁸ Jilpe lamats' Ramá ticuequinni anuli laca'no' tijoqui, tija'e'.

Ilquiya Raquel, tijoqui, tixhueŕma li'ipola' linaxque'.

Aimicua milonc'e'enyacu lipixhuejma', linaxque' joupa ima'ampola'.

¹⁹ José mipa'a lamats' Egipto imana'ma Herodes. Ipaiyocona'ma, ixim'ma anuli ŕepaluc LanDios. ²⁰ Lapaluc timi:

—Totsahuenni. Tolecotsola' lamijcano jouc'a qui'máma'. Toŕpailinanca, tonŕente lolamats' Israel. Joupa imanapola' ilne nehuepá tima'anŕe lamijcano.

²¹ José itsahuenni, ileco'mola' lamijcano jouc'a qui'máma'. Ipailinanca, ticuainata hilemats' Israel. ²² Licuaitsa jilpe José icuej'ma: “Arquelao, li'hua Herodes, ticuxe al distrito Judea”. Ixpaiconni. Ticua: “Jilpe al distrito Judea, aimi'iya maŕeyacu”.

Ipaiyocona'ma. LanDios u'i'ma lo'eya. Iye'me, ticuainata al distrito Galilea. ²³ Icuaitsa, iye'me liŕya' Nazaret, jilpe imanenca. Toŕta'a enanŕco'ma linespa lam profeta, ilne uya'apá loyaicoya Jesús. Icuapá: “Ilque tecui'im'me las Nazaret”.

3

¹ Ilniya liŕiné Juan Bautista icuaitsi al distrito Judea, ipajm'ma pe ailopa'a quiŕya'. Jilpe tuya'e', ² tu'ila' lan xanuc':

—Imanc' toŕsuej'menanca, LanDios cal Rey icuaico'ma, timajm'me anuli lixanuc'.

³ Cal profeta Isaías inesco'ma Juan Bautista locuaicoya, tuya'e':

Petsi ailopa'a quiŕya' tuya'e' anuli cal xans, tu'ila' lan xanuc':

“Toŕŕanc'ete lipene laŕpoujna. Toŕ'e'ete aŕijca lane pe loyaicoya.”

⁴ Lipijahua' Juan ipuficoya ipimij camello. Lifi'ecoyoxi ixmi. Litejua' axa'mut'í, acujua c'ec. ⁵ Axpela' lan xanuc' itsehuc'me pe lopa'a Juan. Ilniya lan xanuc' quiyoyomma liŕya' Jerusalén, jouc'a quiyoyomma locuenaye quiŕelolŕya' al distrito Judea, jouc'a

quiyouyomma jilpe lihuojma' al cuecaj pana' Jordán. Icuaitsa pe lopa'a Juan. ⁶Luya'a'me liñjunac', Juan epo'i'mola' al pana' Jordán. ⁷Axpela' lan xanuc' fariseo jouc'a lan saduceo icuaitsa pe lapo'iyaleyopa Juan. Lixim'mola' Juan timila':

—Imanc ti'onłcospolhuo' to lacałpo', a'ijc'a loł'ejma'. ¿Te ja'ni u'impolhuo': “Tolapoliñe. Tołta'a aimoltełcoyacu al cueca' catełcoya locuaicoya”? ⁸Iya' camilhuo': A'i tołta'a molunłulyacu. Ticuicomma tonł'ele al c'a, ma to mi'eyi iñniya nixhvej'menamma.

⁹'Imanc tołcuayi: “Abraham ałtatahuelo. Illanc' ixanuc' ŁanDios. Iñquiya aimalacani'eyaconga'.” Iya' camilhuo': ŁanDios aimehue'eyacola' quixanuc'. Iña'a lapiç' nipa-jnya ti'e'e'mola' quinaxque' Abraham. ¹⁰ŁanDios ti'onłicolhuo' to al 'ec. Joupa ipo'nompa cal hacha huejnca ñime al 'ec. Ja'ni ti'atsi a'ijc'a li'as, tetequinam'me, tixanc'onndata ñunga.

¹¹'Ja'ni joupa ołsuej'menamma lixcay lonł'epa, iya' capo'ico'molhuo', capaxneco'molhuo' aja'. Ticuaihuo ocuenaj cal xans, iñque xonca acueca'. Iya' aimal'onłspa iñque, ni aimi'iya catac'ueya lic'eji'. Iñque tepo'iyaleco'ma cal Espíritu Santo jouc'a ñunga. ¹²Iñque ticuaiyunni ti'onłcospa to cal xans tifus'ma ñitriço. Ti'noł'ma lofuscoya, tequeyof'ma ñitriço, tiłojm'ma lipifuc cal triço. Cal c'a triço ti'huejnata lihua. Lipifuc tipi'enghua petsi ñunga aimipica.

¹³Jesús lipanni al distrito Galilea icuaitsi al pana' Jordán, jilpe copa'a Juan Bautista. Timi:

—Lapo'ila'.

Juan aimicua. Ticua aimi'iya. ¹⁴Timi Jesús:

—Ticuicomma ima' lapo'ila' iya'. ¿Te co'iya caifnepo'icoyaco' ima'?

¹⁵Jesús italai'e'e'ma, timi:

—Itsiya' to'eł'a' laifxahue'epo'. Jahuay al c'a lałcuxe'eponga' ŁanDios lał'eyacu ticuicomma lanant'ñile.

Juan i'e'ma lixahue'e'ma Jesús. Epo'i'ma.

¹⁶Lijoupa lepopa Jesús aikuicoł'ma, ipanni laja'. Małpe 'hora itsałquenni lema'a. Ixim'ma cal Espíritu Santo ti'onłcospa to anuli cal ja'mu', icuaico'ma timumma ti-huoxaf'caita. ¹⁷Tipalay jipu'hua lema'a, łamats' icuequim'me, ticua:

—Ica'a ai'Hua, ca'ay capiç'a juaiconapa. Latenłma lipicuejma' jouc'a li'ejma'.

4

¹Cal Espíritu Santo i'hua'a'ma Jesús, icuai'etsi pe ailopa'a quilya', ailopa'a xanuc'. Jilpiya łonta'a Satanás ehuaitsi. ²Micołi oquej nuxans quitine, oquej nuxans quipuqui', aimitesma, ixnet'l'ma. Lixhuaitsi iñne ñitiné, unle'enni juaiconapa. ³Licuaitsi łonta'a, iñque ñinahuaiyalepa, timi:

—Ima' ja'ni i'Hua ŁanDios tocuxe'etsola' iña'a lapiç'. Tomitsola': “Ti'itsolhuo' ca'i”.

⁴Jesús italai'e'e'ma, timi:

—Al Paxi Linilingiya ticua: “Łoteja cal xans aimites'miya lipitine. Ticuicomma jouc'a Litaiqui' ŁanDios, jahuay lonespa iñque.”

⁵Łonta'a ileco'ma al Paxi Quilya' Jerusalén. Icuai'etsi pe lopa'a al cuecaj xoute', xonca al toncay. Jilpe ecaxu'ma. ⁶Timi:

—Ima' ja'ni i'Hua ŁanDios, taiyuł'a' al 'ocay. Al Paxi Linilingiya ticua: ŁanDios tumme'mola' lepaluc' titoc'i'mo'.

Tipulnuf'mo' liłmane, tołta'a lapiç' cane ailopa'a co'eyaco'.

Aimixcai'eyaco'.

⁷Jesús timi:

—Al Paxi Linilingiya jouc'a ticua: “Aimahuai'ma ŁanDios iñque omenDios”.

⁸Łonta'a ehuaiconama. I'hua'a'ma al toncay anuli ñijuala xonca i'nof'quiya. Imuc'i'ma jahuay lan nación jouc'a lił'huexi. ⁹Timi Jesús:

—Laxc'onłngaila'. Iya' capiç'ina'mo' comane. Tocuxena'ma jahuay iñiya.

¹⁰ Jesús timi:

—Ima' monta'a to'huanla'. Alpo'no'la' caituca'. Al Paxi Linilingiya ticua: “Taxc'on'lingaila' LanDios ilque omenDios. Ma le'a ilque tomi'ma: Ima' unCueca'.”

¹¹ Lonta'a i'hua'na'ma. Ipanenni quituca' Jesús. Icuaiyunca lapaluc' quema'a. Itoc'i'me, ites'mi'me.

¹² Licuej'ma Jesús: “Juan Bautista itats'iyá”, itsecona'ma Galilea. ¹³ Ux'maspa lipi'ya' Nazaret, i'hua'ma ipajntsi jilpe li'ya' cuftine Capernaum. Ihe li'ya' copa'a lema al cuecaj quin'nuhua', jilpe hilemats' Zabulón y Neftalí. ¹⁴ To'la'a enan'pa linespa cal profeta Isaías. ¹⁵ Ilque inescopa lo'iyá jilpiya “... hilemats' Zabulón y Neftalí, lane lotsepa lema caja, lamats' locuena quiju' al pana' Jordán, Galilea pe lomana' lan xanuc', ilne pe aimimetsaicoyi LanDios”. ¹⁶ Jouc'a ticua:

Lan xanuc' nomana' jilpiya tocomma tiyelocoyi al muf, ilne ixim'me al cueca' quepalc'o'. Jilpe lamats' ti'hua lamaya, tunxamu'ela', tixpaic'ela'.

Itsiya ilic'enapa, epalc'onapola'.

¹⁷ Licuaitsi jilpiya al distrito Galilea, Jesús ipango'ma uya'a'ma Lataiqui' loya'apa ilne al c'a lixp'ic'epa LanDios. Timila' lan xanuc':

—¡Totsuej'menanca! Itsiya icuai'ma cal Cuecaj Rey Nopa'a lema'a. Ticuxela' lixanuc'.

¹⁸ Anuli litine Jesús ti'hua lema al cuecaj quin'nuhua' Galilea. Ixim'mola' loquexi' lapimaye, Simón y Andrés. Ilque Simón tecui'impá Pedro. Ilne in'no'pá catuye. Tecajm'miyi li'xami lin'nuhua'. ¹⁹ Jesús timila':

—¡Lihuejla! Itsiya to'no'lyi catuye. Iya' capi'i'molhuo' ocuena co'penic'. Tolahuetola' lan xanuc', ilniya lihuejla'.

²⁰ Pedro y Andrés aiqico'la'mola'. Ipo'no'me li'xami, ihuej'me Jesús.

²¹ Jesús uyai'ma nihuata, ixim'mola' ocuenaye oquexi' lapimaye, ilniya inaxque' Zebedeo. Lilpuftine Jacobo y Juan. Ilniya qui'aili' Zebedeo ticusco'olanna al barco. Tenaj'mot'lyi li'xami ti'no'cota latuye. Jesús ijoc'i'mola', timila':

—¡Lihuejla!'

²² Ai'qico'la'mola'. Ipo'no'me al barco jouc'a qui'aili'. Ihuej'me Jesús.

²³ Jesús ti'hua'f'cay jahuay al distrito Galilea. Ti'hua timuc'iyale jilpiya lajut'li pe lafo'lyomma. Tuya'e te ts'i'ic' lixp'ic'epa LanDios, ilne lataiqui' loya'apa al c'a. Tixa'la'mela' lan xanuc' jahuay li'pumla, jahuay li'cuana. Ihe litaiqui' loya'apa ticua: “Icuai'ma LanDios cal Rey. Timajm'me anuli lixanuc'.” ²⁴ Jahuay lamats' Siria lan xanuc' icuej'me lo'epa Jesús. Icuai'enca jahuay lilefcuallay, jouc'a noxingufcopá li'pumla, jouc'a litsufilai'ila' contahue, jouc'a lan mac'ojay, jouc'a luhua'queya. Jesús ixal'mena'mola'.

²⁵ Ihuej'me axpela' lan xanuc' lun Galilea, jouc'a lan xanuc' li'p'ilelo'ya' cuftine lan Decápolis, jouc'a lun Jerusalén, jouc'a lan xanuc' nomana' ni petsi al distrito Judea, jouc'a nomana' locuena quiju' el cuecaj pana' Jordán.

5

¹ Jesús ixim'mola' axpela' lan xanuc' tihuejyi, if'aj'ma lijuala. Jilpiya icutshuai'ma. Illoc'olai'me ts'ilihuequi. ² Ipango'ma imuc'i'mola', timila':

³ —Lan xanuc' ts'isina' tehue'ela' juaiconapa, ilne linca tuyalaicoyi al c'a. Ma'niya timajm'me anuli LanDios li'Rey.

⁴ 'Lan xanuc' nohuotsopá, ilne linca tuyalaicoyi al c'a. Ma'niya ti'lonc'e'em'mola' li'p'ixhujma'.

⁵ 'Lan xanuc' pe aimi'e'eyo'ltsi tsila', ilne linca tuyalaicoyi al c'a. Ma'niya ixanuc' LanDios, ilque tepi'i'mola' qui'kmane ticuxe'me fa'a li'a lamats'.

⁶ 'Lan xanuc' nojanajpá latent'cocopa LanDios, nocuapá: “LanDios al'e'etsonga' li'jca la'p'icuejma'”, ilne linca tuyalaicoyi al c'a. Ma'niya ti'e'em'mola' li'jca li'p'icuejma'.

⁷ 'Lan xanuc' noximpá cuanuc' liŕpimaye, iŕne ŕinca tuyalaicoyi al c'a. Maŕniya tix-inim'mola' acuanuc'la.

⁸ 'Lan xanuc' ts'anuli liŕpicuejma', iŕne ŕinca tuyalaicoyi al c'a. Maŕniya tixim'me LanDios.

⁹ 'Lan xanuc' nocuapá: “Catoc'i'ma ŕaipima. Tuyaiŕa' al c'a iŕque”, iŕne ŕinca tuyalaicoyi al c'a. Maŕniya timetsaicom'mola' inaxque' LanDios.

¹⁰ 'Lan xanuc' notelcopá mihuejyi al ŕijca cane, iŕne ŕinca tuyalaicoyi al c'a. Maŕniya timajm'me anuli LanDios hiŕRey.

¹¹ 'Imanc' ts'alihuequi, ja'ni lan xanuc' titaletsolhuo', ja'ni timilojtsolhuo' cataiqui', ja'ni titeŕmitsolhuo', ja'ni tinesc'etsolhuo' ma mifel'miyaleyi, imanc' ŕinca tuluyalaicoyi al c'a. ¹² Toŕta'a imanc' ti'onŕcotoŕhuo' to lam profeta. Luyaipa quitine ma toŕiya liteŕcopa iŕniya. ¡Toliyuc'tseŕe tixojla' cunlata! Jipu'hua lema'a tipa'a al cueca' lapi'inyacolhuo'.

¹³ 'Imanc' ma moŕmana' li'a ŕamats' ti'onŕcospolhuo' to ŕo'hue. ¡Toŕe tipajnla' Aimi'i'molhuo' to ŕo'hue ŕuyaipa lic'a. Iŕque ŕo'hue aimi'iya milajn-naya. Lan xanuc' tejuajaispá ŕuna, ti'huailequinna.

¹⁴ 'Moŕmana' fa'a li'a ŕamats' imanc' ti'onŕcospolhuo' to lepalc'o', ti'onŕcospolhuo' to liŕya' lilajmpa al toncay ŕijuala, aikuemiya. ¹⁵ Munai'im'me lepalc'o' aimic'ommuquinni anuli c'ec. Tipo'nonni pe lopiyo. Toŕta'a tepalc'o'ila' jahuay nomana' lajut'ŕ. ¹⁶ Ma toŕta'a ti'ila' loŕ'ejma' imanc'. Tolapalc'o'itsola' loŕ'as xanuc'. Tonŕ'e'etsola' al c'a. Toŕta'a ticua'me: “Acueca' conŕ'Ailli' Nopa'a lema'a. Ac'a iŕque.”

¹⁷ ¿Te aga toŕnesyi: “Jesús icuaicoco'ma fa'a li'a ŕamats' teteŕŕa' locuxepa LanDios, iŕe lataiqui' linilijmpa Moisés, jouc'a linilijmpa lam profeta”? A'i. Aicuaicoco'ma canant'ŕiŕa' locuxepa LanDios, aicatelya. ¹⁸ Iya' camilhuo' al ŕinca: Ma mipa'a lema'a li'a ŕamats', aimehue'eya ni anuli ŕainila' xonca ŕaca'hua, ni toŕta'a anuli ŕacumi. Iŕe litaiqui' LanDios jahuay tipanehuo. Ma' mi'hua menanŕi lixpicepa LanDios, jouc'a ti'hua tipanehuo litaiqui'. ¹⁹ Anuli cal xans ja'ni aimihuejma iŕiya litaiqui' LanDios locuxepa, tama lataiqui' xonca aca'hua, ja'ni timuc'itsola' toŕta'a lif'as xanuc', iŕque cal xans tixinin'me xonca aca'hua pe lomana' lan xanuc' naihuejcopá cal Rey Nopa'a lema'a. Locuena cal xans naihuejcopa LanDios, timuc'itsola' lan xanuc' tihuejcoŕe, iŕque tixinin'me acuecaj xans pe lomana' lan xanuc' naihuejcopá LanDios cal Rey Nopa'a lema'a.

²⁰ 'Iya' camilhuo': Aimoŕ'onŕico'moŕtsi to lam fariseo ni lomxiye nomuc'iyalepá locuxepa LanDios. Tonŕ'eŕe xonca al c'a. Ti'ila' xonca al ŕijca loŕ'ejma'. Ja'ni a'i, aimoŕtsuflaiyacu pe lomana' naihuejcopá LanDios, iŕque cal Rey Nopa'a lema'a.

²¹ 'Imanc' oŕsina' lataiqui' lu'impola' lan xanuc' iŕniya nimajmpá luyaipa quitine. U'impola': “Aimoŕma'ahuale'me. Naitsi noma'ahualepa titai'ma lijunac'. Tecani'em'me.”

²² Iya' camilhuo': Cal xans ja'ni ti'hua tixtuc'o ŕipima, titai'ma lijunac'. Cal xans ja'ni timilojla' cataiqui' ŕipima, tilecom'me pe lafoŕyomma lan xanuc' noxpijpá lataiqui'. Cal xans ja'ni tetets'ila' ŕipima, timiŕa': “Ima' uncue camac'ta”, iŕque titeŕcota ŕunga pe lopa'a al muf.

²³ 'Tocuaitsi pe lotsufcoyompa LanDios, ma mopa'a jilŕiya pe loŕtsufcoyoya, ja'ni to'nujuaitsi ŕopima tixtuc'ohuo', ²⁴ topo'noŕa' jilŕiya loŕtsufcoya, to'huala' toxintsi ŕopima. Topac'etsi lipoyac' ŕopima, toŕmajnle al c'a, toŕpac'enatsoŕtsi. Tijouŕa' topainanni, tocuainata pe loŕtsufcoyoya, totsufcoŕa' LanDios.

²⁵ 'Iŕque naixtuc'opo' ja'ni ti'hua'atso' cal juez, aimicoŕ'mo', topac'eŕa'. Topalaic'oŕa' ma monŕeyi lane. Ja'ni a'i, iŕque ticuŕto' cal juez, cal juez ticuto', lapaluc' titats'e'mo'. ²⁶ Iya' camihuo' al ŕinca: Ma mi'hua cotaiyinge, tama tutani le'a, jilŕiya topajnta, aimaipaya.

²⁷ 'Imanc' oŕsina' lu'impola' lan xanuc' nimajmpá luyaipa quitine. U'impola': “Aimox-huico'ma ŕipeno loŕ'as xans”. ²⁸ Iya' camilhuo': Cal xans mehuelonge anuli ŕaca'no', ja'ni ticua lipicuejma': “Caxhuicoŕa'”, iŕque cal xans joupá itaipa lajunac'. Tocomma to joupá ixhuicopa.

²⁹ 'Camihuo': Ja'ni ìle lofmehuelojmpa timenac'ihuo', topulcufla' lo'u, taca'nìla' aculi', tama ìhiya lo'u al c'a camane. Tofta'a ma le'a anuli lo'u tejac'ma aimimef'minyaco' lunga. ³⁰ Ja'ni lomane timenac'ihuo', tama ìhiya al c'a comane, tatejla', taca'nìla' aculi'. Tofta'a ma le'a anuli lomane tejac'ma, aimimef'minyaco' lunga.

³¹ 'Luyaipa quitine uya'ampá: “Cal xans nixpic'epa tux'masla' lipeno, tepi'ìla' lije'e, tijoula' tux'masnala'”. ³² Iya' camilhuo': A'i. Cal xans aimi'iyá mux'masya lipeno. Ja'ni ìaca'no' joupa ihuejpa ocuenaj xans, ìipe'ailli' nipajnya tux'masla'. Ja'ni a'i aimi'iyá. Ìtque ìaca'no' joupa ìux'masquimpa ja'ni tihuejla' ocuenaj xans, titai'ma lajunac'. Naitsi nolecoya ìaca'no' jouc'a titai'ma lajunac'.

³³ 'Jouc'a ołsina' lu'impola' lan xanuc' nimajmpá fa'a luyaipa quitine, ticuayi: “Ja'ni o'epa jurar, aimopai'i'ma jìhiya lotaiqui'. Lotaiqui' jouspa o'epa jurar ÌanDios, tanant'hi'ma. Ja'ni aimanant'hi, totai'ma lajunac'.” ³⁴ Iya' camilhuo': Aimo'e'ma jurar. Aimocua'ma: “Por lema'a”. Jìpiya ticutsu ÌanDios cal Cuecaj Juez. ³⁵ Aimocua'ma: “Por li'a ìamats”. Li'a ìamats' tocomma to lipitas ÌanDios lacaxaf'i'ipa li'mitsi'. Aimocua'ma: “Por al cuecaj quilya' Jerusalén”. Jìpiya ipilya' ÌanDios cal Rey. ³⁶ Jouc'a aimocua'ma: “Por ìajjuac”. Ima' cotuca' aimi'iyá mocuxe'eya ìajuac. Anuli lajuac lumi aimi'iyá mo'eya fujca. Jouc'a lajuac al fujca aimi'iyá mo'eya umi. ³⁷ Aimo'e'ma jurar. Ma le'a tocua'ma: “Tofta'a ca'e'ma”, o “A'i, aica'eya”. Aimołof'i'ma cataiqui'. Ja'ni tołof'i cataiqui' a'i ÌanDios micuxe'ehuo' ìhiya lofnespa. Ma le'a ìonta'a ticuxe'ehuo'.

³⁸ 'Ołsina' luya'ampá luyaipa quitine, ticuayi: “Anuli cal xans ja'ni jouspa ipa'empá anuli li'u, ìtque mipai'iconghua, tipa'econa'ma ma le'a anuli li'u. Ja'ni anuli cal xans tipa'em'me anuli li'ay, ìtque mipai'iconghua, tipa'econa'ma ma le'a anuli li'ay.” ³⁹ Iya' camilhuo': Ja'ni a'ijc'a lo'epo', aimocuanaj'moxi. Ja'ni tuntafhuo' lopeque al c'a camane, tocufila' lopeque loxa camane tuntafcontso'. ⁴⁰ Ja'ni ticuxecotso', texic'e'mo' lotsamalo, tommi'ila' lotsamalo jouc'a tommi'ila' lopusquiya. ⁴¹ Ja'ni ts'ipenic' ticuxe'etso' timitso': “Lacanumf'eta cane oquej kilometro. Altoc'ila' ìainitay”, ima' tacanumf'eta amalpu kilometro. ⁴² Naitsi noxahue'epo', tapi'ila'. Ja'ni tixahue'etso', timitso': “Lapi'ila', tijoula' cacuai'enaco'”, aimocuanaj'ma.

⁴³ 'Imanc' ołsina' luya'ampá luyaipa quitine, ticuayi: “To'e'ma capic'a ìopima. Aimo'e'ma capic'a naixtuc'opo'. Ìtque to'e'ma laic'.” ⁴⁴ Iya' camilhuo': Tonf'e'mola' capic'a naixtuc'opolhuo'. Tołsahue'ete ÌanDios titoc'itsola' ìhiya notef'mipolhuo'. ⁴⁵ Ja'ni tole lof'ejma' aìnca ti'i'molhuo' inaxque' ÌanDios, ìtque col'Ailli' Nopa'a lema'a. Ìtque ticuxe'e hi'ora tepalc'o'itsola' jahuay lan xanuc'. Ja'ni lan c'a xanuc', ja'ni lixcay xanuc' tepalc'o'ila'. Jouc'a ticuxe'e ticuila' ni petsi lomana' lan xanuc', petsi no'epá al c'a, jouc'a petsi no'epá lixcay, ma' anuli ticui'e. ⁴⁶ Ja'ni toł'etsola' capic'a ma le'a ìhne no'epolhuo' capic'a, ¿te cululijpa? Ma tofta'a mi'eyi lin'najts'i'iyale. ⁴⁷ Ja'ni ma le'a tołnonnila' lołpimaye, ¿te ma tonf'eyi xonca al c'a? A'i. Lan xanuc' pe aimimetsaicoyi ÌanDios tole mi'eyi. ⁴⁸ Col'Ailli' Nopa'a lema'a ti'ay pangay al c'a. Imanc' jouc'a tonf'ete pangay al c'a.

6

¹ Ja'ni imanc' tołapi'i'mola' lan xanuc' quìtomí, aimołcua'me: “Ałsintsonga' lan xanuc'. Limetsaico'monga' ninc'ic'a xanuc'.” Ja'ni tole tołcuayi ailopa'a capi'iyacolhuo' col'Ailli' Nopa'a lema'a. ² Monłapi'ila' quìtomí lan xanuc' pe aiquil'hueca, aimoł'e'me to mi'eyi lan xanuc' ìhne no'e'epołtsi to jouspa ixanghuaitola' liłpicuejma'. Ìhne micu'me al tomí tifus'miyi liłtrompeta, ticuayi: “¡Ałsintla'! Iya' capi'i'ma quìtomí ìlca'a cal xans, ìtque aiquil'hueca.” Tofta'a mi'eyi mimana' ìajut'hi pe lafołyomma lan xanuc' o miyeyi lex-pats'qui cane, tofta'a mi'eyi. Ìhiya ticuayi: “Alimetsaicontsonga' xonca ac'a lałpicuejma', laf'ejma'”. Iya' camilhuo': Ne', jtole timetsaicontsola'! Ailopa'a capi'iyacola' ÌanDios. ³ Ima' tofta'a aimo'e'ma. Ja'ni tapi'itsola' quìtomí lan xanuc' pe aiquil'hueca, to'ela' ch'ixca. Aimoya'a'ma lof'eya. Ni ima' cotuca' aimo'nujuais'ma locupa. Ni loxa camane

mixim'ma lo'epa al c'a camane. ⁴ Toŧta'a aimixininyaco' motoc'ila' iŧne lan cuanuc'la. Co'Ailli' Nopa'a lema'a iŧque linca tehuelojnhuo' iŧe lof'epa jiŧpe petsi aimehuelojnhuo' lan xanuc'. Iŧque tepi'i'mo' lofmulijya.

⁵ 'Ma' moŧpalaic'oyi LanDios, aimoŧ'e'e'moŧsi to iŧniya lan xanuc' no'e'epoŧsi to joupa ixanghuitola' liŧpicuejma'. Iŧniya mipalaic'oyi LanDios tecaxoŧanna jiŧpiya ŧajut'ŧi pe lafolyomma lan xanuc'. Jouc'a tipalaic'oyi LanDios mecaxingoŧaiyi pe ŧatenuficopa ŧaney. Ma toŧta'a iŧpic'a. Ticuayi: "iŧsintsonga' lan xanuc' maŧpalaic'oyi LanDios!" Iya' camilhuo': Ne'. Joupa ixinimpola'. Joupa tipa'a lolijyacu. Ailopa'a xonca. ⁶ Ima' aimo'e'ma to iŧniya. Ja'ni topalaic'o'ma LanDios totsufai'ma lomejut'ŧ, tati'i'ma lopuserta. Jiŧpiya cotuca' topalaic'o'ma co'Ailli', iŧque Nopa'a petsi lan xanuc' aimi'iya mixinyacu. Iŧque co'Ailli' linca tehuelojnhuo' lof'epa, iŧe to'ay petsi aimehuelojnhuo' lan xanuc'. Ma' iŧque tepi'i'mo' lofmulijya.

⁷ 'Imanc' moŧpalaic'oyi LanDios aimoŧ'e'me to mi'eyi lan xanuc' pe aimimetsaicoyi LanDios. Iŧne mixahue'eyi lilendiosla' timiyi axpe' cataiqui'. Aiquiŧsina' te locuapa. Ticuayi: "Aŧmitsola' axpe' cataiqui', toŧta'a lalandiosla' aŧquimf'e'monga'". ⁸ Imanc' aimoŧ'onŧico'moŧsi to liŧ'ejma' iŧnu'hua. Coŧ'Ailli' ixina' iŧe lahue'epolhuo' ai'a toŧsahue'e'me. ⁹ Moŧpalaic'oyi LanDios toŧmile:

Ima' aŧ'Ailli' cofpa'a lema'a,
timetsaicontso' apaxi lopuftine.

¹⁰ Ticuaitsi litine petsi jahuay lan xanuc' timetsaicotso' ima' iŧRey.

Pu'hua lema'a jahuay tihuejcohuo', toŧta'a tihuejcotso' fa'a li'a ŧamats'.

¹¹ Laŧtepa itine itine, lapi'itsonga' itsiya.

¹² Illanc' joupa limenc'e'ecopola' iŧne ts'aŧtaiyinc'enga'.

Ima' jouc'a limenc'e'ecotsonga' iŧe laŧtaiyinc'ehuo'.

¹³ Aimaŧeco'monga' petsi lalahuaiyonyacong'a'.

Ja'ni tiŧoc'huai'ma pe laŧmana' lixcay xans, jima' lunŧu'etsonga'!

¹⁴ 'Imanc', ja'ni tolimenc'e'ecotsola' loŧ'as xanuc' iŧe lo'epolhuo', jouc'a coŧ'Ailli' Nopa'a lema'a timenc'e'eco'molhuo' iŧe lixcay lonŧ'epa. ¹⁵ Ja'ni imanc' aimolimenc'e'ecola' loŧ'as xanuc' lo'epolhuo', coŧ'Ailli' Nopa'a lema'a jouc'a aimimenc'e'ecoyacolhuo' lixcay lonŧ'epa.

¹⁶ 'Imanc' moŧsnet'ŧyi aimoŧtetsoyi, aimonŧ'e'me to lan xanuc' iŧne no'e'epoŧsi to joupa ixanghuitola' liŧpicuejma'. Iŧne mixnet'ŧyi aimitetsoyi, ti'e'eyoŧsi to nohuotsopá. Tupaxc'eyoŧsi liŧ'a, tixinintsola' lan xanuc' tixnet'ŧyi iŧniya. Iya' camilhuo': Ne'. Joupa ixinimpola' toŧiya. Joupa tipa'a lolijyacu. Ailopa'a xonca. ¹⁷ Ima' moxnet'ŧqui, to'huaŧcufla' al c'a lojuac, to'ot'ŧiŧa' laceite, tapajla' lo'a. ¹⁸ Toŧta'a tixinim'mo' to aimoxnet'ŧqui, tocomma ma totesma. Ma le'a co'Ailli' tixina, iŧque Nopa'a pe lan xanuc' aimi'iya mixinyacu. Iŧque linca tehuelojnhuo' lof'epa jiŧpe petsi aimixinghuo' lan xanuc'. Ma' iŧque' tepi'i'mo' lofmulijya.

¹⁹ 'Imanc' aimolafot'ŧe'me coŧ'huexi fa'a li'a ŧamats'. Jifa'a iŧe loŧ'huexi tijouna'ma. Lan huoxmi tite'me o tunxilai'ma, o lan namats' titsuflai'me lomejut'ŧ, tinantsej'mo'. ²⁰ Ma moŧmana' fa'a li'a ŧamats' xonca tonŧ'ete ti'ŧa' loŧ'huexi jipu'hua lema'a. Jiŧpe aimiteji lan huoxmi, ailopa'a. Aimunxilaiya. Ni lan namats' aimitsuflaiyacu lomejut'ŧ minantsejyaco'. Jiŧpiya ailopa'a. ²¹ Pe lopa'a loŧ'huexi maŧpiya copa'a loŧpioxjma cata.

²² 'Lo'u tepalc'o'ihuo'. Ja'ni ac'a lo'u toxim'ma pe lof'huaya, toxim'ma iŧe lof'epa. ²³ Ja'ni a'ijc'a lo'u topanehuo al muf. Ma' anuli ja'ni to'ehuale laic', joupa i'ipa a'ijc'a lopicuejma', aimepalc'o'ihuo'. Ja'ni joupa imufc'opa lopicuejma', jacueca' juaiconapa iŧe al muf!

²⁴ 'Cal xans ticuicomma ma le'a anuli hipoujna. Ja'ni oquexi' tixtuc'o'ma anuli, ŧocuena ti'e'ma capic'a. O tixinc'ne'ma anuli, tetets'i'ma ŧocuena. Imanc' jouc'a ticuicomma ma le'a anuli loŧPoujna, iŧque LanDios. Aimi'iya molihuejcoyacu al tomí jouc'a.

25 'Iya' camilhuo': Aimotſuetmot'le'me lonluyalaicoyacu lapajnya fa'a li'a lamats', ja'ni ti'i'ma o aimi'ia. Aimotſcua'me: “¿Te caſtejacu? ¿Te caſnayacu? ¿Te caſju'ecoyacoſti?” Loſcuerpo linca xonca acueca' lipitali, loſju'ecoyacoſti aijtine. Jouc'a loſ'alma xonca acueca' lipitali, loſtejacu aijtine. 26 Toſſinte lacaſ'hui naiyulpá lema'a. Iñiya aimifayi, aimefot'leyi, ailopa'a quiſ'huecoſma mi'huejyacu loſtejacu. Coſ'Ailli' Nopa'a lema'a tites'mila'. Iñque, ¿ja'ni aimi'nujuaitsilhuo' imanc'? Linca, xonca ti'nujuaitsilhuo', tixinnilhuo' xonca acueca' loſpitali. 27 Imanc' tama toſſuet'mecoyi juaiconapa, ¿te aga ti'i'ma tonſ'e'e'moſſi xonca unc'itoſqui? A'i. Aimi'ia ni huata.

28 '¿Te coſſuetſcocopa? Toſcuayi: “¿Te quijahua' caſpo'noyacu?” Toſſinte laiſquitamqui loſojpa cal 'ec'. Tipa'a laiſquipipa'. Iñe laiſquitamqui aimucuiyi, aimi'eyi canic'. 29 Ma LanDios tiju'ecojma laiſquipipa'. Iya' camilhuo': Cal cuecaj rey Salomón, lipo'nopa al c'a lipijahua', tama i'huáqui juaiconapa acueca' quincuxepa, iſquiya aiſqui'onſi to laiſquipipa' laiſquitamqui. 30 LanDios tiju'e'ela' juaiconapa ac'a laiſquitamqui cal 'ec'. Iñe laiſquitamqui aimicoſila'. Anuli litine titoquila' ac'a, locuena quitine tiyaxquemma, tipi'enni lapa. Imanc', ¿te LanDios aimiju'eyacolhuo'? Ah imanc', huata toſ'huaiyijnyi LanDios.

31 'Aimotſuetſco'me. Aimotſnes'me: “¿Petsi caſſi'neyacu caſtejacu, caſnayacu? ¿Petsi caſſi'neyacu caſpijahua'?” 32 Lan xanuc' pe aimimetsaicoyi LanDios tuyalaicoyi lapajnya tehueyi iñna'a. Coſ'Ailli' Nopa'a lema'a ixina' te ts'i'ic' lahue'epolhuo'. Iñque tepi'i'molhuo'. 33 Toſpo'noſe loſpicuejma' tolihuejcole LanDios cal Cuecaj Rey, tonſ'e'e al c'a ma to locuxe'epolhuo'. Tijouſa' tepi'i'molhuo' jahuay. Aimehue'eyacolhuo', ni toſta'a.

34 'Aimotſuetſmot'le'me. Aimotſcua'me: “¿Te caluyalaicoyacu mouqui?” Mouqui toſſim'me lo'iyacolhuo'. Ma' itsiya tipa'a loſteſcopa. Ja'ni toſſuetſcoyi lo'ia mouqui xonca ipime toſſim'me itsiya.

7

1 'Imanc' aimotſnesc'e'mola' loſ'as xanuc', toſta'a aimineſc'econayacolhuo'. 2 Ma to imanc' toſpalaicola' loſ'as xanuc' ma toſta'a tipalaicom'molhuo'. Ma to moſſpiſ'caleyi, ma toſta'a tixpiſ'quim'molhuo'. 3 Ima', ¿te cofmehuelojncopa loſpima mipa'a anuli laiſquifuc li'u? Ima' aicoxina' to jipu'hua anuli laxma tipa'a lo'u. 4 Mipa'a laxma jilpe lo'u, ¿te cofmicoya loſpima: “Lapi'ila' lane quipa'e'e'mo' laiſquifuc loſpa'a lo'u”? 5 Ma le'a to'e'eyoxi xonca unc'a. Ate'a' taipa'aſa' laxma loſpa'a lo'u. Tijouſa' ja'ni joupa mipa'apa, ti'i'ma toxim'ma laiſquifuc loſpa'a li'u loſpima, taipa'e'ena'ma.

6 'Aimolapi'i'mola' lan toſſiqui li'huexi LanDios. Lajune' lilanc'ecompa aperla, iñiya acueca' lipitali, aimolacani'i'mola' lijná. Iñiya ti'huailej'me lam perla, tijouſa' tits'aletſuſtolhuo' imanc'.

7 'Ti'hua toſſa'hueſe, tijouſa' tepi'im'molhuo'. Ti'hua tolahueſe, tijouſa' toſſim'me. Ti'hua toluſf'asle al puerta, tijouſa' texi'em'molhuo'. 8 Lan xanuc' noxa'huepá, tepi'im'me. Jouc'a nahuepá, tixim'me. Jouc'a nomf'axpá, texi'em'me.

9 'Imanc' unc'ixanuc', ja'ni tixahue'etsolhuo' la'i loſnaxque', ¿te toſlapi'i'mola' laſpic? 10 Ja'ni tixahue'etsolhuo' latu, ¿te toſlapi'i'mola' lainofaſ? Linca ailopa'a no'eya toſta'a. 11 Imanc', tama tipa'a loſjunac', tipa'a loſpicuejma', tonlapi'i'mola' al c'a loſnaxque'. Conſ'Ailli' Nopa'a lema'a, xonca acueca' iñque lipicuejma'. Toſta'a tepi'i'molhuo' al c'a ja'ni toſſahue'eſe.

12 'Ja'ni aimetenſcocolhuo' lo'e'epolhuo' loſ'as xanuc', aimot'e'me jouc'a imanc' toſiya. Ma toſta'a loya'apa locuxepa LanDios, jouc'a lomuc'iyalepa lam profeta.

13 'Toſſulfoſaitſa iñe al tanſca al puerta. Tipa'a ocuena al puerta, jiliya expats'qui, jilpiya copa'a loſſuſaicoſa lexpats'qui cane. Jile lane loſſepa pe lajac'eyacola'. Iñe al puerta lexpats'qui axpela' noximpá. 14 Ma le'a oquexi' afanſſi noximpá locuena al puerta, iñiya atanſca, loſſuſaicoſa al tanſca cane. Jile lane loſſepa pe loſlijyacu al ts'e liſpitine aimijouya.

15 '¡To!e'etsotsti cuenna! Ticuaicu pe lo!mana' lam profeta nofelaiquepá. I!niya ti'on!cospola' to lam mot'! . Tocomma ailopa'a co'epa i!niya. A'ij !inca. Ituca' li!ejma'. I!niya oyac'la to lan lobo, i!ne linneja notepá lam mot'! . 16 I!ne li!ejma' timuc'i'molhuo' te ts'i'ic' li!picuejma'. Al 'ec hi'as timuc'i'molhuo' jale c'ec i!ta'a. ¿Te litac cantsinni ti'as'ma a'uva? ¿Te litac al xumi ti'as'ma a'higo? A'i, aimi'iya. 17 Jahuay al c'a c'ec mi'atsi, ac'a hi'as. Lixcay c'ec mi'atsi, ixcay hi'as. 18 Al c'a c'ec aimi'iya mi'asya lixcay qui'as. Lixcay c'ec aimi'iya mi'asya cal c'a qui'as. 19 Al 'ec, ja'ni a'ijc'a hi'as, tetequim'me, tixanc'onna !unga, tipi'enna. 20 Iya' camilhuo': Tolahuelojntsola' i!ne lam profeta te ts'i'ic' li!ejma'. To!ta'a tolimetsaicona'mola' infel'miyale.

21 'Lan xanuc' tama a!mi!a': "¡MaiPoujna, maiPoujna!", a'i jahuay i!niya mitsuflaiyacu pe locuxeyopa !anDios, i!que Nopa'a lema'a. Pe naihuejcopá lixp'ic'epa cai'Ailli' Nopa'a lema'a, i!ne !inca titsuflaita. Locuenaye aimitsuflaiyacu. 22 Ticuaitsi i!e al Cuecaj Quitine axpela' a!mi'ma: "¡Ma!Poujna, ma!Poujna! Illanc' oxanuc', to!ta'a aluya'apá lonespa !anDios, jouc'a lipa'apola' lontahue, jouc'a a!epá axpe' acueca'." 23 Iya' catalai'e'e'mola', cami'mola': "Iya' aicainimetsaicolhuo'. ¡Ton!ete! ¡Ton!olijnle! Imanc' aimon!eyi locuxepa !anDios."

24 'Cal xans !a!quimf'epa laitaiqui' jouc'a lihuejma, i!que ipicuejma' cal xans. Ca'on!ico'ma to cal xans nolanc'epa lejut'! . Ipucufpa qui'huajcopa !apic, jilpiya itsahue'emma lejut'! . 25 Lijoupa lilanc'epa lejut'! icui'ma juaiconapa. Ixpe'ma laja' cal panay, ipac'o'ma. I'hua'ma !ahua'. I'hua'ma ujfxi, unajm'ma lajut'! . I!e lajut'! aits'ifentsi, ai!quecangenni. Joupa ilajmpa pe litsahueyomma apic. Ailopa'a qui'ipa.

26 'Cal xans !a!quimf'epa laitaiqui', ja'ni aimalihuejma, i!que a'i quipicuejma' cal xans. Ca'on!ico'ma to cal xans nilanc'epa lejut'! litsahueyomma acuixa. 27 Icu'i'ma juaiconapa. Ixpe'ma laja' cal panay, ipac'o'ma. I'hua'ma ujfxi !ahua', unajm'ma lajut'! . Ete!quemma. Ecanipa nulemma.

28 Lijou'ne'ma Jesús i!na'a litaiquí lan xanuc' ticuayi:

—!inca acueca' i!e litaiqui' !a!muc'iponga'. 29 Lomxiye nomuc'iyalepá locuxepa !anDios a'i mimuc'iyaleyi to lomuc'iyalepa Jesús. I!que !inca joupa epi'impa limane timuc'iyaleysi, i!niya a'i.

8

1 Limunanni !ijuala Jesús ihuej'me axpela' lan xanuc'. 2 Icuaiyunni anuli cal xans iteca cahui. I!e al cuana cuftine lepra. Exc'on!ingai'ma Jesús, timi:

—Maipoujna, ima' nipajnya latufc'enta', caxinxoxi a!in!a' limpio. ¿Ja'ni to'e'ma?

3 Jesús i'nij'ma limane, i!af'ma !afcuana, timi:

—Ca'e'ma. Ti'intso' limpio.

Aiquico!ma, i!ojn-na'ma lehui. I'ina'ma limpio. 4 Jesús timi:

—Aimoya'a'ma i!e lai'e'epo'. ¡To'huan!a! Jilpe al cuecaj xoute' tomujtoxi !a'ailli'. Totsufcota ma to licuxepa Moisés. To!ta'a a!sim'monga' illanc' lihuejcoyi i!e laitaiqui'.

5 Jesús itsufai'ma liya' Capernaum, icuaiyunni anuli nocuxepola' amaxnu lisoldado. Tixa'hue Jesús titoc'ila'. 6 Timi:

—Maipoujna, !aimozo textafque, tunouya lainejut'! . Joupa uhuaquemma. Tixina acueca' cumla.

7 Jesús timi:

—Ai'huapa, caxa!menna.

8 I!que nocuxepola' lisoldado timi:

—Maipoujna, aimo'e'ma to!ta'a. A'i caxa'huehuo' mo'huaya motsufaiya lainejut'! . Iya' caxinyoxi juaiconapa na'hua xans. Ma le'a tocu!a!a': "Tixa!cona!a' !omozo", tijou!a' ma tixa!cona'ma. To!ta'a aixina'. 9 Iya' jouc'a quihuejma !a!cuxepa, cacuxela' laisoldado.

Cami'ma anuli: “To'huala”, itque ti'hua'ma. Locuena cami'ma: “To'huanni”, itque ti'huamma. Cami'ma laimozo: “To'ela”, itque ti'e'ma.

¹⁰ Licuejpa Jesús tohta'a linespa lincuxepa, etenlcoco'ma juaiconapa. Timila' itne ts'itenc'e: —Imanc' ixanuc' Israel olimetsaijma LanDios. Itca'a cal xans lixanuc' aimimetsaicoyi LanDios. Camilhuo' al linca: Ni anuli imanc' caixina to itca'a cal xans. Itca'a linca xonca ti'huaiyinge LanDios. ¹¹ Camilhuo': Ticuaita locuenaye lan xanuc', itniya nomana' pe liyuf'ma cal 'ora, jouc'a lan xanuc' nomana' pe lof'acaiyopa cal 'ora. Jouc'a lohtatahueló Abraham, Isaac, y Jacob, ticutsohaita anuli pe locuxeyopa LanDios, itque cal Cuecaj Rey. ¹² Ituca' lo'iyacola' itniya nocuapá: “Ma' illanc' inaxque' LanDios cal Rey”. Itne tihuescufinnola' luna, jitpiya al muf. Małpe tijolijta, ti'ilc'ta lił'ay.

¹³ Timi nocuxepola' lisoldado:

—Ima' ał'huaiyjmpa, tonesqui: “Tixałcona'ma laimozo”. To'huala'. Ma to lonespa, tohta'a ti'ila'.

Małe 'hora ixalcona'ma limozo itque nocuxepola' lisoldado.

¹⁴ Jesús icuaitsi lejut'ł Pedro, jitpe ixim'ma li'maco Pedro tunouya textafque, tepi'i quinu'. ¹⁵ Jesús i'noł'e'e'ma limane. Itojn-na'ma lipinu'. Itque łaca'no' itsahuenanni, ites'mi'mola'.

¹⁶ Lummuhuaitsi i'hua'am'mola' pe lopa'a Jesús axpela' lan xanuc' litsufłai'ila' con-tahue. Jesús ma le'a icuxe'e'mola' lontahue tipalunca, itniya ipalumma. Jouc'a ixal'mena'mola' jahuay lafcualłay. ¹⁷ Tohta'a enanc'opa linespa cal profeta Isaías luya'apa: “Ma itque alsal'meponga' lałtafc'eponga', liłonc'e'enaponga' lałcuana”.

¹⁸ Lixim'mola' axpela' lan xanuc' ts'itenc'e, Jesús timila' ts'ilihuequi:

—Łepá, ałquiepá al cueca' quin'nuhua'.

¹⁹ Ai'a tiye'me icuaitsi anuli lomxi nomuc'iyalepa locuxepa LanDios, timi Jesús:

—Momxi, ni petsi lołtseya, iya' jouc'a quihuej'mo'.

²⁰ Jesús timi:

—Lan t'łeya tipa'a liłpunts'ejay. Lacał'hui naiyulpá lema'a tipa'a liłpuxit'na. Iya' itque cal Xans Liximpa cal profeta pu'hua lema'a, iya' ailopa'a caifxmai'eya.

²¹ Ocuena cal xans mihuequi Jesús timi:

—Momxi, lapi'ila' lane ca'hua'ma. Quimaf'i cai'ailli' capajnta jitpe lainejut'ł. Tijouła timanła', caminna, quihuej'cona'mo'.

²² Jesús timi:

—Lihuejla' itsiya. Lomapola' ti'i'ma temitsa lił'as lomapola'.

²³ Itsufai'ma al barco. Ts'ilihuequi itsufłai'me jouc'a. ²⁴ Muyalaicoyi ipanni ujfxi łahua'. Łaja titsahuemma, tuyanc'ne al barco. Tixc'uał'caispa caja'. Jesús tixmay.

²⁵ Ts'ilihuequi Jesús icuaiyunca, ummef'me, timiyi:

—Małpoujna, łlunłu'etsonga'! łAłma'monga'!

²⁶ Jesús timila':

—Ah imanc', łte coxpailijcopolhuo'? Ma' ahuata ał'huaiyinge.

Itsahuenni, itale'mola' łahua', łaja. Jahuay i-ch'ixco'mola'. ²⁷ Ts'ilihuequi ixim'me acueca' ite li'epa Jesús. Timiyoltsi:

—łNaitsi itca'a cal xans? Ticuxe'ela' łahua', łaja, tihuejcoyi.

²⁸ Icuaitsa locuena quiju' al cueca' quin'nuhua'. Jitpiya ilemats' itne lan xanuc' gadareno. Oquexi' ipalunca pe lamu'empola' lomapola', icuai'me pe lopa'a Jesús. Lontahue joupa itsufłai'pa itne loquexi'. I'ipola oyac'la. Lan xanuc' aimi'iya muyalaicoyacu jile lane. ²⁹ Itniya loquexi' tija'ayi, timiyi Jesús:

—Ima' i'Hua LanDios, łte cocuaiyoco'ma fa'a lałmana'? łTe ts'opic'a? Itsiya aimalłel'miyaconga' LanDios. Aiquicuaiya litine, tehue'e. łTe itsiya ima' alłel'mi'monga'?

³⁰ A'ij culi' jitpiya timana' axpela' lijná titeji quilpitamqui. ³¹ Lontahue ixa'hue'me Jesús, timiyi:

—Ja'ni lipa'a'monga' ihniya lan xanuc', lapi'itsonga' lane altsuflaita ihe lijná.

³² Jesús timila':

—Ne', tonlele.

Lontahue ipalunca lan xanuc', itsuflai'me lijná. Jahuay ihniya lijná inul'me liculhuo, i'nijmolaitsa laja', unxalac'mola'.

³³ Nohuic'ipola' lijná inul'me. Iyena'me, icuaitsa liya', uya'atsa jahuay li'ipa, ihe li'ipola' loquexi' lan xanuc' litsuflai'ila' contahue. ³⁴ Licuej'me jiliya, ipalunca jahuay lan xanuc' nomana' liya', italefcuftsá Jesús. Lixim'me, ixa'hue'me ti'huanla', tipananni filemats'.

9

¹ Jesús if'aj'ma al barco, uyaiconama al cueca' quin'nuhua'. Icuaitsi lipi'ya'. ² Jilpiya icuai'entsa anuli cal xans textafque, uhuaquemma licuerpo. Tunafya cal huijm-ma'. Jesús ixim'mola' ihe lan xanuc' ti'huiyijnyi, timi luhuaqueya:

—Mai'hua, aimoxhuehmot'he'ma. Joupa ihojn-ropa lojunac'.

³ Licuej'me tohta'a lonespa Jesús oquexi' afantsi lomxiye nomuc'iyalepá locuxepa LanDios timiyotsti: “Ihque cal xans Jesús ti'e'eyoxi to LanDios”.

⁴ Jesús ixina' locuapa jilpe lihpicejma' ihe lan xanuc', timila':

—Imanc', ¿te colcuacopa quixcay jilpe lohpicejma'? ⁵ ¿Ja'ni tolsinyi ipime ihiya laimipa cal xans: “Lojunac' joupa ihojn-ropa”? Ja'ni camila': “Totsahuenni, to'huala”, ¿te tolsim'me a'i quipime ihe lataiqui'? ⁶ Itsiya camuc'i'molhuo' icueya laimane. Iya' ihque cal Xans Liximpa cal profeta pu'hua lema'a. Ma capa'a fa'a li'a lamats' nipajnya quilonc'e'e'mola' lan xanuc' lihjunac'.

Timi luhuaqueya:

—Totsahuenni, tonif'la' lohuijm-ma'. To'huanla' lomejut'.

⁷ Cal xans itsahuenni. I'hua'ma lejut'.

⁸ Lan xanuc' ixim'me acueca' ihe li'epa Jesús. Tix'najtsi'iyi LanDios, ticuayi:

—Linca, LanDios epi'ipa tohta'a limane ihque cal xans.

⁹ Jesús tuyaipa jilpiya. Mi'hua lane ixim'ma anuli cal xans lipuftine Mateo. Ticutsu pe lo'najtsi'iyaleyompa. Jesús timi:

—¡Lihuejla'!

Mateo itsahuenni, ihuej'ma Jesús.

¹⁰ Jesús jouc'a ts'ilihuequi icuai'me lejut' Mateo. Jilpiya titetsoyi anuli axpela' lan xanuc', ihniya in'najtsi'iyale jouc'a ocuenaye xanuc' pe aimihuejcoyi locuxepa LanDios.

¹¹ Lan xanuc' fariseo ixim'me Jesús ticutsu jilpe. Icuise'e'me, timinnila' ts'ilihuequi Jesús: —Imanc' lohpomxi, ¿te cotetsocopa anuli ihniya lan xanuc'? Ihe in'najtsi'iyale jouc'a ocuenaye xanuc' pe aimihuejcoyi locuxepa LanDios.

¹² Jesús icuej'mola' ihe laicuitsufpa, timila':

—Lan xanuc' pe ailopa'a quihcuana aimicuicomma no'eyacola' cafxi. Laxtafpola' linca ticuicomma no'eyacola' cafxi. ¹³ Imanc' tonlenle, tolihuic'itsa lohualquemma ihe lataiqui' linihiya loya'apa lonespa LanDios, ticua:

Imanc' ti'hua altsufma lohpinneja lohma'apola'.

Iya' xonca latenlcoco'ma tohtsintsola' cuanuc'la ihe lohf'as xanuc'.

Iya' aicuaicoco'ma fa'a li'a lamats' cajoc'itsola' pe ts'iltaic' quihjunac', tixhuej'menanca. Aicajoc'ila' pe ailopa'a quihjunac'.

¹⁴ Ts'ilihuequi Juan Bautista icuaitsa pe lopa'a Jesús, timiyi:

—Illanc' alsnethyi, aimaltetsoyi. Ma' anuli lih'ejma' lan xanuc' fariseo. Ihniya lihuejhuo', ¿te cotetsocopa, aimixnet'lyi?

¹⁵ Jesús italai'e'e'mola', timila':

—Mipa'a łamijcano lijuic lipemaná, ihniya lijoc'impola', ¿te tihuotso'me? Ticuaiti litine texit'e'entsola' łamijcano namaneya, ike litine linca tihuotso'me, aimitetsoyacu, tixnet'ime.

¹⁶ 'Ja'ni tanajmot'hla' anuli lafane quijahua', aimi'iya moxhuicoya al ts'e quijahua'. Lafane quijahua' aimi'ommaia. Tits'atquemma xonca. ¹⁷ Al ts'ej vino aimoc'ej'miya lafane pontalay quixmi. Ja'ni tołta'a lof'epa tits'at'mola' lam pontalay quixmi, tic'ejaiquehuo al vino, timinsco'mola' hixmi. Al ts'ej vino toc'ej'mi'ma al ts'e punta quixmi. Tołta'a aimecaniyacola' al vino ni al punta quixmi.

¹⁸ Jesús mipalay tołta'a icuaiti anuli cal xans, iłque nocuxepa lajut'ł pe lafołyomma lan xanuc'. Exc'onłingai'ma pe lopa'a Jesús, timi:

—Łai'hua caca'no' ji'hua imanapa. Łepá. Toxpayaf'ta lomane, timaf'inna.

¹⁹ Jesús itsahuenni, iyejmale'me cal xans jouc'a ts'ilihuequi. ²⁰ Miyeyi lane icuaiyuni anuli łaca'no' textafque. I'ipa imbama' coque' camats' ti'hua cajuats' licu'u. Hoc'huai'ma lixpula' Jesús. Iłafc'e'e'ma laquiju' lipijahua'. ²¹ Ticua: “Ja'ni calafc'e'ela' Jesús, ma le'a laquiju' lipijahua', ałsałcona'ma”.

²² Jesús ipai'e'moxi, ehuelojm'ma łaca'no', timi:

—Mai'hua, aimoxhuelmot'le'ma. Ał'huaiyinge, tołta'a ixałconapo'.

Małe 'hora łaca'no' ixałconapa.

²³ Jesús icuaiti lejut'ł łincuxepa. Ixim'mola' lo'epa lan xanuc' nomana' jilpiya lajut'ł. Tunayi, tijolijyi, tixingufcoyi al cueca' quixhujma', tija'ayi. ²⁴ Timila':

—Tolipalunca imanc', łahuats' aikuimac'. Ma le'a tixmay.

Lan xanuc' ixoco'me. ²⁵ Jesús ipa'a'mola' lan xanuc'. Itsufai'ma pe lopa'a łahuats'. I'noł'e'e'ma limane. Łahuats' itsahuenanni, imaf'ina'ma. ²⁶ Ni petsi jilpe łamats' lan xanuc' icuej'me li'epa Jesús.

²⁷ Jesús jilpiya ipayomma, ti'hua lane. Ihuej'me oquexi' lan fohue. Tija'ayi, timiyi:

—Ima', łacui'impo' i'Hua David, ałsintsonga' ninc'icuanuc'la.

²⁸ Jesús itsufai'ma lajut'ł. Lan fohue ihuej'me, itsuflai'me jouc'a. Jesús icuis'e'mola', timila':

—¿Te imanc' ał'huaiyinge? ¿Ja'ni tołcuayi: “Linca Jesús ałtoc'i'monga', ałsałme'monga' lał'u”?

Ihniya italai'e'e'me, timiyi:

—Małpoujna, ał'huaiyijnhuo'. Ti'i'ma to'e'ma.

²⁹ Jesús iłafc'e'e'mola' lił'u', timila':

—Imanc' ał'huaiyinge. Ma to lołcuapa tołta'a ti'itsolhuo'.

³⁰ Ixał'me'mola' lił'u'. Jesús ixc'ai'i'mola' juaiconapa, timila':

—Aimoluyout'le'me ike lai'e'epolhuo'. Aimicuej'me lan xanuc'.

³¹ Ihniya ipalunca, ni petsi jilpe łamats' tuya'ayi li'e'epola' Jesús.

³² Mipalumma ihniya, icuai'entsa pe lopa'a Jesús anuli cal xans łitsufaipa anuli łiponta'a Satanás. Iłque cal xans aimi'i mipalay. ³³ Lijoupa lipa'apa Jesús łiponta'a Satanás cal xans tipalay. Lan xanuc' etenłcoco'mola', ticuayi:

—jXinła'! Acueca' lo'epa Jesús. Fa'a łalamats' illanc' ixanuc' Israel, a'i calsina' tołta'a, ni anulemma.

³⁴ Lan xanuc' fariseo a'i metenłcocola' lo'epa Jesús, timiyoltsi:

—Iłque Jesús tipa'ala' lontahue. Ma łincuxepa contahue lepi'ipa limane ti'ela' tołta'a.

³⁵ Jesús ti'hua'f'cay jahuay łitelolıya' al distrito Galilea, lan tsila' quitelolıya' jouc'a lan tsocay quitelolıya'. Timuc'iyale jilpe lajut'li pe lafołyomma lan xanuc'. Tuya'e' lixpice'epa ŁanDios. Ihe lataiqui' loya'apa al c'a, tuya'e' te ts'i'ic' micuxe ŁanDios cal Rey. Ixał'me'mola' lan xanuc', jahuay liłcuana, jahuay liłpumla. ³⁶ Ixim'mola' juaiconapa axpela' lan xanuc' ihuej'me. Tixinnila' acuanuc'la. Ixim'mola' tihuotsoyi, titafquemmola'. Ti'onłcospola' to

lam mot'í, iñe lam mot'í lahue'epola' quiŕpoujna, ailopa'a. Ailopa'a no'eyacola' cuenna.
³⁷Timila' ts'ilihuequi:

—Linca acueca' lafoya. Tehue'ela' nafot'leyacu. ³⁸Camilhuo': Toŕsa'huefe hiPoujna caifa. Toŕmile: “Ima' tommetsola' no'eyacu canic' jilpe lomemats”.

10

¹Jesús ijoc'i'mola' limbamaj coquexi' ts'ilihuequi ticuaiyunca pe lopa'a. Epi'i'mola' liŕmane tipa'antsola' lontahue, jouc'a tixaŕ'mentsola' lafcualŕay, jahuary liŕcuana, jahuary liŕpumla. ²Iñiya limbamaj coquexi' lecui'impola' lan Apóstole. Jifa'a iniliya liŕpuftine:

Cal te'a Simón, iŕque lecui'impa Pedro, jouc'a Andrés iŕque ipima Simón.

Jacobo i'hua Zebedeo, jouc'a Juan, iŕque ipima Jacobo.

³Felipe, jouc'a Bartolomé,

Tomás, jouc'a Mateo iŕque in'najtsi'iyalepa.

Jacobo i'hua Alfeo, jouc'a Tadeo.

⁴Locuena Simón, ai'a tihuej'ma Jesús iŕque anuli liŕpicuejma' lan xanuc' nocuapá: “Lunŕu'e'me laŕamats”,

jouc'a Judas Iscariote, iŕque nocuya Jesús.

⁵Jesús umme'mola' iñiya limbama' coquexi'. U'i'mola' lo'eyacu. Timila':

—Aimonŕe'me petŕi aimimetsaicoyi LanDios. Aimolŕsufŕai'me hiŕpifeŕoŕya' lun Samaria.

⁶Tonŕeŕe pe lomana' lixanuc' Israel, iñiya laŕpimaye ti'onŕcospola' to lam mot'í lejac'pola'.

⁷Tulu'itola': “LanDios cal Cuecaj Rey Nopa'a lema'a itsiya ti'hua tijoc'ila' lixanuc'. Tolapenufle.” ⁸Imanc' toŕsaŕ'metola' lafcualŕay, toŕmaŕ'i'itola' limanapola'. Toŕsaŕ'metola' litej'pola' cahui lepra, timanenca limpio. Tolipa'atola' lontahue iñe litsufŕaipá lan xanuc'. Iya' nepi'ipolhuo' loŕmane. Ai' cai'najtsi'ilhuo'. Imanc' jouc'a aimol'najtsi'i'mola' lan xanuc', ma le'a toŕsaŕ'metola'.

⁹Jilpe loŕfi'ejma' loŕxinidoŕ, aimolŕtai'me tomí, ni axpe', ni huata. ¹⁰Aimolŕtai'me punta lane. Aimolŕtai'me oque' loŕtsamalo. Aimolŕtai'me coŕc'ejí. Aimolŕtai'me colummejcofcoyacu. Ticuanni: “No'epa canic' tepi'im'me ŕoteja”. Jouc'a imanc' aimehue'eyacolhuo'.

¹¹'Ni petŕi quiŕya' loŕtsufŕaiyacu, ja'ni al cueca' quiŕya' o ja'ni a'hua quiŕya', to-lahueta lejut'í anuli cal c'a xans. Moŕmana' jilpe liŕya' ma le'a jilpe lajut'í toŕmajnta. ¹²Moŕtsufŕai'me lajut'í toŕnontsola' lan xanuc' nomana' jilpiya. Toŕmitsola': “LanDios tipaxnetsolhuo’”. ¹³Ja'ni jilpe timana' lan c'a xanuc' LanDios tipaxne'mola'. Ja'ni a'i, LanDios tipaxne'molhuo' ma le'a imanc'. ¹⁴Ni petŕi liŕya' o ni petŕi lajut'í ja'ni aimepenuffinilhuo', aimiquimf'ennilhuo', tolipalunca jilpiya. Tolunaŕfle loŕ'mitsi', aimi-taijm'molhuo' loŕ'mitsi' ni toŕta'a ŕepi camats'. ¹⁵Iya' camilhuo' al linca: Ticuaihuo al Cuecaj Quitine titeŕ'mim'mola' lan xanuc' nimajmpá Sodoma y Gomorra, iñiya lixcay quiŕleŕoŕya'. Iŕe Litine xonca titeŕ'mim'mola' lan xanuc' nomana' hiŕleŕoŕya' petŕi aimepenuffinilhuo' imanc'.

¹⁶'Imanc' laixanuc' ti'onŕcospolhuo' to lam mot'í, iñe aimi'iya mipa'neyacoŕtsi. Iya' cummelhuo' tonŕe'me pe lomana' lan xanuc' lo'onŕcospola' to lan lobo, iñe oyac'la quinnejá. Toŕta'a ticuicomma ti'ila' acueca' loŕpicuejma' to lainofaŕ. Linca aimi'onŕcotoŕhuo' loŕ'ejma' to lainofat'í liŕ'ejma'. Imanc' xonca ti'onŕcotsolhuo' to lam paloma, iñiya aimi'eyi quixcay.

¹⁷'Tonŕ'e'etsolŕtsi cuenna. Aimol'huaíyjm'mola' loŕ'as xanuc'. Iñe ticu'molhuo' tic-uaita quiŕmane lan xanuc' noxpíjpá lataiqui'. Tileco'molhuo' lajut'í petŕi lafoŕyomma. Jilpe titeŕ'mitolhuo', titajncotoŕhuo' ixmi. ¹⁸Imanc' ts'alihuequi, tileconnolhuo', tic-uai'ennolhuo' pe lomana' nocuxepá, jouc'a pe lomana' lan tsila' quincuxepá. Imanc' tolu'itola' naitsi iya'. Toŕta'a tolu'itola' locuenaye xanuc' pe aimimetsaicoyi LanDios. ¹⁹Ja'ni ticutsolhuo' aimolŕsueŕmot'le'me, aimolŕcua'me: “¿Te caŕmiyacola' iñiya? ¿Te caŕtalai'ecoyacu?” Ticuaitŕi al 'hora loŕpalaiyacu, maŕpe 'hora, tolapenuf'me coŕtaiqui'. ²⁰Iŕe

lataiqui' lołpalaiyacu a'i coltaiqui' imanc', tołpalai'me lataiqui' lomiyacolhuo' li'Espíritu Santo col'Ailli'.

²¹ 'Ēapima ticu'ma lipima tima'anle. Cal xans ticu'ma hi'hua. Lanaxque' titsolicu ti'e'me laic' qui'ailli' qui'máma', ticu'me, lan xanuc' tima'antsola'. ²² Ni petsi lołmanc'eyacu ti'e'molhuo' laic', imanc' ts'alihuequi. Toł'ommołaitsa lo'iyacolhuo', ti'hua toł'ommołaitsa, tijouła' tolunhul'me. ²³ Ja'ni jilpe anuli liłya' tihuetsoquinnilhuo', ti'ennilhuo' lixcay, aimicol'molhuo' tunlele locuena quiłya'. Iya' ilque cal Xans Ēiximpa cal profeta pu'hua lema'a. Camilhuo' al linca: Aimol'ommaiyacu mołcuaiyacu jahuary hipitelołya' łamats' Israel, ma mehue'e cacuaiconanni.

²⁴ 'Cal xans mihuequi hipomxi, ja'ni ilque łomxi titełcoła', cal xans jouc'a titełco'ma. Jouc'a łapoujna y limozo ma' anuli tuyalaico'me. ²⁵ Ja'ni tuyaicoła' ma to muyaicojma hipomxi, tixoj'ma queta ilque cal xans. Jouc'a cal mozo, tixoj'ma queta ja'ni tuyaicoła' ma to muyaicojma hipoujna. Ja'ni timinle łapoujna cajut'ł: "Ima' monta'a Beelzebú", linca xonca lixcay tinesc'e'em'mola' lixanuc'.

²⁶ 'Aimołsuełmot'le'me. Aimołcua'me: "Lan xanuc', ¿te cal'eyaconga?" Ticuaita litine texiquim'me letamuyiya, tixim'me jahuary lemiya. ²⁷ Ite laifmipolhuo' lipuqui' imanc' toluya'ale litine. Ite lołquim'epa mixolai'innilhuo', imanc' toluya'ale ujfxi al toncay łajut'hi. ²⁸ Aimołsuełmot'le'me. Aimołcua'me: "¿Te cal'eyaconga' lan xanuc', ilne noma'ahualepá?" Iłniya ma le'a tima'ayi al cuerpo. Loł'alma aimi'iya mima'ayacu. Tołspaic'ete ilque łacani'eyacola' lan xanuc' jipu'hua łunga. Jilpe timajnta, liłcuerpo jouc'a lił'alma.

²⁹ 'Oquexi' lan gorrión ticuquinnila' ma le'a to oquej centavo. Tama ahuata liłpitali ilne lacał'hui col'Ailli' aimetets'ila'. Ja'ni anuli tecangemma łamats' col'Ailli' ixina' ile li'ipa. ³⁰ Xonca ti'nujuaitsilhuo' imanc'. Joupa ixhuej'meya tojua mipa'a łajuac quitefque tołjuac, ixina' ja'ni tecangemma anuli. ³¹ Aimołsuełmot'le'me, aimixpailij'molhuo' lo'iyacolhuo'. LanDios tixinnilhuo' acueca' lołpitali. Tama axpela' lacał'hui aimi'iya mulijyacolhuo'.

³² 'Ja'ni anuli cal xans timitsola' lif'as xanuc': "Iya' nimetsaijma Jesús", iya' ninJesús jouc'a quimetsaico'ma ilque cal xans. Camita cai'Ailli', ilque Nopa'a lema'a: "Iłque lihuequi iya". ³³ Ja'ni anuli cal xans timitsola' lif'as xanuc': "Iya' aicainimetsaijma Jesús", iya' jouc'a aiquimetsaicoya ilque cal xans. Camita cai'Ailli', ilque Nopa'a lema'a: "Iłque aicalihuequi iya".

³⁴ 'Aimołcua'me: "Iłque Jesús icuaicoco'ma fa'a li'a łamats' ti'e'e'mola' anuli lan xanuc'". A'i. Aicuaicoco'ma tifuli'i'mołtsi. ³⁵ Aicuaicoco'ma tenajtsoltsi. Cal xans tixtuc'o'ma qui'ailli'. Łahuats' tixtuc'o'ma qui'máma'. Łahuahua tixtuc'o'ma lihuahua. ³⁶ Cal xans, ma lipimaye tixtuc'o'me, ti'e'me laic'.

³⁷ 'Cal xans xonca no'epola' capic'a qui'ailli', qui'máma', ilque aimi'iya malihuejya. Jouc'a ja'ni xonca no'epola' capic'a hi'hua camijcano o hi'hua cahuats' aimi'iya malihuejya. ³⁸ Iya' linca catełco'ma. Cal xans noxpice'epa aimitelco'ma, ilque nocuapa: "Aicapenufyá lainencruz", ilque aimi'iya malihuejya. ³⁹ Cal xans ts'ipic'a tixinła' al c'a capajnya ilque tejac'ma lipitine. Cal xans łalihuequi tama tima'anle, ilque tulij'ma lipitine.

⁴⁰ 'Cal xans łapenufpolhuo' łapenufinga' iya'. Iłque łalapenufpa łapenufinga' ilque Łalummepa. ⁴¹ Lapi'inyacu anuli cal profeta, ma' anuli tepi'im'me cal xans łepenufpa cal profeta, ticua: "Iłque tuya'e' lonespa ŁanDios". Lapi'inyacu cal xans naihuejpa lataiqui' locuxepa ŁanDios ma' anuli tepi'im'me ilque łepenufpa. ⁴² Cal xans nopalaicopola' iłna'a lan tsocay, nocuapa: "Iłna'a ilihuequi Jesús", tijouła' tuhui'i al c'a caja' tixnała' anuli iłniya, ilque nocupa caja' linca ti'najtsem'me. Al linca iłta'a laifmipolhuo'.

11

¹ Jesús ixc'ai'i'mola' limbamaj coquexi' ts'ilihuequi ipanni jilpiya. Ti'huaf'caita locuenaye quilelołya' Galilea. Timuc'itola' lan xanuc', tuya'ata te ts'i'ic' lixpice'epa ŁanDios, ile lataiqui' ac'a loya'apa.

² Iñe hitiné Juan Bautista itats'iyá. Icuej'ma lo'epa cal Cristo. Umme'mola' oquexi' ts'ilihuequi, timila':

—Tonlele. ³ Tolicuis'etsa Jesús, tołmitsa: “Itsiya al'huaicoyi locuaiya anuli Lommeya LanDios. ¿Te ma' ima'? o ¿te ti'hua al'huaico'me locuaiya?”

⁴ Tołta'a icuis'e'me Jesús. Itque italai'e'e'mola', timila':

—Ne'. Tonlele, tołcuaita pe lopa'a Juan tolu'itsa lołcuejpa, lołsimpa. Tołmitsa:

⁵ Tehuetsaleyi lan fohue, tiyenayi lan coxo, tixałconnala' ts'ilehui lepra, ti'inala' limpio, ticuejnayi lan talpe, timaf'inayi limanapola', lan xanuc' pe aiquil'hueca tu'innila' Lataiqui', ile loya'apa al c'a lixic'epa LanDios.

⁶ Jouc'a tołmitsa Juan: “Cal xans natenłcoca lai'ejma', itque linca ac'a loyaicoya”.

⁷ Iyena'me loquexi' ts'ilihuequi Juan. Jesús ipango'ma ipalaico'ma itquiya. Timila':

—¿Te cołtsecohuo'me jipu'hua pe ailopa'a quilya'? ¿Te cołsinhuo'me jilpiya? ¿Te ołnespá ołsinhuo'me anuli al jaxa tife'ne łahua'? ⁸ Ja'ni a'i, ¿te cołtsecohuo'me? ¿Naiti cołsinhuo'me jilpiya? ¿Te ołsinhuo'me anuli cal xans nopo'nopa al c'a lipijahua', acueca' lipitali? A'i. Lan xanuc' nopo'nopá lipijahua' acueca' al c'a timajnyi hilejut'hi lan rey.

⁹ ¿Te cołtsecohuo'me? ¿Naiti cołsinhuo'me? ¿Te ołsinhuo'me anuli cal profeta? Ałinca ołsinhuo'me anuli cal profeta, itque Juan. Itque tuliquila' lam profeta, xonca acuecaj xans.

¹⁰ Al Paxi Linilingiya joupá ipalaicopa Juan ticuaihuo. Ticua:

¡Ałquimf'ela'! Cumme'ma łainepaluc.

Itque ti'huaj'me'mo', tuya'a'ma ima' tocuaihuo.

Tilanc'e'e'mo' lopene, pe lofmuyaicoya.

¹¹ Camilhuo' al linca: Itque Juan acueca' xans. Ailopa'a caca'no' quipo'nopa hi'hua to itquiya. Tama aimi'iyá mi'onłyacola' to Juan, ja'ni joupá itsufaipa petsi locuxeyopa LanDios Nopa'a lema'a, tama xonca aca'hua xans, itque cal xans joupá ulijnapa Juan.

¹² 'Lan xanuc' niquimf'epá loya'apa Juan Bautista ehue'me te co'iyá mepenufyacola' LanDios cal Rey Nopa'a lema'a. Itsiya ma' anuli tehueyi, itpic'a tepenuftsola'.

¹³ Li'huamma Juan enanłcoca lataiqui' loya'apa lo'iyá, ile linilijmpa Moisés jouc'a linilijmpa lam profeta. ¹⁴ Inilijmpá: “Ticuaicohuo cal profeta Elías”. Joupá enanłpa ile lataiqui'. Juan Bautista ma' itque Elías. Ja'ni tolapenuf'me laifmipolhuo' tołsim'me tołta'a.

¹⁵ Naiti nocuejpa ałquimf'ela' iya' laitaiqui'.

¹⁶ ¿Te caif'onłcocyacolhuo' imanc' mołmana' itsiya'? ¿Te ts'i'ic' loł'ejma'? Ca'onłico'molhuo' to jipu'hua laica'uhuy nocutshuołanna pe locucaleyompa. Tijoc'iyi, timinnila' lił'as ca'uhuy: ¹⁷ “Illanc' ałfus'mipá lałjaja, ałpic'a tołsoule. Aicołsahua'. Lunac'lipá ihuotsoqueya, aicołjoliqi'.”

¹⁸ 'Ma tołta'a imanc' loł'ejma'. Ailopa'a catenłcocyacolhuo'. Juan Bautista aimitesma to mołtetsoyi, aimixnay vino. Tołcuayi: “Itque itsufaipa liponta'a Satanás”. ¹⁹ Iya' itque cal Xans Liximpa cal profeta pu'hua lema'a. Iya' aicuai'ma fa'a li'a łamats' catesma to mołtetsoyi imanc', caxnay al vino. Imanc' ałnesc'e'e, tołcuayi: “¡Tołsinte! Itca'a cal xans intetsopa, in-xnatsaipa. Lilejmale in'najtsi'iyale jouc'a locuenaye lan xanuc' pe aimihuejcoyi locuxepa LanDios.”

'Linca LanDios acueca' ac'a lipicuejma', tołta'a timujiyi iñe pe naihuejcopá, jouc'a acueca' ac'a lipicuejma'.

²⁰ Jesús ipango'ma inesco'mola' iñe hilelołya' petsi li'ehuo'ma axpe' acueca'. Ipalaico'mola' iñe lan xanuc' pe aiquil'suej'meya. Ines'ma te ts'i'ic' loyalaicoyacu. Ticua:

²¹ —Ima' miłya' Corazín, jacueca' loftelcoya! Jouc'a ima' miłya' Betsaida, jacueca loftelcoya! Jilpiya lołxanuc' ixim'me al cueca' lo'epa LanDios, aiquil'suej'meya. Luyaipa quitine lan xanuc' nomana' hilelołya' Tiro y Sidón ja'ni coła' ixim'me tołta'a iłniya coła' tixhuej'menacu, tipo'no'me lipijahua' ayolca, timet'hi'me capi' lił'a, timujco'mołtsi ixhuej'menamma liłjunac'. ²² Al Cuecaj Quitine Locuaicoya LanDios titeł'mi'mola' iñe

hileloŷa' Tiro y Sidón jout'a liŷxanuc', xonca titeŷ'mi'molhuo' imanc' mileloŷa' Corazín y Betsaida.

²³ 'Ima' miŷya' Capernaum, ¿te to'nof'e'moxi xonca al toncay? ¿Te ti'onŷcoto' to LanDios? A'i. Ti'oc'em'mo'. Toxinnoxi jiŷpe al muf. Jiŷpe liŷya' loŷxanuc' ixim'me al cueca' lo'epa LanDios, aiŷuŷsuej'meya. Luyaipa quitine lan xanuc' nimajm'me liŷya' Sodoma, ja'ni coŷa' ixim'me toŷta'a iŷniya tixhuej'menacu, coŷa' a'i mecaniya liŷpiŷya'. ²⁴ Iya' camilhuo': Al Cuecaj Quitine Locuaicoya, LanDios titeŷ'mi'mola' liŷya' Sodoma jout'a lixanuc', jout'a titeŷ'mi'molhuo' ima' miŷya' Capernaum jout'a loxanuc', xonca titeŷ'mi'molhuo'.

²⁵ Iŷniya hitiné Jesús ipalaic'opa qui'Ailli', timi:

—Mai'Ailli', ima' iŷPoujna lema'a y li'a lamats'. Cax'najtsi'ihuo' lof'epa. Tomuc'ila' laixanuc', iŷne lo'onŷcospola' to la'uhuy. Mepi'ipola' liŷpicuejma', ticuec'eŷe laitaiqui'. Lan xanuc' ts'iŷsina', xonca nixhuepá, aicomepi'ila' toŷta'a liŷpicuejma'. Iŷniya iximpá ipime laitaiqui', to emiya. Aimi'i muhuaŷcufyi. ²⁶ Aŷinca mai'Ailli', toŷta'a loxpice'epa, toŷiya latentŷcocoŷo'.

²⁷ 'Cai'Ailli' jahuay lapi'ipa cacuxe'etsola'. Iya' i'Hua LanDios lan xanuc' aimi'iya maŷingufya iya' laipicuejma'. Ma le'a cai'Ailli' aŷingufi. Lan xanuc' jout'a aimi'iya mixingufyacu cai'Ailli' te ts'i'ic' lipicuejma'. Ma le'a iya' i'Hua aixingufi. Iya' caxpic'e naiŷne laifmuc'iyacola', iŷne camuc'ila' te ts'i'ic' lipicuejma' cai'Ailli'. Iŷne ŷinca timetsaicoyi cai'Ailli'.

²⁸ 'Imanc', ja'ni jout'a ixojtolhuo', ja'ni toŷsinyi ipime lapajnya, tonŷouyunca, capenuf'molhuo'. Iya' cunxac'i'molhuo'. Tuyai'ma loŷpixoqui. Cunxoc'i'molhuo' cunlata. ²⁹ Lihuejcoŷa', iya' camuc'i'molhuo'. Iya' a'i noyac'. Iya' nin manxu. Catinu'ena'molhuo' loŷunxajma'. Aimosinconayacu ipime ni acumta lapajnya. ³⁰ Iŷne laitaiqui' laifcuxe'eyacolhuo' a'ij cumta, jout'a laifmuc'iyacolhuo' a'i quipime lanantŷcoya.

12

¹ Iŷniya hitiné, anuli litine conxajya, Jesús jout'a ts'ilihuequi tuyalaicoyi jiŷpe lifayiya cal trigo. Ts'ilihuequi tunle'eyi. Ipango'me ipa'a'me lixpaj trigo, titeji. ² Lan xanuc' fariseo ixim'me, timiyi Jesús:

—¡Toxinŷa' lo'epa ts'ihuejhuo'! ¿Nai lepi'ipola' lane ti'e'me toŷta'a? Itsiya litine conxajya.

³ Jesús timila':

—Imanc', ¿te a'i coŷsuec' li'epa cal rey David, munle'eyi juaiconapa iŷque jout'a liyejmalepá? ⁴ David itsufai'ma lejut'ŷ LanDios, itepa lam paxi ca'í loŷa'a jiŷpe, epi'i'mola' ŷa'i liŷejmale, itepá jout'a. Iŷque ŷa'i ma' i'huexi LanDios. Aimi'iya mitejnyacu. Ma le'a la'ailli' notepá.

⁵ 'Al Paxi Linilingiya tuya'e' lo'eyacu la'ailli' litine conxajya. Imanc', ¿te aicoŷsuec' iŷe lataiqui'? Itine conxajya iŷniya ti'eyi canic'. Tama itine conxajya ailopa'a quiliŷjunac', maŷpe al cuecaj xoute' ti'eyi canic'. ⁶ Iya' camilhuo': Fa'a tipa'a anuli xonca acueca'. Iŷque tuliqui' al cuecaj xoute'.

⁷ 'Imanc' aicoŷcueca litaiqui' LanDios lonespa:

Imanc' tama toŷma'ala' linneja, aŷufco'ma, aimalatenŷcocojma iŷe lonŷ'epa.

Xonca aipic'a toŷsintŷola' cuanuc'la loŷ'as xanuc'.

Coŷa' oŷcuj'me jiliya lataiqui' aimoŷcufyacola' lalihuequi, iŷniya ailopa'a toŷta'a quiliŷjunac'.

⁸ Iya' iŷque cal Xans liximpa cal profeta pu'hua lema'a. Ma iya' cacuxe litine conxajya. Ti'hua laimane cu'itsola' laixanuc' lo'eyacu iŷe litine.

⁹ Jesús uyaico'ma jiŷpiya. Icuaitŷi lajut'ŷ pe lafoŷyomma lan xanuc', itsufai'ma. ¹⁰ Jiŷpe tipa'a anuli cal xans ijuŷpa limane. Jout'a timana' lan xanuc' tehueyi te co'iya micufyacu Jesús. Iŷne icuis'e'me, timiyi:

—Litine conxajya, ¿te LanDios ticu lane tixaŷ'mentsola' lan xanuc'?

¹¹ Jesús timila':

—Anuli imanc', ja'ni himoł timefmaitsi al pu'hua litine conxajya, ¿te a'i mipa'aya? Linca tipa'a'ma. Tama itine conxajya ailopa'a nonesya, aimiminyacu: “Aimi'iyá”. ¹² Cal xans aimi'onłspa to cal moł, xonca ipitali ilque. Litine conxajya linca tipa'a lane al'ełe al c'a.

¹³ Lijoupa linespa tołta'a, timi cal xans:

—To'nijla' lomane.

Cal xans i'nij'ma limane. Ixałcona'ma. Ilajn-na'ma limane, ma to locuena limane.

¹⁴ Lan xanuc' fariseo ipalunca jilpe lajut'ł. Efot'le'mołtsi, tixpic'eyi lo'eyacu tima'anłe Jesús.

¹⁵ Jesús ixina' lonespa ilne lam fariseo, i'huana'ma. Axpela' lan xanuc' ihuej'me. Ixał'mena'mola' jahuary lafcualłay. ¹⁶ Ixc'ai'i'mola', timila':

—Aimoluyout'le'me lai'e'epolhuo'.

¹⁷ He li'ejma' Jesús tenanłi lataiqui' loya'apa cal profeta Isaías, ilne lataiqui' tuya'e' lonespa LanDios, ticua: ¹⁸ Jifa'a lai'huij'epa, ilca'a to'epa laipenic'.

Ma ilca'a ca'ay capic'a, latencocojma lipicuejma'.

Capi'i'ma lai'Espíritu Santo.

Tuya'a'ma pe lomana' locuenaye lan xanuc', ilne aicalimetsaijma,

tu'i'mola' pe lopa'a al ijca cane. ¹⁹ Aimifulecoya cataiqui' ni aimipalaiya ujfxi.

Aimicaxhuaiya lane mija'aya ujfxi. ²⁰ Ilque juaiconapa amanxu, aimunłajyacola' nulemma ilniya lo'onłcospola' to lix'meya jaxa.

Jouc'a aimipic'eyacola' ilpepalc'o' tama timufqui.

Ma muliquila' no'epá laic', timuj'ma nulemma te ts'i'ic' al c'a cane.

²¹ Itsiya timana' lan xanuc' a'i calimetsaijma,

ilniya ti'huaiyijm'me ilca'a lai'huij'epa,

tines'me: “Ilca'a linca lunłu'e'monga”.

Tołta'a luya'apa cal profeta Isaías.

²² Ilec'mentsa Jesús anuli cal xans hitsufaipa anuli liponta'a Satanás. Lonta'a i'e'epa cal xans afo', jouc'a aimipalay. Jesús ixał'mena'ma cal xans. Ipalaina'ma, ehuetsalena'ma.

²³ Lan xanuc' ixoconni quileta. Ticuayi:

—¿Xinła'! Ilque Jesús ti'ay al cueca'. ¿Te aga ilque łacui'impa li'Hua David?

²⁴ Lan fariseo icuej'me ilne lonespa lan xanuc', ticuayi:

—Ilque cal xans, epi'ipa limane nocuxepola' lontahue cuftine Beelzebú, tołta'a tipa'ala' lontahue.

²⁵ Jesús ixina' locuapa ilpicuejma', timila':

—Anuli al cuecaj nación, ja'ni tenajtsołtsi lixanuc', ilniya al nación tejac'ma. Jouc'a anuli liłya', o anuli lajut'ł, ja'ni tenajtsołtsi liłsanuc', ilniya liłya' o jilniya lan xanuc' aimipajnya quilpujfxi, tijou'mola'.

²⁶ 'Ma' anuli Satanás ja'ni ilque tipa'ala' lipontahue joupa enajpołtsi ilniya. Coła' aimipajnya quipujfxi. Ja'ni tołta'a li'ipa, ¿tej co'huacopa limane itsiya?

²⁷ 'Iya' ja'ni ilque Beelzebú nalapi'ipa laimane, ja'ni tołta'a quipa'ala' lontahue, ¿naitsi nepi'ipola' liłmane ilne lołxanuc' naipa'apá lontahue? Ma ilniya lołxanuc' timuc'i'molhuo' imanc' imenajpolhuo'. ²⁸ O ¿te ja'ni LanDios nalapi'ipa li'Espíritu quipa'atsola' lontahue? Ja'ni tołta'a laimane, ti'ila' colłsina' jifa'a tipa'a LanDios cal Cuecaj Rey. Ilque ticuxe.

²⁹ 'Nij naitsi mi'iyá mitsufaiya lejut'ł cal xans ts'ipujfxi, milonc'e'eya li'huca. Ate'a tifi'e'mola' limane', li'mitsi' ilque cal xans ts'ipujfxi. Tijouła', linca nipajnya titsufai'ma lejut'ł, tilonc'e'e'ma li'huca.

³⁰ 'Naitsi aicalihuequi, ilque al'ay laic'. Naitsi aimefot'lela' lan xanuc' to laif'epa, ilque tica'nennala'.

³¹ 'Iya' camilhuo': Jahuay lixcay li'epa, jahuay linesc'epoŋtsi lan xanuc', ti'i'ma timenc'e'ecom'mola'. Le'a nonesc'epá cataiqui' cal Espíritu Santo aimi'iya mimenc'e'econyacula'. ³² Cal xans nañesc'e'epa cataiqui', ti'i'ma timenc'e'ecom'me. Cal xans nonesc'epa cataiqui' cal Espíritu Santo, iŋque aimimenc'e'econyacu. Mipa'a fa'a li'a lamats' o jipu'hua locuenaj quitine, iŋquiya titai'ma lijunac'.

³³ 'Ja'ni tolimetsaicoyi ac'a hi'as, jouc'a tolimetsaicole ac'a al 'ec. O ja'ni tolimetsaicoyi a'ijc'a hi'as, jouc'a tolimetsaicole a'ijc'a al 'ec. Al 'ec hi'as timuj'ma te ts'i'ic' iŋe al 'ec, ja'ni ac'a c'ec o a'ijc'a. ³⁴ Imanc' loŋpicuejma' ti'onŋcospa to lipicuejma' ŋacaŋpo'. Imanc' unc'ixcay xanuc'. ¿Te co'iyá moŋpalaiyacu al c'a cataiqui'? Ma to lipicuejma' cal xans, ja'ni al c'a o ixcay, ma toŋta'a lopalaiyaco. ³⁵ Cal c'a xans tipalaijma al c'a litaiqui', ma to mipa'a lipicuejma'. Cal xans ts'ixcay quipicuejma' tipalaijma ixcay litaiqui' ma to mipa'a lipicuejma'.

³⁶ 'Iya' camilhuo': ¡Toŋpo'noŋe cuenna te ts'i'ic' loŋnesyacu! Ticuaitsi al Cuecaj Quitine LanDios cal Juez ticuis'etolhuo' anuli anuli, timitolhuo': “¿Te coŋnescopa toŋta'a?” ³⁷ Ja'ni oñes'me al c'a, LanDios tepenuftolhuo', tixinnolhuo' unc'ic'a xanuc'. Ja'ni oñes'me lixcay, LanDios aimepenufyacolhuo', tixinnolhuo' a'ijc'a.

³⁸ Oquexi' afantsi lan xanuc' fariseo, oquexi' afantsi lomxiye nomuc'iyalepá locuxepa LanDios, italai'e'e'me Jesús, timiyi:

—Momxi, aŋpic'a aŋsinŋe ja'ni aŋinca lepi'ipo' lomane LanDios. Aŋmihuo': To'eŋa' al cueca'.

³⁹ Jesús italai'e'e'mola', timila':

—Lixcay xanuc' pe necanujpá LanDios, pe aimihuejyi, ma le'a iŋpic'a aŋsinŋa' ca'eŋa' al cueca'. Ma toŋta'a imanc' loŋejma'. Ailopa'a caifmuc'iyacolhuo'. To li'ipa cal profeta Jonás luyaipa quitine, ma toŋta'a aŋ'i'ma iya'. Iŋe ŋinca toŋsim'me. ⁴⁰ Jonás icol'ma afane quitine afane quipuqui' jilpe licu'u cal cueca' catu ŋinuc'ma. Iya' iŋque cal Xans Liximpa cal profeta pu'hua lema'a. Alcolta afane quitine afane quipuqui' licu'u lamats'.

⁴¹ 'Ticuaitsi al Cuecaj Quitine imanc' tolacaxingolaita LanDios cal Cuecaj Juez. Jouc'a tecaxingolaita lan xanuc' nimajmpá liŋya' Níneve, jilpiya Jonás luya'ahuo'ma litaiqui' LanDios. Iñiya lun Níneve ticuftolhuo'. Iñe iquimf'e'me lu'i'mola' Jonás, ixhuej'menanca. Itsiya imanc' toŋquimf'eyi anuli xonca cal cueca', aimoŋsuej'memma.

⁴² 'Jilpe al Cuecaj Quitine lan xanuc' tecaxingolaita LanDios cal Cuecaj Juez. Imanc' tolacaxingolaita. Jouc'a tecaxhuaita ŋaca'no' nicuxepa anuli lamats' juaiconapa aculi' al 'ocay. Iŋque ŋaca'no' ticuftolhuo'. Xonca al c'a li'ejma' iŋque. I'hua'ma juaiconapa itoqui lane. Icuaitsi icuej'ma locuapa cal rey Salomón. Iŋque acueca' lipicuejma'. Itsiya, imanc' tama toŋquimf'eyi anuli cal cueca' xonca, tolatets'iyi.

⁴³ 'Anuli lixcay conta'a, lipanni licuerpo cal xans, ti'hualeco'ma pe ailopa'a caja'. Tehue petsi conxac'eya, aimixina. ⁴⁴ Ticua: “Aipainamma. Ai'huanapa lainejut'l pe lainipayomma.” Licuaitsi jilpiya tixim'ma ixcuajma', itaf'uyiya, i'huáqui al c'a. ⁴⁵ Tixinŋa' toŋta'a ti'hua'ma, tilecotola' ocuenaye acaitsi lontahue xonca ixcay. Titsuflai'me jilpiya licuerpo cal xans, timajm'me. Toŋta'a xonca acueca' loyaicoya iŋque cal xans. Al te'a le'a anuli ŋonta'a i'hueca, tijouŋa' ti'i'mola' apaico lontahue. Toŋta'a loluyalaicoyacu imanc' moŋmana' itsiya. A'ij ŋijca loŋpicuejma'.

⁴⁶ Jesús mipalaic'ola' lan xanuc', icuaiyunca qui'máma' jouc'a lipimaye. Ecaxol'me luna. Iŋpic'a tipalaic'ole.

⁴⁷ U'im'me Jesús, imim'me:

—Icuai'me co'máma' jouc'a lopimaye. Tecaxolanna luna. Iŋpic'a tipalaic'otso'.

⁴⁸ Jesús italai'e'e'ma, timi:

—Fa'a, ¿ja'ni ailopa'a cai'máma', ailomana' laipimaye?

⁴⁹ Tenats'ila' ts'ilihuequi, ticua:

—Jifa'a comana' cai'máma' jouc'a laipimaye. ⁵⁰ Iŋque naihuejcopa Cai'Ailli' Nopa'a lema'a, ma jilque aipima o ai'máma'.

13

¹ Małpiya litine Jesús ipanni jilpe lajut'i, icutshuai'ma lema al cueca' quin'nuhua'.
² Axpela' lan xanuc' icuaitsa pe lopa'a Jesús. Itque if'aj'ma anuli al barco, icutsmi'ma jilpiya. Ite al barco tecaxc'o jilpe laja', jahuay lan xanuc' tecaxolanna lema al cueca' quin'nuhua'.
³ Jesús axpe' i'onłico'ma lo'epa LanDios fa'a li'a lamats'. Timila':

—Cal xans ipanni ica'nehuo'ma lam fanuj trigo. ⁴ Mica'ne lam fanu' hualca ecan-
 gołaita lane. Lacał'hui naiyulpá lema'a icuaitsa, itejn-na'me.

⁵ 'Hualca lam fanu' i'nif'colaita jilpiya lixmi capic, tejuaf'ya huata łacamats'. Ma axolof
 łacamats' aiquicoł'ma, lam fanu' ila'ma. ⁶ Lif'aj'ma cal 'ora, epatsi linu', lam fanu' lilapa
 ipi'e'mola'. Huata ilanc'epoxi łaiquime, ijułna'ma.

⁷ 'Hualca lam fanu' itsuc'huaita pe lopa'a litac'. Itque litac' itoj'ma, ejec'ona'ma lilapa cal
 trigo.

⁸ 'Hualca lam fanu' etojmołaita cal c'a camats'. Ine linca ila'ma, itoj'mola', ipanni
 lixpa. Anuli ipammaitsi amaxnu, ocuena ipammaitsi afanej nuxans, łocuena ipammaitsi
 anuxans quimbama'.

⁹ 'Naitsi nocuejpa, alquimf'eł'a' iya' laitaiqui'.

¹⁰ Ts'ilihuequi Jesús iłoc'olai'me. Icuiss'e'me, timiyi:

—Ima', łte cofmuc'icopola' tołiya? Aimo'ila' acuajmaica cataiqui'.

¹¹ Jesús italai'e'e'mola', timila':

—Imanc' LanDios epalc'o'ipolhuo' lołpicuejma'. Olcueca lipime cataiqui'. Olcueca lo'iya
 jilpiya petsi lan xanuc' tihuejcoyi LanDios, itque cal Cuecaj Rey Nopa'a lema'a. Locuenaye
 lan xanuc' aiquicołcueca. ¹² Cal xans ja'ni ticueca, xonca ticuej'ma, tuyaf'ma lipicuejma'.
 Cal xans ja'ni aiquicołcueca, tejac'e'ma ile lixina'. ¹³ Ine: “Tama tehuelojnyi, aimixinyi;
 tama tiquimf'eyi, aimicuejyi.” Tołiya laifpalaic'opola' ihniya a'ij cuajmaica cataiqui'.

¹⁴ Jilne lo'ipola' enanłcopa luya'apa cal profeta Isaías, ticua:

Tołquimf'e'me, ti'hua tołquimf'eyi, aimołcuc'eyacu.

Tolahuelojm'me, ti'hua tolahuelojnyi, aimołsinyacu.

¹⁵ Al linca liłpicuejma' ilne lan xanuc' i'ipa ta.

Tama tipa'a liłs'mats'i', afule micuec'eyi.

Ixpoł'mipá lił'u'.

Ja'ni colá' aimi'e'me tołta'a tixingo'me lił'u', tiquimf'eco'me liłs'mats'i',

laitaiqui' titsufai'ma liłpicuejma', alcuc'e'ma,

tipailinacu, titsuflaina'me al c'a cane,

tołta'a caxał'mena'mola', quilonc'e'ena'mola' liłjunac'.

¹⁶ 'Imanc' linca tuluyalaicoyi al c'a. Tołsinyi, tołquimf'eyi. ¹⁷ Iya' camilhuo' al linca:
 Luyaipa quitine axpela' lan xanuc' tijanajyi colá' tixinte ile lołsimpa itsiya imanc'. Ihniya
 lam profeta jouc'a locuenaye lan xanuc' naihuejpá locuxepa LanDios, aiqixim'me.
 Tijanajyi colá' tiquimf'ełe ile lołquimf'epa itsiya imanc'. Aicu'innila' ihniya lataiqui'.

¹⁸ 'Alquimf'eł'a'. Cuhuałc'e'e'molhuo' lataiqui' loya'apa te ts'i'ic' li'ipa jilpiya leca'nimpa
 cal trigo. ¹⁹ Itsiya LanDios cal Rey Nopa'a lema'a tijoc'ila' lan xanuc' tihuejcołe. Cal xans
 noquimf'epa ile lataiqui' ja'ni aimicueca ti'i'ma to li'ipa jilpiya łecangemma lane lam fanu'.
 Ticuaihuo łonta'a, tipa'ena'ma lataiqui', ihniya lifapa lipicuejma' cal xans.

²⁰ 'Ite huata łacamats' lifaf'impá jilpe lixmi capic ti'onłcospa to cal xans micuej'ma
 lataiqui' loya'apa ile al c'a lixplic'epa LanDios, tepenuf'ma, tixojco'ma queta. ²¹ Itque
 tihuequi le'a oque' fane' quitine, lataiqui' aimif'acay lime jilpe lipicuejma'. Ticuaiłsi
 lixhuejma', o lan xanuc' tixtuc'oyi mihuequi ile lataiqui', itque aimihuejcoya, tenaj'moxi.

²² 'Łamats' lifampa jilpiya litojpa litac' ti'onłcospa to łocuena cal xans. Itque tiquimf'e
 lataiqui' loya'apa al c'a lixplic'epa LanDios. Tijouł'a tixhuełma juaiconapa, ticua: “¿Te
 caifnuyaicoya laipitine?” O tifel'mi'moxi quituca', tijanaca tulijla' axpe' qui'huexi. Ite
 lataiqui' lopa'a lipicuejma' ejec'opa, aiqipammaic'.

²³ 'Cal c'a camats' lifampa ti'onłcospa to łocuena cal xans, iłque tiquimf'e lataiqui' loya'apa iłe al c'a lixpıc'epa ŁanDios, ticueca. Iłe lataiqui' ipammaita. Iłque cal xans lo'ıya ti'onłcospa to li'ıpa cal fanuj trigo lipammaita amaxnu, o lipammaita afanej nuxans, o lipammaita anuxans quimbama'.

²⁴ Jesús i'onłiconapa lo'epa ŁanDios fa'a li'a łamats', timila':

—Anuli cal xans eca'ni'ma lan c'a fanuj trigo łemats', li'ıpa jıłpe ti'onłcospa to lo'ıya petsi ŁanDios tijoc'ıla' lan xanuc' tihuejcołe. Iłque cal Cuecaj Rey Nopa'a lema'a. ²⁵ Joupá eca'nıpa lan c'a fanuj trigo, mixmaiıi lan xanuc', icuaitıi no'epa laic' iłque cal xans, eca'ni'ma ocuenaj fanu'. Iłque lixcay fanu' eca'ni'ma małpe pe leca'nımpa lan c'a fanuj trigo. I'huana'ma.

²⁶ 'Itoj'mola' cal trigo jouc'a lixcay quitamqui. Lipanni lixpá imetsaicom'me uhuantsi lixcay quitamqui. ²⁷ Icuaitıa limozó lipoujna camats'. Icuıs'e'me liłpoujna, timiıi: “Małpoujna, ¿te aıcomeca'ni cal c'a fanuj trigo łomemats'? ¿Pe qui'huayomma iłquiıya lixcay quitamqui?” ²⁸ Łapoujna italai'enni, timila': “Tołta'a li'epa nał'epa laic'”. Limozó icuıs'e'me, timiıi: “¿Te cał'eyacu? ¿Te alyaxta iłque lixcay quitamqui?” ²⁹ Liłpoujna timila': “A'i, aımi'ıya. Ja'ni tolyaxtsa, jouc'a tiyaxc'ehuo cal trigo. ³⁰ Ma tołe tipanenni. Tıtoıtsola' ma' anuli cal trigo jouc'a lixcay quitamqui. Ticuaitıi litine tefot'łente, ıya' camı'mola' no'eyacu canic': Tonłełe, ate'a tolyaxtsa jıłe lixcay quitamqui, tołfi'ot'łetsa atotsa atotsa tipi'em'me. Tijoułá, tolafot'łetsa cal trigo, toł'hua'anca fa'a laınejut'ı.”

³¹ Jesús ti'hua ti'onłiconghua lo'epa ŁanDios fa'a li'a łamats'. Timila':

—Anuli cal xans itai'ma anuli łajfanu' juaiconapa aca'hua cuftine sinapı, ifatsı łemats'. Li'i'ma iłque cal fanu' ti'onłcospa to lo'ıya petsi ŁanDios cal Cuecaj Rey tijoc'ıla' lan xanuc' tihuejcołe. ³² Iłque cal fanu' xonca aca'hua, tıtoj'ma tulıj'ma jahuay lofampa jıłpe łaqueıya. Iłque xonca tıtoqui. Ti'i'ma to al 'ec. Lacał'hui naiıulpá lema'a jıłpe al 'ec tilanc'e'me liłpuxı'na, timajm'me.

³³ Jesús ti'hua ti'onłiconghua lo'epa ŁanDios fa'a li'a łamats'. Timila':

—Anuli łaca'no' ilai'i'ma hıevadura axpe' hı'harına. Li'i'ma cal harına łilai'ıpa cal levadura ti'onłcospa to lo'ıya petsi ŁanDios cal Cuecaj Rey Nopa'a lema'a tijoc'ıla' lan xanuc' tihuejcołe. Iłe cal levadura ti'hua tilai'ı cal harına. Lıjou'ma umfunni jahuay łax'e.

³⁴ Tołta'a limuc'ıyalepa Jesús. Ma le'a i'onłıcopa lo'epa ŁanDios. Aııimuc'ıla' acuajmaıca cataıqui'. ³⁵ Tołta'a enanłcopa linespa cal profeta. Iłque uıya'a'ma linespa cał'Aıııı', ticua: Capalaic'o'mola' lan xanuc', ca'onłıco'ma lo'epa ŁanDios.

Lııajnyopa li'a łamats', emııya iıııya lataıqui'.

ıtsııya cu'i'mola' lan xanuc'.

³⁶ Jesús ıpo'no'mola' lan xanuc' nomana' jıłpiıya. Ts'ılıhuequi iłoc'otai'me, timiıi:

—Lu'ıtsonga', lıhuałc'etsonga' lataıqui', iłe loıya'apa te ts'ı'ic' li'ıpa jıłpe łemats' cal xans pe lıtoııyopa lixcay quitamqui.

³⁷ Jesús timila':

—ıya' iłque cal Xans Lııııpa cal profeta pu'hua lema'a. ıya' ał'onłcospa to iłque cal xans neca'nıpa lan c'a fanu'. ³⁸ To łemats' lifapa cal xans tołe ti'onłcospa iłca'a li'a łamats'. Naihuejcopá ŁanDios, iłque cal Cuecaj Rey, iłne ti'onłcospola' to lan c'a fanu'. Naihuejcopá łonta'a, iłne ti'onłcospola' to lixcay quitamqui, iłe łıtamqui lifapa iłque łın'ehuale laic' cal xans.

³⁹ Łonta'a Satanás, iłque łın'ehuale laic'. Li'i'ma litine lafot'łeya ti'onłcospa to lo'ıya Lıııııma Quitine. Nefot'łepá trigo, iłne ti'onłcospola' to lapaluc' quema'a, małniıya tefot'łem'mola' lan xanuc'.

⁴⁰ 'Ma to miıaxquım'me lixcay quitamqui, tipi'em'me, ma tołta'a lo'ıya Lıııııma Quitine. ⁴¹ ıya' iłque cal Xans Lııııpa cal profeta pu'hua lema'a. ıya' cumme'mola' laınepaluc' quema'a. Ma to miıaxquım'me lixcay quitamqui, tołta'a tepa'am'mola' lomınts'eyalepá liłpicuejma' lan xanuc'. Jouc'a tipa'am'mola' pe aıııııuejcoııı locuxepa ŁanDios. Iıııııya aııııııajnyacu anuli naihuejcopá ŁanDios, iłque cal Cuecaj Rey. ⁴² Iłne

lixcay xanuc' ti'nij'mim'mola' al cuecaj capa lonajpa lunga. Jilpiya lan xanuc' tijolijta, ti'ilc'ta li'ay, tixinna acuecaj cumla. ⁴³ Lan xanuc' naihuejcopá locuxepa ÆanDios, ma ihniya timanecu pe locuxeyopa ÆanDios ilque qui' Ailli'. Jilpiya ti'huájtola' to mi'huájta cal 'ora tuyaila' hummahuay.

'Naitsi nocuejpa, alquimf'ela' iya' laitaiqui'.

⁴⁴ 'To li'epa anuli cal xans liximpa axpe' al tomí lemuyiya lamats', to'la'a ti'on'cospa to lo'eyacu lan xanuc' noquimf'epá, naihuejcopá ÆanDios lojoc'ipola', ilque cal Cuecaj Rey. Cal xans liximpa il'e al tomí emucona'ma. Tixoqui queta i'hua'ma icujtsi jahuary hi'huexi. He lulij'ma i'naco'ma lamats' jilpe lamuya al tomí.

⁴⁵ 'To li'epa anuli cal xans lincuale mehuay lam perla, ihniya acueca' lipitali, to'la'a ti'on'cospa to lo'eyacu lan xanuc' noquimf'epá, naihuejcopá ÆanDios lojoc'ipola', ilque cal Cuecaj Rey. ⁴⁶ Cal xans iximpa anuli cal perla acueca' lipitali, i'hua'ma icujtsi jahuary hi'huexi. He lulij'ma i'naco'ma ilque cal perla.

⁴⁷ 'To li'ipa petsi lin'no'pá catuye lecajm'mi'me hixami al cuecaj quin'nuhua', to'la'a ti'on'cospa to lo'iyacola' lan xanuc' noquimf'epá, naihuejcopá ÆanDios lojoc'ipola', ilque cal Cuecaj Rey. Ilque cal xami i'no'pola' jahuary latuye, ilne lotempola' jouc'a pe aimitejn-nila'. ⁴⁸ Namma i'i'ma cal xami, lin'no'pá catuye ipa'a'me laja'. Icuscolenca, i'huij'f'e'me lan c'a catuye, ti'nij'miyi li'lsiquihuit'l. Locuenaye latuye, ilne pe aimitejn-nila', eca'ni'me. ⁴⁹ To'la'a ti'i'ma Lijoujma Quitine. Ticuaicu lapaluc' quema'a, tenaj'mola' lan xanuc'. Ti'huij'f'e'mola' lan xanuc' naihuejcopá locuxepa ÆanDios. Lixcay xanuc' tipa'am'mola'. ⁵⁰ Tecajm-mim'mola' lapa petsi lonajpa lunga. Jilpe lan xanuc' tijolijta, ti'ilc'ta li'ay.

⁵¹ Jesús icuis'e'mola', timila':

—¿Te oluhualpá lainu'ipolhuo'?

Ilne italai'e'e'me, timiyi:

—Ma luhualpá.

⁵² Timila':

—Imanc' unc'omxiye, joupa olihuic'ipá te ts'i'ic' lo'iya petsi ÆanDios timujyoxi, ilque cal Cuecaj Rey Nopa'a lema'a. Toliya ti'on'cospolhuo' to lapoujnalá cajut'hi. Ilque lapoujna cajut'l tipa'e, timuqui hi'huexi. Tipa'e lafane hi'huexi, jouc'a tipa'e cal ts'e, timuc'ila' lan xanuc'.

⁵³ Lijoupa limuc'iyalepa ilne la'aiquí, ipanni jilpiya. ⁵⁴ Icuaiti lipi'ya' pe litojyopa. Ipango'ma imuc'i'mola' lan xanuc' jilpe lajut'l pe lafo'lyomma. Ilne lan xanuc' ticuayi:

—¡Xinla'! Acueca' juaiconapa lonespa jouc'a lo'epa. Ilque cal xans, ¿naitsi nimuc'ipa? Juaiconapa ixina'. ¿Naitsi nepi'ipa limane ti'ela' to'la'a? Ilque ti'ay acueca' to lo'epa ÆanDios. ⁵⁵ Ilque i'hua cal xans linc'alhua'pa, María i'máma'. Jacobo, José, Simón y Judas ipimaye. ⁵⁶ Lipimaye caca'no' jouc'a timana' fa'a. ¿Naitsi nimuc'ipa lonespa? ¿Naitsi nepi'ipa limane?

⁵⁷ Ilne ixim'me Jesús to jipu'hua ni naitsi xans. Ixtulencia. Aimicuayi mepenufyacu. Jesús timila':

—Cal profeta mipa'a lipi'ya' o lejut'l, jilpiya aimepenuffyacu. Ja'ni ti'hua'ma ocuena qui'ya', jilpe linca tepenufta.

⁵⁸ Ma' ahuata al cueca' li'e'ma Jesús jilpe lipi'ya'. Lan xanuc' aiqul'huaiyinge.

14

¹ Ihniya litiné Herodes icuejpa lo'epa Jesús. Jilque Herodes ticuxe jilpe lamats' Galilea.

² Timila' lixanuc':

—Ilque aJuan Bautista. Imaf'inapa, ipanamma pe lomana' lamizhua. Toliya tipa'a limane, ti'ay al cueca'.

³⁻⁴ To'la'a licuapa Herodes i'nujuaiti li'e'epa Juan.

Itque Herodes ilecopa li'maxi cuftine Herodías, exic'e'epa hipima Felipe. Juan Bautista italepa Herodes. Timi: “Ima' o'epa lixcay. Aimolmajncona'me anuli ima' laca'no'.” Herodes aits'etenlcoco'ma ihya lines'ma Juan Bautista. Ixtuc'opa, i'nołpa, ifi'ecopa acadena, i'nicopa lacarza. ⁵ Ticua: “Cama'a'ma”. Aiquima'e. Tixpaic'ela' lan xanuc' aga tixtulecu. Jahuay ticuayi: “Juan aprofeta. LanDios ummepa.”

⁶ Ixhuaitsi lemats' Herodes i'e'ma juic. Jiłpe efołyomma Herodes lijoc'ipola'. Ixou'ma hi'hua caca'no' Herodías. Juaiconapa icuaitsi quipic'a Herodes. ⁷ Icuaj'mipa LanDios, epi'ipa cataiqui', timi ľahuats': “Itsiya, ¿te caifnepi'iyaco? Aľsahue'ela'.” ⁸ Łahuats' ihuejco'ma qui'máma' lixc'ai'i'ma, timi: “Ałtai'etsi ľijuac Juan Bautista. Tipo'nof'intsa laxpef' pime.”

⁹ Herodes ixhuełconni. ¿Te co'eya? Joupa icuaj'mipa LanDios, icupa cataiqui'. Li-joc'ipola' jouc'a icuejco'me licuaj'mipa. Aimi'iya micuanac'eya ľahuats'. Icuxe'ma ti'enle to lixahue'epa ľahuats'. ¹⁰ Umme'ma anuli cal soldado pu'hua lacarza tetec'entsa ľejoc' Juan. ¹¹ Ipo'nof'intsa ľijuac laxpef' pime, i'hua'anni, uhui'itsi ľahuats'. Itque itai'ma, uhui'itsi qui'máma'. ¹² Icuaiyunca ts'ilihuequi Juan. Itaina'me licuerpo emunatsa. Iye'me u'itsa Jesús.

¹³ Jesús, licuej'ma li'ipa Juan, if'aj'ma al barco, i'hua'ma petsi ailopa'a quiłya' ni cajut'ł. Aicu'ila' lan xanuc'.

Li'i'ma quiłsina' lan xanuc', ilne ipalunca hiłpilololya', iye'me lił'mis. Ticuaitsa pe licuaita Jesús. ¹⁴ Jesús iquie'ma al cueca' quin'nuhua', icuaitsi locuena ľiju'. Lipanni al barco ixim'mola' axpela' lan xanuc' joupa icuaita jiłpiya. Ixim'mola' acuanuc'la. Ixał'mena'mola' lilefcualłay.

¹⁵ Joupa ummuhuita, ts'ilihuequi Jesús iloc'olai'me. Timiyi:

—Jifa'a ailopa'a quiłya', ailopa'a cajut'ł. Joupa ummuhuita. Toxc'ai'itsola' lan xanuc'. Tomitsola' tiyenle ľaiquielololya', ti'natsa łotejacu.

¹⁶ Jesús timila':

—¿Te coyecoyacu? Imanc' tołtes'mitsola'.

¹⁷ Iłniya timiyi:

—Jifa'a tipa'a ma le'a amaque' la'í y oquexi' latuye.

¹⁸ Timila':

—Toł'hua'anca fa'a.

I'hua'a'me.

¹⁹ Jesús icuxe'e'mola' lan xanuc' ticutsołaiłe ľaiquitamqui. Epef'mola' lam maque' la'í, loquexi' latuye. Ehuelojm'ma al toncay lema'a, ix'najtsi'i'ma LanDios. Ixquenuf'mola' la'í, epi'i'mola' ts'ilihuequi. Ts'ilihuequi eca'nem'mola' lan xanuc'. ²⁰ Jahuay itetso'me ixhuaitsolea'. Ts'ilihuequi Jesús efot'le'me ľajihualcay ľipanecomma. Ima'ni'me imbama' coque' lan tsiquihuit'ł. ²¹ Iłniya litetso'me tixhuaispola' oquej nuxans quimbama' maxnu lan xanuc'. Jouc'a itetso'me lacał'no' jouc'a la'uhuy.

²² Aiquicoł'ma. Jesús icuxe'e'mola' ts'ilihuequi, timila':

—Toł'ajliłe al barco. Toł'quiełe al cuecaj lin'nuhua'.

Itque tipanenni tixc'ai'ila' lan xanuc' tiyenle hilejut'łi. ²³ Lijoupa lixc'ai'ipola' lan xanuc' Jesús if'aj'ma quituca' ľijualay, tipalaic'otsi LanDios. I'ipa quipuqui', tipa'a quituca' jiłpiya. ²⁴ Ts'ilihuequi noyecopá al barco joupa icuaita aculi'. Łamats' canujnca ailopa'a. Afule mi'hua al barco. Łahua' ti'hua titalecufi. Itsahuemma laja', ułfxi tipange al barco.

²⁵ Liłic'ejma icuainatsi jiłpiya Jesús, ti'huailetsaf'que laja'. ²⁶ Ts'ilihuequi ixim'me mi'huayaf'que laja'. Juaiconapa ixpailij'mola'. Tija'ayi, ticuayi:

—Icuaiico'ma cal cueca' quinxpai'ale.

Tija'ayi caxpaiqui'.

²⁷ Aiquicoł'ma. Jesús ipalaic'o'mola', timila':

—Aimixpailij'molhuo'. Ma' iya'. Aimolšuełmot'le'me. Ailopa'a tintsu.

²⁸ Pedro timi:

—Maipoujna, ja'ni aŋca ima', aŋmita': "To'huanni". Iya' ca'hua'ma, ca'huailsaf'la' laja', cacuaiti pe lofpa'a.

²⁹ Jesús timi:

—To'huanni.

Pedro emunni al barco, i'huailsaf'tsi laja' ticuaiti pe lopa'a Jesús. ³⁰ Lixim'ma lahua' ti'hua juaiconapa ipujfxi, ixaiconni. Ipango'ma if'acaina'ma laja'. Ija'a'ma, timi Jesús:

—Maipoujna, ¡lunŋu'eŋa'!

³¹ Aiquicoŋ'ma. Jesús i'nij'ma limane, i'noŋ'ma Pedro, timi:

—Ima' le'a ahuata aŋ'huaiyinge. ¿Te qui'ico'po' a'ij nuli lopticuejma'?

³² Jesús jouc'a Pedro if'ajli'me al barco. Ipanenanni lahua'. ³³ Iŋe nomana' al barco exc'onŋingotaime Jesús, timiyi:

—Ima' ma' i'Hua ŋanDios.

³⁴ Ti'hua tiquieyi al cueca' lin'nuhua'. Icuaita lamats' Genesaret. ³⁵ Iŋe lun Genesaret imetsaico'me Jesús, ummem'mola' lilepaluc' tiyeŋe ni petsi jilpiya lamats', tuya'atsa joupa icuai'ma Jesús. Licuej'me toŋta'a lan xanuc' icuai'enca jahuary lilefcualŋay. ³⁶ Ixa'hue'me ma le'a tiŋafc'eŋe lema lipijahua' lafcualŋay. Jahuary niŋafc'e'me ixaŋcona'mola'.

15

¹ Lan xanuc' fariseo jouc'a lomxiye nomuc'iyalepá locuxepa ŋanDios, quiyouyomma Jerusalén, icuaita pe lopa'a Jesús. Icuais'e'me, timiyi:

² —Iŋiya laŋtatahueló tipa'a liŋ'ejma' tulouyi liŋmane ai'a titetso'me. Ts'ihuejhuo', ¿te aimulouyi liŋmane? ¿Te co'ecopa toŋta'a? ¿Te aimihuejcoyi liŋ'ejma' laŋtatahueló?

³ Jesús italai'e'e'mola', timila':

—Imanc' xonca tolihuejyi liŋ'ejma' loŋtatahueló, oŋpic'a. Toŋta'a tolatets'iyi locuxepa ŋanDios. ¿Te conŋ'ecopa toŋta'a? ⁴ ŋanDios ticuxe, ticua: "Taihuejco'mola' co'ailli', co'máma'. Totoc'i'mola'." Jouc'a ticua: "Cal xans nomipola' cataiqui' qui'ailli' qui'máma' tipa'a lijunac'. Tima'anŋe."

⁵⁻⁶ 'Ituca' loŋcuapa imanc'. Toŋcuayi: "Cal xans ai' mitoc'i'mola' qui'ailli' qui'máma'. Ma le'a timitsola': Aimi'iya catoc'iyacolhuo'. Iŋe lai'hueca coŋa' catoc'icotsolhuo' joupa nenajpa, catsufcota ŋanDios." ŋanca tolihuejyi liŋ'ejma' loŋtatahueló. Litaiqui' ŋanDios locuxepa aimolanant'iyi. Toŋ'e'eyi to ni naitsi cataiqui'.

⁷ 'Imanc' aijc'a loŋ'ejma'. Ma le'a toŋ'e'eyoŋtsi, imanc' ai' cunc'ic'a xanuc'. Cal profeta Isaías inescopolhuo'. Iŋe litaiqui' tuya'e' lonespa ŋanDios, ticua:

⁸ Iŋiya lan xanuc' aŋmi: "Ima' alanDios, ima' unCueca'".

Jilpe hilunxajma' latets'i, aimalihuequi.

⁹ Lataiqui' lomuc'iyalepa iŋniya, ai' litaiqui'.

Timuc'iyaleyi iŋiya locuxepa lan xanuc'.

Tama alaxc'onŋingaita', aimalatenŋma iŋe liŋ'ejma'.

¹⁰ Jesús ijoc'i'mola' lan xanuc' ticuaiyunca, timila':

—¡Aŋquimf'eŋa'! ¡Aŋcuc'eŋa' iŋe laifmipolhuo'! ¹¹ Cal xans lo'nicoya lico, iŋe aimi'iya mixis'meya. Laipayomma lico, iŋe litaiqui' locuapa, ja'ni ixay cataiqui', iŋe linca tixis'me'ma cal xans.

¹² Ts'ilihuequi icuaiyunca pe lopa'a Jesús, timiyi:

—¿Te conescopa toŋta'a? Lan xanuc' fariseo juaiconapa ixtuc'opo'.

¹³ Jesús italai'e'e'mola', timila':

—Al 'ec pe aiquifac' cai'Ailli', iŋque Nopa'a lema'a, iŋe al 'ec tiyaxquim'me. ¹⁴ Timajnle. Aimolquimf'e'mola'. Iŋe afohue, ti'huaj'me'eyi liŋ'as fohue. Ja'ni cal fo' ti'huaj'me'eŋa' lif'as fo', loquexi' timefmoŋaita lina.

¹⁵ Pedro timi:

—Luhuaŋc'e'etsonga' iŋe litaiqui'.

16 Jesús timila':

—Imanc' jouc'a, ¿te ailopa'a colpicuejma'? 17 Cal xans lo'nicopa lico, ìe aimitsufaiya lipicuejma', titsufay licu'u, tijoula' tipanamma. ¿Te aicolcina' tohta'a'? 18 Laipayomma lico cal xans, ìe lataiqui' qui'huayomma lipicuejma', ìe linca tixis'me'ma ìque cal xans.

19 'Jahuay lonespa, lo'epa cal xans tipayomma lipicuejma'. Małpiya qui'huayomma jahuay lixcay. Jilpe lipicuejma' lan xanuc' tixpic'eyi ti'ete lixcay. Tixpic'eyi tima'ahuale'me. Tixpic'eyi tif'iltsaicote lipeno hif'as xans. Tixpic'eyi tixhuico'mola' locuenaye cacal'no' a'i lipeno. Tixpic'eyi tinantse'me. Tixpic'eyi tifellaique'me. Tixpic'eyi tixahuale'me.

20 'Jahuay ìna'a ti'e'e'mola' xujc'a, tohta'a tixis'me'mola'. Cal xans ja'ni aimulouhuo limane to lip'ejma' litatahueló, ma le'a titetso'ma, a'i tohta'a mixis'meya.

21 Jesús ipanni jilpiya. I'hua'ma ìlemats' ìne ìtelotya' Tiro y Sidón. 22 Icuaiyunni pe lopa'a Jesús anuli łaca'no' qui'huayomma jilpe łamats'. ìque a'ij judía. Litatahueló cuftine lan cananeo. Lan xanuc' judío tetets'innila' ìne lan cananeo. Ticuayi: "Atsilqui ìniya".

Łaca'no' tija'e', timi Jesús:

—Maipoujna, ima' tecui'inghuo' i'Hua David, łalsinla' nincuanuc'! Łai'hua caca'no' titełma juaiconapa. Itsufaipa anuli liponta'a Satanás.

23 Jesús aikuitalai'e'. Ts'ìlihuequi ìloc'olai'me, timiyi:

—Łca'a łaca'no' ti'hua tija'e' lihuequinga'. Tocuxe'eta' ti'huanla'.

24 Jesús italai'e'ma, timi łaca'no':

—ŁanDios lummepa catoc'itsola' lixanuc' Israel, ìne lo'onłcospola' to lam mot'ł le-jac'pola'. Aimi'iyacatoc'iyacola' locuenaye lan xanuc'.

25 Łaca'no' ìloc'huai'ma exc'onłngai'ma, timi:

—Maipoujna, łaltoc'ila'!

26 Jesús italai'e'e'ma, timi:

—Aimi'iyamilonc'e'enyacola' ìle'i la'uhuay, meca'ni'enyacola' lan tsilqui.

27 Łaca'no' timi:

—Maipoujna, al linca lotaiqui'. Iya' cacua: ìniya lan tsilqui, tama atsilqui, ìne titeji laijhualcay ca'i lacangemma limesa lipoujna.

28 Licuej'ma jiliya lataiqui' Jesús timi:

—Maca'no', acueca' ał'huaiyijmpa. Ma to łalsahue'epa, tole ti'ila'.

Małe 'hora ixal'cona'ma li'hua łaca'no'.

29 Jesús ipanni jilpiya. Ti'hua łema al cuecaj quin'nuhua' Galilea. If'aj'ma łijualay, licuaitsi icutshuai'ma jilpiya. 30 Icuaiyunca axpela' lan xanuc'. Icuai'etsa axpela' lilefcualay, ìne lan coxo, latumane, lan fohue, jouc'a ocuenaye lan xanuc' ìne aimi'i mipalaiyi, jouc'a ocuenaye lafcualay. Ipo'nom'mola' huejnca li'mitsi' Jesús. ìque ixal'mena'mola'. 31 Lan xanuc' ixim'me ìe li'ipola' lafcualay. ìne pe aimipalaiyi ipalaina'me. ìne latumane jounpa ixal'conapola'. Lan coxo tiyenayi. Lan fohue tixinalenayi. Lixim'me tohta'a lan xanuc' timiyoltsi:

—¿Xinla' ja'a! ìque Jesús ti'ay al cueca'.

İx'najtsi'i'me ŁanDios, ìlenDios ìne lan xanuc' Israel.

32 Jesús ijoc'i'mola' ts'ìlihuequi, ticuainanca. Timila':

—Iya' caxinnila' cuanuc'la ìna'a lan xanuc'. İxhuaita afane' quitine małmana' anuli fa'a. Ailopa'a cotejacu. Aimi'iyacummeyacola' tohta'a. Aimi'iyamiyeyacu lipitelotya'. Titafquecola' lane.

33 Ts'ìlihuequi timiyi Jesús:

—Jifa'a ailopa'a quilya'. ¿Petsi calsi'neyacu łai' łotejacu ìna'a axpela' lan xanuc'?

34 Jesús icuis'e'mola' ts'ìlihuequi, timila':

—¿Tojua mipa'a łola'i?

Timiyi:

—Acaitsi la'í, oquexi' afantsi latuye.

³⁵ Jesús timila' lan xanuc':

—Tołcutsolaite łamats'.

³⁶ Epef'mola' lan caitsi la'í jouc'a latuye. Ix'najtsi'i'ma ŁanDios. Ixquenuf'mola', epi'i'mola' ts'ilihuequi. Ts'ilihuequi eca'neyale'me. ³⁷ Jahuay itetso'me, ixhuaitsola'. Ts'ilihuequi efot'le'me lan hualcay lipanecomma. Imantsi acaitsi cal tuc'pay. ³⁸ Lan xanuc' nitetsopá tixhuaispola' oquej nuxans maxnu. Lacał'no', la'uhuay itetsopá jouc'a, aiqixhuej'mem'mola' ihniya. ³⁹ Jesús ixc'ai'ina'mola' lan xanuc' tiyente łiłpitolotya'. If'aj'ma al barco, i'hua'ma łamats' pe lopa'a liłya' cuftine Magdala.

16

¹ Lam fariseo jouc'a lan saduceo icuaitsa pe lopa'a Jesús. Ehuai'me. Timiyi:

—To'eł'a' al cueca' to lo'eya ŁanDios, iłque Nopa'a lema'a. Tołta'a ał'huaiyjm'mo'.

² Jesús italai'e'e'mola', timila':

—Mif'acai'ma cal 'ora, ja'ni tunxał'o lema'a, tołcuayi: “Mouqui ti'i'ma ac'a quitine”.

³ Mi'i'ma quitine tołcuayi: “Xinł'a', tunxał'o lema'a, unxamuhua, ti'hua'ma łahua', ticui'ma”. Imanc' a'i cunc'ic'a xanuc', ma le'a tonł'e'eyołtsi. Tołsuef'yi lema'a, tijouł'a', aimi'iya cołsina' te ts'i'ic' lomuc'ipolhuo' ŁanDios itsiya litine.

⁴ 'Lan xanuc' nomana' itsiya ux'maspá lipene ŁanDios. Mi'eyi al xujc'a timiyi: “Ałmuc'itsonga' al cueca'”. A'i mimuc'inyacola'. Łınca ti'i'ma to li'ipa cal profeta Jonás mipa'a luyaipa quitine. Iłiya lo'iya tixim'me.

Ipo'no'mola' i'huana'ma.

⁵ Iquiecona'me al cueca' quin'nuhua' Jesús jouc'a ts'ilihuequi. Jıłniya ts'ilihuequi aiqıłtaic' quile'i, imenc'ecopá. ⁶ Jesús timila':

—Tołpo'note cuenna. Aimolapenuf'me liłevadura lam fariseo, ni aimolapenuf'me liłevadura lan saduceo.

⁷ Iłniya timiyołtsi:

—¿Te całmicoponga' tołta'a? O ¿iłque inescopa aicałtaic' cala'i?

⁸ Jesús ixina' locuapa ihniya, timila':

—¿Te cołmicopołtsi: “İllanc' aicałtaic' cala'i. ¿Te cał'eyacu?”? Imanc' huata ał'huaiyinge.

⁹ ¿Te olimenc'ecopá lam maque' la'í litempa loquej nuxans quimbama' maxnu lan xanuc'? ¿Te olimenc'ecopá tojua lan tsiquihuit'ł lołma'ne'mola' cal hualcay ca'i lipanecomma? ¹⁰ ¿Te jouc'a olimenc'ecopá lacaitsi la'í litempa lam malpuj mil lan xanuc'? ¿Te olimenc'ecopá tojua lan tuc'pay lołma'ne'mola' cal hualcay ca'i lipanecomma? ¹¹ ¿Te aimołcujcoyi laitaiqui' laimipolhuo'? İle laitaiqui' laimipolhuo': “Tołpo'note cuenna. Aimolapenuf'me liłevadura lam fariseo. Ni aimolapenuf'me liłevadura lan saduceo”, iya' aicapalajma ł'a'i.

¹² Itsiya ts'ilihuequi Jesús iłcueca iłque limipola'. Jesús tipalaicola' lam fariseo jouc'a lan saduceo lomuc'iyalepa. Aimipalajma cal levadura iłe łolai'impa cal harina milanc'em'me ł'a'i.

¹³ Jesús jouc'a ts'ilihuequi icuaitsa łemats' iłe liłya' cuftine Cesarea de Filipo. Jıłpe Jesús icuis'e'mola' ts'ilihuequi, timila':

—İya' iłque cal Xans Łiximpa cal profeta pu'hua lema'a, ¿te limetsaijma lan xanuc'? ¿Te cocuapa ihniya? ¿Naitsi iya'?

¹⁴ İhniya timiyi:

—Timana' iłne nocuapá ima' unJuan Bautista. Ocuenaye ticuayi ima' umprofeta Elías. Locuenaye ticuayi ima' umprofeta Jeremías o mocuenaj profeta.

¹⁵ Jesús timila':

—İmanc', ¿te cołcuapa? ¿Naitsi iya'?

¹⁶ Pedro italai'e'e'ma, timi:

—İma' unCristo, łummepo' ŁanDios. İma' i'Hua ŁanDios Łimał'i'.

¹⁷ Jesús timi:

—CunSimón, i'hua Jonás, ima' ipaxnepo' ÑanDios. A'ij xans ñimuc'ipo' tołta'a. Ma le'a cai'Ailli' Nopa'a lema'a, ñque ñinca imuc'ipo'. ¹⁸ Iya' camihuo': Ima' umPedro. Ñe lopuftine ja'ni tuhuałcufinle, tecui'im'me Apic. Itsiya omujpoxi to łapic petsi laifpo'nof'iya lainejutł, ñe lolanc'ecoya axanuc' pe laifnefot'leyacola'. Ñniya ni lamaya aimulijyacola' nulemma. ¹⁹ Capi'i'mo' lomane tomuc'itsola' lan xanuc' ti'ila' quilsina' pe lołtsuflaiyacu, tiyenle lipene ÑanDios, ticuaitsa pe locuxeyopa ÑanDios, ñque Nopa'a lema'a. Pu'hua lema'a ja'ni ticuanni: “Ailopa'a lane, aimi'e'me”, tołta'a ima' jouc'a tomi'mola' lof'as xanuc': “Aimo'e'ma. Ailopa'a lane. Aimi'ya mo'eya tołta'a.” Pu'hua lema'a ja'ni ticuanni: “Ne', ti'ima ti'e'me”, ima' jouc'a tomi'mola' lof'as xanuc': “Ti'ima to'e'ma, tipa'a lane. Ne', to'eła'.”

²⁰ Ixc'ai'i'mola' ts'ilihuequi, timila':

—Aimonluya'a'me naitsi iya', iya' ninCristo.

²¹ Ipangocopa ñe litine Jesús tu'ila' ts'ilihuequi te ts'i'ic' lo'iya. Tu'ila' ticuicomma titełco'ma, ti'hua'na'ma Jerusalén. Jilpiya ñniya lan xanuc' noxpipjá lataiqui', lixanuc' cal cuecaj ca'ailli' jouc'a lomxiye nomuc'iyalepá locuxepa ÑanDios, titełmita juaiconapa. Tima'ata. Afane' quitine timaf'ina'ma.

²² Pedro aiquetenłcoco'ma ñe lines'ma Jesús. Ileo'ma lijuqueya, itale'ma, timi:

—Maipoujna, aimocua'ma tołta'a. Aimi'ya mi'iyaco' tołiya.

²³ Jesús ipai'e'moxi, timi Pedro:

—¡To'huanta'! ¡Tanajxoxi fa'a! Ima' monta'a. Ima' opic'a ałsnic'e'eta laipene. Ima' toxpice' to mixpic'eyi lan xanuc'. Ituca' tixpic'e ÑanDios.

²⁴ Jesús tipalaic'ola' ts'ilihuequi, timila':

—Cal xans, ja'ni lihuejla', aimicuxeyacoxi quituca'. Iya' lapałts'inginna lancruz. Naitsi nalihuejya titaila' lencruz jouc'a. Tixpic'eła' tixnet'Ha' latełcoya. Tołta'a lihuejla'. ²⁵ Naitsi no'epoxi cuenna juaiconapa, ja'ni aimicua mitełcoya, ñque cal xans tecani'e'moxi. Naitsi nocuyacoxi latełcoya, nalihuejya, tama tima'anle, ñque tulij'ma lipitine, ñe al ts'e lipitine aimijouya. ²⁶ Cal xans nulijpa jahuay lopa'a fa'a li'a lamats', ja'ni tecani'exoxi łte tixhuico'ma ñe lulijpa? A'i, aimi'ya. łTe ti'ima ti'najtse'ma, ti'e'econa'moxi ac'a lipicuejma? A'i. Aimi'ya.

²⁷ Iya' ñque cal Xans Ñiximpa cal profeta pu'hua lema'a. Cacuacionanni jifa'a li'a lamats', ałejmalecu lainełaluc' quema'a. Tołta'a ałsim'ma iya' nincueca', ał'onłcota to ÑanDios cai'Ailli'. Ñe litine iya' ca'najtse'mola' lan xanuc'. Anuli anuli tepenuf'me lolijpa, ja'ni al c'a o lixcay. To li'epa jifa'a li'a lamats' ma tołta'a ca'najtse'mola'. ²⁸ Iya' camilhuo' al ñinca: Iya' ñque cal Xans Ñiximpa cal profeta pu'hua lema'a, cacuxe'mola' lan xanuc'. Hualca imanc' nolacaxhuołanna fa'a itsiya, ai'a timana'molhuo' tołsim'me tołta'a laif'epa.

17

¹ Uyai'ma acamts'us quitine Jesús ileco'mola' Pedro jouc'a loquexi' capimaye Jacobo jouc'a Juan. If'ajli'me quilituca' li'nof'quiya lijuala. ² Licuaitsa jilpe ipaico'ma lixans Jesús. Ñne ts'ilihuequi ixim'me li'a tunts'ifi to cal 'ora. Lipijahua' i'i'ma afujca, ti'onłcospa to lipepalc'o' litine. ³ Ixim'me imaxcaitsola' Moisés y Elías. Ts'ilihuequi ixim'me mipalaic'oyi Jesús. ⁴ Pedro timi Jesús:

—Maipoujna, ma jifa'a ałmanecu. Tołta'a luyalaico'me al c'a. Ja'ni opic'a calanc'e'ma afane' lihuoxqui, anuli ima', anuli Moisés, anuli Elías.

⁵ Mipalay Pedro, imunni ñummahuay, ummaf'cai'mola'. Ñummahuay tunts'ifi. Ts'ilihuequi Jesús icuej'me tipalay nolojmay cummahuay, timila':

—Ica'a ai'Hua, ca'ay capic'a juaiconapa, lateñma lipicuejma'. ¡Tołquimf'ełe!

⁶ Licuej'me ñhiya lataiqui', ts'ilihuequi Jesús ixpailij'mola' juaiconapa. Ixpats'huołai'me lamats'. ⁷ Jesús icuaitsi pe loxpats'huołanna, ilaf'mola', timila':

—Tołtsolinanca. Aimixpailij'molhuo'.

⁸ Ihniya ehuelojm'me. Ixim'me ma le'a quituca' Jesús. Moisés y Elías ailomana'.

⁹ Mimulnamma hjuala, Jesús ixc'ai'i'mola', timila':

—Itsiya aimoluyout'le'me lołsimpa. Nij naitsi nocuejya. Iya' itque cal Xans Liximpa cal profeta pu'hua lema'a. Ticuaitsi litine camaf'inla', quipayonahuo pe lomana' lamizhua, ite litine tolu'i'mola' lan xanuc' lołsimpa.

¹⁰ Ts'ilihuequi icuis'e'me, timiyi:

—Lomxiye nomuc'iyalepá locuxepa LanDios tinesyi: “Elías ticuaiconahuo ate'a, tijoula' ticuaihuo cal Cristo”. ¿Te conescopa tołta'a?

¹¹ Jesús italai'e'e'mola', timila':

—Al linca lonespa ihniya: “Elías ticuaiconahuo ate'a”. Itque tixanu'ma jahuary. ¹² Iya' camilhuo': Elías joupa icuai'ma. Ihniya aiqulimetsaijma. Iteł'mipá, i'e'epá ma to ts'ilpic'a. Ma tołta'a to ts'ilpic'a, ałteł'mi'ma iya' jouc'a. Iya itque cal Xans Liximpa cal profeta pu'hua lema'a.

¹³ Ts'ilihuequi Jesús icuec'e'me tipalaijma Juan Bautista, itque ti'onłcospa to Elías.

¹⁴ Icuainatsa pe lomana' axpela' lan xanuc' lafołyomma. Anuli cal xans icuaitsi pe lopa'a Jesús, exc'onłngai'ma, timi:

¹⁵ —Maipoujna, toxinla' cuanuc' lai'hua. I'huajcopa mac'ojay. Titełma juaiconapa. Camna tecajm-maispa lunga, o camna tecajm-maispa laja'. ¹⁶ Aicuai'e'ma pe lomana' ts'ihuejhuo'. Itne aimi'i mixał'meyi.

¹⁷ Jesús italai'e'ma, ticua:

—¡Ah imanc'! Aimoł'huaiyijnyi LanDios, a'ij hijca lołpicuejma'. ¡Coła' aicapajncona'ma pe lołmana'! ¿Te iya' ti'hua caxnet'ł'ma xonca?

Timi cal xans:

—Ałec'metsi lo'hua.

¹⁸ Jesús itale'ma liponta'a Satanás, itque hitsufaipa łamijcano. Ipanni. Aiquicol'ma, ixalcona'ma li'hua cal xans.

¹⁹ Ts'ilihuequi icuaitsa quituca' pe lopa'a Jesús, timiyi:

—Illanc', ¿te aiqui'ic' calipa'e łonta'a?

²⁰ Jesús timila':

—Imanc' aicol'huaiyinge LanDios. Tołta'a aiqui'ic' colipa'e łonta'a. Iya' camilhuo' al linca: Tama ajhuata ite loł'huaiyijncopa LanDios, tama ti'onłcospa to anuli cal fanu' xonca aca'hua, ja'ni toł'huaiyijnyi ti'i'ma toł'e'me al cueca'. Tołcuxe'e'me itque hijuala, tołmi'me: “Aimopajm'ma xonca fa'a. To'huanla' pu'huanni.” Ma tołta'a ti'i'ma. ²¹ Jouc'a camilhuo': Lontahue to itcu'hua afule mipalumma. Ticuicomma tołsnet'He, tołsa'huełe LanDios, tołta'a tołipa'e'mola'.

²² Miyelocoyi al distrito Galilea, Jesús jouc'a ts'ilihuequi, itque timila':

—Iya' itque cal Xans Liximpa cal profeta pu'hua lema'a, ałcunna. Lan xanuc' ał'e'eta to mixpic'eyi liłpicuejma'. ²³ Ałma'ata. Afane' quitine camaf'ina'ma, quipayohuo pe lomana' lamizhua.

Licuej'me jiliya lataiqui' ts'ilihuequi Jesús ixhuełconca juaiconapa.

²⁴ Icuaitsa liłya' Capernaum. Jiłpe iyoyunca lin'najtsi'iyalepá al cuecaj xoute'. Icuais'e'me Pedro, timiyi:

—Łopomxi, ¿te ti'najtse'e loxa'huempa al cuecaj xoute' o a'i?

²⁵ Pedro italai'e'e'mola', timila':

—Ti'najtse'e.

Icuaitsi lajut'ł. Jesús ixina' licuis'epa itne lin'najtsi'iyale. Ipalaic'o'ma Pedro, timi:

—Simón, ¿naitsi itne no'najtsepá impuesto? It al tomí lapenufyacu lincuxepá nomana' fa'a li'a łamats', ¿te liłnaxque' lincuxepá ti'najtseyi? o ¿locuenaye lan xanuc'?

²⁶ Pedro timi:

—Locuenaye lan xanuc' no'najtsepá, liłnaxque' a'i.

Jesús timi:

—Al linca lofcuapa. Linaxque' aimi'najtseyi. ²⁷ Iya' i'Hua LanDios, iñe aimi'iya mañmiya: “To'najtseña' lejut'i LanDios”, iñe ejut'i cai'Ailli'. Tama al linca iñe laifcuapa, itsiya camihuo': Añ'najtse'me. Ja'ni a'i ticua'me latets'ila'. To'huaña' al cuecaj quin'nuhua', tacajm'mitsi lomecuxa. Cal te'a catú tinuc'la' lacuxa, to'noña'. Tacuaf'etsi lico, taipa'atsi al tomí lopa'a jilpe lico latu. Totaitsi, to'najtse'etsola' iñe lañsahue'emponga'.

18

¹ Iñe litiné ts'ilihuequi Jesús icuaitsa, icuis'e'me Jesús, timiyi:

—Jilpiya pe lomana' iñniya naihuejcopá cal Rey Nopa'a lema'a, ¿naitsi xonca cal cueca'?

² Jesús ijoc'i'ma anuli lahuac'hua. Ecaxu'e'mola' ts'ilihuequi, ³ timila':

—Iya' camilhuo' al linca: Ticuicomma toñsuej'menca, toñ'etsotñi to jilca'a lahuac'hua. Ja'ni a'i, aimoñsufaiyacu pe lomana' naihuejcopá LanDios, cal Rey Nopa'a lema'a. ⁴ Ja'ni cal xans ti'oc'exoxi, ti'onñicoxoxi to iñca'a lahuac'hua, iñque cal xans ti'i'ma xonca cal cueca' pe lomana' naihuejcopá cal Rey Nopa'a lema'a. ⁵ Cal xans nocuapa: “Jesús ti'ela' capic'a la'uhuy”, tijouña' tepenufi anuli iñna'a, iñque cal xans lapenufinga' iya'.

⁶ Cal xans naimenac'iya anuli iñna'a laica'uhuy nañ'huaiyijmpa, acueca' titeñ'mim'me. Iñque coña' ifi'em'me lejoc', coña' ifinc'im'me cal cuecaj capic, ecajm'mintsa lin'nuhua' coña' unxalac'ma, ima'ma. Toña'a ticuicomma lo'iya iñque cal xans. ⁷ Micolí li'a lamats' ti'hua timajm'me lan xanuc' naimenac'iyacu liñ'as xanuc', toña'a aimunñuya li'a lamats', titeñ'mim'me. Ma' anuli cal xans naimenac'iya liñ'as xans a'ijc'a loyaicoya, jouc'a aimunñuya.

⁸ Ja'ni lomane o lo'mis timenac'ihuo' najmay tatejla', taca'niña'. Ja'ni tecajm'minno' petsi aimipica ñunga, ¿te cof'ecoyacola' oque' lomane, oque' lo'mitsi'? Najmay totsufaitsi jilpiya pe lotsufaiyacu iñe nepenufpá al ts'e liñpitine aimijouya, tama le'a anuli lomane o anuli lo'mis. ⁹ Ja'ni anuli lo'u timenac'ihuo', taipa'aña', taca'niña' aculi'. Ja'ni tecajm'minno' al muf pe lonajpa ñunga, ¿te cof'ecoyacola' oque' lo'u'? Najmay totsufaitsi jilpiya pe lotsufaiyacu iñe nepenufpá al ts'e liñpitine aimijouya, tama le'a anuli lo'u.

¹⁰ Imanc' toñpo'noñe cuenna. Aimonlatets'i'mola' iñna'a laica'uhuy. Iya' camilhuo', jilpe lema'a timana' lilepaluc' iñna'a laica'uhuy. Iñe lapaluc' quema'a itine itine timana' anujñca cai'Ailli', iñque Nopa'a lema'a. ¹¹ Iya' iñque cal Xans Liximpa cal profeta pu'hua lema'a. Aicuaicoco'ma fa'a li'a lamats' cunñu'e'mola' lan xanuc' lejac'pola'. Iñe ma' aipenic'.

¹² ¿Te coñcuapa? Anuli cal xans timana' amaxnu limot'ñ, ja'ni anuli tejac'la', ¿te co'eya? Iñque tipo'no'mola' lam malpuj nuxans quimbamaj peña jilpiya limuc'o, ti'hua'ma tehueta lejac'pa. ¹³ Linca lam malpuj nuxans quimbamaj peña limot'ñ, iñe pe aiquejac'ila', iñniya tixoc'iyi queta cal xans. Tixinnatsi limot'ñ lejac'pa, xonca tixoc'i'ma queta. ¹⁴ Toña'a lipicuejma' coñ'Ailli', iñque Nopa'a lema'a. Iñque ticua: Aimejac'mola' lañsocay ca'uhuy, ni anuli.

¹⁵ Ja'ni a'ijc'a li'epo' lojima, to'huaña' ima' cotuca' pe lopa'a iñque. Tomitsi: “¿Te cal'ecopa toña'a?” Ja'ni ticueca jounpa oxanu'epa. Toñpalaic'ona'moñtsi, ailopa'a tintsi. ¹⁶ Ja'ni aimicueca, topo'noña', to'huaña', tahuetsola' anuli o oquexi' lapimaye. Tolecotsola' pe lopa'a lojima. Toña'a to'e'ma ma to loya'apa al Paxi Linñingiya, ticua: “Ticuicomma oquexi' afantsi lan xanuc' ticuejcota lotalai'ecoya anuli cal xans”. ¹⁷ Ja'ni iñque lojima aimicueca, ja'ni aimiquimf'ela' iñniya, to'hua'ma, to'itola' lapimaye jilpiya pe lafot'heyopotsi. Ja'ni ti'hua aimicueca, aimiquimf'ela', ima' aimaimetsaico'ma xonca, jilque cal xans a'i copima. Ima' aimonñejmaleyacu lan xanuc' pe aimimetsaicoyi LanDios, jouc'a pe aimihuejcoyi locuxepa LanDios aimonñejmaleyacu. Ma toña'a aimonñejmalecona'me iñque cal xans.

¹⁸ Iya' camilhuo' al linca: Pu'hua lema'a ja'ni ticuanni: “Ailopa'a lane, aimi'e'me”, toña'a imanc' jouc'a toñmi'mola' loñ'as xanuc': “Aimo'e'ma. Ailopa'a lane. Aimi'iya mo'eya

tołta'a." Pu'hua lema'a ja'ni ticuanni: "Ne', ti'i'ma ti'e'me", imanc' jouc'a tołmi'mola' lołf'as xanuc': "Ti'i'ma to'e'ma, tipa'a lane. Ne', to'ela'!"

¹⁹ Jouc'a camilhuo': Mołmana' fa'a li'a łamats', ja'ni oquexi' imanc' ti'ıla' anuli lołpicuejma', ja'ni tołsahue'ele cai'Ailli' Nopa'a lema'a tepi'itsolhuo', ilque tepi'i'molhuo' ile lołsahue'epa. ²⁰ Petsi lafołyomma oquexi' afantsi lan xanuc' nał'huaaijyma, iya' jouc'a capa'a.

²¹ Pedro i'hua'ma pe lopa'a Jesús, icuis'e'ma, timi:

—Maipoujna, ¿tojua quimenc'e'eco'ma lijunac' łaipima, ilque a'ijca' łal'e'epa? Iya' cacua tixhuaitsi acaitsi.

²² Jesús timi Pedro:

—Iya' camihuo': Ai nica acaitsi taimenc'e'eco'ma li'e'epo' lixcay łopima. Cojouya lan caitsi ti'hua taimenc'e'eco'ma afanej nuxans quimbama', tijoułta' ti'hua taimenc'e'eco'ma, aimi'iya moxhuej'meya.

²³ Micuxe ŁanDios cal Cuecaj Rey Nopa'a lema'a, ilque li'ejma' ti'onłcospa to li'ejma' anuli cal cuecaj quincuxepa. Ilque ixpic'epa ti'najtsi'itsola' limozó. ²⁴ Lipangopa li'najtsi'ipola' limozó, ate'a icuai'entsa anuli cal mozo xonca itaiyinge acueca'. ²⁵ Ilque cal mozo aimi'iya mi'najtseya. Łipoujna, ilque cal cuecaj quincuxepa, icuxe'ma ticuquintsa limozo. Jouc'a ticuquint sola' łipeno, linaxque', jahuay łi'huexi. Tołta'a ti'najtseco'ma litaiyinc'e. ²⁶ Cal mozo exc'onłngai'ma, ixa'hue'ma łipoujna, timi: "Ti'ıla' c'a łomunxajma'. Ał'huaicołta'. Ca'najtse'ena'mo' jahuay litaiyinc'ehuo'." ²⁷ Łapoujna ixim'ma acuanuc' limozo. Imenc'e'ecopa litaiyinc'enni. Ux'mas'ma.

²⁸ İpanni cal mozo łimenc'e'ecompa litaiyinge. Italecuf'ma anuli łif'as mozo. Ilque itaiyinc'e huata. Cal mozo łimenc'e'ecompa litaiyinge i'noł'ma łif'as mozo. İpango'ma ummit'le'e'ma łejoc', tija'e', timi: "İAł'najts'e'ela' lałtaiyinc'e!" ²⁹ Łif'as mozo exc'onłngai'ma, tixahue'e, timi: "Ti'ıla' c'a łomunxajma'. Ał'huaicołta'. Ca'najtse'ena'mo' jahuay litaiyinc'ehuo'." ³⁰ Ilque cal mozo aiquicuac'. İ'hua'ma icuxe'ma titats'entsa, tipajntsi lacarza. Ticua: "Ma caltaiyinc'e tipajnl'a jilpiya".

³¹ Locuenaye lam mozó ixim'me li'i'ma. İxhuełco'me. İye'me u'itsa łilpoujna jahuay li'i'ma. ³² Łapoujna, ilque cal cuecaj quincuxepa, ijoc'i'ma cal mozo, ilque łimenc'e'ecompa litaiyinge, itale'ma, timi: "İma' mixcay mozo. İma' ałsa'huepa, iya' nimenc'e'ecopo' lotaiyinge jahuay. ³³ İya' aiximpo' uncuanuc'. İma', ¿te aicoxina' cuanuc' łof'as mozo?" ³⁴ Łapoujna ixtuc'o'ma juaiconapa ilque limozo. İcuxe'mola' ti'hua'ante pe lomana' lin'nołale ti'nołta, titeł'minna. Ma mi'hua mitaiyinge, ti'hua titeł'minna. İTi'najtse'ela' jahuay litaiyinc'e!

³⁵ İmanc' jouc'a ja'ni aimolimenc'e'ecoyacola' nulemma lołpimaye li'e'epolhuo', toliya titeł'mi'molhuo' cai'Ailli' Nopa'a lema'a.

19

¹ Lijoupa lu'ipola' iliya lataiqui', Jesús ipanni jilpe al distrito Galilea, i'hua'ma łamats' lopa'a locuenaj liju' al pana' Jordán. ² Axpela' lan xanuc' tihuejyi, jilpe ixał'me'mola'.

³ İcuaitsa lan xanuc' fariseo tehuaile. İcuis'e'me, timiyi:

—Cal xans, ja'ni łipeno tipa'a li'epa, ¿te tipa'a lane tecanał'ma ilque łaca'no'? O ¿aimi'iya?

⁴ Jesús italai'e'e'mola', timila':

—¿Te aicołsuec' ile li'epa ŁanDios lilanc'epa li'a łamats'? İlanc'epola' oquexi', anuli cal xans anuli łaca'no'. ⁵ Lijoupa lilanc'epola' ilne loquexi', ŁanDios uya'a'ma: "Cal xans tipo'no'mola' quılta' qui'ailli' qui'máma', tileco'ma łipeno. Ti'e'e'mołtsi anuli." ⁶ Ai'a tileco'mołtsi timana' oquexi'. Lijou'ma i'i'mola' anuli. ŁanDios tołta'a ejonłipola'. İmanc' unc'ixanuc', aimonlanaj'mola'.

⁷ Lan xanuc' fariseo icuis'e'me, timiyi:

—Moisés inesco'ma: “Cal xans tini'l'ma al je'e lacanaicoya lipeno, tijoula' ti'i'ma tecanai'ma”. Ja'ni cal xans aimi'iya mecanaiya lipeno, ¿te quinescopa to'ta'a Moisés?

⁸ Jesús italai'e'e'mola', timila':

—Moisés iximpolhuo' imanc' lo'picuejma'. Imanc' unc'incuejlocale. To'ta'a epi'ipa lane cal xans tecanaila' lipeno. Al te'a a'i to'ta'a licuxepola' LanDios.

⁹ Iya' camilhuo', cal xans aimi'iya mecanaiya lipeno. Tipa'a lane tecanaila' ma le'a ja'ni la'ca'no' ihuejpa ocuena' cal xans. Ja'ni a'i, aimi'iya mecanaiya. Cal xans necanaipa lipeno, ja'ni ilecopa ocuenaj caca'no', ilque cal xans i'epa lixcay, titai'ma lijunac'.

¹⁰ Ts'ilihuequi Jesús timiyi:

—Ja'ni to'ta'a cal xans aimi'iya mecanaiya lipeno, xonca ac'a loyaicoya cal xans ja'ni aimilecoya caca'no'.

¹¹ Jesús timila':

—A'i jahuay lan xanuc' mi'iya mepenufyacu ile lataiqui' lo'nescopa. Tepenuf'me ilne lan xanuc' joupá lepi'ipola' to'ta'a li'picuejma' LanDios.

¹² Timana' ilne aimilecocyi caca'no', to'ta'a li'sans. Ocuenaye, li'f'as xanuc' i'e'empola', to'ta'a aimi'iya milecocyacu caca'no'. Jouc'a timana' ilniya quituca' ixpic'epá aimileco'me caca'no', inespá: “Capajm'ma caituca'. To'ta'a xonca ca'e'ma lipenic' LanDios cal Cuecaj Rey Nopa'a lema'a.”

'Naitsi ti'i'ma tepenuf'ma ilta'a lataiqui', ne', tepenufla'.

¹³ Icuai'entsola' la'uhuyay pe lopa'a Jesús. Ticuayi tixpayaf'tsola' Jesús limane li'juac la'uhuyay, tixa'hue'la' LanDios titoc'itsola'. Ts'ilihuequi ixtulencia, italem'mola' ilniya nocuai'espá li'naxque'. ¹⁴ Jesús timila':

—Tolapi'itsola' lane tiyouyunca la'uhuyay pe laifpa'a. Aimolcuanac'e'mola'. Pe lo'on'cospola' to'ina'a la'uhuyay, ilne linca titsufilai'me pe locuxeyopa cal Cuecaj Rey Nopa'a lema'a.

¹⁵ Ixpayaf'mola' limane. Lijou'ma ti'hua tuyaipa.

¹⁶ Anuli cal xans icuaitsi pe lopa'a Jesús, icuis'e'ma, timi:

—Momxi, aipic'a culijla' al ts'e laipitine pe aimijouya. ¿Tej c'a caif'eya?

¹⁷ Jesús italai'e'e'ma, timi:

—Ima', ¿te calicuis'ecopa te ts'i'ic' al c'a? Anuli ma le'a cal C'a, ilque LanDios. Ja'ni totsufai'ma pe lofmepenufya al ts'e lopitine aimijouya, taihuejco'la' locuxepa LanDios.

¹⁸ Cal xans icuis'e'ma, timi:

—Ilne lataiqui' loya'apa locuxepa LanDios, ¿jale ile caifnihuejcoya?

Jesús timi:

—“Aimoma'ahuale'ma. Aimoxhuico'ma lipeno lo'f'as xans, ma le'a quituca' lo'peno toxhuico'ma. Aimonantse'ma. Ja'ni topalaicotsola' lo'f'as xanuc' tonesla' al linca, aimofel'miyale'ma. ¹⁹ Taihuejco'mola' co'ailli', co'máma', totoc'i'mola'. Ima' to'eyoxi capic'a, ma to'ta'a to'e'la' capic'a lo'f'as xans, naitsi loftalecufya.”

²⁰ Lamijcano timi:

—La'lojyomma ile lataiqui' canant'hi, ti'hua canant'hi. ¿Te calahue'epa?

²¹ Jesús timi:

—Ja'ni ma tanant'hi'ma locuxepa LanDios, to'huanla', tocujsi lo'huexi, iliya al tomí lofmulijya tapi'itsola' lan xanuc' pe ailopa'a quil'hueca. To'ta'a ti'i'ma acueca' lo'huexi jipu'hua lema'a. To'e'la' ma to laifmipo', tijoula' topaiconanni, lihuejla'.

²² Licuej'ma jiliya lataiqui', lamijcano ihuotsonni, i'hueca juaiconapa li'huexi. I'huana'ma.

²³ Jesús timila' ts'ilihuequi:

—Iya' camilhuo' al linca: Cal xans ts'i'hueca acueca' tixim'ma ipime mitsufaiya pe locuxeyopa LanDios cal Cuecaj Rey Nopa'a lema'a.

²⁴ Ticuanni: “Cal camello, itque inneja juaiconapa acueca', jilquiya aimi'ia muyaicoya laquipihuo lacuxa”. Iya' camilhuo' ocuenaj cataiqui': Xonca ipime cal xans ts'i'hueca acueca' mitsufaiya pe locuxeyopa LanDios.

²⁵ Licuej'me ihya lataiqui' ts'ilihuequi Jesús juaiconapa ixpailij'mola'. Timiyot'si, icuis'e'moltsi:

—¿Te calmicoponga' to'ta'a? Aicalcueca. ¿Te ailopa'a conluya?

²⁶ Jesús ehuelojm'mola', timila':

—Lan xanuc' quiltuca' aimi'ia munlu'eyaco'tsi. LanDios linca nipajnya tunlu'e'mola'. Nipajnya ti'e'ma jahuay.

²⁷ Pedro italai'e'e'ma, timi Jesús:

—¡Toxinla'! Illanc' alpo'nopá jahuay la'huexi, lihuejnahuo'. ¿Te calapi'inyaconga'?

²⁸ Jesús timila':

—Iya' camilhuo' al linca. Ticuaihuo litine jahuay tipaico'ma, ti'i'ma al ts'e. Iya' itque cal Xans Liximpa cal profeta pu'hua lema'a. Cacutsai'ma laicuecaj asiento, cacuxena'ma to LanDios. Jilpe ti'i'mola' locuenaye limbamaj coque' lan cuecaj asiento. Jilpe to'cutso'aita imanc' ts'alihuequi. To'spijta cataiqui', to'cuxe'mola' lo'pimaye ihne jouc'a li'xanuc' limbamaj coquexi' linaxque' Israel.

²⁹ 'Cal xans ninespa: “Iya' quihuej'ma Jesús”, ja'ni ux'maspola' lejut'l o lipimaye, o qui'ailli' o qui'máma', o linaxque' o lemats', itque cal xans tulij'ma xonca axpela' ihna'a, jouc'a tulij'ma al ts'e lipitine aimijouya.

³⁰ 'Itsiya timana' lan xanuc' tocomma xonca lan tet'la. Locuaicoya quitine axpela' ihniya ti'i'mola' lijoucola'. Jouc'a itsiya timana' ihne tocomma lijoucola'. Locuaicoya quitine axpela' ihniya ti'i'mola' lan tet'la.

20

¹ 'To'ta'a micuxe LanDios, itque cal Cuecaj Rey Nopa'a lema'a. Itque li'ejma' ti'on'cospa to li'ejma' anuli cal xans ehue'mola' no'eyacu canic'. Itque cal xans apoujna, tipa'a lemats', ifapa cal 'uva. Li'i'ma quitine ipanni, ixim'mola' lan xanuc' tehueyi quilpenic'. ² Imi'mola': “Ca'najtse'molhuo' to muliqui anuli litine cal xans no'epa canic”. Umme'mola' ti'etsa canic' jilpiya pe lifaiya hi'uva.

³ 'Joupa uyaipa ma to afanej 'hora ipaiconanni. Ixim'mola' ocuenaye tecaxo'anna locucaleyompa. Tecaxo'anna le'a, ailopa'a quilpenic'. ⁴ Timila': “Imanc' jouc'a ton'ete, ton'etsa canic' jilpiya pe laifapa lai'uva. Iya' ca'najtse'molhuo' to mi'najtsenni.” Iye'me.

⁵ 'Al menac'o ipaiconanni lapoujna, jouc'a ipaiconanni mexaitma cal 'ora. Ixim'mola' no'eyacu canic', imipola' jouc'a: “Ca'najtse'molhuo' to mi'najtsenni”.

⁶ 'Tehue'e anulij hora tif'acai'ma cal 'ora. Ipaiconanni. Ixim'mola' ocuenaye tecaxo'anna. Icu'is'e'mola', timila': “Imanc' tunlacaxo'anna fa'a jahuay litine. ¿Ailopa'a colpenic'?” ⁷ Italai'e'e'me, timiyi: “Nij naitsi nal'miponga': To'eta canic'.” Lapoujna timila': “Jouc'a imanc' ton'ete, ton'etsa canic' jilpiya lifaiya lai'uva. Ca'najtse'molhuo' to mi'najtsenni.”

⁸ 'Joupa if'acolaipa. Lapoujna camats' petsi lifaiya hi'uva, ijoc'i'ma nocuxepola' lam mozó, timi: “Tojoc'itsola' no'epá canic'. Al'najtse'mola', lapi'i'mola' quil'tomí. Lijoucola' al'najtse'mola' ate'a, lan tet'la al'najtse'mola' tijouco'ma.”

⁹ 'Icuaiyunca ihne nitsufaipá lanic' ma mehue'e anulij hora tif'acai'ma cal 'ora, i'epá canic' le'a anulij hora. I'najtse'mola', epi'i'mola' to lo'najtsempa no'epá canic' anuli litine.

¹⁰ 'Lijou'ma icuaiyunca lan tet'la. Ihniya ticuayi: “Xonca al'najtse'monga”. I'najtse'mola' to lepi'ipola' lijoucola'. ¹¹ Lepenuf'me li'tomí ai'queten'coco'mola'. Timiyi lapoujna: ¹² “Illanc' xonca lulijle. Al'epá canic' jahuay litine. Al'snet'ipá linu'. Ihniya lijoucola' i'epá canic' ma le'a anulij hora, o'najtsempola' ma to lalulijpa illanc'.” ¹³ Lapoujna italai'e'e'ma

anuli jilne lan tet'la, timi: “Maipima, aicafel'mihuo'. Aimipo': To'huaŋa', to'etsi canic'. Ca'najtse'mo' to muliqui anuli litine cal xans no'epa canic'. Ima' aŋmipa: Ne', ai'huapa. Ca'eta canic'. ¹⁴ Tapenufla' lotomí, to'huanŋa' lomejut'. Joupa ai'epa iŋe laixpic'epa. Ai'najtsepa hijoujma ma to lai'najtsepo' ima'. ¹⁵ ¿Te iya' aimi'iya caxpic'eya te ts'i'ic' caxhuicoya laitomí? O, iŋe laif'epa al c'a, ¿te ima' aŋ'e'e laic'?”

¹⁶ 'Toŋta'a lo'iya. Lijoucola' ti'i'mola' lan tet'la, lan tet'la ti'i'mola' lijoucola'.

¹⁷ Jesús tiyeyi lane jouc'a ts'ilihuequi, ticuaita al cuecaj quilya' Jerusalén. Miyeyi lane Jesús ileco'mola' limbamaj coquexi' ts'ilihuequi, ipalaic'o'mola' quituca', timila':

¹⁸ —Itsiya aŋ'ajliji liya' Jerusalén. Iya' iŋque cal Xans Liximpa cal profeta pu'hua lema'a. Jilpiya liya' Jerusalén aŋcunna. Iŋe lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, aŋ'eta to mixpic'e lipicuejma', aŋcuxecota aŋma'anŋa'.

¹⁹ Aŋcunna, aŋtaluntseta, luntafquinna quixmi laixpula' iŋe lan xanuc' pe aimimetsaicoyi LanDios. Tijouŋa' lapakts'ijnta lancruz, aŋma'ata. Afane' quitine camaf'ina'ma, quipayon-ahuo pe lomana' lamizhua.

²⁰ Icuaitsi quit'máma' Jacobo y Juan, iŋe inaxque' Zebedeo. Quit'máma' ilecola' loquexi', exc'onŋingai'ma Jesús, tixa'hue'ma. ²¹ Jesús timi ŋaca'no':

—¿Te ts'opic'a?

ŋaca'no' timi:

—Aipic'a tapi'itsola' lainaxque' quitpenic'. Ima' tocuxe'ma to cal Cuecaj Rey. Ticuxele jouc'a iŋna'a. Anuli ticutsai'ma al c'a camane, locuena ticutsai'ma loxa camane.

²² Jesús ipalaic'o'mola' loquexi' lapimaye, timila':

—Imanc' aimoŋcujeyi te ts'i'ic' iŋe laŋsahue'epa. ¿Te nipajnya toŋtelco'me ma to iya' cateŋco'ma? ¿Te nipajnya toŋsnet'ŋ'me lateŋcoya?

Timiyi:

—Nipajnya.

²³ Jesús timila':

—Ma to iya' laifteŋcoya, ma toŋta'a imanc' toŋtelco'me. Iya' aimi'iya camiyacolhuo': “Aŋcutsingaiŋa', ima' al c'a camane, ŋopima loxa camane”. Aimi'iya caxpic'eya toŋta'a. Cai'Ailli' joupa ixpic'epa naitsi iŋe nocutoŋaiyacuj jilpe. Toŋta'a tepi'i'mola' iŋniya.

²⁴ Locuenaŋe limbamaj ts'ilihuequi Jesús iŋsina' iŋe loxahue'epa Jacobo y Juan. Ixtuc'om'mola' iŋe loquexi' lapimaye. ²⁵ Jesús ijoc'i'mola' jahuay iŋniya ts'ilihuequi, timila':

—Imanc' oŋsina' lo'ipa jilpiya petŋi lan xanuc' aimimetsaicoyi LanDios. Lipincuxepá ti'e'eyoŋtsi to jipu'hua quitpoujnalá, lan tsila' quitpenic' ticuxenai'ennila' juaiconapa.

²⁶ Imanc', aimoŋ'e'me toŋta'a. Ja'ni anuli imanc' tixpic'e ti'e'exoxi cal cueca', iŋque titoc'itsola' lipimaye. ²⁷ Ja'ni anuli imanc' tixpic'e ti'e'exoxi cal te'a, iŋque ti'e'exoxi to cal mozo. ²⁸ Iya' iŋque cal Xans Liximpa cal profeta pu'hua lema'a. Imanc' tonŋ'eŋe to laif'epa. Iya' aicuaicoco'ma jifa'a li'a ŋamats' catoc'itsola' lan xanuc'. Aicainesqui: Aŋtoc'ila' iya'. Aicuaicoco'ma cacuŋa' laipitine, ca'najtseŋa' liŋjunac' axpela' lan xanuc', cunŋu'etsola'.

²⁹ Jesús jouc'a ts'ilihuequi ipalunca jilpe liya' Jericó. Ihuej'me axpela' lan xanuc'. ³⁰ Jilpe liju' cane ticutoŋanna oquexi' lam fohue. Icuej'me tuyaipa Jesús. Ija'a'me, timiyi:

—¡Maŋ'ailli', ima' ŋacui'impo' i'Hua cal rey David, aŋsintsonga' ninc'icuanuc'la!

³¹ Lan xanuc' ixtulencia. Timinnila' lam fohue:

—¡Ti-ch'ixcotsolhuo'!

Iŋniya ti'hua tija'ayi, timiyi:

—¡Maŋ'ailli', ima' ŋacui'impo' i'Hua cal rey David, aŋsintsonga' ninc'icuanuc'la!

³² Jesús ecaxhuenni, ijoc'i'mola' lam fohue, timila':

—¿Te ts'oŋpic'a? ¿Te caif'e'eyacolhuo'?

³³ Timiyi:

—Maŋ'ailli', jalaxi'enatsonga' laŋ'u'! ¡Alahuetsalele!

³⁴ Jesús ixim'mola' acuanuc'la juaiconapa. Ifafc'e'mola' li'u'. Aiquicol'ma, ehuet-salena'me. Ihuej'me Jesús.

21

¹ Icuaitsa liya' Betfage jilpiya hijuala cuftine Lijuala Olivo. Jerusalén ahuejnca. Jesús umme'mola' oquexi' ts'ilihuequi. ² Timila':

—Tonlete liya' lehuoc'ocojma. Tołtsuflaitsa, tołsinna tifijnya anuli łacaca'no' burro, jouc'a h'hua tecaxijnya liju'. Toluhuaiłta łaca'no' burro, ałhec'me'etsi jouc'a h'hua. ³ Ja'ni tinanc'ontsolhuo', tołtalai'eta, tołmita: “Lilpoujna ipicuicoya. Tijoułta' tixhuicotsi tic-uai'enacola', aimicołya.”

⁴ Ti'ila' tołta'a tenan'ima locuapa cal profeta, ilque luya'apa linespa ŁanDios, ticua:

⁵ Tomitsola' lan xanuc' nomana' liya' Sión:

“¡Tołsinle! Icuai'ma fa'a tołRey.

Ilque amanxu, enaf'caic' cal burro,

i'hua linneja hintaipa caitay.”

⁶ Iye'me ts'ilihuequi. I'e'me to lixc'ai'i'mola' Jesús. ⁷ Ilecotsa łaca'no' burro jouc'a h'hua. Ixpef'i'me liłpuquiya łaca'hua burro. Jesús enaf'cai'ma. ⁸ Axpela' lan xanuc' ixpou'me lane liłpuquiya. Ocuenaye etej'me limane' cal 'ec' ixpou'me lane jilpe pe loyaicoya Jesús.

⁹ Lanxpela' ts'ilejme, jouc'a lanxpela' ts'ilenc'e tija'ayi ma' anuli timiyi:

—¡Hosana! ¡ŁanDios tunłu'enatso! Ima' łacui'impo' i'Hua cal rey David. Joupa lu'iponga' tocuaihuo ima', ałminga' ma ŁanDios łalPoujna tummeto'. Itsiya ocuai'ma. ¡Ałs'najtsi'ihuo' juaiconapa! Ihe nomana' lema'a xonca al toncay tinesle: ¡Hosana! ¡ŁanDios tunłu'enatso!

¹⁰ Jesús itsufai'ma Jerusalén. Jilpiya jahuay lan xanuc' tipailoyi, ticuitsufyi:

—¿Naitsi ilca'a?

¹¹ Liłejmale Jesús italai'enca, timinnila':

—Ica'a cal profeta Jesús, qui'huayomma liya' Nazaret, jilpe al distrito Galilea.

¹² Jesús itsufai'ma pe lopa'a al cuecaj xoute'. Ihuescuf'mola' jahuay ihniya no'najualepá jouc'a nocucalepá nomana' jilpe. Ejualai'f'e'e'mola' liłmesa pe nopai'ipaj tomí, jouc'a liłbanco nocujpá paloma. ¹³ Timila':

—Al Paxi Linilngiya tuya'e': “Lainejut'ł tecui'im'me: Lajut'ł petsi lan xanuc' tipalaic'oyo'me ŁanDios”, itsiya imanc' toł'onlicoyi ilta'a lajut'ł to jipu'hua lafołyomma lan namats'.

¹⁴ Mipa'a Jesús jilpe pe lopa'a al cuecaj xoute' icuaitsa lam fohue, jouc'a lan coxo, ixał'mena'mola'. ¹⁵ Jilpe timana' la'uhuy tija'ayi, timiyi Jesús: “¡Hosana! ¡ŁanDios tunłu'enatso! Ima' łacui'impo' i'Hua cal rey David.”

Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios ixim'me acueca' lo'epa Jesús, iquimf'e'me la'uhuy noja'apá, ixtulencia. ¹⁶ Itale'me Jesús, timiyi:

—¿Te ima' aimocueca locuapa jilnu'hua la'uhuy?

Jesús italai'e'e'mola', timila':

—Cacueca. Imanc', ¿te aicołsuec' al Paxi Linilngiya loya'apa? Ticua:

Ihniya la'uhuy jouc'a lan tsocay notupá,

ima' ManDios ocuxe'epola' tunac'cotso'.

¹⁷ Jesús ipo'no'mola' quiltuca'. Ipanni jilpe liya'. I'hua'ma liya' Betania. Jilpe ipanenni lipuqui'.

¹⁸ Liłic'ejma ipaiconanni, i'huacona'ma Jerusalén. Mi'hua lane tunle'e. ¹⁹ Ixim'ma anuli al 'ec icux jilpe liju' cane. Ifoc'huai'ma. Ixim'ma alilopa'a qui'as, pangay quipela. Timi al 'ec icux:

—Aimi'ascona'mo'.

Aiquicol'ma, al 'ec icux ijułna'ma. ²⁰ Ts'ilihuequi Jesús lixim'me jilte al 'ec icux, timiyi:

—¡Xinłta! Jiliya al 'ec icux aiquicołi, joupa ijułnapa. ¿Te qui'ipa?

²¹ Jesús timila':

—Iya' camilhuo' al linca: Imanc' ja'ni aimomesyi: “¿Te ti'i'ma o aimi'iya?”, ja'ni toľ'huaiyijnle LanDios, jouc'a nipajnya tonľ'e'me to lai'e'epa al 'ec icux. Xonca al cueca' tonľ'e'me. Ja'ni toľmi'me ilca'a lijuala: “To'huanta', to'nij'mixoxi ľaja”, ma toľta'a ti'i'ma.
²² Moľjoc'iyi LanDios ja'ni toľ'huaiyijnle, jahuay loľxahue'epa tepi'im'molhuo'.

²³ Jesús itsufaicona'ma pe lopa'a al cuecaj xoute'. Mimuc'ila' lan xanuc' icuaitsa lixanuc' cal cuecaj ca'ailli' jouc'a lan tsilaj xanuc' noxpijpa' lataiqui'. Icuis'e'me, timiyi:
 —¿Naitsi nepi'ipo' lomane toľta'a to'e'ma? ¿Naitsi nummepo'?

²⁴ Jesús italai'e'e'mola', timila':

—Iya' jouc'a tipa'a laifnicuis'e'eyacolhuo'. Aľtalai'eľa', tijouľa' cu'i'molhuo' naitsi nalapi'ipa laimane ca'eľa' toľta'a laif'epa. ²⁵ ¿Naitsi nummepa Juan tepo'itsola' lan xanuc'? ¿Te LanDios o cal xans nummepa?

Ihe ipalaic'o'moľtsi quiltuca', timiyoľtsi:

—¿Te calmiyacu? Ja'ni aľmiľe: “LanDios ummepa”, ilque alicuis'e'monga', aľmi'monga': “Imanc' ¿te aicolapenufi?” ²⁶ Ja'ni aľmiľe: “Cal xans nummepa”, tixtulecu lan xanuc'. Jahuay ticuayi Juan aprofeta, LanDios ummepa.

²⁷ Timiyi Jesús:

—Ilanc' aicatsina'.

Jesús timila':

—Iya' jouc'a aicu'iyacolhuo' naitsi nalapi'ipa laimane ca'eľa' toľta'a.

²⁸ 'Imanc' aľquimf'eľa' laifnu'iyacolhuo'. Tijouľa' alu'ila' te coľcuayacu.

'Anuli cal xans timana' oquexi' linaxque'. I'hua'ma pe lopa'a cal te'a qui'hua, timi: “Mai'hua, itsiya to'huala' to'etsi canic' jilpe ľainemats' pe ľaifapa ľai'uva”. ²⁹ “A'i, aica'huaya”, timi. Lijou'ma lixhuej'menni, i'hua'ma i'etsi canic'.

³⁰ 'Qui'ailli' i'hua'ma pe lopa'a ľocuena qui'hua, ma' anuli lataiqui' imitsi. Ilque italai'e'ma: “Ne', mai'ailli', ai'huapa”. Aiqui'huac'.

³¹ 'Itsiya lu'ila', ihe loquexi' linaxque' cal xans, ¿naitsi ni'e'ma licuxe'epola' quil'ailli'?

Italai'e'me, timiyi:

—Cal te'a.

Jesús timila':

—Iya' camilhuo' al linca. Itsiya timana' lan xanuc' jouc'a lacaľ'no' tuliquilhuo' imanc'. Iľniya lan xanuc' lin'najtsi'iyale jouc'a lacaľ'no' notepá liľcuerpo, maľniya tihuejconayi LanDios, titsuľlaiyi petsi locuxeyopa cal Cuecaj Rey Nopa'a lema'a.

³² 'Icuai'ma Juan Bautista imuc'i'molhuo' al c'a lane, aicolapenufi imanc'. Lin'najtsi'iyale jouc'a lacaľ'no' notepá liľcuerpo, iľniya linca epenufpá. Imanc' oľsimpola' iľnu'hua iľsuej'menamma, aimoľsuej'memma, aicolapenufi Juan.

³³ 'Aľquimf'eľa'. Ca'onľicocona'ma lo'epa LanDios fa'a li'a ľamats'.

'Anuli cal xans ľipoujna camats', ifapa cal 'uva. Eti'icopa apic. Ipupa pe lotsuj'miyacu, loxoc'eyonyacu lan 'uva, tipa'a'me laquija'. Lijou'ma ilanc'e'ma anuli litoqui cajut'ľ, jilpe tipajm'ma no'epa cuenna ľamats'. Lijou'ma icu'ma ľemats', epi'i'mola' lan xanuc' ti'eľe canic'. Łaipammaiya tepi'im'me onľca. Lijou'ma i'hua'ma aculi' camats'.

³⁴ 'Joupa tixpinaf'quiya litine timaj'ma lan 'uva. Łapoujna umme'mola' limozó pe lomana' no'epá canic', titaita ľo'iya onľca. ³⁵ Iľniya no'epá canic' i'noľ'e'e'me lummebola'. Untaf'me anuli, ocuena ima'a'me, ľocuena ipa'me capic, ima'a'me.

³⁶ 'Lijou'ma ľapoujna ummecona'mola' ocuenaye xonca axpela'. Iye'me pe lomana' no'epá canic', i'econa'me ma' anuli.

³⁷ 'Lijouco'ma umme'ma ľi'hua. Ticua: “Ilca'a ai'hua. Linca tixpaic'eta.”

³⁸ 'No'epá canic' lixim'me icuaico'ma ľi'hua ľapoujna camats' timiyoľtsi: “Ilca'a tulij'ma jahuay ľemats' qui'ailli', ilque ľapoujna camats'. ¡Łepá! ¡Aľma'ata! Ilque ľamats' tipanenko, alulijna'me illanc'.” ³⁹ I'noľ'me, eca'ni'me lixpula' leti'icoya ľamats' pe ľifaiyiya 'uva, ima'a'me.

⁴⁰ 'Ticuaiyunni hipoujna camats' petsi lifayiya 'uva, ¿te co'e'eyacola' iñe no'epá canic'?

⁴¹ Timiyi:

—Tima'atola', tijou'netola' nulemma iñiya lixcay xanuc'. Lemats' joupá ifayiya cal 'uva, tepi'i'mola' ocuenaye xanuc', tixhuico'me lamats', tepi'i'me lo'iya onlca laipammaiya.

⁴² Jesús timila':

—Imanc', ¿te aicołsuec' te loya'apa al Paxi Linilngiya? Iñe tuya'e':

Łapic łetets'ipa nolanc'epá lajut'ł joupá i'ipa xonca laicuicoya.

Iłque łapic xonca tilanc'e łaitał, aimecangeya lajut'ł.

ŁanDios łalPoujna iłta'a łecuej'micopa.

Illanc' ałsinyi acueca' iñe li'ipa.

⁴³ Camilhuo': Łınca ŁanDios joupá epi'ipolhuo' lołpenic', icuxe'epolhuo' toluya'ałe: “Małque ŁanDios cal Cuecaj Rey ticuxela' lan xanuc'”. Itsiya texic'e'molhuo' iñe lołpenic'. Aimołtsuflaiyacu pe locuxeyopa ŁanDios, iłque Nopa'a lema'a. Iñe lołpenic' tepi'i'mola' locuenaye. Iñiya linca tenant'li'me iñe lataiqui' locuxe'eyacola'.

⁴⁴ 'Cal xans ja'ni tixc'uałaf'caitsi, tecanaf'caitsi cal Cuecaj Capic, iłque cal xans tixquelequehuo. Ja'ni Łapic tecangenni tetof'caitsi cal xans, iłque cal xans tuxpats'i'ma nulemma.

⁴⁵ Tołta'a i'onlıco'ma Jesús lo'epa ŁanDios. Licuej'me iñiya litaiqui' lixanuc' cal cuecaj ca'ailli' jouc'a lan xanuc' fariseo i'i'ma quıłsina' Jesús ma tinescola'. ⁴⁶ Ehuepá te co'iya mi'nołyacu. Aiquil'noti. Tixpaic'ennila' lan xanuc', iñe ticuayi: “Jesús aprofeta. ŁanDios ummepa”.

22

¹ Jesús ti'hua ti'onlıjma. Timila':

² —ŁanDios cal Cuecaj Rey Nopa'a lema'a, licuxejma ti'onłcospa to li'ejma' anuli cal cuecaj quincuxepa nopa'a fa'a li'a lamats'.

'Litine lemane'ma li'hua, łincuxepa icuxe'ma imac'ot'lem'me łotejacu al juic.

³ Umme'mola' limozó iye'me tilecontsola' lijoc'ipola'. Iñiya lijoc'ipola' aiquilcuac', aiquicuaiyunca al juic.

⁴ 'Ummecona'mola' locuenaye limozó. Timila': “Tonłełe, tołłecotsola' laijoc'ipola'. Tolu'itsola': Joupá ima'ampola' laihuacax jouc'a locuenaye linneja lifujmpola'. Aima'epa łaltejacu. Ailopa'a cahue'epa. Tonłouyunca al juic temane'ma lai'hua.”

⁵ 'Iñiya lijoc'ipola' aiquilcuca. Iyena'me ocuena cane. Anuli i'hua'ma ixintsi łemats'. Łocuena i'hua'ma petsi locucaleyopa. ⁶ Locuenaye i'noł'e'e'me limozó łincuxepa, ix-cai'em'mola', ima'am'mola'.

⁷ 'Łincuxepa ixtuc'o'mola'. Umme'mola' lisoldado tima'antsola' iñe linma'ahuale, tipi'entsa liłcuecaj quıłya'. ⁸ Timila' limozó: “Joupá imacołpa łaltejacu lijuic łamaneya lai'hua. Laijoc'ipola' joupá imujpołtsi a'ijc'a xanuc'. Etets'ipá łajtejua'. Aiquilcuaiya. ⁹ Itsiya tonłełe lotalejmaleyopa łaneya. Jahuay lan xanuc' lołsinyacola' tołjoc'itsola', tołmitsola': Łepá lejut'ł łincuxepa, ti'i juic, temane'ma li'hua.”

¹⁰ 'Lam mozó ipalunca ipa'netsa łaneya. Efoł'lem'mola' iñe lixinim'mola', ja'ni lan c'a xanuc', ja'ni lixcay xanuc', ma' anuli efoł'lem'mola'. Lajut'ł imantsi xanuc'.

¹¹ 'Itsufai'ma łincuxepa tixingułtsola' iñe notetsopá jıłpiya. Ixim'ma anuli cal xans a'i quetejyoxi, aiquipo'nohuo al ts'e lipijahua' to liłpo'nohuo iñe nomana' jıłpe al juic łamanepa. ¹² Icuis'e'ma, timi: “Maipima, aicopo'nohuo al ts'e lopijahua' to liłpo'nohuo iñe nomana' fa'a al juic. ¿Te qui'ipa lotsufaiyumma fa'a?” Cal xans aiquitalai'e. Ailopa'a quitaiqui'. ¹³ Łincuxepa ijoc'i'mola' limozó no'huapá pime małpe al juic. Timila': “Iłque cal xans tołfi'ełe limane li'mitsi'. Tolaca'nitsa jipu'hua al muf. Jıłpe lan xanuc' tijolijta, ti'ıl'c'ta lił'ay.”

¹⁴ 'Łınca, axpela' lijoc'impola', ahuata li'huij'empola'.

¹⁵ Iye'me lam fariseo. Ixpıc'e'me te co'iya mi'nołyacu Jesús. Timiyołtsi:

—Licuis'e'me, aítalai'e'monga', toíta'a alcufta.

¹⁶ Ummem'mola' liyejmalepá. Jouc'a iye'me lixanuc' cal rey Herodes. Icuaitsa pe lopa'a Jesús, timiyi:

—Momxi, aísina' ima' tocua al linca, a'i ma le'a metenłcoyacola' lan xanuc'. Tomuc'iyale lipene ŁanDios. Ma' anuli topalaic'ola' jahuay. Aimahuelongila' ja'ni ts'it'hueca o aiqiuł'hueca. ¹⁷ Itsiya lu'itsonga'. ¿Te cofcuapa? ¿Te al'najtse'me cal cuecaj quincuxepa César? ¿Ałcu'me al tomí lałsahue'eponga'? o ¿aimałcuyacu? ¿Nipajnya o aimi'iyá?

¹⁸ Jesús imetsaico'mola' ixcay liłpicuejma', timila':

—¿Imanc' cunc'infel'miyale! ¿Te calmicuapa toíta'a? Aixina' le'a lahuaijma. ¹⁹ Ałmuc'íta' anuli al tomí lołcuyacu.

Imuc'i'me al tomí. ²⁰ Icuís'e'mola', timila':

—¿Naitsi itca'a ts'i'a? ¿Naitsi itta'a ts'ipuftine?

²¹ Iłniya italai'e'e'me, timiyi:

—Li'a César, lipuftine César.

Timila':

—Ja'ni i'huexi César, tonlapi'ile César; ja'ni i'huexi ŁanDios, tonlapi'ile ŁanDios.

²² Licuej'me toíta'a iłniya icuapá:

—¿Xinła'! Itque Jesús acueca' lipicuejma'.

Ipo'no'me quituca', iyena'me.

²³ Małe litine lan xanuc' saduceo icuaitsa pe lopa'a Jesús. Iłniya lan xanuc' saduceo ticuayi: “Łan xanuc' timala' anulemma, aimimaf'iconayacu”. Iłniya tehuaiyi Jesús, ticuis'eyi, ²⁴ timiyi:

—Momxi, Moisés uya'apa: “Timała' cal xans ja'ni ailopa'a qui'hua, łimanapa lipima tileco'ma h'maxi. Tipajntsi cal te'a qui'hua, itque tecui'i'me to lipuftyne łimapa. Ti'i'ma ma to qui'hua łimapa, h'huexi łimapa tulij'ma.”

²⁵ 'İllanc' alimetsaicola' acaitsi lapimaye. Cal te'a emanepa, imapa, aiqixina' qui'hua. Łimapa lipima ileco'ma h'maxi. ²⁶ Ma to li'ipa cal te'a, ma toíta'a li'ipa lipima, jouc'a toíta'a li'ipa łocuena. Ma' anuli li'i'mola' lan caitsi. ²⁷ Lijou'ma imana'ma łaca'no'.

²⁸ 'Łan caitsi capimaye ilecopá anuli łaca'no'. Ticuaitsi litine timaf'iconłe łimanapola', ¿naitsi co'iyá łipe'ailli' łaca'no'?

²⁹ Jesús italai'e'e'mola', timila':

—Imanc' timenaquilhuo'. Aicołsina' loya'apa al Paxi Linilıngiya, aicolimetsaijma al cueca' lo'epa ŁanDios.

³⁰ 'Jilpe litine timaf'inłe łimanapola', aimemalıiyacu, ni lan xanuc' ni łaca'no'. Ti'onłcotola' to lapaluc' quemaa. ³¹ Imanc' tołcuayi aimimaf'iyacu łimanapola'. ¿Te aicołsuec' lomipolhuo' ŁanDios jilpe Lipaxi Linilıngiya? Jilpe tuya'e': ³² “Iya' NanDios, ilenDios Abraham, Isaac, Jacob”. Ja'ni anulemma imanapola' Abraham, Isaac, Jacob, ŁanDios aiminesya: “Iya' ilenDios iłniya”. ŁanDios ilenDios ts'it'maf'i, a'i łimanapola' nulemma.

³³ Licuej'me jiliya licua'ma Jesús, lan xanuc' ticuayi:

—¿Xinła'! Acueca' litaiqui' lomuc'iyalepa itque Jesús.

³⁴ Lan xanuc' fariseo icuej'me Jesús i-ch'ixc'epola' lan xanuc' saduceo. Lijou'ma, lam fariseo efot'le'mołtsi, iye'me pe lopa'a Jesús. ³⁵ Anuli iłniya, itque łomxi nomuc'iyalepa locuxepa ŁanDios, ehuai'ma Jesús, icuis'e'ma, timi:

³⁶ —Momxi, jilpe litaiqui' locuxepa ŁanDios, ¿te t'le cataiqui' xonca al cueca'?

³⁷ Jesús italai'e'e'ma, timi:

—“To'nujuaisla' ŁanDios łoPoujna, itque omenDios. Taihuejla' jahuay łomunxajma', jahuay ło'alma, jahuay lołpicuejma'.” ³⁸ Toíta'a loya'apa al te'a litaiqui', iłiya xonca al cueca' cataiqui' locuxepa ŁanDios. ³⁹ Locuena litaiqui' lihuequi ma' anuli ti'onłspa, ticua: “Ima' to'eyoxi capic'a. Ma toíta'a to'eła' capic'a łof'as xans, naitsi łoftalecufya.” ⁴⁰ Ja'ni

tolihuejcoyi jilta'a loque' lataiquí, linca tolanant'liyi jahuay locuxepa ÑanDios, jahuay linespa lam profeta.

⁴¹ Mefot'leyołtsi jilpe lan xanuc' fariseo, ⁴² Jesús icuis'e'mola', timila':

—Imanc', ¿te cołcuapa? Cal Cristo, ¿naitsi litatahuelo?

İhniya italai'e'e'me, timiyi:

—David itatahuelo cal Cristo.

⁴³ Jesús timila':

—Małque David inescopa cal Cristo, ticua "... İaiPoujna". Ja'ni David itatahuelo cal Cristo, ¿te quinescopa tołta'a? Cal Espíritu Santo icuxe'epa tołta'a licuapa, luya'apa, ticua:

⁴⁴ ÑanDios tipalaic'o İaiPoujna, timi:

“Tocutsaila' jifa'a al c'a camane.

Topanehuo jifa'a, iya' mi'hua culiquila' lo'epo' laic'.

Tijoula', ima' tocuxena'mola'.”

⁴⁵ Ja'ni David itatahuelo cal Cristo, ¿te quinescopa, ticua "... İaiPoujna”?

⁴⁶ Ailopa'a cotalai'ecoyacu, ni anuli lataiqui'. Lipangopa jile litine aim-icuis'mot'leconayacu. İhsina' tulijna'mola' Jesús.

23

¹ Jesús ipalaic'o'mola' lan xanuc' jouc'a ts'İlihuequi. ² Timila':

—Lomxiye nomuc'iyalepá locuxepa ÑanDios, jouc'a lan xanuc' fariseo, tipa'a liłmane timuc'iyale'me licuxepa Moisés. ³ Imanc' tolilhuejcofe jahuay locuxe'epolhuo'. Lił'ejma' İhniya aimolihuej'me. İhniya ma le'a tinesyi, aimi'eyi.

⁴ 'Tetonc'iyi lataiqui' locuxepa ÑanDios. Ticuxennila' lan xanuc' tenant'lıte jahuay İlta'a liłtaiqui'. Lan xanuc' tixinyi ipime jiliya liłtaiqui'. Ti'onłcospa to cal cumta caitay lipo'no'impola' liłspula'. Afule mixnet'İyi. Małniya lomxiye jouc'a lan xanuc' fariseo aimentant'liyi lataiqui' locuxepa tenant'lıte lił'as xanuc'. Tixinyołtsi to ailopa'a nocuxeyacola'. Ticuxeyołtsi quiłtuca'.

⁵ 'Jahuay lo'epa İhniya ti'eyi ma le'a tehuelojnle lan xanuc', tixinintsola' lan c'a xanuc'. İpic'a tixinintsola' menant'liyi locuxepa ÑanDios. İhniya lomxiye jouc'a lam fariseo tilanc'eyi xonca lexpats'qui İte laca'hua caxax lofi'ecopa liłmane o İilepali. Jilpe lacaxax ti'nico hualca al Paxi Linİingiya. Ti'e'eyi itoqui łocuits' İema liłpijahua'. Ticuayi liłpicuejma': “Lan xanuc' alsintsonga' ninc'İtsila' comxiye”.

⁶ 'Mixmucota ticutsołaita jilpe petsi locutsołaiyacu lan tsilaj xanuc'. Tołta'a İpic'a. Łajut'İi pe lafołyomma lan xanuc', İne ticutsołaita lan tet'İa asiento. ⁷ Miyelocoyi locucaleyompa İpic'a lan xanuc' tinonintsola', timintsola': “İRabí, Rabí!” (İte lataiqui' lohuatłcuf'İpa ticua: Nomuc'iyalepa.)

⁸ 'Imanc' aimecui'im'molhuo' “Rabí.” Tipa'a ma le'a anuli Nomuc'İpolhuo', imanc' unc'apimaye. ⁹ Fa'a li'a İamats', ja'ni anuli cal xans a'İ coł'ailli', aimołmi'me “Mai'ailli’”. Tipa'a ma le'a anuli coł'Ailli', ilque Nopa'a lema'a. ¹⁰ Aimecui'im'molhuo' imanc' “Momxi”. Imanc' a'İ cunc'omxiye. Ma le'a iya' łołpomxi, iya' ninCristo. ¹¹ Imanc', naitsi xonca cal cueca' ti'İla' to cal mozo, titoc'İtsola' lipimaye. ¹² Cal xans no'e'epoxi acueca', İquiya ti'oc'em'me. Naitsi no'e'epoxi aca'hua, ti'e'em'me xonca acueca'.

¹³ 'A'İjc'a lo'iyacolhuo' cunc'omxiye, imanc' nołmuc'iyalepá locuxepa ÑanDios, jouc'a imanc' cunc'İxanuc' fariseo. Le'a toł'e'eyołtsi, imanc' a'İ cunc'İc'a xanuc'. Miquimf'ennilhuo' lołmuc'iyalepa, lan xanuc' tixinyi to joupa eti'İya al puerta. Tixinyi aimi'İya mitsuflaiyacu jilpe pe locuxeyopa ÑanDios cal Cuecaj Rey Nopa'a lema'a. Linca imanc' aimołtsuflaiyi, jouc'a aimolapi'İla' lane lan xanuc'. İne ts'İpic'a titsuflaiİte, imanc' tołpa'nela'.

¹⁴ 'A'İjc'a lo'iyacolhuo' imanc' cunc'omxiye nołmuc'iyalepá locuxepa ÑanDios, jouc'a imanc' unc'İxanuc' fariseo. Le'a toł'e'eyołtsi, imanc' a'İ cunc'İc'a xanuc'. Imanc'

tolaxic'ela' hi'huexi lam potsateya cacal'no'. Mo'eyi to'la'a ticolihuo' mo'palaic'oyi ÑanDios. To'cuayi: "A'sinintsonga' illanc' lihuejcoyi ÑanDios". Imanc' xonca acueca' loteminyacolhuo'.

15 'A'ijc'a lo'iyacolhuo' imanc' cunc'omxiye no'muc'iyalepá locuxepa ÑanDios, jouc'a imanc' cunc'ixanuc' fariseo. Le'a to'e'eyo'tsi, imanc' a'i cunc'ic'a xanuc'. Imanc' tolahuela' lan xanuc' tihuequintsolhuo'. Ton'eyi ni petsi li'a lamats', to'queyi laja. To'sintsa ma le'a anuli cal xans naihuejyacolhuo' toliloc'i'mo'tsi conlata. Tijou'la' itque tulij'molhuo'. Imanc' lo'picuicoya ton'e'me pu'hua al cuecaj capa. Itque xonca lipicuicoya ti'huala' pu'hua.

16 'A'ijc'a lo'iyacolhuo' imanc' unc'ifohue. Imanc' aimi'iya mo'muc'iyacola' lan xanuc' al c'a cane. Imanc' to'cuayi: "Cal xans nocuaj'mipa al cuecaj xoute' ja'ni aimentant'hi litaiqui' ailopa'a tintsi. Locuena cal xans nocuaj'mipa al oro lopa'a jilpe al cuecaj xoute', linca tenant'hila' litaiqui', ja'ni a'i titai'ma lijunac'."

17 ¡Imanc' unc'ifohue! Tocomma ailopa'a co'picuejma'. ¿Te jale xonca al cueca', ja'ni al oro o al cuecaj xoute'? A linca xonca acueca' al xoute'. He al oro ja'ni ailopa'a jilpe al cuecaj xoute' aimi'iya qui'huexi ÑanDios. 18 Jouc'a to'cuayi: "Cal xans nocuaj'mipa cal altar, ja'ni aimentant'hi litaiqui' ailopa'a tintsi. Locuena cal xans nocuaj'mipa lotsufcompa jilpe cal altar, linca tenant'hila' litaiqui', ja'ni a'i titai'ma lijunac'." 19 ¡Imanc' unc'ifohue! ¿Te jale xonca al cueca', lotsufcompa o cal altar? Linca xonca acueca' cal altar. Ja'ni lotsufcompa ailopa'a jilpe cal altar aimi'iya qui'huexi ÑanDios. 20 Cal xans nocuaj'mipa cal altar jouc'a tipalajma jahuay lopa'a jilpiya cal altar. 21 Ja'ni icuaj'mipa al cuecaj xoute', jouc'a tipalajma ÑanDios itque Nopa'a jilpiya. 22 Ja'ni nocuaj'mipa lema'a tipalajma lema'a pe locutsaf'ya ÑanDios jouc'a tipalajma ÑanDios itque Nocutsaf'ya jilpiya.

23 'A'ijc'a lo'iyacolhuo' imanc' cunc'omxiye no'muc'iyalepá locuxepa ÑanDios jouc'a imanc' cunc'ixanuc' fariseo. Ma le'a ton'e'eyo'tsi, imanc' a'i cunc'ic'a xanuc'. Imanc' jahuay ts'o'hueca tipa'a lo'tsufcoyacu ÑanDios. Ja'ni ti'hila' amaxnu, to'tsufcoyi imbama', ja'ni ti'hila' imbama' to'tsufcoyi anuli. To'la'a mon'eyi, tama laiquitamqui xonca atsocay, ja'ni al xaimu, ja'ni al anís, ja'ni al comino, to'tsufcoyi anuli ÑanDios. Lataiqui' locuxepa ÑanDios ticuxe'elhuo' ton'e'le al c'a xonca al cueca'. Ticuxe'elhuo' ton'e'le al hijca, to'sintola' cuanuc'la lo'pimaye, tonlanant'hile lo'nesyacu. He lataiqui' aimonlihuejyi. Linca ac'a lon'e'epa mo'tsufcoyi laiquitamqui. Ticuicomma tolanant'hile jahuay locuxe'epolhuo' ÑanDios, ton'e'le al c'a xonca. 24 Imanc' aimi'iya mo'muc'iyacola' lan xanuc' al c'a cane. ¡Unc'ifohue! Tipa'a lataiqui' loya'apa: "To'tsaic'oyi al vino aimo'nuc'me calxc'huit. Tijou'la' aimo'sinyi cal cuecaj quinnejá, itque cal camello, to'nuc'yi." To'la'a ma ti'on'cospolhuo' to lo'e'jma' imanc'.

25 'A'ijc'a lo'iyacolhuo' imanc' cunc'omxiye no'muc'iyalepá locuxepa ÑanDios, jouc'a imanc' cunc'ixanuc' fariseo. Ma le'a to'e'eyo'tsi, imanc' a'i cunc'ic'a xanuc'. A'ijc'a lo'picuejma'. Ti'hua to'janajyi tepi'intsolhuo' xonca. Tonlaxic'ela' li'tomí lo'f'as xanuc', to'la'a to'ma'neyi lo'taza, lo'pime. Tijou'la', ma to mo'eyi, tolapajyi li'tspula' lo'taza, lo'pime. 26 Ima' umfo' fariseo, ate'a taipa'ala' al xujc'a lopa'a jilpe licu'u lotaza, lo'pime. Tijou'la' li'tspula' ti'i'ma limpio jouc'a.

27 'A'ijc'a lo'iyacolhuo' imanc' cunc'omxiye no'muc'iyalepá locuxepa ÑanDios, jouc'a imanc' cunc'ixanuc' fariseo. Le'a to'e'eyo'tsi, imanc' a'i cunc'ic'a xanuc'. Ti'on'cospolhuo' to cal pu'hua li'e'empa afujca juaiconapa. Licu'u al pu'hua imanna quecala camizhua, imanna axisca. 28 Ma' anuli imanc'. Tocomma to lihuejcoyi locuxepa ÑanDios. A'ij linca. Ma le'a ixcay lo'picuejma'. Jilpe to'pic'eyi to'e'eyo'tsi, imanc' a'i cunc'ic'a xanuc', aimonlihuejcoyi locuxepa ÑanDios.

29 'A'ijc'a lo'iyacolhuo' imanc' cunc'omxiye no'muc'iyalepá locuxepa ÑanDios jouc'a imanc' cunc'ixanuc' fariseo. Le'a to'e'eyo'tsi, imanc' a'i cunc'ic'a xanuc'. Imanc'

toñanc'e'ela' liñpu'hua limanapola' iñne lam profeta jouch'a lan xanuc' naihuejcopá locuxepa ÑanDios. ³⁰ Imanc' toñcuayi: “Laltatahueló ima'a'me lam profeta. Ja'ni coña' illanc' añmana' jilpe litine, aimañeyacu toñta'a.” ³¹ Moñesyí “Laltatahueló...”, le'a toñcufyoñtsi, tonlimetsaicoyoñtsi imanc' iñmaxque' iñniya nima'a'me iñne lam profeta. ³² Ne'. ¡Ti'hua monñ'eyi jilhiya lixcay to li'epá loñtatahueló! ¡Toñjou'nele nulemma!

³³ 'Imanc' ti'onñcospolhuo' to lacañpo'. Imanc' loñpicuejma' ti'onñcospa to lipicuejma' ñainofañ. Ñinca tejac'ennolhuo', tecajm'minnolhuo' ñunga ñopa'a al muf. O ñte ti'i'ma toñunñulta? A'i. Aimi'iya. ³⁴ Cumme'elhuo' lam profeta, iñne noya'apá loñpic'epa ÑanDios. Cumme'elhuo' lan xanuc' acueca' liñpicuejma'. Cumme'elhuo' lomxiye. Imanc' toñma'a'mola' hualca iñniya lan xanuc', tolapañts'ijm'mola' lancruz. Locuenaye toñheco'mola' ñajut'hi pe lafoñyomma lan xanuc', jilpe toñunñaf'e'e'mola'. Toñihuejts'o'mola' iñya' iñya'. ³⁵ Toñta'a imanc' toñtai'me liñjunac' iñne loñxanuc' nima'a'me naihuejcopá locuxepa ÑanDios. Cal te'a ñima'ampa iñque cal c'a xans Abel, liñjoujma Zacarías li'hua Berequías, ñima'ayompa jilpe al cuecaj xoute' lixpula' cal altar, jilpe loñsufñaiyacu al Paxi Lugar. ³⁶ Iya' camilhuo' al ñinca: Jahuay iñe lañjunac' toñtai'me imanc' noñmana' fa'a itsiya litine.

³⁷ 'iñiñya' Jerusalén! ¡iñiñya' Jerusalén! Loxanuc' inma'ahuale, ima'a'me lam profeta, tipaññila' capic', tima'ayi liñxanuc' ÑanDios, iñniya lummeñpola' jilhiya. Iya' axpe' canesqui: Cafot'le'mola' jahuay loñxanuc' ma to mi'ay cal tsana mefot'le'mola' laiquipuyu, mipuxc'i'mola' lixañ. Ima' aicocuac'. ³⁸ Miñya', ¡ñahuelojñla' locuecaj xoute'! ÑanDios ipo'nopa quituca'. Tocomma jounpa eteñquemma. ³⁹ Iya' camilhuo' lo'iya. Ticuañtsi litine añmñla': “Ima' unC'a. ÑanDios ñañPoujna ñinca ummeño”, iñe litine añsingona'ma. Ai'a ticuañta iñe litine aimañsingonaya.

24

¹ Jesús ipayonni jilpe al cuecaj xoute', icuañtsa ts'ilihuequi. Iñniya ts'ilihuequi ipalaico'me ñajut'hi al cuecaj xoute'. Timiyi:

—Toñintsola' ilangila' juaiconapa iñna'a ñajut'hi.

² Jesús italai'e'mola', timila':

—Itsiya toñahuelojñny iñajut'hi iñniya ilangila'. Iya' camilhuo' al ñinca: Ticuañhuo litine jahuay teteñquehuo. Ni anuli ñapic mi'nif'queya lipima capic.

³ Micutsuya Jesús liñjuala Olivo, icuañtsa quañtuca' ts'ilihuequi, icuis'e'me, timiyi:

—Lu'itsonga', ñtej hora mi'iya toñta'a? ¿Te co'iya mañsinyacu ja'ni ima' toñcuaiconahuo? ¿Te co'iya mañsinyacu ja'ni tijou'ma li'a ñamats'?

⁴ Jesús italai'e'mola', timila':

—Toñpo'noñe cuenna. Ja'ni aimoñpo'noyi cuenna tifeñmim'molhuo'. ⁵ Ticuañcu axpela' liñfel'miyale. Anuli anuli tines'ma: “Iya' ñinca cunñu'e'molhuo'. Iya' ninCristo. ÑanDios alummeña.” Iñniya tifeñmiyale'me axpela'. ⁶ Litine toñcuejle: “Pu'hua tifeñlenñi”, o “Ñu'hua tifeñlem'me”, aimixpañlij'molhuo'. Toñta'a lo'iya. Ticoñma locuañcoya Liñjoujma Quitine. ⁷ Lan xanuc' anulij nañión tixtuc'om'moñtsi locuenaj nañión, tifeñle'me. Lan tsilaj quincuxepá tixtuc'om'moñtsi, tifeñle'me. Ni petsi tixim'me cumemma, tinu'ma ñunanto. ⁸ Iñe lateñcoya ti'onñcota to ñaca'no' ñinnay lipumla. Tumlej'ma ate'a, tijouñla' tipaññta cal ts'e qui'hua. Fa'a li'a ñamats' ate'a tipango'ma lateñcoya, tijouñla' ti'i'ma al ts'e lema'a, ti'i'ma al ts'e li'a ñamats'.

⁹ 'Imanc', ticum'molhuo', ticuañta quañmane lan xanuc', iñne tifeñmi'molhuo', tima'a'molhuo'. Imanc' ts'aliñhuequi, toñiya ni petsi loñmanc'eyacu fa'a li'a ñamats' lan xanuc' tixtuc'o'molhuo'. ¹⁰ Axpela' ts'aliñhuequi tipai'i'me liñpicuejma', ti'e'moñtsi laic' liñpimaye ts'aliñhuequi. Ticuf'me. ¹¹ Ticuañcu axpela' lam profeta noñfelñaiqueyacu, tifeñmiyale'me axpela' lan xanuc'. ¹² Lan xanuc' xonca tenaj'moñtsi, aimihuej'me latañqui' locuxepa ÑanDios. Ti'e'me ma le'a lixcay. Aimipalaic'oyacoñtsi to li'ipa, aimi'eyoñtsi capic'a. ¹³ Cal xans ja'ni tixnet'ña' lateñcoya, ja'ni ti'hua tihuejla', iñque

linca tunlu'ma. ¹⁴ Jahuay li'a lamats' tuya'ata lataiqui' loya'apa ile al c'a lixic'epa LanDios. Ni petsi lomana' lan xanuc' tuya'ata te co'iya mitsufliayacu pe lopa'a LanDios, itque cal Cuecaj Rey Nopa'a lema'a. Tijoula' ticuaihuo Lijoujma Quitine.

¹⁵ 'Ma to luya'apa cal profeta Daniel luyaipa quitine tohta'a tohsim'me lo'iya. Ite pe LanDios tilaiqui topo'nom'me al cuecaj xoute'. Tijoula' LanDios tipo'no'ma quituca' ile al cuecaj xoute'. Naitsi noxhuf'iyacola' lipimaye jilta'a lataiqui' ticuec'ela'.

¹⁶ 'Ihniya litiné ja'ni tołmana' al distrito Judea tolinul—le, toł'ajlite hijualay. ¹⁷ Ja'ni cof'nif'ya al toncay lomejut't, aimicoł'mo'. Aimaipa'a'ma ile lopa'a lomejut't, le'a taimunni, tainuła'. ¹⁸ Ja'ni to'ay canic' jilpe limuc'o', aimopaiconahuo mommaiya lop-uquiya, ma tainuła'.

¹⁹ 'Ihniya litiné juaiconapa titełco'me linnaila cacal'no', jouc'a lacal'no' notu'ipá lihaxque'. Ihniya afule minulyacu. ²⁰ Tołsahue'ele LanDios ticuaiti latełcoya aimi'i'ma litiné caxita, ni litine conxajya. Jilpiya aimi'iya molinulyacu. ²¹ Lan xanuc' nomana' fa'a li'a lamats' aiqulsingufma latełcoya to loxinyacu jilpiya litine. Tijoula' jilta'a latełcoya aimixin-conayacu latełcoya to jilta'a. ²² LanDios tixinnila' cuanuc'la lixanuc', jilne li'huijf'epola', tohiya ixic'epa aimicołya jile latełcoya, tetec'oyehuo. Ja'ni cola' ticoł'ma ile latełcoya, ailopa'a conłuya, cola' jahuay tima'mola'. Aimicołya latełcoya.

²³ 'Ihniya litiné ja'ni timintsolhuo': "jTołsinle! Jifa'a icuai'ma cal Cristo", o "Jilpe icuaita", aimolapenuf'me ihniya lataiqui'. ²⁴ Ticuaicu linfel'miyale. Tecui'i'mołtsi: "Iya' ninCristo", o "Iya' ninprofeta, cuya'e lixic'epa LanDios". Ihniya ti'e'me al cueca', axpe' timuj'me. Tines'me: "Lan xanuc' limetsaicotsonga' LanDios lummeponga". Ma le'a tifel'miyaleyi. Cola' tifel'mintsola' jouc'a li'huijf'epola' LanDios. Aimi'iya mifel'minyacola'.

²⁵ 'Joupa aimipolhuo' ile lo'iya. Aimolimenc'eco'me ile laimipolhuo'. Ma to lo'iya, tohta'a nu'ipolhuo'. ²⁶ Ja'ni timintsolhuo': "Icuaita cal Cristo pu'hua. Tipa'a petsi ailopa'a quilya", aimonle'me pu'hua. O ja'ni ticuanni: "Icuai'ma fa'a, itsufaipa lajut't", imanc' aimolihuejco'mola'.

²⁷ 'Iya' itque cal Xans Liximpa cal profeta pu'hua lema'a. Cacuaiyoconanni jahuay alsim'ma ma to mołsinyi lixcuaflay mixcuaf'ma jilpiya liyuf'maj 'ora. Lixcuaflay tepalc'o'i a'i ma le'a jilpe liyuf'maj 'ora. Lepalc'o' ticuaita pe lof'acaiyopa cal 'ora. ²⁸ Pe lopa'a limac' jilpiya tefot'le'mołtsi lapote. ²⁹ 'Tuyaiła' ihniya litiné latełcoya:

Timufco'ma cal 'ora, cal mut'ła aimepalc'o'iya,
lan xamna nomana' lema'a tecangołecu lamats',
jahuay lopa'a jilpe lema'a tife'nem'mola'.

³⁰ Iya' itque Cal Xans Liximpa cal profeta pu'hua lema'a. Ite litine jipu'hua lema'a lan xanuc' tixim'me ile lomuc'iyacola' joupa aicuaicocona'ma. Ni petsi li'a lamats' lan xanuc' tijolij'me, alsim'ma cacuaiconno cacutsafya lumahuay quimumma. Alsim'ma iya' ninCuecaj Rey, al'onłcospa to LanDios. Iya' itque cal Xans Liximpa cal profeta pu'hua lema'a. ³¹ Ite litine tifus'mi'me al cuecaj trompeta, iya' cumme'mola' lainepaluc' tiyele tefot'łentsola' laixanuc' lai'huijf'epola'. Ni petsi lomana' tileconnola': Ihniya nomana' layuf'maj 'ora, ihniya nomana' lof'acaiyopa cal 'ora, ihniya nomana' pe lo'huayomma łahua', ihniya nomana' pe lotsepa łahua', ni petsi canumicay li'a lamats' tileconnola' laixanuc'.

³²⁻³³ 'Ja'ni tołpo'nołe cuenna ile lo'ipa al 'icux ti'i'ma cołsina' icuaico'ma linu'. Tohta'a timuc'i'molhuo' al 'icux tuxcuaf'ela' limane', tilala' laxhuaica lipela. Ma' anuli ja'ni tołpo'nołe cuenna ile lo'iya fa'a li'a lamats' ti'i'ma cołsina' joupa cacuaiconno. Ti'ila' ma to laimipolhuo', joupa aicuai'ma al puerta. ³⁴ Iya' camilhuo' al linca: Litine ti'ila' to laimipolhuo', lan xanuc' nomajnyacu fa'a li'a lamats' ti'i'ma lił'ejma' to lił'ejma' lan xanuc' nomana' fa'a itsiya litine. ³⁵ Lema'a y li'a lamats' tipaico'mola'. Laitaiqui' aimipaiya, tipanehuo.

³⁶ 'Nij naitsi ts'ixina' litine ni al 'hora cacuaicoconanni li'a lamats'. Jouc'a lapaluc' quema'a aiquisina'. Jouc'a iya' i'Hua LanDios, aicaixina'. Ma le'a cai'Ailli', itque linca ixina'.

³⁷ 'Ma to li'ipa luyaipa quitine mipa'a Noé fa'a li'a lamats', tohta'a lo'iya litine cacuaico-huananni li'a lamats'. ³⁸ Milanc'e Noé al arca, lan xanuc' tuyalaicoyi litpepajnya ma to mi'eyi. Titetsoyi, tixnayi, temalliyi, ticuyi linaxque' temallife. Litine Noé litsufai'ma al barco tohta'a ti'eyi. ³⁹ Ihe aiquisina' lo'iyacola', ticui'ma. Ma' icui'ma laxpaiqui' cacui. Lacui ileco'mola', ima'a'mola'.

Ihe li'ipa ti'oncospa to lo'iya cacuaiconanni iya'. Lan xanuc' aimi'iya quisina' lo'iyacola'. ⁴⁰ Oquexi' lan xanuc' timajm'me limuc'o'. Anuli tilecom'me, locuena tipanehuo. ⁴¹ Oquexi' laca'no' tutsi'me anuli. Anuli tilecom'me, locuena tipanehuo.

⁴² 'Imanc' to'huaico'e, to'po'no'e cuenna. Aico'sina' te quitine ticuaihuo to'poujna. ⁴³ Lipoujna cajut' ja'ni ixina' tej hora ticuaihuo cal namas, itque lapoujna aimixmaiya, tipo'no'ma cuenna, ticuanajco'ma lejut', cal namas aimi'iya mitsufaiya. ⁴⁴ Imanc' to'po'no'e cuenna. Ticuaitsi al 'hora aimo'huaicoyi, to'nesyi: "Aimicuaiya", ma'pe al 'hora cacuaihuo. Iya' itque cal Xans Liximpa cal profeta pu'hua lema'a.

⁴⁵ 'Lapoujna ti'huala' aculi', tepi'i'ma quipenic' limozo. ¿Te co'eya itque cal mozo? Ja'ni cal c'a mozo, ja'ni tipa'a lipicuejma', tenant'i'ma lipenic', ite lipo'no'ipa lipoujna. Ti'e'mola' cuenna locuenaye lam mozó nomana' jilpe lajut'. Ti'huaico'la' al 'hora, tites'mi'mola'. ⁴⁶ Ticuaitsi lipoujna, tixim'ma limozo ti'ay to licuxe'epa. Itque cal mozo loyaicoya al c'a. ⁴⁷ Camilhuo' al linca: Lipoujna tepi'i'ma xonca al cueca' lanic'. Tepi'i'ma quimane ticuxela' jahuay li'huexi. ⁴⁸ Ja'ni ixcay xans, cal mozo timi'moxi: "Lapoujna ticoli, aimicuaiya". ⁴⁹ Tipango'ma tifule'ma, tuntaf'mola' lif'as mozó. Titetsoyi, tixnayi anuli lif'as quisnaye. ¿Te co'iya itque cal mozo? ⁵⁰ Anuli litine, jilpe litine aimi'huaijma lipoujna, jife al 'hora aimixhue'ma, ticuainahuo lipoujna. ⁵¹ Tetetsuf'ma, tecajm'mita pe lomana' linfel'miyale, jilpe tijolijta, ti'itc'ta lif'ay.

25

¹ 'Licuaitsi litine ticuaihuo cal Cuecaj Rey Nopa'a lema'a, tepenuftsola' lixanuc', ite naihuejcopá, ti'i'ma to li'ipa litine lipalunca imbama' lahuats'la. Ihe litine titalecufta, tecanna lamaneya, ticuai'ecu jilpiya lo'iyoya lijuic lamaneyoya. Anuli anuli itaic' lipepalc'o'. ² Amajxi lahuats'la ts'ilpicuejma', locuenaye amajxi lahuats'la ailopa'a quipicuejma'. ³ Lamac'ta lahuats'la, litai'me lipepalc'o' aiquit'aic' quileceite timanumf'eta lipepalc'o'. ⁴ Lahuats'la ts'ilpicuejma' itai'me lipepalc'o' jouc'a itaic' lileceite. ⁵ Ticoli lamaneya, aiquicuaiyunn. Jahuay lahuats'la icuinni quilehui, ixmai'me.

⁶ 'Nolojmay quipuqui' icuej'me tija'anni, ticuayi: "Icuaico'ma fa'a lamaneya. Tunlouyunca, altalecufta." ⁷ Jahuay lahuats'la imaf'i'me. Etuf'me lipepalc'o', inai'i'me. ⁸ Lamac'ta lahuats'la ipalaic'om'mola' ts'ilpicuejma', timinnila': "¡Tolsinle! Iha'a lapepalc'o' joupa tipica. Alc'i'itsonga' tutani calaceite." ⁹ Lahuats'la ts'ilpicuejma' italai'e'me, timinnila': "Ai. Aimi'iya. Ja'ni alc'i'itsolhuo' illanc' lahue'e'monga'. Tonlele petsi locuquimpá, to'natsa colaceite." ¹⁰ Miyeyi ti'nata quileceite, icuaiyunn lamaneya. Lahuats'la ts'ilpicuejma' iyejmale'me lamaneya. Itsuflai'me jouc'a lamaneyoya. Ix'nifcom'me al puerta. ¹¹ Icuaitsa locuenaye lahuats'la. Ija'a'me, timiyi: "Ma'poujna, ma'poujna, laxi'e'etsonga' lopera". ¹² Lamaneya timila': "Iya' camilhuo' al linca: Aicainimetsaicolhuo'."

¹³ Jesús timila' ts'ilihuequi:

—Imanc' ti'hua to'po'no'e cuenna. Aico'sina' ni litine ni al 'hora cacuaiconanni.

¹⁴ 'Lo'iya ti'oncospa to li'ipa ti'hualecotsi aculi' anuli cal xans. Ai'a ti'hua'ma ijoc'i'mola' limozó ticuaiyunca. Epi'i'mola' quihuexi, ite tixinle lo'e'eyacu. ¹⁵ Anuli epi'i'ma

amaquej tomí, locuena epi'i'ma oquej tomí, locuena epi'i'ma ma le'a anuli, ma to mipa'a lihpicejma'. Lijou'ma ipanni, i'hua'ma aculi'.

¹⁶ 'Cal mozo lepenufpa amaquej tomí ixhuico'ma al tomí, ulij'ma i'nif'caitsi amaquej tomí. ¹⁷ Cal mozo lepenufpa oquej tomí jouc'a i'nif'caitsi oquej tomí. ¹⁸ Cal mozo lepenufpa anuli al tomí itai'ma, i'hua'ma, ipu'ma lamats', emu'ma ile al tomí lepi'ipa lipoujna.

¹⁹ 'Axpe' quitine icolhuo'ma lipoujna lam mozó. Lijou'ma icuainanni. Icuis'e'mola', timila': "¿Te con'ecopa al tomí lainepi'ipolhuo'?" ²⁰ Cal mozo lepenufpa amaquej tomí itaic' imbamaj tomí. Timi lipoujna: "Maipoujna, alapi'ipa amaque' al tomí. ¡Toxinla'! Nulijpa amaque', i'ipa imbama'." ²¹ Lipoujna timi: "Ac'a lo'epa. Ima' unc'a mozo. Latencocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a almajm'me anuli. Tixoj'ma calata."

²² 'Icuaiti cal mozo lepenufpa oquej tomí. Timi lipoujna: "Maipoujna, alapi'ipa oquej tomí. ¡Toxinla'! Nulijpa oque', i'ipa amalpu'." ²³ Lipoujna timi: "Ac'a lo'epa. Ima' unc'a mozo. Latencocopa ima' lo'ejma'. Tama ahuata lainepi'ipo', ac'a oxhuicopa. Itsiya capi'i'mo' comane tocuxela' xonca axpe'. Iya' tixoqui neta juaiconapa. To'huanni. Jifa'a almajm'me anuli. Tixoj'ma calata."

²⁴ 'Lijoujma icuaiti cal xans lepenufpa anuli al tomí. Timi lipoujna: "Maipoujna, ima' aiximhuo' te ts'i'ic' lopicuejma'. Aiximhuo' ima' untá xans. Aimoxina' cuanuc'. Ima' aimofaya, tijoula' tapenuf'ma jahuay laipa'ampa. Aimaca'neya cal trigo, tijoula' jahuay lafot'leya tapenuf'ma. ²⁵ Lai'nujuaiti to'ta'a lo'ejma', iya' alspaicunni, ai'hua'ma nemutsi lamats' al tomí, ile lalapi'ipa. ¡Toxinla'! Itta'a ja'a lotomí. Tapenufna'la'." ²⁶ Lipoujna timi himozo: "Ima' mixcay mozo. Mahui. ¿Te alinca oxina' aicafaya, tijoula' capenuf'ma jahuay laipa'ampa? ¿Te oxina' aicaca'neya cal trigo, tijoula' jahuay lafot'leya capenuf'ma? ²⁷ Ne', ne'. ¿Te comemucopa laitomí? Najmay mecantsi al banco. To'ta'a capainanni, capenufna'ma jouc'a lulijpa laitomí. ²⁸ ¡Txic'enate al tomí! Tepi'inate itque ts'i'hueca imbama' al tomí. ²⁹ Pe ts'i'hueca ile lulijpa, xonca tepi'im'me. Itque ti'huej'ma xonca. Pe aici'hueca, aiculiqui, txic'em'me ile lepi'impa. ³⁰ Itca'a cal mozo pe aici'aic' canic', tolacanguf'me pe lopa'a al muf. Jitpe tijolijta, ti'itc'ta lit'ay."

³¹ 'Iya' itque cal Xans Liximpa cal profeta, cacuaiconanni alsim'ma al'onlcota to LanDios. Jahuay lainepaluc' alejmalecu. Cacutshuai'ma laicuecaj asiento, iya' ninCuecaj Juez. ³² Jitpiya tefot'lena'moltsi lan xanuc' quiyoyomma ni petsi li'a lamats', jahuay lan nación. Ma to lipoujna mot'f tenaquila' lipinneja, ilne ihuantseyoltsi lam mot'f jouc'a lan chivo, ma to'ta'a iya' canaj'mola' lan xanuc'. ³³ Al c'a camane capo'no'mola' lam mot'f. Loxa camane capo'no'mola' lan chivo.

³⁴ Tijoula' iya' ninRey capalaic'o'mola' ihniya nomana' al c'a camane, cami'mola': "Imanc', cai'Ailli' joupa ipaxnepolhuo'. Tunhouyunca. Tolapenufle lapi'iyacolhuo' LanDios. Tepi'i'molhuo' lo'mane to'cuxete. Lilanc'epa li'a lamats' to'ta'a joupa ixpic'epa LanDios. Itsiya tepi'i'molhuo'. ³⁵ Luyaipa quitine altoc'ipa, itsiya lo'iyacolhuo' al c'a. Iya' ma cunle'e, imanc' altes'mipa. Iya' micui caija', imanc' aluhui'ipa caija', aixnapa. Iya' nipayomma aculi', laicuaita lo'pitya' imanc' lapi'ipa cainejut'f. ³⁶ Iya' ma lahue'e' caipijahua', imanc' alummi'ipa caipijahua', aipo'nopa. Iya' lalaxtafpa, imanc' al'epa cuenna. Iya' ma capa'a lacarza, imanc' alahuejnhuo'ma."

³⁷ 'Ilne lan xanuc' naihuejcopá locuxepa LanDios almi'ma: "Maipoujna, ¿te quitine la'simpoltsi ima' tonle'e, altes'mipo'? ¿Te quitine la'simpoltsi ima' ticui coja', luhui'ipo', oxnapa coja'? ³⁸ ¿Te quitine la'simpoltsi ima' mipayomma aculi', locuaita la'pitya' lapi'ipo' comejut'f? ¿Te quitine la'simpoltsi ima' ailopa'a copijahua', lummi'ipo' copijahua' opo'nopa? ³⁹ ¿Te quitine la'simpoltsi ima' textafhuo' o topa'a lacarza lahuejnhuo'mo'?" ⁴⁰ Iya' ninRey catalai'e'e'mola', cami'mola': "Iya' camilhuo' al linca: Imanc' lo'toc'ipola' ihna'a laipimaye, tama anuli xonca aca'hua itque to'toc'ipa, linca altoc'iponga' iya'."

⁴¹ 'Tijoula' iya' capalaic'o'mola' ihne nomana' loxa camane, cami'mola': "Imanc' joupá ecanipolhuo'. Tonlojile pe laifpa'a. Tonlele petsi lunga aimipica. Ti'hua tunaqui. Ique lunga LanDios ipo'nopa titef'mitsola' lonta'a Satanás jouc'a lepaluc'. ⁴² Imanc' aicaltoc'i, itsiya ixcaj lo'iyacolhuo'. Iya' ma cunle'e, imanc' aicaltes'mi. Iya' micui caija', imanc' aicaluhui'i. ⁴³ Iya' nipayomma aculi', laicuita lo'pitya' aicalapi'i cainejut'l. Lahue'e' caipijahua', imanc' aicalummi'i. Iya' ma laxtafpa, ma capa'a lacarza, imanc' aicalahuenge."

⁴⁴ 'Ihne lan xanuc' titalai'e'me, ałmi'ma: "Małpoujna, ¿te quitine lałsimpoltsi ima' tonle'e, o ticui coja'? ¿Te quitine lałsimpoltsi ima' o'huayomma aculi', ocuaita lałpitya', o ailopa'a copijahua', o textafhuo', o topa'a lacarza, y aicaltoc'ihuo'?" ⁴⁵ Iya' catalai'e'e'mola', cami'mola': "Iya' camilhuo' al linca: Imanc' olatets'ipola' ihna'a laipimaye, aicołtoc'ila', tołta'a latets'iponga' iya'. Tama xonca aca'hua iłque łolatets'ipa, ma latets'iponga' iya'." ⁴⁶ Ihniya tiyena'me petsi latełcoya aimijouya. Lan xanuc' naihuejcopá locuxepa LanDios, ituca' loyalaicoyacu ihniya. Jiłne titsuflai'me petsi liłpitine aimijouya.

26

¹ Jesús lijoupa limipola' ts'ilihuequi ihniya łataiquí, ipalaic'ocona'mola', timila':

² —Joupa ołsina' tehue'e' oquej quitine ti'i'ma al juic Pascua. Iya' iłque cal Xans Liximpa cal profeta pu'hua lema'a. Ałcu'ma, lapalts'inginna lancruz.

³ Lixanuc' cal cuecaj ca'ailli' jouc'a lan tsilaj xanuc' noxpipá łataiqui' efot'le'moltsi lejut'l cal cuecaj ca'ailli' cuftine Caifás. ⁴ Jiłpe ixpic'e'me łataiqui' tifel'mi'me Jesús, ti'nohe, tima'anle. ⁵ Ticuayi:

—Mi'i juic aimal'nołyacu, tixtulecu lan xanuc', titsolhuicu.

⁶ Jesús tipa'a liłya' Betania, lejut'l Simón, iłque lixalconapa lehui lepra. ⁷ Jiłpe anuli łaca'no' icuaitsi pe lopa'a Jesús. Itaic' lipulu ilajncopa apic cuftine alabastro. Ihe lipulu tinango laceite tujuej c'a, acueca' lipitali. Micutsuya Jesús titesma łaca'no' iłoc'huai'ma, ic'ef'i'i'ma lijuac ihe laceite.

⁸ Lixim'me tołta'a lo'epa łaca'no', ts'ilihuequi Jesús ixtulencia. Ticuayi:

—¿Te quecani'ecopa laceite? Acueca' lipitali. ⁹ Coła' icule'ma. Jiłe al tomí lolijya tepi'im'mola' lan xanuc' pe aiqiuł'hueca.

¹⁰ Jesús ixina' lonespa. Timila':

—¿Te cołsuel'micopa łaca'no'? Ac'a iłta'a li'epa. Latenłma. ¹¹ Jahuay litiné ma fa'a timana' lan xanuc' pe aiqiuł'hueca. Iya' aicapajnconaya. Aimalmajnconayacu anuli. ¹² Lałc'if'ipa iłta'a laceite lojuepa ac'a, joupá enanłpa ihe lał'e'enya ai'a laminna. ¹³ Iya' camilhuo' al linca: Aimimenc'ecoyacu li'epa iłca'a łaca'no'. Ni petsi li'a łamats' loya'anyacu Łataiqui' loya'apa ihe al c'a lixpice'epa LanDios, tuya'am'me jouc'a ihe li'epa iłca'a łaca'no'. Lan xanuc' ti'nujuaisnata.

¹⁴ Anuli ihniya limbamaj coquexi' ts'ilihuequi Jesús, iłque cuftine Judas Iscariote, i'hua'ma, icuaitsi pe lomana' lixanuc' cal cuecaj ca'ailli'. ¹⁵ Timila':

—¿Tojua lapi'i'ma ja'ni cacu'ma Jesús? Imanc' toł'nołta.

Ihniya inefo'me ti'najtse'e'me anuxans quimbamaj tomí aplata. ¹⁶ Małpe 'hora Judas ipango'ma ehue'me te co'eya micuya Jesús.

¹⁷ Joupa icuai'ma litine titem'me łali' aiqiułajncojma levadura. (Tołta'a mi'i al juic Pascua.) Ts'ilihuequi icuaitsa pe lopa'a Jesús, icuis'e'me, timiyi:

—¿Petsi całłanc'eyoyacu całsmocoyoyacu al juic Pascua? ¿Te cofcuapa?

¹⁸ Timila':

—Tonlele liłya' Jerusalén, lejut'l anuli cal xans, tołmitsa: "Lałpomxi timihuo': Joupa icuaico'ma laiftełcoya. Lomejut'l ałsmocoyo'me al juic Pascua, iya' jouc'a ts'alihuequi."

¹⁹ Ts'ilihuequi i'ehuo'me to licuxe'e'mola' Jesús. Ilanc'ehuo'me calxmocojma al juic Pascua. ²⁰ Joupa ummuhuita, Jesús tixmocoyi jouc'a limbamaj coquexi' ts'ilihuequi.

²¹ Mitetsoyi, Jesús timila':

—Iya' camilhuo' al linca: Anuli imanc' ałcu'ma.

²² Ihiya ixhuełconca juaiconapa, ihuotsonca. Anuli anuli timiyi:

—Maipoujna, ¿te iya'? Iya' a'i.

²³ Jesús italai'e'e'mola', timila':

—Ma małtetsoyi nalacajm'miyacu lałmane al pime anuli, itque lałcuya. ²⁴ Iya' itque cal Xans Liximpa cal profeta pu'hua lema'a. Tama ca'hua'ma laipene ma to loya'apa al Paxi Linilingiya, itque cal xans lałcuya, a'ijc'a loyaicoya. Juaiconapa acueca' titełco'ma itque, ticuaj'moxi, ticua'ma: “Coła' aicaipajntsi iya”.

²⁵ Judas, itque lałcuya Jesús timi:

—Momxi, ¿te iya'?

Jesús italai'e'e'ma, timi:

—Al linca lofcuapa.

²⁶ Mitetsoyi Jesús epef'ma la'i, ix'najtsi'i'ma LanDios, ixquetsuf'ma, epi'i'mola' ts'ilihuequi, timila':

—Tolapenufle. Tołtele. Ita'a aicuerpo.

²⁷ Uhuaf'ma al vaso, ix'najtsi'icona'ma, uhui'i'mola' ts'ilihuequi, timila':

—Tołsnafe jahuay imanc'. ²⁸ Ita'a aijuats' tilinc'i'ma al ts'e cataiqui' LanDios lopo'no'ipola' lixanuc'. Caxcuajai'ma laijuats' tołta'a cunhu'e'mola' axpela' lan xanuc', tilonc'e'em'mola' liłjunac'. ²⁹ Iya' camilhuo', jifa'a li'a lamats' aicaxnaconaya al vino. Litine tixinle cai'Ailli' LanDios ticuxe, ile litine caxnaconna. Ihiya al ts'e vino ałsnata anuli.

³⁰ Unac'li'me anuli al salmo, ipalunca. Iye'me lijuala Olivo. ³¹ Jesús timila' ts'ilihuequi: —Ita'a lipuqui' imanc' tonlanaj'mołtsi. Ałpo'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma liłpoujna lam mot'ł, itque tima'ma. Lam mot'ł tica'ne'mołtsi.” ³² Camaf'ina'ma. Tijoula' ti'ila' tołta'a ca'hua'ma al distrito Galilea. Jiłpe ca'huaicotołhuo'.

³³ Pedro timi Jesús:

—Tama tixtuc'otso' jahuay laipimaye, tenajtsołtsi, iya' a'i. Iya' ma quihuej'mo'.

³⁴ Jesús italai'e'e'ma, timi:

—Iya' camihuo' al linca: Ita'a lipuqui', ai'a tija'a'ma langiti, ima' tones'ma afanemma: “Aicainimetsaijma Jesús”.

³⁵ Pedro timi:

—Tama ałma'atsonga' anuli, aicanesya: “Aicainimetsaijma Jesús”.

Ma' anuli licua'me jahuay locuenaye ts'ilihuequi Jesús.

³⁶ Jesús jouc'a ts'ilihuequi icuaitsa jiłpe cuftine Getsemaní. Jesús timila':

—Imanc' tołcutsolaife jifa'a. Iya' ai'huapa lu'hua, capalaic'ota cai'Ailli'.

³⁷ Ileo'mola' Pedro jouc'a loquexi' linaxque' Zebedeo. Ipango'ma ihuotso'ma. Tixina ipime jiłe lo'iya. ³⁸ Timila':

—Juaiconapa cahuosma, tocomma ałma'a'ma lixhujma'. Tołmanenca fa'a. Jiłpe capalaic'ota LanDios. Imanc' ałtoc'i'ma. Ma fa'a tołpalaic'o'me LanDios jouc'a. Aimołsmai'me.

³⁹ Uyai'ma nihuata, ixpats'huai'ma lamats', tixa'hue LanDios, timi:

—Mai'Ailli', ja'ni nipajnya ti'i'ma liłonc'e'ela' ita'a laiftełcopa. Ja'ni aimi'iya, ne', ti'ila' lołxpicepa, a'i to iya' lalatenłcocopa.

⁴⁰ Ipainanni, icuai'ma pe lomana' ts'ilihuequi. Ixim'mola' tixmaiya. Timi Pedro:

—¿Te ailopa'a cołpujfxi? ¿Ni' anulij hora aimi'iya mołmaf'iyacu? ¿Te aimi'iya małtoc'iya?

⁴¹ Tołmaf'ite. Aimołsmai'me. Tołsahue'ele LanDios titoc'itsolhuo', aimehuaiyim'molhuo'. Imanc' tołcuayi: “Ałsnet'ł'me”. A'i, lołcuerpo aimitoc'ilhuo'. Aimi'iya mijucoya.

⁴² I'huacona'ma, ixa'huecona'ma LanDios, timi:

—Mai'Ailli', ja'ni aimi'iya malifonc'e'eya laiftełcopa, ja'ni joupa oxpic'epa catełco'ma, ma tołta'a ti'ıla'. Ne', tixhuaitsi laiftełcopa.

⁴³ Ipaiconamma pe lomana' ts'ilihuequi. Ixingona'mola' tixmaiconayi. Tixinyi timufquemma lił'u'. Ticui quilehui. ⁴⁴ Ipo'nocona'mola' quiltuca'. Joupa i'ipa afanemma mipalaic'o ŁanDios. Ma' anuli tixa'hue. ⁴⁵ Icuaiiconanni pe lomana' ts'ilihuequi. Timila':

—¿Te ti'hua tołsmayyi? ¿Te ti'hua tulunxajyi? ¡Tołsinle! Joupa icuai'ma lai'hora. Iya' itque cal Xans Łiximpa cal profeta pu'hua lema'a, joupa alcumpa. Icuaita quitmane lan xanuc' pe aimihuejcoyi ŁanDios. ⁴⁶ ¡Tołsolinca! ¡Łenapá! Tołsinle jiłcu'hua icuaico'ma łacuya.

⁴⁷ Mipalay Jesús icuaiti Judas, itque anuli ihniya limbamaj coquexi' ts'ilihuequi Jesús. Ilecola' axpela' lan xanuc', itaic' lił'espada, lił'ec. Ummempola' lixanuc' cal cuecaj ca'ailli' jouc'a lan tsilaj xanuc' noxpijpá lataiqui'. ⁴⁸ Itque nocuya Jesús joupa imipola' itne lan xanuc': “Iya' camuc'itolhuo' naiti Jesús. Itque łaituc'oya małque Jesús. ¡Toł'nołle!”

⁴⁹ Aiquicoł'ma. Judas icuaiti pe lopa'a Jesús, inom'ma, timi:

—¡Momxi!

Ituc'o'ma.

⁵⁰ Jesús timi:

—Maipima, ite lof'eya, ito'ela'!

Lan xanuc' icuaita, i'noł'me Jesús. ⁵¹ Anuli itejmale Jesús ipa'a'ma li'espada, ixcai'e'ma limozo cal cuecaj ca'ailli', etec'e'e'ma lix'mas. ⁵² Jesús timi:

—Tamuf'minłta' lo'espada licubierta. Jahuay noma'ahualecopá a'espada, itne tima'acom'mola' jouc'a a'espada. ⁵³ Iya' nipajnya cajoc'i'ma cai'Ailli', itque aimicołya, tumme'mola' lepaluc' quema'a, ticuacu pe laifpa'a. Juaiconapa axpela' tumme'mola', tixhuaispola' to imbamaj coquexi' lincuxepa jouc'a lanxpela' lilepaluc', o xonca. Lunł'ena'ma. ¿Te aicołsina' tołta'a? ⁵⁴ Iya' aicajoc'iya cai'Ailli'. Ja'ni cajoc'ıla', ¿te co'iya menanłya al Paxi Linilngiya loya'apa? Ite lataiqui' tuya'e' tołta'a lał'iya.

⁵⁵ Jesús ipalaic'o'mola' lanxpela' xanuc' licuaiyunca ti'nołle. Timila':

—¿Te cołcuaiyoco'me fa'a ołtaic' loł'espada, loł'ec al'nołla'? ¿Te tołcuayi iya' ninma'ahuale, nin-namas? Itine itine cacutsay pe lopa'a al cuecaj xoute', camuc'ıla' lan xanuc', a' cal'nołi. ⁵⁶ Ne'. Tenanłta' liłtaiqui' luya'apa lam profeta. Ihniya joupa uya'apá lał'iya tołta'a.

Lixanuc' Jesús inulai'me, ipo'no'me Jesús quituca'.

⁵⁷ Lan xanuc' li'noł'me Jesús ileco'me pe lopa'a cal cuecaj ca'ailli' cuftine Caifás. Jiłpe joupa efot'leyołtsi lomxiye nomuc'iyalepá locuxepa ŁanDios, jouc'a lan tsilaj xanuc' noxpijpá lataiqui'. ⁵⁸ Pedro ihuej'ma aculi'. Licuaiti lejut'ł cal cuecaj ca'ailli' itsufai'ma lipuna quejut'ł, icutsingai'mola' lepaluc' al cuecaj xoute'. Ti'huaico'ma lo'iya.

⁵⁹ Lixanuc' cal cuecaj ca'ailli' jouc'a lan tsilaj xanuc' noxpijpá lataiqui' ilpic'a tixpic'ente tima'ante Jesús. Tehuennila' nofelłaiquepá ticufle, tinesle: “Tołta'a, tołta'a lo'epa”.

⁶⁰ Axpela' linfel'miyale icuf'me Jesús. Ihniya aiqui'ic' quilecani'e. Icuaita oquexi' linfel'miyale. ⁶¹ Ihniya icuf'me Jesús, ines'me:

—Itca'a cal xans icuapa: “Iya' cateł'ma lejut'ł ŁanDios. Ti'ıla' afane' quitine, iya' joupa ailanc'enapa.”

⁶² Ecax'ma cal cuecaj ca'ailli', timi Jesús:

—Itne lan xanuc' ticufhuo'. ¿Te aimotalai'eyacola'?

⁶³ Jesús i-ch'ixco'ma. Cal cuecaj ca'ailli' timi:

—ŁanDios Łimaf'i' joupa lapi'ipa laimane cacuxe'e'mo', lu'itsonga'. Almiłta' ¿te ima' unCristo i'Hua ŁanDios?

⁶⁴ Jesús timi:

—Al łınca lofcuapa. Iya' camilhuo' jahuay imanc', ticuaihuo litine imanc' alsim'ma ma cacutsu al c'a camane cal Cuecaj CanDios. Iya' itque cal Xans Łiximpa cal profeta pu'hua lema'a. Imanc' alsim'ma quimuhuo lema'a, cacuaiyoconno łamats' nolojmay cummahuay lema'a.

⁶⁵ Licuej'ma jiiya licuapa Jesús, cal cuecaj ca'ailli' its'a' ma lipijahua'. To'ta'a imujpa lipoyac'. Aiqueten'coco'ma licuapa Jesús. Ipalaic'o'mola' lixanuc', i'ne nomana' jii'pe, timila':

—I'que cal xans tetets'i LanDios. Ixcay linespa. ¿Te calahuecoyacola' ocuenaye xanuc' ticufle? Joupa o'cujpá imanc' linespa, etets'ipa LanDios. ⁶⁶ Imanc', ¿te co'cuapá?

I'ne italai'e'e'me timiyi:

—Tipa'a lijunac'. ¡Tima'an'e!

⁶⁷ Ipango'me itsu'co'me li'a, untaf'me, ete'me. ⁶⁸ Timiyi:

—Ima' unCristo, tocua'ala' naitsi luntafpo'. Ima' lu'itsonga'.

⁶⁹ Pedro ticutsu luna. I'oc'hua'i'ma anuli lahuats', timi:

—Ima' jouc'a un'ejmale Jesús las Galilea.

⁷⁰ Pedro icuanaj'ma, timi:

—Aicaicueca lofnespa.

Lan xanuc' nomana' jii'piya icuej'me locuapa.

⁷¹ Pedro enaj'moxi, i'hua'ma jii'piya lotsufaicompa lane. Jii'pe ocuena lahuats' ixim'ma. I'que ipalaic'o'mola' lan xanuc' nacaxo'anna, timila':

—I'que cal xans iyejmalepa Jesús las Nazaret.

⁷² Pedro inescona'ma, icuanaj'cona'ma. I'e'ma jurar, timi:

—Aicainimetsaijma i'que cal xans.

⁷³ Uyai'ma nihuata. I'ne nacaxo'anna i'oc'hua'i'me ma'pe lacaxu Pedro. Timiyi:

—Ma' alinca ima' on'ejmale Jesús. Ma to mipalaiyi lun Galilea, jouc'a ima' topalay. Ima' mas Galilea.

⁷⁴ Pedro i'e'cona'ma jurar, timila':

—Iya' camilhuo' al linca. Ja'ni a'i, a'ama'ala' LanDios. Aicainimetsaijma i'que cal xans.

Aiquico' ma. Ija'a'ma langiti. ⁷⁵ Pedro i'nujuaitsi i'le lu'i'ma Jesús, limi'ma: “Ai'a tija'a'ma langiti, ima' tones'ma afanemma: Aicainimetsaijma Jesús.” Ipanni, ijoppa talay lunxajma'.

27

¹ Li'ipa quitine, lixanuc' cal cuecaj ca'ailli' jouc'a lan tsilaj xanuc' noxpijpá lataiqui' efot'lecona'mo'tsi. Ixp'ic'e'me tima'an'e Jesús. ² I'fi'e'me Jesús, ileco'me jii'piya pe lopa'a cal gobernador romano cuftine Pilato.

³ Licupa Jesús, cuftine Judas, lixim'me tima'anna Jesús, ixhuej'menni li'epa. Itai'ma al nuxans quimbama' tomij plata, icuaitsi pe lomana' lixanuc' cal cuecaj ca'ailli' jouc'a lan tsilaj xanuc'. I'cufintsola' li'tomí. ⁴ Timila':

—Aiximpa ix'cay lai'epa. Aicupa i'que cal xans tima'an'e. Ailopa'a quijunac'.

I'ne italai'e'e'me, timiyi:

—Illanc', ¿te ca'eyacu? Ima' cotuca' o'epa. ¡Toxin'la' ima'!

⁵ Judas eca'nipa al tomí al cuecaj xoute'. Ipanni, i'hua'ma ijujnyoxi. ⁶ Lixanuc' cal cuecaj ca'ailli' e'pef'napá li'tomí. Timiyot'si:

—¿Te ca'eyacu i'ta'a al tomí? I'ta'a a' najtse'ecopá Judas ticu'la' Jesús tima'an'e. Aimi'iya ma'huantsiyacu al tomí i'huexi al cuecaj xoute'.

⁷ I'e'mo'tsi anuli li'picuejma'. Timiyot'si:

—I'ta'a al tomí a'naco'me le'mats' hintalhua'pa capixu. Jii'pe lamutola' lan xanuc' noyoyu-omma ocuenaye nación.

⁸ Jii'pe le'mats' ecui'impá ocuena quipu'ftine, ecui'ipá: Amats' cajuats'. Itsiya litine to'ta'a tecui'inni. ⁹ To'ta'a enan'pa licuapa cal profeta Jeremías luya'apa: “E'pef'na'me al nuxans quimbama' tomij plata. Jii'piya pe lomana' lan xanuc' Israel i'hiya al tomí ti'ommaita lo'nacompa anuli cal xans. ¹⁰ Lijou'ma ma'le al tomí i'nacopá le'mats' hintalhua'pa capixu. To'le la'cuxe'epa la'Poujna LanDios.”

¹¹ Jesús tecaxu pe lopa'a Pilato, cal gobernador romano. I'que icuis'e'ma, timi:

—¿Te ima' unrey? ¿Te ima' tocuxe'mola' lan xanuc' judío?
Jesús italai'enni, timi:

—Al linca lofcuapa.

¹² Lixanuc' cal cuecaj ca'ailli' jouc'a lan tsilaj xanuc' noxpijpá lataiqui' icuf'me Jesús. Itquiya aiquipalaic', aiqitalai'e. ¹³ Pilato icuis'e'ma, timi:

—¿Te aimocueca locuapa ihniya? Juaiconapa ticufhuo'.

¹⁴ Jesús aiqitalai'e. Ailopa'a quitaiqui'. Pilato ixhuefco'ma. Icuapa lipicuejma': "Itca'a Jesús, ¿te qui'icopa aimitalai'e?"

¹⁵ Ajuic ajuic Pascua cal gobernador romano tux'masqui anuli hitats'iya, to mixahue'eyi lan xanuc'. ¹⁶ Ite litine tipa'a anuli cal xans hitats'iya cuftine Barrabás. Itque jahuay imetsaicanni.

¹⁷ Lijoupa lefohnni, Pilato icuis'e'mola', timila':

—¿Naitsi caifnux'masya? ¿Naitsi ts'otpic'a? ¿otpic'a Barrabás? O ¿otpic'a Jesús, itque lacui'impá cal Cristo? ¿Te colcuapa?

¹⁸ Tohta'a licuapa Pilato, timetsaicola' ihniya lan xanuc' lihpicuejma', itne nicuai'eta Jesús. Ixina' ma ti'eyi laic'.

¹⁹ Micutsu Pilato ti'ay lipenic' to cal juez, lipeno umme'ma cataiqui', ticua: "Ima' topo'noxoxi cuenna. Itque cal xans ailopa'a quijunac', aimo'e'e'ma ni tintsi. Lipuqui' aipaiyocopa itquiya. Aispaijpa juaiconapa."

²⁰ Lixanuc' cal cuecaj ca'ailli' jouc'a lan tsilaj xanuc', joupa ixc'ai'impola' lan xanuc', imimpola':

—Tohsahue'ela' Pilato, tohmite: "Tox'masla' Barrabás, tocuxela' tima'anle Jesús".

²¹ Pilato icuis'e'mola', timila':

—Itna'a loquexi' litats'ila', ¿naitsi caifnux'masya? ¿Nai ts'otpic'a?
Italai'enca, timiyi:

—¡Barrabás!

²² Pilato icuis'e'cona'mola', timila':

—¿Te caif'e'eya Jesús, itque lacui'impá cal Cristo?
Jahuay italai'enca, timiyi:

—¡Tapafts'ijnla' lancruz!

²³ Pilato icuis'e'cona'mola', timila':

—¿Te qui'epa? ¿Te caifnepafts'ijncoya lancruz?
Lan xanuc' xonca ujfxi ija'a'me, timiyi:

—¡Tapafts'ijnla' lancruz!

²⁴ Pilato ixina' aimulijya. Ixim'mola' ixtulencia, epat't-tola' lihpicuejma'. Icuixe'ma ti'hua'anca quija' tulouco'ma, tixinle lan xanuc' ite lo'eya. Timila':

—Ja'ni imanc' tohpic'eyi tima'anle itca'a cal hica xans, iya' aicataiyinge lajunac'. Imanc' linca tohtaiijm'me lohjunac'.

²⁵ Jahuay italai'enca, timiyi:

—Ne'. Ahtaite lahjunac' illanc' jouc'a lahnaxque'. ¡Tima'anle!

²⁶ Pilato ux'masna'ma Barrabás, ma to lixahue'e'me lan xanuc'. Icuixe'ma tipale Jesús. Lijou'ma icu'ma Jesús tileco'me lan soldado, tepafts'ijnta lancruz.

²⁷ Ihniya lisoldado cal gobernador ileco'me Jesús, itsufai'e'me lejut't Pilato. Jilpiya efot'le'moltsi jahuay lif'as soldado. ²⁸ Ipa'e'me lipijahua', ipo'no'i'me anuli litoqui lijahua' unxali, to lopo'nopa lan rey. ²⁹ Ipu'f'me anuli al corona quitac, ic'ommof'i'i'me hajuac. Al c'a camane i'noh'i'i'me anuli al jaxa. Exc'onhngai'me, ixoco'me, timiyi:

—Ahnonghuo', ima' unrey. Ima' tocuxe'mola' lan xanuc' judío.

³⁰ Itsulco'me. Exic'e'ena'me al jaxa, ipango'me untaf'e'eco'me al jaxa hajuac. ³¹ Lijoupa lixocopa, ipa'ana'me lijahua', ipo'no'icona'me ma lipijahua'. Ileo'me petsi la-pafts'ijnyoyacu lancruz.

³² Lipalunca, licuaitsa lane, italecuf'me anuli cal xans cuftine aSimón. Itque cal xans a'i quipiŷya' jilpe Jerusalén. Lipiŷya' lipuŷtine Cirene. Itque icuxe'e'me titaiŷa' lencruz Jesús.

³³ Icuaitsa petŷi cuftine Gólgota, ita'a lataiqui' lohualquemma: Pe lopa'a tecoŷe. ³⁴ Jilpiya icufim'me Jesús al vino uhuantsi acuaj c'ec. Tixnaŷa' ite al vino aijtine mixingufcoya lumla. Jesús ixnac'opa, lijoupa aiqixnaic'. ³⁵ Epaŷts'ingim'me lencruz.

Ihniya lan soldado no'epaj cuenna Jesús if'ilco'me, ixim'me naitŷi nolijya lipijahua'. ³⁶ Icutŷolai'me, i'e'me cuenna.

³⁷ Al toncay hijuac Jesús epaŷts'ingimpa lacaxma, jiliya iniliya licufcopa. Tuya'e': "Itca'a Jesús, itrey lan xanuc' judío".

³⁸ Jouc'a Jesús epaŷts'ingila' oquexi' lan namats'. Anuli tipa'a al c'a camane, locuena loxa camane. ³⁹ Lan xanuc' luyalaico'me jilpiya imiloj'me cataiqui', ife'ne'me itjuac, ⁴⁰ timiyi: —Ima' nofmeteya al cuecaj xoute', tuyaiŷa' afane' quitine joupa olanc'enapa, itŷiya tonŷu'exoxi! Ja'ni ima' i'Hua LanDios, itaimunni lancruz!

⁴¹ Toŷiya ixoco'me jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, jouc'a lan tsilaj xanuc' noxpijpá lataiqui', tinesyi:

⁴² —Itquiya unŷu'e'mola' locuenaŷe. Itsiya aimi'i munŷu'eyoxi. Illanc' ixanuc' Israel, ja'ni itque atrey, itimunni lancruz! Toŷe linca lapenuf'me. ⁴³ Itquiya ti'huaiyinge LanDios. Ticua: "Iya' i'Hua LanDios". Ne'. Ja'ni LanDios timetsaicojma, tunŷu'eŷa'.

⁴⁴ Loquexi' lan namats' lepaŷts'ingila' jouc'a, itniya ixoco'me.

⁴⁵ Al menac'o imufc'o'ma lema'a. Ni petŷi jilpiya lamats' tocomma ipuqui'. Afanej hora icolpa al muf. ⁴⁶ Ixhuaitŷi to al fanej hora, Jesús ija'a'ma ujfxi, ticua:

—Elí, Elí, ¿lama sabactani?

Ihniya lataiqui' luhualquemma: Ima' mainenDios, ¿te calacanuŷcopa?

⁴⁷ Lan xanuc' nacaxhuoŷanna jilpiya, oquexi' afantsi itniya icuej'me lines'ma Jesús, ines'me:

—Tijoc'i' cal profeta Elías.

⁴⁸ Anuli itniya aiqicoŷma, inu'ma, itaitsi anuli al esponja, ijac'eco'ma al cuxac vino, icants'i'ma lupa al jaxa, i'nof'e'ma, icuai'etsi lico Jesús, titsif'la'. ⁴⁹ Ocuenaye ticuayi:

—¡Toŷe! Aŷsim'me ja'ni ticuaihuo Elías tunŷu'e'ma.

⁵⁰ Jesús ija'acona'ma ujfxi. Ummena'ma ti'huanŷa' it'espíritu, imana'ma. ⁵¹ Jilpe al cuecaj xoute' al paxi lajut'it lotsufaicompa etemf'icoya anuli lijahua'. Limana'ma Jesús, ite lijahua' its'aŷnuf'i'ma, ijof'ico'ma al toncay, xejmay i'i'ma. Inu'ma lunanto, ixquetŷuf'i'ma lapic'. ⁵² Itna'a itpu'hua limanapola' exinni. Axpela' limapola' imaf'ina'me, itne ma li'huij'epola' LanDios. ⁵³ Itne ipalunca itpu'hua. Limaf'ina'ma Jesús itniya itsuflaipá Jerusalén, ite al paxi quitiya'. Axpela' lan xanuc' ixinim'mola' itniya nimaf'inapá.

⁵⁴ Litpincuxepa lan soldado, jouc'a lan soldado itne no'epá cuenna Jesús, lixingufco'me lunanto, jouc'a jahuay li'i'ma, tixpailiquila' juaiconapa, timiyotŷi:

—Ma aŷinca itca'a cal xans i'Hua LanDios.

⁵⁵ Jilpe timana' axpela' lacaŷno'. Huata caj culi' tecaxoŷanna, tehuelojnyi lo'ipa. Itne lacaŷno' itoc'ipá Jesús. Ipalunca al distrito Galilea, ihuej'me Jesús, icuaitsa Jerusalén.

⁵⁶ Anuli itniya lipuŷtine María las Magdala, locuena cuftine María, itque it'máma' Jacobo y José. Jouc'a tipa'a quiti'máma' Jacobo y Juan, itniya loquexi' quiti'ailli' Zebedeo.

⁵⁷ If'acoŷaipa. Icuaitŷi anuli cal xans las Arimatea, cuftine aJosé. Itque cal xans acueca' qui'huexi. Ithuequi Jesús. ⁵⁸ I'hua'ma pe lopa'a Pilato. Ixahue'etsi tepi'inŷe licuerpo Jesús. Pilato icuxe'ma tepi'inale. ⁵⁹ José epenuf'ma licuerpo Jesús, iju'e'ma anuli al ts'e lijahua' ipuŷficoya alino. ⁶⁰ I'hua'a'me lamu'enyacu Jesús, ite unts'eja', ats'e. Maŷque José ipuc'opa lapic, ilanc'epa hants'eja'. Jilpiya i'nicotŷi Jesús. Imelfai'etsi anuli cal cuecaj capic teti'ico'ma lico cunts'eja'. I'hua'ma. ⁶¹ Jilpe ticuŷolanna María las Magdala y locuena María, tehuelojnyi al pu'hua cunts'eja'.

⁶² Jilpe litine avispera. Lihuequi litine ti'i'ma itine conxajya. He litine conxajya lixanuc' cal cuecaj ca'ailli' jouc'a lam fariseo iyehuo'me, ixintsa Pilato. ⁶³ Timiyi:

—Małpoujna, ał'nujuaisyi linespa ilque łinfel'miyale. Mipa'a ilque ines'ma: “Tuyaił'a afane' quitine camaf'ina'ma, quipayonno pe lomana' lamizhua”. ⁶⁴ Itsiya ałsahue'ehuo' tocuxela' tiyele łunts'eja', ti'entsa cuenna afane' quitine. Ja'ni a'i, aga tiye'me lipuqui' ts'ilihuequi tinantsenna, tipa'anna. Tijouł'a tu'innola' lan xanuc': “Ilque imaf'inapa, ipanamma pe lomana' lamizhua”.

⁶⁵ Pilato timila':

—Ne'. Tonłełe. Tołsinna loł'eyacu. Tołłecole cołsoldado. Ti'etsa cuenna jilpiya.

⁶⁶ Iye'me. Jilpe łapic łopa'a lico cunts'eja' ipa'ninc'itsa łisello cal gobernador romano. Imanenca lan soldado i'e'me cuenna. Ticuayi:

—Aimexi'em'me.

28

¹ Joupá uyaipa litine conxajya. I'ipa quitine al te'a quitine al xamano. María łas Magdala jouc'a łocuenaj María iye'me ixintsa łunts'eja'. ² Licuaitsa nungay łunts'eja' iximpá joupá inupa acuecaj cunanto.

Li'ipa hiya imunni lema'a anuli łepaluc łalPoujna ŁanDios. Ilque łapaluc quema'a joupá icuaita pe łopa'a łunts'eja', ilonc'epa łapic łeti'icompa lico cunts'eja', icutsafcaic'. ³ Li'a tunts'ifi to lixcuaflay. Lipijahua' ma afujca to cal nieve. ⁴ Lixim'me lan soldado xpailij'mola', iyu'mola', imanenca to limac'la.

⁵ Licuaitsa jilpe lacał'no', łapaluc quema'a ipalaic'o'mola', timila':

—Aimixpailij'molhuo'. Aixina' naitsi conlahuepa. Tolahueyi Jesús, ilque łepalts'ingimpa lancruz. ⁶ Fa'a ailopa'a. Ma to luya'apa joupá imaf'inapa. Tonłouyunca. Tołsinna pe lipo'no'empa. ⁷ Tijouł'a aimicoł'molhuo' tonłełe pe lomana' ts'ilihuequi. Tołmitsola': “Jesús imaf'inapa. Ipayonamma pe lomana' lamizhua. I'huanapa Galilea. Imanc' tonłełe jilpiya. Tołsinnata.” Tołta'a laitaiqui', joupá nu'ipolhuo'.

⁸ Lacał'no' aits'icoł'mola' jilpiya łunts'eja', ipailinanca. Iye'me tinulyi tu'innola' ts'ilihuequi Jesús. Tama tixpailiquila' tixoqui quileta. ⁹ Miyeyi lane italecuf'mola' Jesús. Ilque inom'mola' ma to mi'ay. Lacał'no' iloc'olai'me, exc'onłingołai'me, i'noł'e'e'me li'mitsi'. ¹⁰ Jesús timila':

—Aimixpailij'molhuo'. Tonłełe. Tołmitsola' laipimaye tiyele Galilea. Jilpiya ałsinnołtsi.

¹¹ Lan soldado, ilne ni'epá cuenna łunts'eja', joupá iyenapá. Miyeyi lacał'no' hualca ilniya lan soldado icuainatsa ate'a Jerusalén. Jilniya ipalaic'om'mola' lixanuc' cal cuecaj ca'ailli', uya'a'me jahuay liximpa. ¹² Lixanuc' cal cuecaj ca'ailli' jouc'a lan tsilaj xanuc' noxpilpá lataiqui' efot'łepołtsi. Ixpice'me lo'eyacu. Epi'im'mola' lan soldado acuecaj tomí. ¹³ Icuixe'em'mola', timinnila':

—Toluya'a'me: “Li'ipa lipuqui' icuaita ts'ilihuequi Jesús, ipa'ahuona'me. Illanc' ałsmaipá.” ¹⁴ Cal gobernador romano, ja'ni ticuejla' imanc' ołsmaipá, illanc' ałpalaic'ota. Imanc' ailopa'a co'e'eyacolhuo'.

¹⁵ Lan soldado epenuf'me al tomí, uya'a'me ma licuxe'empola'. Itsiya litine ma' anuli tinesyi lan xanuc' judío.

¹⁶ Limbamaj nuli ts'ilihuequi Jesús iye'me Galilea, icuaita łijuala petsi ilque limipola' tiyele. ¹⁷ Jilpiya ixim'me Jesús. Jahuay exc'onłingołai'me. Hualca ixhuełco'me, ticuayi: “¿Te małque Jesús o ocuena?”

¹⁸ Jesús iloc'ai'mola', timila':

—Joupá lapi'impá laimane, cacuxe jahuay łopa'a lema'a, jahuay łopa'a li'a łamats'.

¹⁹ Itsiya camilhuo': Tonłełe jahuay li'a łamats'. Ni' petsi lomanc'eyacu lan xanuc' tolu'itsola' laitaiqui', lihuejla'. Tolapo'itsola' ti'itsola' ixanuc' cai'Ailli' ŁanDios, jouc'a aixanuc', iya' i'Hua ŁanDios, jouc'a ixanuc' cal Espiritu Santo. Tołiya tołcuaj'mi'me lam fane'

ɫaftine. ²⁰ Toɫmuc'itsola' tihuejcoɫe jahuary ɫataiquí laicuxe'epolhuo'. Aicapo'noyacolhuo' coɫtuca'. Itine itine aɫmajm'me anuli. Ticuaitsi Lijoujma Quitine ma toɫta'a aɫmajm'me.

LATAIQUI' LINIŁPA SAN MARCOS LOYA'APA İLE AL C'A LIXPIC'EPA ŁANDIOS

¹ Fa'a tipa'a liniłiya lixpica'epa ŁanDios. İle lataiqui' ac'a loya'apa, tipalaijma Jesucristo, iłque li'Hua ŁanDios. Cu'i'molhuo' te ts'i'ic' lipangopa luya'ampá iłe lataiqui'. ² Jiłpe lije'e cal profeta Isaías inihijmpa lo'iya. İle liniłpa tuya'e' te ts'i'ic' linespa ŁanDios, ticua:

¡Alquimf'eta! Iya' cumme'ma łainepaluc,
iłque ticuaita ate'a, tilanc'e'eto' lopene.

³ Pe ailopa'a quıłya' iłque tuya'ata, tu'itola' lan xanuc' lafot'leyacołtsi, tu'itola': "Tołanc'e'e'ete lipene łalPoujna. Toł'e'ete ałijca lane pe loyaicoya."

⁴ Licuaiyunni Juan Bautista enanłpa iłe lataiqui'. Małque Juan epaluc ŁanDios łipalaicopa Isaías.

Icuaitsi Juan al pana' Jordán pe ailopa'a quıłya'. Jiłpe tepo'iyale. Tu'ila' tix-huej'menanca lo'epa lixcay. Tepoliłe. ŁanDios tiłonc'e'e'mola' liłjunac'. ⁵ Lan xanuc' ni petsi lomana' al distrito Judea, jouc'a jahuyay lan xanuc' nomana' liłya' Jerusalén, ipalunca liłpilolołya', iye'me, icuaitsa pe lopa'a Juan. Uya'a'me li'epa lixcay. Ticuayi: "Ałsuej'menamma". Juan epo'i'mola' al pana' Jordán.

⁶ İłque Juan lipijahua' ipufcompa ipimij camello. Lifi'ejma ixmi. Litejua' łotepa axa'muł y acujua c'ec. ⁷ Tuya'e', tu'ila':

—Iya' aicuai'ma ate'a. Tijouła' ticuaihuo ocuena xonca acueca'. Iya' aimal'onspa to iłque, caxina alaic'ata, aimi'iya cuhuatc'eya lic'eji'. ⁸ Iya' capo'icolhuo' aja', iłque ticuaiyunni tepo'ico'molhuo' cal Espıritu Santo.

⁹ İne litiné Jesús ipanni al distrito Galilea, jiłpe liłya' Nazaret. Icuaitsi al pana' Jordán jiłpe Juan epo'i'ma. ¹⁰ Lipanni Jesús laja', ixim'ma eximma lema'a, ixim'ma cal Espıritu Santo ti'onłcospa to cal fujca ja'mu', imunni, icuaitsi pe lacaxu, ihuoxaf'caitsi. ¹¹ Jesús icuej'ma jiłpe lema'a tipalay, timi:

—İma' mai'Hua, ca'ehuo' capic'a juaiconapa. Latenłma lopicuejma' jouc'a lo'ejma'.

¹² Lijou'ma aiquicoł'ma, cal Espıritu Santo i'hua'a'ma Jesús, icuaitsi pe ailopa'a quıłya'. ¹³ Jiłpiya ipajntsi oquej nuxans quitine pe lomana' lan ximalo quinneja. Łonta'a Satanás ehua'i'ma. Icuaitsa lapaluc' quema'a, itoc'i'me.

¹⁴ Lijoupa litats'empa Juan Bautista, Jesús ipanni al distrito Judea. I'hua'ma al distrito Galilea. Jiłpe tuya'e' lixpica'epa ŁanDios, iłe lataiqui' ac'a loya'apa. ¹⁵ Tu'ila' lan xanuc':

—Fa'a li'a łamats' ŁanDios cal Cuecaj Rey ticuxela' lixanuc'. Tołsuej'menca. Tolapenufle Lataiqui' loya'apa iłe al c'a lixpica'epa ŁanDios.

¹⁶ Anuli litine Jesús ti'hua łema al cuecaj quin'nuhua' cuftine Galilea. İxim'mola' Simón jouc'a Andrés, iłque ipima Simón. İne lapimaye in'nołpa catuye, tecajm'miyi liłxami łaja. ¹⁷ Jesús timila':

—¡Lihuejla! Capi'i'molhuo' ocuena cołpenic'. Aimolahueconayacola' latuye. Tolahue-tola' lan xanuc' lihuejla'.

¹⁸ Aits'icoł'mola'. Simón jouc'a Andrés ipo'no'me liłxami. İhuej'me Jesús.

¹⁹ İye'me nihuata, Jesús ixim'mola' Jacobo i'hua Zebedeo, jouc'a Juan, iłque ipima Jacobo. İne tiscu'olanna al barco, tipufmot'leyi liłxami. ²⁰ Aiquicoł'ma, Jesús ijoc'i'mola'. İniya ipo'nom'mola' Zebedeo quıł'ailli' jouc'a no'epá canic' imanenca al barco. İhuej'me Jesús.

²¹ İye'me liłya' Capernaum. Litine conxajya i'hua'ma Jesús lajut'ı pe lafołyomma. Jiłpiya imuc'i'mola' lan xanuc'. ²² İne lan xanuc' ixim'me ac'a lomuc'iyalepa Jesús, ixim'me icueya limane. Ticuayi:

—Acueca' itque litaiqui'. Laɓpomxiye nomuc'iyalepá locuxepa LanDios, itne aimi'onɓspola' to Jesús.

²³ Jiɓpiya pe lafoɓyomma tipa'a anuli cal xans litsufaipa conta'a. Cal xans ija'a'ma ujfxi.

²⁴ Timi:

—Ima' conJesús mas Nazaret, ¿te cof'epa? ¿Te cotsufaicomma ima' fa'a pe laɓmana'? ¿Te aga ocuai'ma fa'a ma le'a aɓjou'ne'monga'? Iya' nimetsaicohuo'. Ima' umPaxi, o'huayomma LanDios.

²⁵ Jesús itale'ma, timi:

—¡Ti-ch'ixcotso'! ¡Taipanni itca'a cal xans!

²⁶ Lonta'a ife'ne'ma ujfxi cal xans, ija'a'ma ujfxi, ipananni. ²⁷ Lan xanuc' nomana' jiɓpe lajut'ɓ ixim'me acueca' li'ipa. Icuiss'e'moltsi, timiyoltsi:

—¿Te jale itta'a lataiqui'? Itca'a Jesús ituca' lomuc'iyalepa. Icueya limane, jouc'a lontahue ticuxela', itne ticuec'eyi.

²⁸ Aiquicoɓ'ma. Ixpehuaitsi lataiqui' loya'apa li'epa Jesús. Ni petsi al distrito Galilea icuej'me li'ipa.

²⁹ Jesús jouc'a ts'ilihuequi, itniya Simón, Andrés, Jacobo y Juan, ipalunca lajut'ɓ pe lafoɓyomma, iye'me lilejut'ɓ Simón y Andrés. ³⁰ Li'maco Simón tunouya textafque. Tepi'i quipinu'. Aiquicoɓ'ma, u'i'me Jesús textafque ɓaca'no'. ³¹ Jesús itoc'huai'ma pe lopa'a ɓaxtafpa. I'noɓ'e'ma limane. Icutsu'ma ɓafcuana. Itojn-na'ma lipinu'. Ixaɓcona'ma. Itsahue-nanni, ites'mi'mola'.

³² Itne litine joupá if'acoɓaipa i'ipa ipuqui', lan xanuc' ittaic' lilefcuallay, jouc'a litsufilaiy-ila' contahue. ³³ Jahuay lan xanuc' nomana' liɓya' icuaiyunca, efoɓunni lico lajut'ɓ. ³⁴ Jesús ixaɓ'mena'mola' axpela' lan xanuc', axpej cuana. Jouc'a icuxe'mola' lontahue tipalnanca lan xanuc'. Lontahue imetsaico'me Jesús. Itque ticua: “Lontahue aimuya'acona'me”. Toɓiya i-ch'ixc'e'mola'.

³⁵ Icuaitsi lihic'ejma ma' aquipuqui', Jesús itsahuenni, ipanni liɓya', i'hua'ma petsi ailopa'a quɓiya'. Jiɓpe ipalaic'o'ma LanDios. ³⁶ Simón jouc'a liɓejmale ehue'me Jesús.

³⁷ Ixim'me, timiyi:

—Lan xanuc' tehuehuo'.

³⁸ Jesús timila':

—Lepá. Lepá ɓaiquifeloɓya' lan huejnca lomana'. Ticuicomma cu'itsola' jouc'a itniya Lataiqui' loya'apa ite al c'a lixpicepa LanDios.

³⁹ Ti'huaf'cay jahuay al distrito Galilea, ɓajut'ɓi pe lafoɓyomma lan xanuc', jiɓpe tu'iyale ite Lataiqui'. Tipa'e'ela' lan xanuc' liɓpontanue.

⁴⁰ Anuli litine icuaitsi pe lopa'a Jesús anuli cal xans iteca cahuí, ite al cuana cuftine al lepra. Itque exc'onɓingai'ma. Tixahue'e, timi:

—Ja'ni ima' opic'a, nipajnya aɓsaɓ'mena'ma laicuana. Aɓ'inta' limpio.

⁴¹ Jesús ixim'ma acuanuc' ɓafcuana. I'nij'ma limane. Ixpayaf'ma, timi:

—Ne', aipic'a. Iya' caxaɓ'me'mo'. ¡Tixaɓcontso'! ¡Ti'intso' limpio!

⁴² Aiquicoɓ'ma, itojn-na'ma lehui, ixaɓcona'ma. ⁴³ Aiquicoɓ'ma, Jesús ixc'ai'i'ma, ⁴⁴ timi:

—Aimo'itola' lan xanuc' ite lai'e'epo'. Aimoyout'he'ma. Nij naitsi nocuejya. To'huanta', tomujxoxi pu'hua ɓa'ailli'. Totsufcota LanDios to Moisés licuxe'epola' ts'itɓepa, itne joupá i'inaɓola' limpio. Toɓta'a aɓsim'monga' lihuejcoyi ite litaiqui' Moisés.

⁴⁵ Itque ixaɓconapa i'hua'ma, ipango'ma uya'a'ma li'e'epa Jesús. Toɓta'a Jesús aimi'iya mitsufaiya liɓeloɓya'. Tipanemma petsi ailopa'a quɓiya'. Lan xanuc' quiyouyomma ni petsi liɓeloɓya', tiɓcuaiyumma pe lopa'a Jesús.

2

¹ Lijoupa luyaipa oquej fanej quitine, Jesús ipainanni, itsufaicona'ma liɓya' Capernaum. Lan xanuc' icuej'me Jesús tipa'a lajut'ɓ. ² Aiquicoɓ'ma icuaiyunca axpela' lan

xanuc', efot'le'moltsi. Imantsi lajut'l' jout'a lico cajut'l'. Jesús tu'ila' Lataiqui' loya'apa ile al c'a lixpica'epa ËanDios. ³ Ocuenaye lan xanuc' icuaiyunca jilpe luna. Amalujxi ihniya itaic' anuli luhuaqueya xans. ⁴ Ipa'ne'mola' lefoya, aimi'ya muyalaicoyacu, micuaiyacu pe lopa'a Jesús. If'ajli'me lajut'l', enai'e'me luhua'e lajut'l' jilpe al toncay pe lacaxu Jesús. Ma'piya ecajm'mi'me cal xans lonafya hihujm-ma', ipo'ningaitsi li'mitsi' Jesús. ⁵ Jesús ixim'mola' ihniya ti'huaiyijnyi, ticuayi: "Tixa'l'mena'ma". Timi luhuaqueya:

—Mai'hua, joupa ihojn-napa lojunac'.

⁶ Ticutshuolanna jilpiya hualca lomxiye nomuc'iyalepá locuxepa ËanDios. Ihniya ticuayi lihpicejma': ⁷ "Ihque cal xans, ¿te conescopa to'ta'a? Ma le'a quituca' ËanDios nipajnya tifonc'e'e'mola' li'junac' lan xanuc'. Ihque ti'onhicoyoxi to ËanDios."

⁸ Jesús aiquico'l'ma i'i'ma quixina' te lonespa lan xanuc'. Timila':

—Imanc', ¿te conescopa to'ta'a lohpicejma'? ⁹ ¿Pe copa'a xonca lipime? ¿Te cataiqui' caifmiya lafcuana? ¿Camila': "Lojunac' joupa ihojn-napa", o camila': "Totsahuenanni, tonif'na'la' lohujm-ma', to'huan'la'?" ¹⁰ Itsiya camuc'i'molhuo' icueya laimane. Iya' ihque cal Xans Ëiximpa cal profeta pu'hua lema'a. Ma capa'a fa'a li'a lamats' ti'i'ma quimenc'e'eco'mola' li'junac' lan xanuc'.

Ipalaic'o'ma luhuaqueya, timi:

¹¹ —Iya' camihuo', totsahuenanni, tonif'na'la' lohujm-ma', to'huan'la' lomejut'l'.

¹² Luhuaqueya aiquico'l'ma itsahuenanni, inif'ma hihujm-ma'. Mehuelojnyi lan xanuc', ixim'me ipanni, i'huana'ma. Ixpailij'mola', tinesyi:

—Acueca' juaiconapa li'epa ËanDios. To'ta'a li'ipa aica'sina', ni anulemma.

¹³ I'huacona'ma Jesús lema al cuecaj quin'nuhua'. Jahuay lan xanuc' iye'me pe lopa'a. Timuc'ila'. ¹⁴ Lijoupa limuc'iyalepa, ti'hua tuyaipa, ixim'ma anuli cal xans cuftine Leví, i'hua Alfeo. Ihque Leví ticutsu petsi lo'najts'i'iyaleyompa. Jesús timi:

—Lihuejla'.

Leví itsahuenni, ihuej'ma Jesús.

¹⁵ Jesús jout'a ts'ilihuequi icuaitsa lejut'l' Leví, ticutshuolanna, titetsoyi. Titetsoyi jout'a axpela' lin'najtsi'iyale jout'a ocuenaye lan xanuc'. Jahuay ihniya a'i mihuejyi locuxepa ËanDios. Axpela' ihniya tihuejyi Jesús. ¹⁶ Lomxiye nomuc'iyalepá locuxepa ËanDios jout'a lan xanuc' fariseo ehuelojm'me Jesús titetsoyi anuli lin'najts'i'iyale y locuenaye lan xanuc'. Imetsaiconnila' ihne aimihuejyi locuxepa ËanDios. Timinnila' ts'ilihuequi Jesús:

—To'sinte, lohpomxi titetsoyi anuli lin'najts'i'iyale y locuenaye lan xanuc'. Jahuay ihniya aimihuejyi locuxepa ËanDios.

¹⁷ Jesús icuej'ma lonespa ihniya. Timila':

—Lan xanuc' ja'ni a'i mextafquila' aimicuicomma mi'e'enyacola' cafxi. Lafcuallay linca ticuicomma no'eyacola' cafxi. Iya' aicuaicoco'ma cajoc'i'mola' ts'il'junac'. Aicajoc'iyacola' petsi ailopa'a quijunac'.

¹⁸ Anuli litine tixnet'lyi aimitetsoyi ts'ilihuequi Juan Bautista jout'a lan xanuc' fariseo. Icuaitsa lan xanuc' pe lopa'a Jesús, timiyi:

—Ts'ilihuequi Juan jout'a lan fariseo tixnet'lyi, aimitetsoyi. Ihne lihuejhuo', ¿te aimixnet'lyi?

¹⁹ Jesús italai'e'e'mola', timila':

—Ma mipa'a lamijcano lamaneya, ¿te tixnet'l'me, aimitetsoyacu ts'ilejmale? Ai. Anuli mi'mana' lamaneya, aimi'ya mixnet'lyacu. ²⁰ Ticuaihuo litine aimimajnconayacu anuli, ile litine linca tixnet'l'me.

²¹ 'Al ts'e quijahua' aimi'ya manajmot'licoya lafane quijahua'. Ja'ni to'ta'a to'e'la', al ts'e quijahua' tetehuo, tijoula' lafane quijahua' tits'alquehuo xonca. ²² Aimoc'ej'miya al ts'e vino petsi lafanej punta quixmi. Ja'ni to'etsi to'ta'a, al punta quixmi tits'alquehuo, timinsco'ma al vino, timinsco'ma jout'a al punta quixmi. Al ts'e vino tic'ej'minni al ts'e punta quixmi.

²³ Anuli litine conxajya, Jesús jouc'a ts'ilihuequi tuyalaicoyi nolojmay cal trigo. Muyalaicoyi, ts'ilihuequi ipango'me ipa'a'me lixpaj trigo.

²⁴ Lam fariseo timiyi Jesús:

—¡Toxintsola' lihuejhuo! Itsiya itine conxajya. Ailopa'a lane mi'eyacu tohta'a.

²⁵ Jesús timila':

—Imanc', ¿te a'i cohsuec' linihiya loya'apa li'epa cal rey David? Icuaiti litine unle'enca itque jouc'a lihejmale, ailopa'a cotejacu. ²⁶ David itsufai'ma lejut'l' LanDios. Jihe tipa'a lam paxi ca'í. Ihe la'í tipa'a lane tite'me ma le'a la'ailli, a'i lan xanuc'. David ite'ma jouc'a epi'i'mola' lihejmale, ite'me. Tohta'a i'ipa mipa'a Abiatar cal cuecaj ca'ailli'.

²⁷ Jesús ti'hua tipalaic'ola' lan xanuc', timila':

—LanDios ate'a ilanc'epa cal xans, lijou'ma enaj'ma litine tunxajla' cal xans. Ai' quenaqui litine ate'a. ²⁸ Iya' itque cal Xans Liximpa cal profeta pu'hua lema'a. Iya' cacuxe'ela' laixanuc' te lo'eyacu ihe litine conxajya.

3

¹ Ocuena quitine conxajya, Jesús itsufaicona'ma lajut'l' petsi lafoiyomma lan xanuc'. Jihe tipa'a anuli cal xans iju'pa limane. ² Lam fariseo tehuelojnyi Jesús. Ti'huilai'oyi ja'ni tixa'l'me'ma cal xans ihe litine conxajya. Tehueyi te co'iya micuxecoyacu. ³ Jesús ipalaic'o'ma cal xans, itque ts'ijul' quimane. Timi:

—To'huanni fa'a. Tacaxla', tahuoc'ocotsola' lan xanuc'.

⁴ Icuise'e'mola' lam fariseo, timila':

—Lu'ita', litine conxajya, ¿te lapi'inga' lane a'ete al c'a? O ¿acuxe'enga' a'ete lixcay? ¿Nipajnya lunlu'e'me lipitine cal xans o a'ama'a'me?

Ihiya aiquiltalai'e. Ch'ix le'a. ⁵ Jesús ehuelojm'mola' ihe lam fariseo. Tixtuc'ola'. Tixhue'ma, ixina' ihiya joupa ipo'nopá lihpicejma', aiquiltcueca.

Jesús timi cal xans:

—To'nijla' lomane.

Cal xans i'nij'ma limane. Ixa'cona'ma. ⁶ Lam fariseo aiqico'l'mola', ipalunca, iye'me ipalaic'otsa lixanuc' cal rey Herodes. Tehueyi te co'iya mima'ayacu Jesús.

⁷ Jesús i'huana'ma. Ihe jouc'a ts'ilihuequi iye'me al cuecaj quin'nuhua'. Iyenc'e'me axpela' lan xanuc' quiyouyomma al distrito Galilea. ⁸ Lan xanuc' ni petsi lomana' icuej'me al cueca' lo'epa Jesús. Icuej'me ihe nomana' al distrito Judea jouc'a nomana' al cuecaj qui'ya' Jerusalén, jouc'a nomana' lamats' Idumea, jouc'a nomana' lu'hua quiyay al pana' Jordán, jouc'a nomana' hilemats' hilelo'ya' Tiro y Sidón. Axpela' ihiya icuaiyunca pe lopa'a Jesús. ⁹ Lixim'mola' axpela' quefo'ya Jesús icuxe'e'mola' ts'ilihuequi ti'hua'anca anuli al barco, tipo'note lema al cuecaj quin'nuhua'. Ja'ni lan xanuc' tipango'me titantsi'me Jesús, itque titsufai'ma al barco. ¹⁰ Joupa axpela' ixa'l'mepola', tohiya itsiya jahuay lafcualtay, axpej cuana, tummetsaiyot'si, tiyete ahuejnca Jesús, tita'fle. ¹¹ Lan xanuc' pe litsufaiyila' contahue, lixim'me Jesús, ecanghuo'aita li'mitsi'. Lontahue tija'ayi, timiyi:

—Ima' i'Hua LanDios.

¹² Jesús itale'mola' ujfxi. Timila':

—Aimunlu'itola' lan xanuc' tohta'a.

¹³ Lijou'ma if'aj'ma hujala. Joupa ixpic'epa naihiya ts'ilihuequi tiyouyunca. Ijoc'i'mola'. Icuaita pe lopa'a. ¹⁴ I'huij'e'mola' imbamaj coquexi' timajnl' anuli. Tumme'mola' tuya'ata Lataiqui' loya'apa ihe al c'a lixpice'epa LanDios. ¹⁵ Epi'i'mola' li'mane tipa'ata lontahue litsufaiyila' lan xanuc'.

¹⁶ Jifa'a tipa'a lihpufitine ihiya limbamaj coquexi':

Simón, lecu'i'impá Pedro,

¹⁷ Jacobo y Juan, inaxque' Zebedeo. Ihe loquexi' Jesús lecu'i'ipola' Boanerges.

Ihe laftine locuajmaispa: Ihe noquimf'epá, nocuec'epá lonespa LanDios.

18 Andrés y Felipe,
Bartolomé y Mateo,
Tomás y locuena Jacobo, itque i'hua Alfeo,
Tadeo y locuena Simón, itque tecui'impá cal cananeo,
19 jouc'a Judas Iscariote, itque nocuya Jesús.

20 Jesús itsufaipa anuli lajut'í. Efof'lecona'moitsi axpela' lan xanuc'. Jesús jouc'a ts'ilihuequi aiqui'i'ma quitetso'me. 21 Licuejpá lipimaye Jesús tofta'a li'ipa, ines'me: Jesús iminscopa lipicuejma'. Ipalunca, iye'me, tileconna Jesús.

22 Jilpe pe lopa'a Jesús timana' hualca lomxiye nomuc'iyalepá locuxepa LanDios, quiyouyomma lilya' Jerusalén. Iniya ticuayi:

—Jesús itsufaipa lonta'a cuftine Beelzebú. Itque nocuxepola' contahue epi'ipa limane Jesús tipa'atsola' lontanue.

23 Jesús ijoc'i'mola' iniya lomxiye, timila':

—¿Te caftalai'e'eya imanc'? ¿Te aga lonta'a Satanás tihuescuf'ma lipima conta'a?

Ti'hua tipalaic'ola'. I'oncicopa to lo'ipa. Timila':

24 —Ja'ni tenajtsoitsi lan xanuc' anuli al nación, ja'ni ti'etsotsi oque', ile al nación tijou'ma lipujfxi. 25 Ja'ni lan xanuc' nomana' anuli lajut'í tenajtsoitsi, ja'ni ti'etsotsi oque', aimimajnconayacu anuli, jilpe teca'nena'moitsi, ailopa'a co'eyacu. 26 Lonta'a Satanás ja'ni joupa ehuoc'huaipola' lif'as contahue, itsiya cofta' aimi'hua limane.

27 Ja'ni anuli cal xans ixpic'epa titsufaila' lejut'í ocuena cal xans juaiconapa ipujfxi, ja'ni ixpic'epa tilonc'e'eta' li'huexi, itque notsufaiya, ate'a tifi'eta' itque cal xans ts'ipujfxi, tijoufta' nipajnya titsufai'ma, tilonc'e'eta' li'huexi. Ja'ni aimifi'e, aimi'iya mitsufaiya lajut'í, mifonc'e'eya li'huexi.

28 'Iya' camilhuo' al linca: Jahuay lo'epa o lonespa cal xans, ti'i'ma timenc'e'ecom'me.

29 Ma le'a ja'ni aimimetsaicoyi lo'epa cal Espíritu Santo, iniya aimifonc'e'enyacola' lijunac'. Titai'me nulemma.

30 Tofta'a Jesús limipola' iniya nonespá: “Jesús itsufaipa conta'a”.

31 Icuaiyunca qui'máma' jouc'a lipimaye Jesús. Eaxof'me luna. Hojf'i'me anuli cal xans tijoc'itsi Jesús. 32 Jesús ticusc'o nolojmay cajut'í, timuc'iyale. Jilpiya timana' axpela' lan xanuc' ticutshuoflanna tiquimf'eyi lomuc'ipola' Jesús. Timiyi:

—Co'máma' jouc'a lopimaye timana' luna tehuehuo'.

33 Jesús timila':

—¿Naitsi cai'máma'? ¿Naitne caipimaye?

34 Ehuelojm'mola' lan xanuc' nocutshuoflanna, ticua:

—¡Totcuejle! Jifa'a ticutshuoflanna cai'máma' jouc'a laipimaye. 35 Pe naihuejcopa LanDios, itquiya aipima xans, o aipima caca'no', o ai'máma'.

4

1 Mipa'a Jesús lema al cuecaj quin'nuhua', ipango'ma imuc'icona'mola' lan xanuc'. Efofunni juaiconapa axpela'. Jesús if'aj'ma anuli al barco. Icutshuai'ma jilpiya. Al barco texpef'que. Lan xanuc' efofumma lema caja. 2 Juaiconapa imuc'i'mola' lan xanuc'. Ipalaco'ma lo'epa LanDios fa'a li'a lamats'. I'onfico'ma. Timila':

3 —Atquimf'eta' imanc':

'Icuai'ma litine cafaya, i'hua'ma cal xans tifata. Eca'nitsi lam fanuj trigo. 4 Meca'ni lam fanuj trigo, oquej afane' lam fanu' ecangenni lane. Icuaiyunca lacaft'hui naiyulpá, itejn-na'me.

5 'Oquej afane' lam fanu' i'nif'coftaitsa lixmi capic, tipa'a ahuata lacamats'. Lam fanu' aiquicoft'mola' ila'mola'. 6 Lijou'ma ipammaiyunni cal 'ora, linu' ipi'epola' lilapola' lam fanu'. Ijuftnapola'. Aiquif'acaic' time.

⁷ 'Hualca lam fanu' itsuc'huaita jilpe litac'. Litoj'ma litac', ejec'opola' laifa'. Aiquix-paj'ma.

⁸ 'Ocuenaye lam fanu' etojmołaitsa cal c'a camats'. Ila'mola', itoj'mola', i'ipola' quixpa. Anuli łajfanu' ipammaitsi anuxans quimbama', ocuena cal fanu' ipammaitsi afanej nuxans, ocuena'ya ipammaitsi amaxnu.

⁹ Lijoupa luya'apa ile litaiqui', Jesús timila':

—Naitsi nocuejpa, alquimf'ela' iya' laitaiqui'.

¹⁰ Lijoupa liyeyołnapá lan xanuc', imanenca Jesús jouc'a limbamaj coquexi' y locuenaye ts'ilihuequi. Iłniya ixa'hue'me Jesús, timiyi:

—Lu'itsonga', luhuałc'e'etsonga' ile lotaiqui'.

¹¹ Jesús timila':

—ŁanDios epalc'o'ipolhuo' imanc' lołpicuejma', tołta'a tołcuc'eyi lipime cataiqui'. Iłe lataiqui' tuya'e' lo'ipa petsi lan xanuc' tihuejcoyi ŁanDios, iłque cal Cuecaj Rey. Ocuenaye lan xanuc' petsi aimihuejcoyi ŁanDios, iłne ma le'a tiquimf'eyi. Iłe lataiqui' lo'onłcopa lo'epa ŁanDios iłne lan xanuc' aimi'ya mihuałc'eyacu. ¹² Tołta'a ti'ila' to loya'apa al Paxi Linilingiya, ticua:

Ti'hua tehuelojnle, tijouła' aimixinyacu.

Ti'hua tiquimf'ele, tijouła' aimicuejyacu.

Ja'ni a'i tołta'a lił'ejma' tixhuj'menacu, ŁanDios timenc'e'eco'mola' lixcay li'epá.

¹³ Jesús ti'hua tipalaic'ola', timila':

—Ja'ni aicołcueca ile laitaiqui' lai'onłcopa lo'epa ŁanDios fa'a li'a łamats', łte co'ya mołcuc'eyacu ja'ni ca'onłco'ma xonca lo'epa ŁanDios?

¹⁴ 'Cal xans nofapa ti'onłcospa to iłquiya noya'apa litaiqui' ŁanDios. ¹⁵ Łamats' lane pe lecangeyonni lam fanu' ti'onłcospa to lan xanuc' iłniya ma le'a tiquimf'eyi litaiqui' ŁanDios. Aimicołya łonta'a Satanás. Ticuaihuo, tılonc'e'e'mola' lataiqui' lifayipa liłpicuejma'.

¹⁶ 'Łaj huata łacamats' łopa'a lixmi capic ti'onłcospa to locuenaye lan xanuc' miqumf'eyi litaiqui' ŁanDios tixoqui quileta tepenufyi. ¹⁷ Iłe Lataiqui' aimifayiya liłpicuejma', oquej fanej quitine tihuejcoyi. Ticuaiti lixhuj'ma', o lił'as xanuc' tixtuc'ontsola' iłniya naihuejpa litaiqui' ŁanDios, iłne aimicołyacola', tenajna'mołtsi, aimihuejconayacu.

¹⁸ 'Łamats' pe łopa'a litac' litsuc'huaita lam fanu' ti'onłcospa to locuenaye lan xanuc' noquimf'epá litaiqui' ŁanDios. ¹⁹ Iłne xonca tixhuj'mecoyi te co'ya muyalayacu lapajnya. Tifel'miyołtsi, ticuayi: "Lulijle acuecaj całtomi. Tołta'a luyalaico'me al c'a." O tixhuj'mecoyi te co'ya mulijyacu xonca quił'huexi. Ma to litac' ejec'opola' laifa', a'i quixpaj'ma, ma tołe iłne lan xanuc' li'ipola'. Tama joupa ifapa liłpicuejma' litaiqui' ŁanDios, tıłmanemma tołta'a, tocomma a'i quilepenufi ile lataiqui'.

²⁰ 'Cal c'a camats' pe lifampa ti'onłcospa to locuenaye lan xanuc' noquimf'epá litaiqui' ŁanDios. Iłne tepenufyi ile lataiqui', tipammolaispa liłpepajnya. Hualca ti'onłcospa to łamats' petsi cal fanu' liłpammaita anuxans quimbama', locuenaye petsi liłpammaita afanej nuxans, locuenaye petsi liłpammaita amaxnu.

²¹ Jouc'a timila':

—Imanc' molunai'i'me lołpepalc'o', aimołc'ommumijyacu alxpicołma c'ec, ni aimoł'nicoyacu licu'u hualfa. Toł'nof'e'me pe lołxu'epa. ²² Ticuaihuo litine ti'huájta lemiya, jouc'a ti'huájjata letemiquiya, tixinim'me.

²³ 'Naitsi nocuejpa, alquimf'ela' iya' laitaiqui'.

²⁴ Ti'hua timuc'iyale, tu'ila':

—Tołpo'nołe cuenna laifmipolhuo': Imanc' ile lołspic'ecopola' locuenaye, tołta'a iłniya tepi'icona'molhuo'. Xonca axpe' tepi'im'molhuo'. ²⁵ Cal xans ts'i'hueca, xonca tepi'im'me. Locuena, ja'ni aiqui'hueca, texit'ena'me.

²⁶ Jouc'a tu'ila':

—Ihe li'ipa anuli cal xans leca'nipa lam fanuj trigo lemats', ti'onlcospa to lo'ipa petsi LanDios cal Cuecaj Rey tijoc'ila' lan xanuc' tihuejle. ²⁷ Lijoupa leca'nipa litrigo, cal xans ti'hua tuyaijma lapajnya. Lipuqui' tixmay, litine titsahuemma, lam fanu' tilá, titoqui laifa'. Cal xans aikuixina' te co'ipa mitoj'ma laifa'. ²⁸ Lamats' quituca' timaf'i'i' laifa'. Ate'a titoqui, tijoula' tixpaqui, tijoula' tumfumma lixpa, titoqui lifanu'. ²⁹ Lunta'amma lixpa cal xans ixina' joupa icuai'ma litine tefot'leta cal trigo. Aimicoŷya, tetejta.

³⁰ Jouc'a tu'ila':

—¿Te ca'onlicoyacu lo'ipa petsi LanDios tijoc'ila' lan xanuc' timetsaicoŷe, tihuejle itque cal Cuecaj Rey? ¿Te ts'i'ic' ma'onlicoyacu?

³¹ 'Lo'ipa jilpe ti'onlcospa to lo'ipa cal fanu' sinapí. Mifam'me, i'huáqui tuquini lajfanu'. Petsi jahuay cal fanu' lofampa lamats', ailopa'a xonca caca'hua. ³² Lijoupa lifampa tila'ma, titoj'ma acueca' laifa'. Ailopa'a quitamqui mitoqui to ita'a lifampa. Limané itoqui, atsila'. Laca'hui naiyulpá tunxajyoyi jilpe lipunxahua.

³³ Ma to itna'a lataiquí toŷta'a juaiconapa i'onlico'ma lo'epa fa'a li'a lamats' LanDios cal Cuecaj Rey. Lo'huajcocoyacola' liŷpicuejma' toŷta'a timuc'ila' Jesús. ³⁴ Ti'hua ti'onlijma ihe lo'epa LanDios. Aimipalay acuajmaica. Jesús y ts'ilihuequi limanenca quituca', itque tuhuaŷ'e'ela' lataiqui'.

³⁵ Maŷe litine joupa if'acoŷaipa timila' ts'ilihuequi:

—Aŷqueŷe al cuecaj quin'nuhua'.

³⁶ Jesús joupa icutshuaipa al barco. Ts'ilihuequi Jesús ipo'nom'mola' lan xanuc' lefoŷya jilpiya, if'ajli'me jouc'a al barco. Ipango'me ique'me al cuecaj quin'nuhua'. Ocuenaye lam barco jouc'a tiquieyi. ³⁷ Aiquicoŷ'ma, i'hua'ma ujfxi lahua'. Itsahuenni laja', ic'ejmaitsi caja', imantsi al barco. ³⁸ Jesús tunouya lipo al barco. Tixmay, unaf'caipa al punta quijahua'. Ts'ilihuequi ummef'me, timiyi:

—Momxi, aŷma'a'monga' laja'. ¿Te aimatsueŷcoconga'?

³⁹ Jesús itsahuenni, itale'ma lahua', timi laja':

—Ch'ixca. Aimofe'necona'ma.

I-ch'ixco'ma lahua'. Ipanenni. ⁴⁰ Jesús timila' ts'ilihuequi:

—¿Te coxpailijcopolhuo'? ¿Te qui'ipolhuo'? ¿Te aimaf'huaiyinge'?

⁴¹ Ixpailijpola' juaiconapa itniya ts'ilihuequi. Timiyotŷsi:

—¿Naitŷsi xans itca'a? ¡Jouc'a lahua', laja ticuec'eyi itque locuxe'epola'!

5

¹ Icuaitŷa locuena lema caja jilpe ilemats' lan xanuc' gadareno. ² Ipanni Jesús al barco. Aiquicoŷ'ma, icuaico'ma anuli cal xans qui'huayomma jilpiya lamuhuoŷanna lomanapola'. Itque cal xans litsufaipa conta'a. ³ Lipanga jilpe lamu'empola' lomanapola'. Aimi'iya mifi'enyacu ni cadena catejma'. ⁴ Tifi'econni acadena, inic'e'econni atejma' limane li'mitsi'. Itque tits'aŷquinghua lan cadena, tixquetsufinghua latejma'. Ailopa'a cal xans ts'ipujfxi xonca. Ailopa'a nolijya. ⁵ Ipuqui' itine tipa'a pe lamu'empola' lomanapola', jouc'a pe hijualay, tija'e', tits'aŷyoxi capic, tixcai'eyoxi. ⁶ Cal xans ixim'ma icuaico'ma Jesús aculi'. Aiquicoŷ'ma, i'hua'ma italecuftŷsi, exc'onŷingai'ma li'mitsi' Jesús.

⁷ Ija'a'ma ujfxi, timi:

—Jesús, ima' i'Hua cal Cuecaj LanDios Nopa'a lema'a, ¿te cocuaiyoco'ma? ¿Te ts'opic'a fa'a? Iya' cacuaj'mi'ma lipuftine LanDios, caxa'huehuo' aimafteŷ'mi'ma.

⁸ Toŷta'a linespa lonta'a. Jesús joupa imipa:

—¡Ima' monta'a, taipanni itca'a cal xans!

⁹ Jesús icuis'e'ma, timi:

—¿Te muftine?

Italai'e'e'ma, timi:

—Laipuftine Legión. Illanc' ninc'xpela'.

(Lataiqui' "legión" tuya'e', ticua: Axpela'.)

¹⁰ Juaiconapa tixa'hue Jesús, timi:

—Aimalipa'a'monga' jifa'a.

¹¹ Jiłpe łaquemala timana' juaiconapa axpela' lijná tehueyi quıltejua'. ¹² Lontahue ixahue'me Jesús, timiyi:

—Lummetsonga' pe lomana' ilne lijná. Jiłpe altsuflaita lijná.

¹³ Jesús epi'i'mola' lane. Lontahue ipalunca ilque cal xans, itsuflai'me lijná. İhiya lijná timana' to oquej mil. Inul'me, imul'me al'ocay. If'alcołai'me laja'. Unxałac'mola'.

¹⁴ Lan xanuc' linhuic'ipola' quijnë inul'me. Jiłpe liłpiłya' jouc'a calx'huiyałma' uya'atsa il'e' li'ipa. Lan xanuc' ipalunca tehuelojnta. ¹⁵ İcuaitsa pe lopa'a Jesús, ixim'me cal xans, ilque colta litsufaipa axpela' contahue, ticutsu, ipo'nohuo lipijahua', i'ınapa lipicuejma'. Lan xanuc' ixpailij'mola'. ¹⁶ İhne niximpá li'ipa uya'a'me te qui'ipa lixałconapa cal xans, ilque litsufaipa contahue. Uya'a'me te qui'ipola' lijná.

¹⁷ Lan xanuc' ipango'me ixa'hue'me Jesús tipanni kilemats', ti'huanła'. ¹⁸ Jesús if'ajna'ma al barco, ti'huana'ma. Cal xans li'ipa litsufaipa contahue tixa'hue, timi:

—Ałhecolá' jouc'a.

¹⁹ Jesús aiquepi'i' lane. Timi:

—To'huanła' lomejutł, jiłpe lomana' lopimaye. To'itsola' al cueca' li'e'epo' ŁanDios. Tomitsola' te ts'i'ic' liximpo' cuanuc'.

²⁰ Cal xans i'huana'ma, itsehuo'ma petsi lecui'impá: Limbamaj Quılelołya'. Jiłpiya u'i'mola' lan xanuc' li'e'epa Jesús. Lan xanuc' ixim'me acueca' li'epa Jesús, ixpailij'mola'.

²¹ Jesús iquiecona'ma al cuecaj quin'nuhua'. Licuaiyocontsi al barco łocuena łema, icuaitsa axpela' lan xanuc', efot'le'mołtsi anuli Jesús łema caja. ²² Jiłpiya icuaitsi anuli cal xans ipenic' lajutł pe lafołyomma lan xanuc'. Cuftine Jairo. Lixim'ma Jesús, exc'onłingai'ma li'mitsi', ²³ tixa'hue juaiconapa, timi:

—Łai'hua cahuats' juaiconapa textafque. Timana'ma. Łepá. Ma le'a toxpayaf'ta lomane, toxał'menna, ti'hua tipajnla'. ²⁴ İye'me Jesús jouc'a Jairo. Axpela' lan xanuc' ihuej'me. İ'i'mola' atansca, titantsinni Jesús. ²⁵ Jiłpe tipa'a anuli łaca'no' textafque. İmbamaj coque' camats' ti'hua cajuats' licu'u. ²⁶ İtełcopa juaiconapa. Axpela' lin'e'ehuale cafxi iteł'mipá. İ'najtsepola' ilhiya, joupa ijou'nenapa li'hueca. Aiquixałma. Ti'hua titsıpa licuana. İhque łaca'no' icuejpa lo'epa Jesús. ²⁷ Nolojmay xanuc' iloc'huaipa lixpula' Jesús. İłafc'e'e'ma lipijahua'. ²⁸ İhque tinesqui lipicuejma': "Ma le'a lipijahua' całafła', tołe ałsałcona'ma". Tot'liya ilafc'e'epa lipijahua' Jesús. ²⁹ Aiquicoł'ma, ipanenni licu'u. İxim'moxi ixałconapa. Aimitelcoconaya. ³⁰ Aiquicoł'ma, Jesús ixingufco'ma lipaxi ixałmeyalepa. İpai'e'moxi nolojmay xanuc', icuis'e'mola', timila':

—¿Naitsi łat—lafpa?

³¹ Ts'ilihuequi italai'e'e'me, timiyi:

—İma' oxina' jifa'a axpela' lan xanuc' titantsihuo', ¿te cofmicuitsufcopa: "¿Naitsi łat—lafpa?"?

³² Jesús ti'hua tehuetsale lijuihuay. Tehuay naitsi ilque liłafpa. ³³ Łaca'no' tixpaiqui juaiconapa, tiyu, iximpoxi ailopa'a quicuana. İhoc'huai'ma, exc'onłingai'ma li'mitsi' Jesús. İmi'ma Jesús al linca. Tuya'e' te ts'i'ic' lixałconapa, timi:

—Ailafpo' lopijahua'.

³⁴ Jesús timi:

—Mai'hua, ał'huaiyijmpa, toliya ixałconapo'. Aimoxxuełmot'le'ma. İhe al cuana aimitel'miconayaco'.

³⁵ Ma mipalaic'o łaca'no', icuaiyunca lan xanuc' quiyouyomma lejutł Jairo, ilque ts'ipenic' lajutł pe lafołyomma lan xanuc'. Timiyi Jairo:

—Joupa imanapa ło'hua. ¿Te ti'hua cofxoc'icoya łomxi?

³⁶ Jesús icuej'ma lu'impá Jairo. Timi:

—Aimixpaij'mo'. Ma le'a ał'huaiyijnla'.

³⁷ Jesús ileco'mola' Pedro, Jacobo, jouc'a Juan, ilque ipima Jacobo. Timila' locuenaye xanuc' aimiyocu. ³⁸ Icuaitsa lejut'ł cal xans, ilque ts'ipenic' lajut'ł pe lafołyomma lan xanuc', Jesús ehuelojm'mola' lo'epa lan xanuc', tijolijyi, tija'ayi. ³⁹ Itsufai'ma lajut'ł, timila':

—¿Te cołja'acopa? ¿Te cołjolijcopa? Łahuats' aikuimac', ma le'a tixmay.

⁴⁰ Aiquil'aic' linca. Ma le'a ixoco'me. Jesús timila':

—Jahuay imanc' tolipalunca.

Ileco'mola' qui'ailli', qui'máma' łahuats', jouc'a lam fantsi ts'ilihuequi. Itsuflai'me pe lonouya łahuats'. ⁴¹ Jesús i'noł'e'e'ma limane łahuats', timi:

—Talité kumi.

(Ile lataiqui' lohualquemma ticua: Macahuats', camihuo', totsahuenni.)

⁴² Aiquicoł'ma, łahuats' itsahuenanni, ipango'ma i'hua'ma. Ixhuaita imbamaj coquej łemats'. Ihe lan xanuc' lixim'me li'ipa ixpailij'mola' juaiconapa. ⁴³ Jesús juaiconapa icx'ai'i'mola', timila':

—Aimoluya'ata lai'e'epa łahuats'. Nij naitsi nocuejya.

Lijoupa limipola' tołta'a, icuxe'e'mola', timila':

—Tołtes'mile łahuats'.

6

¹ Jesús ipanni jilpiya, icuaitsi lipiłya'. Jouc'a ts'ilihuequi iye'me. ² Licuaitsi litine conxajya itsufai'ma lajut'ł pe lafołyomma lan xanuc'. Jilpe ipango'ma imuc'iyale'ma. Licuej'me ile litaiqui', axpela' lan xanuc' etenłcoco'mola', timiyoltsi:

—Ilque cal xans, ¿naitsi lepi'ipa lipicuejma'? ³ ¿Te małque łinc'alhuałpa? O ¿a'i ilque? ¿Te ilque i'hua María? ¿Te a'i ilquiya ilpima Jacobo, José, Judas y Simón? Fa'a jouc'a timana' lipimaye cacal'no'.

Iłniya lan xanuc' aikuicuaitsi quilpic'a lo'epa Jesús, etets'i'me.

⁴ Jesús timila':

—Anuli cal xans łummepa ŁanDios, mipa'a ocuena quilıya' pe lomana' locuenaye lan xanuc', ilniya ticuaispa quilpic'a lo'epa ilque. Tipainanni, ticuaitsi lipiłya' pe lomana' lixanuc', lopa'a lejut'ł, jilpe linca tetets'ita.

⁵ Mipa'a Jesús lipiłya' aiqui'aic' cueca' jilpe. Ma le'a ixpayaf'mola' oquexi' afantsi lafcualłay, ixal'me'mola'. ⁶ Ixim'mola' ilne lipiłya' xanuc' aiquil'huaiyinge. Ixhuełco'ma juaiconapa.

I'hua'ma ehuentsole' łaiquilelołya' anujnca. Jilpe imuc'itsola' lan xanuc'.

⁷ Ihe łitiné ijoc'i'mola' limbamaj coquexi' ts'ilihuequi. Ihe icuaiyunca, ipango'ma umme'mola' tiyele oquexi' oquexi'. Epi'i'mola' liłmane tipa'atsa lontahue. ⁸ Tixc'ai'ila', timila':

—Tonlele, tołtai'me ma le'a lołpaluc. Aimolłtai'me cumla'i. Aimolł'nij'mi'me tomı jilpe lołfi'ejma lołcu'u. ⁹ Tołc'uaicole łolc'ejı. Aimolłpo'no'me oque' lołtsamalo, ma le'a anuli.

¹⁰ Lajut'ł petsi tepenuftsolhuo', mołmana' jilpiya liłya', małpe tołmajntsa. ¹¹ Ja'ni tołcuaitsa petsi aimepenuftsolhuo', ni aimiquimf'ennilhuo', imanc' tulunafle loł'mitsi', tipanni ilque łamats' łitalijmpa lołc'ejı'. Tołta'a ti'ila' quılłsina' ma ilne quılłtuca' ti'najtse'me liłjunac'.

¹² Ts'ilihuequi ipalunca, uya'a'me Lataiqui' loya'apa ile al c'a lixpıc'epa ŁanDios. U'iyale'me tixhuej'menanca lixcay lo'epa. ¹³ İpa'a'me axpela' lontahue. I'ot'li'me laceite axpela' lafcualłay. Iłniya ixalłcona'mola'.

¹⁴ Ni petsi lomana' lan xanuc' tipalaicoyi lo'epa Jesús. Cal rey Herodes jouc'a icuej'ma lo'epa. Timana' lan xanuc' nocuapá:

—Jesús ilquiya aJuan Bautista, joupa imaf'inapa ipanamma pe lomana' limanapola'. Tołta'a juaiconapa apaxi ilque, ti'ay acueca'.

¹⁵ Ocuenaye ticuayi:

—Itque aElías, icuaiyocona'ma fa'a li'a lamats'.

Ocuenaye ticuayi:

—Itque aprofeta lummepe LanDios, ti'onlcospa to lam profeta limajmpá fa'a luyaipa quitine.

¹⁶ Li'i'ma quixina' Herodes ite lonespa lan xanuc', itque ines'ma:

—Itque ma Juan Bautista. Linca aicuxe'ma etec'em'me lejoc', joupá imaf'inapa.

¹⁷⁻¹⁸ Herodes joupá exic'e'epa lipeno lipima Felipe. Itquiya laca'no' cuftine Herodías. Itcopa. Juan timi Herodes: “O'epa quixcay. ¿Te comexic'e'ecopa lipeno lipima? ¿Te colecocopa? Itque a'i copeno. Ipeno lipima.” Juan limi'ma toíta'a ixtunni Herodes. Icuixepa i'notinsa, ifi'entsa, itats'entsa. ¹⁹ Laca'no' Herodías ti'ay quipilaic' Juan. Ijanaj'ma tima'anle. Aiqui'ic'. ²⁰ Cal rey Herodes tixpaic'e Juan. Imetsaico'ma ac'a xans. I'epa cuenna. Ti'hua tiquimf'e lonespa Juan. Tama aiquicueca, ticuaispa quipic'a litaiqui' Juan.

²¹ Herodías joupá iximpa lo'eya tima'anle Juan.

Herodes lixhuaita lamats' i'e'ma juic. Ihiya lipuqui' titetsoyi anuli lijoc'ipola', itne lan tsila' quipenic', jouc'a lincuxepá soldado, jouc'a lan tsila' xanuc' nomana' al distrito Galilea. ²² Jilpiya lefoŷa itsufai'ma ti'hua caca'no' Herodías. Ixau'ma. Icuaitsi quipic'a Herodes jouc'a lijoc'ipola', itne nocutshuolanna jilpiya. Cal rey timi lahuats': “Ahsahue'ela' jale ts'opic'a, capi'i'mo”. ²³ I'e'ma jurar, icuaj'moxi: “It lalsahue'eya, tama ti'ila' onlca laifcuxepa, capi'i'mo”.

²⁴ Ipanni lahuats'. I'hua'ma, icuaitsi pe lopa'a qui'máma', timi: “¿Te caifxahue'eya?” Qui'máma' timi: “Toxahue'etsi tepi'intso' lijuac Juan, tetoj'minte al cuecaj pime”.

²⁵ Aiquicoŷ'ma, lahuats' ipanni, i'huacona'ma ixintsi cal rey. Ixahue'e'ma, timi: “Lapi'ila' lijuac Juan Bautista, to'nij'mila' anuli al pime”. ²⁶ Cal rey ixhueŷconni juaiconapa. ¿Te co'eya? Aimi'iya micuanac'eya loxahue'epa lahuats'. Lan xanuc' nocutshuolanna jilpiya joupá icuejpá licuajpoxi. ²⁷ Aiquicoŷ'ma, umme'ma anuli lisoldado, icuxe'ma, timi: “Totaitsi lijuac Juan”. Cal soldado i'hua'ma, icuaitsi la carza, etec'etsi lejoc' Juan, ²⁸ i'nij'mitsi al pime lijuac, uhui'i'ma lahuats'. Lahuats' i'hua'ma pe lopa'a qui'máma', uhui'itsi.

²⁹ Ts'ilihuequi Juan icuej'me toíta'a li'ipa. Icuaitsa pe lima'ayompa Juan, itaina'me licuerpo, emunatsa.

³⁰ Ts'ilihuequi Jesús icuainanca pe lopa'a Jesús, efot'lecona'moŷtsi. Joupá iyehuo'me uya'a'huo'me Lataiqui' loya'apa ite al c'a lixpíc'epa LanDios. U'i'me jahuay li'ehuo'me, jahuay limuc'iyalehuo'me. ³¹ Jesús timila':

—Lepá illanc' caŷtuca'. Lepá pu'huanni pe ailopa'a quiŷya'. Lunxajta.

Jilpe pe lomana' Jesús jouc'a ts'ilihuequi, lan xanuc' itlcuaispa, tiyenayi. Aimi'iya mitetsoyacu, ni Jesús ni ts'ilihuequi. ³² If'ajli'me anuli al barco, iye'me quítuca' ticuaitsa pe ailopa'a quiŷya'.

³³ Axpela' lan xanuc' quiyoyomma jahuay itelolŷa' ixinim'mola' lif'ajli'me al barco. Imetsaico'mola'. Itne lan xanuc' iye'me, inul'me, icuaitsa ate'a pe lotseyacu Jesús jouc'a ts'ilihuequi.

³⁴ Jesús jouc'a ts'ilihuequi icuaitsa locuena quema caja, ipalunca al barco. Jesús lixim'mola' itne axpela' lan xanuc' efot'leyoŷtsi jilpiya, ixim'mola' acuanuc'la. Ixim'mola' to lam mot'ŷ, itne lam mot'ŷ lahue'epola' quítpoujna. Ailopa'a nohuic'iyacola'. Ipango'ma imuc'i'mola'. Axpe' lataiqui' imuc'i'mola'.

³⁵ Joupá if'acolaipa, ts'ilihuequi Jesús itoc'olai'me, timiyi:

—Jif'a'a ailopa'a quiŷya'. Joupá if'acolaipa. ³⁶ Tommetsola' lan xanuc' tiyete. Pu'huanni calx'uiyaŷma' o itelolŷa' ti'nata lotejacu.

³⁷ Jesús timila':

—Imanc' toŷtes'mitsola'.

Italai'e'e'me, timiyi:

—Ticuicomma axpe' la'i, lipitali to lolijya cal xans no'eya canic' apaicoj mut'la. ¿Te tipa'a caltomí al'nacota tołta'a la'i? Aimi'iya małtes'miyacola'.

³⁸ Jesús icuis'e'mola', timila':

—¿Tojua tipa'a la'i? Tonłete, tołsintsa.

Iye'me, ixintsa. U'icona'me, timiyi:

—Tipa'a amaque' la'í, jouc'a oquexi' latuye.

³⁹ Jesús icuxe'e'mola' ts'ilihuequi ticuxe'entsola' lan xanuc' ticutsolaite jahuay jilpe calxhuaica pajac. ⁴⁰ Enaj'mołtsi lan xanuc' amaxnu amaxnu, jouc'a oquej oquej nuxans quimbama', icutshuolai'me.

⁴¹ Jesús epef'ma lan maquej la'í jouc'a loquexi' latuye, ehuenaf'ma lema'a, ix'najtsi'i'ma LanDios. Ixquenuf'ma la'i, epi'i'mola' ts'ilihuequi, ilne eca'nem'mola' lan xanuc'. Jouc'a loquexi' latuye ixquenuf'mola', epi'i'mola' lan xanuc'. ⁴² Jahuay itetso'me, ixhuait sola'.

⁴³ Ts'ilihuequi efot'lena'me lipanecomma la'i jouc'a latuye. Imantsi imbamaj coque' lan tsiquihuit'ł. ⁴⁴ Lan xanuc' litetso'me tixhuaispola' oquej nuxans quimbamaj maxnu. Jouc'a timana' lacał'no', la'uhuy.

⁴⁵ Aiquicoł'ma, Jesús icuxe'e'mola' ts'ilihuequi tif'ajlıte al barco, tiquiełe al cuecaj quin'nuhua', ticuaitsa pe lopa'a liłya' Betsaida. ⁴⁶ Ilque ixc'ai'ina'mola' lan xanuc', if'aj'ma lijuala, tipalaic'ota LanDios.

⁴⁷ Muyałaicoyi ts'ilihuequi icuaitsa nolojmay quin'nuhua' imufc'o'ma. Jesús tipa'a lamats' quituca'. ⁴⁸ Jilpe ehuelojm'mola' ts'ilihuequi nomana' al barco. Ixim'mola' juaiconapa tipa'ayi cafxi tiquiełe, aimi'i miquieyi. Italecuf'me łujfxi cahua'. Al fanej hora lipuqui' joupā uyaipa, tehue'e' micuaiya al camts'us 'hora. Icuai'co'ma Jesús ti'huayaf'que laja'. Icuaitsi pe lopa'a al barco, ti'hua mi'hua, tocomma tuyaicota. ⁴⁹ Ts'ilihuequi ixim'me, ticuayi: “Acuecaj quinxpai'ale”. Ija'a'me. ⁵⁰ Jahuay ixim'me. Ixpailij'mola' juaiconapa. Jesús aiquicoł'ma, ipalaic'o'mola', timila':

—Aimixpailij'molhuo'. Toł'etsoltsi acueca' łolunxajma'. Ma iya'.

⁵¹ If'aj'ma al barco pe lomana' ts'ilihuequi. I-ch'ixcona'ma łahua'. Ixim'me acueca' ilne li'epa Jesús. Aiquiłcueca. ⁵² Tama joupā iximpá al cuecaj li'epa Jesús ilne litine lites'mi'mola' lan xanuc', ite'me la'i, ilne ts'ilihuequi aimicuec'eyi. Amuf liłpicuejma'.

⁵³ Lijou'ma liquie'me al cuecaj quin'nuhua', icuaitsa lamats' Genesaret. Jilpiya ifijm'me al barco. ⁵⁴ Ipalnanca. Aiquicoł'ma, lan xanuc' imetsaico'me Jesús. ⁵⁵ Ni petsi jilpe lamats' icuej'me lan xanuc': “Icuai'ma Jesús, pu'hua o lu'hua tipa'a”. Iyec'olaitsa tehueyi Jesús, iltaic' lilefcuallay tunaf'colanna liłpuxcuif'que. ⁵⁶ Jilpiya lan tsocay quitelol'ya', o lan tsila' quitelol'ya', o calx'huiyałma', ni petsi licuaitsi Jesús, lan xanuc' iltaic' lilefcuallay jilpe pe lafołyoya. Tixahue'eyi Jesús tepi'itsola' lane lilefcuallay tiłafle, tama ma le'a lipijahua'. Jahuay niłafpá, tixałconala'.

7

¹ Lam fariseo icuaitsa pe lopa'a Jesús, jouc'a icuaitsa lomxiye nomuc'iyalepá locuxepa LanDios. Ilne quiyoyomma al cuecaj quil'ya' Jerusalén.

² Ti'huilaic'oyi lo'epa ts'ilihuequi Jesús. Ticuayi: “Ilne titetsoyi aiquilulahua al c'a liłmane'. Aimepenufyacola' LanDios.”

³ Lan xanuc' fariseo tihuejyi liłtatahueló lił'ejma'. Tepajyi liłmane' ticuaispa liłluxluc.

⁴ Miye'me laplaza, miyelocota, micuainacu lilejut'ł ate'a tepo'me, tijoula' titetso'me. Tihuejyi axpe' quil'ejma'. Tipa'a lił'ejma' mepaj'me liłpime, liłcatsitu, liłepixú, lolanc'ecompa atejma' cuftine acobre, jouc'a liłhualfa. Ticuayi: “Tołta'a ipic'a LanDios”.

⁵ Ilne icuis'e'me Jesús, timiyi:

—Ine lihuejhuo', ¿te co'ecopa aimihuejyi la'ejma' iŕe laŕmuc'iponga' laŕtatahueló? Mane titetsoyi, aimepajyi al c'a liŕmane'.

⁶ Jesús italai'e'e'mola', timila':

—Imanc' ma le'a tonŕ'e'eyoŕtsi to unc'ic'a xanuc'. Luyaipa quitine cal profeta Isaías uya'a'ma linespa LanDios te ts'i'ic' loŕpicuejma'. Ticua:

Ine lan xanuc' aŕmi: “Ima' malanDios”, ma le'a tipaloŕaiyi.

Iŕniya aimalŕcuc'e, ma ti'eyi quiŕtuca' ts'iŕpic'a.

⁷ Tama laxc'onŕingaiŕa' aicapenufila',

iŕne timuc'iyaleyi ma le'a locuxepa lan xanuc', a'i laifcuxepa.

⁸ Toŕe loŕpicuejma' imanc', tolatets'iyi LanDios, tolihuequila' lan xanuc' liŕ'ejma'.

⁹ Jouc'a timila':

—Imanc' xonca tolihuequila' loŕtatahueló liŕ'ejma', toŕta'a tolatets'iyi litaiqui' LanDios.

¹⁰ Moises icuxepa: “Taihuejco'mola' co'ailli', co'máma', toŕoc'i'mola'”. Jouc'a icuxepa: “Cal xans nomipola' cataiqui' qui'ailli' qui'máma', tipa'a lijunac'. ¡Tima'anŕe!”

¹¹ Imanc' ituca' loŕmuc'iyalepa. Ja'ni anuli cal xans timitsola' qui'ailli', qui'máma': “Aimi'iya catoc'iyacolhuo'. Jahuay ŕai'huexi joupa nenajpa, iŕe catsufco'ma LanDios.”

¹² Imanc' toŕcuayi: “Ne', iŕque aimitoc'i'mola' qui'ailli' qui'máma'”.

¹³ He lataiqui' lolihuejpa ma le'a liŕtaiqui' loŕtatahueló limuc'ipolhuo', iŕiya coŕmuc'ipola' lan xanuc'. Ma' anuli toŕta'a axpe' tonŕ'eyi. Litaiqui' locuxepa LanDios toŕsinyi to nij naitsi cataiqui'.

¹⁴ U'icona'mola' lan xanuc' leŕot'ŕepoŕtsi jiŕpiya, timila':

—¡Alŕquimŕ'eŕa' anuli anuli imanc'! ¡Alŕcuc'eŕa'! ¹⁵ Fa'a li'a ŕamats' tipa'a iŕe pe imanc' lolacui'ipa axujc'a. Iya' cacua a'i. Ja'ni anuli cal xans titel'a', ti'nicola' lico, tinuc'la', ailopa'a co'iya, aimixis'meyacoxi. Al xujc'a laipa'aya lipicuejma' cal xans, iŕe linca tixis'me'ma. ¹⁶ Naitsi nocuejpa, alŕquimŕ'eŕa' iya' laitaiqui'.

¹⁷ Jesús ipo'no'mola' quiŕtuca' lan xanuc', itsufai'ma lajut'ŕ. Ts'ilihuequi ixa'hue'me tuhuaŕc'e'etsola' iŕe lataiqui'.

¹⁸ Timila':

—¿Te imanc' jouc'a ailopa'a coŕpicuejma'? Cal xans no'nicopa lico al xujc'a, tinuc'a, aimixis'meyacoxi toŕta'a. ¿Te aicoŕcuc'ea? ¹⁹ He loyaicopa lico, aimitsufaiya lipicuejma'. Ticuaispa licu'u, tijouŕa' tipanamma.

Minesqui toŕta'a Jesús ipalaicopa ŕotempa fa'a li'a ŕamats'. Ticua jahuay iŕe ac'a. Aimi'iya minesyacu: “He axujc'a, aimi'iya catec'oya”. ²⁰ Ti'hua timila':

—Al xujc'a laipa'apa lipicuejma', iŕe linca tixis'me'ma cal xans. ²¹ Jiŕpe liŕpicuejma', lan xanuc' tixpic'eyi ti'eŕe al xujc'a. Tihuennaiquila' cacal'no', tinantseyi, tima'ahualeyi, tixhuicoyi liŕpenoye liŕ'as xanuc', ²² tijanajyi ti'huejle xonca, ti'eyi al xujc'a liŕ'as xanuc', tifel'miyaleyi, tipalaiyi o ti'eyi petŕi aimetenŕcocojma, ti'e'ehualeyŕi laic', tinescoyi liŕ'as xanuc', tetets'iyaleyi, tixinyoŕtsi xonca lan tsila' xanuc', ti'eyi pangay camac'ta. ²³ Jahuay iŕna'a tipa'a liŕpicuejma'. Ja'ni tipa'aŕe, ti'eŕe toŕta'a, tixis'me'moŕtsi, ti'e'e'moŕtsi xujc'a.

²⁴ Jesús ipanni jiŕpiya. I'hua'ma icuaitŕi ŕamats' huejnca liŕya' cuŕtine Tiro. Itsufai'ma anuli lajut'ŕ. Ticua: Nij naitsi nocuejya. ²⁵ Anuli ŕaca'no' icuej'ma jiŕpe tipa'a Jesús. Icuaitŕi, exc'onŕingai'ma li'miŕŕi' Jesús. Iŕque ŕaca'no' tipa'a li'hua cahuats' liŕsufaipa conta'a. ²⁶ ŕaca'no' a'i judía, qui'huayomma maŕpiya ŕamats' cuŕtine Sirofenicia. (Lan xanuc' judío tetets'innila' iŕniya lun Sirofenicia. Tecui'innila' atŕiŕqui.)

ŕaca'no' tixahue'e tipa'aŕa' ŕonta'a, tixaŕ'mel'a' li'hua. ²⁷ Jesús timi:

—Ate'a aŕtes'mi'mola' laŕnaxque'. Aŕtoc'itsola' laŕxanuc'. ¿Te ja'ni ac'a laŕ'eyacu laxic'e'mola' ŕile'i la'uhuay, tijouŕa' laca'ni'i'mola' lan tsilŕqui?

²⁸ ŕaca'no' titalai'e'e, timi:

—Mapoujna, tama al linca loŕfnespa, iya' cacua lan tsilŕqui titeji ŕaiquepi' ca'i ŕopa'a licu'uj mesa, loc'aŕpa la'uhuay.

²⁹ Jesús timi łaca'no':

—İta'a lałmipa icuaicota caipic'a. Ma to'huanła'. Łonta'a joupa ipanamma ło'hua.

³⁰ Łaca'no' i'hua'na'ma, icuainatsi lejut'ł ixim'ma ki'hua tunouya. Łonta'a joupa ipanamma.

³¹ Jesús ipanni pe lopa'a liłya' Tiro, uyaicotsi liłya' Sidón, jouc'a pe lopa'a Limbama' Quiłelołya'. Icuaicontsi al cuecaj quin'nuhua' Galilea. ³² Jiłpiya i'hua'a'me anuli cal xans atape, afule mipalay, ata'ay. İxa'hue'me Jesús tixpayaf'la' iłque cal xans. ³³ Jesús ileco'ma lijuqueya jiłpe pe ailopa'a xans. Ecajm'mi'ma lidedó anuli anuli lix'mats'i' cal xans. İtsułof'i'ma liłpał cal xans. ³⁴ Ehuenaf'ma lema'a, ixnalif'ma acueca' timi:

—İEfata!

İhe lataiqui' locuajmaispa ticua: İTexinanni!

³⁵ Aiquicoł'ma. Cal xans iximpoxi exinamma lix'mats'i', ux'masquenanni liłpał. İpango'ma ipalai'ma ac'a. ³⁶ Jesús icuxe'e'mola' lan xanuc' aimuyout'le'me. Nij naitsi nocuejya. İhniya aimicuec'eyi. Tama Jesús timila': “Aimuluyout'le'me, nij naitsi locuejya”, iłne lan xanuc' xonca tuya'ayi lo'epa. ³⁷ İmetsaico'me acueca' juaiconapa lo'epa Jesús. Ticuayi:

—İTolsinle! Tixał'menala' lan tałpe iłne ticuejnayi. Tixał'menala' jouc'a lan ta'ay, iłne tipalainayi ac'a. Jahuay lo'epa juaiconapa ac'a.

8

¹ Jiłne litiné lan xanuc' efołconanni pe lopa'a Jesús. Ailopa'a cotejacu. Jesús ijoc'i'mola' ts'ilihuequi, timila':

² —İya' caxinnila' cuanuc'la iłne lan xanuc'. Joupa ixhuaita afane' quitine małmana' fa'a, iya' jouc'a iłniya. ³ Timana' quiyoyomma aculi'. Aiquiłtesma. Aimi'iya miyeyacu. A'i cummeyacola'. Ticuaitsa nolojmay cane timatola' cumemma.

⁴ Ts'ilihuequi italai'e'e'me, timiyi:

—İifa'a ailopa'a quiliya'. İPetsi całtac'ueyacu la'i tinajntsola' iłniya lan xanuc'?

⁵ Jesús icuis'e'mola', timila':

—İmanc', İtojua mimana' lola'í?

İhe italai'enca, timiyi:

—İTipa'a acaitsi lala'í.

⁶ Jesús icuxe'e'mola' lan xanuc' ticutshuołaiłe łamats'. Epenuf'ma lan caitsi la'í, ix'najtsi'i'ma ŁanDios, ixquenuf'ma la'i, epi'i'mola' ts'ilihuequi. İhniya eca'nem'mola' lan xanuc'. ⁷ Timana' jouc'a oquexi' afantsi laicatuye. Jesús ix'najtsi'icona'ma ŁanDios, timila' ts'ilihuequi:

—İTolaca'netsola' lan xanuc'.

⁸ Jahuay itetso'me. İnajntsola' al c'a. Lefot'le'me lipanecomma, imantsi acaitsi lan tsangay. ⁹ İhe lan xanuc' litetso'me tixhuaispola' to oquej nuxans maxnu.

Jesús ixc'ai'ina'mola'.

¹⁰ Aiquicoł'ma, if'ajli'me al barco jouc'a ts'ilihuequi. İye'me icuaitsa łemats' liłya' cuftine Dalmanuta.

¹¹ İcuaiiconanca lan xanuc' fariseo. İpango'me icuis'mot'lecona'me Jesús. İxa'hue'me ti'eła' al cueca', iłe to lo'eya ŁanDios. Tehuaiyi. ¹² Jesús ixnalif'ma acueca', ticua:

—İlan xanuc' nomana' itsiya, İte całsa'huecopa ca'eła' al cueca'? İya' cacua: İinca aicamuc'iyacola', ni tołta'a.

¹³ İpo'no'mola' quiliuca', if'ajcona'ma al barco. İye'me, iquie'me al cuecaj quin'nuhua'.

¹⁴ Ts'ilihuequi aiquiłtaic' ca'i. İmenc'ecopá. ¹⁵ Jesús ixc'ai'i'mola' iłniya, timila':

—İTołpo'nołe cuenna. Aimalapenuf'me iłııevadura lan xanuc' fariseo, ni iııevadura cal rey Herodes.

¹⁶ İhe aiquiłcueca iłe limipola' Jesús. Timiyołtsi:

—İTe całmicoponga' tołta'a? O İałminga': “İmanc' olimenc'ecopá, aicołtaic' ca'i”?

17 Jesús ixina' lonespa, timila':

—Imanc', ¿te coñescopa: “Ailopa'a cala'i”? ¿Teaicolcucua laimipolhuo'? ¿Te aicolapaic' cuenna lai'epa? O ¿i'ipolhuo' muf lołpicuejma'? 18 ¿Te unc'ifohue? ¿Te aimołsinyi loł'u'? ¿Te unc'italpe? ¿Te aimołcuejyi lołs'mats'i'? ¿Te olimenc'ecopá lai'epa? 19 Lu'ila': Jiłpe litine laixquenuf'ma lam maque' la'í lolaca'nepola' ilne lam maquej mil lan xanuc', ¿tojua lan tsiquihuit'ł lołma'ne'me lipaneconni?

Italai'e'e'me, timiyi:

—Imbamaj coque'.

20 —Laixquenuf'ma lan caitsi la'í lolaca'nepola' lam malpuj mil lan xanuc', ¿tojua lan tsangay lołma'ne'me lipaneconni?

Italai'e'e'me:

—Acaitsi.

21 Timila':

—Itsiya, ¿te aimi'iya mołcuc'eyacu?

22 Icuaitsa liłya' Betsaida. Icuai'e'entsa Jesús anuli cal fo'. Ixa'hue'me tixpayaf'la' li'u' cal fo'. 23 Jesús exai'ma cal fo', iye'me lema quiłya'. I'otli'ma hitsulu li'u', ixpayaf'ma limane, icuis'e'ma, timi:

—Itsiya, ¿te nipajnya tahuetsale? ¿Toxina?

24 Cal xans ipango'ma ehuetale'ma, timi:

—Caxinnila' lan xanuc', tiyelocoyi. Ti'onłcospola' to lan 'ec'.

25 Jesús ixpayaf'cona'ma li'u' cal xans. Ilque ixim'moxi exilinamma li'u'. Ehuetsale'ma. Tehuelonge jahuay. 26 Jesús umme'ma ti'huanla' lejut'ł, timi:

—Aimotsufai'ma liłya'. Aimo'itola' lan xanuc'. Nij naitsi nocuejya li'ipo'.

27 Jesús jouc'a ts'ilihuequi iye'me, ticuaitsa łaiquifelołya' lomana' jiłpe al distrito cuftine Cesarea de Filipo. Miyeyi lane Jesús ticuis'ela', timila':

—¿Te conespa lan xanuc'? ¿Naitsi iya'?

28 Italai'e'e'me:

—Timana' nocuapá ima' umJuan Bautista. Ocuenaye ticuayi ima' umprofeta Elías. Ocuenaye tinesyi ima' mocuenaj profeta.

29 Icuis'econa'mola':

—Imanc', ¿te coñespa? ¿Te cołcuapa? ¿Naitsi iya'?

Pedro italai'e'e'ma, timi:

—Ima' unCristo. LanDios ummepo'.

30 Jesús u'i'mola':

—Aimolu'i'mola' lan xanuc'. Nij naitsi nocuejya.

31 Ipango'ma imuc'i'mola' loyaicoya. Timila':

—Iya' ilque cal Xans Liximpa cal profeta pu'hua lema'a. Catełco'ma juaiconapa. Lan tsila' xanuc' noxpijpá lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, ilniya latets'i'ma, alcu'ma alma'anla'. Afanej quitine camaf'ina'ma, catsahueno.

32 Acuajmaica u'ipola': “Alma'a'ma”. Pedro aikuicuaitsi quipic'a ilne lines'ma Jesús. Ixoulai'ipa, itale'ma, timi:

—¿Te coñescopa tołta'a?

33 Jesús ipai'e'moxi, ehuelojm'mola' ts'ilihuequi, itale'ma Pedro, timi:

—To'huanla'. Tanajxoxi fa'a. Ima' topalay ma to minesqui łonta'a Satanás. Ima' toxpice to mixpic'eyi lan xanuc'. Ituca' tixpic'e LanDios.

34 Ijoc'i'mola' lan xanuc' jouc'a ts'ilihuequi tiquimf'ete, timila':

—Cal xans ja'ni ipic'a lihuejla', aimicuxe'moxi quituca'. Iya' lapalts'inginna lancruz. Naitsi nalihuejya titaila' lencruz jouc'a. Tixpic'ela' ticuxoxi titełcola'. Tołta'a lihuejla'.

35 Cal xans ja'ni ti'exoxi cuenna juaiconapa, ja'ni aimicua mitełcoya, ilque cal xans tecani'e'moxi. Cal xans ts'ipic'a tihuejla' Lataiqui' loya'apa ilne al c'a lixpice'epa LanDios,

tołta'a lihuej'ma iya', ilque linca ticu'moxi latełcoya. Tama tima'anle, ilque tulij'ma lipitine aimijouya. ³⁶ Cal xans nolijpa jahuay lopa'a fa'a li'a łamats', tijoułta' tecani'exoxi, łte tixhuico'ma ille lulijpa? ³⁷ łNipajnya ti'najtse'ma tunłu'ełta' li'alma? A'i, aimi'iya.

³⁸ 'Itsiya litine lan xanuc' enajpołtsi ŁanDios, ti'eyi al xujc'a. Cal xans noximpa calaic'ata, ja'ni tinesla': "Iłne laif'as xanuc' lahuelonge, aiquihuejya Jesús, aicapenufya litaiqui', aimi'iya"; litine cacuaiconanni fa'a li'a łamats', iya' jouc'a aicapenufya ilque cal xans. Iya' ilque cal Xans Łiximpa cal profeta pu'hua lema'a'. Cacuaiyoconno. Alcuaiyonacu iya' jouc'a lam paxi capaluc' quema'a. Jilpe litine alsim'ma ninCueca' ma to ŁanDios cai'Ailli'.

9

¹ Ti'hua timila':

—Iya' camilhuo' al linca: Jifa'a timana' lan xanuc' tixim'me, timetsaico'me lo'eya ŁanDios micuxe fa'a li'a łamats'. Tołta'a tixim'me ai'a tima'mola'.

² Luyaipa acamts'us quitine Jesús ileco'mola' Pedro, Jacobo jouc'a Juan. Tiyeyi ma quiltuca'. If'ajli'me li'nof'quiya hjuala. Mehuelojnyi Jesús ilque ipaicomma lixans.

³ Lipijahua' i'i'ma afujca juaiconapa, tunts'iflay. Fa'a li'a łamats' tama tepajle lijahua' aimi'iya mi'onłiyacu tołta'a. ⁴ Ts'ilihuequi Jesús ixim'me imaxcaitsola' lam profeta Moisés jouc'a Elías. Tipalaic'oyi Jesús. ⁵ Pedro timi Jesús:

—Momxi, jac'a fa'a małmana! Alłanc'e'me afanej lihuoxqui, anuli ima', anuli Moisés, locuena Elías.

⁶ Pedro aiquixina' te ts'i'ic' ille licuapa, ma le'a tipalay. Iłne lam fantsi ts'ilihuequi Jesús ixpailij'mola' juaiconapa. ⁷ Ixim'me ipoxc'i'mola' cummahuay. Icuej'me tipalay małpe lummahuay, timila':

—Iłca'a ai'Hua, ca'ay capic'a juaiconapa. Tołquimf'ele ilque lonespa.

⁸ Ehuelojncona'me Jesús, ilque tecaxu quituca'. Moisés y Elías ailomana'. Ma ejac'na'mola'.

⁹ Mimulnamma hjuala Jesús ipalaic'ocona'mola', timila':

—Iya' ilque cal Xans Łiximpa cal profeta pu'hua lema'a, ma capa'a fa'a li'a łamats' aimoluya'ata lołsimpa jilpe hjuala. Nij naitsi nocuejya. Alłma'a'ma, catsahuenahuo quipayonahuo pe lomana' limapola', tijoułta' ti'ila' tołta'a tolu'i'mola' lan xanuc'.

¹⁰ Iłne ts'ilihuequi Jesús ma quiltuca' tipalaic'oyołtsi, i'nujuaista ille lixinghuo'me hjuala. Ticuis'eyołtsi:

—łTe cataiqui' lonespa Jesús? Ticua: "Catsahuenahuo, quipano pe lomana' limapola'".

¹¹ Icuiss'e'me Jesús, timiyi:

—Lomxiye nomuc'iyalepá locuxepa ŁanDios ticuayi: "Ate'a Elías ticuaiyoconno fa'a li'a łamats'. Tijoułta' ticuaihuo cal Cristo." łTe conescopa tołta'a?

¹² Jesús timila':

—Al linca lonespa ilniya lomxiye ilne nocuapá: "Ate'a ticuaihuo Elías. Ilque tixanu'ma jahuay." Jouc'a tipa'a linłiya loya'apa te ts'i'ic' laifnuyaicoya iya'. Iya' ilque cal Xans Łiximpa cal profeta pu'hua lema'a. Tuya'e' iya' catełco'ma juaiconapa, lan xanuc' latets'i'ma.

¹³ 'Iya' camilhuo', joupa i'huamma Elías. Lan xanuc' ma to lixplic'epa tołta'a i'e'epá ilque. I'e'epá ma to muya'e' jilpe al Paxi Cataiqui' Linłingiya.

¹⁴ Icuaitsa pe lomana' locuenaye ts'ilihuequi Jesús, jilpe ixim'me juaiconapa axpela' lan xanuc' efot'leyołtsi canumicay. Jouc'a timana' lomxiye nomuc'iyalepá locuxepa ŁanDios. Iłne lomxiye tifuli'iyi cataiqui' ts'ilihuequi Jesús. ¹⁵ Lixim'me Jesús lan xanuc' ixoconni quileta. Aiquicoł'mola', iyouyunca, inontsa.

¹⁶ Jesús icuiss'e'mola' lomxiye nomuc'iyalepá locuxepa ŁanDios, timila':

—Imanc', łte colicuis'epola' ilne lalihuequi?

¹⁷ Jilpiya lefołya anuli cal xans ipala'i'ma, timi Jesús:

—Momxi, ailec'mehuo' lai'hua. Itsufaipa conta'a. Itque lonta'a i'e'epa ata'ay. ¹⁸ Lonta'a mulij'ma lai'hua tecanghuaispa. Tijoula' lai'hua ti'i quipehuoxco lico, ti'ilc'a li'ay, tuhuaquemma. Aixa'hue'mola' lihuejhuo' tipa'ate lonta'a. Aiqui'ic' quilipa'e.

¹⁹ Jesús italai'e'ma, ticua:

—Itsiya litine imanc' nolmana' fa'a li'a lamats' aimo'huaiyijnyi LanDios, olanajpo'lti. Iya' cacua, cola' aicapajncona'ma pe lolmana'. ¿Te iya' ti'hua caxnet'f'ma? Allec'metsi lo'hua.

²⁰ Ilecontsa lamijcano. Aiquico'f'ma, lixim'ma lonta'a Jesús, ife'ne'ma ujfxi lamijcano. Itque ecanghuaiti, ti'hua'itsay, ipa'a'ma ipehuoxco lico. ²¹ Jesús icuis'e'ma qui'ailli' lamijcano, timi:

—¿Tojua camats' to'la'a mi'i lo'hua?

Italai'e'e'ma timi:

—Caca'hua. ²² Lonta'a tummetsay, tecajm-maispa laja' jouc'a titanc'aispa lunga. Tehuay te co'iya mima'aya. Itsiya ja'ni nipajnya, ¡altoc'itsonga! ¡A'sintsonga' ninc'icuanuc'la!

²³ Jesús timi cal xans:

—¿Te calmicopa: “Ja'ni nipajnya”? Ja'ni ima' al'huaiyijnla', ti'i'ma. Nailne lai'huaiyijmpa alsim'ma iya' nipajnya, alsim'ma jahuay ti'i'ma ca'e'ma.

²⁴ Aiquico'f'ma, qui'ailli' lamijcano ija'a'ma ujfxi, timi Jesús:

—Ca'huaiyijnhuo', ¡altoc'ila' ca'huaiyijntso' xonca!

²⁵ Ixim'mola' Jesús tiloc'olaiyumma xonca lan xanuc', itale'ma lonta'a, timi:

—Ima' monta'a, ima' o'e'epa atape y ata'ay ilca'a lamijcano. Iya' cacuxe'ehuo', ¡taipanni ilca'a lamijcano! Aimotsufaicona'ma.

²⁶ Lonta'a ija'a'ma. Ife'ne'ma ujfxi lamijcano. Ipananni. Lamijcano i'i'ma to lomapa. Axpela' lan xanuc' ticuayi: “Joupa imanapa”. ²⁷ Jesús i'no'e'ma limane icutsu'ma lamijcano, itque ecaxna'ma.

²⁸ Lijou'ma litsufilai'me lajut'f' Jesús jouc'a ts'ilihuequi, mimana' quiltuca' itne icuis'e'me, timiyi:

—Illanc', ¿te cal'icoponga' aicalipa'e lonta'a?

²⁹ Italai'e'e'mola', timila':

—Ticuicomma to'la'huele LanDios, aimo'ltetso'me, to'lnet'He. Ja'ni a'i, aimi'iya molipa'ayacola' ihniya lontahue.

³⁰ Ipalunca jilpiya. Tuyalaicoyi al distrito Galilea. Jesús ticua: “Aimicuej'me lan xanuc' pe laifpa'a”. Ipic'a timajnlé quiltuca' itque y ts'ilihuequi. ³¹ Mimuc'ila' timila':

—Iya' itque cal Xans Liximpa cal profeta pu'hua lema'a. Alcu'ma, al'no'f'ma lan xanuc', alma'a'ma. Afane' quitine, camaf'ina'ma.

³² Itne aiquilcueca ite lonespa Jesús. Aiquilicuis'e. Tixpailiquila'.

³³ Icuaiyocontsa li'ya' Capernaum. Mimana' lajut'f', Jesús icuis'e'mola' ts'ilihuequi, timila':

—¿Te cataiqui' colfuli'icopo'lti maleyi lane?

³⁴ Ihniya aiquilalai'e. Miyeyi lane tifuli'iyot'lti cataiqui' naiti itque xonca cal te'a.

³⁵ Jesús icutshuai'ma, ijoc'i'mola' limbamaj coquexi', timila':

—Cal xans ts'ipic'a ti'ila' cal te'a, ti'e'exoxi laquijoujma, ti'e'exoxi to laquintahuacopa lif'as xanuc'.

³⁶ Exal'u'ma anuli lahuac'hua. Ecaxu'e'mola' ts'ilihuequi. Ipulc'o'ma, timila' ts'ilihuequi:

³⁷ —Naiti napenufya anuli lahuac'hua to ilca'a, ja'ni tinesla': “Jesús ti'ay capic'a ilca'a lahuac'hua, iya' jouc'a capenuf'ma”, itque linca lapenufi iya'. Naiti nalapenufpa iya' a'i ma le'a iya' lapenufi, lapenufinga' jouc'a Lalummepa.

³⁸ Juan timi Jesús:

—Momxi, alsimpá anuli cal xans tipa'ala' lontahue. Itque ticuaj'mi lopuftine. Illanc' alcuanac'epá. Itque a'i calejmale.

³⁹ Jesús timila':

—Aimolcuanac'e'me. Anuli cal xans no'epa acueca' micuaj'mi laipuftine, itque cal xans aimalnesc'eya cataiqui'. ⁴⁰ Ine lan xanuc' ja'ni aimal'enga' laic' tama a'i małejmaleyi, ine linca altoc'inga'.

⁴¹ 'Iya' camilhuo' al linca: Cal xans naimetsaicopolhuo' imanc' alihuequi iya', ja'ni tinesla': “Ine ilihuequi cal Cristo. Cuhui'i'mola' quiłja'”, itque cal xans tipa'a lolijya, LanDios tipaxne'ma.

⁴² 'A'ijc'a loyaicoya cal xans naimenac'iya anuli inna'a la'uhuyay, ine ał'huaiyinge iya'. Coła' ifinc'im'me lejoc' anuli cal cuecaj capic molino, coła' ecajm'mim'me łaja. Coła' ima'ma ate'a ai'a ti'e'ma iłiya lixcay.

⁴³ 'Ja'ni lomane ti'e'ma lixcay, itatejla' nulemma! Ja'ni tocuaitsi al muf petsi łunga aimipica, łte cof'ecoya oque' lomane'? Tama le'a anuli lomane, ja'ni ti'i'ma totsufaita petsi lopitine aimijouya, xonca al c'a toyaicota.

⁴⁴⁻⁴⁶ 'Ja'ni lo'mis ti'hua'a'mo' petsi to'e'ma lixcay, itatejla' nulemma! Ja'ni tecajm-mitso' al muf, łte cof'ecoya oque' lo'mitsi'? Tama le'a anuli lo'mis, ja'ni ti'i'ma totsufaita petsi lopitine aimijouya, xonca al c'a toyaicota.

⁴⁷⁻⁴⁸ 'Ja'ni lo'u timenac'ihuo', itaipal'ala'! Ja'ni tecajm-mitso' al muf petsi lapimí aimimala', ti'hua titeji, petsi aimijaf'que latełcoya, aimipica łunga, łte cof'ecoya oque' lo'u'? Tama ma le'a anuli lo'u, ja'ni ti'i'ma totsufaita petsi tihuejcoyi LanDios, itque cal Cuecaj Rey, xonca al c'a toyaicota.

⁴⁹ 'Jahuay łotsufconyacu LanDios ticuicomma tetentine, toliya ti'em'me co'hue, tołe LanDios tepenuf'ma. Jouc'a lan xanuc' liłpicuejma' ticuicomma tetentintsola', ticuicomma titełco'me, tołe LanDios tepenufnamola'. ⁵⁰ Lo'hue ipenic'. Ja'ni tejac'la' lic'a, łte conł'ecoyacu lo'hue? Imanc' aimi'i'molhuo' to itque lo'hue łejac'pa lic'a. Aimolfuli'i'moltsi cataiqui'. Tołnanc'otsołtsi.

10

¹ Jesús ipanni al distrito Galilea, icuaitsi al distrito Judea. Ine łamats' locuena liju' al cuecaj panaj Jordán. Icuaiyocona'me axpela' lan xanuc' jilpe pe lopa'a Jesús. Itque ma to mi'ay timuc'iyale. ² Icuaiyunca jouc'a lam fariseo. Ehuaicona'me, icuis'e'me:

—łTe cal xans nipajnya tecanai'ma lipeno, o aimi'iya?

³ Jesús italai'e'e'mola', timila':

—łTe quiniłpa Moisés? łTe coya'apa lonł'eyacu?

⁴ Italai'e'e'me, timiyi:

—Moisés inilpa: “Cal xans tiniłta' anuli lije'e lacanaicoya lipeno. Tijouła' tecanai'ma.”

⁵ Jesús timila':

—Moisés ixina' ata lołpicuejma' imanc', tołta'a quiniłcopa. ⁶ Al te'a a'i tołta'a licuxeyalepa LanDios. Lilanc'epa li'a łamats' LanDios ilanc'e'mola' “... cal xans y łaca'no'”. ⁷ Icuama: “Cal xans tipo'no'mola' qui'ailli' qui'máma', tileco'ma lipeno. Tejonli'moltsi. ⁸ Loquexi' ti'e'e'moltsi to anuli le'a.” Tołta'a i'ipola' anuli, a'i oquexi'. ⁹ LanDios ixpic'epa tołta'a tejonli'mola', tołta'a ti'e'e'mola' anuli. Lan xanuc' aimi'iya menajyacola'.

¹⁰ Licuaitsa lajut'ł ts'ilihuequi Jesús icuis'e'me to joupa licuis'epa lan xanuc' fariseo.

¹¹ Jesús timila':

—Tama cal xans tecanaiłta' lipeno, ma' ipeno. Ja'ni tilecoła' ocuena caca'no', ixcay ile lo'eya. Ma' anuli lo'eya to ine nahuepa quilecal'no'. ¹² Jouc'a łaca'no'. Tama tecanaiłta' lipe'ailli', ma' ipe'ailli'. Ja'ni tihuejla' ocuenaj xans ixcay ile lo'eya. Ma' anuli lo'eya to lacał'no' nahuepa quiłxanuc'.

¹³ Jilpiya pe lopa'a Jesús ticuai'enspolá' la'uhuyay. Tixa'hueyi tixpayaf'tsola', tipaxnetsola'. Ts'ilihuequi Jesús italem'mola' iniya ts'ilejma quiłnaxque'. ¹⁴ Jesús lixim'mola' ts'ilihuequi tołta'a lo'epa aiqusetentocojma, ixtuc'o'mola'. Timila':

—Aimołpa'ne'mola' la'uhuay. Tiyouyunca pe laifpa'a. Lan xanuc' notsuflaiyacu pe locuxeyopa ŁanDios ti'onłcospola' to iłna'a la'uhuay. ¹⁵Iya' camilhuo' al linca: Cal xans ja'ni jahuay łunxajma' tihuequi łitaiqui' ŁanDios locuxepa, ma to laihuejpa la'uhuay, iłque cal xans titsufai'ma pe lopa'a ŁanDios. Ja'ni a'i, aimitsufaiya.

¹⁶ Jesús ipulc'o'mola' la'uhuay, ixpayaf'mola', ipaxne'mola'.

¹⁷ Ipango'ma ti'hua'ma Jesús, icuaico'ma anuli cal xans tinu. Exc'onłngai'ma Jesús, icuis'e'ma:

—Cunc'a comxi, ¿te caif'eya culijla' laipitine aimijouya?

¹⁸ Jesús timi cal xans:

—¿Te całmicopa iya' ninc'a? Le'a ŁanDios copa'a cal C'a. Ailopa'a cocuena. ¹⁹ Ima' oxina' locuxepa ŁanDios. Iłe lataiqui' tuya'e': “Aimoxhuico'ma ocuena caca'no', ma le'a łopeno. Aimoma'ahuale'ma. Aimonantse'ma. Ja'ni topalaicotsola' lof'as xanuc' tonesla' al linca, aimofel'miyale'ma. Taihuejco'mola', totoc'i'mola', co'ailli', co'máma'.”

²⁰ Cal xans timi Jesús:

—Momxi, całtojomma ca'ay tołta'a, jahuay iłiya.

²¹ Jesús ehuelojm'ma cal xans, etenłcoco'ma lipicuejma', timi:

—Linca, tipa'a lahue'epo'. To'huanła', tocujtsi jahuay ło'hueca. Al tomí lofmulijya tapi'itsola' pe lahue'epola'. Tołta'a ti'i'ma co'huexi jipu'hua lema'a. Tijouła' tocuaico-conno pe laifpa'a, lihuej'ma.

²² Licuej'ma jile lataiqui' ic'omma'i'ma. Acueca' juaiconapa łi'huexi. I'huana'ma tixhuelma.

²³ Jesús ehuelojm'mola' ts'ilihuequi, timila':

—Lan xanuc' ts'if'huca juaiconapa afule mitsuflaiyacu pe locuxeyopa ŁanDios.

²⁴ Ts'ilihuequi aiquiłcueca jile lines'ma Jesús. Ticuayi: “¿Te conescopa tołta'a?” Jesús timiconala':

—Cunc'ainaxque', lan xanuc' no'huaiyijmpá łi'huexi afule mitsuflaiyacu pe locuxeyopa ŁanDios. ²⁵ ¿Te aga cal camello tuyaico'ma laquipihuo łacuxa? Iya' camilhuo': Cal xans ts'ihueca juaiconapa tixim'ma xonca lipime mitsufaiya pe locuxeyopa ŁanDios.

²⁶ Licuej'me tołta'a ts'ilihuequi Jesús ixim'me ipime juaiconapa iłe lataiqui'. Imi-cona'mołtsi:

—Aicałcueca iłe lataiqui'. ¿Te ailopa'a conłuya?

²⁷ Jesús ehuelojm'mola', timila':

—Lan xanuc' quıłtuca' aimi'iya monłueyacołtsi. ŁanDios linca nipajnya tunłue'mola'. Iłquiya jahuay nipajnya ti'e'ma, aimixina quipime.

²⁸ Pedro timi Jesús:

—Illanc' ałpo'nonapá jahuay, lihuejhuo'.

²⁹ Jesús italai'e'e'mola' ts'ilihuequi, timila':

—Iya' camilhuo' al linca: Cal xans nocuapa: “Quihuequi Jesús, jouc'a quihuequi Lataiqui' loya'apa lixpicepa ŁanDios”, ja'ni joupa ipo'nopa lejut'ł, ipo'nopola' lipimaye o qui'máma' qui'ailli' o linaxque' o łemats', ³⁰ iłque cal xans mipa'a fa'a li'a łamats' tulij'ma amaxnu xonca. Tama tihuetsoquinłe tulij'mola' axpela' qui'máma', quipimaye, quinaxque', quejut'łi, quemats'. Ticuaitsi locuaicoya quitine tulij'ma lipitine aimijouya.

³¹ Axpela' lan tet'ła xanuc' ti'i'mola' lijoucola'. Jouc'a lijoucola', axpela' iłniya, ti'i'mola' lan tet'ła.

³² Miyeyi lane tif'ajliyi Jerusalén Jesús i'huaj'me'mola' ts'ilihuequi, iyenc'e'me iłniya. Tixhuelmot'łeyi, ticuayi lipicuejma': “¿Te co'iya Jesús?” Lan xanuc' locuenaye tihuejyi tixpailiquila'. Jesús iłojf'i'mola' limbamaj coquexi', u'i'mola' loyaicoya małque quituca'.

³³ Timila':

—Imanc' ołsina' ałf'ajliyi al cueca' quıłya' Jerusalén. Iya' iłque cal Xans Łiximpa cal profeta pu'hua lema'a. Jiłpiya ałcunna. Lixanuc' cal cuecaj ca'ailli', jouc'a lomxiye

nomuc'iyalepá locuxepa LanDios, alacani'eta alma'anla' locuenaye xanuc', ihniya a'i judío.

³⁴ Ihniya ahtaluntseta, ahtsulc'ota lai'a, luntafquinna, alma'ata. Afanej quitine camaf'ina'ma.

³⁵ Jacobo jouc'a Juan, ihne linaxque' Zebedeo, ihoc'olai'me pe lopa'a Jesús, timiyi:

—Momxi, ahpic'a ima' lapi'itsonga' ma to lahsahue'eyaco'.

³⁶ Jesús timila':

—¿Te ts'ohpic'a? ¿Te caifnepi'iyacolhuo'?

³⁷ Ihniya timiyi:

—Lapi'itsonga' lane alcuxeta anuli ima'. Alcutsingaito', anuli illanc' al c'a camane, locuena loxa camane.

³⁸ Jesús timila':

—Imanc' aicohsina', aicohcueca ihe lahsahue'epa. Ahmila': ¿Te imanc' nipajnya toluyalaico'me to iya' laifnuyaicoya? ¿Te nipajnya tohtelco'me to laifteicoya?

³⁹ Ihniya timiyi:

—Nipajnya.

Jesús timila':

—Ma' alinca imanc' toluyalaico'me to iya' laifnuyaicoya. Tohtelco'me to iya' laifteicoya.

⁴⁰ Iya' aimi'iya camiyacolhuo': “Alcutsingaita anuli al c'a camane, locuena loxa camane”. Ailopa'a tohta'a laimane. LanDios joupa ixpic'epa nailne nocutsohaiyacu jilpiya. Ma' ihniya ticutsohaita.

⁴¹ Locuenaye limbama' ts'ilihuequi Jesús icuej'me loxahue'epa Jacobo y Juan. Ipango'me ixtulencia. ⁴² Jesús ijoc'i'mola', timila':

—Imanc' ohsina' li'ejma' lan xanuc' pe aimimetsaicoyi LanDios. Ihne lipincuxepá ti'e'eyohti to lapoujnalá. Ts'ihpenic' ticuxenaiyi juaiconapa. ⁴³ Imanc' aimonl'e'me tohta'a. Ja'ni anuli imanc' ipic'a ti'e'exoxi xonca acueca', ihque titoc'itsola' lipimaye. ⁴⁴ Ja'ni anuli imanc' ipic'a ti'e'exoxi cal te'a, tixpic'ela' titoc'itsola' jahuay lif'as xanuc'. ⁴⁵ Iya' ihque cal Xans Eximpa cal profeta pu'hua lema'a. Laicuai'ma fa'a li'a lamats' aicanesqui: “Lan xanuc' ahoc'ila' iya’”. Aicuaicoco'ma catoc'itsola', cacula' laipitine. Ca'najcuf'mola' lihunac' axpela' lan xanuc', cunlu'e'mola'.

⁴⁶ Icuaitsa liya' Jericó. Uyalaico'me liya', ipalunca. Axpela' lan xanuc' tihuejyi Jesús. Jilpe lema cane ticutsu anuli cal fo'. Tixa'hue quitomí. Ihque cuftine Bartimeo, i'hua Timeo. ⁴⁷ Icuej'ma tinesyi lan xanuc': “Icuai'co'ma Jesús las Nazaret”. Cal fo' ipango'ma ija'a'ma, timi:

—¡Jesús, ima' otatahuelo cal rey David! ¡Ahsinla' nincuanuc'!

⁴⁸ Axpela' lan xanuc' itale'me, timiyi:

—¡Ti-ch'ixcotso'!

Tija'e' xonca ufxi, ticua:

—¡Ima', otatahuelo cal rey David! ¡Ahsinla' nincuanuc'!

⁴⁹ Jesús ecax'ma, icuxe'e'mola' lan xanuc', timila':

—Tohjoc'ile cal fo'.

Ijoc'i'me, timiyi:

—Aimixpaij'mo', aimoxhuehmot'le'ma. Totsahuenni. Tijoc'ihuo'.

⁵⁰ Cal fo' eca'ni'ma lipuquiya, iyuf'conni, ecax'ma. I'hua'ma icuaitsi pe lopa'a Jesús.

⁵¹ Jesús icuis'e'ma cal fo', timi:

—¿Te caif'e'eyaco'? ¿Te ts'opic'a?

Cal fo' timi:

—Momxi, aipic'a cahuetsalela'.

⁵² Jesús timi:

—To'huanla'. Joupa ah'huaiyijmpa, ixalcono'.

Aiquico'la'ma, exilinanni li'u'. Ipango'ma ihuej'ma Jesús pe lotsepa.

11

¹ Tiyeyi lane ticuaita Jerusalén. A'ij culi' iŕe liŕya'. Icuaita hijuala Olivo pe lopa'a liŕeloŕya' Betfagé jouc'a Betania. Jesús umme'mola' oquexi' ts'ilihuequi, ² timila':

—Tonŕete liŕya' lehuoc'ocojma. Jiŕpe loŕtsuflaiyacu liŕya' toŕsinna tifijnya anujnca anuli ŕa'hua burro. Iŕque cal burro aiqenafcaiyinni. Toluhuaŕtsa. Toŕ'hua'anca. ³ Ja'ni ticuis'entsolhuo', timintsolhuo': “¿Te culuhuaŕcopa cal burro?”, imanc' toŕtalai'e'e'me, toŕmi'me: “ŁaŕPoujna ipicuiya tixhuicota. Tijouŕa' ticuai'enacu.”

⁴ Iye'me ts'ilihuequi. Ixintsa ŕa'hua burro tifijnya lane pe lopa'a al puerta. Uhuaŕ'ma. ⁵ Oquexi' afantsi tecaxoŕanna jiŕpiya icuis'e'me, timinnila':

—Imanc', ¿te culuhuaŕcopa cal burro?

⁶ Ts'ilihuequi Jesús italai'enca ma to limipola'. Lan xanuc' icu'me lane, ileco'me.

⁷ Icuai'etsa ŕa'hua burro pe lopa'a Jesús. Ixpefi'me liŕpijahua' lixpula' cal burro. Jesús icutsafcai'ma. ⁸ Axpela' lan xanuc' ixpou'me lane liŕpijahua', ocuenaye ixpou'me imane' c'ec joupá ixquejpá. ⁹ Lan xanuc' iŕej'me jouc'a ts'iŕenc'e tija'ayi, ticuayi:

—¡Hosana! ¡ŁanDios tunŕu'eatso', tipaxnetso'! ŁanDios ummepo'. ¹⁰ ¡Ima' aŕcuxe'monga' al c'a! ¡Aŕcuxe'monga' to cal rey David licuxepola' laŕtatahueló! ¡Toŕta'a aŕpaxne'monga' ŁanDios! Iŕne nomana' lema'a jouc'a tinesle: “¡ŁanDios tunŕu'eatso'!”

¹¹ Jesús itsufai'ma liŕya' Jerusalén. I'hua'ma al cuecaj xoute'. Joupá if'acoŕaipa. Ehuelojm'mola' lan xanuc', te ts'i'ic' lo'epa jiŕpiya. Ipanni. Jouc'a limbamaj coquexi' ts'ilihuequi iye'me lane liŕya' Betania.

¹² Lihuequi litine ipalunca jiŕpe liŕya Betania ipailiconamma Jerusalén. Miyeyi lane Jesús tunle'e. ¹³ Tehuelonge aculi' ixim'ma anuli la'icux. Ixim'ma tipa'a ŕipela. I'hua'ma ixintsi al 'ec. Licuaitsi pe lopa'a al 'ec ixim'ma le'a ipela. Aiquicuaiya litine mimaqui ŕi'as icux. ¹⁴ Jesús timi la'icux:

—Nij naitsi noteja ŕo'as icux. Aimi'ascona'mo'.

Ts'ilihuequi Jesús icuej'me lines'ma Jesús.

¹⁵ Licuaiconsa Jerusalén Jesús itsufaicona'ma pe lopa'a al cuecaj xoute'. Jiŕpiya ipango'ma ipa'a'mola' nocucalépá jouc'a no'najualépá. Ejualaiŕ'e'e'mola' liŕmesa iŕne nopai'ipaj tomí. Jouc'a nocujpá lan cucú ejualaiŕ'e'e'mola' liletayats'. ¹⁶ Iŕne liŕtaic' locujyacu aiquepi'ila' lane muyalaiyacu ŕuna xoute'. ¹⁷ Timuc'ila' lan xanuc' nomana' jiŕpiya, timila':

—Lataiqui' loya'apa locuxepa ŁanDios ticua: “Jiŕpe lainejut'ŕ ticuaicu lan xanuc', iŕne tiyouyunca ni petsi ŕi'a ŕamats', jiŕpe aŕpalaic'o'ma”. ŁanDios ecuej'micopa iŕta'a lejut'ŕ. Itsiya tocomma a'i quejut'ŕ ŁanDios. Ti'onŕcospa to ŕunts'eja' pe lafoŕyomma lan namats'. Toŕta'a lonŕ'epa imanc'.

¹⁸ Lixanuc' cal cuecaj ca'ailli' jouc'a lomxiye nomuc'iyalépá locuxepa ŁanDios icuej'me locuapa Jesús. Tixpaic'eyi Jesús, ticuayi:

—Jahuay lan xanuc' iŕpic'a lomuc'iyalepa iŕque.

Ehue'me te co'iya mima'ayacu. ¹⁹ Lif'acoŕaijma Jesús jouc'a ts'ilihuequi ipalconanca liŕya'.

²⁰ Lihuequi litine uyalaicocona'me maŕe lane. Ixim'me la'icux joupá ijuŕnapa jouc'a ŕime. ²¹ Pedro i'nujuaitsi lines'ma Jesús, timi:

—Momxi, ¡toxinŕa' la'icux! Ima' omi'ma cataiqui', joupá ijuŕnapa.

²² Jesús italai'enni, timila' ts'ilihuequi:

—Imanc', ti'hua toŕ'huaiyijnle ŁanDios. ²³ Iya' camilhuo': Cal xans no'huaiyijmpa ŁanDios nipajnya ticuxe'ma iŕca'a hijuala, timila': “To'huaŕa', to'nij'mixoxi ŕaja”. Ja'ni ma ti'huaiyinge, ja'ni ailopa'a conesya, iŕque tixim'ma ti'i'ma ma to licuxe'epa. ²⁴ Iya' camilhuo': Ja'ni toŕ'huaiyijnny ŁanDios, ja'ni toŕcuayi: “Joupá lapi'iponga' laŕsahue'epa”, iŕiya ŕinca tepi'i'molhuo'.

²⁵ 'Mołpalaic'oyi ŁanDios, ja'ni tolixtuc'oyi anuli łołpima aimi'hua molixtuc'ocona'me. Iłque łołpima tolimenc'e'ecole lixcay li'e'epolhuo'. Tołta'a coł'Ailli' Nopa'a lema'a timenc'e'eco'molhuo' jouc'a lixcay loł'epa. ²⁶ Ja'ni aimolimenc'e'ecoyi, coł'Ailli' Nopa'a lema'a jouc'a aimimenc'e'eyacolhuo'.

²⁷ Icuaiyocontsa liłya' Jerusalén Jesús ti'hua jilpe łuna al cuecaj xoute'. Lixanuc' cal cuecaj ca'ailli', jouc'a lomxiye nomuc'iyalepá locuxepa ŁanDios, jouc'a lan xanuc' noxpilpá lataiqui', iłoc'olai'me pe lopa'a Jesús, ²⁸ timiyi:

—¿Naitsi nummepo' to'elá' tołta'a? ¿Naitsi nepi'ipo' lane?

²⁹ Jesús timila':

—Iya' quicuis'e'molhuo' jouc'a. Ałtalai'elá'. Tijoułá' cami'molhuo' naiti nalapi'ipa laimane ca'elá' tołta'a. ³⁰ Lu'ila': ¿Naitsi nepi'ipa limane Juan tepo'itsola' lan xanuc'? ¿Ja'ni ŁanDios nepi'ipa o ma le'a lan xanuc' epi'i'me?

³¹ Iłniya ticuis'eyołtsi, timiyołtsi:

—Ja'ni ałmife: “ŁanDios epi'ipa limane”, Jesús ałmi'monga': “¿Te aicolapenufi iłque?” ³² O ¿ałmife: “Lan xanuc' epi'ipá limane”? A'i, aimi'iya małmiyacu tołta'a. Lixtuc'o'monga' lan xanuc'.

Iłne lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios tixpailiquila'. Lan xanuc' ticuayi: “Juan Bautista aprofeta, ŁanDios ummepa”.

³³ Italai'e'e'me Jesús, timiyi:

—Aicałsina'.

Jesús timila':

—Iya' jouc'a aicamiyacolhuo' naiti nalapi'ipa laimane.

12

¹ Jesús ipango'ma i'onlıco'ma lo'epa ŁanDios fa'a li'a łamats'. Timila':

—Anuli cal xans ifapa łemats' łai'fa' uva. Eti'ico'ma aitał. Ipupa pe lotsuj'miyacu loxoc'eyonyacu lan 'uva, tipa'a'me laquija'. Ilanc'e'ma anuli li'nof'quiya lajut'ł, jilpiya tipajm'ma no'eya cuenna lan 'uva. Icu'ma łemats' lan xanuc' ti'etsa canic', tulij'me onłca łaipammaiya. Aculi' i'hua'ma. ² Licuaiti litine lipammaitsi lan 'uva umme'ma anuli limozo. Timitola' lin'epá canic': “Lapi'ila' li'huexi łaipoujna”. ³ Lin'epá canic' i'nof'me cal mozo. Ummena'me. Aiquilepi'i. ⁴ Łapoujna ummecona'ma ocuena quimozo. Licuaiti jilpiya lin'epá canic' ixcai'e'me lijuac, imiloj'me cataiqui'. ⁵ Ummecona'ma ocuenaj mozo. Iłque cal mozo ima'a'me. Ummecona'mola' axpela' ocuenaye. Untafem'mola' jouc'a ima'am'mola'.

⁶ 'Ipanenni ma le'a anuli naiti łommeya. Iłque i'hua, ti'ay capic'a juaiconapa. Umme'ma. Icu'ma: “Tixpaic'eta łai'hua”. ⁷ Lin'epá canic' timiyołtsi: “Iłque i'hua łipoujna camats'. Ałma'ale. Tijoułá' ałma'ale illanc' ticuainata całmane cal 'huexi.” ⁸ Iłne i'nof'me łamijcano, lima'a'me, ipa'a'me iłe łamats' pe lifapa łai'fa'.

⁹ 'Łipoujna camats', ¿te co'e'eyacola' iłne lin'epá canic'? Iya' camilhuo': Łapoujna ti'hua'ma pe lomana' iłniya lan xanuc', tima'atola'. Lemats' lifapa łai'fa' uva tepi'i'mola' ocuenaye lan xanuc'.

¹⁰ ¿Te a'i cołsuec' al Paxi Linilngiya loya'apa te ts'i'ic' lo'iya? Ticua:

Łapic łetets'ipa nolanc'epá lajut'ł, i'ipa xonca łaicuicoya.

Iłque łapic xonca tilanc'e' łaitał aimecangeya lajut'ł.

¹¹ ŁanDios łalPoujna tołta'a łecuej'micopa.

Illanc' ałsinyi acueca' iłe li'ipa.

¹² Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios ix-tuc'o'me Jesús, ticuayi: “Iłque Jesús ał'onlıcongá' to iłne lixcay lin'epá canic' jilpe łamats' lifampa cal 'uva”. Ehue'me te co'iya mi'nołyacu Jesús. Ailopa'a qui'e'epa. Tixpaic'ennila' lan xanuc'. Ipo'no'me jilpe. Iyena'me.

13 Ummem'mola' lan xanuc' fariseo jouc'a lixanuc' cal rey Herodes. Ticuis'mot'leta Jesús. Tehuaita. Ehue'me te co'iyá micufyacu. 14 Icuaitsa, timiyi Jesús:

—Momxi, ałsina' ima' tonesqui al linca. Aimahuay latentcocopola' lan xanuc'. Ma' anuli topalaic'ola' jahuay. Aimahuelongila' ja'ni i'hueca o aquí'hueca. Tomuc'iyale lipene ŁanDios. Itsiya licuis'ehuo', ¿te ał'najtse'eta al tomí lałsahue'eyacongá' cal cuecaj quincuxepa, ilque César? O ¿aimał'najtse'eyacu? Alu'itsonga', ¿nipajnya o aimi'iyá?

15 Jesús ixina' te ts'i'ic' liłpicuejma' ilniya. Iłpic'a tifel'miłe. Ma le'a ti'e'eyołtsi to lan c'a xanuc'. Timila':

—¿Te calahuaicopa? Ałtai'etsi anuli al tomí, caxinła'.

16 Itai'etsa. Jesús icuis'e'mola', timila':

—Iłta'a al tomí, ¿naitsi ilca'a ts'i'a? ¿Naitsi ilta'a ts'ipuftine?

17 Italai'e'e'me, timiyi:

—Li'a César, lipuftine César.

Jesús timila':

—Ja'ni i'huexi César, tolapi'ile César. Ja'ni i'huexi ŁanDios, tolapi'ile ŁanDios.

Licuej'me Jesús litalai'epola' icuapá:

—iXinła'! Acueca' lipicuejma' Jesús.

18 Lijou'ma icuaitsa pe lopa'a Jesús lan xanuc' saduceo. Iłne naihuejpa' lataiqui' loya'apa: “Łan xanuc' tima'mola' nulemma, aimimaf'iyacu”. Jouc'a tehuaiyi Jesús, icuis'e'me, timiyi:

19 —Momxi, pe liniłpa Moisés ałcuxenga', tuya'e': “Cal xans timała', ma' imaf'i' lipeno ailopa'a qui'hua, lipima tileco'ma hi'maxi. Tipajntsi qui'hua tecui'i'me lipuftine limanapa. Timetsaicom'me to qui'hua limanapa. Tepi'im'me hi'huexi limanapa.” 20 Itsiya lu'i'mo' li'ipa.

'Timana' acaitsi lapimaye. Cal te'a ileco'ma lipeno. Ailopa'a qui'hua. Imanapa.

21 Lipima limanapa ileco'ma hi'maxi. Ailopa'a qui'hua, jouc'a imana'ma. 22 Jouc'a locuena lipima ileco'ma hi'maxi. Ma' anuli uyaico'ma. Locuenaye amalujxi lipimaye ma tołta'a luyalaico'me. Jouc'a ileco'me hił'maxi, anuli anuli imana'mola'. Aiquiłsina' qui'hua. Lijou'ma imana'ma łaca'no' jouc'a. 23 Lan caitsi jupa ilecopá łaca'no'. Itsiya lu'itsonga': Ticuaitsi litine timaf'inale limanapola', ¿naitsi co'iyá lipe'ailli'?

24 Jesús timila':

—Imanc' timenaquilhuo'. Aicołsina' loya'apa al Paxi Liniłingiya, aicolimetsaijma al cuecaj lo'epa ŁanDios. 25 Timaf'inle lan xanuc' tipalnacu pe lomana' limanapola', ilniya aimemaliyacu, ni lacułhue ni laca'no'. Ti'onłcotola' to lapaluc' quema'a.

26 'Imanc' tołcuayi: “Aimimaf'iyacu limanapola'”. ¿Te aicołsuec' liniłpa Moisés? Jiłpe tuya'e' li'ipa litine lonajpa lac'ec. Iłe litine ŁanDios timi: “Iya' NanDios, ilenDios Abraham, Isaac y Jacob”. 27 ŁanDios a'i quilenDios limanapola'. Iłque ilenDios ts'ihmaf'i'. Imanc' juaiconapa timenaquilhuo'.

28 Jiłpe tipa'a anuli łomxi nomuc'iyalepa locuxepa ŁanDios. Tiquimf'e ilnu'hua laicuis'mot'łepa Jesús, ticueca Jesús titalai'e'ela' al c'a. Ipalaic'o'ma Jesús icuis'e'ma, timi:

—¿Te copa'a xonca al cueca' lataiqui' locuxepa ŁanDios?

29 Jesús italai'e'ma, timi:

—Iłe lataiqui' xonca al cueca' tuya'e': “Ałquimf'ełá', imanc' ixanuc' Israel. ŁanDios, łalanDios, ma' ilque anDios. Ailopa'a cocuena. 30 Ima' to'nujuaitsi ŁanDios łoPoujna. Iłque omenDios. Taihuejla' jahuay łomunxajma', jahuay ło'alma, jahuay lołpicuejma', jahuay lołpujfxi.” 31 Locuena lataiqui' locuxepa ŁanDios tuya'e': “Ima' to'eyoxi capic'a. Ma tołta'a to'ełá' capic'a łof'as xans, naitsi lołtalecufya.” Iłna'a atsila' cataiquí. Xonca atsila' ailopa'a.

32 Łomxi timi:

—Momxi, ac'a lotaiqui' lonespa. Ma' al linca lołcuapa. Tipa'a anuli ŁanDios, ailopa'a cocuena. 33 Ał'nujuaisle ŁanDios, alihuejle jahuay łalunxajma', jahuay lałpicuejma', jahuay lałpujfxi. Ał'etsola' capic'a lał'as xanuc' ma to mał'eyołtsi capic'a. Ja'ni tołta'a ał'eyi,

ticuaispa quipic'a ñanDios. Ja'ni aimal'eyacola' capic'a lalf'as xanuc', tama altsufcole lopi'epa jilpe al altar, iñe lañ'ejma' aimicuaispa quipic'a ñanDios.

³⁴ Jesús ixim'ma lomxi ac'a lipicuejma'. Italai'e'e'ma, timi:

—Ahuata lahue'epo' motsufaiya pe locuxeyopa ñanDios, iñque cal Cuecaj Rey.

Lijou'ma ailopa'a quicuis'epa, ni anuli. ñsina' tulijna'mola' Jesús.

³⁵ Mipa'a Jesús pe lopa'a al cuecaj xoute' ti'hua timuc'ila' lan xanuc'. Timila':

—Lomxiye nomuc'iyalepá locuxepa ñanDios ticuayi: “Cal rey David itatahuelo cal Cristo”. ¿Te conescopa toñta'a? ³⁶ Ituca' lonespa iñque cal rey David. Muya'e' lataiqui' lu'ipa cal Espíritu Santo tuya'e':

ÑanDios ipalaic'o'ma ñaiPoujna, timi:

“Tocutsaila' jifa'a al c'a camane.

Topanehuo fa'a, iya' mi'hua culiquila' lo'epo' laic'.

Tijouñta', ima' tocuxena'mola'.”

³⁷ Mañque David inesco'ma cal Cristo, ticua “... ñaiPoujna”. Ja'ni David itatahuelo cal Cristo, ¿te conescopa toñta'a?

Axpela' lan xanuc' noquimf'epá lomuc'iyalepa Jesús icuaitsi quipic'a juaiconapa litaiqui'.

³⁸ Mimuc'iyale Jesús tu'ila':

—Toñpo'noñe cuenna, aimifel'mi'molhuo' lomxiye nomuc'iyalepá locuxepa ñanDios. ñniya iñpic'a tipo'noñe liñpijagua' axehuay, tiyelocota to lan tsilaj xanuc'. Miyelocota jipu'hua pe lomana' axpela' lan xanuc', iñpic'a tinonintsola'. ³⁹ ñajut'hi pe lafoñyomma lan xanuc' iñpic'a ticutsoñaiñe xonca jipu'hua li'huáqui. Ja'ni tijoc'innila' tixmocota iñpic'a ticutsoñaiñe petsi locutsoñaiñacu lan tsilaj xanuc'. ⁴⁰ Tijoutsaf'ennila' hiñ'huexi lacañ'no' lam potsateya. Mi'eyi toñta'a ti'e'eyoñtsi to lan c'a xanuc'. Ticoñ tipalaic'oyi ñanDios. Tijouñta', xonca titeñ'mi'mola' ñanDios.

⁴¹ Jesús ticutsu al cuecaj xoute' tehuelongila' lan xanuc' mi'nij'mi'me liñtomí jilpe al caxax. Axpela' lan xanuc' ts'iñ'hueca xonca ti'nij'miyi acueca'. ⁴² Icuaitsi jilpiya anuli lacañ'no' apotsate. Ailopa'a caquitomí. I'nij'mi'ma oque' al tomí acobre. Ailopa'a quipitali.

⁴³ Jesús ijoc'i'mola' ts'ilihuequi, timila':

—Iya' camilhuo' al linca: Iñque cal potsate, aquí'hueca, ulijpola' locuenaye. Etoj'mipa xonca. ⁴⁴ Locuenaye ni'nij'mipá liñtomí jilpe, ñniya aimehue'ela'. Tipanemma acueca' liñtomí. Iñquiya lacañ'no' ailopa'a quipaneya, etoj'mipa jahuay, ailopa'a co'nacoya ñoteja.

13

¹ Mipalumma al cuecaj xoute' Jesús jouc'a ts'ilihuequi, anuli ts'ihuequi timi Jesús:

—Momxi, ¡toxinñta'! ¡Añsila' iñne lapiñ' lilanc'ecompa al xoute'! ¡Añsila' ñajut'hi! ² Jesús timi:

—Itsiya toxina iñnu'hua añsila' ñajut'hi. Ticuaihuo litine jahuay teteñquehuo. Ni anuli lapiñ mipo'nof'queya locuena capic.

³ Micutsu Jesús ñijuala Olivo, al huenajmay al cuecaj xoute', Pedro, Jacobo, Juan jouc'a Andrés iñoc'olai'me pe lopa'a. Icuis'e'me, timiyi:

⁴ —Lu'itsonga', ¿te quitine mi'iyá loñnespa? ¿Te co'iyá mi'iyá cañsina' aimicoñya lo'iyá iñiya? ¿Te jale mañsinyacu?

⁵ Jesús ipango'ma u'i'mola' timila':

—Toñpo'noñe cuenna. Ja'ni a'i tifeñ'mi'molhuo'. ⁶ Ticuaicu axpela' linfeñ'miyale, tines'me anuli anuli: “Iya' ninCristo, ñanDios alummepa”. ñniya tifeñ'miyale'me. Axpela' lan xanuc' tepenuf'me liñtaiqui'.

⁷ Imanc' toñcuej'me tifeñenni jouc'a tifeñem'me. Aimixpailij'molhuo'. Ma toñta'a ti'i'ma. Ticoñ'ma locuaicoya Lijoujma Quitine. ⁸ Lan xanuc' nomana' anuli al nación tixtuc'o'me, tifeñem'me lan xanuc' locuenaj nación. Lixanuc' anuli cal cuecaj quincuxepa tifeñem'me

lixanuc' locuena cal cuecaj quincuxepa. Ni petsi tinu'ma lunanto, ti'i'ma cumemma. Ma ti'onlcota to lipumla laca'no', tofta'a tipango'ma al cueca' latefcaya.

⁹ 'Tofto'nofe cuenna. Ticum'molhuo', ticuaita lihmane lan tsilaj xanuc' noxpijpá lataiqui'. Tilecom'molhuo' lajut'hi pe lafofyomma lan xanuc'. Jilpe tipam'molhuo'. Imanc' ts'alihuequi, tofta'a lan xanuc' tixtuc'o'molhuo'. Tilecom'molhuo' pe lomana' lincuxepá jouc'a pe lomana' lan rey. Tofta'a ihne lan xanuc' ti'ila' quilsina' naitsi iya'. Imanc' tulu'i'mola'.

¹⁰ 'Ai'a ticuaihuc Lijoujma Quitine ni petsi li'a lamats' tuya'am'me te ts'i'ic' lixpíc'epa LanDios, ihe lataiqui' ac'a loya'apa. ¹¹ Litine ti'noñintsolhuo', tilecotsolhuo' pe lomana' lincuxepá, aimofuehmot'le'me. Aimofcua'me lofpicuejma': "¿Te cañtalai'e'ecoyacu?" Mañpe al 'hora LanDios tepi'i'molhuo' lofpicuejma' toñtalai'eco'me al c'a. Ihe loñesyacu a'i coñtaiqui' imanc', ma' itaiqui' cal Espíritu Santo. Iñque tipo'no'i'molhuo' lofpicuejma'.

¹² 'Lapima ticu'ma lipima tima'andé. Cal xans ticu'ma hi'hua. La'uhuyay titsolicu, tixtuc'o'me quih'ailli' quih'máma'. Ticu'mofñsi, tima'antsola'. ¹³ Imanc' ts'alihuequi ni petsi loñmanc'eyacu lan xanuc' ti'ejco'molhuo' laic'. Ja'ni toñsnet'f'me, ticuaitsi Lijoujma Quitine toñunñul'me.

¹⁴ 'Ma to luya'apa cal profeta Daniel tofta'a lo'iya. Ihe pe LanDios tilaiqui tipo'nom'me petsi ailopa'a lane mipo'nonyacu.

(Naitsi noxhuf'iyacola' iñta'a lataiqui' ticuec'ela'.)

'Ti'ila' tofta'a lo'iya, ja'ni toñmana' al distrito Judea, toñinul—le, toñf'ajle hijualay. ¹⁵ Ja'ni topa'a al toncay lomejut'f' aimaimuhuc motsufai'ma lomejut'f'. Aimocua'ma: "Tipa'a laifpa'aya". Aimicoñ'mo'. Ma tainuñla'. ¹⁶ Ja'ni topa'a pu'huanni cal 'ec, aimopaiconahuo mommaf'huo lopusquiya. Ma tainuñla'.

¹⁷ 'Acuanuc'la lacañ'no' linnaila' jouc'a notoc'alepá. Ihe litine juaiconapa titeñco'me. ¹⁸ Toñsa'hueñe LanDios aimicuaihuo latefcaya litiné caxita.

¹⁹ 'Li'a lamats' tama jupa ixhuaita axpe' camats' mipa'a, lan xanuc' nomana' aiq'uiteñma to lotefcoyacu ihe locuaicoya quitine. Tijouñla' aimiteñcoconayacu tofta'a. ²⁰ Ja'ni LanDios tixpic'ela' ticoñtsola' ihne litiné ailopa'a conñuya. Jupa ixpic'epa aimicoñyacola' ihne litiné. Tixinnila' cuanuc'la lixanuc' jilne li'huijf'epola', ipic'a tunñul—le.

²¹ 'Jilne litiné ja'ni timintsolhuo': "¿Toñsinñe! Jifa'a icuai'ma cal Cristo", o "Jipu'hua icuaita", aimof'e'me linca liñtaiqui'. ²² Ticuaicu lan xanuc' nonespá: "Iya' ninCristo", o "Iya' ninprofeta. Iya' canesqui lalupa LanDios." Iñhiya infel'miyale. Ti'e'me al cueca'. Ipic'a tinesle lan xanuc': "Iñque linca ummepa LanDios". Ma le'a tifel'miyaleyí. Coñla' tifel'mintsola' jouc'a li'huijf'epola' LanDios. Aimi'iya mifel'minyacola'. ²³ Tofto'nofe cuenna. Jupa nu'ipolhuo' jahuay ihe lo'iya.

²⁴ 'Tijoutsola' ihne litiné catefcaya ticuaihuc litine: "Timufc'o'ma cal 'ora, cal mut'la aimepalc'o'iya. ²⁵ Lan xamna timefcoteñecu lema'a, jahuay lopa'a jilpe lema'a tife'nem'mola'." ²⁶ Tijouñla' añsim'ma iya'. Iya' iñque cal Xans Liximpa cal profeta pu'hua lema'a. Cacuacionanni hummahuy quimuyohuc. Añsim'ma ninCuecaj Rey. Añsim'ma al'onñspa ma to LanDios. ²⁷ Jile litine cumme'mola' lainepaluc' quema'a tiyeñe tefot'leñtsola' laixanuc' lai'huijf'epola'. Tileconnola' ni petsi lomana', ihne nomana' lo'huayomma lahua', nomana' lotsepa lahua', nomana' pe liyuf'ma cal 'ora, nomana' pe lof'acaiyopa cal 'ora. Jahuay lipitoqui lipexpats'qui li'a lamats' tileconnola'.

²⁸ 'Lo'ipa al 'ec 'icux ti'onñcospa to lo'iya. ¿Toñcueñle! Toñsinñe tuxcuaf'ela' limane' al 'ec 'icux ti'i'ma coñsina' icuaico'ma linu'. ²⁹ Jouc'a litine toñsinñe lo'ipa ma to lainu'ipolhuo' ti'ila' coñsina' jupa aicuaico'ma. ³⁰ Iya' camilhuo' al linca: Litiné ti'ila' to laifmipolhuo', lan xanuc' nomajnyacu fa'a li'a lamats' ti'onñtola' to lan xanuc' nomana' fa'a itsiya litine. Anuli ti'i'ma liñpicuejma'. ³¹ Lema'a jouc'a li'a lamats' tijou'mola'. Laitaiqui' aimijouya.

³² 'Nij naitsi ts'ixina' litine ni al 'hora cacuaiconaya. Aiquiñsina' lapaluc' quema'a, ni iya' i'Hua LanDios aicaixina' jouc'a. Ma le'a cai'Ailli' linca ixina'.

³³ 'Imanc' tołpo'nołe cuenna. Ti'hua tołmaf'ile. Aimi'i'molhuo' to noxmaipá. Tipantsi cumlata. Ti'hua tołsa'huele ŁanDios. Aicołsina' te quitine cacuaiyoconno. ³⁴ Itsiya lo'ipolhuo' imanc' ti'onłcospa to li'ipola' lam mozó mi'huana'ma łıpoujna. Itque łapoujna epi'ipola' liłmane ti'ete cuenna lajut'ı. Epi'ipola' liłpenic', anuli anuli. Anuli ixc'ai'ipa ti'eta' cuenna al puerta, timi: "Aimoxmai'ma". ³⁵⁻³⁶ Jouc'a imanc' aimołsmai'me. Tołpo'nołe cuenna. Ja'ni a'i cacuaiyunni ca'huajcoco'molhuo' tołsmaiı. Aicołsina' te quitine cacuaiyoconno iya' ołPoujna. Aicołsina' te 'hora, ja'ni if'acołaiıa, ja'ni nolojmay quipuqui', ja'ni miıa'a'ma łangiti, ja'ni liłic'ejma'.

³⁷ 'Ma to laifmipolhuo' imanc' jouc'a laifnu'ipola' jahuay, camila': "Tipantsi cumlata, aimołsmai'me".

14

¹ Tehue'e ma le'a oquej quitine ti'i'ma al juic Pascua. Itne litiné titem'me łai' petsi aiqilai'inni levadura. Lixanuc' cal cuecaj ca'ailli' jouc'a lomxiye nomuc'iyalepá locux-epa ŁanDios ixpic'e'me tifel'miyale'me. Tehueyi te co'ıya mi'nołıyacu Jesús, tima'ate.

² Tıcuayi:

—Tıjouł'a al juic. Itsiya efołumma axpela' lan xanuc', tıxtulecu.

³ Jesús tipa'a liıya' Betania lejut'ı Simón, itque liıałconapa licuana cuftine lahui lepra. Tıcutsu Jesús titesma. İcuaitı anuli łaca'no' itaic' al pulu capic alabastro. Al pulu tinango laceite tujuej c'a ilanc'ecompa anardo, acueca' lipitali. Łaca'no' ixquej'ma łejoc' al pulu. İxcua'fi'ma laceite liıjac Jesús. ⁴ Oquexi' afantsi mimana' jıłpe ixtulencia, timıyołtsi:

—Joupa ejac'pa laceite. ¿Te qui'ecopa tołta'a łaca'no'? ⁵ Acueca' lipitali, to mulij'ma cal xans no'epa canic' afane' maxnu quitine. Ja'ni coł'a icuj'ma, coł'a epi'i'mola' lan xanuc', itne petsi aiqııl'hueca.

Tipalaıcoyi quıxcay łaca'no'.

⁶ Jesús timila':

—Tołe ti'ıla'. ¿Te cołpo'nocopa quıxhuejma' łaca'no'? Itque i'epa al c'a. Latenłcocopa li'epa.

⁷ Imanc' tiłmana' lołpiıya' xanuc' petsi aiqııl'hueca. Aimıjouyacola' iłniya. Jahuay litiné ti'i'ma tołspic'e'me te co'ıya mołtoc'ıyacola'. İya' a'i. İya' aimաcołya capajıconaya fa'a li'a łamats'. ⁸ İıca'a łaca'no' i'epa ma to li'ommaita. Ai'a ałma'ma ał'huaf'ımpa laceite laıcuero. Joupa ałıanc'epa ai'a laminna. ⁹ İya' camilhuo' al łınca: Ni petsi loya'anyacu Lataıqui' loya'apa ite al c'a liıpic'epa ŁanDios, jouc'a tuya'acom'me li'epa itca'a łaca'no'.

¹⁰ Judas İscariote, itque anuli limbamaj coquexi' ts'ilıhuequi Jesús, i'hua'ma pe lomana' lixanuc' cal cuecaj ca'ailli', tıcuta Jesús. ¹¹ İniya la'ailli' licuej'me locuapa Judas ixoconni quıleta juaıconapa. Epi'i'me cataıqui' ti'najtse'me. Judas ipango'ma ehue'ma te co'ıya micuya Jesús, tıcuaita quıłmane la'ailli'.

¹² İcuaitı al te'a litine al juic. İııya al juic titem'me łai' aiqilai'inni levadura. Jııte litine tite'me lam mot'ı loma'anyacola' jıłpe al juic. Ts'ilıhuequi Jesús timıyi:

—¿Pe ts'opic'a całsmocoyoyacu al juic Pascua? Ałıanc'eta jahuay.

¹³ Jesús umme'mola' oquexi' ts'ilıhuequi, timila':

—Tonłete al cueca' quııya' Jerusalén. Jııpiya tołtalecufta anuli cal xans itaic' liıjuti caja'. Tolıhuejtsa. ¹⁴ Itque tıtsufaitsi anuli lajut'ı, imanc' jouc'a tołsflaitsa. Tołmita łıpoujna cajut'ı: "ŁałPomxi tıcuıs'ehuo': ¿Pe copa'a laıcuarto pe lałsmocoyoyacu al juic Pascua, iya' jouc'a ts'alıhuequi?" ¹⁵ Timuc'ıtolhuo' anuli al cuarto lopa'a al toncay, joupa ixhueya. Imanc' tołıtaita łaltejacu, jııpiya ałsmocota.

¹⁶ İye'me ts'ilıhuequi, itsuflai'me al cuecaj quııya', ixim'me jahuay to limipola' Jesús. İııanc'e'me łotejacu ałxmocojma al juic.

¹⁷ Li'acołaiıa icuayıunca Jesús jouc'a limbamaj coquexi' ts'ilıhuequi. ¹⁸ Mıcutsołanna, mıxmocoyı, Jesús timila':

—Camilhuo' al łınca: Anuli imanc' ałcuna'ma, anuli jııfa'a loıxmocopa.

¹⁹ Ts'ilihuequi ixhuełmot'le'me. Anuli anuli icuitsuf'ma, timiyi:

—¿Te aga iya? Iya' a'i.

²⁰ Jesús timila':

—Unc'imbamaj coquexi' anuli imanc' alcu'ma. Itque aljac'eyi lala'i anuli al pime. ²¹ Iya' itque cal Xans Liximpa cal profeta pu'hua lema'a. Cuyaico'ma ma to micua al Paxi Linilingiya. Tama tołta'a laifnuyaicoya, cal xans łalcuya a'ijc'a loyaicoya itque. Juaiconapa acueca' titełco'ma, ticua'ma: “Coła' aicaipajntsi iya”.

²² Mitetsoyi Jesús epef'ma anuli la'i, ix'najtsi'i'ma ŁanDios, ixquenuf'ma. Epi'i'mola' ts'ilihuequi, timila':

—Tołtele. Ita'a aicuerpo.

²³ Ihuof'ma al vaso. Lix'najtsi'i'ma ŁanDios, uhui'i'mola' ts'ilihuequi. Jahuay ixna'me.

²⁴ Timila':

—Ita'a aijuats', tilinc'i'ma al ts'e quitaiqui' ŁanDios lopo'no'ipola' lixanuc'. Iya' caxcua-jai'ma laijuats' tunłul—le axpela'. ²⁵ Iya' camilhuo' al linca: Jifa'a li'a łamats' aicaxna-conaya vino. Ticuaitsi litine lan xanuc' tixinle ŁanDios micuxe, jile litine caxnacona'ma al ts'e vino.

²⁶ Lijoupa lunac'copa ŁanDios ipalunca. Iye'me łijuala Olivo. ²⁷ Jesús timi ts'ilihuequi:

—Ita'a lipuqui' imanc' tolanaj'mołtsi, alpo'no'ma caituca'. Ti'i'ma to muya'e' al Paxi Linilingiya, ticua: “Caxcai'e'ma łipoujna lam mot'ł, itque tima'ma. Lam mot'ł teca'ne'mołtsi.” ²⁸ Tijouła' camaf'inala' ca'hua'ma al distrito Galilea. Ca'huaicotolhuo' jilpiya.

²⁹ Pedro timi Jesús:

—Tixtuc'otso' jahuay laipimaye, tama tenajtsołtsi, iya' a'i.

³⁰ Jesús timi Pedro:

—Cami'mo' al linca: Itsiya lipuqui' ai'a tija'a'ma łangiti oquemma, ima' tones'ma afanemma: “Aicainimetsaijma Jesús”.

³¹ Pedro ti'hua tipalaic'o Jesús, ihui'ipa, timi:

—Tama alma'atsonga' iya' ima', aicanesya: Aicainimetsaijma Jesús. Ni anulemma canesya tołta'a.

Ma' anuli ines'me jahuay locuenaye.

³² Icuaitsa al lugar cuftine Getsemaní. Jesús timila' ts'ilihuequi:

—Imanc' tołcutsolaike fa'a. Iya' capalaic'ota ŁanDios.

³³ Ileco'mola' Pedro, Jacobo jouc'a Juan. Ipango'ma tixina acueca' juaiconapa ite lo'iya, tixhuełma juaiconapa. ³⁴ Timila' lam fantsi:

—Juaiconapa cahuosma, ma tocomma alma'ma quixhuejma'. Tołmanenca jifa'a. Aimolšmai'me.

³⁵ Uyai'ma huata, ixpats'huai'ma łamats'. Tixa'hue ŁanDios ja'ni ti'i'ma tuyaicotsi jile al 'hora. ³⁶ Timi:

—Abba, mai'Ailli', ima' jahuay nipajnya to'e'ma. Liłonc'e'ela' ita'a laiftełcopa. Ma caxa'huehuo' tołta'a jouc'a camihuo': Ti'ila' lołxpice'pa ima', a'i latentłcoca iya'.

³⁷ Ipaiconanni, icuaitsi pe lomana' lam fantsi ts'ilihuequi. Ixim'mola' tixmaiya. Timi Pedro:

—Simón, ¿ima toxmay? ¿Te aimi'iya momaf'iya ni anulij hora? ³⁸ Tołmaf'ite jahuay imanc'. Tołsa'huele ŁanDios titoc'itsolhuo' aimehuaiyim'mołhuo'. Imanc' tołcuayi: “Ałsnet'łme”. A'i, aimi'iya. Lołcuerpo ailopa'a quipujfxi.

³⁹ I'huacona'ma, tixa'hueconata ŁanDios. Ma' anuli ixahue'econa'ma. ⁴⁰ Ipaiconanni icuaiyocontsi pe lomana' lam fantsi, ixingona'mola' tixmaiconayi. Tixinyi timufquemma li'hu'. Ticui quilehui. Aiquilšina' te cotalai'e'eyacu Jesús.

⁴¹ I'huacona'ma. Ipaiconanni. Joupa i'ipa afanemma. Icuaiyocontsi pe lomana' lam fantsi. Timila':

—Imanc', ¿ti'hua tołsmayiyi? ¿Tolunxajiyi? Ne', ti'íla'. Ixhuaita lai'hora. Iya' itque cal Xans Liximpa cal profeta pu'hua lema'a. ¡Tołsinte! Atcu'ma. Al'noł'ma lan xanuc', itne aimimetsaicoyi LanDios. ⁴² ¡Tołsolinca! ¡Lepá! Joupa icuaico'ma itquiya łalcuya.

⁴³ Mipalay Jesús icuaitsi Judas, itque anuli limbamaj coquexi' ts'ilihuequi Jesús. Ilecola' axpela' lan xanuc' itaic' li' espada jouc'a li'ec. Itne lan xanuc' ummempola' lixanuc' cal cuecaj ca'ailli' jouc'a lomxiye nomuc'iyalepá locuxepa LanDios, jouc'a lan tsilaj xanuc' noxpipjá lataiqui'. ⁴⁴ Itque łocuya Jesús joupa u'ipola' te ts'i'ic' mimetsaicoyacu Jesús. Joupa imipola': "Cal xans łaftuc'oya jítque toł'nołte. Tołłecote. Aiminuc'e'molhuo'."

⁴⁵ Licuaitsi jítpiya Judas aiquicoł'ma itoc'huai'ma pe lopa'a Jesús, timi:

—¡Momxi!

Ituc'o'ma. ⁴⁶ Lan xanuc' i'noł'me Jesús. Aicux'mas'me.

⁴⁷ Tipa'a anuli ts'ihuequi Jesús tecaxu jítpe. Itque ipa'a'ma li'espada, ixcai'e'ma łimozo cal cuecaj ca'ailli', etec'e'e'ma lix'mas.

⁴⁸ Jesús ipalaic'o'mola' itniya licuai'me ti'nołte, timila':

—¿Te colcuaiyoco'me fa'a oltaic' loł'espada jouc'a lonł'ec? ¿Ja'ni tołna'a al'nołla'? ¿Aga tołcuayiyi: "Itque inma'ahuale"? ⁴⁹ Itine itine almajmpá anuli jítpe al cuecaj xoute', aical'nołi. Ne', ti'íla' ma to loya'apa al Paxi Linilngiya. Ticuicomma tenanłla' jahuay ite lataiqui'.

⁵⁰ Lixanuc' Jesús inulai'me, ipo'no'me Jesús quituca'.

⁵¹ Jítpe tipa'a anuli łamijcano ihuequi Jesús. Itque łamijcano iju'eyoxi ma le'a lisábana. Jouc'a i'nołim'me. ⁵² Łamijcano ipanenni lisábana, inu'ma amila.

⁵³ Ileo'me Jesús pe lopa'a cal cuecaj ca'ailli'. Jítpiya efot'le'mołtsi lixanuc' cal cuecaj ca'ailli' jouc'a lan tsilaj xanuc' noxpipjá lataiqui', jouc'a lomxiye nomuc'iyalepá locuxepa LanDios. ⁵⁴ Pedro i'huanc'e'ma aculi'. Itsufai'ma łipuna quejut'ł cal cuecaj ca'ailli'. Jítpe icutsingai'mola' lepaluc' cal cuecaj ca'ailli'. Jítpe łunga tifununc'eyołtsi anuli.

⁵⁵ Lixanuc' cal cuecaj ca'ailli' jouc'a jahuay noxpipjá lataiqui' tehueyi naitsi nocufya Jesús. Tołta'a ti'i'ma tima'anłe. Aiqui'ic'. ⁵⁶ Axpela' lan xanuc' tuyout'łecoyi Jesús, ma le'a tifelłaiqueyi. Anuli anuli, ituca' ituca' tinesqui. Aiqui'ic' anuli liłtaiqui' lonespa. ⁵⁷ Oquexi' afantsi itsolinca uya'a'me ocuena lafelłaiqueya, timiyi:

⁵⁸ —Illanc' alcuejpa itque linespa, ticua: "Iya' nulemma cateł'ma itta'a al cuecaj xoute' lilanc'epa lan xanuc'. Tuyaila' afane' quitine iya' joupa ailanc'econapa ocuena. It e' a' quillanc'e'e lan xanuc'."

⁵⁹ Ni itne nonespá aiqui'ic' anuli liłtaiqui'.

⁶⁰ Itsahuenni cal cuecaj ca'ailli', icuis'e'ma Jesús, timi:

—¿Te ima' aimotalai'ecoyacoxi? ¿Te onespa ite lataiqui', o aiconesqui?

⁶¹ Aiquitalai'e. Ailopa'a quitaiqui'. Cal cuecaj ca'ailli' icuis'e'cona'ma, timi:

—¿Te ima' unCristo? ¿Te ima' i'Hua cal Paxi CanDios?

⁶² Jesús timi:

—Ma' iya'. Iya' itque cal Xans Liximpa cal profeta pu'hua lema'a. Imanc' alsim'ma cacutsuya al c'a camane cal Cuecaj Rey. Alsim'ma quimuyohuo lema'a, cacuaiyoconno łamats' nolojmay cummahuay lema'a.

⁶³ Cal cuecaj ca'ailli' its'al'ma lipijahua', imujpa lipoyac'. Aiquetenłcocojma locuapa Jesús. Timila' lixanuc':

—Itsiya, ¿te calahuecoyacola' ocuenaye lan xanuc' ticufle? ⁶⁴ Imanc' olcuejpa lonespa. Etets'ipa LanDios. ¿Te colcuapa imanc'?

Jahuay icuxeco'me Jesús, ticuayiyi:

—Tipa'a lijunac'. ¡Tima'anłe!

⁶⁵ Oquexi' afantsi ipango'me itsulco'me, ifi'e'eco'me ijahua' li'u', untaf'me li'a, ipa'me, timiyi:

—Tocua'ala', ¿naitsi lipa'mo'?

Lepaluc' cal cuecaj ca'ailli' ipets'me camane jouc'a.

- ⁶⁶ Pedro ipanenni al 'ocay, ticutsu luna. Uyai'ma anuli licriada cal cuecaj ca'ailli'.
⁶⁷ Ixim'ma Pedro tifununc'eyoxi jilpe lunga. Ehuelojm'ma, timi:
 —Ima' jouc'a omihuequi cal xans las Nazaret, ilque Jesús.
⁶⁸ Pedro icuanajpa, timi:
 —Aicaixina'. Aicaicueca lofnespa.
 Ipanni, ecax'ma pe lopa'a al puerta. Ija'a'ma langiti.
⁶⁹ Lajcriada nopa'a jilpe ixim'ma Pedro. Ipalaic'o'mola' nacaxhuolanna, timiconala':
 —Ihca'a anuli ihniya ts'ilihuequi Jesús.
⁷⁰ Pedro icuanajcona'ma. Uyai'ma ni huata, ihne nacaxhuolanna jilpiya timiyi Pedro:
 —Ima' jouc'a mihuequi Jesús. Ima' mas Galilea.
⁷¹ Pedro ipango'ma i'e'ma jurar, timila':
 —Iya' camilhuo' al finca. Ja'ni a'i, jahma'ala' LanDios! Iya' aicainimetsaijma ilque cal xans
 lohpalaicopa.
⁷² Aiquicol'ma, ija'acona'ma langiti. Pedro i'nujuaitsi limipa Jesús: “Ai'a tija'a'ma
 oquemma langiti, ima' tones'ma afanemma: Aicainimetsaijma Jesús.” Li'nujuaitsi ile
 lataiqui' Pedro ijoj'ma.

15

- ¹ Lihic'ejma lixanuc' cal cuecaj ca'ailli', lan tsilaj xanuc', lomxiye nomuc'iyalepá locux-
 epa LanDios jouc'a jahuay noxpijpá lataiqui' ixpic'e'me lo'e'eyacu Jesús. Aiquicol'ma,
 ifi'e'me, ileco'me pe lopa'a Pilato, ilque incuxepa romano. Jilpe icu'me. ² Pilato icuis'e'ma
 Jesús, timi:
 —¿Ima' ihrey lan xanuc' judío?
 Jesús italai'e'e'ma, timi:
 —Al finca lofcuapa.
³ Lixanuc' cal cuecaj ca'ailli' icuf'me juaiconapa. ⁴ Pilato icuis'e'cona'ma, timi:
 —¿Te ima' aimotalai'ecoyacoxi? Joupa ocuejpa. Ticufhuo' acueca' lo'epa.
⁵ Jesus aiquitalai'e. Pilato aiquixina' te cocuaya. Icuapa lipicuejma': “Ihca'a Jesús, ¿te
 amitalai'e?”
⁶ Ajuic ajuic Pascua, Pilato tiku lane lan xanuc' tixahue'ele anuli litats'iya, tux'mas'ma.
⁷ Ita'a al juic tipa'a anuli litats'iya cuftine Barrabás. Ihquiya i'nohinc'innila' jouc'a liye-
 jmalepá. Ihniya itsolimma ehuc'huaipá cal gobierno romano. Ima'apá lan xanuc'.
⁸ Icuaita lan xanuc' pe lopa'a Pilato. Ixa'hue'me ti'ela' ma to mi'ay. ⁹ Pilato icuis'e'mola',
 timila':
 —¿Nai ts'olpic'a? Imanc' unc'ijudío, ¿te cux'mas'ma lohrey?
¹⁰ Tohta'a licua'ma Pilato, imetsaicola' ihne lixanuc' cal cuecaj ca'ailli'. Ixina' te ts'i'ic'
 lihpicuejma'. Ixina' ti'eyi laic' Jesús, tohiya joupa icupá.
¹¹ Lixanuc' cal cuecaj ca'ailli' icuxe'me, imi'me lan xanuc' timile Pilato tux'masna'a
 Barrabás. ¹² Pilato icuis'e'cona'mola', timila':
 —Ihque lolacui'ipa olrey, ¿te caif'e'eya ilquiya?
¹³ Ija'acona'me, italai'e'me, timiyi:
 —¡Tapahts'ijnla' lancruz!
¹⁴ Pilato icuis'e'mola', timila':
 —¿Te caifnepahts'ijncoya lancruz? ¿Te quixcay qui'epa?
 Ija'a'me ujfxi, timiyi:
 —¡Tapahts'ijnla' lancruz!
¹⁵ Pilato ipic'a tetencocotsola' lan xanuc'. I'e'ma to lixa'hue'me. Ux'masna'ma
 Barrabás, icuxe'ma tipalojle Jesús. Epi'ipola' lan soldado tepahts'ijnta lancruz.
¹⁶ Lan soldado ileco'me Jesús luna lejut'l cal gobernador. Jilpiya luna cuftine al Pretorio.
 Jilpiya efot'le'moltsi jahuay lih'as soldado. ¹⁷ Itats'mi'me Jesús lunxali cumi quijahua',

ma to lipijahua' lan rey. Ipu'f'me anuli al corona quitac, ic'ommof'i'i'me lijuac Jesús.
¹⁸ Ipango'me inom'me, ija'a'me:

—¡Añonghuo', ima' itrey lan xanuc' judío!

¹⁹ Tuntaf'e'eyi lijuac ajaxa, titsulc'oyi. Exc'onlingai'me. ²⁰ Lijoupa lixocopa, ipa'e'e'me lunxali cumi quijahua', itats'micono'me ma lipijahua'. Ilico'me ipa'anca lema quitya', tepa'its'ijnta lancruz.

²¹ Miyeyi lane italecuf'me anuli cal xans cuftine Simón, las Cirene. Itque it'ailli' Alejandro jouc'a Rufo. Icuai'co'ma qui'huayonamma cal 'ec. Icu'xe'e'me titaita' lencruz Jesús.

²² Icuai'etsa Jesús petsi cuftine Gólgota, luhualquemma: Lamats' Quecoye. ²³ Jitpiya icufi'me al vino ihuantsi al mirra. Ja'ni tixna'la' aijtine mixingufcoya lumla. Jesús aiqixnaic'. ²⁴ Epa'its'ingim'me lancruz. Lan soldado if'ilco'me lipijahua', naitsi nolijya. Anuli anuli tulij'ma locuaiya quimane.

²⁵ Ixhuaita al pella 'hora lepa'its'ijm'me Jesús lencruz. ²⁶ Ipo'nompá lacaxma loya'apa licuxecompa Jesús, ticua: “Itca'a itrey lan xanuc' judío”.

²⁷ Jesús epa'its'ingimpola' oquexi' linma'ahuale. Anuli tipa'a al c'a camane, locuena loxa camane. ²⁸ Ma to'la'a enant'copa al Paxi Linihingiya loya'apa: “T'e'empá ma to lo'e'enyacola' lan xanuc' ni'epá lixcay”.

²⁹ Lan xanuc' noyalaicopá jitpiya imiloj'me cataiqui', ife'ne'me lijuac, timiyi:

—Ima' lofmetelya al cuecaj xoute', tijoula' afane' quitine joupa olanc'econapa, ³⁰ ne', taimunni lomencruz. ¡Tonhu'exoxi!

³¹ Lixanuc' cal cuecaj ca'ailli', jouc'a lomxiye nomuc'iyalepá locuxepa LanDios ixoco'me, timiyot'si:

—Itque unhu'epola' locuenaye. Itsiya aimi'iyá munhu'eyacoxi. ³² Illanc' ixanuc' Israel, ja'ni itque atrey, ja'ni aCristo, ¡timunni lencruz! A'sinte illanc', tijoula' lapenuf'me.

Itniya lepa'its'ingimpola' Jesús imiloj'me cataiqui'.

³³ Li'i'ma menac'o imufc'o'ma jahuay lema'a. Ni petsi li'a lamats' tocomma ipuqui'. ³⁴ Al fanej hora lummhuijma' Jesús ija'a'ma ujfxi, ticua:

—Eloí, Eloí, ¿lama sabactani?

Itiya lohualquemma ticua: “Ima' mainenDios, ¿te calacanujcopa?”

³⁵ Timana' lan xanuc' nacaxolanna jitpiya icuej'me lines'ma Jesús, itniya lines'me:

—¡Xinla'! Tijoc'i cal profeta Elías.

³⁶ Anuli cal xans icuaiconni tinu, ijac'eco'ma al esponja acuxac vino. Icants'i'ma al jaxa, i'nof'e'ma lico Jesús, titsif'la'. Itque cal xans ticua:

—¡Tole! A'sim'me ja'ni ticuaihuo Elías, tipu'na'ma lencruz.

³⁷ Jesús ija'a'ma ujfxi. Exnalif'ma, imana'ma. ³⁸ Lijahua' lojujnya al cuecaj xoute' its'alquenni quituca', al toncay itejmay lamats'. It lijahua' lipa'ne jitpe Lajut't Xonca al Paxi.

³⁹ Nocuxepola' lan soldado tecaxu anujnca lencruz Jesús, tehuelonge. Ixim'ma Jesús lima'ma ma mija'e' to'la'a. Ticua:

—Ma' alinca itca'a cal xans i'Hua LanDios.

⁴⁰ Timana' laca'no' tecaxolanna aculi', tehuelojnyi. Tipa'a María las Magdala, tipa'a María qui'máma' Jacobo y José. Itque Jacobo teci'impá: Lijoujma. Jouc'a tipa'a laca'no' cuftine Salomé. ⁴¹ Mipa'a Jesús al distrito Galilea itniya laca'no' ihuejpa' Jesús, itoc'ipá, ites'mipá. Ma'piya tehuelojnyi Jesús mipa'a lencruz timana' locuenaye laca'no' jouc'a. Itne y Jesús anuli icuaiyunca Jerusalén.

⁴² It litine avispera. Lihuequi litine itine conxajya. Joupa if'acolaipa. ⁴³ Anuli cal xans cuftine José, las Arimatea, i'hua'ma ixintsi cal gobernador Pilato. Itque José acuecaj xans, anuli pe itniya nafot'lepo'itsi noxpijpa' lataiqui'. Itque i'huaijma ticuait'si litine jahuay lan xanuc' tihuejcole LanDios lit'cuecaj Rey. José i'e'e'moxi acueca' lunxajma'. Itsufai'ma

pe lopa'a Pilato, ixahue'etsi tepi'inaŋe licuerpo Jesús. ⁴⁴ Pilato ticua: “Ma' imaf'i' Jesús, aikuimac’”. Ijoc'i'ma nocuxepola' lan soldado. Icuis'e'ma ja'ni jounpa imapa Jesús. ⁴⁵ Nocuxepola' lan soldado timi: “Linca, jounpa imapa Jesús”. Pilato epi'i'ma lane José tilecotsi licuerpo Jesús.

⁴⁶ José ipuŋa'ma licuerpo Jesús jilpe lencruz. Iju'eco'ma afujca quijahua' lilanc'ecompa alino, i'na'apa ats'e. I'nicohuo'ma anuli hunts'ēja', ipuc'o'iya łapic. Imef'ma anuli cal cueca' capic, ipa'neco'ma lico hunts'ēja'. ⁴⁷ María łas Magdala, jouc'a María qui'máma' łocuenaj José, ehuelojm'me pe lipo'no'enghuo'me licuerpo Jesús.

16

¹ Luyai'ma litine conxajya María łas Magdala, María qui'máma' Jacobo, jouc'a łaca'no' Salomé, iye'me i'natsa laceite tujuej c'a ti'huof'ita licuerpo Jesús. ² I'i'ma quitine al te'a quitine al xamano. (Ihiya adomingo.) Tipammaiyumma cal 'ora, icuaitsa hunts'ēja'.

³ Timiyotŋsi:

—¿Naitŋsi laliŋonc'e'eyacongá łapic łeti'icoya lico cunts'ēja'?

⁴ Lixim'me lico cunts'ēja' ixim'me jounpa iŋonc'empa łapic, ipo'nompa jilpe anuli liju'. Iłque łapic juaiconapa acueca'. ⁵ Itsuflai'me hunts'ēja', ixim'me al c'a camane ticutsu anuli łamijcano. Afujca lipijahua', axehuay. Ixpailij'mola'. ⁶ Łamijcano timila':

—Aimixpailij'molhuo'. Tolahueyi Jesús łas Nazaret, małque łepałts'ingimpa. Iłque ailopa'a fa'a. Jounpa imaf'inapa. ¡Tolahuelongunca! Jifa'a lipo'no'empa licuerpo. ⁷ Imanc' tonłente, tolu'itsola' ts'ilihuequi Jesús, jouc'a Pedro, tołmitsola': “Jesús ti'hua'ma Galilea. Tołcuaitsa jilpiya tołtalecufta ma to limipolhuo'.”

⁸ Laca'no' ipalunca hunts'ēja'. Inul'me. Juaiconapa tixpailiquila', tiyula'. Nij naitŋsi lu'ipa.

⁹ Jesús imaf'ina'ma lihic'ejma' al te'a quitine al xamano, ihiya adomingo. Imuj'moxi ate'a María łas Magdala, iłque łaca'no' ĩpa'empa acaitsi lontahue. ¹⁰ Iłque i'hua'ma u'itsola' liyejmalepá Jesús. Ihiya tihuotsoyi, tijolijyi. ¹¹ María timila':

—Jesús imaf'i'. Iya' aiximpa.

Ihiya aikuil'aic' linca locuapa.

¹² Jesús imujcona'moxi pe lomana' oquexi' ts'ilihuequi. Jihiya tiyeyi lane ticuaita cal 'ec. Imuj'moxi tocomma ipaicomma. ¹³ Ihe loquexi' ipailiconanca, licuaitsa pe lomana' liłpimaye, uya'a'me liximpa Jesús. Liłpimaye inescona'me: “A'ij linca”.

¹⁴ Lijou'ma Jesús imuj'moxi pe lomana' limbamaj nuli ts'ilihuequi. Ihiya titetsoyi. Itale'mola' ihiya nonespá: “A'ij linca ihe loya'apa lałpimaye. Aikuimaf'i' Jesús.” Ixim'mola' ata liłpicuejma'. ¹⁵ Jesús timila':

—Tonłete ni petŋsi li'a łamats'. Toluya'atsa Lataiqui' loya'apa ihe al c'a liłpic'epa ŁanDios. Tolu'itsola' jahuay lan xanuc'. ¹⁶ Ihe napenufyacu Lataiqui', tepolihe, ihiya tunłul'me. Naitŋsi aimepenufi Lataiqui', iłque tecani'ma.

¹⁷ 'Tixinim'me al cueca' lo'eyacu ihe napenufyacu Lataiqui'. Tipa'a'me lontahue litsuflaipá lan xanuc', tipalai'me ituca' liłtaiqui'. ¹⁸ Ja'ni ti'nohe lainofat'i o tixnaŋe cafxi cummaiya ailopa'a co'e'eyacola'. Tixpayaf'me liłmane lałcuallay, ihe tixałcona'mola'.

¹⁹ Lijounpa limipola' tołta'a cał'Ailli' Jesús if'ajna'ma lema'a. Jilpe icutsingaitŋsi al c'a camane ŁanDios.

²⁰ Ts'ilihuequi Jesús ipalunca. Ni petŋsi uya'atsa Lataiqui', ihe loya'apa al c'a liłpic'epa ŁanDios. ŁanDios liyejmalepa, i'e'ma acueca'. Tołta'a imuc'i'mola' lan xanuc' alinca Lataiqui' loya'apa ts'ilihuequi Jesús.

LATAIQUI' LINIŁPA SAN LUCAS LOYA'APA IŁE AL C'A LIXPIC'EPA ŁANDIOS

¹⁻⁴ Ima' cumTeófilo, iya' ninLucas cumme'ehuo' coje'e. Iłta'a al je'e tuya'e' li'ipa fa'a lamats'. Lałpimaye nepenufpá liłpenic' tuya'ayi Lataiqui', iłe loya'apa al c'a lixplic'epa ŁanDios. Iłniya joupá lu'iponga' li'ipa, iximpá.

Axpela' lapimaye joupá inilpá liłje'e loya'apa tołta'a li'ipa. Iya' jouc'a aixpic'epa quinił'ma laiije'e. Cacia: Iłque Teófilo joupá imuc'impá litaiqui' Jesucristo. Jouc'a ipic'a quije'e loya'apa te ts'i'ic' li'ipa.

Iya' joupá aixhuepa jile li'ipa, aipalaic'opola' lapimaye ts'ılsina' te ts'i'ic' li'ipa iłniya litiné. Aixpot'lenapa litaiqui'. Cuya'e' te ts'i'ic' lipangopa, jouc'a cuya'e' te ts'i'ic' lijoucopa. Ima' toxhuełá', tołta'a ti'i'ma coxina' te ts'i'ic' Lataiqui' limuc'impó', iłe tuya'e' al linca.

⁵ Micuxe Herodes al distrito Judea tipa'a anuli łá'ailli' cuftine Zacarías. Iłque jouc'a lif'as ca'ailli' ti'e'me canic' al cuecaj xoute'. Mi'huajco'mola' munaitola' ti'e'me canic'. Iłniya ixanuc' Abías.

Zacarías lipeno cuftine Elisabet. Iłque Elisabet hitatahuelo cuftine Aarón. ⁶ Loquexi' ac'a xanuc', tihuejcoyi jahuay locuxepa ŁanDios, jahuay loya'apa litaiqui' ŁanDios. Aiquime-naquila'. ⁷ Tama etenłcocopa ŁanDios iłniya lił'ejma' ailopa'a quił'hua. Elisabet ijuiqui caca'no'. Loquexi' joupá itsilójnapola'.

⁸ Icuaitsi litine ti'eta canic' lixanuc' Abías, Zacarías i'hua'ma al cuecaj xoute', ti'eta canic' ma to locuxepa ŁanDios, iłque a'ailli'. ⁹ Zacarías ec'aillmaita lipenic' titsufai'ma al paxi cajutł, tipi'eta lipac'ec. Tołta'a mi'eyi la'ailli' jilpe al cuecaj xoute'. ¹⁰ Locuenaye lan xanuc' aimitsuflaiyi al paxi cajutł. Ailopa'a lane. Iłniya tilmanemma łuna. Jile litine mipi'e lipac'ec Zacarías, axpela' lan xanuc' comana' łuna jilpe al paxi cajutł.

¹¹ Małpiya lajutł imaxcaitsi anuli łapaluc quema'a łummepa cał'Ailli' ŁanDios. Łapaluc quema'a ecax'ma al c'a camane al altar petsi lopi'eyompá lipac'ec. ¹² Lixim'ma łapaluc quema'a Zacarías ixhuełconni. Ticua: “¿Te iłca'a?” Ixim'ma axpaiqui' juaiconapa. ¹³ Łapaluc quema'a timi:

—CunZacarías, aimixpaij'mo'. ŁanDios joupá icuejpa loxahue'epa. Elisabet łopeno tipo'no'e'mo' co'hua amijcano. Ima' tacui'i'ma Juan. ¹⁴ Iłque łá'hua tetenłcoco'mo' juaiconapa, tixoc'i'mo' meta. Tipajntsi iłque tixoj'ma quileta axpela' lan xanuc'.

¹⁵ 'Titojla' iłque ŁanDios timetsaico'ma acueca' xans. Aimixnaya al vino, jouc'a aimixnaya mimeyojya. Iłque Juan, ma litine tipajntsi, joupá ticuxe lipicuejma' cal Espiritu Santo. ¹⁶ Tilanc'e'e'mola' liłpicuejma' axpela' lan xanuc', iłniya ixanuc' Israel. Tołta'a tihuejcona'me hilenDios. ¹⁷ Ti'huaj'me'ma cał'Ailli' ŁanDios. Lipicuejma' ti'onłcota to lipicuejma' cal profeta Elías. ŁanDios tepi'i'ma quimane ma to lepi'ipa limane Elías. Tilanc'e'e'mola' liłpicuejma' lan xanuc' jouc'a liłnaxque', ti'itsola' anuli. Tilanc'e'e'mola' liłpicuejma' lincuejlocale, ti'i'ma alijca liłpicuejma', tihuejcołe ŁanDios. Tołta'a cał'Ailli' ŁanDios tixim'mola' ixanuc' joupá ixanghuaitola' liłpicuejma', timetsaico'mola'.

¹⁸ Zacarías icuis'e'ma, timi łapaluc quema'a:

—¿Te ts'i'ic' mi'iyá caixina' ja'ni lo'iyá to lałmipa? Iya' joupá ałtojpa, jouc'a łaipeno joupá itojpa caca'no'.

¹⁹ Łapaluc quema'a italai'e'ma timi:

—Iya' ninGabriel. Itine itine cacaxu pe lopa'a ŁanDios. Iłque nalummepa capalaic'otso', cu'itso' iłta'a litaiqui', iłe loya'apa al c'a lixplic'epa ŁanDios. ²⁰ Itsiya cami'mo' lo'iyaco'. Aimopalaiconaya. Tijoułá' tipajntsi co'hua topalaina'ma. Tama ima' aimalčuec'e litaiqui', toxim'ma al linca iłe laimipo'. Tixhuaitsi litine tenanł'ma litaiqui'.

49 Cal Cuecaj CanDios altoc'ipa juaiconapa atpaxnepa.

Ma' itque cal Paxi CanDios.

50 Itque tixinnila' acuanuc'la jahuay lixanuc', itne noxpaic'epá.

Itne nomana' itsiya litine, jouc'a nomajnyacu locuaicoya quitine.

51 Itne lan xanuc' nonescopołtsi: “Illanc' ninc'tsilaj xanuc’”,

ŁanDios joupa eca'nepola' ni petsi li'a łamats'.

Tołta'a imuc'ipola' acueca' lipujfxi, acueca' lo'epa.

52 Itonc'e'epola' liłmane lan tsilaj quincuxepá.

Lijoupa epi'ipola' liłmane lan xanuc' xonca a'ojca.

53 Pe nonle'epá ites'minapola' xonca ixhuitola'.

Itne pe ts'it'hueca acueca' quił'huexi,

ummenapola' ixcuajma liłmane, ailopa'a quepi'ipola'.

54-55 ŁanDios łatPoujna altoc'iponga',

illanc' ixanuc' łatatahuelo Israel, itque inięto Abraham.

ŁanDios joupa inespa: “Caxim'mola' acuanuc'la, catoc'i'mola' itniya Abraham, it'hua jouc'a linaxque' it'hua.

Catoc'i'mola' jahuay lixanuc' Abraham, itque itatahuelo itniya.”

ŁanDios aiqumenc'ejma itiya litaiqui' limipola' łatatahueló.

Ma to limipola', tołta'a li'epa.

56 María ipajnhuo'ma to afanej mut'ła lejut'ł Elisabet. Lijou'ma it'huana'ma ipainanni lejut'ł.

57 Lixhuaitsi al pella mut'ła Elisabet ipo'no'ma it'hua. Ipajntsi amijcano. 58 Lan huejnca lan xanuc' jouc'a lipimaye Elisabet icuej'me li'epa łatPoujna ŁanDios, itque iximpa cuanuc' Elisabet, acueca' litoc'ipa. 59 Lixhuaita al paico quitine efot'łunni ti'e'me ma to lił'ejma'. Coła' tecui'i'me Zacarías ma to lipuftine qui'ailli'. 60 Qui'máma' italai'e'e'mola' timila':

—A'i. Lacui'i'me Juan.

61 Italai'e'me, timiyi:

—¿Te colacui'icoyacu Juan? Łatpimaye, ailopa'a quecui'impá tołta'a.

62 Ipalaic'oco'me le'a liłmane qui'ailli' łahuac'hua. Icuis'e'me:

—¿Te cofcuapa? ¿Te caftine calacui'iyacu łamijcano?

63 Zacarías ixahue'e'ma tini'itne anuli la'hua caxma tinił'ma. Ini'im'me. Itque inil'ma: “Lipuftine aJuan”. Lan xanuc' aiqitłcuc'e li'ipa. Ticuayi:

—¡Tołsinłe! ¡Inilpa: “Juan”!

64 Aiquicoł'ma, ixahna'ma lejoc' Zacarías, uhualquenamma łipał, tipalay. Ix'najtsi'i'ma ŁanDios. 65 Lan huejnca lan xanuc' ixpailij'mola'. Ixim'me acueca' li'ipa. Lan xanuc' ni petsi łijualay al distrito Judea tuya'ayi li'ipola' Elisabet y Zacarías. 66 Licuej'me ticuis'eyołtsi, timiyołtsi:

—Itque łamijcano: ¿Te co'eya? y ¿te co'iya?

ŁanDios itoc'i'ma łamijcano, ipaxne'ma.

67 Cal Espiritu Santo icuxe'ma lipicuejma' Zacarías. Ma to Łandios mimi, ma tołta'a Zacarías tuya'e'. Tuya'e':

68 ¡Ałs'najtsi'i'me ŁanDios, itque łalanDios illanc' ixanuc' Israel!

Altoc'iponga', tocomma aluhualponga' petsi itne łal'e'eponga' laic'.

Itniya aimalulijyaconga' illanc' ixanuc' ŁanDios.

69 ŁalanDios, itque iPoujna cal rey David, lapi'iponga' Łalunł'eyaconga'.

Małque cal rey David itatahuelo itque.

70 Luyaipa quitine ŁanDios u'ipola' lipaxij profeta tołta'a lo'eya.

Itniya u'iyale'me, u'im'mola' łatatahueló.

71 It litaiqui' ŁanDios tuya'e' te ts'i'ic' łatoc'iyaconga'.

Ticua: “Cunł'u'e'molhuo'; itne naixtuc'opolhuo' aimulijyacolhuo'.

Jouc'a no'epolhuo' laic' ailopa'a co'eyacolhuo'."

⁷² Ticua: "Iya' aiqumenc'ecoyacola' laixanuc'".

Ihe lixanuc' LanDios mañiya altatahueló illanc'.

LanDios i'nujuaitsi lipaxi cataiqui', ile lipo'no'ipola' lixanuc'. q ⁷³⁻⁷⁵ Joupa inespa lunhu'e'monga', aimalulijyaconga' ihniya nalixtuc'oponga'.

LanDios tohta'a limipa latatahuelo Abraham.

Joupa icuapa alpo'no'monga' pe ailopa'a caxpaiqui', jilpiya laxc'onlingotai'me lanDios.

Jahuay lalunxajma' lihuej'me LanDios, aimal'econayacu lixcay.

Mañana' fa'a li'a lamats', jahuay lapitine, luyalaico'me to luyalaicopa lixanuc' LanDios, ilque cal Paxi.

⁷⁶ Ima' mai'hua Juan, tecui'im'mo' umprofeta.

Toya'a'ma litaiqui' LanDios, ilque cal Cuecaj Xonca.

Ima' to'huaj'me'ma lapoujna, tolanc'e'ma lipene.

⁷⁷ Tomuc'i'mola' lixanuc' LanDios.

Tohta'a ti'i'ma quilsina' LanDios tunhu'e'mola', timenc'e'eco'mola' li'epa.

⁷⁸ LanDios alsimponga' ninc'icuanuc'la.

Tiyuf'tsi cal 'ora lapalc'o'i'monga'; ma tohta'a lapalc'o'iponga' LanDios, ilque Nopa'a lema'a.

⁷⁹ Tohta'a tulif'ena'mola' lan xanuc', mañiya itsiya aiquepalc'o'ila'.

Ihniya tocomma amuf lipicuejma', ti'huaicoyi ma le'a lamaya.

Ahecona'monga' al c'a cane, jilpe aimalsuetmot'leconayacu.

⁸⁰ Lamijcano ti'hua titoqui. I'i'ma acueca' lipicuejma'. Ai'a ti'e'ma lipenic' LanDios, ilque Juan aiqumujyoxi. Tipa'a pe ailopa'a quilya'. LanDios tu'i'ma te litine timuj'moxi. Tuya'a'ma litaiqui' LanDios, tiquimf'ele lipimaye, ihe lixanuc' Israel.

2

¹ Ihniya litiné cal cuecaj quincuxepa cuftine César Augusto. Ni petsi lomana' lan xanuc' ticuxe'ela' tiyente lipitelotya' pe limajnllyota litatahueló. Jilpiya tininginnola' lipuftine.

² Tohta'a lipangopa lan censo fa'a li'a lamats'. Li'ipa aimi'eyi tohta'a. Ihniya litiné hincuxepa cuftine Cirenio ticuxe lamats' Siria.

³ Jahuay lan xanuc' itsehuc'me lipitelotya' litatahueló, inilinginhuo'mola' lipuftine.

⁴⁻⁵ José y María ipalunca lipilya' Nazaret lopa'a al distrito Galilea. Iye'me al distrito Judea, lilya' Belén, tininginnola' jilpiya lipuftine. Ihe lilya' Belén ipilya' litatahuelo José, ilque cal rey David. Ihniya José y María inonc'opotsi temali'me. Aiquejonhoyotsi. María innay. ⁶ Mimana' lilya' Belén, ixhuaitsi litine tipajnta hi'hua María. ⁷ Jilpiya ipo'no'ma cal te'a hi'hua, ilque amijcano. Iju'e'ma quijahua', unaj'mi'ma pe lotetsoyopa linneja. José y María epi'impola' lajut'l pe loxmaipa linneja. Locuena lajut'l imanna xanuc', ailopa'a comanc'eyacu.

⁸ Mañiya lilya' Belén, ma' ahuejnca, timana' nohuic'ipá mot'l. Ihe lipuqui' comana' himuc'o', ti'eyi cuenna litmot'l. ⁹ Pe lomana' ihniya nohuic'ipá mot'l icuai'ma anuli lepaluc cal'Ailli' LanDios. Epalc'o'i'mola' al cueca' al paxi lipepalc'o' LanDios. Lixim'me, ixpailij'mola' juaiconapa. ¹⁰ Lapaluc quema'a ipalaic'o'mola', timila':

—Aimixpailij'molhuo'. Cu'i'molhuo' al c'a li'ipa. Ni petsi lomana' lan xanuc' tixoj'ma quileta. ¹¹ Itsiya jilpe lilya' pe lipajnyota cal rey David, mañiya ipajnta Lonhu'eyacolhuo'. Ilque aCristo lapoujna. ¹² Jilpe lilya' tolsinna laca'hua camijcano, iju'eya quijahua', tunouya pe lotetsoyopa linneja. Tolsinsa tohta'a ti'i'ma colsina' lainu'ipolhuo' al linca.

¹³ Aiquicol'ma ixim'me axpela' lapaluc' quema'a icuai'me jilpiya pe lopa'a lapaluc hummepa LanDios. Ihniya tix'najtsi'iyi LanDios ticuayi:

¹⁴ Jahuay nomana' xonca al toncay lema'a tix'najtsi'ihe LanDios, timife:

Ima' manDios, linca umCueca'.

Lan xanuc' nomana' li'a lamats', ihniya pe latentocopa LanDios, aimixhuelmot'hecona'me.

¹⁵ Lapaluc' quema'a ipailinamma lema'a. Nohuic'ipá mot'l ipalaic'o'moltsi, timiyotsi:

—¡Cuej! ¡Lepá liya' Belén! LaPoujna LanDios joupa almiponga' te ts'ic' li'ipa. ¡Lepá, alsinna!

¹⁶ Aiquicoł'mola' iye'me. Licuaitsa Belén ixintsa María jouc'a José jouc'a łacapími', ilque tunouya petsi lotetsoyopa linneja. ¹⁷ Liximpá łapími' nohuic'ipá mot'ł uya'a'me limipola' łapaluc quema'a, ilque ipalaicopa łacapími'. ¹⁸ Lan xanuc' licuej'me loya'apa nohuic'ipá mot'ł ticuayi: “¡Xinla'! Acueca' li'ipa.”

¹⁹ María ailopa'a quicuapa. Jahuay ti'nujuaitsi. Itine itine ti'nujuaitsi, timiyoxi: “Tołta'a tołta'a li'ipa”. Aiquimenc'ejma.

²⁰ Nohuic'ipá mot'ł ipailinamma, ticuaita pe lomana' liłmot'ł. Miyeyi lane tix'najtsi'iyi LanDios. Tix'najtsi'iyi liximpa, tix'najtsi'iyi lataiqui' licuejpa. Ticuayi: “ManDios, acueca' ima', acueca' lof'epa”.

²¹ Lixhuaitsi al paico quitine i'e'me circuncidar łamijcano, ipo'no'i'me quiseña licuerpo. Ecuim'me Jesús. Tołta'a laftine łapaluc quema'a lu'ipa ma quinnay María. ²² María ihuejco'ma litaiqui' Moisés, i'huej'moxi. Lixhuaita ihniya łitiné María y José ileco'me ła'hua Jesús, i'hua'a'me al cuecaj xoute' lopa'a Jerusalén. Timuc'ita LanDios łalPoujna, tipaxneła'. ²³ Ti'e'eta ma to licuxepa łalPoujna LanDios. He lataiqui' linilijmpa Moisés, tuya'e': “Cal te'a ło'hua łopajnya, ilque i'huexi LanDios”. ²⁴ Jouc'a titsufcota ma to loya'apa lataiqui' petsi linilijmpa locuxepa LanDios. Jiłpe ticua: “Totsufco'ma oquexi' laiycucú, o oquexi' lan jałmu”.

²⁵ Jiłpe al cuecaj quilya' Jerusalén tipa'a anuli cal xans cuftine Simeón. Ilque alijca xans, ihuequi jahuay locuxepa LanDios. I'huaijma ticuaitsi litine LanDios acueca' titoc'iconatsola' lixanuc', ihniya ixanuc' Israel. Cal Espíritu Santo ticuxe lipicuejma'.

²⁶ Ilque cal Espíritu Santo joupa lu'ipa: “Toxim'ma cal Cristo. Toxim'ma ai'a tima'mo'.”

²⁷ Cal Espíritu Santo umme'ma Simeón ti'huala' al cuecaj xoute'. Malpiya al 'hora icuaitsa José y María, illejma ła'hua Jesús. Ti'e'me ma to micua locuxepa LanDios. ²⁸ Simeón lixim'ma ła'hua Jesús ipulai'ma, ix'najtsi'i'ma LanDios, timi:

²⁹ ManDios maiPoujna: Itsiya lapi'ila' lane, iya' aicaxhuełcoconaya, almanla'. Joupa enanłpa lotaiqui' ima' lal'ipa.

³⁰ Cahuelonge ilca'a łomummepa, ilca'a Łalunł'eyacongá'.

³¹ Mummepa, icuai'ma fa'a li'a łamats'.

Ni petsi lomana' lan xanuc' ti'ila' quilsina' tołta'a li'ipa.

³² Ilque Epalc'o', tepalc'o'i'mola' liłpicuejma' lan xanuc', ilne aimimetsaicohuo' ima' man-Dios.

Illanc' oxanuc', ima' malanDios, ilque lixoc'i'monga' acueca' calata.

Alnes'me: “Illanc' ixanuc' Israel, ilque alpiya' xans”.

³³ José jouc'a qui'máma' Jesús ticuayi: “¿Te copalaicocopa tołta'a ła'hua? Aicalcueca'.”

³⁴⁻³⁵ Simeón ipaxne'mola', timi María qui'máma':

—LanDios joupa ixpic'epa lo'iya ilca'a ło'hua. Ummepa fa'a li'a łamats' LanDios tipa'a lomuc'iyacola' lan xanuc'. Ilne aimepenufyacu, tinesc'e'me. Ima' jouc'a totelco'ma acueca' cumla, toxim'ma to lix'ay al cutsilo titsufai'ma łomunxajma', tixcai'e'mo'.

'Hualca aimetenłcocoyacola' ło'hua, ilne tejac'mola'. Hualca tetenłcoco'mola', ilne tuyalaico'me al c'a. Jiłpe tixinim'me te ts'ic' liłpicuejma' axpela' lan xanuc', ilne ixanuc' Israel. Timuj'mołtsi ja'ni ac'a o ja'ni ixcay liłpicuejma'.

³⁶ Ihniya łitiné tipa'a jiłpiya al cuecaj xoute' anuli łaca'no' lipuftine Ana. Qui'ailli' cuftine Fanuel, joupa imanapa. Litatahuelo cuftine Aser. Łaca'no' Ana aprofeta, tuya'e' lixp'ic'epa LanDios. Joupa itojnapa caca'no'. Ilque Ana apotsate, ilecopołtsi lipe'ailli' acaitsi camats', joupa imanapa. ³⁷ Itsiya ixhuaita amalpuj nuxans malpuj camats' apotsate. Aimipamma al cuecaj xoute'. Itine ipuqui' jiłpiya texc'onłu. Aimitesma, tipalaic'o LanDios. ³⁸ Mipalay tołta'a Simeón icuaitsi jiłpiya Ana. Ixintsi łahuac'hua Jesús, ix'najtsi'i'ma LanDios.

Jilpe al cuecaj xoute' timana' lan xanuc' ts'ih'huaijma LanDios tunlu'ela' lipiŷya' Jerusalén. Ticuayi: “Aimaŷcuxecona'monga' la'eponga' laic’”. Ana ipalaic'o'mola' jahuay ihniya, ipalaico'ma Jesús.

³⁹ Jilpe al cuecaj xoute' José y María i'e'me locuxepa LanDios, enant'lipá jahuay. Lijou'ma ipailinamma, icuaitsa Nazaret lipiŷya' lopa'a al distrito Galilea. ⁴⁰ Lamijcano ti'hua titoqui, jouc'a lipicuejma'. LanDios ti'hua tipaxne.

⁴¹ Amats' amats' micuaita al juic Pascua José jouc'a qui'máma' Jesús tiyeyi liŷya' Jerusalén. ⁴² Ixhuaitsi Jesús imbamaj coque' lemats' itse'me al juic ma to li'ejma'. Ileo'me Jesús. ⁴³ Lijou'ma al juic Jesús ipanenni Jerusalén. José y qui'máma' Jesús aiqiuŷsina'. Tiyeyi lane ticuainata lipiŷya'. ⁴⁴ Ticuayi: “Laŷpimaye iŷejmale Jesús”. Anuli litine tiyeyi lane. Lijou'ma ehue'me Jesús. Ehue'me pe loyepa lipimaye, jouc'a limetsaicoyoŷtsi. ⁴⁵ Aiquixim'me. Ipailiconamma. Icuaicontsa Jerusalén ehuetŷa jilpe. ⁴⁶ Ehuehuo'me afane' quitine.

Ixinghuona'me jilpe al cuecaj xoute' pe lomana' lan tsilaj comxiye. Tiquimf'ela', ticuis'ela'. ⁴⁷ Jahuay noquimf'epá timiyoyŷtsi: “¡Xinŷa! Acueca' lipicuejma'. Ac'a juaiconapa titalai'e.” ⁴⁸ Lixim'me qui'máma' y José ticuayi: “¿Te qui'ipa? ¿Te co'ecopa toŷta'a?” Quimáma' timi:

—Mai'hua, ¿te caŷ'ecoponga' toŷta'a? Co'ailli' jouc'a iya' juaiconapa lahuehuo'. Aŷsueŷcoyi juaiconapa.

⁴⁹ Jesús timila':

—Imanc', ¿te calahuecopa? Ticuicomma iya' capajm'ma lejut'ŷ cai'Ailli'. ¿Te aga aicoŷsina' iŷta'a?

⁵⁰ Ihniya aiqiuŷcuc'e lomipola'.

⁵¹ Lijou'ma, iyena'me jouc'a Jesús. Icuainatsa lipiŷya' Nazaret. Jesús ihuejco'mola'. Qui'máma' aiqumenc'ecojma li'ipa. Jahuay i'huejpa lipicuejma'.

⁵² Jesús ti'hua titoqui. Ti'hua ti'i xonca acueca' lipicuejma'. Etenŷcoco'ma LanDios, lan xanuc' jouc'a etenŷcoco'mola'.

3

¹⁻² Juan, i'hua Zacarías, mipa'a pe ailopa'a quilya' LanDios ipalaic'o'ma, u'i'ma te ts'i'ic' lo'eya. Ihniya litiné ixhuaitsi imbamaj maque' camats' micuxe cal cuecaj quincuxepa cuftine Tiberias César. Poncio Pilato ticuxe al distrito Judea; Herodes ticuxe al distrito Galilea; Felipe ipima Herodes, ticuxela' lan distrito Iturea jouc'a Traconite. Lisancias ticuxe al distrito Abilinia.

Mimana' lan tsila' la'ailli' Anás y Caifás LanDios ipalaic'opa Juan. ³ Juan ihuejcopa limipa LanDios, ipanamma pe lopa'a, ti'hua jahuay lamats' lemaj panaj Jordán. Tuya'e', tu'ila' lan xanuc':

—Toŷsuej'menanca loŷ'epa lixcay. Tijouŷa' capo'i'molhuo'. LanDios tiŷonc'e'ena'molhuo' loŷjunac'.

⁴ Luyaipa quitine cal profeta Isaías inescopa Juan, uya'a'ma te ts'i'ic' lo'eya iŷque. Toŷta'a tuya'e' litaiqui' liniŷingiya lije'e, ticua:

Petsi ailopa'a quilya' tuya'e' anuli cal xans, tu'ila' lan xanuc':

“Toŷhanc'ete lipene laŷPoujna, toŷ'e'ete aŷijca lane pe loyaicoya.

⁵ Jahuay hicolhuay tima'nim'me, jahuay hijualay ti'oquehuo,

lan juentsolay laneya ti'ina'mola' hijca,

laneya petsi juaiconapa capic, tilajn-na'mola'.

⁶ Jahuay lan xanuc' tixim'me LanDios munlu'ela' lixanuc'.”

⁷ Icuaiyunca axpela' lan xanuc' iŷpic'a tepo'itsola' Juan. Juan timila':

—Imanc' ti'onŷcospolhuo' to lacaŷpo'. A'ijc'a lonŷejma'. ¿Naiŷsi limipolhuo' toŷcuaiyunca tolapoŷe? Imanc' toŷcuayi: “Lapo'itsonga'. Toŷta'a aimatŷco'me al cueca' cateŷcoya locuaicoya.”

⁸ 'Iya' camilhuo': Ja'ni ołpic'a tolunłul—le, tonł'ele al c'a ma to mi'eyi petsi al linca lix-huej'menamma. Aimołnescona'me: "Abraham ałtatahuelo. Iłque aimalacani'eyacong'a." Camilhuo': ŁanDios aimehue'e' lixanuc'. Iłna'a lopic' nipajnya ti'e'e'mola' inaxquej Abraham. ⁹ ŁanDios ti'onłicolhuo' to al 'ec. Joup'a ipo'nomp'a łatef'conyacu huejnca łime al 'ec. Ja'ni ixcay łi'as, tixanc'onata łunga.

¹⁰ Lan xanuc' icuis'e'me, timiyi:

—¿Te cał'eyacu illanc'?

¹¹ Juan italai'e'e'mola', timila':

—Ja'ni tipa'a oque' lotsamalo, anuli tommi'ila' petsi aiqui'hueca. Ja'ni tipa'a łofteja, tapi'i'ma pe ailopa'a coteja.

¹² Jouc'a icuaiyunca lin'najts'i'iyale, iłpic'a tepo'itsola' Juan. Icuis'e'me, timiyi:

—Momxi, illanc', ¿te cał'eyacu?

¹³ Juan timila':

—Toł'najtsi'iyalełe al łijca. Aimołfel'miyale'me.

¹⁴ Jouc'a lan soldado icuaiyunca, icuis'e'me, timiyi:

—İllanc', ¿te cał'eyacu?

Timila':

—Aimołnantsej'mola' lan xanuc'. Aimołcuf'mola' lan xanuc' petsi ailopa'a co'epa. Tetenłcocotsolhuo' lo'najtsempolhuo'.

¹⁵ Lan xanuc' timiyoltsi:

—¿Te co'iya itsiya? ¿Naitsi xans iłca'a Juan? ¿Te iłca'a aCristo, iłque Łommeja ŁanDios?

¹⁶ Juan timila':

—Iya capo'icolhuo' aja'. Ticuaihuo ocuena iłque xonca acueca'. Iya' aimał'onłspa to iłque. Aimi'iya cuhuał'e'eya lic'ejí'. Iłque tepo'ico'molhuo' cal Espíritu Santo jouc'a łipał cunga. ¹⁷ Iłque ticuaiyunni ti'onłcospa to cal xans nofusya łitriego. Ti'noł'ma lofuscoya, tequeyaf'ma łitriego, tiłojm'ma łipifuc cal trigo. Cal c'a trigo ti'huejnata lihua. Łipifuc tipi'enghua petsi łunga aimipica.

¹⁸ Tołta'a Juan ixc'ai'i'mola' lan xanuc'. Ti'hua tixc'ai'ila'. Jouc'a tu'ila' Lataiqui' loya'apa iłe al c'a lixpíc'epa ŁanDios. ¹⁹ Juan jouc'a ixc'ai'i'ma Herodes. Iłque Herodes exic'e'epa łipeno łipima. Łaca'no' cuftine Herodías. Juan itale'ma Herodes tołta'a li'epa. Jouc'a titale jahuary nixpiya lo'epa. ²⁰ Herodes i'e'ma xonca acueca', itats'etsi Juan, i'nicotsi lacarza.

²¹ Ai'a titats'em'me Juan iłque tepo'ila' lan xanuc'. Mepo'iyale icuaitsi Jesús. Jouc'a epo'i'ma. Jesús mijoc'i ŁanDios eximma lema'a. ²² Cal Espíritu Santo imunni ihuoxaf'caitsi Jesús. Iłque cal Espíritu lixans to anuli cal ja'mu'. Lema'a tipalay, timinni Jesús:

—İma' ai'Hua ca'ehuo' capic'a juaiconapa. Latenłma lopicuejma' jouc'a lo'ejma'.

²³ Lipango'ma Jesús lipenic' ixhuaita to anuxans quimbama' łemats'. Lan xanuc' ticuayi i'hua José. Łi'ahuelo José cuftine Elí.

²⁴ Elí i'hua Matat,

Matat i'hua Leví,

Leví i'hua Melqui,

Melqui i'hua Jana,

Jana i'hua José,

²⁵ José i'hua Matatías,

Matatías i'hua Amós,

Amós i'hua Nahum,

Nahum i'hua Esli,

Esli i'hua Nagai,

²⁶ Nagai i'hua Maat,

Maat i'hua Matatías,

Matatías i'hua Semei,
Semei i'hua Josec,
Josec i'hua Judá,
²⁷ Judá i'hua Joanán,
Joanán i'hua Resa,
Resa i'hua Zorobabel,
Zorobabel i'hua Salatiel,
Salatiel i'hua Neri,
²⁸ Neri i'hua Melqui,
Melqui i'hua Adi,
Adi i'hua Cosam,
Cosam i'hua Elmodam,
Elmodam i'hua Er,
²⁹ Er i'hua Josué,
Josué i'hua Eliezer,
Eliezer i'hua Jorim,
Jorim i'hua Matat,
³⁰ Matat i'hua Leví,
Leví i'hua Simeón,
Simeón i'hua Judá,
Judá i'hua José,
José i'hua Jonam,
Jonam i'hua Eliaquim,
³¹ Eliaquim i'hua Melea,
Melea i'hua Mena,
Mena i'hua Matata,
Matata i'hua Natán,
³² Natán i'hua David,
David i'hua Isaí,
Isaí i'hua Obed,
Obed i'hua Booz,
Booz i'hua Sala,
Sala i'hua Naasón,
³³ Naasón i'hua Aminadab,
Aminadab i'hua Admin,
Admin i'hua Arni,
Arni i'hua Esrom,
Esrom i'hua Fares,
Fares i'hua Judá,
³⁴ Judá i'hua Jacob,
Jacob i'hua Isaac,
Isaac i'hua Abraham,
Abraham i'hua Taré,
Taré i'hua Nacor,
³⁵ Nacor i'hua Serug,
Serug i'hua Ragau,
Ragau i'hua Peleg,
Peleg i'hua Heber,
Heber i'hua Sala,
³⁶ Sala i'hua Cainán,
Cainán i'hua Arfaxad,
Arfaxad i'hua Sem,
Sem i'hua Noé,

Noé i'hua Lamec,
³⁷ Lamec i'hua Matusalén,
 Matusalén i'hua Enoc,
 Enoc i'hua Jared,
 Jared i'hua Mahalaleel,
 Mahalaleel i'hua Cainán,
³⁸ Cainán i'hua Enós,
 Enós i'hua Set,
 Set i'hua Adán,
 Adán i'hua ŁanDios.
 Joupa icula'apa.

4

¹ Jesús ipainamma pe lopa'a al panaj Jordán, cal Espíritu Santo ticuxe lipicuejma'. Małque cal Espíritu i'hua'a'ma pe ailopa'a quilya', ailopa'a xanuc'. ² Mipa'a jilpe łonta'a Satanás ehua'ima. Oquej nuxans quitine oquej nuxans quipuqui' icol'ma lehuaipa. Jahuay ihniya łitiné aiqutesma. Lixhuaitsi ihne łitiné unle'enni juaiconapa. ³ Łonta'a timi:
 —Ima' ja'ni i'Hua ŁanDios tocuxe'etsi ilca'a łapic. Tomiła': “To'exoxi ca'i”.

⁴ Jesús italai'e'e'ma, timi:

—Al Paxi Linilingiya ticua: “Łoteja cal xans aimites'miya lipitine. Ticuicomma jouc'a jahuay litaiqui' lonespa ŁanDios.”

⁵ Lijou'ma łonta'a ileco'ma anuli li'nof'quiya quijuala. Jilpe imuc'i'ma nulemma jahuay lan tsilaj nación lomana' li'a łamats'. ⁶ Timi:

—Capi'i'mo' comane, tocuxena'ma jahuay ihna'a. Timetsaicom'mo' umcuecaj xonca. Itsiya iya' cacuxela', joupa lapi'impa laimane. Ja'ni caxpic'eła' ticuxela' ocuena iya' capi'i'ma quimane, ilque ticuxena'ma. ⁷ Ima' ma le'a laxc'onłingaiła', tijouła' tocuxena'ma jahuay.

⁸ Jesús italai'e'e'ma, timi:

—Ima' monta'a to'huanła'. Al Paxi Linilingiya ticua: “Taxc'onłingaiła' ŁanDios, ilque omenDios. Ma le'a ilque tomi'ma: Ima' umCueca'.”

⁹ Lijou'ma łonta'a i'hua'a'ma liya' Jerusalén. Icuai'etsi pe lopa'a al cuecaj xoute', xonca al toncay. Jilpe ecaxu'ma, timi:

—Ima', ja'ni i'Hua ŁanDios taiyuła' al 'ocay. ¹⁰ Al Paxi Linilingiya ticua: ŁanDios tumme'mola' lepaluc' quema'a, titoc'i'mo', ti'e'mo' cuenna.

¹¹ Tipulnuf'mo' liłmane, tołta'a lapic' cane ailopa'a co'eyaco'.

Aimixcai'eyaco'.

¹² Jesús italai'e'e'ma, timi:

—Jouc'a ticua: “Aimahuai'ma ŁanDios; ilque omenDios.”

¹³ Łonta'a lijou'nepa lehuaipa Jesús ipo'nona'ma quituca'. Aimehuaiconaya.

¹⁴ Jesús ipainamma, icuaita al distrito Galilea. Jilpe ixinguf'moxi acueca' lipaxnepa cal Espíritu Santo. Jilpe łamats' ni petsi lomana' lan xanuc' ihniya icuej'me lo'epa, lonespa Jesús. ¹⁵ Łajut'li pe lafołyomma lan xanuc' judío, jilpiya timuc'iyale. Jahuay ticuayi ac'a lipicuejma'.

¹⁶ Icuaitsi liya' Nazaret pe litojyopa. Jilpe i'e'ma ma to mi'ay. Litine conxajya itsufai'ma lajut'ł pe lafołyomma lan xanuc'. Ecax'ma tixhue'ma al Paxi Linilingiya.

¹⁷ Ini'im'me lijuisquiya je'e linilingiya litaiqui' cal profeta Isaías. Ux'malaif'ma al je'e, tixhuef'i'mola' linilingiya, ticua:

¹⁸ ŁanDios alapi'ipa li'Espíritu Santo.

Ał'huij'epa, ałfajpa cu'itsola' Lataiqui' loya'apa ilē al c'a lixp'epa ŁanDios.

Tiquimf'ełe lan xanuc' pe aiqul'hueca.

Lummepa camitsola' litats'ila': “Cuhuałna'molhuo”.

Jouc'a cu'itsola' lan fohue: “Caxa'mena'molhuo', tolahuetsalena'me”.

Pe noximpá ipime lapajnya quilonc'e'e'mola' cal cunta.

¹⁹ Alummepe camitsola' lan xanuc': “Itsiya linca LanDios titoc'i'molhuo', tepenuf'molhuo”.

²⁰ Lijoupa lu'ipola' ihiya, ijuitsaf'ina'ma al je'e, ini'ina'ma notoc'iyalepa jilpe lajut'í. Icutshuaina'ma. Jahuay nomana' jilpe lajut'í tehuelojnyi Jesús. ²¹ Itque timila':

—Imanc' joupa otcuejpá ile laixhuepa. Itsiya enant'copa jile lataiqui' linihiya.

²² Jahuay eten'coco'mola' lonespa Jesús. Icuaitsi quipic'a. Ticuis'eyo'ltsi, timiyolt'si:

—Itque, ¿te ma ainca i'hua José? o ¿a'i?

²³ Jesús timila':

—Imanc' a'ni'ma: “Ima' oxina' lafxi, jtoxa'mexoxi cotuca'!” A'ni'ma: “A'cuejpá lo'epa liya' Capernaum. Jouc'a to'ela' to'la'a jifa'a lopiya'.”

²⁴ Jouc'a timila':

—Iya' camilhuo' al linca: Ja'ni anuli cal profeta ticuaitsi ma lipiya', aimepenufyacu.

²⁵ 'Litiné lipajmpa cal profeta Elías fa'a li'a lamats' uyaipa afane' camats' y onca aiqicuic'. Jahuay lamats' i'ipa cumemma. Jilpe lamats' Israel pe lopa'a Elías timana' axpela' laca'no' lam potsateya. ²⁶ LanDios aicummaic' Elías pe lomana' ihiya laca'no'. Umme'ma ti'hua' locuenaj nación, liya' Sarepta, pu'hua titoc'ita anuli laca'no' apotsate. Ie liya' Sarepta ahuejnca al cuecaj quilya' cuftine Sidón.

²⁷ 'Litiné lipajmpa cal profeta Eliseo fa'a lamats' Israel, timana fa'a axpela' lan xanuc' tite'coyi al cuana lepra. Ihe lafcuallay ailopa'a quixa'copa. Anuli lafcuana cuftine Naamán qui'huayomma ocuena camats' cuftine Siria, linca ixal'cona'ma itque.

²⁸ Liquimf'epa to'la'a locuapa Jesús lan xanuc' nomana' jilpiya lajut'í, jahuay ixtulencia juaiconapa. ²⁹ Itsolinanca, i'no' me Jesús, ipa'a me lema quilya'. Liya' copa'a letefcaic' quijuala. I'hua'a me li'huesa hijuala, teca'nita liculhuo. ³⁰ Jesús uyaico'ma nolojmay xanuc', i'huana'ma.

³¹ Icuaitsi liya' Capernaum, lopa'a al distrito Galilea. Litine conxajya imuc'i'mola' lan xanuc'. ³² Imetsaico'me acueca' comxi. Ixim'me tipa'a limane, al c'a timuc'iyale.

³³ Lajut'í pe lafo'yomma lan xanuc' jilpe tipa'a anuli cal xans itsufaipa conta'a. Cal xans ija'a'ma ujfxi, timi Jesús:

³⁴ —Ima' cunJesús, mas Nazaret, ¿te cotsufaicomma pe lamana' illanc'? ¿Ja'ni ocuaiy-oco'ma aljou'netsonga'? A'po'notsonga' ca'luca'. Iya' nimetsaicohuo' nait'si ima'. Ima' umPaxi, co'huayomma LanDios.

³⁵ Jesús itale'ma lonta'a, timi:

—¡Ti-ch'ixcotso! ¡Taipanni ilca'a cal xans!

Mehuelojnyi jahuay lan xanuc' lonta'a eca'ni'ma cal xans lamats', ipananni. Aiquixcai'e cal xans. ³⁶ Lan xanuc' ixpailij'mola', timiyolt'si:

—¿Te cataiqui' jilta'a? Itque cal xans ti'hua limane ticuxe'ela' lontahue, ihiya tilipal-namma.

³⁷ Jahuay ile lamats' ni pet'si lomana' lan xanuc' icuej'me lo'epa jouc'a lonespa Jesús.

³⁸ Jesús ipanni jilpe lajut'í pe lafo'yomma lan xanuc'. I'hua'ma itsufai'ma lejut'í Simón. Jilpe hi'maco Simón tunouya textafque, tepi'i linu' juaiconapa. Ixa'hue'me Jesús titoc'ila' jilque laca'no'. ³⁹ Jesús icuait'si pe lopa'a laca'no' laxtafpa, ic'ommai'ma itale'ma lipinu'. Lipinu' ilojn-na'ma. Aiquico' ma, laca'no' itsahuenanni, ites'mi'mola' lan xanuc'.

⁴⁰ Joupa if'aco'laipa cal 'ora, lan xanuc' ihejma jahuay lilefcuallay pe lopa'a Jesús, ituca' ituca' li'cuana. Jesús ixpayaf'mola' anuli anuli, ixal'mena'mola'. ⁴¹ Axpela' lontahue ipalumma lafcuallay. Ihe lontahue tija'ayi timiyi:

—Ima' i'Hua LanDios.

Jesús itale'mola'. Timila':

—Aimoluya'acona'me to'la'a.

Iñiya ìksina' naitsi Jesús, ìlque cal Cristo.

⁴² Lihuequi litine ìlic'ejma Jesús ipanni i'hua'ma petsi ailopa'a quíya'. Lan xanuc' tehueyi. Ixim'me, timiyi:

—Aimo'huana'ma, topajñla' fa'a laṗiya'.

⁴³ Jesús timila':

—Iya' ai'huanapa cuyaicota ocuenaye quíleloya'. Jouc'a cu'itola' ìniya lan xanuc': “ŁanDios cal Rey tijoc'ila' lixanuc' tihuejcoṗe”. ŁanDios alummepa toṗta'a ca'eṗa'.

⁴⁴ Lijou'ma i'huana'ma. Jiṗiya ìlemats' lan xanuc' judío ni petsi lomana' lajut'li pe lafoṗyomma lan xanuc' ti'hua tuya'e' Lataiqui' loya'apa ìe al c'a lixpíe'epa ŁanDios.

5

¹ Anuli litine Jesús tecaxu ṗema al cuecaj quin'nuhua' Genesaret, jouc'a lacui'impá lin'nuhua' Galilea. Axpela' lan xanuc' efoya jiṗiya tiquimf'eyi mu'ila' litaiqui' ŁanDios. Titants'iyi Jesús. ² Jesús ixim'ma tipa'a oque' lam barco jiṗe ṗema caja. Liṗoujñalá ailomana', imulumma tipajyi ìṗxami. ³ Jesús if'aj'ma anuli al barco, ìe libarco Simón. Ixahue'epa Simón tiṗoc'ai'eṗa' nihuata libarco. Toṗta'a i'e'ma. Jesús micutsu jiṗe al barco timuc'ila' lan xanuc' nomana' ṗema caja.

⁴ Lijoupa limuc'iyalepa, timi Simón:

—Ima' jouc'a lof'as lin'noṗá catuye toṗhua'aṗe al barco. Toṗcuaitsa nolojmay caja tolacajm'mita ṗxami, ti'nijmoṗaita latuye.

⁵ Simón italai'e'e'ma, timi:

—Momxi, aṗepá canic' jahuary lipuqui'. Aical'noṗi. Itsiya ima' aṗminga': “Tolacajm'mita ṗxami”. Ne', ima' aṗcuxe'enga', lihuejco'mo'. Cacuxe'etola' laipin'noṗá catuye tecajm'mita ìṗxami.

⁶ Ecajm'mihuo'me ìṗxami, imantsi catuye, coṗa' tits'aṗquehuo. ⁷ Liṗ'as quin'noṗá catuye timana' locuenaj barco. Simón jouc'a liṗejmale ijoc'i'me ìniya ticuaiyunca titoc'im'mola'. Icuaitsa imantsola' catuye loquej lam barco. Juaiconapa icuntaj'mola' lam barco, coṗa' ti'nijmoṗecu laja'. ⁸ Lixim'ma toṗta'a Simón Pedro exc'onṗingai'ma li'mitsi' Jesús, timi:

—Maipoujna, aṗo'noṗa' caituca'. Iya' ninxans juaiconapa acueca' laijunac', catay calaic'ata maṗejmaleyacu.

⁹ Simón jouc'a liṗejmale nomana' jiṗe libarco ixpailij'mola' juaiconapa liximpá i'noṗ'me axpela' latuye. ¹⁰ Liṗejmale Simón nomana' locuenaj barco, ìne Jacobo y Juan inaxque' Zebedeo, jouc'a ixpailij'mola'. Jesús timi Simón:

—Aimixpaij'mo'. Capi'i'mo' locuena copenic'. Aimahueconayacola' latuye. Tahuetola' lan xanuc' lihuejla' iya'.

¹¹ I'hua'a'me liṗbarco ṗema caja. Ipo'no'me jahuary, ihuej'me Jesús.

¹² Mipa'a Jesús anuli liya' icuaiyunni anuli cal xans tipa'a licuana cuṗtine lepra. Jahuary licuerpo imanna cahuí. Ixim'ma Jesús ic'ommof'cai'ma ṗamats', tixahue'e titoc'ila', timi:

—Maipoujna, ima' nipajnya latufc'enṗa', caxinxoxi aṗ'inṗa' limpio. ¿Ja'ni to'e'ma?

¹³ Jesús i'nij'ma limane, ìṗaf'ma ṗafcuana, timi:

—Ca'e'ma, ti'intso' limpio.

Aiquicoṗ'ma ìjojn-na'ma lehui. ¹⁴ Jesús ixc'ai'i'ma, timi:

—Aimo'itola' lan xanuc' te ts'i'ic' li'ipo'. Nij naitsi mi'iya quixina'. To'huaṗa', tomujxoxi ṗa'ailli'. Moisés joupa icuxepa te ts'i'ic' mitsufcoyacu ìniya pe lixaṗconapola' liṗcuana ìe alepra, ima' totsufcotsi jouc'a. Toṗta'a aṗsim'monga' lihuejcoyi ìe litaiqui'.

¹⁵ Tama Jesús timi: “Nij naitsi mi'iya quixina'”, lan xanuc' xonca icuej'me lo'epa. Icuaiyunca axpela' lan xanuc'. Iṗic'a tiquimf'eṗe Jesús lomuc'iyalepa, iṗic'a tixaṗmenatsola' liṗcuana. ¹⁶ Camna, camna Jesús tijuc'iyoxi. Itsehuo'ma pe ailopa'a quíya', pe ailopa'a xanuc', jiṗe tipalaic'o qui'Ailli'.

¹⁷ Anuli litine timuc'ila' lan xanuc'. Jilpe timana' lan xanuc' fariseo, jouc'a lomxiye nomuc'iyalepá locuxepa ÆanDios. Iñiya quiyouyomma jahuary hileloŷya' al distrito Galilea, jouc'a al distrito Judea, jouc'a al cuecaj quiŷya' Jerusalén. Jilpiya ÆanDios timuqui lipepaxi, Jesús tixaŷ'menala' lafcualŷay.

¹⁸ Icuaiyunca hualca lan xanuc' iltaic' anuli hahuaqueya xans, tunaf'ya hihuijm-ma'. Ehue'me te co'iya muyai'eyacu hilepfcuana ticuai'etsa pe lopa'a Jesús. ¹⁹ Jilpe efot'leyoŷtsi axpela' lan xanuc' aimi'iya mitsufai'eyacu. If'ajli'me al toncay lajut'ŷ, enai'e'me luhua'e cajut'ŷ, jilpiya ecajnco'me hahuaqueya xans. Ecajmpá to qui'ic' hihuijm-ma' nolojmay xanuc', maŷpe pe lopa'a Jesús. ²⁰ Jesús ixim'mola' ti'huauijnyti tixaŷ'mena'ma cal xans, timi:

—Maipima, lojunac' joupa iloŷjn-napa.

²¹ Lan xanuc' fariseo jouc'a lomxiye nomuc'iyalepá locuxepa ÆanDios ticuayi hilepicuejma': “¿Naitsi ilca'a cal xans? Ti'e'eyoxi to ÆanDios. Ma le'a ÆanDios tilonc'e lajunac', ilca'a a'i.” ²² Jesús ixina' toŷta'a ticuayi hilepicuejma'. Icuais'e'mola':

—Imanc', ¿te coñescopa toŷta'a loŷpicuejma'? ²³ ¿Ja'ni toŷsinyi ipime iliya laimipa cal xans: “Lojunac' joupa iloŷjn-napa”? Ja'ni camila': “Totsahuenni, to'huaŷa”, ¿te toŷsim'me a'i quipime ile lataiqui'? ²⁴ Itsiya camuc'i'molhuo' icueya laimane. Iya' ilque cal Xans Æiximpa cal profeta pu'hua lema'a. Ma capa'a fa'a li'a lamats' ti'i'ma quilonc'e'e'mola' hilejunac' lan xanuc'.

Timi hahuaqueya xans:

—Totsahuenni. Tonif'la' lohuijm-ma'. To'huanŷa' lomejut'ŷ.

²⁵ Mehueloŷnyti jahuary lan xanuc' aiquicoŷ'ma, cal xans itsahuenanni, eacaxna'ma. Inif'ma hihuijm-ma', i'huaana'ma lejut'ŷ, tix'najtsi'i ÆanDios. ²⁶ Jahuary nomana' jilpe lajut'ŷ tocomma tipailo hilepicuejma'. Ixim'me juaiconapa acueca' li'e'ma Jesús. Ix'najtsi'i'me ÆanDios. Ixpailij'mola', timiyoyŷtsi:

—Itsiya aŷsimpá acueca' li'ipa.

²⁷ Jesús ipanni jilpe i'hua'ma, ixim'ma anuli lin'najtsi'iyale cuftine Leví, ticutsu pe lo'najtsi'iyaleyompa. Jesús timi:

—Lihuejla'.

²⁸ Leví itsahuenni, ipo'no'ma jahuary, ihuej'ma Jesús.

²⁹ Jilpe lejut'ŷ Leví i'eyo'ma lijuic Jesús. Jilpe Jesús titetsoyi ts'ilihuequi jouc'a axpela' lin'najtsi'iyale jouc'a ocuenaye xanuc'. ³⁰ Jilpiya timana' lan xanuc' fariseo jouc'a lomxiye nomuc'iyalepá locuxepa ÆanDios, iñiya tihuejcoyi hilejma' lam fariseo. Tix-tuc'oyi Jesús. Timinnila' ts'ilihuequi:

—Imanc', ¿te coŷtetsocopa, te coŷsnacopa anuli lin'najtsi'iyale y locuenaye lan xanuc', ilne aimihuejcoyi locuxepa ÆanDios?

³¹ Jesús italai'e'e'mola', timila':

—Lan xanuc' pe ailopa'a quilecuana aimicuicomma no'eyacola' cafxi. Laxtafpola' linca ticuicomma no'eyacola' cafxi. ³² Iya' aicuaicoco'ma cajoc'itsola' ts'iltaic' quilejunac', tixhujmenanca. Aicajoc'ila' pe ailopa'a quilejunac'.

³³ Lijou'ma, timiyi Jesús:

—Ts'ilihuequi Juan itine itine tixnet'ŷyi, aimitetsoyi, tijoc'iyi ÆanDios. Ma' anuli lo'epa ts'ilihuequi lam fariseo. Ima' ts'ihuejhuo' aimixnet'ŷyi, titetsoyi, tixnayi, ma to lo'epa jahuary lan xanuc'.

³⁴ Jesús italai'e'e'mola', timila':

—Mipa'a namaneya, ¿te ticuxe'e'mola' hilejmale aimitetso'me? ³⁵ A'i. Ticuaitsi litine tilonc'e'enatsola' namaneya, ilne hilejmale timanecu quileuca', iñiya litiné linca tixnet'ŷme, aimitetsoyacu.

³⁶ Jesús ti'hua timuc'ila'. Ipango'ma i'onŷico'ma lomuc'iyalepa. Timila':

—¿Te tolipa'a'me tutani anuli al ts'e lołpijahua', tolanajmot'lico'me lafane lołpijahua'? A'i. Ailopa'a no'eya tołta'a. Ja'ni tołta'a tonf'ele aimetenłcocoya lafane lijahua'. Aimi'eya quipenic' ni lafane ni al ts'e.

³⁷ Jouc'a aimołc'ej'miyacu al ts'ej vino lafane' pontalay quixmi. Ja'ni tołta'a tonf'ele al ts'e vino tits'al'mola' lafane' pontalay quixmi, tic'ejaiquehuo al ts'ej vino, timinsco'mola' lixmi. ³⁸ Al ts'ej vino tołc'ej'mi'me al ts'ej ponta quixmi. ³⁹ Jouc'a camilhuo': Pe noxnapa litojpa vino aiquipic'a al ts'ej vino. Ticua: “Xonca ac'a litojpa vino”.

6

¹ Anuli litine conxajya Jesús jouc'a ts'ilihuequi tuyalaicoyi nolojmay cal trigo. Ts'ilihuequi ipa'apá lixpaj cal trigo, untaijco'me liłmane, ite'me. ² Hualca lan xanuc' fariseo icuis'em'mola' ts'ilihuequi Jesús, timinnila':

—Imanc', ¿te col'ecopa tołta'a? Ailopa'a lane mi'enyacu tołta'a. Itsiya itine conxajya.

³ Jesús italai'e'e'mola', timila':

—¿Te aga aicołsuec' li'epa David anuli litine tunle'eyi jouc'a liłejmale? ⁴ Itsufai'ma lejut'ł LanDios. Epenuf'ma lam paxi ca'i lopa'a jiłpe, iłque la'i i'huexi LanDios. Lan xanuc' aimi'iya mitejacu, ma le'a la'aillí tite'me. Linca David ite'ma, epi'i'mola' liłejmale, jouc'a ite'me. ⁵ Iya' iłque cal Xans Liximpa cal profeta pu'hua lema'a. Iya' naPoujna. Iya' caxpic'e te ts'i'ic' lo'eyacu laixanuc' litine conxajya.

⁶ Ocuena quitine conxajya Jesús timuc'iyale lajut'ł pe lafołyomma lan xanuc'. Jiłpe tipa'a anuli cal xans ijułpa al c'a quimane. ⁷ Jiłpe timana' lan xanuc' fariseo, jouc'a lomxiye nomuc'iyalepá locuxepa LanDios. Tehuelaifyi Jesús. Ticuayi: “Itsiya itine conxajya. Aga tixał'meyale'ma. Ja'ni tołta'a ti'ela', ałcufta.” ⁸ Jesús ixina' locuapa iłne liłpicuejma'. Timi cal xans lijułpa quimane:

—Totsahuenni. To'huanni. Tacaxla' jifa'a.

Cal xans itsahuenni, i'hua'ma, ecax'ma jiłpe limipa Jesús. ⁹ Jesús timila':

—Ałtalai'e'ela' imanc'. Litine conxajya, ¿te ts'i'ic' cal'eyacu? ¿Te ts'ipic'a LanDios? ¿Ał'e'me al c'a o ał'e'me lixcay? ¿Lunłu'e'me anuli cal xans? O ¿alacani'e'me?

¹⁰ Jesús ehuelojm'mola' lan xanuc' micutshuołanna jiłpiya. Timi cal xans:

—To'nijla' lomane.

Cal xans i'nij'ma limane, ixałcona'ma nulemma. ¹¹ Lan xanuc' fariseo jouc'a lomxiye nomuc'iyalepá locuxepa LanDios ixtulencia juaiconapa. Ipalaic'o'mołtsi, timiyołtsi: “¿Te cal'e'eyacu iłque cal xans Jesús?”

¹² Iłniya litiné Jesús if'aj'ma lijualay tipalaic'ota LanDios. Iłpe ipanenni jahuay lipuqui', tipalaic'o LanDios. ¹³ Joupá epalc'opa ijoc'i'mola' ts'ilihuequi ticuaiyunca pe lopa'a. I'huif'e'mola' imbamaj coquexi'. Iłniya ecui'i'mola' lan apóstole. Liłpuftine iłniya:

¹⁴ Simón, Jesús ecui'i'ma locuena quipuftine, iłe aPedro. Andrés, iłque ipima Simón.

Jacobo jouc'a Juan, Felípe jouc'a Bartolomé,

¹⁵ Mateo jouc'a Tomás, Jacobo iłque i'hua Alfeo, jouc'a locuena Simón. Ate'a iłquiya Simón anuli liłpicuejma' lan xanuc' nocuapá: “Lunłu'e'me łalamats”.

¹⁶ Judas, iłque i'hua anuli cal xans cuftine Jacobo, jouc'a Judas Iscariote, iłque nocuya Jesús.

¹⁷ Jesús jouc'a ts'ilihuequi imulnanca lijuala. Icuaiyunca lihuojma, ecaxma jiłpiya Jesús. Jiłpe timana' axpela' ts'ilihuequi Jesús jouc'a axpela' lan xanuc', iłniya quiyouyomma ni petsi al distrito Judea, jouc'a quiyouyomma al cuecaj quiłya' Jerusalén, jouc'a łamats' łema caja pe lopa'a liłelołya' Tiro y Sidón. Icuaiocco'me tiquimf'ele litaiqui' Jesús, tixał'menatsola' liłcuana. ¹⁸ Lotel'mipola' łonta'a, ixałcona'mola'. ¹⁹ Lafcuallay noxpayaf'pá Jesús tixingufyi lipepaxi. Jahuay lafcuallay ixałcona'mola'. Totiya jahuay lan xanuc' tehueyi tixpayaf'le Jesús.

²⁰ Mehuelongila' ts'ilihuequi Jesús timila':

—Imanc', ja'ni ailopa'a coł'hueca, linca tuluyalaicoyi al c'a. Pe lołmana' tipa'a ŁanDios cal Rey, tołmana' anuli.

²¹ 'Ja'ni itsiya tulunle'eyi, linca tuluyalaicoyi al c'a. Ticuaihuo litine tinajntolhuo'.

'Ja'ni itsiya tołjolijyi, linca tuluyalaicoyi al c'a. Ticuaihuo litine tixojna'ma cunlata.

²² 'Iya' ilque cal Xans Łiximpa cal profeta pu'hua lema'a. Ticuaitsi litine ti'entsolhuo' laic' imanc' ts'alihuequi, ja'ni tenajtsolhuo', aimepenufilhuo', ja'ni timintsolhuo' quixcay cataiqui', ja'ni tilaiquintsolhuo' jouc'a lołpuftine, ti'ila' cołsina' tuluyalaicoyi al c'a.

²³ ;Toliyuc'tsele tixojla' cunlata! Jipu'hua lema'a tipa'a al cueca' lapi'inyacolhuo'. Imanc' ti'onłcospolhuo' to lam profeta. Lołsanuc' ti'elhuo' laic'. Lołtatahueló ma' anuli li'epá, iteł'mim'mola' lam profeta.

²⁴ 'Imanc' ja'ni ts'acueca' coł'huexi, a'ijc'a muluyalaicoyi. Joupa olapenufpá.

²⁵ 'Imanc' ja'ni itsiya ixhuaiyilhuo', linca a'ijc'a muluyalaicoyi. Ticuaihuo litine tulunle'e'me.

'Imanc', ja'ni itsiya tixoqui cunlata, tunlixoyi, linca a'ijc'a muluyalaicoyi. Ticuaihuo litine tołhuotso'me, tołjolij'me.

²⁶ 'Ja'ni jahuay lan xanuc' tinescolhuo' ma le'a al c'a, linca a'ijc'a muluyalaicoyi. Ja'ni tołta'a lo'ipolhuo' imanc' ti'onłcospolhuo' to lam profeta nofelłaiquepá. Lan xanuc' nonescopolhuo' al c'a itsiya, liłtatahueló ihniya tołta'a linescopa. Aiquilimetsaijma ja'ni nofelłaiquepá profeta.

²⁷ 'Imanc' nałcuc'epa camilhuo': Toł'etsola' capic'a laixtuc'opolhuo'. Toł'etsola' al c'a ilne no'epolhuo' laic'. ²⁸ Tołpaxnetsola' pe nomipolhuo' quixcay cataiqui'. Tołsahue'ete ŁanDios titoc'itsola' ilne no'epolhuo' lixcay. ²⁹ Ja'ni tuntaftso' lopeque, tomuc'ila' locuena lopeque. Ja'ni texic'e'etso' lopusquiya, aimocuanaj'ma lotsamalo, tommi'ila' jouc'a. ³⁰ Ja'ni tixahue'etso', tapi'itsola' jahuay ihniya. Ja'ni texic'e'etso' lo'huexi, aimomi'ma: "Ałpai'inta". ³¹ Ma to imanc' ołpic'a ti'entsolhuo' al c'a, tołta'a toł'etsola' loł'as xanuc'.

³² 'Ja'ni toł'etsola' capic'a ma le'a ihniya no'epolhuo' capic'a, ¿te ŁanDios tetenłcoco'ma loł'ejma'? A'i. Ma tołta'a mi'eyi locuenaye lan xanuc', ilne pe aimihuejyi locuxepa ŁanDios. ³³ Ja'ni tołtoc'itsola' ma le'a ihniya notoc'ipolhuo', ¿te ŁanDios tetenłcoco'ma loł'ejma'? A'i. Ma tołta'a mi'eyi locuenaye lan xanuc', ilne pe aimihuejyi locuxepa ŁanDios. ³⁴ Ja'ni tołlapi'itsola' ma le'a ihniya nopai'iconayacolhuo', ¿te ŁanDios tetenłcoco'ma loł'ejma'? A'i. Tołta'a mi'eyi locuenaye lan xanuc', ilne pe aimihuejyi locuxepa ŁanDios. Ihniya tepi'innila' quilłtomí petsi lopai'iconayacola'.

³⁵ 'Imanc' tonł'e'mola' capic'a pe no'epolhuo' laic'. Tołtoc'itsola' jahuay loł'as xanuc'. Ja'ni tixahue'etsolhuo' tonłapi'i'mola'. Aimolnes'me: "Ne', lapi'iconala'". Imanc' ja'ni lihuejcoła' ilta'a laitaiqui' tunlulij'me acueca'. Ti'onłcotolhuo' loł'ejma' to li'ejma' coł'Ailli', ilque Nopa'a lema'a xonca al toncay. Ilque tama aimix'najtsi'iyi, tama ixcay xanuc', ma ti'hua titoc'ila'.

³⁶ 'Coł'Ailli' Nopa'a lema'a tixinnila' acuanuc'la jahuay lan xanuc'. Imanc' jouc'a tołsintsola' acuanuc'la loł'as xanuc'.

³⁷ 'Imanc' aimolnesco'mola' loł'as xanuc', tołta'a aiminescoyacolhuo'. Aimolacani'e'mola' locuenaye, tołta'a aimecani'enyacolhuo' imanc'. ³⁸ Tolimenc'e'ecotsola' liłjunac' loł'as xanuc', tołta'a timenc'e'ecom'molhuo' lołjunac' imanc'. Tolapi'itsola' locuenaye, tołta'a tepi'icona'molhuo'. Tepi'icom'molhuo' al c'a alxpijma', lixhueya tentenca ipijuala, ti'e'em'mo' titsujolaiquemma.

³⁹ Jesús ti'hua tipalaic'ola', i'onłico'mola' lo'iyacola' lan xanuc' petsi amuf liłpicuejma', ticua:

—Anuli cal fo', ¿te ti'i'ma texał'ma lił'as fo', timuc'i'ma lane? A'i. Loquexi' tecajm'molłaita lina.

⁴⁰ 'Cal xans naihuejpa liłpomxi ma le'a tihuequi, a'i xonca acueca' xans. Aimicuxeya liłpomxi. Tijoula' joupa ihuic'ipa ti'onłcota to liłpomxi.

41 'Ima', ¿te cofmehuelojncopa łopima łipifuc li'u? ¿Te aimahuelojnyoxi lo'nico laxma lo'u? 42 Mipa'a laxma jilpe lo'u, ¿te cofmicoya łopima: "Maipima, łapi'ila' lane quilonc'e'e'mo' łipifuc lo'u"? Ma le'a to'e'eyoxi xonca. Ate'a taipa'ała' al cuecaj laxma lo'nico lo'u. Tijouła', tahuelojm'ma al c'a, nipajnya taipa'a'ma łipifuc łopa'a li'u łopima.

43 'Ja'ni ac'a al 'ec aimi'iya mi'asya łixcay qui'as. Ja'ni ixcay al 'ec aimi'iya mi'asya cal c'a qui'as. 44 Toxinła' hi'as, tołta'a taimetsaico'ma jale c'ec ilca'a. Petsi litac cantsinni aimoxinya lan higo. Petsi al xummi aimoxinya lan 'uva. 45 Cal c'a xans tipa'e al c'a li'hueca jilpe łipicuejma'. Łixcay xans tipa'e łixcay li'hueca jilpe łipicuejma'. Ma to quimanna łipicuejma', ja'ni al c'a ja'ni ixcay, tołta'a łitaiqui' tipamma lico.

46 'Imanc', ¿te calmicopa: "MałPoujna, małPoujna", tijouła' aimonł'eyi ma to laifmipol-huo'? 47 Camuc'i'molhuo' ło'onłcoya cal xans nocuaiya pe laifpa'a, ałquimf'e łitaiqui', lihuejma. 48 Ca'onłico'ma to cal xans nilanc'epa lejut'ł. Ipu'ma a'ojca, i'huajco'ma łixmi capic. Małpiya titsahue'ehuo quejut'ł. Litine łipanni axpe' al pana', łixpe'ma laja', unts'af'i'ma lajut'ł, ille lajut'ł aiquifenna. Ailopa'a qui'ipa, joupa ilange juaiconapa.

49 'Cal xans ja'ni ma le'a ałquimf'epa łitaiqui', ilque ca'onłico'ma to cal xans ituca' li'ejma'. Ilque lilanc'epa lejut'ł aiquipucufi. Litsahue'eyomma pe łixati camats'. Łipanni al pana', acueca' unts'af'i'ma laja', lajut'ł aiquicoł'ma, etełquemma. Ecanipa nulemma.

7

1 Lijoupa łipalaic'opola' tołta'a lan xanuc' nomana' jilpiya, Jesús i'hua'ma, itsufai'ma liłya' Capernaum. 2 Jilpe tipa'a anuli cal mozo juaiconapa textafque, tima'ma. Łipoujna ticuxela' amaxnu lisoldado. Ilque nocuxepola' lan soldado ti'ay capic'a juaiconapa limozo. 3 Licuej'ma tixał'menala' Jesús lafcualłay umme'mola' hualca lan tsilaj xanuc' judío, ilne noxpjipá łitaiqui', tiyełe pe łopa'a Jesús. Tilecotsa, ticuaiyunni lejut'ł, tixał'me'ma limozo. 4 Ilne lan tsilaj xanuc' judío icuaitsa pe łopa'a Jesús. Inonc'o'me, timiyi:

—To'huanni, tołoc'ita jilque nocuxepola' lan soldado. Ilque ac'a xans. 5 Ał'enga' capic'a illanc' ixanuc' Israel. Ałłanc'e'e'ponga' anuli lajut'ł pe lalafot'łeyopołtsi. 6 Jesús iyejmale'me. Ai'a ticuaita lejut'ł nocuxepola' soldado italecuf'me locuena ye lummeconapola'. Timiyi Jesús:

—Nocuxepola' soldado timihuo': "Maipoujna, aimocuaicohuo. Aimoxoc'i'moxi. Iya' caxinyoxi juaiconapa na'hua xans. Aimi'iya motsufaiya łainejut'ł. 7 Iya' aimi'iya catalecufyaco'. Caxina calaic'ata. Ma le'a tonesla': Tixałconła' łomozo, tijouła' tixałcona'ma. 8 Iya' quihuejma nałcuxepa, jouc'a cacuxela' łaisoldado. Cami'ma anuli: To'huała', ilque ti'hua'ma. Cami'ma łocuena: To'huanni, ilque ti'huamma. Cami'ma łaimozo: To'eła', ma ti'e'ma."

9 Licuej'ma Jesús tołta'a linespa łincuxepa, etenłcoco'ma juaiconapa. Ipai'e'moxi ipalaic'o'mola' lan xanuc' liłenc'e, timila':

—Ilque cal xans lixanuc' aimimetsaicoyi ŁanDios. Imanc' ixanuc' Israel tolimetsaicoyi ŁanDios. Camilhuo': Ailopa'a caiximpa nij naitsi imanc' to ilque cal xans. Ilque łınca xonca ti'huaiyinge ŁanDios.

10 Ipailinamma lummeconapola', licuainata lejut'ł łincuxepa iximpá łafcuaana joupa ixałconapa.

11 Lijou'ma Jesús i'hua'ma anuli liłya' cuftine Naín. Hejmale ts'ilihuequi jouc'a axpela' lan xanuc'. 12 Jesús micuaispa huejnca pe lotsufaicompa liłya' jilpiya tilipalumma lan xanuc' iltaic' anuli łimanapa. Ilque łimanapa, łaca'no' anuli qui'hua. Qui'máma' apotsate. Axpela' lan xanuc' ilpe liłya' liłejmale łaca'no'. 13 Jesús ehuelojm'ma łaca'no', ixim'ma cuanuc', timi:

—Aimojoj'ma.

14 Illoc'huai'ma pe łopa'a łimanapa. Ixpayaf'ma lonaf'ya łimanapa. Ilne ts'iltaic' ecaxoł'me. Jesús timi:

—Mamijcano, camihuo': Totsahuenni.

¹⁵ Limanapa icutsaina'ma, ipango'ma ipalai'ma. Jesús exat'hina'ma qui'máma'. ¹⁶ Jahuay lan xanuc' ixpailij'mola'. Ixim'me acueca' li'ipa. Ix'najtsi'i'me LanDios, ticuayi:

—Anuli cal cuecaj profeta icuai'ma pe lałmana'. LanDios icuai'ma, ałtoc'inga' illanc' ixanuc'.

¹⁷ Ni petsi al distrito Judea, jouc'a lamats' ahuejnca jilpiya, lan xanuc' icuej'me li'epa Jesús.

¹⁸ Jouc'a Juan Bautista icuej'ma jahuay ihna'a. Ts'ilihuequi u'ipá. Juan ijoc'i'mola' oquexi' ts'ilihuequi, ¹⁹ umme'mola' pe lopa'a Jesús, ticuis'etsa, timitsa: “Itsiya ał'huaicoyi łocuaicoya łommeya LanDios. ¿Te ima'? o ¿te ti'hua ał'huaico'me łocuaicoya?”

²⁰ Ihe icuaitsa pe lopa'a Jesús, timiyi:

—Juan Bautista alummeponga' licuis'e'mo', timi'mo': “Ał'huaicoyi łocuaicoya Łommeya LanDios, ¿te ima'? o ¿te ti'hua ał'huaico'me łocuaicoya?”

²¹ Małe litine Jesús tixał'mela' axpela' lafcualłay, ituca' ituca' liłcuana. Jouc'a ipa'apola' lontahue litsufłaipá lan xanuc'. Jouc'a axpela' lam fohue tehuetsalenayi, joupa ixał'menapola' Jesús. ²² Iłque timila' lummepolaj Juan:

—Ne', tonłenłe. Tołcuaitsa pe lopa'a Juan tolu'itsa te ts'i'ic' lołsimpa, lołcuejpa. Tołmita: Tehuetsalenayi lam fohue, tiyenayi lam coxo, tixałconnala' ts'ilehui lepra, ti'inala' limpio, ticuejnayi lan tałpe, timaf'inayi limanapola'.

Lan xanuc' pe aiquil'hueca tu'innila' Lataiqui' loya'apa iłe al c'a lixpice'epa LanDios.

²³ Jouc'a tołmitsa Juan: “Cal xans natenłcocopa lai'ejma' iłque linca al c'a loyaicoya”.

²⁴ Iyena'me lummepolaj Juan. Jesús ipango'ma ipalaic'o'mola' lan xanuc' lefołya jilpiya. Tipalajma Juan, timila':

—Imanc', ¿te colłsecohuo'me jipu'hua pe ailopa'a quil'ya'? ¿Te colłsinhuo'me jilpiya? ¿Te ołsinhuo'me anuli al jaxa tife'ne łahua'? ²⁵ Ja'ni a'i, ¿te colłsecohuo'me? ¿Naitsi colłsinhuo'me jilpiya? ¿Te ołsinhuo'me anuli cal xans nopo'nopa al c'a lipijahua', acueca' lipitali? A'i. Lan xanuc' nopo'nopá liłpijahua' acueca' al c'a, notetsopá al c'a, ihniya timajnyi hilejut'hi lan rey.

²⁶ ¿Te colłsecohuo'me? ¿Naitsi colłsinhuo'me jilpiya? ¿Te ołsinhuo'me anuli cal profeta? Ałinca ołsinhuo'me anuli cal profeta, iłque Juan. Iłque aimi'onłspola' to lam profeta, xonca acuecaj xans. ²⁷ Al Paxi Linilngiya joupa ipalaicopa Juan ticuaihuo, ticua: ¡Ałquimf'ela'! Cumme'ma łainepaluc.

Iłque ti'huajme'mo', tuya'a'ma ima' tocuaihuo.

Tilanc'e'e'mo' lopene pe lof'huaya.

²⁸ Iya' camilhuo': Iłque Juan acuecaj xans. Ailopa'a caca'no' quipo'nohuo hi'hua to iłquiya. Tama aimi'iya mi'onłyacola' to Juan, ja'ni joupa itsufaipa petsi locuxeyopa LanDios Nopa'a lema'a, tama xonca aca'hua xans, iłque joupa ulijnapa Juan.

²⁹ Lan xanuc' jouc'a no'najtsi'iyalepá iquimf'epá linespa Juan, iłne imetsaico'me LanDios ałjca lo'epa, epo'i'mola' Juan. ³⁰ Lan xanuc' fariseo jouc'a lomxiye nomuc'iyalepá locuxepa LanDios etets'i'me loxpice'epa LanDios, aiquilepoc', aimicuayi.

³¹ Jesús ti'hua tipalaic'ola' lan xanuc', timila':

—¿Te caif'onłcocyacolhuo' imanc' nołmana' fa'a itsiya? ¿Te ts'i'ic' loł'ejma'? ³² Ca'onłhico'molhuo' to la'uhuay nocutshuołanna pe locucaleyompa, tijaic'oyołtsi. Anuli iłne timila' lif'as ca'uhuay: “İllanc' ałfus'mipá lałjaxa, tołsoułe. Aicołtsahuo. Lunac'lipá ihuotsoqueya, aicołjoqui.”

³³ Tołta'a loł'ejma' imanc'. Ailopa'a catenłcocoyacolhuo'. Juan Bautista aimitesma to mołtetsoyi imanc', aimixnay vino. Imanc' tołcuayi: “Iłque itsufaipa conta'a”. ³⁴ Iya' iłque cal Xans liximpa cal profeta pu'hua lema'a. Iya' icuai'ma fa'a li'a lamats' catesma to mołtetsoyi imanc', caxnay al vino. Imanc' ałnesc'e, tołcuayi: “Tołsinłe, iłca'a cal xans

intetsopa, in-xnatsaipa. Ihejmale ihe lin'najtsi'iyalepá jouc'a locuenaye lan xanuc' pe aimihuejcoyi locuxepa ËanDios.”

³⁵ 'Iya' cacua: Linca ËanDios acueca' ac'a lipicuejma', tohta'a timujiyi ihe naihuejcopá, jouc'a acueca' ac'a lipicuejma'.

³⁶ Anuli cal xans fariseo ijoc'i'ma Jesús titetsota. Jesús i'hua'ma, icuaiti lejut'l cal xans fariseo, icutshuai'ma titetso'ma. ³⁷ Jihe liya' tipa'a anuli laca'no' ixcay lo'epa. Ihe icuej'ma ijoc'impá Jesús lejut'l cal xans fariseo. Laca'no' i'hua'ma lejut'l cal xans. Itai'ma anuli al cuecaj pulu ilajncopa apic cuftine alabastro. Al pulu imanna caceite tujuej c'a.

³⁸ Laca'no' ihoc'huai'ma li'mitsi' Jesús. Ipango'ma tijoqui. Lujuay ijac'eco'ma li'mitsi' Jesús, etufc'eco'ma hjuac. Ituc'o'ma li'mitsi' Jesús, ic'ef'i'i'ma laceite lojuepa c'a.

³⁹ Cal xans fariseo, ihe nijoc'ipa Jesús, ixim'ma lo'epa laca'no'. Ihe timiyoxi: “Ja'ni ahnca aprofeta ihe cal xans Jesús, ti'i'ma quixina' te ts'i'ic' lipicuejma' ihca'a laca'no', ti'i'ma quixina' tipa'a acueca' lijunac'. Ticuanaj'moxi, ticua'ma: Aima!—laf'ma.”

⁴⁰ Jesús ipalaic'o'ma cal xans fariseo, timi:

—CumSimón, tipa'a laifmiyaco'.

Timi:

—Ne', Momxi, ahmíla'.

Jesús timi:

⁴¹ —Timana' oquexi' lan xanuc' itaiyinc'e anuli cal xans. Anuli itaiyinc'e to lolijya anuli camats' y onlca. Locuena itaiyinc'e to lolijya anulij mut'la y onlca. ⁴² Ihe loquexi' lan xanuc' ailopa'a co'najtsecoyacu. Ihe lepi'ipola' quiltomí imenc'e'eco'mola' loquexi' lihtaiyinc'e. Itsiya ahmíla': ¿Ihe loquexi' naiti xonca co'eya capic'a ihe nimenc'e'ecopola' ts'itaiyinc'e?

⁴³ Simón timi:

—Iya' cacua: Ihe nitaiyinc'e xonca, xonca ti'e'ma capic'a.

Jesús timi:

—Otalai'epa ma' al linca.

⁴⁴ Ipaie'moxi, ehuelojm'ma laca'no', timi Simón:

—Toxina lo'epa ihca'a laca'no'. Iya' aicuai'ma lomejut'l. Aicaluhui'i caija' capajcoya lai'mitsi'. Ihca'a laca'no' lapac'e'ecopa ljuay lai'mitsi', etufc'epa hjuac. ⁴⁵ Ima' aicaltuc'o'. Ihca'a laca'no' laicuai'ma fa'a ipangopa altuc'opa lai'mitsi', ti'hua altuc'o'. ⁴⁶ Ima' aicalc'ef'i'i caceite lajuac. Ihca'a laca'no' atc'ef'i'ipa caceite lojuepa c'a lai'mitsi'.

⁴⁷ 'Iya' camihuo': Ihca'a laca'no' joupa imenc'e'ecompa al cueca' li'epa, toliya al'epa capic'a juaiconapa. Cal xans aijtine li'epa, ja'ni timenc'e'ecomme, aijtine ti'e'ma capic'a.

⁴⁸ Jesús ipalaic'opa laca'no', timi:

—Joupa imenc'e'ecompo' lo'epa.

⁴⁹ Locuenaye lijoc'impola' ipango'me imi'mohtsi:

—¿Naiti ihca'a cal xans? Timi: “Joupa imenc'e'ecompo' lo'epa”. Tohta'a aimi'iya.

⁵⁰ Jesús timi laca'no':

—Ima' ah'huaijyma, toliya joupa unlupo'. To'huanla' tixojla' meta. Aimox-huelmot'lecona'ma.

8

¹ Lijou'ma Jesús iya' iya' ti'huaf'cay, lan tsilaj quitelotya' jouc'a lan tsocay quitelotya'. Tuya'e' Lataiqui' loya'apa ihe al c'a lixpicepa ËanDios. Tijoc'ila' lan xanuc' tihuejcole ËanDios cal Rey. Limbamaj coquexi' ts'ilihuequi ihejmale. ² Jouc'a tiyeyi laca'no'. Ihe laca'no' Jesús joupa ixal'menapola'. Hualca ihniya ipa'epola' lontahue litsufiapá, locuenaye ituca' quicuana. Anuli ihniya aMaría las Magdala hipa'empa acaitsi lontahue. ³ Jouc'a tiyeyi axpela' laca'no' ts'il'huca. Ihniya ixhuico'me li'huexi, itoc'im'mola' Jesús jouc'a ts'ilihuequi. Anuli ihniya cuftine aJuana, ipeno anuli cal xans cuftine aChuza, ihe ticuxe h'huexi cal rey Herodes. Ocuena cuftine aSusana.

4 Axpela' lan xanuc' quipalyomma hitelotya' iyoyunca pe lopa'a Jesús. Lijoupa lefot'lepotsi ihniya lan xanuc' Jesús i'onhico'ma lo'epa LanDios fa'a li'a lamats'. Timila':

5 —Cal xans ipanni ica'nehuo'ma lam fanuj trigo. Mica'ne lam fanu' hualca ecan-golaita lane. Lan xanuc' i'huailsuf'me. Laca'hui naiyulpá lema'a icuaita, itejn-na'me.

6'Hualca lam fanu' i'nifcolaita hixmi capic. Lila'mola' lam fanu' aiquico'l'ma ijuña'mola'. Aiquix'minuhua lamats'.

7'Hualca lam fanu' itsuc'aita pe lopa'a hitac'. Ila'mola' laifa' trigo jouc'a hitac'. Litac' ejec'o'ena'ma laifa' trigo.

8'Ocuenaye lam fanu' etojmolaita cal c'a camats'. Itoj'ma, ipaj'ma, ipammaita. Anuli cal fanu' ipammaita amaxnu.

Lijou'ma luya'a'ma ita'a lataiqui' Jesús ipalai'ma ujfxi, timila' lan xanuc':

—Naitsi nocuejpa, atquimf'eta' iya' litaiqui'.

9 Ts'ilihuequi Jesús icuis'e'me te cohualquemma jite lataiqui' li'onhico'pa lo'epa LanDios fa'a li'a lamats'. 10 Jesús timila':

—Imanc' epalc'o'ipolhuo' lohpicuejma'. Tolcuc'eyi lipime lataiqui' loya'apa lo'ipa petsi lan xanuc' tihuejcoyi LanDios hitRey. Ocuenaye a'i, aimicuec'eyi. Ihe ma le'a atquimf'e ca'onhicojma lo'epa LanDios, aimi'ya muhualyacu. Ti'ita' to loya'apa al Paxi Linihingiya ticua: “Mehuelojnyi aimixim'me, miquimf'eyi aimicuej'me”.

11'Itsia cu'ilhuo' lohualquemma ite lataiqui'.

'Lam fanu', ihe itaiqui' LanDios. 12 Ihe li'ipola' lam fanu' lecangolaita jilpe lane, ti'onhico'pa to lo'ipola' lan xanuc' petsi ma le'a tiquimf'eyi litaiqui' LanDios. Ticuaiyunni hixcay xans tihonc'e'e'mola' lataiqui' lihpicuejma'. Ihe hixcay xans ticua: “Aimihuej'me ite litaiqui' LanDios. Aimunhul'me.”

13 'Ihe li'ipola' lam fanu' li'nif'colaita hixmi capic petsi ahuata lamats', ti'onhico'pa to lo'ipola' lan xanuc' noquimf'epá lataiqui', tepenufyi tixoqui quileta. Lataiqui' aimif'acay lihpicuejma'. Oquej fanej quitine ihniya tihuejyi lataiqui'. Ticuaitsi latehcoya tenajnayotsi.

14 'Ihe li'ipola' lam fanu' litsuc'aita nolojmay quitac', ti'onhico'pa to lo'ipola' locuenaye xanuc' noquimf'epá lataiqui'. Ihe muyalaicoyi lihpitine tixhuelmot'leyi juaiconapa, o tehueyi te co'ya muliyacu acuecaj quitomí, o tehueyi te co'ya mixojya quileta. Tohta'a lataiqui' licuaita lihpicuejma' ejec'opa, aimipammaiya.

15 'Ihe li'ipola' lam fanu' letojmolaita cal c'a camats' ti'onhico'pa to lo'ipola' lan xanuc' ac'a lihpicuejma', aimifellaiqueyi. Ihniya ticuejyi litaiqui' LanDios, aimimenc'ecoyi. Itine itine tihuejyi. Tipammolaispa al c'a.

16 'Munai'i'me anuli lepalc'o' aimic'omnumijcoyi al cutse ni aimi'nicoyi licu'u hualfa. Tipo'nof'iyi al toncay. Titsuflaiyinle lajut'l tixim'me jite lepalc'o'. 17 Jahuay lic'ommuf'inya ti'huájnata, jahuay lemiya timetsacom'me. Jahuay tepalc'o'im'me.

18'Molquimf'eyi jouc'a to'po'note cuenna. Cal xans ja'ni i'hueca, xonca tepi'im'me. Ja'ni aiqui'hueca, texit'ena'me jahuay. Tohta'a timuc'im'me li'ipa ailopa'a qui'hueca. Ma le'a ines'ma: “Joupa ai'hueca”. A'ij linca ite lonespa.

19 Icuaita qui'máma' jouc'a lipimaye Jesús. Ipic'a tipalaic'o'me. Jilpiya timana' axpela' lan xanuc'. Aimi'ya mihoc'olaiyacu. 20 Lan xanuc' timiyi Jesús:

—Tecxolanna luna co'máma' jouc'a lopimaye. Ipic'a tipalaic'otso'.

21 Jesús italai'e'e'mola', timila':

—Cai'máma', laipimaye, comana' noquimf'epá naihuejcopá litaiqui' LanDios.

22 Anuli litine Jesús jouc'a ts'ilihuequi if'ajli'me al barco. Jesús timila':

—Atque'me locuenaj liju lin'nuhua'.

I'hua'a'me al barco, tuyalaico'me laja. 23 Miquieyi Jesús ixmai'ma. Ipiya lin'nuhua' aiquico'l'ma i'hua'ma ujfxi lahua', ixtunni laja. El barco imantsi caja'. Ts'ilihuequi Jesús ixim'me acuecaj caxpaiqui'. 24 Ihe itoc'olai'me pe loxmai'epa Jesús. Ummef'me, timiyi:

—¡Momxi! ¡Momxi! ¡Alma'monga'!

Jesús itsahuenni. Itale'ma lahua' jouc'a ļaja. Aiquicol'ma i-ch'ixco'mola'. Jahuay ipanenanni ach'ixca. ²⁵Timila' ts'ilihuequi:

—Imanc', ¿te aimal'huaiyinge?

Ihne ixpailij'mola' juaiconapa, timiyoltsi:

—¿Te qui'ipa li-ch'ixc'epa? ¿Naitsi ilca'a cal xans? Ticuxela' lahua' ļaja, tihuejcoyi.

²⁶Lijoupa luyalaipá al cuecaj quin'nuhua' icuaitsa lilemats' lan xanuc' cuftine lan gadareno. Jilpiya ľamats' lopa'a al huoc'ojmaica ľemats' al distrito Galilea. ²⁷Lipanni Jesús jilpe al barco ixim'ma icuaico'ma anuli cal xans malpe ilya' xans, itsuflaipá contahue. Ixpepa quitine aimipo'nohua lipijahua', aimipanga lejut'ľ. Tipanga pe lemumpola' limanapola'.

²⁸Cal xans lixim'ma Jesús ija'a'ma eca'ni'moxi, ixpats'huai'ma huejnca li'mitsi' Jesús. Ipalai'ma ujfxi, timi Jesús:

—Ima' cumJesús, i'Hua cal Cuecaj CanDios Nopa'a lema'a xonca al toncay, ¿te cocuaiy-oco'ma pe laifpa'a? ¿Te ts'opic'a fa'a? Iya' caxa'huehuo' aimal'tel'mi'ma.

²⁹Toľta'a locuapa cal xans. Jesús joupa icuxepa ľonta'a, imipa: “Taipanni ilque cal xans”. Ilque ľonta'a juaiconapa ti'noli cal xans. Lan xanuc' tifi'ecoyi cadena limane' li'mitsi', ticuayi: “Itsiya ailopa'a co'eya”. Łonta'a tepi'i quipujfxi, cal xans tits'aľqui al cadena. Lijou'ma ľonta'a tihuetsoqui cal xans, ti'hua'e pe ailopa'a quilya'.

³⁰Jesús icuis'e'ma, timi:

—¿Tej muftine?

Italai'e'e'ma, timi:

—Iya' laipuftine Legión.

Ile ľaftine ticua: Axpela'. Axpela' lontahue itsuflaipá ilque cal xans. ³¹Ihne lontahue tixahue'eyi Jesús aimipa'a'mola'. Aimiye'me al muf, jilpe al pu'hua liculhuo.

³²Jilpe ľemala timana' axpela' lijná titeji quilpitamqui. Lontahue ixahue'e'me Jesús tepi'itsola' lane titsuflaile ihne lijná. Jesús epi'i'mola' lane. ³³Lontahue ipalunca ilque cal xans, itsuflai'me lijná. Jahuay ihne lijná inul'me, if'alcolai'me al 'ocay, i'nijmolaitsa al cuecaj quin'nuhua', unxalac'mola', ima'mola'.

³⁴Lixim'me li'ipa lan xanuc' nohuic'ipá lijna aiquicol'mola', inul'me, iyena'me li'ya'. Jilpe uya'atsa li'ipa. Jouc'a calx'huiyalma' uya'atsa. ³⁵Lan xanuc' ipalunca iye'me ixintsa li'ipa. Icuaitsa pe lopa'a Jesús. Ixim'me cal xans ticutsijnya li'mitsi' Jesús. Joupa lontahue ipalnamma. I'napa lipicuejma'. I'po'nopa lipijahua'. Lixim'me li'ipa lan xanuc' ixpailij'mola' juaiconapa.

³⁶Jilpiya timana' lan xanuc' joupa iximpá jahuay li'ipa. Ihniya uya'a'me li'ipa lixalconapa ilque cal xans pe ľitsufaic' contahue. ³⁷Jilpe al distrito Gerasa lan xanuc' ixpailij'mola' juaiconapa. Jahuay ihniya ixahue'e'me Jesús ti'huanľa', tipo'notsola' quilľuca'. Jesús if'aj'ma al barco, tipainahuo, ticuainata ľocuena quema lin'nuhua'.

³⁸Cal xans pe ľipa'empa lontahue tixahue'e Jesús tilecola' jouc'a. Jesús aiquicuac'. Ixc'ai'ina'ma, timi:

³⁹—Topainanni lomejut'ľ. To'itsola' loxanuc' al cueca' li'e'epo' ŁanDios.

Cal xans i'huana'ma, icuaitsi lipilya'. Ni petsi jilpiya u'itsola' lan xanuc' al cueca' li'e'epa Jesús.

⁴⁰Icuaitsi Jesús ľocuenaj quema lin'nuhua', ilpe il'huaijma axpela' lan xanuc'. Lixim'me ixoconni quileta. ⁴¹Icuai'ma anuli cal xans lipuftine aJairo. Ilque ipenic' ilpe lajut'ľ pe ľafoljomma lan xanuc'. Illoc'huai'ma exc'onľingai'ma li'mitsi' Jesús. Tixahue'e, timi:

—Łepá lainejut'ľ.

⁴²Ipic'a tixinne'etsi li'hua caca'no'. Ilque textafque, tima'ma. Łahuats' ixhuaita imbamaj coque' ľemats', anuli qui'hua.

Jesús iyejmale'me Jairo. Miyeyi lane lanxpela' xanuc' titantsiyi Jesús. ⁴³Nolojmay xanuc' ti'hua anuli ľaca'no' textafque. Ixhuaita imbamaj coquej camats' mextafque.

Ti'hua cajuats' licu'u. Jahuay li'hueca i'najtse'ecopola' lin'ehuale cafxi. Aiquixałma.
⁴⁴ Łaca'no' iłoc'huaipa pe lopa'a Jesús. Icuaitsi lixpula', iłafc'e'e'ma łema lipijahua'.
 Aiquicoł'ma, ipanenni licuana, aimi'huaconghua cajuats'. ⁴⁵ Jesús icuis'e'mola', timila'
 lan xanuc':

—¿Naitsi nał—lafpa?

Jahuay italai'e'e'me, timiyi:

—Illanc' aical—lafhuo'.

Pedro timi:

—Momxi, to'hua nolojmay xanuc', titantsihuo'.

⁴⁶ Jesús ihui'i'ma, timi:

—Iya' aixingufcopa joupa ał—lafquimpa. Iłquiya epenufpa laipaxi, ixałconapa.

⁴⁷ Łaca'no' ixim'ma aimi'iya memiyacoxi. Iłoc'huai'ma pe lopa'a Jesús, tixpaiqui tiyu
 licuerpo. Exc'onłingai'ma li'mitsi' Jesús. Jiłpe miquimf'eyi lan xanuc', uya'a'ma te
 quiłafcopa, timi: “Aiquicoł'ma, ałsałconapa laicuana”. ⁴⁸ Jesús timi łaca'no':

—Mai'hua, ima' ał'huaiyijmpa caxał'mentso'. Joupa ixałconapo'. To'huanła'. Aimox-
 huełmot'lecona'ma.

⁴⁹ Mipalaic'o Jesús łaca'no' icuaiconni anuli cal xans titalecuf'ma Jairo. Iłque Jairo
 ipenic' lajut'ł pe lafołyumma lan xanuc'. Timi:

—Ło'hua joupa imanapa. ¿Te cofxoc'icoya Łomxi?

⁵⁰ Jesús icuej'ma locuapa cal xans, italai'e'e'ma, timi Jairo:

—Aimoxhuełmot'le'ma. Ma le'a ał'huaiyijnla'. Ło'hua tixałcona'ma.

⁵¹ Licuaitsa lejut'ł Jairo, Jesús i'huif'epola' Pedro, Jacobo y Juan, jouc'a qui'ailli'
 qui'máma' łahuats'. Itsuflai'me pe lopa'a łahuats'. Aiquepi'ila' lane ocuenaye xanuc'
 mitsuflaiyacu. ⁵² Jahuay lan xanuc' nomana' jiłpe lajut'ł tihuotsoyi, tijolijyi, tija'ayi,
 joupa imanapa łahuats'. Jesús timila':

—Aimołjolijcona'me. Łahuats' aiquimac'. Ma le'a tixmay.

⁵³ Iłne ixoco'me, iłsina' joupa imanapa łahuats'. ⁵⁴ Jesús i'noł'e'e'ma limane łahuats',
 ijoc'i'ma, timi:

—Mahuats', totsahuenni.

⁵⁵ Imaf'ina'ma, aiquicoł'ma itsahuenni, ecax'ma. Jesús timila':

—Tołtes'mile.

⁵⁶ Qui'ailli' qui'máma' tipailo liłpicuejma', ticuayi: “¿Te ałınca imaf'inapa łał'hua?” Jesús
 ixc'ai'i'mola':

—Aimoluyout'le'me. Nij naitsi mi'iya quixina'.

9

¹ Jesús ijoc'i'mola' limbamaj coquexi' ts'ilihuequi. Epi'i'mola' liłmane tipa'atsa lon-
 tahue, jouc'a tixał'metsa lafcualłay. ² Umme'mola' liłelołya' tuya'atsa te ts'i'ic' micuxe
 ŁanDios iłque cal Rey. Jouc'a tixał'mentsola' lafcualłay. ³ Timila':

—Tonłełe. Nij tintsi mołtai'me lane. Jouc'a lołpaluc, lołponta, łonla'i, lołtomí, ocuena'
 cołtsamalo aimołtai'me. ⁴ Tołcuaitsa anuli liłya' ja'ni tepi'intsołhuo' lajut'ł pe lołmanc'eyacu,
 mołmana' liłya' jiłpiya lajut'ł tołmajnle. ⁵ Anuli liłya' ja'ni lan xanuc' aimepenufilhuo'
 tołipalunca, tołunafle loł'mitsi', aimołtai'me loł'mitsi' ni łepi camats' jiłpe liłya'. Ti'ila'
 quiłsina' ma' iłne quiłtuca' ti'najtse'me liłjunac'.

⁶ Limbamaj coquexi' ts'ilihuequi ipalunca. I'huaf'cołai'me iłya' iłya', tuya'ayi Lataiqui',
 iłe loya'apa al c'a liłpic'epa ŁanDios. Jahuay liłelołya' ixał'mentsola' lafcualłay.

⁷ Cal rey Herodes icuej'ma jahuay lo'epa Jesús iłpe łamats'. Iłxhuełco'ma. Ticua: “¿Naitsi
 lo'epa tołta'a?” Timana lan xanuc' nocuapá: “Juan Bautista imaf'inapa, ipanamma pe
 lomana' limanapola”. ⁸ Ocuenaye ticuayi: “Imaxcainata cal profeta Elías”. Locue-
 naye ticuayi: “Anuli iłne lam profeta li'ipa lomana' fa'a li'a łamats', itsiya imaf'inapa,
 icuaina'ma”. ⁹ Herodes timiyoxi: “Iya' joupa aicuxepa etec'empá łejoc' Juan. Itsiya

cacueca tinesconni anuli cal xans acueca' lo'epa. ¿Naitsi ilque xans? ¿Te co'iyá caxinya?" Ehue'ma te co'iyá mixinya Jesús.

¹⁰ Limbamaj coquexi' lummepola' Jesús ipailinamma, icuainatsa pe lopa'a Jesús. U'i'me jahuay li'epa. Jesús ileco'mola' iye'me quituca', ticuaita anuli li'ya' cuftine Betsaida. ¹¹ Lan xanuc' icuej'me pe lotseyacu, iyenc'ot'le'me, ihuej'me Jesús. Icuaita pe lopa'a Jesús. Ilque epenuf'mola'. U'i'mola' te ts'i'ic' micuxe LanDios. Laxtafpola' nahuepá tixa'contsola', ixal'mena'mola'.

¹² If'acolaipa iloc'olai'me limbamaj coquexi', timiyi:

—Tommetsola' lan xanuc'. Tiyente kilelo'ya', jouc'a calx'huiya'ama' lomana' huejnca, tehueta lotejacu. Ma fa'a ailopa'a cotejacu.

¹³ Italai'e'e'mola', timila':

—Imanc' tolt'es'mitsola'.

Ihniya italai'e'e'me, timiyi:

—Aical'hueca. Tipa'a le'a amaque' la'í y oquexi' latuye. ¿Te aga lepá illanc' al'nata lotejacu jahuay ihne lan xanuc'?

¹⁴ Ji'pe timana' to amaquej mil lan xanuc'. (Jouc'a timana' laca'no' la'uhuay.)

Jesús timila' ts'ilihuequi:

—To'mitsola' ticutso'laite oque' oque' nuxans quimbama'.

¹⁵ To'ta'a li'epa to licuxe'empola'. Jahuay icutso'lai'me. ¹⁶ Jesús epef'mola' lam maque' la'í, loquexi' latuye, ehuenaf'ma lema'a, ix'najtsi'i'ma LanDios, ixquenuf'mola'. Epi'i'mola' ts'ilihuequi tica'nentsola' lan xanuc'. ¹⁷ Jahuay itetso'me, ixhualtsola'. Ts'ilihuequi efot'lepá lan hualcay ca'i lipanecomma. Imantsola' imbamaj coque' lan tsiquihuit'.

¹⁸ Anuli litine Jesús tipalaic'o LanDios. Ji'piya timana' ts'ilihuequi quituca'. Timila':

—¿Te cocuapa lan xanuc'? ¿Naitsi iya'?

¹⁹ Italai'e'e'me, timiyi:

—Timana' nocuapá ima' umJuan Bautista. Ocuenaye ticuayi ima' un'Elías. Locuenaye ticuayi ima' umprofeta. Ticuayi li'ipa opajmpa, imanapo', itsiya omaf'inapa, ocuaina'ma.

²⁰ Timila':

—Imanc', ¿te co'cuapa? ¿Naitsi iya'?

Pedro italai'e'e'ma, timi:

—Ima' unCristo, ma Li'huij'epo' LanDios, ummepo'.

²¹ Jesús ixc'ai'i'mola', timila':

—Aimoluyout'le'me. Nij naitsi mi'iyá quixina'.

²² Timila':

—Iya' ilque cal Xans Liximpa cal profeta pu'hua lema'a. Cate'co'ma juaiconapa. Lan tsilaj xanuc' noxpijpá lataiqui', jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa LanDios, alatets'i'ma nulemma. Alma'a'ma. Afane' quitine camaf'ina'ma.

²³ Ipalaic'o'mola' jahuay lan xanuc', timila':

—Ja'ni anuli cal xans lihuej'ma, ilque aimi'iyá micuxeyacoxi quituca'. Iya' la-pa'its'inginna lancruz. Ilque lalihuejya itine itine titaila' lencruz jouc'a. Tixpic'ela' tite'co'ma. To'ta'a linca lihuej'ma. ²⁴ Naitsi aimicua mitelcoya, ilque no'epoxi cuenna juaiconapa, tecani'e'moxi. Naitsi nocuyacoxi late'coya, ilque lalihuequi tama tima'anle, tunlu'e'moxi.

²⁵ Cal xans nolijya jahuay lopa'a fa'a li'a lamats', ja'ni tecani'e'moxi, ¿te quipenic' ile lulijpa?

²⁶ 'Iya' ilque cal Xans Liximpa cal profeta pu'hua lema'a, cacuaicoconno. Ie litine alsim'ma ninCueca', alsim'ma al'on'cota to LanDios cai'Ailli', lapalc'o'i'ma lam paxi lapaluc' quema'a. Anuli cal xans ja'ni titaila' calaic'ata, to'ta'a aicalihuequi, ile litine cacuaico-huananni fa'a li'a lamats' iya' jouc'a aicapenufyá ilque cal xans. ²⁷ Iya' camilhuo' al linca:

Fa'a timana' lan xanuc' tixim'me, timetsaico'me lo'eya LanDios micuxe li'a lamats'. Tofta'a tixim'me ai'a tima'mola'.

²⁸ Lijoupa luyaipa to apaico quitiné Jesús tipalaic'ota LanDios jilpe hijuala. Ileo'mola' Pedro, Juan, Jacobo, if'ajli'me. ²⁹ Mipalaic'o LanDios ipaico'ma li'a. Lipijahua' i'i'ma afujca afujca, tunts'iflay. ³⁰ Icuaitsa oquexi' lan xanuc' ipalaic'o'me Jesús. Anuli ihne Moisés, locuena Elías. ³¹ Ihniya tulif'ela' al cuecaj quipepalc'o' LanDios. Ihne jouc'a Jesús tipalaicoyi lo'iya ticuaitsi Jesús Jerusalén. Jilpe tipo'no'ma li'a lamats'.

³² Pedro jouc'a lilejmale tama itafquengcola' cahuí, aiquilismaic'. Ehuelojm'me Jesús, ixim'me ipaicopa li'a, lipijahua' tunts'iflay. Ixim'me oquexi' lan xanuc' tecaxolanna pe lopa'a Jesús. ³³ Miholijnayi loquexi' lan xanuc' Pedro ipalaic'o'ma Jesús, timi:

—Momxi, ma jifa'a almanecu. Tofta'a luyalaico'me al c'a. Illanc' allanc'e'me afane' lihuoxqui, anuli ima', ocuena Moisés, locuena Elías.

Pedro ma le'a tipalay, aiquixina' lonespa. ³⁴ Mipalay Pedro imunni lummahuay. Ipoxc'i'mola'. Ixpailij'mola' juaiconapa. ³⁵ Jilpe lummahuay icuej'me tipalay, timila':

—Itca'a lai'Hua, lai'Huij'epa. ¡Toftquimf'ele!

³⁶ Lijoupa limipola' tofta'a, ts'ilihuequi Jesús ixim'me itque quituca'. Moisés y Elías ailomana'.

Ihniya litiné lam fantsi ts'ilihuequi Jesús i'ipola' ch'ix. Aiquiluya'e' ile liximpa jilpe hijuala.

³⁷ Lihuequi litine imulnanca hijuala. Axpela' lan xanuc' icuai'me tehueyi Jesús. ³⁸ Anuli ihniya ija'a'ma, ipalaic'o'ma Jesús, timi:

—Momxi, caxahue'ehuo' toxinta' lai'hua. Itque cal nuli cai'hua. ³⁹ Anuli lonta'a ti'nohi. Lai'hua tija'e'. Lonta'a tife'ne ujfxi. Tipamma hitsulu lico. Lonta'a tixcai'e lai'hua, afule mux'masya. ⁴⁰ Aixahue'epola' lihuejhuo' tipa'ate lonta'a, aiqui'ic' quilipa'e.

⁴¹ Jesús italai'e'e'ma, ticua:

—¡Ay imanc'! Aimot'huaiyijnyi LanDios, a'ij hijca loftpicuejma'. Cola' aicapajncona'ma pe loftmana'. ¿Te iya' ti'hua caxnet'f'ma?

Timi cal xans:

—Allanc'metsi lo'hua.

⁴² Ai'a ticuaita lamijcano lonta'a eca'ni'ma lamats', ife'ne'ma ujfxi. Jesús itale'ma lonta'a, ixal'mena'ma lamijcano, exat'lina'ma qui'ailli'. ⁴³ Nahuelojmpá tofta'a li'ipa jahuay tipailo liftpicuejma'. Iximpá acueca' lo'epa LanDios. Ixpailij'mola'.

Mi'nujuaisyi lan xanuc' jahuay lo'epa Jesús ti'hua tipailo liftpicuejma'. Jesús ipalaic'o'mola' ts'ilihuequi, timila':

⁴⁴ —Imanc' toftpo'note cuenna laifmipolhuo'. Iya' itque cal Xans Liximpa cal profeta pu'hua lema'a. Alcum'ma ticuaita quilmane lan xanuc'.

⁴⁵ Ts'ilihuequi aiquilcueca limipola' Jesús. Aiquepalc'o'ila' liftpicuejma'. Aimi'iya mepen-ufyacu ile lataiqui'. Aiquilicuis'e Jesús. Ixpailij'mola'.

⁴⁶ Ipalaic'o'mo'tsi, icuis'e'mo'tsi: “¿Illanc', naitsi no'iya xonca cal cueca'?”

⁴⁷ Jesús imetsaicola' liftpicuejma', exat'lu'ma anuli lacamijcano, ecaxijm'moxi. ⁴⁸ Timila' ts'ilihuequi:

—Cal xans nocuapa: “Jesús ti'ela' capic'a la'uhuay”, tijoula' tepenufi lacamijcano, jouc'a iya' lapenufi. Cal xans pe lalapenufpa ma anuli lapenufinga' Lalummepa. Iya' camilhuo': Ja'ni anuli imanc' ti'exoxi xonca aca'hua, itque xonca acueca'.

⁴⁹ Juan ipalaic'o'ma Jesús, timi:

—Momxi, alsimpá anuli cal xans ticuaj'mi lopuftine, tipa'ala' lontahue. Illanc' almpipá: “Ailopa'a lane. Aimo'e'ma tofta'a. Ima' a'i calejmale.”

⁵⁰ Jesús timila':

—Aimoftcuanac'e'me. Ja'ni aimixtuc'olhuo' tocomma to onfejmale.

⁵¹ Licuaico'ma litine tepenufinnata Jesús pu'hua lema'a, ixpic'epa nulemma ti'huanla' Jerusalén. ⁵² Umme'mola' ts'ilihuequi tuya'atsa hileloftya', tu'iyaletsa Jesús ticuaihuo.

Ilne lummepola' icuaitsa liþiþya' lun samaritano. Tehueyi lajut'ł pe lopanc'eya Jesús.
 53 Lan xanuc' jilpe liþya' ticuayi: “Iłque Jesús ti'hua'ma Jerusalén. Aimalapenufyacu.”
 (Iłniya ilþilaic' al cuecaj xoute' lopa'a Jerusalén.)

54 Lixim'me lił'ejma' ilne lan xanuc' Jacobo y Juan icuis'e'me Jesús, timiyi:

—Małpoujna, ¿te ts'opic'a? ¿Te aga aljoc'ile ŁanDios, tummeła' łunga, tipitsola' nulemma ilne lan xanuc'? Tołta'a li'epa cal profeta Elías.

55 Jesús ipai'e'moxi, itale'mola', timila':

—Imanc' aicolšina' te ts'i'ic' lołcuapa. Tocomma tunlihuejyi ocuena, a'i iya'. Imanc' ituca' lołpicuejma'. 56 Iya' ilłque cal Xans Łiximpa cal profeta pu'hua lema'a. Aicuaicoco'ma fa'a li'a łamats' cunłu'etsola' lan xanuc', a'i cajac'eyacola'.

Lijou'ma iye'me ocuena quilþya'.

57 Miyeyi lane icuaitsi anuli cal xans ipalaic'o'ma Jesús, timi:

—Ima' ni petsi loftseya iya' jouc'a quihuej'mo'.

58 Jesús italai'e'e'ma, timi:

—Lant'leyá tipa'a liłpunts'ejay, lacał'hui naiyulpá lema'a tipa'a liłpuxil'na'. Iya' ilłque cal Xans Łiximpa cal profeta pu'hua lema'a. Iya' ailopa'a caifxmai'eya.

59 Jesús ipalaic'o'ma ocuena xans, timi:

—Ima' lihuejla'.

Cal xans timi:

—Małpoujna, lapi'ila' lane, ca'huala' lainejut'ł. Mipa'a cai'ailli' capajnta jilpe. Tijouła timanła', caminna, quihuejna'mo'.

60 Jesús timi:

—A'i. Lomapola' ti'i'ma temile liłf'as lomapola'. Ima' to'huala', toya'atsi te ts'i'ic' micuxe ŁanDios cal Rey.

61 Ocuena xans ipalaic'o'ma Jesús, timi:

—Małpoujna, quihuej'mo'. Ate'a lapi'ila' lane ai'huanapa caxc'ai'itola' ilne nomana' lainejut'ł, tijouła' capaiconahuo, quihuej'mo'.

62 Jesús timi:

—Cal xans liþangopa tepa'ma łemats' ja'ni tipaicof'ila' tehuelojnla' lixpula', aimi'iya mi'eya lipenic' ŁanDios, ilłque cal Cuecaj Rey.

10

1 Lijou'ma lałPoujna Jesús i'łhuij'f'e'mola' ocuena ye ts'ilihuequi. Iłniya lam fanej nuxans quimbama'. Umme'mola' tiyełe oquexi' oquexi' illelołya'. Tiyef'colaitsa ate'a, tijouła' tuyaicota Jesús. 2 Timila':

—Itsiya lixhuaita litine cafot'leya. Tipa'a acueca' lanic', ahuata lan xanuc' nafot'leyacu. Tołsahue'ełe laPoujna camats' tummetsola' no'eyacu canic' petsi liþammaita łemats'.

3 Imanc' laixanuc' ti'onłcospolhuo' to lam mot'ł, ilne aimi'iya mipa'neyacołtsi. Iya' cummelhuo' tonlełe pe lomana' lan xanuc' lo'onłcospola' to lam lobo, ilne oyac'la quinnejá.

4 Aimołtai'me lołponta. Jouc'a aimołtai'me lołmorrál, ni tołc'ejí. Aimołpalaic'otola' lan xanuc' lołtalecufyacola' lane. 5 Lajut'ł pe lołtsuflaiyacu tołmitsola': “ŁanDios tipaxnetsolhuo' imanc' nołmana' fa'a lajut'ł”. 6 Ja'ni tipa'a anuli cal c'a xans jilpe lajut'ł, ŁanDios tipaxne'ma. Ja'ni ailopa'a, ŁanDios tipaxne'molhuo' ma le'a imanc'. 7 Petsi lapenufnyacolhuo' małpiya tolunxac'eta. Łapi'inyacolhuo' tołteta, tołsnata. Aimołcua'me: “Aimi'iya małtejacu. Ailopa'a caltomí.” Cal xans no'epa lanic' tipa'a lapi'inyacu. Imanc' toł'eyi lipenic' ŁanDios, jouc'a tipa'a lapi'inyacolhuo'.

8 'Lilelołya' pe lołtsuflaiyacu, ja'ni lan xanuc' tepenuftsolhuo' tołtetsa lapi'inyacolhuo'.

9 Tołxał'metsola' lafcualłay. Tołmitola' lan xanuc': “Ma fa'a pe lołmana' icuai'ma ŁanDios cal Rey”.

¹⁰ 'Litelol'ya' pe lołtsuflaiyacu ja'ni aimepenufinnihuo', toluyalaicotsa łaneya ilpe liłya', monłeyi toluya'ata: ¹¹ "Illanc' ni łepi camats' lotałijmpa lał'mitsi' fa'a lołpiłya' aimatłaiyacu. Tołsinłe, lunafnayi, tipanenni fa'a. Tama aluyalai'me illanc', ti'ila' colłsina' imanc': ŁanDios cal Rey icuai'ma fa'a pe lołmana'." ¹² Iya' camilhuo': Al Cuecaj Quitine locuaicoya tama ŁanDios titeł'mi'mola' lun Sodoma, xonca acueca' titeł'mi'mola' lan xanuc' ilpe liłya' petsi aimepenufinnihuo'.

¹³ 'Ima' miłya' Corazín, acueca' loftelcoya. Ima' miłya' Betsaida acueca' loftelcoya jouc'a. Jiłne lołxanuc' joup'a iximpá al cueca' lo'epa ŁanDios. Aiquilłsuej'meya. Luyaipa quitine Tiro y Sidón colá' ixim'me tołta'a, lan xanuc' limajmpá colá' tixhuel'menacu, colá' ticutshuolai'me tixhuelco'me, tipo'no'me liłpijahua' ayolca, timets'li'me capi' lił'a, timujco'mołtsi ixhuel'menamma liłjunac'. ¹⁴ Al Cuecaj Quitine locuaicoya tama ŁanDios titeł'mi'mola' lun Tiro y lun Sidón, xonca acueca' titeł'mi'molhuo' imanc' unc'itelol'ya' Corazín y Betsaida jouc'a lołxanuc'. ¹⁵ Ima' miłya' Capernaum, ¿te to'nof'e'moxi xonca al toncay? ¿Te ti'onłto' to ŁanDios? A'i. Ti'oc'em'mo'. Toxinnoxi jiłpe al muf.

¹⁶ 'Imanc' ts'alihuequi, iya' camilhuo': Ja'ni anuli cal xans tiquimf'elhuo', ilque cal xans ałquimf'enga' iya', imanc'. Ja'ni anuli cal xans tetets'ilhuo', ilque cal xans latets'inga' iya', imanc'. Ja'ni anuli cal xans latets'i iya', ilque cal xans latets'inga' iya' y ŁanDios Łalummepe.

¹⁷ Ipalunca lam fanej nuxans quimbamaj ts'ilihuequi Jesús, uya'ahuo'me. Lijou'ma ipailinamma. Licuainatsa pe lopa'a Jesús tixoqui quileta, timiyi:

—Mał'ailli', ałcuaj'mihuo'me lopuftine tołta'a lontahue lihuejcoponga', ipalumma.

¹⁸ Jesús timila':

—Łonta'a Satanás itsiya ailopa'a pu'hua lema'a. Joup'a ecangimpa. Iya' aiximpa lecangemma to lixcuaflay. ¹⁹ Ałcuc'eł'a' imanc'. Iya' nepi'ipolhuo' lołmane, ti'i'ma toł'huailets'uf'mola' lainofat'ł jouc'a linnaispó. Tama icueya quimane Satanás aimi'iya mulijyacolhuo' imanc'. Ailopa'a co'eyacolhuo'. ²⁰ Imanc' tixoqui cunlata lipalunca lontahue lołcuxe'e'mola'. Itsiya camilhuo': Xonca tixojla' cunlata, ŁanDios timetsaicolhuo'. Lołpuftine inilingiya jiłpe linilingiya liłpuftine lixanuc' ŁanDios.

²¹ Małpe al 'hora cal Espiritu Santo juaiconapa ixoc'i'ma queta Jesús. Ilque ipalaic'o'ma ŁanDios, timi:

—Mai'Ailli', ima' maPoujna lema'a y li'a łamats'. Cax'najtsi'ihuo' lof'epa. Tomuc'ila' laixanuc', ilne lo'onłcospola' to la'uhuy. Mepi'ipola' liłpicuejma' ticuec'ele laitaiqui'. Lan xanuc' ts'iksina', xonca nixhuel'pá, aicomepi'ila' tołta'a liłpicuejma'. Ilne iximpá ipime laitaiqui', to emiya. Aimi'i muhualcufyi. Ałınca mai'Ailli', tołta'a lołpic'epa, tołiya latentłocopo' ima'.

²² Jesús ti'hua tipalay, ticua:

—Cai'Ailli' jahuay lapi'ipa cacuxe'etsola'. Iya' i'Hua ŁanDios, lan xanuc' aimi'iya małsingufya iya' laipicuejma'. Ma le'a cai'Ailli' ałsingufi. Lan xanuc' jouc'a aimi'iya mixingufyacu cai'Ailli' lipicuejma'. Ma le'a iya' li'Hua, linca aixingufi.

'Iya' caxpic'e naiłne laifmuc'iyacola', ilne camuc'ila' te ts'i'ic' lipicuejma' cai'Ailli'. Ilne linca timetsaicoyi cai'Ailli'.

²³ Lijou'ma, Jesús ipalaic'o'mola' ts'ilihuequi quiltuca', timila':

—Imanc' ałınca tuluyalaicoyi al c'a, tolahuelojnyi lo'epa ŁanDios. ²⁴ Iya' camilhuo': Luyaipa quitine axpela' lan xanuc' tijanajyi colá' tixinłe lołsimpa itsiya imanc'. Ilniya lam profeta jouc'a lan rey aiquixim'me. Ijanaj'me colá' tiquimf'ele lołquimf'epa itsiya imanc'. Aicu'innila' jiłiya laitaiqui'.

²⁵ Lijou'ma itsahuenni anuli łomxi nomuc'iyalepa locuxepa ŁanDios, tehuai'ma Jesús. Icuis'e'ma, timi:

—Momxi, aipic'a culijla' al ts'e laipitine aimijouya. ¿Te caif'eya?

²⁶ Jesús timi:

—Lataiqui' Linilingiya loya'apa locuxepa ŁanDios, ¿te cocuapa?

²⁷ Łomxi italai'e'e'ma, timi:

—“To'nujuaisla' ŁanDios łoPoujna, itque omenDios. Taihuejla' jahuay łomunxajma', jahuay ło'alma, jahuay łopujfxi, jahuay łopicuejma'. Ima' to'eyoxi capic'a, ma tołta'a to'eł'a' capic'a łof'as xans, naitsi łoftalecufya.”

²⁸ Jesús timi:

—Al c'a ałtalai'e'epa. Tołta'a to'e'ma, tapenuf'ma łopitine.

²⁹ Łomxi timiyoxi: “Tixinł'a' Jesús iya' aipicuejma'”. Icuis'econa'ma Jesús, timi:

—¿Naitsi xans caif'eya capic'a?

³⁰ Jesús italai'e'e'ma, timi:

—Anuli cal xans ipanni liłya' Jerusalén, imunni lane Jericó. Mi'hua lane lan namats' linma'ahuale i'noł'me, umets'ai'me, untaf'me, exic'e'e'me lipijahua', ipo'no'me tocomma joupa tima'ma. Inulna'me. ³¹ Jiłpe al 'hora anuli ła'ailli' ti'hua małpe lane. Lixim'ma lixcayıołpa cal xans aikuicoł'ma, uyai'ma locuena liju' lane. ³² Ma' anuli i'e'ma łocuena cal xans notoc'ipa ca'ailli'. Icuaitsi huejnca lixcayıołpa cal xans. Lixim'ma aikuicoł'ma, uyai'ma locuena liju' lane.

³³ Anuli cal xans łas Samaria jouc'a ti'hua małpe lane. Icuaitsi huejnca lixcayıołpa cal xans. Lixim'ma, ixim'ma cuanuc'. ³⁴ Hoc'huai'ma pe łopa'a cal xans, ic'ef'i'ma laceite jouc'a al vino ite lehui. Ifi'e'ma lehui. Lijou'ma ipulał'ma enaf'i'ma liburro, ileco'ma anuli lajut'ł pe lonxac'eyoyacu. Jiłpe i'e'ma cuenna. ³⁵ Lihuequi litine ai'a tuyai'ma, cal xans ipa'a'ma liponta oque' al tomí plata, (łolijpa cal xans oquej quitine), epi'i'ma lipoujna cajut'ł, timi: “Itca'a cal xans to'e'ma cuenna. Ja'ni aimixhuaicospa ita'a al tomí laifnepi'ipo', ima' taipa'a'ma lotomí, to'naco'ma lahue'eya. Aimoxhuełmot'łe'ma. Cacuaiyoconno, ca'najtse'ena'mo'.”

³⁶ Afantsi lan xanuc' niximpá itque lixcayıołpa cal xans. ¿Naitsi nihuejcopa ite łataiqui' loya'apa: “To'eł'a' capic'a łof'as xans, naitsi łoftalecufya”?

³⁷ Łomxi italai'e'e'ma, timi:

—Itque liximpa cuanuc'.

Jesús timi:

—Ne'. Ima' to'huał'a', to'etsi ma to li'epa itque cal xans.

³⁸ Miyeyi lane Jerusalén Jesús jouc'a ts'ilihuequi icuaitsa anuli łaca'hua quiliya'. Jiłpe tipa'a anuli łaca'no' cuftine aMarta. Marta epenuf'ma lejut'ł. ³⁹ Tipa'a lipima caca'no' cuftine aMaría. María icutsingai'ma li'mitsi' Jesús. Tiquimf'e litaiqui'. ⁴⁰ Marta tipa'a acueca' lipenic'. Tihuejnyoxi. Tixhuełmot'łe juaiconapa. Hoc'huai'ma pe łopa'a Jesús. Ipalaic'o'ma, timi:

—Maipoujna, ¿te aicoxina' lo'ipa fa'a? Łaipepo ałpo'nohua. Iya' ca'ay jahuay łanic'. Tomił'a: “Totoc'itsi łopima”.

⁴¹ ŁałPoujna Jesús italai'e'e'ma, timi:

—Ima' cumMarta, acueca' łof'epa. Toxhuełma juaiconapa, taihuejnyoxi.

⁴² Ticuicomma ma le'a anuli łof'eya. María i'huij'epa xonca al c'a. Aimi'iya mixic'enyacu.

11

¹ Anuli litine Jesús mipalaic'o ŁanDios jiłpe timana' ts'ilihuequi. Jesús lijou'ma li-palaic'o'ma ŁanDios anuli itne ts'ilihuequi ipalaic'o'ma, timi:

—Mai'ailli', Juan imuc'i'mola' ts'ilihuequi te ts'i'ic' mipalaic'oyacu ŁanDios. Ima' ałmuc'itsonga' jouc'a.

² Jesús timila':

—Mołpalaic'oyi ŁanDios tołmi'me:

Ima' mał'Ailli' cofpa'a lema'a.

Timetsaicontso' apaxi loPuftine.

Ticuaitsi litine petsi jahuay lan xanuc' timetsaicotso' ima' ihRey.
Pu'hua lema'a jahuay tihuejcohuo', toŧta'a tihuejcotso' fa'a li'a lamats'.

³ Laŧtepa itine itine, lapi'itsonga' itsiya.

⁴ Illanc' joupa limenc'e'ecopola' ihne laŧ'e'eponga' lixcay. Ima' jouc'a alimenc'e'ecotsonga' petsi lalimenajponga'.

Aimaŧeco'monga' lalahuaiyoyaconga'.

Ja'ni tiŧoc'huai'ma laŧmana' lixcay xans, ima' luntŧ'etsonga'.

⁵ Jouc'a timila':

—Anuli imanc' ja'ni nolojmay quipuqui' hŧejmale ticuaitsi lejut'ŧ, timitsi: “Maipima, lapi'ila' afane' caine'í. ⁶ Anuli ŧalimetsaicoyotŧsi icuai'ma lainejut'ŧ. Hque in'huaya xans. Iya' ailopa'a caifnepi'iya.” ⁷ Hque ŧonanc'ompa nopa'a lejut'ŧ, ŧte timi'ma: “Amalapi'i'ma coyac'. Aimaŧsa'huot'ŧe'ma. Joupa aix'nifconapoxi. Lainaxque' joupa lunahuoŧainapá. Aimi'iya catsahueya. Aimi'iya capi'iyaco'”? ⁸ Iya' camilhuo': Tama inespa: “ŧTe caif'eya? Linca aŧejmale. Aicatsahueya, aicapi'iya”, ja'ni ti'hua tixahue'e, linca titsahuehuo, tepi'i'ma jahuay loxahue'epa.

⁹ Iya' camilhuo': Ti'hua toŧsa'hueŧe, tijouŧa' tepi'im'molhuo'. Ti'hua tolahueŧe, ti-jouŧa' toŧsim'me. Ti'hua tolumf'asle al puerta, tijouŧa' texi'em'molhuo'. ¹⁰ Lan xanuc' noxa'huepá tepi'inni, jouc'a nahuepá tixim'me, jouc'a nomf'axpá texi'em'me.

¹¹ Imanc' unc'a'aillí, ja'ni loŧnaxque' tixahue'etsolhuo' quile'i, ŧte tolapi'i'mola' ŧapic? A'i. O ja'ni tixahue'etsolhuo' ŧatu, ŧte tolapi'i'mola' ŧainofaŧ? A'i. ¹² O ja'ni tixahue'etsolhuo' ŧapi'e, ŧte tolapi'i'mola' linnaispo? A'i. Aimi'iya monŧ'eyacu toŧta'a.

¹³ Imanc' tama oŧaic' loŧjunac', tipa'a loŧpicuejma' tolapi'ila' al c'a loŧnaxque'. Conŧ'Ailli' Nopa'a lema'a, xonca acueca' lipicuejma'. Hquiya linca tepi'i'molhuo' cal Espíritu Santo ja'ni toŧsahue'eŧe.

¹⁴ Jesús tipa'e ŧonta'a ŧitsufaipa cal xans. ŧonta'a mi'nico, cal xans aimipalay. Lipanni ŧonta'a cal xans ipalaina'ma. Lan xanuc' lefot'ŧepoŧsi jiŧpiya ticuayi:

—ŧXinŧa'! Acueca' lo'epa Jesús.

¹⁵ Timana' nocuapá:

—A'i. Beelzebú, lincoxepa contahue, ihque ŧepi'ipa limane, toŧta'a tipa'ala' lontahue.

¹⁶ Ocuenaye ehua'i'me Jesús, ixa'hue'me timuc'itsola' al cueca', to lo'epa ŧanDios Nopa'a lema'a. ¹⁷ Jesús ixina' te ts'i'ic' minesyi jiŧpe liŧpicuejma', timila':

—Ja'ni tenajtŧoŧsi lan xanuc' anuli al cuecaj nación, jiŧiya al nación tejac'ma. Jouc'a ja'ni tenajtŧoŧsi lan xanuc' nomana' anuli lajut'ŧ, ihniya lan xanuc' aimipajnya liŧpujfxi, tijou'mola'. ¹⁸ Imanc' toŧcuayi Beelzebú, ihque Satanás, lapi'ipa laimane, toŧta'a quipa'ala' lontahue. Iya' cacua: Ja'ni ŧonta'a Satanás tipa'ala' lipontahue joupa enajpoxi Satanás. Hque y ts'ilihuequi a'ij nuli liŧpicuejma'. Ja'ni toŧta'a li'ipa, ŧte ti'hua ticuxe Satanás? A'i. Aimi'iya. ¹⁹ Iya', ja'ni Beelzebú lalapi'ipa laimane, ja'ni toŧta'a quipa'ala' lontahue, loŧxanuc' naipa'apá contahue, ŧnaitŧi nepi'ipola' liŧmane ihniya? Maŧniya timuj'me imanc' timenaquilhuo'. ²⁰ O ŧte coŧcuayacu ja'ni ŧanDios lalapi'ipa laimane quipa'atsola' lontahue? Ja'ni toŧta'a lo'ipa, linca jifa'a tipa'a ŧanDios cal Rey. Hque ticuxe.

²¹ Anuli cal xans ts'ipujfxi, mipa'a lofulecopa ticuanajco'ma lejut'ŧ jouc'a hi'hueca. Ailopa'a tintŧi. ²² Ticua: “Tipa'a laifulecopa. Aimi'iya malulijya.” Ticuaitsi ŧocuena xonca ts'ipujfxi, tiŧonc'eta lofulecopa, tulijnata. Tica'neta hi'huexi cal xans.

²³ Naitŧi aicalihuequi aŧ'ay laic'. Naitŧi aimefot'ŧela' lan xanuc' to laif'epa, ihque tica'nennala'.

²⁴ ŧonta'a lipanni licuerpo cal xans ti'hualeco'ma hiŧuŧ camats' pe ailopa'a caja'. Tehue petsi conxac'eya. Aimixina. Ticua: “Aipainamma. Ai'huanapa lainejut'ŧ pe lainipayomma.” ²⁵ Licuaitsi jiŧpiya tixim'ma itaf'uyiya, i'huáqui al c'a. ²⁶ Lixim'ma toŧta'a ti'huacona'ma, tilecotola' acaitsi lontahue xonca ixcay. Titsuflai'me jiŧpiya licuerpo cal

xans, timajm'me. Tołta'a itque cal xans xonca acueca' a'ijc'a loyaicoya. Al te'a le'a anuli lonta'a i'hueca, tijouła' ti'i'mola' apaico lontahue.

²⁷ Mu'ila' tołta'a Jesús lan xanuc' lafołyomma jilpiya, anuli łaca'no' ipalai'ma ujfxi, timi:

—Joupa ipaxnempa co'máma', itque ipo'nopo', itoc'epo'.

²⁸ Jesús italai'e'e'ma:

—Ja'ni tiquimf'eyi litaiqui' ŁanDios jouc'a tihuejcoyi, xonca ipaxnempá ihniya.

²⁹ Lan xanuc' efot'łepołtsi pe lopa'a Jesús. Ipango'ma u'i'mola', timila':

—Lan xanuc' nomana' itsiya litine ixcay liłpicuejma'. Iłpic'a ŁanDios timuc'itsola' al cueca'. Iya' cacua: Aimimuc'iyacola'. To li'ipa cal profeta Jonás luyaipa quitine ma tołta'a al'i'ma iya'. Iłe linca tołsim'me, timuc'i'molhuo'. ³⁰ Iłe li'ipa Jonás imuj'ma al cueca' lo'epa ŁanDios. Tołta'a ixim'me lan xanuc' nimajmpá liłya' Nínive. Iłe lał'iya iya' ma' anuli timuc'i'mola' lan xanuc' nomana' itsiya al cueca' lo'epa ŁanDios. Iya' itque cal Xans Łiximpa cal profeta pu'hua lema'a.

³¹ 'Ticuaitsi al Cuecaj Quitine imanc' tołacaxingołaita ŁanDios cal Cuecaj Juez. Łaca'no' nicuxepola' lan xanuc' nomana' anuli łamats' juaiconapa aculi' al 'ocay jouc'a tecax-huaita. Iłque łaca'no' xonca al c'a li'ejma', tołiya ticuftolhuo'. I'hua'ma juaiconapa itoqui lane. Icuaitsi pe lotseya. Jilpe icuej'ma locuapa cal rey Salomón, itque acueca' lipicuejma'. Itsiya imanc' tama tołquimf'eyi anuli xonca acueca', tołatets'iyi.

³² 'Al Cuecaj Quitine tołacaxingołaita ŁanDios cal Cuecaj Juez. Jouc'a tecaxingołaita lun Nínive, jilpiya Jonás uya'ahuo'ma litaiqui' ŁanDios. Iłniya lun Nínive ticuftolhuo'. Iłne iquimf'e'me lu'i'mola' Jonás, ixhuej'menanca. Itsiya tama imanc' tołquimf'eyi anuli xonca acueca', aimołsuej'memma.

³³ 'Munai'im'me lepalc'o' aimeminyacu, aimic'ommumiquinyacu. Tipo'nonni pe lopiyoapa. Tołta'a titsufłaiłe lan xanuc' jilpe lajut'ł tixim'me lepalc'o'. ³⁴ Lo'u' tepalc'o'ihuo'. Ja'ni ac'a lo'u' toxinna pe lof'huapa, te lof'epa. Ja'ni a'ijc'a lo'u' topanehuo al muf. ³⁵ Ma' anuli lo'e'eyaco' ja'ni to'ehuale laic', topanehuo al muf. Ti'i'mo' a'ijc'a lopicuejma', aimepalc'o'ihuo'. Topo'nołaj cuenna. Ja'ni timufc'otsi lopicuejma', acueca' juaiconapa ti'i'ma iłe al muf. ³⁶ Ja'ni ac'a lopicuejma' aimopajnya al muf. Ti'i'mo' to lo'e'eyaco' lepalc'o'. Ja'ni tołoc'aiłta' lepalc'o' tepalc'o'i'mo' juaiconapa.

³⁷ Jesús lijoupa lipalaipa iłe lataiqui' anuli cal xans fariseo ijoc'ihuo'ma tiyełe lejut'ł titetsota. Jesús itsufai'ma iłe lajut'ł icutsai'ma, titetso'ma. ³⁸ Cal xans fariseo ehuelojm'ma Jesús, ixim'ma aimi'ay to lif'as xanuc' fariseo. Aiculou'ma al c'a limane ai'a titetso'ma. Cal fariseo timiyoxi: "Iłca'a cal xans Jesús, łte qui'ecopa tołta'a? Aiculouhuo al c'a limane to mał'eyi illanc'."

³⁹ ŁałPoujna Jesús timi:

—Imanc' unc'ifariseo tołapajyi pe li'huáqui. Tołapajyi liłspula' lołvaso, lołpime. Pe aiqúi'huáqui, jilpe aimoł'eyi cuenna. Imanc' lołpicuejma' tipanemma a'ijc'a, imanna pangay quixcay. Jilpe lołpicuejma' tołjanajyi tepi'intsolhuo' xonca, tołspic'eyi toł'ele quixcay. ⁴⁰ Imanc', unc'itonno. Iłque Łolanc'epa li'huáqui, łja'ni aiqúilanc'e jouc'a iłe pe aiqúi'huáqui? ⁴¹ Imanc' ts'ol'hueca tołapi'itsola' pe ailopa'a quił'hueca. Tijouła' ŁanDios tetentłoco'ma loł'ejma', tixim'molhuo' unc'ilimpio, jouc'a lołpime, lołvaso.

⁴² 'A'ijc'a lo'iyacolhuo' imanc' unc'ifariseo. Lołxaimu, lołruda jahuy lołpitamqui, ja'ni ol'hueca imbama' tołtsufco'me anuli, tijouła' aimoł'nujuais'mola' lołf'as xanuc'. Aimoł'ela' capic'a. Aimoł'ela' al c'a, aimoł'ela' al liłca to locuxepa ŁanDios. ¡Ne'! Aimonlimenc'eco'me tołsufco'me ŁanDios lołpitamqui, jouc'a tont'ele jahuy locuxepa ŁanDios.

⁴³ 'A'ijc'a lo'iyacolhuo' imanc' unc'ifariseo. Jilpiya lajut'łi pe lafołyomma lan xanuc', imanc' ołpic'a tołcutsolaıłe pe locutsołaiıpa lan tsilaj xanuc'. Monte'me la plazá locucaley-ompa ołpic'a lan xanuc' tinontsolhuo'. ⁴⁴ A'ijc'a lo'iyacolhuo'. Ti'onłcospolhuo' to jilpe lamu'empola' lamizhua. Lan xanuc' muyalaico'me jilpiya aimixinyi te ts'i'ic' jilpe. Tołe qui'ic' lołpicuejma'.

⁴⁵ Anuli iñe lomxiye nomuc'iyalepa locuxepa ËanDios italai'e'e'ma, timi:

—Momxi, lofcuapa tołta'a jouc'a illanc' ałmiloquinga' cataiqui'.

⁴⁶ Jesús italai'e'e'ma, timi:

—Imanc' unc'omxiye nołmuc'iyalepá locuxepa ËanDios, a'ijc'a lo'iyacolhuo'. Imanc' tolatonc'iyi lataiqui' locuxepa ËanDios. Tołcuxe'ela' lan xanuc' tenant'ñe jahuay iñe lołtaiqui'. Iñiya tixinyi ipime lołcuxe'epola', afule mixnet'łyi. Jouc'a imanc' aimolanant'ñiyi. Tołsinyołtsi uhuałquelhuo'. Tołcuxeyołtsi cołtuca'. ⁴⁷ Imanc' a'ijc'a lo'iyacolhuo'. Lołtatahueló inma'ahuale, ima'a'me lam profeta. Imanc' tołłanc'e'ela' ñilejut'ñi iñe lam profeta. ⁴⁸ Tołta'a tołmujoyołtsi tetencocolhuo' li'epa lołtatahueló. Iñe linma'ahuale ima'a'me lam profeta, imanc' tołłanc'e'ela' quilejut'ñi pe lemu'empola' iñiya.

⁴⁹ 'ËanDios acueca' lipicuejma'. Joupa iximpa te ts'i'i'c' loł'ejma'. Joupa ipalaicopolhuo', icuapa: “Cumme'e'mola' lam profeta, jouc'a lan apóstole, ticuaitsa pe lomana' iñiya lan xanuc'. Iñe tima'ata hualca, locuenaye ti'e'ennola' acueca'.”

⁵⁰ 'Imanc' ma tołta'a loł'ejma'. Tołta'a jouc'a tołtai'me liłjunac' lołxanuc', iñe inma'ahuale, ima'a'me lam profeta. Ma lipangopa li'a lamats' małpe ipangopa jouc'a li'epa lixcay. ËanDios jahuay ti'ñajtsi'i'molhuo' imanc'. ⁵¹ Ti'ñajtsi'im'molhuo' limacopa Abel, ti'hua ti'ñajtsi'im'molhuo' lima'ampola' lam profeta, cocuaiya lima'ampa Zacarías. Iłque ima'ayom'me jilpe al cuecaj xoute' lixpula' al altar, jilpe lotsuflaiyacu al paxi lugar.

⁵² 'Imanc' unc'omxiye nołmuc'iyalepa locuxepa ËanDios a'ijc'a lo'iyacolhuo'. Joupa ołcuapá: “Ma le'a illanc' ałsina'. Ma le'a illanc' ałmuc'iyale'me.” Joupa ołs'nifcopá al puerta, olamipá cal llave. Imanc' aicołtsuflaic' pe locuxeyopa ËanDios, jouc'a aicolapi'ila' lane lan xanuc'. Pe nocuapá: “Ałtsulfołaiñe”, imanc' ołpa'nela'.

⁵³ Lomxiye nomuc'iyalepá locuxepa ËanDios jouc'a lam fariseo juaiconapa ixtulencia. Lipanni Jesús jilpe lajut'ł ipango'me icuis'mot'ñe'me juaiconapa. ⁵⁴ Tehueyi te co'iya mic'añqueya Jesús. Tinesla' cataiqui', tijouła' ticuxecota, ticuaita quilmane ts'ñpenic'.

12

¹ Mipa'a Jesús lajut'ł jilpiya efołunni axpela' lan xanuc', ti'huałtsijnyołtsi. Ate'a ipalaic'o'mola' ts'ilihuequi. Lipangopa lipalaic'opola' timila':

—Imanc', tołpo'nołe cuenna. Aimolapenuf'me jile ñilevadura lan xanuc' fariseo. Capalaicola' lił'ejma' iñiya. Iñe ma le'a ti'e'eyołtsi ac'a xanuc'. ² Camilhuo': Letamuyiya tiłonc'e'em'me, ti'huájta. Tixim'me iñe lemiya. ³ Iñe lołpalaipa joupa imufc'opa, ticuaihuo litine tepalc'o'ina'me, ticuec'ena'me. Jile lołsoulai'ipołtsi mołmana' letemiquiya lajut'ł, małiya lataiqui' tuya'am'me al toncay lajut'ł.

⁴ 'Imanc' lałejmalepa, iya' camilhuo': Aimołspaic'e'mola' noma'ahualepá. Iñiya ma le'a tejac'eyi al cuerpo. Tijouła' aimi'ya mi'eyacu xonca. ⁵ Iya' cu'ilhuo' naitsi tołspaic'eyacu. Iłque icueya limane. Ti'i'ma tima'a'mola' lan xanuc', tijouła' ti'ñij'mi'mola' al muf, pe lopa'a lunga. Iłque ñinca axpaiqui'. Tolihuejcołe iłque.

⁶ 'Joupa ołsina' tojua liłpitali lan gorrión. Ticujconnila' amajxi ma le'a oque' centavo. Tama ahuata liłpitali iñe lacał'hui, ËanDios aimimenc'ejma ni anuli. ⁷ Xonca ti'ñujuaitsilhuo' imanc'. Joupa ixhuej'miya tojua mipa'a lajuac quitefque tołjuac. Ixina' ja'ni tecangemma anuli. Aimołsuelmot'ñe'me. Aimixpailij'molhuo' lo'iyacolhuo'. ËanDios tixinnilhuo' acueca' lołpitali. Tama axpela' lan gorrión aimi'ya mulijyacolhuo'.

⁸ 'Iya' camilhuo': Anuli cal xans mipa'a fa'a li'a lamats', ja'ni alimetsaicoła', ja'ni timitsola' lif'as xanuc': “Iya' ñihuequi Jesús”, iya' jouc'a quimetsaico'ma. Iya' iłque cal Xans Ëiximpa cal profeta pu'hua lema'a. Pe lomana' lepaluc' ËanDios cuya'ata: “Iłque cal xans lihuequi”. ⁹ Anuli cal xans ja'ni tinesla': “Iya' aicainihuequi Jesús”, iya' jouc'a aicainimetsaicoya iłque cal xans. Pe lomana' lepaluc' ËanDios cuya'ata: “Iłque aicalihuequi”.

¹⁰ 'Iya' iŋque cal Xans Liximpa cal profeta pu'hua lema'a. Cua naitsi ahnesc'e'ela' cataiqui', iŋque cal xans ti'i'ma tiŋojm'ma lijunac'. Cal xans nonesc'e'eya cataiqui' cal Espiritu Santo, iŋque aimiŋonc'e'enyacu lijunac', aimi'iya. Ita'a lapajnya jouc'a locuenaj quitine titai'ma lijunac'.

¹¹ 'Ticuaihuc litine ticufquinnolhuo', ti'hua'am'molhuo' lajut'hi pe lafoŋyomma lan xanuc', tileconnolhuo' pe lomana' lan tsilaj quincuxepá, maŋe anuli tileconnolhuo' pe lomana' ts'iŋpenic'. Ti'itsolhuo' toŋta'a aimoŋsueŋmot'ŋe'me, aimoŋcua'me: "¿Te co'iya catalai'ecoyacoxi? ¿Te caifmiyacola?" ¹² Maŋe al 'hora cal Espiritu Santo tu'i'molhuo' loŋtalai'ecoyacu.

¹³ Jiŋpe lefoŋya anuli cal xans ipalaic'o'ma Jesús, timi:

—Momxi, laipima joupa efot'ŋumijnapa hi'huexi caŋ'ailli'. Tomita lapi'ila' onŋca locuaiya caimane.

¹⁴ Jesús italai'e'e'ma, timi:

—Cunxans, ¿te aga aŋfaquimpa cacuxetsolhuo' toŋta'a? A'i. Aimi'iya capit'hiyacolhuo'.

¹⁵ Jesús ipalaic'o'mola' lan xanuc', timila':

—Imanc' toŋ'etsolŋsi cuenna. Aimonlahue'me acueca' coŋ'huexi. Cal xans tama acueca' hi'huexi, iŋque hi'huexi aimi'iya mepi'iya lipitine.

¹⁶ Jesús ti'hua tipalaic'ola'. I'onŋico'ma to li'ipa anuli cal xans nulijpa acueca' qui'huexi. Timila':

—Anuli cal xans i'hueca acueca' ŋemats', ipammaita juaiconapa. ¹⁷ Iŋque ipalaic'o'moxi, timiyoxi: "¿Te caif'eya? Ailopa'a caif'huec'e'eya hipammaita acueca' ŋainemats'."

¹⁸ Lijou'ma timiyoxi: "Ne', joupa aixina' laif'eya. Cateŋ'ma ŋainejut'hi pe laif'huec'eyopa ŋai'huexi. Tijouŋa' calanc'econa'ma xonca atsila' ŋainejut'hi. Jiŋpe ca'huej'ma ŋaitrigo jouc'a jahuay locuena ŋai'huexi hipammaita ŋainemats'. ¹⁹ Tijouŋa' cami'moxi: Cunxans, joupa' o'hueca acueca'. Tijuco'ma axpe' camats'. Itsiya linca tonxaj'ma, totetso'ma, toxna'ma, topajm'ma tixoj'ma meta." ²⁰ LanDios ipalaic'o'ma timi: "Ima' cunxans umtonno. Ita'a lipuqui' tiŋonc'e'enam'mo' lopitine. Tijouŋa' jahuay ŋomefot'ŋepa, ¿naitsi ŋapenufyá iŋna'a?"

²¹ 'Iya' camilhuo': Toŋta'a cal xans ja'ni tixhuej'mecoyoxi iŋque quituca', lo'epa aime-tenŋcocojma LanDios. Iŋque tama acueca' efot'ŋepa, LanDios tixina to aiqui'hueca, aimepen-ufi iŋque cal xans.

²² Jesús lipangoconapa lipalaic'oconapola' ts'ilihuequi, timila':

—Aimoŋsueŋmot'ŋe'me te co'iya muluyalaicoyacu lapajnya fa'a li'a ŋamats'. Aimoŋcua'me: ¿Te caŋtejacu? ¿Te caŋju'ecoyacoŋsi? ²³ Loŋpitine acueca' lipitali, loŋtepa aijtine. Loŋcuerpo linca xonca acueca' lipitali, loŋju'ecoyacoŋsi aijtine.

²⁴ 'Tolsinŋe lan coŋpe'. Iŋniya aimifayi, ni mefot'ŋeyi. Ailopa'a quilejut'ŋ ni quiŋ'huecoŋma pe lo'huejyoyacu loŋtejacu. Ma LanDios tites'mila'. Imanc' aimi'onŋyacolhuo' to iŋniya lacaŋ'hui. Xonca acueca' loŋpitali. ²⁵⁻²⁶ Imanc', ¿te aga ti'i'ma toŋ'e'e'moŋsi xonca unc'itoŋqui? A'i. Aimi'iya, ni huata. Tama toŋsueŋcocoyi aimi'iya monŋ'eyacu iŋe a'ij cueca'. Tijouŋa' ¿te coŋsueŋcocopa te co'iya muluyalaicoyacu lapajnya?

²⁷ 'Tolsinŋe te ts'i'ic' mitoqui iŋna'a ŋaic'ua' c'ec. Tama aimucui ni mipufi hipipa' tetej-coyoxi to quipijahua'. Cal cuecaj rey Salomón lipo'nopa ac'a lipijahua', tama i'huáqui juaiconapa acueca' quincuxepa, aiqui'onŋcotsi to jiŋpe hipipa' c'ec. ²⁸ LanDios tiju'e'ela' juaiconapa ac'a ŋaic'ua' c'ec. Iŋque ŋaic'ua' c'ec aimijujma. Anuli quitine titoqui ac'a, lihue-qui litine tiyaxquinni, tipi'enni pe lopa'a lapa. Imanc', ¿te LanDios aimiju'eyacolhuo'? Ah imanc', huata toŋ'huaiyijnyi LanDios.

²⁹ 'Muluyalaicoyi lapajnya aimolahue'me ma le'a coŋtejacu o coŋsnayacu. Aimoŋcua'me: "LanDios, ¿te lapi'i'monga', o aimalapi'iyaconga?" ³⁰ Toŋta'a liŋ'ejma' lan xanuc' pe aimimetsaicoyi LanDios. Coŋ'Ailli' ixina' te laicuicom'molhuo'. ³¹ Imanc' toŋpo'noŋe loŋpicuejma', tolihuejcoŋe LanDios cal Cuecaj Rey, tonŋ'ele al c'a ma to locuxepolhuo'. Toŋta'a tepe'i'molhuo' jahuay, aimehue'eyacolhuo'.

³² 'Imanc' aixanuc' aimixpailij'molhuo', aimoʔsueʔmot'le'me. Tama imanc' unc'ihuata toʔcuxeta pe lopa'a ʔanDios cal Cuecaj Rey. Toʔta'a lixpicepa ʔanDios, iʔque oʔAilli'.
³³ Toʔcujle ʔoʔhueca. Al tomí loluliyacu tolapi'itsola' lan xanuc' petsi aiquil'hueca. Ja'ni toʔta'a ton'ete ti'i'ma acueca' ʔoʔhuejyacu jipu'hua lema'a. Jifa'a li'a ʔamats' ti'hua tijaf'quila' ʔoʔpantalay tomí, tijou'ma loʔtomí. Pu'huanni a'i. Aimijouya. Jipu'hua nonantsepá aimiʔoc'huaiyacu. Lan huoxmi aimitejacu, ailopa'a. ³⁴ Imanc' pe lopa'a ʔoʔhuexi maʔpiya copa'a ʔoʔpinoxjma cata.

³⁵⁻³⁶ 'Imanc' ti'onʔcospolhuo' to lam mozó ts'iʔ'huaijma ticuaitsi ʔipoujna, iʔque joupa ipainamma lijuic lipemaná, ticuainata lejut'ʔ. Iʔne lam mozó joupa iʔ'huaijma ʔipoujna ti'e'me lipenic'. Joupa unai'ipa ʔiʔpepalc'o'. Ticuainatsi ʔipoujna maʔpe lejut'ʔ ti-joc'i'mola' limozó, iʔne aimicoʔyacola' texti'e'me. ³⁷ Ac'a juaiconapa loyalaicoyacu iʔne lam mozó ts'iʔ'huaijma ʔipoujna ticuaihuananni. Camilhuo' al linca: Ticuaitsi ʔipoujna iʔque tifi'e'moxi to cal mozo, timi'mola' iʔniya limozó: "Imanc' toʔcutsolaite, toʔtetsome. Iya' cates'mi'molhuo'." ³⁸ Ticuaitsi ʔipoujna nolojmay quipuqui' o ticuaitsi ai'a tili'e'ma, ja'ni tixintsola' limozó ts'iʔ'huaijma, linca ac'a loyalaicoyacu iʔniya.

³⁹ 'Toʔcuc'ete iʔta'a laifmipolhuo' jouc'a: ʔipoujna cajut'ʔ coʔa' ti'ila' quixina' te 'hora ticuaihuo hinnantsepa, coʔa' aimixmai'ma. Ti'huaico'ma lipuqui', ticuanajco'ma lejut'ʔ. Toʔta'a hinnantsepa aimi'iyá mitsufaiya. ⁴⁰ Imanc' toʔpo'note cuenna. ¡Toʔmaf'ite! Litine toʔnesle: "ʔaʔpoujna aimicuaiya, ticoʔi", maʔpiya al 'hora cacuaiyoconno iya'. Iya' iʔque cal Xans ʔiximpa cal profeta pu'hua lema'a.

⁴¹ Pedro icuis'e'ma timi Jesús:

—Maipoujna, iʔe lotaiqui' lof'onʔicopa tocuaiconanni, ¿te lu'inga' ma le'a illanc' o jouc'a to'ila' jahuay lan xanuc'?

⁴² ʔaʔpoujna Jesús italai'e'e'ma, timi:

—Ima', ¿te cofcuapa? Ja'ni ʔapoujna tipahuo lejut'ʔ, ¿naitsi co'huij'eya ti'eʔa' cuenna? Ti'huij'e'ma cal xans ts'ipicuejma'. Iʔque tenant'hi'ma, ticuxe'e'mola' lif'as mozó, tites'mi'mola' lacuej'micoya al 'hora. ⁴³ Cal xans ʔipo'no'impá lajut'ʔ, ja'ni toʔta'a lo'eya, ac'a juaiconapa loyaicoya. Ticuaitsi ʔipoujna tixim'ma ac'a lo'epa, tetenʔcoco'ma. ⁴⁴ Iya' camilhuo' al linca: Tepi'i'ma xonca al cueca' lipenic'. Jahuay hi'hueca ʔipoujna ticuxe'ma.

⁴⁵ 'Iʔque cal xans ʔipo'no'impá lajut'ʔ ja'ni timixoxi: "ʔaʔpoujna ticoʔi", tijouʔa' tipango'ma tuntafej'mola' lif'as mozó, lan xanuc' jouc'a lacaʔ'no', tuyaico'ma litine ma le'a titesma, tixnay, timeyoqui. ⁴⁶ Litine aimi'huaijma, al 'hora aimixhuejcocojma, maʔiya litine ticuaita ʔipoujna. Tetetsuf'ma, tihuescufinna tipajntsi pe aiquilhuejma.

⁴⁷ 'Cal mozo ts'ixina' lipic'a ʔipoujna, iʔque ja'ni aimihuejnyoxi, ja'ni aimi'ay loxpicepa ʔipoujna, titeʔ'minna juaiconapa. ⁴⁸ Cal mozo pe aiquixina' lipic'a ʔipoujna, tama ti'eʔa' ixcay, iʔque titeʔ'minna huata. Cal xans ja'ni jousa epi'impá axpe', jouc'a tipai'ntsi axpe'. Cal xans ja'ni jousa ixc'ai'impá acueca', ticuxe axpe', ticuicomma xonca tenant'ila'.

⁴⁹ 'Iya' aicuaicoco'ma cunai'ila' ʔunga jifa'a li'a ʔamats'. Cacia: Coʔa' jousa unnaita. ⁵⁰ Tehue'e'. Cateʔco'ma xonca. Ma cai'huaijma ti'ila' iʔe laifteʔcoya caxhueʔma juaiconapa. Cacia: Aimicoʔ'ma. Ma ti'ila'.

⁵¹ '¿Te aga imanc' toʔcuayi: "Iʔque Jesús icuaicoco'ma lan xanuc' aimenaj'moʔtsi"? A'i. Iya' aicuaicoco'ma tixtuleʔe lan xanuc'. ⁵² Joupa i'ipa toʔta'a, ti'hua ti'i'ma. Anuli lajut'ʔ ja'ni timana' amajxi, jifniya tenaj'moʔtsi. Afantsi tixtuc'o'mola' oquexi', loquexi' tixtuc'o'mola' lam fantsi. ⁵³ ʔa'ailli' tixtuc'o'ma hi'hua camijcano. Li'hua tixtuc'o'ma qui'ailli'. ʔa'máma' tixtuc'o'ma hi'hua cahuats'. ʔahuats' tixtuc'o'ma qui'máma'. Cal fi'no tixtuc'o'ma lihuahua. ʔahuahua tixtuc'o'ma cal fi'no cahuahua.

⁵⁴ Timila' lan xanuc':

—Ja'ni toʔsinʔe ʔummahuay qui'huayomma pe lof'acaiyopa cal 'ora toʔnes'me: "Ticui'ma". Linca toʔta'a ti'i'ma. ⁵⁵ Jouc'a ja'ni ti'hua linu' cahua' toʔnes'me: "Ti'i'ma inu". Linca toʔta'a

ti'i'ma. ⁵⁶ Imanc' a'i cunc'ic'a xanuc'. Ma le'a tonl'e'eyołtsi. Tołsuef'yi lema'a. Ihe ołsina'. ¿Te aimolimetsaicoyi lo'epa ŁanDios itsiya litine?

⁵⁷ 'Jouc'a camilhuo': ¿Te aimolahuelojnyołtsi cołtuca' lonl'epa, ja'ni tonl'eyi al łijca o a'i?

⁵⁸ Monłeyi lane ima' jouc'a łaixtuc'o'po', łłque no'hua'apo' cal juez, ima' tahue'ma te co'iya mopac'eya lipoyac', tux'masnatso'. Ja'ni a'i, tileco'mo' pe lopa'a cal juez. Iłque ticuto', tepi'inna quimane łapaluc, ti'nicoto' lacarza. ⁵⁹ Iya' camilhuo': Ma cotaiyinge, tama ma le'a anuli al centavo, ti'nicoconno' jilpiya lacarza, aimaipaya.

13

¹ Iłniya łitine lan xanuc' u'ipá Jesús te ts'i'ic' li'ipola' lan xanuc' quiyouyomma al distrito Galilea. Iłniya icuaita Jerusalén titsufcota łilpinneja. Ma mitsufcoyi Pilato icuxe'ma tima'antsola' ilne lan xanuc'. Letequim'mola' lipanni łiljuats' ilne lun Galilea jouc'a ipanni łiljuats' łilpinneja, inu'ma anuli. ² Jesús timila':

—Jilniya lun Galilea li'empola' tołta'a, ¿te imanc' tołcuayi xonca acueca' łiljunac', łilf'as xanuc' Galilea a'ij cueca' łiljunac'? ³ Iya' camilhuo': A'i xonca acueca' łiljunac'. Imanc' ja'ni aimołsuej'memma jouc'a tejac'molhuo', jahuay imanc'.

⁴ Lecangenni ilne li'nof'quiya lajut'ł lopa'a Siloé, ima'a'mola' imbamaj paico lan xanuc', uxpats'i'mola'. ¿Te cołcuapa? ¿Te xonca acueca' łiljunac' ilniya lima'mola'? Locuenaye xanuc' nimajmpá Jerusalén, ¿te ailopa'a acueca' quiłjunac'? ⁵ Iya' camilhuo' a'i xonca acueca' łiljunac' ilne lima'a'mola' li'nof'quiya lajut'ł. Imanc' ja'ni aimołsuej'memma jouc'a tejac'molhuo', jahuay imanc'.

⁶ Imuc'icona'mola', i'onłicopola' anuli al 'ec icux, timila':

—Anuli cal xans petsi lifapa li'uva jouc'a ifapa li'icux. Litine lehuehuo'ma łi'as li'icux ailopa'a qui'as. ⁷ Cal xans ipalaic'o'ma limozo no'epa cuenna li'uva, timi: “Joupa ixhuaita afane' camats' ca'huanetsomma, cahuay li'as icux. Ailopa'a qui'as. ¿Tatejla' nulemma! Ma le'a tixhuijma łamats', aimi'atsi.” ⁸ Iłque no'epa cuenna cal 'uva italai'e'e'ma, timi: “Maipoujna, ¿tipajnlá! Tipanenni ocuena camats'. Capu'ma łamats' luxi al icux, ca-jua'j'mi'ma łumi'na. ⁹ Locuena camats' tocuaiiconamma toxim'ma ja'ni tipa'a li'as. Ja'ni aimi'atsi, ne' tetequim'me.”

¹⁰ Anuli litine conxajya tipa'a Jesús anuli lajut'ł pe lafołyomma lan xanuc'. Timuc'iyale.

¹¹ Jilpe tipa'a anuli łaca'no' łitsufaipa conta'a. Iłque łonta'a ixmec'e'epa lixpula'. Aimi'iya mecaxhuaya. Joupa ixhuaita imbamaj paico camats' tołta'a łonta'a łitel'mi łaca'no'.

¹² Lixim'ma łaca'no' Jesús ijoc'i'ma, timi:

—Maca'no', joupa uhuałquenam'mo', ixałconapo'.

¹³ Jesús ixpayaf'ma limane. Aiquicoł'ma, łaca'no' ecaxna'ma łic'. Ix'najtsi'i'ma ŁanDios.

¹⁴ Jesús lixał'mena'ma łaca'no' itine conxajya, łincuxepa jilpe lajut'ł ixtunni. Timila' lan xanuc':

—Cal xans ti'e'ma canic' acamts'us quitine, ixahuiya. Itsiya itine conxajya. Ja'ni ołpic'a tixał'mentsolhuo' tołcuaiyunca ocuena quitine.

¹⁵ ŁałPoujna Jesús italai'e'e'ma, timi:

—Imanc' a'i cunc'ic'a xanuc'. Ma le'a tonl'e'eyołtsi. Ti'ila' litine conxajya, ¿te aimoluhuałquila' łołhuacax, łołburro? Łınca toluhuałyi, toł'hua'ala' tixnatsa quilja'. ¹⁶ Iłca'a łaca'no' a'i quinneja, inieto łołtatahuelo Abraham. Ixhuaita imbamaj paico camats' łonta'a Satanás ifi'e'. Itsiya itine conxajya, ¿te aimi'iya cuhuałya?

¹⁷ Linespa tołta'a Jesús i-ch'ixco'mola' ilne no'epá laic'. Iłniya aiquilalai'e. Ailopa'a cotalai'ecoyacu. Locuenaye lan xanuc' tixoqui quileta, ixim'me acueca' ac'a juaiconapa lo'epa Jesús.

¹⁸ Timila':

—Itsiya ŁanDios cal Cueca'j Rey tijoc'ila' lan xanuc' tihuejcołe. ¿Te co'onłcospa ilne lo'ipa? ¿Te caif'onłicoya? ¹⁹ Ti'i to li'ipa anuli łaca'hua fanu'. Iłque cal fanu' cuftine sinapí. Anuli

cal xans itai'ma łaca'hua fanu', ifatsi łequeya. Ila'ma, i'i'ma acueca' al 'ec. Lacał'hui naiyulpá lema'a tıcuaispa tunxajyi jıłpe, ti'huoxof'cołaiyi łımané jıłe al 'ec.

²⁰ Timiconala':

—¿Te caif'onłicoya lo'ipa pe ŁanDios cal Cuecaj Rey tijoc'ila' lan xanuc' tihuejcołe? ²¹ Jıłpe ti'i'ma to li'ipa lilai'ipa łıevadura łaca'no' acueca' łı'harina. Ite cal levadura ti'hua tıhuantsi cal 'harina. Lıjou'ma umfunni jahuay łax'e.

²² Lıjou'ma Jesús ti'hua lane, tıcuaita łııya' Jerusalén. Tehuengila' łılełoıya', lan tsila' jouc'a lan tsocay. Timuc'iyale jıłpiya łılełoıya'. ²³ Anuli cal xans ipalaic'o'ma, icuis'e'ma, timi:

—Maıpoujna, ¿te aga ahuata lan xanuc' tunłul'me?

Jesús ipalaic'o'mola' lan xanuc' noquım'epá timila':

²⁴ —Tolahuełe te co'ıya mołtsuflaiyacu al tansca al puerta. Iya' camilhuo': Axpela' lan xanuc' tehue'me te co'ıya mitsuflaiyacu, tijouła' aımi'ıya. ²⁵ Tıtsahuenni łıPoujna cajut'ł tıx'nıfco'ma lejut'ł. Ja'ni imanc' tołmanemma łuna tołjoc'i'me, tołsa'hue'me, tołmi'me: “MałPoujna, taxi'eła' lopuerta. Ałpic'a ałtsuflaiıe.” Iıque timi'molhuo': “Aıcaıxına' pe conłouyomma. Aıcaınimetsaıcolhuo'.” ²⁶ Imanc' tołłalai'e'me, tołmi'me: “İllanc' ałejmalepá, ałtetsopá, ałsnapá anuli ima'. İma' o'hua'ma łápeneya, tomuc'iyale jıłpiya łápiıya'.” ²⁷ ŁaPoujna timi'molhuo': “İya' aıcaıxına' pe conłouyomma. Aıcaınimetsaıcolhuo'. İmanc' aımonł'eyi al łıjca. Tonlıpalunca pe laıfpa'a. Tonłente.”

²⁸ İhııya łıtiné imanc' tołsinnola' lołtatahueló, ihııya Abraham, Isaac y Jacob, jouc'a jahuay lam profeta. İhne itsulfaıpá petsi locuxeyopa ŁanDios cal Cuecaj Rey. İmanc' a'ı. Tołmanecu łuna. İmanc' tołjoliı'me, tołtetola' lonł'ay. Acueca' cunla lołtełcoyacu. ²⁹ Lan xanuc' naihuejcopá ŁanDios tıpalcu ni petsi li'a łamats', tıpalcu pe laıpammaıyomma cal 'ora, jouc'a pe lof'acaıcopa cal 'ora, jouc'a pe łınu' camats', jouc'a pe lo'huayomma łıjfxı cahua'. İhııya tıcuaita al juic. Tıtsuflaita, tıcutsołaita, tıtetsota pe locuxeyopa ŁanDios, iıque łıCuecaj Rey.

³⁰ Tołcuec'ełe, locuaıcoya quitine tıxin-nım'mola' lıjoucola' joupa i'ıpola' lan tet'ła. Tıxin-nım'mola' lan tet'ła joupa i'ıpola' lıjoucola'.

³¹ Małe 'hora icuayıunca hualca lam fariseo. İhııya timiıyı Jesús:

—To'huanła'. Taıpanni fa'a. Cal rey Herodes tehuehuo' tima'atso'.

³² Jesús italai'e'e'ma, timila':

—İıque cal Herodes ti'onłcospa to cal t'ıe, ma le'a ĩfel'miyale. Tonłente. Tulu'ıtsa: “Jesús timıhuo': İtsıya y mouqui quıpa'ala' lontahue, caxał'menala' lan xanuc'. Pıtsu ca-jou'ne'ma laıpenic'.” ³³ İtsıya, mouqui y pıtsu ca'huana'ma laıpene. Cacuita Jerusalén. Jıłpe łııya' quıma'ayompola' lam profeta. İya' nınprofeta, małpiya Jerusalén ałma'ayonna, a'ı ocuena quııya'.

³⁴ ¡Mııya' Jerusalén! ¡Mııya' Jerusalén! Loxanuc' inma'ahuale tima'annıla' lam profeta, tıpangıla' capic' tima'antsola' lıxanuc' ŁanDios, iıhne lummepola' jıłpiya.

'İya' axpe' canesqui: Cafot'ıe'mola' jahuay loxanuc' ma to mı'ay cal tsana mefot'ıe'mola' laıquipuyu, mıpuıx'ı'mola' łıxala'. İma' aıcocuac'. ³⁵ ¡Mııya'! ¡Tahuelojnla' locuecaj xoute'! ŁanDios ipo'nopa quituca'. Tocomma to joupa etełquemma. İya' camilhuo' al łııca. Tıcuaitııı litine ałmıııa': “İma' unC'a. ŁanDios łáPoujna łııca ummepo'”, iıe litine ałsingona'ma. Aı'a tıcuaita iıe litine aımıısingonaya.

14

¹ Anuli litine conxajya Jesús i'hua'ma tıtetsota lejut'ł anuli cal xans fariseo, iıque nocuxepola' lif'as fariseo. Jıłpe lajut'ł tehuelayıyı Jesús, ¿te co'eya? ²⁻³ Jouc'a tıcutsıya anuli łafcuana, ifunapa jahuay licuerpo. Jesús tehuelonge, ipalaic'o'mola' lam fariseo jouc'a lomxiye nomuc'ıyalepá locuxepa ŁanDios, ihııya nomana' jıłpiya, icuis'e'mola', timila':

—Litine conxajya, ¿nipajnya tixał'meyale'ma anuli? o ¿aimi'iya? ¿Te tipa'a lane? o ¿ailopa'a?

⁴ Iñe i-ch'ixco'mola'. Jesús i'noł'ma łafcuana, ixał'mena'ma, ummena'ma ti'huanła' lejutł.

⁵ Ipalaic'o'mola' iñe lam fariseo jouc'a lomxiye nomuc'iyalepá locuxepa ŁanDios, timila':

—Imanc', ja'ni tecajm-maitsi al pu'hua łołburro o łołhuacax, tama itine conxajya, ¿te aimonlipa'ayacu? Añinca tonlipa'a'me.

⁶ Iñe aiquiltalai'e iñe limipola' Jesús, ailopa'a quiltaiqui'.

⁷ Jiłpiya timana' liјoc'impola' tehueyi te co'iya micutsołaiyacu pe locutsołaiyacu lan tsilaj xanuc'. Lixim'mola' Jesús i'onłico'mola' lił'ejma', timila':

⁸ —Ja'ni tijoc'intso' anuli al juic lamaná, tocuaiti laјutł aimocutshuai'ma pe li'huáqui xonca al c'a. Aga ticuaita anuli xonca cal cuecaј xans. ⁹ Timi'mo' nijoc'ipolhuo': "Tot-sahuenni. Iłca'a ticutshuai'ma jiłpe lofcutsuya ima'. Totsahuenni." Tijouła' toxim'ma calaic'ata. To'hua'ma, tocutshuai'ma pe li'huáqui a'ijc'a.

¹⁰ 'Ja'ni tijoc'intso' anuli al juic tocutshuai'ma pe li'huáqui xonca a'ijc'a. Ticuaiyunni nijoc'ipo', iłque timi'mo': "Maipima, to'huanni fa'a. Jifa'a tocutshuai'ma xonca al c'a." Tijouła' locuenaye liјoc'impola' tixim'mo' ima' uncuecaј xans.

¹¹ 'Iya' camilhuo': Naiti cal xans no'e'epoxi acueca', iłque ti'oc'em'me. Naiti cal xans no'e'epoxi a'ojca, iłque tif'ac'em'me.

¹² Jesús ipalaic'o'ma nijoc'ipa, timi:

—Litine lof'eya al juic aimojoc'i'mola' lonłejmalepá ni lopimaye. Ni aimojoc'i'mola' nomana' huejnca lomeјutł iñe pe ts'ił'hueca xonca lił'huexi. Iñe linca ti'e'econa'mo', tijoc'icona'mo'.

¹³ 'Ja'ni to'e'ma juic toјoc'itsola' lan xanuc' pe aiquił'hueca. Toјoc'itsola' latumane, lan coxo, lan fohue. ¹⁴ Tołta'a, tama iłniya aimi'iya mi'najtse'eyaco', toyaiconama al c'a. Ticuaihuo litine timaf'ina'me lan hiјca xanuc', ŁanDios ti'najtse'mo' jouc'a.

¹⁵ Licueј'ma lonespa Jesús anuli jiłpe titesma timi:

—ŁanDios cal Cuecaј Rey ti'eta juic jiłpe pe locuxeyopa. Linca al c'a loyaicoya cal xans notsufaiya jiłpe, titetsota.

¹⁶ Jesús italai'e'e'ma, timi:

—Anuli cal xans ti'e'ma al cuecaј juic. Iјoc'ipola' axpela' lan xanuc'. ¹⁷ Icuai'ma jiłe litine al cuecaј juic, umme'ma limozo, timitsola' liјoc'impola': "Tonłouyunca. Joupa imacołpá. Tołtetsota."

¹⁸ 'Jahuay iłniya liјoc'impola' ipango'me ines'me: "Aimi'iya ca'huaya". Cal te'a timi: "Joupa ai'napa łainemats'. Ai'huapa caxinna. Tomitsi łopoujna: Aimi'iya micuaicoya."

¹⁹ Locuena timi: "Iya' ai'napola' imbamaj laihuacax. Ai'huapa caxinnola', ja'ni ti'e'me canic' o a'i. Tomitsi łopoujna: Aimi'iya micuaicoya." ²⁰ Locuena timi: "Joupa nemanepa. Aimi'iya ca'huaya."

²¹ 'Ipainanni cal mozo. U'i'ma liјoujna linespa liјoc'impola'. Lipoujna cajutł ixtunni. Ummecona'ma limozo, timi: "Aimicoł'mo'. To'huala' łaneya liłya', lan tsila', lan tsocay caneya. Tolecotsola', tocuai'ecola' fa'a lan xanuc' pe aiquił'hueca jouc'a latumane, lan coxo, lan fohue." ²² I'huacona'ma cal mozo. Ipaiconamma, ipalaic'ocona'ma liјoujna, timi: "Joupa ai'epa lałcuxe'epa. Tehue'ela' lan xanuc', ticuaiyunca xonca axpela'."

²³ Łapoujna timi limozo: "To'huala' liłya'. To'huala' lan tsila' caneya, jouc'a łema cati'i. Toјoc'itsola' lejmaica, tiyouyunca fa'a. Aipic'a timantsi nulemma laineјutł. ²⁴ Iya' camilhuo': Iñe lan xanuc' laiјoc'ipola' al te'a, nij naiti iłniya notec'oya łajteјua'."

²⁵ Axpela' lan xanuc' ilihuequi Jesús lane. Lipai'e'moxi ipalaic'o'mola', timila':

²⁶ —Cal xans nocuaiyumma pe laifpa'a, nocuapa: "Quihueј'ma Jesús", iłque xonca ał'e'ma capic'a iya'; qui'ailli', qui'máma', lipeno, linaxque', lipimaye, lipitine, aiјtine. Ja'ni a'i tołta'a li'ejma' aimi'iya malihueјya. ²⁷ Iya' linca catełco'ma. Cal xans noxpicepa aimetełcoya, nocuapa: "Iya' aicataiya lainencruz", iłque aimi'iya malihueјya.

28 'Ja'ni anuli imanc' tixpic'e'la' tilanc'e'la' li'nof'quiya lajut'ł, ate'a ticutshuai'ma, tixim'ma tojua lipitali lolajncoya. Tixim'ma ja'ni ti'ommaicota litomí o a'i. 29 Ja'ni aimi'ay tołta'a aga aimi'ommaicoya litomí. Tipu'ma tifa'mola' lopic', tijoula' aimi'iya mijou'neya lejut'ł, ailopa'a quitomí. Lan xanuc' tixim'me li'ipa, jahuay ihniya tixoco'me, 30 ticua'me: "İlque cal xans ipangopa tilanc'e'ma lejut'ł. Aiquijou'ne. Aiqui'ic'."

31 'O lan rey, cal nuli ja'ni timana' anuxans mil lisoldado, łocuenaj timana' le'a imbamaj mil, tifule'me. İlque ts'ahuata quisoldado ticutshuai'ma, tixpic'e'ma lo'eya, ja'ni nipajnya ti'i'ma tulij'ma hif'as rey o aimi'iya. 32 Ti'ıla' quixina' aimi'iya mulijya, mipa'a aculi' hif'as rey, tumme'mola' lixanuc', ticuis'eta, timita: "Łapoujna ticua: Lu'ıla', łte ts'opic'a? łTe capi'iyaco'? łTe caif'eya?" Tołta'a aimifuleyacu. 33 Iya' camilhuo': Imanc' ticuicomma tolatets'ile jahuay łol'hueca, tołta'a lihuej'ma. Ja'ni anuli aimicua, ilque aimi'iya malihuejya.

34 'Ło'hue ipenic'. Ja'ni ło'hue joupa iminscopa, łte co'iya? Aimi'iya milajn-naya to al te'a. 35 İlque ło'hue liminscopa aimi'iya mi'eya canic', ni jilpe łamats' ni pe lafot'leyompa łumi'na. Aimi'iya mixhuiconyacu. Le'a teca'nim'me.

'Naitsi nocuejpa, ałquimf'e'la' iya' laitaiqui'.

15

1 Jahuay lin'najtsi'iyale jouc'a locuenaye lan xanuc' pe aimihuejcoyi locuxepa ŁanDios tiłoc'olaiyi pe lopa'a Jesús, tiquimf'e'me. 2 Lan xanuc' fariseo jouc'a lomxiye nomuc'iyalepá locuxepa ŁanDios ixtulenca. Ticuayi:

—İlque cal xans tepenufla' lan xanuc' pe aimihuejcoyi locuxepa ŁanDios. Titetsoyi anuli.

3 Jesús italai'e'e'mola', i'onlıco'moxi li'ejma' to lo'epa cal xans łejac'pa limoł. İcuis'e'mola', timila':

4 —Anuli imanc' amaxnu limot'ł, ja'ni tejac'la' anuli, łte co'eya? Tipo'no'mola' locuenaye lam malpuj nuxans quimbamaj pełta, timanecu limuc'o', tehueta łejac'pa, aga tixinnata.

5 'Tixinnatsi limoł tipulaf'nata, tipo'nof'inna lixaya, tixoj'ma queta tipaino. 6 Ticuaitis lejut'ł tijoc'i'mola' lipimaye jouc'a nomana' huejnca, timi'mola': "Tixoquinghua neta juaiconapa. Aixinhuona'ma łaimoł łejac'pa. Tonłouyunca. Ma' anuli tixoj'ma calata."

7 'Iya' camilhuo': Łınca, ja'ni axpela' lan xanuc' aimicuicomma mixhuej'meyacu, nomana' lema'a tixoj'ma quileta. Ti'ıla' ma le'a anuli cal xans pe aimihuejma, ja'ni tixhuej'menanni ilque, xonca acueca' tixoj'ma quileta ihniya nomana' lema'a.

8 'Jouc'a anuli łaca'no' i'hueca imbamaj litomí aplata, ja'ni anuli ejac'pa, łte aime-hueya? Łınca tehue'ma. Tunai'i'ma lipepalc'o', titaf'u'ma lejut'ł, aga tixinna'ma litomí lejac'pa. 9 Tixinnałta' litomí tijoc'i'mola' liyejmalepa lacał'no' jouc'a nomana' huejnca lejut'ł, timi'mola': "Juaiconapa tixoquinghua neta, aixinnapa litomí lejac'pa. Tunłouyunca. Ma' anuli tixoj'ma calata."

10 'Iya' camilhuo': Anuli cal xans pe aimihuejma ja'ni tixhuej'menanni, nomana' pu'hua pe lomana' lapaluc' quema'a tixoj'ma quileta.

11 Ti'hua timuc'iyale, timila':

—Anuli cal xans timana' oquexi' linaxque'. 12 Łi'hua łapepo timi qui'ailli': "Mai'ailli', litine timantso' capenuf'ma łai'huexi. Cagua: Lapi'ıla' itsiya." Quił'ailli' epi'it'ki'mola' loquexi' linaxque' hif'huexi.

13 'Uyai'ma oque' fane' quitine hihua łapepo icuj'ma hihuexi łepi'impá, ulij'ma litomí. İ'hua'ma aculi', ocuenaj camats'. İpe ipajntsi. İpajnhuo'ma tixoj'ma queta ma mi'ay nixpiya. Ejac'ehuona'ma litomí. 14 İjoutsaf'huana'ma, ipanenni ma le'a limane. Jilpe łamats' i'i'ma cumemma. Łamijcano juaiconapa unle'enni. 15 Ehue'ma quipoujna. İxim'ma anuli cal xans jilpe łamats', i'e'ma quipoujna. Łapoujna tipa'a łemats', umme'ma

lamijcano ti'etsola' cuenna lijná. ¹⁶ Lamijcano tunle'e juaiconapa, tijanaca titela' lotecopa lijná. Aiquepi'inni, ni to'ta'a.

¹⁷ 'Lijou'ma ixhuej'menanni juaiconapa, timiyoxi: "Cai'ailli' timana' axpela' limozó. Jahuay titetsoyi, tijoula' tipanemma lotecopa. Iya' capa'a fa'a alma cumemma. ¹⁸ Itsiya capainahuo, ca'hua'na'ma pe lopa'a cai'ailli'. Camita: Mai'ailli', aixina' acueca' lai'epa. Netets'ipa LanDios, netets'ipo' ima'. ¹⁹ Itsiya aimat'onfico'ma to co'hua. Lapenufla' to comozo."

²⁰ 'Ipainanni, ti'hua lane ticuainata lejut'f qui'ailli'. Qui'ailli' tehuelonge, ixim'ma h'hua icuaicona'ma aculi'. Ixinna'ma cuanuc'. Inu'ma tepenufnatsi. Litalecuftsi ipulc'o'ma, ituc'o'ma. ²¹ Li'hua timi: "Mai'ailli', aixina' acueca' lai'epa. Netets'ipa LanDios. Netets'ipo' ima'. Itsiya aimat'onfico'ma to co'hua."

²² 'Qui'ailli' ijoc'i'mola' limozó, timila': "To'taitsa xonca al c'a lijahua', to'po'no'ile. To'po'no'ile anuli cal anillo limane. To'c'uaic'ile tic'ejí. ²³ To'fecotsa la'hua huacax lifujmpa, to'la'ale. Af'e'me juic. Atetso'me tixoj'ma calata. ²⁴ Itca'a lai'hua, iya' cacua: Joupa imanapa. Itsiya imaf'ina. Iya' cacua: Joupa ejac'pa. Itsiya imaxcainata." Ipango'ma al juic, tixoqui quileta.

²⁵ 'Cal te'a qui'hua ti'ay canic' pu'hua lemats' qui'ailli'. Icuaicona'ma lejut'f. Licuaitsi icuej'ma tunanni, tixahuinni. ²⁶ 'Ijoc'i'ma anuli cal mozo, icuis'e'ma, timi: "¿Te con'epa?" ²⁷ Cal mozo italai'e'ma timi: "Icuaina'ma lopima. Co'ailli' iximpa ailopa'a qui'ipa, aimextafque, to'hya epenufpa tixoqui queta. Icuxepa ticua: To'la'ale la'hua huacax lifujmpa." ²⁸ Cal te'a qui'hua ixtunni. Aiquitsufaic' lajut'f. Aimicua. Qui'ailli' ipanni. Tixa'hue titsufainala' lajut'f. ²⁹ Li'hua italai'e'e'ma, timi: "¡Toxinla'! Axpe' camats' iya' ca'ay lopenic'. Quihuejcohuo' jahuay la'cuxe'epa. Ima' aicalapi'i ni to'ta'a. Co'la' almi'ma: Tolecola' itca'a laca'hua chivo, ton'ete juic anuli lonlejmalepa. Aicalmic' to'ta'a. ³⁰ Itsiya icuaina'ma lo'hua. Itquiya inonc'ohuo'mola' laca'no' notepá li'cuerpo. Lo'huexi lomepi'ipa joupa ijou'nehuo'ma. Ima', ¿te co'epa? ¡Oma'apa la'hua huacax lifujmpa, titela' itquiya!" ³¹ Qui'ailli' timi: "Mai'hua, itine itine almana' anuli. Jahuay lai'huexi ima' o'huexi. ³² Itsiya tetencocola' tixoj'ma calata. Itque lopima iya' cacua: Joupa imanapa. Imaf'ina. Iya' cacua: Joupa ejac'pa. Itsiya imaxcainata."

16

¹ Jesús ipalaic'ocona'mola' ts'ilihuequi, timila':

—Anuli cal xans ts'i'hueca acueca', tipa'a limozo icueya limane, ti'ej cuenna li'huexi hipoujna. Lan xanuc' tinesc'eyi cataiqui' cal mozo, ticuayi: "Itque, a'ijc'a mi'ay cuenna li'huexi hipoujna". ² Cal xans ijoc'i'ma limozo. Licuaiyunni timi: "¿Te copalaicocopo' to'ta'a itnu'hua lan xanuc'? ¿Te co'epa? Totaitsi loje'e. Aipic'a caxinla' te co'epa lai'huexi. Aimi'hua mo'eya cuenna lai'huexi." ³ Cal mozo timiyoxi: "¿Te caif'eya? Laipoujna li'lonc'e'e'ma laipenic'. Aimi'ya capuya lamats'. Ailopa'a caipujfxi. Aimi'ya caxahue'eya al tomí. Catay calaic'ata." ⁴ Timiconayoxi: "Joupa aixpic'epa laif'eya. Tijoula', ticuaitsi litine ailopa'a caipenic' lan xanuc' lapenuf'ma hilejut'li."

⁵ 'Ijoc'i'mola' jahuay itne lan xanuc' ts'itaiyinc'e hipoujna. Anuli anuli ipalaic'o'mola'. Cal te'a icuis'e'ma, timi: "¿Tojua otaiyinc'e laipoujna?" ⁶ Itque italai'e'e'ma: "Amaxnu lam tamboj laceite". Cal mozo timi: "Ja'a ita'a loje'e. Tocutshuaila', topai'ila' lotaiyinge, ti'ila' oquej nuxans quimbama'. Nuya nuya tainilla'." ⁷ Locuena icuis'e'ma, timi: "Ima', ¿tojua otaiyinge?" Itque italai'e'e'ma: "Anuli maxnu cal cuxtal trigo". Cal mozo timi: "Ja'a ita'a loje'e. Topai'ila' lotaiyinge, ti'ila' amalpuj nuxans."

⁸ 'Itque cal mozo tama infel'miyale, hipoujna imetsaico'ma acueca' lipicuejma'. Lan xanuc' naihuejpá quilituca' lipicuejma' xonca ilsina' te co'ya muyalaicoyacu al c'a. Lan xanuc' joupa lepalc'o'impola' lipicuejma' aijtine.

⁹ 'Iya' camilhuo': Ja'ni tipa'a lołtomí lolulijpa fa'a li'a łamats', tołtoc'itsola' lołf'as xanuc'. Tołta'a tonłejmale'me. Tijoułta' tijounała' lołtomí tepenufinnatolhuo' pe lołmanc'eyacu nulemma. ¹⁰ Cal xans ts'ixina' tixhuico'ma li'hueca tama ahuata, ja'ni tixpeła' łoxhuicoya, jouc'a tixim'ma tixhuico'ma. Cal xans pe aikuixina' mixhuicoya li'hueca, tama ahuata, ja'ni tixpeła' łoxhuicoya jouc'a aimi'iya quixina' mixhuicoya. ¹¹ Imanc' ja'ni aicołsina' mołxhuicoyi al tomí lolulijpa fa'a li'a łamats', łte aga tepi'im'molhuo' al c'a xonca? ¹² Ja'ni aicołsina' cołxhuijma łocuena'j 'huexi, łte aga tepi'im'molhuo' cołtuca' coł'huexi?

¹³ 'Cal mozo ticuicomma ma le'a anuli łipoujna. Ja'ni oquexi' tixtuc'o'ma anuli, łocuena ti'e'ma capic'a. O tixinc'ne'ma anuli, tetets'i'ma łocuena. Imanc' jouc'a ticuicomma ma le'a anuli łopoujna, ilque ŁanDios. Aimi'iya molihuejcoyacu al tomí jouc'a.

¹⁴ Lan xanuc' fariseo, ilne ts'ilpic'a juaiconapa al tomí, tiquimf'eyi lonespa Jesús, ixoco'me. ¹⁵ Jesús timila':

—Lołf'as xanuc' mixinnilhuo' lonł'epa ticuayi: “Ac'a xanuc' lam fariseo”. ŁanDios imet-saicolhuo' te ts'i'ic' lołpicuejma'. Tipa'a latenłcocopola' lan xanuc', ilne linca aimetenłcocojma ŁanDios. Ilque tixina ixcay.

¹⁶ 'Luyaipa quitine uya'ampá locuxepa ŁanDios jouc'a uya'ampá lonespa lam profeta. Icuaiti Juan Bautista ipango'ma uya'a'ma te co'iya mitsuflaiyacu pe lopa'a ŁanDios cal Cuecaj Rey. Itsiya ti'hua tuya'anni ilne lataiqui'. Lan xanuc' tipa'ayi liłpujfxi titsuflaiłe jilpiya pe locuxeyopa ŁanDios. ¹⁷ Linca, tama tipaiconni lema'a jouc'a li'a łamats' aimi'iya mipai'inyacu locuxepa ŁanDios, ni łainila' aca'hua xonca.

¹⁸ 'Cal xans tecanałta' lipeno, ja'ni tilecoła' ocuena caca'no', ilque cal xans joup'a i'epa quixcay, tipa'a lijunac'. Ma' anuli cal xans ja'ni tilecoła' łaca'no' łecanaiyimpa, ilque cal xans jouc'a i'epa quixcay, tipa'a lijunac'.

¹⁹ 'Anuli cal xans ts'i'hueca acueca' tipo'nohuo ac'a juaiconapa lipijahua', umanc'ecompa amorada, xonca acueca' lipitali. Itine itine titeja quitejua' xonca cal c'a. ²⁰ Jouc'a tipa'a anuli cal xans pe ailopa'a qui'hueca, cuftine aLázaro. Tunouya liju' lipuerta lejut'ł cal xans ts'i'hueca. Licuerpo titeja lahui. ²¹ Tunle'e. Ticua: “Ilque ts'i'hueca coła' cateła' łacangemma limesa łotecopa”. Lan tsilqui tilcuaispa tipełc'e'eyi lehui. ²² Lijou'ma imana'ma Lázaro, ilque aiqui'hueca. Lapaluc' quema'a ileconanca, icuai'etsa pe lopa'a Abraham, mane liju' ilque.

'Cal xans ts'i'hueca acueca', jouc'a imana'ma. Eminghuo'me. ²³ Icuaiti pe lotelcoyopa locuenaye limanapola', jouc'a itelco'ma juaiconapa. Ehuelojm'ma al toncay. Aculi' ixim'mola' Abraham jouc'a Lázaro. Ilque Lázaro ac'a mipa'a, mane liju' Abraham. ²⁴ Ijoc'i'ma Abraham, timi: “Mai'ailli' Abraham, ałsina' nincuanuc'. Tommeła' Lázaro, ti'huanni fa'a. Ti'nij'mita laja' lidedo, ałjac'e'e'ma łaipal. Tołta'a titinu'ma łumla catełma jifa'a łunga alpi'e.” ²⁵ Abraham italai'e'e'ma, timi: “Mai'hua, to'nujuaiti lomuyaicopa mopa'a jilpe li'a łamats'. Ima' o'hueca jahuay al c'a, ilca'a Lázaro aiqui'hueca, ma' itelcopa. Itsiya ilca'a tixoquinghua queta, ima' totełma. ²⁶ Jouc'a cami'mo': Tipa'a al cueca' lina latełnufinna. Nomana' fa'a, tama ilpic'a tuyalałe, ticuaita pe lołmana', aimi'iya muyalaiyacu. Jouc'a imanc' aimi'iya mołcuaiyacu fa'a pe lałmana'.” ²⁷ Italai'e'e'ma, timi: “Mai'ailli', caxahue'ehuo' tommela' Lázaro ti'huała' lejut'ł cai'ailli'. ²⁸ Jilpiya timana' amajxi laipimaye. Timitsola' te ts'i'ic' laifnuyaicopa. Aimicuaicu jouc'a fa'a pe laiftelcoyopa.” ²⁹ Abraham italai'e'e'ma, timi: “Tipa'a lije'e linitijmpa Moisés jouc'a liłje'e linitijmpa lam profeta. Tiquimf'etsa lataiqui' jilpe linilingiya.” ³⁰ Timi: “A'i, mai'ailli' Abraham. Ti'huała' anuli icuai'ma fa'a pe lałmana' illanc' lałmanaponga', tołta'a laipimaye tixhuej'mecu.” ³¹ Abraham timi: “Ja'ni aimihuejyi liłtaiqui' Moisés jouc'a lam profeta, tama anuli łimanapa timaf'iconła', ti'huała' tipalaic'otsola', ilniya aimihuejyacu.”

—Micoñi li'a lamats' timajm'me lan xanuc' naimenac'iyalepa. A'ijc'a loyalaicoyacu ihniya no'epá tołta'a. ² Cal xans naimenac'iyacola', tama ma le'a anuli ihna'a laica'uhuy, coła' ifinc'im'me lejoc' anuli cal cuecaj capic molino, coła' ecajm'mintsa łaja, tunxalac'la' nulemma, timatsi. ³ Imanc' toł'etsoltsi cuenna. Tołspic'ełe ton'ełe ma le'a al c'a.

'Ja'ni a'ijca li'epo' łopima, ima' tomila': "Tołta'a la'epa aimal'econa'ma". Tijouła', ja'ni tixhuej'menanni taimenc'e'ecoła' iłe li'epo'. ⁴ Ja'ni ti'hua ti'ehuo', tama anuli litine tixhuaitsi acaitsi, ja'ni jouc'a ti'hua tixa'huehuo' acaitsi, timihuo': "Linca aix-huej'menammas iłe lai'epo', limenc'e'ecoła'", ima' taimenc'e'ecoła'.

⁵ Ts'ilihuequi Jesús timiyi hıłPoujna:

—Ałtoc'itsonga', xonca ał'huaiyijnle.

⁶ Timila':

—Imanc' ja'ni aimi'iya moł'huaiyijnyacu acueca', tama iłe loł'huaiyijmpa tocomma ahuata, ti'onłcospa to cal fanu' xonca aca'hua cuftine sinapı, ti'i'ma toł'e'me acueca'. Tołcuxe'e'me iłta'a al 'ec sicómoro, tołmi'me: "Toyax-xoxi, tofaxoxi pu'hua łaja". Tijouła' iłe al 'ec tihuejco'molhuo'.

⁷ 'Imanc', ticuainanni lajut'ł lołmozo, joupas i'ehuo'ma canic', epahuo'ma lamats', i'ehuo'ma cuenna lan huacax jıłpe łolamats', ¿te cołmiyacu cal mozo? ¿Te tołmi'me: "Ne', tocutshuaila', totetsoła'?" ⁸ A'i tołta'a mołmiyacu. Xonca tołmi'me: "Tomac'eła' laifteja. Toc'ejmot'hıla' cal pime. Catetso'ma, caxna'ma. Tijouco'ma ima' totetso'ma, toxna'ma."

⁹ ¿Te tołs'najtsi'i'me lołmozo li'epa lołcuxe'epa? Iya' cacua: Amołs'najtsi'iyacu. ¹⁰ Imanc' ti'onłcospolhuo' to lam mozó. Tolihuejco'me jahuy locuxe'epolhuo' ŁanDios. Tijouła' tołmi'me: "Iya' le'a ninmozo. Ai'epa ma le'a lałcuxe'epa."

¹¹ Jesús ti'hua lane ticuaita Jerusalén. Tuyaijma pe loniquecomma al distrito Galilea jouc'a hilemats' lun Samaria. ¹² Ma micuaispa anuli liłya' italecuf'mola' imbamaj lan xanuc' textafquila', hılcuana ahui cuftine lepra. ¹³ Ecaxoł'me aculi', tija'ayi, timiyi:

—CumJesús, momxi, ałsintsonga' ninc'icuanuc'la.

¹⁴ Jesús timila':

—Tonłente. Tołmujtsoltsi jipu'hua pe lomana' la'aillı.

Miyenayi lane ixalçona'mola'. I'ina'mola' limpio. ¹⁵ Anuli ihniya lixim'moxi ixalçonapa ipaiconanni, tija'e', tipalay ułfxi, tix'najtsi'i ŁanDios, timi:

—ManDios, ał'epa acueca'.

¹⁶ Icuaitsi pe lopa'a Jesús, ixpats'huai'ma li'mitsi', timi:

—X'najtseco'.

Iłque cal xans łas Samaria.

¹⁷ Jesús ticua:

—¿Te aiqixalçola' imbamaj lan xanuc'? Ma le'a anuli fa'a icuaiconama. ¿Pe comana' locuenaye lam pelła? ¹⁸ ¿Ma le'a iłca'a cal xans ipaiconamma tix'najtsi'i ŁanDios? Iłque ocuena quipiłya', łas Samaria.

¹⁹ Timi cal xans:

—Totsahuenni, to'huanla'. Ał'huaiyijmpa, tołta'a joupas ixalçonapo'.

²⁰ Lijou'ma lan xanuc' fariseo icuis'e'me, timiyi Jesús:

—¿Te 'hora ałsim'me ŁanDios cal cuecaj Rey ticuxe'mola' lixanuc'?

Jesús italai'e'e'mola', timila':

—Tama imanc' aimołsinyi, itsiya linca ŁanDios ticuxela' lixanuc'. ²¹ Aimi'iya molu'iyacola' lan xanuc': "ıTolahuelojnle! Jifa'a ŁanDios ticuxela' lixanuc'." Jouc'a aimi'iya molu'iyacola': "ıTolahuelojnle! Łu'hua ticuxela' ŁanDios lixanuc'." Jifa'a pe lołmana' ŁanDios ti'hua ticuxela' lixanuc'.

²² Timila' ts'ilihuequi:

—Iya' iłque cal Xans Łiximpa cal profeta pu'hua lema'a. Ticuaihuo litine imanc' tołjanaj'me juaiconapa ałsınla'. Tołnes'me: "Tama anuli litine ałmajnle anuli". Aimalsinya.

²³ Lan xanuc' timi'molhuo': "Fa'a copa'a", o "Pu'hua copa'a". Tolmanenca. Aimalahue'ma. A'ij linca itta'a lominyacolhuo'. ²⁴ Mixcuaf'ma tepalc'o'i a'i ma le'a jilpe lo'huayomma. Ite lepalc'o' tixinyi ni petsi li'a lamats'. Tolta'a ti'i'ma cacuaicohuananni iya'. Iya' itque cal Xans Liximpa cal profeta pu'hua lema'a. Ite litine atsim'ma jahuay lan xanuc'.

²⁵ 'Ate'a cateico'ma juaiconapa. Lan xanuc' nomana' itsiya litine latets'i'ma.

²⁶ 'Ma to li'ipa ihniya litiné lipajmpa Noé jifa'a li'a lamats', ma tolta'a ti'i'ma litine cacuaiconanni iya'. Iya' itque cal Xans Liximpa cal profeta pu'hua lema'a. ²⁷ Milanc'e Noé al cuecaj barco lan xanuc' tuyalaicoyi lapajnya, titetsoyi, tixnayi, temalliyi, ticuyi lihaxque' temallite. Litine litsufai'ma Noé al cuecaj barco ma' anuli mi'eyi. Aiquico'l'ma. Icu'i'ma laxpaiqui' cacui, ijou'ne'mola' jahuay lan xanuc', ima'mola'.

²⁸ 'Mipa'a Lot jifa'a li'a lamats' LanDios itel'mi'mola' lan xanuc'. Ihniya tuyalaicoyi lapajnya, titetsoyi, tixnayi, ti'naji, ticujiyi, tifayi, tilanc'eyi quilejut'ki. ²⁹ Litine Lot lipanni jilpe li'ya' Sodoma, ma'le litine, icui'ma cunga, icui'ma azufre. Ima'a'mola' jahuay, acueca' caxpaiqui' i'i'ma.

³⁰ 'Tolta'a ti'onlcospa to lo'iya litine cacuaiconanni jifa'a li'a lamats'. Atsim'ma naitsi iya', iya' itque cal Xans Liximpa cal profeta pu'hua lema'a. ³¹ Ite litine ja'ni anuli if'ajnapa al toncay lejut'i, aimines'ma: "Quimuhuananni, quipa'ahuatsi lai'huexi". Aimico'l'ma. Tinula'. Jouc'a ja'ni anuli i'huapa ti'eta canic' limuc'o', aimipaihuo, aimines'ma: "Capulaf'nata laipo'nopa lu'hua". ³² Tol'nujuaisle li'ipa lipeno Lot.

³³ 'Cal xans no'epoxi cuenna, nocuapa: "Cuyaicola' al c'a lapajnya", itque tejac'e'moxi. Cal xans nocupoxi lateicoya, tama a'ijc'a loyaicopa lapajnya, itque tunlu'ma.

³⁴ 'Iya' camilhuo': Ite lipuqui' ja'ni tunahuolanna oquexi', tixmaiyyi anuli al hualfa, tileconam'me anuli, locuena tipanehuo. ³⁵ Jouc'a laca'no', ja'ni oquexi' anuli mutsiyi, anuli tileconam'me, locuena tipanehuo. ³⁶ Ja'ni oquexi' lan xanuc' tilmana' limuc'o' anuli tileconam'me, locuena tipanehuo.

³⁷ Ts'ilihuequi icuis'e'me Jesús, timiyi:

—Ma'poujna, ¿pe co'iya tolta'a?

Italai'e'e'mola', timila':

—Pe lopa'a limac', jilpiya lapote tefolyomma.

18

¹ Jesús ti'hua timuc'ila' ts'ilihuequi, tu'ila':

—Ti'hua toljoc'ite LanDios, tolta'a aimitafqueyacolhuo'.

I'onlicopa li'ejma' anuli laca'no' apotsate. ² Timila':

—Anuli li'ya' tipa'a anuli cal juez aimixpaic'e LanDios ni aimixpaic'ela' lan xanuc'.

³ Ma'pe li'ya' tipa'a anuli laca'no' apotsate. Itine itine ticuaiyumma pe lopa'a cal juez. Tixa'hue, timi: "Altoc'ila'. Tote'l'mila' laixtuc'opa."

⁴ 'Muyaipa axpe' quitine cal juez aimicua mitoc'iya. Lijou'ma timiyoxi: "Tama aicaxpaic'e LanDios ni aicaxpaic'ela' lonespa lan xanuc', ⁵ catoc'i'ma itca'a cal potsate caca'no' nocuaiyumma itine itine. Cate'l'mi'ma itque laixtuc'opa. Ja'ni a'i, ti'hua ticuaihuo, aicaxnet'lya."

⁶ La'poujna Jesús timila' ts'ilihuequi:

—Joupa olcuejpá ite litaiqui' locuapa cal juez. Itque tama a'ij lijca li'ejma' itsiya ticua: "Catoc'i'ma itca'a laca'no'". ⁷⁻⁸ Jouc'a LanDios, ¿te aimitoc'iyacola' lixanuc', li'huij'epola'? Ihniya tijoc'iyi itine ipuqui' tixa'hueyi titoc'itsola'. Linca LanDios aimixtuc'oyacola', ti'hua tixnet'iqui. Iya' camilhuo': Aimico'lya, titoc'i'mola'. Tite'l'mi'mola' laixtuc'opá lixanuc'.

'Tama ahinca itta'a laimipolhuo', cacuaicohuananni li'a lamats', ¿te ti'i'mola' axpela' lan xanuc' nepenufpá ite litaiqui' laifnu'ipolhuo' itsiya? Iya' itque cal Xans Liximpa cal profeta pu'hua lema'a.

⁹ Jesús ti'hua timuc'iyale. I'onlico'mola' lan xanuc' nocuapá: “Illanc' ma ninc'ic'a xanuc'”. Ine tetets'iyi lif'as xanuc'. ¹⁰ Timila':

—Oquexi' lan xanuc' iye'me al cuecaj xoute', tipalaic'ota LanDios. Anuli afariseo, locuena in'najtsi'iyale. ¹¹ Cal fariseo tecaxuya tu'i LanDios jahuay lo'epa, timi: “ManDios, iya' cax'najtsi'ihuo' iya' aica'ay to lo'epa locuenaye lan xanuc'. Iniya tinantseyi, ti'eyi a'ij hijca, texic'e'eyi lif'as xanuc' lipenoye. Iya' a'i to iniya ni to ilca'a lin'najtsi'iyale. ¹² Iya' oque' quitine al xamano caxnet'lqui, aicatesma. Laifnulijpa amaxnu capequi, capi'ihuo' imbama'.”

¹³ Lin'najtsi'iyale tixina calaic'ata, tecaxu lico al xoute'. Ni aiquehuelonge lema'a, tixhuehna juaiconapa, tuntafque lunxajma'. Timi LanDios: “MainenDios, tama tipa'a acueca' laijunac', amalixtuc'o'ma. Aksinlaj cuanuc'.”

¹⁴ Iya' camilhuo': Lipalnamma al cuecaj xoute' iniya loquexi' lan xanuc', liyenapá hilejut'hi, LanDios joupá iximpa lin'najtsi'iyale to ailopa'a quijunac', epenufpa. Locuena a'i.

'Cal xans no'e'epoxi acueca', ti'oc'enam'me. Ja'ni ti'oc'exoxi, tilof'em'me.

¹⁵ Lan xanuc' ticuai'emma linmaxque' pe lopa'a Jesús. Ipic'a tixpayaf'tsola'. Liximpa toltá'a ts'ilihuequi Jesús aiqutenlcoco'mola' lo'epa ine lan xanuc'. Italem'mola'. ¹⁶ Jesús ijoc'i'mola' ticuaiyunca la'uhuy. Timila' ts'ilihuequi:

—Tolapi'itsola' lane la'uhuy, tiyouyunca pe laifpa'a. Aimolcuanac'e'mola'. Lan xanuc' lo'onlcospola' to inna'a la'uhuy ma'niya titsuflai'me pe locuxeyopa LanDios cal Cuecaj Rey.

¹⁷ Iya' camilhuo' al linca: Lan xanuc' notsulfoaiyacu pe locuxeyopa LanDios cal Cuecaj Rey, ticuicomma ti'onlcotsola' to la'uhuy. Ja'ni a'i aimi'iya mitsuflaiyacu.

¹⁸ Anuli hincuxepa ipalaic'o'ma Jesus, icuis'e'ma, timi:

—Momxi, ima' unc'a xans, lu'ila', ¿te caif'eya culijla' laipitine aimijouya?

¹⁹ Jesús italai'e'e'ma timi:

—Ima', ¿te calmicuapa: “Unc'a xans”? Le'a anuli copa'a cal C'a, ilque LanDios.

²⁰ Ima' oxina' loya'apa locuxepa LanDios, ticua: “Aimoxhuico'ma lipeno lof'as xans. Aimoma'ahuale'ma. Aimonantse'ma. Aimonescoyale'ma. Taihuejco'mola' co'ailli', co'máma'. Totoc'i'mola'.”

²¹ Cal xans timi:

—Lahtojyomma ite lataiqui' canant'hi. Itsiya ixpic' ca'ay toltá'a.

²² Licuej'ma limi'ma cal xans, Jesús timi:

—Tehue'ehuo' huata. Jahuay lo'hueca tocujsi. Al tomí lofmulijya tapi'itsola' lan xanuc' pe aiqul'huca. Toltá'a ti'i'ma acueca' co'huexi pu'hua lema'a. To'etsi to laifmipo', tijoula' tocaiconamma lihuejna'ma.

²³ Licuej'ma jiliya lataiqui' cal xans ihuotsonni juaiconapa. I'hueca acueca' qui'huexi.

²⁴ Liximpa cal xans ihuotsonni, Jesús ticua:

—Lan xanuc' ts'il'huca acueca' qui'huexi tixim'me ipime, afule mitsuflaiyacu pe locuxeyopa LanDios. ²⁵ Ticuanni: “Anuli cal camello, ilque linneja juaiconapa acueca', aimi'iya muyaicoya laquipihuo' lacuxa”. Cal xans ts'il'huca acueca', ti'i'ma xonca ipime, afule mitsufaiya pe locuxeyopa LanDios.

²⁶ Licuej'me iniya lataiqui' iniya timiyotsti:

—Ja'ni toltá'a, ailopa'a conluya.

²⁷ Jesús italai'e'e'mola', timila':

—Tama lan xanuc' aimi'iya mi'eyacu, LanDios linca nipajnya ti'i'ma ti'e'ma.

²⁸ Pedro timi:

—¡Toxinla'! Illanc' joupá alpo'nonapá jahuay la'huexi. Lihuejnahuo'.

²⁹⁻³⁰ Jesús timila':

—Iya' camilhuo' al linca: Cal xans naihuejcopa LanDios ja'ni tipo'no'la' lejut'í o lipeno, o tipo'no'mola' lipimaye, qui'ailli', qui'máma' o linaxque', mipa'a fa'a li'a lamats' tepi'im'me acuecaj xonca. Tijoula', ticuaitsi locuena quitine tulij'ma lipitine aimijouya.

³¹ Lijou'ma Jesús ileco'mola' quilituca' limbamaj coquexi' ts'ilihuequi, timila':

—Iya' itque cal Xans Liximpa cal profeta pu'hua lema'a. Luyaipa quitine lam profeta inilpá la'iya. Itsiya al'ajliyi, alcuaitsa liya' Jerusalén, pu'hua jahuay ile lataiqui' tenanhta.

³² Alcunna, ticuaita quilmane lan xanuc' ocuena nación. Lilotocota, almilojta cataiqui', altsulcota lai'a, ³³ luntafta f'ix'ec, alma'ata. Al fane' quitine camaf'inna.

³⁴ Ts'ilihuequi aiquilcueca ile lataiqui' limi'mola'. Aimuhuaŷyi, aimi'iya.

³⁵ Jesús joupa ticuaispa huejnca liya' Jericó. Jilpe tipa'a anuli cal fo' ticutsu lema cane, tixa'hue tepi'inle caquitomí. ³⁶ Icuej'ma tuyaŷyi axpela' lan xanuc', icuis'e'mola', timila':

—¿Te co'ipa?

³⁷ Italai'e'e'me, timiyi:

—Icuai'ma Jesús las Nazaret, joupa tuyaipa.

³⁸ Cal fo' ija'a'ma, timi:

—Jesús, ima' lacui'impo' i'Hua David, ¡Alsinla' nincuanuc'!

³⁹ Lan xanuc' liŷej'me timiyi:

—¡Ti-ch'ixcotso'!

Xonca tija'e', timi:

—Mi'Hua David, ¡alsinla' nincuanuc'!

⁴⁰ Jesús ecaxhuenni, icuxe'ma, timila':

—Ahec'metsi.

Icuai'etsa pe lopa'a Jesús. Itque icuis'e'ma, timi:

⁴¹ —¿Te caif'e'eyaco'? ¿Te ts'opic'a?

Timi:

—Maipoujna, cahuetsaleŷa'.

⁴² Jesús timi:

—¡Tahuetsaleŷa'! Al'huaiyijmpa, joupa ixalconapo'.

⁴³ Aiquicoŷ'ma, ehuetzalena'ma. Ipango'ma ihuej'ma Jesús. Tix'najtsi'i LanDios. Jahuay nomana' jilpiya, liximpa toŷta'a jouc'a ix'najtsi'i'me LanDios. Ticuayi: “Acueca' lo'epa LanDios”.

19

¹ Jesús itsufai'ma liya' Jericó, uyaicohuo'ma. ² Jilpe liya' tipa'a anuli cal xans cuftine aZaqueo. Itque cal xans nocuxepola' lif'as xanuc' quin'najtsi'iyalepá. Acueca' qui'huexi i'hueca. ³ Tehuay te co'iya mixinya Jesús. Ipic'a timetsaicoŷa'. Jesús ti'hua nolojmay axpela' lan xanuc', Zaqueo aca'hua xans. Tixina aimi'iya mixinya. ⁴ Inu'ma, i'huaj'me'ma. If'aj'ma anuli al 'ec sicómoro. Jilpiya tuyaico'ma Jesús. Tixim'ma.

⁵ Jesús icuaitsi jilpiya, ehuelojm'ma al toncay al 'ec. Ipalaic'o'ma, timi:

—CumZaqueo, nuya taimunni. Itsiya ai'huapa lomejut'ŷ, cunxac'eta.

⁶ Zaqueo aiquicoŷ'ma, imunni. Ixoj'ma queta juaiconapa. Jilpe lejut'ŷ epenuf'ma Jesús.

⁷ Lan xanuc' lixim'me toŷta'a li'i'ma ixtulenca jahuay, tipalaicoyi lo'epa Jesús, tinesyi:

—Itque cal xans Zaqueo aimihuejma locuxepa LanDios, Jesús itsufaipa lejut'ŷ.

⁸ Zaqueo ecax'ma, ipalaic'o'ma laŷPoujna Jesús, timi:

—Toxinla', maipoujna, itsiya onŷca lai'hueca capi'ina'mola' lan xanuc' pe aiquil'hueca. Naitsi cal xans laifel'mipa, nexic'epa litomí, capi'icona'ma amalpemma.

⁹ Jesús mehuelonge Zaqueo ticua:

—Itsiya jifa'a lajut'ŷ unŷupa anuli cal xans, itque jouc'a i'hua loŷtatahuelo Abraham.

¹⁰ Iya' itque cal Xans Liximpa cal profeta pu'hua lema'a. Aicuaicoco'ma fa'a li'a lamats' cahue'mola', cunŷu'e'mola' lan xanuc' lejac'pola'.

¹¹ Miquimf'eyi lan xanuc', Jesús ti'hua timuc'iyale. Iŷniya lan xanuc' ticuayi: “Liya' Jerusalén a'ij culi'. Ticuaitsi jilpiya Jesús tulijtola' laŷ'eponga' laic'. Tijouŷa' illanc' y LanDios

ałcux'e'me anuli.” Jesús ipic'a ti'ila' quilsina' a'ij finca ike lonespa. I'ontico'moxi lo'iya,
¹² timila':

—Anuli cal xans iłque i'hua hincuxepa i'huapa aculi', ocuenaj nación. Jiłpiya tepi'inna lipenic'. Tijoula' tipaino, ticuxena'mola' lixanuc'. ¹³ Ai'a tipahuo ijoc'i'mola' limbamaj limozó. Anuli anuli epi'i'mola' quiltomí, lipitali to cal xans lolijpa no'eya canic' afanej mut'la. Timila': “Iya' aicapajnya, ma cai'huayaic' aculi' imanc' tołsuicołe iłta'a al tomí”.

¹⁴ 'Liłpiłya' xanuc' ixtuc'o'me cal xans. Ummem'mola' lan xanuc' tiyele pe litsepa, tuya'ata: “Iłque cal xans aimalapenufyacu. Aimalcuxeyacongá' illanc'.”

¹⁵ 'Cal xans, epi'impa lipenic' ticuxetsola' lixanuc', ipaiconanni. Licuaitsi łemats' icuxe'ma tijoc'intsola' limozó, iłne nepenufpá al tomí. Tixim'ma lulijpa.

¹⁶ 'Icuaiyunni cal te'a. Timi lipoujna: “Maipoujna, lotomí lalapi'ipa joupá ulijpa imbama”.

¹⁷ Timi: “Ima' unc'a mozo. Ac'a lo'epa. Ahuata lainepi'ipo'. Oxhuicopa ac'a. Itsiya capi'i'mo' imbamaj hilelołya', tocuxetola' lan xanuc' nomana' jiłpe hilelołya'.”

¹⁸ 'Icuaiyunni łocuena, timi lipoujna: “Maipoujna, lotomí lalapi'ipa joupá ulijpa amaque”.

¹⁹ Jouc'a epi'i'ma lipenic'. Timi: “Ima' jouc'a capi'i'mo' copilelołya'. Tocuxetola' lan xanuc' nomana' jiłpe lam maquej hilelołya'.”

²⁰ 'Lijou'ma icuaiyunni łocuena. Timi lipoujna: “Toxinla', maipoujna, jiłta'a lotomí. Ai'huejpa. Aifi'ecopa jahua'. ²¹ Cai'ecopa caxpaic'ehuo'. Aixina' ima' unxans maftsile. Ni tołta'a aimocu, ma le'a tapenuf'ma. Aimofa, ma le'a tafot'le'ma.”

²² Timi: “Ima' mixcay mozo. Małta'a lonespa joupá mecani'epoxi. ¿Te ima' oxina' iya' ninxans naftsile? ¿Te al finca iya' capenufi tama aicacu? Jouc'a, ¿te cafot'le' tama aicafa?”

²³ Joupá oxina' tołta'a. Itsiya iłta'a laitomí, ¿te aicomecana al banco? Tołta'a coła' capenufna'ma laitomí jouc'a lulijpa.”

²⁴ Timila' lixanuc' nacaxhuołanna jiłpiya: “Tolaxic'ete al tomí, tonlapi'ike iłque ts'i'hueca limbama”.

²⁵ Iłne italai'e'e'me, timiyi: “Małpoujna, joupá i'hueca imbama”.

²⁶ Italai'e'e'mola', timila': “Iya' camilhuo': Jahuay iłne nulijpá, tepi'im'mola' xonca. Lan xanuc' pe aiqiluliqui, texic'ena'mola' lił'hueca. ²⁷ Itsiya, toł'hua'ancola' fa'a pe laifpa'a lan xanuc' nalixtuc'opa iłniya nocuapá: Iłque cal xans aimalapenufyacu, aimalcuxeyacongá'. Tołma'atsola'.”

²⁸ Lijoupa limipola' jiłe lataiqui', ti'hua tuyaipa. Tif'aqui lane Jerusalén. ²⁹ Icuaitsi lijuala cuftine Lijuala Olivo, ahuejnca hilelołya' Betfagé jouc'a Betania. Jiłpiya umme'mola' oquexi' ts'ilihuequi, ³⁰ timila':

—Tonlele jiłpe liłya' lehuoc'ocojma. Jiłpiya lołtsuflaiyacu tołsinna tifijnya anuli łaca'huaj burro. Nij naitsi xans lenafcaipa. Toluhuaitsa, tołcuai'ecu fa'a. ³¹ Ja'ni ticuis'etsolhuo', timitsolhuo': “¿Te cunluhuaiłcopá ła'huaj burro?”, tołmitsa: “Łipoujna tixhuicota”.

³² Iye'me iłne loquexi' lummem'mola', ixintsa łaca'huaj burro ma to limipola' Jesús.

³³ Muhuaiłyi łaca'huaj burro lipoujnalá ipalaic'om'mola', timinnila':

—¿Te cunluhuaiłcopá łala'huaj burro?

³⁴ Italai'e'e'me, timiyi:

—Łipoujna ipicuicoya tixhuicota.

³⁵ Icuai'etsa łaca'huaj burro pe lopa'a Jesús. Ixpefi'me liłpuquiya lixpula' ła'huaj burro. Jesús enafcai'ma. ³⁶ Pe loyaicoya, lan xanuc' ixpou'me liłpuquiya. ³⁷ Icuaitsa huejnca jiłpe laimuc' hjuala Olivo, lanxpela' ts'ilihuequi Jesús iłejmale ixoj'ma quileta. Jahuay ipango'me ija'a'me, tix'najtsi'iyi ŁanDios. Joupá iximpá al cueca' li'ipa. ³⁸ Ticuayi:

—¡Itsiya ocuai'ma ima' ałRey! Joupá lu'imponga' tocuaihuo, ałminga' ŁanDios łalPoujna tumme'mo'. ¡Itsiya ocuai'ma! ¡Ałs'najtsi'ihuo' juaiconapa! ¡ŁanDios Nopa'a lema'a aimalixtuc'oconayacongá', ałpaxnenga! ¡Nomana' lema'a xonca al toncay timile: “Ima' xonca umCueca”!”

³⁹ Jiłpe pe lomana' lan xanuc' jouc'a timana' lam fariseo. Iłniya timiyi Jesús:

—Momxi, to-ch'ixc'etsola' iłne ts'ihuejhuo'.

⁴⁰ Jesús italai'e'e'mola', timila':

—Iya' camilhuo': Ja'ni ti-ch'ixcotsola' lalihuequi', lapic' tija'a'me, tix'najtsi'i'me ËanDios.

⁴¹ Hoc'olai'me xonca Jerusalén. Lixim'ma liya' Jesús ijoj'ma, ⁴² timi:

—Iya' caxhuefcocojma ìte lo'iyaco', miya' Jerusalén. Itsiya ËanDios ipic'a tipaxnetsola' loxanuc'. Ipic'a titoc'itsola', tuyalaite al c'a. ¡Cola' ticuec'ete! Aimi'ya micuec'eyacu. ⁴³ Ticuaita litine ticuaicu laixtuc'opo'. Tejuajmi'me camats' lixpula' òmita'. Tilanc'e'me lof'ajcoyacu. Tipa'nem'me canumicay, loxanuc' ailopa'a caipalcoyacu. ⁴⁴ Laixtuc'opo' tif'ajli'me òmita', teca'not'hi'me òmitalot'l, jouc'a loxanuc'. Laixtuc'opo' tijou'ne'mo' nulemma. Ni anuli lapic mipo'nof'queya locuena capic. ËanDios joupa icuai'ma cola' tipaxnetso'. Ima' aicoxingufi tohta'a lo'eya, aicocuac'. Tohiya tite'l'mi'mo' to laifmipo'.

⁴⁵ Lijou'ma Jesús itsufai'ma al cuecaj xoute' lopa'a Jerusalén. Jiïpe ipa'a'mola' nocucalepá. ⁴⁶ Timila':

—El Paxi Linilingiya tuya'e': “Lainejut'l lecui'impá: Lajut'l petsi lan xanuc' tipalaic'oyo'me ËanDios.” Itsiya imanc' tonf'onkicoyi ìhta'a lajut'l to òunts'eja' lafotjomma lan namats'.

⁴⁷ Itine itine Jesús ti'hua al cuecaj xoute'. Timuc'ila' lan xanuc'. Lixanuc' cal cuecaj ca'ailli', lomxiye nomuc'iyalepá locuxepa ËanDios jouc'a lan tsilaj xanuc' noxpijpá lataiqui', tehueyi te co'iyá mima'ayacu Jesús. ⁴⁸ Aiquisina' te co'eyacu. Jahuay lan xanuc' icuaitsi quipic'a litaiqui' Jesús, tipo'noyi cuenna lomuc'iyalepa.

20

¹ Anuli litine mipa'a Jesús al cuecaj xoute' timuc'ila' lan xanuc', tu'ila' Lataiqui' loya'apa ìte al c'a loxpicepa ËanDios. Jiïpiya icuaiyunca lixanuc' cal cuecaj ca'ailli' jouc'a lomxiye nomuc'iyalepá locuxepa ËanDios, jouc'a lan tsilaj xanuc' noxpijpá lataiqui'. Icuaitsa pe lopa'a Jesús, ² icuis'e'me, timiyi:

—¿Naitsi nepi'ipo' lomane tohta'a to'e'ma? ¿Naitsi nummepo'?

³ Jesús italai'e'e'mola', timila':

—Iya' jouc'a tipa'a laifnicuis'eyacolhuo'. Ahtalai'ela'. ⁴ ¿Naitsi nummepa Juan? ¿Naitsi nicuxe'epa tepo'itsola' lan xanuc'? ¿Ja'ni ËanDios? o ¿anuli cal xans?

⁵ Ìne ipalaic'o'mohtsi quiltuca', timiyotshi:

—¿Te calmiyacu? Ja'ni ahtite: “ËanDios ummepa”, alicuis'e'monga', ahtim'onga': “Imanc', ¿te aicolapenufi Juan?” ⁶ Ja'ni ahtite: “Anuli cal xans nummepa”, lan xanuc' ahtma'aco'monga' apic'. Ìne ticuayi Juan aprofeta. Ticuayi ËanDios ummepa.

⁷ Italai'e'e'me, timiyi:

—Illanc' aicahtina' naitsi nummepa.

⁸ Italai'e'e'mola' Jesús, timila':

—Iya' jouc'a aicu'iyacolhuo' naitsi nalapi'ipa laimane ca'ela' tohta'a.

⁹ Ipango'ma ipalaic'ocona'mola' lan xanuc'. I'onkicopola' ìhniya ts'ihpenic' lan judío, timila':

—Anuli cal xans ifapaj 'uva òemats'. Hualca lan xanuc' epi'i'mola' lane ti'ete canic'. Tijoula' lanic', tijoula' tefot'lete, tepi'ina'me onlca lipammaita.

'Ëapoujna camats' i'hua'ma aculi'. Jiïpe icohtuo'ma. ¹⁰ Icuaitsi litine tefot'lete umme'ma anuli òimozo, ti'huala' titaita hi'as 'uva, ìque locuaiya quimane. Lin'epá canic' ailopa'a quilepi'i', ni tohta'a. Untaf'me cal mozo, icuxe'e'me ti'huanla'.

¹¹ 'Ummecona'ma ocuenaj mozo. Ìque jouc'a untaf'me, i'e'me lixcay, etets'i'me. Ailopa'a quilepi'i', ni tohta'a. Icuxe'e'me ti'huanla'. ¹² Ummecona'ma ocuenaj mozo, ìque òicoya afantsi. Ìque ixcai'e'me, exahtuf'me, ipa'apá òamats' pe lifaiyiya cal 'uva.

¹³ Lijou'ma lapoujna camats' pe lifaiyiya cal 'uva ticua: “¿Te caif'eya?” Ixpice'ma, ticua: “Cumme'ma òai'hua, òaif'epa capic'a juaiconapa. Aga aimetets'iyacu ìque. Tepenufta.”

¹⁴ Lin'epá canic' lixim'me icuaico'ma hi'hua hiïpoujna timiyotshi: “Ìque tepenuf'ma hi'huexi

qui'ailli'. Alma'a'me. Toŧta'a alulijna'me cal'huexi.” ¹⁵ Exaŧcuf'me, ipa'apá ŧamats' pe lifayiya cal 'uva, ima'a'me.

Jesús icuis'e'mola', timila':

—Imanc', ¿te coŧcuapa? Lipoujna camats' pe lifayiya cal 'uva, ¿te co'eyacola'? ¹⁶ Iya' cami'molhuo' lo'eya: Ti'hua'ma, ticuaitsi pe lomana' iŧniya lin'epá canic', tima'acola'. Lemats' pe lifayiya 'uva, maŧe ŧamats' tepi'i'mola' ocuenaye xanuc'.

Licuej'me toŧta'a litaiqui' Jesús lan xanuc' noquimf'epá ticuayi:

—¿ŧanDios aimicu'ma lane mi'i'ma toŧta'a!

¹⁷ Jesús ehuelonc'e'e'mola' liŧ'a, timila':

—Al Paxi Liniŧingiya tuya'e':

ŧapic ŧetets'ipa nolanc'epá lajutŧ, i'ipa xonca ŧaicuicoya.

Iŧque ŧapic xonca tilanc'e ŧaitaŧ aimecangeya lajutŧ.

Ja'ni a'i mi'iya to itsiya laifnu'ipolhuo', ¿te conescopa toŧta'a al Paxi Liniŧingiya? ¹⁸ Cal xans tixc'uaŧaf'caitsi, tecanaŧcaitsi cal Cuecaj Capic, iŧque tunŧa'moxi. Ja'ni iŧque ŧapic tecangenni tetof'caitsi cal xans, iŧque cal xans tuxpats'i'i'ma nulemma.

¹⁹ Lomxiye nomuc'iyalepá locuxepa ŧanDios jouc'a lixanuc' cal cuecaj ca'ailli' ixtulenca. Iŧsina' Jesús tipalaicola' iŧniya liŧ'ejma'. Ehuepá te co'iya mi'noŧyacu Jesús. Maŧpe 'hora iŧpic'a ti'noŧe. Aiqui'ic'. Tixpaic'eyi lan xanuc'.

²⁰ Ti'hua tehueyi te co'iya mi'noŧyacu Jesús. Umme'me liŧxanuc' tiyeŧe pe lopa'a Jesús, tehuelaifta. Ma le'a ti'e'eyoŧsi; iŧne a'ijc'a xanuc'. Ticuis'eta Jesús. Ticuayi: “Tinesc'eŧa' cataiqui' cal gobernador. Tijouŧa' aŧcu'me, ticuaita quimane iŧque ts'ipenic'.” ²¹ Icuis'e'me Jesús, timiyi:

—Momxi, aŧsina' ac'a lotaiqui', ac'a loŧmuc'iyalepa. Ima' toxinnila' lan xanuc' ipacoya. Al linca tomuc'ila' lipene ŧanDios. ²² Itsiya licuis'e'mo', lu'itsonga': ¿Te aŧ'naŧse'e'me cal cuecaj quincuxepa César? o ¿aimalapi'iyacu? ¿Te ti'i'ma o aimi'iya?

²³ Jesús ixina' ma le'a tehueyi tic'aiŧquenni. Timila':

—¿Te calahuaicopa? ²⁴ Aŧmuc'ita' anuli al tomí. ¿Naitsi jŧŧa'a ts'i'a? ¿Naitsi iŧta'a ts'ipuŧtine?

Timiyi:

—Li'a César, lipuŧtine César.

²⁵ Timila':

—Ja'ni i'huexi César, ne', tonlapi'ite César. Ja'ni i'huexi ŧanDios, ne', tonlapi'ite ŧanDios.

²⁶ Toŧta'a iŧniya ailopa'a co'eyacu. Aiquiŧc'aiŧqui Jesús. Ixim'me acueca' lipicuejma', i-ch'ixco'mola'.

²⁷ Lijou'ma hualca lan xanuc' saduceo icuaitsa pe lopa'a Jesús. Iŧne tinesyi: Limanapola' aimimaf'iconayacu. Icuis'e'me Jesús, ²⁸ timiyi:

—Momxi, pe liniŧpa Moisés alu'iponga': “Anuli cal xans timanŧa', joupá ilejma ŧaca'no', ja'ni ailopa'a quiŧ'hua ŧamizhua tipa'a lipima tileco'ma li'maxi. Tipajntsi quiŧ'hua tecui'i'me lipuŧtine lipima limanapa, tepenuf'ma li'huexi.”

²⁹ 'Li'ipa timana' acaitsi lan xanuc' apimaye. Cal te'a ilecopa anuli ŧaca'no', lijou'ma imana'ma. Ailopa'a quiŧ'hua. ³⁰ Locuena lipima ilecopa li'maxi, imana'ma jouc'a. Ailopa'a quiŧ'hua. ³¹ Lijou'ma locuena lipima jouc'a ileco'ma li'maxi, imana'ma jouc'a. Ailopa'a quiŧ'hua. Ma' anuli li'i'mola' locuenaye lan malujxi' capimaye. Anuli anuli ileco'me ŧaca'no', imana'mola'. Ailopa'a quiŧ'hua. ³² Lijou'ma imana'ma ŧaca'no' jouc'a.

³³ 'Itsiya, lu'itsonga': Ticuaitsi jŧŧe litine timaf'inale limanapola', ¿te co'iya iŧque ŧaca'no'? Lan caitsi capimaye ilecopá. ¿Naitsi co'iya quipe'ailli'?

³⁴ Jesús timila':

—Mimana' fa'a li'a ŧamats' lan xanuc' temalliŧi, liŧ'ailli' ticuyi liŧmaxque'. ³⁵ Locuena Quitine a'i toŧta'a mi'eyacu. Timana' lan xanuc' lacaŧ'no' ŧanDios tixinnila' ti'i'ma titsuŧlaita jŧŧpe Locuena Capajnya, tixinnila' ti'i'ma timaf'icona'me nulemma. Iŧniya tipo'no'mola'

locuenaye limanapola'. Iñiya aimemalticonayacu. ³⁶ Ti'onłcotola' to lapaluc' quema'a. Aimimayacola'. Iñiya linca inaxque' ŁanDios, timaf'i'ina'mola' nulemma.

³⁷ 'Małque Moisés tuya'e': ŁanDios timaf'i'ina'mola' limanapola'. Tołta'a tuya'e' lije'e. Jiłpe tuya'e' li'ipa litine lonajpa lac'ec. He litine ŁanDios imipa: "Iya' NanDios; ilenDios Abraham, Isaac, Jacob." ³⁸ Ja'ni nulemma imanapola' iñiya, ŁanDios aimimiya: "Iya' ilenDios iñiya". ŁanDios ilenDios ts'ilmaf'i', a'i limanapola'. ŁanDios jahuay tixinnila' to ts'ilmaf'i'.

³⁹ Hualca lomxiye nomuc'iyalepá locuxepa ŁanDios italai'e'me, timiyi Jesús:
—Momxi, ac'a lonespa.

⁴⁰ Lijou'ma, ailopa'a quilicuis'ot'łecongħua. Tixpailiquila'.

⁴¹ Jesús timila':

—¿Te conescompa: "Cal rey David itatahuelo cal Cristo, ŁanDios Łommeya"? ⁴² Petsi liniya al je'e lan Salmo, David tuya'e':

ŁanDios ipalaic'o'ma łaiPoujna, timi:

"Tocutshuaila' fa'a al c'a camane.

⁴³ Ima' topajñla' fa'a al c'a camane, ma' iya' ti'hua culiquila' lo'epoj laic'.

Tijoula' ima' tocuxena'mola'."

⁴⁴ 'David linesco'ma cal Cristo ticua: "... łaiPoujna". ¿Te conescopa "łaiPoujna", ja'ni iłque cal Cristo i'hua David?

⁴⁵ Miquimf'eyi lan xanuc', Jesús timila' ts'ilihuequi:

⁴⁶ —Toł'etsotłsi cuenna lomxiye nomuc'iyalepá locuxepa ŁanDios. Iłpic'a tiyelococo'me tipo'no'me liłpijahuá' itoqui. Tetenłcocola' tixinintsola' to lan c'a xanuc', tinonintsola' miyelocoyi la plazá. Ni petsi locuaicoyacu, ja'ni łajut'łi pe lafołyomma lan xanuc', ja'ni anuli al juic, tehueyi te co'iya micutshuolaiyacu pe li'huáqui xonca al c'a. ⁴⁷ Iñiya ma mi'e'eyołłsi to lan c'a xanuc' texic'e'eyi lił'huexi lam potsateya. Ticołł tipalaic'oyi ŁanDios. Linca xonca titeł'mi'mola'.

21

¹ Lijou'ma Jesús ehuelojm'mola' lan xanuc' ts'il'huca acueca' mecajm'miyi liłpimoxna al caxax lopa'a jiłpiya al cuecaj xoute'. ² Ixim'ma jouc'a anuli łaca'no' apotsate, ailopa'a qui'huca. Iłque ti'ni'j'mi oque' al tomí. Ailopa'a quipitali, toco'ma to oque' centavo.

³ Jesús timila' ts'ilihuequi:

—Iya' camilhuo' al linca: Xonca acueca' lipimoxna licupa łaca'no' cal potsate, ailopa'a qui'huca. ⁴ Iñe lan xanuc' ts'il'huca acueca', ma le'a i'ni'j'mipá loyaf'pa. Iłque łaca'no' tehue'e', i'ni'j'mipa jahuay li'huca. Ailopa'a co'nacoya łoteja.

⁵ Hualca ts'ilihuequi Jesús tehuelojnyí al cuecaj xoute'. Ticuayi juaiconapa i'huáqui al c'a. Ilajncopa lan c'a capic'. Lan xanuc' joupá icupá liłtomí, ilanc'empa xonca al c'a. Jesús timila':

⁶ —Itsiya i'huáqui juaiconapa al c'a. Aimipaneya tołta'a. Ticuaita litine jahuay tetełquehuo. Ni anuli łapic mipo'nof'queya liłpima capic. Jahuay tica'nico'ma.

⁷ Iñe icuis'e'me, timiyi:

—Momxi, ¿te quitine tołta'a ti'i'ma? ¿Te calsinyacu ai'a ti'i'ma tołta'a?

⁸ Timila':

—Tołpo'note cuenna. Aimifel'mim'molhuo'. Axpela' ticuaicu, ticua'me: "Iya' nin-Cristo. ŁanDios alummepa." Jouc'a ticua'me: "Joupa icuaico'ma al Cueca' Quitine". Imanc' aimonlihuej'mola' nocuapá tołta'a. ⁹ Tołcuej'me lan xanuc' tifuleyi o tifuliquemma. Aimixpailij'molhuo'. Ticuicomma ti'i'ma tołta'a. Li'a łamats' ti'hua ticołł'ma.

¹⁰ Jesús ti'hua tipalaic'ola' ts'ilihuequi, timila':

—Lan xanuc' nomana' anuli al nación tifule'me nomana' locuenaj nación. Lan xanuc' nomana' anuli liłemats' tehuoc'ai'mołłsi nomana' locuena camats', tifule'me. ¹¹ Ni petsi li'a

lamats' tinu'ma acuecaj cunanto, titeico'me lumemma, jouc'a al cuana lolecopola'. Jitpiya lema'a acueca' lo'iya. Lan xanuc' tixim'me, tixpailij'mola'.

¹² 'Ai'a ti'ima tohta'a imanc' tohteico'me. Lan xanuc' ti'not'molhuo', tihuetsoquim'molhuo', ticum'molhuo' ticuaita quilmene lan xanuc' nocuxepá lajut'hi pe lafoyomma lan xanuc', ti'nicom'molhuo' lacarza, tilecom'molhuo' pe lomana' lan rey jouc'a pe lomana' locuenaye quincuxepá. Imanc' al'huaiyijmpa iya', tohiya tohteico'me tohta'a. ¹³ Ni petsi loleconyacolhuo' tulu'i'mola' lan xanuc': "Illanc' lihuejyi Jesús".

¹⁴ 'Itsiya aimoſuehmo't'e'me, aimoſnes'me: "¿Te caſcuayacu? ¿Te caſtalai'e'ecoyacola' lan xanuc'?" Toſpo'note loſpicuejma', toſnesle nulemma: "Aimoſuehmo't'e'me". ¹⁵ Iya' cu'i'molhuo' loſnesyacu. Capi'i'molhuo' coſpicuejma' acueca'. Naixtuc'opolhuo' aimi'iya mitalai'eyacolhuo'. Ni aimimiyacolhuo': "A'ij linca loſnespa imanc'". Aimi'iya minesyacu tohta'a.

¹⁶ 'Lo'hailí, loſpimaye jouc'a lonſejmalepá ticuftolhuo', ticuaita quilmene lincuxepá. Tima'am'molhuo' hualca imanc'. ¹⁷ Imanc' ts'alihuequi, tohiya ni petsi lomana' lan xanuc' tixtuc'o'molhuo'. ¹⁸ Imanc' aimejac'yacolhuo', ni anuli lijuac loſjuac aimejac'ya. ¹⁹ Toſsnet'he jahuay lo'iyacolhuo', tohta'a tulunſul'me.

²⁰ 'Litine moſsinyacu lan soldado canumicay al cuecaj quilya' Jerusalén ti'ila' coſsina' aimicoſya liya', tijouna'ma. ²¹ He litine ja'ni toſmana' jitpe al distrito Judea tolinul'me, tonſe'me hijualay. Ja'ni toſmana' al cuecaj quilya' toſpalcu. Ja'ni toſmana' pu'hua ſimuc'o', aimoſtsuflai'me liya'. ²² Jitniya litiné fa'a al cueca' quilya' tixim'me lateſcoya. Ma to muya'e' al Paxi Linilingiya ma tohta'a tenanſco'ma jahuay. ²³ Acuanuc'la lacaſ'no' linnaila', jouc'a lacaſ'no' notu'ipá liſnaxque'. Titeico'me acueca' juaiconapa jifa'a li'a lamats'. Lan xanuc' nomana' tixim'me al cueca' lipoyac' LanDios. ²⁴ Lin'ehuale laic' tima'acom'mola' a'espada. Jouc'a tifi'em'mola' ts'ihmaſ'i', tilecom'mola' ni petsi li'a lamats'. Lan xanuc' ocuena quilmación, ilne aimimetsaicoyi LanDios, ticuxe'me fa'a liya' Jerusalén. LanDios tepi'i'mola' lane ti'hua ticuxe'me. Tijoula' texic'e'ena'mola' licueya quilmene, aimicuxeconayacu liya'.

²⁵ 'Cal 'ora timuj'ma lo'iya. Jouc'a cal mut'la jouc'a lan xamna timuj'me. Lan xanuc' nomana' li'a lamats', jahuay lan nación, tixhueico'me. Aiquilſina' te co'eyacu. Laja tife'ne'moxi juaiconapa, titsahuehuo. Tixtu'ma laja, ticuequehuo acueca'. ²⁶ Titafquecola' lan xanuc', ailopa'a co'eyacu. Tixim'me lan xamna tipai'i'me liſpene. Tixpailij'mola' juaiconapa, tixhueico'me, tines'me: "¿Te xonca caſteſcoyacu fa'a li'a lamats'?"

²⁷ 'Iya' itque cal Xans Liximpa cal profeta pu'hua lema'a. Ilne litiné aſsim'ma cacuaiconahuo jitpe ſummahuay. Aſsim'ma acueca' laipepaxi, aſsim'ma ma' anuli LanDios.

²⁸ 'Tipangoſa' ile lo'iya aimixpailij'molhuo'. Tixojla' conlata. Aimicoſya loſteſcoyacu, tulunſul'me.

²⁹ Lijou'ma Jesús ipangopa i'onſicopa lo'ipa al 'icux, jouc'a jahuay cal 'ec'. Timila' ts'ilihuequi:

—Toſpo'note cuenna lo'ipola' al 'icux jouc'a jahuay locuenaye cal 'ec'. ³⁰ Tuxcuaf'caitsi lipela imanc' oſsina' jounpa icuaico'ma linu'. ³¹ Ma' anuli, litine ti'ila' to laimipolhuo', ti'ima coſsina' jounpa icuaico'ma LanDios cal Cuecaj Rey. Jahuay tihuejco'me. ³² Iya' camilhuo' al linca: Ma to liſ'ejma' lan xanuc' nomana' itsiya litine, ma tohta'a ti'ima liſ'ejma' lan xanuc' nomajnyacu ile litine lo'iya to laimipolhuo'. ³³ Lema'a y li'a lamats' tejac'mola', aimoſsingtonayacu. Laitaqui' aimejac'ya, tipanehuo.

³⁴ 'Imanc' toſ'etsolſi cuenna. Aimoſ'e'me nixpiya, aimimeyoj'molhuo', aimoſuehmo't'e'me te co'iya moluyalaicoyacu jifa'a lapajnya. Tolihuejcoſe LanDios. Ja'ni a'i, timufc'o'molhuo' loſpicuejma', ticuaitſi al Cuecaj Quitine tixpaic'e'molhuo'.

³⁵ Ticuaiyunni al Cuecaj Quitine lan xanuc' ni petsi lomana' li'a lamats' tixingufco'me.

³⁶ ¡Toſmaſ'ile! ¡Ti'hua toſjoc'ile LanDios! Jounpa nu'ipolhuo' ile al cueca' lo'iya. Toſsa'hueſe

ŁanDios, tołmi'me: “Altoc'itsonga', lunłu'etsonga'”. Tijoula' tixoj'ma cunlata tolacaxingołaita pe laifpa'a. Iya' itque cal Xans Łiximpa cal profeta pu'hua lema'a.

³⁷ Ine litiné Jesús timuc'ila' lan xanuc' jilpe el cuecaj xoute'. Lipuqui' tipamma liya', ti'hua lijuala Olivo. Ilpe tipajnsa lic'ayca lipuqui'. ³⁸ Mi'i'ma quitine jahuay lan xanuc' tiyeyi al cuecaj xoute', tiquimf'eta litaiqui' Jesús.

22

¹ Tehue'e' huata ti'i'ma al juic cuftine al Pascua. Mi'eyi juic titeji la'i aiqilai'inni levadura. ² Lixanuc' cal cuecaj ca'ailli' jouc'a lomxiye nomuc'iyalepá locuxepa ŁanDios tehueyi te co'ya mima'anyacu Jesús. Tixpailiquila', ja'ni tixtulecu lan xanuc'.

³ Łonta'a Satanás itsufaipa lipicuejma' anuli ine limbamaj coquexi' ts'ilihuequi Jesús, itque cuftine Judas. Locuena lipuftine Iscariote. ⁴ I'hua'ma pe lomana' lixanuc' cal cuecaj ca'ailli' jouc'a lapaluc' no'epá cuenna al cuecaj xoute'. Ipalaic'o'mola'. Ixpice'ma te co'ya micuya Jesús, ticuaitsi quilmene. ⁵ Ixoj'ma quileta iniya. U'i'me tojua mulijya al tomí. ⁶ Judas icupa cataiqui' ticu'ma Jesús. I'huana'ma, ehuepa te co'ya micuya itque. Ticua: “Aimicuej'me lan xanuc'”.

⁷ Icuaitsi al juic titem'me la'i aiqilai'inni levadura. I'huajcopa litine tima'am'mola' laicanaxque' motł, ine lotejnyacola' jilpe al juic Pascua. ⁸ Jesús umme'mola' Pedro y Juan, timila':

—Tonlele. Tolafot'letsá łaltejacu ałsmocota al juic Pascua.

⁹ Icuis'e'me, timiyi:

—¿Petsi calsmocoyoyacu? ¿Te cofcuapa?

¹⁰ Timila':

—Tonlele liya', ma mołtsuflaiyi liya' tołsinna anuli cal xans itaic' lijuti caja'. Tolihuejtsa. Itque titsufaita anuli lajutł. ¹¹ Tołpalaic'ota łapoujna, tołmita: “Łałpomxi alummeponga' pe lofpa'a, ticuis'ehuo', timihuo': ¿Pe copa'a lajutł pe lałsmocoyoyacu al juic Pascua, iya' jouc'a lalihuequi?” ¹² Itque tilecotolhuo' al toncay lajutł. Timuc'itolhuo' anuli al cuecaj cajutł. Jilpe tipa'a jahuay, joupá ixhueya. Małpiya tołpo'nota łaltejacu.

¹³ Ine loquexi' ts'ilihuequi iye'me. Ixim'me ma to limipola' Jesús. Jilpe lajutł ilanc'e'me calxmocojma'. ¹⁴ Ticuaitsi al 'hora tixmocolé Jesús jouc'a li'apóstole icutshuolai'me, titetso'me. ¹⁵ Jesús timila':

—Aijanajpa juaiconapa ałsmocolé anuli itca'a litejua' al Pascua. Aixina' icuaico'ma laiftelcuya. Ate'a ałsmoco'me anuli. ¹⁶ Iya' camilhuo': Jifa'a li'a łamats' aicatetsoconaya ita'a al juic. Ticuaitsi litine lan xanuc' tihuejcole ŁanDios hiłCuecaj Rey, ile litine ti'icona'ma ile al juic, ti'i'ma ituca'. Jilpe linca catetsoconna.

¹⁷ Lijou'ma uhuof'ma al taza, ix'najtsi'i'ma ŁanDios, timila' ts'ilihuequi:

—Tuluhuanuf'le ita'a al taza. Tołsnale jahuay imanc'. ¹⁸ Jifa'a li'a łamats' aicaxnacónaya lija' uva. Ticuaitsi litine tixinle ŁanDios micuxe, ile litine, linca caxnacóna.

¹⁹ Epef'ma anuli la'i. Ix'najtsi'icona'ma ŁanDios. Ixquenuf'ma, epi'i'mola' ts'ilihuequi, timila':

—Jilca'a aicuerpo laifcuya cunłu'e'molhuo'. Tolihuej'me tołta'a, ał'nujuaisco'ma iya' laif'eya.

²⁰ Lijoupa lixmocopa ix'najtsi'icona'ma ŁanDios, icufi'mola' al taza. Uhuof'ma timila':

—Ita'a aijuats' laifxcuajaiya cunłu'e'molhuo'. Ma mixcuajaiquemma laijuats' calinc'i'ma al ts'e cataiqui', ŁanDios lopo'no'ipolhuo' imanc' ixanuc'.

²¹ 'Jahuay imanc' a'i ixanuc' ŁanDios. Jifa'a tipa'a itque łalcuya. Ałpo'nof'iyi łalmane al mesa anuli. ²² Iya' itque cal Xans Łiximpa cal profeta pu'hua lema'a. Itsiya ca'huana'ma laipene. Ma tołta'a lał'iya. Tijoula' acueca' a'ijc'a juaiconapa tuyaico'ma cal xans łalcuya.

²³ Ts'ilihuequi ipango'me icuis'e'mołtsi, timiyoltsi:

—¿Naitsi illanc' ti'e'ma tołta'a?

²⁴ Lijou'ma ipango'me ifuli'i'moŋtsi cataiqui', naitsi xonca cal cueca'. ²⁵ Jesús timila':

—Lan xanuc' pe aimimetsaicoyi ËanDios lan tsilaj quincuxepá ti'e'eyoŋtsi quipoujnalá. Ts'ihpenic' ticuayi: “Illanc' linca aŋtoc'ila' laŋxanuc', aŋcuxela' al c'a”. ²⁶ Imanc' aimonŋ'e'me toŋta'a. Toŋ'eŋe ituca' loŋ'ejma'. Imanc', ihque xonca ts'i'hua'j'me ti'e'exoxi ti'onŋcotsi to ŋa'hua. Ihque nocuxepa xonca, ti'e'exoxi ti'onŋcotsi to cal mozo. ²⁷ ¿Naitsi ihque xonca cal cuecaj xans? ¿Ja'ni ihque ŋocutsuya notetsopa? o ¿ja'ni cal mozo ŋo'hua'apa al pime? Ihque ŋocutsuya linca xonca acuecaj xans. Laŋmajmpa anuli iya' aŋ'onŋcospa to cal mozo.

²⁸ 'Imanc' aixanuc' aicaŋpo'nohuo caituca'. Capa'a fa'a li'a lamats' aŋteŋcopá anuli.

²⁹ Jouc'a aŋcuxena'me anuli. Cai'Ailli' joupa lapi'ipa laimane cacuxe'ma. Jouc'a iya' capi'ilhuo' loŋmane toŋcuxe'me. ³⁰ Ticuaitsi litine lihuejco'ma jahuary lan xanuc' iya' imanc' aŋcutsoŋai'me anuli, aŋtetso'me, aŋsna'me. Imanc' toŋcutsoŋai'me loŋcuecaj asiento, toŋspijta lataiqui', toŋcuxe'mola' loŋxanuc', ihne liŋxanuc' limbamaj coquexi' linaxque' ŋoŋtatahuelo Israel.

³¹ Jesús ipalaic'opa Simón Pedro, timi:

—CumSimón, Satanás ixa'huepa lane tehua'i'molhuo' imanc'. Cal xans nofusya litrigo tipa'a'ma hipifuc, tipanehuo pangay c'a. Toŋta'a ti'i'molhuo' imanc' lahuaiyiny-acolhuo'. ³² Aixahue'epa ËanDios titoc'itso' ima' cumSimón. Toŋta'a ima' ti'hua aŋ'huaiyinge, aimajpo'nohuo nulemma. Tijouŋa' tehua'i'yintso' ima' toxhuej'meconahuo, lihuejconama. Ihniya litiné totoc'itsola' lopimaye, tapi'itsola' liŋpujfxi jouc'a.

³³ Pedro timi:

—Maipoujna, joupa aipo'nopa laipicuejma'. Ni petsi loŋtseya ca'hua'ma jouc'a. Ja'ni ti'noŋintso' ti'hua'antso' lazarza, ja'ni tima'antso', jahuary ti'e'entso' iya' cacua: Ma aŋ'e'entsonga' anuli. Aicapo'noyaco' cotuca'.

³⁴ Timi:

—CumPedro, camihuo': Ita'a lipuqui', ai'a tija'a'ma ŋangiti, ima' tones'ma afanemma: “Aicainimetsaijma Jesús”.

³⁵ Icuis'e'mola' ts'ilihuequi, timila':

—Ihe litine lainumme'molhuo' aicoŋtai'me coŋponta, ni coŋmorrall, ni coŋc'eji, ¿te ehue'e'molhuo'?

Timiyi:

—Ailopa'a calahue'ehuo'monga'.

³⁶ Timila':

—Itsiya ituca' lo'iya. Camilhuo': Naitsi ts'i'hueca liponta tomí, titaiŋa'. Naitsi ts'i'hueca limorrall, titaiŋa' jouc'a. Ja'ni ailopa'a qui'espada, ticujla' lipuquiya, ti'nacola'. ³⁷ Al Paxi Linihingiya tuya'e': “Ihque iteŋ'mim'me to loteŋ'mimpola' ihne no'epá quixcay”. Ihe linihiya aŋnescopa iya' la'iya. Camilhuo': Tenanŋ'ma.

³⁸ Timiyi:

—Maŋ'ailli', jifa'a tipa'a oquej lan 'espada.

Timila':

—Ne', tipajnla'.

³⁹ Jesús ipanni lajutŋ, ma to mi'ay i'hua'ma lijualaj Olivo. Ts'ilihuequi ihuej'me.

⁴⁰ Icuaicontsa petsi lotsepa. Jiŋpiya timila' ts'ilihuequi:

—Toŋjoc'ite ËanDios. Toŋsa'hueŋe aimehuaiyim'molhuo'.

⁴¹ Ipo'no'mola' quihuca', i'hua'ma ni huata, ihof'e'moxi le'a lipiculi' to taca'niŋa' anuli lapic. Exc'onŋhuai'ma, tijoc'i ËanDios, timi:

⁴² —Mai'Ailli' lihonc'e'ela' itca'a al cueca' laifteŋcopa, ja'ni toŋta'a oxpic'epa. Tama toŋta'a laifmipo' jouc'a camihuo': To'eŋa' ma to lofxpic'epa a'i to iya' laifxp'ic'epa.

⁴³ Iximpa icuaico'ma anuli ŋapaluc quema'a. Tepi'i' quipujfxi, ti'ommais. ⁴⁴ Lijou'ma ipango'ma ihuotsonni xonca, unlejma ŋunxajma'. Xonca ihui'i'ma ixa'hue'ma ËanDios. Ijafsi, titats'quemma lamats', tocomma ajuats'.

⁴⁵ Lijoupa lijoc'ipa ËanDios itsahuenanni, i'hua'ma pe lomana' ts'ilihuequi. Ixim'mola' tixmaiya. Ëlihuotsoqueya ulij'mola', i'noñ'mola' ðahuí. ⁴⁶ Timila':

—¿Te colñmaicopa? Toñtsolinca, toñjoc'ife ËanDios. Toñsa'hueñe titoc'itsolhuo', aime-huaiyim'molhuo'.

⁴⁷ Ma mipalay Jesús icuaitsa axpela' lan xanuc'. Judas, ðque anuli ðniya limbamaj coquexi' ts'ilihuequi Jesús, i'huaj'me'ela' lan xanuc'. Icuaitsi pe lopa'a Jesús, tituc'o'ma.

⁴⁸ Jesús timi:

—Judas, ¿te añtuc'o'ma? Iya' ðque cal Xans Ëiximpa cal profeta pu'hua lema'a. ¿Te añtuc'o'ma, tijouñ'a' añcu'ma?

⁴⁹ Niyejmalepá Jesús lixim'me lo'ipa timiyi:

—Mañ'ailli', ¿añfuleco'me a'espada?

⁵⁰ Anuli ts'ilihuequi ixcai'e'ma ðimozo cal cuecaj ca'ailli'. Etec'e'e'ma lix'mas, al c'a camane. ⁵¹ Jesús timila' lan xanuc':

—Lapi'ña' lane.

Ñafc'e'e'ma lix'mas ðque cal xans. Ixañ'mena'ma.

⁵² Ipalaic'o'mola' ðne nicuaitsa ti'noñ'me. ðniya ixanuc' cal cuecaj ca'ailli', jouc'a incuxepá lapaluc' no'epá cuenna al cuecaj xoute', jouc'a lan tsilaj xanuc' noxpipjá lataiqui'. Timila':

—Imanc', ¿te colñcuaiyoco'me fa'a oñtaic' loñ'espada, lonñ'ec, añ'noña'? ¿Te añ'onñcospa to ðinma'ahuale? ⁵³ Itine itine añmana' anuli jñpe al cuecaj xoute'. Aimañ'noñi. Itsiya ðinca tonñ'e'me ts'oñpic'a. Itsiya ti'hua ðimane nocuxepa al muf.

⁵⁴ I'noñ'me Jesús, ileco'me lejut'ñ cal cuecaj ca'ailli'. Pedro ihuequi aculi'. ⁵⁵ Jñpiya ðipuna quejut'ñ cal cuecaj ca'ailli' icue'empá ðunga, icutsingolai'me. Pedro icutsingai'mola'.

⁵⁶ Ëipañ cunga tulif'e' li'a Pedro. Anuli cal mozo aca'no' ehuelojm'ma, timila' lan xanuc' nomana' jñpiya:

—Ñque cal xans jouc'a ðejmale Jesús.

⁵⁷ Pedro icuanajpa, timi:

—Maca'no', aicainimetsaijma.

⁵⁸ Lijou'ma nihuata ocuena cal xans ixim'ma Pedro, timi:

—Ima' jouc'a unñejmale Jesús.

Pedro timi:

—Cunxans, a' iya'.

⁵⁹ Uyai'ma to anulij hora. Ocuenaj cal xans ihui'i'ma, timila' locuenaye nomana' jñpe:

—Ma' al ðinca ðca'a cal xans ðejmale Jesús. ðca'a jouc'a ðas Galilea.

⁶⁰ Pedro timi:

—Cunxans, aicaixina' te cofnespa, ni aicaicueca.

Mipalay Pedro toña'a ija'a'ma ðangiti. ⁶¹ ËañPoujna Jesús ipai'e'moxi, ehuelojm'ma Pedro. Pedro i'nujuaitsi lataiqui' ðimipa: “Ñña'a lipuqui' ai'a tija'a'ma ðangiti ima' tones'ma afanemma: Aicainimetsaijma Jesús.” ⁶² Ipanni, ijojtsi talay.

⁶³ Lan xanuc' no'epá cuenna Jesús ipango'me ðlotsoco'me. Untaf'me c'ec. ⁶⁴ Ifi'e'e'me li'u', ticuis'eyi, timiyi:

—¿Tocua'aña! ¿Ñaitsi nuntafpo'?

⁶⁵ Jouc'a imiloj'me axpe' quixcay cataiqui'.

⁶⁶ ðiñic'ejma' ileco'me Jesús pe lefoña lan tsilaj xanuc' noxpipjá lataiqui' jouc'a lixanuc' cal cuecaj ca'ailli', jouc'a lomxiye nomuc'iyalepá locuxepa ËanDios. ⁶⁷ Timiyi:

—Ja'ni ima' unCristo, ummepo' ËanDios, lu'itsonga'.

Timila':

—Ja'ni cu'itsolhuo' imanc' aimoñ'eyacu ðinca laitaiqui'. ⁶⁸ Ja'ni quicuis'etsolhuo' aimañtalai'eya. ⁶⁹ Iya' ðque cal Xans Ëiximpa cal profeta pu'hua lema'a. Tuyañña' itsiya cacutsainata al c'a camane ËanDios. ðque jahuay nipajnya ti'e'ma.

⁷⁰ Licuejpa' ite linespa Jesús jahuay ihniya lan xanuc' timiyi:

—¿Te ima' i'Hua ÆanDios?

Timila':

—Ma to imanc' moñesyí, ma' iya'.

⁷¹ Ticuayi:

—Itsiya' linca aimalahueyacola' nocufyacu xonca. Itca'a quituca' ecani'epoxi. Joupa atcuejpa'.

23

¹ Jiłpe lefołya jahuay ihniya itsolinamma, i'hua'a'me Jesús pe lopa'a Pilato, itque cal gobernador. ² Ipango'me icuf'me, timiyi Pilato:

—Atquimf'epá ituca' lomuc'iyalepa itque cal xans. Tipai'ila' liłpicuejma' lałxanuc'. Tu'ila' aimi'najtse'eyacu loxahue'epola' cal cuecaj quincuxepa César. Ticua: “Iya' ninCristo, ninRey”.

³ Pilato icuis'e'ma, timi:

—¿Te ima' itrey lan xanuc' judío?

Italai'e'ma timi:

—Al linca lofcuapa.

⁴ Pilato ipalaic'o'mola' lixanuc' cal cuecaj ca'ailli' jouc'a locuenaye liyejmalepá, timila':

—Itque cal xans iya' aiximpa ailopa'a qui'epa. Ailopa'a quijunac'.

⁵ Ihui'i'me, timiyi:

—Tipai'ila' liłpicuejma' lałf'as xanuc' judío. Ni petsi timuc'iyale. Ipangocopa imuc'iyalepa jiłpe al distrito Galilea, itsiya icuai'ma fa'a liłya' Jerusalén.

⁶ Pilato licuej'ma tinesyi al distrito Galilea, icuis'e'ma ja'ni Jesús qui'huayomma Galilea. ⁷ Ticuayi: “Linca, qui'huayomma Galilea”. Jiłpe Galilea ticuxe cal rey Herodes, itsiya copa'a Jerusalén. Pilato aikuicoł'ma, umme'ma Jesús jiłpe pe lopa'a Herodes.

⁸ Lixim'ma Jesús, Herodes ixoconni queta. Axpe' mut'ła tijanaca tixinł'a Jesús. Joupa icuejpa acueca' lo'epa. Ticua: “Iya' jouc'a ałmuc'i'ma al cueca”.

⁹ Licuaitsi Jesús juaiconapa icuis'mot'le'ma. Itque aiquitalai'e. ¹⁰ Jiłpe jouc'a tecaxołanna lixanuc' cal cuecaj ca'ailli' jouc'a lomxiye nomuc'iyalepá locuxepa ÆanDios. Ticufyi juaiconapa Jesús. ¹¹ Herodes jouc'a lisoldado etets'i'me Jesús, ilotsoco'me. Itats'mi'me al c'a lijahua', to lopo'noyacu lan rey. Ipai'econanca pe lopa'a Pilato. ¹² Li'ipa Herodes y Pilato ti'eyołtsi laic'. Ihiya litine ipalaic'ona'mołtsi.

¹³ Pilato efot'le'mola' lixanuc' cal cuecaj ca'ailli' jouc'a ts'itpenic' lan xanuc' judío, jouc'a ocuenaye xanuc', ¹⁴ timila':

—Imanc' atcuai'e'ma itca'a cal xans. Ałmi: “Tipai'ila' liłpicuejma' lan xanuc'”. Imanc' joupa ołcuejpa lainicuis'epa itque. Iya' cacua: Ailopa'a tołta'a quijunac'. ¹⁵ Ma' anuli ticua Herodes. Itque ipai'enamma, ummeconapa jifa'a pe lałmana'. Ailopa'a qui'epa Jesús. Aimi'iya canesya: Tima'anle. ¹⁶ Cacuxe'ma tipalojle, tijouł'a' cux'masna'ma.

¹⁷ It'e al juic Pascua ticuicomma Pilato tux'mas'ma anuli itats'iya.

¹⁸ Jahuay ija'a'me, timiyi:

—Itque cal xans, ¡Tocula'! ¡Tileconle! ¡Tima'antsa! Illanc' ałpic'a Barrabás. Tox'masla' itque.

¹⁹ Itque Barrabás ehuc'aipola' lan xanuc' nomana' liłya' Jerusalén. Inma'ahuale. Toliya itats'iya.

²⁰ Pilato ipic'a tux'masnał'a' Jesús. Ipalaic'ocona'mola', timila':

—Cux'masna'ma Jesús.

²¹ Italai'e'e'me, ija'a'me timiyi:

—¡Tapałts'ijnla' lancruz! ¡Tapałts'ijnla' lancruz!

²² Ipalaic'ocona'mola'. I'ipa afanemma mipalaic'ola'. Timiconala':

—¿Te caifnepaſts'ijncoya lancruz? ¿Te quixcay qui'epa? Ailopa'a qui'epa. Aimi'iya mima'anyacu. Cacuxe'ma tipalojle, tijouſa' cux'masna'ma.

²³ Ija'a'me juaiconapa. Ihui'i'me, timiyi:

—¡Tapaſts'ijnla' lancruz!

Lijou'ma ulij'me ihniya lan xanuc'. ²⁴ Pilato icuxe'ma ti'ila' ma to ts'itpic'a. ²⁵ Ux'masna'ma litats'iya loxahue'epa, ilque Barrabás, lehuoc'aipola' lan xanuc', inma'ahuale xans. Icu'ma Jesús, ti'e'ete ma to lan xanuc' lonespa ti'ila'.

²⁶ Ileco'me Jesús. Miyeyi lane italecuf'me anuli cal xans i'ehuo'ma canic' limuc'o', ipainamma cotsenapa liya'. Ilque cal xans cuftine Simón, las Cirene. I'no' me, ipo'nof'i'me lixpula' lencruz Jesús, titaila', ti'huanc'oſela'.

²⁷ Henc'e axpela' lan xanuc' jouc'a lacaſ'no', tijolijyi tihuotsoyi lo'e'enyacu Jesús. ²⁸ Jesús ipai'e'moxi, ipalaic'o'mola', timila':

—Imanc' cunc'acaſ'no' Jerusalén, aimatjojcumle'ma iya' laſ'iya. Toſjojcumletsotſi lo'iyacolhuo' imanc', lo'iyacola' loſnaxque'. ²⁹ Ticuaihuo hitiné tu'i'motſi: “Lacaſ'no' lijuiſqui xonca tixoqui quileta ihniya, aimixhueſmot'leyi. Ihe pe aiquiſina' quif'hua, aiquiſtu'i, jouc'a tixoqui quileta, aimixhueſmot'leyi.”

³⁰ Ihniya hitiné lan xanuc' tixim'me acuecaj caxpaiqui'. Tipalaic'o'me cal tsilaj quijualay, timi'me: “Tacangenni lacanaſ'caitſonga”. Lan tſocay quijualay timi'me: “Lamitſonga”. ³¹ Iya' aſ'onſcoſpa to lic'axhui c'ec. Ja'ni toſta'a laſ'ipa iya', ¿te ts'i'ic' lo'iyacola' ihniya lo'onſcoſpola' to al 'ec joupa ijulpa? Acueca' xonca lotelcoyacu ihniya.

³² Jouc'a ilecom'mola' oquexi' lan xanuc', ihe i'epá quixcay. Tapaſts'ingintſa Jesús jouc'a tēpaſts'inginnola' ihniya.

³³ Icuaitſa jilpe cuftine Lecoye. Jilpiya epaſts'ingintſa Jesús lencruz. Jouc'a epaſts'ingim'mola' jilne loquexi' ni'epá quixcay. Anuli epaſts'ingim'me al c'a camane Jesús, locuena loxa camane. ³⁴ Jesús tixa'hue qui'Ailli', timi:

—Mai'Ailli', taimenc'e'ecotſola' lo'epa. Aiquiſina' lo'epa.

Lan soldado tif'ilcoyi lipijahua' Jesús, naitsi nolijya. ³⁵ Lan xanuc' tecaxoſanna jilpiya tehuelojnyi. Lincuxepá tipalaicoyi Jesús, tetets'iyi, ticuayi:

—Ocuenaye xanuc' unſu'e'mola'. Ja'ni maſque aCristo, lummeſa LanDios, li'Huij'epa LanDios, itſiya tunſu'exoxi.

³⁶ Ma' anuli lan soldado imiloj'me quixcay cataiqui'. Icuaitſa icufi'me al cuxac vino, ³⁷ timiyi:

—Ima', ja'ni ima' ihrey lan xanuc' judío, tonſu'exoxi.

³⁸ Al toncay lijuac Jesús epaſts'ijnnya lancruz anuli laca'hua caxma, jilpe iniliya ticua: “Iſca'a ihrey lan xanuc' judío”.

³⁹ Anuli ni'epa lixcay, jouc'a ilpe tēpaſts'ijnnya lencruz, timiloqui quixcay cataiqui', timi:

—Ima', ja'ni umCristo, tonſu'exoxi jouc'a lunſu'etsonga' illanc'.

⁴⁰ Locuena itale'ma hiſ'as quixcay xans, timi:

—¿Te aimoxpaic'e LanDios? Ima' jouc'a ecani'empo', aſma'a'monga'. ⁴¹ Illanc' lapi'imponga' al hijca. Aſ'epa quixcay, aſtel'minninga'. Iſca'a cal xans ailopa'a qui'epa.

⁴² Timi Jesús:

—Maipoujna, ticuaitſi litine tocuxetſola' lan xanuc', jaſ'nujuaiſla' iya'!

⁴³ Jesús timi:

—Iya' camihuo': Itſiya linca alcuaita anuli jilpe al Paraíso.

⁴⁴ I'ipa to menac'o. Ni petſi jilpe lamats' imufc'o'ma. Al muf icol'ma afane' hora. ⁴⁵ Emi'moxi cal 'ora. Jilpe al cuecaj xoute' tipa'a lijahua' lojujnya ts'ipa'ne lajut'ſi xonca al Paxi. Lixhuaita al fanej hora iſe lijahua' itſ'aſquenni tejmay lamats', i'i'ma oque'. ⁴⁶ Jesús ija'a'ma ujfxi, timi qui'Ailli':

—Mai'Ailli', capi'inahuo' lai'espíritu, tapenuſnaſa'.

Toſta'a licua'ma exnalif'ma, imana'ma.

⁴⁷ Nocuxepola' lan soldado lixim'ma li'i'ma imetsaico'ma acueca' LanDios. Ipalaicopa Jesús, ticua:

—Ihque cal xans linca ailopa'a qui'epa, alijca xans.

⁴⁸ Jilpiya timana' lan xanuc' icuaicoco'me tixinte lo'iya. Lehuelojmpá tohta'a li'ipa, ihniya ixpailij'mola'. Tuntafyi lilunxajma', iyena'me tixhuelcoyi.

⁴⁹ Lilejmale Jesús jouc'a laca'no' ihne quiyoyomma Galilea ilihuequi, jahuay ihniya tecaxolanna aculi'. Tehuelojnyi lo'iya.

⁵⁰ Jilpe liya' Jerusalén tipa'a anuli cal xans cuftine José. Ihque anuli lan tsilaj xanuc' noxpijpá lataiqui'. Ac'a xans, ti'ay ma le'a al hijca. ⁵¹ Ihque aiqumentcocojma quilspic'e lif'as xanuc' noxpijpá. Ihne ixpic'epá tima'ante Jesús, ima'apá. Lipiya' José cuftine Arimatea, lopa'a al distrito Judea. I'huaijma ticuaiti litine tihuejcofe LanDios ihRey jahuay lan xanuc'.

⁵² José i'hua'ma pe lopa'a Pilato. Ixahue'e'ma tepi'inte lane tipuñata licuerpo Jesús, titaina'ma teminna. ⁵³ José ipuñhuona'ma licuerpo Jesús, iju'eco'ma anuli al cuecaj quijahua' lilanc'empa alino, i'nicotsi anuli al pu'hua cunts'aja' lipupa lapic. Ailopa'a quemimpa jilpe lipu'hua capic. ⁵⁴ Ihe litine aviernes, ai'a litine conxajya. Ni huata tehue'e' ticuaiti litine conxajya.

⁵⁵ Laca'no', ihne quiyoyomma Galilea liyejmalepá Jesús, ihenc'ot'le ilihuequi José. Ixim'me al pu'hua. Ixim'me jouc'a pe li'nicompa licuerpo Jesús. ⁵⁶ Lijou'ma iyena'me liya' Jerusalén. Tefot'leta hitamqui, tipo'no'i'me licuerpo Jesús. Jouc'a tilanc'eta laceite lojuepa c'a, ti'ot'hi'me licuerpo.

Licuaitsi litine conxajya tunxajyi ma to loya'apa locuxepa LanDios.

24

¹ Lihuequi litine, al te'a litine al xamano, ihe al domingo, ai'a ti'i'ma quitine, ipalunca laca'no', iye'me al pu'hua. Itai'me hitamqui tefot'lepa. ² Licuaitsa jilpiya ixim'me cal cuecaj capic leti'icompá lico cunts'aja' joupá ihonc'empa, imelfai'empa, tipo'noya liju'. ³ Itsuflai'me. Aiquixim'me licuerpo lahPoujna Jesús. ⁴ Aiquilcueca li'ipa. Aiquilsina' te co'eyacu. Aiquico'f'ma ixim'me oquexi' lan xanuc', malpiya lileju' tecaxolanna. Lipijahua' tunts'ifi to lepalc'o'. ⁵ Laca'no' ixpailij'mola' juaiconapa. Ic'ommo'lapá uhuenacopá lamats'. Ihniya lan xanuc' timinnila' laca'no':

—Fa'a tipo'nom'mola' lomanapola', ¿te colahuecopa ihque himafi cal xans? ⁶ Ihque lolahuepa fa'a ailopa'a. Imaf'ina, itsahuenamma. To'nujuaiti limipolhuo' ma molmana' anuli al distrito Galilea. ⁷ Imi'molhuo': “Iya' ihque cal Xans Iximpa cal profeta pu'hua lema'a. Alcu'ma lan xanuc', ihne pe aimihuejcoyi locuxepa LanDios. Alapa'ls'inginna lancruz. Afane' litine camaf'ina'ma, catsahueno.”

⁸ Licuej'me tohta'a, laca'no' i'nujuaiti limipola' Jesús. ⁹ Ipailinamma. Icuaiti liya' uya'a'me li'ipa. U'intsola' limbamaj nuli lan apóstole jouc'a locuenaye liyejmalepá Jesús. ¹⁰ Ihne laca'no' anuli aMaría las Magdala, locuena aJuana, locuena María ihque qui'mama' Jacobo. Jouc'a tilmana' locuenaye laca'no' liyejmalepá. Ihniya nuya'apá timinnila' lan apóstole.

¹¹ Lan apóstole aimi'eyi linca ihe liltaiqui' laca'no' luya'apa. Imi'moltsi: “Ma le'a ticuayi”.

¹² Pedro itsahuemma, inu'ma ticuaita pe lopa'a al pu'hua. Licuaitsi jilpiya ehuelojmhuo'ma al c'a. Ixim'ma ma le'a lijahua' liju'empa licuerpo Jesús. Ipainanni, i'huana'ma liya'. Timiyoxi: “¿Te qui'ipa?”

¹³ Male litine oquexi' lilejmale Jesús tiyeyi lane ticuaita liya' cuftine Emaús. Lipiculi' Jerusalén to imbamaj nuli kilómetro. ¹⁴ Ihne tipalaic'oyo'lti, ti'nujuaisyi jahuay li'ipa. ¹⁵ Mipalaic'oyo'lti, micuis'eyo'lti, mu'iyoyi icuaiti Jesús. Iyejmale'me anuli. ¹⁶ Ihne aimimetsaicoyi Jesús. LanDios aiquepi'ila' lane. ¹⁷ Jesús timila':

—Imanc' monleyi lane, ¿te colmipoltsi?

Ecaxolenca. Ixhuelconca. I'i'ma cafcuana lihxans. ¹⁸ Anuli ihniya, itque lipuftime Cleofas, italai'e'e'ma, timi:

—Lan xanuc' nomana' Jerusalén, jahuay ihniya ihsina' li'ipa jilpiya ihna'a litiné. Ja'ni ma lun Jerusalén, ja'ni locuenaye xanuc', jahuay ihsina'. ¿Te ma le'a ima' aicoxina'?

¹⁹ Timila':

—¿Te qui'ipa?

Ihne timiyi:

—Añujuaisyi li'ipa Jesús las Nazaret. Itque aprofeta, acueca' litaiqui', li'epa acueca' jout'a. LanDios jout'a lan xanuc' imetsaicopá. ²⁰ Lixanuc' cal cuecaj ca'ailli' jout'a lahxanuc', ihne lan tsilaj xanuc' noxpijpá lataiqui', icupá tima'ante, epalts'ingimpá lancruz.

²¹ Illanc' atcuapá itque alunhu'e'monga' illanc' ixanuc' Israel, tulij'mola' la'eponga' laic'.

'Itsiya ixhuaita afane' quitine quima'anni, joupa imanapa. ²² Hualca laca'no' ihne lalejmalepá atspaic'ehuo'monga'. Ai'a ti'i'ma quitine ihniya itsehuc' me pe lopa'a al pu'hua.

²³ Licuaita jilpiya aiqiuhsina' licuerpo Jesús. Ipailinamma. Alu'iponga': "Atsimpola' oquexi' lapaluc' quema'a. Ihniya almiponga' Jesús imaf'i'."

²⁴ 'Lijou'ma hualca lalejmale itsehuc' me al pu'hua. Ixinghuo'me ailopa'a licuerpo ma to luya'apa laca'no'. Mañque Jesús aiqiuhsina'.

²⁵ Itque timila':

—Imanc' tocomma ailopa'a colpicuejma'. ¿Te aimi'ya molapenufyacu linespa lam profeta? ²⁶ ¿Ja'ni aicolsina' joupa ixpic'empá tite'cola' cal Cristo y tijoula' tepenuf'ma limane ticuxe'ma jahuay?

²⁷ Jesús ipango'ma uhual'ma lataiqui' linitpa Moisés, lijou'ma uhual'ma linespa lam profeta, ti'hua tuhualque jahuay loya'apa al Paxi Linihingiya petsi lopalaicopa mañque Jesús.

²⁸ Icuaita liya' pe loyepá, Jesús tocomma to tuyai'ma. ²⁹ Loquexi' timiyi:

—Aimoyai'ma. Topanenni. Joupa if'acolaipa cal 'ora. Atmanenca.

Jesús itsuflaipá lajut't anuli ihne. Imanenca. ³⁰ Icutso'laime tite'tso'me. Jesús epef'ma la'i, ix'najtsi'i'ma LanDios, ixquenuf'ma, epi'i'mola'.

³¹ Tocomma to exi'enni li'u'. Imetsaico'me Jesús. Aiquico'l'ma, aits'ixim'me, tocomma to joupa i'huanapa. ³² I'nujuaita li'ipola' miyeyi lane, imi'mo'ltsi:

—Ma'eyi lane anuli, ma'palaic'onga' itque, muhualque al Paxi Linihingiya, linca atsingufcopá acuecaj mafca lalunxajma'.

³³ Ma'pe 'hora itsolinca, iye'me Jerusalén. Licuaita ixinim'mola' limbamaj nuli lan apóstole, jout'a locuenaye liyejmalepá Jesús efo'ya, ³⁴ ticuayi:

—Al linca imaf'inapa Ca'ailli', joupa itsahuenamma, Simón iximpa.

³⁵ Loquexi' uya'a'me li'ipola' miyeyi lane. Timiyi:

—Lixquenuf'ma la'i, jilpe limetsaicopá Jesús.

³⁶ Mipalaic'oyo'ltsi to'la'a icuaita Jesús. Ecax'ma nolojmay. Timila':

—Aimo'sue'mot'le'me.

³⁷ Ihniya ixpailij'mola' juaiconapa. Aiquis'ingufi ja'ni Jesús. Ticuayi:

—Acue quinxpaic'ale.

³⁸ Jesús timila':

—¿Te col'sue'mot'lecopa? Jilpe lo'picuejma' to'cuayi: "¿Ja'ni Jesús o a'i?" ¿Te col'nescocopa to'la'a? ³⁹ To'sinle laimane', lai'mitsi'. Ma' iya'. Añ—lafla', to'la'a ti'i'ma col'sina' ma' al linca capa'a iya'. Lahuelojnla', tipa'a laipixic', laipeca'. Linxpaic'ale ailopa'a quipixic' quipeca'.

⁴⁰ Lijoupa limipola' to'la'a imuc'i'mola' limane', li'mitsi'. ⁴¹ Ihne ixoj'ma quileta juaiconapa. Afule micuec'eyi tipa'a Jesús. Ixim'me juaiconapa acueca' li'ipa.

Jesús timila':

—¿Te tipa'a laifteja?

⁴² Epi'i'me laj hualca lamixqui' catu. ⁴³ Epenuf'ma, mehuelojnyi ihniya, ite'ma. ⁴⁴ Timila':

—Ma maŋmana' anuli iya' nu'ipolhuo' laŋ'iya. Nu'ipolhuo': “Jiŋpe litaiqui' Moisés, jouc'a liŋtaiqui' lam profeta, jouc'a jiŋpe lan Salmo uya'a'me laŋ'iya iya'. Ticuicomma tenanŋa' jahuay.” Itsiya enanŋpa.

⁴⁵ Lijou'ma, epalc'o'i'mola' liŋpicuejma', ticuec'ete al Paxi Liniŋgiya.

⁴⁶ Timila':

—Al Paxi Liniŋgiya tuya'e': “Cal Cristo titeŋco'ma, tima'am'me. Afane' litine titsahueno, timaf'ina'ma, tipano pe lomana' limanapola'.” ⁴⁷ Jouc'a ticua: “Ni petsi li'a ŋamats' tuya'am'me: Toŋsuej'menca, tolapenufle cal Cristo, toŋta'a ŋanDios timenc'e'eco'molhuo' loŋ'epa lixcay.”

'Jifa'a liŋya' Jerusalén tipangoŋa' ile loluya'ayacu. ⁴⁸ Imanc' jounpa oŋsimpá jahuay laŋ'ipa, toluya'a'me. ⁴⁹ Cai'Ailli' jounpa icupa cataiqui', icuapa te ts'i'ic' lapi'iyacolhuo'. Toŋta'a iya' cumme'etolhuo'. Cai'Ailli' Nopa'a lema'a tepi'i'molhuo' coŋmane. Toŋmanenca fa'a Jerusalén, toŋ'huaicoŋe ti'ila' toŋta'a.

⁵⁰ Lijou'ma, Jesús ileco'mola', ipalyonca liŋya' Jerusalén. Icuaitsa liŋya' Betania. Jiŋpiya i'nof'e'ma limane, ipaxne'mola'. ⁵¹ Mipaxnela' enaj'moxi, ilecom'me al toncay.

⁵² Ts'ilihuequi exc'onŋcoŋinca.

Lijou'ma ipailinamma juaiconapa ixoj'ma quileta, iyena'me Jerusalén. ⁵³ Itine itine tiyeyi al cuecaj xoute'. Jiŋpe tix'najtsi'iyi ŋanDios.

Amén. Toŋta'a li'ipa.

LATAIQUI' LINILPA SAN JUAN LOYA'APA ILE AL C'A LIXPIC'EPA LANDIOS

¹ Al te'a ai'a tipango'ma jahuay, tipa'a anuli lecu'i'impá Lataiqui'. Itque lecu'i'impá Lataiqui' copa'a pe lopa'a LanDios. Itque ma' anDios. ² Ai'a tipango'ma jahuay, itne LanDios y Lataiqui', anuli tilmana'. ³ Jitquiya Lataiqui' ilanc'epa jahuay. Jahuay lopa'a lilanc'epa itquiya. Ailopa'a cocuena nilanc'epa. Małquiya ilanc'epa jahuay. ⁴ Jitquiya tipa'a lipitine. Nij naitsi lepi'ipa, ma itquiya quituca' i'hueca lipitine. Itque tepi'ila' lipitine lan xanuc', tepalc'o'ila' lipicuejma'. ⁵ Jifa'a li'a lamats' lan xanuc' juaiconapa amuf lipicuejma'. Jitquiya ti'hua tepalc'o'ila'. Jiliya al cuecaj muf aimi'iyá mipijya jilque lipepalc'o'.

⁶ Tipa'a anuli cal xans cuftine Juan. LanDios epi'i'ma lipenic', ti'ełá' ma to limipa. ⁷ Icu'e'epa tu'itsola' lan xanuc' naitsi itque Lepalc'o'iyacola'. Jahuay ti'huaiyijnle jilquiya Lepalc'o'. ⁸ Jilque Juan a'i jilquiya Lepalc'o'. Aimi'iyá mepalc'o'iyacola' lan xanuc'. Le'a tipalaico'ma Lepalc'o'iyalepa. ⁹ Jilquiya łopalaicopa Juan, itque linca Epalc'o'. Icuai'ma fa'a li'a lamats', tepalc'o'ila' lan xanuc' ni petsi lomana'.

¹⁰ Lilanc'epa li'a lamats' icuai'ma fa'a, lan xanuc' aikuilimetsaijma. ¹¹ Petsi lomana' lipi'ya' xanuc' małpiya icuaiyunni. Itniya aikuilepenufi. ¹² Lan xanuc' nepenufpá, itne no'huaiyijmpá, jilquiya epi'i'mola' liłmane timetsaicontsola' inaxque' LanDios.

¹³ Itne, ¿te ts'i'ic' li'ipola' inaxque' LanDios? ¿Te qui'aili' acueca' xans? Ai. O, ¿te itniya quiłtuca' lipicuejma' ixpic'e'me ti'itsołtsi inaxque' LanDios? Ai. O, ¿te anuli cal cuecaj quincuxepa ixpic'epa, imipola': "Iya' cacua: Ti'itsola' inaxque' LanDios"? Ai. Ma LanDios ixpic'epa, tołta'a li'ipola' itniya inaxque' LanDios.

¹⁴ Itque lecu'i'impá Lataiqui' małque anDios, i'epoxi xans, icuaiyunni ma fa'a li'a lamats'. Ipajmpa pe lałmana', ałsimpá te ts'i'ic' lipicuejma' jilquiya, małque cal Nuli qui'Hua LanDios. Ałsimpá ituca', ailopa'a xonca tołquiya. Itque ma le'a ac'a lixpicejma'. Aimifellaique. Ałtoc'inga'. Lu'inga' al linca.

¹⁵ Juan Bautista tu'ila' lan xanuc':

—Ticuaihuo li'Hua LanDios.

Ujfxi ipalaic'o'mola', timila':

—Fa'a tipa'a itque łaipalaicopa, aimipolhuo': "Iya' aicuai'ma ate'a. Tijoułta' ticuaihuo ocuena xonca cal cueca'. Jilque linca cal te'a. Iya' ma ailafpa'a, jilquiya tipa'a." Itsiya tołsinle, joupa icuai'ma. Ma fa'a tipa'a.

¹⁶ Itquiya ixhuaiya lipicuejma'. Illanc' a'i quixhuaiya lałpicuejma', lahue'enga' axpe'. Itquiya linca ixhuaiya lipicuejma'. Ałlanc'e'enga' lałpicuejma', ti'ila' al c'a. LanDios joupa ałtoc'iponga'. Itsiya xonca ałtoc'inga'. ¹⁷ Lummepa Moisés, ałtoc'iponga'. Itque uya'a'ma locuxepa LanDios. Itsiya xonca ałtoc'inga', ummepa Jesucristo. Małque ałtoc'inga', ałmuc'inga' jahuay al linca. ¹⁸ Nij naitsi niximpa LanDios. Cal Nuli qui'Hua LanDios tilmana' anuli, ma' itque ałmuc'iponga' li'ejma' LanDios.

¹⁹ Lan xanuc' judío, małniya nomana' li'ya' Jerusalén, ummem'mola' la'aillí, jouc'a notoc'iyalepá la'aillí. Icuaiyunca pe lopa'a Juan Bautista, icuis'e'me, timiyi:

—¿Naitsi ima'?

²⁰ Juan u'i'mola' al linca, aikuemi'e'mola', timila':

—Iya' a'i ninCristo.

²¹ Icuis'e'cona'me, timiyi:

—Lu'itsonga', ¿naitsi ima'? ¿Te ima' unElías?

Timila':

—Iya' a'i.

Icuis'e'cona'me, timiyi:

—ŁanDios icuapa: “Cumme'e'molhuo' anuli łaiprofeta”. Itsiya illanc' licuis'ehuo', ¿te ima' iłque cal profeta?

Italai'e'e'mola', timila':

—Iya' a'i.

²² Icuis'econa'me, timiyi:

—Lu'itsonga', ¿naitsi ima'? Ticuicomma lu'itola' lalummeponga'. ¿Te cofnescoyacoxi? ¿Te ts'i'ic' lopenic'?

²³ Juan italai'e'e'mola', ipalaico'moxi. U'i'mola' litaiqui' cal profeta Isaías, tuya'e':
Petsi ailopa'a quiłya' tuya'e' anuli cal xans, tu'ila' lan xanuc':

“Tołanc'e'ełe lipene łalPoujna”.

Tołta'a ipalaico'moxi Juan Bautista.

²⁴ Iłniya lummempola' nopalaic'opá Juan afariseo. ²⁵ Ti'hua tipalaic'oyi Juan, timiyi:

—Ima' tocua: “Iłniya cal Cristo, cal Elías, cal profeta łommeya ŁanDios, iłne ocuenaye, a'i iya”. Ne'. Itsiya ¿te cofmepo'icopola' lan xanuc'?

²⁶⁻²⁷ Juan italai'e'e'mola', timila':

—Iya' capo'icola' aja'. Itsiya fa'a pe lołmana' tipa'a ocuena. Imanc' aicolimetsaijma. Jiłquiya xonca acueca' xans. Iya' ni aimi'iya cuhuałc'e'eya lic'eJi'. Tijouła' cajou'neła' iya' laipenic' iłque tipango'ma lipenic'.

²⁸ Tołta'a li'ipa jiłpe cuftine Betábara, lu'huaq quiyay al pana' Jordán, małpiya Juan tepo'iyale.

²⁹ Lihuequi litine Juan ixim'ma Jesús icuaico'ma. Timila' lan xanuc':

—¡Tołsinłe! Iłque łiMoł ŁanDios. Tiłonc'e'e'mola' liłjunac' lan xanuc' nomana' fa'a li'a łamats'. ³⁰ Iya' jounpa aipalaicopa iłquiya. Jounpa nu'ipolhuo': “Cajou'neła' laipenic' iłque tipango'ma lipenic'. Iłque xonca acueca'. Iya' ma' ailaifpa'a jiłque tipa'a.” ³¹ Iya' aicainimetsaijma. Iya' aicuaicoco'ma capo'itsolhuo' imanc' ixanuc' Israel, tołimet-saicolę jiłquiya.

³²⁻³⁴ Juan ma ti'hua tipalaijma Jesús. Tuya'e' li'ipa, ticua:

—Iya' aicainimetsaijma Jesús. Aicaixina' naitsi jiłquiya. Aiximpa cal Espíritu Santo ti'onłcospa to anuli cal paloma, imumma ehuxaf'caipa hijuac Jesús. Małque ŁanDios łalummepe capo'iyaleła' aja', ałmpa: “Toxim'ma timuyohuo lema'a cal Espíritu Santo. Tehuxaf'cai'ma hijuac anuli cal xans. Jiłquiya aimepo'icoyacolhuo' aja'. Tepo'ico'molhuo' cal Espíritu Santo.” Tołta'a lałmpa ŁanDios. Itsiya camilhuo' jiłquiya Jesús i'Hua ŁanDios.

³⁵ Lihuequi litine tecaxhuołanna Juan jouc'a oquexi' ts'ilihuequi. ³⁶ Juan ixim'ma Jesús ti'hua lane. Timila' ts'ilihuequi:

—¡Tołahuelojnle! Jiłquiya iMoł ŁanDios.

³⁷ Iłniya loquexi' ts'ilihuequi Juan icuej'me lonспа. Ihuejna'me Jesús. ³⁸ Jesús ipai'e'moxi, ixim'mola' loquexi' iłenc'e, timila':

—¿Te colahuepá?

Iłniya italai'e'e'me Jesús, timiyi:

—Rabí, ¿pe copanc'epa?

(Lataiqui' “Rabí”, iłe ahebreo, ticuajmaispa: Omxi.)

³⁹ Jesús timila':

—Tonłouyunca. Łepá. Tołsinna.

Iye'me, ixintsa jiłpe pe lipanc'epa Jesús. Jounpa uyaipa nolojmay cummuhuijma'. Imanequenca jiłe litine.

⁴⁰ Lijounpa licuejpa' linesma Juan iłne loquexi' ihuejna'me Jesús, anuli cuftine Andrés, iłque ipima Simón Pedro. ⁴¹ Andrés ehuetși łipima, iłque Simón, timi:

—İllanc' ałsimpá cal Mesías.

Iłe lataiqui' “Mesías” ticuajmaispa: Cal Cristo, iłque łommeya ŁanDios.

⁴² Andrés ilecohuona'ma Simón, icuaitsa pe lopa'a Jesús. Jesús ehuelojm'ma Simón, timi:

—Ima' unSimón, mi'hua Jonás. Ima' tecui'im'mo' unCefas.

“Cefas” ataiqui' hebreo. Mañe lataiqui' griego “aPedro”, ticuajmaispa: Acueca' capic.

⁴³ Lihuequi litine Jesús ixpic'e'ma ti'hua'ma al distrito Galilea. Mi'hua lane italecuf'ma anuli cal xans cuftine Felipe. Timi:

—Lihuejnaña'.

⁴⁴ Jiñquiya Felipe qui'huayomma Betsaida, liñpiya' Andrés y Pedro.

⁴⁵ Felipe ehuenta'ma anuli cal xans cuftine Natanael, timi:

—Moisés jouc'a lam profeta ipalaicopá anuli cal xans. Jounpa añsimpá itque. Mañque Jesús ñas Nazaret, i'hua José.

⁴⁶ Natanael timi:

—Liñya' Nazaret, ¿jiñpiya tipa'a al c'a?

Felipe timi:

—Ñepá. Toxinna.

⁴⁷ Jesús lixim'ma icuaico'ma Natanael. Inesco'ma, ticua:

—Jifa'a tipa'a anuli cal c'a xans. Ma' al ñinca i'hua Israel. Aimifellaique.

⁴⁸ Natanael icuis'e'ma, timi:

—¿Te li'ipa lalimetsaicopa? ¿Pe cañsinyopoñsi?

Jesús timi:

—Ai'a tijoc'i'mo' Felipe, aiximpo'. Cofpa'a lipunxahua la'icux.

⁴⁹ Natanael timi:

—Rabí, ima' i'Hua ñanDios. Ima' mañRey illanc' ixanuc' Israel.

⁵⁰ Jesús timi:

—Ma le'a aimipo': “Aiximpo' cofpa'a lipunxahua la'icux”, toñta'a añ'huaiyijm'ma. Toxim'ma xonca' al cueca'.

⁵¹ Imicona'ma:

—Iya' camilhuo': Toñsim'me lema'a exiya. Añsim'ma añ'onñcospa to al hualijm'ma petsi tiñ'ajliyi, tilimulumma lepaluc' ñanDios. Iya' itque cal Xans ñiximpa cal profeta pu'hua lema'a.

2

¹ Uyaipa oquej quitine, lihuequi quitine i'i'ma juic camana jiñpiya liñya' Caná, al distrito Galilea. Jiñpiya i'hua'ma qui'máma' Jesús. ² Ijoc'impola' Jesús jouc'a ts'ilihuequi. Jiñpiya icuaitsa al juic.

³ Ijouna'ma al vino. Qui'máma' Jesús u'i'ma, timi:

—Jounpa ijounapa al vino. Ailopa'a.

⁴ Jesús italai'e'e'ma qui'máma', timi:

—Momá, ¿te cañmicopa toñta'a? A'i quixhuaiya lai'hora.

⁵ Qui'máma' timila' notoc'iyalepá:

—Tonñ'eñe lomiyacolhuo' jiñquiya.

⁶ Jiñpiya timana' acamts'us ñan tsila' capixú lilanc'ecompola' apic. Anuli anuli timan-gospa amalpu' nuxans o amaxnu litro laja'. ñan xanuc' ixhuico'me laja' epajco'me liñpime o liñmane' o liñmitsi', ma to liñ'ejma'. ⁷ Jesús timila' notoc'iyalepá:

—Toñma'niñe caja' ñne ñapixú.

⁸ Timiconala':

—Itsiya tonlipa'añe tutani, toñmuc'itsa tixnac'otsi cal mayordomo.

Itai'me.

⁹ Notoc'iyalepá, ñniya nipa'apá al vino, ññsina' petsi quipa'apa. Cal mayordomo aiñquixina'. Iñnac'o'ma laja' jounpa ipai'ipa, i'ipa avino. Ijoc'i'ma ñamanepa, ¹⁰ timi:

—Ima', itsiya quite' luhua'inga' al c'a vino. A'i toñta'a mi'enni. Ate'a ticunni al c'a vino. Tijouña' tixñañe axpe' vino liñjoc'impola', tuhua'i'mola' a'ijc'a vino.

¹¹ Mipa'a Jesús liya' Caná al distrito Galilea tohta'a ipango'ma imujpa lo'epa acueca'. Ts'ilihuequi imetsaico'me jilquiya ituca', xonca acueca', a'i to locuenaye lan xanuc'. I'huaiyijm'me.

¹² Imu'ma al 'ocay, icuaitsi liya' Capernaum. Qui'máma' jouc'a lipimaye jouc'a ts'ilihuequi iyejmalena'me. Jilpe imanenca oque' afane' quitine.

¹³ Joupa icuaico'ma lijuic lan xanuc' judío. Jihya al juic cuftine al Pascua. Jesús if'aj'ma al cueca' quiya' Jerusalén. ¹⁴ Jilpe linujnca al cuecaj xoute' ixim'mola' lincucale ticuji huacax, mot'í jouc'a paloma. Lan xanuc' ti'naji titsufco'me LanDios jilpe al cuecaj xoute'. Jouc'a ixim'mola' nopai'ipá tomí ticutsołanna jilpe liłmesá. ¹⁵ Uxcui'ma lixmi, ihuetsai'mola' lan mot'í jouc'a lan huacax. Iłniya nopai'ipá tomí eca'ni'i'mola' liłtomí, ecanait'hi'mola' liłmesá. ¹⁶ Timila' nocujpá paloma:

—Tunlipa'antsola'. Jifa'a ejut'í cai'Ailli'. Aimon'í'e'e'me to laplaza.

¹⁷ Ts'ilihuequi licuej'me lines'ma Jesús i'nujuaitsa loya'apa al Paxi Linilingiya, tuya'e': Juaiconapa aipic'a lomejut'í, aicaxnet'íya latets'icopa lan xanuc'. Juaiconapa acueca' laipixhuejma', tocomma ałma'a'ma.

¹⁸ Lan xanuc' judío icuis'e'me Jesús, timiyi:

—¿Te cof'ecopa tohiya? Ałmuc'itsonga' al cueca' lof'eya. Tohta'a ałcua'me al linca epi'impo' lomane.

¹⁹ Jesús italai'e'e'mola', timila':

—Ne'. Tolatełaf'le iłca'a lejut'í LanDios. Ti'íla' afane' quitine, iya' joupa ait-sahue'enamma.

²⁰ Lan xanuc' judío italai'e'e'me, timiyi:

—Lilanc'empa jilta'a lejut'í LanDios icołpa oquej nuxans camts'us camats'. Itsiya ima' tocuca: “Ti'íla' afane' quitine joupa aitsahue'enamma”. Aimi'iya.

²¹ Jesús aimipalaijma al cuecaj xoute'. Lines'ma: “... iłca'a lejut'í LanDios”, tinescoyoxi licuerpo. ²² Ts'ilihuequi Jesús lixim'me limaf'inapa, lipanamma pe lomana' limanapola', iłniya i'nujuaisnatsa iłiya litaiqui' Jesús. Icuapá: “Al linca linilingiya al Paxi Cataiqui'. Al linca linespa Jesús.”

²³ Jilpe al cuecaj quiya' Jerusalén ti'eyi al juic Pascua. Małpiya tipa'a Jesús. Ti'ay al cueca'. Imuc'i'mola' lan xanuc' acueca' lipaxi. Lixim'me acueca' lo'epa, axpela' lan xanuc' ticuayi: “Lihuejna'me Jesús”. ²⁴ Jesús aimi'huaiyingila' iłniya. Ixinguf'mola' jahuay lan xanuc'. ²⁵ Aiquicuis'ela', ¿te ts'i'ic' cu'hua cal xans lipicuejma'? Imetsaicola' lan xanuc' te ts'i'ic' liłpicuejma', ja'ni ac'a o ja'ni a'ijc'a.

3

¹⁻² Anuli cal xans cuftine Nicodemo icuai'ma pe lopa'a Jesús. Iłque Nicodemo afariseo, ipenic' pe lomana' lif'as xanuc' fariseo. Icuaitsi joupa imufc'opa. Timi:

—Momxi, ałsina' ima' xonca tomuc'iyale, LanDios ummepo'. Ima' to'ay al cueca'. LanDios epi'ipo' lomane, ja'ni a'i aimi'iya mo'eya tohta'a.

³ Jesús italai'e'e'ma, timi Nicodemo:

—Iya' camihuo' al linca: Lan xanuc' ticuicomma timajnlicontsa, ja'ni a'i aimi'iya mitsufłaiyacu pe locuxeyopa LanDios.

⁴ Nicodemo timi:

—Cal xans liłojpa, ¿te co'iya mipajnconaya? ¿Te nipajnya titsufai'ma licu'u qui'máma', tijouła' tipajnconna?

⁵ Jesús italai'e'e'ma, timi:

—Iya' camihuo' al linca: Ticuicomma tuyaicoła' laja' jouc'a tepenufla' cal Espíritu Santo. Iłque cal xans linca ipajnconna. Ja'ni a'i, aimi'iya mitsufaiya pe locuxeyopa LanDios. ⁶ Lan xanuc' liłnaxque' lailepá ti'onłcospola' to iłniya, mane axanuc'. LanDios linaxque' ti'onłcospa to iłque. Iłne linaxque' LanDios tipa'a al ts'e liłpitine, joupa lepi'ipola' cal Espíritu Santo.

⁷ Aimoxhuełmot'le'ma laimipo': "Imanc' unc'ixanuc' ticuicomma tołmajnlicontsa".
⁸ Lahua' ni petsi ti'hua. Tocueca lona'apa, aicoxina' pe lo'huayomma, ni petsi lotsepa. Ma toliya aimi'iya mocuejya li'ipa cal xans pe cal Espíritu Santo i'e'epa i'hua LanDios. Itque cal xans joupa ipajnconna. Ituca' li'ejma'.

⁹ Nicodemo italai'e'e'ma Jesús, timi:

—¿Te co'iya ita'a lałmipa?

¹⁰ Jesús italai'e'e'ma, timi:

—Ima', lof'as xanuc' Israel imetsaicohuo' uncueca' momxi. ¡Aimocueca' laifmipo'!

¹¹ Iya' camihuo' al linca: Illanc' alpalacoysi ile lałsina', luya'ayi lałsimpa. Imanc' aimolapenufyi laluya'apa. ¹² Nu'ipolhuo' lo'ipola' lan xanuc' mimana' fa'a li'a lamats', aimalčuec'e. Ja'ni cu'itsolhuo' loxpicepa LanDios itque Nopa'a lema'a, ¿te co'iya malčuec'eya?

¹³ 'Nij naitsi nif'ajpa lema'a. Ma le'a cal Xans li'ipa Liximpa cal profeta pu'hua lema'a, itque linca imuyomma lema'a.

¹⁴ 'Limajmpá petsi ailopa'a quilya' Moisés y lixanuc', lainofat'ł ticala' lan xanuc', tima'annila'. Moisés ilanc'e'ma anuli lainofat' catejma', ipo'nopa al 'ec, i'nof'e'ma. Lan xanuc' lehuelojm'me itque lainofat' unłul'me. Ma tołta'a ticuicomma ti'nof'em'me cal Xans, itque li'ipa Liximpa cal profeta. ¹⁵ Lan xanuc' no'huaiyijmpá itque, jahuay ihniya, tepi'im'mola' al ts'e liłpitine aimijouya.

¹⁶ 'LanDios i'nujuais'mola' lan xanuc' nomana' li'a lamats', ixim'mola' acuanuc'la. Tipa'a ma le'a anuli li'Hua. Icupa itque, aimejac'mola' ihniya no'huaiyijmpá li'Hua LanDios, tepi'im'mola' al ts'e liłpitine aimijouya. ¹⁷ LanDios lummepa itque li'Hua li'a lamats' a'i mecani'eyacola' lan xanuc'. Ummecopa tunłu'e'mola'. ¹⁸ Cal xans no'huaiyijmpa li'Hua LanDios a'i mecani'eya. Ja'ni aimi'huaiyinge, joupa ecanipa. Aiqui'huaiyinge cal Nuli qui'Hua LanDios.

¹⁹ 'Lepalc'o' icuai'ma fa'a li'a lamats'. Lan xanuc' ti'eyi lixcay, toliya xonca ilpic'a al muf. ²⁰ Mi'eyi lixcay jahuay ihniya, ti'eyi laic' lepalc'o'. Aimiłoc'olaiyummma. Ticuayi: "Aimalšim'monga' illanc' lał'epa". ²¹ Ihniya no'epá al c'a tehueyi lepalc'o'. Ticuayi: "Lan xanuc' ti'ila' quilsina' lihuejcoyi LanDios. Malque alčuxenga'."

²² Jesús ipamma, i'hua'ma al distrito Judea. Ts'ilihuequi jouc'a iye'me. Icuaitsa imanequena jilpiya. Ine ts'ilihuequi Jesús epo'iyale'me. ²³⁻²⁴ Ihniya litiné Juan Bautista jouc'a tepo'iyale. Aiquitats'enni, ma ti'hua ti'ay lipenic'. Juan tipa'a petsi cuftine Enón, huejnca Salim. Jilpiya tipa'a axpe' caja'. Tilcuaiyumma lan xanuc' tepo'ila'.

²⁵ Ts'ilihuequi Juan ipalaic'o'mołtsi lan judío, ifuli'i'mołtsi cataiqui', tipalaicoysi lo'eyacu ja'ni LanDios tixintsola' alimpio, tepenuftola'. ²⁶ Ts'ilihuequi Juan icuaitsa pe lopa'a itque, timiyi:

—Momxi, tipa'a ocuena comxi tepo'iyale. Mołmana' lu'hua al panaj Jordán, imanc' onłejmale. Ima' lopalaic'opola' lan xanuc' onesco'ma itque. Itsiya jahuay lan xanuc' tiyeyi pe lopa'a.

²⁷ Juan italai'e'e'mola', timila':

—Ma LanDios tixpic'e te ts'i'ic' lałpenic' lał'epa. Ja'ni a'i, ailopa'a calpenic'. ²⁸ Imanc' joupa olčuejpa laimipolhuo': Iya' a'i ninCristo. LanDios alummepa cacuaiyunni ate'a, cu'itsola' lan xanuc' ticuaihuo cal Cristo. ²⁹ Temanela' lamijcano tipa'a liłejmale. Ma le'a lamijcano lamaneya tileco'ma lipeno. Liłejmale titoc'i'ma tiquimf'e, tixoqui queta ticueca lonespa. Itsiya iya' al'onkiconno itque liłejmale. Iya' tixoqui neta nulemma. ³⁰ Itsiya ca'oc'ena'moxi. Tołta'a lan xanuc' tixim'me itque cal Cristo acuecaj xans.

³¹ 'Illanc' ninc'ixanuc' malmana' fa'a li'a lamats' ma le'a alšina' te ts'i'ic' mipa'a fa'a lamats'. Male calnescopa. Itque limuyomma lema'a, itque linca xonca ixina'. ³² Itque tuya'e' liximpa licuejpa mipa'a pu'hua. Itsiya aimetenłcocola', aimepenufyi. ³³ Naitsi napenufpa litaiqui' loya'apa nimuyomma lema'a, itque cal xans timuqui te ts'i'ic' LanDios

lipicuejma'. LanDios aimifellaique. ³⁴ Itque himuyomma lema'a LanDios ummepa, tuya'e ma lonespa LanDios. LanDios epi'ipa cal Espíritu Santo ticuxela' jahuay lipicuejma'.

³⁵ LanDios qui'Ailli' Jesucristo ti'ay capic'a hi'Hua. Epi'ipa limane ticuxela' jahuay. ³⁶ Cal xans nepenufpa hi'Hua LanDios ma tipa'a al ts'e lipitine aimijouya. Naitsi natets'ipa hi'Hua LanDios ailopa'a al ts'e lipitine. Ma mi'hua metets'i hi'Hua LanDios, maŕque LanDios tixtu'hua, tite!mi'ma.

4

¹ Lam fariseo icuej'me lonespa lan xanuc', ihe tinesconni: “Jesús tepo'ila' axpela' lan xanuc'. Tixpela' ts'ilihuequi. Itsiya Juan Bautista tepo'ila' ahuata.” ² Jesús aiquepo'ila' lan xanuc'. Ma ts'ilihuequi tepo'iyaleyi. ³ Jesús li'ipa quixina' toŕta'a tinescoyi ipayonni al distrito Judea. Jouc'a ts'ilihuequi iye'me al distrito Galilea.

⁴ Tuyaicota lamats' Samaria. ⁵ Icuaitsa anuli liŕpiya' lun samaritano. Liŕya' cuftine Sicar. Ihe liŕya' tipa'a huejnca anuli lamats' li'ipa i'huexi cal xans Jacob. Itque epi'ipa hi'hua José. ⁶ Maŕpiya tipa'a al pu'hua caja' lipupa Jacob. Jesús i'huacopa cane joupa ixocaíta, icutsafcai'ma lico al pu'hua caja', tunxaj'ma. I'ipa to menac'o.

⁷ Anuli ŕaca'no' asamaritana icuai'ma al pu'hua caja', tipa'a'ma quija'. Jesús timi:

—Luhui'íta' caija', caxna'ma.

⁸ Ts'ilihuequi Jesús ailomana'. Iyepá liŕya' ti'nata ŕotejacu.

⁹ ŕaca'no' italai'e'e'ma Jesús, timi:

—Ima' umjudío, iya' naca'no' ninsamaritana. Ima', ¿te caŕpalaic'ocopa? ¿Te caŕsahue'ecopa caja'?

(Lun judío aimiyejmaleyi lun samaritano.)

¹⁰ Jesús timi:

—Ima' aicoxina' naitsi iya'. Jouc'a aicoxina' te ts'i'ic' ihe lapi'iyacola' LanDios lan xanuc'. Ja'ni coŕta' oxina', aŕsahue'e'ma iya' cuhui'itso' coja'. Iya' cuhui'i'mo' al c'a caja' lainupa.

¹¹ ŕaca'no' timi:

—Mai'ailli', iŕta'a laja' a'ojca, ailopa'a cofmipa'acoya. ¿Petsi cofxi'ne'eya jiiya al c'a caja' lainupa? ¹² Iŕta'a al pu'hua aŕpo'no'eponga' laŕtahuelo Jacob. Maŕque Jacob jifa'a ixnapa iŕta'a laja'. Jouc'a linaxque', lipinneja ixnapá.

¹³ Jesús italai'e'e'ma, timi:

—Cal xans noxnaya jiŕta'a laja' tucuiconahuo quija'. ¹⁴ Cal xans noxnaya laja' laifcupa aimicuiconaya quija'. Ihe laja' laifcupa tipanehuo hunxajma', ti'onŕcospa to luxi caja', ti'hua tinu, tucu al ts'e lipitine aimijouya.

¹⁵ ŕaca'no' timi:

—Mai'ailli', jiiya laja' lofnescopa, luhui'íta'. Tijouŕta' aimicuiconaya caija', ni aicuyaiconaya liŕya' quipa'aconaya caija'.

¹⁶ Jesús timi:

—To'huaŕa', tojoc'itsi ŕope'ailli'. Toŕcuaiyunca fa'a.

¹⁷ ŕaca'no' timi:

—Ailopa'a caipe'ailli'.

Jesús timi:

—Al linca lofnespa: “Ailopa'a caipe'ailli'”. ¹⁸ Joupa oŕhatsufcopoŕtsi amajxi loxanuc'. Itsiya oŕhatsufcoyoŕtsi anuli cal xans ma a'i cope'ailli'. Al linca lofnespa.

¹⁹ ŕaca'no' timi:

—Mai'aill', iya' cacua ima' umprofeta. ²⁰ Illanc' laŕtatahueló jiŕca'a lijuala exc'onŕingoŕtai'me ipalaic'o'me LanDios. Ma' anuli illanc' laxc'onŕingoŕtaiyi fa'a. Imanc' unc'ijudío aŕminga': “Imanc' jouc'a jahuay lan xanuc' tonŕe'me Jerusalén”. Toŕcuayi, ma le'a jiŕpiya al cuecaj xoute' laxc'onŕingoŕtaíta, aŕpalaic'ota LanDios.

²¹ Jesús timi:

—Maca'no', camihuo' al linca. Icuai'co'ma litine imanc' aimoñesyacu: “Jifa'a lijuala laxc'onñingołai'me ŁanDios”. Ni lan xanuc' judío minesyacu: “Łepá Jerusalén. Jiłpe laxc'onñingołaita ŁanDios.”²² Imanc' moñesy: “Laxc'onñingołaiyi ŁanDios”, aicolimetsaijma ŁanDios. Illanc' ninc'ijudío limetsaicoyi ŁanDios. Alinca laxc'onñingołaiyi, ałpalaic'oyi. Petsi lan xanuc' judío ti'huayohuo jiłquiya Nonłu'eyacola' lan xanuc'.

²³ Ticuaitsi litine locuaicoya, iya' cacua joupa icuai'ma, lan xanuc' aimehueyacu anuli al lugar texc'onñingołaiŁe ŁanDios. Ma jiłpe liłpicuejma' ti'nujuaisnata ŁanDios, tihuejco'me locuxe'epola', timetsaico'me. Latenłcocopa ŁanDios texc'onñingołaiŁe tołta'a.²⁴ ŁanDios a'Espíritu, ailopa'a quicuerpo, ma le'a ipicuejma'. Lan xanuc' tama ticuayi: “Laxc'onñingołaiyi ŁanDios”, ja'ni jiłpe liłpicuejma' aimi'nujuaisyi iłque, ja'ni aimihuejcoyi locuxe'epola', ŁanDios aimetenłcocoya laxc'onñingołaiŁa iŁne lan xanuc'.

²⁵ Łaca'no' timi:

—Aixina' ticuaihuo cal Mesías, jiłquiya łecui'impá “cal Cristo”, łommeya ŁanDios. Itsiya tehue'e' lałpicuejma' aicalŁueca. Ma ticuaiyunni jiłquiya lu'ina'monga' jahuay.

²⁶ Jesús timi:

—Małque tipalaic'ohuo' itsiya. Iya' ninCristo.

²⁷ Małpe mipalaic'oyołtsi icuainanca ts'ilihuequi Jesús. IŁne aikuilicuis'e: “¿Te cof-palaic'ocopa jiłquiya łaca'no'? ¿Te cahue'epo'?” Mane liłpicuejma' ticuayi: “Xinłta', Jesús tipalaic'o anuli łaca'no'”.

²⁸ Łaca'no' ipo'no'ma lijudi, ipainanni, i'hua'ma lipiŁya'. Timila' lan xanuc' jiłpiya:

²⁹ —Tonłouyunca. Camuc'itolhuo' anuli cal xans nalu'ipa jahuay lai'epa. ¿Te ma jiłquiya cal Cristo?

³⁰ Lan xanuc' ipalunca jiłpe liłpiŁya', iye'me pe lopa'a Jesús.

³¹ Ai'a ticuaicu lan xanuc', ts'ilihuequi Jesús ihui'i'me, timiyi:

—Momxi, totetsoła'.

³² Jesús timila':

—Imanc' aicołsina'. Tipa'a łaiŁteja.

³³ Małne ts'ilihuequi Jesús ticuis'eyołtsi, timiyołtsi:

—¿Naitsi nepi'ipa łoteja?

³⁴ Jesús timila':

—A'i. Aicalapi'inno. Iya' ca'ay lipenic' ŁanDios, iŁe liłpic'epa Łalummepa, cajou'ne'ma. Ma ca'ay lipenic' ŁanDios tocomma catesma, ti'hua ti'i caipujfxi.

³⁵ Imanc' tołcuayi: “Tehue'e' amalpuj mut'ła, tijoułta' tetequim'me lan trigo”. Iya' camilhuo': Tołsinłe jipu'hua pe lifaiyiya. Tocomma joupa unta'anamma, itojpa. I'huájta afujca. Iya' cacua joupa i'huajcopa litine tetequim'me. ³⁶ Ti'najtsem'me łatejpa trigo. ŁanDios jouc'a ti'najtse'ma iłque łafot'łepola' lan xanuc', iŁne nolijyacu al ts'e liłpitine aimijouya. Anuli lifapa, łocuena tetequi, tefot'łe, tijoułta' loquexi' tixojna'ma quileta. ³⁷ Tołta'a ti'i'ma al linca lataiqui' loya'apa: “Tipa'a anuli nofapa, łocuena nafot'łeya”. ³⁸ Iya' nummepolhuo' imanc' tonlafot'łeta petsi aicołŁac'. Locuenaye ifapá, imanc' tonlafot'łeta małpiya li'eyopa canic' iłniya.

³⁹ Jiłpe liŁya' Sicar łaca'no' joupa uya'ahuo'ma: “Iłque ałminapa jahuay lai'epa”. Licuej'me iŁe licuapa łaca'no' axpela' iłniya lun samaritano i'huaiyijmpá Jesús.

⁴⁰ Icuaiyunca pe lopa'a iłque, timiyi:

—Łepá lałpiŁya'. Jiłpiya topajnta.

Jesús i'hua'ma liłpiŁya'. Ipajnhuo'ma oquej quitine. ⁴¹ Jiłpe liŁya' lan xanuc' tiquimf'eyi Jesús lines'ma. Xonca axpela' i'huaiyijm'me. ⁴² IŁne timiyi łaca'no':

—Ate'a ima' opalaico'ma Jesús. Illanc' ałcuayi ma' al linca ima' lofnespa. Itsiya illanc' całtuca' ałcujnapá linespa jiłquiya, tołta'a ałsina' ałinca iłque lunłu'e'monga' jouc'a tunłu'e'mola' lan xanuc' ni petsi lomana' li'a łamats'.

⁴³ Luyaipa oquej quitine Jesús ipanni jilpe liya', i'hua'ma al distrito Galilea.
⁴⁴ Aiqui'huacona'ma al distrito Judea. Małquiya ines'ma: “Cal xans, tama aprofeta lummepe LanDios, mipa'a małpe lipiyla' aimipalaicoyacu c'a lan xanuc', tetets'iyacu”.
⁴⁵ Ma licuaitsi Galilea lan xanuc' jilpiya linca epenuf'me. Ilniya iyehuo'me al juic Jerusalén, joupa ixinghuo'me lo'epa jilpiya.

⁴⁶ Mipa'a Jesús al distrito Galilea i'huacona'ma Caná, jilpiya petsi lipai'ihuo'ma laja', i'ipa vino. Jilpe Caná tipa'a anuli cal xans, ts'ipenic' cal rey, hi'hua textafque. Iłque lafcuana tipa'a liya' Capernaum, małpe al distrito Galilea. ⁴⁷ Ts'ipenic' icuejpa Jesús ailopa'a Judea, joupa icuaiconata Galilea, i'hua'ma, i'huajcotsi Jesús, ixahue'etsi ti'huała' liya' Capernaum, tixał'meta hi'hua, ilque tima'ma. ⁴⁸ Jesús timi:

—Imanc' tołcuayi: “Iłque Jesús ałmuc'itsonga' al cueca”. Ja'ni aicamuc'ilhuo' tołta'a aimal'huaiyijnya.

⁴⁹ Ts'ipenic' cal rey timi:

—Mai'ailli', aimicoł'mo'. Łepá lajut'ł. Ja'ni a'i, timana'ma łai'hua.

⁵⁰ Jesús timi:

—To'huanła'. Ło'hua imaf'i'. Aimimaya.

Cal xans i'huaiyijmpa Jesús limipa, i'huana'ma.

⁵¹ Ma mi'huanghua lane Capernaum, ilniya notoc'ipá italecufunca, timiyi:

—Joupa ixalconapa ło'hua.

⁵² Icuis'e'mola', timila':

—¿Tej hora lixałconapa?

Timiyi:

—Tsumjma lixhuaita anulij hora luyaipa menac'o ilojn-na'ma lipinu'.

⁵³ Cal xans i'nujuaitsi li'ipa. Tsumjma małpe 'hora Jesús limipa: “Ło'hua imaf'i'. Aimimaya.” Cal xans jouc'a lixanuc' nomana' lejut'ł, i'huaiyijmpá Jesús.

⁵⁴ Itsiya i'ipa oquemma li'epa al cueca' Jesús jilpe al distrito Galilea. Iłque joupa itsehuc' ma Judea, icuaiconata Galilea.

5

¹ Lijou'ma jiliya i'huajcopa liłjuic lan xanuc' judío. Efołunni pu'hua Jerusalén. Jesús i'hua'ma, icuaitsi jilpe liya'. ² Ahuejnca pe lotsuflaicoyacu lam mot'ł jilpe liya' Jerusalén ipa'nempá laja' acueca' quin'nuhua' i'empa. Lipuftine ataiqui' hebreo aBetesda. Jilpe lin'nuhua' canumicay tipa'a amaque' linujnca. ³ Małpe linujnca timana' axpela' lafcualłay tunahuołanna. Timana' lan fohue, lan coxo, jouc'a luhualqueya. Jahuay ilniya il'huaijma tifentsi laja'. ⁴ Camna camna anuli łapaluc quema'a timuyomma, tife'ne jiliya laja'. Tijoula' tife'neła' laja' cal te'a ło'nijmaispa tixałma. Ni naitsi cuana tuyainapa.

⁵ Ma jilpiya tipa'a anuli cal xans ixhuaita anuxans quimbamaj paico camats' mextaf'ma. ⁶ Jesús ixim'ma ilque cal xans tunouya. Joupa ixina' axpe' camats' i'ipa licuana. Timi:

—¿Opic'a tixałcontso'?

⁷ Łafcuaana italai'enni, timi:

—Mai'ailli', mifenna laja' ailopa'a nał'nij'miya. Ma ca'hua'ma ocuena ti'nij'miyoxi ate'a. Iłque tixałconghua, iya' capanemma.

⁸ Jesús timi:

—¡Tacaxla! ¡Tonif'la' łohuijm-ma! ¡To'huanła'!

⁹ Ixałcona'ma nulemma ilque cal xans, inif'na'ma łihuijm-ma'. I'huana'ma. Iłe litine lixałcona'ma małe itine conxajya.

¹⁰ Lan judío timiyi cal xans lixałcona'ma:

—Itsiya litine conxajya. Aimi'iya motaiya łohuijm-ma'.

¹¹ Cal xans timila':

—Iłque łalsal'menapa ałmipa: “Tonif'la' łohuijm-ma', to'huanła'”.

12 Iñiya icuis'e'me, timiyi:

—¿Naitsi itque limipo': "Tonif'la' lohuijm-ma', to'huanla'?"

13 Cal xans lixałcona'ma aikuixina' naitsi itque limipa toliya. Axpela' lan xanuc' jilpiya timana'. Jesús joupa itsufainapa pe lomana'. Cal xans aikuixina' petsi lo'huapa.

14 Lijou'ma italecufcona'moltsi pu'hua al cueca' xoute'. Jesús timi:

—¡Toxinxoxi! Joupa ixałconapo'. Aimo'econa'ma quixcay. Ja'ni to'econghua quixcay, ti'i'ma xonca acueca' loftelcoya.

15 Cal xans i'hua'ma, u'ihuo'mola' lan judío, timila':

—Łalsał'menapa małque Jesús.

16 Lan judío ilsina' Jesús tixał'mela' lafcualłay litine conxajya, ixtulencia, tihuetsojyi.

17 Jesús timila':

—Cai'Ailli' ti'hua ti'ay canic', iya' jouc'a ca'ay canic'.

18 Lan judío xonca ixtulencia tołta'a linesma Jesús. Icu'a'me: "Itque Jesús ti'ay quixcay, ti'ay canic' litine conxajya. Ti'ay xonca lixcay, tinesqui: ŁanDios ai'Ailli'. Ma' ti'onłiyoxi ŁanDios."

Xonca tehueyi te co'iyá mima'ayacu.

19 Jesús timila':

—Iya' i'Hua ŁanDios, camilhuo' al linca: Iya' caituca' ailopa'a caif'eya. Aimi'iyá. Iya' i'Hua ŁanDios, ate'a cahuelojm'ma lo'epa cai'Ailli', tijouła' ca'e'ma to lo'epa itque. 20 Iya' i'Hua ŁanDios, itque cai'Ailli' al'ay capic'a, alłmuc'i' jahuay lo'epa. Tijouła' alłmuc'i'ma xonca acueca', iya' ca'e'ma. Imanc' tołsim'me, tixpailij'molhuo'.

21 'Cai'Ailli' ixina' timaf'i'ina'mola' limanapola'. Tepi'ina'mola' liłpitine. Iya' i'Hua ŁanDios jouc'a aixina' camaf'i'ina'mola' limanapola'. Caxpic'e ja'ni capi'ina'mola' liłpitine, jouc'a caxpic'e ja'ni aicapi'iyacola'.

22 'Ticuaiyunni Lijoujma Quitine cai'Ailli' aimimu'iyacola' lan xanuc' te ts'i'ic' loyalaicoyacu ni'epá lixcay. Joupa lapi'inapa laimane, iya' cu'itsola' te ts'i'ic' loyalaicoyacu iñiya. Iya' ninJuez. 23 Cai'Ailli' ixpic'epa lihuejcoła' lan xanuc' ma to mihuejcoyi jilque cai'Ailli'. Cal xans pe aimalihuejma iya' i'Hua ŁanDios jouc'a aimalihuejconga' cai'Ailli'.

24 'Iya' camilhuo' al linca: Cal xans ja'ni ticueca laitaiqui', ja'ni ti'huaiyinge cai'Ailli', itque Łalummepa fa'a li'a łamats', itque cal xans joupa ulijpa al ts'e lipitine aimijouya, aimecaniya. Itque, ai'a ticuej'ma laitaiqui', ŁanDios tecani'e'ma, itsiya a'i. Aimijouya lipitine itque cal xans. 25 Iya' camilhuo' al linca: Iya' i'Hua ŁanDios cajoc'i'mola' limanapola'. Iñiya nocuejyacu laitaiqui' timaf'ina'me. Litine ca'e'ma tołta'a ti'hua ticuaihuo. Iya' cacua: Joupa icuai'ma. 26 Cai'Ailli' i'hueca lipitine, nij naitsi nepi'ipa. Jouc'a iya' ai'hueca laipitine, iya' i'Hua, tołta'a lixpice'epa cai'Ailli'.

27 'Iya' itque cal Xans Łiximpa cal profeta pu'hua lema'a. Tołta'a cai'Ailli' alłfajpa ninJuez, lapi'ipa laimane cu'i'mola' lan xanuc' ja'ni ac'a o ja'ni a'ijc'a li'epa. Cu'i'mola' te ts'i'ic' loyalaicoyacu. 28 Aimixpailij'molhuo' ile laimipolhuo'. Aimołnes'me: "¿Te co'iyá tołta'a? Aimi'iyá." Iya' camilhuo': Limanapola' nomana' liłpu'hua, jahuay iñiya ticuej'me cajoc'itsola' iya'. Iya' itque cal Xans Łiximpa cal profeta pu'hua lema'a. Ticuaihuo litine ti'i'ma tołta'a. 29 Jahuay limanapola' tipalcu liłpu'hua. Ja'ni li'epa al c'a timaf'ina'me nulemma, tualaina'me al c'a. Ja'ni ixcay li'epa jouc'a timaf'ina'me, iñe titełco'me, nulemma titai'me liłjunac'.

30 'Iya' caituca' ailopa'a caif'eya. Aimi'iyá. Cai'Ailli' alłcuxe'e laifmiyacola' lan xanuc'. Iya' caituca' aicu'iyá cal xans ja'ni ti'ay al c'a o ja'ni ti'ay lixcay. To małcuxe'e cai'Ailli' tołe laifmiya. Ma le'a alijca laitaiqui'. Iya' aicahuay te co'iyá ca'eya laifpixc'epa. Ma to loxpice'epa cai'Ailli', itque Łalummepa, tołta'a caxpic'e.

31 'Ja'ni iya' caituca' canescoyoxi, aimi'ommaicoya ile laitaiqui'. 32 Linca tipa'a anuli noya'apa naitsi iya'. Iya' aixina' itque tuya'e al linca.

³³ 'Imanc' olummepola' loxanuc' tiyele pe lopa'a Juan Bautista. Jilnu'hua icuis'e'me naitsi iya'. Juan imi'mola' al linca. ³⁴ Iya' aicahuay cañescoya tohta'a anuli cal xans. Le'a aipic'a tunhu'entsolhuo' imanc', tohta'a ca'nujuaitsi'ilhuo' linespa Juan. ³⁵ Juan Bautista ti'onkospa to anuli lepalc'o'. Tepalc'o'ila' lan xanuc'. Micoñi itque lipenic' imanc' tolihuejyi tixoquei conlata. Itque epalc'o'ipolhuo'. ³⁶ Itque u'i'mola' lan xanuc' naitsi iya'. Itsiya imanc' tolsinyi laif'epa. Ite xonca tuya'e naitsi iya', ma' anuli tuya'e naitsi Lalummepa, itque cai'Ailli'. Ite laif'epa, cai'Ailli' joupá alcuxe'epa ca'eña'. Lapi'ipa laipenic' cajou'neña'.

³⁷ 'Cai'Ailli' Lalummepa jouc'a u'ipolhuo' naitsi iya'. Itque lopalaipa aicoñcua ni aicoñsina' te ts'i'ic' itque. ³⁸ LanDios cai'Ailli' lummepa, imanc' aimalapenufi. Litaiqui' aimipanemma jilpe loñpicuejma', tohta'a imanc' aimalapenufi.

³⁹ Toñsuele al c'a al Paxi Linñingiya. Toñcuayi: "Ite al Paxi Linñingiya lapi'inga' lañpitine aimijouya". Mañiya litaiqui' añpalajma iya'. ⁴⁰ Imanc' tama toñsueyi ite litaiqui' aimalihuejma. Aicoñcuac'. ¿Te co'iya molulijyacu loñpitine? A'i, aimi'iya.

⁴¹ 'Aicahuela' lan xanuc' cañmiya: "Ima' uncuecaj xans". A'i. Ita'a aicapenufi. ⁴² Iya' aixinnilhuo' imanc' te ts'i'ic' loñpicuejma'. Aixina' aimoñ'nujuaisyi LanDios. ⁴³ Iya' ma cai'Ailli' lapi'ipa laipenic'. Tohta'a aicuai'ma fa'a li'a lamats'. Imanc' aimalapenufi. Anuli cal xans nocuxepoxi quituca', ja'ni ticuaiyunni, imanc' linca tolapenuf'me. ⁴⁴ Imanc', ¿te co'iya malapenufyá? Tolahuela' loñ'as xanuc' timetsaicontsolhuo'. Aimolahueyi te co'iya mimetsaicoyacolhuo' cal Nuli LanDios. ⁴⁵ Aimoñes'me: "Itque Jesús añcuftonga'. Timita LanDios a'ijc'a lañ'epa." Ocuena tipa'a loñfyacolhuo'. Itquiya aMoisés. Imanc' toñcuayi: "Moisés añtoc'i'monga', añtalai'ecotonga". Iya' cacua: Aimitoc'iyacolhuo'. Mañque Moisés loñfyacolhuo'. ⁴⁶ Imanc' toñcuayi: "Lihuejcoyi licuapa Moisés". A'i molihuejcoyi Moisés. Ja'ni tolihuejcoyi Moisés jouc'a iya' lihuejco'ma. Ma' iya' añpalaicopa Moisés jilpe linñpa. ⁴⁷ Imanc' aimolihuejcoyi linñpa Moisés. Tohta'a, ¿te co'iya molihuejyacu laifmipolhuo'? Imanc' aimi'iya.

6

¹ Jesús iquie'ma al cuecaj quin'nuhua'. Ite lin'nuhua' tipa'a oque' lipuftine, aGalilea jouc'a aTiberias. ² Axpela' lan xanuc' ehuelojm'me axpe' al cueca' lo'epa Jesús, ehuelojm'me mixa'ñmenala' lañcuallay. Ite nehuelojmpá tohta'a tihuejnayi.

³ Jesús jouc'a ts'ilihuequi if'ajli'me hijuala, icutsoñai'me jilpiya. ⁴ Tehue'e' oque' afane' quitine ti'i'ma liñjuic lan xanuc' judío. Iñiya al juic cuftine al Pascua. ⁵ Jesús ehuelojm'ma, ixim'mola' ticuaico'me axpela' lan xanuc'. Timi Felipe:

—¿Pe cañ'na'eyacu axpe' ña'i titele itñiya?

⁶ Jesús joupá ixina' lo'eya. Icuis'e'ma Felipe titalai'eña' itque, timujxoxi te ts'i'ic' lipicuejma'.

⁷ Felipe italai'e'ma, timi:

—Ja'ni añ'natsa axpe' ña'i lipitali lolijya no'eya canic' oquej maxnu quitine, ni tohta'a aimi'ommaicoyacola', ni aimitoc'oyacu anuli anuli itñiya.

⁸ Locuena ts'ihuequi ipalaic'o'ma Jesús. Itque Andrés, lipima Simón Pedro, timi:

⁹ —Toxinña', jifa'a tipa'a anuli lamijcano, itaic' amaque' la'í lilajncopa acobada, jouc'a oquexi' laicatuye. ¿Ja'ni ite litaic' ti'ommaico'mola'? A'i. Aimi'iya. Timana' axpela'.

¹⁰ Jesús timila' ts'ilihuequi:

—Toñcuxe'etsola' lan xanuc' ticutsoñaité lamats'.

Jilpiya tipa'a axpe' cal pajac. Lan xanuc' icutsoñai'me. Titñmana' to amaquej mil lan xanuc', jouc'a timana' lacañ'no', la'uhuy.

¹¹ Jesús epef'ma ña'i, ix'ñajtsi'i'ma LanDios, epi'i'mola' nocutshuoñanna jilpiya. Ma tohta'a i'e'ma jouc'a latuye. Aiquixpij'ma ite toñejacu. ¹² Lan xanuc' itetso'me ixhuaitsoñala'. Jesús timila' ts'ilihuequi:

—Tolafot'ñete lan hualcay lipanecomma, aimica'ñico'ma.

¹³ Ts'ilihuequi Jesús efot'lena'me lan hualcay ca'i lilajncopa acébada lipanecomma, imane'me imbamaj coque' lan tsiquihuit'. ¹⁴ Lan xanuc' ixim'me acueca' lipepaxi Jesús, acueca' li'epa, ticuayi:

—Hca'a cal xans aprofeta. Hca'a ma' itque Lommeya LanDios, joupa icuai'ma.

¹⁵ Hpic'a ti'nohe Jesús, ti'e'e'me quirey. Jesús ixina' tohta'a lo'eyacu lan xanuc', enaj'moxi, i'hua'ma quituca' lijualay.

¹⁶ Lummuhijma' ts'ilihuequi Jesús imulna'me, icuai'me al cuecaj quin'nuhua'. ¹⁷ Itsuflai'me al barco, ipango'me uyalaico'me laja'. Ticuaisa locuena quiju' lin'nuhua' jilpe liya' Capernaum. Imufaj'mola'. Ts'ilihuequi imanenca quituca'. Jesús ailopa'a.

¹⁸ Juaiconapa ti'hua lahua'. Iiya laja' tiyuf'comma acueca'.

¹⁹ I'hua'a'me al barco. Tixhuaispa to amaque' o acamts'us kilómetro li'hua'apa, ts'ilihuequi Jesús ixim'me itque icuaico'ma, ti'hua ti'huaf'que laja', tixpailiquila'. ²⁰ Jesús timila':

—Aimixpailij'molhuo'. Ma' iya'.

²¹ Licuej'me tohta'a linespa Jesús tixoquei quileta tepenuf'me tif'ajla' al barco. Aiquicohi, icuainatsa lamats' pe lotsepa.

²² Lihuequi litine timana' lan xanuc' lefot'lepołtsi tecaxołanna liju' al cuecaj quin'nuhua'. Ihe ticuayi: “¿Te qui'ipa? Tsumjma tipa'a le'a anuli al barco. Iiya al barco i'hua'a'me ts'ilihuequi Jesús, ihniya quituca'. Itsiya, ¿pe copa'a Jesús?” ²³ Ixim'me icuai'me lam barco quiyouyumma liya' Tiberias, timanemma huejnca jilpe lamats' petsi lan xanuc' itepá la'i lepi'ipola' Jesús lijoupa lix'najtsi'ipa LanDios. ²⁴ Lijoupa li'ipa quilsina' ailopa'a Jesús, ailomana' ts'ilihuequi, ihe lan xanuc' if'ajli'me lam barco, iye'me Capernaum, tehueta Jesús.

²⁵ Icuaisa locuenaj liju' lin'nuhua' ixinna'me Jesús, timiyi:

—Momxi, ¿tej hora locuai'ma fa'a?

²⁶ Jesús timila':

—Iya' camilhuo' al linca: Tama lašimpa ma ca'ay al cueca', aimuc'ipolhuo' laipepaxi, imanc' aicołcueca. Joupa ołtepá la'i, inajncotolhuo', tohta'a lahuay. ²⁷ Tonlipa'acoyi lołpujfxi tonlulijcole lołtejacu, ihe łominscoya. Iya' camilhuo': Tonlipa'acole lołpujfxi, tonlulijcole locuena catetsoya, ihe aimiminscoya, ti'hua ticoli, tepi'i'mola' lan xanuc' liłpitine aimijouya, tites'mi'ma ihe liłpitine. Itque cal tejua' iya' nipajnya capi'i'mola' lan xanuc'. Iya' itque cal Xans Liximpa cal profeta pu'hua lema'a. LanDios cai'Ailli' joupa lacuej'micopa, lapi'ipa laimane ca'ełá' tohta'a.

²⁸ Lan xanuc' timiyi:

—Ja'ni ał'e'me latenłcocoya LanDios, ¿te cal'eyacu?

²⁹ Italai'e'e'mola' timila':

—Imanc' toł'huaiyijnle itque lummepe LanDios. Ja'ni tonł'e'me tohta'a ma tonł'eyi latenłcocopa LanDios.

³⁰ Timiyi:

—To'ełá' al cueca', tijoułá' ał'huaiyijm'mo'. Ne'. Itsiya ałmuc'itsonga' tohta'a lof'eya.

³¹ Lałtatahueló mimana' petsi ailopa'a quilya' iximpá al cueca' li'ipa. Ihniya ite'me ihe cuftine “al maná”. Tohta'a loya'apa al Paxi Linifingiya, ticua: “Itque epi'i'mola' la'i qui'huayomma lema'a titełe”.

³² Jesús timila':

—Iya' camilhuo' al linca: Ła'i qui'huayomma lema'a aiquepi'ilhuo' Moisés. Ma cai'Ailli' nicupa la'i qui'huayomma lema'a. Itque linca la'i. ³³ Ła'i qui'huayomma lema'a itque łe'i LanDios. Fa'a li'a lamats', ni petsi lomana' lan xanuc' itque la'i tepi'i'mola' liłpitine aimijouya.

³⁴ Lan xanuc' timiyi:

—Mał'ailli', itsiya lapi'itsonga' itque la'i, ti'hua lapi'i'monga'.

³⁵ Timila':

—Iya' ma Na'i. Naitsi łalapenufpa tulijta lipitine aimijouya. Naitsi łal'huaiyijmpa aimi'hua micui quija'.

³⁶ 'Iya' joupa nu'ipolhuo' te ts'i'ic' loł'ejma'. Tama joupa atsimpa, aimal'huaiyinge.

³⁷ Timana' laixanuc', iłniya lalapi'ipa cai'Ailli'. Iłne linca atejmale'me. Iłniya lalajmalepá almajm'me anuli, aicatets'iyacola'.

³⁸ 'Iya' nimuyomma lema'a aicuaicoco'ma fa'a li'a łamats' ca'eta' lixic'epa ŁanDios, iłque Łalummepa. A'i caxpic'e caituca' laif'eya. ³⁹ Iłque Łalummepa lapi'ina' laixanuc'. Małque ŁanDios joupa ixic'epa iya' ca'etsola' cuenna, jahuay iłniya. Ni anuli mejac'ya. Ticuaiyunni Lijoujma Quitine iya' camaf'i'ina'mola'. ⁴⁰ Tołta'a lixic'epa cai'Ailli'. Ixic'epa te ts'i'ic' loyaicoya cal xans łalimetsaicopa iya' i'Hua ŁanDios. Iłque cal xans łal'huaiyijmpa tulij'ma al ts'e lipitine aimijouya. Ticuaiyunni Lijoujma Quitine iya' camaf'i'ina'ma.

⁴¹ Lan xanuc' judío aiquicuaicocotsi quilpic'a iłe linespa Jesús licuapa: "Iya' Na'i nimuyomma lema'a". ⁴² Tinesyi:

—Iłque cal xans Jesús i'hua José, o ¿ja'ni ocuena? Limetsaicola' illanc' qui'ailli', qui'máma'. ¿Te calmicoponga', ticua: "Iya' nimuyomma lema'a"?

⁴³ Jesús italai'e'mola', timila':

—Imanc' ¿te colixtulecomma? ¿Te colpalaicopa tołta'a? ⁴⁴ Cai'Ailli' jilque Łalummepa, ja'ni tijoc'ita' anuli cal xans, iłque tiloc'huainahuo pe laifpa'a, atejmalena'me. Ticuaitsi Lijoujma Quitine camaf'i'ina'ma. Ja'ni cai'Ailli' aimijoc'i aimi'iya miłoc'huaiya. ⁴⁵ Lam profeta ninilpá tuya'ayi: "ŁanDios timuc'ina'mola' jahuay iłniya". Al linca ita'a lataiqui'. Lan xanuc' noquimf'epá locuapa cai'Ailli', iłne tihuic'iyi lomuc'ipola', iłniya linca tiloc'olainacu pe laifpa'a, atejmalena'me.

⁴⁶ 'Nij naitsi niximpa cai'Ailli'. Ma' iya' cai'huayomma ŁanDios. Iya' linca aiximpa cai'Ailli'. ⁴⁷ Iya' camilhuo' ma' al linca: Cal xans łal'huaiyijmpa joupa ulijpa al ts'e lipitine aimijouya.

⁴⁸ 'Ma' iya' Na'i. Naitsi łalapenufpa tulijta lipitine aimijouya. ⁴⁹ Imanc' lołtatahueló mimana' pe ailopa'a quilya', tama itepá łai' cuftine "al maná", iłniya imanapola'. ⁵⁰ Jifa'a tipa'a ituca' ca'i. Iłque imuyomma lema'a. Ja'ni lan xanuc' titele aimimayacola' nulemma. ⁵¹ Ła'i łitepa lołtatahueló, iłque łai' a'i quimaf'i'. Iya' aimaf'i', iya' Na'i nimuyomma lema'a. Iya' cacu'moxi laicuerpo. Tołta'a lan xanuc' ni petsi nomajnyacu li'a łamats', ja'ni lapenufla' aimimayacola' nulemma, aimijouya liłpitine. Iłca'a laicuerpo linca łai'.

⁵² Lan xanuc' judío ipango'me ifuli'i'moltsi cataiqui'. Timiyoltsi:

—Iłque cal xans, ¿te co'iya micuya licuerpo? ¿Małiya licuerpo alte'me?

⁵³ Jesús timila':

—Iya' camilhuo' al linca: Ja'ni imanc' aimolteji laicuerpo, ja'ni aimolšnayi laijuats', ailopa'a colpitine. Iya' iłque cal Xans Łiximpa cal profeta pu'hua lema'a. ⁵⁴ Naitsi notepa laicuerpo, noxnapa laijuats', iłque linca tipa'a lipitine aimijouya. Ticuaiyunni Lijoujma Quitine iya' camaf'i'ina'ma. ⁵⁵ Laicuerpo linca atejua', laijuats' linca loxnayacu lan xanuc'. ⁵⁶ Naitsi notepa laicuerpo, noxnapa laijuats', ma lapenufi iya', iya' capenufi iłquiya.

⁵⁷ 'Iya' ca'huaiyinge iłque Łalummepa, małque cai'Ailli' ŁanDios Łimaf'i'. Tołta'a aimijouya laipitine. Ma' anuli aimijouya lipitine cal xans łaltepa iya', iłque łal'huaiyijmpa.

⁵⁸ Capalaijma łai' imuyomma lema'a, ca'onłicojma laicuerpo. Ła'i łite'me lołtatahueló aimi'onłspa laicuerpo, ituca' ca'i. Tama iłniya itepá iłe łile'i, imanapola'. Naitsi łaltepa iya' laicuerpo, iłca'a łai', iłque tepenufi al ts'e lipitine aimijouya.

⁵⁹ Tołta'a licuapa Jesús mipa'a liłya' Capernaum, mimuc'iyale jilpe lajut'ł pe lafołyomma lan xanuc'.

⁶⁰ Iłe lines'ma Jesús aiquetenłcocola' axpela' ts'ilihuequi. Liquimf'e'me iłniya ticuayi:

—Ipime ihya lataiqui'. ¿Naiti nocuejya? Illanc' aimi'ya malapenufyacu.

⁶¹ Jesús ixina' ihniya ts'ilihuequi aiquetentcocola' linespa. Timila':

—Ja'ni imanc' aiquetentcocolhuo' ile lainespa, ⁶² ¿te co'cuayacu ja'ni atsinta' caf'auinghua, cacuaita pu'hua, petsi lai'huayomma? Iya' itque cal Xans Liximpa cal profeta pu'hua lema'a. ⁶³ Laipalaic'opolhuo' a'i canescojma laipixic'. Lixic' ailopa'a co'eya. Al cuerpo ticuicomma h'espíritu. Laitaiqué ti'on'cospa to cal espíritu. Ja'ni tolapenuf'me ihniya laitaiqué, tolulij'me lo'pitine aimijouya. ⁶⁴ Linca hualca imanc' aimal'huaiyinge.

Jesús tixinnila' naiti ihniya aimi'huaiyijnyi. Jouc'a imetsaijma naiti itque cal xans locuya. To'ta'a ixina' al te'a.

⁶⁵ Timila' ts'ilihuequi:

—A'i jahuay imanc' mal'huaiyinge. Iya' joupa aimipolhuo': Ja'ni cai'Ailli' a'i mijoc'i anuli cal xans, itque aimi'ya mi'loc'huaiya pe laifpa'a.

⁶⁶ Ts'ilihuequi licuej'me ile licuapa Jesús, axpela' ihniya ipailinanca. Aiquilihuejconghua. ⁶⁷ Jesús timila' limbamaj coquexi' ts'ilihuequi:

—Imanc', ¿te con'eyacu? ¿Jouc'a imanc' a'po'no'ma caituca'?

⁶⁸ Simón Pedro italai'e'ma, timi:

—Mai'ailli', ¿pe caltseyacu? Ocuena comxi to ima' ailopa'a. Ailopa'a co'on'hiyaco'. Ima' mal'palaic'onga' lapenufyi lo'pitine aimijouya. ⁶⁹ Illanc' jouspa al'huaiyijmpo'. Jouspa i'ipa calsina', ima' unCristo, ima' i'Hua LanDios Limafi.

⁷⁰ Jesús timila':

—Unc'imbamaj coquexi' linca ai'huij'epolhuo'. Tipa'a anuli imanc' onta'a.

⁷¹ Jesús ipalaicopa Judas, h'hua Simón Iscariote. Itque anuli ihniya limbamaj coquexi' ts'ilihuequi Jesús, ticuna'ma.

7

¹ Jesús ipanenni jilpiya al distrito Galilea. Aimicua mi'huaya al distrito Judea. Jouspa icuejpa lixpica'epa lan judío nomana' jilpiya. Ihniya tehueyi te co'ya mima'ayacu.

² Tehue'e' oque' afane' quitine ti'i'ma li'juic lan xanuc' judío. Mi'i'ma ile li'juic lan xanuc' tilanc'eyi li'punxahualqui, timajm'me jilpe. ³ Lipimaye Jesús timiyi:

—Taipanni, to'huala' al distrito Judea petsi lo'iyoya al juic. Pu'hua to'etsi al cueca'. To'ta'a tixinno' lof'eya ihniya ts'ihuejhuo' nomana' jilpiya. ⁴ Anuli cal xans, ja'ni ipica' timetsaicole lan xanuc', itque ti'e'ma al cueca' petsi lahuetsaleyompa, aimemiyacoxi. Ima', ¿te cofpanecoya fa'a petsi lan xanuc' aimixinyaco', aimehuelojnyaco' lof'epa al cueca'? Tomujtoxi jipu'hua pe lomana' axpela' lan xanuc'.

⁵ To'ta'a lonespa lipimaye Jesús, aimi'huaiyijnyi. ⁶ Jesús timila':

—Itsiya aica'eya to lamipa. Aimi'ya. Iya' aiqicuaiya lai'hora. Imanc' linca jahuay litiné ti'i'ma ton'e'me ma coltuca' lo'spic'eyacu. ⁷ Lo'f'as xanuc' nomana' fa'a li'a lamats' aimi'ya mi'eyacolhuo' laic'. Iya' linca al'e'e laic'. Aiquilpic'a laifnu'ipola', camila': "Ton'eyi lixcay". ⁸ Imanc', ne', to'f'ajlite al juic. Itsiya aica'huaya. Capanehuo. Aiquicuaiya lai'hora.

⁹ Lijoupa linespa to'ta'a Jesús ipanenni Galilea.

¹⁰ Lipimaye iye'me al juic lo'ya Jerusalén. Lijou'ma Jesús i'hua'ma quituca' Jerusalén. Aicuya'e'. ¹¹ Jilpiya al juic lan xanuc' judío ehue'me Jesús. Icuise'mo'tsi:

—Itque cal xans, ¿pe copa'a?

¹² Lan xanuc' nomana' jilpe al juic ixoulo'ai'me. Timana' nonespá ticuayi: "Itque ac'a xans". Locuenaye ticuayi: "A'ijc'a xans. Ma tifel'miyale." ¹³ Le'a tixoulo'aiyi. Aiminesyi ujfxi. Tixpaic'ennila' ts'ilpenic' judío.

¹⁴ Li'ipa nolojmay juic Jesús if'aj'ma al cuecaj xoute'. Jilpe ipango'ma imuc'i'mola' lan xanuc'. ¹⁵ Licuej'me lan xanuc' judío ticuayi:

—¡Xinla! Itque cal xans aiqumuxejma. ¿Petsi quihuic'iyohuo'ma ite litaiqui' lo-muc'iyalepa?

¹⁶ Jesús italai'e'mola', timila':

—Laifmuc'ipolhuo' a'i caituca' laipicuejma'. Ite lalupa LanDios, itque Lalummepa, maite laifmuc'ipolhuo'. ¹⁷ Cal xans nixpic'epa ti'ela' latentocopa LanDios, itque cal xans timetsaico'ma laifmuc'ipolhuo'. Itque ti'i'ma quixina' ja'ni LanDios a'umuc'i o ja'ni quipa'e iya' caituca' laipicuejma'. ¹⁸ Cal xans nahuepa te co'iya mimetsaiconyacu ja'ni ac'a xans, itque timuc'iyale'ma ma le'a lonespa quituca' lipicuejma'. A'i to'la'a li'ejma' cal xans loya'apa al linca, alijca lipicuejma'. Itque aimehuay latentocoyacola' lan xanuc'. Tehuay te co'iya mimetsaiconyacu ac'a itque lummepe. To'la'a lai'ejma' iya'.

¹⁹ 'Litaiqui' Moisés tu'ilhuo' locuxe'epolhuo' LanDios. To'cuayi: "Linca Moisés lapi'iponga' illanc' litaiqui' LanDios. Ma ite litaiqui' la'cuxeponga'." Ma mo'nesyi to'la'a imanc' aimolanant'iyi locuxe'epolhuo' LanDios. Imanc' ailopa'a colanant'ipa. Itsiya, ¿te colahuecopa te co'iya ma'ma'aya?

²⁰ Lan xanuc' judío lefot'epo'lti jilpiya timiyi:

—¿Naitsi noma'ayaco'? Ima' itsufaipo' conta'a. Ailopa'a noma'ayaco'.

²¹ Jesús italai'e'mola', timila':

—Le'a anuli cal xans aixal'menapa litine conxajya, imanc' o'sue'copá, to'cuayi: "¡Xinla! ¡Jesús ti'ay canic' litine conxajya!" ²² Imanc' to'cuayi: "Moisés a'cuxe'eponga' a'ete circuncidar la'naxque' camijcanó. Tama ti'ila' litine conxajya to'la'a a'e'me." Linca Moisés a'i itque copa'a cal te'a nicuxepa to'la'a. Ai'a tipajnta Moisés to'la'a lo'epa lan tatahueló. ²³ Imanc' tixoquei cunlata ton'eyi circuncidar lo'naxque', tama ti'ila' litine conxajya. To'cuayi: "Ma' a'eyi la'cuxe'eponga' Moisés". Imanc' tetentocohuo' tetec'enle lipixic' lamijcano. To'sinyi ilajmpa al c'a laqueca. Itsiya camilhuo': ¿Te calixtuc'ocopa imanc' iya' lai'epa litine conxajya? Aixal'menapa anuli cal xans. Ac'a ilajn-napa jahuary licuerpo. ²⁴ Imanc' aico'cueca, ma le'a to'cuayi. Ate'a to'spic'ete lo'nesyacu, tijoula' to'palaite al linca.

²⁵⁻²⁶ Lan xanuc' lun Jerusalén ixim'me Jesús timuc'iyale. Ticuayi:

—¡Xinla! Ticuanni: "A'ma'a'me itque Jesús". Itsiya ma'que timuc'iyale. Jahuary tehuelojnyi, ailopa'a co'empa. ¿Te cocuapa lan tsila' qui'penic'? ¿Te ticuayi ma'que Jesús copa'a cal Cristo? ²⁷ Illanc' a'cuayi: A'i itque cal Cristo. A'sina' lipi'ya li'huayomma. Ticuaiyunni cal Cristo aimi'iya ca'sina' to'la'a.

²⁸ Jesús mimuc'iyale jilpe al cuecaj xoute', tipalay ujfxi, tiquimf'ete jahuary, timila':

—Imanc' to'cuayi: "Limetsaicoyi Jesús". To'cuayi: "A'sina' lipi'ya li'huayomma". A'i. Aico'sina' pe cai'huayomma. Iya' a'i caituca' caixpic'e cacuaihuo' fa'a li'a lamats'. Tipa'a Lalummepa. Itque aimifellaique. Imanc' aicolimetsaijma. ²⁹ Iya' linca nimetsaijma. Iya' ma'que cai'huayomma. Itque alummepa.

³⁰ Lan judío ixtulencia licuapa Jesús. Ehue'me te co'iya mi'no'lyacu. Aiquil'nohi. Aiquicuaiya li'hora, aimi'iya mima'ayacu.

³¹ Axpela' lan xanuc' i'huaiyijm'me Jesús. Tinesyi:

—Ticuaiyunni cal Cristo, ¿ja'ni xonca lo'eya? Acueca' lo'epa Jesús.

³² Lam fariseo iquimf'e'me ihniya lan xanuc' mixoulo'aiyi, tipalaicoyi Jesús. Lixanuc' cal cuecaj ca'ailli' jouc'a ihniya lam fariseo umme'me lapaluc' xoute' tiyete, ti'no'lsa Jesús.

³³ Jesús ti'hua timuc'iyale, timila' lan xanuc':

—Ahuata capajncona'ma jifa'a pe lo'mana'. Tijoula' ca'huana'ma pe lopa'a Lalummepa.

³⁴ Imanc' lahue'ma, aimasingonaya. Pe laifpa'a imanc' aimi'iya mo'cuaiyacu jilpiya.

³⁵ Lan judío tipalaic'oyo'lti, tinesyi:

—Ja'ni aimasingonayacu itque cal xans, ¿pe cotseya? ¿Te ti'hua'ma hilemats' lan xanuc' griego pe lomana' la'pimaye? ¿Te timuc'itola' jilne lan xanuc' griego? ³⁶ Jilque

Jesús ałminga': "Imanc' lahue'ma, aimasingonaya. Pe laifpa'a jilpiya imanc' aimi'iya mołcuaiyacu." ¿Te cohuałquemma ihiya? ¿Te conescopa ilquiya? Aicalcueca.

³⁷⁻³⁸ Icuai'ma lijoujma quitine al juic. Ihiya litine xonca al cueca'. Ecax'ma Jesús. Típalay ujfxi, tiquimf'ete jahuary, timila':

—Cal xans laicuipa quija' tiloc'huaiyunni pe laifpa'a. Tixnała' ilta'a laja' laifcupa. Ilque lał'huaiyijmpa.

'To muya'e' al Paxi Linilingiya tołta'a ti'i'ma. Tuya'e': "Jilpe lunxajma' tipahuo axpe' caja'. Ihiya laja' ti'hua tipahuo. Aimixnajya."

³⁹ Lines'ma tołta'a Jesús ipalaico'ma cal Espíritu Santo, ilque lapenufyacu ihiya no'huaiyijmpá Jesús. Mipa'a Jesús li'a lamats' aicummaic' ilque cal Espíritu Santo. Ticuainatsi lema'a tumme'etola'.

⁴⁰ Liquimf'epá ihiya licuapa Jesús timana' nonespá:

—Linca LanDios alumme'eponga' liprofeta, małque Jesús.

⁴¹ Timana' nonespá:

—Jilque linca cal Cristo.

Locuenaye tinesyi:

—Cal Cristo aimi'huayoya Galilea. ⁴² Tuya'e' al Paxi Linilingiya: "Cal rey David itatahuelo cal Cristo". Jouc'a tuya'e': "Cal Cristo co'huayoya liłya' Belén. Małpe lipiłya' cal rey David."

⁴³ Tołta'a ihiya lan xanuc' aiqui'ic' anuli lipicuejma'. Timana' nocuapá: "Małque cal Cristo". ⁴⁴ Timana nocuapá: "Al'nołta". Ailopa'a no'nołya.

⁴⁵ Lepaluc' al cuecaj xoute' ipailinamma. Icuaita pe lomana' lixanuc' cal cuecaj ca'ailli' jouc'a lam fariseo. Ihiya icuis'e'me, timinnila' lilepaluc':

—¿Te qui'ipolhuo'? Aicolihuaic' cal xans.

⁴⁶ Italai'e'me:

—Illanc' alcuayi ac'a tipalay ilque. Ocuena aimipalay to ilque lopalaipa.

⁴⁷ Lan fariseo italai'e'me:

—¿Te ifel'mipolhuo' imanc' jouc'a? ⁴⁸ ¿Te ti'huaiyinge anuli nałcuxeponga'? O anuli lał'as fariseo, ¿te ti'huaiyinge? Ai. Le'a lan xanuc' aiquimuxejma, ma' ihiya ti'huaiyijnyi.

⁴⁹ Ihe ni aiquisina' lataiqui' locuxepa LanDios. Joupa ecanipola'.

⁵⁰ Jilpiya tipa'a anuli hif'as fariseo cuftine Nicodemo. Małque Nicodemo i'huahuo'ma anuli lipuqui', ipalaic'otsi Jesús. Itsiya timila':

⁵¹ —Litaiqui' LanDios lałcuxe'eponga', lu'inga': "Anuli cal xans titalai'e'ecotsi. Tołquimf'ete locuaya. Ja'ni aicolquimf'e aimi'iya molacani'eyacu."

⁵² Timiyi Nicodemo:

—¿Te ima' unGalilea jouc'a? Toxhueła' xonca al Paxi Linilingiya. Jilpe toxim'ma ailopa'a profeta co'huayoya Galilea.

⁵³ Jahuary iyena'me hilejut'hi.

8

¹ Jesús i'hua'ma lijuala cuftine Lijuala Olivo. ² Li'ipa quitine ipaiconanni, i'huacona'ma al cuecaj xoute'. Jilpiya jahuary lan xanuc' tefot'leyołtsi. Jesús icutshuai'ma timuc'iyale'ma. ³ Mimuc'iyale Jesús icuaita jilpiya lomxiye nomuc'iyalepá locuxepa LanDios jouc'a lam fariseo. Ihejma anuli łaca'no'. Iximpá łaca'no' tunahuołanna cal xans, ilque a'i quipe'ailli'. Ecaxu'me łaca'no' nolojmay lan xanuc' noquimf'epá mimuc'iyale Jesús. ⁴ Timiyi Jesús:

—Momxi, joupa alsimpola' tunahuołanna. Cal xans a'i quipe'ailli'. ⁵ Litaiqui' Moisés, ile loya'apa locuxepa LanDios, małe lataiqui' alcuexe'enga' alma'acotsola' apic lacał'no' no'epá tołta'a. Ima', ¿te cofcuaya? ¿Te cal'e'eyacu ilca'a łaca'no'?

⁶ Ihe tehuaiyi Jesús. Ilpic'a tinesla': "Aimon'e'me ile locuxepa Moisés". Tijouła' ticuxeco'me.

Jesús ic'omai'ma. Inilco'ma lidedo lamats'.

⁷ Ihniya ihui'i'me, icuis'mot'le'me. Jesús ecaxna'ma lijca, timila':

—Anuli imanc' ja'ni ailopa'a quijunac', ne', ate'a teca'niña' lapic.

⁸ Lijou'ma ic'omaiconama, inilconama lamats'.

⁹ Lan xanuc', ihne ts'ihnejma laca'no', imetsaico'mołtsi jouc'a itaic' liłjunac'. Anuli anuli iyena'me. Ate'a i'huana'ma xonca kitojpa xans, lijou'ma ipalnanca anuli anuli, ijouco'ma ts'atesca quemats'. Jesús laca'no' imanenca quituca'. Laca'no' ti'hua tecaxu jilpiya.

¹⁰ Jesús ecaxcona'ma lijca, ehuelojm'ma laca'no' tecaxu quituca'. Timi:

—Maca'no', ¿te qui'ipola' ihne lan xanuc'? Joupa iyenapá. ¿Nij naitsi nitac'uipo' cajunac'? ¿Nij naitsi nicufpo' tima'antso'?

¹¹ Hque timi:

—Mai'ailli', nij naitsi.

Jesús timi:

—Iya' jouc'a aicatac'uuyaco' cajunac'. Iya' aicacua: Tima'antso'. To'huanña'. Aimo'eonna quixcay.

¹² Jesús imuc'icona'mola' lan xanuc', timila':

—Fa'a li'a lamats' iya' Nepalco'. Capalco'ila' ihniya nalihuejpa, ihne tipa'a liłpitine aimijouya. Ihniya liłpicuejma' aimi'iconaya muf, ticuec'e'me, ti'e'me al c'a.

¹³ Lam fariseo timiyi:

—Ima' tonescoyoxi cotuca'. A'ij linca lofnespa.

¹⁴ Timila':

—Tama canescoyoxi ma canesqui al linca. Iya' aixina' pe lai'huayomma, aixina' pe laiftseya. Imanc' aicołsina' pe lai'huayomma, aicołsina' pe laiftseya. ¹⁵ Imanc' ma cołtuca' tołtac'uila' lajunac' lołf'as xanuc', tołspic'eyi ja'ni ac'a ja'ni a'ijc'a lo'epa. Iya' aicatac'uila' cajunac'. ¹⁶ Ja'ni catac'uila' lajunac' ma alijca ite laif'eya. Iya' a'i caituca' caxpic'e. Illanc' ma' anuli ałspic'eyi iya' cai'Ailli', itque Lalummepa.

¹⁷ 'Litaiqui' LanDios locuxepa ticua: "Oquexi' lan xanuc', ja'ni ma' anuli lonespa, ne', tapenufla' ite locuapa". ¹⁸ Iya' canescoyoxi. Jouc'a cai'Ailli' itque Lalummepa, ma' anuli ałnesma.

¹⁹ Timiyi:

—¿Pe copa'a co'ailli'?

Timila':

—Imanc' aicalimetsaijma naitsi iya'. Jouc'a aicolimetsaijma cai'Ailli'. Ja'ni limetsaijma iya', jouc'a cai'Ailli' tolimetsaico'me.

²⁰ Tołiya licuapa Jesús mipa'a al cuecaj xoute', mimuc'iyale. Ticutsuya liju' al caxax pe latoj'mimpá al tomí. Nij naitsi ni'nołpa Jesús. Aiquicuaiya li'hora.

²¹ U'icona'mola', timila':

—Ca'huana'ma. Imanc' lahue'ma. Timaco'molhuo' cołtaic' lołjunac'. Iya' caituca' ca'hua'ma, aimi'iyamałeyacu anuli.

²² Lan xanuc' judío ticuayi:

—¿Te conescopa: "Iya' caituca' ca'hua'ma, aimi'iyamałeyacu anuli"? ¿Ja'ni tima'a'moxi?

²³ Jesús ti'hua tipalaic'ola', timila':

—Iya' cai'huayomma al toncay. Imanc' conłouyomma al 'ocay. Lołpitine, fa'a li'a lamats' ipangoyopa. Iya' a'i. ²⁴ Joupa aimipolhuo': Timaco'molhuo' cołtaic' lołjunac'. Joupa aimipolhuo' naitsi iya'. Aimolapenufi ite laifnescopoxi. Ma' aimolapenufi ite laifpalaicopoxi, ołtaic' lołjunac', tołta'a timaco'molhuo'.

²⁵ Icuise'me, timiyi:

—¿Naitsi ima'?

Jesús timila':

—Joupa aimipolhuo'. Joupa ołsina'. ²⁶ Tipa'a axpe' laifpalaicoyacolhuo' imanc'. Aiximpolhuo' a'ijc'a lonł'epa. Cai'Ailli', itque Łalummepe, aimifelłaique, tinesqui mane al linca. Itē lalū'ipa iya' cu'iyale fa'a li'a łamats'.

²⁷ Itniya aiqulłcueca Jesús lipalaicopa ŁanDios qui'Ailli'. ²⁸ Jesús timila':

—Iya' itque cal Xans Łiximpa cal profeta pu'hua lema'a. Tijouła' al'nof'enala' imanc' limetsaico'ma naitsi iya'. Limetsaico'ma ma to joupa ainescopoxi iya'. Ti'i'ma cołsina' te ts'i'ic' laipicuejma'. Iya' caituca' aicaxpic'e laif'eya. Jiłe lałmuc'ipa cai'Ailli', małe cu'ilhuo'.

²⁹ Ałejmale anuli iya' y Łalummepe. Iya' ti'hua ca'ay latentłcocopa itque. Tołta'a aicalpo'nohuo caituca'.

³⁰ Miquimf'eyi lan judío, axpela' itniya ticuayi:

—Al linca locuapa itque. ¡Lihuej'me!

³¹ Jesús ipalaic'o'mola' itne lan xanuc' judío no'huaiyijmpá, timila':

—Ja'ni laitaiqui' tipanenni lołpicuejma' imanc' lihuejna'ma al c'a. ³² Tołsim'me al linca laitaiqui', tolihuejco'me. Tołta'a imanc' cołtuca' tołcuxe'mołtsi al c'a.

³³ Itniya timiyi:

—Illanc' inaxque' lałtatahuelo Abraham. Aimi'iya małcuxeyacongá'. Ailopa'a calpoujna. Ima', łte calmicoponga': “Imanc' cołtuca' tołcuxe'mołtsi al c'a”?

³⁴ Jesús italai'e'mola':

—Iya' camilhuo' al linca: Cal xans ja'ni ixçay lo'epa ite lixçay ticuxe. Itque cal xans ti'onłcospa to cal mozo. ³⁵ Cal mozo aimipaneya lejut'ł lipoujna. Li'hua łapoujna, itque linca tipanehuo.

³⁶ 'Iya' i'Hua ŁanDios, ja'ni iya' cuhuałnatsolhuo' imanc' linca tołcuxena'mołtsi al c'a nulemma. ³⁷ Imanc' tołcuayi: “Illanc' inaxque' lałtatahuelo Abraham”. Ma' aixina' tołta'a. Itsiya tama imanc' inaxque' Abraham tolahueyi te co'iya małma'aya. Aimalapenufi iya' laitaiqui'. ³⁸ Iya' ma to lałmuc'ipa cai'Ailli', tołta'a cu'ilhuo'. Cu'ilhuo' ma laiximpa pu'hua pe lopa'a cai'Ailli'. Imanc' ocuena coł'ailli'. Tonł'eyi lomuc'ipolhuo' itque.

³⁹ Itniya timiyi:

—Abraham al'ailli'.

Jesús timila':

—Imanc' ja'ni inaxque' Abraham, tonł'e'me anuli to li'epa Abraham. ⁴⁰ Ituca' loł'ejma' imanc'. Tołspic'eyi ałma'ala', iya' ninxans cu'ilhuo' ma le'a al linca, ite lałmuc'ipa cai'Ailli'. Tołe a'i qui'aic' Abraham. ⁴¹ Lonł'epa imanc' ti'onłcospa to lo'epa coł'ailli'.

Itniya timiyi:

—Illanc' a'i ninc'ahuaic'la. ŁanDios al'Ailli'.

⁴² Timila':

—Ja'ni ŁanDios oł'Ailli' imanc' al'e'ma capic'a. Iya' cai'huayomma ŁanDios, aicuai'ma fa'a li'a łamats'. A'i iya' caxpic'e caituca' cacuaiyunni. Cai'Ailli' lummepe. ⁴³ Imanc' aimi'iya małquimf'eya iya' laitaiqui', tołta'a aicołcueca ite laifpalaic'opolhuo'. ⁴⁴ Łonta'a oł'ailli'. Imanc' inaxque'. Itque imanc' ma' anuli lołjanajpa. Lipangopa li'a łamats' itque inma'ahuale, aiquepenufi al linca. Ma to micua lipicuejma' tipalay pangay mifel'miyale. Ate'a itque ifel'miyalepa. Lijou'ma lan xanuc' tihuejyi li'ejma', jouc'a ti'hua tifel'miyaleyi.

⁴⁵ 'Iya' cu'ilhuo' al linca. Xonca ticuaispa cołpic'a lafelłaiqueya cataiqui'. Aimalapenufi iya' laitaiqui'. ⁴⁶ Imanc', łte anuli ti'i'ma ałtac'ui'ma cajunac'? A'i. Aimi'iya małmiya: “Ima' ałfel'minga”’. Ja'ni ołsina' camilhuo' al linca, łte aimalapenufi iya' laitaiqui'?

⁴⁷ 'Cal xans ja'ni i'hua CanDios, itque tepenufi lonespa ŁanDios. Imanc' a'i quinaxque' ŁanDios, tołta'a aimi'iya molapenufyacu lonespa.

⁴⁸ Lan judío timiyi:

—Illanc' joupa ałnespá ima' unsamaritano. Itsufaipo' conta'a. Al linca ite lałnescopo'.

⁴⁹ Timila':

—Iya' a'i caltsufaic' conta'a. Iya' quihuejma cai'Ailli'. Imanc' latets'i'. ⁵⁰ Iya', ¿te aga cahuay te co'ia mañescoya al c'a? A'i tołta'a lai'ejma'. Linca tipa'a anuli tehuay te co'ia malimetsaicoya lan xanuc'. Itque ma cal Cuecaj Juez.

⁵¹ 'Iya' camilhuo' al linca: Cal xans nalihuejcopa iya' laitaiqui' itque aimimaya nulemma.

⁵² Lan judío timiyi:

—Itsiya linca alsina' itsufaipo' conta'a. Joupa imanapa łatatahuelo Abraham jouc'a imanapola' lam profeta. Ima' tonesqui: “Cal xans nalihuejcopa iya' laitaiqui', itque aimimaya nulemma”. ⁵³ Linca joupa imanapa Abraham. Ima', ¿ja'ni xonca uncueca'? Lam profeta imanapola' jouc'a. ¿Naitsi cof'onlicopoxi?

⁵⁴ Timila':

—Iya' ja'ni caituca' canescoyoxi nincueca', ile laifnescopoxi ailopa'a co'eya. Cai'Ailli' añescojma al c'a. Małque cai'Ailli' imanc' tołpalaicoyi tołcuayi: “Itque łalanDios”. ⁵⁵ Imanc' aicolimetsaijma. Iya' linca nimetsaijma. Aicacua aicainimetsaijma. Ja'ni canesla' tołta'a iya' ca'e'moxi acueca' ninfeloye, ca'onlico'moxi to imanc' unc'ifeloye. Iya' linca nimetsaijma, quihuejma litaiqui'. ⁵⁶ Łotatahuelo Abraham ijanajpa juaiconapa alsintsołtsi fa'a li'a łamats'. Joupa alsimpoltsi, ixojma queta Abraham.

⁵⁷ Lan xanuc' judío timiyi:

—Ima' aiqixhuaiya oquej nuxans quimbama' łomemats'. ¿Te qui'ipa loximpa Abraham?

⁵⁸ Jesús timila':

—Iya' camilhuo' al linca: Ai'a tipajnta Abraham, iya' capa'a.

⁵⁹ Lan judío ipef'me lapic'. Tipa'me capic, tima'a'me Jesús. Jesús temiyoxi. Ipanni al cuecaj xoute'. Itniya aiqixim'me pe quitsecopa.

9

¹ Jesús ti'hua lane, ixim'ma anuli cal fo'. Cal xans ma lipajnta afo'. ² Ts'ilihuequi Jesús icuis'e'me, timiyi:

—Momxi, ¿te qui'ipa lipajnta afo'? ¿Naitsi itque ts'ijunac'? ¿Te małque cal fo' o qui'ailli', qui'máma'?

³ Jesús italai'e'mola', timila':

—Nij naitsi ts'ijunac', ni cal fo' ni qui'ailli' qui'máma'. Ipajnta afo' cal xans, tołta'a ŁanDios timuc'i'mola' lan xanuc' al cueca' lipepaxi. Jitpe licuerpo cal fo' ti'i'ma al cueca'.

⁴ Micolí litine ał'e'me loxpíc'epa ŁanDios, itque Łalummepe. Tijoułta' timufc'olá' aimi'ia mał'eyacu lanic'. ⁵ Ma capa'a fa'a li'a łamats' iya' Nepalc'o'.

⁶ Lijoupa licuapa tołta'a Jesús, itsułof'ipa łamats', ilanc'eco'ma łitsulu' łaquixitsqui. Itque łixitsqui imet'li'ipa li'u' cal fo'. ⁷ Timi cal fo':

—To'huałta' jipu'hua lin'nuhua' cuftine Siloé. Itpiya tapajtsi lo'u'.

Ite lipuftine Siloé tuhualquemma: Ummempa.

Cal fo' i'hua'ma, epajtsi li'u'. Lipainamma, tehuetsalenghua. ⁸ Nomana' lan huejnca jouc'a locuenaye xanuc', ilne li'ipa iximpá mixa'hue quitomí, ilne tipalaic'oyołtsi, ticuayi:

—¿Te małca'a cal xans nocutshuaipa, noxa'huepa? ¿Te qui'ipa?

⁹ Hualca ticuayi:

—Małca'a cal xans.

Locuenaye ticuayi:

—A'i. A'i itque, ma le'a ti'onłcospa.

Cal xans timila':

—Ma' iya'.

¹⁰ Timiyi:

—¿Te qui'e'empo'? ¡Ma' ixalconapo' lo'u'!

¹¹ Timila':

—Cal xans cuftine Jesús, i'epa lixitsqui. Itque lixitsqui almet'li'ipa lai'u'. Alummepa lin'nuhua' Siloé. Almipa: “Jilpiya tapajtsi lo'u'”. Ai'hua'ma, nepajtsi lai'u', itsiya exilinnamma lai'u', cahuetsalenghua.

¹² Icuis'e'me, timiyi:

—¿Pe copa'a itque cal xans?

Timila':

—Aicaixina'.

¹³ Itque cal fo' joupá ixałconapa ileco'me petsi lomana' lan xanuc' fariseo. ¹⁴ Litine Jesús li'e'ma lixitsqui, lixał'mena'ma li'u' cal fo', ite litine conxajya. ¹⁵ Lam fariseo aiqúetenłcocola' ite li'epa Jesús litine conxajya. Icuis'e'me cal xans, timiyi:

—¿Te qui'ipo'? Itsiya tahuetsalenghua. ¿Te qui'e'empo' lo'u'?

Cal xans timila':

—Itque almet'li'ipa lixitsqui lai'u', ai'hua'ma nepajtsi lai'u', itsiya cahuetsalenghua, exilinnamma lai'u'.

¹⁶ Hualca lam fariseo nomana' jilnu'hua ines'me:

—ŁanDios a'i cummaic' itque cal xans Jesús. Ihiya litine conxajya tetets'i, ti'ay canic'.

Locuenaye tinesyi:

—Ja'ni a'ijc'a xans, ¿te co'iya mi'eya tołta'a al cueca'?

Enaj'mołtsi onłca, aiqú'i'ima anuli liłpicuejma'. Timana' pe aiqúetenłcocola' lo'epa Jesús, timana' locuenaye icuaitsi quiłpic'a lo'epa.

¹⁷ Icuis'e'cona'me cal xans lixałconapa li'u'. Timiyi:

—Itque lixał'menapo' lo'u', ima', ¿te cofnesya itque?

Cal xans timila':

—Iya' cacua aprofeta.

¹⁸ Lan xanuc' judío ticuayi:

—A'ij linca locuapa itque cal xans lonespa: “Laipajnta ninfo'”. Lipajnta ailopa'a quicuana, ac'a li'u', tołta'a tehuetsalenghua itsiya.

Ijoc'i'me ticuaiyunca qui'ailli' qui'máma' cal xans lixałconapa li'u'. ¹⁹ Icuis'em'mola', timila':

—¿Te ma' al linca itque oł'hua? ¿Ma ipajnta afo'? Itsiya tehuetsale. ¿Te qui'ipa?

²⁰ Qui'ailli' qui'máma' italai'enca, timinnila':

—Ałsina' itque al'hua. Ałsina' ipajnta afo'. ²¹ Itsiya tehuetsalenghua. A'i całsina' te qui'ipa. Ni aicałsina' naitsi nixał'menapa li'u'. Itque joupá itojpa. Titalai'ełá' itque quituca'.

²² Tołta'a linespa qui'ailli' qui'máma' cal xans. Timiyoltsi: “¿Te cał'eyacongá' lan xanuc' judío?” Ihiya joupá inefopá, ixpic'epá, icuapá: “Cal xans, ja'ni tinesla': Jesús itque aCristo, itque cal xans lihuescuf'me petsi lalafot'leyopoltsi. Tijoułá' aimalapi'iconayacu lane mitsufaiconaya. Aimałmajnconayacu anuli.” ²³ Tołhiya ticuayi: “Itque joupá itojpa. Titalai'ełá' quituca'.”

²⁴ Lan xanuc' judío ijoc'icona'me cal xans lixałconapa li'u'. Timiyi:

—ŁanDios tiqúimf'ehuo'. Lu'itsonga' al linca. Illanc' limetsaijma cal xans Jesús. Ałsina' titay cajunac'.

²⁵ Timila':

—Iya' aicaixina' ja'ni titay cajunac'. Aixina' iya' li'ipa ninfo', itsiya cahuetsalenghua. Ihiya linca aixina'.

²⁶ Ihe icuis'e'me, timiyi:

—¿Te qui'e'epo'? ¿Te qui'ipa lixał'menapo' lo'u'?

²⁷ Cal xans italai'e'mola', timila':

—Joupa nu'ipolhuo', aicołcueca. ¿Te ts'olpic'a cu'itsolhuo'? ¿Te aga imanc' olpic'a tunlihuej'me?

²⁸ Ixtulenca. Imilojpa cataiqui'. Timiyi:

—Ima' linca mihuequi itque cal xans Jesús. Illanc' a'i. Illanc' lihuejyi Moisés. ²⁹ Ałsina' LanDios ipalaic'opa Moisés. Itque cal xans Jesús aicalsina' pe qui'huayomma.

³⁰ Italai'e'mola' cal xans timila':

—ıXinta'! Itque cal xans alsal'menapa lai'u'. Itsiya imanc' tołcuayi: “Aicalsina' pe qui'huayomma”. ³¹ Ałsina' LanDios aimiquimf'ela' petsi ixcay lo'epa. Aimitoc'iyacola'. Cal xans noxpaiç'epa LanDios, ja'ni ti'eta' loxpaiç'epa, itque cal xans linca LanDios tiquimf'e, titoc'i. ³² Jifa'a li'a łamats' anuli cal xans ja'ni lipajnta afo', ni anulemma aicalsina' quixal'menni li'u'. ³³ Iya' cacua: LanDios ummepa itque Jesús. Ja'ni a'i, ailopa'a co'eya.

³⁴ İhniya italai'e'me, timiyi cal xans:

—Litine lopajncota ima' otaic' lojunac'. İtsiya opic'a ałmuc'itsonga' illanc'!

Ihuescufna'me pe lefot'leyołtsi. Timiyi:

—To'huanła'. Aimotsufaiconno jifa'a lajut'ł.

³⁵ Jesús icuej'ma ihuescufimpa pe lefot'leyołtsi. Ehuepa, ixinnapa, timi:

—Ima', ğte ma to'huaiyinge itque cal Xans Liximpa cal profeta?

³⁶ Cal xans timi:

—Mai'ailli', lu'ıla' naitsi itque. Tijouła' ca'huaiyijm'ma.

³⁷ Jesús timi:

—Joupa oximpa. Tipalaic'ohuo'. Ma' iya'. Iya' itque cal Xans Liximpa cal profeta.

³⁸ Cal xans timi:

—Mai'ailli', ca'huaiyijnhuo'.

Exc'onłingai'ma. ³⁹ Jesús timi:

—Aicuaicoco'ma fa'a li'a łamats' ti'i'ma tenaj'mołtsi lan xanuc'. Lan fohue tehuet-salena'me. İhne nahuetsalepá ti'e'e'mola' afohue.

⁴⁰ Lam fariseo nomana' jıłpe pe lopa'a Jesús icuej'me lines'ma. İhniya icuis'e'me, timiyi:

—ğTe ma illanc' jouc'a ninc'ifohue?

⁴¹ Timila':

—Ja'ni unc'ifohue aimitac'uim'molhuo' cajunac'. Ma mołcuayi: “Ałsinyi”, aimılonc'enyacolhuo' lołjunac'.

10

¹ 'Iya' camilhuo' al linca: Cal xans notsufaiya petsi leti'ila' lam mot'ł, ja'ni ocuena lotsufaicoya, a'i pe lotsuflaicopa lam mot'ł, itque cal xans innantsepa, inma'ahuale.

² Notsufaicoya ma al puerta, linca ti'e'mola' cuenna lam mot'ł. Itque itpoujna, no-huic'iyacola'. ³ Ma ticuaiyunni nohuic'iyacola' lam mot'ł, no'epa cuenna al puerta texi'e'ma. Nohuic'iyacola' lam mot'ł titsufai'ma, tijoc'i'mola' lam mot'ł. Tijoc'i'mola' anuli anuli liłpuftine. Tipa'a'mola'. İhne lam mot'ł tiquimf'eyi litaiqui' nohuic'iyacola', ticuec'eyi. ⁴ Nohuic'iyacola' tipa'atsola' limot'ł ti'huaj'me'e'mola' İhniya. Limot'ł tihuej-nayi, ilimetsaijma litaiqui'. ⁵ Ja'ni tijoc'itsola' ocuena, lam mot'ł aimihuejyacu. Tinul'me, tipo'no'me quituca'. Aimimetsaicoyacu liłtaiqui' locuene ye xanuc'.

⁶ Tołta'a litaiqui' Jesús u'iyalepa. İhne lan xanuc' aiquiłcueca, aimi'iya muhuałyacu lataiqui'.

⁷ Jesús ipalaic'oconamola', timila':

—Iya' camilhuo' al linca: Iya' ipuerta hileti'i' lam mot'ł. ⁸ Ocuenaye icuai'me ai'a cacuai-huo, ijoc'im'mola' lam mot'ł. İhniya ma innantsepá, inma'ahuale. Lam mot'ł aiquiłquimf'e liłtaiqui', aiquiłcueca locuapa. ⁹ Iya' linca ipuerta hileti'i' lam mot'ł. Naitsi ts'alimetsaijma iya' ipuerta hileti'i' lam mot'ł, ja'ni titsufaiła' tołta'a, itque tunłu'ma. Titsufai'ma, tipahuo, tehueta quıltejua' lam mot'ł, tixinna.

¹⁰ Cal namas joupa ipo'nopa lipicuejma' tinantsetola', tilecotola' lam mot'ł, tima'atola', tejac'ematola'. Toliya itsehuo'ma jıłpe hileti'i' lam mot'ł. Iya' a'i. Aicuaicoco'ma cunłu'e'mola' laimot'ł, capi'i'mola' liłpitine, ile xonca al c'a. ¹¹ Liłpoujna lam mot'ł, itque nohuic'iyacola', ja'ni ac'a xans ticu'ma lipitine, tunłu'etsola' limot'ł. Tołta'a lai'ejma'. Iya'

ninC'a caPoujna, cunŭ'e'mola' laimot'ŭ. ¹² Cal mozo, ituca' lipicuejma'. Itque a'i quiŭpoujna lam mot'ŭ. Lam mot'ŭ a'i qui'huexi. Mixim'ma icuaico'ma cal lobo tinunghua cal mozo. Tipo'no'mola' quiŭtuca' lam mot'ŭ. Cal lobo tipango'ma ti'noŭ'mola', tica'niyoŭtsi lam mot'ŭ. ¹³ Cal mozo a'i quiŭpoujna lam mot'ŭ, iŭne a'i qui'huexi. Toŭta'a tinuna'ma, aimixinnila' acuanuc'la.

¹⁴ 'Iya' linca iŭpoujna lam mot'ŭ. Iya' ninC'a caPoujna. Quimetsaicola' laimot'ŭ. Jouc'a laimot'ŭ limetsaijma iya'. ¹⁵ Cai'Ailli' limetsaijma iya', jouc'a iya' quimetsaijma cai'Ailli'. Ma' anuli to ita'a iya' quimetsaicola' laimot'ŭ. Iya' cacu'ma laipitine, cunŭ'e'mola' laimot'ŭ.

¹⁶ 'Timana' ocuenaye laimot'ŭ. Iŭniya tiyelocoyi, aiŭquiltŭsufŭaic' hileti'i' liŭf'as mot'ŭ. Iŭniya jouc'a caleconatola', cajoc'itola', aŭquimf'e'ma iya' laitaiqui', aŭcuc'e'ma. Tijouŭa' ti'i'ma le'a anuli ŭati'i', anuli hiŭPoujna, ma' iya'. ¹⁷ Iya' cacu'ma laipitine cunŭ'e'mola' laimot'ŭ, toŭiya cai'Ailli' aŭ'ay capic'a. Tijouŭa' aŭma'aŭa' capenufna'ma laipitine, camaf'ina'ma. ¹⁸ Ailopa'a nalŭonc'e'eya laipitine. Ma caituca' cacu'moxi. Tipa'a laimane cacu'ma laipitine. Tipa'a laimane capenufna'ma laipitine. Cai'Ailli' aŭcuxepa ca'ela' toŭta'a.

¹⁹ Lan xanuc' judŭo noquimf'epá iŭe linespa Jesús tifuli'ŭconayi cataiqui'. Hualca etenŭcoco'mola' iŭe linespa. Locuenaye a'i quetenŭcocola'. ²⁰ Axpela' tinesyi:

—Itsufaipa conta'a. Imintse'epa lipicuejma'. ¿Te coŭquimf'ecopa?

²¹ Locuenaye tinesyi:

—Cal xans hitsufaiya conta'a a'i toŭe mipalaiya. Lixcay conta'a aimixaŭ'meya cal fo'.

²² Iŭne ŭitiné liŭya' Jerusalén ti'eyi al juic cuftine “Lipaxneconapa al cueca' xoute”. Joupa uyaipa ŭinu'. I'ipa axita quitine. ²³ Jesús ti'hualejma pe lopa'a al cuecaj xoute'. Ti'hua ŭinujnca cuftine “Lipinujnca cal rey Salomón”. ²⁴ Lan xanuc' ituf'micoŭai'me Jesús, timiyi:

—Ima' aŭmitsonga' naitsi ima'. ¿Te ticoŭ'ma xonca axpe' quitine aimaxminga' naitsi ima'? Ja'ni unCristo, lu'itsonga' nulemma.

²⁵ Jesús italai'e'mola', timila':

—Joupa nu'ipolhuo'. Imanc' aicalapenufi iya' laifmipolhuo'. Cai'Ailli' lapi'ipa laimane, toŭe ca'ay al cueca'. Iŭe al cueca' laif'epa tuya'e' naitsi iya'. ²⁶ Imanc' a'i caimot'ŭ, toŭta'a aimalapenufi iŭe laifnuya'apa. ²⁷ Laimot'ŭ aŭquimf'e, timetsaicoyi laitaiqui'. Iya' quimetsaicola' laimot'ŭ. Iŭniya lihuequi. ²⁸ Iya' capi'ila' liŭpitine aimijouya. Aimecaniya-cola'. Iya' ca'e'mola' cuenna laimot'ŭ. Ailopa'a nalaxic'e'eyoya iya' laimane.

²⁹ 'Cai'Ailli' joupa lapi'ipa iŭne laimot'ŭ. Itque xonca cal Cueca', ailopa'a co'onŭcoya iŭque. Ailopa'a naipa'ayacola' cai'Ailli' limane, aimi'iya. ³⁰ Iya' cai'Ailli' aŭ'onŭcosponga'. Itque iya' ma' anuli.

³¹ Lan xanuc' judŭo epef'cona'me lopic'. Tipaco'me Jesús. Tima'a'me. ³² Itque timila':

—Imanc' joupa oŭsimpá axpe' ai'epa al c'a, iŭiya laŭmuc'ipa cai'Ailli'. Itsiya toŭspic'eyi aŭma'a'ma. Lu'ila': ¿Jale lai'epa aicoŭpic'a?

³³ Lan xanuc' judŭo italai'e'me, timiyi:

—Aimaŭma'acoyaco' capic lof'epa al c'a. Ima' metets'ipa LanDios, iŭe caŭ'e'ecoyaco'. Ima' unxans, to'onŭcicoyoxi LanDios.

³⁴ Jesús timila':

—Loŭje'e pe linŭiya locuxepa LanDios ticua: “Iya' NanDios cacua: Imanc' unc'andiosla'.”

³⁵ Iŭniya lan xanuc' nepenufpá litaiqui' LanDios, iŭque ecui'ipola' “... unc'andiosla'”. Iŭe lataiqui' ma' al linca. Aimi'iya moŭpai'iyacu. Joupa inŭijmpa. ³⁶ Iya' ma' aŭ'huif'epa LanDios, alummepa fa'a li'a ŭamats'. Iya' laifnescopoxi ja'ni cacua: “Iya' i'Hua LanDios”, ¿te caŭmicopa: “Tatets'i LanDios”? ³⁷ Linca, ja'ni aica'ay to lo'epa LanDios cai'Ailli', aimalapenuf'ma. ³⁸ Ja'ni oŭsina' ca'ay ma to lo'epa LanDios, tama aimalapenufi, tonlimet-saicoŭe laif'epa, iŭe ti'onŭspa to lo'epa cai'Ailli'. Toŭta'a ti'i'ma coŭsina' te ts'i'ic' maŭmana' iya' cai'Ailli'. Aŭmana' anuli. Pe laifpa'a iya' maŭpe tipa'a cai'Ailli'; pe lopa'a cai'Ailli', maŭpe caifpa'a iya'.

³⁹ Iñiya noquimf'epá tołta'a linespa Jesús ticuayi: “Ał'nołle”. Ailopa'a qui'e'e'me. Iłque unłupa. ⁴⁰ I'huacona'ma locuenaj liju' al panaj Jordán. Ipanenni ma jilpiya petsi Juan lepo'iyaleyopa. ⁴¹ Axpela' lan xanuc' icuaitsa pe lopa'a Jesús. Tinesyi:

—Li'epa Juan a'ij cueca'. Ma le'a inescopa cal xans Jesús. Itsiya joupa i'ipa całsina' ma al linca jahuay ile linespa Juan.

⁴² Miłmana' jilpiya axpela' i'huaiyijm'me Jesús.

11

¹ Liłya' Betania tipa'a anuli łafcuana cuftine Lázaro. Iłque timana' lipimaye cacal'no', liłpuftine María y Marta. Iñiya ilpiłya' Betania.

² Lipima łafcuana, iłque María, tixcuaf'i'ma laceite lojuepaj c'a li'mitsi' Jesús, tetufco'ma lijuac.

³ Iñiya loquexi' lipimaye Lázaro umme'me cataiqui', tu'inna Jesús:

—Mał'ailli', łonłejmalepa, iłque Lázaro, textafque.

⁴ Licuej'ma Jesús lataiqui' ticua:

—Ile licuana aimima'aya nulemma Lázaro. Lo'iya iłque timuc'i'mola' lan xanuc' te ts'i'ic' laimane, iya' i'Hua ŁanDios. Tixinłe acueca' ŁanDios.

⁵ Jesús ti'ela' capic'a juaiconapa lapimaye Marta, María jouc'a Lázaro. ⁶ Licuej'ma textafque Lázaro icoł'ma, aici'huac'. Jilpe pe lopa'a ipanemma oquej quitine. ⁷ Lijou'ma timila' ts'ilihuequi:

—Łepá, alecona'me al distrito Judea.

⁸ Ts'ilihuequi timiyi:

—Momxi, lan judío nomana' jilpiya ma quite' coła' tipato' capic', tima'ato'. Itsiya, tocuca: “Ca'huacona'ma pu'hua”.

⁹ Jesús timila':

—Anuli litine tipa'a imbamaj coque' hora. Ja'ni to'huala' litine aimuc'uiyaco'. Cal 'ora tepalc'o'i'mo'. ¹⁰ Ja'ni to'huala' lipuqui', tuc'ui'mo'. Ailopa'a napalc'o'iyaco'. To'hua al muf.

¹¹ Lijou'ma timila':

—Łałejmalepa Lázaro tixmay. Ai'huapa jilpe, cummef'nata. ¹² Ts'ilihuequi timiyi:

—Mał'ailli', ja'ni tixmay, tixałconna.

¹³ Jesús linespa: “Lázaro tixmay”, tuya'e: “Joupa imapa”. Ts'ilihuequi aiciłcueca. Ticuayi: “Lázaro ma le'a tixmay”.

¹⁴ Jesús ipalaic'o'mola' al cuajmaica cataiqui', timila':

—Lázaro joupa imapa. ¹⁵ Itsiya aicacua: “Coła' pu'hua caifpa'a”. Aicaxhuełcocojma. Aixina' ile li'ipa titoc'i'molhuo' imanc'. Xonca ał'huaiyijm'ma iya'. Itsiya łepá. Ałcuaita pe lopa'a iłque.

¹⁶ Tomás łacui'ipa cal Cuatsi, timila' liłejmale:

—ıŁepá! Ja'ni tima'antsa Jesús, illanc' jouc'a ałma'atsonga'. Ałma'monga' anuli.

¹⁷ Licuaitsi Jesús jilpe liłya' joupa ixhuaita amalpuj quitine queminni Lázaro. ¹⁸ Liłya' Betania ahuejnca Jerusalén. Laquipiculi' to afane' kilómetro. ¹⁹ Axpela' lan xanuc' judío quiyouyumma Jerusalén, icuaitsa lilejut'ł Marta y María, tiłonc'e'entsola' liłpixhuejma', joupa imapa liłpima Lázaro. ²⁰ Marta icuej'ma icuaico'ma Jesús. Ipanni titalecuftsi. María ipanenni lajut'ł. ²¹ Marta timi Jesús:

—Mai'ailli', coła' topa'a fa'a, aimimaya łaipima. Joupa imanapa. ²² Tama imanapa łaipima, iya' ti'hua ca'huaiyijnhuo'. Aixina' ja'ni toxa'hue'ma ŁanDios iłque tepi'i'mo' lofxahue'eya.

²³ Jesús timi:

—Timaf'ina'ma łopima.

²⁴ Marta timi:

—Ne'. Ticuaitsi Lijoujma Quitine timaf'ina'ma. Toŋta'a aixina'.

²⁵ Jesús timi:

—Ma' iya' camaf'i'ina'mola' limanapola'. Capi'ina'mola' liŋpitine. Naitsi ŋaŋ'huaiyijmpa tama timanŋa' timaf'ina'ma. ²⁶ Iŋne naŋ'huaiyijmpa ja'ni ts'iŋmaf'i' aimimayacola' nulemma. Ima', ¿te cofcuapa? ¿Ja'ni canesqui al finca?

²⁷ Marta timi:

—Mai'ailli', iya' cacua tonesqui al finca. Aixina' ŋanDios tumme'ma ŋi'Hua, iŋque jifa'a ticuaihuo li'a ŋamats'. Iya' cacua: Ima' i'Hua ŋanDios, joupa ocuai'ma. Ima' unCristo.

²⁸ Lijoupa toŋta'a linespa Marta, i'hua'ma ijoc'itsi ŋipima María. Ipalai'omŋtsi caquiŋtuca'. Marta lipalac'opa ŋipima, timi:

—Icuai'ma ŋomxi. Tijoc'ihuo'.

²⁹ Licuej'ma iŋe lataiqui', María aikuicoŋi, itsahuenni i'hua'ma titalecuŋtsi Jesús. ³⁰ Jesús ai'a titsufai'ma liŋya' ipanemma maŋpiya pe litalecuŋhuo'ma Marta.

³¹ Jiŋpe lejut'i María timana' lan judío, icuaita tiŋonc'e'e'me lipixhuejma'. Iŋne ixim'me María itsahuenni. Ixim'me aikuicoŋi, ipanni. Ticuayi:

—I'huapa al pu'hua. Jiŋpiya tijoŋta.

Ihuej'me.

³² María icuaitsi pe lopa'a Jesús. Exc'onŋingai'ma li'mitsi', timi:

—Mai'ailli', coŋa' topa'a fa'a, aimi'iya toŋta'a. ŋaipima aimimaya.

³³ Jesús ixim'mola' tijolijyi María jouc'a lan xanuc' judío lilihuequi María, ihuotsonni juaiconapa. Ixnaliŋf'ma acueca'. ³⁴ Icuis'e'mola', timila':

—¿Petsi colamu'ehuo'me?

Italai'e'me, timiyi:

—Mai'ailli', ŋepá. Aŋsinna.

³⁵ Licuaitsa pe lamuya, Jesús ijoj'ma.

³⁶ Lan xanuc' judío tinesyi:

—¡Toŋsinŋe! Juaiconapa i'epa capic'a Lázaro.

³⁷ Locuenaye ticuayi:

—Iŋque ixaŋ'me'e'ma li'u' cal fo'. ¿Te aikuixaŋ'me Lázaro? ¿Te quipo'nocopa quimacopa?

³⁸ Jesús icuaitsi petsi lamuya Lázaro. Ihuotsoconamma juaiconapa. Ixnaliŋf'ona'ma. Lamuya Lázaro unts'eja'. Lico cunts'eja' eti'icoya acueca' capic.

³⁹ Jesús icuxe'e'mola' lan xanuc', timila':

—Tonliŋonc'ete iŋque ŋapic.

Marta ipima ŋimapa timi Jesús:

—Mai'ailli', itsiya tujuelojma. Ixhuaita amalpuj quitine quimac'.

⁴⁰ Jesús timi:

—Joupa aimipo': “Ja'ni ima' aŋ'huaiyinge, toxim'ma acueca' ŋanDios, acueca' lo'eya”.

⁴¹ Iŋonc'em'me ŋapic.

Jesús ehuelojm'ma al toncay lema'a, timi qui'Ailli':

—Mai'Ailli', cax'najtsi'ihuo' joupa aŋquimf'epa. ⁴² Tama aixina' itine itine aŋquimf'e, aimipo': “Cax'najtsi'ihuo' joupa aŋquimf'epa”. Aipic'a aŋcuelja' iŋe laimipo' lan xanuc' nacaxhuoŋanna fa'a. Joupa ainu'ipola': “Cai'Ailli' lummeŋa fa'a li'a ŋamats'”. Itsiya aipic'a ti'ete ŋinca iŋe lainuya'apa.

⁴³ Lijoupa toŋta'a licuapa Jesús ija'a'ma, timi:

—¡Lázaro! ¡Taipanni!

⁴⁴ ŋimapa ipanni ŋunts'eja'. Limane' li'mitsi' ifiyicoya ijahua', li'a iju'ecopa apa'yu. Jesús timila' lan xanuc':

—Toluhuaiŋe lijahua'. Ti'huanta'.

⁴⁵ Lan xanuc' judío iŋne nahuejmpá María, axpela' iŋniya lixim'me li'epa Jesús, tixpic'eyi tihuejle. ⁴⁶ Locuenaye iye'me pe lomana' lam fariseo, u'intsola' li'epa Jesús. ⁴⁷ Lixanuc'

cal cuecaj ca'ailli' jouc'a lam fariseo ijoc'im'mola' lan tsilaj xanuc' iñe noxpijpa' lataiqui'. Efof'le'moltsi, timiyoltsi:

—¿Te ca'eyacu? Iñque Jesús ti'ay al cueca'. ⁴⁸ Ticuicomma aña'neñe, ja'ni a'i jahuay lan xanuc' tihuej'me. Tijouña' tixtulecu lan romano, tete' me lañcuecaj xoute', añjou'ne'monga' illanc' ninc'ijudío.

⁴⁹ Mañpe lefot'leyopoltsi tipa'a anuli cal xans cuftine Caifás. Jiñiya litiné iñque Caifás copa'a cal cuecaj ca'ailli'. Iñque timila' lif'as xanuc':

—Imanc' ailopa'a coñsina'. ⁵⁰ Aimolpic'eyi. Xonca al c'a luyalaico'me ja'ni timaña' le'a anuli cal xans, toña'a tunñu'e'mola' jahuay lañxanuc'. Aimañjouyaconga' illanc' ninc'ixanuc' judío.

⁵¹ Caifás a'i quituca' lipicuejma' toña'a tipalay. Iñiya litiné iñque copa'a cal cuecaj ca'ailli', ma tuya'e' lixpicepa ÑanDios. Mañque ÑanDios jouna ixpic'epa tima'anñe Jesús, toña'a tunñu'e'mola' lixanuc' ÑanDios, jiñiya nomana' jiñiya ñamats'. ⁵² A'i ma le'a lixanuc' ÑanDios nomana' jiñiya ñamats', tunñu'e'mola' jouc'a jahuay lixanuc', ni petsi lomana', tefot'ña'mola' anuli. ⁵³ Ma jiñiya litine iñiya lan judío ixpic'e'me tima'anñe Jesús.

⁵⁴ Lijou'ma Jesús aimuyaicoconghua pe lomana' lan xanuc' judío. Ipanni jiñiya al distrito Judea. Icuaitsi anuli liña' cuftine Efraín. Iñe liña' tipa'a huejnca anuli ñamats' petsi ailopa'a quña'. Jiñpe imanencia anuli, Jesús y ts'ilihuequi.

⁵⁵ Jouna icuaico'ma al juic cuftine al Pascua. Axpela' lan xanuc' ipalunca iñpitolña', if'ajli'me al toncay, ticuaita al cuecaj quña' Jerusalén. Ticuaita ai'a ti'i'ma al juic. Tenant'hi'me lataiqui' loya'apa locuxepa ÑanDios. Toña'a ña'ailli' timi'mola': “Ima' unlimpio. Ti'i'ma tote'ma ñotejacu jiñpe al juic.” ⁵⁶ Iñe lan xanuc' ehue'me Jesús, ecaxhuoñai'me pe lopa'a al cuecaj xoute', timiyoltsi:

—¿Te coñcuapa? ¿Te ticuaihuc Jesús fa'a al juic, o aimicuaiya?

⁵⁷ Lixanuc' cal cuecaj ca'ailli' jouc'a lam fariseo jouna icuxepá, timinnila' lan xanuc':

—Anuli imanc' ja'ni ti'ña' quixina' pe lopa'a Jesús, lu'itsonga'.

Iñe tehueyi te co'ya mi'noñacu Jesús.

12

¹ Tehue'e' acamts'us quitine ti'ña' al juic cuftine al Pascua. Jesús ipainanni liña' Efraín, icuainatsi liña' Betania, pe lopa'a Lázaro, iñque ñimapa jouna imaf'i'ina' Jesús. ² Jiñiya ilanc'e'e'me ñitejua' tixmoco'ma Jesús. Lázaro, Jesús jouc'a lan xanuc' lijoc'impola' icutshuolai'me anuli. Marta ites'mi'mola'. ³ María itaic' onñca litro laceite cuftine nardo. Iñe laceite tujuej c'a. Ic'ef'i'ma laceite li'mitsi' Jesús, etufco'ma ñiñuc. Imantsi lañut'ñ loñuepaj c'a.

⁴ Anuli ñihuequi Jesús cuftine Judas Iscariote, iñque locuya Jesús, ixtunni, ticua:

⁵ —Iñe laceite acueca' lipitali, to mulij'ma anuli cal xans no'eya canic' afanej maxnu quitine. ¿Te aiñicuquinni tepi'inatsola' al tomí lan xanuc' pe ailopa'a quñtomí?

⁶ Judas aimixinnila' acuanuc'la iñe lan xanuc' pe aiñiñ'hueca quñtomí. Iñque innamin-naipa. I'hueca al ponta pe lo'ñij'mimpa al tomí. Tinantse.

⁷ Jesús timila':

—Toñe. Aimohuos'mi'ma. Ñaca'no' jouna ixpic'epa lo'e'eya laceite. Ticua: “Ca'huej'ma. Ai'a temim'me Jesús caxcuaf'ña' laceite.”

(Lan judío ti'huaf'iyi toña'a liñcuerpo lomapola'.)

⁸ Jesús ti'hua timila':

—Petsi loñmana' aimicuaiya litine pe aimehue'eyacola' quñtomí lan xanuc'. Itine itine nipajnya toñtoc'i'mola'. Ticuaihuc litine iya' aicapajñconaya.

⁹ Axpela' lan xanuc' judío icuej'me tipa'a Jesús leñut'ñ María. Icuaiyunca jiñiya. Iñic'a tixinñe Jesús. Xonca iñpic'a tixinñe Lázaro, iñque cal xans ñimaf'i'ina' Jesús, it-sahue'enamma, ipa'apa pe lomana' limanapola'.

¹⁰ Lixanuc' cal cuecaj ca'ailli' aimixoqui quileta, ixtulencia. Ticuayi: “Ałma'ale Lázaro jouc'a”. ¹¹ İhsina' lo'epa liłf'as xanuc' judío. İhniya liximpá Lázaro imaf'inapa ihuej'me Jesús.

¹² Liłya' Jerusalén timana' axpela' lan xanuc' icuaita al juic. Lihuequi litine İhniya icuej'me: “İcuaico'ma Jesús”. ¹³ Etej'me limane' xanghue, ipalunca italecuftsa Jesús. Miyeyi lane İhniya ija'a'me:

—İHosana! İTuntu'eatso' LanDios! İTipaxnetso' LanDios ilque Lummepo'! İİma' joupa ocuai'ma! İİma' małRey, illanc' ixanuc' Israël!

¹⁴ Jesús joupa iximpa łaca'huaj burro, enafcai'ma. Tołta'a li'ipa ma to loya'apa al Paxi Linilingiya, ticua:

¹⁵ Cunc'ixanuc' lołpiłya' Sión: Aimixpailij'molhuo', aimołsuełmot'le'me. İTołsinle! İcuaico'ma tołRey İenafcaic' li'hua cal burro.

¹⁶ İhe litine ts'ilihuequi Jesús aiquiłcueca li'ipa. Lijoupa lepenufinapa Jesús pu'hua lema'a, i'nujuaisnatsa linesma İhe liniliya. I'ipa quıtsina' İhe lataiqui' tinesqui lo'iya Jesús.

¹⁷ Lan xanuc' nixinghuo'me Lázaro litine İpananni lipu'hua, İhniya uya'ahuo'me Jerusalén. ¹⁸ Lan xanuc' nicuejpá İhe al cueca' li'epa Jesús ipalunca liłpiłya' Jerusalén, italecufhuo'me Jesús. ¹⁹ Lam fariseo ipalaic'o'mołtsi, timiyołtsi:

—İTołsinle! ¿Te cał'eyacu? Jahuay lan xanuc' tihuejnayi Jesús.

²⁰ Timana' hualca lan xanuc' griego jıłpiya liłya' Jerusalén. İhniya jouc'a icula'apá tixinna quıljuic, texc'onlıngolaita LanDios. ²¹ İhniya icuaita pe lopa'a Felipe. Felipe lipiłya' Betsaida lopa'a al distrito Galilea. Timiyi:

—Małpima, ałpic'a ałsinle Jesús.

²² Felipe i'hua'ma u'itsi Andrés. İhe loquexi' iye'me u'itsa Jesús. ²³ Jesús timila':

—İya' ilque cal Xans İiximpa cal profeta pu'hua lema'a. Joupa icuai'ma lai'hora. Ałsim'ma naiısi iya'.

²⁴ İya' camilhuo' al linca: Anulij łaj fanu' trigo ja'ni aimifanni, ja'ni aimemunni łamats', ilque tipanehuo quituca'. Aimi'asya. Ja'ni tıfanle, ja'ni temunle łamats' ilque ti'as'ma, ticuef'ma axpe'. ²⁵ Cal xans noximpxi cuanuc' lipitine, ilque tejac'ma lipitine. Petsi aimixinyoxi cuanuc' lipitine, petsi aimixhueł'mecoyoxi te coyaicoya fa'a li'a łamats', ilque linca tulijna'ma lipitine aimijouya. ²⁶ Nai ts'ipic'a ti'eła' laipenic', lihuejla'. Pe laifpa'a iya' jıłpiya jouc'a tipajnta ilque łatoc'ipa, ałmajnta anuli. Naiısi no'epa laipenic', cai'Ailli' timetsaiconama.

²⁷ İtsiya caxhuełma juaiconapa. ¿Te caifmiya cai'Ailli'? ¿Te cami'ma: “Mai'Ailli', joupa icuai'ma lai'hora, lunlu'eła'. Tołta'a aicatelcoya”? Ai. Aimi'iya camiya tołta'a. İya' aicuaicoco'ma fa'a li'a łamats' catelco'ma.

²⁸ Jesús ti'hua tipalay, tipalaic'o' qui'Ailli', timi:

—Mai'Ailli', caxahue'ehuo' tomuc'itsola' lan xanuc' ima' linca unCuecaj CanDios.

Lan xanuc' icuej'me tipalaiyinni jipu'hua lema'a, timi Jesús:

—İya' joupa aimuc'ipola' lan xanuc' iya' ninCuecaj CanDios. Ma tołta'a camuc'icona'mola'.

²⁹ Lan xanuc' nacaxhuołanna jıłpiya iquimf'e'me. İhe ticuayi:

—Una'apa.

Locuenaye ticuayi:

—A'i cuna'e'. Anuli łapaluc quema'a ipalaic'opa Jesús.

³⁰ Jesús timila':

—Joupa aixina' İhe lataiqui' lałmipa. İłque nipalaipa ipic'a imanc' jouc'a tołquimf'ełe, tolapenufle. ³¹ İtsiya LanDios tipango'ma timuc'i'molhuo' te ts'i'ic' lołpicuejma' imanc' nołmana' fa'a li'a łamats'. Timuc'i'molhuo' petsi al c'a, petsi a'ijc'a. İtsiya tuliquinam'me nocuxepola' lan xanuc', İhniya pe aimihuejyi LanDios. LanDios teca'nita. ³² Ał'nof'e'ma jifa'a li'a łamats'. Tijoula' lapi'i'ma laimane, cajoc'i'mola' lan xanuc' ni petsi lomana', ałcuec'e'ma.

³³ Locuapa Jesús: “Ał'nof'e'ma”, İhe linespa timuc'ila' lan xanuc' te ts'i'ic' mimaya.

³⁴ Lan xanuc' timiyi:

—Laŕje'e linitiya locuxepa LanDios tuya'e': “Cal Cristo tipajm'ma, aimimaya”. Ja'ni cal Cristo aimimaya, ¿naiti itque cal Xans Liximpa cal profeta pu'hua lema'a? Ima' tocu: Ti'nof'em'me.

³⁵ Jesús timila':

—Fa'a tipa'a lapalc'o'ipolhuo'. Itque aimicoŕya fa'a li'a lamats'. Ma mipa'a lepalc'o' tonlihuejle itque. Ticuaiti lipuqui' timufaj'molhuo'. Naiti no'huapa al muf aimixina pe cotseya. ³⁶ Mipa'a itque Lepalc'o' tolapenufle Lepalc'o'. Toŕta'a ti'onŕcotolhuo' to Lepalc'o'. Jouc'a tonlapalc'o'i'mola' loŕ'as xanuc'.

Lijoupa limipola' toŕta'a Jesús aiquipalaic'oconala' itniya. I'hua'ma peti lan xanuc' aimixingonayacu.

³⁷ Tama axpe' ixim'me Jesús lo'epa al cueca', itniya lan xanuc' aimepenufyi. Ticuayi: “A'ij linca lonespa”. ³⁸ Toŕta'a enanŕcopa ite lataiqui' linespa cal profeta Isaías, tuya'e': Mai'Ailli', ailopa'a nalapenufponga' illanc' laŕtaiqui'.

Ailopa'a nonesya: Iya' linca aiximpa al cueca' lo'epa LanDios.

³⁹⁻⁴⁰ Isaías inescopola' itne lan xanuc' pe aimepenufyi Jesús. Ticua itniya aimi'iya mi'huaiyinyacu, tuya'e':

I'e'empola' afohue, i'e'empola' ata liŕpicuejma'.

Toŕta'a tama tipa'a li'u' aimixinyacu,

tama tipa'a liŕpicuejma' aimicuec'eyacu, aimipailiyacu, aimixhuej'meyacu.

Toŕta'a aimi'iya caxaŕ'meyacola'.

⁴¹ Toŕta'a linespa Isaías mixina Jesús iŕpe lema'a, ai'a ticuaihuo li'a lamats'. Iximpa te ts'i'ic' itque lixans. Lijou'ma ipalaico'ma.

⁴² Tama al linca ite licuapa Isaías timana' lan xanuc' i'huaiyijm'me Jesús, hualca itniya itpenic'. Itne i'e'moŕtsi ch'ix. Tixpaic'eyi lo'eyacu lam fariseo. Itniya ticuayi: “Ja'ni lan xanuc' tepenufle Jesús litaiqui' aimalapi'iconayacola' lane mitsuflaiconayacu lajut'ŕ pe lalafot'ŕeyopoŕtsi”. ⁴³ Lan xanuc' no'epoŕtsi ch'ix xonca itpic'a tepenufintsola', itpic'a tixinintsola' lan c'a xanuc'. Aimehueyi LanDios latenŕcocopa. Toŕta'a aimuya'ayi ja'ni ti'huaiyinyi Jesús.

⁴⁴ Jesús uya'a'ma, timila':

—Cal xans lapenufpa iya', lapenufinga' illanc', iya' jouc'a itque Lalummepa, a'i iya' caituca'. ⁴⁵ Itque lahaluelojmpa iya', itque lahuelonginga' illanc', iya' jouc'a Lalummepa.

⁴⁶ Iya' aicuaicoco'ma li'a lamats' capalc'o'i'mola' lan xanuc'. Cua naiti lapenufpa itque aimipaneya muf lipicuejma'. ⁴⁷ Cal xans ja'ni aimalihuejma, ja'ni ma le'a aŕquim'e iya' laitaiqui', iya' aicacani'e itque cal xans. Iya' a'i cacani'eyacola' lan xanuc' nomana' fa'a li'a lamats'. A'i ŕiya caicuaicoco'ma. Aicuaicoco'ma cunŕu'e'mola'.

⁴⁸ Cal xans ja'ni aimalapenufi iya' laitaiqui', latets'ipa, tipa'a lacani'eya. Ticuaiti Lijoujma Quitine ite laitaiqui' lainespa, ma ite laitaiqui' tecani'e'ma itque. ⁴⁹ Ite laitaiqui' aiquipayoya laipicuejma' iya' caituca'. Cai'Ailli', itque Lalummepa, maŕquiya aŕsc'ai'ipa laifpalaicoya. ⁵⁰ Iya' joupa nimetsaicopa ac'a ite laitaiqui' laŕsc'ai'ipa cai'Ailli'. Ite laitaiqui' lapi'ipa cu'itsola' lan xanuc'. Aixina' ja'ni lapenufla' iya' laitaiqui', itne lan xanuc' tulij'me liŕpitine aimijouya. Ma laŕmipa cai'Ailli', toŕta'a capalaic'ocola' lan xanuc'.

13

¹ Icuai'ico'ma al juic cuftine al Pascua. Jesús joupa ixina' icuai'ma li'hora. Tipanno fa'a li'a lamats', ti'huana'ma, ticuainata pe lopa'a qui'Ailli'. Jesús ti'ela' capic'a ts'ilihuequi itniya nomana' li'a lamats'. Itsiya timuc'i'mola' juaiconapa lo'epola' capic'a.

² Judas li'hua Simón Iscariote, Satanás joupa icuxe'epa te ts'i'ic' lo'eya. Ticu'ma Jesús.

Jesús y ts'ilihuequi tixmocoyi anuli. ³ Ixina' qui'Ailli' epi'ipa limane ticuxe'ma jahuay. Ixina' qui'huayomma pe lopa'a LanDios. Ixina' ti'huana'ma, ticuainata maŕpe pe lopa'a LanDios.

⁴ Mixmocoyi ts'ilihuequi, Jesús itsahuenni, ipa'a'ma litsamalo, ipo'no'ma jilpe liju', ixpejm'moxi al toalla. ⁵ Uhuaf'ma al cutse caja'. Ipango'ma epac'e'e'mola' liŕ'mitsi' ts'ilihuequi, tetufc'e'ecola' al toalla. ⁶ Ti'hua tepac'e'ela' liŕ'mitsi' ts'ilihuequi, icuaitsi pe locutsuya Simón Pedro. Pedro timi Jesús:

—Mai'ailli', ima' a'i malapac'e'e'ma lai'mitsi'.

⁷ Jesús timi:

—Itsiya ima' aicocueca laif'epa. Ticuaihuo litine tocuec'ena'ma.

⁸ Pedro timi:

—¡Ima' aimi'iyá malapac'e'eya lai'mitsi'! Aicapi'iyaco' lane.

Jesús italai'e'ma, timi:

—Ja'ni aicapac'e'ehuo' lo'mitsi', aimi'iyá maŕmajnyacu anuli.

⁹ Simón Pedro timi:

—Ne'. Mai'ailli', lapac'e'eŕa' lai'mitsi', lulahuiŕa' laimane', aŕjuitsai'ŕa' ŕaijuac.

¹⁰ Jesús timi:

—Ma le'a capac'e'e'mo' lo'mitsi'. Cal xans joupá lepópá, iŕque alimpio. Ma le'a li'mitsi' tixisma. Imanc' lalihuequi unc'ilimpio. Tama toŕta'a laifmipolhuo', a'ij limpio jahuay imanc'.

¹¹ Jesús joupá ixina' naitsi locuya. Toŕta'a ticua: “A'ij limpio jahuay imanc'”.

¹² Lijoupa lepac'e'epola' liŕ'mitsi' ts'ilihuequi, ipo'nocona'ma litsamalo, icutsaicona'ma. Timila' ts'ilihuequi:

—¿Te oŕcuc'epá iŕe lai'e'epolhuo'? ¹³ Imanc' aŕmi “Momxi”, “Mapoujna”; ma' al linca iŕta'a loŕnespa. Iya' Nomxi, iya' naPoujna. ¹⁴ Iya' Nomxi, naPoujna, joupá nepac'e'epolhuo' loŕ'mitsi', imanc' ts'alihuequi. Itsiya camilhuo': Imanc' tolapac'e'e'moŕtsi loŕ'mitsi'.

¹⁵ 'Iya' aimuc'ipolhuo' lonŕ'eyacu. To iya' lai'epa, imanc' jouc'a tonŕ'e'me. ¹⁶ Iya' camilhuo' al linca: Lotoc'iyalepa aimi'iyá mulijya hipoujna. Iŕque linca xonca acueca'. Ma' anuli lommempa aimi'iyá mulijya lommeyalepa, iŕque xonca acueca', locuena ma le'a apaluc.

¹⁷ Ja'ni imanc' joupá oŕcueca iŕiya, ma tolihuejle. Toŕta'a tuluyalaico'me al c'a.

¹⁸ 'A'i capalaicolhuo' toŕta'a jahuay imanc'. Nimetsaicolhuo', aixina' naiŕne lai'huij'epola'. Jouc'a aixina' tenanŕco'ma al Paxi Linŕingiya. Iŕe lataiqui' tuya'e: “Petsi ŕatetsumlepa, maŕque ŕaŕtepa ŕala'i anuli, iŕque aŕ'epa laic”.

¹⁹ 'Itsiya cu'ilhuo' laifnuyaicoya. Ticuaitsi litine ti'ŕta' toŕta'a toŕ'nujuais'me laifmipolhuo'. Toŕcua'me: “Al linca linespa Jesús. Ma to linescopoxi ma toŕta'a iŕque.” ²⁰ Iya' camilhuo' al linca: Cal xans napenufpa ŕaifnummepa, lapenufinga' iya' jouc'a iŕque. Cal xans ŕalapenufpa, lapenufinga' iya' jouc'a ŕalummepa.

²¹ Lijoupa licuapa iŕne lataiquí Jesús ixhueŕconanni juaiconapa. Timila' ts'ilihuequi:

—Iya' camilhuo' al linca: Anuli imanc' aŕcu'ma.

²² Ts'ilihuequi ixhueŕconca. Ehuelojm'moŕtsi, ticuayi liŕpicuejma': “¿Naitsi copalaicopa Jesús? ¿Naitsi lo'eya toŕta'a?”

²³ Maŕpe liju' Jesús ticutsu anuli ts'ihuequi. Jesús ti'ay capic'a juaiconapa iŕque ts'ihuequi. ²⁴ Simón Pedro tife'ne ŕijuac, i'e'ma seŕna iŕque ts'ihuequi Jesús. Icuixe'e'ma ticuis'eŕa' Jesús: “¿Naitsi iŕque locuyaco'?” ²⁵ Iŕque ts'ihuequi iŕoc'huai'ma xonca ahuejnca Jesús, icuis'e'ma, timi:

—Mai'ailli', ¿naitsi iŕque lo'e'eyaco' toŕta'a?

²⁶ Jesús italai'e'ma, timi:

—Cajac'e'ma iŕca'a ŕahualca ca'i, capi'i'ma anuli ŕaŕejmale titela'. Iŕque linca ŕalcuya.

Jesús iŕjac'e'ma le'i, epi'i'ma Judas Iscariote li'hua cal xans cuŕtine Simón. ²⁷ Ma miteja ŕa'i ŕonta'a titsufay iŕque cal xans. Jesús timi:

—Ima' oxina' lof'eya. Aimicol'mo'. Tole to'ela'.

²⁸ Locuenaye ts'ilihuequi Jesús nocutshuolanna jilpiya aiqulsina' te quimicopa Jesús tola'a Judas. ²⁹ Judas hitaic' al punta pe lo'nij'mimpa al tomí. Oquexi' afantsi ticuayi: “¿Ja'ni tipa'a lalahue'eponga' al juic? ¿Te Jesús ummepa ti'nata? O ¿ja'ni ummepa tepi'itola' quiltomí lan xanuc' pe aiqul'hueca?”

³⁰ Lijoupa litepa la'i Judas aiqicolí, ipanni. Joupa i'ipa quipuqui'.

³¹ Lijoupa lipanni Judas, Jesús ipalaic'o'mola' ts'ilihuequi, timila':

—Itsiya joupa i'ipa, aimehue'e'. Iya' ilque cal Xans Liximpa cal profeta pu'hua lema'a. LanDios timuqui naitsi iya'. Tohta'a iya' jouc'a camuqui te ts'i'ic' lipicuejma' LanDios.

³² Ma camuqui te ts'i'ic' lipicuejma' LanDios, ilque xonca timuj'ma naitsi iya'. Aimico'ya. Timuj'ma nulemma naitsi iya'.

³³ 'Cunc'ainaxque', aimatco'ya jifa'a pe lo'mana'. Ca'hua'na'ma. Lahue'ma imanc'. Joupa aimipola' lan xanuc' judío: “Iya' ca'hua'ma caituca'. Aimi'ya maleyacu anuli.” Ma tohta'a camilhuo' imanc'. ³⁴ Itsiya cacuxe'elhuo' lonf'eyacu. Ite al ts'e cataiqui'. Cacuxe'elhuo': Tonf'e'etsotsi capic'a. Ma to iya' ca'elhuo' capic'a, tole imanc' tonf'e'etsotsi capic'a. ³⁵ Ja'ni tonf'e'etsotsi capic'a, jahuay lan xanuc' timetsaico'molhuo' imanc' alihuequi.

³⁶ Simón Pedro timi:

—Mai'ailli', ¿pe coftseya?

Jesús italai'e'ma, timi:

—Iya' ca'hua'ma laipene. Itsiya aimi'ya maleyacu anuli. Tijoula' ima' to'hua'ma lopene ti'onf'cota to laipene. Tohta'a linca lihuej'ma.

³⁷ Pedro timi:

—Mai'ailli', ja'ni aimi'ya maleyacu anuli itsiya, ¿te co'iyaco'? Tama a'ama'ala' iya' cacu'ma laipitine cunfu'eco'mo'.

³⁸ Jesús timi:

—¿Te alinca tocu'ma lopitine lunfu'eco'ma? Iya camihuo' al linca: Ihta'a lipuqui' ai'a tija'a'ma langiti, ima' tones'ma afanemma: “Iya' aicainimetsaijma Jesús”.

14

¹ Jesús ti'hua tipalaic'ola' ts'ilihuequi, timila':

—Itsiya to'suetcoyi. Iya' camilhuo': Aimot'suetmot'le'me. Imanc' to'l'huaiyijnyi LanDios. Jouc'a iya' al'huaiyijna'. ² Cai'Ailli' acueca' lejut'i. Tipa'a axpela' lejut'li petsi lomanc'eyacu laixanuc'. Ma' al linca ite laifnespa. Ja'ni a'i co'la' aicu'iyacolhuo' tohta'a. Iya' ca'hua'na'ma calanc'e'etolhuo' colmanc'eyacu. Almajnta anuli. ³ Tijoula' calanc'etsi lo'hmanc'eyacu ca-paiconno. Calaitsufconatolhuo'. Almajnta anuli. ⁴ Imanc' joupa o'sina' pe laiftseya, joupa o'sina' lane.

⁵ Tomás timi:

—Mai'ailli', aica'sina' pe coftseya. ¿Te co'iya ma'sinyacu ite lane?

⁶ Jesús timi:

—Cal xans ts'ipic'a ticuaiti pe lopa'a cai'Ailli' LanDios ticuicomma tixinla' lipene lo'huaya. Jouc'a ticuicomma tixinla' al linca cataiqui'. Jouc'a ticuicomma tepi'infe lipitine aimijouya. Imanc' ja'ni joupa lapenufpa, joupa o'simpá lane, tolihuejyi al linca, tipa'a lo'pitine aimijouya. Cal xans pe aimalapenufi itque aimicuaiya pe lopa'a cai'Ailli'.

⁷ 'Imanc', ja'ni joupa alimetsaicopa, limetsaiconga' illanc', iya' y cai'Ailli'. Itsiya itque cai'Ailli' tolimetsaicoyi, joupa o'simpá.

⁸ Felipe timi:

—Mai'ailli', amuc'itsonga' LanDios, itque co'Ailli'. Tijoula' aimat'sahue'eyaco' xonca.

⁹ Jesús timi:

—Axpe' mut'la i'ipa ma'mana' anuli. ¿Te aicalimetsaijma? Naitsi lalahuelojmpa iya', itque joupa lahuelojmponga' illanc', iya' y cai'Ailli'. ¿Te calmicopa: “Amuc'itsonga' co'Ailli'”?

¹⁰ ¿Te ima' aicomepenufi ite lainespa? Jounpa nuya'apa: Pe lopa'a cai'Ailli' maŕpe capa'a iya'. Pe laifpa'a iya' maŕpe tipa'a cai'Ailli'. Ma' aŕmana' anuli.

'Laifnu'ipolhuo' iya' aiqui'huayoya laipicuejma' iya' caituca'. Imanc' aŕsimpa lai'epa acueca'. Maŕpe toŕsinyi lo'epa cai'Ailli', illanc' aŕmana' anuli. ¹¹ Tonŕ'ete linca laifnespa: Pe lopa'a cai'Ailli' maŕpe capa'a iya'. Pe laifpa'a iya' maŕpe tipa'a cai'Ailli'. Ma' aŕmana' anuli. O ja'ni aimi'iya monŕ'eyacu linca ite laifnespa, toŕ'nujuaitsa lai'epa acueca'. Ite timuc'ilhuo' aŕlinca laifnespa.

¹² 'Iya' camilhuo' al linca. Cal xans laŕapenuŕpa ti'e'ma to laif'epa. Iya' ca'hua'ma pe lopa'a cai'Ailli'. Tijouŕa' ca'huanŕa' xonca acueca' ti'e'ma itque laŕapenuŕpa. ¹³ Imanc' ja'ni toŕsinyi naitsi iya', ja'ni limetsaijma, nipajnya toŕsa'hue'me LanDios cai'Ailli' titoc'itsolhuo'. Tijouŕa' ca'e'ma to loŕsahue'epa, catoc'i'molhuo'. Toŕta'a iya' i'Hua LanDios camuc'i'mola' lan xanuc' te ts'i'ic' lipicuejma' LanDios. ¹⁴ Camilhuo': Ja'ni i'ipa coŕsina' naitsi iya', ja'ni limetsaijma, toŕsa'hueŕe. Tijouŕa' iya' ca'e'ma maŕe to loŕsahue'epa.

¹⁵ 'Imanc', ja'ni aŕ'ay capic'a tolanant'li'me laitaiqui', tonŕ'e'me laifcuxe'epolhuo'. ¹⁶ Caxahue'e'ma cai'Ailli' tepi'itsolhuo' ocuena Lotoc'iyacolhuo'. Itque ticuaihuo pe loŕmana', toŕmajm'me anuli. Aimipo'noyacolhuo' coŕtuca'. ¹⁷ Itque cal Espiritu tuya'a'ma al linca. Lan xanuc' nomana' fa'a li'a laŕmats' aimehuelojnyi itque, aiquilimetsaijma. Toŕta'a aimi'iya mepenufyacu. Imanc' linca olimetsaijma. Itsiya tipa'a pe loŕmana'. Ticuaihuo litine titsufai'molhuo' itque.

¹⁸ 'Iya' aicapo'noyacolhuo' quecaniya. Capaiconno, cacuaiconno pe loŕmana'. ¹⁹ Aimaŕcoŕya fa'a. Lan xanuc' nomana' fa'a, itne naihuejpa' quilituca' lipicuejma', itniya aimasigonaya. Imanc' linca ti'hua aŕsinna. Iya' tipa'a laipitine aimijouya. Imanc' jouc'a toŕsim'me loŕpitine aimijouya.

²⁰ 'Ticuaiŕtsi ite litine ti'i'ma coŕsina' iya' y cai'Ailli' aŕmana' anuli. Ti'i'ma coŕsina' imanc' y iya' aŕmana' anuli, iya' y imanc' aŕmana' anuli. ²¹ Cal xans napenuŕpa laitaiqui' ite laifcuxepa, itque laŕihuequi, linca aŕ'ay capic'a. Itque cal xans laŕ'epa capic'a cai'Ailli' ti'e'ma capic'a. Iya' jouc'a ca'e'ma capic'a, camuc'i'ma naitsi iya'.

²² Judas, itque locuena Judas, a'i Judas Iscariote, timi Jesús:
—Mai'ailli', ¿te caŕmuc'icoyaconga' ma le'a illanc'? Aimomuc'iyacola' naitsi ima' locue-naye lan xanuc' nomana' li'a laŕmats'. ¿Te co'iya?

²³ Jesús italai'e'ma, timi:

—Naitsi laŕ'epa capic'a, itque naihuejcopa laitaiqui', cai'Ailli' ti'ena'ma capic'a jouc'a. Aŕcuainacu pe lopa'a. Aŕmajn-na'me anuli. ²⁴ Naitsi aimaŕ'ay capic'a, itque aimihuequi laitaiqui'. Ite aŕtaiqui' illanc', iya' y cai'Ailli', itque Lalummepa.

²⁵ 'Ma maŕmana' anuli fa'a li'a laŕmats' iya' cu'ilhuo' laitaiqui'. ²⁶ Tijouŕa' ticuaiyunní Notoc'iyacolhuo', itque cal Espiritu Santo, itque timuc'i'molhuo' jahuay. Ti'nujuaitsi'ina'molhuo' laifmipolhuo'. Iya' jounpa aixahue'epa cai'Ailli' tummeŕa'. Itque tumme'e'molhuo'.

²⁷ 'Tolunxac'e'etsotŕsi lolunxajma', ailopa'a tintsi. Toŕta'a laitaiqui' laifpaxnepolhuo', laifnepi'ipolhuo'. Linca jifa'a li'a laŕmats' lan xanuc' naihuejpa' quilituca' lipicuejma' itne jouc'a timi'molhuo': "Ailopa'a tintsi". Itne liŕtaiqui' aimi'onŕspa iya' laitaiqui' laifnu'ipolhuo' itsiya. ²⁸ Jounpa oŕcŕuejpa' laimipolhuo'. Jounpa nu'ipolhuo': "Ca'hua'na'ma. Tijouŕa' ca'huanŕa' capaiconno, cacuaicoconno." Ja'ni aŕ'ay capic'a ti'i'ma loŕpinoxjma cata. Ca'hua'na'ma pe lopa'a cai'Ailli'. Itque cai'Ailli' xonca acueca'. ²⁹ Itsiya nu'ipolhuo' lo'iya. Tijouŕa' ti'ila' toŕta'a toŕ'nujuaiŕta itiya laimipolhuo', toŕnes'me: "Linespa Jesús ma' al linca".

³⁰ 'Itsiya huata capalaic'o'molhuo'. Ticuaihuo itque nocuxepola' lan xanuc' nomana' fa'a li'a laŕmats', itne naihuejpa' quilituca' lipicuejma'. Itque aimaŕcuxe iya'. ³¹ Ma to laŕcuxe'epa cai'Ailli' ma toŕta'a ca'ay, ca'e'ma. Ti'ila' quilitŕsina' lan xanuc' iya' ca'ay capic'a cai'Ailli'.

'Toŕtsolinca. ¡ŕepá!

15

¹ 'Iya' al'onkospa to lujxi al 'ec 'uva. Ite al 'ec tipa'a limané. Iya' aínca capa'a ite lujxi al 'ec. Cai'Ailli' la'eponga' cuenna, iya' jouc'a laimané. ² Ite laimané, ja'ni anuli ailopa'a qui'as, cai'Ailli' tetejna'ma. Pe lo'aspa ti'huij'ma. To'ta'a ti'ila' limpio. Ti'asla' xonca. ³ Itsiya jouna olapenufpá laitaiqui', ite lainu'ipolhuo'. To'ta'a LanDios iximpolhuo' unc'ilimpio. ⁴ Aimolanaj'moltsi iya'. Iya' jouc'a aicanajyacoxi imanc'. Anuli limane al 'ec ja'ni tenajxoxi petsi lipujxi c'ec, ite limane tipanehuo quituca', aimi'asya. To'ta'a imanc' ja'ni tolanajtsoltsi, ti'onkocolhuo' to limane al 'ec pe lipanemma quituca', aimi'asyacolhuo'. Ticuicomma ma'majm'me anuli. Ja'ni a'i ailopa'a con'eyacu al c'a.

⁵ 'Iya' Nujxi C'ec. Imanc' aimané. Ja'ni aimolanajyoltsi iya' jouc'a aicanajyacoxi, ma'majm'me anuli. To'ta'a ti'onkocolhuo' to limané al 'ec no'aspa juaiconapa. ⁶ Ja'ni tolanajtsoltsi imanc' ti'onkocolhuo' to limané al 'ec leca'nimpa aculi'. Tiju' mola'. Tijoula' tiju'olsola' tefot'lena'me jouc'a lif'as quijupa, tihuoxc'ona'me lonajpa lunga, tipi'em'me. ⁷ Ja'ni aimolanajyacoltsi, ja'ni aimolimenc'ecoyi laitaiqui', nipajnya to'sa'hue'me, tepi'im'molhuo' ite lo'sahue'epa. ⁸ Ja'ni ti'onkospolhuo' to limané al 'ec no'aspa juaiconapa, anuli anuli ti'atsi, imanc' linca alihuequi. To'ta'a lan xanuc' tixim'me acueca' cai'Ailli'.

⁹ 'Ma to cai'Ailli' al'ay capic'a, to'ta'a iya' ca'elhuo' capic'a. Aimolanaj'moltsi. Ma'majm'me anuli, to'ta'a ti'hua ca'elhuo' capic'a. ¹⁰ Imanc' ja'ni tolihuejcoyi laifcuxe'epolhuo', itine itine to'sim'me ca'elhuo' capic'a. To'ta'a iya' lai'ejma'. Iya' quihuejma la'cuxe'epa cai'Ailli', itine itine aixina' al'ay capic'a itque.

¹¹ 'Tolapenufle laitaiqui' laifnu'ipolhuo'. To'ta'a ti'i'ma acueca' lo'pinoxjma cata. Ma to iya' tixoqui neta, to'ta'a imanc' tixoj'ma cunlata. Aimi'ia mol'sue'mot'leyacu. ¹² Itsiya cacuxe'elhuo' lon'eyacu. Camilhuo': Ton'etsoltsi capic'a. Ma to iya' ca'elhuo' capic'a, to'le imanc' ton'etsoltsi capic'a. ¹³ Cal xans, ja'ni acueca' ti'ela' capic'a nonanc'opoltsi ticu'ma lipitine tun'u'e'mola' itniya. Ailopa'a xonca acueca' co'eya. ¹⁴ Imanc' alnanc'oyoltsi ja'ni ton'eyi laifcuxe'epolhuo'.

¹⁵ 'Itsiya capalaic'olhuo' a'i lopalaic'onyacola' lam mozó. Cal mozo aikuixina' lo'eya lipoujna. Itque lipoujna aimu'ia. Illanc' a'ejmaleyi. Camilhuo': Iya' alnanc'oyoltsi. Ailopa'a cainemi'epolhuo'. Jahuay lalupa cai'Ailli' jouna nu'ipolhuo' imanc'. ¹⁶ Iya' ai'huij'epolhuo'. Imanc' a'i cal'huij'e iya'. Camilhuo': Nimetsaicopolhuo' aixanuc'. Caxpic'e ton'ete. To al c'a c'ec tipammaispa to'ta'a tipammaitolhuo' imanc'. Ite al c'a lon'eyacu tipanehuo. Imanc' aixanuc'. Limetsajjma naitsi iya'. To'ta'a cai'Ailli' tepi'i'molhuo' lo'sahue'eyacu. ¹⁷ Ton'etsoltsi capic'a. To'ta'a laifcuxe'epolhuo' imanc'.

¹⁸ 'Lan xanuc' naihuejpa' quituca' lipicuejma', ja'ni ti'elhuo' laic', al'nujuaisla' iya' la'epa. Ate'a al'epa laic' iya'. ¹⁹ Imanc' ja'ni co'la' tolihuejyi co'tuca' lo'picuejma' itniya lan xanuc' ti'e'molhuo' capic'a. Timi'molhuo': "Ninc'apimaye". Imanc' aimolihuejyi co'tuca' lo'picuejma'. Iya' ai'huij'epolhuo'. To'ta'a ocuena lo'ejma'. Tokiya itniya ti'e'molhuo' laic'.

²⁰ 'Al'nujuaisla' iya' laitaiqui'. Jouna aimipolhuo': "Notoc'iyalepa aimi'ia mulijya lipoujna. Itque lipoujna linca xonca acueca'." Ma to li'e'empa lipoujna, to'ta'a lo'e'enyacu cal mozo. Iya' jouna lihuetsuquimpa jouc'a tihuetsuquim'molhuo'. Itniya ja'ni co'la' ihuej'me laitaiqui', jouc'a tihuej'me lo'taiqui'. ²¹ Imanc' aixanuc', to'ta'a ite lan xanuc' ti'e'molhuo' laic', tihuetsuquim'molhuo'. Itniya aikuilimetsajjma itque Lalummepa.

²² 'Iya' ja'ni co'la' aicaicuaiyunni fa'a li'a lamats', ja'ni co'la' aicaipalaic'o'mola', itniya ti'i'ma tines'me: "Ailopa'a caljunac'". Iya' aicuai'ma, aipalaic'o'mola'. Itsiya aimi'ia minesyacu: "Ailopa'a caljunac'". Ite ailopa'a cotalai'ecoyacu. ²³ Itque lalixtuc'opa jouc'a tixtuc'o cai'Ailli'. ²⁴ Iya' pe lomana' lan xanuc' jouna ai'epa acueca'. Ailopa'a no'eya to ita'a lai'epa iya'. Ja'ni co'la' aicai'aic' to'ta'a itniya ti'i'ma tines'me: "Ailopa'a caljunac'". Itsiya aimi'ia minesyacu to'ta'a. Jouna alsimpa acueca' lai'epa. Jouna al'eponga' laic', iya' y cai'Ailli'.

²⁵ 'He lai'e'epa ma tenant'hi al Paxi Linilingiya loya'apa: "Tama ailopa'a caif'e'epola' ihniya al'epa laic".

²⁶ 'Pe lopa'a cai'Ailli' jilpe tipa'a Notoc'iyacolhuo', itque cal Espíritu Santo nonespa al linca. Itque co'huayoya ma le'a LanDios. Iya' cumme'e'molhuo' pe lołmana'. Ticuaiyunni fa'a li'a łamats' itque ałnesco'ma iya'. ²⁷ Imanc' jouc'a ałnesco'ma. Lipangopa laipenic' fa'a li'a łamats' ałejmalepá, iya' y imanc'. Imanc' ałsimpa acueca' lai'epa, limetsaicopa laipicuejma'. Tołta'a ałnesco'ma, tolu'i'mola' lan xanuc'.

16

¹ 'Joupa nu'ipolhuo' te ts'i'ic' moluyalaicoyacu. Tolapenufle ite laimipolhuo'. Tołta'a aimolanajyacołtsi. ² Itsiya camiconam'olhuo' te ts'i'ic' moluyalaicoyacu: Tipa'am'olhuo' łajut'hi pe lafot'leyopołtsi. Ticuaihuo litine ihniya noma'ayacolhuo' tines'me: "Joupa aima'apa itque ihuejpa Jesús. He lai'epa etenłcocopa LanDios." ³ Ihniya pe noma'ayacolhuo' aicalimetsaiconga' iya' ni cai'Ailli'. ⁴ Tołta'a laifnu'ipolhuo'. Ticuaitsi litine tołtelłcole toł'nujuaisnata laimipolhuo'. Ma małmana' anuli aicainu'ilhuo' tołta'a. ⁵ Itsiya ai'huanapa, cacuainata pe lopa'a itque Lalummepa. Imanc' aimalicuis'e: "¿Pe cołtseya?" Nij anuli nalicuis'epa tołta'a.

⁶ 'He laimipolhuo' epi'ipolhuo' acueca' quixhujma'. ⁷ Iya' camilhuo' al linca: Ticuicomma ca'huana'ma. Ja'ni a'i, Notoc'iyacolhuo' aimicuaiya pe lołmana'. Ja'ni ca'huana' linca ticuaihuo. Iya' cumme'etolhuo' pe lołmana'. Tołta'a xonca al c'a loluyalaicoyacu.

⁸ 'Itque cal Espíritu Santo ticuaiyunni li'a łamats' timuj'ma ailopa'a cotalai'e'ecoyacu LanDios itne lan xanuc' naihuejpá quiltuca' liłpicuejma'. Timuj'ma te ts'i'ic' lajunac', timuj'ma te ts'i'ic' al c'a, timuj'ma ałinca LanDios titeł'mi'mola' itne ts'itai'c' quiltjunac'.

⁹ 'Itne aical'huaiyinge, tołta'a cal Espíritu Santo timuj'ma itai'c' liłjunac'. ¹⁰ Iya' ca'huana'ma pe lopa'a cai'Ailli', imanc' aimalahuelojnconaya aicapajnconaya fa'a li'a łamats', cai'Ailli' lapenufnata pu'huanni. Tołta'a cal Espíritu Santo timuj'ma ac'a lai'epa iya'.

¹¹ 'Ticuaiyunni cal Espíritu Santo LanDios joupa ulijpa Satanás, iteł'mipa itque nocuxepola' lan xanuc', itne naihuejpá quiltuca' liłpicuejma'. Tołta'a cal Espíritu Santo timuj'ma ałinca LanDios titeł'mi'mola' lan xanuc', itne ts'itai'c' quiltjunac'.

¹² 'Tipa'a xonca laifnu'iyacolhuo'. Itsiya aimi'ia cu'iyacolhuo'. Imanc' tołsim'me ipime ite laitaiqui'. ¹³ Ticuaiyunni cal Espíritu Santo itque noya'apa al linca, panca panca timuc'i'molhuo'. Tołta'a ti'i'ma cołsina' jahuay al linca cataiqui'. Cal Espíritu aimuya'aya quiltuca' lipicuejma'. Tu'i'molhuo' ma loquimf'epa, ihiya lataiqui' lu'ipa LanDios. Tu'i'molhuo' lo'ia. ¹⁴ Itque limetsajma, ałnesco'ma. Aiminescoyacoxi. Ma le'a ałnesco'ma iya' lai'ejma', laipicuejma', laimane. ¹⁵ Ma to li'ejma', lipicuejma', limane cai'Ailli', ma' anuli iya' lai'ejma', laipicuejma', laimane. Toliya joupa aimipolhuo': "Itque cal Espíritu aiminescoyacoxi. Ma le'a ałnesco'ma iya' lai'ejma', laipicuejma', laimane."

¹⁶ 'Tuyaiła' nihuata aimalsingonaya. Tuyaiconła' nihuata ałsingona'ma.

¹⁷ Hualca ts'ilihuequi ipalaic'opołtsi, timiyolołtsi:

—¿Te calmicoponga' tołta'a? Ticua: "Tuyaiła' nihuata aimalsingonaya. Tuyaiconła' nihuata ałsingona'ma." Jouc'a ticua: "Ai'huanapa pe lopa'a cai'Ailli".

¹⁸ Ti'hua tipalaic'oyołtsi, ticuayi:

—¿Te cocuajmaispa licuapa: "Tuyaiła' nihuata"? Aicalłcueca ite litaiqui'.

¹⁹ Jesús ixina' ilpic'a ticuis'ele te cocuapa ihiya lataiqui'. Timila':

—¿Te colicuis'ecopołtsi te cocuapa ihiya laitaiqui': "Tuyaiła' nihuata aimalsingonaya, tijouła' tuyaiconła' nihuata ałsingona'ma"? ²⁰ Iya' camilhuo' al linca. Imanc' tołhuotso'me, tołjolij'me. Lan xanuc' nomana' fa'a li'a łamats', itne naihuejpá quiltuca' liłpicuejma', ihniya tixoj'ma quileta. Imanc' tołhuotso'me juaiconapa. Tijouła' aimołhuotsoconayacu.

Tilonc'e'em'molhuo' lolpихuejma', tixoj'ma cunlata. ²¹ Łaca'no' titełco'ma tipajntsi li'hua. Tixhuełma, ticua: “Joupa ixhuaita litine. Joupa al'huajcopa łaipunla.” Tijouł'a tipajntsi li'hua, timence'co'ma łipunla. Tixoqui queta. Ticua: “Łacapími' joupa ipajnta, icuai'ma fa'a li'a łamats'”.

²² 'Tołta'a loluyalaicoyacu imanc'. Itsiya tołhuotsoyi, tołsuełcoyi. Caxingona'molhuo'. Jilpe litine tixoj'ma cunlata. Ailopa'a naiłonc'e'eyacolhuo' ile łolpinoxjma cata.

²³ 'Jilpiya litine aimalicuis'econaya. Iya' camilhuo' al linca: Imanc' ołsina' naitsi iya', limetsaijma, jahuay lołsahue'eyacu cai'Ailli' tepi'itsolhuo', ilque tepi'i'molhuo'.

²⁴ Aicołsahue'e tołta'a cai'Ailli'. Itsiya camilhuo': Imanc' ołsina' naitsi iya', limetsaijma, tołmife tołta'a cai'Ailli', tołsahue'e'me. Tołta'a linca tepi'i'molhuo'. Tijouł'a ti'i'ma xonca juaiconapa acueca' lołpinoxjma cata.

²⁵ 'Iya' laipalaic'opolhuo' a'ij cuajmaica cataiqui', ma le'a ai'onłicopa. Ticuaihuo litine aica'onłicoya. Cu'ina'molhuo' al cuajmaica. Cami'molhuo' te ts'i'ic' cai'Ailli'. ²⁶ Imanc' ołsina' naitsi iya', limetsaijma. Ticuaiyunni jilpe litine imanc' tołmife tołta'a cai'Ailli', tołsa'hue'me.

'Iya' a'i camilhuo': “Caxahue'e'ma cai'Ailli' tepi'itsolhuo'”. A'i. Aicamiya tołta'a. Małque cai'Ailli' ti'elhuo' capic'a. Małque tepi'i'molhuo' lołsahue'epa. ²⁷ Imanc' al'epa capic'a, lapenufpa iya' lainespa, joupa nu'ipolhuo': “Ilque ŁanDios Łalummepa”. Tołiya małque ŁanDios ti'elhuo' capic'a. ²⁸ Iya' cai'huayomma cai'Ailli', aicuai'ma fa'a li'a łamats'. Itsiya ca'huana'ma, quipanahuo li'a łamats', cacuainata pe lopa'a cai'Ailli'.

²⁹ Ts'ilihuequi timiyi:

—Itsiya al'palaic'onga' al cuajmaica, aimal'onłiconga' cataiqui'. ³⁰ Itsiya ałsina' ima' jahuay oxina', aimalicuis'econayaco'. Itsiya joupa i'ipa całsina' atinca o'huayomma ŁanDios.

³¹ Jesús timila':

—Itsiya, łte atinca limetsaijma naitsi iya'? ³² Ticuaihuo al 'hora, itsiya icuai'ma, imanc' tolinul'me. Tonłeyołna'me łolajut'li, tołaca'ne'mołtsi. Alpo'no'ma caituca'. Tama tołta'a la'e'eya aicapajnya caituca'. Cai'Ailli' tipa'a. ³³ Iya' cacua: Aimołsuełmot'le'me. Tołiya joupa nu'ipolhuo' lo'iya. Ma mołmana' fa'a li'a łamats' linca tołtełco'me. Aimix-pailij'molhuo'. Tixojla' cunlata. Iya' joupa nulijpa.

17

¹ Tołe limipola' Jesús ts'ilihuequi. Lijou'ma ehuelojm'ma lema'a. Ipango'ma ipalaic'o'ma qui'Ailli', timi:

—Mai'Ailli', joupa icuai'ma lai'hora. Caxahue'ehuo' tomuc'itsola' laixanuc' naitsi iya'. Iya' o'Hua. Tołta'a camuc'i'mola' naitsi ima', ima' ai'Ailli'. ² Ima' joupa lapi'ipa laimane cacuxena'mola' jahuay lan xanuc'. Tołta'a capi'i'mola' laixanuc' liłpitine aimijouya. Iłniya laixanuc' ima' lapi'ipa. ³ Iłne pe lepi'impola' liłpitine aimijouya, ma' iłniya timetsaicohuo' ima' manDios. Jouc'a limetsaijma iya' ninJesucristo, ima' alummepa.

⁴ Fa'a li'a łamats' aimuc'ipola' naitsi ima'. Iłe laipenic' lalapi'ipa ima', joupa aijou'nepa. ⁵ Ai'a tilajm'ma li'a łamats' almana' anuli. Ailopa'a cał'onłcosponga'. Itsiya' mai'Ailli', lapenufnala' jilpiya pe lołpa'a. Jilpiya almajnta anuli. Ti'ila' ma to li'ipa ai'a tilajm'ma li'a łamats'.

⁶ 'Ima' joupa lapi'ipa iłne laixanuc'. Iya' aimuc'ipola' naitsi ima'. Iłniya laixanuc' aimi'onłspola' locuenaye lan xanuc' nomana' li'a łamats' pe naihuejpa' quiltuca' liłpicuejma'. Ima' joupa o'huij'epola'. Iłniya ihuejcopa' lotaiqui'. ⁷ Jahuay lapi'ipa ima'. Laixanuc' joupa iłsina' pe qui'huayomma iłe lalapi'ipa. Jahuay iłe lalapi'ipa o'huexi ima'.

⁸ Lataiqui' ima' lalapi'ipa iya' nu'ipola' loxanuc'. Iłniya epenufpa' iłiya lotaiqui'. Iłsina' cai'huayomma ma' ima'. Joupa i'huaiyijmpa' li'ipa, ima' alummepa.

⁹ 'Iya' caxahue'ehuo' tołoc'itsola' iłne loxanuc'. A'i camihuo' motoc'iyacola' locuenaye xanuc' nomana' li'a łamats'. Caxahue'ehuo' tołoc'itsola' lałxanuc', iłniya lalapi'ipa. Jilpe

o'huexi. ¹⁰Jahuay lai'huexi jouc'a o'huexi. Jahuay lo'huexi jouc'a ai'huexi. Iñiya laixanuc', iñe al'huexi, joupa alimetsaicopa, imuj'me naitsi iya'.

¹¹'Itsiya aicapajñconaya fa'a li'a łamats'. Laixanuc' linca timajm'me fa'a. Iya' joupa ca'huana'ma, cacuainata pe lofpa'a. Mai'Ailli', ima' umPaxi. Caxahue'ehuo' totoc'itsola' iñe laixanuc', to'etsola' cuenna. Ti'hua lihuejla' iñiya. Ima' lopuftine ma laipuftine jouc'a, tołta'a lacui'ipa ima'. Laixanuc' ja'ni lihuejla' al c'a, iñe ti'i'ma anuli ma to anuli iya' y ima'. ¹²Ai'epola' cuenna laixanuc' małmana' fa'a li'a łamats'. Iñe aiqicuanaj'me lopuftine, ima' ilenDios. Le'a anuli łejac'pa, iłque tejac'eyoxi, tołe lipicuejma'. Tołta'a enanłcopa al Paxi Linilingiya.

¹³'Itsiya aicuaiconna pe lofpa'a. Ma capa'a fa'a li'a łamats' caxahue'ehuo' totoc'itsola' laixanuc'. To iya' tixoqui neta, aipic'a tixojla' quileta jouc'a laixanuc'. ¹⁴Nu'ipola' lotaiqui'. Iñiya epenufpá. Locuenaye lan xanuc' nomana' fa'a li'a łamats' pe naihuejpa quiltuca' liłpicuejma', iñiya ti'eyi laic' laixanuc'. Tixinyi ituca' lił'ejma' ma to tixinyi ituca' lai'ejma'. ¹⁵A'i caxa'huehuo' maipa'ayacola' laixanuc' fa'a li'a łamats'. Ma caxahue'ehuo' to'etsola' cuenna. Tołta'a ailopa'a co'eyacola' łixcay xans. ¹⁶Iñiya ituca' lił'ejma' ma to iya' ituca' lai'ejma'. Aimał'onłsponga' to lan xanuc' naihuejpa quiltuca' liłpicuejma'.

¹⁷'Mai'Ailli', totoc'itsola' iñiya laixanuc', ti'ila' o'huexi ima', ti'hua tihuejle al linca. Iñe lotaiqui' al linca. ¹⁸Ima' alummepa fa'a li'a łamats'. Tołiya iya' nummepola' laixanuc' tiyełe ni petsi li'a łamats'. ¹⁹Iya' ma' o'huexi. Cacumoxi cunłu'etsola' laixanuc', ti'e'etsola' o'huexi jouc'a. Tihuejle al linca.

²⁰'Iya' caxahue'ehuo' totoc'itsola' jahuay laixanuc'. Ai camihuo': Totoc'itsola' ma le'a laixanuc' petsi joupa lapenufpa iya'. Iñe tuya'a'me laitaiqui', tijouła' lił'as xanuc' jouc'a lapenuf'ma, lihuej'ma. Caxahue'ehuo' totoc'itsola' iñiya jouc'a. ²¹Aipic'a ti'e'etsola' anuli iñe laixanuc'. Mai'Ailli' illanc' almana' anuli. Ima' iya' anuli, iya' ima' anuli. Tołta'a al'e'etsonga' anuli, iñiya y illanc'. Ja'ni ti'ila' tołta'a locuenaye lan xanuc' nomana' li'a łamats' tines'me: "Alinca ma LanDios ummepa Jesús".

²²'Ima' joupa alpaxnepa, limetsaicopa iya' o'Hua. Tołta'a iya' aipaxnepola' iñiya laixanuc', nimetsaicopola' onaxque'. Ma to illanc' almana' anuli, iya' y ima', tołta'a ti'e'etsola' iñiya. ²³Iya' y iñiya almajm'me anuli. Ima' y iya' almana' anuli. Tołta'a ti'e'etsola' ma' anuli iñiya. Locuenaye lan xanuc' nomana' li'a łamats' ti'i'ma quilsina' naitsi iłque Łalummepa, ma' ima' mai'Ailli'. Jouc'a ti'i'ma quilsina' lof'epola' capic'a iñe laixanuc'. Ma to ima' al'ay capic'a tołta'a to'ela' capic'a iñiya.

²⁴'Mai'Ailli', ai'a tilajm'ma li'a łamats', ima' al'ay capic'a, alpaxnepa, alimetsaicopa. Itsiya caxahue'ehuo' totoc'itsola' laixanuc', iñe lalapi'ipa. Camihuo': Aipic'a ticuaitsa jilpiya, timajnta pe laifpa'a. Alsinła' ma to li'ipa. Alsintsonga' anuli iya' cai'Ailli'.

²⁵'Mai'Ailli', ima' cotuca' aljca lopicuejma'. Locuenaye lan xanuc' nomana' li'a łamats', iñe aiqimetsaicohuo'. Iya' linca nimetsaicohuo'. Laixanuc' jouc'a timetsaicohuo'. Iłsina' ima' alummepa. ²⁶Aimuc'ipola' laixanuc' naitsi ima'. Ti'hua camuci'mola', timetsaicotso' xonca, ti'etsoltsi capic'a ma to ima' al'ay capic'a. Tołta'a al'e'etsonga' anuli iya' y laixanuc'.

18

¹Jesús lijoupa lipalaic'opa qui'Ailli' ipanni, ileco'mola' ts'ilihuequi. Iye'me laca'hua pana' cuftine Cedrón. Uyalaico'me locuena liju'. Jilpiya tipa'a anuli łaqueya. Itsuflai'me.

²Judas, iłque pe joupa icupa cataiqui' ticu'ma Jesús, imetsaijma jilpiya łaqueya. Itsenaihuo'me jilpe Jesús jouc'a ts'ilihuequi. ³Małpiya icuaiconca Judas ilecola' lan soldado romano jouc'a lapaluc' lummempola' lixanuc' cal cuecaj ca'ailli', jouc'a lummempola' lam fariseo. Iñiya iłtaic' lolif'ecopołtsi, jouc'a liłpepalc'o', jouc'a locuanajcoyacołtsi lofulecoyacu.

⁴Jesús joupa ixina' jahuay lo'iya. Ipanni, timila':

—Imanc', ¿naitsi conlahuepa?

⁵ Timiyi:

—Lahueyi Jesús, las Nazaret.

Jesús timila':

—Ma' iya'.

Małpe tipa'a Judas, itque pe joupa icupa cataiqui' ticu'ma Jesús. Jilpe jouc'a tecax-huołanna lan soldado jouc'a lapaluc'. ⁶ Licuej'me lines'ma Jesús: “Ma' iya'”, itniya ipaili-conca quılspula', enghuołaitsa łamats'. Ixpailij'mola' juaiconapa. ⁷ Jesús icuis'econa'mola', timila':

—Imanc', ¿naitsi conlahuepa?

Itniya italai'e'econa'me, timiyi:

—Lahueyi Jesús, las Nazaret.

⁸ Jesús timila':

—Joupa aimipolhuo': Ma' iya'. Ja'ni ma le'a iya' lahuay, tolapi'itsola' lane tiyente itna'a ts'alihuequi.

⁹ Tołta'a enanłcopa limipa Jesús qui'Ailli', locuapa: “Iya' ai'epola' cuenna laixanuc', itne lalapi'ipa ima'. Ailopa'a quejac'pa.”

¹⁰ Simón Pedro itaic' li'espada. Ipa'a'ma, ixcai'e'ma limozo cal cuecaj ca'ailli'. Nulemma etec'e'e'ma lix'mas al c'a camane. Itque cal mozo cuftine Malco. ¹¹ Jesús icuxe'e'ma Pedro, timi:

—To'huejnała' lo'espada. Cai'Ailli' joupa ixpic'epa tołta'a laifnuyaicoya. ¿Te ma iya' catets'i'ma itque lixpicejma'? Ma catełco'ma.

¹² Lan soldado romano jouc'a nocuxepola', jouc'a lapaluc' lummempola' lan tsilaj judío, itniya i'noł'me Jesús, ifi'e'me. ¹³ Ileo'me pe lopa'a Anás. Itque a'hua cunas cuftine aCaifás. Jitniya łitiné małque Caifás cal cuecaj ca'ailli'. ¹⁴ Joupa inespa: “Tima'ante le'a anuli cal xans, tunłu'etsola' jahuay lałxanuc’”.

¹⁵ Milecoyi Jesús iyenc'e'me oquexi' ts'ilihuequi. Itniya Simón Pedro jouc'a łitejmale. Pedro łitejmale imetsaijma cal cuecaj ca'ailli'. Icuaitsa lejut'ł cal cuecaj ca'ailli'. Litsu-fai'e'me Jesús, Pedro łitejmale jouc'a itsufai'ma łipuna quejut'ł ła'ailli'. ¹⁶ Pedro aiquitsufaic'. Ipanenni tecaxu lixpula' al puerta. Ts'ihuequi Jesús, itque pe łimetsaijma cal cuecaj ca'ailli', ipaiconanni icuaitsi pe lopa'a łahuats' no'epa cuenna al puerta. Ipalaic'opa. Lijou'ma itsufai'e'ma Pedro. ¹⁷ Łahuats' no'epa cuenna al puerta icuis'e'ma Pedro, timi:

—¿Te ma ima' jouc'a omihuequi cal xans Jesús?

Pedro timi:

—A'i iya'.

¹⁸ I'i'ma juaiconapa caxita. Jilpe lam mozó jouc'a lapaluc' icue'epá quılponga. Jitniya ecaxołingołai'me, epat'le'mołtsi. Pedro jouc'a ecaxingai'ma jilpiya, epat'le'moxi.

¹⁹ Cal cuecaj ca'ailli' Anás ticuis'e Jesús, timi:

—¿Naitsi itniya ts'ihuejhuo'? ¿Te cofmuc'ipola'?

²⁰ Jesús italai'e'e'ma, timi:

—Iya' aipalaipa petsi jahuay ałsimpa, ałquimf'epa. Camuc'ila' lan xanuc' mimana' jilpiya łilejut'łi pe lafołyomma, jouc'a pe lopa'a al cuecaj xoute'. Camuc'ila' małpiya pe lafołyomma lan xanuc' judío. Ailopa'a caimuc'ipola' quemiya. ²¹ Itsiya, ¿te calicuis'ecopa te caifmuc'ipola'? Taicuis'etsola' nałquimf'epa. Itne itłsina' te ts'i'ic' laimipola'.

²² Licuejpa tołta'a linespa Jesús, una'ma camane li'a anuli łapaluc' nacaxuya huejnca. Timi:

—Ima', ¿te cofłalai'ot'łecopa tołta'a cal cuecaj ca'ailli'?

²³ Jesús timi:

—Ja'ni a'i canesqui al łijca, lu'itla'. Ja'ni ainespa al łijca, ¿te caluntałcopa camane?

²⁴ Ma to quifi'iya Jesús, Anás ummepa pe lopa'a cal cuecaj ca'ailli' Caifás.

²⁵ Pedro ipanenni lipuna la'ailli', ma mecaxu tepat'leyoxi. Icuis'e'me, timiyi:

—¿Te ma ima' jouc'a omihuequi itque?

Pedro icuanajpa, timi:

—A'i iya'.

²⁶ Anuli limozo cal cuecaj ca'ailli' ipalaic'o'ma Pedro. Itque ma lipima letec'epa quix'mas Pedro. Timi:

—Iya' cacua joupa aiximpolhuo' jilpiya laqueya, ima' jouc'a Jesús.

²⁷ Icuanaajcona'ma Pedro, timi:

—Iya' a'i.

Aiquicoñi. Ija'a'ma langiti.

²⁸ Ipa'a'me Jesús lejut'ł Caifás. Ileo'me pe lopa'a cal gobernador romano, itque cuftine Pilato. Joupa i'ipa quitine. Lan judío aiquit'suflaic' lejut'ł Pilato. Imanenca luna. Timiyot'si: “Aimi'iya małtsuflaiyacu. Alpic'a LanDios ałsintsonga' ninc'ilimpio. Tołta'a nipajnya ałteta lixic' lotejnyacu al juic Pascua.”

²⁹ Pilato ipanni pe lomana' iłniya, timila':

—¿Te ts'i'ic' lołcuxecocopa cal xans?

³⁰ Italai'e'e'me, timiyi:

—I'epa quixcay. Ja'ni ailopa'a qui'aic', ¿te całcuai'ecoyacu fa'a ima'?

³¹ Pilato timila':

—Imanc' tołheconte. Tiñinc'ita lołjuez. Tixanuta iłta'a lataiqui'. Tonl'e'ete to minesqui lataiqui', iłe locuxe'epolhuo'.

Lan judío italai'e'e'me, timiyi:

—Illanc' aimi'hua lałmane, aimi'iya malacani'eyacu. Aimi'iya małspic'eyacu tima'anle.

³² Jesús joupa uya'apa te co'iya mima'ayacu. Itsiya tenant'ma linespa.

³³ Pilato ipainanni, itsufaicona'ma lejut'ł. Ijoc'i'ma Jesús ti'huanni. Icuis'e'ma, timi:

—¿Te ima' itrey lan xanuc' judío?

³⁴ Jesús timi:

—¿Te ima' tołta'a topalay cotuca', o lan xanuc' ałnescopa tołta'a?

³⁵ Pilato italai'e'e'ma, timi:

—Iya', ¿te ninjudío? Loxanuc', iłniya ixanuc' cal cuecaj ca'ailli', icupo'. ¿Jale co'epa?

³⁶ Jesús italai'e'e'ma, timi:

—Iya' aicacuxela' lan xanuc' to micuxeyi lan rey nomana' fa'a li'a lałmats'. Ituca' laifcuxepola' iya'. Ja'ni coła' cacuxe to micuxeyi lan rey nomana' li'a lałmats', iłniya ts'alihuequi joupa ifulepá, ałcuanaajco'ma aimałcuya ticuaita quilmane lan xanuc' judío. Itsiya aicacuxe fa'a li'a lałmats'.

³⁷ Pilato timi:

—¿Te ima' unrey?

Jesús timi:

—Ma to lofnescopa iya' ninrey. Iya' aipajncota aicuaicoco'ma li'a lałmats' cu'itsola' lan xanuc' al linca. Pe naihuejpá al linca cataiqui', iłniya ałcuc'e.

³⁸ Pilato timi:

—¿Te jale al linca?

Lijoupa linespa tołta'a Pilato ipaconanni pe lomana' lan xanuc' judío, timila':

—Iya' cacua, itque cal xans ailopa'a quijunac'. ³⁹ Ajuic ajuic Pascua tołcuaiyumma, ałsahue'e cux'mas'ma anuli itats'iya, tołe moł'eyi. Itsiya, ¿jale ts'ołpic'a cux'masla'? ¿Ja'ni cux'masla' iłca'a lołrey imanc' unc'ijudío?

⁴⁰ Lan judío ija'acona'me, timiyi:

—Aimox'mas'ma itque. Tox'masla' Barrabás.

Itque Barrabás innantsepa, inma'ahuale.

19

1 Pilato icuxe'ma tileconle Jesús tipatsa. 2 Lijou'ma lan soldado ipuf'me anuli al corona quitac. Ipo'nof'i'me lijuac Jesús. Itats'mi'me lijahua' unxali cumi. 3 If'iltsaico'me. Tiłcuaiyumma pe lacaxu to mi'e'enni cal cuecaj xans. Inom'me, timiyi:

—Añom'mo' ima' ilrey lan xanuc' judío.

Ti'hua ti'econayi. Lijou'ma tuntafc'e'eyi li'a.

4 Pilato ipaconanni łuna. Timila' lan judío:

—Tołsinle. Quipa'a'ma łuna ilca'a Jesús. Ti'ila' colšina' joupa aiximpa ailopa'a quijunac'.

5 Ipa'a'ma łuna. Lijuac itaic' licorona quitac. Titatsma lijahua' unxali cumi. Pilato timila' lan judío:

—Tołsinle. Jifa'a copa'a cal xans.

6 Lixim'me Jesús lixanuc' cal cuecaj ca'ailli' jouc'a lilepaluc', ilniya ija'a'me ujfxi, timiyi Pilato:

—¡Tapałts'ijnla' lancruz! ¡Tapałts'ijnla' lancruz!

Pilato timila':

—Tołhecole imanc' coltuca'. Tolapałts'ijntsa lancruz. Iya' aiximpa ailopa'a quijunac'.

7 Lan judío timiyi:

—Iłque ticua: “Iya' i'Hua ŁanDios”. Tipa'a lataiqui' lałcuxeponga' illanc'. Iłe lataiqui' ticua: “Tima'antsola' ilne nocuapá tołta'a”.

8 Licuej'ma ilne lonespa, Pilato xonca ixpaj'ima. 9 Itsufaicona'ma lejut'ł, icuis'econa'ma Jesús, timi:

—Ima', ¿pe co'huayomma?

Jesús aiqitalai'e.

10 Pilato timi:

—¿Te aimalalai'e? ¿Te aicoxina' ti'hua laimane? Nipajnya cux'masna'mo', nipajnya capałts'ijm'mo'.

11 Jesús italai'e'ma, timi:

—Tipa'a anuli xonca acueca'. Iłque łepi'ipo' comane. Ima' cotuca' ailopa'a cał'e'eya. Naitsi cal xans nałcupa, ilque xonca tipa'a lijunac'.

12 Licuej'ma ilniya lataiqui' Pilato xonca ehue'ma te co'ya mux'masya Jesús.

Lan xanuc' judío ti'hua tija'ayi, timiyi:

—Cal xans nonespa: “Iya' ninRey”, ilque ti'ay quipilaic' César cal cuecaj rey. Ja'Ni tox'masqui Jesús, jouc'a to'ay laic' łopoujna César.

13 Licuej'ma Pilato lonespa lan judío i'hua'a'ma Jesús łuna petsi cuftine “Łitat'łuyiya”. Liłtaiqui' lan judío cuftine Gabata. Jiłpe icutshuai'ma to cal juez.

14 Iłe litine avispera al juic cuftine al Pascua. Joupa ti'i'ma to menac'o. Pilato timila' lan xanuc' judío:

—Tołsinle. Jifa'a copa'a łolrey.

15 Ilne ija'a'me ujfxi, timiyi:

—¡Tolecola', tolecola', tapałts'ijntsi lancruz!

Pilato timila':

—¿Te caifnepałts'ijncoya łolrey?

Lixanuc' cal cuecaj ca'ailli' italai'e'e'me, timiyi:

—Ma le'a César alrey. Ailopa'a cocuena.

16 Lijou'ma Pilato icu'ma Jesús tepałts'ijntsa lancruz. Lan soldado ileco'me.

17 Jesús itai'ma lencruz. I'hua'ma lane ticuaita Łamats' Quecoye. Liłtaiqui' lan xanuc' judío cuftine Gólgota. 18 Jiłpiya epałts'ingim'me lencruz Jesús. Jouc'a epałts'ingim'mola' oquexi' lan xanuc', anuli al c'a camane Jesús, locuena loxa camane. Jesús epałts'ingimpa nolojmay ilniya.

19 Pilato joupa inilijmpa anuli lacaxma. Epałts'ijm'me laquitoncay lijuac Jesús. Iłe linilniya tinesqui: “Iłca'a Jesús las Nazaret, ilrey lan xanuc' judío”.

²⁰ Jilpe pe lapalts'ijnya Jesús ahuejnca liya' Jerusalén. Axpela' lan xanuc' judío uyalaico'me jilpiya. Ixhue'me lainilá linilingiya lacaxma. Inilingiya afane' lataiquí, litaiqui' lan judío, litaiqui' lan romano, litaiqui' lan xanuc' griego. ²¹ Lixanuc' cal cuecaj ca'ailli' aiquicuaicotsi quipic'a linilpa Pilato, timiyi:

—¿Te cominilcopa: “Itca'a irey lan xanuc' judío”? Topai'inla'. Tuya'ala': “Itca'a Jesús, matque timiyoxi: Iya' irey lan xanuc' judío.”

²² Pilato italai'e'e'mola', timila':

—Joupa aininilpa. Tipanenni tola'a.

²³ Lam malujxi lan soldado, ihne lepaalts'ijm'me lancruz Jesús, tumma'me lipijahua'. Anuli anuli tumma'me lipijahua'. Ipanenni anuli litoqui lipijahua'. Ihiya lipijahua' aiquenanc'iya. Apufi ipangocopa lejoc xejmay li'mitsi'. ²⁴ Lan soldado timiyotsti:

—Aimalts'alyacu. Ah'ilcole alsim'me naitsi nolijya.

Tohta'a enantcopa al Paxi Linilingiya tuya'e': “Anuli anuli ummana'me laipijahua'. If'lico'me naitsi tulijla' litoqui laipijahua'.”

Tohta'a li'epa lan soldado.

²⁵ Tecaxu María qui'máma' Jesús huejnca pe lepaalts'ijnyompa lencruz. Jouc'a tecaxhuolanna lipima qui'máma' cuftine María, ilque ipeno Cleofas, jouc'a María las Magdala. ²⁶ Jesús ehuelojm'ma qui'máma' tecaxu jilpiya. Jouc'a ixim'ma anuli ts'ihuequi tecaxu liju' qui'máma'. Ique ts'ihuequi, Jesús xonca ti'ay capic'a juaiconapa. Jesús timi qui'máma':

—Momá, jilpe tipa'a lo'hua.

²⁷ Timi ts'ihuequi:

—Toxinla', jilquiya o'máma'.

Ihe litine ts'ihuequi Jesús epenuf'ma qui'máma' Jesús. Ilaitsufcotsi.

²⁸ Lijou'ma Jesús ipalaiconama. Joupa ixina' ixhuaita jahuay litecopa. Ticua:

—Ticui caija'.

Tohta'a loya'apa al Paxi Linilingiya. Itsiya ihiya lataiqui' tenanti.

²⁹ Jilpe tipa'a anuli al catsitu imanna al cuxac vino. Ijac'ecom'me al vino anuli al esponja. Ifinc'i'me lupa limane c'ec cuftine hisopo, i'nof'e'me ti'huaico' lico Jesús.

³⁰ Jesús lijoupa lixnapa ticua:

—Joupa ixhuaicota.

Ic'ommai'ma lijuac, ummena'ma li'espíritu ti'huanla'.

³¹ Ihe litine avíspera. Lihuequi litine itine conxajya. Ihe acuecaj quitine.

Lan judío ilpic'a tilonc'en-natsola' lihcuerpo ihne lepaalts'ingimpola', aimico'l'mola' jilpiya lilencruz. Ticuayi: “Icuaiico'ma al cuecaj quitine. Jilne lihcuerpo aimi'iyi mimajnyacu jilpe lam fane' lancruz.” Ixahue'e'me Pilato tummetsola' lan soldado tepatsuf'entsola' li'mitsi' napalts'ingolanna. Tijoula' tepatsuf'entsola' li'mitsi' ihne, tilonc'enatsola' lilencruz.

³² Lan soldado icuaitsa petsi cal te'a lepaalts'ingiya lencruz. Epatsuf'e'me li'mitsi', jouc'a epatsuf'e'me li'mitsi' locuena. ³³ Ipailiconanca, icuaitsa pe lopa'a Jesús. Ixim'me joupa imapa. Aiquepatsuf'e'me li'mitsi'.

³⁴ Anuli cal soldado i'nif'ma lilanza, ena'ma lanza liju' Jesús. Aiquico'i, ipanni lajuats', ipanni laja'. ³⁵ Ique nainilpa ihe lataiqui' iximpa tohta'a li'ipa. Ma' atinca ihe linilijmpa. Tu'ilhuo' imanc' notsueyacu. Ipic'a imanc' jouc'a tonlapenufle ita'a lataiqui'.

³⁶ Ihe li'ipa enantcopa al Paxi Linilingiya lonespa: “Aimepatsufiya ni anuli lipeca'”. ³⁷ Al Paxi Linilingiya jouc'a tinesqui: “Tehuelojncona'me ilque tenampa liju'”.

³⁸ Lijou'ma anuli cal xans cuftine José las Arimatea i'huapa pe lopa'a Pilato. Ique José joupa epenufpa litaiqui' Jesús. A'i cuya'e'. Tixpaic'ela' lan judío. Ixa'huehuona'ma Pilato tepi'ila' lane tileconna licuerpo Jesús. Pilato epi'i'ma lane. I'hua'ma itainatsi licuerpo Jesús. ³⁹ Jouc'a icuaiyunni Nicodemo, ilque nehuejnhuo'ma lipuqui' ixinghuo'ma Jesús. Nicodemo itaic' cal pomada ilanc'ecompa itamqui lojuepaj c'a. Ita'a litamqui cuftine

amirra, ihuomptsi a'áloes. Itque cal pomada lipicumta to oquej nuxans quimbamaj kilo. ⁴⁰ Loquexi' i'e'epá licuerpo Jesús ma to mi'eyi itne lan xanuc' judío ai'a teminnola' limanapola'. Iju'eco'me licuerpo ijahua' jouc'a cal pomada.

⁴¹ Pe lepałts'ijnyompa Jesús jilpiya tipa'a huejnca anuli laqueya. Jilpe laqueya tipa'a anuli hunts'eja' capic, ilanc'empa ti'huejyom'me lomaya. Jilpe hunts'eja' ailopa'a quemimpa. ⁴² Joupa avíspera litine conxajya. Jilpe litine aimi'iyá miyeyacu aculi'. Lan xanuc' judío aimicuyi lane. Jilta'a hunts'eja' ma' ahuejnca pe lepałts'ijnyompa Jesús. Jilpiya i'huequintsá licuerpo Jesús.

20

¹ Icuaitsi al te'a quitine al xamano, ite al domingo, aquipuqui' María las Magdala i'hua'ma hunts'eja' pe li'nico'enghuo'me Jesús. Icuaitsi ixim'ma joupa ilonc'empá cal cuecaj capic letemf'ecompa. ² María ipainanni hunts'eja', tinu. Icuaitsi pe lomana' Simón Pedro y locuena hihuejpa Jesús. Jilque Jesús hi'epa capic'a. María timila':

—Joupa ipa'anapá Cai'ailli'. Jilpe hunts'eja' ailopa'a. Aicałsina' pe quipo'no'empa.

³ Pedro jouc'a hilejmale ipalunca, iye'me pe li'nico'enghuo'me Jesús. ⁴ Loquexi' inul'me. Hilejmale Pedro ulij'ma. Icuaitsi ate'a. ⁵ Ehuenac'o'ma licu'u hunts'eja'. Ixim'ma hihahuaki tummac'o. Aiquitsufaic'.

⁶ Simón Pedro i'huanc'e'ma itque hilejmale. Icuaitsi hunts'eja' itsufai'ma. Jouc'a ixim'ma hihahuaki tummac'o. ⁷ Ixim'ma lihahua' lifi'ecompa li'a, hijuac Jesús. Ite lihahua' iximpa ijuisquiya, a'i mipa'a anuli jilpe locuena hihahuaki.

⁸ Lijoupa litsufaipa Pedro, itsufai'ma locuena ts'ihuequi Jesús, itque licuaita ate'a, ixim'ma li'ipa. Ticua: “Jesús ma' imaf'inapa”. ⁹ Ihniya aiquil'cueca al Paxi Liniñingiya loya'apa ticua: “Timaf'ina'ma tipayonno pe lomana' lamizhua”.

¹⁰ Loquexi' ts'ilihuequi Jesús iyena'me hilejut'hi.

¹¹ María las Magdala icuaiyocontsi pe lopa'a hunts'eja'. Tecaxu luna, tijoqui. Mijoqui tehuenac'o licu'u hunts'eja'. ¹² Ixim'mola' oquexi' lapaluc' quema'a, afujca lihpijahua'. Ticutsołanna pe lunahuai'epa licuerpo Jesús. Anuli ticutsu hijuac, locuena ticutsu li'mitsi'.

¹³ Ihniya timiyi María:

—Maca'no', ¿te cofjojcopa?

María timila':

—Ileconapá Cai'ailli' Jesús. Aicaixina' petsi quipo'no'empá.

¹⁴ Lijoupa linespa tołta'a ipai'e'ma li'a. Iximpa Jesús tecaxu jilpiya. Aiquimetsaico'ma Jesús. ¹⁵ Jesús timi:

—Maca'no', ¿te cofjojcopa? ¿Naitsi cofmehuepa?

María ticua lipicuejma': “Itca'a no'epa cuenna laqueya”. Timi:

—Mai'ailli', ja'ni ima' olecopa, lu'itá' pe copo'no'ehuo'ma. Iya' ai'huapa caleonna.

¹⁶ Jesús timi:

—¡María!

María ipai'e'moxi, ipalaic'o'ma litaiqui' hebreo, timi:

—¡Raboni!

Ite lataiqui' tuhual'quemma “Momxi”.

¹⁷ Jesús timi:

—Aimal'noł'ma. Aicaicuaiya pe lopa'a cai'Ailli', itque jouc'a oł'Ailli'. Itque ainenDios, imanc' jouc'a olanDios.

¹⁸ María las Magdala i'hua'ma pe lomana' ts'ilihuequi Jesús, timila':

—Aiximpa Cai'ailli'.

U'i'mola' licuapa Jesús.

¹⁹ Joupá ummuhuaíta íhe litine, al te'a quitine al xamano. Íhe ts'ilihuequi Jesús tefot'leyot'si anuli, ix'nif'miya lajut'í. Tixpaic'ennila' lan judío. Jípe icuait'si Jesús. Ecax'ma ma'pe pe lomana', timila':

—Aimo'huotso'me. Toluyalaíte al c'a.

²⁰ Imuc'i'mola' limane, liju'. Lixim'me ca'í'Ailli' íhniya ts'ilihuequi ixojna'ma quileta.

²¹ Jesús timiconala':

—Aimo'huotso'me. Ma to cai'Ailli' alummepa, to'ta'a iya' cummelhuo'.

²² Lijoupa limipola' to'ta'a, ifusco'mola', timila':

—Capi'ílhua' cal Espíritu Santo. Tolapenufle. ²³ Ja'ni to'lmíe anuli cal xans: “Lojunac' íhojn-napa”, linca joupá íhojn-napa lijunac'. Ja'ni to'lmíe: “Aiquilongé lojunac'”, linca aiquilongé lijunac' cal xans.

²⁴ Íhe lipuqui' licuai'ma Jesús, anuli íhniya limbamaj coquexi' ts'ilihuequi ailopa'a jípiya. Íque cuftine Tomás, íacui'impá cal Cuatsi. ²⁵ Locuenaye ts'ilihuequi Jesús timiyi:

—A'ísinnapá Ca'í'ailli'.

Tomás timila':

—Ja'ni caxin'la' limane petsi lepats'ijncompa lan clavo, ja'ni cacaj'míla' laidedo pe lecajm'micompá cal clavo, ja'ni cacanc'ola' laimane pe lixcai'empa liju', canes'ma: “Ma' imaf'inapa Jesús”. Ja'ni aicaxina to'ta'a ti'hua canes'ma: “Aiquimaf'inghua Jesús. Aí íque licuai'ma.”

²⁶ Lijoupa luyaipa apaico quitine, efot'lecona'mot'si ts'ilihuequi Jesús. Íx'nif'miya lajut'í. Tomás jouc'a tipa'a. Icuait'si Jesús. Ecaxingai'mola'. Timila':

—Aimo'huotso'me.

²⁷ Timi Tomás:

—Tacajm'míla' lodedo íhna'a laimane'. To'nijla' lomane tacanc'ola' lainiju'. Aimonescóna'ma: “Jesús aiquimaf'inghua”. A'í'huaiyijnla'. Joupá aimaf'inapa.

²⁸ Tomás italai'e'e'ma, timi:

—Ima' maiPoujna. Ima' mainenDios.

²⁹ Jesús timi:

—Ima' lahuelongé, to'ta'a a'í'huaiyijmpa. Naitsi la'í'huaiyijnnya tama aicalahuelongé, íque linca xonca lipaxnepa LanDios.

³⁰ Mipa'a fa'a lí'a íamats' Jesús imuc'i'mola' ts'ilihuequi al cueca' lí'epa. To'ta'a imuc'i'mola' ma LanDios íummepa. Jifa'a aiquiníli jahuay íta'a lí'epa Jesús, ma le'a huata. ³¹ Íataiqué liníhiya fa'a timuc'ílhua' naitsi Jesús, íque cal Cristo, ma' í'Hua LanDios. Tolapenufle íta'a lataiquéi', to'í'huaiyijm'me íque Jesús. To'ta'a tepi'im'molhuo' lo'pítine aimijouya.

21

¹ Lijou'ma imujconá'moxi Jesús. Icuaiyocont'si pe lomana' ts'ilihuequi. Íhniya joupá iyepá al cuecaj quin'nuhua' cuftine Tiberias. (Jouc'a tecui'inni Galilea.) Fa'a cuya'e' lí'ípa.

² Jípe efot'le'mot'si hualca ts'ilihuequi Jesús. Íhniya Simón Pedro, Tomás íque cal Cuatsi, Natanael íque lipíya' Caná lopa'a al distrito Galilea. Jouc'a timana' loquexi' linaxque Zebedeo, jouc'a ocuenaye loquexi' ts'ilihuequi Jesús. ³ Simón Pedro timila':

—Aí'huapa ca'no'ta catú.

Locuenaye timiyi:

—Ne'. Jouc'a lepá illanc'.

Ípalunca, íf'ajlí'me al barco. Íhe lipuqui' aiqui'no'í'me ní' anuli íatu.

⁴ Lí'ípa quitine tipa'a Jesús tecaxu íema caja. Ts'ilihuequi aiquilímetsaijma ja'ni Jesús.

⁵ Jesús íjoc'í'mola', timila':

—Imanc' cunc'ainaxque', ¿te ol'no'pá o a'í?

Ítalai'e'e'me, timiyi:

—A'i. Ni tolca'a anuli aical'noti.

⁶ Timila':

—Tolacajm'micontsa cal xami. Tolacajm'mitsa al c'a camane al barco. Jilpiya linca tululijtola' latuye.

Ecajm'mihuo'me hixami. Lijou'ma ixim'me acumta i'ipa cal xami, aimi'iya mexalcfuyacu, mif'ac'eyacu, minij'miyacu al barco. Imanna catuye.

⁷ Anuli ts'ihuequi Jesús, ilque hi'epa capic'a juaiconapa, ipalaic'o'ma Pedro, timi:

—Ilque al'Ailli' Jesús.

Simón Pedro joupa ipa'apa litsamalo. Licuej'ma icuai'ma Jesús aikuicoi, ijojco-cona'ma litsamalo, ecajm'mi'moxi laja', ti'hua'ma lamats'. ⁸ Locuenaye ts'ilihuequi Jesús if'ajli'me al barco. A'ij culi' lema caja, tocomma amaxnu metro. Ihuej'me Pedro, equif'me cal xami imanna catuye. ⁹ Icuaitsa lema caja, ixim'me imac'o lunsuac'. Jilpiya tipa'a anuli latu, joupa tixanuya. Ixim'me tipa'a la'i jouc'a. ¹⁰ Jesús timila':

—Toh'hua'anca hualca latuye loh'notpa.

¹¹ Pedro if'aj'ma al barco, exal'ma cal xami hijul camats'. Hca'a cal xami imanna catuye. Ine latuye ixhuj'me'mola' ixhuaitsi anulij maxnu oquej nuxans quimbama' fane'. Axpe' catuye cal xami aiquits'alquenni. ¹² Jesús timila':

—Tonhouyunca. Altetso'me.

Ts'ilihuequi Jesús aikuilicuis'e: “¿Naitsi ima'?” Tixinyi calaic'ata. Hsina' malque ih'Ailli' Jesús. ¹³ Jesús ihoc'hua'ima, epef'ma la'i, epi'i'mola'. Epi'i'mola' jouc'a latu.

¹⁴ Joupa i'ipa afanemma mimujyoxi Jesús. Ts'ilihuequi iximpá joupa imaf'inapa, ipanamma pe lomana' lamizhua.

¹⁵ Lijou'ma litetso'me Jesús timi Simón Pedro:

—Simón, ima' i'hua Jonás, lopimaye al'ay capic'a. ¿Te ima' xonca al'ay capic'a?

Pedro timi:

—Mai'ailli', ima' oxina' alejmalepá.

Jesús timi:

—Tohuic'itsola' lan tsocay laimot'.

¹⁶ Jesús icuis'econa'ma, timi:

—Simón, ima' i'hua Jonás, ¿te al'ay capic'a?

Pedro italai'e'e'ma, timi:

—Mai'ailli', ima' oxina' alejmalepá.

Timi:

—To'etsola' cuenna laimot'.

¹⁷ Jesús icuis'econa'ma, timi:

—Simón, ima' i'hua Jonás, ¿te ma alejmalepá?

Pedro ixhueico'ma juaiconapa petsi limipa ita'a. Ticua: “¿Te calicuis'ecocopa: Te ma' alinca alejmalepá. Joupa afanemma almipa tohta'a.” Timi:

—Mai'ailli', ima' oxina' jahuay. Oxina' alinca alejmalepá.

Jesús timi:

—Tohuic'itsola' laimot'.

¹⁸ Iya' camihuo' al linca: Ima' li'ipa mamijcano, ima' cotuca' tofi'e' lopijahua', o'hualecopa ni petsi lofjanajpa loftseya. Titojnatso' ti'i'ma ituca' lof-muyaicoya. Ima' to'nij'ma lomane, ocuena tifi'e'mo', tileco'mo' petsi aimetenlococoyaco'.

¹⁹ Lines'ma tohta'a Jesús u'i'ma te ts'i'ic' mimaya Pedro. Ma mima'ayi Pedro, lan xanuc' tixim'me acueca' LanDios, acueca' titoc'ila' lixanuc'.

Lijou'ma timi:

—Lihuejla'.

²⁰ Pedro ehuelojm'ma lixpula', ixim'ma locuena ts'ihuequi Jesús i'huanc'e. Ilque ts'ihuequi Jesús hi'epa capic'a juaiconapa. He lipuqui' lixmoco'me ilque iloc'huaipa Jesús, icuis'epa: “Mai'ailli', ¿naitsi nocuyaco'?” ²¹ Pedro lixim'ma ilque ihuequi Jesús icuis'e'ma Jesús, timi:

—Mai'ailli', ¿te coyaicoya itque?

²² Jesús timi:

—Ja'ni iya' aipic'a tipanenni, ja'ni cacuaiconanni caxim'ma tipa'a, ¿te cofcuaya ima'? Ma' iya' caxpic'e te loyaicoya itque. Ima' lihuejla'.

²³ Lijou'ma lapimaye, itne naihuejpa Jesús, tinesyi: “Lapima pe Jesús lo'epa capic'a juaiconapa, itque aimimaya”. Jesús a'i tohta'a limipa Pedro. Imipa: “Ja'ni iya' aipic'a tipanenni itque, ja'ni cacuaiconanni caxim'ma tipa'a, ¿te cofcuaya ima'? Ma' iya' caxpic'e te loyaicoya itque.”

²⁴ Ts'ihuequi Jesús, itque pe Jesús li'epa capic'a juaiconapa, ma' itque tu'ilhuo' te ts'i'ic' li'ipa, inilpa fa'a. Inilpa al linca, tohta'a aksina' illanc'.

²⁵ Jesús axpe' i'epa acueca'. Fa'a aiquniñingiya jahuay. Ja'ni tinille anuli anuli jahuay li'epa Jesús, axpe' je'e tilajm'ma. Fa'a li'a lamats' aimi'ommaicoya.

LI'EPÁ LAPIMAYE LAN APÓSTOLE

¹ Ima' Teófilo, quini'ehuo' coje'e. Joupá nini'epo' anuli loje'e. Ji'e loje'e nu'ipo' acuajmaica te ts'i'ic' lipangopa li'epa Jesús, te ts'i'ic' limuc'iyalepa jouc'a te ts'i'ic' luyaicopa lipepajnya mipa'a li'a lamats'. ² Mipa'a Jesús fa'a li'a lamats', ai'a tepenufinnata al toncay lema'a, ma'e litine i'que ixc'ai'ipola' li'apóstole, i'ne li'huij'epola'. I'e litaiqui' lixc'ai'ipola' ma' itaiqui' cal Espíritu Santo. ³ Lixc'ai'ipola' to'ta'a Jesús joupá ite'copa, imapa, imaf'ina'ma, imuj'moxi pe lomana' ji'ne li'apóstole. Imuc'i'mola' ma' imaf'i'. Micóti oquej nuxans quitine, li'apóstole tixinyi Jesús ti'hua timujyoxi. Tipalaic'ola', tu'ila' te ts'i'ic' locuxeyalepa LanDios cal Cuecaj Rey.

⁴ Mimana' anuli icuxe'e'mola' timanenca al cuecaj qui'ya' Jerusalén. Aimiye'me. Ti'huaico'e ti'ila' to linespa LanDios. Timila':

—Joupá aimipolhuo' lo'iya. ⁵ Juan epo'iyalecopa aja'. Aimico'ya, tepo'icom'molhuo' cal Espíritu Santo.

⁶ Mefo'umma icuis'e'me Jesus, timiyi:

—Ma'Poujna, illanc' ixanuc' Israel, i'na'a i'tiné, ¿te ima' a'toc'i'monga', aimacuxeconayaconga' locuenaye lan xanuc'?

⁷ Timila':

—Imanc' aimi'iya co'sina' lo'iya. LanDios tixpic'e'ma te quitine lo'iya to'ta'a. I'que ts'ixina' ja'ni tico'l'ma o aimico'ya. ⁸ Iya' camilhuo': Cal Espíritu Santo timuyohuo lema'a. Tipaxne'molhuo' imanc'. Tepi'i'molhuo' lo'mane a'palaico'ma iya'. A'palaico'ma jifa'a li'ya' Jerusalén, jouc'a a'palaicota jahuay al distrito Judea, jouc'a lamats' Samaria, jouc'a ni petsi li'a lamats', xonca al culi'.

⁹ Lijoupa limipola' to'ta'a, mehuelojnyi li'apóstole, Jesús if'ajna'ma. I'lecona'ma anuli hummahuay. Aiquixingona'me. ¹⁰ Mif'aquinghua Jesús, tehuenaf'yi lema'a li'apóstole, icuaitsa oquexi' lan xanuc', afujca li'pijajhua'. Ecaxo'lai'me huejnca. ¹¹ Timiyi:

—Imanc' ixanuc' Galilea, ¿te colahuenaf'copa lema'a? Joupá i'onc'e'enapolhuo' Jesús, ileconapa lema'a. To ji'ta'a mo'sinyi lif'ajnapa lema'a, ma to'ta'a ticuaiyoconno ma'que Jesús.

¹² To'ta'a li'ipa mimana' ji'piya hijuala Olivo. I'que hijuala ahuejnca Jerusalén, to anuli kilómetro. Tama litine conxajya ticunni lane to'hua'ma i'e lipiculi'. Lan apóstole ipailinanca, iye'me Jerusalén. ¹³ Icuaitsa Jerusalén itsuflai'me lajut'í. If'ajli'me al toncay. Ji'e lajut'í ixa'huepá, imajmpá i'ne lan apóstole, Pedro, Juan, Jacobo, Andrés, Felipe, Tomás, Bartolomé, Mateo, Jacobo i'hua Alfeo, Simón jouc'a Judas, i'hua Jacobo. I'que Simón ai'a tihuej'ma Jesús anuli li'picuejma' lan xanuc' nocuapá: “Lun'ú'e'me lamats'”. ¹⁴ I'i'ma anuli li'picuejma' lan apóstole, itine itine ti'hua tijoc'iyi LanDios. Jouc'a efot'leyo'tsi laca'l'no', i'ne liyejmalepá Jesús, jouc'a María qui'máma' Jesús, jouc'a lipimaye Jesús.

¹⁵ I'ne i'tiné Pedro ecax'ma, ipalaic'o'mola' lipimaye. Timana' to amaxnuj nuxans lefot'leyo'tsi. Timila':

¹⁶ —Imanc' cunc'aipimaye, al Paxi Linilingiya tuya'e' linespa David, i'e itaiqui' cal Espíritu Santo. David uya'a'ma lo'eya Judas, i'que hi'huaj'me'mola' lan xanuc' li'no'l'me Jesús. Joupá enan'pa i'e loya'apa al Paxi Linilingiya, to'ta'a ticuicomma. ¹⁷ I'que Judas anuli illanc' ninc'apóstole, anuli la'penic'. ¹⁸ Judas li'epa i'e lixcay i'najtsempa, epenuf'ma al tomí, i'naco'ma anuli lamats'. Ji'pe i'quiya ecanghuaitsi, untaf'ma licu'u, ipanni lipucuiyale. ¹⁹ Jahuay nomana' Jerusalén icuej'me li'ipa. I'que lamats' hi'napa Judas ecui'im'me Aceldama. I'e lataiqui' i'taiqui' i'ne lan xanuc', tuhua'quemma cuftine: Lamats' cajuats'.

²⁰ Pedro ti'hua tipalaic'ola' li'ejmale, timila':

—Tuya'e' ihe al je'e lan Salmo liniñingiya:
 Tipanenni quituca' lejut'í itque cal xans.
 Nij naitsi nopajñconaya.
 Jouc'a tuya'e':
 Itque, ihe lipenic', ti'eña' ocuena.

²¹ 'Fa'a timana' lañpimaye, ihe lañejmale malihuejyi lañPoujna Jesús jifa'a li'a lamats'.
²² Mepo'iyale Juan, añejmalepá ihe anuli. Litine lileconnapa lema'a lañPoujna Jesús, lañpo'noponga' cañuca', ti'hua añejmale. Itsiya añ'huij'e'me anuli ihe. Ma' anuli luya'a'me: Imaf'inapa Jesús, añsimpá.

²³ Ifaquim'mola' oquexi' lan xanuc' naitsi lolijya ihe lanic'. Ihe loquexi' anuli cuftine José Barsabás, locuena cuftine Matías. Itque José lacui'impá Justo. ²⁴ Ijoc'i'me lañPoujna Jesús, timiyi:

—MañPoujna, ima' mimetsaicola' te ts'i'ic' liñpicuejma' jahuay lan xanuc'. Oxina' te ts'i'ic' lañpicuejma'. Jifa'a timana' oquexi' lañejmalepá. Ima' joupa o'huij'e'pa anuli. Añmuc'itsonga' naitsi itque. ²⁵ Añ'e'e anuli lañpenic' ninc'apóstole. Toñta'a lipenic' Judas. Ipo'nopa i'huapa pe lotsepá lif'as quixcay xanuc'.

²⁶ I'e'me naitsi coc'añmaiya. Ec'añmaita Matías. Limbamaj nuli lan apóstole epenuf'me.

2

¹ Icuaitsi litine al juic Pentecostés. Mañe litine lan apóstole jouc'a liñejmale efot'le'moñtsi anuli. ² Icuej'me tuna'e' lema'a, to mi'hua'ma ujfxi cahua'. Jiñpe lajut'í tocomma imanna ñona'apa. ³ Ixim'me to hiñal cunga ixc'if'moxi, ipanenni anuli anuli hiñjuac iñniya. ⁴ Cal Espíritu Santo icuxe'e'mola' liñpicuejma'. Tu'ila' te ts'i'ic' minesyacu. Ipango'me ipalai'me ituca' cataiqui'.

⁵ Ihe hitiné liñya' Jerusalén timana' axpela' lan xanuc' judío tixantseyi quiñjuic. Ihe quiyoyomma ni petsi li'a lamats', tihuejcoyi ÑanDios. ⁶ Icuej'me tuna'e'. Icuaiyunca pe lomana' lan apóstole jouc'a liñejmale. Aiquiñsina' te qui'ipa. Tama ocuena ocuena liñtaiqui' jahuay iñniya icuec'e'me lonespa lan apóstole. ⁷ Tocomma tipailo liñpicuejma', ixpailij'mola'. Ticuayi:

—Ihe nopalaipá quiyoyomma Galilea. ⁸ Illanc' añmajñliyota ituca' ituca' lamats', ocuena ocuena lañtaiqui'. Itsiya, ¿te qui'ipa? Jahuay illanc' añcuc'ela' iñniya lonespa. ⁹ Fa'a ja'ni ninc'iPartia, ninc'iMedia, ninc'Elam, ja'ni cañoyomma lamats' Mesopotamia, o Judea, o Capadocia, o Ponto, o Asia, ¹⁰ o Frigia, Panfilia, Egipto, jouc'a lamats' Libia, ihe ahuejñca liñya' Cirene, ja'ni Roma añpiñya' añcui'me al juic, ja'ni añmana' ma ninc'ijudío, o ja'ni ocuena lañraza, lihuejcoyi ñilenDios lan judío, ¹¹ ja'ni añmana' ninc'iCreta, o añmana' ninc'Arabia, tama ituca' ituca' cañoyomma, ocuena ocuena lañtaiqui', itsiya jahuay añcuc'eyi ihe lopalaipa. Añcuejyi tipalaiyi lañtaiqui'. Tuya'ayi al cueca' lo'epa ÑanDios.

¹² Ihe lan xanuc' miquimf'eyi tocomma tipailo liñpicuejma'. Tixhueñcoyi juaiconapa. Ticuayi:

—¿Te qui'icopa toñta'a liñtaiqui' iñniya?

¹³ Ocuenaye ixoco'me, ticuayi:

—Ihe nopalaipá joupa imeyojpola'. Ixnapá juaiconapa al ts'ej vino.

¹⁴ Limbamaj nuli lan apóstole jouc'a Pedro enaj'moñtsi locuenaye lapimaye nomana' jiñpe, ecaxoñai'me. Pedro ipalai'ma ujfxi, ipalaic'o'mola' lefoñya, timila':

—Capalaic'olhuo' jahuay imanc' olafot'leyoñtsi fa'a Jerusalén. Hualca imanc' noñmana' fa'a olamats' Judea, locuenaye imanc' ocuena colamats'. Itsiya cami'molhuo', cuhuac'e'e'molhuo' ihe li'ipa. ¡Añquimf'eña'!

¹⁵ 'Imanc' tolcuayi: Hnu'hua lan xanuc' joupa imeyojpola'. A'ij linca loñnespa. Itsiya apuqui'ya. Le'a apella 'hora. ¹⁶ Itsiya i'ipa to luya'apa Joel cal profeta. Itque uya'apa tołta'a ti'i'ma, inespa:

¹⁷ LanDios tuya'e':

Hna'a litiné, ai'a tijou'ma li'a lamats', iya' cumme'ma lai'Espíritu.

Lan xanuc' ni petsi lomana' li'a lamats' tepenuf'me.

Loñaxque' camijcanó jouc'a loñaxque' cahuats'la, tuya'a'me laifnu'iyacola'.

Litine lolamijcanó tixim'me laifmuc'iyacola',

lipuqui' litojpola' xanuc' tipaiyo'me, iya' capi'i'mola' quipaiyo.

¹⁸ Lan xanuc' jouc'a lacał'no', pe nalimetsaicopa iya' iłPoujna,

iłniya tepenuf'me lai'Espíritu, tuya'a'me laifmiyacola'.

Ma' iya' cumme'ma lai'Espíritu, ticuaita pe lomana' iłniya.

¹⁹ Lan xanuc' tixim'me acueca' laifmuc'iyacola' fa'a li'a lamats'.

Tehuenaf'le al toncay lema'a tixim'me al cueca'.

Tixim'me to lajuats', jouc'a ĩunga, jouc'a juaiconapa quicuxis.

²⁰ Lalapalai'enga' timufc'o'ma. Cal mut'ła ti'i'ma to lajuats'.

Tijouł'a ti'ila' tołta'a ticuaihuo jile Litine LanDios.

Jahuay tixim'me acueca' Litine ile; acueca' juaiconapa lo'eya LanDios.

²¹ Naitsi nojoc'iya LanDios, naitsi noxa'hueya titoc'ila', itque linca tunlu'ma.

²² 'Imanc' ixanuc' Israel, alquimf'ela' laifnu'iyacolhuo': Cal xans Jesús łas Nazaret ma LanDios epi'ipa limane, tołta'a imuj'moxi ma' anDios. Itque Jesús li'huamma icuaitsi pe lołmana', i'e'ma al cueca', i'e'ma ma to lo'eya LanDios. Tołta'a imuc'ipolhuo' naitsi łummepa. Joupa ołsina' ile li'ipa. ²³ Lijou'ma i'i'ma ma to quixina' LanDios lo'iya, ma to lixpice'ma. Itque cal xans Jesús LanDios icupa, epi'ipolhuo' imanc'. Imanc' ołcu'me icuaitsi quilmane ts'ıpenic'. Tołmila' lan xanuc', iłne pe aimihuejcoyi LanDios: "Tonlapałts'ijntsa łancruz". Tołta'a qui'ic' imanc' ołma'apá. ²⁴ Lijou'ma LanDios imaf'i'ina'ma. Aiquipo'nohuo quimac'. Unlu'e'ma. Lamaya aiqui'ic' culiqui nulemma. ²⁵ Li'ipa to linespa David mipalaicojma Jesús, tuya'e':

Iya' aiximpa lo'iya, łalPoujna aimalpo'noya caituca'.

Itine itine almajm'me anuli, itque tipa'a al c'a camane, alıoc'i.

Ailopa'a calspaic'eya.

²⁶ Tołta'a caxina amaf'ca łainunxajma'.

Cuya'a'ma: Iya' tixoqui neta juaiconapa.

Aixina' cuyaico'ma al c'a jouc'a laicuerpo.

Tijouł'a laipitine fa'a li'a lamats' cunxaj'ma tixoj'ma neta.

²⁷ Iya' lai'alma aimalpo'noya pe lomana' lamizhua.

Iya' o'huexi, ima' aiPoujna, alıoc'i'ma, laicuerpo aimihuet'ıya.

²⁸ Iya' aixina' laif'eya, joupa alıuc'ipa, culij'ma laipitine.

Capajn-na'ma pe lołpa'a, ima' toxhuai'ni'ma laixojcoya neta.

²⁹ 'Cunc'aipimaye, lapi'ila' lane capalaic'o'molhuo' al cuajmaica cataiqui'. Imanc' joupa ołsina' li'ipa łalıtatahuo David. Itque imanapa, temuya. Lipu'hua tipanenni fa'a liıya' Jerusalén. ³⁰⁻³¹ Itque David aprofeta. LanDios u'i'ma lo'iya. Joupa epi'ipa cataiqui' imipa:

Ima' lołcuxeya aimijouya.

Ima' ti'i'ma itatahuo cal Cristo itque laifnummeya ticuxela'.

David aiquimenc'ejma ile litaiqui' LanDios limipa. İxina' lo'eya LanDios, ipalaico'ma lo'iya cal Cristo, ticua timaf'ina'ma. Tołta'a li'ipa. Itque cal Cristo li'alma LanDios aiquipo'nohuo nulemma pe lomana' lamizhua, licuerpo aiquihuet'ıqui. ³² Itque cal Cristo malque Jesús, LanDios imaf'i'ina'ma, itsahue'enanni. Jahuay illanc' alısimpá imaf'inapa.

³³ LanDios qui'Ailli' cal Cristo imi'ma: "Capi'i'mo' cal Espıritu Santo. Tommeta pe lomana'

laixanuc'." Toŧta'a li'ipa. LanDios if'ac'enapa lema'a, epi'ipa toŧta'a limane. Iŧque Cristo joupa ummepa cal Espíritu Santo. Imanc' aŧquimf'enga' laŧpalaipa, lahuelonginga' laŧ'ejma'. Toŧta'a maŧcuxenga' cal Espíritu. ³⁴ David a'i quif'aqui lema'a. Maŧque tuya'e':

LanDios tipalaic'o laiPoujna, timi: "Tocutshuai'ma jifa'a al c'a camane.

³⁵ Topanehuo fa'a, iya' mi'hua culiquila' lo'epo' laic'.

Tijoula' ima' tocuxena'mola'."

³⁶ 'Imanc' ixanuc' Israel; itsiya jahuay imanc' toŧcuc'eŧe iŧe li'ipa. Iŧque Jesús imanc' olapaŧs'ijmpá lancruz, LanDios imetsaicopa aŧPoujna, imetsaicopa cal Cristo.

³⁷ Licuej'me iŧe lataiqui' ecajm-maitsi lataiqui' liŧpicuejma', icuaitsi kilunxajma'. Ix-hueŧconca juaiconapa. Icuis'e'me, timinnila' Pedro jouc'a locuenaye apóstole:

—¿Te caŧ'eyacu? Imanc' cunc'aŧpimaye lu'itsonga'.

³⁸ Pedro timila':

—Toŧsuej'menca. Toŧnesle: "Al linca iŧque Jesús aCristo". Tepo'intsolhuo' anuli anuli imanc'. LanDios tiŧonc'e'e'molhuo' loŧjunac'. Tepi'im'molhuo' cal Espíritu Santo. Joupa inespa toŧta'a LanDios. ³⁹ Itsiya toŧta'a timila' jahuay nojoc'ipola'. Timilhuo' imanc', timila' loŧnaxque', jouc'a timila' iŧniya nomana' aculi'.

⁴⁰ Lijoupa limipola' toŧta'a, Pedro ti'hua tipalaic'ola' xonca. Ti'hua tixc'ai'ila', tixa'huela', timila':

—Aimolihuej'mola' lan xanuc' nomana' itsiya. Iŧne aimihuejyi al liŧca lipene LanDios.

⁴¹ Iŧe litine lan apóstole jouc'a liŧejmale epenufim'mola' to afanej mil lan ts'e capimaye, iŧne epenufpá litaiqui' Pedro epo'im'mola'. ⁴² Jahuay lapimaye tihuejyi lomuc'iyalepa lan apóstole. Tiyejmaleyi, titoc'iyotŧsi. Ti'eyi to Jesús lixc'ai'ipola' li'apóstole. Tefot'ŧeyotŧsi, tixquec'iyotŧsi la'i, titeji. Tijoc'iyi LanDios.

⁴³ Iŧniya litiné jahuay lan xanuc' tixpaic'eyi LanDios. Ailopa'a natets'ipa LanDios. Lan apóstole ti'eyi al cueca'. Timuc'innila' lan xanuc' lipepaxi LanDios. ⁴⁴ Jahuay iŧne naihuejcopá Jesús i'e'e'motŧsi anuli. Timiyotŧsi:

—Maipima, lai'huexi iya' ima' o'huexi jouc'a.

⁴⁵ Ja'ni ŧamats', ja'ni ocuena quif'huexi, pe ts'iŧ'hueca ticujiyi. El tomí lolijpa teca'nennila' lapimaye pe ailopa'a quif'hueca. ⁴⁶ Itine itine tiyeyi al cuecaj xoute', tefot'ŧeyotŧsi. I'ipa anuli liŧpicuejma'. Jouc'a tefot'ŧeyotŧsi hilejut'li. Jiŧpe titeji la'i lixquetsufiya. Linca tixoquei quileta titetsoyi anuli. ⁴⁷ Tix'najtsi'iyi LanDios. Locuenaye xanuc' tetenŧcocola' liŧ'ejma'. Itine itine laŧPoujna Jesucristo tunŧu'ela' lan xanuc'. Toŧta'a ixpepola' lapimaye, tefot'ŧeyotŧsi anuli.

3

¹ Anuli litine iye'me al cuecaj xoute' Pedro jouc'a Juan. I'ipa al fanej hora. Maŧpe lan xanuc' tijoc'iyi LanDios. ² Jiŧpe ticutsu anuli cal coxo. Toŧta'a lipajnta. Itine itine tiŧcuai'emma ŧunaj xoute', pe lopa'a al puerta lacui'impa: Xonca Lilange. Jiŧpe cal coxo tixahue'ela' tepi'inni quitomí iŧne lan xanuc' mitsuflaiyi al xoute'. ³ Ixim'mola' Pedro jouc'a Juan mitsuflaiyi al xoute', ixahue'e'mola' tepi'iŧe quitomí. ⁴ Pedro jouc'a Juan ehuelonc'e'e'me li'a. Pedro timi:

—Ima' alahuelojntsonga'.

⁵ Cal xans i'e'ma to limi'ma. Ticua: "Lapi'i'ma caitomí". ⁶ Pedro timí:

—Iya' ailopa'a caitomí, ni huata ni axpe'. Linca catoc'i'mo'. Cajoc'i'ma Jesús ŧas Nazaret, iŧque tixaŧ'metso'. Ima', ŧotsahuenni! ŧTo'huala'!

⁷ Pedro i'noŧ'e'e'ma al c'a quimane. Ecaxu'ma. Aiquicoŧ'ma i'ina'ma quif'pujfxi li'mitsi', jouc'a licoxac' qui'mitsi'. ⁸ Iyuf'conni, ecax'ma, ipango'ma i'hua'ma. Itsuflai'me al xoute' iŧque jouc'a Pedro y Juan. Ti'hua iyuf'conni, tix'najtsi'i LanDios. ⁹ Jahuay lan xanuc' nomana' jiŧpiya ixim'me ti'hua, icuej'me tix'najtsi'i LanDios. ¹⁰ Imetsaico'me, ticuayi:

“Itca'a cal xans micutsu hunaj xoute' jilpe al puerta lacui'impá: Xonca Lilange, tixa'hue quitomí. Itsiya, ¿te qui'ipa? Itsiya ti'huanghua.”

¹¹ Jilpe al cuecaj xoute' hipinujnca Salomón efot'le'mołtsi lan xanuc'. Iximpá cal coxo joupa ixałconapa, tecaxc'o nolojmay Pedro y Juan, i'nohila' ihniya. Ticuayi: “¿Te qui'ipa lixałcopa?” ¹² Pedro lixim'mola' lan xanuc' lefołya timila':

—Imanc' cunc'ixanuc', ołtatahuelo Israel, ¿te aicołcueca li'ipa? ¿Te calahuelojncoponga' illanc'? ¿Te aga illanc' całtuca' ał'e'epa ti'huala' itque cal xans? ¿Te aga illanc' xonca lihuejcoyi ŁanDios, tołta'a lapi'iponga' lałmane ałsał'mełe jilca'a cal xans? A'i. ¹³ Ma ŁanDios i'epa ita'a al cueca' itsiya. Itque ilenDios lałtatahueló Abraham, Isaac y Jacob jouc'a ilenDios la'ailí, itsiya imuc'ipolhuo' joupa imetsaicopa Jesús i'Hua. Imuc'ipolhuo' joupa imetsaicopa ixhuai'nipa lipenic', ile lanic' lepi'ipa ti'ełá'. Małque Jesús imanc' ołcupá icuaitsi limane łincuxepa Pilato. Pilato ipic'a tux'masnałá', imanc' aicołcuac', ołcuanac'epá.

¹⁴ Imanc' ołsa'hue'me Pilato tux'masnałá' łocuena cal xans, itque cal cuej quinma'ahuale. Jesús, cal Paxi Xans, cal Łijca Xans, imanc' aicołcuac', aicolapenufi. ¹⁵ Imanc' ołma'a'me Jesús, małque łalapi'iponga' lałpitine. ŁanDios imaf'i'inałpa, ipa'apa pe lomana' lamizhua. Jahuay illanc' lałejmalepá ałsimpá imaf'inapa. ¹⁶ Ał'huaiyijnyi Jesús. Ałsina' ja'ni ałnesco'me lipuftine Jesús, ŁanDios tixał'me'ma cal coxo. Tołta'a li'ipa. Małque Jesús ałtoc'iponga' ał'huaiyijnle tołta'a, tołiya imanc' tołsinyi itca'a cal xans joupa ixałconapa, ailopa'a quicuana.

¹⁷ 'Cunc'aipimaye, aixina' li'ipa. Litine lołma'apa Jesús imanc' aicołsina' naitsi itque. Jouc'a aiquiłsina' ilne nicuxepolhuo'. ¹⁸ Ma ŁanDios enant'lipa litaiqui', ile loya'apa lam profeta. Jahuay ihniya uya'a'me titelco'ma cal Cristo.

¹⁹ 'Itsiya tołsuej'menca ile loł'epa. Tołpai'ite lołpicuejma'. Tołta'a ŁanDios tiłonc'e'ena'molhuo' lołjunac', tunxac'i'molhuo', tipaxne'molhuo'. ²⁰ ŁanDios joupa u'ipolhuo' tumme'e'molhuo' cal Cristo. Ja'ni tołsuej'menanca, łınca tumme'econa'molhuo' Jesús, małque cal Cristo. ²¹ Itque copa'a pu'hua lema'a, i'huaijma ticuaitsi litine jahuay tilajnlá' al c'a, ti'ila' al ts'e lema'a, al ts'e li'a łamats'. Tołta'a linespa ŁanDios. Li'ipa lipaxi profeta uya'a'me ile litaiqui' ŁanDios. ²² Moisés inesco'ma cal Cristo locuaicoya fa'a li'a łamats'. U'ipola' lałtatahueló loł'ya, timila':

ŁanDios lołPoujna tepi'i'molhuo' anuli cal profeta.

Itque ał'onłcota to iya', ti'i'ma anuli tołpiłya' xans.

Itque tołquimf'e'me, tolihuejco'me jahuay lomiyacolhuo'.

²³ Naitsi aimihuejma, itque tenaj'ma nulemma, aimi'econayacola' anuli lixanuc' ŁanDios.

²⁴ 'Ipangocopa Samuel jahuay lam profeta uya'a'me ma' anuli loł'ya. Itsiya enant'pa luya'apa. ²⁵ Imanc' inaxque' lam profeta, ti'i'ma tołapenuf'me ile al c'a lonescopa ihniya. ŁanDios litine lipalaic'opa Abraham timi: “Tipajnta anuli nopaxneyacola' lan xanuc' ni petsi lomana' li'a łamats'. Ima' ti'i'ma itatahuelo itquiya.” Małe lataiqui' ŁanDios epi'ipola' lołtatahueló jouc'a epi'ipolhuo' imanc' tołapenufle. ²⁶ ŁanDios lijoupa lepi'ipa łi'Hua lipenic', umme'ma ate'a pe lołmana'. Umme'ma tipai'itsolhuo' lołpicuejma' anuli anuli imanc', tołta'a aimoł'econa'me lixcay, ŁanDios tipaxne'molhuo'.

4

¹ Mipalaic'ola' lan xanuc' Pedro y Juan jilpe icuaitsa lixanuc' cal cuecaj ca'aillí, jouc'a łincuxepa capaluc' xoute', jouc'a lan xanuc' saduceo. ² Ixinim'mola' Pedro y Juan timuc'iyaleyi, icuej'me ilne micuayi: “Al łınca timaf'ina'me lamizhua; joupa imaf'inapa Jesús.” Aiquetenłcocola' ile lonescopa Pedro y Juan. ³ I'nołim'mola', i'nicontsola' lacarza, timajntsa jilpe ile lipuqui'. Joupa if'acolałpa. Ticuayi: “Mouqui lipa'a'mola'. Ałcuxecotola'.”

⁴ Axpela' lan xanuc' noquimf'epá linespa Pedro y Juan i'huaiyijmpá Jesús. Ixpe'mola' lapimaye. Joupa i'i'ma to amaquej mil, ma le'a axanuc'. Timana' jouc'a lacał'no'.

⁵ Li'ipa quitine efot'le'mołtsi jilpe Jerusalén ilne łincuxepá lan xanuc' jouc'a lan tsilaj xanuc' noxpijpá lataiqui', jouc'a lomxiye nomuc'iyalepá locuxepa ŁanDios. ⁶ Jilpe

icuaitsa cal cuecaj ca'ailli' Anás, jouc'a Caifás, Juan, Alejandro y locuenaye lixanuc' cal cuecaj ca'ailli'. ⁷ Icuxem'mola' lilepaluc' tilecontsola' Pedro y Juan. Icuai'entsola', eacaxum'mola' petsi lefot'leyołtsi. Timinnila':

—Imanc' ołsal'mepá cal coxo. ¿Naiti lepi'ipolhuo' colmane? ¿Te cuftine itque?

⁸ Pedro ixim'ma cal Espíritu Santo ticuxe lipicuejma'. Timila':

—Imanc' cunc'incuxepá jouc'a imanc' nołspijpá lataiqui', ⁹ itsiya licuis'enga', ałminga': ¿Te coltoc'icopa cal coxo? ¿Te qui'ipa joupa ixalconapa? ¹⁰ Cu'i'molhuo' li'ipa. Ti'ita' colłsina' jahuay imanc' jouc'a jahuay lał'as xanuc' Israel. Illanc' aljoc'i'me Jesucristo, łas Nazaret, ma' itque Jesús imanc' olapałts'ijmpá lancruz, LanDios imaf'i'ina pa ipa'anapa pe lomana' lamizhua. Cacula: Aljoc'ipá itque. Tołta'a ixalconapa itca'a cal xans fa'a tecaxu. Tolahuelojnyi, ailopa'a quicuana. ¹¹ Małque Jesús copa'a "... łapic łetets'impa nolanc'epá lajut'ł". Imanc' mołłanc'eyi lajut'ł aicolłshuico'me. Itsiya "... joupa i'ipa xonca łaicuicoya, itque łapic xonca tilanc'e łaitał, aimecangeya lajut'ł". ¹² Ailopa'a cocuena łalunł'eyacongá'. Jifa'a li'a łamats' ni petsi lomana' lan xanuc', ja'ni tijoc'ite Jesús, tinescolte lipuftine, tunłul'me. Ocuena aimi'iya munł'eyacola'.

¹³ Itne noquimf'epá lonespa Pedro y Juan ixinim'mola' aimixpailiquila', ticuayi: "Itne ni naiti xanuc'. Aiquilłsuec'. Itłsina' alłalai'e'enga'. ¿Te qui'ipola'?" Ticuayi: "Itne iyejmalepá Jesús". ¹⁴ Ailopa'a quimiconá'mola'. Ixim'me cal coxo jouc'a Pedro y Juan tecaxolłanna. Itque joupa ixalconapa. ¹⁵ Ummem'mola' łuna. Ipalaic'o'mołtsi ts'itpenic'. ¹⁶ Ticuayi:

—¿Te cal'eyacu? ¿Te calmiyacola' itne lan xanuc'? Jahuay nomana' fa'a liłya' Jerusalén joupa itłsina' juaiconapa acueca' li'epa. Aimi'iya małnesyacu: A'ij łınca. ¹⁷ Ma le'a alłcuxe'e'mola', alłmi'mola': "Aimołpalaicocona'me Jesús. Aimołnesco'me lipuftine." Tołta'a lan xanuc' nomana' ocuenaye quitelolłya' aimiduejyacu li'epa itniya.

¹⁸ Ijoc'im'mola' Pedro y Juan titsuflaiconanca. Timinnila':

—Aimołpalaicocona'me Jesús. Aimołmuc'iconayale'me litaiqui'. Aimołnescona'me lipuftine.

¹⁹ Pedro y Juan italai'e'me, timinnila':

—¿Te colcuayacu imanc'? ¿Te ts'ipic'a LanDios? ¿Ja'ni lihuejco'molhuo' imanc' o lihuejco'me LanDios? ²⁰ Illanc' aimi'iya małtał'eyacołtsi lałco. Itne lałłsimpa, lałcuejpa, aluya'a'me, alu'i'mola' lan xanuc'.

²¹ Icuxe'econam'mola' Pedro y Juan. Timinnila':

—Ja'ni ti'hua tołpalaicoyi Jesús alłtel'mi'molhuo'. Tonłente.

Aimi'iya mitel'minyacola'. Jahuay lan xanuc' iximpá acueca' ite li'ipa, tix'najtsi'iyi LanDios. ²² Cal xans lixalconapa a'ij camijcano, joupa ixhua ita oquej nuxans y xonca łemats'.

²³ Joupa ux'masquinampola' Pedro y Juan ipailinanca, icuaitsa pe lomana' liłpimaye. Uya'a'me linespa lixanuc' cal cuecaj ca'ailli' jouc'a lan tsilaj xanuc' noxpijpá lataiqui'.

²⁴ Licuej'me tołta'a jahuay itniya lapimaye ipango'me ijoc'i'me LanDios, timiyi:

—MałPoujna, illanc' oxanuc'. Ima' olanc'epa lema'a, olanc'epa li'a łamats', olanc'epa łaja, olanc'epola' jahuay lomana'. ²⁵ Łalłtatahuelo David joupa lu'iponga' lołnespa ima' manDios. Micuxe cal Espíritu Santo lipicuejma' David, itque ticua:

Lan xanuc', itne pe aimimetsaicoyi LanDios, ixtuc'o'mołtsi, ixpic'epa ti'e'me nixpiya.

²⁶ Lan rey, itne nocuxepá jifa'a li'a łamats', joupa itsolinamma, tixtuleyi.

Nocuxepola' lan xanuc' efot'lepołtsi anuli,

tifuli'i'me LanDios, tifuli'i'me cal Cristo, itque łummepa LanDios.

²⁷ Ma' alłınca tołta'a li'ipa jifa'a liłya'. Efoł'lepołtsi cal rey Herodes, jouc'a Poncio Pilato jouc'a lipiłya' xanuc', jouc'a lałxanuc' itne ixanuc' Israel. Itniya jahuay ixtuc'o'me cal Paxi ło'Hua Jesús, itque no'epa lołpenic' lomepi'ipa, itque ło'Huijł'epa ima'. ²⁸ Itniya naixtulepá

tocomma to quiltuca' tixpic'eyi lo'eyacu. A'i quiltuca' mixpic'eyi, ma' ima' ocuxe'e'mola' lo'epa, ima' joupa oxpic'epa lo'ia.

²⁹ 'Ima' małPoujna, itsiya ałsa'huehuo' ałtoc'itsonga'. Toquimf'etsola' nalixtuc'oponga', ilne ałminga' cataiqui', illanc' oxanuc', ima' malanDios. MałPoujna, lapi'itsonga' calpujfxi aimalšpailij'monga', ti'hua luya'a'me lotaiqui'. ³⁰ Illanc' ałnescocona'me Jesús lipuftine, ilque cal Paxi lo'Hua ni'epa lopenic' lomepi'ipa. Ma' ałnescofe ilque lipuftine, ima' ti'huała' lomane, toxał'metsola' lafcuałay, tomuc'itsola' lan xanuc' al cueca' lof'epa, to'eła' to aimi'ia mi'eyacu lan xanuc'.

³¹ Lijoupa lijoc'ipa ŁanDios ixim'me tifenna lajut'ł pe lafołyomma. Lapimaye nomana' jilpe cal Espıritu Santo icuxe'mola' liłpicuejma' jahuay ilniya. Lijou'ma aiqiułsina' caxpaiqui'. Ti'hua tu'iyaleyi litaiqui' ŁanDios.

³² Jahuay ilniya no'huaiyijmpá Jesús ti'e'eyołtsi capic'a. Ailopa'a nonesya: "Ile ai'huexi ma' iya' caituca'". Jahuay ticuayi: "Maipima ilta'a łai'huexi jouc'a o'huexi". ³³ Lan apóstole ti'hua tuya'ayi: "Ałsimpá łalPoujna Jesús joupá imaf'inapa, ipanamma pe lomana' lamizhua". A'i ma le'a micuayi, jouc'a ti'eyi al cueca'. ŁanDios juaiconapa itoc'i'mola' jahuay ilniya lapimaye. ³⁴ Ilne no'huaiyijmpá Jesús aimehue'ela', ni' anuli. Lapimaye ts'il'hueca, ja'ni amats' o ajut'ł, ticujyi. Al tomı lolijsa ti'hua'ayi pe lomana' lan apóstole. ³⁵ Teto'ennila' jilpe lił'mitsi' ilniya. Ile al tomı teca'nennila' lapimaye pe aiqiuł'hueca.

³⁶ Tipa'a jilpe anuli łapima cuftine José. Lan apóstole ecui'i'me Bernabé. Ile laftine tuhualquemma: Łaixoc'ipola' quileta lipimaye. Ilque qui'huayomma łamats' Chipre. Cal te'a qui'ahuelo aLeví. ³⁷ Bernabé icuj'ma anuli łemats', itaic' al tomı lulijsa. Eto'e'mola' lił'mitsi' lan apóstole.

5

¹ Jilpe pe lomana' lapimaye tipa'a anuli cal xans cuftine Ananías. Jouc'a lipeno Safira icuj'me łamats'. ² Al tomı lulijsa Ananías ipa'a'ma, lipanenni i'hua'a'ma, eto'etsola' lił'mitsi' lan apóstole. Ticuanłe jahuay itaipa al tomı, a'ij linca. Lipeno ixina' li'epa lipe'ailli'.

³ Pedro timı:

—CumAnanías, ¿te comepi'icopa lane łonta'a Satanás? Ilque icuxepo' jilpe lopticuejma'. Oxpic'epa tofel'mi'ma cal Espıritu Santo. Omilonc'epa lomulijpa al tomı. ⁴ Ilque łomemats' ai'a tocuj'ma, ¿ja'ni ima' cotuca' aimoxpic'e te lof'e'eya? Lijoupa locujpa, al tomı lomulijpa, ¿te aico'huexi? Ima' cotuca' oxpic'epa ałfel'mitsonga'. Metets'ipa ŁanDios, a'i malatets'inga' illanc' ninc'ixanuc'.

⁵ Licuej'ma ile lataiqui' Ananías ecangenni łamats', ima'ma. Licuej'me lan xanuc' tołta'a li'ipa jahuay ixpailij'mola' juaiconapa. ⁶ Lamijcanó itsolinca, iju'eco'me asábana licuerpo Ananías, itai'me emitsa.

⁷ Uyai'ma afanej hora. Icuaiyunnı lipeno łamizhua Ananías. Ilque aiqiułxina' ile li'ipa lipe'ailli'. ⁸ Pedro icuis'e'ma, timı:

—Alu'ıla'. ¿Te alinca tołta'a i'najtse'empolhuo' lołcujpa łolamats'?

Timı:

—Tołta'a ał'najtse'emponga'.

⁹ Pedro timı:

—Imanc' loquexi' olnefopá olahuaipá cal Espıritu Santo. Toquimf'ela'. Icuaicona'me lamijcanó nemihuo'me łope'ailli'. Tısolof'que lił'mitsi'. Joupá icuai'me łunaj puerta. Tileco'mo' ima'.

¹⁰ Aiquicoł'ma. Łaca'no' ecanghuaitsi imac' jilpe li'mitsi' Pedro. Itsuflai'me lamijcanó ixim'me joupá imanapa. Itai'me emitsa jilpiya lemi'e'huo'me lipe'ailli'. ¹¹ Lapimaye, ilne lefot'łepola' ŁanDios, jouc'a jahuay lan xanuc', licuej'me ile li'ipa ixpailij'mola' juaiconapa.

¹² Lan xanuc' nomana' jilpiya ixim'me axpe' acueca' lo'epa lan apóstole, ixinim'mola' mi'eyi to lo'eya ŁanDios. Jahuay ilne lan apóstole tefot'leyołtsi pe lopa'a al cuecaj xoute', jilpe linujnca cuftine Lipinujnca Salomón. ¹³ Locuenaye aiqiuł'onłila' to ilniya lan apóstole,

tixpailiquila'. Lan xanuc' ticuayi: “Acueca' lo'epa, acueca' ac'a lihpicejma' ihniya”.
¹⁴ Toŧta'a xonca axpela' i'huaiyijm'me laŧPoujna. Ixpe'mola' axanuc' acal'no'.
¹⁵ Ipa'a'me lilefcuallay lonaf'coŧanna liŧhualfa o liŧhuijm-ma'. Ipo'nom'mola' lema cane, iŧ'huaijma tuyaiŧa' Pedro. Ja'ni tixingufcoŧe ma le'a lipunxahua tixaŧcona'mola'.
¹⁶ Juaiconapa axpela' lan xanuc' quiyouyomma liŧeloŧya' lomana' huejnca Jerusalén tiŧcuai'em'mola' lilefcuallay. Jouc'a tiŧcuai'em'mola' locuenaye laxtafpola', tipa'antsola' lontahue litsufŧaipá. Jahuay ixaŧcona'mola'.

¹⁷ Ixtulenca cal cuecaj ca'ailli' jouc'a liŧejmale, iŧne lan saduceo. Juaiconapa ti'eyi laic'.
¹⁸ Umme'me lilepaluc'. Iŧne i'noŧ'me lan apóstole, i'nico'me lacarza.
¹⁹ Iŧe lipuqui' icuaiyunni lacarza anuli laŧpaluc quema'a ŧummepa laŧPoujna. Exi'e'ma lipuertá lacarza, ipa'ana'mola'.
²⁰ Timila':

—Tonŧeŧe al cuecaj xoute'. Tolacaxoŧsa jiŧpiya. Toŧpalaic'otola' lan xanuc'. Tolu'itola' te ts'i'ic' al ts'e capajnya, te ts'i'ic' mepenufyacu.

²¹ Lijoupa licuej'me toŧta'a, iye'me. Icuaitsa al cuecaj xoute'. Joupa tiŧic'e itsufŧai'me jiŧpe. Ipango'me imuc'iyalecona'me lan xanuc'.

Cal cuecaj ca'ailli' jouc'a liŧejmale icuaitsa pe loxpijyopa cataiqui'. Ijoc'im'mola' jahuay lan tsilaj xanuc' Israel, iŧne noxpijpa lataiqui', tefot'ŧetsoŧsi. Lijou'ma ummem'mola' lapaluc' tiyeŧe lacarza. Timinnila':

—Toŧecotsola' ticuaiyunca fa'a pe laŧmana' iŧne lan xanuc'.

²² Lapaluc' icuaitsa lacarza. Ailomana' jiŧpiya lan apóstole. Ipailinanca, uya'atsa.
²³ Timiyi:

—Laŧcuaita illanc' lacarza eti'iya al c'a. No'epá cuenna tecaxoŧanna ŧunaj puerta. Alaxi'epá cal puertá nij naitsi nopa'a.

²⁴ Lincuxepa capaluc' al cuecaj xoute', jouc'a cal cuecaj ca'ailli', jouc'a lixanuc' cal cuecaj ca'ailli' iquimf'e'me lonespera lapaluc', icua'me:

—Itsiya iŧe li'ipa, ¿te cocula'aya? ¿Te xonca co'iya?

²⁵ Minesyi toŧta'a icuaitsi anuli cal xans, timila':

—¿Tosinŧe! Iŧne lan xanuc' imanc' loŧ'nicopola' lacarza, jipu'hua al xoute' tecaxoŧanna, timuc'iyaleyi.

²⁶ Lincuxepa lapaluc' al cuecaj xoute' jouc'a lepaluc' iye'me tilecontsola' lan apóstole. Mane ilecontsola', ailopa'a qui'e'empola'. Iŧne lin-naihuehuale tixpailiquila'. Ticuayi: “¿Te caŧ'e'eyacongá' lan xanuc'? Ja'ni lixtuc'o'monga', aŧma'aco'monga' apic.”

²⁷ Icuaiyocontsa pe lefoŧya petŧi loxpijyopa cataiqui'. Ecaxum'mola' jiŧpiya. Cal cuecaj ca'ailli' ipango'ma icuis'e'mola'.
²⁸ Timila':

—Illanc' joupa aŧsc'ai'ipolhuo', aŧcuxe'epolhuo', aŧmipolhuo': “Aimoŧpalaicocona'me Jesús. Aimoŧnescocona'me lipuftine.” Itsiya, ¿te conŧ'epa? Joupa oŧ'nicopá loŧtaiqui' lihpicejma' jahuay lan xanuc' nomana' fa'a Jerusalén. Imanc' aŧtac'huinga' cajunac'. Toŧcuayi illanc' aŧma'apá iŧque cal xans Jesús.

²⁹ Pedro jouc'a locuenaye lan apóstole italai'e'e'me, timinnila':

—Ja'ni LanDios jouc'a lan xanuc' aŧcuxenga', ticuicomma lihuejcoŧe LanDios, aŧi lan xanuc'.
³⁰ LanDios, ŧilenDios laŧtatahueló, imaf'i'inapa Jesús, ipa'anapa pe lomana' lamizhua. Maŧque Jesús imanc' olapaŧts'ijmpá al 'ec, oŧma'apá.
³¹ Imanc' ixanuc' Israel, maŧque LanDios ipic'a tepi'itsolhuo' loŧpicuejma' toŧsuej'menanca, ipic'a timenc'e'eco'molhuo' loŧjunac'. Toŧiya i'epa al cueca'. Imaf'i'inapa Jesús, iŧ'ac'enapa, i'e'epa laŧPincuxepa, Laŧlunŧu'eponga'.
³² Illanc' aŧsina' al ŧinca iŧe laŧmipolhuo'. Toŧiya luya'ayi, lu'ilhuo'. Ma' anuli loya'apa cal Espíritu Santo. Iŧque cal Espíritu LanDios tepi'ila' jahuay naihuejcopá.

³³ Iŧne lan xanuc' noquimf'epá ixtulenca juaiconapa. Coŧa' tima'antsola' lan apóstole.

³⁴ Jiŧpiya lefoŧya tipa'a anuli cal xans fariseo cuftine Gamaliel. Iŧque cal xans omxi,

timuc'iyale locuxepa ËanDios. Jahuay lan xanuc' ixim'me ac'a xans, ticuec'eyi. Ìhque ecax'ma, timila':

—Tolipa'atsola' ìhne lan xanuc'. Illanc' ałpalaic'o'mołtsi całtuca'.

³⁵ (Ipa'am'mola' lan apóstole.) Gamaliel ipalaic'o'mola' ìhne lan xanuc' lefołya, timila':

—Cunc'aipimaye, cunc'aif'as xanuc' Israel, tonf'ete cuenna. Tołspic'ete al c'a lonf'e'eyacola' ìhne lan xanuc'. ³⁶ Li'ipa cal xans Teudas ehuoc'huai'mola' lincuxepá. Ticua: “Iya' nincuecaj xans. Lihuejla'.” To amalpuj maxnu lan xanuc' ihuej'me. Lijou'ma ima'am'me. Ts'ilihuequi inulai'me nulemma.

³⁷ 'Lijou'ma, ìhniya ìtiné minilingaispola' liłpuftine lan xanuc', ocuenaj cal xans ehuoc'huaiconamola' lincuxepá. Ìhque cuftine Judas łas Galilea. Ìhque jouc'a efot'le'mola' axpela' lan xanuc'. Ifule'me. Judas jouc'a ima'am'me. Ts'ilihuequi inulai'me.

³⁸ 'Itsiya camilhuo': Tolanaįtsołtsi ìhne lan xanuc'. Tolux'masnatsola' tiyente. Ìhniya locuapa, lo'epa, ja'ni tipa'acoyi quıłtuca' liłpicuejma', aimi'iyaya, tejac'mola'. ³⁹ Ja'ni ËanDios ticuxela', imanc' aimi'iyaya munlulijyacola', mane tolıxtuc'o'me ËanDios.

⁴⁰ Ihuejco'me limipola' Gamaliel. İjoc'iconam'mola' lan apóstole titsuflaiconanca. İtsimaf'quim'mola' liłspula'. Timinnila':

—Aimołnescona'me: “Jesús alapi'iponga' lałmane lu'i'molhuo' ìhe li'ipa”.

Ux'masquinam'mola'. ⁴¹ Lan apóstole ipalunca jıłpe lefołya. Tixoqui quileta. Ticuayi: “ËanDios tetenłcocojma małnesco'me Jesús. Toliya ałtełcoyi.” ⁴² İtine itine ti'hua timuc'iyaleyi jıłpe al cuecaj xoute' jouc'a laįut'li. Ti'hua tuya'ayi: “Ìhque Jesús aCristo, li'Huij'epa ËanDios”. Aiquixoquila'.

6

¹ Ìhne ìtiné mixpela' ts'ilihuequi Jesús timana' lapimaye ixtuc'o'mołtsi. Ìhne nopalaipá liłtaiqui' griego ixtuc'om'mola' locuenaye lapimaye ahebreo, ìhne ocuena liłtaiqui' lopalaipa. Ticuayi:

—Imanc' lołpotsateya itine itine tepi'innila' łotejacu. İllanc' nałpalaicopá griego aimepi'innila' lałpotsateya.

² Limbamaj coquexi' lan apóstole ijoc'im'mola' tefot'łetsołtsi jahuay ts'ilihuequi Jesús. Timinnila':

—İllanc' ałmuc'iyaleyi, lu'iyaleyi litaiqui' ËanDios. ¿Te ałpo'no'me ìłta'a lałpenic'? ¿Ałtes'mi'mola' lan xanuc'? A'i. Aimi'iyaya. ³ Imanc' illanc' ninc'apimaye. Ticuicomma acaitsi lapimaye, timetsaicontsola' lan c'a xanuc', ticuxetsola' cal Espıritu Santo liłpicuejma', ts'ılsina' tıxpıe'e'me al c'a. Małniya toł'huij'etsola' imanc'. ⁴ İllanc' ti'hua ał'econa'me ma to mał'eyi. Ałjoc'i'me ËanDios, ałmuc'iyale'me litaiqui' ËanDios.

⁵ Jahuay lefołya jıłpe etenłcoco'mola' ìhe lataiqui'. İ'huij'em'mola' Esteban, Felipe, Prócoro, Nicanor, Timón, Parmenas jouc'a Nicolás. Ìhque Esteban jahuay łunxajma' ti'huaiyinge Jesús. Ma le'a cal Espıritu Santo ticuxe lipicuejma'. Nicolás agriego, łas Antioquía, ihuejpa lilihuequi lan xanuc' judío. İtsiya ti'huaiyinge Jesús. ⁶ Ìhne lan caitsi ilecom'mola' pe lomana' lan apóstole. Lan apóstole ijoc'i'me ËanDios, ipo'nof'i'me liłmane liłjuac lan caitsi capimaye.

⁷ Lijou'ma xonca aculi' i'hua'ma litaiqui' ËanDios. Liłya' Jerusalén xonca tıxpela' juaiconapa ìhne ts'ilihuequi Jesús. Jıłpe axpela' la'aillı tihuejcoyi litaiqui' Jesús.

⁸ ËanDios juaiconapa titoc'i Esteban, ipaxnepa, epi'ipa limane ti'ela' al cueca' to aimi'iyaya mi'eyacu lan xanuc'. İ'e'ma to lo'eya ËanDios. Tołta'a timuc'iyale.

⁹ Lan xanuc' judío, ìhne pe lafołyomma laįut'ł cuftine Lileįut'ł Lo'nampola' joupa Ux'masquinnapola', ixtuc'o'me Esteban. Ìhne naıxtulepá quıyoyomma liłya' Cirene jouc'a liłya' Alejandría, jouc'a łamats' Cilicia jouc'a łamats' Asia. Ìhne ipango'me ifuli'i'mołtsi cataiqui' Esteban. ¹⁰ Esteban imuj'moxi acueca' lipicuejma'. Tıpalay ma le'a lomıpa cal Espıritu Santo. Ulıj'mola'. Ìhne ailopa'a cotalai'ecoyacu. ¹¹ İxtulenca xonca.

I'najtsem'mola' lan xanuc' ticufle Esteban. Tuya'atsa: “Ihca'a cal xans tetets'i' Moisés, jouc'a tetets'i' LanDios. Alcuejpá lonespa.” ¹² Tohta'a tu'innila' lan xanuc' jouc'a lan tsilaj xanuc' noxpijpá lataiqui', jouc'a lomxiye nomuc'iyalepá locuxepa LanDios. Jahuay ihniya ixtuc'o'me Esteban. Icuaitsa pe lopa'a, i'noi'me, i'hua'a'me pe lafoiyomma lan tsilaj xanuc' noxpijpá lataiqui'. ¹³ Jiłpiya lefoya icuai'entsola' nofelaiquepá, ihniya icuf'me Esteban. Ticuayi:

—Ihca'a cal xans ti'hua tetets'i' ile al Paxi Cajut'ł, jouc'a tetets'i' locuxepa LanDios. ¹⁴ Illanc' alcuejpá lonespa. Ticua: “Jesús las Nazaret teteł'ma ile al xoute”. Jouc'a ticua: “Jesús tipai'ima la'ejma', aimal'econa'me to ma'eyi”. Alcuayi: Illanc' aimi'iya malapenufyacu tohta'a. Itsiya lihuejyi litaiqui' Moisés, ilque alcuxenga'.

¹⁵ Lan xanuc' nocutsołanna jiłpiya lefoya juaiconapa tehuelojnyi Esteban. Tixinyi li'a ti'onłcospa to li'a anuli łapaluc quema'a.

7

¹ Cal cuecaj ca'ailli' icuis'e'ma, timi Esteban:

—¿Te al linca locuapa ihniya?

² Esteban timila':

—Cunc'aipimaye, imanc' altatá lałcuxenga', alquim'ela' laifmiyacolhuo'.

'Mipa'a lałtatahuelo Abraham łamats' Mesopotamia, ai'a ti'huana'ma łamats' Harán, cal Cuecaj CanDios, ilque Nopa'a lema'a, imuj'moxi. ³ Timi: “Topo'nołá' łomemats', topo'notsola' loxanuc'. To'huanni. Camuc'ito' ocuena camats', jiłpe topajnta.”

⁴ Abraham ipanni łamats' Mesopotamia pe lomana' lan xanuc' cuftine lan caldeo. I'huana'ma ipajntsi łamats' cuftine Harán. Quimaf'i' qui'ailli' jiłpe imanenca. Lijou'ma limana'ma qui'ailli' LanDios ummepa i'huanni jifa'a łamats' pe lałmana' itsiya.

⁵ 'Fa'a LanDios aiquepi'i' quemats', qui'huexi ni mixpiqueya anuli li'mis. Icupa cataiqui', timi: “Capi'i'mo' ihca'a łamats'. Ti'i'mo' co'huexi. Tijoułá' ti'i'ma qui'huexi ło'hua.” Ihe litine Abraham ailopa'a qui'hua. ⁶ Jouc'a LanDios timi: “Timajnlita lonietó. Ihe loxanuc' tiye'me ocuena camats' a'i quilemats'. Jiłpiya timajnta. Lan xanuc' ti'e'mołtsi quilpoujnalá. Ticuxem'mola' juaiconapa. Ti'e'em'mola' quixcay. Amalpuj maxnu camats' ti'e'em'mola' tohta'a. ⁷ Tijoułá' lan malpuj maxnu camats' iya' cateł'mi'mola' lan xanuc', ihe li'epołtsi ilpoujnalá loxanuc'. Ihniya loxanuc' tipalnacu jiłpiya. Tipailinacu fa'a. Ma fa'a alaxc'onłngaina'ma.”

⁸ Lijou'ma LanDios ipo'no'ipa cataiqui' Abraham. IcuXe'e'ma ti'exoxi circuncidar. Lijoupa li'epoxi circuncidar Abraham ilēpa qui'hua Isaac. Ipajntsi Isaac, lixhuaitsi apaico quitine, Abraham i'e'ma circuncidar. Isaac i'i'ma qui'ailli' Jacob. Jacob i'i'ma qui'ailli' ihe limbamaj coquexi' lałtatahueló. ⁹ Ihe lałtatahueló i'e'me laic' laquilpepo cuftine José. Icu'ım'mola' José lan xanuc' cotsepa łamats' Egipto. Ihe ileco'me José. LanDios aiqueca'nicojma. ¹⁰ Unłu'e'ma jahuay latełcoya. Titoc'i, epi'ipa acuecaj quipicuejma'. Tohta'a Faraón, ilque incuxepa jiłpe łamats' Egipto, tetenłcocojma li'ejma' José. Ifac'e'ma, epi'ipa lipenic' ticuxetsola' lan xanuc' nomana' łamats' Egipto. Jouc'a ticuxela' jahuay nomana' lejut'ł Faraón.

¹¹ 'Lijou'ma i'i'ma cumemma. Lan xanuc' ni petsi łamats' Egipto ixingufco'me lumemma. Jouc'a lan xanuc' nomana' łamats' Canaán itełco'me juaiconapa. Lałtatahueló nomana' łamats' Canaán aiqixim'me cotejacu. ¹² Jacob, ilque qui'ailli' lałtatahueló, icuej'ma tipa'a cal trigo łamats' Egipto. Ihe lałtatahueló ni anulemma aiquiltsec' Egipto. Qui'ailli' ummepola' tiyełe. ¹³ Iyehuo'me, ipailinanca. Lijou'ma iyecona'me. Licuaiy-ocontsa łamats' Egipto José imuj'moxi lipimaye. Timila': “Iya' łacolpepo. Iya' ninJosé.” Timi cal rey Faraón: “Ihniya aipimaye”. ¹⁴ Timila' lipimaye: “Tonłełe Canaán. Tołłecotsola' cai'ailli' Jacob jouc'a lałxanuc'.” Tixhuaispola' afanej nuxans quimbamaj maque' ihe lan xanuc'.

15 'Jacob jouc'a linaxque', iñe lañtatahueló, imul'me lamats' Egipto. Jiñpe imanenca. Jiñpe imayo'mola'. 16 Lijou'ma liñpécañ icuai'e'me lamats' Siquem. Emunatsa al pu'hua li'napa Abraham. Iñe al pu'hua lopa'a ñilemats' liñxanuc' cal xans Hamor. Abraham i'ñajtse'e'mola' atomí, i'napa.

17 'Ti'hua tixhuaispola' hitiné ñanDios ti'e'ma ma to limipa Abraham, tepi'i'mola' lañtatahueló quilemats'. Mimana' iñniya lamats' Egipto ti'hua ticuef'quila'. 18 Jiñpiya anuli cal ts'e quincuxepa ipango'ma icuxe'ma. Iñque aiquimetsaijma José.

19 Ehuepa te co'iya mijou'neyacola' lañxanuc'. Icuxenai'mola' juaiconapa. Icuxe'e'mola' teca'nicole liñnaxque' camijcanó, timatsola'.

20 'Iñe hitiné ipajntsi Moisés. ñanDios icuaicotsi quipic'a lañcapími', etenñcoco'ma. Afanej mut'la itoc'empá lejut'ñ qui'ailli'. 21 Lijou'ma eca'nicom'me. Li'hua cahuats' cal rey Faraón ixim'ma, ipulaf'ma, i'hua'a'ma lejut'ñ. Itoc'e'ma to qui'hua. 22 Jiñpe lamats' Egipto timana' lan xanuc' acueca' quilsina'. Jahuay liñsina' iñniya imuc'i'me Moisés. Toñta'a Moisés jouc'a imuj'moxi acueca' lipicuejma', ac'a lopalaipa, lo'epa.

23 'Lixhuaitsi oquej nuxans lamats' ipic'a tixintsola' lipimaye, iñe ixanuc' Israel. 24 I'hua'ma pe lomana' lipimaye. Jiñpe ixim'ma anuli titeñma. Anuli cal xans egipcio titeñmi. Moisés i'hua'ma titoc'itsi. Icuanajco'ma lipima. Ima'a'ma cal xans egipcio. 25 Ticua lipicuejma': "Cunñu'e'mola' laipimaye. Iñe alimetsaico'ma toñta'a laipenic' lalapi'ipa ñanDios." Lipimaye aiquiñcueca.

26 'Lihuequi litine tifuleyi oquexi' lipimaye. Icuaitsi Moisés, ticua: "Cananc'otola' iñe laipimaye. Ti'ñña' liñpicuejma'. Canajna'mola'." Timila': "Cunc'ixanuc', imanc' unc'apimaye. Aimofñecona'me." 27 Iñque noxcai'epa lipima ixtuc'opa Moisés. Um-metsai'ma. Timi: "¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' añcuxe'monga'? ¿Te ima' añjuez?" 28 Tsumjma oma'a'ma cal xans egipcio. ¿Te itsiya añma'a'ma iya' jouc'a?" 29 Licuej'ma iñe lataiqui' Moisés inuna'ma, i'hua'ma lamats' Madián. Ipajntsi. Jiñpe limajnlitsa oquexi' linaxque'.

30 'Uyai'ma oquej nuxans camats'. Anuli litine tipa'a Moisés ñimuc'o' ahuejnca liñjuala cuñtine Sinaí, petsi ailopa'a quñña' ni xanuc'. Jiñpe tunaqui anuli luxi quitac. Mañpiya ñipañ cunga imaxcaitsi anuli lañpaluc quema'a. 31 Moisés ixim'ma acueca' iñe li'ipa. I'hua'ma ehuelojntsi xonca ahuejnca. Icuej'ma lañPoujna ñanDios tipalay. 32 Timi: "Iya' ñanDios, ñlenDios lotatahueló. Iya' ñlenDios Abraham, Isaac, Jacob." Licuej'ma toñta'a Moisés ixpaiconni. Ipango'ma iyu'ma licuerpo. Aimi'iya mehuelojnconaya. 33 LañPoujna ñanDios timi: "Pe loñmecaxu, jiñpe apaxi camats'. Taipa'añña' loc'ejí. 34 Cahuelongila' laixanuc', iñe nomana' Egipto. Aiximpola' titeñcoyi. Aiquimf'epola' tija'ayi. Iya' nimumma lema'a. Cunñu'e'mola' laixanuc'. ¡Totsahuenni! ¡Lepá! Cumme'mo', topaicunno, to'huacona'ma lamats' Egipto."

35 'Mañque Moisés joupa etets'impá, imimpá: "¿Naitsi ima'? ¿Naitsi nifajpo'? ¿Naitsi nepi'ipo' lopenic'? ¿Te ima' añcuxe'monga'? ¿Te ima' añjuez?" Iñe litine limaxcaitsi lañpaluc quema'a jiñpe munaqui luxi quitac, ñanDios ifajpa Moisés, epi'ipa lipenic' ticuxetsola', tunñu'etsola' liñxanuc'. 36 Mañque Moisés i'e'ma to aimi'iya mi'eyacu lan xanuc'. Tixinñe lan xanuc' al cueca' lo'epa ñanDios. Lijou'ma ipa'ana'mola' liñxanuc' lamats' Egipto. Licuaitsa ñunxali Caja jouc'a i'e'ma acueca', jouc'a pe ailopa'a quñña'. Lañtatahueló icoñ'mola' oquej nuxans camats' muyalaicoyi jiñpiya. 37 Moisés u'i'mola' liñxanuc', iñe liñxanuc' Israel, timila': "ÑanDios lañPoujna tepi'i'molhuo' anuli cal profeta aññoncota to iya'. Iñque olpiña' xans. Iñque toñquimf'e'me." 38 Mañque Moisés efot'le'mola' lañtatahueló mimana' pe ailopa'a quñña'. Jiñpe liñjuala Sinaí lañpaluc quema'a ipalaic'opa Moisés. Moisés ipalaic'opola' lañtatahueló. Moisés epenuñpa limaf'i cataiqui', iñe liñtaiqui' ñanDios. Inñpa lapenuñfe illanc'.

39 'Lañtatahueló etets'ipá Moisés. Aiquiliñhuejma limipola'. Tiññnujuaispá liñlendiosla' lun egipcio. 40 Timiyi Aarón: "Aññanc'e'etsonga' calandiosla'. Iñe aññhuaj'me'e'monga'. Iñque

Moisés łalipa'ahuo'monga' łamats' Egipto itsiya ailopa'a. Aicalsina' pe quitsepa. Aicalsina' te qui'ipa.” ⁴¹ Iñe łitiné ilanc'e'me anuli ła'hua huacax ilanc'eco'me a'oro. Ima'a'me linneja, itsufco'me cal ídolo. Tixoqui quileta. Etenłcoco'mola' iñe łilendios, iñque łilanc'epa, i'e'ecopa quilituca' łilmane'. ⁴² ŁanDios eca'nico'mola'. Ticua: “Najmay texc'onłingołtaile lopa'a lema'a, iñiya lan xamna, cal mut'ła, cal 'ora”. Tołta'a tuya'e' al je'e linilpa lam profeta. Jilpiya ŁanDios ticua:

Imanc' ixanuc' Israel, loquej nuxans camats' mołmana' jilpe łamats' petsi ailopa'a quilya', mołtsufcola' linneja lołma'am'mola' y locuenaye lołtsufco'me, ¿te ma al linca altsufcopa iya'?

⁴³ A'i. Ołtaic' anuli łolandios cuftine Moloc, jouc'a ołtaic' łixamna łocuena łolandios cuftine Renfán.

Iñiya łolandiosla' cołhanc'ecopola' tołaxc'onłingaitsola'.

Iya' cateł'mi'molhuo' tołta'a loł'epa, quipa'a'molhuo' łolamats', ca'hua'a'molhuo' łamats' Babilonia.

⁴⁴ 'Mimana' łamats' pe ailopa'a quilya' lałtatahueló iñ'hueca lejut'ł ŁanDios lilanc'ecompa ijahua'. Jilpe lajut'ł tipa'a oquej lapic' liłtaic' linilpiya loya'apa locuxepa ŁanDios. Ma tołta'a ŁanDios icuxe'epa Moisés, timi: “Joupa aimuc'ipo' te ts'i'ic' lajut'ł, tołta'a tołanc'e'ma”.

⁴⁵ Liłmaxque' lałtatahueló epenuf'me lajut'ł, iłtaic' icuaiyunca jifa'a łalamats', itsuflai'enca. Iñiya łitiné micuxela' Josué ulicale'me lan xanuc' limajmpá fa'a, iñe pe aiqulimetsaijma ŁanDios.

'Icuaitsi litine cal rey David epenuf'ma lipenic' ma tipa'a iñe lajut'ł. ⁴⁶ ŁanDios etenłcoco'ma li'ejma' David. Iñque ixa'hue'ma ŁanDios, enDios Jacob. Timi: “Calanc'e'etso' ocuena comejut'ł”. ⁴⁷ David aiqulilanc'e lajut'ł. Salomón, iñque i'hua David, ilanc'epa lejut'ł ŁanDios.

⁴⁸ 'Tama tipa'a lejut'ł, ŁanDios Nopa'a lema'a aimipanga anuli lajut'ł lilanc'epa cal xans. Tołta'a licuapa cal profeta muya'e' lu'ipa ŁanDios, ticua:

⁴⁹ Lema'a ti'onłcospa to laicuecaj asiento, jilpe cacutsuya.

Li'a łamats' ti'onłcospa to łainitas, jilpe lunxajyopa lai'mitsi'.

Ticua ŁanDios łalPoujna:

¿Te całhanc'e'ecoya anuli lajut'ł? ¿Te ailopa'a caifnunxac'eya?

⁵⁰ ¿Te ma' iya' a'i cailanc'e jahuary?

Tołta'a timila' Esteban iñe naixtuc'opá. Lijou'ma timiconala':

⁵¹ —Linca imanc' aimalčuec'e. Lołpicuejma' ti'onłcospa to liłpicuejma' lan xanuc' pe aiqulimetsaijma ŁanDios. Imanc' aimolihuejcoyi cal Espiritu Santo, tecaxaispolhuo'. Ma to mi'eyi lołtatahueló tołta'a lonł'epa imanc'. ⁵² Iñiya lołtatahueló, ¿ja'ni tipa'a anuli cal profeta pe aiqulihuetsoqui? A'i. Ailopa'a. Lołtatahueló ima'a'me iñe nuya'apá łocuaicoya cal Łijca Xans. Imanc' xonca ixcay onł'epá. Li'huamma cal Łijca Xans imanc' ołcupá, ołma'apá. ⁵³ Lataiqui' loya'apa locuxepa ŁanDios, małe lataiqui' luya'apa lapaluc' quema'a, imanc' olapenufpá, tijouł'a aicolihuequi.

⁵⁴ Lan xanuc' noquimf'epá litaiqui' Esteban ixtulencia juaiconapa. Ticuayi: “Iñque ałcufquina”.

I'ıl'c'ma lił'ay. ⁵⁵ Cal Espiritu Santo icuxe'ma lipicuejma' Esteban. Iñque ehuelojm'ma lema'a. Ixim'ma te ts'i'ic' jilpe pe lopa'a ŁanDios. Jilpe tipa'a Jesús tecaxu al c'a camane ŁanDios. ⁵⁶ Esteban ticua:

—jTołsinłe! Caxina exiya lema'a. Jilpe tipa'a cal Xans Łiximpa cal profeta pu'hua lema'a. Itsiya aiximpa tecaxu al c'a camane ŁanDios.

⁵⁷ Lan xanuc' ija'a'me ujfxi, um'mit'łe'me liłmane' liłs'mats'i'. Ihuo'me, umentsu'me Esteban. ⁵⁸ I'noł'me, i'hua'a'me lema'a quilya'. Ipango'me ecanijm'me capic' tima'ale. Linfel'miyale nicufpá Esteban ipa'apá liłtsamalo, ipo'no'e'epá li'mitsi' anuli łamijcano cuftine Saulo. ⁵⁹ Mipayi capic' Esteban tijoc'i ŁanDios, timi:

—MaiPoujna Jesús, tapenufla' łai'espiritu.

⁶⁰ Exc'onlquenni, ipalai'ma ujfxi timi:
—MaiPoujna, tama a'e'e quixcay, aimotac'ui'i'mola' lajunac'.
Lijou'ma lines'ma tohta'a imana'ma.

8

¹⁻² Saulo tipa'a tecaxu jilpiya, ticua: “Ne', tima'anle Esteban”.

Hualca lan xanuc' pe naihuejcopá locuxepa LanDios itaina'me licuerpo Esteban, emunatsa. Acueca' juaiconapa lihiphuotsoqueya.

Ihe litiné ihuetsoquim'mola' juaiconapa lapimaye nomana' Jerusalén, ihe lefot'lepola' LanDios. Jahuay ica'ne'moltsi, iye'me ni petsi al distrito Judea jouc'a lamats' Samaria. Ma le'a lan apóstole imanenca Jerusalén.

³ Saulo tixtuc'ola' juaiconapa lapimaye. Ti'nohila', tequifila' lan xanuc' jouc'a laca'no', ti'nicola' lacarza.

⁴ Ni petsi litsepa ihe lapimaye nica'nepoltsi uya'a'me Lataiqui' loya'apa ihe al c'a lixpicepa LanDios.

⁵ Felipe ipanni jilpe Jerusalén, i'hua'ma anuli liya' lamats' Samaria. Jilpe uya'a'ma: “Jesús copa'a cal Cristo, LanDios li'Huij'epa”. ⁶ Lan xanuc' efot'lepolsi iquimf'e'me locuapa Felipe. Ixim'me Felipe mi'ay al cueca' to lo'epa LanDios. Jahuay ihniya ipo'no'me cuenna juaiconapa litaiqui' Felipe. ⁷ Jilpe liya' ixalcona'mola' axpela' lafcuallay, ihe litsufai'ila' contahue. Mipalcu lontahue tija'ayi ujfxi. Axpela' luhualqueya lan xanuc' jouc'a lan coxo ixalcona'mola'. ⁸ Tohta'a juaiconapa ixoj'ma quileta lan xanuc' nomana' jilpiya.

⁹ Ma'pe liya' tipa'a anuli cal brujo cuftine Simón. I'epa al cueca'. Tifel'mila' jahuay lan xanuc' nomana' lamats' Samaria. Timila':

—Iya' a'i ni naitsi xans. Iya' ninCueca'.

¹⁰ Jahuay iquimf'e'me, lan xanuc' ts'ih'hueca jouc'a lan xanuc' pe aiqul'hueca. Ticuayi:

—Ma LanDios, i'que cal Cueca' Candios, linca ummepa itca'a cal xans. Tohta'a ti'ay al cueca'.

¹¹ Joupa ixhuaita axpe' mut'la cal brujo ti'hua ti'ay lipixcay xans. Lan xanuc' ixinc'nepá, joupa ifel'mipola', tihuejyi. ¹² Ihe nepenufpá litaiqui' Felipe epo'im'mola', lan xanuc' jouc'a laca'no'. Felipe uya'a'ma Lataiqui' loya'apa ihe al c'a lixpicepa LanDios. Tu'ila' te co'iya mitsufaiyacu pe locuxeyopa LanDios. Tu'ila' naitsi Jesús, i'que cal Cristo. ¹³ Simón jouc'a epenufpa litaiqui' Felipe, epo'im'me. Lijoupa lepo'impá iyejmale'me Felipe. Iximpa al cueca' lo'epa Felipe, to lo'epa LanDios. Liximpa tohta'a, tocomma tipailo lipicuejma'.

¹⁴ Lan apóstole nomana' Jerusalén icuej'me: “Lan xanuc' nomana' lamats' Samaria epenufpá litaiqui' LanDios”. Ummem'mola' lihf'as apóstole Pedro y Juan tiyele jilpiya.

¹⁵ Iye'me, icuaitsa pe lomana' lapimaye nepenufpá litaiqui' LanDios. Jilpe ijoc'i'me LanDios, ixahue'e'me tepi'itsola' cal Espíritu Santo. ¹⁶ Ihe lun Samaria joupa inespá: “Jesús a'Poujna”. Joupa epo'impola'. Aiquilepenufi cal Espíritu Santo. I'que aiqumuya pe lomana'. ¹⁷ Lan apóstole lijoupa lijoc'ipa LanDios ipo'nof'i'me li'mane li'juac ihniya lun Samaria. Ihe epenuf'me cal Espíritu Santo.

¹⁸ Simón iximpola' li'epa lan apóstole, iximpola' lipo'nof'ipa li'mane li'juac ihniya lapimaye, iximpola' epenufpá cal Espíritu Santo. Liximpa tohta'a li'ipa, icufi'mola' quil'tomí lan apóstole, ¹⁹ timila':

—Capi'i'molhuo' col'tomí. Aipic'a ca'e'la' ma to lon'epa imanc'. Lapi'ila' caimane. Tijoula' ja'ni capo'nof'ila' laimane anuli cal xans, i'que tepi'im'me cal Espíritu Santo.

²⁰ Pedro timi:

—Ima' tecanitso' jouc'a lotomí. Tocua to'naco'ma ihe locupa LanDios. ²¹ Ima' aimi'iya motsufaiya la'penic'. Ailopa'a capi'iyaco' LanDios. I'que timetsaicohuo' a'ij hijca lopicuejma'. Aimeten'ima. ²² Ima' mixcay xans. Toxhuej'menanni. Tojoc'ila' LanDios. Toxa'huela' ja'ni ti'i'ma tilonc'e'e'mo' lojunac', timenc'e'ecotso' lofcuapa jilpe lopicuejma'. ²³ Iya'

quimetsaicohuo' lo'ejma'. Ima' pangay to'ehuale laic'. Lixcay lopicuejma' joupá ifi'epo'. Aimi'iyá mo'eya al c'a.

²⁴ Simón italai'e'ma, timi:

—Imanc' toljoc'ite łalPoujna, tołsahue'ete aimat'i'ma to łalmipa.

²⁵ Jiłpe liłya' lan apóstole uya'a'me te ts'i'ic' liximpa, te ts'i'ic' licuejpa mipa'a Jesús fa'a li'a łamats'. Uya'a'me litaiqui' łalPoujna. Lijou'ma ipailinamma, tiyeyi lane Jerusalén. Miyeyi lane titsulfołaiyi axpela' łilpilolołya' lun samaritano, tuya'ayi Lataiqui', ite loya'apa al c'a lixpíc'epa ŁanDios.

²⁶ Pe lopa'a Felipe imaxcaitsi anuli łepaluc łalPoujna, timi:

—Totsahuenni. To'huałá' al sur, ite lane co'huayomma Jerusalén lotsepa Gaza. Lane pangay quimuc'o'. Ailopa'a quiliya'.

²⁷ Felipe itsahuenni, ipanni. I'hua'ma ma to limipa łapaluc quema'a. Małe lane ti'hua anuli cal xans łas Etiopía. Itque ts'ipenic', ticuxe jahuary i'huexi łipoujna. Itque łipoujna łincuxepa aca'no' cuftine Candace, ticuxe łamats' Etiopía. Cal xans joupá itsehuo'ma al cueca' xoute' lopa'a Jerusalén, jiłpe exc'onłingaihuo'ma ŁanDios. Itsiya ipainamma cotsenapa, i'huanapa Etiopía. ²⁸ Ticusc'o licarro, tixhue liniłpa lije'e cal profeta Isaías.

²⁹ Cal Espíritu Santo ipalaic'o'ma Felipe, timi:

—To'huałá' pe lo'huapa al carro. Aimanaj'moxi.

³⁰ Felipe inu'ma, i'huajcotsi al carro. Icuej'ma cal xans tixhue liniłpa cal profeta Isaías. Timi:

—Itte al je'e lofxhuepa, łte tocuec'e?

³¹ Timi:

—Łte co'iyá cacuec'eya? Ailopa'a nałmuc'iyá.

Ixa'hue'ma Felipe tif'ajla' al carro, ticutsołaiłe huejnca.

³² Al Paxi Liniliłgiya loxhuepa ticua:

Ma to milecom'me anuli łá'hua moł tima'anna, ma tołta'a ilecom'me itque cal xans.

Metec'em'me łipimi cal moł, itque aimija'e', itque cal xans jouc'a aiquija'e'.

Ailopa'a quimipola' itne liteł'mi'me.

³³ Etets'i'me, ailopa'a notoc'iyá.

ŁJa'ni jifa'a li'a łamats' tipa'a anuli qui'hua?

A'i, ailopa'a.

Nulemma etec'oyenni lipitine.

³⁴ Ts'ipenic' icuis'e'ma Felipe, timi:

—Alu'ila'. ŁNaitsi conescopa cal profeta? Łte tipalaicoyoxi quituca' o tipalaijma ocuena?

³⁵ Felipe italai'e'ma, uhuał'ma ite lataiqui'. Lijou'ma xonca u'i'ma Lataiqui' loya'apa ite al c'a lixpíc'epa ŁanDios. Inesco'ma Jesús. ³⁶ Mipalaiyi ti'hua tinu al carro. Icuaitsa pe lopa'a laja'. Ts'ipenic' timi Felipe:

—Toxinłá'. Jifa'a tipa'a laja'. Aipic'a ima' lapo'ila'. Łte ti'i'ma?

³⁷ Felipe timi:

—Ja'ni jahuary łomunxajma' to'huaiyinge Jesús, ti'i'ma.

Ts'ipenic' italai'e'ma, timi:

—Iya' łinca ca'huaiyinge Jesucristo. Itque i'Hua ŁanDios.

³⁸ Icuixe'ma ecaxu'ma al carro. Imulunca loquexi'. Itsuflai'me laja'. Felipe epo'i'ma ts'ipenic'. ³⁹ Ipalnanca laja', if'ajlina'me łamats', cal Espíritu Santo ileco'ma Felipe. Ts'ipenic' aiquixingona'ma. Uyaina'ma tixoqui queta.

⁴⁰ Felipe iximpoxi icuaita jiłpe liłya' cuftine Azoto. I'hua'ma lane lotsepa liłya' Cesarea. Jahuary łitelolołya' pe loyaicopa tuya'e' Lataiqui' loya'apa ite al c'a lixpíc'epa ŁanDios. Icuaitsi Cesarea.

9

¹ Saulo ti'hua tixtu'hua. Itine ipuqui' tehue te co'iya mima'ayacola' ts'ilihuequi Jesús. I'hua'ma ipalaic'otsi cal cuecaj ca'ailli'. ² Ixahue'e'ma quije'e. Ti'hua'ma liya' Damasco, jilpiya lajut'li pe lafoiyomma lan xanuc' judío timuc'itola' ts'itpenic' ite lije'e. Timi cal cuecaj ca'ailli':

—Lapi'ila' caimane. Liya' Damasco timana' itniya naihuejpa' al ts'e cane. Ja'ni caxintsola', axanuc' o acañ'no', ca'noñtola', cafijntola', ca'hua'acola' fa'a liya' Jerusalén.

(Cal cuecaj ca'ailli' epi'i'ma Saulo al je'e lixahue'epa.)

³ Mi'hua lane joupá ticuaita liya' Damasco epalc'o'i'ma anuli lepalc'o'. Ite lepalc'o' qui'huayomma lema'a. ⁴ Ecangenni ix'uat'ihuaitsi lamats'. Icuej'ma tipalaic'o, timi:

—Ima' cunSaulo, ¿te calihuetso'copa? ¿Te cañeñ'micopa?

⁵ Timi:

—Maipoujna, ¿naitsi ima'?

LañPoujna timi:

—Iya' ninJesús. Ima' añañ'mi. Cal huacax ja'ni aimicuec'e lanacompa al puya ti'hua titeñma, ma toña'a toñañma ima', aimocuec'e.

⁶ Saulo tiyu tixpaiqui. Timi:

—Maipoujna, ¿te ts'opic'a ca'ela'?

LañPoujna timi:

—Totsahuenni, to'huaña' totsufaitsi liya'. Jilpe tu'inno' lof'eya.

⁷ Lan xanuc' lilecola' Saulo ecaxoñ'me jilpe. Ailopa'a conesyacu. Tixpailiquila'. Icuej'me tipalay. Aiquixim'me. ⁸ Saulo itsahuenni. Lexi'e'ma li'u' joupá i'ipa afo'. Lilecola' exañ'me limane. Icuai'etsa liya' Damasco. ⁹ Icoñ'ma afane' quitine aimehuetsale. Aimatesma, aimixnay.

¹⁰ Jilpe liya' Damasco tipa'a anuli cal xans lipuftine Ananías, ihuequi Jesús. Ma' imaf'i' tocommá tipaima. Iximpa lañPoujna Jesús, tijoc'i, timi:

—¡CunAnanías!

Ananías timi:

—MaiPoujna, ma capa'a fa'a.

¹¹ LañPoujna timi:

—Totsahuenni, to'huaña' lane cuftine al Lijca Cane, tocuaita lejut'ñ Judas. Jilpe taicuit-sufta ja'ni tipa'a Saulo las Tarso. Jilpe toxinna, tijoc'i LanDios. ¹² LanDios joupá imuc'ipa lo'iya. Joupá iximpo' ocuaita ima', cunAnanías. Iximpo' otsufaipa lajut'ñ, iximpo' topo'nof'i lomane lijuac, iximpa joupá ixañconapa li'u'.

¹³ Ananías italai'e'ma, timi:

—MaiPoujna, axpela' lan xanuc' tipalaicoyi itque cal xans. Ticuayi mipa'a Jerusalén juaiconapa ti'e'ela' quixcay loxanuc', itne lo'huij'epola'. ¹⁴ Lipamma pu'hua itaic' lije'e lini'ipa cal cuecaj ca'ailli'. Joupá epi'impá limane añ'noñsonga' jahuay illanc'. Añ'noñ'monga' illanc' nañjoc'ipo' ima' mañPoujna Jesús.

¹⁵ LañPoujna timi:

—To'huaña'. Iya' ai'huij'epa itque cal xans. Joupá aixpic'epa lo'eya. Tu'itola' lan xanuc' naitsi iya', iya' ninJesús. Tu'itola' lan xanuc' pe aimimetsaicoyi LanDios, tu'itola' itniya liñrey. Jouc'a tu'itola' lopimaye, itne ixanuc' Israel. ¹⁶ Itque linca titeñco'ma acueca' ma mu'ila' lan xanuc' naitsi iya'. Toña'a camuc'i'ma, iya' ninJesús.

¹⁷ Ananías i'hua'ma. Icuaitsi lajut'ñ pe lopa'a Saulo. Itsufai'ma, ipo'nof'ipa limane lijuac, timi:

—CunSaulo maipima, ima' mo'hua lane fa'a oximpa lañPoujna Jesús. Itque imujpoxi. Mañque Jesús alummepa fa'a. Ipic'a toxinalenña', ticuxetso' lopicuejma' cal Espíritu Santo.

¹⁸ Aiquicoñ'ma. Saulo ixim'ma tecangemma tocommá to lipic'ala catú jilpe li'u'. Ixañcona'ma li'u', ehuetsalena'ma. Itsahuenni, epo'im'me. ¹⁹ Itetso'ma, icuainanni lipujfxi. Imajm'me anuli ts'ilihuequi Jesús jilpe liya' Damasco, icoñ'ma.

²⁰ Iñiya litiné itsehuo'ma lajut'hi pe lafoŷyomma lan xanuc' judío, tu'iyale naitsi Jesús. Timila':

—Iñque i'Hua LanDios.

²¹ Iñe noquimf'epá ticuayi:

—¿Te qui'ipa? Iñque cal xans mipa'a Jerusalén tijou'nela' lan xanuc' nojoc'ipá Jesús. Icuai'ma fa'a ti'noŷtsola' iñiya, tifi'etsola', ti'hua'a'mola' Jerusalén, ticuai'etola' pe lomana' lixanuc' cal cuecaj ca'ailli'. Itsiya, ŷtoŷsinŷe lo'epa!

²² Saulo i'ipa xonca acueca' lipicuejma'. Timuqui aŷınca Jesús copa'a cal Cristo, hummepa LanDios. Ti-ch'ixc'ela' lan xanuc' judío nomana' jilpe liŷya' Damasco. Iñe ma tiquimf'eyi, ailopa'a cotalai'ecoyacu.

²³ Joupa uyaipa axpe' quitine lan xanuc' judío ixpic'e'me, ticuayi:

—Añma'a'me Saulo.

²⁴ Ipuqui' itine ti'huejyi cal puertá canumicay eti'icoya aitaŷ jilpe liŷya'. Saulo i'ipa quixina' lo'eyacu iñe lan xanuc'. ²⁵ Lijou'ma ts'ilihuequi Saulo unŷu'e'me. Lipuqui' icus'mi'me anuli al cueca' tsiquihuiŷ, panca panca ecajm'me lixpula caitaŷ, ixehuaitsi al tsiquihuiŷ jilpe lamats'.

²⁶ Saulo i'hua'ma, icuaitsi Jerusalén. Ipic'a tiŷejmaletsa ts'ilihuequi Jesús. Iñe aiqiuŷcuac'. Tixpaic'eyi. Ticuayi:

—Iñque Saulo a'i mihuequi Jesús, ma le'a ticua.

²⁷ Bernabé i'e'ma ŷınca limi'ma Saulo. Ileo'ma pe lomana' lan apóstole. U'i'mola' te ts'i'ic' li'ipa Saulo. Timila':

—Mi'hua lane Saulo ixim'ma laŷPoujna Jesús. Iñque ipalaic'o'ma. Mipa'a Damasco aimitay calaic'ata. Imuj'moxi ummepa Jesús, tuya'e' litaiqui'.

²⁸ Saulo imajmpá anuli lan apóstole. Ti'hualejma ni petsi Jerusalén. Ailopa'a tintsi.

²⁹ Tipalaic'ola' lan xanuc' judío, iñe nopalaipá liŷtaiqui' griego. Timila':

—Imanc' timenaquilhuo'.

Iñe ixtulencia. Ehue'me te co'iya mima'ayacu. ³⁰ Lapimaye i'ipa quilsina' lo'eyacu iñe lan xanuc' judío. Ileo'me Saulo liŷya' Cesarea. Jilpiya ummepa ti'huaŷa' lipiŷya' Tarso.

³¹ Iñe litiné ailopa'a tintsi. Ti'hua efot'le'moŷtsi lapimaye, iñe nomana' al distrito Judea jouc'a nomana' al distrito Galilea, jouc'a nomana' lamats' Samaria. Ifa'epola' liŷpicuejma'. Xonca tixpaic'eyi laŷPoujna, ti'eyi latentŷocopa. Cal Espíritu Santo ixoc'i'mola' quileta. Toŷta'a ixpe'mola' lapimaye.

³² Pedro ti'hua iŷya' iŷya', icuaitsi liŷya' Lida. I'hua'ma ehuejntsola' lapimaye nomana' jilpe, iñe i'huexi LanDios. ³³ Jilpe liŷya' ixim'ma anuli cal xans cuftine Eneas. Ixhuaita apaico camats' tunouya. Uhuaquemma. ³⁴ Pedro timi:

—CumEneas, Jesucristo ixaŷ'menapo'. Totsahuenni. Tonif'naŷa' lohualfa.

Aiquicoŷ'ma, itsahuenanni. ³⁵ Jahuay lan xanuc' nomana' jilpe liŷya' Lida, jouc'a nomana' lamats' Sarón, icuej'me ixaŷconapa Eneas. Ixhuej'menca, ipai'i'me liŷpicuejma'. Ipango'me ihuej'me laŷPoujna Jesucristo.

³⁶ Liŷya' Jope timana' ts'ilihuequi Jesús. Anuli iñiya aca'no' cuftine Tabita. Iŷe laftine ja'ni tonesla' ataiqui' griego ticua: Dorcas. Iñque laca'no' ŷınca ti'ay al c'a. Aimixospa. Itine itine titoc'ila' pe ailopa'a quiŷ'hueca. ³⁷ Iñe litiné Dorcas extaf'ma, imana'ma. Epo'im'me licuerpo. Ipo'nom'me anuli lajut'ŷ lopa'a al toncay. ³⁸ Ts'ilihuequi Jesús nomana' liŷya' Jope icuej'me a'ij culi' Pedro, tipa'a liŷya' Lida. Ummem'mola' oquexi' lan xanuc' tixahue'etsa, timitsa:

—To'huanni pe laŷmana' liŷya' Jope. Aimicoŷ'mo'.

³⁹ Pedro jouc'a iye'me. Licuaitsa lajut'ŷ jilpe Jope, ileco'me Pedro al toncay pe lipo'no'empa laca'no' himanapa. Icuaiyunca lapimaye cacal'no' apotsateya. Ecaxingoŷai'me Pedro. Tijolijyi. Timuc'iyi lan tsamalo jouc'a liŷahuati ŷilanc'epa Dorcas miŷmana' anuli

ihniya. ⁴⁰ Pedro ipa'a'mola'. Exc'onthuai'ma, ijoc'i'ma LanDios. Lijou'ma ecaxna'ma, ipai'e'moxi, ehuelojm'ma himanapa, timi:

—ConTabita, totsahuenanni.

Tabita exi'e'ma li'u'. Ixim'ma Pedro, icutsai'ma. ⁴¹ Pedro i'noñ'e'e'ma limane, ecaxu'ma. Ijoc'i'mola' títulfolaiconanca lapimaye, ihne i'huexi LanDios, jouc'a lacañ'no' lam potsateya. Timila':

—Jifa'a lołpima Dorcas, joupa imaf'inapa.

⁴² Ni petsi jilpe liłya' Jope icuej'me li'ipa. Axpela' i'huaiyijm'me lałPoujna Jesús. ⁴³ Pedro ipanenni axpe' quitine liłya' Jope. Ipajm'ma lejut'ł anuli cal xans nacof'ejpa quixmi, cuftine Simón.

10

¹ Jilpe liłya' Cesarea tipa'a anuli cal xans aromano cuftine Cornelio. Itque incuxepa. Locuxepola' amaxnu lisoldado. Ihne lan soldado, jouc'a liłf'as soldado, tecui'innila' Lan Italiano. ² Itque Cornelio tenanki locuxepa LanDios. Acueca' titoc'ila' lan xanuc' judío pe aiqul'hueca. Itine itine tijoc'i LanDios. Jahuay nomana' lejut'ł jouc'a tixpaic'eyi LanDios.

³ Anuli litine, joupa uyaipa menac'o, icuaita to al fanej hora, LanDios imuc'i'ma lo'iya. Ixim'ma anuli lałpaluc quema'a itsufai'ma lejut'ł. Lałpaluc timi:

—¡CunCornelio!

⁴ Lehuelojm'ma lałpaluc quema'a Cornelio ixpaij'ma juaiconapa. Timi:

—Maipoujna, ¿te ts'opic'a?

Timi:

—Lofxa'huepa if'ajpa lema'a pe lopa'a LanDios. Itque iximpo' totoc'ila' lan xanuc'. Ti'nujuaishuo' ima'. ⁵ Timihuo': Tommetsola' loxanuc' tiyełe Jope. Tiyełe pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ł. ⁶ Itque Pedro ipanc'ale lejut'ł anuli cal xans lałcof'ejpa quixmi, cuftine Simón. Simón lejut'ł copa'a lema quilıya', lema caja. Pedro tu'i'mo' lof'eya.

⁷ Lałpaluc quema'a nopalaic'opa Cornelio i'huana'ma. Cornelio ijoc'i'mola' oquexi' limozó. Jouc'a ijoc'i'ma anuli cal soldado notoc'ipa. Itque cal soldado tenanki locuxepa LanDios. ⁸ U'i'mola' iximpa anuli lałpaluc quema'a. Jouc'a u'i'mola' linespa. Imi'mola' tiyełe liłya' Jope. Iyepá.

⁹ Lihuequi litine lummepola' Cornelio joupa ticuaita liłya' Jope. I'ipa to menac'o. Małe al 'hora Pedro if'ajma al toncay lajut'ł. Tipalaic'ota LanDios. ¹⁰ Mijoc'i LanDios unle'enni, ticui coteja. Tilanc'enni łoteja. Mi'huaijma titetso'ma i'huapa lipicuejma'. ¹¹ Ixim'ma exiya lema'a, iximpa to anuli al cuecaj cutse timumma. Ihe al cuecaj cutse ilanc'ecompa ijahua', ifi'ıya lam malpu' lupahuay. ¹² Jilpe ti'nicolañna tocomma to tiłmana' jahuay linneja nomana' li'a lamats'. Timana' ihne noyecopá amalpu' lił'mitsi', jouc'a tiyeyi laquifpołtsi lamats', jouc'a naiyulpá lema'a. ¹³ Pedro icuej'ma tipalaic'onni, timinni:

—CumPedro, toma'ała' anuli ihne linneja, toteła'.

¹⁴ Pedro timi:

—A'i maiPoujna, aimi'ıya cateja ihna'a linneja. Caxinnila' axujc'a. Iya' aicaitec'o cal xujc'a.

¹⁵ Ti'hua tipalaic'onni, timinni:

—Pe LanDios liximpa alimpio, ima' aimocua'ma: “Axujc'a”.

¹⁶ Afanemma i'i'ma tołta'a. Lijou'ma ihe al cuecaj cutse if'ajna'ma lema'a. ¹⁷ Pedro timiyoxi: “¿Te całmuc'icompa ihe laiximpa?”

Tołta'a minesqui icuaita lam fantsi xanuc' lummepola' Cornelio. Ihne joupa icuitsufpá, imuc'impola' lejut'ł Simón. Itsiya tecaxolañna al puerta. ¹⁸ Ticuitsufyi, tijoc'ıyi:

—¿Ja'ni fa'a copa'a Simón ipanc'ale, itque lałcui'impá Pedro?

¹⁹ Micoli Pedro al toncay lajut'ł ti'hua timiyoxi: “Ihe laiximpa, ¿te cocuajmaispa?” Cal Espıritu Santo timi:

—Timana' afantsi lan xanuc' tehuehuo'. ²⁰ Totsahuenni, taimuła'. Taihuej'mola'. Tonlele. Aimoxhuełmot'le'ma. Iya' nummepola'.

²¹ Pedro imunni. Ipalaic'o'mola' lam fantsi lan xanuc' lummepola' Cornelio. Timila':
—Iya' ninSimón. Imanc' lahuay. ¿Te cołcuaiyoco'me? ¿Te ts'ołpic'a?

²² Timiyi:

—Cornelio, itque incuxepa, locuxepola' amaxnu lan soldado, małque alummeponga'. Itque ahjca xans, tixpaic'e ŁanDios. Jahuay lan xanuc' judío ticuayi: “Itque ac'a xans”. Anuli cal paxi capaluc quema'a ixc'ai'ipa timi: “Tojoc'itsi Pedro ticuaiyunni lomejut'ł. Toquimf'e'ma litaiqui' lu'iyaco'.” ²³ Pedro itsufai'e'mola'. Epi'i'mola' pe loxmai'eyacu ite lipuqui'. Lihuequi litine itsahuenni, iyejmale'me. Hualca lapimaye lun Jope jouc'a iye'me.

²⁴ Lihuequi litine icuaitsa liłya' Cesarea. Tipa'a Cornelio jilpe lejut'ł, i'huaicola'. Jouc'a tiłmana' lijoc'impola', itne lipimaye jouc'a liyejmalepá xonca limetsaicola'.

²⁵ Licuaita Pedro, Cornelio italecufhuo'ma, exc'onłingai'ma li'mitsi'. ²⁶ Pedro i'noł'e'e'ma limane, timi:

—Totsahuenni. Iya' jouc'a ninxans.

²⁷ Mipalaic'oyołtsi itsulfołai'me lajut'ł. Pedro ixim'mola' axpela' lan xanuc' efołya jilpiya.

²⁸ Timila':

—Illanc' ninc'ixanuc' judío, imanc' ołsina' lał'ejma'. Aimałejmaleyi imanc' unc'ocuenaye xanuc'. Aimałsulfołaiyi lolajut'łi. Alcuayi: “ŁanDios aimepenufilhuo’”. Lacui'ilhuo': “Unc'ixujc'a xanuc’”. ŁanDios joupá ałmuc'ipa alimenajpa. Aicanesconaya tołta'a. ²⁹ Tołta'a iya' aicalcołi. Nihuejcopa lałmipa itna'a lummepola' Cornelio. Aicainesqui: “Aimi'iya ca'huaya”. Aicuai'ma fa'a. Itsiya lu'ila': ¿Te caljoc'icopa?

³⁰ Cornelio timi:

—Ixhuaita amalpu' quitine, małta'a al fanej hora, capa'a fa'a lainejut'ł caxnet'łqui, cajoc'i ŁanDios, aixim'ma imaxcaita anuli cal xans, tunts'ifi lipijahua'. LacaxinGai'ma.

³¹ Almi: “CunCornelio, lofxa'huepa if'ajpa lema'a pe lopa'a ŁanDios. Itque iximpo' totoc'ila' lan xanuc'. Ti'nuhuaishuo' ima'. ³² Timihuo': Tommetsola' loxanuc' liłya' Jope. Tiyete pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ł. Itque ipanc'ale lejut'ł anuli cal xans łacof'ejpa quixmi, cuftine jouc'a Simón. Itque Simón lejut'ł copa'a lema quilya', lema caja. Itque tu'i'mo' lof'eya.”

³³ 'Aicalcołi. Nummepola' laixanuc' tiyete pe lofpa'a. Ima' o'epa al c'a, ocuai'ma lainejut'ł. Itsiya, lu'itsonga' te quimipo' ŁanDios. Jahuay ite lixc'ai'ipo' lu'itsonga'. Tołiya lafot'leyołtsi, fa'a lahuelonginga' ŁanDios. Alquimf'e'mo'.

³⁴ Pedro ipango'ma ipalaic'o'mola', timila':

—Itsiya xonca aixina' te ts'i'ic' lipicuejma' ŁanDios. Ailopa'a catets'ipa. ³⁵ Anuli cal xans, ni petsi li'huayomma, ni petsi linación, ja'ni tixpaic'e ŁanDios, ja'ni ahjca lo'epa, itque cal xans ŁanDios tepenufi.

³⁶ 'Illanc' ixanuc' Israel, tołta'a alu'iponga' ŁanDios, lumme'eponga' Jesucristo. Itque itPoujna jahuay lan xanuc', uya'a'ma: “ŁanDios ipic'a tiyejmalete lan xanuc’”. ³⁷⁻³⁸ Ate'a Juan Bautista u'i'mola' lan xanuc' tepolite. Lijou'ma Jesús i'hualeco'ma łalamats' illanc' ninc'ijudío. Jilpe al distrito Galilea ipango'ma uya'a'ma. ŁanDios joupá ipaxnepa, joupá epi'ipa cal Espíritu Santo, epi'ipa limane ti'ełá' al cueca'. Ni petsi lo'huapa i'e'ma al c'a. Jahuay lan xanuc' lotel'mipola' Satanás, Jesús ixal'me'mola'. Itque itejmale ŁanDios, tołiya i'e'ma tołta'a. ³⁹ Illanc' ałsimpá li'e'ma mi'hualejma łamats' Judea, jouc'a mipa'a liłya' Jerusalén. Małque Jesús epałts'ijmpá anuli al 'ec. Ima'a'me. ⁴⁰ Licuaitsi al fane' quitine ŁanDios imaf'i'ina'ma, epi'ipa lane timujxoxi. Imuj'moxi. ⁴¹ Aimimujyoxi pe lomana' jahuay lan xanuc'. ŁanDios joupá ixpic'epa naitsi noxinyacu. Itniya tuya'a'me: “Imaf'inapa Jesús, joupá ałsimpá”. Tołiya illanc' al'huij'f'eponga' ałsinnapá joupá imaf'inapa. Lijoupa limaf'inapa ałtetsocnapá anuli, ałsnaconapá anuli. ⁴² Alcuxe'eponga'

luya'ale, lu'itsola' lan xanuc': "ŁanDios epi'ipa limane Jesús. Iłque cal Cuecaj Juez. Quiłmaf'i' lan xanuc' jouc'a petsi limanapola', małque Jesús iłJuez." ⁴³ Jahuay lam profeta inescopá Jesús, uya'a'me: "Cal xans ło'huaiyijmpa Jesús, ŁanDios timenc'e'eco'ma li'epa lixcay. Ma' iłque Nalunłu'eponga'."

⁴⁴ Mipalay Pedro icuaiyunni cal Espíritu Santo. Jahuay lan xanuc' noquimf'epá iximpá cal Espíritu limunni lema'a, epenuf'me. ⁴⁵ Jiłpe timana' lapimaye judío no'huaiyijmpá Jesús, iłne iłejmale Pedro. Ticuayi:

—¿Te qui'ipa? Iłne ocuenaye lan xanuc', a'i judío. Xinła', ŁanDios tepi'ila' cal Espíritu Santo. Aimicuanac'ela'.

⁴⁶ Iłne locuenaye lan xanuc' mix'natsi'iyi ŁanDios tipalaiyi ituca', a'i quiłtaiqui'. Tołta'a iłejmale Pedro ixim'me joupa epi'ipola' ŁanDios cal Espíritu Santo. ⁴⁷ Pedro timila' iłejmale:

—¿Ja'ni tipa'a nonesya: "Iłniya aimi'iyi mepoliyacu aja'?" ¿Ja'ni aimalapi'iyacola' lane? Ma to lalapenufpa illanc' cal Espíritu Santo, iłniya jouc'a epenufpá. Aimalucuanac'eyacola'. ¡Tepolile!

⁴⁸ Pedro icuxe'e'mola' tepo'intsola', timetsaicom'mola' ilihuequi Jesucristo. Lijou'ma iłniya timiyi Pedro:

—Topanenni oquej fanej quitine, almajnle fa'a anuli.

11

¹ Lan apóstole jouc'a lapimaye nomana' al distrito Judea icuej'me: "Locuenaye lan xanuc', iłne a'ij judío, jouc'a epenufpá litaiqui' ŁanDios". ² Icuaiti Pedro Jerusalén. Jiłpe lapimaye, iłne axanuc' judío, tixtuc'oyi Pedro. ³ Ipalaic'o'me, timiyi:

—Ima' otsufaipa pe lomana' lan xanuc' a'ij judío. Ołtetsopá anuli.

⁴ Pedro ipango'ma u'i'mola' te ts'i'ic' li'ipa. Ate'a u'i'mola' li'ipa mipa'a liłya' Jope, lijou'ma u'i'mola' li'ipa liłya' Cesarea. Timila':

⁵ —Iya' capa'a liłya' Jope, cajoc'i ŁanDios, i'huapa laipicuejma'. Aiximpa to jipu'hua al paiyo. Aixim'ma timumma lema'a to anuli al cutse ilanc'ecompa ijahua', ifiyiya lam malpu' łupahuay. Icuaiyunni pe laifpa'a. ⁶ Nehuelojm'ma lo'nicolanna. Jiłpe aixim'mola' linneja pe noyecopá amalpu' lił'mitsi', lam manxu jouc'a lan ximalo. Aixim'mola' noyecopá laquifpołtsi łamats', jouc'a aixim'mola' iłne naiyulpá lema'a. ⁷ Aicuej'ma tipalay, alpalaic'o, almi: "CumPedro, totsahuenni, toma'ala' anuli iłne linneja, totela'". ⁸ Iya' cami: "A'i maiPoujna, aimi'iyi cateja iłna'a linneja. Aiximpa axujc'a. Iłque cal xujc'a aical'nico laico ni anulemma." ⁹ Aicuej'cona'ma tipalay lema'a, alłalai'e, almi: "Pe ŁanDios liximpa alimpio, ima' aimocua'ma: Axujc'a." ¹⁰ Afanemma tołta'a i'ipa. Lijou'ma al cuecaj cutse jouc'a lipinneja if'ajna'ma lema'a.

¹¹ 'Matej hora icuaita afantsi lan xanuc'. Ecaxoł'me łuna lajut'ł. Iłne lan xanuc' quiy-ouyomma Cesarea. Ummempola' pe laifpa'a. ¹² Cal Espíritu Santo almi: "To'hua'ma tunłejmale'me. Aimoxhuełmot'łe'ma." Alłsehuo'me jouc'a iłna'a lan camts'us lałpimaye. Alłcuaita liłya' Cesarea. Alłsulfołaipá lejut'ł cal xans naljoc'ipa. ¹³ Iłque alu'iponga' liximpa. Alłmiponga': "Iya' aiximpa anuli łapaluc quema'a tecaxu lainejut'ł. Alłmipa: Tommetsola' loxanuc' tiyełe Jope. Tiyełe pe lopa'a anuli cal xans cuftine Simón, tecui'inni Pedro. Timitsa ti'huanni lomejut'ł. ¹⁴ Iłque Pedro tipalaic'o'molhuo', tuya'a'ma. Tołta'a tonłu'ma ima', jouc'a tunłul'me jahuay nomana' lomejut'ł."

¹⁵ 'Jiłpe lejut'ł cal xans naljoc'ipa aipango'ma aipalaic'o'mola'. Ma capalay, aiquicol'ma, icuaiyunni cal Espíritu Santo imunni lema'a. Ma to licuaiyunni al te'a pe lałmana', ma tołta'a icuaiyunni pe lomana' iłniya. ¹⁶ Iya' ai'nujuaiti litaiqui' lałPoujna Jesús. Iłque alłmiponga': "Juan lepo'ipola' lan xanuc' epo'icopola' aja'. ŁanDios tepo'ico'molhuo' cal Espíritu Santo." ¹⁷ Ma to lalapi'iponga' ŁanDios cal Espíritu Santo, illanc' pe nal'huaiyijmpá

łPoujna Jesucristo, ma tołta'a epi'ipola' jout'a iłniya. Iya' ma le'a ninxans. ¿Ja'ni ti'i'ma capa'ne'ma ŁanDios? A'i. Aimi'iyá.

¹⁸ Licuej'me tołta'a lan apóstole, ailopa'a quiltaleconghua Pedro. Iximpá acueca' lo'epa ŁanDios. Timiyi ŁanDios:

—Ałs'najtsi'ihuo' jouta mepi'ipola' lane locuenaye xanuc', iłne a'ij judío, tepenufyi al ts'e liłpitine aimijouya. Iłne jout'a ixhuj'menammas.

¹⁹ Lijouta lima'ampá Esteban tiłmana' lapimaye niyepá aculi'. Iłniya ipalyomma Jerusalén iłne łitiné liłeł'mimpola'. Ni petsi liyepá uya'a'me litaiqui' Jesús. Icuaita łamats' Fenicia, łamats' Chipre, jout'a liłya' Antioquía. Litaiqui' Jesús aicu'innila' locuenaye xanuc', uya'apá ma le'a pe lomana' lił'as xanuc' judío. ²⁰ Hualca iłniya lapimaye quiyoyomma łamats' Chipre y liłya' Cirene. Iłne lipalunca Jerusalén icuaita liłya' Antioquía, jilpe ipalaic'o'me jahuay lan xanuc', a'i ma le'a lan judío. Ipalaic'o'me jout'a lan griego, tu'innila' litaiqui' Jesucristo. ²¹ Mipalaiyi iłniya, łPoujna i'e'ma acueca'. Juaiconapa axpela' lan xanuc' epenuf'me litaiqui' loya'apa iłniya. Ipaiconni liłpicuejma'. Ipango'me ihuej'me łPoujna Jesucristo.

²² Lapimaye lafot'leyopłtsi Jerusalén icuej'me li'ipa Antioquía. Iłne umme'me Bernabé ti'huałá' jilpiya. ²³ Bernabé icuaita jilpe liłya'. Ixim'ma ŁanDios titoc'ila' lan xanuc' nomana' jilpiya. Tixoqui queta. Ixc'ai'i'mola' jahuay iłne lapimaye tipo'nołe liłpicuejma' tihuejle liłPoujna Jesús. Aimenaj'mołtsi. ²⁴ Iłque Bernabé ma' ac'a xans. Cal Espíritu Santo ticuxe liłpicuejma'. Jahuay łunxajma' ti'huaiyinge Jesús. Jilpe Antioquía juaiconapa ixpepola' iłne ts'ilihuequi Jesús.

²⁵ Lijou'ma Bernabé itsehoo'ma liłya' Tarso, ehueti Saulo. ²⁶ Licuaita ixim'ma, ilecotsi i'hua'a'ma liłya' Antioquía. Jilpe imajntsa anuli camats'. Efoł'e'mołtsi anuli lapimaye. Imuc'i'mola' axpela' lan xanuc'. Liłya' Antioquía ipangocopa ecui'impola' ts'ilihuequi Jesús: “Imanc' unc'icristiano”.

²⁷ Iłne łitiné liłya' Antioquía icuaitunca lam profeta quiyoyomma Jerusalén. ²⁸ Anuli iłniya cuftine Agabo. Eca'x'ma pe lafołyomma lapimaye. Timila' lonespa cal Espíritu Santo. Timila':

—Ticuaihuo litine cumemma. Ni petsi lomanc'eyacu lan xanuc' tixim'me lumemma.

Łitiné micuxe cal cueca' quincuxepa cuftine Claudio tołta'a lo'iya.

²⁹ Ts'ilihuequi Jesús jilpe Antioquía ixpic'e'me titoc'intsola' liłpimaye nomana' łamats' Judea. Anuli anuli, ma to ts'i'huca, tixpij'ma tojua tumme'e'mola' lipimaye. ³⁰ Tołta'a i'e'me. Bernabé jout'a Saulo itai'me al tomí. Epi'intsola' lan tsilaj capimaye noxpipjá litaiqui'. Iłne teca'nem'mola' lapimaye.

12

¹ Iłna'a łitiné cal rey Herodes i'noł'mola' hualca lapimaye pe lafołyomma Jerusalén. Ipic'a titeł'mitsola'. ² Icu'e'ma tetec'entsa łejoc' Jacobo, iłque ipimaj Juan. Etec'em'me. ³ Herodes ixim'ma iłe li'epa icuaita quilpic'a lan xanuc' judío. Lijou'ma umme'mola' lixanuc' ti'nołtsa Pedro. Tołta'a i'i'ma iłniya łitiné mi'eyi liłjuic lan xanuc' judío. Małe al juic titejila'i'petsi aiqilai'inni levadura. ⁴ I'nołim'me Pedro. Herodes icuxe'ma i'nicontsa lacarza. Icu'e'e'mola' imbamaj camts'us lisoldado, timila':

—Toł'etsa cuenna iłque Pedro.

Mi'eyi cuenna tipai'iyoltsi amalujxi, amalujxi. Ticua Herodes: “Tijoułá' al juic Pascua quipa'anata lacarza. Cacufta jilpiya pe lafołyomma lan xanuc'.” ⁵ Ma mipa'a lacarza Pedro, mi'eyi cuenna, lapimaye lafołyomma jilpe Jerusalén itine itine tijoc'iyi ŁanDios, tixa'huayi titoc'ila' Pedro.

⁶ Cal Herodes jouta ixpic'epa, ticua: “Mouqui quipa'anata Pedro. Cacuf'ma.” Iłe lipuqui' Pedro tipa'a jilpe lacarza, tixmay nolojmay oquexi' lan soldado. Ifi'empa limane' uhuahuinc'impola' loquexi' lan soldado. Lixpula' al puerta timana' ocuenaye lan

soldado ti'eyi cuenna lacarza. ⁷ Jilpe lacarza icuai'ma anuli lepaluc laPoujna. Epalc'o'i'ma juaiconapa. Untaf'ma huata liju' Pedro, umef'ma, timi:

—¡Aimico!mo', totsahuenni!

Lan cadena lifiyicoyi limane' Pedro uhuaitquenanni. ⁸ Lapaluc quema'a ipalaic'ocona'ma, timi:

—Tofi'exoxi, toc'uaico!a' loc'ejí.

Lijoupa li'epa to!ta'a ipalaic'ocona'ma, timi:

—Topoxla' lopuquiya. Alihuejla'.

⁹ Ipango'me ipalunca. Pedro ihuej'ma lapaluc quema'a. Ticua: “A'ij linca ile la!ipa, ma' apaiyo”. ¹⁰ Uyalaico'me petsi lacaxuya cal te'a soldado no'epa cuenna lacarza. Lijou'ma uyalaico'me locuena. Icuaitsa al cuecaj puerta catejma', ile lopa'a ma lane qui!ya'. Al puerta exinni quituca'. Ipalunca. Iyejmale'me lane. Lijou'ma ejac'na'ma lapaluc quema'a. ¹¹ Licuainanni lipicuejma' Pedro ticua: “Itsiya linca aixina' la!Poujna ummepa lepaluc. Lun!u'epa limane Herodes. Tama lan xanuc' judío il'huaijma te co'iya ma!ma'aya, itsiya ailopa'a ca!e'eya. Aimi'iya.”

¹² Micua to!ta'a icuaitsi lejut! María, ilque i'máma' Juan lecu!impa Marcos. Jilpe axpela' lapimaye efo!ya. Tijoc'iyi LanDios. ¹³ Pedro umf'ax'ma luna puerta. Anuli cal criada cuftine Rode i'huapa tixinna naitsi ilque. Ipanni jilpe lajut!. ¹⁴ Imetsaico'ma litaiqui' Pedro. Juaiconapa ixoj'ma queta aikuexi'e al puerta. Aiquico!ma, ipaiconanni. Itsufaicona'ma lajut!, u'itsola' lapimaye, timila':

—Icuaina'ma Pedro. Tecaxu lixpula' al puerta.

¹⁵ Ine timiyi:

—¡Ima' mamac'ta!

Tihui'i, timiconala':

—A!inca icuaina'ma Pedro.

Lapimaye ticuayi:

—A'ij linca la!miponga'. A'i ma!que Pedro. Icuai'ma lepaluc quema'a.

¹⁶ Pedro ti'hua tumf'axqui. Exi'e'me al puerta, ixim'me. Ticuayi:

—¡Xin!a'! Ma!ca'a Pedro. ¿Te qui'ipa?

¹⁷ Pedro i-ch'ixc'eco'mola' limane. U'i'mola' li'ipa, timila':

—La!Poujna lipa'ahuona'ma lacarza. Tonlu'itsola' Jacobo jouc'a locuenaye lapimaye to!ta'a la!ipa.

I'huana'ma, ijuc'e'moxi.

¹⁸ Lili'e'ma lan soldado nomana' lacarza ixhue!co'me juaiconapa. Ticuayi:

—¿Pe copa'a Pedro? Ailopa'a fa'a. ¿Te qui'ipa lipamma? ¿Pe quitsepa?

¹⁹ Cal rey Herodes umme'mola' lixanuc' tehuetsa Pedro. Ehuehuo'me, aiku!sina'. Herodes icuis'e'mola' lan soldado. Ihui'i'ma, timila':

—Lu'ila', ¿te qui'ipa?

Lijou'ma icuxe'ma tima'antsola'. Ipanni al distrito Judea, i'hua'ma li!ya' Cesarea. Jilpe ipajntsi.

²⁰ Herodes juaiconapa tixtuc'ola' lan xanuc' nomana' h!elol!ya' Tiro y Sidón. Ine lan xanuc' inefo'me quituca'. Icuaitsa pe lopa'a Herodes. Ate'a ipalaic'opa nocuxepa li'huexi Herodes, ilque cal xans lipuftine Blasto. Timiyi tixahue'e!a' Herodes aimix-tuc'ocona'mola', tixanghuaitsi, tipaneconni to!ta'a. Ine lan xanuc' tetent!cocola' aimix-tuc'ocona'mola' cal rey. Jilpe hilemats' tehue'e' lotejacu. Ilpic'a Herodes tumme'econatsola'.

²¹ Herodes ixpic'e'ma litine. U'i'mola':

—Jilpe litine capalaic'o'molhuo'.

Licuaitsi ile litine Herodes etej'moxi, ipo'no'ma lipijahua' ajrey, icutsai'ma al cuecaj li'asiento li'nof'quiya. Ipalaic'o'mola', imuxi'ale'ma. ²² Lan xanuc' jilpe lefot'leyo!tsi ija'a'me, ticuayi:

—Itque łatquimf'epa, a'i xans. Itque andios.

²³ Aiquicoł'ma. Itel'mi'ma anuli łepaluc łatPoujna ŁanDios. Lapimí ipango'ma ite'me. Lijou'ma ima'ma. Herodes i'e'e'moxi xonca cal cueca', etets'ipa ŁanDios, tołiya li'ipa tołta'a.

²⁴ Litaiqui' ŁanDios ti'hua ti'huaajcola' xonca lan xanuc'. Ixpepola' juaiconapa ts'ilihuequi Jesús. ²⁵ Bernabé y Saulo joupa ecanghuo'me al tomí, epi'inghuo'mola'. Lapimaye nomana' Jerusalén. Lijou'ma ipailinanca icuaitsa liłya' Antioquía. Ileo'me Juan łecui'impa Marcos.

13

¹ Jiłpe liłya' Antioquía petsi lafot'łepołtsi lapimaye timana' lam profeta jouc'a lomxiye nomuc'iyalepá litaiqui' Jesucristo. Iłniya liłpuftine Bernabé, Simón łacui'impa Łumi, Lucio łas Cirene, Manaén łitojyohuo'ma lejut'ł Herodes. Itque Herodes łacui'impa cal tetrarca. Jouc'a tipa'a Saulo. ² Iłniya mixnet'łyi, aimitetsoyi, mix'najtsi'iyi ŁanDios, cal Espíritu Santo timila':

—Tolimetsaicotsola' Bernabé jouc'a Saulo. Iya' aijoc'icopola' ti'ete łanic' laifnepi'iyacola'.

³ Lijou'ma ixnet'łcona'me, ijoc'icono'me ŁanDios, ipo'nof'i'me liłmane liłjuac iłne Bernabé jouc'a Saulo. Ixc'ai'inam'mola', timinnila':

—Tonłente, toł'etsa łanic' lepi'ipolhuo' łatPoujna.

⁴ Lijou'ma cal Espíritu Santo icuxe'mola' tiyele iłne loquexi'. Iye'me liłya' Seleucia. Jiłpiya itsulfołai'me anuli al barco lotseya łamats' Chipre. ⁵ Jiłpe łamats' Chipre ipalunca al barco, icuaitsa liłya' Salamina. Łajut'łi pe lafołyomma lan xanuc' judío uya'a'me litaiqui' ŁanDios. Tilecoyi Juan Marcos, iyejmale'me. Itque titoc'ila'. ⁶ Uyalaicotsa jahuay łamats' Chipre, icuaitsa liłya' Pafos. Jiłpiya ixim'me anuli cal xans judío cuftine Barjesús. Itque abrujo. Tifel'mila' lan xanuc', timila':

—Iya' ninprofeta. Cuya'e' lonespa ŁanDios.

Ile lonespa a'ij łınca. ⁷ Barjesús liłpoujna cuftine Sergio Paulo. Itque incuxepa jiłpe Chipre, ac'a lipicuejma'. Ijoc'i'mola' Bernabé jouc'a Saulo ticuaiyunca lejut'ł. Ipic'a tiquimf'ela' litaiqui' ŁanDios. ⁸ Barjesús jouc'a cuftine Elimas. (Ile laftine tuhualquemma “abrujo”.) I'e'mola' quipilaic' Bernabé y Saulo. Ticua: “Łincuxepa aimihuejco'ma litaiqui' ŁanDios”. Ehue'ma te co'eya.

⁹ Cal Espíritu Santo icuxe'ma lipicuejma' Saulo. (Itque jouc'a cuftine aPablo.) Ehuelojm'ma juaiconapa Elimas. ¹⁰ Timi:

—Ima' ma le'a tofel'miyale. Aimi'iyá monesya al łınca. To'ay ma le'a lixcay. Ima' i'hua łonta'a Satanás. Iłne no'epá al c'a ima' taixtuc'ola'. To'ay capilaic' lipene łatPoujna ŁanDios, iłe al liłca cane. Tomuc'iyale ituca' cataiqui'. ¿Te quitine tatec'o'ma iłe lof'epa? ¹¹ Ałquimf'ela': ŁatPoujna titeł'mihuo'. Aimi'iyá mahuetsaleconaya. Micołi iłe lotel'miyaco' ni aimoxinya lipepalc'o' cal 'ora.

Aiquicoł'ma. Elimas ixim'ma tocomma to ummahuay, imufc'o'ma li'u'. Ipango'ma ixpailo'ma limane. Tehuay naitsi naxałya. ¹² Lixim'ma tołta'a li'i'ma łincuxepa epenufpa lataiqui' limipa Pablo. Ticua:

—¡Acueca' litaiqui' łatPoujna Jesús! ¡Acueca' lo'epa!

¹³ Jiłpe liłya' Pafos Pablo y liłejmale itsulfołai'me ocuena barco. Licuaitsa liłya' Perge lopa'a łamats' Panfilia, Juan, iłque notoc'ipola', ipo'no'mola' quıtuca'. Ipainanni, i'huana'ma lipiłya' Jerusalén. ¹⁴ Pablo y Bernabé ipalunca Perge, iye'me liłya' Antioquía lopa'a łamats' Pisidia. Litine conxajya itsulfołai'me lajut'ł pe lafołyomma lan xanuc' judío, icutsołai'me. ¹⁵ Iquimf'e'me loxhuecofimpa al je'e liniliya locuxepa ŁanDios, jouc'a al je'e iniliya loya'apa lam profeta. Lijou'ma nocuxepá jiłpiya lajut'ł umme'me anuli łapaluc pe locutsołanna Pablo y liłejmale. Timila':

—Cunc'alpimaye, anuli imanc' ja'ni ipic'a tixc'ai'i'mola' lan xanuc' nomana' fa'a, ne', tipalaic'otsola'.

¹⁶ Pablo ecax'ma. I'nof'e'ma limane, ipango'ma ipalaic'o'mola', timila':

—Imanc' cunc'ixanuc' oltatahuelo Israel, jouc'a imanc' no!spaic'epá LanDios, alquimf'eta'.

¹⁷ LanDios, lalanDios illanc' ixanuc' Israel, joupa i'huijf'epola' la!tatahueló. Mitmana' ilne la!xanuc' lamats' Egipto LanDios i'e'e'mola' axpela'. Lijou'ma itoc'i'mola' juaiconapa, ipa'a'mola' jilpe lamats'. ¹⁸ Muyalaicoyi lamats' pe ailopa'a quilya' to oquej nuxans camats' LanDios ixnet'l'ma li!ejma', itoc'i'mola'. ¹⁹ Ma!que LanDios ecani'e'mola' lan xanuc' acaitsi lan nación lamats' Canaán. Ma!pe lamats' Canaán epi'i'mola' la!xanuc' quilemats'. ²⁰ Lijou'ma LanDios ifaj'mola' ilne lecu'i'impola' lan Juez. To amalpu maxnu oquej nuxans quimbama' camats' lan Juez icuxe'me. Lijou'ma cal profeta cuftine Samuel icuxe'mola' la!xanuc'.

²¹ 'Ilne litiné la!xanuc' ixahue'e'me LanDios tepi'itsola' anuli cal rey, ticuxetsola'. Epi'i'mola' litrey cuftine Saul, i'hua Cis. Ilque Saul litatahuelo cuftine Benjamín. ²² Lijou'ma LanDios ilonc'e'ena'ma Saul lipenic', epi'i'ma David. Ti'ila' ilque litrey la!xanuc'. Ma!que cal rey David LanDios inescopa ticua:

David i'hua Isaí, ainimetsaijma te ts'i'ic' li'ejma'.

Ilque lipicuejma' ti'on!cospa to iya' laipicuejma'.

A!inca ti'e'ma jahuay laifxpic'epa.

²³ Ma!que David LanDios i'e'epa itatahuelo Jesús, ilque Lalun!u'eponga'. To!ta'a li'epa LanDios enant'l'ma litaiqui' li'ipa linespa. Ummepa Jesús pe la!mana' illanc' ixanuc' Israel.

²⁴ Ate'a icuai'ma Juan Bautista. Uya'a'ma, timila' lan xanuc': “Imanc' cunc'ixanuc', oltatahuelo Israel, to!suej'menca, to!apolife”. ²⁵ Juan joupa tijou'ne'ma lipenic' ticuis'ela' lan xanuc', timila': “Imanc', ¿te co!cuapa? ¿Naitsi iya'? Iya' a'i to la!nescopa. Aicuai'ma ate'a, tijou!a' ticuaihuo ilque pe ts'o!huaijma !ocuaicoya. Ilque xonca acueca' xans. Iya' aimi'iya cuhua!c'e'eya lic'eji'.”

²⁶ 'Cunc'aipimaye, imanc' no!spaic'epá LanDios, ja'ni Abraham oltatahuelo o ja'ni ituca' lo!nación, itsiya LanDios tipalaic'olhuo', tu'ilhuo' naitsi ilque Lon!u'eyacolhuo'. ²⁷ Lan xanuc' nomana' Jerusalén jouc'a li!pincuxepá aiqulimetsaijma ilque Lalun!u'eponga'. Ilniya icuxecopa Jesús. To!ta'a enant'lipá loya'apa lam profeta jilpe li!je'e, ile al je'e tixhuenni itine itine conxajya. ²⁸ Tama aiqulsi'ne quijunac' ixa'hue'me Pilato ticuxeta' tima'an!e. ²⁹ Lenant'lipá jahuay lo'iya Jesús, ile luya'apa lam profeta, ipu!quinna'me petsi lepa!ts'ingiya jile al 'ec, ipo'nontsa !unts'eja'. ³⁰ Lijou'ma LanDios imaf'i'ina'pa ilque Jesús, ipa'apa pe lomana' lamizhua. ³¹ Ts'ilihuequi Jesús, pe nipalyomma Galilea, iyejmale'me icuaitsa anuli Jerusalén, ilniya ixingona'me Jesús, tu'iyaleyi ile liximpa.

³² 'Linca, mimana' la!tatahueló LanDios imipola' ile al c'a lo'iya. Imi'mola': “To!e, to!e ca'e'ma”. Itsiya lu'ilhuo': Joupa i'ipa. ³³ LanDios joupa imaf'i'ina'pa Jesús. Enant'lipa ile litaiqui' limipola' la!tatahueló. To!ta'a a!muc'iponga' illanc' ilnietó ilne la!tatahueló. Ma to!ta'a loya'apa al salmo lacui'impa loque', tuya'e' lonespa LanDios, ticua:

Ima' ai'Hua,

Itsiya aimuc'ipola' lan xanuc' a!inca iya' o'Ailli'.

³⁴ 'Jouc'a tuya'e' timaf'i'ina'ma Jesús, tipa'anata pe lomana' lamizhua. Tuya'e' aimima-conaya, aimihuet'lya licuerpo. LanDios timila' lixanuc':

Joupa aipo'nopa lataiqui', nepi'ipa David.

Ile laitaiqui' apaxi, canant'li'ma.

To!ta'a to!sim'me imanc'.

³⁵ Ocuena al salmo jouc'a tuya'e':

To'e'ma cuenna lo'Hua, ilque o'Huexi.

Titoc'i'ma, aimihuet'lya licuerpo.

³⁶ 'Ihe lataiqui' aiminescoyoxi David. Ique mipa'a fa'a li'a lamats' i'e'ma lixic'epa LanDios, ticuxeyale. Imanapa, eminc'ina'me pe lomana' lihcuerpo litatahueló. Lijou'ma ihuet'ina'ma licuerpo. ³⁷ Ihe lataiqui' tinescojma Jesús. Ma' ique LanDios imaf'i'ina'ma. Licuerpo a'i quihuet'i'ma.

³⁸ 'Cunc'aipimaye, aiquimf'ela'. Iya' cu'ilhuo': Ja'ni to'huaiyijnle Jesús LanDios timenc'e'eco'molhuo' lo'epa lixcay. ³⁹ Tama tolihuejcoyi locuxepa Moisés aimimenc'e'ecoyacolhuo' nulemma jahuay lo'epa lixcay. Ti'hua to'tai'me lajunac'. Ja'ni to'huaiyijnle Jesús, aimitac'uinyacolhuo' cajunac', ni to'ta'a. ⁴⁰ Iya' camilhuo' imanc' na'quimf'epa: To'po'no'le cuenna. Ja'ni a'i ti'i'molhuo' to loya'apa LanDios jilpe litaiqui' linilingiya li'je'e lam profeta, ticua:

⁴¹ Imanc' tolixocoyi, tolahuelojnle laif'epa, to'huijle lo'picuejma'.

Itsiya, ma mo'mana' imanc', ca'e'ma al cueca'.

Ja'ni tu'intsolhuo': To'le, to'le lo'epa LanDios,

imanc' to'talai'e'me: "A'ij linca i'le lalu'iponga'."

⁴² Mipalumma lan xanuc' lafo'lyomma jilpe lajut' i'ixa'hue'me Pablo y Bernabé, timinnila':

—Locuena xamano, ticuaitsi litine conxajya, a'palaic'o'ona'monga', lu'i'monga' xonca i'ne lataiquí.

⁴³ Lijoupa lipalunca jahuay lefo'ya, axpela' lan xanuc' judío jouc'a locuenaye xanuc' petsi ilihuequi li'ejma' lan judío, iyejmale'me Pablo y Bernabé. I'niya ixc'ai'im'mola' lan xanuc', timinnila':

—LanDios titoc'i'molhuo'. Aimolanaj'moltsi i'que.

⁴⁴ Icuaiyoconsi litine conxajya tehue'ela' ma le'a anuli oquexi' lan xanuc'. Jahuay locuenaye nomana' jilpe li'ya' efo'lnni tiquimf'e'me litaiqui' LanDios. ⁴⁵ Lan xanuc' judío, lixim'me joupa efo'lumma axpela' lan xanuc' i'em'mola' laic' Pablo y Bernabé. Timinnila' lan xanuc':

—I'niya ma le'a tife'l'milhuo' imanc'. A'ij linca lonespa.

⁴⁶ Pablo y Bernabé aimixpailiquila'. Timinnila' i'ne lan xanuc' naixtulepá:

—Ate'a alu'ipolhuo' imanc' litaiqui' LanDios. To'ta'a lixic'epa. Imanc' aimeten'icocolhuo', aimolapenufyacu al ts'e lo'pitine, tolacani'eyoltsi co'tuca'. Itsiya a'po'no'molhuo'. A'le'me pe lomana' locuenaye xanuc' pe aimimetsaicoyi LanDios. A'palaic'otola' i'niya. ⁴⁷ Ma LanDios a'cuxe'e'ponga' i'le la'eyacu. Al Paxi Linilingiya tuya'e' to'ta'a lonespa LanDios, ticua:

Iya' nepi'ipo' lopenic', tapalc'o'itola' li'picuejma' pe aimimetsaicoyi LanDios.

Ti'i'ma quilsina' cun'lu'e'mola' iya'.

I'ne nomana' xonca aculi' to'itola' i'ta'a litaiqui'.

⁴⁸ Licuej'me lonespa Pablo y Bernabé locuenaye lan xanuc' pe a'ij judío, i'niya ixojma quileta. Ticuayi:

—Ac'a litaiqui' lonespa la'Poujna.

LanDios joupa i'xic'epa naitsi i'ne lapenufyacu al ts'e li'pitine aimijouya. Ma' i'niya i'huaiyijmpá Jesús. ⁴⁹ Ni petsi jilpe lamats' lan xanuc' icuej'me litaiqui' LanDios.

⁵⁰ Lijou'ma lan xanuc' judío pe aimi'huaiyijnyi la'Poujna Jesús ipalaic'om'mola' laca'no' pe ts'il'hueca, i'niya naihuejcopá locuxepa LanDios. Ipalaic'om'mola' jouc'a lan tsilaj xanuc'. To'ta'a ixtuc'om'mola' Pablo y Bernabé, ipa'am'mola' jilpe hilemats'. ⁵¹ Pablo y Bernabé unaf'me li'mitsi'. Ipa'a'me lepi camats' litaijmpa h'c'ejí. To'ta'a i'ne lan apóstole imuc'im'mola' lan xanuc' ja'ni tejac'e'moltsi i'ne quiltuca' i'junac'. Ipalunca li'pi'ya' i'niya lan xanuc', iyepá lane lotsepa li'ya' Iconio. ⁵² Le'a cal Espíritu Santo ticuxela' li'picuejma', to'ta'a tixoqui quileta tiyeyi i'niya.

14

¹ Mimana' liŷya' Iconio Pablo y Bernabé itsehuc' me lajut'ŷ pe lafoŷyomma lan xanuc' judío. Jiŷpe uya'a' me Lataiqui' loya'apa iŷe al c'a lixp'ic'epa ŷanDios. Axpela' noquimf'epá epenuf' me luya'a' me Pablo y Bernabé. Iŷne nepenufpá ajudío jouc'a agriego. ² Lijou'ma lan xanuc' judío pe aikuilepenufi iŷe litaiqui' Jesús ipalaic'o' me locuenaye xanuc' agriego. Eteŷc'e'e' me liŷpicuejma'. Toŷta'a iŷne lan xanuc' ti'eyi laic' lapimaye. ³ Pablo y Bernabé icoŷ'mola', imanenca jiŷpe liŷya'. Aimixpailiquila'. Mi'huaiyijnyi ŷanDios ti'hua tuya'ayi litaiqui'. Tu'innila':

—Toŷ'huaiyijnle ŷanDios. Toŷta'a tipaxne'molhuo', titoc'i'molhuo'.

Maŷque ŷanDios imujpa al linca lonespa Pablo y Bernabé. Epi'i'mola' liŷmane ti'eŷe al cueca'. Toŷta'a lan xanuc' iximpá te ts'i'ic' lo'epa ŷanDios.

⁴ Lan xanuc' jiŷpe liŷya' i'e'moŷtsi onŷca. Hualca ihuej' me lan xanuc' judío pe aikuilepenufi Jesús. Locuenaye ihuej' me Pablo y Bernabé. ⁵ Lan xanuc' griego jouc'a lan xanuc' judío pe aikuilihuequi Pablo ipalaic'om'mola' ts'iŷpenic' jiŷpe liŷya'. Inefo' me, ticuayi: “Aŷteŷ'mi'mola' Pablo y Bernabé. Aŷma'aco'mola' apic'.” ⁶⁻⁷ Pablo y Bernabé i'ipa quiŷsina' lo'e'enyacola'. Inul' me, iye' me ŷamats' cuftine Licaonia. Jiŷpiya uya'atsa Lataiqui' loya'apa iŷe al c'a lixp'ic'epa ŷanDios. U'im'mola' lan xanuc' nomana' liŷeloŷya' Liŷtra y Derbe, jouc'a nomana' hilemats' ahuejnca.

⁸ Jiŷpe liŷya' Liŷtra tipa'a anuli cal coxo. Itine itine ticutsu. Li'mitsi' ailopa'a quiŷpujxi. Ma toŷe ipajncota. Ni anulemma qui'huac'. Aimi'i. ⁹ Anuli litine cal coxo tiquimf'e mipalay Pablo. Pablo ehuelojm'ma. Ixim'ma cal xans ticua lipicuejma': “Linca aŷŷaŷconama’”. ¹⁰ Pablo ipalaic'o'ma ujfxi, timi:

—¡Topo'notsola' ŷamats' lo'mitsi', tacaxla' h'ic!

Cal coxo iyuf'conni, ecax'ma hijca, ipango'ma i'hua'ma. ¹¹ Lan xanuc' nomana' jiŷpiya ehuelojm'me cal coxo joupa ixaŷconapa, ipango'me ija'a'me. Tipalaiyi liŷtaiqui', iŷe lopalaipa lan xanuc' jiŷpe ŷamats' Licaonia. Ticuayi:

—¡Landiosla' i'epoŷtsi xanuc', imulumma pe laŷmana'!

¹² Ipalaicom'mola' Pablo y Bernabé, ticuayi:

—Bernabé iŷque andios Zeus. Locuena andios Hermes.

Pablo xonca tipalay, toŷiya ecui'im' me Hermes. (Iŷne lan xanuc' ticuayi xonca tipalay Hermes. Iŷque ilepaluc lif'as candiosla'.) ¹³ Iŷne lan xanuc' nomana' ŷamats' Licaonia hilendios cuftine “Zeus nopa'a pe lotsufaicompa liŷya'”. ŷe'ailli' Zeus icuaitsi al puerta h'ipuna cajut'ŷ pe lomana' Pablo y Bernabé. Iŷecola' lan huacax, itaic' lan arco lilanc'ecompa ipa'. Tima'a'mola' lihuacax, titsufco'mola' Pablo y Bernabé. Ma' anuli iŷpic'a lan xanuc'. ¹⁴ Loquexi' lan apóŷtote, iŷne Pablo y Bernabé, ixim'me lo'eyacu iŷne ŷa'ailli' y lan xanuc'. Aiquicoŷ'mola'. Ipalunca lajut'ŷ, itsulfoŷai' me nolojmay xanuc'. Tits'aŷyi liŷpijaha', timujyi a'ij c'a iŷe lo'eyacu lan xanuc'. Tija'ayi, ¹⁵ timinnila':

—Cunc'ixanuc', ¿te con'eyacu? Illanc' jouc'a ninc'ixanuc'. Jifa'a aluya'ayi Lataiqui' loya'apa iŷe al c'a lixp'ic'epa ŷanDios. Maŷe Lataiqui' tu'ilhuo': “Toŷpo'notsola' iŷna'a lolandiosla', aimolihuejconame’”. Lolandiosla' ailopa'a co'epa, aimi'iya mitoc'iyacolhuo'. Tolihuejle ŷanDios ŷimaf'i. Iŷque Nilanc'epa lema'a, li'a ŷamats', ŷaja jouc'a jahuay lopa'a.

¹⁶ 'Luyaipa quitine, imanc' jouc'a locuenaye lan xanuc' pe a'ij judío toluyalaicoyi lapajnya tolihuejyi ma to moŷ'eyi. ŷanDios ixnet'ŷpa iŷe lo'ejma'. ¹⁷ Tama a'ij cuajmaica cu'ilhuo' te ts'i'ic' lipicuejma', ŷanDios imuc'ipolhuo' li'ejma'. Imuc'ipolhuo' ac'a lo'epa. Ma' iŷque ticuxe ticuiŷa', aŷcuic'inga' ŷacui lo'huayomma lema'a. Jouc'a ticuxe ti'iŷa' h'itiné cafot'leya. Toŷta'a aŷsinyi ŷaŷtepa. Juaiconapa alixoc'inga' calata.

¹⁸ Tama toŷta'a limipola' Pablo lan xanuc' afule mihuejcoyi. Juaiconapa iŷpic'a titsufcoŷe. ¹⁹ Maŷej hora icuaitsa lan judío naixtulepá, iŷne quiyouyomma h'elotoŷya' Iconio y Antioquía. Ipalaic'om'mola' lan xanuc' jiŷpe lefoŷya. Inesc'em'mola' Pablo y Bernabé. Lan xanuc' ihuejco' me iŷne lan xanuc' judío, ipaf' me capic' Pablo. Lijou'ma ticuayi: “Joupa

imapa". Ipa'a'me jilpe liya'. Ipo'no'me lema quilya'. ²⁰ Ts'ilihuequi Pablo y Bernabé iloc'otai'me canumicay Pablo. Ique itsahuenanni, itsufaicona'ma liya'.

Lihuequi litine ipalunca Pablo y Bernabé, icuaitsa liya' cuftine Derbe. ²¹ Jilpe uya'acona'me Lataiqui', ile loya'apa lixic'epa LanDios. Axpela' lan xanuc' epenuf'me lataiqui', ihuej'me. Lijou'ma Pablo y Bernabé ipailiconanca, iyecona'me hileloya' Listra, Iconio y Antioquia. ²² Imuc'iyalecontsa ts'ilihuequi Lataiqui', ifa'empola' lipicuejma', ixc'ai'im'mola', timinnila':

—Ticuicomma altelecole, tijoula' altsuflainata pe locuxeyopa LanDios.

²³ Iya' iya' ni petsi lafolyomma lapimaye Pablo y Bernabé ifaj'me lan tsilaj xanuc' noxplic'eyacu lataiqui'. Tixnet'lyi, aimitetsoyi, tijoc'iyi laPoujna, timiyi:

—MaPoujna, ina'a lan xanuc' ti'huaiyijnhuo'. Totoc'itsola'.

²⁴ Ipalunca liya' Antioquia. Uyalaico'me jahuay lamats' Pisidia. Icuaiyocontsa lamats' Panfilia. ²⁵ Iyecona'me liya' Perge. Jilpe uya'a'me Lataiqui'. Lijou'ma ipalunca, imul'me al 'ocay, icuaitsa liya' Atalia. ²⁶ Jilpiya itsulfoaicona'me anuli al barco lotseya locuena quilya' cuftine Antioquia.

Pablo y Bernabé lapimaya jilpe Antioquia lapimaye ummempola' tiyente, ti'etsa lanic' lapi'ipola' LanDios. Ixa'huepa titoc'itsola'. Itsiya joupa ixhuai'nipá lanic'. Ticuaiconata. ²⁷ Icuaitsa Antioquia. Ijoc'im'mola' lapimaye ilne nefot'lepolti jilpe liya'. U'im'mola' jahuay li'ipola' lan xanuc' pe a'ij judío. LanDios joupa ilonc'epa lipa'nepola'. Iniya jouc'a titsufliayi lane, ti'huaiyijnyi Jesucristo. ²⁸ Jilpiya liya' Antioquia icol'mola'. Imanenca anuli ts'ilihuequi Jesús.

15

¹ Icuaitsa liya' Antioquia hualca lapimaye ts'ilihuequi Jesús quiyouyomma al distrito Judea, ipango'me imuc'iyale'me. Tu'innila' lapimaye nomana' jilpe liya':

—Tolanant'ile locuxepa Moisés, tonl'etsoltsi circuncidar. Ja'ni a'i, aimi'iya mol-unulyacu.

² Pablo y Bernabé ifuli'imoltsi cataiqui' ilne lapimaye, aiquentenlococla' lomuc'iyalepa. Lijou'ma lapimaye ixpic'e'me tiyete Jerusalén Pablo y Bernabé jouc'a hualca lapimaye nomana' jilpe Antioquia. Pu'hua Jerusalén tipalaic'onnola' lan apóstole y lapimaye noxpijpá lataiqui'. Ticuis'ennola': "Imanc', ¿te colcuapa? Lapimaye pe a'ij judío, ¿ja'ni ti'e'moltsi circuncidar o a'i?" ³ Ipalunca Pablo, Bernabé y lilejmale lun Antioquia. Locuena lapimaye lafolyomma jilpe Antioquia ecanumf'entsacane. Uyalaico'me lamats' Fenicia jouc'a lamats' Samaria. Jilpe hileloya' ipalaicom'mola' lapimaye, uya'a'me ile li'ipola' lan xanuc' a'ij judío, ticuayi: "Ipa'i'ipá lipicuejma', tihuejyi Jesús". Licuej'me tola'a li'ipa jahuay lapimaye ixoconni quileta juaiconapa.

⁴ Pablo, Bernabé y lilejmale icuaitsa liya' Jerusalén. Lapimaye lafolyomma jilpe, lan apóstole jouc'a lapimaye noxpijpá lataiqui', epenufim'mola'. Pablo y Bernabé uya'a'me jahuay li'ipa, uya'a'me acueca' litoc'ipola' LanDios. ⁵ Jilpe Jerusalén timana' hualca lan xanuc' fariseo no'huaiyijmpá laPoujna Jesucristo. Ilne eaxol'me, ticuayi:

—Lapimaye pe a'ij judío tenant'ile locuxepa Moisés. Ti'etsoltsi circuncidar.

⁶ Efol'te'moltsi lan apóstole jouc'a lapimaye noxpijpá lataiqui'. Icuais'e'moltsi: "¿Te calspic'eyacu?" ⁷ Ipalaic'o'moltsi juaiconapa. Lijouco'ma eax'ma Pedro. Timila':

—Cunc'aipimaye, joupa olsina' li'ipa. LanDios almuc'iponga' naitsi no'huaya pe lomana' locuena lan xanuc', ilne a'ij judío. Al'huij'epa ca'huala' iya', cuya'atsi Lataiqui' loya'apa ile al c'a lixic'epa LanDios, ti'huaiyijnle Jesucristo. ⁸ Li'huaiyijm'me Jesucristo LanDios ipaxne'mola' to lapaxneponga' illanc'. Epi'ipola' cal Espiritu Santo. Toita'a imujpa ahnca ti'huaiyijnyi Jesucristo. LanDios aimimenajya, timetsaicola' jahuay lan xanuc', te ts'i'ic' lipicuejma'. ⁹ Iniya, illanc', ma' anuli lapenufponga'. La'huaiyijmpá Jesucristo latufc'e'eponga' la'picuejma'.

¹⁰ 'Itsiya, ¿te colahuaicopá ËanDios? Imanc' tołcuayi: "Ałcuxe'e'mola' lałpimaye tihuejcole jahuay locuxepa Moisés". Iya' cacua: Lałtatahueló aiquilenant'hi ìe lataiqui', ni illanc' aicalanant'hi, aimi'iya. ¹¹ Jounpa i'ipa calsina' ma le'a Jesucristo ałtoc'i'monga'. Iłque ałsimponga' ninc'icuanuc'la, lunhu'e'monga'. Ma' anuli tunhu'e'mola' ìniya.

¹² Lapimaye lafołyomma jilpiya ailopa'a cotalai'ecoyacu. Iquimf'e'me loya'apa Pablo y Bernabé muya'ayi al cueca' li'epa ËanDios pe lomana' locuenaye lan xanuc', ìne a'ij judío. Uya'a'me li'ipa ma mi'eyi lipenic' ËanDios. Iłque jounpa epi'ipola' liłmane, tołta'a i'e'me to aimi'iya mi'eyacu lan xanuc'.

¹³ Lijounpa luya'apa tołta'a Jacobo ipalaic'o'mola' lapimaye lefot'łepoltsi, timila':

—Cunc'aipimaye, ałquimf'ela'. ¹⁴ Simón Pedro alu'iponga' li'ipa litine ËanDios imuj'moxi pe lomana' locuenaye lan xanuc', ìne a'ij judío. Iłe litine ipango'ma ijoc'i'mola' tihuejcole, ti'ila' quixanuc'. ¹⁵ Lam profeta jounpa uya'apá tołta'a lo'eya ËanDios. Jilpe liłje'e inilijmpá lonespa ËanDios, ticua:

¹⁶ Tijoula' catoc'icona'mola' laixanuc'.

Iya' capi'i'mola' laixanuc' liłrey, cal rey David itatahuelo.

¹⁷ Tołta'a locuenaye lan xanuc' tehuename liłPoujna, ìne a'ij judío pe jounpa nimetsaicopola' aixanuc', małniya lahuena'ma.

¹⁸ Tołta'a linespa ËanDios No'epa jahuay ìna'a.

Jounpa imuc'ipola' lan xanuc' nomana' luyaipa quitine.

¹⁹ Jacobo ti'hua tipalaic'ola' lipimaye, timiconala':

—Iya' cacua: Iłne lałpimaye a'ij judío pe jounpa ixhuej'menamma, tihuecoyi ËanDios, aimalpa'ne'mola'. ²⁰ Alumme'e'mola' quilje'e, lu'i'mola': "Imanc' aimolte'me lixic' lit-sufcompola' landiosla'. Iłque cal tejua' jounpa i'ipa quixcay. Toł'etsoltsi cuenna. Aimolıuico'mola' ocuenaye cacal'no', ma' le'a lołpenoye. Aimolte'me liłpixic' linneja lixna-jmpola' cajuats', jouc'a aimolte'me lajuats'."

²¹ '¿Te calcuxe'ecoyacola' xonca? Jilpiya lałjut'hi pe lafołyomma lałf'as xanuc' judío, itine itine conxajya tixhuf'yi locuxepa Moisés. Ixhuaita axpe' camats' tołta'a mi'eyi jahuay liłelolıya'.

²² Lan apóstole jouc'a lapimaye nołpijpá lataiqui', jouc'a jahuay lapimaye lafołyomma jilpe Jerusalén i'e'e'moltsi anuli liłpicuejma'. Ticuayi:

—Ałhuijf'e'mola' lałpimaye. Alumme'mola' tiyełe Antioquía. Tiyejmalełe Pablo y Bernabé.

Iłhuijf'em'mola' Judas lałcui'impa Barsabás jouc'a Silas. Iłne liłpimaye tixininnila' ac'a liłpicuejma'. ²³ Ini'impola' al je'e, tini'innola' lapimaye a'ij judío. Iłe al je'e tuya'e':

"Illanc' ninc'apóstole, ninc'atsila' capimaye nałspic'epá lataiqui', ałnonilhuo' imanc' a'ij judío, nołmana' liłıya' Antioquía, jouc'a nołmana' ni petsi lałmats' Siria, jouc'a nołmana' lałmats' Cilicia. Imanc' illanc' ninc'apimaye.

²⁴ 'Jounpa ałmimponga' ìe luya'apa hualca lapimaye lipalyomma fa'a. Iłne imipolhuo': 'Imanc' tołlanant'liłe locuxepa Moisés. Tonł'etsoltsi circuncidar.' Tołta'a ixhuel'mipolhuo'. Tołcuayi: ¿Te cal'eyacu?

'Itsiya lu'ilhuo': Illanc' aicalummela' ìniya. Aicalmila': Tołta'a tołmitsola'. ²⁵ Illanc' nałmana' fa'a jounpa ał'e'epoltsi anuli liłpicuejma'. Ałspic'epá alumme'elhuo' ìna'a lałhuijf'epola', tiyejmalełe laicalpimaye Pablo y Bernabé. ²⁶ Iłne colá' tima'mola' mi'eyi lipenic' lałPoujna Jesucristo, tocomma to aimunłulyacu. ²⁷ Loquexi' lałpimaye lalumme-pola', ìne Judas y Silas tu'itolhuo' lałspic'ejma', ìe laliniłpa ìłta'a al je'e. ²⁸ Illanc' y cal Espiritu Santo ałspic'eyi a'ij cueca' lałcuxe'eyacolhuo'. Fa'a lu'ilhuo' ma le'a oquej fane' loł'eyacu petsi xonca latentłocopa ËanDios. ²⁹ Lu'ilhuo':

'Aimolte'me lixic' litsufcompola' landiosla'. Aimolte'me lajuats'. Aimolte'me liłpixic' linneja lixnajmpola' cajuats'. Tonł'e'etsoltsi cuenna. Aimolıuico'mola' ocuenaye cacal'no', ma le'a lołpenoye.

'Ja'ni toluyalaico'me tołta'a tonł'e'me al c'a. Itsiya icula'apa ile lałsc'ai'ipolhuo'."

³⁰ Lapimaye nomana' Jerusalén ixc'ai'im'mola' Pablo, Bernabé y liłejmale. Iłne iye'me. Icuaiçontsa Antioquía. Jiłpiya ijoc'im'mola' lapimaye tefołunca. Ini'im'mola' al je'e.

³¹ Lapimaye ininuf'me ixhue'me. He loxc'ai'impola' ixoc'i'mola' quileta.

³² Iłne Judas y Silas aprofeta. Juaiconapa ixc'ai'im'mola' lapimaye, ifa'em'mola' liłpicuejma'. ³³ Jiłpiya imanenca, icol'mola'. Icuaitsi litine tiyenłe lapimaye ixc'aitsona'me, timinnila':

—Tonłenłe al c'a. Tołpailinanca, tonłenłe pe lomana' iłne nummepolhuo'. Tołmitsola': "Ailopa'a tintsı".

³⁴ Silas ixpic'epa tipanehuo Antioquía. ³⁵ Pablo y Bernabé imanenca jiłpe liłya' tuya'ayi, timuc'iyaleyi Lataiqui'. He litaiqui' lałPoujna. Ma' anuli lo'epa axpela' lapimaye.

³⁶ Ti'hua tuyaipa litiné. Lijou'ma Pablo ipalaic'o'ma Bernabé, timi:

—Łepá, łeconapá jahuay liłelołya' petsi joupa laluya'apa litaiqui' lałPoujna. Ałsinna te ts'i'ic' mimana'.

³⁷ Bernabé ticua:

—Ałhecocona'me Juan Marcos, ałejmalecona'me.

³⁸ Pablo timi:

—A'i. Lałcuaitsa łamats' Panfilia iłque ałpo'noponga' całtuca'. Aiqui'e'ma canic' anuli illanc'. Aimałhecocona'me.

³⁹ Ipalaic'o'mołtsi juaiconapa. Ifuli'i'mołtsi cataiqui'. Lijouco'ma anuli anuli i'hua'ma lipene. Bernabé ileco'ma Marcos, itsulfołai'me anuli al barco, iye'me Chipre. ⁴⁰ Pablo i'huijf'e'ma Silas. Pablo y Silas y lapimaye efot'le'mołtsi. Ijoc'i'me ŁanDios. Ixa'hue'me titoc'itsola' Pablo y Silas. Lijou'ma ipalunca iłniya. ⁴¹ Iye'me łamats' Siria jouc'a łamats' Cilicia. Pablo ipalaic'o'mola' lapimaye ni petsi lafołyomma. Ifa'e'mola' liłpicuejma'.

16

¹ Pablo y Silas icuaitsa liłya' Derbe, uyalaico'me, icuaitsa Listra. Jiłpe liłya' tipa'a anuli łamijcano cuftine Timoteo. Qui'máma' ajudía, ti'huaiyinge Jesucristo. Qui'aillı' agriego. Timoteo tihuequi Jesús. ² Lapimaye, iłne nomana' Listra, jouc'a nomana' Iconio ticuayi: "Ac'a xans Timoteo". ³ Pablo ixpic'epa tiyejmale'me. Ai'a tileco'ma i'e'ma circuncidar. Ticua: "Tołta'a aimixtulecu lan xanuc' judío nomana' fa'a łamats'". Jahuay iłniya iłsina' qui'aillı' Timoteo agriego. Toliya Timoteo aiqui'aic' circuncidar.

⁴ Lijou'ma Pablo, Silas y Timoteo iyehuo'me iłya' iłya', ehuengintsola' lapimaye nomana'. Imuc'im'mola' al je'e loya'apa locuxepa lan apóstole y lapimaye noxpıjpa lataiqui', iłne nomana' Jerusalén. Tixc'ai'innila', tu'innila' tenant'liłe ile lataiqui'. ⁵ Tołta'a lapimaye lafołyomma iłniya liłelołya' xonca ti'huaiyijnyi. Itine itine tıxpela' lapimaye.

⁶ Lijou'ma, ehuengintsola' lapimaye nomana' ni petsi łamats' Frigia y łamats' Galacia. Aiquiłtsuflaic' łamats' Asia. Cal Espíritu Santo aiquepi'ila' lane muya'ayacu Lataiqui' jiłpe łamats'. ⁷ Icuaitsa łema łamats' Misia ixpic'epa titsulfołaitsa łamats' Bitinia. Cal Espíritu, iłque hi'Espíritu Jesús, aiquepi'ila' lane.

⁸ Ti'hua tiyeyi łema łamats' Misia. Imul'me liłya' Troas. ⁹ Lipuqui' Pablo ixim'ma al paiyo. ŁanDios timuc'i lo'eya. Ixim'ma tecaxu anuli cal xans łas Macedonia. Tixa'hue, timi: "To'huanni fa'a łainemats' Macedonia. Fa'a ałtoc'i'monga'." ¹⁰ He liximpa Pablo alu'iponga' illanc' lałejmale. Ałspic'epá łe'me łamats' Macedonia. Ałcuayi: Ma ŁanDios ałjoc'iponga', alu'itsonga' lan xanuc' nomana' jiłpe łamats' Lataiqui' loya'apa ile al c'a lixpıc'epa ŁanDios.

¹¹ Jiłpe Troas ałtsulfołaipá anuli al barco. Ałepá liłca łamats' cuftine Samotracia. Lihuequi litine ałcuaitsa liłya' Neápolis. ¹² Lipalyonca al barco ałepá Filipos. He liłya' xonca imetsaicoquiya jiłpe łamats' Macedonia, i'huexi cal cuecaj quincuxepa romano. Jiłpe ałcolponga'.

¹³ Litine conxajya lipalunca liŷya', aŷepá petsi tefot'ŷeyoŷtsi lan xanuc' mijoc'i'me LanDios, jiŷpe al pana'. Aŷcutsoŷanna, aŷpalaic'opola' lacaŷ'no' licuai'me. ¹⁴ Anuli jiŷne lacaŷ'no' lipuŷtine aLidia. Tihuequi locuxepa LanDios. Lipiŷya' cuŷtine Tiatira. Ticuqui qui-jahua' lumanc'ecompa amorada. ŁaŷPoujna epi'ipa lipicuejma' icuej'ma lonespa Pablo. ¹⁵ Łaca'no' Lidia jouc'a jahuary nomana' lejut'ŷ epo'im'mola'. Lijou'ma Lidia aŷsa'hueponga', aŷminga':

—Ja'ni imanc' aŷsimpa iya' nepenuŷpa łaŷPoujna łepá lainejut'ŷ. Jiŷpe aŷmanc'aleta. Ihui'i'ma. Aŷehuo'me lejut'ŷ.

¹⁶ Anuli litine maŷeyi petsi aŷjoc'ita LanDios aŷtalecuŷ'me anuli łahuats'. Lipoujnalá joupa i'napá, ticuxeyi. Łahuats' ticua'e, ticuxe lipicuejma' anuli liponta'a Satanás. Timila' lan xanuc' lo'iyacola'. Toŷta'a tuliqui juaiconapa acueca' tomí. Tepi'ila' lipoujnalá. ¹⁷ Illanc' aŷejmaŷeyi Pablo. Łahuats' alihuequinga'. Tija'e, ticua':

—Toŷsintola' iŷna'a lan xanuc'. Cal Cueca' CanDios iŷPoujna iŷna'a. Tu'ilhuo' te co'iya molunŷlyacu.

¹⁸ Tuyaipa axpe' quitine mi'ay toŷta'a łahuats'. Pablo aiquetenŷcocojma lo'epa. Tix-hueŷmot'ŷe juaiconapa. Lijouco'ma ipai'e'moxi, ehuelojm'ma łahuats', ipalaic'o'ma lonta'a, timi:

—Cajoc'i łaiPoujna, canesma lipuŷtine Jesucristo. Toŷta'a cacuxe'ehuo': Taipananni lipicuejma' iŷca'a łahuats'.

Aiquicoŷ'ma. Ipananni lonta'a. ¹⁹ Lipoujnalá łahuats' iximpá ixaŷconapa, ixtulencia. Iŷsina' aimi'iya mulijconayacu quiti tomí. I'noŷim'mola' Pablo y Silas, exaŷim'mola' jiŷpiya pe lomana' ts'iŷpenic'. ²⁰ I'hua'am'mola' pe lomana' lan juez romano. Timinnila':

—Iŷne lan xanuc' ajudío, fa'a laŷpiŷya' tehueyi cataiqui'. ²¹ Aŷmuc'inga' aŷpai'inga' la'ejma'. Illanc' ma lihuejcoyi cal cuecaj quincuxepa romano. Ma' iŷque aŷcuxenga'. Aimi'iya malapenuŷfyacu ocuena cataiqui'.

²² Jahuary lefoŷya jiŷpiya ixtuc'om'mola' Pablo y Silas. Lan juez icuxe'me textitso-quintsola' Pablo y Silas, titsimaŷquintsola' liŷpula'. ²³ Itsimaŷquim'mola' juaiconapa. Ecanc'ontsola' lacarza. Icuxe'e'me cal xans no'epa cuenna lacarza, timiyi:

—To'etsola' cuenna iŷna'a lan xanuc'. Aimipalcu.

²⁴ Licuejpa toŷta'a no'epa cuenna lacarza i'nicotsola' xonca licu'u cacarza. Icanŷc'om'mola' liŷmitsi' laxma. Aimipalyacu, aimi'iya.

²⁵ Li'i'ma to nolojmay quipuqui' Pablo y Silas tijoc'iyi LanDios, tunac'liyi timiyi: “Man-Dios, ima' unCueca’”. Locuenaye litats'ila' tiquimf'eyi. ²⁶ Inu'ma łunanto. Tifenna łamats' petsi lifayiya łaitaŷ lacarza. Aiquicoŷ'ma, exinni jahuary lam puerta. Jahuary litats'ila' ixim'moŷtsi uhuaiŷquem'mola' latejmaj cadena. ²⁷ Cal xans no'epa cuenna lacarza tixmay. Imaŷi'ma ixim'ma lam puerta exiya. Ticua: “Itsiya, ¿te caif'eya? Joupa ipalnamma litats'ila’”. Ipa'a'ma li'espada. Ticua: “Cama'a'moxi’”. ²⁸ Pablo ixim'ma lo'eya. Ija'a'ma ujfxi, timi:

—Aimo'e'e'moxi. Ma fa'a aŷmana' jahuary illanc'.

²⁹ No'epa cuenna lacarza icuxe'e'ma tulif'enŷe. Aiquicoŷ'ma, itsufai'ma pe lomana' litats'empola'. Eca'ni'moxi jiŷpe liŷmitsi' Pablo y Silas. Tiyu tixpaiqui. ³⁰ Tipa'ala' łuna. Ticuis'ela', timila':

—Cunc'ixanuc', ¿te co'iya cunŷu'eyacoxi? ¿Te caif'eya?

³¹ Iŷne timiyi:

—Ima' to'huaiyijnla' łaŷPoujna Jesucristo, iŷque tunŷu'e'mo'. Toŷta'a ti'ele iŷne nomana' lomejut'ŷ. Jouc'a tunŷu'e'mola' jahuary iŷniya.

³² U'i'me litaiqui' łaŷPoujna. U'im'mola' jouc'a nomana' lejut'ŷ. ³³ Maŷpe 'hora lipuqui' no'epa cuenna lacarza ileco'mola' Pablo y Silas, epac'e'etsola' hilehui. Aiquicoŷ'mola', epo'im'mola' iŷque y jahuary lixanuc'. ³⁴ Lijou'ma ileco'mola' lejut'ŷ Pablo y Silas.

Ites'mitsola'. Juaiconapa tixoqui queta ti'huaiyinge LanDios. Ai ma le'a itque jouc'a jahuary lixanuc' ti'huaiyijnyi.

³⁵ Itic'e'ma. Lan juez umme'me lilepaluc' tiyele lacarza. Licuaitsa ipalaic'o'me no'epa cuenna lacarza, timiyi:

—Tox'masnatsola' itne lan xanuc'. Tipalnanca, tiyenle.

³⁶ No'epa cuenna lacarza u'i'ma Pablo, timi:

—Lan juez ummepá lilepaluc'. Itne ałmi: “Tox'masnatsola' itne lan xanuc', tipalnanca”. Itsiya tolipalnanca. Tonente al c'a. Ailopa'a tintsi.

³⁷ Pablo ipalaic'o'mola' lapaluc', timila':

—Ai. Aimi'iya małeyacu. Illanc' alimetsaiconinga' ixanuc' cal cuecaj quincuxepa romano. Imanc' lojuez ni aiquisina' ja'ni ałnca o a'ij hıncá lataiqui' lałcufponga'. Ma malahuelonginga' lan xanuc' ałtsimafquimponga'. Itsiya ałminga' ałente a-ch'ixca. Ai. Aimi'iya. Ticuaiyunca lan juez. Alipa'atsonga' itniya.

³⁸ Lapaluc' ipailinanca, iye'me pe lomana' lan juez. U'im'mola' limipola' Pablo. Licuej'me lan juez cal cuecaj quincuxepa romano imetsaicola' Pablo y Silas, tix-pailiquila' juaiconapa. ³⁹ Iye'me lacarza. Ixa'hue'me aimixtulecu Pablo y Silas. Ipa'am'mola'. Timinnila':

—Tonente, tolipalnanca fa'a lałpıya'.

⁴⁰ Lipalunca lacarza Pablo y Silas iye'me lejut'ł Lidia. Jiłpe efot'le'mołtsi anuli lapimaye. Ixc'ai'im'mola', ixpai'im'mola' quileta. Lijou'ma iyena'me.

17

¹ Pablo y liłejmale ipalunca liłya' Filipos, iye'me lane loyaicopa liłelołya' Anfıpolis y Apolonia. Icuaitsa liłya' Tesalónica. Jiłpe tipa'a anuli lajut'ł pe lafołyomma lan xanuc' judıo. ² Licuaitsi litine conxajya Pablo, ma to mi'ay, i'hua'ma jiłpe lajut'ł. Afane' quitine conxajya i'e'ma tołta'a. Ipalaic'o'mola' lan xanuc' jiłpiya. Tu'ila' loya'apa al Paxi Linilingiya. ³ Tuhualqui ite lataiqui', tu'ila':

—Małe al Paxi Linilingiya tipalaıjma cal Cristo. Tuya'e': “Titełco'ma, timana'ma. Tijouł'a timaf'ina'ma, tipano pe lomana' lamizhua.” Jesús, itque laıfpalaic'ocopolhuo', małque aCristo.

⁴ Hualca lan xanuc' judıo lafot'lepołtsi jiłpiya ticuayi: “Ma' al hıncá locuapa”. I'e'mołtsi anuli Pablo y Silas. Jouc'a juaiconapa axpela' lan xanuc' griego naihuejpa' locuxepa LanDios, jouc'a axpela' lan tsila' cacal'no', epenuf'me lonespa Pablo.

⁵ Lan xanuc' judıo pe aimihuejyi Jesús ixtulencia, i'em'mola' laic' Pablo y Silas jouc'a ts'ilihuequi. Ipalaic'om'mola' hualca lixcay xanuc'. Itne nohuinajpola', aimi'eyi canic', ma le'a tecaxołanna jiłpe locucaleyompa. Efoł'em'mola' axpela' lan xanuc', ixahuali'intsole' Pablo y Silas. Jahuary lan xanuc' jiłpe liłya' ic'of'ma liłjuats'. Ixtulencia juaiconapa. Aits'icoł'mola', iye'me, icuaitsa lejut'ł anuli cal xans cuftine Jasón. Tehuennila' Pablo y Silas. Timiyi Jasón:

—Laxat'lıtsonga' Pablo y Silas. Ał'hua'a'mola' jiłpiya lafołyomma lan xanuc'.

⁶ Aiquixinim'mola'. Exałim'mola' Jasón y hualca lapimaye. I'hua'ampola' pe lomana' lan juez. Tija'ayi coyac', ticuayi:

—Itniya lan xanuc' nateł'eyalepa' liłpicuejma' lan xanuc' ni petsi li'a łamats' joupa icuai'me fa'a lałpıya'. ⁷ Itca'a Jasón epenufpola' jiłpe lejut'ł. Jahuary itniya aimihuejcoyi locuxepa cal cuecaj quincuxepa César. Ticuayi tipa'a ocuenaj rey ticuxela', cuftine Jesús.

⁸ Licuej'me tołta'a lan xanuc' y ts'ilpenic' xonca ixtulencia. ⁹ Jasón y lapimaye i'najtse'me ts'ilpenic', i'najcufi'me Pablo y Silas. Tołta'a ts'ilpenic' ux'masquina'me itne Jasón y lapimaye.

¹⁰ Małe lipuqui' lapimaye itoc'im'mola' Pablo y Silas tipalnanca jiłpe liłya' Tesalónica. Iye'me liłya' Berea. Icuaitsa jiłpe liłya' itsulfołai'me lajut'ł pe lafołyomma lan xanuc'

judío. ¹¹ Ac'a xanuc' ihniya lan judío nomana' ile liya' Berea, a'i to lan xanuc' nomana' Tesalónica. Ixoico'ma quileta epenuf'me litaiqui' Jesús. Itine itine tixhueyi al Paxi Linilingiya. Ticuayi: “Aksim'me ja'ni al linca o a'ij linca lonespa Pablo”. ¹² Axpela' lan xanuc' judío, jouc'a hualca laca'no' griego pe ts'ih'hueca, jouc'a axpela' lan xanuc' griego epenuf'me.

¹³ Lan xanuc' judío nomana' liya' Tesalónica icuej'me: “Pablo tipa'a liya' Berea, tuya'e' litaiqui' LanDios”. Iye'me Berea. Jiłpiya ipalaic'om'mola' lan xanuc', i'e'em'mola' tixtuc'ole Pablo. ¹⁴ Lapimaye itoc'i'me Pablo tipanni liya' Berea, ti'huala' lema caja. Silas jouc'a Timoteo imanenca Berea. ¹⁵ Lapimaye pe li'i'mołtsi anuli Pablo ileco'me liya' Atenas. Pablo timila':

—Tołmitsola' Silas y Timoteo aimicoł'mola', ticuaiyunca fa'a.

Lijou'ma lapimaye ipailinanca, iye'me Berea.

¹⁶ Pablo ipanenni liya' Atenas. I'huaijma ticuaiyunca Silas y Timoteo. Ixim'ma ile liya' imanna candiosla'. Ixhuełco'ma juaiconapa. ¹⁷ Litine conxajya itsehuc'oma lajut'ł pe lafołyomma lan xanuc' judío. Jiłpe lajut'ł tipalaic'ola' lan xanuc', ihne lan xanuc' judío jouc'a lan xanuc' griego pe naihuejpa' LanDios. Itine itine itsehuc'oma laplaza, tipalaic'ola' lotalecufpola' jiłpe.

¹⁸ Jiłpe laplaza tefot'leyołtsi hualca lan xanuc' naihuejpa' litaiqui' lan xanuc' lacui'impola' lan epicúreo. Jouc'a tefot'leyołtsi pe naihuejpa' litaiqui' lan xanuc' lacui'impola' lan estoico. Ihne ipango'me ifuli'i'mołtsi cataiqui' Pablo. Hualca ticuis'eyołtsi:

—Iłque łapalgo, ¿te cohuałquemma lonespa?

Ocuenaye ticuayi:

—Tocomma to tinescola' ocuenaye candiosla'.

Icuejpa' Pablo lipalaicopa Jesús, jouc'a lipalaicopa himaf'inapa, ipayomma pe lomana' lamizhua. Tołta'a ticuayi: “Ihne oquexi' landiosla'”.

¹⁹ Timiyi Pablo:

—Łepá.

Ileco'me pe lafołyomma ts'ih'penic'. Jiłpe lacui'impá al Areópago. Icuaitsa jiłpe icuis'e'me, timiyi Pablo:

—Ima' lofmuc'iyalepa ats'e cataiqui'. Aluhuałc'e'etsonga'. Ałcuejle te cocuajmaispa ile lataiqui'. ²⁰ Ałcuejyi ima' tomuc'iyale ituca' cataiqui'. Ti'ıla' całsina' te cohuałquemma ile lofnepa.

²¹ Lan xanuc' limajmpá liya' Atenas, ja'ni ma' Atenas ihpiya', o ja'ni quiyoyomma ocuena quilya', jahuay ihniya aimi'eyi canic'. Muica litine tipalaic'oyołtsi. Tu'iyoyłtsi, tiquimf'eyołtsi ituca' ituca' cataiqui'.

²² Pablo ecax'ma jiłpe al Areópago. Tipalaic'ola' lefołya, timila':

—Cunc'ixanuc', Atenas ołpiya, caxinnihuo' tołspaic'ela' jahuay landiosla'. Aimo-latets'iyi ni' anuli. ²³ Cuyaijma łaneya fa'a lołpiya' cahuelongila' loł'altar. Jouc'a cahuelongue anuli al altar inilingiya tuya'e': “Iłta'a i'altar anuli łandios. Aicalimetsaijma naitsi iłque, aicalsina' te quipuftine.” Tama imanc' tołcuayi: “Iłque anuli łalandios”, imanc' aicolimetsaijma. Itsiya iya' cu'i'molhuo' naitsi iłque.

²⁴ 'Małque LanDios ilanc'epa li'a łamats' jouc'a jahuay lopa'a. Aimipanga al xoute' lilanc'epa lan xanuc'. Iłque iPoujna lema'a jouc'a li'a łamats'. ²⁵ Illanc' ninc'ixanuc' aimi'iya małnesyacu: “LanDios tehue'e', alapi'i'me”. Iłque aimehue'e'. Jahuay ts'ih'mafi' fa'a li'a łamats' LanDios tepi'ıla' liłpitine, liłpehua', jouc'a jahuay liłpicuicoya.

²⁶ 'Lan xanuc' ni petsi quiyoyomma ma' anuli liłjuats'. Tołta'a lilanc'epola' LanDios. Małque LanDios ixpicufpa hilemats' anuli anuli lan nación. Ixplic'epa tojua ticoł'mola', te quitine tijou'ne'mola'. ²⁷ Lixpic'epa tołta'a LanDios ticua: “Lahuełta' lan xanuc'. Aga tinesle: ¿Pe copa'a? Ałsinna'ma.”

‘Hque linca a'ij culi', ma' ahuejnca anuli anuli illanc'. ²⁸ Ma'que a'ñanc'eponga', lapi'iponga' la'pitine. Maluyalaicoyi lapajnya a'toc'inga'. Ja'ni tijuc'ixoxi aimi'iya maluyalaicoyacu, jahuay tijouna'ma. Imanc' lo'xanuc' ts'itpicuejma' jouc'a ipalaico'me LanDios, inilpá: “Illanc' ninc'ixanuc' inaxque' LanDios”.

²⁹ ‘Hque LanDios a' Ailli'. Totiya aimi'iya ma' ondicoyacu to itne landiosla' lilanc'empola' a'oro o aplata o apic. Itna'a ipa'acopa lijuac cal xans, ilanc'ecopola' limane'. ³⁰ Luyaipa quitine lan xanuc' aiqulsina' te ts'i'ic' lipicuejma' LanDios. Aiquilimetsajma. Itniya itiné LanDios aiqumila', aiqitalela' ni to'la'a. Itsiya ituca' li'ejma'. Ticuxe'ela' jahuay lan xanuc' ni petsi lomana', timila': “Imanc' to'suej'menanca”. ³¹ LanDios joupá i'huif'epa, ifaquimpa cal Juez no'eya al'ijca lipenic'. Ixpice'epa litine timujxoxi itque it'juez jahuay lan xanuc' ni petsi lomana'. Itque cal xans LanDios joupá imaf'i'inapa, ipa'anapa pe lomana' lamizhua. Ti'ila' quilsina' lan xanuc' a'inca to'la'a lo'iya.

³² Licuej'me linespa Pablo: “LanDios imaf'i'inapa, ipa'anapa pe lomana' lamizhua”, hualca ixoco'me. Ocuenaye timiyi:

—A'quimf'econa'mo'. Alu'itsonga' xonca ite lataiqui'.

³³ Pablo ipanni jilpe lefo'ya. ³⁴ Hualca lan xanuc' ihuej'me Pablo. Ti'huaiyijnyi. Anuli itniya cuftine Dionisio, itque tilai'iyoxi jilpe al Areópago. Ocuená no'huaiyijmpa itque aca'no', cuftine Dámaris. Jouc'a timana' ocuenaye ihuej'me.

18

¹ Pablo ipanni li'ya' Atenas icuaitsi li'ya' Corinto. ² Jilpe li'ya' italecuf'ma anuli cal xans judío cuftine Aquila. Itque ipajnyota lamats' cuftine Ponto. Lipeno cuftine Priscila, imajmpá lamats' Italia, li'ya' Roma. Micuxe cal cuecaj quincuxepa romano cuftine Claudio itque icuxe'e'mola' lan xanuc' judío tipalunca ite li'ya'. Priscila y Aquila ajudío. Ipalunca li'ya' Roma, quite' m'icuaispá Corinto. Pablo i'hua'ma ixintsola' lilejut'í. ³ Jilpe ipanenni. Pablo y Aquila in-natso'pá quixmi. Ti'eyi canic' anuli. ⁴ Litine conxajya Pablo ti'hua lajut'í pe lafo'yomma lan xanuc' judío. Tipalaic'ola' lan xanuc' nomana' jilpe, itne ajudío jouc'a agriego. Tehue te co'iya micuejyacu, ti'huaiyijnle Jesucristo.

⁵ Silas y Timoteo ipalunca lamats' Macedonia. Licuaitsa li'ya' Corinto Silas y Timoteo, Pablo joupá etec'opa lanic' lanatso'ya, ma le'a tuya'e' Lataiqui'. Tu'ila' lan xanuc' judío: “Jesús ma' aCristo”. ⁶ Lan judío aiquirepenufi loya'apa Pablo, timilojyi quixcay cataiqui'. Pablo unaf'ma lipijahua'. Tixinle ite lo'epa aiqueten'cocojma LanDios. Timila':

—Imanc' co'luca' to'itai'me lajunac'. To'sim'me lo'iyacolhuo'. Iya' aicataiya cajunac'. Ca'hua'ma pe lomana' locuenaye lan xanuc' pe aimimetsaicoyi LanDios.

⁷ Ipanni jilpe lajut'í pe lafo'yomma lan xanuc' judío. I'huapa anuli lajut'í aqui'ju', ejut'í anuli cal xans agriego, cuftine Tito Justo. Itque tihuequi locuxepa LanDios. ⁸ Lajut'í pe lafo'yomma lan xanuc' judío hincuxepa cuftine Crispo. Itque Crispo jouc'a jahuay nomana' lejut'í i'huaiyijmpá Jesucristo. Axpela' lun Corinto noquimf'epá i'huaiyijmpá, epo'im'mola'.

⁹ Anuli lipuqui' mixmay Pablo, ixim'ma to apaiyo, icuaitsi la'Poujna Jesús, timi:

—Aimixpaij'mo'. Aimi-ch'ixco'mo'. Ti'hua topalaic'ocontsola' lan xanuc'. ¹⁰ Iya' a'ejmale. Fa'a li'ya' aimi'iya mixcai'enyaco'. Ma fa'a timana' axpela' laixanuc'.

¹¹ Pablo ipanenni li'ya' Corinto. Icol'ma anuli camats' y on'ca. Timuc'iyale litaiqui' LanDios.

¹² Li'ya' Corinto copa'a jilpe lamats' Acaya. Micuxe Galión ite lamats' lan xanuc' judío tixtuleyi. I'no' me Pablo, i'hua'a'me pe lo'eyopa canic' lan juez. ¹³ Timiyi Galión:

—Itca'a cal xans tu'ila' lan xanuc', timila': “Aimolanant'hi'me locuxepa Moisés. To'pai'ite lo'ejma'. Ti'ila' ituca' molihuejyacu LanDios.”

¹⁴ Pablo cola' joupá titalai'e'ma. Galión ipalaic'o'mola' lan xanuc' judío, timila':

—Ihca'a cal xans, ja'ni aiquenant'li locuxepa łalcuecaj quincuxepa romano, o ja'ni i'epa quixcay, linca ca'ommita lohespa, caquimf'e'molhuo' imanc' unc'ijudío. ¹⁵ Iłque aiqui'aic' tołta'a. Aiquetenłcolhuo' lonespa, ja'ni ataiqui' o aftine o lopalaicopa lataiqui' locuxepolhuo'. Ma le'a tołta'a tolıxtuc'oyi. Ma' imanc' tołxanghuai'itsołtsi. Iya' aicax-pic'eya.

¹⁶ Lijoupa limipola' tołta'a Galión icuxe'ma tihuescuftola', tipalunca jilpe lejut'ł pe lo'eyopa lanic' lan juez. ¹⁷ Lan griego ixtuc'o'me anuli cal xans judío nacaxuya jilpe, cuftine Sóstenes, incuxepa lajut'ł pe lafołyomma. I'noł'me, untaf'me. Galión ma le'a ticutsu tehuelongila'. Ailopa'a quitaiqui'. Ni tintsı quimi'mola'.

¹⁸ Pablo ti'hua ticołi Corinto. Lijou'ma ixc'ai'i'mola' lapimaye, ti'hua'ma łamats' Siria. I'hua'ma al puerto cuftine Cencrea. Icuaitsi jilpe isuaf'moxi hijuac. Tołta'a imuj'ma joupa epi'ipa cataiqui' ŁanDios. Lijou'ma Pablo, Priscila y Aquila itsulfołai'me anuli al barco, iye'me. ¹⁹ Icuaitsa liłya' Efeso. Jilpiya liłya' ipo'no'mola' Priscila y Aquila. Pablo i'hua'ma lema quıłya', itsufai'ma lajut'ł pe lafołyomma lan xanuc' judío. Jilpe ipalaic'o'mola' lan xanuc', ipalaic'o'mołtsi. ²⁰ Ixa'hue'me, timiyi:

—Topanenni.

Pablo timila':

—A'i. Aimi'ıya małcolconaya fa'a. ²¹ Ja'ni ipic'a ŁanDios cacuaiyoconno, cahuejnconacolhuo'.

Ixc'ai'ina'mola'. Itsufai'ma anuli al barco. Ipamma Efeso.

²² Icuaitsa Cesarea. Jilpiya ipayonni al barco, if'aj'ma liłya' Jerusalén tehuejntola' lapimaye lafołyomma jilpiya. Inom'mola'. Lijou'ma i'hua'ma liłya' Antioquía. ²³ Jilpe icołhuo'ma. Lijou'ma ipaiconanni ehuejnconatsola' lapimaye nomana' łamats' Galacia y łamats' Frigia. Ifa'e'mola' liłpicuejma' jahuay lapimaye.

²⁴ Mi'hualejma Pablo imajm'me Efeso Priscila y Aquila. Jilpe liłya' icuaitsi anuli cal xans judío cuftine Apolos, lipiłya' Alejandría. Tipalay al c'a juaiconapa. Ixina' loya'apa al Paxi Linilingiya. ²⁵ Joupa imuc'impá litaiqui' łalPoujna, ixina' te ts'i'ic' lipene iłque. Al c'a timuc'iyale, aimixospa. Tu'iyale li'epa Jesús. Epo'icompá lipuftine Juan Bautista a'i lipuftine Jesucristo. ²⁶ Aimixpaiqui. Itsehuc'ma lajut'ł pe lafołyomma lan xanuc' judío, jilpe tipalaic'ola' lan xanuc'. Priscila y Aquila icuej'me lonespa, ijoc'i'me timiyi:

—Łepá lajut'ł.

Jilpe u'i'me xonca te tsi'ic' mihuejya ŁanDios.

²⁷ Lijou'ma Apolos ipic'a ti'huala' łamats' Acaya. Lapimaye nomana' jilpe liłya' Efeso inił'e'me liłpimaye nomana' łamats' Acaya, ihne jouc'a ts'ilihuequi Jesús. Timinnila': “Tolapenufle iłque Apolos”. Icuaitsi jilpe łamats' Apolos acueca itoc'i'mola' lapimaye. Ihne joupa ipaxnepola' ŁanDios tołta'a ti'huaiyijnyi Jesús. ²⁸ Jilpe lefot'łepołtsi lan xanuc' judío Apolos italai'e'epola', ulij'mola'. Imuc'ipola' loya'apa al Paxi Linilingiya, tuya'e': “Jesús copa'a cal Cristo”.

19

¹ Mipa'a Apolos łamats' Acaya, liłya' Corinto, Pablo ti'hualejma xonca al toncay łamats' icuaitsi liłya' Efeso. Jilpe liłya' italecuf'mola' hualca ts'ilihuequi Jesús. ² Icuıs'e'mola', timila':

—Imanc' litine loł'huaiyijmpa Jesucristo, ¿te olapenufpá cal Espıritu Santo?

Ihne timiyi:

—A'i. Aicalpalaic'oconinga' cal Espıritu Santo. Aicalmuc'inga' naitsi iłque, ja'ni tipa'a o a'i.

³ Icuıs'e'mola':

—Litine lepo'impolhuo', ¿naitsi colihuejcoyacu? ¿Te quipuftine?

Timiyi:

—Lipuftine Juan Bautista. Lihuejcoyi litaiqui' iłque, tołta'a lapo'imponga'.

⁴ Pablo timila':

—Lan xanuc' pe lixhuej'memma, Juan epo'i'mola', tu'ila': "Aima!huaiyijm'ma iya'. To!huaiyijnle nocuaicoya." Itque łacui'impa "Nocuaicoya", ma!que copa'a Jesús.

⁵ Licuej'me ite limipola' Pablo, itne lan xanuc' epo'iconam'mola'. To!ta'a i'ipola' ilihuequi Jesús. ⁶ Pablo ipo'nof'i'mola' limane' lijuac. Imunni lema'a cal Espíritu Santo, epenuf'me. Ipango'me ipalai'me ituca' ituca' cataiqui', jouc'a tuya'ayi lu'ipola' LanDios. ⁷ Tixhuaispola' to imbama' coquexi' lan xanuc'.

⁸ Litine conxajya Pablo itsehuc'ma lajut'ł pe lafo!yomma lan xanuc' judío. Aimixpaiqui. Ipalaic'o'mola', ipalaic'o'mo!tsi. Tu'ila' te co'iya mitsulfo!aiyacu pe locuxeyopa LanDios. Afane' mut'ła ti'ay to!ta'a. ⁹ Hualca aiquil!cueca, aiquilihuequi. Ipalaic'om'mola' locuenaye xanuc', u'im'mola':

—A'ijc'a lane lomuc'ipolhuo' Pablo.

Licuej'ma Pablo lonespa itniya aiqui'huacon-na'ma ite lajut'ł pe lafo!yomma lan xanuc' judío. Ipa'a'mola' jilpiya no'huaiyijmpá Jesús. Iye'me, tefot'leyo!tsi lejut'ł anuli łomxi cuf-tine Tirano. Itine itine Pablo ti'hua tipalaic'ola' lan xanuc' lafo!yomma lajut'ł. ¹⁰ Muyaipa oque' camats' Pablo ti'hua timuc'ila', to!ta'a jahuary lan xanuc' nomana' jilpe łamats' Asia icuej'me loya'apa Pablo, lan xanuc' judío jouc'a lan xanuc' griego. Icuej'me litaiqui' ł!Poujna Jesús.

¹¹ LanDios timuc'ila' lan xanuc' al cueca' lo'epa. Epi'ipa limane Pablo ti'e!a' to!ta'a al cueca', to aimi'iya mi'eyacu lan xanuc'. ¹² Lam pa'yu y hijahuati lihuengaicota Pablo itai'em'mola' lafcual!ay. Itne ixa!cona'mola'. Lipontahue Satanás pe litsuf!aipá li!cuerpo lan xanuc', ipalanca.

¹³ Hualca lan xanuc' judío tiyec'o!aiyi itya' itya', timinnila' lipontahue Satanás:

—Iya' canesqui lipuftine Jesús, ma!que Jesús łopalaicopa Pablo. Cacuxe'ehuo': ;Taipanni!

¹⁴ To!ta'a lo'epa lan caitsi linaxque' anuli cal xans judío cuftine a'Esceva, itque anuli pe lixanuc' cal cuecaj ca'ailli'. ¹⁵ Liponta'a Satanás italai'e'ma, timila':

—Jesús nimetsaijma. Aixina' naitsi itque Pablo. ;Naitsi imanc'? Aicainimetsaicolhuo'.

¹⁶ Cal xans pe hitsufaipa liponta'a Satanás iyuc'o'mola', ulij'mola', ixcai'e'mola'. Aiquico!mola'. Ipalunca lajut'ł, aimilte inulna'me. ¹⁷ Jahuary nomana' Efeso, lan xanuc' judío jouc'a lan xanuc' griego, itcina' li'ipa, ixpailij'mola'. Imetsaico'me apaxi lipuftine ł!Poujna.

¹⁸ Axpela' no'huaiyijmpá ł!Poujna Jesús icuaiyunca pe lomana' lapimaye, uya'a'me al xujc'a li'epa. ¹⁹ Jouc'a axpela' lam brujo efot'!e'me li!libro, itai'me, ipo'no'intsola' petsi lan xanuc' tixim'me lo'epa. Jilpe ipi'em'mola'. Lijou'ma ixhuej'me'me tojua lipitali itne lan libro. Tixhuaispa oquej nuxans quimbamaj mil lan tomí aplata. ²⁰ To!ta'a lan xanuc' ixim'me acueca' lo'epa litaiqui' ł!Poujna. Iximpá a'i ni naitsi cataiqui'. I'i'mola' xonca axpela' no'epá linca.

²¹ Lijoupa li'ipa to!ta'a Pablo ixpic'e'ma, ticua: "Ca'hua'ma Jerusalén. Ate'a cahuejntola' lapimaye nomana' łamats' Macedonia, jouc'a nomana' łamats' Acaya. Catseta Jerusalén, tijou!a' ca'hua'ma quimetsaicota Roma." ²² Umme'mola' oquexi' notoc'ipá, itne Timoteo y Erasto, tiye!e łamats' Macedonia. Pablo ico!ma łamats' Asia, li!ya' Efeso.

²³ Itniya litiné lan xanuc' nomana' jilpe li!ya' epat'!tsi li!picuejma'. Ixtuc'om'mola' naihuejpá lipene ł!Poujna. ²⁴ Tipa'a anuli cal xans cuftine Demetrio, aplatero. Tilanc'ela' lan tsocay xoulte. Anuli anuli al xoute' tipa'a li'imagen Artemisa, itque ilendios. Itque Demetrio itpoujna axpela' lan xanuc' no'epá ita'a lanic'. Tulijyi acuecaj tomí. ²⁵ Ma!que Demetrio itxunni, tijoc'ila' tefot'!etso!tsi lixanuc' jouc'a locuenaye no'epá canic' to!niya. Timila':

—Cunc'ixanuc', o!cina' ma ma!eyi ita'a lanic' alulijyi ca!tomí. ²⁶ To!sinyi, to!cuejyi li'ipa fa'a la!piya'. Linca a'i ma le'a fa'a, tocomma to jahuary łamats' Asia itque Pablo imints'e'e'mola' li!picuejma' axpela' lan xanuc'. Ticua: "Itne ilanc'ecompolá amane a'i candiosla". ²⁷ Itne lonespa Pablo aica!toc'inga' illanc'. Aga lan xanuc' latets'i'monga' jouc'a

laipenic'. Tijoula' xonca acueca' ti'i'ma, tetets'i'me Artemisa cal cuecaj cał'máma'. Lamats' Asia, jouc'a ni petsi li'a lamats', texc'onlingoıaiyi Artemisa. Ja'ni tihuejle lonespa Pablo aimexc'onlingoıaiconayacu.

²⁸ Lan xanuc' noquimf'epá iıe lataiqui' ixtulencia juaiconapa. Ija'a'me, ticuayi:

—ıAcueca' iıque cał'máma' Artemisa illanc' ixanuc' Efeso!

²⁹ Jahuay lan xanuc' nomana' iıe liıya' epat'ıtsi liıpicuejma'. Jahuay inul'me, ticuaitsa pe lafoıyomma lan xanuc'. Minulyi i'noım'mola' Gayo y Aristarco noyemalepá Pablo. İne quiyoyomma Macedonia. ³⁰ Pablo coıa' titsufai'ma jouc'a, ts'ilihuequi Jesús aiquepi'i'me lane. ³¹ Hualca ts'iıpenic' jııpe lamats' Asia pe nimetsaicopola' Pablo ummem'mola' liıxanuc', timiyi Pablo:

—Aimotsufai'ma pe lefoıya lan xanuc'. Aga tima'ato'.

³² Jııpe lefoıya nica tummulecola'. Anuli anuli ocuena ocuena litaiqui' loja'apa. Axpela' ni aiquıısina' te quicuaicoco'me jııpe. Aiquıısina' te qui'ipa. ³³ Hualca lan xanuc' judıo ummetsai'me anuli cal xans cuftine Alejandro. Timiyi:

—Tacaxhuaitsi pe li'huáqui. Topalaic'otsola' lan xanuc'.

Ecax'ma jııpiya. Lan xanuc' ti'hua tija'ayi, tuya'ayi li'ipa. Alejandro ti-ch'ixc'eco'mola' limane. Titalai'e'mola'. ³⁴ Aiquihuejco'me. Imetsaico'me ajudıo. Ipango'me ija'a'me, jahuay ticuayi ma' anuli:

—ıİllanc' ixanuc' liıya' Efeso, acueca' cał'máma' Artemisa!

Lija'apa toıta'a icoı'ma to oquej hora. ³⁵ Lijouco'ma, ts'ıpenic' limpa'ningoıpa jııpe liıya' i-ch'ixc'e'mola' lan xanuc', timila':

—Imanc' cunc'aif'as xanuc' Efeso, jahuay lan xanuc' nomana' fa'a li'a lamats' iısina' alfaquimponga' illanc' ixanuc' liıya' Efeso, aı'ele cuenna lixoute' cal cuecaj cał'máma' Artemisa. Jııpe al xoute' tipa'a hi'imagen lecangaiyomma lema'a. ³⁶ ¿Naıtsi nonesya a'ij linca? Ailopa'a nonesya toıta'a. Ti-ch'ixcotsolhuo'. Toıspic'ete al c'a loı'eyacu. ³⁷ İna'a lan xanuc' loıcuai'e'mola' fa'a, ¿te qui'epa? İne aiquıınesc'e cataiqui' cał'máma' Artemisa. Aiquıınantseca lixoute'.

³⁸ Demetrio jouc'a loyemalepá, ja'ni ticuxecom'mola' iıne lan xanuc', ne', timana' lan juez. Tipa'a litiné mi'e'me canic'. Jııpe toıcuxecotsola', titalai'ecotsolıtsi. ³⁹ Ja'ni tipa'a ocuena o ituca' lolicuitsufyacu, ne', tipa'a litiné lafot'ıe'molıtsi, aııspic'eta cataiqui'. Jııpe tolicuitsufta. ⁴⁰ İtsiya a'ij c'a lafot'ıepoıtsi juaiconapa ninc'xpela'. Ticuaiyunca lan tsilaj ts'iıpenic' romano, licuis'e'monga': “İmanc', ¿te conı'epa? ¿Te conlafot'ıecopoıtsi?”; illanc', ¿te caıtalai'ecoyacola'? Ailopa'a caımiyacola'. İne lixtuc'o'monga'.

⁴¹ Limpa'ningoıpa lijou'ma limi'mola' toıta'a, icuxe'e'mola' tiyente.

20

¹ Lijoupa i-ch'ixcopola' lan xanuc' Pablo ijoc'i'mola' ts'ilihuequi ticuaiyunca. İxc'ai'i'mola' tihuejle litaiqui' Jesús. İpanni, i'hua'ma lamats' Macedonia. ² Jııpe licuaitsi ehuejntsola' lapimaye ni petsi lomana'. Acueca' ixc'ai'i'mola'. Lijou'ma i'huana'ma, icuaitsi lamats' Grecia. ³ Jııpe ipanenni afane' mut'ıa. Lijou'ma ticua: “Aı'huapa lamats' Siria”. Coıa' titsufaiıa' anuli al barco. İcuej'ma jııpe temiyolıtsi lan xanuc' judıo, tima'a'me. İxhuej'meconanni, ticua: “Aıca'huacoya abarco. Capaino, ca'huacona'ma lamats' Macedonia.” ⁴ Tiyeyi jouc'a liıejmale, iıne liıpuftine: Sopater las Berea, Aristarco jouc'a Segundo lun Tesalónica, Gayo jouc'a Timoteo lun Derbe, Tııquico jouc'a Tróximo lun Asia.

⁵ İniya iyej'me'me. İcuaitsa liıya' Troas. Jııpiya aı'huaıcotonga' aıcuaitsa. ⁶ İllanc' joupa aıcuaitsa lamats' Macedonia, liıya' Filipos. Jııpe aımanemma tuyaiıa' al juic Pascua. Lijou'ma aıısulfoıai'me anuli al barco lotsepa liıya' Troas. Aıecopá amaue' quitine aıcuaitsa Troas. Lahuepola' laıejmalepá, iıne liıyej'me'me. Jııpe liıya' aıcoıponga' acaitsi quitine.

⁷ Al te'a quitine al xamano lafot'lepotsi anuli lapimaye. Alsquenuf'me la'i, alte'me to licuxepa laPoujna Jesús. Pablo imuc'i'mola' lapimaye. Joupa ixpic'epa lo'eya, lihuequi litine ti'huana'ma, tohiya ticohi mimuc'iyale. Icuaiçotsi nolojmay quipuqui' ti'hua tipalay. ⁸ Jiłpiya lajut'ł petsi lefot'leyotsi tipa'a axpe' candil tepalc'o'ila'. ⁹ Małpe al ventana ticutsafya anuli łamijcano cuftine Eutico. Pablo ticohi mipalay, łamijcano ticui quehuí, aiqixnet'łqui, i'noł'ma acueca' cahuí, tixmay. Pe locutsafya al fane' quixpef'a łajut'łi, imefcaiyonni al toncay, icuaitsi łamats'. Ipulaf'me, ticuayi: “Joupa imanapa”. ¹⁰ Pablo aiqicoł'ma, imunni, ixpatsaf'caipa łamijcano, ipulaf'ma, timila' lipimaye:

—Aimixpailij'molhuo'. Aimołsuełmot'łe'me. Ma' imaf'i'.

¹¹ If'ajçona'ma lajut'ł. Itetso'me, ixquenuf'me la'i jouc'a lapimaye. Pablo ti'hua timuc'ila' jahuay lipuqui'. Li'i'ma quitine i'huana'ma. ¹² Lapimaye ileçona'me łamijcano, imaf'i'. Acueca' ixoc'i'mola' quileta jahuay łniya.

¹³ Pablo i'huapa li'mis cocuaiya liya' Asón. Illanc' ałej'mepá, ałecopá abarco ałcuaitsa liya' Asón. Jiłpe ał'huaicota ticuaitsi Pablo. ¹⁴ Hque icuaitsi. Ałtsulfolaipá anuli al barco, ałepá ałcuaitsa liya' Mitilene.

¹⁵⁻¹⁶ Lihuequi litine ałeconapá, ałcuaitsa łamats' lehuoc'ocojma łamats' Quío. Lihuequi litine ałcuaitsa łamats' Samos. Lihuequi litine luyalaicopá pe lopa'a liya' Efeso. Ałcuaitsa liya' Mileto. Pablo joupa ixpic'epa aimi'huaya liya' Efeso. Ipic'a ticuaitsi liya' Jerusalén. Jiłpe tixinna al juic Pentecostés.

¹⁷ Mipa'a Mileto Pablo umme'mola' lixanuc' tiyełe Efeso tipalaic'ontsola' lapimaye noxpipjá lataiqui', tiyouyunca. ¹⁸ Icuaitsa. Pablo ipalaic'o'mola', timila':

—Iya' laicuaiçtsi łamats' Asia ałcołpa lołpiya'. Imanc' joupa ołsimpá te ts'i'ic' laipepajnya ma capa'a jiłpe.

¹⁹ 'Iya' aicai'e'e'moxi to cal cuecaj xans. Camna aixhuełco'ma juaiconapa, cajoqui, camna aitelco'ma. Lan xanuc' judío ehue'me te la'e'eya. Tołta'a lainuyaicopa ma ca'ay lipenic' laPoujna Jesús. ²⁰ Imanc' ołsina' aicainemi'elhuo' ni aicaicuanac'elhuo' Lataiqui' loya'apa iłe al c'a lixp'ic'epa ŁanDios. Nuhuałc'e'e'molhuo' Lataiqui', nu'i'molhuo' jahuay lotoc'iyacolhuo'. Aimuc'i'molhuo' jiłpiya pe lafołyomma lołpimaye, jouc'a aimuc'i'molhuo' lołajut'łi. ²¹ Iya' aipalaic'o'mola' jahuay lan xanuc' nomana' lołpiya', lan xanuc' judío jouc'a lan xanuc' griego. Nu'i'mola': “Tołsuej'menanca, tolihuejcołe ŁanDios, toł'huaiyijne laPoujna Jesús”.

²² 'Itsiya ca'huana'ma Jerusalén. Łinca aimixoqui neta. Caxhuełma. Aicaixina' lał'iya pu'hua. ²³ Ni petsi laiftseya, iłya' iłya' cal Espíritu Santo ałmi: “Jipu'hua Jerusalén titats'enno'. Totelçota.” ²⁴ Itsiya, łte caif'eya? LałPoujna Jesús alapi'ipa laipenic'. Ałmipa: “Toya'ala' Lataiqui' loya'apa iłe al c'a lixp'ic'epa ŁanDios. To'itsola' lan xanuc' ŁanDios titoc'i'mola', ipic'a.” Aicaxhuełcocojma laipitine, aicaxinyoxi cuanuc'. Xonca aipic'a caxhuai'niła' lanic' lalapi'ipa laPoujna.

²⁵ 'Małmana' anuli nuya'a'ma te co'iya mołtsulfolaıyacu pe locuxeyopa ŁanDios, iłque cal Rey. Itsiya camilhuo': Joupa aixina' aimalsingonayacołtsi. Aicaxingonayacolhuo' ni anuli imanc'. ²⁶⁻²⁷ Ja'ni imanc' o lołpimaye aimolunłulyacu, iya' aicataıya lajunac'. Imanc' cołtuca' tołtel'mi'mołtsi. Iya' nu'i'molhuo' acuajmaica te ts'i'ic' lixp'ic'ejma' ŁanDios. Aicainemi'elhuo' ni aicaicuanac'elhuo' Lataiqui' loya'apa iłe al c'a lixp'ic'epa ŁanDios. Nu'i'mola' jahuay nomana' lołpiya'.

²⁸ 'Imanc' tołsinłe loł'eyacu. Cal Espíritu Santo joupa ifajpolhuo', epi'ipolhuo' lołpenic'. Imanc' ti'onłcospolhuo' to liłpoujnalá lam mot'ł, iłne lam mot'ł małniya lołpimaye lefot'łepola' ŁanDios. Toł'etsola' cuenna, iłne i'huexi ŁanDios. Hque joupa i'najcufpola' liłjunac', ixcuajaıpa lijuats', tołta'a i'napola'. ²⁹ Iya' ca'huana'ma. Imanc' jouc'a lołpimaye tołmanecu cołtuca'. Aixina' lo'iyacolhuo' jiłpe. Ticuaıcu lan xanuc' ti'onłcospola' to lan lobo. Iłne oıyac'la quinneja aimixinnila' acuanuc'la lam mot'ł. Tixcai'ennila', tijou'nem'mola'. Tołta'a lił'ejma' iłne lan xanuc'. ³⁰ Jouc'a hualca lołpimaye tipai'i'me Lataiqui' loya'apa

ife al c'a lixpic'epa LanDios. Tifel'miyale'me. Lapimaye tihuejcona'me. ³¹ ¡Tołpo'note cuenna! Ałcolpa afane' camats' jilpiya lołpiya'. Ma capa'a itine ipuqui' cajoqui, anuli anuli aixc'ai'i'molhuo'. Afane' camats' tołta'a lai'ejma'. Aimolimenc'eco'me.

³² 'Cunc'aipimaye, itsiya capo'no'i'molhuo' limane LanDios. Caxa'hue ti'etsolhuo' cuenna. Joupa nu'ipolhuo' te ts'i'ic' lipicuejma' LanDios. Iłque titoc'ilhuo', tipaxnelhuo'. Aimolimenc'eco'me ife lainu'ipolhuo'. Iłque tepi'i'molhuo' colpujfxi tolihuejle, tołta'a tolapenufta lapi'iyacolhuo' LanDios. Ma' anuli lał'iyaconga' jahuay illanc' i'huexi iłque.

³³ 'Iya' ma capa'a jilpe lołpiya' ailopa'a cai'epa. Aicaijanaca nij naiti li'oro ni liplata ni lipijahua'. ³⁴ Imanc' joupa ołsina' ai'ecopa canic' iłna'a laimane'. Tołta'a nulijcopa lałpepajnya, iya' y laipimaye lałejmalepa. ³⁵ Aimuc'i'molhuo' imanc' tonł'ełe canic' jouc'a. Tołtoc'itsola' lołpimaye petsi aimi'ya mulijyacu łotejacu. Aimuc'i'molhuo' toł'nujuaisle litaiqui' lałPoujna Jesús, ticua: "Ja'ni tepi'intso', linca tixoc'i'mo' meta. Xonca tixoj'ma meta ja'ni tocuła'."

³⁶ Tołta'a lipalaic'opola' Pablo. Lijou'ma exc'onłhuołai'me anuli lapimaye. Ijoc'i'ma LanDios. ³⁷ Lapimaye ijolij'me juaiconapa. Ipulc'o'me Pablo, ituc'o'me. ³⁸ Ixhuełco'me juaiconapa ife limipola': "Aimalsingonayacołtsi". Ecanumf'etsa cane quicuaisa al barco.

21

¹ Ałpo'nopola' quiltuca' lałpimaye, ałtsulfołaconapá al barco, ałepá łijca łamats' Cos. Lihuequi litine ałepá łamats' Rodas, ti'hua ałeyi, ałcuaisa liłya' Pátara. ² Jilpiya tipa'a anuli al barco cotseya łamats' Fenicia. Illanc' ałtsulfołaipá jile al barco, ałepá. ³ Lijou'ma alahuelojm'me loxa camane copa'a łamats' Chipre. Ma ti'hua ałeyi. Ałcuaisa łamats' Siria, liłya' Tiro. Jilpe tipo'nota łaitay litaic' al barco. Illanc' ałepá łamats'. ⁴ Alahuela' lapimaye ife ts'ilihuequi Jesús, ałsim'mola'. Ife imi'me Pablo limipola' cal Espíritu Santo. Timiyi: —Aimo'hua'ma liłya' Jerusalén.

Jilpe Tiro ałcolponga' acaitsi quitine. ⁵ Lijoupa lan caitsi quitine ałenapá, ałtsulfołaconapá al barco. Lapimaye jouc'a liłpenoye jouc'a liłnaxque' alacantumf'ehuo'monga' cane. Lałcuaisa lema quiliya', lema caja, alaxc'onłhuołaipá, ałjoc'iyi LanDios. ⁶ Lijoupa ałsc'aitsonapá, ałtsulfołaconapá al barco. Lałpimaye ipailinanca, iyena'me hilejut'hi.

⁷ Alipalunca liłya' Tiro ałcuaisa liłya' Tolemaida. Ałpo'nonapá al barco. Jilpe Tolemaida ałnontsola' lapimaye. Anuli litine ałmanenca pe lomana'. ⁸ Lihuequi litine alipalconanca, ałcuaisa liłya' Cesarea. Ałtsehuo'me lejut'ł Felipe. Jilpe ałmanc'aletsa. Iłque Felipe anuli lan caitsi quintoc'iyalepá lan apóstole mimana' iłniya Jerusalén. Itsiya, jilpe Cesarea, tuya'e' Lataiqui' loya'apa ife al c'a lixpic'epa LanDios. ⁹ Timana' amalujxi linaxque' cahuats'la a'i quilemane. Ife aprofeta. Tuya'ayi loxp'epa LanDios. ¹⁰ Jilpiya ałmajm'me axpe' quitine. Anuli litine icuaiti anuli cal profeta qui'huayomma łamats' Judea. Iłque cuftine Agabo. ¹¹ Iłoc'huaiyumma pe lałmana'. Iłonc'e'epa Pablo lifi'ecoyoxi. Ifi'eco'moxi quiltuca' li'mitsi' limane', ticua:

—Cal Espíritu Santo tuya'e' lo'e'enyacu lipoujna iłta'a xinidoł. Ticua: "Lan xanuc' judío nomana' liłya' Jerusalén pe aimi'huaiyijnyi lałPoujna Jesús ti'nołta, tifi'eta, titats'eta. Ticufta ticuaita liłmane locuenaye xanuc' ife a'ij judío."

¹² Lałcuejpá lonespa Agabo ałsa'huepá Pablo, ałmiyi:

—¿Te cof'huacoya Jerusalén? Aimo'hua'ma.

¹³ Pablo ałtalai'eponga', ałminga':

—Imanc', ¿te coljlijcopa? Tonł'e'eyi aca'hua lainunxajma'. Ałcuanac'e cajou'neya laipenic'. Ał'nołintsi, ałfi'entsi, ałtats'entsi, o ałma'antsi, iya' joupa aixpic'epa laif'eya. Canant'hi'ma laipenic' lalapi'ipa lałPoujna Jesucristo.

¹⁴ Tama lihui'iyi, ałpalaic'oyi Pablo, iłque aimicua. Aiquipai'i lipicuejma'. Lijoupa ał-ch'ixconaponga'. Ałmiyi:

—Ne', ti'ila' ma to lixpíc'epa laPoujna.

¹⁵ Lijoupa laŕmajmpa jilpiya alcaj'menapá lalitay, alipalunca, ale'me lane Jerusalén. ¹⁶ Alejmale'me hualca lapimaye ts'ilihuequi Jesús, iŕne lun Cesarea. Aŕheco'monga' lejut'i anuli lapima, jilpe alŕmanc'aleta. Iŕque lapima cuftine Mnasón, las Chipre. Litine lan xanuc' ipango'me ihuej'me Jesús, iŕque Mnasón jouc'a tihuequi.

¹⁷ Laŕcuaitsa Jerusalén tixoqui quileta lapenuf'monga' lapimaye. ¹⁸ Lihuequi litine illanc' jouc'a Pablo ale'me alahuejntsa laŕpima Jacobo. Jilpiya efoŕya locuenaye lapimaye iŕne noxpijpá lataiqui'. ¹⁹ Pablo inom'mola'. Ipalaic'o'mola', u'i'mola' li'epa jilpe pe lomana' locuenaye xanuc' a'ij judío. Anuli anuli li'ipa u'i'mola'. U'i'mola' li'epa LanDios mipa'a Pablo pe lomana' iŕne lan xanuc', muya'e' Lataiqui' loya'apa iŕe al c'a lixpíc'epa LanDios. ²⁰ Iquimf'e'me limipola' Pablo. Ix'najtsi'i'me LanDios, timiyi:

—Ima' oxina' timana' axpej mil laŕ'as xanuc' judío ti'huaiyjny i laPoujna Jesucristo. Jahuay iŕniya ti'hua tenant'hiyi licuxepa Moisés. ²¹ Iŕne icuejpa lonescopo' ima'. Ticuanni: Ima' tahuengila' laŕ'as xanuc' judío nomana' hilemats' locuenaye xanuc', tomuc'ila' tipai'ile liŕpicuejma', aimihuejcona'me Moisés, aimi'econa'me circuncidar liŕnaxque', aimihuejcona'me iŕniya laŕtatahueló liŕ'ejma'.

²² 'Itsiya, ¿te caŕ'eyacu? Lan xanuc' ticuej'me ocuai'ma fa'a. Tixtulecu. ²³ Lu'i'mo' lof'eya. Toŕta'a to'e'ma.

'Jifa'a pe laŕmana' timana' amalujxi lan xanuc' joupa epi'ipá cataiqui' LanDios. ²⁴ Toŕeco'mola'. Iŕniya tenant'lita licuxepa Moisés, tixintsola' alimpio LanDios. Ima' jouc'a tanant'lita. To'najtse'etola' lotsufcoyacu, iŕe lotsufcoyacu ai'a tisuaf'im'mola' liŕjuac. Toŕta'a lan xanuc' ti'i'ma quilsina' a'ij linca iŕe lataiqui' lonescopo'. Timetsaico'mo' ima' tanant'hi licuxepa Moisés.

²⁵ 'Lapimaye a'ij judío joupa iŕsina' lo'eyacu. Joupa alumme'epola' quijje'e, alŕmipola':

“Imanc' aimoŕte'me lixic' litsufcompola' landiosla'. Aimoŕte'me lajuats'. Aimoŕte'me liŕpixic' iŕne linneja lixnajmpola' cajuats'. Toŕ'etsotŕsi cuenna, aimoŕsuico'mola' ocuenaye cacal'no', ma le'a loŕpenoye.”

²⁶ Icuaitŕi lihuequi litine Pablo ileco'mola' lan malujxi lan xanuc'. Enant'hi'me to licuxepa Moisés, i'ipola' limpio. Lijou'ma Pablo itsufai'ma al cuecaj xoute', u'i'ma la'ailli' te quitine tixhuaita lataiqui' licupa. Tijouŕa' tixhuaitŕi, anuli anuli iŕniya titsufcota LanDios.

²⁷ Tehue'e' ahuata tixhuaita lan caitsi quitine, Pablo i'hua'ma al xoute'. Hualca lan xanuc' judío quiyoyomma laŕmats' Asia ixim'me jilpiya. Ixtulencia. Ipalaic'om'mola' lan xanuc' nomana' jilpe al xoute'. Iŕne jouc'a epat'ŕtsi liŕpicuejma'. Lun Asia i'noŕ'me Pablo.

²⁸ Tija'ayi, timinnila' lan xanuc' nomana' al xoute':

—Cunc'alŕpimaye, cunc'ixanuc' Israel oŕtatahuelo, jaŕtoc'itsonga'! Iŕca'a cal xans latets'inga' illanc' ninc'ijudío, tetets'i locuxepa Moisés, tetets'i iŕta'a al cueca' xoute'. Ni petŕi lotŕepa toŕta'a lomuc'iyalepa. Itsiya xonca acueca' li'epa. Fa'a al xoute' itsufai'e'mola' lan xanuc' griego, iŕne pe aimimetsaicoyi LanDios. Toŕta'a ixis'mepa iŕta'a al paxi cajut'ŕ.

²⁹ Iŕne nocuapá toŕta'a joupa ixinimpola' tiyelocoyi jilpe liŕya' Pablo y Tróŕfimo. Iŕque Tróŕfimo agriego, qui'huayomma liŕya' Efeso. Toŕiya lan xanuc' ticuayi iŕne itŕhuo'me al cuecaj xoute'. Ticuayi: “Pablo itsufai'ehuo'ma Tróŕfimo”. A'ij linca iŕta'a lonespa.

³⁰ Lan xanuc' ni petŕi lomana' liŕya' epat'ŕtsi liŕpicuejma'. Aits'icoŕ'mola', efoŕ'le'moŕtsi, i'noŕ'me Pablo, exaŕ'me, ipa'a'me luna xoute'. Eti'ina'me liŕpuerta al xoute'. ³¹ Lan xanuc' judío tehueyi te co'iya mima'ayacu Pablo. Jilpe tipa'a anuli lincuxepa aromano, ticuxela' imbamaj maxnu lisoldado. U'i'me, timiyi:

—Jahuay liŕya' Jerusalén tummule liŕpicuejma'.

³² Lincuxepa aiŕquicoŕ'ma. Efoŕ'le'mola' lan soldado jouc'a liŕcapitán, ileco'mola' pe lopa'a Pablo. Lixim'me icuaitŕa lincuxepa jouc'a lisoldado, iŕne nontafpá Pablo etec'o'me

ite lo'epa, aimuntafconayacu. ³³ Lincuxepa itoc'huai'ma pe lopa'a Pablo, i'no'l'ma. Icuxe'e'mola' lisoldado tifi'ecole limane' acadena catejma', anuli anuli limane. Lijou'ma icuis'e'mola' lan xanuc' timila':

—¿Naitsi itca'a cal xans? ¿Te qui'epa?

³⁴ Lan xanuc' jilpe lefo'ya ipango'me ija'a'me. Ocuena ocuena locuapa. Juaiconapa tija'ayi. Lincuxepa aimicueca li'epa Pablo. Icuxe'e'mola' lisoldado tilecole al cuecaj cajut'í, ite lilejut'í lan soldado pe locuanajyoyaco'itsi. ³⁵⁻³⁶ Icuaitsa jilpe lof'ajyompa lajut'í lan soldado ipul'me Pablo, ipo'nof'i'me li'saye. To'ta'a i'hua'a'me al toncay, un'u'e'me petsi ite lanxpela' xanuc' lihuej'me, ite naixtulepá tija'ayi, ticuayi:

—¡Tima'anle! ¡Tima'anle!

³⁷ Icuaitsa al toncay. Titsufai'e'me Pablo jilpe lajut'í. Pablo ipalaic'o'ma lincuxepa, timi:

—¿Lapi'i'ma lane capalaic'o'mo'?

Lincuxepa italai'e'ma, timi:

—¿Te topalaijma agriego? ³⁸ Ima', ¿ja'ni a'i unEgipto? Joupa ixhuaita axpe' quitine, ¿ja'ni ima' otsahue'e'mola' lan xanuc' a'fuli'itsonga' illanc' ninc' iromano? Itne amalpuj mil inma'ahuale, ¿te ima' oleco'mola' pu'hua pe ailopa'a qui'ya'?

³⁹ Pablo timi:

—Iya' a'i. Iya' ninxans judío. Aipajnyota li'ya' Tarso jilpe lamats' Cilicia. A'i ni naitsi qui'ya' ite laipiliya'. Itsiya caxa'huehuo' lapi'itá' lane capalaic'o'mola' lan xanuc' fa'a.

⁴⁰ Lincuxepa epi'ipa lane. Pablo ecax'ma al toncay al huajm'ma' lof'ajyompa lajut'í. I-ch'ixc'eco'mola' limane lan xanuc' tiquimf'ete. Ipango'ma ipalaic'o'mola' li'taiqui' ite lan xanuc', ite a'hebreo. Timila':

22

¹ —Cunc'ixanuc', cunc'aipimaye, jouc'a cunc'aitatá, atquimf'eta'. Cacuanajco'moxi, catalai'e'ma ite latcufcompa.

² Licuej'me Pablo mipalaic'ola' li'taiqui' lan xanuc' xonca i-ch'ixco'mola', xonca iquimf'e'me. Timila':

³ —Iya' ninxans judío. Aipajnyota li'ya' Tarso, lamats' Cilicia. Jifa'a li'ya' Jerusalén attojyopa. Gamaliel aipomxi, amuc'ipa licuxepa Moisés, ite lataiqui' laihuejpá latatahueló. Iya' ai'e'mola' laic' ite petsi naihuejpá ituca', ma to imanc' ton'ela' laic' itsiya. ⁴ Aitel'mi'mola' ite ts'ilihuequi lipene Jesús. Itniya litiné cahuy te caif'eya mima'anyacola'. Ja'ni axanuc', ja'ni acal'no', ai'no'l'mola', aitats'e'mola'. ⁵ Cal cuecaj ca'ailli' jouc'a lan tsilaj xanuc' noxpipá lataiqui' itsina' alinca ita'a laifmipolhuo'. Itniya am'i'ipa caije'e loya'apa alimetsaicocola' latpimaye judío nomana' li'ya' Damasco. Ti'itá' qui'sina' joupa alapi'ipa laimane ca'no'itsola' naihuejpá lipene Jesús, ite nomana' jilpe li'ya'. Caf'etsola', ca'hua'ancola' titel'mintsola' fa'a Jerusalén. To'ta'a nipamma Jerusalén, ai'huapa lane Damasco.

⁶ Ma ca'hua lane to menac'o joupa cacuaita li'ya' Damasco, aixim'ma acueca' lepalc'o' qui'huayomma lema'a. Unts'if'ma jahuay jilpe laifnecaxu. ⁷ Laixim'ma ite lepalc'o' necangenni, aixc'uat'ihuaiti lamats', aicuej'ma atpalaic'o, am'i: “Ima' cunSaulo, ¿te catel'micopa?” ⁸ Aitalai'e'ma, cami: “Maipoujna, ¿naitsi ima?” Am'i: “Iya' ninJesús nas Nazaret. Ima' atel'mi.” ⁹ Lateljmale lixim'me jouc'a lepalc'o' ixpailij'mola', aiqiu'cueca itque latpalaic'opa. ¹⁰ Nicuis'e'ma, cami: “Maipoujna, lu'itá', ¿te caif'eya?” Latpoujna am'i: “Totsahuenni, totsufaitá' li'ya' Damasco. Joupa ixpic'empa lof'eya. Jilpe li'ya' tu'inno' jahuay ita'a.” ¹¹ It laxpaiqui' quepalc'o' at'e'epa ninfo'. Lateljmale alaxatpa. Atsufai'e'ma li'ya' Damasco.

¹² Jilpe li'ya' tipa'a anuli cal xans cuftine Ananías. Itque tihuequi al c'a LanDios, tenant'li licuxepa Moisés. Jahuay lan xanuc' judío nomana' jilpiya ticuayi ac'a xans. ¹³ Itque Ananías icuaiyunni jilpe laifpa'a, am'i: “Maipima Saulo, tahuetsalenta'”. Aiquicol'ma,

nehuetsalena'ma. Aixim'ma itque. ¹⁴ Ałmi: “ŁanDios, ilenDios lałtatahueló, i'huijf'epo' ti'ila' coxina' te ts'i'ic' lixic'epa ŁanDios. Tołiya oximpa itque łacui'impacal Łijca, ocuejpa lipalaic'opo'. ¹⁵ Ima' topalaic'otola' lan xanuc' nomana' fa'a li'a łamats', cua naitsi łinación topalaicota itque, to'itola' ite loximpa locuejpa. ¹⁶ Itsiya aimicołconamo'. ¡Totsahuenni! Tojoc'ila' lałPoujna Jesús. Tepo'intso'. Tołta'a ti'itso' limpio. Tetufqueno lojunac'.”

¹⁷ 'Aicuaiconama' fa'a Jerusalén. Capa'a al cuecaj xoute', ma cajoc'i' ŁanDios i'huapa laipicuejma', ¹⁸ aiximpa lałPoujna, ałpalaic'o, ałmi: “Aimicoł'mo'. Taipanni fa'a liłya' Jerusalén. Jifa'a aimepenufinyaco'. Aimiquimf'eyaco' lałnescoya.” ¹⁹ Aitalai'e'ma, cami: “MaiPoujna, łte calatets'icoya? Lan xanuc' nomana' fa'a alimetsaijma. Hsina' iya' aitsehuo'ma łajut'li pe lafołyomma lałpimaye judío. Ai'noł'mola' itne ts'ihuejhuo', aitats'e'mola', nuntafej'mola'. ²⁰ Jiłpe litine mima'anni Esteban, itque łoya'apa lotaiqui', iya' cacaxu jiłpe, cahuelonge, ca'ay cuenna łiłpijahuaki itne noma'apá. Ma' anuli lałpicuejma' iya' y laif'as xanuc', itne noma'apá Esteban.” ²¹ Itque lałpalaic'opa ałmi: “Taipanni fa'a. Cummehuo' to'huał' aculi'. To'hua'ma pe lomana' locuenaye lan xanuc', itne a'ij judío.”

²² Lan xanuc' liquimf'e'me Pablo linespa: “Ałmi: To'hua'ma pe lomana' locuenaye xanuc', itne a'ij judío”, ixtulencia nulemma. Ipango'me ija'a'me ułfxi, ticuayi:

—¡Tima'anłe! ¡Tima'anłe! Juaiconapa ixcaj itque cal xans. Aimipajncona'ma jifa'a li'a łamats'.

²³ Ti'hua tija'ayi, teca'niyi liłpuquiya, tejuaf'yi łepi' camats', teca'naf'iyi al toncaj. ²⁴ Łincuxepa icuxe'e'mola' lisoldado titsuflai'ełe Pablo jiłpe lajut'ł al fortín. Icuxe'ma titsimafquinłe, ticuis'ełe, timiłe: “¿Te co'epa?” Ja'ni aimitalai'e' titsimafconłe. Ticua: “¿Te qui'epa itque cal xans? Lan xanuc', łte caixtuc'ocopa?” ²⁵ Ifi'e'me titsimafquinłe. Pablo ipalaic'o'ma anuli cal capitán tecaxijnya jiłpe liju', timi:

—Imanc' aicołsina' ja'ni tipa'a laijunac' o a'i. Łte ti'hua lołmane ałtsimaf'ma iya'? Iya' ninciudadano romano.

²⁶ Łicuej'ma itta'a linespa Pablo cal capitán i'hua'ma u'itsi łincuxepa, timi:

—Itque cal xans aciudadano romano. Łte ma ałtsimaf'me?

²⁷ Łincuxepa icuaitsi pe lopa'a Pablo, timi:

—Lu'ila', łte ima' unciudadano romano?

Timi:

—Iya' ninciudadano romano.

²⁸ Timi:

—Iya' ai'najtsepa acueca', tołta'a lapi'impacaije'e loya'apa: “Itca'a aciudadano romano”.

Pablo timi:

—Iya' aipajncota ninciudadano romano.

²⁹ Itne notsimafyacu Pablo itolijm'me pe lopa'a. Łincuxepa ixpaijma, ticua: “Itque cal xans aciudadano romano. Iya' aifi'ecopa acadena catejma'. Łte ałcufta o aimacufya?”

³⁰ Lihuequi litine umme'mola' lapaluc' tipalaic'ontsola' lixanuc' cal cuecaj ca'ailli', jouc'a lan tsilaj xanuc' noxpijpá lataiqui', timintsola' tefołunca. Uhuac'e'ena'ma Pablo licadena catejma'. Ileo'ma pe lefołya itne lan xanuc'. Ticua: “Pablo tu'itola' itniya te ts'i'ic' li'epa. Tołta'a ti'i'ma caixina' nulemma te caixtuc'ocopa lif'as xanuc' judío, te cocufcopa.”

23

¹ Pablo ehuelojm'mola' al c'a itne lan tsilaj xanuc' nocutshuołanna jiłpe lefołya, timila':
—Cunc'aipimaye, jahuay laipepajnya cacua: Łte ts'ipic'a ŁanDios ca'eł'a? Li'ipa tołta'a ai'ejma', itsiya ti'hua ca'ay.

² Cal cuecaj ca'ailli' Ananías icuxe'e'mola' nacaxołanna jiłpe pe lacaxu Pablo, timila':

—¡Tolunaf'e'elico!

³ Pablo timi:

—Ima' titeł'mi'mo' ŁanDios. A'ijc'a lopicuejma'. Ti'onłcospo' to ni naitsi caitał ilanc'ecompa le'a amats', ma li'e'empa afujca. Jiłpe tocutsu to cal juez. Ima' tipa'a lopenic' lu'ila' ja'ni nenant'łipa licuxepa Moisés o ai'epa quixcay. Itsiya ima' aimanant'łi licuxepa Moisés, tocuxe aluntaf'e'enła'. A'i tołta'a licuxepa Moisés.

⁴ Jiłpe nacaxołanna timiyi:

—İtque cal cuecaj ca'ailli'. ¿Te cofmicopa quixcay cataiqui'?

⁵ Pablo timila':

—Cunc'aipimaye, iya' aicaixina' ja'ni itque cal cuecaj ca'ailli'. Łınca aixina' al Paxi Linilingiya alu'inga': “Aimopalaico'ma quixcay nocuxepolhuo”.

⁶ Pablo imetsaico'mola' itne lan xanuc', ixina' te ts'i'ic' liłpicuejma'. Ixina' hualca asaduceo, locuenaye afariseo. İpalaic'o'mola' ujfxi, ticuejle jahuay nomana' jiłpe, timila':

—Cunc'aipimaye, iya' ninxans fariseo. Cai'ailli' jouc'a afariseo. İya' laifnespa ma' anuli to lonespa laif'as fariseo. İya' cacua: Timaf'ina'me limanapola'. Tołiya laif'huaiyijncopa ałcuxecopa.

⁷ Licuej'me tołta'a licuapa Pablo, lan xanuc' fariseo jouc'a lan xanuc' saduceo ipango'me ifuli'i'mołtsi cataiqui'. İxtuc'o'mołtsi. İ'e'e'mołtsi onłca jiłpe lefołya. ⁸ Łınca itne lan xanuc' a'ij nuli liłpicuejma'. Ticuayi lan xanuc' saduceo: “A'i. Aimimaf'iconayacu limanapola', aimitsoliconayacu. Ailopa'a capaluc quema'a, jouc'a ailopa'a espıritu.” Lan xanuc' fariseo ticuayi: “Timaf'ina'me limanapola”. Jouc'a ticuayi: “Timana' lapaluc quema'a jouc'a timana' lan espıritu”.

⁹ Lan xanuc' jiłpe lefołya tummulecola'. Tija'ayi, tijaic'oyołtsi. İtsolinca hualca lomxiye nomuc'iyalepá licuxepa Moisés, itne axanuc' fariseo. Ehuaico'mołtsi cataiqui' lan xanuc' saduceo, timinnila':

—İllanc' ałcuayi itque cal xans ailopa'a qui'epa. Te ja'ni anuli cal 'espıritu, o anuli łapaluc quema'a ipalaic'opa.

¹⁰ Epat'łcontsi xonca liłpicuejma' itne lan xanuc'. Tixtuleyi juaiconapa. İxpaij'ma łincuxepa. Ticua: “Ja'ni ti'nołte Pablo, tits'aletsuf'me”. Umme'ma anuli łapaluc pe lomana' lisoldado, timitsola' ticuaiyunca pe lopa'a Pablo, tipa'ale liłpujfxi texał'me Pablo, tiłonc'e'e'me pe lomana' itne lan xanuc', tileco'me al fortın. Tołta'a i'epá.

¹¹ İle lipuqui' lałPoujna Jesús icuaiyunni, ecaxingai'ma Pablo, timi:

—Aimixpaij'mo'. Aimoxhuełmot'le'ma. Jifa'a Jerusalén omipola' lan xanuc' naitsi iya'. Ma' anuli tołta'a tonesta tocuaitsi al cuecaj quıłya' Roma.

¹² Liłic'ejma hualca lan xanuc' judıo efołunni. İnefo'me. Ticuayi:

—Ałma'a'me Pablo. Ma quimaf'i' itque, aimatetsoyacu, aimatısnayacu. Alanant'lıte itta'a lałtaiqui'. Ja'ni a'i, jałma'atsonga' ŁanDios!

¹³ Timana' to oquej nuxans lan xanuc' linefo'me tołta'a. ¹⁴ İye'me tipalaic'onbola' lixanuc' cal cuecaj ca'ailli', jouc'a lan tsilaj xanuc' noxpıjpá lataiqui'. Timinnila':

—İllanc' joup'a ał'epaj jurar ałma'a'me Pablo. Ma quimaf'i' itque illanc' aimatetsoyacu, aimatısnayacu. Acueca' cataiqui' ite lałnespa. Ałcuayi alanant'lıte itta'a lałtaiqui'. Ja'ni a'i, jałma'atsonga' ŁanDios!

¹⁵ 'İmanc' tolafot'letsołtsi jouc'a locuenaye lonłejmale. Tołpalaic'otsa łincuxepa, tołmitsa: “Ałpic'a licuis'eona'me Pablo. Mouqui tolecota fa'a.”

'İllanc' alami'mołtsi jiłpe lane. Ałma'ata. Aimicuaiya pe imanc' lolafot'leyoyacołtsi. Joup'a ałspic'epá lał'eyacu.

¹⁶ Li'hua łipima caca'no' Pablo icuej'ma lo'eyacu itne lan xanuc'. İ'hua'ma al fortın, itzufai'ma pe lopa'a Pablo, u'i'ma lo'e'enyacu. ¹⁷ Pablo ijoc'i'ma anuli cal capitán, timi:

—Tolecołta' itca'a łamijcano pe lopa'a łincuxepa. Tipa'a lomiya.

¹⁸ Cal capitán ileco'ma łamijcano, itsufai'e'ma pe lopa'a łincuxepa, timi:

—Pablo litats'iya fa'a, aljoc'ipa, alsahue'epa, almipa: “Tolecola' itca'a lamijcano pe lopa'a hincuxepa. Tipa'a lomiya.”

¹⁹ Lincuxepa exat'he'epa limane lamijcano, ijuc'i'moltsi ipalaitsa quiltuca', timi:

—¿Te calmiya?

²⁰ Lamijcano timi:

—Lan xanuc' judío inefopá. Ticuaicu, tixahue'e'mo', timi'mo': “Mouqui toleco'ma Pablo ti'huanni jilpe lafot'leyoyaco'tsi. Alpic'a licuis'econa'me.” ²¹ Ima' aimoquimf'e'ma lomiyaco'. Aimaihuejco'ma loxahue'eyaco'. Hualca itniya tipa'necota Pablo jilpe lane. Ihe tixhuaispola' to oquej nuxans lan xanuc' y xonca. Joupa inefopá timiyoltsi: “Alma'ata Pablo. Ma quimaf'i' aimatetsoyacu, aimatsnayacu. Alanant'life laltaiqui'. Ja'ni a'i alma'atsonga' LanDios.” Ihe ma le'a il'huaajma ima' tomitsola': “Ne', caleco'ma”.

²² Lincuxepa ixc'ai'i'ma lamijcano, timi:

—Ihe lotaiqui' aimo'ita. Nij naitsi nocuejya.

²³ Ijoc'i'mola' oquexi' licapitán, timila':

—Imanc' tolafot'he'mola' losoldado tonlenke li'ya' Cesarea. Tonheco'mola' oquej maxnu noyeyacu li' mis, oquej maxnu noniyacu li'hanza, afanej nuxans quimbama' nocutsaf-caiyacu laihuale. Tolipalcu al pella 'hora lipuqui'. ²⁴ Tonhecotsola' ocuenaye laihuale, jouc'a Pablo tenafcaita laihuala. Ton'etsa cuenna, nij tintsi lo'e'enyacu. Ticuaitsi al c'a pe lopa'a cal gobernador Félix.

²⁵ Lincuxepa inil'e'e'ma quije'e cal gobernador, timi:

²⁶ “Iya' ninClaudio Lisias, quini'ehuo' ima' cun gobernador Félix, ima' umcuecaj xans. Canonhuo'.

²⁷ Cumme'ehuo' itca'a cal xans hi'notpa lan xanuc' judío. Ihe cola' tima'a'me. Laicuejpa iya' itque aciudadano romano ate'me iya' laisoldado, alcuaitsa pe lopa'a. Iya' nexat'lupa, nunlu'epa. ²⁸ Aipic'a cacuec'ela' te caixtuc'ocopa, te ts'i'ic' locuxecopa. To'ta'a aileco'ma petsi lif'as xanuc' judío, ihe noxpijpá lataiqui'. ²⁹ Jilpe aiximpa itque Pablo ailopa'a qui'epa, aimi'iya ma'lma'ayacu, ni ma'tats'iconayacu. Lan xanuc' nocuxecopá ticuayi aiqenant'hi lataiqui' laihuejpa ihe.

³⁰ 'Lijou'ma alu'i'ma, almi: Lan xanuc' judío tipa'necota Pablo jilpe lane, tima'ata. Laicuejpa to'ta'a aicalcoli, numme'epo'. Ihe nocuxecopá joupa nu'ipola' tu'itso' te caixtuc'ocopa itca'a cal xans. Ihe tu'ito'.

'To'ta'a laifmipo'. Icula'apa.”

³¹ Lan soldado i'e'me ma to limipola' hincuxepa. Lipuqui' ileco'me Pablo. Icuaitsa li'ya' cuftine Antípatris. ³² Icuaitsi lihuequi litine lan soldado noyepá li' mis ipailinanca icuainatsa li'fortín lopa'a Jerusalén. Ts'ihenafcaic' caihuale ileco'me Pablo. ³³ Icuaitsa li'ya' Cesarea. Ini'i'me lije'e cal gobernador. Jouc'a Pablo icupá, icuaitsi limane cal gobernador.

³⁴ Cal gobernador ixhue'ma al je'e. Lijou'ma icuis'e'ma, timi Pablo:

—¿Pe co'huayomma? ¿Te cuftine lomemats'?

Pablo timi:

—Cai'huayomma lamats' Cilicia.

³⁵ Timi:

—Ne', ticuaiyunca lan xanuc' nocuxecopo' caquimf'e'ma lamia.

Icuxe'ma tilecon'e jilpe al cueca' cajut'i lilanc'epa cal rey Herodes. Jilpe tipajntsi, ti'ele cuenna.

24

¹ Uyai'ma amaque' quitine. Iye'me al toncay cal cuecaj ca'ailli' Ananías y lan tsilaj xanuc' noxpijpá lataiqui'. Icuaitsa li'ya' Cesarea. Ileo'me anuli cal xans nopalaipa nomuxeyalepa, cuftine Tértulo. Ihe ipalaic'o'me cal gobernador Félix, icuf'me Pablo.

² Cal gobernador ijoc'i'ma titsufaiyunni Pablo. Tértulo ipango'ma icuf'ma Pablo. Timi cal gobernador:

—Ima' conFélix, uncuecaj xans. Ałcuxenga' juaiconapa al c'a. Tixoqui calata luyalaiyi litine ac'a, ailopa'a tintsi. ³ Ni petsi lomana' lał'as xanuc' judío timetsaicohuo', ticuayi ima' to'ay al c'a. Tix'najtsi'ihuo' ihe lof'epa.

⁴ 'Itsiya aicapalaiyołcoyaco'. Caxa'huehuo' ałquimf'eta'. Capalaic'o'mo' oquej fane' lataiqui'. ⁵ Ałcuai'me ałpalaic'oco'mo' te ts'i'ic' iłca'a cal xans Pablo. Iłque acuej quixcay xans. Timenac'ila' lan xanuc'. Ni petsi li'a łamats' pe lomana' lał'as xanuc' judío, iłque tenaquila', ti'e'ela' tixtuc'otsołtsi, tifuli'itsołtsi. Iłque iłpincuxepa lan xanuc' naihuejpa ocuena quireligión. Ihe lacui'impola': Lan Nazareno.

⁶ 'Jouc'a tetets'i al cuecaj xoute'. Ipic'a ti'e'eta' to ni naitsi cajut'ł. Illanc' ał'nołpa, coła' alteł'mi'me, ał'e'e'me ma to licuxepa Moisés. ⁷ Małpe 'hora icuaitsi iłque hincuxepa Lisias. Iłcola' lisoldado. Ihe acueca' liłpufxi, alaxic'eponga'. ⁸ Lijou'ma ticua: “Ihe nocuxecopá Pablo tiyełe pe lopa'a cal gobernador. Jiłpe tu'ita te qui'epa.” Ima' ja'ni taicuis'e'ma Pablo toxim'ma ma' ałınca iłta'a lal'u'ipo'.

⁹ Lan xanuc' judío nomana' jiłpe jouc'a ticuxecoyi Pablo, ticuayi ałınca lonespa Tértulo.

¹⁰ Cal gobernador ijoc'ico'ma limane Pablo tipalaıta'. Pablo ipango'ma italai'e'ma, timi: —Aixina' ima' ixhuaita axpega camats' uncuecaj juez jifa'a łalamats'. Tołta'a tixoqui neta catalai'e'ma, cacuanajco'moxi. ¹¹ Iya' cu'ihuo' al linca. Ihe laifmiyaco' ima' cotuca' ti'i'ma toxim'ma ja'ni tołta'a li'ipa o a'i.

'Joupa ixhuaita ma le'a imbamaj coque' quitine aicuaitsi liłya' Jerusalén. Ainexc'onłingaitsi LanDios. ¹² Ihe lałcufpa, ¿te ja'ni ałsimpa cafulejma cataiqui'? O, ¿ałsimpa cafuli'icola' lan xanuc' nomana' jiłpe al cuecaj xoute'? O, ¿jiłpiya łajut'li pe lafołyomma laif'as xanuc' judío, o małpiya liłya'? ¿Ja'ni ałsimpa capalaic'ola' lan xanuc', capat'lıla' liłpicuejma'? A'i. Aica'ay tołta'a.

¹³ 'Ihiya lataiqui' lałcufcopa aimi'iya miłinc'iya. ¹⁴ Ihiya ticuayi iya' quihuequi ituca' cataiqui'. Aimetentłcocola'. Ałınca iya' quihuequi al ts'e cane. Tołta'a laifnihuejcopa LanDios, hilenDios lałtatahueló. Iya' ca'ay linca jahuay loya'apa al Paxi Linilingiya, ihe loya'apa litaiqui' Moisés jouc'a loya'apa lam profeta. ¹⁵ Iya' ma' anuli ihe lałcuxecopa ał'huaıyijnyi LanDios, ał'huaıcoyi ticuaitsi litine timaf'ina'me limanapola', ihe li'epa al c'a jouc'a li'epa a'ıjc'a. ¹⁶ Tołta'a iya' cahuy te caif'eya latentłcocola' LanDios. Aica'eyacola' lixcay laif'as xanuc'.

¹⁷⁻¹⁸ 'Litine lałsimpa capa'a al cuecaj xoute', ihe litine quite' aicuita jiłpe Jerusalén. Joupa axpe' camats' aicaitsec' jiłpe. Iya' aitsehuona'ma aitaic' lotoc'iyacola' laif'as xanuc' judío pe aiquił'hueca, catsufcota LanDios. Tołta'a laif'epa jiłpe al cuecaj xoute', ainenant'lıpa licuxepa Moisés, ai'epoxi limpio. Małe 'hora ałsimpa ihe lan judío quiyoyomma łamats' Asia. Iya' nij tintsi caif'epa. Ailopa'a cai'ejma'. Aicafot'łela' lan xanuc'. Nij naitsi naıxtupa.

¹⁹ 'Ihe lun Asia nonespá a'ıjc'a laif'epa coła' icuai'me fa'a. Ihe quıtuca' ałcuf'ma. ²⁰ Ja'ni aiquiłcuac' ihe, ałcufla' lan judío nomana' fa'a itsiya. Tu'itso' te jale lixcay lai'epa. Ihe joupa ałcuejpa, iłsina' te ts'i'ic' lailalai'e'epola' jiłpe pe lafołyomma lan tsilaj xanuc' noxpıjpa lataiqui'. ²¹ Linca tipa'a anuli lataiqui' lainespa aıquetentłcocola' ihiya. Ma capa'a cacaxu jiłpe lefołya aıpalaıpa ułfxi, caja'e': “Iya' aixina' LanDios timaf'i'ina'mola' limanapola', toliya ałcuxecopa imanc', ałcufque itsiya”.

²² Cal gobernador Félix ixina' te ts'i'ic' ihe lataiqui' lacui'impa Ihe Lane. Timila' ihiya lan xanuc' judío:

—Tipajnlá. Tonłentė. Ticuaiyunni hincuxepa soldado, iłque Lisias, caquimf'econa'molhuo'. Caxpic'e'ma laif'eya.

²³ Icuxe'e'ma nocuxepola' soldado, timi:

—To'ela' cuenna Pablo. Tipajntsi lajut'ł. Topalaic'ola'. Aimaixtuc'o'ma. Tapi'itsola' lane iħne limetsaicola' titoc'iħe, ja'ni ti'iħa' laħue'epa tepi'inħe.

²⁴ Uyaipá ĩtiné, icuaicona'me Félix ĩouc'a ĩpeno cuftine Drusila. ĩħque ĩaca'no' ajudía. Félix icuxe'ma ti'hua'anca Pablo. Icuaitsi. Félix ĩquimf'e'ma lonespa. ĩħque u'i'ma te ts'i'ic' ĩlitaiqui' Jesucristo. Timi: “To'ħuaiyijnla’”. ²⁵ ĩouc'a timi te ts'i'ic' lo'eyacu lan xanuc' ja'ni ĩanDios tetentħoco'ma lo'epa. ĩxc'ai'i'ma, timi:

—Tocuxexoxi al c'a. Aimo'econa'ma nixpiya. Ticuaihuo al Cuecaj Quitine. ĩħe ĩlitine ĩanDios titeħ'mi'mola' lan xanuc' ni'epá ĩlxcay.

Félix ĩxpaij'ma ĩuaiconapa, timi Pablo:

—Toħe ti'iħa'. To'ħuanħa'. Ticuaitsi ocuena quitine, ja'ni ailopa'a caif'eya, cajoc'iconno'. Tocuaiyoconno fa'a.

²⁶ Félix ĩtipa'a oquej ĩpicuejma'. Ticua: “ĩħque Pablo aga aħmi'ma: ĩux'masna'ma, capi'i'mo' cotomí.” Toħiya ti'hua ĩjoc'i', ti'hua ĩpalaic'o.

²⁷ Uyai'ma oquej camats'. ĩoupa ĩtısufai'ma ocuena cal gobernador cuftine Porcio Festo. Félix aicux'masqui' Pablo. Ticua: “Ca'e'ma ĩatenħocoyacola' lan xanuc' ĩudío. Aħnescola' ĩħniya, ĩinesle: ĩħque Félix ac'a xans.”

25

¹ Festo epenuf'ma ĩpenic', i'i'ma gobernador. ĩcol'ma afane' quitine ĩħya' Cesarea. ĩlijou'ma i'hua'ma ĩerusalén. ² ĩmipa'a Festo ĩħpe ĩerusalén ĩlixanuc' cal cuecaj ca'ailli' ĩouc'a lan tsilaj xanuc' ĩudío noxpıjpa ĩlitaiqui' ĩpalaic'o'me. ĩpalaico'me Pablo ĩi'epa, u'i'me te ts'i'ic' locuxecopa. ĩxahue'e'me ti'ela' ĩatenħocopola' ĩħniya. ³ ĩħpic'a tejac'entsa ĩnulemma Pablo. ĩtimi'yi:

—Tocuxetsi Cesarea ticuaiyunni Pablo fa'a ĩerusalén.

ĩħniya ĩoupa ĩxpıic'epa lo'eyacu. ĩhualca lan xanuc' temi'moħtsi ĩħpe lane, tuyaiconni Pablo ĩtima'a'me. ⁴ Festo ĩtalai'e'e'mola', ĩtimila':

—A'i cacuxeya. ĩtipanenni Pablo Cesarea. ĩya' ĩaimaħcoħya fa'a. ĩcapaino. ⁵ ĩhualca ĩmanc' ts'oħpenic' aħe'me. Ja'ni ĩħque cal xans i'epa quıxcay toħcuxecota pu'ħua Cesarea.

⁶ ĩħpe ĩerusalén Festo ĩcol'ma apaico o ĩmbama' quitine. ĩlijou'ma i'hua'ma. Icuaitsi ĩħya' Cesarea. ĩlihuequi ĩlitine ti'ay canic' to cal ĩuez. ĩcuxe'ma ĩtileconsa Pablo. ⁷ Icuaitsi Pablo ĩħoc'ola'i'me lan xanuc' ĩudío quıyoyomma ĩerusalén, ĩħne y Festo ĩcuai'me anuli. ĩcuf'me ĩuaiconapa. Ticuai'yi:

—ĩħca'a i'epa axpe' quıxcay. ĩacueca' ĩi'epa.

ĩaıquı'ic' quıħınc'i' ĩħe locuapa. ĩa'ıj ĩınc'a ĩħtaıquı'. ⁸ Pablo ĩtalai'e'e'mola', ĩtimila':

—Aıcaı'aıc' quıxcay. Aıcaınetets'i' ĩlitaıquı' ĩaħcuxeponga' ĩllanc' ĩnınc'ıjıudío. Aıcaınetets'i' al cuecaj xoute'. ĩouc'a aıcaınetets'i' locuxepa cal cuecaj quıncuxepa César. Aılopa'a caı'epa.

⁹ ĩħpe ĩpicuejma' Festo ticua: “Ca'e'ma ĩatenħocoyacola' lan xanuc' ĩudío”. Timi Pablo:

—Ja'ni ĩma' opıc'a ĩepá ĩerusalén. ĩħpe caxpıc'eta ja'ni o'epa quıxcay o a'i.

¹⁰ Pablo timi:

—A'i. Aıca'ħuaya ĩerusalén. ĩya' ailopa'a caı'e'epola' lan xanuc' ĩudío. ĩma' oxına' ĩħiya. ĩıfa'a ĩma' to'ay ĩopenic' ĩlepı'ıpo' cal cuecaj quıncuxepa César. ĩma' umıuez. Ma fa'a ĩtıcuıcomma aħcuxeco'ma. ĩħpe ĩerusalén a'i. ¹¹ ĩınc'a ja'ni nıxpiya ĩai'epa, ja'ni ĩoupa ĩnulıjpa ĩlamaya, ĩlapi'i'ma caıjunac', aıcacuanajyacoxı aħma'ala'. Ja'ni ĩmane ĩlafellaiqueya cataıquı' lonespa ĩħne ĩaħcuxecopa, ailopa'a caħ'e'eya ĩħniya. Cacua: ĩcal cuecaj quıncuxepa César ĩtıxanıtsı ĩlitaıquı' ĩaħcuxecopa lan xanuc' ĩudío!

¹² Festo ĩpalaic'o'mola' ĩlixanuc', ĩħniya noxpıjpa ĩlitaıquı'. ĩlijou'ma timi Pablo:

—Ne'. ĩoupa ocuapa: “Cal cuecaj quıncuxepa César ĩtıxanıtsı ĩlitaıquı' ĩaħcuxecopa”. Ne'. ĩcumme'mo', to'ħuaħa' pe ĩlopa'a César.

¹³ Uyai'ma hualca litiné icuaiyunca liya' Cesarea cal rey Agripa jouc'a lipima caca'no' cuftine Berenice. Iñiya ajudío. Ehuejntsa Festo lincuxepa romano. ¹⁴ Icoł'mola' jilpiya Cesarea.

Anuli litine Festo ipalaic'o'ma Agripa, ipalaico'ma Pablo, timi:

—Fa'a tipa'a anuli cal xans itats'ia lipo'nopa Félix. ¹⁵ Iya' laitsehuo'ma Jerusalén alpalaic'ohuo'ma lixanuc' cal cuecaj ca'ailli' jouc'a lan tsilaj xanuc' judío pe noxpipá lataiqui'. Iñe lu'ipa te ts'i'ic li'epa ilque Pablo. Almipa iya' cacani'ela', cacuxela' tima'anle. ¹⁶ Iya' aitalai'e'e'mola' aimi'mola': “Illanc' ninc'iromano aimat'eyi tołta'a. Illanc' alcuayi: Ilque litats'ia jouc'a nocuxecopá ticuaiyunca. Iya' ninjuez. Iya' caxpic'e'ma ja'ni litats'ia i'epa quixcay o a'i, ja'ni tima'anle o lux'masna'me.”

¹⁷ Iñe lan judío icuaiyunca fa'a. Aicaicuejloj'mola'. Lihuequi litine ai'e'ma canic', iya' ninjuez. Aicuxe'e'mola' laisoldado tilecotsa ilque cal xans. ¹⁸ Cacia: “Pablo i'epa acueca' quixcay”. A'i tołta'a li'epa. Iñe nocuxecopá ituca' micufcoyi, a'i to laifcuapa iya'. ¹⁹ Tixtuleyi, ticuayi: “Ilque aiquihuequi lařreligión”. Ticuayi joupá imanapa cal xans Jesús, Pablo ticua imaf'i'. ²⁰ Iñe lofulecopa lataiqui' aicaicueca. Aicaixina' te quixcay li'epa Pablo. Tołta'a cami: “Ja'ni ima' opic'a lepá Jerusalén. Jilpiya caxpic'eta ja'ni o'epa quixcay o a'i.” ²¹ Pablo aiquicuac'. Ticua: “Cal cuecaj quincuxepa César tixanutsi ille lařcuxecopa”. Tołiya aicuxe'ma tipanenni fa'a. Tijoula' cumme'ma, ti'huala' pe lopa'a César.

²² Agripa timi Festo:

—Iya' aipic'a caquimf'ela' lonespa ilque cal xans.

Festo timi:

—Mouqui toquimf'e'ma.

²³ Lihuequi litine Agripa jouc'a Berenice etej'mołtsi juaiconapa al c'a. Icuaiyunca pe locutsuya Festo, ti'ay lipenic' ajuez. Iyejmale'me lincuxepá soldado romano jouc'a lan tsilaj xanuc' jilpe liya' Cesarea. Festo icuxe'ma tilecontsa Pablo.

²⁴ Lijou'ma, Festo ipalaic'o'mola' iñiya lefołya jilpiya, timila':

—Ima' conrey Agripa, jouc'a jahuay imanc' cunc'ixanuc' nołmana' fa'a, camilhuo' li'ipa.

Jahuay lan xanuc' judío nomana' fa'a jouc'a nomana' liya' Jerusalén alřahue'epa cacani'ela' ilca'a cal xans Pablo. Małca'a lolahuelojmpa itsiya. Iñe lan judío mihui'iyi tija'ayi, almi: “Ima' tocuxela' tima'anle.” ²⁵ Iya' aiximpa ailopa'a qui'epa. Aimi'ia małma'ayacu. Małque quituca' ticua: “Cal cuecaj quincuxepa César tixanutsi lařcuxecopa”. Tołta'a aixpic'epa cumme'ma, ti'huala' pe lopa'a César. ²⁶ Ticuicomma quinił'e'ma quije'e César, titai'ma Pablo. ;Coła' ti'ila' caixina' iya' te ts'i'ic' laifninił'eya laipoujna César! Itsiya aicuxepa tilecontsa fa'a. Aipic'a tołquimf'ele jahuay imanc'. Xonca' aipic'a toquimf'ela' ima' conrey Agripa. Ima' lu'i'ma te li'epa Pablo. Tołta'a ti'i'ma caixina' te ts'i'ic' laifnu'ia César, ti'i'ma quinił'e'ma quije'e.

²⁷ Iya' cacia: Ja'ni cumme'ma pu'hua ilca'a litats'ia ticuicomma cu'ila' te ts'i'ic' li'epa. Ja'ni a'i, aimi'ia cummeya. Alnesco'ma iya' namac'ta xans.

26

¹ Agripa ipalaic'o'ma Pablo, timi:

—Capi'i'mo' lane. Ima' alřalai'e'ma.

Pablo inij'ma limane. Ipango'ma italai'e'ma Agripa, timi:

² —Conrey Agripa, cax'najtsi'ihuo' juaiconapa ima' lapi'ipa lane catalai'e'mo'. Itsiya cacuanajco'moxi jahuay iñe lařcufpa lan xanuc' judío. ³ Tixoqui neta catalai'e'mo'. Aixina' ima' limetsaiconga' lařejma' illanc' ninc'ixanuc' judío, jouc'a taimetsaijma lařnespa. Itsiya caxa'huehuo' alquimf'ela'.

⁴ Iya' ma namijcano anuli laif'as xanuc' judío aluyalaicopá lapajnya liya' Jerusalén. Jilpe lai'ejma' joupá ilřina' jahuay iñiya lan judío. ⁵ Iñe axpe' camats' alimetsaijma.

Ti'i'ma tuya'a'me te ts'i'ic' lai'ejma', ja'ni ilpic'a tuya'ale. Alimetsaijma iya' ninfariseo, nihuequila' ilne lan fariseo nocuapá: "Illanc' xonca lanant'hiyi locuxepa Moisés".

⁶ 'Lahtatahueló i'huaico'me ËanDios ti'e'ma ma to limipola'. Iya' jouc'a ca'ay linca ilne latakui' lahmiponga' ËanDios. Tohiya cacaxu fa'a alcxecempa. ⁷ Laif'as xanuc' judío, ilniya ixanuc' limbamaj coquexi' lahtatahueló, itine ipuqui' mix'najtsi'iyi jahuay hilunxajma', mexc'onlingolaiyi ËanDios, jahuay ilniya ti'huaicoyi tenant'li'a ilne latakui'.

'Conrey Agripa, iya' jouc'a ca'ay linca linespa ËanDios. Cacia: Joupa enant'lipa ilne latakui'. ⁸ Camilhuo': ¿Te colcuacoyacu ËanDios aimi'iya mimaf'i'inayacola' limanapola'?

⁹ 'Li'ipa iya' jouc'a cacua ticuicomma cate'mitsola' juaiconapa ilne ts'ilihuequi Jesús las Nazaret. ¹⁰ Tohta'a lai'epa capa'a liya' Jerusalén. Lixanuc' cal cuecaj ca'ailli' lapi'ipa laimane. Axpela' ilne li'huexi ËanDios ai'nico'mola' lacarza. Iya' jouc'a laif'as judío alcu'f'mola' ilne ts'ilihuequi Jesús. La'pic'epá te la'e'eyacola' iya' cacua: "Ne', ne', tima'antsola'". ¹¹ Iya' laitsehuo'ma jilpe lajut'li pe lafoyomma laif'as xanuc' judío ja'ni aixim'mola' ilniya ts'ilihuequi Jesús aite'li'mi'mola'. Ma canaic'mila' camila': "Ne', tonesc'ela' cataiqui' ilque Jesús". Ilne lapi'ipa acueca' coyac'. Quihuetsocquila' ni petsi lomana'. Ca'hua aculi' hileloya'.

¹² 'Icuaitsi litine ca'hua'ma liya' Damasco. Cahuetola' ts'ilihuequi Jesús. Lixanuc' cal cuecaj ca'ailli' joupa lapi'ipa laimane, a'ni'ipa lai'je'e. Lapi'ipa lane iya' caxpic'e'ma laif'eyacola' ilniya. ¹³ Conrey, alquim'ela' ma cu'ilhuo' la'ipa. Iya' ca'hua lane. To menac'o aixim'ma anuli lepalc'o' qui'huayomma lema'a. Nulemma alulif'epa. Tocomma to cal 'ora, xonca tunts'ifi. Jouc'a ulif'e'mola' lalejmale.

¹⁴ 'Jahuay lacangolencia lamats'. Iya' aicuej'ma alpalaic'o. Tipalay latakui' illanc' ninc'ijudío. Almi: "ConSaulo, ¿te calte'micopa, calihuetsocopa? Ima' cotuca' tote'liyoxi. To mite'li'mi'moxi cal huacax ja'ni aimicueca lanacompa al puya, ma tohta'a tote'liyoxi ima', aimal'cueca." ¹⁵ Iya' cami: "Maipoujna, ¿naitsi ima'?" Ilque almi: "Iya' ninJesús. Ima' aite'li'mi." ¹⁶ Itsiya totsahuenni, tacaxla'. Iya' aicuaicoco'ma pe lofpa'a capi'itso' copenic'. Ima' to'e'ma laipenic'. To'itola' lan xanuc' itsiya alsimpa. Tijoula' alsingona'ma, xonca camuc'i'mo'. Ihiya jouc'a to'itola' lan xanuc'. ¹⁷ Iya' ca'e'mo' cuenna. Cunhu'e'mo' lo'e'eyaco' lof'as xanuc' judío. Cumme'mo' to'huala' pe lomana' locuenaye lan xanuc', ilne a'ij judío. Jilpe jouc'a cunhu'eto' lo'e'eyaco'. ¹⁸ Itsiya ilniya tocomma afohue, aiquilsina' al c'a cane. Ima' taxi'etola' li'u'. Itsiya tocomma amuf'lipicuejma'. Ima' tapalc'o'itola'. Tohta'a tipai'i'me lipicuejma', aimicuxeconayacola' Satanás, ma ËanDios ticuxe'mola'. Al'huaijijm'ma iya'. Tohta'a ËanDios timenc'e'eco'mola' li'epa a'ijc'a, tilaitsufcotola' anuli jahuay lixanuc', ilne pe limetsaicopola' i'huexi."

¹⁹ 'Conrey Agripa, ilne laixim'ma lahmuc'ipa ËanDios, iya' nihuejco'ma la'ni'ma. ²⁰ Ate'a jilpe liya' Damasco nu'i'mola' tixhuej'menanca, tipai'ile lipicuejma' tihuejco'e ËanDios, timujle ja'ni joupa ixhuej'memma. Lijou'ma ma' anuli lainu'iyalepa liya' Jerusalén jouc'a locuenaye hileloya' pe lomana' laif'as xanuc' judío.

'Lijou'ma nu'i'mola' locuenaye xanuc', ilne a'ij judío. ²¹ Ilne laif'epa aiqueten'cocola' laif'as xanuc' judío. Alixtuc'opa. Capa'a jilpe al cuecaj xoute' al'not'ma, ehue'me te co'iyama'ma'aya. ²² ËanDios altoc'ipa, alcuajcopa. Tohta'a ti'hua cu'iyale litaiqui'. Ja'ni lan tsilaj xanuc' o a'ij tsila', ma' anuli cu'ila' ilne laiximpa. Laifnespa ma' itaiqui' Moisés y lam profeta. Ocuena o ituca' cataiqui' aicanesma. Ma'niya Moisés y lam profeta uya'apá lo'iyaya, ticuayi: ²³ "Cal Cristo tite'co'ma, tima'am'me. Tijoula' timaf'ina'ma, ti'ila' cal te'a pe aimimaconaya. Tohta'a tu'i'mola' laif'as xanuc' judío, jouc'a tu'i'mola' locuenaye xanuc' a'ij judío, timi'mola': ËanDios tepalc'o'i'molhuo' lo'picuejma'."

²⁴ Pablo tohta'a ticuanajcoyoxi. Festo icuej'ma litaiqui'. Ipalaic'o'ma ujfxi, timi:

—Pablo, tocomma to mamac'ta. ¿Te copalaicopa tohta'a? Ima' acueca' oxhuepa, iminscopa lopicuejma'.

²⁵ Pablo timi:

—ConFesto, ima' maigobernador, iya' a'i namac'ta. Jouc'a laifnespa a'i camac'ta cataiqui'. Laifnuya'apa ma le'a al linca. ²⁶ Cal rey Agripa ixina' te ts'i'ic' ihe lataiqui', mahe laifnespa, tixoqui neta capalaic'o ilque. Ixina' jahuay li'ipa. Acuaajmaica li'ipa ihe laifnescopa, a'ij ch'ixca.

²⁷ 'Conrey Agripa, ¿te ima' to'ay linca lihtaiqui' lam profeta? Iya' aixina' ima' to'ay linca ihe lataiqui'.

²⁸ Agripa timi:

—¿Te cofcuapa? ¿Te tocua: “Nihuata, Agripa jouc'a tihuej'ma Jesús to illanc' ninc'icristiano”? Ima' tocua aiquipime ihiya.

²⁹ Pablo timi:

—Ja'ni ipime o aiquipime aicaixina'. Cacua: A'i ma le'a iya' ima' conrey Agripa ti'ila' tohta'a anuli lahpicejma', ¡lanDios titoc'itsolhuo' jahuay imanc' nałquimf'epa, ti'ila' anuli lahpicejma', ał'onłsonga'! Linca ilta'a lałfiyiya al cadena catejma' aimał'onłspa tohta'a.

³⁰ Itsolinca cal rey jouc'a cal gobernador, jouc'a Berenice, jouc'a ihniya nocutsingolanna jilpe. ³¹ Ipalnanca. Tipalaic'oyoltsi, ticuayi:

—Ilque cal xans aiqui'aic' quixcay. Aimi'iya malacani'eyacu, aimi'iya małtats'econayacu. ¿Te cal'eyacu?

³² Agripa ipalaic'o'ma Festo, timi:

—Aimi'iya malux'masyacu ilque cal xans, joupa icuapa: “Ihe lataiqui' lałcufpa tixanutsi cal cuecaj quincuxepa, ilque César”. Ja'ni a'i tohta'a linespa, lux'masna'me.

27

¹ Lijou'ma ixpic'em'me tumme'me Pablo ti'huał'a łamats' Italia. (Jilpe liya' Roma tipa'a cal cuecaj quincuxepa César.) Ixplic'em'me ałeco'me abarco. Icuxem'me ti'huał'a anuli cal capitán lipuftine Julio, ti'etsola' cuenna Pablo y locuenaye litats'ila'. Ilque Julio łocuxepola' lan soldado lacui'impola': Lisoldado cal cuecaj quincuxepa César.

² Ałtsulfolai'me anuli al barco qui'huayomma liya' Adramitio. Ihe al barco ipainamma ticuaita jilpe lipiyla'. Tuyaicota lihelolaya' łamats' Asia, ihniya lomana' łema caja. Ałejmale anuli łapima cuftine Aristarco. Ilque łas Macedonia, lipiyla' Tesalónica. Ałepá. ³ Lihuequi litine ałcuaitsa liya' Sidón. Cal capitán Julio ac'a lipicejma'. Ixim'ma cuanuc' Pablo, epi'i'ma lane, timi:

—To'hua'ma tahuejntola' lopimaye. Ja'ni tehue'ehuo' ihe tepi'ito'.

⁴ Lipanni al barco jilpe Sidón, łahua' ałtalecufponga'. Luyalaicopá liju' camats', jilpe loxa camane copa'a al isla łamats' Chipre. Jilpe aimałpa'nenga' łahua'. ⁵ Ałeyi łaja łema camats' Cilicia, jouc'a łema camats' Panfilia. Ałcuaitsa liya' cuftine Mira jilpe łamats' Licia.

⁶ Jilpiya cal capitán ixim'ma anuli al barco qui'huayomma liya' Alejandría, ti'hua'ma łamats' Italia. Cal capitán ałtsufai'eponga'. ⁷ Ihe lałbarco ti'hua panca panca. Uyai'ma axpe' quitine. Afule małcuaiyacu huejnca liya' Gnido. Lijou'ma lałbarco aimi'hua łijca lipene. Aimi'iya. Juaiconapa ułfxi ti'hua łahua'. Aluyalaicopá huejnca łamats' isla Salmón. Jilpe liju' Creta aimi'hua ułfxi cahua'. ⁸ Ti'hua ałeyi huejnca łamats'. Afule małcuaiyacu pe lacui'impal lan C'a Puerto. Jilpe al puerto a'ij culi' liya' Lasea.

⁹ Juaiconapa ałcolponga' al puerto. Joupa uyaipa al cuecaj quitine. Ihe litine lan judío tixnet'łyi, aimitetsoyi. Ałsina' ticuaihuo' łoyac' cahua', al barco aimi'huaya al c'a. Pablo ipalaic'o'mola' nocuxepá al barco, ¹⁰ timila':

—Cunc'ixanuc', aimi'iya maluyalaiyacu. Łaja tejac'e'ma lałbarco jouc'a łitay tejac'ma. Aga illanc' ninc'ixanuc' jouc'a ałma'monga'.

¹¹ Cal capitán aiquiquimf'e locuapa Pablo. Iquimf'e'mola' xonca locuapa cal piloto jouc'a lipoujna al barco. ¹² Axpela' locuenaye xanuc' noyepá jilpe al barco ticuayi:

—¡Ałena'me!

Ticuayi aimi'iya muyalaicoyacu laxita quitine jilpe al puerto. Xonca ilpic'a tiyente, ticuaita lilya' Fenice, jilpe timajnta mi'i'ma laxita. Ihe Fenice apuerto, jilpe lamats' isla Creta. Jilpe aimi'hua loyac' cahua'. Ti'hua lahua' qui'huayomma loque' liju' lopo'nof'caispa cal 'ora.

¹³ Lixim'me ti'hua panca panca lahuj sur, ilne ts'ilpic'a tiyente ticuayi: “Itsiya linca ailopa'a tintsi. Alcuaita lilya' Fenice.” If'ac'ena'me al cumta catejma' ancla. Alepá. I'hua'a'me al barco huejnca lema caja, jilpe al isla Creta. ¹⁴ Aiquicoli icuaiyunni hujfxi cahua'. Ique lahua' cuftine: Li'huayomma liju' laipammaiyomma cal 'ora. Ujfxi, ujfxi luntafquina'. Ti'hua tocomma ucuiña. ¹⁵ Ique lahua' ummetsai'ma al barco. Aimi'i mi'hua lijca. Lalsim'me aimi'iya maluyalaiconayacu, alcuayi:

—Ihe al barco tixinla' pe cotseya. Lahua' tummetsay.

¹⁶ Luyalaico'me lema caja jilpe anuli lamats' isla cuftine Clauda. Jilpe aimi'hua cujfxi cahua'. Al barco exali anuli laca'huaj canoa. (Ti'ila' lo'iya al cuecaj barco altsulfolai'me al canoa, lunlu'e'moltsi.) Ihe laca'huaj canoa afule mal'noiyi. ¹⁷ Exalaf'me, itsufai'enapá al cuecaj barco. Lijou'ma ifi'e'me al cuecaj barco. Ifi'eco'me ujfxi cocuis licu'u lixpula, xonca tixnet'lqui. Tixpailiquila', ticuayi: “Ti'hua ujfxi lahua', aga tummetsai'ma al barco, alcuaita jilpe lintuhuale cuixa cuftine Al Sirte”. Exalna'me ijuisna'me al cuecaj lixaf ilanc'ecompa ijahua'. Al barco ti'hua mummetsay lahua'.

¹⁸ Lihuequi litine lahua' laja ujfxi tite'l'minni la'barco. Ticuayi: “Alscua'ale al barco, al'e'ele huata lipicumta”. Ipango'me eca'ni'me litaic' al barco. ¹⁹ Joupa uyaipa oque' quitine, ilne no'epá canic' jilpe al barco eca'ni'me li'huexi al barco. ²⁰ Joupa ixhuaita axpe' quitine aiqui'huáqui cal 'ora, ni lipuqui' aiqui'huáquila' lan xamna. Ti'hua ujfxi lahua'. Alcuayi: “Aicalsina' ja'ni lunlu'l'me o a'i.”

²¹ Ixhuaita axpe' quitine aimitetsoyi lam marinero. Pablo ecaxingaitsola', timila':

—Cunc'ixanuc', malmana' lamats' Creta joupa aimipolhuo': “Aimolipa'a'me al barco fa'a”. Aimipolhuo': “Almanenca”. Imanc' aicalcuc'e. Joupa altecopá, joupa lajac'epá acueca'.

²² 'Itsiya iya' cu'i'molhuo': Aimolsuelmot'le'me. Nij naitsi najac'ya lipitine. Al barco linca tejac'na'ma. ²³ Lipuqui' i'huamma pe laifpa'a anuli lepaluc LanDios. Ique LanDios aiPoujna, ainihuequi. Lapaluc quema'a lacaxingaipa lainiju'. ²⁴ Almipa: “CumPablo, aimixpaij'mo'. Linca tocuaita petsi cal cuecaj quincuxepa César. LanDios epi'ipo' loxahue'epa. Tunlu'e'mo'. Jouc'a tunlu'e'mola' jahuay lonfejmale nomana' al barco.”

²⁵ 'Camilhuo': Aimolsuelmot'le'me. Iya' ca'huaiyinge LanDios. Ma to lamipa tohta'a ti'i'ma. ²⁶ Linca laja alaca'ni'monga' anuli lamats' isla.

²⁷ Joupa ixhuaita imbamaj malpu' quitine ma luyalaiyi laja Adria. Lipujfxi cahua' lummetsaiyinga'. Li'i'ma to nolojmay quipuqui' lam marinero ticuayi:

—Tipa'a lamats' ahuejnca.

²⁸ Ixpucuf'me lipitoqui laja. Ixpucuf'ma anuxans quimbama' acamts'us metro. Iyeconame nihuata, ixpucuf'ona'me. Lipitoqui laja ixpucuf'ma anuxans caitsi metro.

²⁹ Ixpailij'mola', ticuayi:

—Ja'ni alcuai'me pe lopa'a lan tsilaj capic' ilne lopic' tete'l'me al barco.

Ecajm'mi'me amalpuj lan cumta catehuaijma' ancla ijungila' lixpulaj barco emuyi'mola' cuixa. Ipanenni jilpe al barco. Ticuayi: “Aimicol'ma tific'ela”.

³⁰ Lijou'ma lam marinero ehue'me te co'iya mipalyacu al barco. Ticuayi: “Alunlu'e'moltsi illanc' caltuca'. Alcuaita lamats'.” Tocomma tecajm'mi'me locuenaye lan cumta catehuaijma' ancla jilpe lopa'a lijuac al barco. Ma le'a tifel'miyi. Tecajm'miyi laja laca'huaj canoa. ³¹ Pablo tixina lo'epa. Timila' cal capitán jouc'a lisoldado:

—Timanenca ihniya pe lamana', jifa'a al cuecaj barco. Ja'ni tiyele ihniya imanc' aimolunluyacu.

³² Lan soldado etej'me locuits' pe lifiyicoya laca'huaj canoa. Itai'ma laja. ³³ Ma lihic'ejma Pablo ipalaic'o'mola' jahuay nomana' jilpe al barco. Tixa'huela', timila':

—Joupa ixhuaita imbamaj malpuj quitine imanc' ol'huaijma, tolcuayi: “¿Te cal'iyaconga'?” Aicolesma. ³⁴ Itsiya caxa'huelhuo' toltetsole. Ja'ni a'i tima'molhuo'. Aimoľsueľmot'le'me. Aimejac'ya ni anuli lijuac loľjuac.

³⁵ Lijou'ma lines'ma toľta'a Pablo epef'ma ľa'i. Miquimf'eyi jahuay lan xanuc' tix'najtsi'i LanDios. Ixquej'ma ľa'i, ipango'ma ite'ma. ³⁶ Lan xanuc' aimixhuelmot'ľecona'me, itetso'me. ³⁷ Jahuay illanc' ľaľmana' al barco aľsuaisponga' oquej maxnu afanej nuxans quimbama' camts'us. ³⁸ Lijou'ma linajntsola' lam marinero ecajm'mi'me laja ľaitaij trigo. I'i'ma xonca axnoica al barco.

³⁹ Joupa i'ipa quitine. Ixim'me huejnca ľamats'. Aiquilimetsaijma te jale camats' jilpiya. Jilpe ľema caja iximpá anuli lotsufaicompa. Ixpice'me lo'eyacu, ticuayi:

—Aľsulfoľai'me jilpe lotsufaicompa. Tipa'a pangay cuixa. Ailopa'a capic.

⁴⁰ Ux'mas'me lan cumta catehuaijma' ancla. Ine imanenca al 'ocay laja. Lixala' ilne a'ec lopa'a loquej liju' al barco etec'e'me lifi'icoya, ti'ele canic', ti'hua'ma al ľijca al barco. I'nof'e'me laca'hua quixaľ quijahua', ilne lopa'a ľijuac al barco. Toľta'a xonca ac'a ti'hua'ma. Ti'hua'ayi al barco jilpe lotsufaicompa, ticuaiti ľema caja. ⁴¹ Icuaiti pe lopa'a oquej cal panay. Jilpe tipa'a axpe' cuixa. Al barco ipanenni. Ipa'ne'ma cal cuixa. Italijm'ma ľijuac. Litsilo laja tuntaľqui lixpula' al barco. Ipango'ma ixquetsuf'ma. ⁴² Lan soldado ticuayi:

—¡Aľma'a'mola' nulemma lan xanuc' litats'ila'! Ja'ni a'i tiquie'me laja', ticuaitsa ľamats' tinulnata.

⁴³ Cal capitán aimicua. Ipic'a tunľula' Pablo. Timila' lisoldado:

—A'i. Aimoľma'a'mola'.

Aľcuxe'eponga' ľaľeyacu. Aľminga' jahuay ľaľmana' al barco:

—Ja'ni oľsina' moľcafcoľaiyi, imanc' ate'a toľacajm'mitsoľti laja, tonľecole laja, toľcuaitsa ľamats'. ⁴⁴ Ja'ni aicoľsina' moľcafcoľaiyi, tonľe'me ma to lo'iya. Toľnile ľaxmale' o ni naitsi hualca caxma lopa'a al barco, tonľecole laja, toľcuaitsa ľamats'.

Toľta'a ľaľepa. Jahuay alunľulpá. Aľcuaitsa ľamats'.

28

¹ Laľcuaitsa ľamats' i'i'ma caľsina' ilne a'isla cuftine Malta. ² Lan xanuc' nomana' jilpe imuj'moľtsi ac'a xanuc'. Lapenuľponga'. Uncue'e'me ľunga, aľminga':

—Jifa'a toľapat'ľetsoľti.

Ticui ľacui, ti'i caxita juaiconapa. ³ Pablo efot'ľe'ma ľaiquijule c'ec', ixanaf'i'mola' ľunga. Jilpe lan 'ec' tipa'a anuli ľainofaľ. Ixim'ma quinu' ipanni, icayai'e'e'ma limane Pablo.

⁴ Lixim'me ľainofaľ tijujnya limane Pablo, lun Malta ticuayi:

—Iľque acuecaj inma'ahuale xans. Tama unľupa laja itsiya tima'ma. Tipa'a anuli No'eya al ľijca. Iľque ummepa ľainofaľ tima'ala' cal xans.

⁵ Pablo unaf'ma limane. Lainofaľ ecanc'aitsi ľunga. Pablo ailopa'a qui'i'ma. ⁶ Lun Malta tehuelojnyi Pablo. Iľ'huaijma te co'iya. Ticuayi:

—Iľque ľica'apa ľainofaľ tifu'ma o aimicoľya tima'ma, tecangehuo.

Ti'hua tehuelojnyi. Lixim'me ailopa'a qui'i'ma, ipai'i'me ľilpicuejma', ticuayi:

—¡Iľque a'ij xans, ma' andios!

⁷ Pesti laľcuaitsa jilpe emats' cal xans locuxepa al isla. Iľque cal xans aromano, cuftine Publio. Alapenuľponga' lejut'ľ. Jilpe aľmanenca afane' quitine. ⁸ Qui'ailli' Publio textaľque. Tepi'i quinu', i'huajcopa oyaic' cajuats'. Pablo itsufai'ma jilpe ľonouya ľaľcuana. Mijoc'i' LanDios ipo'nof'i'ma limane ľaľcuana, ixaľ'mena'ma. ⁹ Lijou'ma icuaitsa ocuenaye ľaľcuallay nomana' jilpe al isla. Pablo ixaľ'mena'mola' jouc'a.

¹⁰⁻¹¹ Ine aľľ'najtsi'inga'. Acueca' alapi'iponga'. Afane' mut'la ixhuaiti maľmana' jilpe. Maľpe ipanenni anuli al barco qui'huayomma ľiľya' Alejandría. Ine al barco tipa'a

laquiseña lilendiosla' lam marineru. Ihe landiosla' lan cuatsi, tecui'innila' Cástor y Pólux. Ipanenni al barco mi'i laxita quitine. I'huaijma ti'ila' ac'a quitine. Litine li'huana'ma illanc' ałsulfołaipá. Lan xanuc' Malta alapi'iponga' lałtaiyacu lałtejacu lane. Ałepá. ¹² Ałcuaitsa al puerto Siracusa. Jiłpe ałcołponga' afane' quitine.

¹³ Lijou'ma lipalconanca. Ałepá huejnca łema camats'. Ałcuaitsa liłya' Regio. Jiłpe ałcołponga' anuli quitine. Lihuequi litine ti'hua łahua' sur. Ałeconapá. Lihuequi litine ałcuaitsa liłya' Puteoli. ¹⁴ Jiłpiya ałsimpola' lałpimaye. Ihiya ałmiponga' ałmanenca anuli al xamano małpe pe lomana'. Ixhuaitsi lan całtsi quitine lipalunca, ałepá lane lotsepa Roma. ¹⁵ Lapimaye nomana' liłya' Roma icuej'me ałeyi lane. Ipalunca jiłpiya Roma ałtalecuftsonga'. Hualca ałtalecuftponga' liłya' cuftine Foro Apio. Locuenaye ał'huaiconga' jiłpe pe lacui'impá Lam Fane' Cajut'hi Lainunc'empa. Jiłpe ałtalecuftpołtsi. Lixim'mola' lipimaye Pablo i'ina'ma xonca acueca' łunxajma', ix'najtsi'i'ma ŁanDios.

¹⁶ Lałcuaitsa al cuecaj quiłya' Roma cal capitán ileco'mola' litats'ila' jiłpe pe lopa'a nocuxepola' lan guardia. Iłpe epenuf'mola'. Epi'i'me lane Pablo tipajnla' quituca' anuli lajut'ł. Anuli cal soldado ti'e'ma cuenna.

¹⁷ Lixhuaitsi afane' quitine Pablo ijoc'i'mola' lan tsilaj xanuc' judío nomana' jiłpe Roma, ticuaiyunca pe lopa'a. Icuaitsa. Timila':

—Cunc'aipimaye, ailopa'a cai'e'epola' laif'as xanuc' judío, aicainetets'ila' lałtatahueló lił'ejma'. Tama tołta'a lai'ejma' lan judío ał'nołpa jiłpe Jerusalén. Ałcupa icuaitsi liłmane lan xanuc' romano. Ałtats'iya. ¹⁸ Ihiya lan romano alicuis'mot'łepa te quixcay cai'epa. Icuej'me ailopa'a cai'epa. Iłpic'a lux'masnał'. Aimi'iya małma'aya. ¹⁹ Lan xanuc' judío ticuayi aimalux'masquim'ma. Tołta'a aicua'ma: “Caxahue'eta cal cuecaj quincuxepa César ałsanu'etsonga' lataiqui'”. Linca ailopa'a całcuftfyacola' laipimaye judío, ma le'a aipic'a ałsanu'etsonga'. ²⁰ Tołiya aijoc'i'molhuo' imanc' unc'aipimaye judío tołcuaiyunca fa'a. Cacua: Limetsaicotsołtsi, ałpalaic'o'mołtsi. Linca illanc' ixanuc' Israel ma' anuli ał'huaijny ŁanDios ti'e'ma ma to licuapa. Ma tołta'a ca'huaiyinge, tołiya ał'nołimpa, itsiya capa'a ałfiyiya iłta'a al cadena catejma'.

²¹ Ihe lan xanuc' judío timiyi:

—Lałpimaye judío nomana' łamats' Judea aicalinił'enga' całje'e, aicalu'inga' ja'ni ixcay lof'epa. Ni lałpimaye licuai'me fa'a aiquicufhuo'. Acalu'inninga' ja'ni ima' o'epa quixcay o a'i. ²² Illanc' ałpic'a ałcuejtso' lofnesya. Lan xanuc' ni petsi nomana' tipalaicoyi iłiya lomihuequi. Ticuayi iłe ixcay.

²³ Ihe ixpic'epá te quitine ticuaiconacu. Tiquimf'econa'me lonesya Pablo.

Lixhuaitsi iłe litine icuaiyoconanca pe lopa'a Pablo axpela' lan xanuc' judío. Muica litine imanenca jiłpiya. Icuaitsa al puqui'ya, iyena'me lummuhuijma'. Pablo tu'ila' te ts'i'ic' licuxejma ŁanDios, iłque cal Cuecaj Rey. Ti'nujuaitsi'ila' te ts'i'ic' litaiqui' Moisés, jouc'a ti'nujuaitsi'ila' te ts'i'ic' liłtaiqui' lam profeta. Imuc'i'mola', ipalaico'ma Jesús.

²⁴ Hualca epenuf'me limi'mola' Pablo. Locuenaye aiquirepenufi. ²⁵ Tifuli'iyotłtsi cataiqui'. Hualca ticuayi:

—A'i, a'ij linca.

Ipango'me ipalnanca. Pablo u'icona'mola' anuli lataiqui'. Timila':

—Al linca iłe lonespa cal Espíritu Santo, iłe limipa cal profeta Isaías. Iłque imi'mola' lałtatahueló, timila':

²⁶ To'huała' pe lomana' iłhe lan xanuc', tomitsola':

Tołquimf'e'me, ti'hua tołquimf'eyi, aimołcuejyacu.

Tolahuelojm'me, ti'hua tolahuelojnyi, aimołsinyacu.

²⁷ Ihe lan xanuc' liłpicuejma' i'ipaj ta.

Tama tipa'a liłs'mats'i', afule micuejyi.

Ixpoł'mipa lił'u'.

Ja'ni coła' aimi'e'me tołta'a tixingo'me lił'u', tiquimf'eco'me liłs'mats'i',

lataiqui' titsufai'ma lipicuejma', ałcuc'e'ma.

Tipailinacu, titsulfotaina'me al c'a cane,

tijouła' caxal'mena'mola', quilonc'e'ena'mola' liłjunac'.

Tołta'a loł'ejma' imanc', aicołcuc'e'. ²⁸Itsiya ti'ila' colšina' lo'ipa. Lataiqui' loya'apa te ts'i'ic' alunlu'e'monga' ŁanDios, małe lataiqui' jounpa ummempa pe lomana' locuenaye xanuc', ilne a'ij judío. İhniya linca tihuejco'me.

²⁹ Pablo ijou'ne'ma ilē limipola' lan xanuc' judío. İyena'me ilhniya. Juaiconapa tifuli'icoyoltsi cataiqui'.

³⁰ Pablo ipajm'ma oquej camats' jilpe lajutł lo'najcufpa. Axpela' lan xanuc' tilcuaispá tehuejni. Epenuf'mola' jahuay. ³¹Tu'ila' te ts'i'ic' licuxejma ŁanDios, ilque cal Cuecaj Rey. Aimixpaiqui. Tipalaijma łalPoujna Jesucristo. Timuc'ila' lan xanuc' litaiqui'. Ailopa'a nocuanac'eya.

LIJE'E SAN PABLO LINIË'EPOLA' LAPIMAYE LEFOT'ĒPOĒTSI LIËYA' ROMA

¹ Iya' ninPablo ca'ay lipenic' laPoujna Jesucristo. LanDios aĵoc'ipa, aĵmi: “To'huala' toya'atsi Lataiqui' loya'apa iĕ al c'a lixp'ic'epa LanDios”. Toĵta'a iya' nin'apóſtol. Maĕ laipenic' lalapi'ipa LanDios. ² Luyaipa quitiné lam profeta uya'a'me iĕ laifnuya'apa iya'. Jiĵpe al Paxi Liniſingiya joupa inihijmpa linespa iĵniya. ³ Lataiqui' loya'apa iĕ al c'a lixp'ic'epa LanDios tipalaijma hi'Hua LanDios. Maĵque laPoujna Jesucristo, iĵque i'epoxi xans. Lipajnta fa'a li'a lamats' cal rey David itatahuelo. ⁴ Jouc'a imujpoxi i'Hua LanDios. Imujpoxi ituca' lipicuejma', ailopa'a quixcay. Toĵta'a LanDios imetsaicopa i'Hua. Lijoupa limapa, LanDios i'epa al cueca', imaf'i'inapa. ⁵ Ma' iĵque laPoujna aĵpaxneponga', alapi'iponga' laipenic', illanc' ninc'apóſtole, epaluc' Jesucristo. Ni petſi lomana' lan xanuc' pe aimimetsaicoyi LanDios illanc' aĵpalaic'ocola' Jesucristo, lu'ila': “Tolapenufle Lataiqui' loya'apa iĕ al c'a lixp'ic'epa LanDios, tolihuejcoĕ”. ⁶ Jouc'a imanc' li'ipa aicolimetsaijma LanDios. Itsiya joupa olimetsaijma, Jesucristo joupa ijoc'ipolhuo'.

⁷ Iya' ninPablo quiniĕ'elhuo' imanc' noĵmana' jiĵpe al cuecaj quiĵya' Roma. Imanc' linca LanDios ti'elhuo' capic'a, ijoc'impolhuo' ti'itsolhuo' ma' i'huexi. LanDios ca'Ailli', y laPoujna Jesucristo, titoc'itsolhuo', tipaxnetsolhuo', tipac'e'etsolhuo' loĵpicuejma'.

⁸ Ate'a' cax'najtsi'i LanDios, iĵque lainenDios. Ma ca'nujuaitsilhuo' jahuay imanc' cax'najtsi'i li'e'epolhuo' Jesucristo, imanc' joupa oĵ'huaiyijmpá. Cax'najtsi'i ni petſi li'a lamats' tuya'anni, tipalaicolhuo' imanc' loĵ'huaiyijmpa. ⁹ Itine itine ca'nujuaitsilhuo' imanc'. Ma capalaic'o LanDios cami: “Totoc'itsola' iĵne laipimaye nomana' Roma”. LanDios ixina' ma' al linca iĕ laifmipolhuo'. Maĵque LanDios aiPoujna. Jahuay laipicuejma' ca'ay lanic' lalapi'ipa. Cuya'e' Lataiqui', loya'apa iĕ al c'a lixp'ic'epa LanDios. Maĕ Lataiqui' tipalaijma hi'Hua LanDios.

¹⁰ Ma capalaic'o LanDios caxahue'e, cami: “Lapi'ila' lane cahuenjntsola' lapimaye nomana' Roma. Ja'ni mouqui, ja'ni mouqui pitsu, ma lapi'ila' lane, ca'huala'. Aĵtoc'ila' cacuaitsi.” ¹¹ Acueca' cajanaca caxintsolhuo', catoc'itsolhuo'. Aipic'a tolapenufle xonca loĵpufxi, iĕ lalapi'iponga' cal Espíritu Santo. Tifa'e'etsolhuo' nulemma loĵpicuejma'. ¹² Iya' cacua: Imanc' y iya' aĵ'huaiyijnyi Jesucristo. Cacuaitsi jiĵpe aĵmajnta anuli. Aĵtoc'itsoltsi, aĵsc'ai'itsoltsi, lixp'i'itoĵtsi calata.

¹³ Cunc'aipimaye, ti'ila' coĵsina' aipic'a ca'huala' jiĵpe pe loĵmana', cahuejntsolhuo'. Axpe' cacuanc'e, aimi'i. Ocuenaye quiĵelolĵya' pe lomana' lan xanuc' a'ij judío joupa nu'ipola' Lataiqui' loya'apa iĕ al c'a lixp'ic'epa LanDios. Aitoc'ipola'. Itsiya aipic'a catoc'itsolhuo' imanc' jouc'a. ¹⁴ Iya' aixina' LanDios lummepa cu'itsola' Lataiqui' jahuay lan xanuc', iĵniya a'ij judío. Ja'ni lun griego, iĵne noxhupá acueca' o ja'ni ocuenaye lan xanuc' pe aimixhueyi; petſi acueca' quiĵpicuejma', petſi a'ij cueca' quiĵpicuejma', jahuay cu'itola'. ¹⁵ Toĵiya, juaiconapa cajanaca ca'huala' jiĵpe Roma, cu'itsolhuo' jouc'a imanc' iĕ Lataiqui'.

¹⁶ Iya' aicatay calaic'ata. Ni petſi lomana' lan xanuc' cu'itola' iĕ Lataiqui' loya'apa iĕ al c'a lixp'ic'epa LanDios. Petſi no'huaiyijmpá Lataiqui' jahuay iĵniya tixim'me acueca' lo'epa LanDios, iĵque tunĵu'e'mola'. Toĵta'a iximpá ate'a lan xanuc' judío, itsiya jouc'a tixinyi lan xanuc' a'ij judío, iĵne lun griego. ¹⁷ Jiĵpe Lataiqui' aĵsinyi te ts'iĵ'ic' iĵne petſi lapenufpola' LanDios, tixinnila' to ailopa'a quiĵjunac'. LanDios tepenufila' iĵniya no'epá linca linespa LanDios, iĵne pe ti'hua ti'huaiyijnyi, ma to micua al Paxi Liniſingiya loya'apa, ticua: Cal xans no'huaiyijmpa tulijta lipitine, LanDios iximpa to ailopa'a quiĵjunac', tepenufi.

18 ÑanDios Nopa'a lema'a jounpa ałmuc'iponga' tixtuc'ola' lixcay xanuc', iñe pe aimixpaic'eyi. İñiya jilpe liłpicuejma' iñsina' te ts'i'ic' al linca, iñsina' naitsi iłque ÑanDios. Tijoula' xonca iłpic'a ti'ele lixcay. Tołta'a tetets'iyi al linca, ti'eyołtsi to aiquiñsina'. 19-20 İñe lan xanuc' ti'i'ma timetsaico'me ÑanDios te ts'i'ic' li'ejma'. Fa'a li'a łamats' i'huáqui tipa'a ÑanDios. Małque timujyoxi. Tohiya iñiya no'epá quixcay aimi'iya minesyacu: “Aicałtaic' cajunac'. Aicañsina' naitsi ÑanDios.” Linca aimi'iya malahuelojnyacu ÑanDios. Lahuelojnyi lilanc'epa lopa'a li'a łamats'. Tołta'a limetsaicoyi iłque ma' anDios. Ma' iłque ticuxe, aimijouya licuxejma'.

21 İñe lan xanuc' lijoupa li'ipa quilñsina' naitsi ÑanDios aiquilimetsaijma anDios, aiquilcuac'. Aiquilñsina' naitsi'i. I'ipa muf liłpicuejma', tihuejyi ituca' cataiqui', iñe a'ij linca. 22 Ticuayi: “İllanc' acueca' lałpicuejma'”. A'ij linca iñe lonespa. I'e'epołtsi camac'ta. 23 İpai'i'mołtsi liłpicuejma', ipo'no'me ÑanDios. İłque ma' anDios, iłque ti'hua imaf'i', aimimaya. İñe tilanc'eyi lilendiosla', iñna'a lo'onłcospola' to lił'as xanuc' pe nomayacola'. Jouc'a tilanc'eyi lilendiosla' lo'onłcospola' to lacał'hui naiyulpá lema'a, jouc'a lo'onłcospola' to linneja, jouc'a lo'onłcospola' to lainofat'ł.

24 Li'ipa tołta'a ÑanDios enajpoxi pe lomana' iñe lan xanuc'. Ipo'no'mola' quilituca'. Ma tihuejle lojanajpa. Ti'ele nixpiya, tixhuicotsołtsi, tetets'itsołtsi. 25 İñe tifel'miyoltsi. Aimihuejyi ÑanDios, ma' iłque cal Nuli CanDios. Tihuejyi ocuenaye candiosla'. Texc'onłngolaiyi pe lilanc'empa, ticuayi: “İñe linca alandiosla'”. Aimihuejyi iłque Lilanc'epa jahuay. Ma' iłque laxc'onłngolai'me. Ocuenta ailopa'a. Ni itsiya ni Locuena Quitine mi'iya. Ma tołta'a ti'ila'. Amén.

26 İñe ipo'nopá quituca' ÑanDios. Lijou'ma iłque jouc'a enajpoxi, ipo'nopola' quilituca', tenant'ile liłxujc'a. Lacał'no' ipai'i'mołtsi li'ejma'. Aimi'eyi to jounpa lixplic'epa ÑanDios. 27 Jouc'a lan xanuc' ipai'i'mołtsi li'ejma', aimixhuicocona'me lacał'no'. Juaiconapa ijanaj'mołtsi, ixhuico'mołtsi lił'as xanuc'. Pangay nixpiya i'e'me. İñe linca timenaquila'. Lijou'ma itel'mi'mola' al cuana. İxingufco'me te ts'i'ic' latełcoya petsi no'epá tołta'a.

28 İñe ixpic'epá timenc'ecole ÑanDios, tohiya etelquemma liłpicuejma'. ÑanDios enajpoxi pe lomana' iñe lan xanuc'. Ipo'nopola' quilituca', ti'ele lixcay, ti'ele nixpiya. 29 Liłpicuejma' i'ipa ma le'a a'ijc'a. Tixpic'eyi ti'ele al xujc'a. Lan xanuc' tehueyi quilecał'no', jouc'a lacał'no' tehueyi quilxanuc'. Aimetenłcocola' lił'hueca, ti'hua tehueyi xonca. Tixpic'eyi ti'ele lixcay. Ti'ehualeyı laic'. Tima'ahualeyı. Tifulecoyi cataiqui'. Tifellaiqueyi. Tehueyi lo'e'eñyacola' lił'as xanuc', ti'entsola' quixcay. Tixahualeyı. 30 Tipalaicoyi quixcay cataiqui' lił'as xanuc'. ÑanDios tetets'ila' lo'epa iñna'a. Titalai'e'ecoyi quixcay lił'as xanuc'. Ti'e'eyołtsi tsila'. Titalaiyi atsila' cataiqui'. Tehueyi te xonca co'eyacu, ti'ele quixcay xonca. Aimicuec'eyi quil'ailli', quil'máma'. 31 Aiquiñsina' mixhuicoyi liłpicuejma'. Aimenant'iyi liłtaiqui' licupa. Aimi'nujuaisyi liłpimaye. Aimixinnila' acuanuc'la. 32 İñe iñsina' te ts'i'ic' al hijca lixplic'epa ÑanDios. İñsina' iłque tecani'e'mola' iñiya no'epá tołta'a. Tama iñsina' aimixpaic'eyi. Ma ti'hua ti'eyi nixpiya. Jouc'a tixojma quileta ja'ni locuenaye tihuej'me lixcay lo'epa.

2

1 İma' conxans nomecani'epola' lof'as xanuc', linca ima' jouc'a tipa'a lojunac'. Aimi'iya mocuanajcoyacoxi. Ma macani'ela' locuenaye jouc'a ima' ma' anuli to'ay quixcay. Tocua: “Linca ÑanDios titeł'mi'mola' iñe no'epá quixcay”, jilpe topalaicoyoxi ima' cotuca'. 2 Jounpa ałsina' ÑanDios ałijca titeł'mi'mola' lan xanuc' no'epá ilta'a lixcay, tecani'e'mola'. 3 İma' tacani'ela' lof'as xanuc' ma mo'ay quixcay. ¿Te cofcuapa? ¿Ja'ni tocua: “ÑanDios aimalteł'miya”? 4 O ¿ja'ni tatets'i ÑanDios mipalaic'ohuo'? İłque aimixtuc'ohuo', tixnet'łqui iñe lo'ejma'. ¿Te aicocueca iñe li'ejma' ÑanDios? İłque ipic'a toxhuej'menni, aimo'econa'ma quixcay. Toliya aimixtuc'ohuo'.

⁵ Linca, ima' aicocueca. Axna lopicuejma'. Aimoxhuj'memma. Ma mi'hua tuyaf'que lof'epa quixcay, jouc'a tuyaf'que xonca lipoyac' LanDios. Ticuaitsi al Cuecaj Quitine toxim'ma acueca' lipoyac' LanDios. Imanc' no'epá quixcay tofta'a toftsim'me. Itque cal Cuecaj Juez ti'e'ma al hñca. ⁶ Ma to li'epa lan xanuc' ma tofta'a ti'i'ma ite lapi'iyacola' LanDios. ⁷ Timana' ihniya nonespá: “Tilajnlá' laipicuejma', ti'itá' to lopicuejma' LanDios. Alimet-saicotsonga' to ixanuc'. Lapenuftsonga', almajntsa anuli pu'hua, aimatmaconnonga'.” Petsi tofta'a nonespá ti'eyi al c'a, aimixospola'. LanDios tepi'i'mola' al ts'e lihpitine, ite aimijouya. ⁸ Ituca' lapenufyacu itne naihuejpa' quiltuca' lojanajpa, itne aimihuejyi al Linca Cataiqui'. LanDios tixtuc'o'mola', titef'mi'mola'. Acueca' lipoyac' LanDios tixim'me ihniya. ⁹ Jahuay ihniya no'epá lixcay titefco'me acueca', acuecaj quixhujma' tixinguf'me. Linca tofta'a lo'enyacola' lan xanuc' judío jouc'a locuenaye xanuc'. ¹⁰ Petsi no'epá al c'a, LanDios timetsaicotola' joupa ilajmpa lihpicuejma'. I'ipa to lopicuejma' LanDios. Timetsaicotola' ixanuc'. Aimixhuc'coconayacu. Tofta'a linca lo'iyacola' lan xanuc' judío jouc'a locuenaye xanuc'.

¹¹ LanDios tixinnila' anuli jahuay lan xanuc'. Ja'ni ajudío, ja'ni locuenaye xanuc' LanDios tixinnila' anuli. ¹² Timana' lan xanuc' ailopa'a quijje'e loya'apa locuxepa LanDios. Itne tama aiquitsina' te loya'apa ite al je'e, ja'ni ti'eyi quixcay LanDios tecani'e'mola'. Pe ts'itsina' ite al je'e, ja'ni ti'eyi quixcay LanDios timi'mola': “¿Te aicolihuejcojma ite liniliya loya'apa laifcuxe'epolhuo'?” Ihniya jouc'a tecani'e'mola'. ¹³ LanDios aimepenufyacola' itne petsi ma le'a tiquimf'eyi Litaiqui' locuxepa. Tepenuf'mola' itne no'epá locuxepa. Itne aimicuxecoyacola', tixim'mola' to lan c'a xanuc'. ¹⁴ Lan xanuc' pe a'ij judío, itne petsi ailopa'a quijje'e loya'apa locuxepa LanDios, ja'ni ti'eyi locuxepa LanDios timujyotsti joupa itsina' te ts'i'ic' al c'a. ¹⁵ Timujyotsti itsina' te ts'i'ic' locuxepa LanDios, jilpe lihpicuejma' inilingiya. Quiltuca' ticuxeco'motsti o ticuanajco'motsti. Itne quiltuca' itsina' ja'ni a'ijc'a o ac'a lo'epa. ¹⁶ Itsiya lan xanuc' temiyi lixcay lo'epa. LanDios joupa epi'ipa limane Jesucristo, itque cal Juez. Ticuaitsi al Cuecaj Quitine itque ti'huac'ina'ma jahuay, ti'huájta. Tofta'a tuya'e' Lataiqui' loya'apa ite al c'a lixp'ic'epa LanDios, mafta lataiqui' laifmuc'iyalepa iya'.

¹⁷ Itsiya capalaic'o'mo' ima' lofcuapa: “Iya' ninjudío. LanDios lapenuf'ma. Iya' linca aixina' locuxepa LanDios. Iya' linca quihuequi cal Linca CanDios.” ¹⁸ Tocua: “Aixina' lixp'ic'epa LanDios. Aixina' te ts'i'ic' al c'a xonca. Almuc'impá locuxepa LanDios, joupa cacuec'e. ¹⁹ Ma' iya' nipajnya caxat'mola' lan fohue, itne pe aiquitsina'. Al'onfcospa to anuli lepalc'o', nipajnya culif'e'mola' ihniya petsi amuf lihpicuejma'. ²⁰ Nipajnya camuc'i'mola' lamac'ta xanuc'. Iya' linca nomxi. Nipajnya camuc'i'mola' la'úhuay. LanDios joupa lu'ipa te ts'i'ic' locuxepa. Tofta'a acueca' laipicuejma'. Ma' iya' aixina' al Linca Cataiqui'.”

²¹ Ima' nofcuapa tofta'a, iya' quicuis'ehuo', camihuo': Ima' tomuc'ila' lof'as xanuc', ¿te ima tomuc'iyoxi cotuca'? ¿Te taihuic'i jouc'a ite lofmuc'iyalepa? Ima' toya'e', tocua: “Aimonantse'ma”. Ima', ¿ja'ni tonantse? ²² Ima' tocuxeyale, tocua: “Aimoxhuico'ma hipeno ocuena cal xans”. ¿Ja'ni ima' toxhuijma hipeno ocuena cal xans? Ima' taixtuc'ola' landiosla'. ¿Ja'ni taxic'e'ela' jilpe lihxoute'? ²³ Ima' tocua: “LanDios, linca alu'iponga' locuxepa illanc' ninc'ijudío”. ¿Ja'ni ima' taihuequi locuxepa LanDios? O ¿tatets'i LanDios, aimaihuequi ite Litaiqui'?” ²⁴ Al Paxi Linilingiya tuya'e':

Imanc' unc'ijudío: Lan xanuc' petsi a'ij judío tixinnilhuo' ixcay lonf'epa, tofta'a aimixpaic'eyi lolanDios, tipalaicoyi quixcay.

²⁵ Ima' unjudío i'e'empo' circuncidar. Lopixic' itaic' liseña loya'apa ima' i'huexi LanDios. Ne', ja'ni ima' to'ay locuxe'epo' LanDios, ite loseña tuya'e' al linca, ima' ma' i'huexi LanDios. Ja'ni aimo'ay locuxepa LanDios, itque tixim'mo' ma' anuli to locuenaye xanuc', itne petsi lihpixic' aiquit'itac' quifseña. ²⁶ Cal xans pe ailopa'a quiseña jilpe lipixic', ja'ni itque no'epa al c'a to locuxepa LanDios, ¿te aimimetsaicoya? Linca, tama ailopa'a quiseña LanDios timetsaico'ma. ²⁷ Petsi aiquitaic' quiseña jilpe lipixic', itque linca tulij'mo' ima'. Xonca ihuequi locuxepa LanDios. Ima' tixoquei meta otaic' loseña jilpe lopixic', LanDios

joupa u'ipo' te ts'i'ic' locuxepa. Oxina' petsi liniliya, tijoula' aimaihuejma. Itque pe aiquitaic' quiseña tocomma tecani'e'mo' ima'.

²⁸ Lan xanuc' ja'ni ma le'a i'huáquila' ajudío ihniya a'i quixanuc' LanDios. Jouc'a tama i'empola' circuncidar, ja'ni ma le'a jilpe lipixic' itaic' quiseña, LanDios aimimetsaicola'.

²⁹ Petsi aínca ixanuc' LanDios ihniya itaic' liseña ma jipu'hua hilunxajma', ituca' li'ejma'. Ihe a'i ma le'a tenant'iyi ile lataiqui' loya'apa: "To'e'etsoltsi circuncidar". Ai. Jahuay hilunxajma' tihuejcoyi jahuay locuxepa LanDios. Lan xanuc' no'epá tohta'a, tama aimimet-saiconnila', LanDios timetsaicola'. Ihniya aínca ixanuc' LanDios.

3

¹ Itsiya aga altalai'e'ma, ałmi'ma: "Ja'ni LanDios tepenufila' ihe lan xanuc' petsi aiquitaic' quiseña jilpe lipixic', illanc' ninc'judío ¿te quipenic' ile laseña? ¿Te xonca lapi'inga' LanDios?" ² Iya' camihuo': LanDios acueca' lapi'iponga' illanc' ninc'judío, xonca acueca' lalpaxneponga'. Ate'a ummenc'ipola' litaiqui' lahtatahueló ti'ete cuenna. ³ Linca hualca ihniya ipai'i'moltsi lipicuejma', aiquilihuequi. ¿Te co'iyá? ¿Te ja'ni LanDios linespa: "Ihe aiquilihuequi, iya' jouc'a capai'i'ma ile litaiqui' laicupa"? ⁴ Ai. Tohta'a aimi'iyá mi'iyá. Tama jahuay tipai'itsołtsi lipicuejma', tifellaiquele, LanDios a'i tohta'a li'ejma'. Itque aimipai'iyá litaiqui' licupa. Tohta'a loya'apa al Paxi Linilingiya tuya'e':

Tixinintso' ma ac'a lofcuapa.

Lan xanuc' nonespá: "A'ij hijca lo'epa LanDios", tomuc'i'mola' ihniya a'ij hijca lo'epa, tolij'mola'.

⁵ O, ¿te ałmi'ma: "Illanc' ma ma'eyi al xujc'a, ja'ni tohta'a xonca i'húaqui ac'a li'ejma' LanDios, ¿te calixtuc'ocoyaconga' itque? ¿Te całtel'micoyaconga'? A'ijc'a lipicuejma' LanDios. Aimi'ay al hijca"?

(Laifnespa tohta'a capalay ma to anuli naihuejpa quituca' lipicuejma'.) ⁶ Ai. Tohta'a aimi'iyá małnesyacu. Ja'ni coła' a'ij hijca lo'epa LanDios coła' aimi'iyá mu'iyacola' lan xanuc' ja'ni ac'a o a'ijc'a lo'epa ihniya. Coła' aimi'iyá miteł'miyacola'.

⁷ O ima' tocuá: "Iya' laifellaiqueya ti'ay canic'. Ma cafellaique tixim'me a'ij tohta'a lipicuejma' LanDios. Tixim'me ituca' itque lipicuejma'. Itque aimifellaique, tinesqui ma' al linca. Tijoula', ¿te co'icopa aimetenłma ile laif'epa quixcay? ¿Te calacani'ecoya?" ⁸ Ja'ni tohta'a lałnespa najmay jouc'a ałnesle: "A'ete nixpiya, tohta'a tipammaispa al c'a". Linca hualca ałnesconga' ticuayi: "Pablo y lilejmale tole tole lonespa". Ai tohta'a lałcuapa. Pe lałnescoponga' tohta'a ihe quilituca' tecani'eyołtsi.

⁹ Itsiya, ¿te co'iyá? ¿Te illanc' ninc'judío LanDios xonca limetsaiconga' to ninc'ic'a xanuc'? Ai. Joupa alcuapá: Ja'ni ninc'judío, ja'ni a'ij judío, jahuay ma' anuli ał'epá quixcay. Aimi'iyá malunł'eyacołtsi. ¹⁰ Tohta'a ticuá al Paxi Linilingiya loya'apa: ¿Te tipa'a anuli cal xans ałijca lipicuejma'?

Ai, ailopa'a ni' anuli.

¹¹ Ma' anuli aimicuec'eyi, ma' anuli aimehueyi LanDios.

¹² Jahuay enajpołtsi, aimihuejyi LanDios, ma' anuli ejac'pola'.

Ma' anuli ailopa'a cal c'a quipicuejma'.

¹³ Liłco ti'onłcospa to liłpu'hua camizhua lexiya, jilpe tipamma ma le'a al xujc'a. Tohta'a liłtaiqui' lopalaipa ihniya.

Liłpał tinescoyi lixcay lił'as xanuc', tifellaiqueyi.

Małpe liłco tocomma to emiya lipummaya łainofał.

¹⁴ Juaiconapa cumla liłtaiqui' lopalaipa, ticuajyi lił'as xanuc', tecanitsola'.

¹⁵ Aimixnet'lyi, tixtuc'oyi lił'as xanuc', iłpic'a tima'ahualele.

¹⁶ Ni petsi lotseyacu titeł'miyi lił'as xanuc',

tipo'noyi cuanuc'la, ti'onłcospola' to lecaniya.

¹⁷ Ihe ma le'a tixtuleyi, tifuleyi, aiquisina' ocuena cane, ile al c'a.

18 Aimixpaic'eyi ËanDios ni tołta'a.

19 Tołta'a loya'apa litaiqui' ËanDios inilingiya al je'e pe liniliya locuxepa ËanDios. Joupa ałsina' naitsi ilne lopalaicopola' ËanDios, jilpe al je'e. Tipalaicola' ma ilniya pe lepi'ipola' ilta'a quijje'e. (Cacua: Illanc' ninc'ijudío ałpalaiconga'.)

Ailopa'a notalai'e'eya ËanDios. Aimi'iya micuanajcoyacołtsi, ni' anuli. Aimi'iya małcuanajcoyacołtsi illanc' ninc'ijudío, jouc'a aimi'iya micuanajcoyacołtsi imanc' unc'ocuenaye xanuc'. Jahuay nałmana' jifa'a li'a łamats' tipa'a lałjunac'. 20 Aimi'iya małnesyacu: “Nenant'łipa locuxepa ËanDios. Ilque ałsim'ma ninc'a xans, lapenuf'ma.” A'i. Ailopa'a nonesya tołta'a. Ille lataiqui' loya'apa locuxepa ËanDios ałmuc'inga' te ts'i'ic' al c'a lałeyacu. Limetsaicołe tołta'a te ts'i'ic' lał'epa, ille aimi'onłspa to loya'apa locuxepa ËanDios.

21 Itsiya, ja'ni aimi'iya malanant'łiyacu locuxepa ËanDios, ¿te co'iya? Ja'ni lapenuft-songa' ËanDios to ailopa'a całjunac', ¿te cał'eyacu? Ille lał'eyacu joupa uya'apa lataiqui' loya'apa locuxepa ËanDios. Jouc'a uya'a'me lam profeta. Itsiya ËanDios joupa imujpa xonca al cuajmaica cataiqui'. 22 Petsi no'huaiyijmpá Jesucristo ilniya liximpola' ËanDios to ailopa'a quijjunac', tepenufla' jahuay ilniya. Ja'ni ajudío, ja'ni a'ij judío, ma' anuli ticuicomma ti'huaiyijnle Jesucristo. 23 Jahuay ał'epá quixcay. Ailopa'a cal xans le'a ac'a lipicuejma'. Lałpicuejma' aimi'onłspa to lipicuejma' ËanDios, ilque pangay ac'a lipicuejma'. Jahuay illanc' lahue'enga'. Tołiya cacua: Ticuicomma jahuay ma' anuli ał'huaiyijnle Jesucristo.

24 Illanc' caltuca' ailopa'a cał'eyacu. Aimi'iya malunlu'eyacołtsi, coła' lacani'e'monga' ËanDios. Małque ËanDios acueca' ałtoc'iponga' jahuay illanc' nał'huaiyijmpá Jesucristo. Lapenufponga' to ailopa'a całjunac', lunlu'eponga'. 25 Ilque Jesucristo ma ËanDios um-mepa li'a łamats' titsufcoxoxi. Ixcuajaipa lijuats' tipac'eła' lipoyac' ËanDios. Tołta'a ilne no'huaiyijnyacu Jesucristo ËanDios tixim'mola liłejmale. Ille litine lixcuajaipa Cristo lijuats' ËanDios imuj'ma titeł'mi'mola' no'epá al xujc'a. Luyaipa quitine ËanDios ixnet'ł'mola' lan xanuc' no'epá lixcay. Jilpe lancruz i'epa al łijca, ilic'mipa lałjunac'. Jahuay liłjunac' lan xanuc' i'najtsepa Cristo. 26 Iya' cacua: Ille li'łpa jilpe lancruz ałmuc'inga' ałijca lo'epa ËanDios. Ilque imuj'moxi to cal Juez nanaic'mipola' no'epá lixcay. Jouc'a imuj'moxi tepenuf'mola' jahuay no'huaiyijmpá Jesucristo. Tepenufla' to ailopa'a quijjunac'. Cristo joupa i'najtsepa.

27 Itsiya, ¿te co'iya? ¿Te ja'ni xonca ałsinyołtsi ninc'ic'a xanuc'? A'i. Aimi'iya. ¿Te ja'ni ate'a ał'epá al c'a, lijou'ma ËanDios lapenufponga'? A'i. Ma le'a ał'huaiyijmpá Jesucristo, tołta'a lapenufinga' ËanDios. 28 Itsiya ałsina' te ts'i'ic' lo'epa ËanDios. Ilque aimepen-ufyacola' lan xanuc' pe nanant'łipá locuxepa. Lan xanuc' aimi'iya menant'łiyacu. Tepenuf'mola' petsi no'huaiyijmpá Jesucristo.

29 O ¿ja'ni ËanDios ma le'a ilenDios lan judío? Ilne ilsina' te ts'i'ic' locuxepa. ¿Ja'ni a'i quilenDios locuenaye lan xanuc'? Ilne aiquilłsina' te ts'i'ic' ille lataiqui'. Ałınca, ËanDios ilenDios locuenaye xanuc' jouc'a. 30 Tipa'a ma le'a anuli ËanDios. Lan judío, ilne iltaic' liłseña jilpe liłpixic', ja'ni ti'huaiyijnle Jesucristo, ËanDios tepenuf'mola'. Ma' anuli locuenaye lan xanuc' pe ailopa'a quilłseña, ilne ja'ni ti'huaiyijnle Jesucristo, ËanDios tepenuf'mola' jouc'a. 31 Lałcuapa tołta'a, ¿ja'ni latets'iyi locuxepa ËanDios? A'i. Aimi'iya malatets'iyacu ille lataiqui'. Ille itaiqui' ËanDios. Illanc' mał'huaiyijnyi Jesucristo xonca alimetsaicoyi ac'a locuxepa ËanDios, xonca lanant'łiyi.

4

1-3 ¿Te qui'łpa lałtatahuelo Abraham? ¿Te quicuec'epa? ¿Te ilque quituca' i'epa al c'a, lijou'ma ËanDios epenufpa to ailopa'a quijjunac'? Ja'ni coła' tołta'a li'łpa Abraham, ilque tines'ma: “Iya' joupa ai'epa al c'a, tołiya lapenuf'ma ËanDios, ałsim'ma to ailopa'a caijunac'”. ËanDios ixina' Abraham aimi'iya minescoyacoxi tołta'a. Al Paxi Linilingiya ¿te aga tuya'e': “ËanDios iximpa ac'a li'epa Abraham, tołiya epenuf'ma to ailopa'a quijjunac'”?

A'i. Aimuya'e' tołta'a. Ma tuya'e': "Abraham i'huaiyijmpa ŁanDios, tołta'a ŁanDios iximpa to ailopa'a quijunac', epenuf'ma".

⁴ Cal xans no'epa canic' tulij'ma lo'najtse'enyacu. Ja'ni ailopa'a qui'epa aiquitaiy-inc'enni. Ja'ni iłpic'a titoc'ile, ti'najtse'enle, ti'najtse'e'me. Ja'ni a'i ailopa'a tintsi. ⁵ Tołta'a lo'iya cal xans nocuapa: "Tama ca'eł'a' acueca' canic' aimi'iya canant'hiya locuxepa ŁanDios. ¿Te caif'eya? Le'a ca'huaiyijm'ma ŁanDios." Lan xanuc' nocuapá tołta'a, iłne no'huaiyijmpá, ŁanDios titoc'ila', tepenufila' to ailopa'a quijunac'.

⁶ Ma tołta'a lonespa cal rey David mipalaijma al c'a loyaicopa cal xans petsi ŁanDios titoc'i, tepenufi to ailopa'a quijunac'. ⁷ Ticua:

Tuyalaicoyi al c'a iłne petsi ŁanDios iłonc'e'epola' liłjunac', petsi letamu'epola' li'epa lixcay.

⁸ Ac'a loyaicopa cal xans petsi ŁanDios aimicuxecoya, aimimiya: "Tołe, tołe lixcay lo'epa".

⁹ Ninc'ixanuc' judío, illanc' ałtaic' lałseña jilpe lałpoxic', ¿te ja'ni ma le'a illanc' tołta'a luyalaicoyi al c'a? ¿Te aimi'iya muyalaicoyacu al c'a locuenaye xanuc' jouc'a? Toł'nujuaisle te ts'i'ic' li'ipa Abraham. Joupa ałnespá: "Abraham i'huaiyijmpa ŁanDios, tołta'a ŁanDios iximpa to ailopa'a quijunac', epenuf'ma". ¹⁰ Litine ŁanDios lepenufpa Abraham, ¿te ts'i'ic' iłque? ¿Ja'ni itaic' liseña jilpe lipixic'? O, ¿aiquitaic'? Litine ŁanDios lepenufpa Abraham iłque aiquitaic' liseña. Aiquetec'enni lipixic'. ¹¹ Ate'a i'huaiyijmpa ŁanDios, lijou'ma ŁanDios icuxe'e'ma, timi: "To'exoxi circuncidar". Iłque letec'e'em'me lipixic' imuj'moxi ti'huaiyinge ŁanDios. Iłque joupa epenufpa Abraham to ailopa'a quijunac'. Tołta'a ŁanDios imetsaico'ma Abraham to ił'ailli' lan xanuc' no'huaiyijmpá, tama aiquitaic' quılseña jilpe liłpoxic'. Ja'ni ti'huaiyijnyi to li'huaiyijmpa Abraham, ŁanDios timetsaicoyi inaxque' Abraham, tepenufila' to ailopa'a quijunac'. ¹² Jouc'a iłniya lo'empola' circuncidar ti'i'ma ti'itsola' inaxque' Abraham. Iłque ai'a ti'e'moxi circuncidar i'huaiyijmpa ŁanDios. Ja'ni ti'huaiyijnyi ma ŁanDios, ja'ni a'i mi'huaiyijm'me li'epołtsi circuncidar, iłniya jouc'a inaxque' lałtatahuelo Abraham.

¹³ ¿Te ja'ni ŁanDios joupa iximpa Abraham lenant'hipa locuxe'epa? ¿Te tołiya limipa te ts'i'ic' loyalaicoyacu iłniya, iłque y lixanuc'? A'i. Abraham le'a i'huaiyijmpa ŁanDios, i'epa linca limipa. Tołta'a ŁanDios epenuf'ma to ailopa'a quijunac', u'ipa: "Ima' ti'i'mo' to quıl'ailli' iłne nocuxeyaleyacu fa'a li'a łamats'. Tołta'a tonł'e'me imanc', ima' y loxanuc'."

¹⁴ ¿Naitsi iłne nocuxeyaleyacu jifa'a li'a łamats'? ¿Te ja'ni ŁanDios tipalaicola' naihuejpa lataiqui' loya'apa locuxepa? A'i. Ja'ni ŁanDios tipalaicola' iłniya, Abraham coł'a' ailopa'a colijya tama i'huaiyijmpa ŁanDios. Litaiqui' ŁanDios lepi'ipa Abraham coł'a' aimentant'hiya, coł'a' iłiya infel'miyale lataiqui'. ¹⁵ Linca aimi'iya małnesyacu: "Lanant'hi'me locuxepa ŁanDios. Tołta'a lapi'i'monga' ma to limipa Abraham." Ja'ni tołta'a lałnesyacu ailopa'a calapi'iyaconga'. Litaiqui' locuxepa ŁanDios ałmuc'inga' a'ijc'a lał'epa, tipa'a lałjunac'. Ja'ni ailopa'a iłe Lataiqui' ŁanDios aimi'iya małcuxecoyaconga'.

¹⁶ Cacia: ŁanDios icupa cataiqui' tipaxne'mola' iłne no'huaiyijmpá. A'i quicuac': "Iłniya i'epá al c'a ca'najtse'e'mola'". Ma ticua: "Iłniya ał'huaiyijmpa, catoc'i'mola'". Tołta'a jahuy lixanuc' Abraham ti'i'ma tepenuf'me iłe lopaxneyacola'. A'i ma le'a iłne petsi lepi'ipola' lataiqui' loya'apa te ts'i'ic' licuxepa ŁanDios, jouc'a tepenuf'me locuenaye xanuc' ja'ni ti'huaiyijnyi ŁanDios to li'huaiyijmpa Abraham. Małque Abraham ał'ailli' jahuy illanc' nał'huaiyijmpá ŁanDios. ¹⁷ Tołta'a loya'apa al Paxi Linilngiya, tuya'e':

Ima', axpela' lan xanuc' timetsaico'mo' ił'ailli', ił'ahuelo; iłne ituca' ituca' liłnación.

Iłe litine tama quituca' Abraham, ailopa'a qui'hua, ŁanDios liximpa ił'ailli' axpela' lan xanuc'. Linca ŁanDios ti'i'ma timaf'i'ina'mola' limanapola'. Iłque tipalaicola' lan xanuc' ai'a timajnlita, tinescola' to jipu'hua timana'. Ma tołta'a li'ejma' ŁanDios li'huaiyijmpa Abraham. ¹⁸ Litine ŁanDios lipvalaic'opa, Abraham tixinyoxi aimi'iya muyaicoya to limipa ŁanDios. Tama tołta'a lixina' ma' i'huaiyijmpa ŁanDios, ticua: "Ma ca'huaico'ma.

ŁanDios nipajnya ti'e'ma to łamipa.” Tołta'a li'ipa. Ixpe'mola' lixanuc' Abraham, ma to limipa ŁanDios. I'ipola' axpela' lixanuc' Abraham, ituca' ituca' łinaci3n; itque it'ailli'.

¹⁹ Abraham imetsaicoyoxi te ts'i'ic'. Itque joupa ixhuaita to amaxnu łemats'. Ti'onłcospa to cal xans joupa imapa. Jouc'a imetsajma Sara te ts'i'ic'. Itque łipeno ijuiqui caca'no'. Tama ixina' jahuay itta'a Abraham ti'hua ti'huaiyinge ŁanDios. ²⁰ Aiquinesqui: “Aga a'ij linca ŁanDios łamipa. Aica'huaiyijnconaya.” Xonca ti'huaiyinge ŁanDios. Imetsaicopa acueca'. ²¹ Ixina' alinca ŁanDios nipajnya ti'e'ma to limipa. Tołta'a ti'hua ti'huaiyinge. ²² ŁanDios liximpa li'huaiyijmpa epenuf'ma to ailopa'a quijunac'.

²³ Ite łataiqui': “ŁanDios epenuf'ma to ailopa'a quijunac'”, tipalaicola' axpela', a'i ma le'a Abraham. ²⁴ Alłpalaiconga' jouc'a illanc' nal'huaiyijmpa ŁanDios. Illanc' alcuayi: “Alinca ŁanDios imaf'i'inapa łalłPoujna Jesús, ipa'anapa pe lomana' lamizhua”. Ja'ni tołta'a al'huaiyijnyi ŁanDios, itque łapenufinga' jouc'a. Alsinninga' to ailopa'a calłjunac'.

²⁵ Illanc' linca aical'aic' locuxepa ŁanDios. ŁanDios icupa łalłPoujna Jesús tima'anłe, ti'najtse'ma łalłjunac'. Jesús lijoupa li'najtsepa, imapa, ŁanDios imaf'i'inapa. Tołiya ŁanDios ti'i'ma łapenuf'monga' illanc', łapenuf'monga' to ailopa'a calłjunac'.

5

¹ Itsiya al'huaiyijnyi Jesucristo, itque łalłPoujna. Tołta'a ŁanDios łapenufinga' to ailopa'a calłjunac', aimalixtuc'oconayaconga'. ² Ma' itque Jesús i'najtsepa łalłjunac'. Tołiya ŁanDios alłoc'inga', łapenufinga', aimalacani'eyaconga'. Tixoqui calata alcuayi: “Alłaitsufcotonga' jipu'hua, alłpai'itonga', al'itonga' pangay c'a łalłpicuejma', ma to ŁanDios łipicuejma'”.

³ A'i ma le'a tixoqui calata al'huaicoyi alłaitsufcotonga' jipu'hua, ma małmana' fa'a li'a łamats' ja'ni alłtelcoyi alł'najtsi'iyi ŁanDios, alcuayi: “Ac'a luyalaicoyi”. Alłsinyi ma małtelcoyi lihuic'i'me alłsnet'ł'me. ⁴ Ja'ni alłsnet'łyi tetenłcocojma ŁanDios ite łalłejma'. Ja'ni alłsina' joupa etenłcocopa ŁanDios ite łalłejma' xonca al'huaiyijm'me ŁanDios, alłcua'me: “Linca alłaitsufcotonga' jipu'hua”. ⁵ Alinca ti'i'ma al'huaiyijm'me tołta'a. ŁanDios aimalfel'miyaconga', alłaitsufcotonga'. Itque joupa alłmuc'iponga' al'enga' capic'a. Tołta'a lu'inga' jilpe łalunxajma' cal Espłritu Santo łalłapi'iponga' ŁanDios.

⁶ Illanc' aicalihuejma ŁanDios. Litine lixpicepa ŁanDios tima'anłe Cristo, ti'najtseł'a ite łalłjunac', ma tołta'a li'ipa. Cristo aical'huaiconga' malunł'eyacołtsi illanc' calłuca'. Itque ixina' aimi'iya malunł'eyacołtsi. ⁷ Ja'ni lunł'e'me anuli łalł'as xans, itque alłijca łipicuejma', łte alłcu'me łalłpitine lunł'e'te itquiya? Linca tama juaiconapa ac'a łipicuejma' łalł'as xans, afule małcuyacu łalłpitine. ⁸ ŁanDios ituca' li'ejma', aimal'onłiyaconga' to illanc'. Illanc' ma mał'eyi quixcay Cristo icupoxi tima'anłe, i'najtsepa łalłjunac'. Tołta'a ŁanDios alłmuc'inga' alinca al'enga' capic'a. ⁹ Jilpe łancruz, lixcuajaiyopa lijuats' Cristo i'najtsepa łalłjunac'. Tołta'a ŁanDios łapenufinga' to ailopa'a calłjunac'. Tijouł'a, łte co'iya? łTe łapi'icona'monga' łalłjunac' anuli locuenaye no'epa quixcay, itne petsi aimi'huaiyijnyi Jesucristo? A'i. Lunł'e'monga' nulemma. ¹⁰ Illanc' alłfuli'ipá ŁanDios, itque jouc'a alłfuli'iponga'. Mi'i tołta'a łi'Hua icupoxi tima'anłe, al'etsonga' alłejmalełe ŁanDios. Itsiya ma tołta'a i'ipa, illanc' alłejmale ŁanDios. Tijouł'a, łte co'iya? łTe aimalunł'eyaconga'? Cristo joupa imaf'inapa, joupa łapi'iponga' al ts'e łalłpitine, linca lunł'e'monga'. ¹¹ A'i ma le'a al'huaicoyi Locuenaj Quitine lunł'etsonga'. Ma' itsiya tixoqui calata al'huaiyijnyi ŁanDios. ŁalłPoujna Jesucristo joupa ipac'epa łipoyac', ma' itsiya alłejmale anuli.

¹² Al xujc'a łopa'a li'a łamats' icuai'e'ma fa'a anuli cal xans. Icuaiti al xujc'a ipango'ma i'i'ma lamaya. Jahuay lan xanuc' i'e'me al xujc'a, tołta'a jahuay tixinyi lamaya. ¹³ Linca, itniya łitiné ŁanDios tama iximpola' lixcay lo'epa lan xanuc' aimicuxecola'. Aimi'iya. Itniya łitiné aicu'ila' łitaiqui' locuxe'epola' lo'eyacu. Tołta'a aimi'iya micuxecoyacola' petsi aimentant'łiyi. ¹⁴ Litiné ai'a tepenuf'ma Moisés łitaiqui' locuxepa ŁanDios, jahuay itne łitiné ti'hua lamaya. Ti'hua limane titeł'mi'mola' lan xanuc'. Tołta'a li'ipola', tama lixcay li'epa a'ij nuli to li'epa Adán, itque aiquihuejma lixc'ai'ipa ŁanDios. Li'epa Adán acueca'

li'e'epola' lan xanuc'. Toŧta'a iŧque Adán ti'onŧcospa to ŧocuena cal xans ŧocuaicoya. Iŧque acueca' al c'a lo'e'eyacola'.

¹⁵ Linca, tama acueca' a'ijc'a li'epa Adán aimi'iyá mi'onŧiyacu iŧe laŧpaxneponga' LanDios. Li'ipa, anuli cal xans, iŧque Adán, aiquihuejma LanDios. Toŧta'a acueca' li'ipola' lan xanuc'. Axpela' timanala'. Lijou'ma xonca acueca' iŧe al c'a li'epa LanDios. Iŧque ixpic'epa tipaxnetsola' lanxpela'. Ma' anuli lixpíc'epa Jesucristo. Toŧta'a iŧque aŧtoci'iponga' ninc'xpela'. ¹⁶ Iya' cacua: Laŧpaxneponga' LanDios tipammaispa al c'a juaiconapa. Lixcay li'epa Adán ipammaitsi jouc'a, iŧe a'ijc'a. Toŧta'a aimi'onŧspola'. Adán anulemma aiquihuejma LanDios. Lijou'ma LanDios imetsaico'ma a'ijc'a li'epa Adán, ecani'epa, jouc'a ecani'epola' jahuary lan xanuc'. Illanc' axpe' aicalihuejma LanDios, iŧque aicalacani'enga', lapenufinga' to ailopa'a caŧjunac'. ¹⁷ Li'ipa, anuli cal xans i'epa lixcay, lijou'ma epi'impa quimane lamaya, i'huajco'mola' jahuary. Itsiya acueca' juaiconapa aŧtoci'iponga' LanDios, aŧ'eponga' al cueca' al c'a, lapenufponga'. Tijouŧa', ¿te caŧ'iyaconga'? ¿Te ja'ni lamaya lulij'monga' jouc'a? A'i. Aimalulijyaconga' lamaya. Ōocuena cal xans, iŧque Jesucristo, joupa lapi'iponga' al ts'e laŧpitine.

¹⁸ Anulemma ne'a Adán aiquihuejma lixc'ai'ipa LanDios, lijou'ma lan xanuc', jahuary iŧniya, ecanipola'. Ōocuena cal xans ixhuai'nipa nulemma locuxepa LanDios, toŧta'a jahuary nipajnya tepi'im'mola' al ts'e liŧpitine. LanDios nipajnya tepenuf'mola' to ailopa'a quijunac'. ¹⁹ Anuli cal xans aiquihuejma lataiqui' lixc'ai'ipa LanDios, lijou'ma i'ipa ixcay liŧpicuejma' axpela' lan xanuc'. Ōocuena cal xans ihuejcopa jahuary licuxe'epa LanDios, toŧiya axpela' ti'i'mola' ac'a xanuc'.

²⁰ Ma mi'eyi lixcay lan xanuc' LanDios u'ipa Moisés te ts'i'ic' litaiqui' locuxepa. Toŧta'a ti'eŧe xonca al cueca', xonca tihuejle lixcay. Lijou'ma petŧi lan xanuc' xonca aimihuejcoyi, xonca itoc'i'mola' LanDios, xonca acueca' al c'a li'epola' iŧque. ²¹ Toŧiya tama lixcay ti'hua tuliquila' lan xanuc', timala' joupa ecanipola', xonca acueca' aŧtoci'inga' LanDios. Jesucristo, iŧque pangay ac'a li'epa, pangay ac'a lipicuejma', lapi'inga' laŧpitine aimijouya. Toŧta'a aimalulijyaconga' nulemma lamaya.

6

¹ Itsiya, ¿te caŧnesyacu? ¿Te aga aŧnes'me: “LanDios aŧtoci'iponga', joupa lapenufponga'. Najmay ti'hua aŧ'eŧe lixcay. Toŧta'a ti'hua aŧtoci'iconatsonga', ti'ila' xonca acueca' laŧtoci'iyaconga'”? ² A'i. Toŧe aimi'iyá maŧnesyacu. Li'ipa, ma maŧ'eyi lixcay, ¿te lulijyi laŧpitine o a'i? Laŧ'epa lixcay ma lacani'eponga'. ¿Ja'ni ma' anuli aŧ'econa'me? A'i. Aimi'iyá.

³ Illanc' naŧ'huaiyimpá, ja'ni joupa lapo'imponga' joupa aŧ'epoŧsi anuli Cristo, iŧque limayopa jilpe lancruz. O ¿ja'ni aicoŧsina' te ts'i'ic' iŧe li'ipolhuo'? ⁴ Limapa Cristo emumpa. Jilpiya laja' tocomma lamumponga' jouc'a, aŧmaponga'. Iŧe laŧ'iponga' ti'onŧcospa to li'ipa Cristo. Iŧque lijoupa limapa imaf'i'inapa qui'Ailli', iŧque cal Cuecaj CanDios. Illanc' jouc'a lapi'iponga' al ts'e laŧpitine, ti'ila' ituca' laŧ'ejma'.

⁵ Ja'ni aŧinca aŧmaponga' anuli Cristo, anuli mipa'a laŧpitine. Cristo aimijouya lipitine. Illanc' laŧpitine jouc'a aimijouya, iŧe al ts'e laŧpitine lalapi'iponga' LanDios. ⁶ Joupa aŧsina' te ts'i'ic' laŧ'iponga'. Li'ipa, lihuejyi caŧtuca' laŧpicuejma'. Ma to maŧmana' iŧniya litiné, maŧtaiyi laŧjunac', lapatŧ'ingimponga' anuli Cristo jilpe lancruz. Toŧta'a aimi'iyá maŧcuxeconyaconga', aimamaŧninyaconga': “Toŧe, toŧe lo'epa lixcay, tecani'em'mo”. ⁷ Anuli limanapa aimicufquinyacu li'epa lixcay. Aimi'iyá.

⁸ Ja'ni aŧcuayi: “Ne', aŧmaponga' anuli Cristo”, jouc'a aŧnes'me: “Linca aŧmaf'i'inaponga' anuli Cristo”. Cristo joupa imaf'inapa, aimimaconaya. Illanc' jouc'a tipa'a al ts'e laŧpitine, iŧe aimijouya. Lamaya ailopa'a caŧ'econayaconga'. ⁹ Cristo lijoupa limapa, imaf'inapa, ipayonamma pe lomana' lamizhua. Aimimaconaya. Lamaya aimulijya. Ailopa'a co'e'econaya. Toŧta'a aŧsina'. ¹⁰ Cristo limapa jilpe lancruz aŧ'najcufponga' laŧjunac'. Toŧta'a LanDios ecani'epa. Aimi'e'econaya toŧta'a. Itsiya ma' imaf'i'. Maŧque LanDios imaf'i'ina'ma.

11 Imanc' jouc'a tolimetsaicotsotsti to joupa ima'ampolhuo' ma' anuli Cristo. He loł'epa lixcay ecani'epolhuo'. Jouc'a tolimetsaicotsotsti ołmaf'i' ma' anuli Jesucristo. Toł'nujuaisle lepi'ipolhuo' al ts'e lołpitine ŁanDios.

12 Itsiya lołcuerpo aimicuxecona'molhuo'. He linca tijanaca tixa'huelhuo' toł'ele nixpiya. Toł'nujuaisle, ihe lołcuerpo aimijucoya, ti'hua tijaf'quinghua. 13 Toł'etsotsti cuenna. Aimolapi'i'me lane lołmane', loł'mitsi', loł'u', jahuay lopa'a lołcuerpo, aimi'e'me nixpiya. Tołnesle: "Lai'epa lixcay joupa lacani'epa. ŁanDios ałmaf'i'inapa. Itsiya cacu'moxi ŁanDios, cami'ma: ManDios, ma' ima' ałcuxe'ma. Ihe laimane', lai'mitsi', lai'u', jahuay laicuerpo, toxhuico'ma ima'. Tołta'a canant'hi'ma lotaiqui' lołcuxepa." 14 Iya' camilhuo': Aimulijyacolhuo' lixcay. Litaiqui' locuxepa ŁanDios aimi'iya micuxecoyacolhuo'. ŁanDios joupa itoc'ipolhuo', joupa epenufpolhuo'.

15 Itsiya, ¿te co'iya? Illanc' joupa ałsina' aimi'iya malanant'liyacu locuxepa ŁanDios. Ałsina' aimi'iya malunł'eyacołtsi illanc' całtuca'. Tijoułta', ¿te całnescoyacu? ¿Ja'ni ałnes'me: "Ma ŁanDios ałtoc'ipa, iłque lunł'u'e'ma. Itsiya ailopa'a tintsi. Ca'e'ma nixpiya"? A'i. Aimi'iya małnesyacu tołta'a. 16 Jifa'a li'a łamats' ja'ni tolahuełe cołpoujna, ¿te aicołsina' lo'iyacolhuo'? Tijoułta' ti'ila' ołpoujna iłque ticuxe'molhuo'. Imanc' tolihuejco'me to quimozó. Ja'ni lixcay ołpoujna tolihuej'me locuxe'epolhuo', tijoułta' tecani'em'molhuo'. Ja'ni ŁanDios ołpoujna, tolihuej'me iłque. Iłque tilanc'e'e'molhuo' lołpicuejma', tepenuf'molhuo'.

17 Li'ipa, imanc' tolihuejyi lixcay. Cax'najtsi'i ŁanDios joupa ołpai'ipołtsi lołpicuejma'. Joupa olapenufpá Lataiqui' limuc'impolhuo', jahuay łolunxajma' tolihuejyi. 18 Itsiya joupa i'ipa ocuena łolPoujna. Lixcay aimi'iya micuxeconayacolhuo'. Itsiya al łijca cataiqui' ticuxelhuo'. 19 Iya' mane ca'onłicojma cataiqui'. Aixina' ja'ni ti'ila' xonca ipime cataiqui' imanc' aimi'iya mołhuałyacu. Camilhuo': Luyaipa quitine ołcu'mołtsi. I'ipa ołpoujna lixcay, aimolihuejyi locuxepa ŁanDios, nixpiya tonł'eyi. Itsiya aimoł'econa'me ihe li'ipa loł'epa. Itsiya tołcutsotsti. Tołmił ŁanDios: "Fa'a tipa'a laicuerpo jahuay hi'huexi. Mane ca'e'ma al c'a. Ałcuxela' al łijca cataiqui', quihuejco'ma."

20 Li'ipa, imanc' tołcuayi: "Illanc' lihuejcoyi całtuca' lałpicuejma'". Iłniya łitiné linca tonł'eyi nixpiya. Aimonł'eyi al c'a to locuxepa ŁanDios. He litaiqui' ŁanDios tocomma to aimicuxelhuo' imanc'. 21 Itsiya tołsinya alaic'ata ihe lonł'epa. He lixcay lonł'epa, ¿ja'ni i'e'epolhuo' al c'a? A'i. Ihe petsi no'epá tołta'a ma le'a tecani'eyołtsi.

22 Camiconam'olhuo': Itsiya joupa i'ipa ocuena łolPoujna. Aimolihuejcoyi lixcay. Itsiya ma ŁanDios ołPoujna. Ti'hua ti'i'molhuo' pangay c'a lołpicuejma'. ŁanDios tilaitsufcotolhuo' jilpiya aimijouya lołpitine. 23 Linca lixcay ti'najtsela' ts'ilihuequi. Petsi naihuejpa tecani'em'mola'. A'i tołta'a lalulijyaconga' ja'ni ŁanDios ałPoujna. Iłque ma' ałtoc'inga' illanc' nał'huaijympá Jesucristo łalPoujna. Lapi'inga' al ts'e lałpitine, ihe litine aimijouya.

7

1 Cunc'aipimaye, lataiqui' loya'apa locuxepa ŁanDios aimi'iya małcuxecoyaconga'. Imanc' joupa ołsina' te ts'i'ic' lał'iponga' ninc'ixanuc' ma małmana' fa'a li'a łamats'. Ma całmaf'i' tipa'a lataiqui' lałcuxeponga'. Ja'ni joupa ałmanaponga' ihe lataiqui' aimi'iya małcuxecoyaconga'. 2 Tołta'a lo'ipola' laca'no' iłniya namalłipá. Ma quimaf'i' lipe'ailli' łaca'no' aimi'iya mihuejya ocuenaj xans. Ja'ni timanłta' cal xans, tuhualqueno łaca'no'. 3 Ma quimaf'i' lipe'ailli', ja'ni lipeno tihuejla' ocuenaj xans, iłque łaca'no' tecani'em'me, tinescom'me ixay li'epa. Tołta'a loya'apa lataiqui' lałcuxeponga'. Linca ja'ni joupa imanapa lipe'ailli', łaca'no' nipajnya tihuej'ma ocuenaj xans. Ailopa'a conesconyacu.

4 Cunc'aipimaye, ihe litine lima'ampa Cristo, lepałts'ingimpa licuerpo jilpe lancruz imanc', ja'ni i'ipolhuo' anuli iłque, jouc'a ima'ampolhuo'. Tołta'a tama tolihuejle al ts'e cataiqui', aimi'iya micuxecoyacolhuo' lataiqui' locuxepa ŁanDios. Tonlihuejyi Cristo,

itque joupá imaf'inapa. Małque ołPoujna o ti'onłcospa to cołpe'Ailli'. Ma monlihuejyi itque tipammaispa lołpitine, tonł'e'me latentłcocopa ŁanDios.

⁵ İniya litiné ai'a lapenuf'me al ts'e lałpitine, aici'ic' calihuequi locuxepa ŁanDios. Mał'nujuaisyi loya'apa iłe lataiqui', ałspic'eyi ał'ełe nixpiya. Tołta'a lacani'eyołtsi. ⁶ İniya litiné coła' ti'i'ma ałcuxecom'monga', aicalanant'łi locuxepa ŁanDios. İtsiya aimi'iya małcuxeconyaconga'. Tocomma to joupá ałmanaponga'. İtsiya tipa'a al ts'e lałpitine. Tołta'a ti'i'ma lihuejco'me ŁanDios lałPoujna. Li'ipa ituca' lał'ejma', ałcuayi: "İya' caituca' quihuejco'ma iłe lataiqui' locuxepa ŁanDios". İtsiya ałsina', ja'ni caituca' aimi'iya.

⁷ İtsiya, łte całnesyacu? łJa'ni ixçay cataiqui' iłe locuxepa ŁanDios? A'i. Aimi'iya małnesyacu tołta'a. Al cołta aicalanimetsajma lixçay laif'epa. Tołta'a ałmuc'ipa lataiqui' loya'apa locuxepa ŁanDios. İhe lataiqui' ticua: "Aimojanaj'ma li'hueca loł'as xans". Ja'ni coła' aicaixina' iłe lataiqui', coła' aimi'iya quimetsaicoya a'ijc'a laif'epa ma cajanaca. ⁸ Laicuejpa iłe lataiqui', linca aiximpa ixçay laif'epa ma cajanaca. Lijou'ma lixçay lopa'a laipicuejma' xonca tijanaca. Xonca aipic'a coła' ca'huejla' li'hueca laif'as xans. Ja'ni coła' ailopa'a iłe lataiqui' lałcuxeponga' iłe lixçay coła' aiquicueya quimane, aimi'iya malacani'eyaconga'. ⁹ İniya litiné ma aicaicueca locuxepa ŁanDios tixoqui neta cuyaijma lapajnya. İcuaitsi litine laicuej'ma nulemma iłe lataiqui' loya'apa: "Aimojanaj'ma li'hueca loł'as xans". İhe litine linca aiximpa imaf'i' iłe lixçay lopa'a laipicuejma'. Aiximpoxi ma lacani'e. ¹⁰ Lataiqui' loya'apa: "Aimojanaj'ma li'hueca loł'as xans", ac'a cataiqui' iłiya. Ja'ni lanant'łiıe, xonca al c'a luyalaico'me lapajnya. İya' aiximpa ituca' lał'ipa. Aimi'iya canant'łiya. Ma le'a lacani'e. ¹¹ Ma cacueca iłe lataiqui', lixçay caipicuejma' i'ipa xonca imaf'i', ałfel'mipa. Lijou'ma xonca aijanaj'ma. Tołta'a iłe lataiqui' ma lacani'epa.

¹² İya' cacua: A'i quixçay cataiqui' iłe locuxepa ŁanDios. Jahuay locuxepa ŁanDios ma' apaxi, ma' i'huexi ŁanDios. Lataiqui' loya'apa: "Aimojanaj'ma li'hueca loł'as xans", iłe apaxi cataiqui'. Ałsc'ai'inga' ał'ełe al łijca, ał'ełe ma le'a al c'a. ¹³ Lijou'ma, łte qui'ipa? Ma cainihuequi iłe al c'a cataiqui', łja'ni tołta'a cacani'eyoxi? A'i. Aimi'iya canescoyacoxi tołta'a. İhe al c'a cataiqui' ma' ałmuc'ipa te ts'i'ic' laipicuejma'. İhe acueca lixçay. Ma iłe laif'epa lixçay lacani'epa. İhe al c'a cataiqui' ałmuc'ipa juaiconapa acueca' ixçay iłe lai'epa.

¹⁴ Ałsina' pe qui'huayomma iłe lataiqui' locuxepa ŁanDios. İ'huayomma mane al tonçay, jıłpe lipicuejma' ŁanDios. İya' ituca' laipicuejma'. İya' ma ninxans. İhe lixçay i'ipa to laıpoujna, ałcuxe. ¹⁵ İya' aıçaxpic'e tołta'a lai'ejma'. Caxhuełma. Petsi lalatenłcocopa, iłe aıca'ay. Laif'epa capilaic', iłe linca ca'ay.

¹⁶ Ja'ni ca'ełá' lixçay, linca iłe laif'epa aimalatenłma. Quimetsajma ac'a litaiqui' ŁanDios locuxepa, tołta'a xonca aipic'a quihuejla' ŁanDios. ¹⁷ Tołiya cacua: A'i caituca' ca'ay iłiya pe aimalatenłma. İhe lixçay caipicuejma' ałcuxe ca'ełá'.

¹⁸ Linca aixina' iya' caituca' aimi'iya ca'eya al c'a. Ti'i'ma caxpic'e'ma ca'ełá' al c'a, tijoułá', łja'ni canant'łi'ma iłe laifxpıe'epa? A'i, aimi'iya. ¹⁹ İhe al c'a laifxpıe'epa ca'ełá', aıca'ay. Lixçay, iłe pe aimalatenłma, linca ca'ay. ²⁰ İya' cacua: Ja'ni aimalatenłma iłe lixçay laif'epa tocomma to a'i iya' caituca' ca'ay iłiya. İhe lixçay caipicuejma' ałcuxe ca'ełá'.

²¹ Linca, lataiqui' loya'apa locuxepa ŁanDios ałcuxe. Ałsc'ai'i ca'ełá' al c'a. İhe aipic'a. Cacua: Ca'e'ma. Tijoułá' aimi'i. Tipa'a lałpa'nepa. Ałpa'ne iłe lixçay caipicuejma'. ²² Cacua: Juaiconapa ac'a lataiqui' loya'apa locuxepa ŁanDios. ²³ İtuca' lałsahue'epa laicuerpo. Tama cacua: "Quihuejco'ma locuxepa ŁanDios, iłe al c'a", laicuerpo aimicua. Tipa'a lipujfxi lulijla', ca'ełá' lałcuxe'epa nixpiya. ²⁴ İya' cacua: Acueca caxhuełma. łNaitsi lałcuanajcoya? İhe laicuerpo ma le'a ipic'a lacani'e'ma. łNaitsi lalunł'eya? ²⁵ Cax'najtsi'i ŁanDios. LałPoujna Jesucristo, itque linca alunł'u'e'ma. İya' caituca' aimi'iya culijya. Caxpic'e ca'ełá' al c'a. Ja'ni tołta'a quihuejla' linca quihuejco'ma locuxepa ŁanDios. İtuca' loxahue'epa iłe laicuerpo. Ja'ni tołta'a quihuejla' ca'e'ma nixpiya.

8

¹ Itsiya ŁanDios aimalacani'eyacongá' illanc' na'huaiyimpá Jesucristo, itque joupa lapenufponga'. Illanc' aimalihuejyi lahsahue'eponga' lałcuerpo, lihuejcoyi lałcuxe'eponga' cal Espíritu Santo. ² Iya' joupa aiximpa aimi'iya canant'hiya locuxepa ŁanDios. Aimi'iya cunlu'eyacoxi. Lixcay laipicuejma' ma małcuxe lacani'e'ma. Itsiya ituca' laifnuyaicopa lapajnya. Ca'huaiyinge Jesucristo, tipa'a al ts'e laipitine, ałcuxe cal Espíritu Santo.

³ He lataiqui' loya'apa locuxepa ŁanDios ailopa'a quipujfxi mulijya lixcay lałpicuejma'. ŁanDios linca ti'i'ma, joupa i'epa. Ummepa hi'Hua. Itquiya i'epoxi xans, ał'onłcosponga' to illanc' ninc'ixanuc'. Ma le'a ailopa'a quixcay lipicuejma'. I'huamma fa'a li'a lamats' itsufcopoxi, ał'najcufponga' lałjunac', ecani'epa lixcay lałpicuejma'. ⁴ Tohiya itsiya ti'i'ma lanant'hi'me ite al c'a lałcuxe'eponga' ŁanDios. Illanc' lihuejcopá cal Espíritu Santo a'i lahsahue'eponga' lałcuerpo.

⁵ Lan xanuc' naihuejpa' quilituca' liłpicuejma' tixpic'eyi latenłcocoyacola' i'he quilituca'. Lan xanuc' naihuejpa' cal Espíritu Santo, tixpic'eyi latenłcocoya cal Espíritu Santo. ⁶ Petsi naihuejpa' quilituca' liłpicuejma' tecani'em'mola'. Petsi naihuejpa' cal Espíritu Santo tipa'a al ts'e liłpitine, tuyalaicoyi al c'a. Aimixhuełcoyi, ailopa'a tintsi. ⁷ Petsi naihuejpa' quilituca' liłpicuejma', i'he tecaxaispola', mane tifuli'iyi ŁanDios. Aimihuejyi locuxepa itque. Aimi'iya mihuejyacu. ⁸ Cal xans, ja'ni ailopa'a al ts'e lipitine locupa cal Espíritu Santo, itque cal xans aimi'iya metenłcocoya ŁanDios.

⁹ Imanc' aimi'onłcotolhuo' to i'niya. Ja'ni joupa olapenufpa' cal Espíritu Santo, ja'ni tołmana' anuli itque, ma tipa'a al ts'e lołpitine. Linca cal xans, ja'ni aiquepenufi hi'Espíritu Cristo, itque cal xans a'i qui'huexi Cristo. ¹⁰ Ja'ni joupa olapenufpa' Cristo ŁanDios epenufpolhuo' to ailopa'a coljunac'. Tołta'a tipa'a al ts'e lołpitine, aimimayacolhuo' nulemma. Linca lonł'epa lixcay joupa ecani'epolhuo' lołcuerpo, ite tima. ¹¹ Ja'ni joupa olapenufpa' cal Espíritu Santo, ja'ni joupa ołhaisufma, ni lołcuerpo mimaya nulemma. Lijoupa limapa Cristo, ŁanDios imaf'i'ina'pa. Imanc' ma' anuli timaf'i'ina'molhuo'. Tołta'a lo'eyacolhuo' cal Espíritu Santo, itque hi'Espíritu ŁanDios, imanc' ołhaisufma.

¹² Itsiya cunc'aipimaye, ¿naitsi cal'najtse'econayacu? ¿Naitsi calihuejcoyacu? ¿Lałcuerpo ałtaiyinc'e? ¿Ja'ni ite ałpoujna? A'i. ¹³ Ja'ni tolihuejcoyi loxahue'epolhuo' lołcuerpo mane tecani'em'molhuo'. Ja'ni tolihuejcoyi cal Espíritu Santo tolatec'cona'me lonł'epa lixcay, ite loxahue'epolhuo' lołcuerpo. Aimonł'econayacu itta'a. Tijoula' timaf'i'ina'molhuo' ŁanDios.

¹⁴ Petsi naihuejpa' hi'Espíritu ŁanDios, i'niya inaxque' ŁanDios. ¹⁵ Luyaipa quitine micuxelhuo' lixcay, ite lataiqui' loya'apa locuxepa ŁanDios ticuxecolhuo'. Tołsuełcoyi, tołcuayi: "Ałtel'mi'monga' ŁanDios". Itsiya joupa olapenufpa' cal Espíritu Santo. Itque aimepi'iyacolhuo' tołta'a lołpixhujma'. Lolapenufpa itque cal Espíritu ŁanDios epenufpolhuo' to quinxque'. Małque cal Espíritu ałmuc'inga' te ts'i'ic' lacui'i'me ŁanDios. Ałmiyi: "Ima' mai'Ailli". ¹⁶ Małpe lałunxajma' ałsingufyołtsi inaxque' ŁanDios. Ma' anuli lu'inga' cal Espíritu Santo. ¹⁷ Małmana' fa'a li'a lamats' ja'ni illanc' inaxque' ŁanDios linca pu'hua ŁanDios lapi'itonga' ite lapi'iyacola' linaxque'. ŁanDios joupa imetsaicopa hi'Hua, itque Cristo. Illanc' jouc'a limetsaicotonga'. Fa'a ja'ni lałtelcopa ti'onłcospa to liłtelcopa Cristo, pu'hua jouc'a ał'onłcotonga' to Cristo, ałhaisufcotonga' ŁanDios.

¹⁸ Itsiya litine aicalsina' te ts'i'ic' al c'a lalapi'iyaconga' ŁanDios. Linca, acueca' juaiconapa ite lał'iyaconga' pu'huanni. Itta'a lałtelcopa itsiya litine aimi'iya mał'onłcoyacu al cueca' al c'a lalapi'inyaconga'. ¹⁹ Fa'a li'a lamats' jahuay lilanc'epa ŁanDios tocomma to ticuitsufyi, tinesyi: "¿Te quitine ałsim'mola' i'niya linaxque' ŁanDios lolaisufcoyacola'? ¿Te quitine ałsim'mola' te ts'i'ic' i'niya?" ²⁰ Linca, itsiya jahuay lilanc'epa ŁanDios i'huáqui etełquenamma. He litine ŁanDios liłtel'mipa cal xans ni'epa quixcay jouc'a iteł'mipa jahuay lilanc'epa. Tama ailopa'a qui'epa, etełquenamma. A'i nulemma quetełqueya. Aimipaneya tołta'a. ²¹ Itsiya linca lamaya ti'huajcola' jahuay. Ailopa'a cunlu'ya. Juaiconapa acueca'

al c'a lo'e'eyacola' linaxque' ÑanDios. Tunlu'e'mola'. Lamaya aimi'huajcoconayacola'. Lilanc'epa ÑanDios jout'a tulij'ma lamaya, aimiminscoconaya.

²² Añsina' aiqui'ic' toñta'a. Itsiya jahuay lilanc'epa ÑanDios tocomma to titeñma acueca' cumla. Lo'ipa ti'onñcospa to lotelcopa ñaca'no' nocuaiya hi'hua. Iñque acueca' cumla titeñco'ma. ²³ Illanc' jout'a lumlequina'. Añtelcoyi jilpe ñalunxajma' ma cañ'huajjma ÑanDios lapenuñtsonga' to inaxque', aññaitñufcotonga'. Iñiya litine añsim'molñsi joutpa lunlu'eponga' jout'a ñalñuerpo. ÑanDios joutpa lapi'iponga' cal Espñritu Santo, toñiya añsina' ñal'iyaconga' toñta'a.

²⁴ Linca, aimi'iya maññesyacu: “Joutpa i'ipa. Joutpa lunlu'eponga' jout'a ñalñuerpo.” Tehue'e'. Ja'ni lunlu'etsonga' ticuicomma añ'ñuaicoñe, aññesle: “Al linca toñta'a lo'iya”. Coñta' joutpa añsimpá li'ipa, ¿te cañ'ñuaicocoyacu? A'i. Ailopa'a cañ'ñuaicoyacu. ²⁵ Ja'ni añsina' tehue'e', añsina' aiqui'ic', ma' aññnet'ñ'i me, añ'ñuaico'me lo'iya.

²⁶ Illanc' a'i cañtuca' aññnet'ñyi. Cal Espñritu Santo aññoc'inga'. Illanc' cañtuca' ailopa'a cañ'eyacu. Aicañsina' te caññahue'eyacu ÑanDios. Aimi'iya mañña'hueyacu. Aññingufcoyi aññtelcoyi jilpe ñalunxajma'. Ailopa'a caññaiqui'. Cal Espñritu Santo aññoc'inga'. Iñque linca tixa'hue'ma ÑanDios titoc'itsola' liñanuc', iññiya ma' i'ñuexi ÑanDios. ²⁷ ÑanDios ñahuelonginga' xonca lemiya jilpe ñalñicuejma'. Iñque ixina' te loññahue'epa cal Espñritu Santo. Imetsaijma ac'a lipicuejma'. Iñque cal Espñritu tixahue'e'ma ñalññcocoñya ÑanDios.

²⁸ Illanc' ñal'epá capic'a ÑanDios, iñque aññoc'iponga'. Ma' iñque ÑanDios joutpa ixpic'epa te ts'i'ic' al c'a ñal'iyaconga'. Itsiya añsina' jahuay aññoc'inga'. Ja'ni ac'a o ja'ni a'ijc'a ñaluyalaicoyacu, ma le'a al c'a añ'e'monga'. Ailopa'a cañ'eyaconga' liñcay. ²⁹ A'i'a aññmajñlita ÑanDios alimetsaicoponga'. Joutpa ixpic'epa te ts'i'ic' ñal'iyaconga'. Ixplic'epa aññanc'e'etsonga' ñalñicuejma'. Ti'ñla' to lipicuejma' hi'Hua, añ'onñcotonga'. Ti'ñla' cal Cristo aññpima; iñque cal Te'a, illanc' ipepohue. Toñta'a ti'i'mola' axpela' lipimaye. ³⁰ A'i ma le'a ixpic'epa te ts'i'ic' iñe ñal'iyaconga', jout'a aññoc'iponga' liññuejle. A'i ma le'a aññoc'iponga', jout'a lapenuñfponga' to ailopa'a caññjunac'. A'i ma le'a lapenuñfponga' to ailopa'a caññjunac', jout'a limetsaicoponga' inaxque', aññaitñufcotonga'. Jilpe litine linca aññanc'e'etonga' ñalñicuejma', ti'ñla' ma to lipicuejma' ÑanDios, pangay c'a.

³¹ Itsiya ¿te caññesyacu? Ja'ni toñta'a añ'ñujuaitñinga' ÑanDios, iññe petñi ñal'eponga' laic', ¿te cañ'e'eyaconga'? ³² ÑanDios ni hi'Hua quixina' cuaññuc'. Icupa tima'aññe, ti'ñajtñeñla' liñcay ñal'epa jahuay illanc'. Ja'ni toñta'a lapi'iponga' iñque Ñalunlu'eyaconga', ¿te aimalapi'iyaconga' jahuay ñalññue'eponga'?

³³ Illanc' ñal'ñuijñ'eponga' ÑanDios, ¿ñaitñi ñalñcufyaconga'? ¿Ja'ni ÑanDios? A'i. Ma ÑanDios alapenuñfponga' to ailopa'a caññjunac'. ³⁴ ¿ñaitñi ñalñacani'eyaconga'? ¿Ja'ni Jesucristo iñque ñimapa? A'i. Iñque imaññ'inañpa. Itsiya tipa'a pu'hua al c'a camane ÑanDios. Jilpe tixa'hue ÑanDios aññoc'itsonga'.

³⁵ Cristo añ'enga' capic'a. ¿Ja'ni ti'ñma ñalñaj'monga'? A'i, aimi'iya. Ni ñal'iyaconga' o ñal'iponga' mi'iya. Ja'ni aññtelcoñe, ja'ni lapajñña añññinte ipime, ja'ni aññtel'mintñonga', ja'ni lumlejma, ja'ni ñahue'etsonga' caññpajahua', ja'ni ti'ñla' caññpaiqui', ja'ni aññma'antñonga', ailopa'a calaññajyaconga' Cristo. ³⁶ To loya'apa al Paxi Linññingiya ma toñta'a luyalaicoyi. Iñe ñalñaiqui' ticua:

Illanc' ñalññuejñhuo' ima', añññninga' to lam mot'ñ,
iññe li'ñuijñ'empola' tima'am'mola'.

³⁷ Ma al linca iññiya ñalñaiqui'. ¿Te co'iya? Añsina' Cristo añ'enga' capic'a. Iñque aññoc'inga'. Toñta'a jahuay ñal'iyaconga' luliñ'me. Ailopa'a cañ'eyaconga'.

³⁸ Iya' cacua: Joutpa aixina' aimi'iya malaññajyaconga' Jesucristo, ni lamaya, ni lapajñña, ni lapaluc' quema'a, ni lontahue iññpujñxi acueca', ni lo'ipa itsiya, ni lo'iya locuaicoñya, ³⁹ ni lopa'a al toncay lema'a, ni lopa'a al 'ocay ñamats'. Petñi lilanc'epa ÑanDios ailopa'a calaññajyaconga' Jesucristo ñalñpoujña, iñque ñalññuc'iponga' te ts'i'ic' mañ'enga' capic'a ÑanDios.

9

1-3 Iya' camilhuo' caxhuełmot'le juaiconapa. Itine itine tocomma to lumlequi jilpe łainunxajma'. Iya' ca'nujuaitsila' laipimaye, ilne laif'as xanuc' judío. Tołta'a laifnespa aicafellaique. Tołe ixina' Cristo, ilque łainihuequi. Jouc'a cal Espíritu Santo alpalaic'o jilpe laipicuejma', almi: “Ma' al linca ille lofcuapa”. Iya' cacua: Cola' alcuanae'ela' Cristo ja'ni tołta'a tuntul'me ilne laipimaye.

4 Ilne lun Israel acueca' lipaxnepola' ŁanDios. Imetsaicopola' inaxque'. Małque ŁanDios imuj'moxi pe lomana' ilniya. Imaneconca litaiqui', epi'i'mola' litaiqui' loya'apa locuxepa. Imuc'i'mola' te lo'eyacu jilpe lejut'l ŁanDios. U'i'mola' litaiqui' licupa, ticua: “Tołe, tołe catoc'i'molhuo'”. 5 Ilne lixanuc' Israel altatahueló illanc' ninc'ijudío. Jouc'a itatahueló Cristo lipajnta fa'a li'a łamats'. Ilque Cristo ma' anDios, jahuay ticuxe. Ma' ilque laxc'onłingołaiłe. Ocuena aimi'iyaya malaxc'onłingołaiyacu. Ni itsiya ni Locuena Quitine. Tołta'a ti'ila'. Amén.

6 Itsiya, łte qui'ipa? Tocomma to ŁanDios aiqenant'hi limipola' ilniya lun Israel. A'i. Ma tenant'hi. Petsi alinca ixanuc' Israel ilniya tepenufyi litaiqui' ŁanDios. Locuenaye pe aiquirepenufi, tama anuli łitatahuelo, ilne a'i quixanuc' Israel, a'i quixanuc' ŁanDios. 7 Ma tołta'a li'ipola' linaxque' Abraham. Ilne tama le'a anuli quił'ailli', ilque Abraham, ŁanDios aiqimetsaicola' jahuay ilniya. Timi Abraham: “Quimetsaico'ma Isaac. Ilque ma' o'hua.” 8 Ille litaiqui' alıuc'inga' naitsi ilne alinca inaxque' ŁanDios. Lan xanuc' nomajnlispa fa'a li'a łamats' ŁanDios aiqimetsaicola' jahuay to quinaxque'. Ma le'a ilniya nomajnliconspá, ilne tipa'a al ts'e liłpitine, małne inaxque' ŁanDios. Ti'onłcospa to Isaac. Abraham a'i quituca' mixpic'e ti'ila' ilque qui'hua. Ma ŁanDios icupa cataiqui' ti'ila'. 9 Tołta'a litaiqui' ŁanDios limipa Abraham lu'ipa lo'iyaya, ticua: “Litine laixpic'epa iya' cacuaiyoconno, łopeno Sara tipo'no'ma li'hua”.

10-12 Ma' anuli li'ipola' linaxque' Rebeca. Ilniya loquexi', lan cuatsi, anuli quił'ailli'. Ilque łaltatahuelo Isaac. Ilniya mimana' licu'u Rebeca, ai'a timajnlita, aiqil'aic' ni al c'a ni lixcay, ilniya łitiné ŁanDios timi Rebeca: “Łapepo, ilque łopajnya lijoujma, ticuxe'ma liłpima”.

Jilpe ŁanDios timuqui te ts'i'ic' lo'epa. Ilque quituca' tixpic'e naitsi ilne ti'itsola' lixanuc'. Tołta'a aimi'iyaya minesyacu: “Iya' ac'a lai'ejma', toliya al'huij'epa ŁanDios”. A'i. ŁanDios quituca' ti'huij'f'e'mola' lixanuc'. Ilque aiqipai'i lipicuejma'. Ma' anuli ti'hua ti'ay. 13 Al Paxi Linilingiya tuya'e' tołta'a li'ejma' ŁanDios, ticua: “Jacob ai'epa capic'a, Esaú ai'epa caipilaic”.

14 Itsiya, łte całnesyacu? łJa'ni a'ij łijca lo'epa ŁanDios? A'i. Aimi'iyaya małnescoyacu tołta'a. 15 ŁanDios timi Moisés: “Iya' catoc'i'ma petsi aipic'a catoc'ila'. Caxim'ma cuanuc' petsi aipic'a caxinla' cuanuc'.” 16 Tołta'a alıyni aimi'iyaya małspic'eyacu te ts'i'ic' cał'e'eyacongala' ŁanDios. Aimi'iyaya malipa'ayacu całxi malulijyacu tołta'a małpaxneyacongala' ŁanDios. Ma ŁanDios quituca' tixpic'e nałne loxinyacola' acuanuc'la.

17 Ma' anuli loya'apa al Paxi Linilingiya locuapa limipa ŁanDios cal rey Faraón. Timi: Iya' camuc'i'mola' lan xanuc' acueca' laif'epa.

Ni petsi lomana' li'a łamats' ti'ila' quıłsina' ma' iya' NanDios.

Tołta'a aifajpo' ima', nepi'ipo' loopenic', aixpic'epa te ts'i'ic' lof'eya.

18 Jilpe alıyni li'ejma' ŁanDios. Ilque petsi ipic'a titoc'ila' ma titoc'i'ma. Petsi ipic'a ti'ila' axna lipicuejma' ma ti'i'ma axna.

19 Itsiya, łte aga almi'ma: “Ja'ni tołta'a li'ejma' ŁanDios, łte co'icopa aimalatenłcocongala' illanc' lał'ejma'”? łTe illanc' całtuca' alıpic'e'me te ts'i'ic' lał'iyaconga'? A'i. Aimi'iyaya.”?

20 Aimon'es'ma tołta'a. łTe totalai'ot'le'ma ŁanDios ima' ma' unxans? łTe ja'ni łilanc'empa ti'i'ma titalai'e'ma ilque łilanc'epa? A'i. Aimi'iyaya. 21 Lintałpa capixú małque quituca' tixpic'e te ts'i'ic' mixhuicoyaya liłpıxitsqui. Małque liłpıxitsqui tilanc'eco'ma oque' liłpıxú. Anuli acueca' liłpıtalı, locuena ni naitsi capixu.

²² Ima' totalai'ot'le'ma ÑanDios, aimetenłcocoahuo' itque li'ejma', iya' camihuo': Ima' aimocueca lo'epa ÑanDios. Itque joupá ixpic'epa titeł'mitsola' itne laixtuc'opola'. Joupá ixpic'epa timuj'moxi ma' anDios. Tama joupá ixhuaita acueca' li'epa lixcay, ÑanDios ti'hua ticołi. Aiquecani'ela' nulemma. Tixnet'itqui. ²³ Linca aimocueca ite lo'epa ÑanDios. Itque jouc'a tipa'a lomuc'iyacola' lan xanuc'. Itne lixanuc' loximpola' acuanuc'la. Joupá ixpic'epa titoc'itsola', tilanc'e'e'mola' liłpicuejma', tilaitsufcotsola'. Joupá ixpic'epa timet-saicole juaiconapa acueca' CanDios.

²⁴ Ite laifnespa: "... lixanuc' ÑanDios", canescola' jahuay itne petsi łijoc'ipola' ÑanDios. Ja'ni ninc'itudío, ja'ni unc'ocuenaye xanuc', ma' anuli ÑanDios ałjoc'iponga'. ²⁵ Jitpe lije'e cal profeta Oseas, ÑanDios tipalaicola' locuenaye xanuc', itne a'ij judío, ticua: Ticuaihuo litine cami'mola' locuenaye xanuc': "Imanc' aixanuc'".

Itsiya litine a'i caixanuc' itne.

Itsiya itne lan naciłn aimalatenłma aicapenufila' liłxanuc'.

Ticuaihuo litine cami'mola' itne locuenaye naciłn:

"Ca'elhuo' capic'a, capenuf'mola' lołxanuc'".

²⁶ Jouc'a ticua:

Petsi timila': "Imanc' a'i quixanuc' ÑanDios",

małpiya tecui'im'mola': "Itne inaxque' ÑanDios Ľima'fi'".

²⁷ Cal profeta Isaías tuya'e' lo'iyacola' lan xanuc' Israel, ticua:

Tama axpela' lan xanuc' Israel,

tama ti'onłcospola' to cal cuixa łopa'a łema caja,

ma le'a ahuata lonłulyacu.

²⁸ ÑanDios łalPoujna joupá ixpic'epa ti'e'ma al cueca' fa'a li'a łamats'.

Ma to licuapa, tołta'a ti'e'ma, ti'e'ma nulemma.

Tixhuai'ni'ma ite litaiqui' licuapa.

²⁹ Jitpe lije'e Isaías ai'a tuya'a'ma tołta'a lo'iya, ticua:

ÑanDios, itque jahuay ticuxe, aiquijou'ne nulemma łalnaciłn.

Timanemma to oquexi' afantsi łalnaxque'.

Ja'ni a'i, cola' łal'iyaconga' ti'onłcota to li'ipola' łitelolıya' Sodoma y Gomorra.

Itniya łitelolıya' ejac'mola' nulemma jouc'a liłxanuc'.

³⁰ Itsiya, łte calnescoyacu xonca? łTe qui'ipola' lan xanuc' a'ij judío? Luyaipa quitiné itne lan xanuc' aiquilłsina' locuxepa ÑanDios. Aimehueyi te co'iya mixinyacola' ÑanDios to lan c'a xanuc'. Aimicuis'eyołłsi: "łTe cal'eyacu ałsintsonga' tołta'a?" Itsiya petsi no'huaiyimpá Jesucristo, ÑanDios tepenufila' to ailopa'a quilłjunac'. ³¹ Lan xanuc' judío, itne lixanuc' Israel, łte qui'ipola' itniya? Itne ilłsina' al c'a locuxe'epola' ÑanDios. Tixhueyi ite litaiqui'. Tehueyi te co'iya ÑanDios mixinyacola' to ailopa'a quilłjunac', tepenułtsola'. ÑanDios aiquixinnila' tołta'a. Aiquepenufila'. ³² łTe qui'icopola' tołta'a? Itne aimi'huaiyijnyi ÑanDios. Małpe liłpicuejma' ticuayi: "Ilłanc' ninc'ic'a xanuc'. Lanant'li'me caltuca' ite łalcuxe'eponga' ÑanDios. Tołta'a ailopa'a calłjunac'. Lapenuf'monga'."

Itne imenaj'mola'. Jitpe litaiqui' ÑanDios, tuya'e' tipa'a "... anuli łapic łoc'uilłtsufcopola' lan xanuc'". Itne lan judío linca uc'ui'e'mola'. ³³ Tołta'a loya'apa al Paxi Linilłngiya, ticua:

łTolsinłe!

Jitpe liłya' Siłn capo'no'e anuli łapic petsi tuc'uilłtsufco'mola' lan xanuc'.

Jitpe cal cueca' capic linca tixcai'e'mola'.

Cal xans no'huaiyijmpa itque, linca ailopa'a co'iya, aimixhuełcoconaya.

10

¹ Cunc'aipimaye, jahuay łainunxajma' cacua: "Tunłul—le lun Israel". Tołta'a laifxa'huepa ÑanDios. ² Itne tama tixoqui quileta tihuejyi ÑanDios, aiquilłsina' te ts'i'ic' latenłcocoaya ÑanDios. ³ Aiquilłcueca lu'ipola' ÑanDios. Itque joupá uya'apa, u'ipola' naitsi

ihne lan xanuc' loxinyacola' to ailopa'a quijunac', tepenuf'mola'. Ituca' lonespa lun Israel. Ticuayi: “Lanant'hi'me locuxepa LanDios. Tohta'a alsim'monga' ninc'ic'a xanuc', lapenuf'monga'.” Toliya aimihuejcoyi LanDios. Itque joupá icuapa lo'eyacu lan xanuc' ja'ni tepenuftsola' to ailopa'a quijunac'. ⁴ Ma le'a Jesucristo enant'hipa lataiqui' loya'apa locuxepa LanDios. Lan xanuc' aimi'iya menant'hiyacu. Toliya petsi no'huaiyijmpá Cristo ma' ihniya LanDios tepenufla' to ailopa'a quijunac'.

⁵ Jiŕpe litaiqui' liniliya Moisés titalai'e cal xans nocuapa: “Canant'hi'ma locuxepa LanDios, tohta'a alsinla' ninc'a xans, lapenuf'ma”. Moisés timi: “Ne', tanant'hi'a locuxepa LanDios, tohta'a toyaico'ma al c'a”. ⁶ Cal xans nonespa: “Aimi'iya canant'liya, le'a ca'huaiyijm'ma LanDios”, ituca' lotalai'e'epa Moisés. Timi: “Aimones'ma: ¿Naitsi nof'ajya ticuaita lema'a?” ¿Te ja'ni tolecota Cristo timunni? A'i. Joupá i'huamma fa'a li'a lamats'. ⁷ Jouc'a timi Moisés: “Ni aimones'ma, ¿Naitsi naimuya, ticuaita pe lomana' lamizhua?” ¿Te ja'ni taipa'ata Cristo jiŕpiya? A'i. Joupá imaf'inapa, ipanamma. ⁸ Ja'ni to'huaiyinge LanDios, Moisés timihuo': “A'ij culi' iŕe lataiqui' lofmihuejya. Jiŕpe lomunxajma' to'ay linca. Tonesqui.” Ma iŕe lataiqui' illanc' laluya'apa. Lu'iyaleyi: “¿Toŕ'huaiyijnle!” ⁹ Lu'iyaleyi: Ja'ni tonesla': “Jesús ma' anDios”, ja'ni jiŕpe lomunxajma' tocua: “Linca LanDios imaf'i'inapa, ipa'anapa pe lomana' lamizhua”, LanDios tunhu'e'mo'. ¹⁰ Ticuicomma jahuay lomunxajma' to'huaiyijnla' LanDios. Tohta'a LanDios tepenuf'mo', tixim'mo' to ailopa'a cojunac'. Jouc'a ticuicomma tonesla': “Jesús ma' anDios”, tijoula' LanDios tunhu'e'mo'.

¹¹ Al Paxi Linilingiya ticua:

Petsi no'huaiyijmpá, ihniya aimixinyacu calaic'ata, aiminesyacu: “LanDios aŕfel'mipa”.

¹² LanDios tixinnila' ma' anuli lan xanuc'. Ja'ni ajudío, ja'ni a'ij judío, ma' itque iŕPoujna jahuay. Acueca' titoc'ila' ihne petsi nojoc'ipá. Aimicuanajyoxi. ¹³ Al linca loya'apa lataiqui' locuapa:

Lan xanuc' nojoc'ipá, nomipá: “MaiPoujna, altoc'ila'”, jahuay ihniya tunhu'me.

¹⁴ Ja'ni aiqul'huaiyinge Cristo, ¿nai cojoc'iyacu? Ja'ni aiqul'sina' naitsi itque, ¿nai co'huaiyijnnyacu? Ticuicomma tuya'aŕe. Ja'ni a'i, ¿te co'iya mi'iya quilsina'? ¹⁵ Ja'ni ailopa'a commenyacola', ¿nai notseyacu, noya'ayacu? Al Paxi Linilingiya tinescola' noya'apá, ticua:

Tixoj'ma calata lapenuf'mola' noya'apá Lataiqui'.

Iŕe Lataiqui' tuya'e' iŕe al c'a loxpice'epa LanDios.

¹⁶ Linca, petsi noquimf'epá Lataiqui' a'i jahuay mihuejcoyi. Tohta'a cal profeta Isaías timi LanDios, ticua:

MaiPoujna, ¿naitsi lepenufpa laluya'apa?

Tocomma to ailopa'a quilepenufi.

¹⁷ Cagua: Ticuicomma ate'a tiquimf'eŕe Lataiqui', tijoula' ti'huaiyijnle Jesucristo. Petsi timetsaicoyi Lataiqui' ma' itaiqui' Cristo, ihniya ti'huaiyijm'me.

¹⁸ Itsiya, ¿te qui'ipola' lun Israel? ¿Ja'ni aicu'innila' ihne? Linca u'im'mola'. Toliya loya'apa al Paxi Linilingiya, ticua:

Ni petsi li'a lamats' uya'apa Lataiqui'.

Ihne noya'apá, liŕtaiqui' icuaita xonca aculi' li'a lamats'.

¹⁹ Cagua: Ihne lun Israel, ¿te aiqul'sina' tohta'a lo'iya? Linca iŕsina'. Moisés uya'apa lo'iya, tuya'e' lonespa LanDios, ticua:

Itsiya imanc' aicolimetsaicola' locuenaye xanuc'.

Toŕnescola', toŕcuayi: “Ihniya amac'ta, aiqul'cueca”.

Pe loŕnescompola' tohta'a iya' ca'e'e'mola' al c'a,

tijoula' imanc' aimetenŕcoyacolhuo' laif'eya, tolix tulecu.

²⁰ Isaías xonca al cuajmaica cataiqui' tuya'e' lonespa LanDios, ticua:

Lan xanuc' petsi aimalahuay, iñe alsinnapa.

Petsi aiqulicuitsufi: “¿Pe copa'a LanDios?”

jilpiya aimuj'moxi, mañiya alsinnapa, limetsaiconapa.

²¹ LanDios ituca' lonescopola' lan xanuc' Israel, ticua:

Jahuay litine cajoc'ila' iñiya lan xanuc'.

Ca'niquila' laimane', camila': “¡Tonlouyunca!”

Iñiya aiqulicucac', aimalihuejma'.

11

¹ Cacia: ¿Te qui'ipola' lun israelita, iñe lixanuc' LanDios? ¿Te ja'ni ecani'epola' nulemma? A'i, tołta'a aimi'ya. Iya' jouc'a nin'israelita, aixinyoxi i'hua Abraham, lixanuc' Benjamín aitatahueló. ² Iñe petsi alinca ixanuc' LanDios imetsaicopola' ai'a timajnlita. Aimi'ya mecani'eyacola'. ¿Ja'ni aicołsina' loya'apa al Paxi Linilingiya? ¿Aicołsina' jilpe lonescopa li'ipa cal profeta Elías micufquila' lixanuc', iñe ixanuc' Israel? Tijoc'i' LanDios, tixa'hue titoc'ila', timi: ³ “MainenDios, maiPoujna, ¡Toxinla' lo'epa iñe lan xanuc'! Ima'apá loprofeta, ummetsaipá lo'altar. Iya' caituca' aimaf'i', iya' lahuenno ałma'a'ma.”

⁴ LanDios, ¿te quitalai'e'eco'ma Elías? Timi: “A'i, aimopa'a cotuca'. Imaf'i' tixhuaispola' ocuenaye acaitsi mil lan xanuc'. Ainaquila', iñe ai'huexi, a'i quilexc'onlingołaic' cal ídolo Baal.”

⁵ Ma itsiya tołe ti'i. Itsiya pe lomana' lan xanuc' Israel tihmana' hualca iñiya alinca ixanuc' LanDios. LanDios itoc'ipola', i'huijf'epola'. ⁶ LanDios quituca' tixpic'e nai lotoc'iyacola', nai lo'huijf'eyacola'. Iñe notoc'iyacola' aimicuicomma ate'a mi'e'me al c'a, tijouła' ti'huijf'e'mola'. A'i. Ja'ni tołta'a lo'epa LanDios coła' aimitoc'iyacola' lixanuc', ma' le'a ti'najtse'mola' lo'epa al c'a.

⁷ Itsiya, ¿te qui'ipa? Lixanuc' Israel tama tehueyi te co'ya mepenufyacola' LanDios, aiqixim'me. Hualca linca ixim'me. Pe niximpá iñe hi'huijf'epola' LanDios. Locuenaye i'ipa axna hilunxajma'. ⁸ Li'ipola' ma to loya'apa al Paxi Linilingiya, tuya'e':

LanDios i'e'epola' muf liłpicuejma', i'e'epola' afohue, atałpe.

Ma tołta'a tuyałaicoyi itsiya litine.

⁹ Cal rey David jouc'a tinescola' iñiya, ticua:

Lan xanuc' ni'epá lixcay, iñe notel'mipá liłf'as xanuc', ma tołta'a ti'e'em'mola' iñiya.

Ma mitetsoyi ticuaitsa no'epá laic', ti'notintsola'.

¹⁰ Timufc'otsola' lił'u', aimixim'me,

tuliquintsola' no'epá laic', ti'hua ticuxenaitsole'.

¹¹ ¿Te ja'ni cacia: Iñiya lixanuc' Israel joupa imenajpola'? ¿Te LanDios ecani'epola' nulemma? A'i tołta'a laifcuapa. Linca iñe aiqulicueca, aiqulihuequi loxc'ai'ipola' LanDios. Tołiya LanDios epi'ipola' lane locuenaye xanuc' tihuejle, tunłul—le. Tijouła' iñe lixanuc' Israel tixim'me al c'a li'ipola' locuenaye xanuc', ticua'me: “Illanc' jouc'a ał'e'entsonga' iñe al c'a”. ¹² Lixanuc' Israel aiqulihuequi LanDios, tołiya LanDios acueca' tipaxnela' lan xanuc' ni'petsi lomana' li'a łamats'. Itsiya iñe lixanuc' Israel tehue'ela', tołiya acueca' al c'a lulijpa locuenaye lan xanuc'. Tijouła', ticuaitsi litine LanDios tipaxneconatsola' iñe lun Israel, tepenufconatsola', ¿te co'ya? Linca xonca al c'a lo'ya.

¹³ Itsiya capalaic'olhuo' imanc' unc'ocuenaye xanuc'. Tołe ca'ay lanic' lalapi'ipa LanDios. Iya' ol'apóstol. LanDios lummepe cu'itsolhuo' Lataiqui'. Cu'itsolhuo' jahuay imanc' a'i cunc'ijudío. Tołta'a laif'epa. ¹⁴ Cacia: Laif'as xanuc' judío ti'ila' quilsina' te ts'i'ic' li'ipolhuo' imanc', aga tinesle: “Illanc' jouc'a lapenufle iñe al c'a”, tijouła' aimecani'eyacola'. ¹⁵ LanDios lecanaipola' iñe lan xanuc' Israel, locuenaye lan xanuc', ni'petsi lomana' li'a łamats', epi'ipola' lane tiyejmalełe LanDios. Itsiya litine iñe lun Israel tocomma to lomanapola'. Ticuaitsi litine tepenufconatsola' LanDios, linca timaf'i'ina'mola'.

¹⁶ Linca ÑanDios tepenufcona'mola'. Ña'i lolanc'ecoyacu cal ts'e trigo ja'ni titsufconle ÑanDios tutani ñax'e, a'i ma le'a ñe ñax'e i'huexi ÑanDios, ñipanemma ñax'e jouc'a i'huexi. Anuli al'ec, ja'ni ñime i'huexi ÑanDios ñimané ñe al'ec jouc'a i'huexi ÑanDios. ¹⁷ Ñhe lixanuc' Israel, ÑanDios ti'onñicola' to lifapa al'ec, ñe al'c'a al'ec olivo jouc'a ñimané. Imanc' unc'ocuenaye xanuc' ti'onñicospolhuo' to ñimané al ximalo olivo. ÑanDios ñlonc'e'epola' hualca ñimané ñe li'olivo, ma ñiñpiya ñfinc'ipolhuo' imanc'. Tenef'molhuo' petsi ñe al'c'a olivo. Itsiya, imanc' jouc'a i'e'epolhuo' ñimané al'c'a olivo. Ñe al'c'a ñime lujay titoc'elhuo'.

¹⁸ Aimolcua'me: "Ñya' xonca ñinc'a. Ñhe ñimané olivo ñlonc'e'epola' ÑanDios, ñhe a'ijc'a." Ja'ni toñta'a toñesyí tocomma to imanc' toñtoc'eyi ñime. A'i. Ñime titoc'elhuo' imanc'. ¹⁹ Aga toñcua'me: "ÑanDios ñlonc'e'epola' ñimané olivo ipic'a añfinc'ita', lanef'la' ñiñpe". ²⁰ Ne'. ÑanDios ñlonc'e'epola' ñniya petsi aimi'huaiyijnyi. Imanc' ñfinc'ipolhuo'. Ma' moñ'huaiyijnyi toñmanecu ñiñpiya. Itsiya aimol—lof'e'moltsi. Toñ'etsoltsi cuenna. ²¹ ÑanDios iteñ'mi'mola' ñhe ma ñimané olivo, ñhe ñenef'pá ñime. Aiquixinnila' acuanuc'la. Imanc' ja'ni aimi'hua moñ'huaiyijnyi, ¿te aimiteñ'miyacolhuo'? Linca titeñ'mi'molhuo' jouc'a.

²² Ñe lo'epa ÑanDios timuqui te ts'i'ic' lipicuejma'. Ñque tixina cuanuc', jouc'a ti'i'ma tixtu'hua. Petsi lenajpoñtsi, aimihuejconayi, ñniya ixtuc'o'mola'. Imanc' a'i. Ixim-polhuo' unc'icuanuc'la, itoc'i'molhuo'. Ja'ni ti'hua toñihuejcoyi ÑanDios, ñque pe joupa ñiximpolhuo' unc'icuanuc'la, mañque ÑanDios ti'hua titoc'i'molhuo'. Ja'ni aimolihuejconayi tetece'e'molhuo'. ²³ Ñniya ñlonc'e'epola', ja'ni aimihuejcona'me lixcay cane, ja'ni tehuejcona'me ÑanDios, ñque tífinc'icona'mola', tenef'cona'mola'. ÑanDios ñinca ñipajnya ti'e'ma toñta'a. ²⁴ Ñhe loquej lan olivo ituca' ituca' liñsans. Anuli aximalo, locuena al'c'a olivo. Imanc' ma mi'onñicospolhuo' to ñimané al ximalo olivo ÑanDios etec'e'ena'molhuo', ipa'apolhuo', enef'polhuo' ñiñpe al'c'a olivo. Ja'ni ñe lipime joupa i'epa ÑanDios, ¿te aimi'iya mi'eya ja'ni a'i quipime? Linca, ti'i'ma. Ti'i'ma tífinc'icona'mola' ñiñpe liñ'ec ñniya ma ñimané al'c'a olivo.

²⁵ Cunc'aipimaye, ma caltuca' lañpicuejma' aimi'iya maluhuañyacu ñe lataiqui' lonescopa li'ipola' lixanuc' Israel. ÑanDios ñinca añmuc'inga'. Aipic'a ti'ita' colñina' te ts'i'ic' li'ipola' ñhe lan xanuc'. Ja'ni a'i, aga toñcua'me: "Ñllanc' xonca ac'a lañpicuejma', xonca aññina'".

Itsiya lixanuc' Israel le'a huata ñniya ññina' te ts'i'ic' lo'eyacu ja'ni tetentñcocola' ÑanDios lo'epa. Locuenaye li'ipola' axna liñpicuejma'. Ticuaiyunni litine tixhuai'nitsola' ñhe a'ij judío pe no'huaiyijmpá Jesucristo, ñhe lun Israel jouc'a tilanc'e'e'mola' ac'a liñpicuejma', ti'huaiyijm'me. ²⁶ Toñta'a tunñul'me jahuary lixanuc' Israel. Toñta'a loya'apa al Paxi Linñingiya, tuya'e' lonспа ÑanDios, ticua:

Lonñu'eyacola' lixanuc' Jacob tipaiyohuo laipñya' Sión.

Tipai'i'mola' ñniya liñpicuejma', alihuejcona'ma.

²⁷ Toñta'a tenañ'ma laitaiqui' añmaneconca.

Iya' quñlonc'e'ena'mola' liñjunac'.

²⁸ Ñhe, ma' aimihuejyi Lataiqui' loya'apa ñe al'c'a lixpíc'epa ÑanDios, ñque aimepenufla'. Xonca tepenufilhuo' imanc'. Linca aiquecanai'ila' nulemma. ÑanDios ti'hua ti'nujuaitsila' ñhe lixanuc', joupa i'huif'epola' liñtatahueló. ²⁹ ÑanDios aimipai'i lipicuejma'. Ja'ni joupa icupa cataiqui', ñe lepi'ipa aimixic'eya. Ñque petsi ñijoc'ipa aimetets'iya. ³⁰ Imanc', luyaipa quitine aimolihuejyi ÑanDios. Itsiya toñihuejyi. Ñhe lixanuc' Israel aiquilihuequi. Toñya ÑanDios xonca ñiximpolhuo' unc'icuanuc'la, epenufpolhuo'. ³¹ Linca, itsiya litine ñhe lixanuc' Israel aimihuejyi, toñya ÑanDios ñiximpolhuo' unc'icuanuc'la imanc'. Tijouñta' jouc'a ñniya tixim'mola' acuanuc'la. ³² Ja'ni lixanuc' Israel, ja'ni locuenaye lan xanuc', jahuary ma' anuli aiquilihuequi ÑanDios, ñque joupa ñiximpolhuo' jahuary axpennaiqui. Toñta'a ja'ni lixanuc' Israel, ja'ni locuenaye lan xanuc', ma' anuli ñipajnya ti'i'ma tixim'mola' acuanuc'la ÑanDios.

³³ Cagua: ¡Acueca' juaiconapa ÑanDios! ¡Acueca' juaiconapa lipicuejma'! ¡Acueca' juaiconapa lixina'! Aimi'iya mixinyacu te ts'i'ic' loxpíc'epa, ni minesyacu: Toñe, toñe

lo'eya. ³⁴ ¿Te anuli cal xans ixina' te ts'i'ic' lipicuejma' ÑanDios? ¿Te anuli cal xans i'epoxi lipomxi ÑanDios? ¿Te timuc'inni ÑanDios? ³⁵ O ¿te ti'i'ma lapi'i'me ÑanDios, tijoula' ał'najtse'e'monga'? A'i aimi'iya. ³⁶ Jahuay lopa'a ÑanDios ixpic'epa ti'ila', timajnle, jahuay ma' i'huexi, ilque aPoujna. Ma' ilque tix'najtsi'inle, timetsaiconle cal Cueca'.

Tołta'a ti'ila' itsiya litine, Locuena Quitine jouc'a. Amén.

12

¹ Cunc'aipimaye, toł'nujuaisle ÑanDios liximpolhuo' unc'icuanuc'la, itoc'ipolhuo' acueca'. Tołta'a caxa'huelhuo' tołtsufco'mołtsi ÑanDios. Itine itine ma colmaf'i' tołsim'mołtsi i'huexi ÑanDios, tolihuejco'me. Lo'ejma' tetenłcocola' ÑanDios. Tołmuj'me tolihuejyi jahuay łolunxajma'. Tołta'a, ÑanDios tepenuf'molhuo' molaxc'onłingolaiyi. ² Camilhuo': Aimolihuej'me li'ejma' lan xanuc' naihuejpa' quilituca' li'picuejma'. Tołspic'ete tonł'ete ituca'. Tołta'a ti'i'ma colcina' te ts'ipic'a ÑanDios. Ilque tixpic'e'ma ma le'a al c'a, tixpic'e' latenłcocola'. Ilque aimimenajya.

³ Iya' a'i caituca' laipicuejma' caxc'ai'ilhuo'. Ma ÑanDios lapi'ipa ile laipenic'. Itsiya camilhuo': Anuli anuli timetsaicoxoxi lipicuejma' li'ejma' te ts'i'ic' mopa'a. Nij nuli imanc' micua'ma: "Iya' xonca nincueca'". Moł'huaiyijnyi ÑanDios tolimetsaicotsoltsi te ts'i'ic' ile lołpicuejma' lepi'ipolhuo' ÑanDios.

⁴ Tama ma' anuli lałcuerpo axpe' mipa'a. Anuli anuli tipa'a li'penic'. ⁵ Tołta'a illanc'. Tama ninc'xpela', ma' almana' anuli. Illanc' icuerpo Cristo. Aimi'iya malanajyacołtsi anuli anuli. Anuli linca locuenaye i'huexi. Locuenaye linca i'huexi cal nuli. ⁶ ÑanDios lapi'iponga' anuli anuli lał'eyacu, ituca' ituca'.

Ja'ni epi'icopo' lo'picuejma' to'itsola' lan xanuc' lo'xp'ic'epa ÑanDios, ne' to'i'mola'. Mo'huaiyinge ÑanDios ilque tu'i'mo' te ts'i'ic' lofmuc'iyacola' lopimaye. Tołta'a to'itsola'. ⁷ Ja'ni epi'icopo' lo'picuejma' totoc'itsola' lo'as xanuc', ne', totoc'i'mola'. Ja'ni epi'icopo' lo'picuejma' tomuc'iyalela', ne', tomuc'i'mola'. ⁸ Ja'ni epi'icopo' lo'picuejma' toxc'ai'itsola', ne', toxc'ai'i'mola'. Ja'ni tapi'i'ma pe lahue'epa, ne', jahuay łomunxajma' tapi'i'ma. Ja'ni ifajpo', epi'ipo' copenic' tocuxela', aimo'e'moxi mahui, ma to'ela'. Ja'ni epi'ipo' lo'picuejma' toxinla' cuanuc', ne', tixojla' meta to'ela'.

⁹ Imanc' aimoł'e'e'mołtsi le'a. Alinca tonł'e'etsoltsi capic'a. Tolanałtsoltsi jahuay lixcay, tolihuejle al c'a. ¹⁰ Imanc' unc'apimaye tołta'a tonł'e'mołtsi capic'a. Toł'nujuaitsoltsi, tołtoc'itsoltsi. Aimolnes'me: "Iya' xonca ninc'a xans". Tołnesle: "Ilque laipima xonca ac'a xans".

¹¹ Ile lanic' lepi'ipolhuo' ÑanDios lałPoujna, tołpo'nołe lołpicuejma', tonł'ete. Aimixojtolhuo'.

¹² Toł'nujuaisle ile al c'a lapi'iyacolhuo' ÑanDios. Tołta'a aimijouya lołpinoxjma cata. Ja'ni tołtelcoyi, tołsnet'ile. Ti'hua tołjoc'ile ÑanDios. Tołsa'huele titoc'itsolhuo'.

¹³ Tołtoc'itsola' lołpimaye petsi lahue'epola'. Ilne jouc'a i'huexi ÑanDios. Tolapenułtsola' łolajut'li.

¹⁴ Pe naihuetsojpolhuo' tołpaxnetsola'. Aimolnesc'e'mola' quixcay cataiqui'. Tołpaxne'mola'.

¹⁵ Petsi naixołpa' quileta, imanc' jouc'a tixojla' cumlata. Petsi nohuotsopa' tijolijyi, imanc' jouc'a tołjolijle.

¹⁶ Aimolatets'i'mołtsi. Tonł'ete anuli lołpicuejma'. Aimoł'e'e'mołtsi. Aimolnes'me: "Illanc' ninc'itsila' xanuc'". Tonłejmalele lołpimaye petsi aiqul'hueca. Aimolnes'me: "Iya' xonca aixina'".

¹⁷ Aimoł'e'cona'mola' lixcay petsi li'epolhuo' lixcay. Jahuay loł'eyacu ti'ila' ma' al c'a. Tix-inle tołta'a ilne nahuelojmpolhuo'. ¹⁸ Ni petsi lołtseyacu, ja'ni ti'i'ma, tołmajnle ac'a. Ja'ni ilpic'a tifuli'i'molhuo', imanc' aimołfuli'icona'mola'. ¹⁹ Maicunc'aipimaye, iya' camilhuo': Ja'ni ixcay li'epolhuo' imanc', aimołpai'icona'me. Toł'huacole titeł'mila' ÑanDios. Tołta'a loya'apa al Paxi Linilingiya, ticua:

Ma le'a iya' ti'hua laimane capai'icona'ma.
 Petsi no'epá lixcay ma' iya' ca'najtse'e'mola', cateł'mi'mola'.
 Tołta'a locuapa ŁanDios łołPoujna.
²⁰ Imanc' tolihuejcołe lataiqui' loya'apa:
 Ja'ni tumle'e no'epo' laic', ima' totes'miła'.
 Ja'ni ticui quija', ima' tohui'ila' quija'.
 Ima' tołta'a toteł'mi'ma ni'epo' laic'.

²¹ Tołpo'note łołpicuejma', tołnesle: “Ite lixcay lał'e'epa aimalulijya. Iya' ca'e'e'ma al c'a, tołta'a culij'ma lixcay.”

13

¹ Jahuay imanc' tonł'ete locuxe'epolhuo' ts'iłpenic'. Cal xans no'huapa limane ticuxeł'a, ma ŁanDios epi'ipa iłque limane. Iłniya ts'iłpenic' pe nocuxepolhuo' itsiya, ma ŁanDios ifajpola'. ² Tołta'a ja'ni aimolihuejcola' ts'iłpenic' locuxe'epolhuo' ma' anuli aimolihuejcoyi ŁanDios łipo'nopola' iłniya. Cal xans aimihuejma, ŁanDios tepi'i'ma lijunac'. ³ Iłne ts'iłpenic' ipo'nompola' tilič'mintsola' no'epá lixcay. A'i miłic'minyacola' no'epá al c'a. Ima' ja'ni aimocua miłic'minyaco', ne' to'eł'a' al c'a. Tijouł'a' timi'mo': “Ac'a ima' loł'epa”. ⁴ Iłque ts'iłpenic' ma ŁanDios epi'ipa lipenic', ixpic'epa titoc'itso'. Tołpaic'etsi. Aimo'e'ma lixcay. Li'espada a'i ma le'a quitaic'. Ti'hua limane titeł'mitso'. ⁵ Łınca ts'iłpenic' nipajnya ti'i'ma titeł'mi'molhuo'. A'i ma le'a tołiya tolihuejco'mola'. Jouc'a toł'nujuaitsa naitsi nipo'nopola'. Małque ŁanDios ipo'nopola' iłniya. Tołiya tolihuejco'mola'. ⁶ Ma' anuli toł'najtseyi iłe lo'najtsi'ipolhuo'. Ts'iłpenic' ti'eyi lanic' lepi'ipola' ŁanDios. Itine itine tuyalaicoyi ti'eyi tołta'a.

⁷ Jahuay ts'iłpenic' petsi lo'najtsi'ipolhuo' toł'najtse'e'mola'. Ja'ni ti'najtsi'ilhuo' łolamats', łolajut'li o ts'oltaic' lane, ne' toł'najtse'ete. Tołspaic'etsola', tolimetsaicotsola'. ⁸ Aimołtaiyinc'e'me, ni anuli. Toł'najtse'e'mola' nulemma jahuay. Łınca tipa'a iłe petsi aimi'iyia moł'najtse'eyacola' nulemma. Aimi'iyia mołnesyacu: “Joupa ai'epa capic'a iłque łaipima. Aica'econaya capic'a.” Łınca ticuicomma ti'hua toł'nujuaitsola' lołpimaye, ti'hua tonł'etsola' capic'a. Ja'ni to'ay capic'a łopima, ałınca menant'łipa locuxepa ŁanDios. ⁹ ŁanDios ałcuxe'eponga', lu'inga': “Aimoxhuico'ma łipeno loł'as xans. Aimoma'ahuale'ma. Aimonantse'ma. Ja'ni topalaicotsola' loł'as xanuc' tonesla' al łınca, aimofel'miyale'ma. Aimojanaj'ma li'hueca loł'as xans.” Iłiya lataiqui' jouc'a jahuay locuxepa ŁanDios ti'i'ma alafot'łeco'me, ti'ila' ma le'a anuli lataiqui' loya'apa: “Ima' to'eyoxi capic'a, ma tołta'a to'eł'a' capic'a loł'as xans, naitsi lołtalecufya”. ¹⁰ Ja'ni to'eł'a' capic'a łopima aimi'iyia mo'e'eya quixcay. Tołta'a tanant'hi'ma locuxepa ŁanDios.

¹¹ Toł'nujuaitsa lo'iyia, tołta'a tonł'e'me to iłe laifxc'ai'ipolhuo'. Joupa icuai'ma al 'hora ałmaf'ile, ałtsolinanca. Litine lipangopa lał'huaiyijmpa Jesucristo Łaluntu'eyacong'a' tehue'e' ticuaicoconno iłque. Itsiya xonca ahuata tehue'e'. ¹² Joupa tuyaipa lipuqui'. Joupa tilič'e'ma. Aimał'econa'me lixcay, iłe lo'epa iłne noyelocopá lipuqui'. Lihuejle lepalc'o'. Tołta'a ałpa'neco'mołtsi lałpicuejma', aimitsufaiya lixcay.

¹³ Pesti amuf iłpicuejma' tixoqui quileta ti'eyi lixcay juic, timeyoc'iyoltsi, ti'nołyi lacał'no', ti'eyi nixpiya, tifuleyi, ti'eyoltsi laic'. Illanc' aimaluyalaico'me tołta'a, epalc'o' lałpicuejma'. Ticuicomma ti'ila' ituca' lał'ejma'. ¹⁴ Aimołcua'me: “¿Te ts'i'ic' latentłococoya laicuerpo? Capi'i'ma lojanajpa.” Tonł'ete ma le'a al c'a ma to li'epa Jesucristo. Iłe lonł'eyacu tetentłocola' Jesucristo, iłque ticuanajco'molhuo'.

14

¹ Pesti aiquilcueda litaiqui' Jesucristo, ja'ni ti'huaiyijnyi tolapenuf'mola'. Tijouł'a' aimołnesco'mola' iłniya lił'ejma'. Nij naitsi nocuaya: “Aicaipic'a li'ejma' łaipima”. ² Anuli xonca ti'huaiyinge, jahuay tite'ma. Locuena aimicueda, titeja ma le'a itamqui, aimateja lixic'. ³ Iłque notepa jahuay aimetets'i'ma petsi notepa pangay quitamqui. Notepa

pangay quitamqui aiminesco'ma notepa jahuay. Aimines'ma: “Ihque tecani'em'me”. A'i. LanDios joupá epenufpa. ⁴ Ima' nofnescopa lopima, ¿naitsi ima? Ima' a'i quipoujna lopima. Ma liPoujna tixpic'e ja'ni ti'hua timetsaicoła' o tecani'e'ma. Linca timetsaico'ma. LiPoujna ti'hua limane titoc'i'ma, aimecani'eyacoxi.

⁵ Anuli lapima ticua: “Acueca' litine ilta'a, iya' aica'eya canic’”. Locuena ticua: “A'i, ma' anuli jahuay litiné”. Ihque ti'e'ma canic'. Iya' cacua: Anuli anuli, quituca' quituca', tixpic'ela' lipicuejma' lo'eya. Tijoula' ti'ela'. ⁶ Lapima nocuapa: “Acueca' litine ilta'a, aica'eya canic’”, ihque ipic'a tetenłcocola' LanDios. Locuena nocuapa: “Ma' anuli jahuay litiné, ca'eta canic’”, ihque jouc'a ipic'a tetenłcocola' LanDios. Lapima notepa jahuay ipic'a tetenłcocola' LanDios, tołta'a joupá ix'najtsi'ipa LanDios. Locuena notepa pangay quitamqui jouc'a ipic'a tetenłcocola' LanDios, jouc'a ix'najtsi'ipa LanDios.

⁷ Małmana' fa'a li'a lamats' aimalčuxeyołtsi caltuca'. Aimalšpic'eyi ja'ni ti'hua almaf'i'me o ja'ni alma'monga'. ⁸ Ja'ni ts'almaf'i' lałPoujna lapi'inga' lałpitine. Ja'ni almatsonga' ma' anuli lałPoujna tixpic'e ihe lał'iyaconga'. Ma' anuli małmana' i'huexi lałPoujna. ⁹ Tołta'a al muc'iponga' ihe li'ipa Cristo. Ihque imapa, imaf'inapa, tołta'a i'ipa iłPoujna limanapola' jouc'a ts'ilmaf'i'. Jahuay ticuxela'.

¹⁰ Ima', ¿te cofnescocopa lopima? Tocua: “Tecani'em'me”. Ima', ¿te cofmetets'icopa lopima? Anuli tołcuaita pu'hua pe lopa'a LanDios cal Cuecaj Juez. Jiłpiya jahuay lacax-huolaita. ¹¹ Tołta'a tuya'e' al Paxi Linilngiya. Ticua LanDios:

Ma' alinca iya' NanDios, aimaf'i'.

Iya' cacua:

Laxc'onłingołai'ma jahuay lan xanuc'.

Jahuay almi'ma: “Ma' ima' manDios”.

¹² Ihe lataiqui' al muc'inga' te ts'i'ic' lał'iyaconga' anuli anuli illanc'. Ima' cotuca', iya' caituca' altalai'eta LanDios.

¹³ Itsiya aimalnescocona'mola' lałpimaye. Aimalahuelojncona'mola' te ts'i'ic' lił'ejma'. Najmay tolahulolojntsołtsi coltuca' loł'ejma'. Tołšpic'ele nulemma tołtoc'itsola' lołpimaye. Aimol'e'mola' muc'uiyacola'. ¹⁴ Aixina' jahuay ti'i'ma alte'me ja'ni Jesús alPoujna, ja'ni ihque joupá alapenufponga'. Lapima petsi aimicueca ilta'a, ihque nocuapa: “Ihe ixcay. LanDios aimalapi'i lane. Aimi'iya cateja”, ne', aimite'ma. ¹⁵ Ima' toteja jahuay, tijoula' lopima tixhuełco'ma, ticua: “Ihe ixcay, ¿te cotecopa ihque?” Ja'ni tołta'a lo'iya ima' linca aimo'ay capic'a lopima. Cristo icupoxi, imacopa tunłu'etsi lopima jouc'a. Tijoula', ¿te ima' tatets'i'ma? Tote'ma, tijoula' ihque lopima to'e'e'ma coyac'. Aimihuejconaya, tecani'e'moxi. A'i. Aimo'e'ma tołta'a. ¹⁶ Linca ima' xonca to'huaiyinge LanDios, tołta'a jahuay toteja. Ma le'a camihuo': Ja'ni lopima tixim'mo' a'ijca lo'ejma' moteja jahuay, najmay aimote'ma ihe petsi aimetenłcocojma lopima.

¹⁷ LanDios cal Rey aimicuis'eyacola' lixanuc' te ts'i'ic' liłtepa, lixnapa. Ihque timetsaicola' ihe ixanuc' petsi no'epá al c'a, petsi aimifuleyi, petsi cal Espiritu Santo tixoc'ila' quileta.

¹⁸ Ja'ni tołta'a comihuequi loPoujna Cristo, linca LanDios tetenłcocojma lo'ejma'. Lan xanuc' jouc'a tixim'mo' ac'a loł'epa.

¹⁹ Tołiya, alpo'nołe lałpicuejma' aimal'e'eyacola' coyac' lałpimaye. Altoc'i'mola' tihuejle Jesucristo. ²⁰ Ima' ts'opic'a tołta'a jahuay, to'nujuaitsola' lopimaye. LanDios joupá ifa'epola' ihe liłpicuejma', ¿te ima' tomints'e'mola'? Ailopa'a quixcay lałtepa. Jahuay ti'i'ma alte'me. Ja'ni lołtepa aimetenłcocojma lopima, ja'ni toc'uilituf'e'ma ihque, jiłpe linca LanDios tixina ixcay ilquiya lołtepa.

²¹ Lołtepa lixic' o lołxnapa vino, o loł'epa, ja'ni tołta'a toc'uilituf'e'ma lopima, najmay aimoxna'ma ihe al vino ni aimote'ma ihe lixic' ni aimo'e'ma to mo'ay. ²² Ima' oxina' loł'eya, ja'ni ti'i'ma tote'ma, ja'ni aimi'iya. To'nujuaitsi LanDios jouc'a ixina'. Tixoqui meta ima' ja'ni taimetsaicoyoxi ac'a loł'epa, ja'ni oxina' tetenłcocojma LanDios. ²³ Lapima

nonesyá: “Aicaixina' ja'ni ti'i'ma o aimi'iyá”, tijoula' tite'ma, linca a'ijc'a ihe lo'epa. Titai'ma lajunac'.

Ticuicomma ti'ila' całsina' ja'ni tetenłcocojma ŁanDios o a'i. Ja'ni aicałsina' najmay aimal'e'me.

15

¹ Illanc', ja'ni atcueca litaiqui' Jesucristo, ja'ni joupa ałsina' ti'i'ma alte'me ja'huay, ja'ni ałsina' ailopa'a tintsí, iya' cacua: Aimal'e'me lalatenłcocoayacongá' illanc' całtuca'. Xonca' lahuele te co'iyá małtoc'iyacola' lałpimaye, ihe petsi aiqUILcUEca. Małe al'ele. ² Al'ele le'a latenłcocoayacongá' lałpimaye. Licuis'e'mołtsi: “¿Te caif'eya catoc'ila' laipima? Aipic'a xonca tihuejla' Jesucristo.” ³ Al'nujuaisle li'ejma' Jesucristo. Iłque aiqUetEnłcocoYoxi quituca'. Al Paxi Linilingiya tuya'e' lo'iyá Cristo. Iłque lipalaic'opa ŁanDios timi: “Ima' iya' ałtełcopá anuli. Lan xanuc' netets'ipo' ima', małniya ałnescopa jouc'a”.

⁴ He lataiqui', jouc'a jahuay loya'apa al Paxi Linilingiya linilijmpa luyaipa quitine, ałtoc'inga' illanc' nałmana' itsiya, ałmuc'inga'. ŁanDios aimicua małtafqueyacongá' jilpe lałpicuejma'. Ipic'a ti'hua al'huaicołe ihe lalapi'iyaconga'. Tołiya lapi'iponga' litaiqui', iłiya al Paxi Linilingiya. Lapi'iponga' ałsuełe. Tołta'a liłpi'i'monga' calata, ałsnet'łme lał'iyaconga'.

⁵ Linca małque ŁanDios ałtoc'inga' ałsnet'He lał'iyaconga'. Lixoc'inga' calata. Iłque ŁanDios ti'e'etsolhuo' anuli lołpicuejma', ti'ila' loł'ejma' to li'ejma' Jesucristo. ⁶ Tołta'a ti'i'ma anuli lołpicuejma', jahuay anuli tołs'najtsi'i'me ŁanDios, iłque enDios, i'Ailli' lałPoujna Jesucristo.

⁷ Cristo joupa epenufpolhuo'. Tołiya imanc' unc'apimaye. Tolapenuftsołtsi. Tołta'a tixinim'me te ts'i'ic' łolanDios. Tixinim'me ac'a lipicuejma'. ⁸ Jesucristo i'huamma fa'a li'a łamats', i'epoxi to całmozo illanc' ninc'ijudío. Tołta'a iłinc'ipa linespa ŁanDios. Enant'łpa lataiqui' ŁanDios lepi'ipola' lałtatahueló. ⁹ Jouc'a i'huacomma li'a łamats' tołs'najtsi'ile ŁanDios imanc' a'i cunc'ijudío. Licuai'ma Cristo iłque imuc'i'molhuo' te ts'i'ic' ŁanDios lipicuejma'. Iłque ŁanDios tixinnilhuo' unc'icuanuc'la. Al Paxi Linilingiya tuya'e' tołta'a lo'iyá ticua:

Pe lomana' lan xanuc' a'ij judío cax'najtsi'ito', camito': “¡Acueca' iłta'a lo'epa!”

Małpiya cunac'ta, camito': “¡Ma' ima' manDios!”

¹⁰ Jouc'a tuya'e':

Unc'ocuenaye xanuc', jouc'a lixanuc' ŁanDios, tixojla' cunlata anuli.

¹¹ Jouc'a tuya'e':

Unc'ocuenaye xanuc', tołs'najtsi'ile ŁanDios.

Imanc' ni petsi lołmana', tołnesle: “¡Acueca' łalanDios!”

¹² Jouc'a pe liniliya linespa Isaías tuya'e':

Tama joupa imanapa Isaí, (iłque i'ailli' cal rey David),

ti'i'ma anuli łanef'eya, ticuxe'mola' locuenaye lan xanuc', ihe a'ij judío.

Iłniya ti'huaiyijm'me iłque.

¹³ Ałsa'hueyi ŁanDios tepi'itsolhuo' cołpicuejma' toł'huaicołe al c'a lapi'iyacolhuo', tixoc'itsolhuo' cunlata. Tołta'a tołsim'me acueca' lotoc'ipolhuo' cal Espíritu Santo. Aim-ixojyacolhuo', ti'hua toł'huaico'me.

¹⁴ Cunc'aipimaye, joupa aixinnilhuo' te ts'i'ic' loł'ejma'. Aixinnilhuo' juaiconapa ac'a lołpicuejma'. Aixina' joupa ołsina', tołsc'ai'iyoltsi. ¹⁵ Tama aixinnilhuo' tołta'a ninił'epolhuo' iłta'a cołje'e. Petsi petsi tocomma to ułfxi lałtaiqui'. Aipic'a toł'nujuaitsa, aimolimenc'eco'me ihe al c'a lołsina'. ŁanDios joupa lapi'ipa laimane catoc'itsolhuo' tołta'a.

¹⁶ ŁanDios lummepe ni petsi lomana' lan xanuc' a'ij judío. Lummecopa capalaicota Jesucristo. Tołta'a ca'ay lipenic' lałPoujna. Cuya'e' litaiqui' ŁanDios, Lataiqui' loya'apa ihe al c'a lołpic'epa ŁanDios. Cami ŁanDios: “Ja'a, toxintsola' ihe locuenaye xanuc' a'ij judío. Ihe jouc'a o'huexi, joupa epenufpá cal Espíritu Santo. Joupa aitoc'ipola'. Tetenłcocotso' ima'. Tapenuftsoła'.”

¹⁷ Iya' tixoxqui neta quihuequi Jesucristo. Toŧta'a ca'ay lanic' lalapi'ipa ÑanDios. Ma' iŧque Jesucristo aŧtoc'i. ¹⁸ Aicapalaijma lanic' iŧe li'epa ocuena caŧpima. Aicacua: "Iŧe laif'epa iya'". Ma le'a capalaico'ma li'epa Cristo jŧiŧiya laitsehuo'ma iya'. Jŧiŧe petŧi lan xanuc' a'ij judío aŧquimf'epa iya' lainuya'apa. Aŧsimpa lai'epa, lijou'ma ihuejco'me ÑanDios. ¹⁹ Lainipamma jŧiŧe al cuecaj quilya' Jerusalén aitsehuo'ma aculi' cacuaita ŧamats' Ilírico, ca'hua cuya'e' Litaquí' Jesucristo. Ni petŧi lomana' lan xanuc' nu'iyalepa Lataquí' loya'apa iŧe al c'a loxpíc'epa ÑanDios. Lan xanuc' ixim'me acueca' lo'epa ÑanDios. Ixim'me acueca' lipepaxi cal Espíritu Santo.

²⁰ Iya' cahuela' lan xanuc' petŧi aimimetsaicoyi Jesucristo. Pe lomana' iŧniya jŧiŧe cuya'e' Lataquí' loya'apa iŧe al c'a lixpíc'epa ÑanDios. Aica'eya canic' petŧi ocuena joupá ipangopa. ²¹ Cacia: Ti'ila' ma to micua al Paxi Linilingiya loya'apa: Lan xanuc' petŧi aiquiŧsina' naitŧi iŧque, petŧi aicu'innila', iŧniya timetsaico'me. Petŧi aiquiŧcúeca, ma' iŧniya ti'i'ma quíŧsina'.

²² Joupá aimipolhuo', aixpic'epa ca'hua'ma pe lomana' lan xanuc' petŧi aimimetsaicoyi Jesucristo. Capalaic'otsola' iŧniya. Toŧiya aicaitsec' pe loŧmana' imanc'. ²³ Ixhuaita axpe' camats' aipic'a ca'huaŧa'. Aipic'a cacuaitŧi jŧiŧiya pe loŧmana'. Itsiya cacua: Fa'a pe laifpa'a joupá ijoupá laipenic'. Linca ca'hua'ma. ²⁴ Litine ca'huaŧa' España, iŧniya litiné cuyaicota pe loŧmana' imanc', cahuejntolhuo'. Oque' afane' quitine aŧmajnta anuli, tixoj'ma calata. Tijouŧa' imanc' aŧtoc'ita cuyaita.

²⁵ Ate'a ca'hua'ma Jerusalén. Capi'itola' quíŧtomí lapimaye nomana' jŧiŧe. Iŧne i'huexi ÑanDios. ²⁶ Lapimaye nomana' ŧamats' Macedonia, jouc'a nomana' ŧamats' Acaya, iŧne ixpic'e'me tefot'le'me liŧtomí, titoc'icónnola' liŧpimaye petŧi aiquiŧ'hueca, iŧne i'huexi ÑanDios nomana' Jerusalén. ²⁷ Cacia: Ixpíc'epá titoc'ile liŧpimaye iŧniya ajudío nomana' Jerusalén. Toŧta'a tix'najtsi'im'mola'. Iŧne liŧpimaye ajudío joupá itoc'impola'. Aiquicuanac'ennila' Lataquí' loya'apa iŧe al c'a lixpíc'epa ÑanDios. Ticuayi: "Tuyalaicotsa al c'a Locuena Quitine". Itsiya iŧne lapimaye a'ij judío tix'najtsi'im'mola' liŧpimaye. Tumme'ennila' quíŧtomí. Tuyalaicotsa al c'a itsiya litine.

²⁸ Toŧiya ca'hua'ma Jerusalén. Ma' iya' capi'itsola' lapimaye quíŧtomí; iŧe lefot'ŧepa lapimaye a'ij judío, iŧne nomana' Macedonia y Acaya. Tijouŧa' cuyaitŧi pu'hua España catsa'aitolhuo' imanc' noŧmana' Roma. ²⁹ Jesucristo aŧtoc'ipa. Aŧpaxnepa juaiconapa. Cacuaitsi iya' pu'hua pe loŧmana' ma' anuli aŧtoc'i'monga', aŧpaxne'monga'.

³⁰ Cunc'aipimaye, imanc' illanc' anuli ŧaŧPoujna, iŧque Jesucristo. Iŧque aŧtoc'inga'. Jouc'a ma' anuli cal Espíritu ŧalapi'iponga' laŧpicuejma' aŧ'etsotŧi capic'a. Iŧque cal Espíritu Santo. Toŧiya caxa'huelhuo' toŧjoc'ile ÑanDios aŧtoc'ila'. Ti'hua toŧjoc'i'me. ³¹ Toŧta'a ÑanDios aŧ'eta cuenna. Lan xanuc' na'epa laic', iŧniya nomana' ŧamats' Judea aimi'iya maŧ'e'eya to micuayi. Jouc'a toŧsa'hueŧe ÑanDios aŧtoc'itsi jŧiŧe Jerusalén. Tetentocotsola' laif'eya lapimaye nomana' jŧiŧiya, lapenufta al c'a. ³² Toŧsa'hueŧe ÑanDios aŧtoc'ila' tixojla' neta cacuaitsi pe loŧmana'. Ma' anuli lunxajta. Lixpi'itoŧtsi calata.

³³ ÑanDios nipajnya ti'i'ma tipac'e'e'molhuo' loŧpicuejma'. Imanc', iŧque, toŧmajnle anuli. Toŧta'a ti'ila'. Amén.

16

¹ Fa'a tipa'a Febe ŧaŧpima caca'no'. Iŧque ti'ay lanic' lepi'ipa ÑanDios, titoc'ila' lapimaye nomana' liŧya' Cencrea, iŧne lafoŧyomma jŧiŧiya. Iya' nimetsaijma ac'a caca'no'. ² Imanc' i'huexi ÑanDios jouc'a tolimetsaicotsa ŧaŧpima, tolapenufle. Ma' anuli ŧaŧPoujna. Ja'ni tehue'e' tolaŧi'ile, toŧtoc'ile. Iŧque itoc'ipola' axpela' lapimaye, iya' jouc'a aŧtoc'ipa.

³ Tolu'itsola' Aquila y hipeno Priscila: "Pablo tinonilhuo'". Ma' anuli illanc' aŧ'eyi lanic' lalapi'iponga' Jesucristo. ⁴ Linca iya' jouc'a jahuay lapimaye a'ij judío, ni petŧi lafoŧyomma, aŧ'najtsi'ila' iŧne Aquila y Priscila. Iŧne aŧcuanajcopa iya'. Tocomma to aimunŧu'eyacoŧtsi iŧniya.

⁵ Lapimaye lafoŷyomma lilejut'ŷ Aquila y Priscila, jouc'a cal c'a ŷai'amigo Epeneto, tolu'itsola': "Pablo tinonilhuo". Jiŷpe ŷamats' Asia Epeneto i'ipa cal te'a ŷihuejpa Jesucristo.

⁶ Jouc'a tolu'itsa María: "Pablo tinonhuo". Hque María acueca' iteŷcopa itoc'ipolhuo'.

⁷ Ma' anuli tolu'itsola' Andrónico y Junias, iŷne aipiŷya' xanuc'. Iya' iŷniya aŷtats'emponga' anuli. Iŷne alulijpa iya'. Ate'a i'huaiyijmpá Jesucristo. Iŷne jouc'a a'apóstole, lummepola' ŷanDios. Ti'eyi acueca' canic'.

⁸ Jouc'a toŷta'a tolu'itsa Ampliato. Hque ŷinca ca'ay capic'a. Toŷta'a lapi'ipa laipicuejma' ŷaŷPoujna.

⁹ Jouc'a tolu'itsa Urbano. Illanc' aŷejmale. Aŷ'eyi lanic' lalapi'iponga' Jesucristo.

Jouc'a tolu'itsa Estaquio, ŷacaipima.

¹⁰ Jouc'a tolu'itsa Apeles. Jiŷque ŷinca imuj'moxi cal c'a ts'ihuequi Jesucristo. Aiquena-jyoxi.

Jouc'a tolu'itsola' iŷniya nomana' lejut'ŷ Aristóbulo.

¹¹ Jouc'a tolu'itsa Herodión. Hque aipiŷya' xans.

Jouc'a tolu'itsola' iŷniya nomana' lejut'ŷ Narciso, iŷne ti'huaiyijnyi ŷaŷPoujna Jesucristo, joupá lepenufpola'.

¹² Jouc'a tolu'itsola' Trifena y Trifosa. Iŷne ti'eyi lanic' lepi'ipola' ŷaŷPoujna Jesucristo.

Jouc'a tolu'itsa ŷaŷ'amiga Pérsida. Hque juaiconapa i'epa lanic' lepi'ipa ŷaŷPoujna.

¹³ Jouc'a tolu'itsa Rufo. Hque ŷinca timujyoxi i'huif'epa ŷaŷPoujna, ac'a tihuequi. Jouc'a tolu'itsa qui'máma' Rufo. Iya' jouc'a camí: "Ai'máma'".

¹⁴ Jouc'a tolu'itsola' iŷne Asíncrito, Flegonte, Hermes, Patrobas, Hermas, y jiŷpiya nomana' locuenaye capimaye.

¹⁵ Jouc'a tolu'itsola' iŷne Filólogo, Julia, Nereo, ŷipima caca'no' Nereo, Olimpas y jahuay lapimaye i'huexi ŷanDios lafoŷyomma iŷniya.

¹⁶ Jahuay imanc' toŷnontsoŷtsi. Toŷtuc'otssoŷtsi loŷpeque to tituc'otssoŷtsi lapimaye i'huexi ŷanDios.

Tinonilhuo' imanc' jahuay lapimaye i'huexi Cristo ni petŷi lafoŷyomma.

¹⁷ Cunc'aipimaye, jiŷpiya pe loŷmana' timana' lan xanuc' nacui'ipoŷtsi apimaye. Iŷne ocuenaj liŷ'ejma'. Iŷne mane tifuli'ilhuo', ti'e'e'molhuo' onŷca. Toŷta'a anuli anuli ti'hua lipene. Ai' toŷta'a limuc'ipolhuo' lataiqui' lolihuic'ipa. Imanc' ti'ŷta' coŷsina' naitŷi iŷne, tolanajtsoŷtsi. ¹⁸ Iŷne aimihuejyi locuxepa ŷaŷPoujna Jesucristo, le'a tehueyi te co'iya mulijyacu quiltomí, titetsoŷe al c'a. Tipalayi tocomma ac'a cataiqui', tetenŷcocola' lapimaye. Tifel'minnila' iŷne lapimaye petŷi noximpá jahuay lataiqui' tocomma ma' anuli. Iŷne lapimaye aimimetsaicoyi petŷi a'ijc'a capicuejma'. ¹⁹ Iya' jouc'a jahuay lapimaye ni petŷi lomana' aŷsina' imanc' ŷinca tolihuejcoyi. He loŷ'ejma' lixoc'i neta iya'. Iya' aipic'a ti'ŷta' coŷsina' te ts'i'ic' al c'a. Tolihuejle y toŷ'eŷe toŷiya. Ja'ni a'ijc'a, cacua: Ni aimi'i'ma coŷsina' te ts'i'ic', amolihuejyacu.

²⁰ ŷanDios lipac'e'eponga' laŷpicuejma' aimicoŷya timuj'moxi acueca' ipujfxi. Toŷsim'me joupá i'oc'enapa Satanás, toŷ'huailsuf'me. Tijouŷa' ailopa'a co'e'econayacolhuo'.

ŷaŷPoujna Jesucristo titoc'itsolhuo' itine itine.

²¹ Tinonilhuo' Timoteo. Hque anuli aŷ'epá lanic' lalapi'iponga' Jesucristo. Lucio, Jasón, Sosípater jouc'a tinonilhuo'. Iŷne aipiŷya' xanuc'.

²² Iya' ninTercio quiniŷi iŷta'a al je'e. Iya' jouc'a nihuequi Jesucristo. Canonilhuo' imanc' unc'aipimaye.

²³ Iya' ninPablo aipanc'ale fa'a lejut'ŷ Gayo. Hque tinonilhuo' jouc'a. Jifa'a lejut'ŷ tefoŷyomma lapimaye.

Erasto, iŷque ipenic' ti'huejla' al tomí fa'a liŷya', jouc'a laŷpima Cuarto, tinonilhuo'.

²⁴ Itine itine ŷaŷPoujna Jesucristo titoc'itsolhuo' jahuay imanc'. Toŷta'a ti'ŷta'. Amén.

25-27 Iya' cacua: ¡A!s'najtsi'ile LanDios! I!que ti'i'ma titoc'i'molhuo'. To!ta'a aimolanajya-co!tsi al c'a cane. Ma!ta'a loya'apa Lataiqui' laifnuya'apa iya'. I!e Lataiqui' tuya'e' te ts'i'ic' al c'a loxic'epa LanDios, tipalaijma Jesucristo. Iya' cuya'e' naitsi i!que.

I!na'a litiné LanDios a!muc'iponga' al cuajmaica te ts'i'ic' lixic'epa. I!e lixic'epa uya'a'me lam profeta, inil'me. Li'ipa tipanemma to lemiya cataiqui'. Ailopa'a nicuejpa. LanDios, i!que aimijouya lipitine, jounpa icuxepa ticuej!e jahuay lan xanuc' ni petsi lomana', tihuejco!e, ti'huaiyijnle. Cacua: Ti'huaiyijnle Jesucristo. To!ta'a timetsaico'me acueca' LanDios. Ma' i!que anDios, acueca' lipicuejma'. Timetsaicon!e itsiya litine, Locuena Quitine jouc'a. To!ta'a ti'ila'. Amén.

LIJE'E SAN PABLO AL TE'A LINIĒ'EPOLA' LAPIMAYE LEFOT'ĒPOĒTSI LIĒYA' CORINTO

¹ Iya' ninPablo, Jesucristo aĵoc'ipa ca'ela' lanic' lalapi'ipa. Toliya iya' nin'apóstol, epaluc Jesucristo. Toġta'a lixpíc'epa ĒanDios. ² Iya' jouc'a ĵaipima Sóstenes liniĒ'elhuo', aĥnonilhuo' imanc' lefot'Ēpolhuo' ĒanDios ĵiĵpe liĒya' Corinto. Imanc' joupá epenufpolhuo' Jesucristo. Toliya i'ipolhuo' ixanuc' ĒanDios. Īque joupá imetsaicopolhuo' i'huexi. Jahuay ĵaipimaye nojoc'ipá Jesucristo, ni petsi lomana', aĥnonila' jouc'a. Maĵque Jesucristo aĵPoujna, illanc' ĩniya.

³ ¡Caĵ'Ailli' ĒanDios jouc'a ĵaĵPoujna Jesucristo titoc'itsolhuo', tipac'e'etsolhuo' loĵpicuejma'!

⁴ Itine itine cax'najtsi'i ĵainenDios acueca' itoc'ipolhuo', ipaxnepolhuo' imanc' lepenufpolhuo' Jesucristo. ⁵ Cax'najtsi'i xonca ac'a loluyalaicopa imanc' lepenufpolhuo' Cristo. Juaiconapa ac'a loluya'apa litaiqui'. Ac'a olapenuf'me ĩĵe litaiqui', oĵcuejpa. ⁶ Toġta'a li'ipolhuo' lijoupa lolapenufpa ĵaĵtaiqui' ĵaĵpalaicopa Cristo. ⁷ ĒanDios ipaxnepolhuo' acueca'. Jahuay lapi'ipola' lixanuc' joupá epi'ipolhuo' imanc'. Itsiya oĵ'huaijma ticuaiconanni ĵaĵPoujna Jesucristo. ⁸ Īque ti'hua titoc'i'molhuo' aimolanajyacoĵtsi al c'a cane. Ticuaiconanni ĵaĵPoujna Jesucristo aimitac'uinyacolhuo' cajunac'. ⁹ Toġta'a ti'e'ma ĒanDios. Īque tenant'ĥi litaiqui', aimifellaique. Joupá ijoc'ipolhuo' tonĵejmale'me ĥi'Hua, ĵaĵPoujna Jesucristo.

¹⁰ Unc'aipimaye, caxahue'elhuo' toĵpic'ele ti'ĵta' ac'a loĵ'ejma', tetentĵocola' Jesucristo. Camilhuo': Aimolfuli'i'moltsi cataiqui', aimolixtuc'o'moltsi. Toĵ'etsoltsi anuli loĵpicuejma', anuli loĵtaiqui'. Aimolanajcona'moltsi ocuena ocuena lipicuejma'. ¹¹ Unc'aipimaye, lapimaye nomana' lejut'ĵ Cloé tinescolhuo' imanc', ticuayi toĵfuli'iyoltsi cataiqui'. ¹² Joupá aicuejpa loĵ'ejma'. Hualca imanc' toĵcuayi: “Illanc' aĵcuxenga' Pablo, ĩque lihuejyi”. Ocuenaye ticuayi: “Lihuejyi Apolos”. Ocuenaye ticuayi: “Lihuejyi Cefas”. (Īque aPedro.) Locuenaye ticuayi: “Illanc' lihuejyi Cristo”.

¹³ Itsiya quicuis'elhuo', camilhuo': ¿Te tipa'a axpela' lan Cristo? ¿Te iya' ninPablo lapaĵts'ingimpa lancruz? ¿Te iya' naiĥonc'e'epolhuo' loĵjunac' imanc'? ¿Te ma maĵ'huaiyinge iya' ninPablo epo'icompolhuo'? ¹⁴ Cax'najtsi'i ĒanDios iya' nij naitsi imanc' ĵainepo'ipa. Ma le'a nepo'ipola' Crispo y Gayo. Locuenaye imanc' aicainepo'ila' iya'. ¹⁵ Toġta'a aimi'iya moĵnesyacu imanc': “Iya' nihuequi Pablo, ĩque lapo'ipa”. A'ĥ. Nij naitsi nonesya toġta'a.

¹⁶ Linca nepo'ipola' lapimaye nomana' lejut'ĵ Estéfanas. Aicaixina', aica'nujuaitsi ja'ni nepo'ipola' ocuenaye o a'i. ¹⁷ Cristo lummecopa cuya'atsi Lataiqui', ĩĵe loya'apa al c'a lixpíc'epa ĒanDios. Aicalu'ic': “Tapo'iyaletsi”. Iya' a'ĥ nincueca' comxi cataiqui'. Cristo aical'e'e toġta'a. Ipic'a ti'ĵta' quĩsina' te ts'i'ic' al cuecaj li'ipa ĵiĵpe lancruz, tixingufcoĵe ĵiĵpe ĵilunxajma'.

¹⁸ Lan xanuc' ts'ĵtaic' liĵjunac' aiquĩcueca li'ipa ĵiĵpe lancruz. Ticuayi: “Amac'ta cataiqui' ĩhiya”. Illanc' a'ĥ. ĒanDios alunĵu'enga', toġta'a aĵsinyi acueca' cataiqui' ĩhiya, aĵsingufcoyi al cueca' ĵaĵ'eponga' ĒanDios. ¹⁹ Al Paxi Liniĵingiya tuya'e' lo'iya, ticua: Timana' lan xanuc' nocuapá: “Acueca' laipicuejma', iya' linca aixina’”. ĒanDios ticua: “Iya' camuc'i'mola' te ts'i'ic' liĵpicuejma', aiquĩsina’”. Jouc'a timana' nocuapá: “Iya' linca cacueca’”. ĒanDios ticua: “Īniya aiquĩcueca, camuc'i'mola' toġta'a”.

²⁰ Itsiya, ¿te qui'ipola' nocuapá: “Acueca' laipicuejma’”? ¿Te qui'ipola' ĩniya nipa'acopá ĵiĵjuac lan tsilaj cataiqui', ĩne lomxiye cataiqui'? ĒanDios joupá imujpa ĩne aiquĩsina'. Liĵtaiqui' tipa'acoyi maĵpe liĵpicuejma' pangay camac'ta cataiqui'. ²¹ Jiĵa'a li'a ĵamats' lan xanuc' naihuejpa quĩtuca' liĵpicuejma' tama tocomma acueca' liĵpicuejma' ĩniya

aiquilimetsaijma ÆanDios. Itque linca acueca' lipicuejma', toŧta'a ixpic'epa tunŧu'etsola' lan xanuc' nepenufpá lataiqui' laluya'apa. Ihe tocomma to lamac'ta cataiqui', tinescojma li'ipa jilpe lancruz.

²² Lan judío ticuayi: “Ti'eŧa' al cueca' ÆanDios, aŧsinŧe illanc', tijouŧa' aŧ'huaiyijm'me”. Lan griego ticuayi: “Aŧsinŧe, aŧquimf'eŧe anuli ts'acueca' lipicuejma', acueca' quitaiqui' loya'apa, tijouŧa' aŧ'huaiyijm'me”. ²³ Illanc' ma' aŧnescoyi Cristo, itque hummepa ÆanDios. Luya'ayi: “Itque ŧepaŧts'ingimpa lancruz”. Licuejpá toŧta'a lan xanuc' judío ixtulencia. Ticuayi: “Ja'ni ŧepaŧts'ingimpa lancruz aicummaic' ÆanDios”. Petsi a'ij judío, iŧne lan griego, tetets'iyi laluya'apa, ticuayi: “Amac'ta cataiqui' iŧiya”. ²⁴ Petsi lojoc'ipola' ÆanDios, ja'ni ajudío, ja'ni agriego, iŧne linca timetsaicoyi Cristo hummepa ÆanDios. Jilpe iximpá al cueca' lo'epa ÆanDios, iximpá acueca' lipicuejma'. ²⁵ Liximpá li'ipa Cristo jilpe lancruz, lan xanuc' ticuayi: “ÆanDios ailopa'a quipicuejma', ailopa'a co'eya”. A'ij linca iŧta'a locuapa. Xonca acueca' lipicuejma' ÆanDios, xonca acueca' lo'epa.

²⁶ Unc'aipimaye, imanc' lojoc'ipolhuo' ÆanDios, tolimetsaicoyoŧtsi te ts'i'ic' moŧmana'. Imanc' a'i cunc'itsila' xanuc'. Ma le'a oquexi' afantsi imanc' acueca' loŧpicuejma'. Ma le'a oquexi' afantsi ti'hua loŧmane, toŧcuxeyi. Ma le'a oquexi' afantsi loŧ'aillí ts'i'ihueca, acueca' quih'huexi. ²⁷ ÆanDios ixpic'epa tuliŧtsola' iŧniya nocuapá: “Iya' aixina', acueca' laipicuejma'”. Toŧiya i'huif'epolhuo' imanc' petsi a'ij cueca' coŧpicuejma', epi'ipolhuo' loŧpicuejma' ti'ila' acueca' coŧsina'. Ma' anuli ixpic'epa tuliŧtsola' nocuapá: “Acueca' ti'hua laimane, acueca' laif'eya”. I'huif'epolhuo' imanc' petsi aimi'hua coŧmane, ailopa'a al cueca' loŧ'eyacu. ²⁸ Ixplic'epa tuliŧtsola' lan tsilaj xanuc', iŧne limetsaiconnila' fa'a li'a ŧamats'. Imanc' joupa ti'onŧcospolhuo' to ninaitsi xanuc', etets'impolhuo', tocomma aimoŧmana' fa'a li'a ŧamats', ÆanDios i'huif'epolhuo', timetsaico'molhuo'. Iŧne lan tsilaj xanuc' aimimetsaiconyacoŧa' toŧta'a. Tejac'e'mola'.

²⁹ Aimi'iyá maŧnesyacu: “ÆanDios aŧsimpa nincuecaj xans, toŧiya lapenufpa”. A'i. Nij naitsi nonesya toŧta'a. ³⁰ Imanc' coŧtuca' aicoŧspic'e. Ma ÆanDios ixpic'epa tepenuŧtsolhuo' Jesucristo. Maŧque ÆanDios ipo'nopa Cristo aŧmuc'itsonga' te ts'i'ic' al cueca' lipicuejma' ÆanDios. Ja'ni aŧ'huaiyijnyi Cristo ÆanDios lapenufinga' to ailopa'a caŧjunac'. Itque Cristo aŧ'e'eponga' i'huexi ÆanDios. Joupa i'najtsepa laŧjunac'. ³¹ Toŧta'a tenant'li loya'apa al Paxi Linilŧingiya, ticua: “Ja'ni topalaŧa' al c'a li'ipo', ne', toya'aŧa' al cueca' li'epa ŧaŧPoujna”.

2

¹ Unc'aipimaye, li'ipa maŧmana' anuli iya' aicai'e'e'moxi. A'i nomxi cataiqui'. Aicai'aic' to tocomma acueca' laipicuejma', le'a nu'i'molhuo' Lataiqui' loya'apa lo'epa ÆanDios. ² Joupa aixpic'epa te ts'i'ic' lo'iyá lai'ejma'. Cacia: Ma capa'a liŧya' Corinto ca'nujuais'ma ma le'a Jesucristo, itque ŧepaŧts'ingimpa lancruz. Capalaico'ma itque. ³ Laicuaitsi jilpe loŧpiŧya' tocomma aŧmajaiquemma. Laipicuejma' cacua: ¿Te caŧ'iyá? Tiyu caxpaiqui' laicuerpo. ⁴ Imanc' aŧsimpa a'ij cueca' laipicuejma', a'ij cueca' laitaiqui', laifpalaipa. Oŧsimpá ma le'a al cueca' lo'epa cal Espíritu Santo. Ihe linca oŧsimpá. ⁵ Toŧta'a aicai'huaiyinge iya'. Aicoŧnesqui: “Acueca' lipicuejma' Pablo”. Imanc' ma' oŧ'huaiyijmpá ÆanDios, toŧcuayi: “Acueca' lo'epa itque”.

⁶ Linca tipa'a lataiqui' xonca acueca', ipime. Ihe lataiqui' camuc'ila' lapimaye ts'ipicuejma', iŧne ticuec'eyi, aimi'onŧcospolá to la'uhuyá.

Ihe laifnuya'apa ituca' cataiqui', a'i to liŧtaiqui' lopalaipa iŧne naihuejpá quilituca' liŧpicuejma'. Ihe laifnuya'apa jouc'a a'i to liŧtaiqui' lan tsilaj quincuxepá, iŧniya petsi ÆanDios tijou'ne'mola'. ⁷ Lataiqui' laifnu'iyalepa tuya'e' al cueca' lixplic'epa ÆanDios, tocomma emiya cataiqui'.

Lipangopa li'a ŧamats' ÆanDios joupa ixina' lo'eya, joupa ixpic'epa lo'iyá. Aŧ'e'e'monga' pangay c'a laŧpicuejma', ti'ila' to lipicuejma' ÆanDios, aŧŧaitsufcotonga'. ⁸ Lincuxepá no-mana' fa'a li'a ŧamats' aiqulŧsina', aiqulŧcueca toŧta'a lixplic'epa ÆanDios. Ja'ni coŧa' iŧsina'

aimepalts'ijnyacu łalPoujna, itque ma' anDios. ⁹ Ma' al linca loya'apa al Paxi Linilingiya, ticua:

Lan xanuc' aiquirehuelojm'ma li'u', aiquirehuelojm'ma li's'mats'i'.

Jiŕpe lipicuejma' aiquirehuelojm'ma li'u' li'hueca LanDios.

LanDios joupá ilanc'epa, tepi'i'mola' lixanuc', itne no'epá capic'a lilenDios.

¹⁰ Illanc' linca alsina'. LanDios joupá amuc'iponga'. Cal Espíritu Santo alu'iponga'. Itque cal Espíritu ixina' lipicuejma' LanDios, ixina' jahuay xonca lipime, ixina' xonca lemiya.

¹¹ Anuli cal xans, ¿te ja'ni ixina' te ts'i'ic' lipicuejma' hi'as xans? A'i. Ma le'a ixina' te ts'i'ic' mixpic'e quituca' lipicuejma'. Jouc'a LanDios, ma le'a hi'Espíritu, itque cal Espíritu Santo, ixina' te ts'i'ic' lipicuejma' LanDios.

¹² Illanc' lapenufpá cal Espíritu Santo, łalapi'iponga' LanDios. A'i calapenufi locuenaj espíritu, itque nocuxepola' lan xanuc' naihuejpa' lipicuejma'. LanDios ipic'a ti'ila' calsina' te ts'i'ic' lalapi'iponga', toŕiya lapi'iponga' cal Espíritu Santo. Itque amuc'inga'.

¹³ Lalu'ipola' lapimaye, ite łaltaiqui', aimalipa'acoyi caŕtuca' łalpicuejma'. Maŕque cal Espíritu Santo amuc'inga' te ts'i'ic' łalpalacoayacu. Ite lonespa cal Espíritu Santo amuc'ila' lapimaye, itne pe joupá nepenufpá itque cal Espíritu, tihuejcoyi. ¹⁴ Anuli cal xans ja'ni aiquirepenufi cal Espíritu Santo aimicueca te ts'i'ic' malapi'inga' cal Espíritu. Jahuay iŕiya tixina to amac'ta cataiqui'. Aimi'iya mihuic'iya. Ma le'a cal Espíritu Santo ti'i'ma timuc'i'ma. ¹⁵ Ja'ni joupá mepenufpa cal Espíritu Santo jahuay iŕiya tocueca. Cal Espíritu timuc'ihuo'. Linca, lan xanuc' tixinghuo' ocuena lopicuejma', aimicuec'ehuo', aimixingufhuo'. ¹⁶ Aimi'iya mixingufyaco'. El Paxi Linilingiya ticua:

¿Te ja'ni tipa'a naitsi niximpa te ts'i'ic' lipicuejma' LanDios?

¿Te ja'ni ti'i'ma timuc'i'ma LanDios?

A'i aimi'iya.

Illanc' łalpicuejma' i'ipa anuli lipicuejma' Cristo. Toŕta'a aimac'uec'enyaconga'.

3

¹ Unc'aipimaye, łalmajmpá anuli jiŕpiya aicaimuc'ilhuo' lipime cataiqui'. Aiqui'ic'. Tocomma afule molihuejyi Cristo. Aimolihuejyi cal Espíritu Santo. Xonca tolihuejyi coŕtuca' loŕpicuejma'. Aiximpolhuo' ti'onŕcospolhuo' to la'uhuyay. ² Toŕiya iya' laites'mipolhuo' ti'onŕcospa to aleche a'i quixic'. Cacia: Laimuc'ipolhuo' a'i quipime cataiqui', pangay aiquirepime.

Iŕniya litiné aiqui'ic' colihuec'i lipime cataiqui', itsiya jouc'a aimi'iya. ³ Ma' itsiya tolihuejcoyi coŕtuca' loŕpicuejma'. Toŕejcoyoŕtsi laic'. Toŕfuli'icoyoŕtsi. Tolanajyoŕtsi, anuli anuli ti'hua lipene. ¿Te ja'ni toŕta'a tolihuejcoyi cal Espíritu Santo? Toŕta'a liŕ'ejma' iŕniya pe aiquirepenufi cal Espíritu Santo. ⁴ Hualca imanc' toŕcuayi: “Illanc' lihuejyi Pablo”. Hualca toŕcuayi: “Illanc' lihuejyi Apolos”. Mi'i toŕta'a loŕ'ejma' linca tolihuejcoyi coŕtuca' loŕpicuejma'.

⁵ Iya' ninPablo, ¿naitsi iya'? Apolos, ¿naitsi itque? Illanc' ma le'a ninc'ixanuc', aŕ'eyi lanic' lalapi'iponga' LanDios. Aluya'ayi litaiqui' LanDios. Imanc' oŕ'huaijijmpá itque. Anuli anuli tipa'a łalpenic' lalapi'iponga' LanDios. ⁶ Iya' aifapa, Apolos ic'ejpa, LanDios itoc'epa. ⁷ Illanc' aŕfapá, aŕc'ejpá, a'ij cueca' ite lanic'. Al cueca' xonca lo'epa LanDios Notoc'epa. ⁸ Ja'ni aŕfayi, ja'ni aŕc'ejyi, ma' anuli aŕ'eyi lanic' lalapi'iponga' LanDios. Tijouŕta' anuli anuli lulij'me lalapi'iyaconga' LanDios. Ituca' ituca' lalapi'iyaconga' ma to łalpenic' laŕ'epa.

⁹ Aŕ'eyi canic' anuli LanDios. Imanc' ti'onŕcospolhuo' to quequeya LanDios. Ti'onŕcospolhuo' to lajut'holanc'epa LanDios. ¹⁰ LanDios lapi'ipa laipenic', cuya'atsi litaiqui' Jesucristo. Toŕta'a jiŕpe lai'epa ti'onŕcospa to lo'epa łomxi canic' ts'ixina' lo'eya tilanc'ela' al c'a cajut'ŕ. Tocomma to aipupa camats', aipo'nopa lopo'nof'inyacu łaitaŕ. Itsiya ocuenaye tuyai'eyi łaitaŕ. Camila' iŕniya: “Toŕpo'noŕe cuenna te ts'i'ic' lonŕ'eyacu. ¹¹ Ne', toluyai'etsa

łaitał. Aimołpo'nocona'me lopo'nof'inyacu łaitał. Iya' joupa aipo'nopa, iłque Jesucristo. Ailopa'a cocuena.”

12-13 Ticuaitsi al Cuecaj Quitine ti'huájta acuajmaica te jale lanic' li'epa iłne nolanc'epá łaitał. Jiłpe litine tilič'eyo'ma cunga. Łunga tuyaico'ma jahuay, hualca tipi'e'ma nulemma, hualca tipanehuo. Tołta'a ti'huájta te lilanc'ecompa liłpitał, ja'ni a'oro, aplata, apic' juaiconapa ipitali, o ja'ni a'ec, ajaxa, apajac. 14 Cal xans ja'ni tipanehuo łaitał liłpo'nof'ipa, iłque tulij'ma lalapi'iya ŁanDios. 15 Ja'ni tipila' nulemma ailopa'a capenufya. Tope tope tipanehuo. Jahuay li'epa tejac'ma. Ma to afule munłu'enyacola' lan xanuc' mipila' liłejut'łi, toliya afule munłuya iłque.

16 Imanc' nolafot'łepołtsi jiłpe, ¿ja'ni aicołsina' ti'onłcospolhuo' to ejut'ł ŁanDios? Jiłpe tipanga cal Espíritu Santo. 17 Cal xans najac'eya lejut'ł ŁanDios, małque ŁanDios tejac'e'ma iłque cal xans. He lajut'ł apaxi, ma i'huexi ŁanDios. Imanc' nołmana' ejut'ł ŁanDios, imanc' i'huexi iłque.

18 Imanc' aimołfel'mi'mołtsi. Aimoł'onłico'mołtsi to lan xanuc' naihuejpa' quilituca' liłpicuejma'. Aimołnes'me: “Joupa aixina'. Acueca' laipicuejma'.” Ja'ni tonesqui tołta'a najmay taimetsaico'moxi mamac'ta. Tołta'a tapenuf'ma copicuejma'. 19 Iłne naihuejpa' quilituca' liłpicuejma' tama tocomma acueca' quilsina', ŁanDios tixinnila' amac'ta. Tołta'a loya'apa al Paxi Linilingiya, ticua:

Iłne petsi acueca' liłpicuejma' linca iłsina' lixcay.

Ma mi'eyi iłe lixpica'epa, ŁanDios tic'aił'mola'.

20 Jouc'a tuya'e':

ŁanDios ixina' te ts'i'ic' liłpicuejma' iłne nocuapá: “Iya' aixina’”.

Tixinnila' ailopa'a al c'a lo'eyacu.

21 Itsiya imanc' aimołnesconacona'me: “Iłque cal xans tipa'a xonca acueca' lipicuejma', iłque nałcuxepa, quihuejma’”. Iłniya lołpomxiye lepi'icopolhuo' ŁanDios titoc'itsolhuo'.

22 Iya' camilhuo': Imanc' ja'ni ałpalaajma iya' ninPablo, o tołpalaicoyi Apolos, o Cefas (iłque aPedro), o tołpalaicoyi li'a łamats', o lapajnya, o lamaya, o lopa'a itsiya, o lo'iya locuaicoya quitine, tołnujuaitsa ŁanDios epi'icopolhuo' jahuay iłna'a titoc'itsolhuo', a'i micuxeyacolhuo'. 23 Linca tipa'a Nocuxepolhuo', iłque Cristo. Małque Cristo tipa'a nicuxepa, iłque ŁanDios.

4

1 Ma Cristo lummeponga' ałtoc'itsolhuo' imanc'. He lałpenic'. Camilhuo': Limetsaicot-songa'. ŁanDios lapi'iponga' lałmane lu'itsola' lan xanuc' litaiqui', iłe xonca lemiya, luhuałc'e'e'mola'.

2 Ja'ni tepi'inłe cal xans lipenic' ticuicomma tenant'łiła' iłe lanic' lapi'impa. 3 Itsiya, ¿te co'iya? ¿Te ja'ni imanc' ti'i'ma ałmi'ma te ts'i'ic' laif'epa iłe laipenic', ja'ni ac'a o a'ij c'a? O ¿tipa'a anuli cal juez fa'a li'a łamats' ti'i'ma ałmi'ma tołta'a? A'i, aimi'iya. Ni iya' caituca' canescoyacoxi ac'a laif'epa. 4 Tama iya' caituca' caxina ac'a laif'epa laipenic', aicaixina'. Le'a ŁanDios ixina' iłta'a. Ma' iłque lu'i'ma.

5 Aimołnesconacona'mola' lołpimaye, ja'ni ac'a o a'ijc'a lo'epa. Toł'huaicołe ticuaicoconno lałPoujna. Fa'a li'a łamats' ti'onłcospa to lipuqui'. Axpe' aiqui'huáqui. Iłque lałPoujna tepalc'o'i'ma jahuay. Aimi'iya memiconaya, jahuay tixinim'me. Jahuay lixpica'epa lan xanuc' jiłpe liłunxajma' tixinim'me. Ja'ni ac'a ał'epá lałpenic' ma ŁanDios lu'i'monga'. Anuli anuli ałmi'monga'.

6 Unc'aipimaye, ja'ni iya' camilhuo': “Tołe tołe lał'ejma' iya' y Apolos”, ma le'a aipica' tołta'a camuc'itsolhuo' aimołcuxeconacona'mołtsi coltuca', aimołmiconacona'mołtsi: “Nij nałtsi nałcuxeyacongá illanc'”, aimołfuli'iconacona'mołtsi. Aimolahueconacona'me te co'iya moluli-jcoyacołtsi.

⁷ Ima', ¿te aimi'onłcospo' lopimaye? ¿Te xonca ts'o'hueca? Ja'ni o'hueca, ¿naitsi lepi'ipo'? Ja'ni ŁanDios Nepi'ipo', ¿te cołof'ecopoxi? Tocomma cotuca' ima' mepi'ipoxi.

⁸ Imanc' tocomma ixhuaita lołpicuejma'. Ailopa'a cahue'epolhuo'. Ti'i'ma tołcuxe'mołtsi cołtuca' imanc', latets'inga' illanc'. ¿Te tołcuayi: “Joupa lulijpá. Aimałtoc'icona'monga'”? Iya' cacua: ¿Coła' olulij'me! Tołta'a illanc' jouc'a lunxaj'me.

⁹ Illanc' ninc'apóstole tocomma ŁanDios ałpo'noponga' fa'a li'a łamats' to ninaitsi xanuc'. Fa'a latets'ininga' to latets'impola' lan xanuc' no'epá acueca' lixcay, iłne ma le'a ił'huaijma titeł'mintsola', tima'am'mola'. Ma le'a lixoconga' illanc'. Lapaluc' nomana' lema'a jouc'a lan xanuc' nomana' fa'a li'a łamats' lahuelonginga' lał'iyaconga'.

¹⁰ Imanc' moł'huaiyijnyi Cristo tołsinyołtsi acueca', ac'a lołpicuejma'. Illanc' aimalescoyacołtsi tołta'a. Mał'eyi łanic' lalapi'iponga' Cristo, lan xanuc' ałnescoponga', ticuayi: “Iłne amacta”. Imanc' nipajnya toł'e'me al cueca', illanc' a'i. Nij tintsu mi'iya mał'eyacu. Imanc' timetsaicolhuo' lan xanuc', tixpaic'elhuo'. Illanc' a'i. Latets'ininga'.

¹¹ Illanc' ti'hua ałtełcoyi, lunle'eyi, lahue'enga' całsnayacu, lahue'enga' całpijahua', luntafquina', ailopa'a calajut'ł, ma le'a ałelocoyi. ¹² Ał'ecoyi canic' lałmane', acueca' quixoqui.

Ja'ni ałmiloquina' cataiqui', ałpaxnela'. Ja'ni lihuetsolina', ałsnet'łyi. ¹³ Ja'ni ałnesconga' quixcay, ałtalai'e'mola' al c'a. Illanc' ał'onłicoponga' to cal cueca' łifuc, iłpic'a ma liłonc'etsonga' nulemma. Tołta'a ał'e'enga'.

¹⁴ Laifpalaic'opolhuo' tołta'a aicatalelhuo'. Caxinnilhuo' to cainaxque', ma le'a caxc'ai'ilhuo'. ¹⁵ Imanc' tama ti'ıta' axpela' lołpomxiye, tixhuaispola' to imbamaj mil, a'ıjxpela' loł'aillı. Ma le'a iya' coł'aillı. Iya' ma' ca'ay łanic' lalapi'ıpa Cristo, nu'ıpolhuo' Lataiqui' loya'apa iłe al c'a lixpıc'epa ŁanDios. Imanc' olapenufpá, i'ıpolhuo' ainaxque'.

¹⁶ Iya' to oł'aillı' caxa'huelhuo', camilhuo': Lihuejla' iya' laı'ejma'.

¹⁷ Tołta'a tu'ıtolhuo' Timoteo. Iłque ai'hua, aıpic'a. Łınca tihuequi lałPoujna. Cumme'ma ti'huala' pu'huanni tixıntsolhuo', ti'nujuaitsi'ıtsolhuo' te ts'i'ic' cainihuequi Cristo, te ts'i'ic' lataiqui' laıfmuc'ıpolá' lapimaye ni petsi lafołyomma.

¹⁸ Jıłpe hualca ti'e'eyołtsi, ticuayi: “Iłque Pablo aimıcuaiya fa'a. Illanc' ałsına' lał'epa.”

¹⁹ Iya' ja'ni ipic'a laıPoujna Jesucristo aimalecołya, ca'hua'ma jıłpiya. Cacuaitsi caxinnola' te ts'i'ic' lo'epa iłniya no'e'epołtsi. Iłne łınca acueca' locuapa. Caxinnola' ja'ni acueca' ac'a lo'epa. ²⁰ Petsi ŁanDios ticuxe a'ı ma le'a mıpalolaiyi, jouc'a ti'i'ma acueca' ac'a lo'epa.

²¹ Itsiya, ¿te ts'ołpic'a? ¿Cacuaitsi quixtu'hua cataletołhuo'? O ¿cacuaitsi tıxoqui neta, cahuejntolhuo', capalaic'otolhuo' al c'a? Imanc' cołtuca' tołsim'me.

5

¹ Iya' aıcuejpa lopalaıcompolhuo' imanc'. Pe lołmana' tipa'a anuli ixcay lo'epa. Lan xanuc' pe aimımetsaicoyi ŁanDios aimi'eyi to lo'epa iłque. Joupa ilecopa lihuomi'máma'.

² Imanc' aimołsuełmot'łeyi, ti'hua tołnescoyołtsi: “Illanc' xonca ac'a lihuejyi”. Coła' olıpa'a'me iłque ni'epa lixcay.

³ Iya' tama jıfa'a capa'a, tocomma ma' anuli to jıpu'hua ałmana'. Iya' joupa aıxpıc'epa lał'e'eyacu iłque cal xans ni'epa iłe lixcay. ⁴ Tolafot'łetsołtsi toł'etsa ma to lałcuxe'eponga' lałPoujna. Imanc' jıłpiya lołmana'. Iya' tama capa'a fa'a, laıpicuejma' ti'hua'ma pu'huanni, tołta'a ti'i'ma to lafot'łeyołtsi anuli. Jıłpe ti'hua'ma acueca' limane lałPoujna Jesucristo.

⁵ Tołiya laca'nico'me iłque cal xans, ałcu'me ticuaitsi limane Satanás, titeł'mıla'. Titełcoła' licuerpo aimıxahue'econama lixcay. Tunłula' łi' alma litine ticuaıyunni lałPoujna Jesús.

⁶ Imanc' ti'hua tıxoqui cunlata, tocomma coła' ailopa'a tintsu. A'ıjc'a iłe loł'ejma'. ¿Ja'ni aıcołsına' lo'eya tułcanni cal levadura lohuants'ımpa łax'e? Tama tucanni tıtoj'ma jahuay łax'e. ⁷ Iłe lixcay lonł'ejma' ti'onłcospa to cal levadura, tonlaca'nııe. Ti'ıtsolhuo' to cal ts'e harina łax'e pe ailopa'a qui'ic'. Ła'ı lołanc'ecompa cal ts'e harina łax'e tıtej-nı al juıc Pascua. Jıłpe al juıc ti'nujuaitssınnı li'epa ŁanDios litine lunłu'epola' lixanuc',

ihniya lijoupa ima'apá laca'huaj moł. Illanc' ał'nujuaisyi hiMoł ŁanDios, joupa lima'ampa, itque Cristo. ⁸ Ał'nujuaitsa itque, tołta'a ał'e'me juic. Jiłpe al juic aimixinim'me itque cal levadura. Laifnescopa “cal levadura”, canescojma lixcay. Cacua: Aimał'e'me lixcay. Aimałnescocona'mola' quixcay lałpimaye. A'i ma le'a mał'e'e'mołtsi to lan c'a xanuc', al linca ał'itsonga' ac'a lałpicuejma'.

⁹ Laininił'epolhuo' aimipolhuo': “Tolanajtsołtsi itne no'epá al xujc'a. Aimołłejmale'me itne pe noxhuicopá ocuenaye cacał'no' a'i quilpenoye.” ¹⁰ Laimipolhuo' tołta'a aica-palaicocola' lan xanuc' pe aimimetsaicoyi ŁanDios. Linca ihniya tixhuicoyi lacał'no', tijanajyi hił'huexi lił'as xanuc', tifel'miyaleyi, texic'eyaleyi lił'as xanuc', text'ontingołaiyi landiosla'. A'i camiyacolhuo' tolanajtsołtsi ihniya. Ja'ni tołta'a lonł'eyacu tołpalcu nulemma jifa'a li'a łamats'. ¹¹ Iya' canescola' lił'ejma' lapimaye. Camilhuo' lonł'eyacu ja'ni anuli lołpima tixhuijma ocuena cacał'no' a'i quipeno, ja'ni tijanaca ocuenaj 'huexi, ja'ni text'ontingai'ila' landiosla', ja'ni tinesc'ela' cataiqui' lapimaye, ja'ni isna, ja'ni tifel'mila' lipimaye mexic'e'ela' liłtomí. Camilhuo': Ja'ni tołta'a li'ejma' anuli lołpima tolanajtsołtsi, ni aimołtetso'me anuli itque.

¹²⁻¹³ Ihniya pe a'i całpimaye, ¿ja'ni iya' iljuez? ¿Ja'ni cateł'mi'mola' ihniya? A'i. Ma ŁanDios iljuez itne. Lołpimaye nomana' jiłpiya, imanc' ti'hua lołmane ti'i'ma tołteł'mi'mola'. Itque ni'epa lixcay, tołpala'ale.

6

¹⁻² Imanc', ja'ni ticuicomma tixanutsi lataiqui', ¿te tołpalaic'ocopola' ts'ilpenic', itne pe aimimetsaicoyi ŁanDios? ¿Te ja'ni aimołsinyi calaic'ata? Aimoł'econa'me tołta'a. Imanc' i'huexi ŁanDios. Małpiya pe lomana' lołpimaye tołxanu'etsołtsi lołtaiqui'. Imanc' illanc' i'huexi ŁanDios. ¿Ja'ni aicołsina' te ts'i'ic' laluyalaicoyacu? ŁanDios lapi'i'monga' lałmane, ał'i'monga' iljuez lan xanuc', itne pe aimimetsaicoyi ŁanDios. Locuaicoya quitine, ja'ni tołta'a acueca' ti'i'ma loł'eyacu, itsiya litine, ¿te aimi'iya monł'eyacu ite a'ij cueca'? ³ ¿Te aicołsina' lo'iya Locuena Quitine? ŁanDios ałpo'no'monga' iljuez lapaluc' quema'a. Itsiya litine, ¿te aimi'iya mołsanuyacu ite lo'ipolhuo' jifa'a li'a łamats'?

⁴ Ma muluyalaicoyi lapajnya ja'ni tipa'a lo'ipa jiłpiya pe lolafot'leyopoltsi, najmay tołnanc'otsola' ma lołpimaye, itne tixanułe lataiqui', tama tocomma nij naitsi xanuc' ihniya. ⁵ Camilhuo' tołta'a aipic'a tołsintołtsi te ts'i'ic' loł'ejma', tołsinłe calaic'ata. Jiłpe, ¿ja'ni ailopa'a ni' anuli lołpima ts'ixina'? ¿Ja'ni ailopa'a ni' anuli ti'i'ma ti'e'ma tixanu'e'mola' liłtaiqui' lipimaye? ⁶ Tocomma to ailopa'a. Tołiya lapimaye ticuxecoyołtsi, tiyeyi pe lomana' lan juez, itne pe aimimetsaicoyi ŁanDios.

⁷ Linca ma mołfuli'yołtsi, mołcuxecoyołtsi timenaquilhuo' juaiconapa. Xonca ac'a lonł'eyacu ja'ni tołsnet'ł'me lo'ipolhuo'. Ja'ni a'ijc'a lo'epolhuo', ja'ni ifel'mipolhuo', aimolixtuc'o'mołtsi. ⁸ Imanc' ituca' loł'ejma'. A'ijc'a lonł'epola' lołpimaye, ofel'mipola'. Tama ołpimaye tołta'a lonł'epa.

⁹ ¿Te aicołsina' lo'iyacola' itne no'epá al xujc'a? Aimitsuflaiyacu pe locuxeyopa ŁanDios. Imanc' aimołfel'mi'mołtsi. Aimołcua'me: “Tama tołiya laif'epa catsufaita”. Itne nahuepá cacał'no', jouc'a naxc'ontingołaipá landiosla', jouc'a noxhuicopá ocuenaye cacał'no', a'i quilpenoye, jouc'a lan xanuc' no'e'epołtsi to lacał'no', jouc'a nonangołaiपोłtsi lił'as xanuc', ma to li'epa lan xanuc' jiłpe liłya' Sodoma, ¹⁰ jouc'a nonantsepá, jouc'a nojanajpá locuenaj 'huexi, jouc'a noxnatsaipá, jouc'a nopalaicopá quixcay, jouc'a nofel'miyalepá mulijyi acueca' quilłomí, jahuay ihniya ŁanDios aimepi'iyacola' lane, aimitsuflaiyacu pe locuxeyopa.

¹¹ Linca, li'ipa tołta'a lonł'epa hualca imanc'. Itsiya a'i. Joupa ołnespá: “Ca'huaiyinge Jesús, itque aiPoujna”, joupa epo'impolhuo', i'e'epolhuo' limpio, olapenufpá cal Espiritu Santo. Tołta'a i'ipolhuo' i'huexi ŁanDios. Itque tepenufilhuo' to ailopa'a cołjunac'.

¹² ¿Te ja'ni anuli ticua: “Tipa'a lane. Jahuay ti'i'ma ca'e'ma.”? Linca jahuay ti'i'ma a'e'me. A'i jahuay metenłcocoya. Cacua: Ja'ni ti'i'ma lulij'ma, i'e aica'eya. ¹³ Tinesyi: “ŁanDios ilanc'epa lałcu'u ti'nijmaispa lałtejacu. Jouc'a ilanc'epa lałtejacu ti'nijmaitsi lałcu'u.” Linca ma małmana' fa'a li'a lamats' ti'hua ti'nijmaita lałcu'u lałtejacu. Ticuaitsi Locuena Quitine iłiya lałcu'u ailopa'a, jouc'a lałtejacu ailopa'a. Tołta'a lixp'epa ŁanDios. ¿Te ŁanDios lapi'iponga' lałcuerpo lahuecotsola' lacał'no'? A'i. Lapi'iponga' a'e'le lani', i'e lalapi'iponga' lałPoujna. Iłque iPoujna lałcuerpo jouc'a. ¹⁴ ŁanDios joupa imaf'i'ina'pa lałPoujna Jesucristo. Tołta'a ałsim'me al cueca' lo'eya ŁanDios. Ałmaf'i'ina'monga' jouc'a lałcuerpo.

¹⁵ Lałcuerpo joupa i'ipa i'huexi Cristo, tocomma to limane', li'mitsi' iłque. ¿Te aicołsina' iłta'a? ¿Te liłonc'e'e'me li'huexi lałPoujna Jesucristo? ¿Te lapi'i'me anuli łaca'no' notepa licuerpo? Iłque tixhuico'ma ma to mijanaca. A'i, aimi'iya. ¹⁶ Lan xanuc' lacał'no' ja'ni joupa ejonłpołtsi i'epołtsi anuli. Jouc'a ma' anuli cal xans tejonłixoxi łaca'no' notepa licuerpo, ti'i'mola' anuli iłniya. ŁanDios ticua: “Loquexi' tejonłi'mołtsi, ti'i'ma anuli liłcuerpo”. ¿Te aicołsina' iłta'a? ¹⁷ Jouc'a cal xans iłejmale lałPoujna Jesucristo, iłque y lałPoujna i'ipołtsi anuli, anuli liłpicuejma' iłniya.

¹⁸ Tołpo'nołe lołpicuejma', aimoł'noł'mola' lacał'no'. Tolinuc'etsola' iłniya. Ticuanni: “Ja'ni a'ijc'a lał'epá ailopa'a co'iya lałcuerpo, tołe ałmanecu”. Iya' camilhuo': A'i. Naitsi no'nołpa ocuena caca'no' tixis'mecoyoxi, titeł'miyoxi quituca', tecani'e licuerpo. ¹⁹ ¿Te aicołsina' lołcuerpo ti'onłcospa lajut'ł pe lopa'a ŁanDios? Jiłpe tipa'a cal Espıritu Santo, iłque lumme'epolhuo' ŁanDios. Itsiya aimi'iya mołcuxeyacołtsi cołtuca'. ²⁰ Acueca' li'najtsecopa ŁanDios, tołta'a i'epolhuo' i'huexi. Jiłpiya lołcuerpo tołs'najtsi'ile ŁanDios. Tonł'ełe ma le'a latentłcocoya.

7

¹⁻² Itsiya quinił'elhuo', catalai'e'elhuo' lalicuis'epa jiłpe lołje'e. Licuis'epa, ałmi ja'ni ac'a loxp'epa anuli cal xans nonespa: “Iya' capajm'ma caituca'. Aicahueya caipeno.” Ne'. Tama ac'a loxp'epa iłque cal xans, najmay lan xanuc' anuli anuli temalıłe. Jouc'a lacał'no' anuli anuli temalıłe. Tołta'a aimi'eyacu nixpiya.

³ Cal xans aimicuanaj'moxi, ti'e'exoxi anuli lipeno. Jouc'a łaca'no' aimicuanaj'moxi, ti'e'exoxi anuli lipe'ailli'. ⁴ Aimines'ma łaca'no': “Laicuerpo ai'huexi. Ja'ni aipic'a ca'e'e'moxi cuenna.” A'i. Licuerpo łaca'no' i'huexi lipe'ailli'. Jouc'a cal xans aimines'ma: “Laicuerpo ai'huexi. Ja'ni aipic'a ca'e'e'moxi cuenna.” A'i. Licuerpo cal xans i'huexi lipeno. ⁵ Imanc', aimołcuanac'e'mołtsi. Ma le'a tołcuanac'e'mołtsi ja'ni tołspic'e'le loquexi' imanc'. Ja'ni tołnesle: “Alanajle oquej afane' quitine, ałsnet'He, ałpalaic'o'me ŁanDios. Muyaipá iłne litiné a'e'e'mołtsi cuenna.” Ja'ni tołta'a ołspic'epá, ne', toł'e'etsołtsi cuenna. Tuyaił'a iłne oquej afane' quitine tonł'e'econatołtsi anuli. Ja'ni a'i aimołsnet'lyacu. Tijouł'a łonta'a Satanás tehuai'molhuo'.

⁶ Iłe laitaiqui' laifmipolhuo': “Anuli anuli cal xans temaneł'a”, aicacuxe'elhuo' tołta'a. Ma le'a camilhuo': Tipa'a lane ti'ila' tołta'a lonł'eyacu. ⁷ Iya' xonca aipic'a timajnle quıłtuca' lan xanuc', ał'onłcota to iya'. Iya' capa'a caituca'. Tama tołta'a laifcuapa hualca aimi'iya mi'eyacu. Ituca' ituca' lapi'iponga' lał'ejma' ŁanDios. Anuli ti'i'ma tixnet'ł'ma, locuena aimi'iya mixnet'lya.

⁸ Imanc' pe aiconlamalıyi, jouc'a ja'ni apotsateya cacał'no', iya' camilhuo': Tołmajnle cołtuca', ma to iya' capa'a caituca'. Tołta'a xonca al c'a tuluyalaico'me. ⁹ Ja'ni tołjanajyołtsi juaiconapa, tocomma tołpi'eyołtsi, najmay tonlamalıłe.

¹⁰ Imanc' unc'apimaye joupa nolamalıłpá camilhuo' lonł'eyacu. Iya' a'i caituca' iłta'a laifcuxe'epolhuo'. Camilhuo' ma lałcuxe'eponga' lałPoujna.

Imanc' unc'aca'no' camilhuo': Aimainuc'e'ma łope'ailli'. ¹¹ Ja'ni ominuc'epa aimahueta ocuenaj xans. Topajnlá' cotuca'. O ja'ni aimi'iya, taihuejnatá' łope'ailli', tołxanunatsotłsi lataiqui', tolimenc'e'ecotsotłsi loł'epa.

Jouc'a cunc'aipimaye xanuc' camilhuo': Aimaihuescuf'ma łopeno.

¹² Locuenaye imanc' nolamallipá petsi le'a anuli imanc' naihuejcopa Jesucristo, camilhuo' lonł'eyacu. Ita'a laifmipolhuo' aicalmic' łatPoujna. Itque aikuipo'nohuo cataiqui' lonł'eyacu. Ma' iya' caituca' caxc'ai'ilhuo', camilhuo': Unc'apimaye, ja'ni anuli imanc' lipeno, tama aimihuejma Jesucristo, tixpic'e tipajnlá', ne', timajnle anuli, aimihuescuf'ma. ¹³ Jouc'a unc'apimaye cacal'no', ja'ni anuli imanc' łipe'ailli', tama aimihuejma Jesucristo, tixpic'e tipajnlá', ne', timajnle anuli, aiminuc'e'ma. ¹⁴ Ima' taihuequi Jesucristo, tama łope'ailli' aimihuequi, ŁanDios joupá imetsaicopa itque to cope'ailli'. Ma' anuli maipima, ima' taihuequi Jesucristo, tama łopeno aimihuequi, ŁanDios joupá imetsaicopa itque to copeno. Ja'ni a'i tołta'a ŁanDios cołá' aikuimetsaicola' lołmaxque' iłne i'huexi. Itsiya linca timetsaicola' iłniya. ¹⁵ Iłne pe aimihuejyi loquexi' Jesucristo, axans o aca'no', petsi aikuihuequi ja'ni ipic'a tenaj'moxi, ima' petsi mihuequi tapi'itá' lane. Aimonos'ma: "Joupá ałfi'inga'. Aimi'iya malux'masyacotłsi." ŁanDios ałjoc'iponga' ałmajnle al c'a, aimalfulołque'me. ¹⁶ Ima' maipima caca'no', ja'ni łope'ailli' aimihuequi Jesucristo, mipa'a itque ima' aicoxina' ja'ni ti'i'ma to'e'e'ma tixhuej'menanni, tunłu'ma. Jouc'a ima' maipima, ja'ni łopeno aimihuequi, mipa'a itque ima' aicoxina' ja'ni ti'i'ma to'e'e'ma tixhuej'menanni, tunłu'ma.

¹⁷ Iya' cacua: Ma to łat'ejma' lalapi'iponga' łatPoujna, tołta'a ał'ełe. Jouc'a ma to qui'ic' łalpo'noponga' ŁanDios tołta'a luyalaico'me lapajnya. Tołta'a laifmuc'ipola' lapimaye ni petsi lafołyomma. ¹⁸ Iłe litine lijob'ipo' ŁanDios ja'ni joupá etec'empo' łopixic', i'ipa loseña, tipanenni tołta'a. Aimonos'ma: "¿Te caif'eya? Quiłonc'e'e'moxi iłe laiseña." O ja'ni aikuotec'enghuo' łopixic', topanenni tołta'a. Amonos'ma: "Alatec'e'entá' laipixic'". ¹⁹ Ailopa'a tintsi. Ja'ni etec'empo' łopixic' o a'i, ma' anuli iłe. Taihuejla' locuxepa ŁanDios. Tołta'a linca tetentłcocojma ŁanDios.

²⁰ Jahuay imanc', ma to mipa'a lołpepajnya litine ŁanDios lijob'ipolhuo', ma tołta'a tołmajnle. ²¹ Ima' joupá ijob'ipo' ŁanDios, ja'ni ummozo, i'huexi łopoujna, aimoxhuelmot'le'ma. Ja'ni tixpic'entłe tux'masnatso' ima' tones'ma: "A'i. Najmay capanehuo. Fa'a quihuejco'ma Cristo." ²² Litine lijob'ipolhuo' ŁanDios, iłe litine Cristo iłonc'epolhuo' limane łonta'a. Itsiya, ja'ni ima' ummozo, ima' i'huexi łopoujna fa'a li'a łamats', o ja'ni ailopa'a copoujna fa'a, ma' itque Cristo ołPoujna loquexi' imanc'.

²³ Toł'nujuaitsa, ŁanDios i'najtsepa acueca' ti'etsolhuo' i'huexi Cristo. Aimolihuej'mola' lan xanuc', tunlihuejle Jesucristo. Itque linca ołPoujna. ²⁴ Unc'aipimaye, ma to mipa'a lołpepajnya iłe litine ŁanDios lijob'ipolhuo', ma tołta'a tołmajnle. To qui'ic' tonł'ełe latentłcocoya ŁanDios.

²⁵ Lapimaye cahuats'la jouc'a lamijcanó, łatPoujna Jesucristo aicalu'ic' lo'eyacu iłniya. Iya' cu'i'molhuo' laifxpice'epa iya' caituca' laipicuejma'. Linca ŁanDios joupá ałsanu'epa laipicuejma', aicafel'miyale. ²⁶ Camilhuo': Itsiya ipime lapajnya, afule maluyalaicoyi. Iłne lahuats'la o lamijcanó xonca al c'a tuyalaico'me ja'ni timajnle to mimana'.

²⁷ Ima' maipima, ¿te fi'ilhuo' łopeno? Aimoxhuelmot'le'ma. Aimahue'ma tolux'mas'motłsi. O ima', ¿te ailopa'a copeno? Ne', aimahue'ma copeno. Topajnlá' tołe. ²⁸ O ja'ni tamane'ma, nipajnya, tamanełá', ailopa'a tintsi. Jouc'a anuli łahuats', ja'ni temane'ma ailopa'a tintsi. Ma' ałınca iłne namallipá xonca ipime liłpepajnya. Iya' aipic'a aimotłel'mi'motłsi. Tołiya cu'ilhuo': Xonca al c'a tuluyalaico'me iłne pe aimemalliyi.

²⁹ Itsiya ŁanDios ipic'a ti'itá' ituca' laluyalaicopa lapajnya. Etec'opa łitiné, aimicołya li'a łamats'. Tołiya iłne nemallipá ti'onłcotola' lił'ejma' to iłne pe aikuilemalli. Tixojma quileta ti'e'me łanic' lapi'ipola' ŁanDios. ³⁰ Jouc'a nohuotsopá, ticuicomma ti'e'ma ma to ailopa'a quiłpihuotsoqueya. Jouc'a noyalaicopá al c'a, aimi'e'me ma le'a liłpinoxjma cata iłne

quituca', ti'nujuaisle lipimaye. Jouc'a no'najualepá, tama tipa'a híl'hueca aimi'nujuais'me ihiya. ³¹ Jouc'a nolijpá quitomí fa'a li'a lamats', aimixhuej'me'me ma le'a íte lanic'. Li'a lamats', jahuay lašimpa fa'a itsiya, ti'hua tijaf'que, tijouna'ma.

³² Aipic'a aimošuełcocoacu lapajnya fa'a li'a lamats'. Lapima nopa'a quituca' itine itine ti'nujuaitsi Jesucristo. Tehuay tetenłcoco'ma ilque lipoujna. ³³ Lapima nemanepa itine itine ti'nujuaitsi lapajnya fa'a li'a lamats'. Tehuay tetenłcoco'ma lipeno. ³⁴ I'ipa oque' lipicuejma'.

Ma' anuli lo'ipa lapima cahuats'. Itine itine ti'nujuaitsi Jesucristo. Ticua: “Aipic'a ał'ila' i'huexi Cristo, lai' alma jouc'a laicuerpo. Le'a ilque aiPoujna.” Lapima caca'no' nemanepa ti'nujuaitsi lapajnya fa'a li'a lamats'. Tehuay tetenłcoco'ma hipe'ailli'.

³⁵ Laixc'ai'ipolhuo' tołta'a aipic'a catoc'itsolhuo'. Aicacuxenai'ilhuo'. Aicamilhuo': “Tołe, tołe tonł'ete”. Ai. Ma le'a cacua: “Tetencocola' loł'ejma' LanDios”. Tołta'a itine itine jahuay łolunxajma' tołjoc'i'me lałPoujna. Ja'ni acueca' tołsuełcoco'yi xonca toł'nujuais'me lapajnya fa'a li'a lamats', aimi'iya mołjoc'iyacu LanDios.

³⁶ Cal xans y anuli lahuats', petši aiquejonhiyołtsi ma le'a tiyejmaleyi mi'eyi lanic' lapi'ipola' lałPoujna Cristo, ja'ni ticuaitši litine aimixnet'łqui cal xans, ipic'a ti'e'e'mołtsi anuli, ne', temalıte. Ti'e'ma ma to ts'ipic'a. LanDios tixina ac'a lo'eya. ³⁷ Jouc'a ac'a lo'epa cal xans joupaxpic'epa, ticua: “Ma' ałejmale'me, aimalajonhiyacołtsi iya' lahuats'”. Ne', tołta'a tiyejmale'me, ailopa'a tintsı, aimemalı'me. ³⁸ Iya' cacua: Ac'a lo'eya cal xans nołecoya lahuats', lamalliyacu. Xonca ac'a lo'eya ilque petši aiquilejma, aimemalıiyacu.

³⁹ Ma' imaf'i' hipe'ailli' laca'no' ifiyiya. Ja'ni timanla' hipe'ailli' laca'no' ux'masquenamma. Tipa'a lane temanecona'ma. Ma le'a ti'ila' cal xans jouc'a i'huexi lałPoujna Jesucristo.

⁴⁰ Tama ti'i'ma temalı'me, laca'no' ja'ni tipajnlá' quituca' xonca ac'a tuyaico'ma lapajnya. Tołta'a laifmipolhuo' iya'. Cacua: Jouc'a iya' cal Espíritu Santo ałcuxe laifmipolhuo'.

8

¹ Itsiya ałpalaico'me lotsufcopa landiosla'. Linca jahuay illanc' LanDios lapi'iponga' lałpicuejma'. Ałsina' lałeyacu. Iya' cacua: Tama tipa'a lałpicuejma' ja'ni aimalı'nujuaitsila' lałpimaye, łte quipenic' lałpicuejma'? Tołta'a ma le'a lunfu'eyołtsi lałpicuejma'. Ja'ni jouc'a ał'nujuaitsila' lałpimaye, ja'ni ałtoc'ila' xonca ałfa'e'mołtsi lałpicuejma'.

² Cal xans nocuapa: “Ne', ne', aixina'”, ilque aiquixina', ma le'a ticua. ³ Cal xans no'epa capic'a LanDios, LanDios timetsajma ilque cal xans.

⁴ Ałpalaico'me łotejnyacu joupaxsufcopa lilendiosla', ja'ni ti'i'ma ałte'me o aimi'iya. Iya' cacua: Illanc' joupaxsina' tipa'a anuli LanDios. Landiosla' ailopa'a co'eyacu. ⁵ Linca timana' ihniya lacui'impola' “andiosla'” o “apoujnalá”. Ja'ni fa'a li'a lamats' o jilpe lema'a tama ti'ila' axpela' ihne landiosla', ⁶ illanc' tipa'a ma' anuli łalanDios, ilque ał'Ailli'. Jahuay lopa'a ilque ixpic'epa ti'ila', małmana' fa'a li'a lamats' ał'ete latentłcoco'ya ilque. Jouc'a tipa'a le'a anuli lałPoujna, ilque Jesucristo. LanDios jahuay lixpic'epa ti'ila', ilque lałPoujna ilanc'epa, lapi'inga' al ts'e lałpitine.

⁷ Timana' lapimaye aimicuec'eyi. Ticuayi: “Ihniya lan imagen ma' andiosla'. Cal tejua' hitsufcompola' joupaxi'ipa ih'huexi ihniya.” Pe nonespá tołta'a ja'ni titełe hitsufcompola' tixhuełco'me, tines'me: “Aijc'a lał'epa”. ⁸ Łte aga lałtepa lapenufco'monga' LanDios? Ja'ni ałtełe hitsufcompola' landiosla', łte aga LanDios ałsim'monga' xonca acueca' lałpicuejma'? Ai. Ja'ni aimalıteji, łte aga ałsim'monga' xonca a'ijc'a lałpicuejma'? Ai.

⁹ Tama aixina' tołcuec'eyi ilta'a, itsiya camilhuo': Tołspic'ete al c'a lonł'eyacu. Aimoluc'uilituf'e'mola' lapimaye petši aiquilcueca. ¹⁰ Ima' tocuca, oxina' nipajnya tote'ma hitsufcompola' landiosla'. To'hua'ma al juic lo'epa jilpe lixoute' ilque lilendios, tote'ma hitsufcompa. Jilpe muyaipa łopima, ilque aimicueca, aimicua miteja, ticua: “Aimi'iya”. Tixintso' ima' toteja, tipai'i'moxi lipicuejma', ticua'ma: “Ailopa'a tintsı. Iya' jouc'a cate'ma hitsufcompa lilendios.” Ima' łja'ni totoc'i łopima? Ai. ¹¹ Ima' tocuca, ti'i'ma

tote'ma. Lopima aimicueca tołta'a. Ja'ni titełta' tixhuełco'ma, tecani'e'moxi. Małque łopima i'huexi Cristo, iłque Cristo itełcopa lamaya tunłu'ełta'.

¹² Tołta'a lon'epa tolatets'ila' lołpimaye, tołscai'ela' liłpicuejma'. Tołatets'ila' a'i ma le'a lołpimaye, jouc'a tolatets'iyi Cristo. ¹³ Iya' cacua: Ja'ni łaftepa tuc'uillitsuf'e'ma łaipima, aicateconaya iłiya.

9

¹⁻³ Jiłpe timana' nocuapá: “Iłque Pablo, ¿naitsi iłque?” Iya' catalai'e: ¿Te anuli cal xans aipoujna? ¿Te iya' a'i nin'apóstol? ¿Te aicalummaic' Jesucristo? ¿Te aicaixina' iya' iłque łalPoujna? Imanc' noł'huaiyijmpá Jesucristo, ¿naitsi nu'ipolhuo' Lataiqui'? ¿Naitsi cummepa Jesucristo ti'etsi lanic' jiłpiya? ¿Te a'i iya'? Tama tinesyi ocuenaye: “Pablo a'i apóstol, aimi'hua limane”, imanc' aimi'iya mołnesyacu tołiya. Imanc' olapenufpa łaitaiqui', oł'huaiyijmpá Jesucristo, tołta'a ŁanDios imuj'ma iya' alınca nin'apóstol.

⁴ Illanc', ¿te aicalapi'inga' lane malapenufyacu łaltejacu, łalsnayacu lalapi'iyaconga' lapimaye? ⁵ ¿Te aimi'iya mał'eyacu anuli to lo'epa locuenaye lan apóstole, jouc'a lipimaye łalPoujna, jouc'a Pedro? Iłne iłejma liłpenoye apimaye. ⁶ Iłniya linca tipa'a lane aimi'e'me canic', ma le'a ti'e'me iłe lanic' lepi'ipola' cał'Ailli' Jesucristo. Iya' y Bernabé, ¿te illanc' le'a ailopa'a lane mał'eyacu tołta'a?

⁷ Cal soldado, ¿te ti'najtse'ma quituca' łoteja? Linfapa 'uva, ¿te aimateja li'uva? O no'epola' cuenna lihuacax, ¿te aimixnaya liłheche? ⁸ Iłiya lainespa, ¿te ma' iya' caituca' quipa'e laipicuejma'? Lataiqui' locuxepa ŁanDios, ¿te aimuya'e' tołiya? ⁹⁻¹⁰ Tołta'a loya'apa licuxepa Moisés, ticua: “Mi'huailletsufyi lan huacax cal trigo, aimołfi'e'mola' lilepu'nał”. Iłe lataiqui', ¿te ŁanDios ma ti'nujuaitsila' lan huacax? o ¿al'nujuaitsinga' illanc' nał'epá lanic', iłe lalapi'iponga'? Linca, al'nujuaitsinga' illanc'. Al'onłcosponga' to cal xans mepa'ma łemats' petsi lofaya cal trigo, o to cal xans mifusma trigo. Iłne tixoc'iyołtsi quileta ti'eyi canic', iłsina' tite'me quıltrigo. ¹¹ Illanc' jiłpiya alłfapá Lataiqui', tołiya ac'a loluyalaicoyacu imanc' Locuena Quitine. Itsiya litine, illanc' małmana' fa'a li'a łamats', ¿te ailopa'a calafot'leyacu? ¿Ja'ni aimalapi'iyaconga' ni całtejacu? ¿Te tołsinyi ipime iłiya?

¹² Iya' cacua: Ja'ni tolimetsaicola' locuenaye ti'hua tołta'a liłmane, tołtes'mila', ¿te aimalimetsaicoyaconga' xonca illanc'? Linca małmana' jiłpe illanc' luyalaicoyi lapajnya to aimi'hua łalmane. Ailopa'a całsahue'epolhuo' imanc'. Xonca aipic'a tolıhuejle Lataiqui'. Aimolixtule'me.

¹³ ¿Te aicołsina' te ts'i'ic' loyalaicopá liłpepajnya iłniya no'epá canic' al xoute'? Iłne titeji notsufcopá jiłpe al xoute'. Iłne petsi lotsufcompola' linneja jiłpe al altar, małniya titeji iłe lixic'. ¹⁴ ŁalPoujna illanc' ixpic'epa ma' anuli tuyalaico'me iłne noya'apá Lataiqui'. Ixplic'epa aimi'e'me ocuena canic'. Muya'ayi Lataiqui' iłniya, liłpimaye tepi'intsola' łotejacu.

¹⁵ Iya' linca aicainuyaijma tołta'a. Ni itsiya aicamilhuo': “Imanc' alłtoc'ila'”. A'i. Iya' tixoqui neta culij'ma łaftepa. Ja'ni coła' ti'ila' ituca' lai'ejma' caxhuełco'ma juaiconapa. ¿Najmay alłmał! Iya' caituca' caxpic'e tołta'a lai'ejma'. ¹⁶ Linca a'i caituca' laipicuejma' caxpic'e cuya'a'ma Lataiqui'. Iłe lanic' joupa lapi'ipa ŁanDios. Ja'ni aica'ay caxhuełco'ma juaiconapa. Tołta'a a'ijc'a laifnuyaicoya. ¹⁷ Ja'ni coła' iya' caituca' aixpic'epa cuya'ałta' Lataiqui', aga al'najtse'ma. Iya' caituca' aicaxpic'e, ma le'a quihuejcocojma iłe lałcuxe'empa. ¿Te cał'najtsecoya? ¹⁸ Iya' linca aica'najtsi'iyale, ma le'a cuya'e' Lataiqui'. Tama ti'hua laimane, tama nipajnya caxahue'ełta', aicaxa'hue. Tijoułta', ¿te tipa'a laifnuli-
jya? ¹⁹ Culij'mola' lan xanuc'.

Ailopa'a caipoujna axans. Tama ailopa'a nałcuxeya aicailof'eyoxi. Aixpic'epa ca'nujuaitsola' jahuay. Tołta'a ti'i'ma xonca axpela' laifnulijyacola', iłne napenufyacu Lataiqui'. ²⁰ Iya' ninjudío ai'onłcopoxi to laif'as judío, tetenłcocotsola' iłniya lai'ejma'. Alłquimf'ełta', tepenufle Lataiqui'. Itsiya tama aixina' aimalunł'eya litaiqui' Moisés, iya'

ai'onkicopoxi to ihniya naihuejpa' ite lataiqui'. Cacua: Totiya lapenuf'ma iya' laifnuya'apa Lataiqui'.

²¹ Jouc'a aipic'a tepenufle laifnuya'apa petsi aimimetsaicoyi locuxepa LanDios, itne naihuejcopa' quituca' lipicuejma'. Totiya ai'onkicopoxi to ihniya. Iya' linca aicainihuequi caituca' laipicuejma', quihuejma Cristo. Totiya canant'li locuxepa LanDios. ²² Jouc'a ai'onkicopoxi to lapimaye pe aimicuec'eyi litaiqui' Jesucristo. Cahuay te co'iya metencocoyacola' lan xanuc' ni petsi lomana', ocuena ocuena liraza, li'ejma'. Cacua: Tohta'a cunhu'e'mola' hualca ihniya. ²³ Tohta'a laif'epa laipenic', ite lalapi'ipa LanDios. Jahuay lainunxajma' cuya'e' Lataiqui'. Cacua: Ite Lataiqui' tuya'e' te ts'i'ic' lalapi'iyaconga'. Iya' jouc'a lapimaye lulijle ite al c'a.

²⁴ ¿Te aicohsina' lo'ipola' lan xanuc' lalahuaiyacohsi cainuya? Axpela' nainulpá, anuli nolijya, tepi'inni quipremio. Imanc' tolihuejle Cristo, tepi'itsolhuo' lolulijyacu. ²⁵ Itne pe notsuflaiyacu lofit'lyacu ti'e'mohsi cuenna, ti'ita' acueca' quipujfxi, tulijle lafit'lya. Petsi nolijya tepi'im'me licorona lilanc'ecompa ipela c'ec. Ite al corona aimixnet'iqui, tetelquemma. Illanc' ja'ni lulijle, lalapi'inyaconga' aimijouya, ti'hua ticohi tijauhuam-laicota. ²⁶⁻²⁷ Cal xans nonespa: “Culij'ma lalahuaiyacohsi cainuya”, itque ac'a tinu'ma, tehuelonge pe locuaicoya. Tohta'a iya' cainihuequi Jesucristo. Iya' cacuxeyoxi. Lai'ejma' a'i to li'ejma' cal xans notsufaipa lafit'lya tuntafco'mohsi lihmane, tijoula' ma tuntafque lahua'. Itque linca aimulijya. Iya' cateh'miyoxi. Cacua: Ita'a laicuerpo ti'ita' quixina' ite a'i caipoujna. Ma' iya' caituca' cacuxe'moxi al c'a. Ja'ni a'i, ¿te co'iya? Iya' cola' ailopa'a calapi'inya tama nuya'a'ma Lataiqui'. Tope tope capanehuo.

10

¹ Unc'aipimaye, camilhuo' aimolimenc'eco'me li'ipola' lahtatahueló. Jahuay ihniya unxamu'ela' hummahuay lipo'nopa LanDios lema'a. Jahuay uyalaico'me laja, LanDios ilanc'e'epola' lipene. ² Ihniya lunxamu'epola' hummahuay, nuyalaicopa' laja, tohta'a li'ipola' lixanuc' Moisés. Jahuay ilihuequi itque. ³ Jahuay itne ma' anuli nitepa' la'i, itque li'huayomma lema'a. ⁴ Jahuay ma' anuli noxnapá laja' lepi'ipola' LanDios. Ite laja' tipayomma lapic lipo'nopa LanDios. Ni petsi loyepa lan xanuc' jouc'a ti'hua'ma lapic, tiyeyi anuli. Lapic ma' itque Cristo. ⁵ Jahuay ihniya LanDios itoc'i'mola' ma' anuli. A'i jahuay letencocopa LanDios li'ejma'. Imanapola' jilpe hijul camats'. Tohta'a liteh'mipola' LanDios.

⁶ Ite li'ipola' lahtatahueló LanDios ahtoncongá to illanc' lah'iyaconga' ja'ni a'ij c'a lah'ejma'. Lu'inga': “Tohpo'note lohpicuejma' aimohjanaj'me molihuej'me lixcay to lihuejpa ihniya”. ⁷ Imanc' aimolaxc'onhingo'la'i'mola' landiosla'. Tohta'a li'epa hualca itne lan xanuc'. Tuya'e' al Paxi Linilingiya ticua:

I'epa lihjuic landiosla', icutso'la'i'me, itetso'me, ixna'me.

Lijou'ma itsolinanca quixojma cata, i'e'me nixpiya.

⁸ Jouc'a aimoh'noh'mola' laca'no'. Hualca itne lan xanuc' tohta'a li'epa. LanDios iteh'mi'mola'. Anuli litine imana'mola' anuxans fane' mil lan xanuc'. ⁹ Jouc'a aimolahuai'me lah'poujna. Tohta'a li'epa hualca ihniya. LanDios umme'mola' lainofat'í. Itne ima'a'me lan xanuc'. ¹⁰ Jouc'a aimoh'tac'ui'me cajunac' LanDios. Hualca tohta'a li'epa. LanDios umme'ma lepaluc quema'a, ima'a'mola'.

¹¹ Jahuay ihiya li'ipola' lahtatahueló, LanDios ahtoncongá to illanc' lah'iyaconga' ja'ni a'ij c'a lah'ejma'. Jilpe al Paxi Linilingiya LanDios ahtc'ai'inga' illanc' lahmana' ina'a' litiné ma mi'hua mijou'ma li'a lamats'. Lu'inga' aimah'e'me to ihniya. ¹² Toh'nujuaitsa li'ipola' lahtatahueló. Ja'ni tocua: “Iya' ma quihuequi. Ailopa'a ca'iya”, iya' camihuo': Ne', topo'no'la' cuenna. Aimixcai'mo'. ¹³ Itsiya tohtelcoyi ma le'a to lahtelcopa mahmana' fa'a li'a lamats'. LanDios joupa lu'ipolhuo': “Iya' catoc'i'molhuo'”. Tohta'a lo'eya. Itque aimipaiya lipicuejma'. Ja'ni tohsinyi acueca' ite loh'telcopa, ja'ni tohnesle: “Aimi'iya caixnet'iconaya”,

ŁanDios timuc'i'molhuo' lonťeyacu. Timuc'i'molhuo' te co'iyá moluliyacu. Toťta'a ti'hua toťsnet'ťme.

¹⁴ Maicunc'aipimaye, aimolihuej'me landiosla'. Tolanaťsoťsi nulemma. ¹⁵ Imanc' a'i cunc'amac'ta. Tipa'a loťpicuejma'. Itsiya aťquim'eta' iťta'a laifmiyacolhuo'. Tijouťa' toťspic'ete al c'a lonťeyacu. ¹⁶ Illanc' ninc'apimaye tipa'a laťvaso, jilpe maťsnayi ať'nujuaisyi li'epa Cristo. Aťs'naťsi'i'me ŁanDios, aťsna'me al vino lopa'a jilpe al vaso. Maťsnayi al vino jahuay anuli ať'nujuaisyi lijuats' Cristo. Maťteji ľa'i ľaťsquejpa jahuay anuli ať'nujuaisyi licuerpo Cristo. ¹⁷ Ła'i ľaťsquejpa ti'onťcospa to licuerpo Cristo. Iťque ľa'i ma le'a anuli. Toťta'a timuqui tama ninc'xpela' illanc' ma le'a anuli. Iťque anuli ľa'i ahualca ahualca aťteji jahuay.

¹⁸ Lan xanuc' Israel miteji lixic' litsufcompa jilpe al cuecaj xoute', ti'nujuaisyi iťe al altar pe laipa'ayompa lixic' i'altar ŁanDios. ¹⁹ Linca aica'onťicola' ľalanDios to lilendiosla'. Jouc'a aica'onťicola' lotsufcompola' lilendiosla' to lotsufcopa ŁanDios. ²⁰ Mane cacua: Lan xanuc' pe aimimetsaicoyi ŁanDios aimitsufcoyi ŁanDios, titsufcoyi lontahue. Cacua: Amoťtetso'me anuli lontahue, aimoťtejmale'me anuli iťniya. ²¹ Imanc' ja'ni toťsnayi livaso ľaťPoujna Cristo aimi'iya moťsnayacu jouc'a liťvaso iťne lontahue. Ja'ni toťtetsoyi jilpe lacui'impa "limesa ľaťPoujna", toťtetsoyi anuli iťque. Aim'iya moťtetsoyacu anuli lontahue jilpe liťmesa. ²² O, ¿ja'ni lahua iťe ľaťPoujna? ¿Ja'ni xonca ti'hua laťmane?

²³ Linca tama jahuay nipajnya ať'e'me, tipa'a latenťcocoya jouc'a tipa'a pe aime-tenťcocojma. Tama jahuay nipajnya ať'e'me a'i jahuay mitoc'iyacola' lapimaye. ²⁴ Imanc', aimoť'e'me loťpic'a coťtuca'. Toť'e'me iťe lotoc'iyacola' loťpimaye.

²⁵ Locuquimpa laplaza ti'i'ma toť'nata, toťte'me. Aimoťsueťmot'ťe'me, aimolicuitsuf'me: "¿Te iťe litsufcompola' landiosla'?" Ma le'a toť'natsa. ²⁶ Toť'nujuaitsa: "Li'a ľamats' jouc'a jahuay lopa'a i'huexi ľaťPoujna".

²⁷ Lan xanuc' pe aimimetsaicoyi ŁanDios, ja'ni tijoc'itsolhuo' toťtetsota, ja'ni oťpic'a tonťete, ne', tonťe'me. Toťtetsa ľapi'inyacolhuo'. Aimoťsueťmot'ťeta, aimolicuitsufoť'me: "¿Te iťta'a itsufcompola' landiosla'?" Ma le'a toťtetsa. ²⁸ Ja'ni anuli loťpima timitsolhuo': "Iťta'a itsufcompola' landiosla', aimi'iya moťtejacu", aimoťte'me. Toť'nujuaitsa loťpima ľimipolhuo' toťta'a. Aimoťscai'e'me iťque ľunxajma'. ²⁹⁻³⁰ Imanc' linca aimoťsueťcoyacu, ma' iťque loťpima tixhueťco'ma.

Iya' cacua: Linca nipajnya toťte'me. Tijouťa', ¿te co'iyá? Loťpima aga tixim'ma a'ijc'a loť'epa, tihuotso'ma. Joupa oťs'naťsi'ipá ŁanDios, toťteji moť'nujuaisyi ŁanDios, loťpima aiqixoxi queta, ixtuc'opo'. ¿Ja'ni ac'a iťe li'ipa? A'i.

³¹ Cacua: Ja'ni toťte'me, ja'ni toťsna'me, jahuay lonťeyacu, tonť'ete ma le'a latenťcocoya ŁanDios. Toťta'a lan xanuc' tines'me: "ŁilenDios iťniya ma' ac'a lipicuejma'". ³² Ja'ni ajuđio o ja'ni a'ij juđio, o ja'ni loťpimaye ľefot'ľepola' ŁanDios, imanc' aimoluc'uilituf'e'mola'. ³³ Toťta'a laif'epa iya'. Ca'nujuaitsila' jahuay laif'as xanuc'. Aicacua: "¿Te caif'eya? Aipic'a cuyaiťa' al c'a iya'." Ma caxpic'e, camiyoxi: "Iťe laif'eya, ¿te tetenťcocojma ľaipima?" Aipic'a tuyala iťe al c'a laipimaye, tunťul—le iťniya.

11

¹ Toťta'a cainihuequi Cristo. Imanc' lihuejla' iya'.

² Unc'aipimaye, tixoxi neta iya' aixina' aicalimenc'ecojma. Ti'hua ať'nujuaitsi, ma to laťcuxe'epolhuo' toťta'a lonť'epa. Tonlihuejyi laimuc'ipolhuo'. ³ Jouc'a aipic'a ti'ľa' coťsina' Cristo copa'a Nocuxepa cal xans. Cal xans ti'hua limane ticuxe'ma ľaca'no', iťque lipeno. ŁanDios ti'hua limane ticuxe Cristo. ⁴ Cal xans mipalaic'o ŁanDios o mu'iyale lonespa ŁanDios, texijla' ľijuac. Ja'ni tetemica ľijuac tetets'i Cristo, iťque Nocuxepa. ⁵ Łaca'no' mipalaic'o ŁanDios o mu'iyale lonespa ŁanDios, tetemijla' ľijuac. Ja'ni texijla' ľijuac tetets'i ľipe'ailli', iťque nocuxepa. Ja'ni texijla' ľijuac tocomma to isuať'pa. ⁶ Ja'ni

łaca'no' aimetemijya ĩjuac, ne', tetec'eł'a ĩjuac. Ja'ni ticua: “A'i, aimalatec'e'ma ĩjuac, aimalisuaf'ma, catai'ma lalaic'ata”, ne' tetemijla' ĩjuac.

⁷ Cal xans mipalaic'o ŁanDios aimetemij'ma ĩjuac. Cal xans ti'onłcospa to ŁanDios. Timuqui te ts'i'ic' ĩłque Łilanc'epa. Łaca'no' ituca', ĩłque tixhuaicospa ĩpe'ailli'. ⁸ ŁanDios lolanc'eyacola' lan xanuc' ate'a ilanc'epa cal xans, a'i łaca'no'. ĩłque łaca'no' aikuipa'e anuli lipecał lolanc'ecoya cal xans. Ipa'epa lipecał cal xans ilanc'ecopa łaca'no'. ⁹ ¿Ja'ni łaca'no' ehue'epa quipe'ailli' ĩjoup'a ŁanDios ilanc'epa cal xans? A'i. Cal xans ehue'epa quipeno. ĩjoup'a ŁanDios ilanc'epa łaca'no'. ¹⁰ Tołta'ya ticuicomma tetemijla' ĩjuac łaca'no'. Timuj'ma a'i micuxeyoxi ĩłque quituca'. Timuj'ma ĩpe'ailli' xonca ti'hua limane. Tołta'a tetenłcoco'mola' lapaluc' quema'a jouc'a. ĩne nahuelojmpá lapimaye lafot'łepołtsi.

¹¹ Iya' aicatets'ila' łacał'no'. Cacia: Ticuicomma loquexi', cal xans jouc'a łaca'no'. Cal xans ticuicomma quipeno, łaca'no' ticuicomma quipe'ailli'. Tołta'a lapajnya molihuejyi łapoujna. ¹² Tołta'a ałmuc'iponga' ŁanDios: Al te'a ipa'apa łaca'no' licuerpo cal xans. ĩjoup'a limajnlita lan xanuc' ĩne caipalyomma ĩłcuerpo łacał'no'. Jahuay, ma' anuli ŁanDios tepi'ila' ĩłpitine, axanuc', acał'no'.

¹³ Imanc' coltuca', ¿te colcuapa? ¿Te ja'ni ac'a lo'epa łaca'no' mipalaic'o ŁanDios exiqueya ĩjuac? ¿Te ja'ni latenłcocoya tołta'ya? ¹⁴ Joup'a ołsina' a'ij nuli ĩłsans łaca'no' y cal xans. Cal xans ja'ni itoqui juaiconapa ĩjuac, aikuetenłma, alaic'ata. ¹⁵ Łaca'no', ja'ni itoqui juaiconapa ĩjuac, ma' etenłma, i'huáqui ac'a juaiconapa. ĩłque ĩtoqui ĩjuac ŁanDios epi'icopa łaca'no' tipoxc'ixoxi. ¹⁶ Tołta'a iya' laicuapa, lainu'ipolhuo'. Ja'ni anuli aimicueca, ja'ni tinesla': “Łacał'no' mipalaic'oyi ŁanDios aimetemij'me ĩłjuac”, cami'ma ĩłque: “ĩllanc' a'i tołta'a mał'eyi. Jouc'a aimi'eyi lapimaye lefot'łepola' ŁanDios ni petsi lomana'.”

¹⁷ Itsiya capalaico'molhuo' lonł'epa pe aicalatenłcocojma. Aicamilhuo': “Ac'a ĩłe loł'ejma’”. Munlafot'łeyołtsi aimołtoc'iyołtsi, aimołfa'eyołtsi lołpicuejma'. ĩjou'ma xonca a'ijc'a loluyalaicopa. ¹⁸ Ate'a cu'i'molhuo' ĩłe lonescompolhuo', ałmimpa: “Lapimaye nomana' ĩłya' Corinto mefot'łeyołtsi a'ij nuli ĩłpicuejma', a'ij nuli lonespa’”. Iya' cacia: Aga al ĩnca ĩłe lataiqui' lonescompolhuo'. ¹⁹ ĩnca aimi'iya mołmajnyacu ma le'a anuli capicuejma'. Ticuicomma tołanałtsołtsi. Tołta'ya ti'huájtola' nałtsi ĩłniya latenłcocoya ŁanDios.

²⁰ Imanc' lonlafot'łepołtsi anuli aicołspic'e mołtetsoyacu Łixmocojma' łapoujna. ²¹ Imanc' aimołhuaicoyi anuli anuli, ma tołteji tołtaic'. Tijouł'a anuli łapima tipanehuo tunle'e, łocuena timeyoqui. ²² Imanc', ¿te ałlopa'a colajut'łi? ĩłpiya ti'i'ma tołtetsota, tołsnata. Xonca ołpic'a tolatets'itsola' lołpimaye, ĩłniya jouc'a lefot'łepola' ŁanDios. Imanc' tołahue-longila' to ninaiłtsi xanuc', tijouł'a ĩłniya tixinyi calaic'ata juaiconapa.

¿Te caifmiyacolhuo'? ¿Te cami'molhuo': “Ac'a lonł'epa’”? A'i, aicamiyacolhuo' tołta'a.

²³ Iya' joup'a aimuc'ipolhuo' ĩłe lałmipa łapoujna. Nu'ipolhuo': Lipuqui' licum'me łapoujna Jesús ĩłque epef'ma anuli ł'a'i. ²⁴ Ix'nałtsi'i'ma ŁanDios, ixquej'ma ł'a'i, timila' ts'ılıhuequi': “ĩłta'a aıcuervo. Cacu'moxi, cunłu'e'molhuo'. Ma tołta'a tonł'e'me imanc'. Tołsquej'me ł'a'i, tołte'me, ał'nujuaisco'ma iya'.” ²⁵ ĩjoup'a lixmocopa łapoujna timila' ts'ılıhuequi': “ĩłta'a al vaso, al vino lonango, ĩłe aıjuats' laıfxcuajaiya. Tołta'ya calınc'i'ma al ts'e cataiqui' lopo'no'ipolhuo' ŁanDios, imanc' ixanuc'. Tołsnate. Ti'hua tonł'e'me tołta'a. Ma mołsnayi ał'nujuaisco'ma.”

²⁶ Mał'eyi tołta'a, małteji ł'a'i łatsquejpa, małsnayi al vaso, luya'ayi limayopa łapoujna ĩłpe lancruz. Ma tołta'a mał'eyi ał'huaijma ticuaiyoconno. ²⁷ Tołta'ya aimi'iya małtejacu ł'a'i to ĩij tınci ca'i, aimi'iya małsnayacu al vino to ĩij tınci vino. Ja'ni tołta'a li'ejma' cal xans, ĩłque tetets'ila' licuerpo jouc'a ĩjuats' łapoujna.

²⁸ Aı'a tołte'me ł'a'i, aı'a tołsna'me al vino tołimetsaicotsołtsi, te ts'i'ic' loł'ejma', te ts'i'ic' lołpicuejma'. Tijouł'a tołtele ł'a'i, tołsnate al vino. ²⁹ Nałtsi notepa ł'a'i, noxnapa al vino, ja'ni aimimetsaijma ĩłpe licuerpo Cristo, litepa ł'a'i, lixnapa al vino aimitoc'ıya. Tıtelco'ma

lotel'miya ËanDios. ³⁰ Toliya, jilpe pe lołmana' timana' axpela' lapimaye titafquemmola', axpela' textafquila' o joupa imanapola'.

³¹ Limetsaicotsotsti, alsintsołtsi te ts'i'ic' lałejma'. Ja'ni a'ijc'a lałejma' alsuej'menanca. Tijoula' aimalteł'miyaconga' ËanDios. ³² Ja'ni alteł'minga' ËanDios ałmuc'inga' aimetenłma lałejma', ipic'a alsuej'menca. Tołta'a aimalacani'eyaconga' to locuenaye naihuejpa' quiltuca' liłpicuejma'.

³³ Unc'aipimaye toł'nujuaitsa ille laifnu'ipolhuo'. Litine molafot'leyacołtsi, tołtetso'me anuli, tołcuaitsa petsi lolafot'leyacołtsi, toł'huaicota ticuaiyunca lołpimaye, tijoula' tołtetso'me.

³⁴ Lapima lonle'epa juaiconapa, titetsoła' jilpe lejutł. Tołta'a ac'a toluyalaico'me jilpe lolafot'lepotołtsi. ËanDios aimitel'miyacolhuo'.

Litine cacuaitsi jilpiya ałpalaic'otołtsi xonca. Catalai'etolhuo' jahuay lalicuis'epa.

12

¹ Unc'aipimaye aipic'a ti'ila' colłsina' te ts'i'ic' lał'eyacu ja'ni cal Espiritu ałcuxenga', lapi'iponga' lałpicuejma'. ² Imanc' toł'nujuaisyi te ts'i'ic' loł'ejma' ilne litiné ma' aimolimetsaicoyi ËanDios. Icuxe'molhuo' landiosla' pe aimipalaiyi. Unlihuejco'me ilniya. ³ Ilne litiné aicolłsina' litaiqui' cal Espiritu Santo. Itsiya camilhuo': Cal xans nonespa: "Tecaniła' Jesús", aiminesqui locuapa cal Espiritu Santo. Jouc'a camilhuo': Ma le'a cal xans pe joupa epenufpa cal Espiritu Santo ti'i'ma tuya'a'ma: "Jesús aiPoujna. Małque anDios." Ja'ni ai quepenufi cal Espiritu Santo aimi'iya muya'aya tołta'a.

⁴ Tama ituca' ituca' lał'eyacu ma to malapi'inga' cal Espiritu, ailopa'a oquexi' afantsi lan Espiritu Santo, ma' anuli le'a. ⁵ Tama ituca' ituca' lałpenic', ille lałtoc'iyacola' lałpimaye, ma le'a anuli lałPoujna. ⁶ Tama a'ij nuli calapi'inga' lałmane, ilque ËanDios ma le'a anuli. Ma' ilque lapi'inga' jahuay ilniya. Tołta'a ałpaxnenga' jahuay illanc'.

⁷ Cal Espiritu Santo ałmuc'inga' lał'eyacu anuli anuli illanc'. Tołta'a illanc' ninc'apimaye ti'i'ma ałtoc'i'mołtsi. ⁸ Anuli lapima, cal Espiritu Santo tepi'i'ma tuhual'ma litaiqui' ËanDios. Locuena capima, małque cal Espiritu Santo tepi'i'ma tuya'a'ma al cueca' ts'ixina'. ⁹ Locuena capima, małque cal Espiritu Santo tepi'i'ma ti'huaiyijnla' juaiconapa lałPoujna Jesucristo. Locuena capima, małque cal Espiritu tepi'i'ma limane tixał'me'mola' lałcuallay. ¹⁰ Locuena capima, tepi'i'ma ti'ełla' al cueca' ma to mi'ay ËanDios. Locuena capima, tepi'i'ma ti'ila' quixina' loxplic'epa ËanDios, tu'itsola' lapimaye. Locuena, tepi'i'ma timetsaicola' ja'ni ma' ałınca cal Espiritu Santo ticuxe anuli lapima o ja'ni ticuxe ocuena 'espiritu, ilque lixcay. Locuena capima, tepi'i'ma tipalaıla' ipaijma litaiqui' pe ai quixina'. Locuena capima, tepi'i'ma ticuejla' ille lataiqui' linespa lipima, tu'itsola' locuenaye capimaye. ¹¹ Jahuay ilniya ti'ay cal Espiritu Santo. Ituca' ituca', ma to lixplic'epa, lapi'inga' lałpicuejma' jouc'a lał'eyacu.

¹² Anuli al cuerpo linca axpe' mipa'a. Tama axpe' mipa'a licuerpo cal xans a'i oquej fanej licuerpo, anuli le'a. Tołta'a Cristo. Illanc' icuerpo ilque. ¹³ Illanc' ja'ni ninc'ijudío, ja'ni ninc'ocuenaye xanuc', ja'ni fa'a li'a lamats' tipa'a lałpoujna o ailopa'a calpoujna, illanc' nalapolipá ał'onłcosponga' to anuli al cuerpo, ille icuerpo Cristo. Ma' anuli joupa ałsnapá al c'a caja', ilque cal Espiritu Santo lałapenufpa.

¹⁴ Linca, anuli al cuerpo mipa'a axpe', a'i anuli ne'a. ¹⁵ Cal xans ja'ni li'mis timixoxi: "Iya' a'i namane, tołta'a iya' a'i qui'huexi ille al cuerpo", ¿te ille li'mis a'i qui'huexi al cuerpo? ¹⁶ Jouc'a ja'ni lix'mas timixoxi: "Iya' a'i na'u, tołta'a iya' a'i qui'huexi ille al cuerpo", ¿te ille lix'mas a'i qui'huexi al cuerpo?

¹⁷ Ja'ni lałcuerpo pangay ca'u', ¿te co'iya małcuejyacu? Ja'ni lałcuerpo pangay cax'mats'i', ¿te co'iya malujuenufyacu? ¹⁸ A'i tołta'a lałcuerpo. ËanDios joupa ixpic'epa lo'eya, ipo'no'ipola' anuli anuli pe lopanc'eya. ¹⁹ Ja'ni a'i cola' tołta'a qui'e'e ËanDios, ¿pe copa'a al cuerpo? Ailopa'a.

²⁰ Linca axpe' tipa'a lipo'no'ipola' ÑanDios, tama anuli le'a laŕcuerpo. ²¹ Toliya laŕ'u' aimi'iyá mimiya laŕmane': "Aicaxhuicolhuo'. Tonŕente'. Iya' caituca' ca'e'ma lanic'." Jouc'a laŕjuac aimi'iyá mimiyacola' laŕmitsi': "Aicaxhuiyacolhuo'. Tonŕente'. Iya' caituca' ca'e'ma lanic'." ²² Jiŕpe laŕcuerpo ticuicomma jahuary lipo'no'ipola' ÑanDios. Iñiya pe tocomma ailopa'a quipujfxi, iñe xonca ticuicomma. ²³ Jiŕpe laŕcuerpo tipa'a pe aimalimet-saicoyi xonca, jiŕna'a xonca aŕ'eyi cuenna. Jouc'a iñna'a petsi ticuicomma temiyaquenni aimalixocoyi iñiya. ²⁴ Petsi xonca latenŕcoconga' aimalsinyi cuanuc', aimalamiyi.

ÑanDios lilanc'epa laŕcuerpo ixpic'epa petsi lopo'no'iyacola' anuli anuli. Ja'ni ipic'a temiyaquenni, ti'enŕe cuenna, ipo'nopa maŕpe petsi aŕ'e'me cuenna. ²⁵ Toŕta'a, jiŕpe laŕcuerpo anuli aimi'iyá miŕof'eyacoxi, locuena mi'oc'eyacoxi. Jahuary tixinyoŕtsi cuanuc', jahuary ti'eyoŕtsi cuenna. ²⁶ Ja'ni laŕcuerpo tipa'a anuli titeŕma, jahuary titeŕcoyi jouc'a. Ja'ni anuli tixoquei queta, jahuary tixojma quileta.

²⁷ Toŕta'a imanc', icuerpo Cristo. Anuli anuli imanc' i'huexi iŕe licuerpo. ²⁸ Jahuary nalafot'leponga' ÑanDios lapi'iponga' anuli anuli laŕpicuejma', ituca' ituca' laŕpenic'.

Ate'a ipo'nopola' lan apóstole, iñe lummepola' Cristo tuya'aŕe Lataiqui'. Lijoupa ipo'nopola' lam profeta, iñe tuya'ayi lataiqui' lomipola' ÑanDios. Lijoupa ipo'nopola' lomxiye, iñe tuhuaŕyi Lataiqui', timuc'iyaleyi. Lijoupa ipo'nopola' iñe petsi lepi'ipola' liŕmane, ti'e'me ma to lo'epa ÑanDios. Lijoupa ipo'nopola' iñe petsi lepi'ipola' liŕmane tixaŕ'meŕe lafcualŕay. Lijoupa ipo'nopola' iñe pe lepi'ipola' liŕpicuejma' titoc'iŕe liŕpimaye. Jouc'a ipo'nopola' iñe pe lepi'ipola' liŕpicuejma' ticuxe'me liŕpimaye, tu'i'mola' te co'iyá mi'eyacu lanic' lepi'ipola' ÑanDios. Jouc'a ipo'nopola' iñe pe lepi'ipola' liŕpicuejma' tipalaŕiŕe ipaijma liŕtaiqui'.

²⁹ ¿Te jahuary illanc' ninc'apóstole? ¿Te jahuary ninc'iprofeta? ¿Te jahuary ninc'omxiye? ¿Te jahuary aŕ'eyi al cueca' ma to lo'epa ÑanDios? ³⁰ ¿Te jahuary aŕsaŕ'mela' lafcualŕay? ¿Te jahuary aŕpalaiyi ipaijma laŕtaiqui'? ¿Te jahuary nipajnya aŕcuj'e'me loya'apa lapimaye nopalaipá ipaijma lataiqui'? A'i. Ituca' ituca' mi'hua laŕmane, ituca' ituca' laŕpicuejma' lalapi'iponga'. ³¹ Imanc' toŕpo'noŕe loŕpicuejma', toŕsahue'ete ÑanDios tepi'itsolhuo' al c'a juaiconapa.

Itsiya camuc'i'molhuo' te ts'i'ic' aŕ'ejma' xonca al c'a.

13

¹ Iya cacua: Tama aŕpalai'me liŕtaiqui' lan xanuc' jouc'a liŕtaiqui' lapaluc' quema'a, tijouŕa', ja'ni aimal'ehualeyi capic'a, iŕe laŕpalaŕpa ailopa'a quipenic'. Tocomma ma le'a luna'anga' to latengoyi latejma' o latsajnyi loquej latehuaŕijma'. ² Ja'ni ninc'iprofeta, lu'iyaleyi laŕmiponga' ÑanDios, ja'ni aŕcucueca' xonca lipime liŕtaiqui' ÑanDios, ja'ni joupa acueca' i'ipa caŕsina', ailopa'a calahue'eponga', ja'ni acueca' aŕ'huaiyijnyi ÑanDios, toŕta'a aŕcuxe'mola' liŕjualay, iñiya tiye'me lu'hua, tijouŕa', ja'ni aimal'ehualeyi capic'a, ¿te quipenic' iŕiya? Illanc' aŕ'onŕcotonga' to nij naitsi xanuc'. ³ Ja'ni jahuary laŕ'huexi lapi'i'mola' titetsoŕe iñe petsi aiquiŕ'hueca, ja'ni aŕcu'moŕtsi aŕteŕ'mitsonga' acueca', aŕma'atsonga', aŕpi'etsonga' nulemma, tijouŕa' ja'ni aimal'ehualeyi capic'a, ¿te quipenic' iŕiya? ÑanDios aimetenŕcocoya laŕ'epa. Ailopa'a calapi'inyaconga'.

⁴ ¿Te caŕ'eyacu laŕ'ejma' ja'ni aŕ'ehualeŕe capic'a? Maŕ'ehualeyi capic'a aŕsnet'i'me juaiconapa jahuary laŕ'e'eyaconga', aŕpalaic'o'mola' al c'a, aimal'eyacola' laic', aimal'nescoyacoŕtsi al c'a, aimal—lof'eyacoŕtsi. ⁵ Aimal'eyacu nixpiya, aimal'eyacu lalatenŕcocoyaconga' illanc' caŕtuca'. Aimalixtulecoyacu, aimal'nujuaisyacu ja'ni a'ijc'a laŕ'eponga'. ⁶ Aimixojya calata ja'ni timenaquila' lapimaye, linca tixoj'ma calata ja'ni laŕpimaye tihuejcoyi al linca cataiqui'. ⁷ Ti'hua aŕ'ela' capic'a, aimal'xojyaconga'. Aŕ'huaiyijm'mola'. Aŕ'huaicotola' ma ti'ete al c'a. Jahuary laŕ'eyaconga' ti'hua aŕsnet'i'me.

⁸ Ja'ni aŕ'ela' capic'a, tama itsiya litine o Locuena Quitine ti'hua aŕ'e'mola' capic'a. Iŕe laŕ'ejma' aimijouya. Tijauhuamlaicota quitine toŕta'a aŕ'e'me.

Itsiya litine lam profeta tu'iyaleyi lu'ipola' ÆanDios, Locuena Quitine a'i, aimuya'aconayacu toŧta'a. Itsiya litine lapimaye tipalaiyi ipaijma liŧtaiqui', Locuena Quitine a'i, aimipalaiconayacu toŧta'a. Itsiya tocomma tipa'a laŧsina', Locuena Quitine a'i. Aimaŧ'nujuaisyacu iŧiya. ⁹ Itsiya ma le'a a'onŧca laŧcueca, ma' a'onŧca lalu'iponga' ÆanDios, toŧta'a lu'iyaleyi. ¹⁰ Locuena Quitine a'i. Jahuay aŧsim'me, jahuay lu'i'monga' ÆanDios. Petsi joupá lixhuaita hualca ailopa'a.

¹¹ Ti'i'ma ma to iya' laŧ'ipa. Iya' maj na'hua, iŧne litiné ma to tixpic'eyi laif'as ca'uhuyay ma' anuli caxpic'e iya'. Toŧta'a laipicuejma', laitaiqui'. Lijoupa laŧtojpa aicainihuequi iŧe lai'ejma' ma na'hua. ¹² Itsiya afule maŧcuejyi. Tocomma to lahuelojnyi anuli lahuejma' catejma', iŧe lalahuelojmpa tocomma to cua naitsi ipunxahua. Afule qui'huáqui. Locuena Quitine a'i. Aŧsim'me acuajmaica. Itsiya ma' a'onŧca aŧsina', ma' a'onŧca aŧcuc'eyi. Locuena Quitine a'i. Ma to ÆanDios limetsaiconga' itsiya, ma toŧta'a limetsaico'me ÆanDios.

¹³ Linca itsiya y tijauhuamlaicota litine, ti'hua aŧ'huaiyijm'me ÆanDios, ti'hua aŧ'huaico'me al c'a, ti'hua aŧ'ela' capic'a laŧpimaye jouc'a ÆanDios. Tama jahuay iŧe lai'ejma' aimijouya, tetenŧcocojma ÆanDios, iŧe maŧ'ehualeyi capic'a xonca tetenŧcocojma, ÆanDios tixina iŧe xonca al c'a.

14

¹ Toŧpo'noŧe loŧpicuejma' tonŧ'etsola' capic'a loŧpimaye. Jouc'a toŧsahue'eŧe cal Espíritu Santo tepi'itsolhuo' coŧmane coŧpicuejma'. Xonca toŧjanajle, toŧsahue'eŧe ti'etsolhuo' profeta, tepi'itsolhuo' loŧpicuejma' tolu'itsola' lapimaye lataiqui' lomiyacolhuo' ÆanDios.

² Æapima nopalaiya ipaijma litaiqui', iŧe lapi'ipa cal Espíritu Santo a'i ma quitaiqui', iŧque tipalaic'o'ma ÆanDios. Lan xanuc' aimicuec'e'me. Cal Espíritu Santo ticuxe lipicuejma', iŧne pe noquimf'epá aimi'iya muhuaŧqueyacu lonespa, aimuhuaŧqueyacu loya'apa.

³ Æapima ja'ni aprofeta, iŧque tipalaic'ola' lan xanuc', xonca tifa'ela' liŧpicuejma', tixc'ai'ila', tixoc'ila' quileta. ⁴ Æapima nopalaiya ipaijma litaiqui' xonca tifa'eyoxi quituca' lipicuejma'. Cal profeta lopalaipa xonca tifa'ela' liŧpicuejma' lipimaye, jahuay iŧniya nafoŧumma.

⁵ Camilhuo': Ja'ni jahuay imanc' ipaijma ipaijma loŧtaiqui' toŧpalai'me, linca tixoj'ma neta iya'. Xonca tixoj'ma neta ja'ni coŧa' jahuay unc'iprofeta. Æapima nopalaiya ipaijma litaiqui', iŧe lepi'ipa cal Espíritu Santo, ja'ni timuc'ila' lapimaye te ts'i'ic' linespa, acueca' al c'a lo'epa, acueca' titoc'ila' lipimaye, tifa'ela' liŧpicuejma'. Ja'ni aimi'iya mimuc'iyacola' loya'apa iŧe linespa, litaiqui' aimitoc'ila' lipimaye. Xonca acueca' al c'a ti'e'ma cal profeta, lapimaye ticuec'eyi iŧque. ⁶ Unc'aipimaye, cacuaitsi jiŧpiya, ja'ni capalay pangay ipaijma laitaiqui', ¿te ja'ni catoc'i'molhuo'? A'i. Ticuicomma cu'itsolhuo' laŧmuc'ipa ÆanDios, o cu'itolhuo' laixina', o cu'itolhuo' laŧmipa ÆanDios, o camuc'itolhuo'. Ja'ni toŧe ca'etsi, linca catoc'itolhuo'.

⁷ Iŧiya al pito o al 'arpa, tama aiquiŧmaf'i', ja'ni tifuŧ'minŧe al pito o tunanŧe al 'arpa tocomma to tipalaiyi. Ticuicomma tifuŧ'minŧe o tunanŧe al c'a. Ja'ni a'i, aimi'iya micuejyacu te loya'apa.

⁸ Tijoc'intsola' lan soldado ticuaiyunca tifuleta, ja'ni a'i munanni al c'a al trompeta, ¿te ticuec'e'me lan soldado? A'i. Aimicuec'eyacu. ⁹ Jouc'a imanc', ja'ni toŧpalaiyi ipaijma loŧtaiqui' iŧne noquimf'epolhuo' aimi'iya quiŧsina' te ts'i'ic' loluya'apa. Tocomma to toŧpalaic'oyoltsi coŧtuca', to toŧpalaic'oyi lahua' le'a.

¹⁰ Linca, fa'a li'a laŧmats' tipa'a axpe' quiŧtaiqui' lan xanuc'. Anuli anuli tipa'a loya'apa. ¹¹ Maŧpalaic'o'moŧtsi ja'ni aicalcuc'eyoŧtsi, ¿te iya' latenŧcoco'ma iŧque linespa? O iŧque, ¿te tetenŧcoco'ma iya' lainespa? A'i, aimaŧsinc'neyacoŧtsi. Caxim'ma iŧque to aine, iŧque aŧsim'ma to naine. ¹² Imanc' ma toŧta'a lo'ipolhuo' jiŧpe.

Ja'ni juaiconapa toŧjanajyi locupa cal Espíritu Santo toŧsahue'eŧe tepi'itsolhuo' coŧmane, coŧpicuejma' toŧtoc'itsola' loŧpimaye, toŧfa'etsola' liŧpicuejma'. ¹³ Æapima nopalaiya opa ÆanDios,

ja'ni tipalay ipaijma litaiqui' jouc'a tixahue'ela' cal Espíritu Santo tepi'ila' lipicuejma' tu'itsola' lapimaye loya'apa iñe lonespa.

14 Iya' ma capalaic'o ÑanDios ipaijma litaiqui' lalapi'ipa cal Espíritu Santo, linca tama jilpe ñainunxajma' aixina' capalaic'o ÑanDios aicaixina' loya'apa laifnespa, toña'a aicatoc'ila' laipimaye. 15 ¿Te caif'eya? Capalaic'o'ma ÑanDios ipaijma litaiqui', ma to mañcuxe cal Espíritu Santo, jouc'a cu'i'mola' laipimaye loya'apa iñe laipalaic'opa ÑanDios. Cunac'co'ma ÑanDios ipaijma litaiqui', ma to mañcuxe cal Espíritu Santo, jouc'a cu'i'mola' laipimaye loya'apa iñe ñainunac'copa ÑanDios.

16 Ima', mox'najtsi'i ÑanDios ja'ni ma le'a ipaijma lotaiqui', ¿te co'eya cal xans no-quimf'epa, iñque pe aimihuequi? Aimicuec'eya lofnespa. ¿Te co'iya minesya: “Amén, toña ti'ila'”? A'i, aimi'iya. 17 Ima' linca juaiconapa ac'a ox'najtsi'ipa ÑanDios. Lopima ipanemma ma to mipa'a. Aicofa'e lipicuejma'.

18 Cax'najtsi'i ÑanDios iya' culiquilhuo' imanc'. Capalay xonca ipaijma litaiqui'. 19 ¿Te co'iya? ¿Te ja'ni capalai'ma pangay ipaijma litaiqui' jilpe lalafot'leyopotsi anuli laipimaye? A'i. Tama nipajnya capalaña' imbamaj mil litaiqui', iñe ipaijma litaiqui', xonca aipic'a capalaña' ma le'a amauej litaiqui' ma le'a lañtaiqui'. Toña'a añcuc'e'ma lapimaye, camuc'ila'.

20 Unc'aipimaye, aimonlihuej'me liñ'ejma' la'uhuy. Iñe aiquicuaiya quipicuejma'. Linca ma to mi'eyi lan tsocay, iñe pe aimihuejyi lixcay, imanc' jouc'a ti'ila' toña'a loñ'ejma'. Toñ'nujuaitsa tipa'a loñpicuejma', toñspic'ele al c'a. 21 Petsi linihjmpa loya'apa locuxepa ÑanDios ticua:

ÑanDios tuya'e': “Iñe petsi aimepenufyi laifmuc'ipola', cumme'e'mola' lan xanuc' ocuena quifraza, ituca' quitaqui', iñniya tu'innola' laifnuya'apa. Tijouña', tama tiquimf'e'me ma' anuli tuyalaico'me, aimihuejyacu.”

22 ÑanDios ipic'a timujla' nulemma naitsi iñe aimi'huaiyijnyi. Toña'a ummepola' nopalaipá ipaijma litaiqui'. Lummepola' a'i mimujyacu naitsi iñe no'huaiyijmpá. Lam profeta, iñe linca timuc'iyaley no'huaiyijmpá, a'i petsi aimi'huaiyijnyi.

23 Itsiya, ¿te co'iya? Cagua: Petsi lolafot'leyopotsi anuli, jahuay toñpalaiyi ipaijma ipaijma lotaiqui', iñe lepi'ipolhuo' cal Espíritu Santo, tijouña' titsufaiñe iñe petsi aimicuec'eyi iñe loñ'ejma' o petsi aimihuejcoyi ÑanDios, ¿te cocuayacu? Tines'me: “Iñe ma' amac'ta”.

24 Ituca' lo'iya ja'ni jahuay imanc' toluya'ayi iñe lu'ipolhuo' ÑanDios. Titsufaiña' anuli pe aimihuejma ÑanDios, o aimihuequilhuo' imanc' loñ'ejma', iñque tiquimf'e'molhuo' anuli anuli imanc' loñnespa. Lotaiqui' titsufai'ma lipicuejma' iñque cal xans. Toña'a tixhuej'menahuo, ti'i'ma quixina' te ts'i'c' li'ejma'. 25 Lemiya jilpe ñunxajma' ti'huájta. Tijouña' text'onñquehuo tixpats'huaita ñamats', tix'najtsi'i'ma ÑanDios, tuya'e': “Linca ma fa'a tipa'a ÑanDios”.

26 Itsiya, cunc'aipimaye, ¿te co'iya? Jilpe molafot'leyopotsi, jahuay imanc' anuli anuli tipa'a loñpalaiyacu. Anuli tunac'co'ma ÑanDios, locuena tipa'a lomuc'iyacola' lapimaye, locuena tu'i'mola' lapimaye te ts'i'ic' iñe lu'ipa ÑanDios, locuena tipalai'ma ipaijma litaiqui', iñe lepi'ipa cal Espíritu Santo, locuena tipa'a lipicuejma' tuhuañ'ma iñe lipaijma litaiqui', tuya'a'ma te loya'apa. Ne', jahuay iñna'a ti'i'ma tonñ'e'me ja'ni toña'a toñtoc'i'mola' loñpimaye, ja'ni toña'e'mola' iñniya lipicuejma'.

27 Ja'ni toñpalai'me ipaijma lotaiqui', iñe lepi'ipolhuo' cal Espíritu Santo, toñpalaiñe oquexi' afantsi le'a, xonca a'i. Anuli anuli toñpalai'me. Tijouña' anuli ñapima tu'i'mola' lapimaye te loya'apa iñe lipaijma litaiqui'. 28 Jilpe, ja'ni ailopa'a anuli no'iyalepa toña'a, aimoñpalaiyacu ipaijma lotaiqui'. Ma jilpe loñpicuejma' toñpalaic'o'me ÑanDios.

29 Jouc'a lam profeta, tipalai'me oquexi' afantsi le'a, xonca a'i. Locuenaye lapimaye noquimf'epá tixpif'me, ti'ila' quilsina' ja'ni itaiqui' ÑanDios o a'i. 30 Mipalaic'olhuo' ñapima ja'ni aprofeta, ja'ni ÑanDios tu'ila' o timuc'ila' locuena capima nocutsuya jilpe, iñque

nopalaic'opolhuo' ti-ch'ixco'ma. Tipalaic'otsolhuo' locuena capima, tu'itsolhuo' lu'ipa ÑanDios. ³¹ Tołta'a jahuay lapimaye tolihuic'i'me, jahuay tixpai'i'mola' cunlata.

Imanc' unc'iprofeta nipajnya tołcuxe'mołtsi al c'a, tołpalai'me anuli anuli. A'i jahuay mołpalolai'me. ³² Ñapima ja'ni aprofeta ti'hua limane ticuxe'moxi. Ti'i'ma tixpic'e'ma ja'ni tipalaia' o ja'ni aimipalaiya. ³³ ÑalanDios aimał'eyaconga' lahuoc'aitsołtsi. İłque ałpac'e'enga' lałpicuejma'. Ja'ni imanc', ja'ni ocuenaye lapimaye, ni petsi lolafot'łepołtsi tołta'a li'ejma' ÑanDios.

³⁴ Molafot'łeyołtsi anuli aimipalai'me lacał'no'. Aimi'onlıco'mołtsi to lan xanuc'. Tihuej-cote. Pe liniłiya locuxepa ÑanDios tołta'a tuya'e'. ³⁵ İhne lałpimaye cacal'no', ja'ni jıłpe łilejut'lı małpiya ti'i'ma ticuis'eta liłpe'aillı. Pe lolafot'łepołtsi aimipalai'me lacał'no'. İe a'ıjc'a, aimetenłma. ³⁶ Imanc' unc'iCorinto, aimolihuejcola' locuenaye lałpimaye lił'ejma'. ¿Te ma imanc' coltuca' tołcuxe'mołtsi? ¿Te imanc' unc'apoujnalá litaıqui' ÑanDios? ¿Te jıłpe quipangoyopa? ¿Te ma le'a imanc' olapenufpá ĩle litaıqui'? ¿Te ma le'a icuaita jıłpiya?

³⁷ Ñapima nonespa: “Iya' ninprofeta”, o “Iya' linca acueca' lalapi'ipa cal Espıritu Santo”, timetsaicoła' naitsi lalapi'ipa iya' ĩle litaıqui' laininił'epolhuo' jifa'a. İe a'i caitaıqui', ma litaıqui' lałPoujna Cristo, tołta'a ticuxe ĩłque. ³⁸ Ja'ni aimimetsaicojma tołta'a ĩłque jouc'a aimimetsaicom'me.

³⁹ Unc'aipimaye, camiconalhuo' lonł'eyacu. Tołjanajle juaiconapa ti'itsolhuo' to lam profeta. Lapimaye nopalaipá ipaijma liłtaıqui', ne', tipalaııe, aimołcuanac'e'mola'. ⁴⁰ Jıłpiya lonlafot'łeyołtsi tonł'ele ma latenłcocoya ÑanDios, tołcuxetsołtsi al c'a.

15

¹ Unc'aipimaye, itsiya cu'icona'molhuo' te ts'i'ic' loya'apa Lataıqui', małe Lataıqui' lainu'ipolhuo'. İe Lataıqui' joupa lolapenufpa, małe lonlıhuequi. ² Ja'ni tolihuejle Lataıqui' lainu'ipolhuo' małe Lataıqui' tunł'elhuo'. Ja'ni aimunł'eyacolhuo' colá' aicolapenufi Lataıqui'.

³ Laipangopa lainuya'apa jıłpe, ate'a nu'ipolhuo' Lataıqui' lainepenufpa, lu'ipa lałPoujna. Aimipolhuo': “Cristo icupoxi tima'anłe, tołta'a liłonc'e'eponga' lałjunac'. Al Paxi Linilingiya joupa uya'apa tołta'a lo'ıya. ⁴ Lijoupa limanapa, eminnapá. Al fane' quitine imaf'inapa. Al Paxi Linilingiya jouc'a tuya'e' tołta'a. ⁵ Imuj'moxi imaf'i'. Pedro ixim'ma. Lijou'ma ixim'me locuenaye liyejmalepá Cristo. ⁶ Lijou'ma mefot'łeyołtsi to amaquej maxnu lapimaye ĩhne jouc'a ixim'me. Hualca ĩhniya itsiya ailomana' fa'a li'a łamats', joupa imanapola'. Axpela' ti'hua ts'ıłmaf'i'. ⁷ Lijou'ma Jacobo ixim'ma. Lijou'ma ixim'me jahuay lan apóstole.”

⁸⁻⁹ İjouco'ma iya' aixim'ma, imuj'moxi pe laifpa'a. Litine lixim'me locuenaye ailopa'a al ts'e laipitine iya'. Tocomma afule caipajnconna. Iya' aica'onlıcoyacoıxi to locuenaye lan apóstole. İhniya xonca ac'a xanuc'. Iya' caxinyoxi xonca ninaitsi xans. Iya' caituca' aicainepi'iyoxi ĩłta'a laipenic'. Caxinyoxi a'ıjc'a laipicuejma', nihuetsopola' lixanuc' ÑanDios lefot'łepola'. ¹⁰ Linca, itsiya ituca' lai'ejma'. Tołta'a li'epa ÑanDios, ĩłque ałpai'ipa iya' laipicuejma', ałtoc'ipa juaiconapa. Tołiya nulijpola' locuenaye lan apóstole. Xonca ai'epa canic'. Cax'najtsi'i' ÑanDios, ĩłque ałtoc'ipa. Linca a'i iya' caituca' ai'epa tołta'a, acueca' ałtoc'ipa ÑanDios. Tołiya ĩle lanic' lai'epa tocomma to ma li'epa ÑanDios. ¹¹ Ja'ni iya', ja'ni locuenaye lan apóstole, ma' anuli Lataıqui' laluya'apa. Małe Lataıqui' lolapenufpa imanc'.

¹² İllanc', ja'ni luya'ayi: “Cristo imaf'inapa, ipayomma pe lomana' limanapola’”, hualca imanc' ¿te colnescopa: “Aimimaf'inayacu limanapola’”? ¹³ Iya' camilhuo': Ja'ni limanapola' aimimaf'inayacu jouc'a Cristo aıquimaf'inghua. ¹⁴ Ja'ni Cristo aıquimaf'inghua, illanc' colá' ma le'a ałpalaiyi, Lataıqui' laluya'apa ailopa'a quipenic'. Ma' anuli, tama ol'huaiyijmpá Jesucristo, ĩłque ja'ni colá' timanghua aimi'ıya mitoc'ıyacolhuo'.

15 Joupá lu'ipolhuo': "Tote, tote li'epa Ñandios, itque imaf'i'ina'pa Cristo". Ja'ni co'la' Ñandios aimimaf'i'iyacola' limanapola' jout'a Cristo aiquimaf'i'inghua. Illanc' nañespa li'epa Ñandios co'la' a'ij linca. Ma le'a a'fel'mipolhuo'. 16 Linca ja'ni limanapola' aimimaf'i'inyacola', Cristo a'i quimaf'i'inghua. 17 Ja'ni Cristo aiquimaf'i'inghua lo'junac' aiquilonge. Tama o'huaiyijmpá Cristo, ja'ni timanghua, itque aimi'iya mitoc'iyacolhuo'. 18 Jout'a la'pimaye limanapola', tama i'huaiyijmpá Cristo itne jout'a e'jac'pola'. To'ta'a li'ipola' ja'ni aiquimaf'i'inghua Cristo. 19 Jout'a illanc', itsiya ma'huaiyijnyi Cristo a'telcoyi. Ticuaiti Locuena Quitine, ja'ni aimaluyalaico'me xonca al c'a, ¿te ca'huaiyijncopa Cristo? Linca ja'ni aimamaf'iyacu xonca ninc'icuanuc'la.

20 Linca, jout'a imaf'ina'pa Cristo. Ticuaihuo litine Ñandios tefot'le'mola' limanapola', timaf'i'ina'mola' itniya. Cristo i'ipa cal te'a itniya. 21 Li'ipa anuli cal xans aiquihuejma Ñandios, to'ta'a lamaya i'huajcopa. To'tiya ma' anuli i'huajcopola' lamaya jahuay lan xanuc'. Locuena cal xans ihuejcopa Ñandios, to'tiya tama a'ma'monga' amaf'i'ina'monga'. 22 Itque cal xans Adán ixingufcopa lamaya, ma' anuli jahuay lan xanuc' tixingufcoyi to'ta'a. Cristo, itque jout'a i'epoxi xans, imaf'i'ina'pa Ñandios, ma' anuli timaf'i'ina'mola' jahuay.

23 Linca, a'ij nuli lo'iyacola' itne nomaf'i'inyacola'. Cristo jout'a imaf'ina'pa, itque cal te'a peti itne lafot'leyacola' Ñandios. Tijou'la' ticuaicoconno Cristo timaf'ina'me lixanuc'. 24 Tijou'la' tixhuaiti jahuay, Cristo ticu'moxi limane, timi'ma Ñandios qui'Ailli': "Ma' ima' tocuxela'".

Ate'a tilonc'ena'mola' li'mane jahuay lan rey, jahuay lincuxepá, jahuay no'huapá li'mane ni peti lomana'. 25 Cristo ti'hua ticuxe'ma ma mi'of'eyot'i no'epaj laic'. Jahuay itniya ti'oc'enam'mola'. 26 Tijou'la' tilonc'e'enatsola' li'mane jahuay itne no'epaj laic', ma le'a tipanehuo lamaya. It jout'a tilonc'e'ena'ma limane.

27 To'ta'a tuya'e' al Paxi Linilingiya, ticua: "I'oc'ena'pola' jahuay no'epaj laic'". It lataiqui' loya'apa "... jahuay i'oc'ena'pola'", linca aiminescojma Ñandios. Ma'tque Ñandios ixpic'epa ti'ila' to'ta'a, ti'oc'em'me jahuay, tihuejco'me Cristo. 28 Ticuaiti litine ti'oc'ente jahuay, tihuejco'me Cristo, ma'tque Cristo li'Hua Ñandios ti'oc'ena'moxi. Qui'Ailli' Ñandios jout'a ixpic'epa jahuay tihuejcole Cristo. Ti'oc'ena'moxi Cristo, ma Ñandios ticuxe'ma, jahuay tihuejco'me.

29 Iya' cacua: Ja'ni aimimaf'iyacu limanapola', ¿te quepo'icompola' itne napo'impola' muya'ayi li'puftine li'pimaye limanapola'? Ja'ni itne imanapola' nulemma, ¿te quipenic' ite lo'epa li'pimaye ts'itmaf'i'? ¿Te quepo'icompola' muya'ayi li'puftine itne li'pimaye limanapola'? ¿Te quitalai'ecopa to'ta'a Ñandios?

30 Iya' jout'a la'ejmale itine itine a'telcoyi, alcuayi: ¿Te xonca ca'iyaconga'? Ja'ni aimamaf'inayacu, ¿te cal'snet'lcopa to'ta'a? 31 Itine itine to'comma to'ama'ma, ama'a'ma. Cacua: Ma' al linca ite laifnespa. Iya' tixoquei neta capalaicolhuo' imanc' unc'aipimaye lo'huaiyijmpa Jesucristo. To'ta'a aimi'iya ca'fel'miyacolhuo'. 32 Ja'ni aimimaf'iyacu limanapola', ¿te capanehuo fa'a li'ya' Efeso ma'fulecoyot'i itne ti'on'cospola' to'oyac'la quin-neja? A'i. Najmay cuyaicola' lapajnya to'itniya nonespá: "Aga mouqui amana'monga'. Itsiya, ma ma'mana', a'tetsole, a'snate al c'a."

33 Imanc' aimofel'mi'mot'i. Tolana'jtso'ti itne nonespá: "Limanapola' aimimaf'iyacu". Al linca lataiqui' loncspa: "Lan c'a xanuc' ja'ni tiyejmale'le lixcay xanuc', jout'a ti'i'mola' ixcay xanuc'". 34 To'suej'menca. To'pai'ite lo'ejma'. Aimof'econa'me ite pe aimeten'ama Ñandios. Ji'pe timana' itniya pe aimimetsaicoyi Ñandios. ¿Te aimot'aiyi calaic'ata mimana' to'niya?

35 Aga tipa'a anuli nonesya: "¿Te co'iya mimaf'inayacu limanapola'? ¿Te co'iya micuaiconayacu? ¿Te co'iya li'cuerpo? Jout'a ihuet'ipa." 36 Catalai'e'ma, cami'ma: "Ima' ailopa'a copicuejma'". Cal fanu' lifampa ate'a tihuet'lqui, tijou'la' tilamma imaf'i'. 37 Itque cal fanu' lifampa aimi'on'cspa to'laifa' lolapa. Ma le'a afanu', ja'ni atrigo o ocuena fanu'.

Lolapa ituca' lixans. ³⁸ Ma LanDios ti'e'e tilała' cal fanu', jouc'a tixpic'e te ts'i'ic' lixans. Anuli anuli cal fanu' tilała' ituca' ituca' lixans laifa' lolapa. Tołta'a lo'iyacola' limanapola' nomaf'inayacu.

³⁹ Fa'a li'a łamats' liłpixic' lan xanuc', liłpixic' linneja, liłpixic' lacał'hui, liłpixic' latuye, ituca' ituca' iłna'a. ⁴⁰ Małmana' fa'a li'a łamats' tipa'a lałcuerpo. Pu'hua locuenaj quitine jouc'a ti'ita ałcuerpo. Lałcuerpo mipa'a fa'a li'a łamats' aimi'onłya pu'hua locuenaj quitine. ⁴¹ Cal 'ora, cal mut'ła, lan xamna, aimi'onłspola'. Ituca' ituca' liłsans, liłpepalc'o'. Lan xamna aimi'onłspola'. Axamna axamna ituca' ituca'.

⁴² Tołta'a lo'iyacola' limanapola'. Litine leminni jilpe łamats' iłque limanapa ti'hua tihuet'łqui. Litine timaf'i'inał' ti'i'ma ituca'. Aimihuet'łconaya. ⁴³ Litine leminni tocomma to ninałtsi cuerpo. Litine timaf'inał' tipai'im'me, ti'huájta ac'a juaiconapa. Litine leminni ailopa'a co'eya. Aimi'iya. Litine timaf'i'inałe ti'i'ma acueca' ipujfxi, acueca' ti'e'ma. ⁴⁴ Teminni iłque licuerpo lepi'ipa qui'aillí, iłque jouc'a axans. Ituca' licuerpo timaf'i'ina'ma, iłe lapi'iya LanDios. Tipa'a lałcuerpo lalapi'iponga' lał'aillí, tipa'a lałcuerpo lalapi'iyaconga' LanDios.

⁴⁵ Al Paxi Linilngiya tipalajma Adán, iłque copa'a cal te'a cal xans. Ticua: LanDios epi'ipa lipitine, "... tołta'a i'ipa imaf'i'". Ituca' li'ipa iłque łecui'impa Łijoujma Adán. Iłque ai'a tipajnta ailopa'a quicuerpo, ma tipa'a lipitine. Małque lapi'inga' lałpitine. ⁴⁶ Jifa'a li'a łamats', ¿nałtsi łicuai'ma cal te'a? ¿iłque nalapi'iponga' lałpitine? A'i. Ate'a tipa'a fa'a iłque lepi'ipa lipitine LanDios, lijou'ma icuai'ma iłque nalapi'iponga' lałpitine. ⁴⁷ Iłque Adán copa'a cal xans cal te'a, LanDios ilanc'epa fa'a li'a łamats'. Ma' amats' ilanc'ecopa. Łocuenaj cal xans, iłque ałPoujna, qui'huayomma lema'a. ⁴⁸ Małmana' fa'a li'a łamats' ał'onłcosponga' to Adán, iłque cal te'a lałtatahuelo, ilanc'ecompa amats'. Locuenaj quitine, illanc' ja'ni ixanuc' iłque Łi'huayomma lema'a, ma' anuli ał'onłcotonga'. ⁴⁹ Małmana' fa'a li'a łamats' lałsans ma' anuli Adán, iłque ilanc'ecompa amats'. Locuenaj quitine lałsans ti'i'ma ma' anuli to lixans iłque Łi'huayomma lema'a.

⁵⁰ Unc'aipimaye, iya' camilhuo': Ałcuaitsa locuenaj quitine tucuicomma ti'itsi ituca' lałcuerpo. Ma to małmana' aimi'iya małtsuflaiyacu pe locuxeyopa LanDios. Iłta'a lałcuerpo tijaf'quinghua, tihuet'łna'ma. ¿Te małta'a ałtsuflaicota petsi ailopa'a mijouya, ailopa'a quihuet'łqui? A'i. Aimi'iya. ⁵¹ Cu'i'molhuo' lo'iya. Iłta'a lataiqui' laifnu'iyacolhuo' lan xanuc' quılta' aimi'iya quılšina'.

Ai'a ticuaiyoconno Cristo, tama hualca illanc' ałmana'monga', hualca ałmanecu. Jahuay ałpai'im'monga' lałsans. ⁵² He lał'iyaconga', lałpai'iyaconga' aimicolya. Ma le'a to małspot'łmi'me lał'u', mał'huiłf'i'me, joupa ałpai'imponga'. Tołta'a lał'iyaconga' munanni al trompeta, iłe lijoujma luna'apa. Linca tunam'me al trompeta, limanapola' timaf'i'inam'mola', aimihuet'łconayacola' liłcuerpo. Illanc' ja'ni ałmana' ałpai'im'monga' lałsans. ⁵³ Iłta'a laicuerpo tijaf'quinghua, tihuet'łma, tucuicomma lapi'ıntsi ocuena caicuerpo, alpo'no'entsi iłe pe aimijouya, aimihuet'łconaya. Iłta'a laicuerpo tucuicomma tima'ma. Ipic'a alpo'no'entsi locuena pe aimimaconaya. ⁵⁴ Tijouła' ti'ila' tołta'a, iłe litine linca ti'i'ma ituca' lałcuerpo, aimihuet'łconaya, aimimaconaya. Tołta'a tenanł'ma lataiqui' linilngiya, ticua:

jJoupa lulijpá!

Lamaya joupa ejac'pa, aimałmaconayaconga'.

⁵⁵ Ma' al linca loya'apa lataiqui' lonespa:

Catalai'e'ma lamaya, cami:

“Limanapola', ¿ja'ni ma tołta'a tiłmanemma? A'i.

Ima', ¿ja'ni ti'hua toma'ahualecona'ma? A'i.”

⁵⁶ Linca, mipa'a iłta'a lałcuerpo lixingufcopa lixcay lał'epa, ma ti'hua limane lamaya, ałteł'minga', ałma'a'monga'. Aimi'iya małnesyacu: “A'i, aical'aic' quixcay”. Litaiqui' LanDios loya'apa locuxepa, iłe lataiqui' ałcufquina'. ⁵⁷ X'najtse'eya LanDios, lałPoujna Jesucristo

joupa ulijpa, lamaya aimululijyaconga' nulemma. Illanc' nał'huaiyijmpá ŁanDios jouc'a lulijna'me. Tołta'a lixpice'epa ŁanDios, tołta'a ti'i'ma.

⁵⁸ Unc'aicapimaye, ja'ni tołta'a lał'iyaconga', ¿te ts'i'ic' lał'eyacu itsiya? Cu'i'molhuo': Aimołpai'i'me lołpicuejma'. Tolihuejle litaiqui' Jesucristo. Aimołcuanac'e'mołtsi. Itine itine tonł'e'me lanic', iłe lepi'ipolhuo' lałPoujna, a'ujfxi tonł'e'me tołta'a.

Imanc' noł'huaiyijmpá lałPoujna Jesucristo, monł'eyi iłe lanic' toł'nujuaitsa lo'iyacolhuo' locuenaj quitine. Tołta'a tixojma cunlata tonł'e'me lanic'.

16

¹ Itsiya capalaico'ma al tomí lolafot'eyacu lolumme'eyacola' lołpimaye, iłne jouc'a i'huexi ŁanDios. Iłne nomana' liłya' Jerusalén tehue'ela'. Lapimaye lafołyomma łamats' Galacia joupa ainu'ipola' lo'eyacu. Imanc' ma' anuli tonł'ełe. ² Axamano axamano ticuaitsi al te'a quitine, anuli anuli imanc' tolanajle lołtomí. Ja'ni ululijpá acueca' tolanajle acueca'. Ja'ni ululijpá huata, tolanajle huata. Cacuaitsi jilpiya joupa olafot'lepá al tomí. Aimolafot'le'me aquite'.

³ Cacuaitsi, imanc' toł'huij'etola' lapimaye titaile iłe lolapi'iyacola' iłne lołtoc'icoyacola' jilpe Jerusalén. Iya' capi'itola' quiłje'e. Cummetola'. ⁴ Ja'ni ticuicomma ca'huala' jouc'a ałejmaleta anuli lapimaye.

⁵ Joupa aixpic'epa cahuejntola' lapimaye nomana' łamats' Macedonia. Tijouła' cacuaita pe lołmana' imanc'. ⁶ Aicaixina' tojua quitine ałcołta pe lołmana'. Aga capanehuo' jilpiya cuyaicota łaxita quitine. Tijouła' cuyaita ni petsi. Imanc' lacanumf'eta cane, ałtoc'ita ca'huanła' al c'a. ⁷ Cacia: Ate'a cuyaicota łamats' Macedonia. Tijouła' cacuaita jilpe pe lołmana' imanc' unc'iCorinto. Jilpe a'i ma le'a cuyaicoya. Ja'ni tixpic'ela' ŁanDios ałcołta. ⁸ Jifa'a liłya' Efeso capanehuo' tuyaila' al juic Pentecostés. Tijouła' ca'huata pe lołmana'. ⁹ Jifa'a ŁanDios lapi'ipa acueca' canic'. Axpela' ti'huaiyijnyi lałPoujna. Jouc'a timana' axpela' nał'epa laic'.

¹⁰ Ja'ni jilpiya ticuaitsi Timoteo, tołapenufle. Aimołhuos'mi'me. Ma to ca'ay lanic' lalapi'ipa lałPoujna, iłque Timoteo jouc'a ti'ay. ¹¹ Aimolatets'i'me, ni anuli imanc'. Tipanni ti'huanła' tołacanumf'entsa cane, ti'huananni pe laifpa'a. Iya' ai'huaijma ticuaiyunca anuli lapimaye.

¹² Apolos aimi'huaya itsiya pe lołmana'. Iya' caxc'ai'i juaiconapa, cami: "To'huala' Corinto. Tonłełe anuli lapimaye." Aimecia mi'huaya. Tipa'a litine mi'hua'ma.

¹³ Aimołsmi'me jilpe lołpicuejma'. Ti'hua tolihuejle Lataiqui'. Aimołpai'i'me lołpicuejma'. Tonł'e'ele acueca' lołunxajma'. ¹⁴ Jahuay lonł'eyacu toł'nujuaitsola' lołpimaye, ja'ni tołta'a tołtoc'i'mola' o a'i.

¹⁵⁻¹⁶ Imanc' olimetsaicola' Estéfanos jouc'a lapimaye nomana' lejut'ł. Jilpe łamats' Acaya iłne ate'a i'huaiyijmpá Jesucristo. Iłne quiłtuca' iłpic'epá titoc'i'me lapimaye, iłniya jouc'a i'huexi ŁanDios. Ticuicomma imanc' tolihuejco'mola' iłniya, jouc'a tolihuejco'mola' jahuay lapimaye no'epá lanic' juaiconapa, iłe lanic' lalapi'iponga' lałPoujna. Tołta'a caxahue'elhuo' tonł'e'ele, caxc'ai'ihuo'. ¹⁷ Iya' aixhuełcocopolhuo' juaiconapa. Itsiya tixoqui neta. Licuaina'me fa'a Estéfanos, Fortunato y Acaico, tocomma to ołcuai'me imanc'. ¹⁸ Iłne liłonc'e'enapa laipixhuejma'. Itsiya aimalsueł'meconayacu iya' imanc'. Imanc' tolimetsaicotsola' iłniya no'epá tołna'a.

¹⁹ Lapimaye lafołyomma jifa'a łamats' Asia tinonilhuo'.

Aquila y Priscila jouc'a lapimaye lafołyomma lilejut'ł tixoqui quileta tinonilhuo'. Ticuayi: "Łan xanuc' nomana' Corinto ałpimaye, ał'huaiyijnyi anuli lałPoujna Jesucristo".

²⁰ Jahuay lapimaye nomana' fa'a tinonilhuo'. Jahuay imanc' tołnontsołtsi. Tołtuc'otssołtsi lołpeque ma to mituc'o'mołtsi lapimaye, iłne i'huexi ŁanDios.

²¹ Iya' ninPablo canonilhuo'. Iłta'a caituca' niniłcopa laimane.

²² Jiŋpe ja'ni tipa'a anuli pe aimi'ay capic'a łałPoujna Jesucristo, tejac'enŋe iŋque cal xans.
¡Maranatha! Iŋta'a lohualquemma: ¡Ima' małPoujna, tohue', to'huanni!

²³ Ti'hua titoc'itsolhuo' jahuay imanc' łałPoujna Jesucristo.

²⁴ Ti'ila' cołsina' ca'elhuo' capic'a imanc' unc'aipimaye, ma' anuli ał'huaijnyi Jesucristo.
Amén. Tolta'a ti'ila'.

LIJE'E SAN PABLO LOCUENA LINIË'EPOLA' LAPIMAYE LEFOT'LEPOËTSI LIËYA' CORINTO

¹ Iya' ninPablo. Iya' jouc'a laɓpima Timoteo liniË'elhuo' imanc' lefot'lepolhuo' ËanDios jilpe liËya' Corinto. Jouc'a tixhuele ita'a al je'e laɓpimaye nomana' locuenaye quitelotya' lamats' Acaya, itne jouc'a i'huexi ËanDios. Iya' ninPablo, nin'apóstol, alummepa Jesucristo. Toŋta'a lixpíc'epa ËanDios.

² ËanDios ca' Ailli', Jesucristo laɓPoujna titoc'itsolhuo', tipac'e'etsolhuo' loɓpicuejma'.

³ ¡Ais'najtsi'ile ËanDios! Itque enDios laɓPoujna Jesucristo, jouc'a i'Ailli'. A' Ailli' jouc'a. Itine itine a'nujuaitsinga'. Itque alanDios, alixoc'inga' calata. ⁴ Ma maɓtelcoyi alixoc'inga' calata. Toŋta'a lapi'inga' laɓpicuejma' lixoc'itsola' quileta laɓpimaye miteɓcoyi jouc'a.

⁵ Ma calihuequi Cristo aɓtelcoyi, aɓtelcoyi to Cristo lileɓcopa. Ja'ni juaiconapa acueca' ile laɓtelcopa jouc'a juaiconapa acueca' alixoc'inga' calata Cristo.

⁶ Jahuay la'iponga' illanc' ma titoc'i'molhuo' imanc'. Ja'ni aɓtelcoyi ËanDios alixoc'i'monga' calata. Toŋta'a illanc' lixoc'i'molhuo' imanc', jouc'a tolunɓul'me. Ja'ni ËanDios joupá lixoc'iponga' calata, imanc' jouc'a tolixoc'i'moŋtsi, tolunɓul'me. Toŋta'a titoc'i'molhuo' ËanDios ma moŋsnet'lyi lateɓcoya, ile laɓtelcopa illanc'. ⁷ Illanc' a'i ma le'a aɓcuayi: Jouc'a imanc' toŋsnet'lyi me. Aisina' toŋsnet'lyi me. Ja'ni toŋtelco'me to illanc' maɓtelcoyi, ËanDios tixoc'i'molhuo' cunlata ma to lalixoc'iponga' calata.

⁸ Unc'aipimaye, aipic'a ti'ila' coŋsina' te ts'i'ic' laluyalaicopa illanc' maɓmana' lamats' Asia. Jilpe linca aɓtelcopá. Aisimpá juaiconapa ipime laɓpepajnya. Afule ma'ommoŋaispá. Aɓcuayi: “Ailopa'a caɓpujfxi. Ma' aɓmana'monga'.” ⁹ Laɓcuerpo linca ailopa'a quipujfxi. Laluyalaicopá toŋta'a ixpic'epa ËanDios. Aɓmuc'inga' aima'huaiyijm'moŋtsi illanc' caɓuca', a'huaiyijnle ËanDios. Itque nipajnya timaf'i'ina'mola' limanapola'.

¹⁰ Alunɓu'eponga' ile al cueca' laɓtelcopa, a'i caɓmanga'. Ja'ni aɓtelcoconate ocuena'ya alunɓu'econa'monga'.

¹¹ Imanc' jouc'a locuenaye lapimaye toŋsa'huele ËanDios, toŋmiŋe: “Totoc'itsola' Pablo jouc'a lipimaye”. Tijoula' aɓtoc'itsonga' ti'i'ma axpela' lapimaye tix'najtsi'i'me ËanDios. Toŋta'a lo'iya ja'ni imanc' unc'xpela' toŋsa'hue'me.

¹² Illanc' tixoc'iqui calata aɓcuayi: Jilpe laɓpicuejma' aisina' ac'a la'ejma'. A'i oque' laɓpicuejma', a'i ma le'a ma'e'eyoŋtsi ixanuc' ËanDios, alinca lihuejcoyi. Ma'e'eyi lanic' lalapi'iponga' ËanDios aimalihuejyi caɓuca' laɓpicuejma'. Toŋta'a la'ejma' ni petsi laɓmana' jouc'a pe loɓmana' imanc'. Jilpe loɓmana' xonca a'epá toŋta'a. ¹³ Illanc' lalini'epolhuo' aimifel'micolhuo'. Jilpe lu'ilhuo' al linca, toŋta'a laɓnespa. A'i quipime lataiqui', ti'i'ma tolihuej'me. ¹⁴ Linca hualca imanc' limetsaicoponga'. Cacua: Limetsaicotsonga' jahuay ma' anuli. Toŋta'a, litine ticuaiconanni laɓPoujna Jesucristo tixoj'ma cunlata alimetsaico'monga' illanc' oɓpimaye, jouc'a illanc' alimetsaico'molhuo' imanc' aɓpimaye.

¹⁵⁻¹⁶ Iya' ainespa: “Linca lapenufta lapimaye nomana' liËya' Corinto”. Toŋta'a aixpic'epa ate'a cahuejntolhuo', tijoula' ca'huaŋa' lamats' Macedonia. Capainanni lamats' Macedonia cahuejnconatolhuo'. Tijoula' cahuejntsolhuo' imanc' lacanumf'enna cane lotsepa lamats' Judea. Toŋta'a oquemma aɓsim'moŋtsi, iya' imanc' noɓmana' jilpe Corinto.

¹⁷ Itne lainespa: “Cahuejntolhuo’”, ¿te ma le'a canesqui? ¿Ja'ni iya' aicaxa'hue ËanDios? ¿Ja'ni aicainicuis'e: “¿Te caif'eya?”? ¿Ja'ni iya' caɓuca' cacuxeyoxi laɓpicuejma'? ¿Te caxpic'e ca'huaŋa' jouc'a caxpic'e aica'huaya? ¹⁸ ËanDios linca tenanɓi. Illanc' jouc'a aimaɓfel'miyaleyi. Litaiqui' laluya'apa ite a'i cafelaiqueya cataiqui'.

¹⁹ Itne litaiqui' ËanDios tipalajma Jesucristo, itque i'Hua ËanDios. Ja'ni iya' ninPablo, ja'ni Silvano, ja'ni Timoteo, ma' anuli laluya'apa. ¿Te anuli litine luya'ayi: “Cristo i'Hua ËanDios”, y ocuena quitine aɓcuayi: “Cristo a'i qui'hua ËanDios”? A'i. Aimi'iya mipai'iyacoxi Cristo. Maɓque ËanDios joupá imujpa Cristo ma' i'Hua. ²⁰ ËanDios joupá lu'iponga': “Toŋe, toŋe lapi'iyacolhuo’”,

ilque Cristo ahmuc'inga' ahnca ile lataiqui'. Ma'huaiyijnyi Cristo ilque lapi'i'monga'. To'ta'a tolimetsaico'me acueca' ac'a LanDios, ilque la'palaicopa illanc' ma'eyi lanic' jilpiya.

²¹ Illanc' imanc' ma LanDios alfa'eponga' la'picuejma' ma'huaiyijnyi Cristo. To'ta'a aimalpai'iyaco'tsi. Ma'que LanDios al'paxneponga'. ²² Nulemma limetsaicoponga' ixanuc'. Lapi'iponga' cal Espiritu Santo, toliya i'ipa calsina' illanc' i'huexi LanDios.

²³ Tama aixpic'epa ca'huata' cahuejntsolhuo', aicai'huac'. Aicaifel'milhuo'. To'ta'a ixina' LanDios, ixina' li'ipa. Iya' aiximpolhuo' cuanuc'. Aines'ma: "Ca'huaico'ma tuyaila' oque' afane' quitine. Ja'ni a'i, cacuaiti cataletola' ilne laipimaye." ²⁴ Illanc' a'i col'poujnalá. Aimalu'ilhuo': "To'le, to'le, tolihuejle Jesucristo". Ma le'a altoc'ilhuo' tuluyalaico'le tixojla' cunlata. Alsina' to'huaiyijnyi Cristo, ma ti'hua tolihuejle.

2

¹ Iya' aixpic'epa, camiyoxi: "Aica'huaconaya li'ya' Corinto. To'ta'a aikuixtuc'oyacola' laipimaye." ² Cacia: "Iya', ja'ni cahuos'mitolhuo', ¿naiti nalixoc'iya neta? Ailopa'a. Ja'ni joupa aihuos'mipolhuo', imanc' aimi'iya malixoc'iconaya neta." ³ To'ta'a nini'epolhuo' ile al je'e lainumme'epolhuo'. Cacia: "Tixanu'itso'tsi, tijoula' ca'hua'ma. To'ta'a lixoc'i'ma caineta, aimalapi'iya quixhuejma'." Cacia: "Ja'ni iya' quixoqui neta, laipimaye jilpe Corinto jouc'a tixoj'ma quileta". To'ta'a laif'huaiyijncopolhuo' imanc'.

⁴ Iya' ma quini'i ile col'je'e cajoqui juaiconapa, tic'equi axpe' cainujuay. Li'ipolhuo' imanc' ahuos'mipa acueca'. Unlejpa lainunxajma'. Lainini'epolhuo' aicaipic'a cahuos'miyacolhuo'. Ma' aipic'a ti'ila' col'sina' ca'elhuo' capic'a juaiconapa, to'ta'a lainini'epolhuo'. ⁵ Ilque ni'epa aijc'a aical'sai'e iya'. Ixcai'epolhuo' imanc'. Tama to'ta'a laifcuapa jouc'a cacia: Ilque aimixingufco'ma ujfxi ile laitaiqui', iya' aicate'l'miconaya. ⁶ Lanxpela' imanc' joupa ol'pic'epa lo'eyacu. Joupa ol'epa to'ta'a, ol'tel'mipá. Ma'pe tipanenni. ⁷ Itsiya aimol'tel'miconame. Tolimenc'e'ecole lijunac'. Tolixoc'ile queta. Ja'ni a'i, aga xonca tihuotso'ma, tetel'quehuo lipicuejma' nulemma, tenaj'moxi xonca. ⁸ Caxc'ai'ilhuo' to'palaic'ole al c'a, ti'ila' quixina' ton'eyi capic'a.

⁹ Iya' lainini'epolhuo' ile lo'je'e aipic'a lihuejcola' iya' laicuxe'epolhuo'. To'ta'a lon'epa. Joupa ol'tel'mipá lo'pima. Itsiya aixina' imanc' al'cuc'e' iya' laifcuxe'epolhuo'. ¹⁰ Camilhuo': Anuli la'pima ja'ni tolimenc'e'ecoyi lijunac', iya' jouc'a quimenc'e'eco'ma lijunac'. Iya' cacia: Petsi laicuicomma quimenc'e'ecola' lijunac' ma quimenc'e'eco'ma, joupa nimenc'e'ecopa. To'ta'a cai'ecopa ca'nujuaitzilhuo' imanc', ma' anuli li'epa Cristo. ¹¹ Ticuicomma limenc'e'ecole lijunac' la'pima. Ja'ni a'i lonta'a Satanás lulij'monga'. Joupa limetsaijma te ts'i'ic' lipicuejma' ilque. Tehuay te co'iya ma'c'aitcol'eyacu.

¹² Litine lai'huapa li'ya' Troas joupa aixpic'epa cuya'ata jilpe litaiqui' Cristo, ile loya'apa al c'a lixp'ic'epa LanDios. Laicuaitsi jilpe lamats' linca tipa'a lane ca'etsi lanic', ile lalapi'ipa la'poujna Jesucristo. ¹³ Iya' a'i quixoqui neta. Jilpe Troas ailopa'a laipima Tito. Ilque la'ejmalepa, anuli al'eyi lanic'. Aiquicuaiya. Iya' caxhuel'mot'le. Aical'co'li. Aixc'ai'ina'mola' lapimaye. Nipanni jilpiya ai'hua'ma lamats' Macedonia.

¹⁴ ¡X'najtse'eya LanDios! Illanc' pe Cristo lapenufponga', LanDios joupa alulijponga', i'ipa al'poujna, lihuejcoyi ilque. Itine itine al'ejmaleyi. Ni petsi la'tseyacu lan xanuc' al'singuf'monga' ixanuc' Cristo. Ti'i'ma quilsina' te ts'i'ic' lipicuejma' ilque. To'ta'a tixpic'e LanDios. ¹⁵ Ma LanDios ahanc'e'enaponga' la'picuejma', ti'ila' quilsina' lan xanuc' te ts'i'ic' lipicuejma' Cristo. Ja'ni ilne non'hu'eyacola', ja'ni nacaniyacola', ma' anuli al'singufinga' ixanuc' Cristo. ¹⁶ Linca ilne nacaniyacola' aimepenufyi lataiqui' loya'apa: "Cristo imaf'inapa". Ticuayi: "Imanapa nulemma". Ilne aimepi'inyacola' al ts'e quipitine. Petsi non'hu'enyacola' ilne linca il'sina' Cristo imaf'inapa, tipa'a al ts'e lipitine.

Anuli cal xans, ¿ja'ni quituca' nipajnya ti'e'ma il'ta'a lanic' la'epa illanc'? A'i, aimi'iya. ¹⁷ Illanc' aimal'eyi to ilne pe a'ij lijca loya'apa litaiqui' LanDios. Ilne tihuants'iyi Lataiqui' y

ocuena cataiqui'. Illanc' a'i oque' laɓpicuejma'. Aɓsina' jounpa lapenufponga' Cristo, LanDios aɓquimf'enga'. Aɓ'nujuaisyi LanDios lummeponga' luya'aɓe litaiqui'.

3

¹ Itsiya, illanc' ¿ja'ni aɓpalaicocona'moɓtsi al c'a? Linca timana' lapimaye notaipá liɓje'e timuc'itsolhuo', tolapenuftsola'. O iɓpic'a tolapi'itsola' quiɓje'e tepenufintsola' lapimaye nomana' ocuena quiɓya'. ¿Te ticuicomma toɓsinte jouc'a illanc' caɓje'e? ¿Te toɓta'a limetsaico'monga'? ² A'i. Ma' imanc' ti'onɓcospolhuo' to aɓje'e. Li'ipolhuo' imanc' tocomma to jounpa inilingaita ɓalunxajma'. Iɓe laɓje'e jahuay tixhueyi, ti'i quiɓsina' li'ipolhuo' imanc'. ³ Ja'ni aɓcuaitsa pe lomana' lapimaye aimamuc'iyacola' caɓje'e liniɓcompa atinta, iɓe ailopa'a, aicaɓtaic'. Ma' imanc' ti'onɓcospolhuo' to iɓe ije'e Cristo lalapi'iponga' illanc', amuc'itsola' lapimaye.

Luyaipa quitine LanDios iniɓpa jiɓpe loque' lapi'c' litaiqui' locuxepa. Itsiya cal Espíritu Santo, iɓque li'Espíritu Limaɓ'i' CanDios, iniɓpa litaiqui' ɓolunxajma' imanc'.

⁴ Illanc' aɓsina' ma le'a Cristo lapi'iponga' laɓpicuejma', toɓta'a aɓ'eyi lanic', iɓe lalapi'iponga' LanDios. ⁵ Illanc' caɓtuca', ¿ja'ni acueca' ti'hua laɓmane? ¿Acueca' laɓ'eyacu? A'i. Illanc' caɓtuca' ailopa'a caɓ'eyacu, ma' iɓque LanDios lapi'iponga' laɓmane, laɓpicuejma'. ⁶ Toɓta'a nipajnya aɓ'e me lanic', luya'ayi Lataiqui', iɓe al Ts'e Cataiqui' LanDios lipo'no'ipola' lixanuc'. Illanc' a'i maluya'ayacu lataiqui' loya'apa locuxepa LanDios. A'i toɓta'a laɓpenic'. Iɓe lataiqui' aimi'iya malunɓ'eyacongá', le'a lacani'e'monga'. Illanc' tipa'a laɓpenic' luya'aɓe lo'epa cal Espíritu Santo. Iɓque lapi'inga' al ts'e laɓpitine.

⁷ Moisés uya'a'ma lataiqui' liniɓiya jiɓpe lapi'c'. Tama iɓe loya'apa Moisés tecani'e'mola' lan xanuc', LanDios imuc'ipola' acueca' ac'a juaiconapa lanic' lepi'ipa Moisés. I'e'epa tunts'ifqui li'a. Iɓe lunts'ifpa, tama aimicoɓya, juaiconapa acueca' tunts'ifqui. Lan xanuc' Israel aimi'iya mi'hua mehuelojnyacu, tunlequi liɓ'u'.

⁸ Illanc' luya'ayi lo'epa cal Espíritu Santo, iɓe aɓpenic'. ¿Te ja'ni LanDios aikuimetsaijma xonca acueca', xonca ac'a iɓe lanic'? ⁹ LanDios imetsaicopa acueca' ac'a juaiconapa iɓe lipenic' Moisés, iɓque luya'apa lataiqui' lacani'eyacola' lan xanuc', imuc'i'mola' tipa'a liɓjunac'. Itsiya LanDios, ¿te aimimetsaijma xonca acueca' ac'a lanic' laɓ'epa illanc'? Lataiqui' laluya'apa illanc' ticua: “Ja'ni tolihuejcole, LanDios tepenuf'molhuo' to ailopa'a coljunac”.

¹⁰ LanDios limetsaicopa acueca' lipenic' Moisés, limetsaicopa juaiconapa ac'a lataiqui' loya'apa, unts'if'ma li'a Moisés. Itsiya illanc' luliɓpá Moisés. Xonca acueca' juaiconapa laɓpenic', xonca ac'a lataiqui' luya'ayi, xonca limetsaico'monga' LanDios. ¹¹ Iɓe lipenic' Moisés, tama aimicoɓya, LanDios imetsaicopa, imujpa acueca', ac'a. Lanic' laɓ'epa illanc' jouc'a lataiqui' laluya'apa, ticol'ma, aimijouya. Ocuena cataiqui' xonca al c'a, ailopa'a. Tijouɓa', ¿te LanDios aimalimetsaicoyacongá' illanc' laɓpenic'? Linca xonca limetsaico'monga', timuj'ma xonca acueca' ac'a lanic' aɓ'eyi.

¹² Aɓsina' ma toɓta'a ti'e'ma LanDios. Toɓiya, ja'ni aɓpalaic'otsolhuo' o lu'itsolhuo', aɓpalai'me acuajmaica cataiqui'. ¹³ Illanc' laɓ'ejma' aimi'onɓspa to li'ejma' Moisés. Iɓque tiju'e liɓjaha' jiɓpe liɓjuac. Emi'ma li'a. Ticua: “Laipimaye, lixanuc' Israel, aimalahuelonc'e'e'ma lai'a miɓonginghua lonts'ifpa”. Illanc' ailopa'a calamiyacu. Aimijouya illanc' laɓpenic'.

¹⁴ Iɓne lan xanuc' niqumf'epá Moisés aikuicueca lataiqui' loya'apa iɓque. Jounpa i'ipa ata liɓpicuejma'. Ma toɓta'a itsiya. Tama tixhuef'innila' iɓe lataiqui' liniɓpa Moisés, iɓne lixanuc' Israel aimicuec'eyi, tocomma afohue, tocomma ifi'ejma ijahua' jiɓpe liɓ'u'. Aiquiɓsina' li'epa Cristo. Iɓque enant'ɓipa iɓe litaiqui' Moisés, lapi'iponga' al Ts'e Lataiqui'. ¹⁵ Toɓta'a li'ipola' iɓne lan xanuc', ma' anuli itsiya aikuifonc'e'ennila' iɓe liɓjaha' lopa'a jiɓpe liɓ'u'. To afohue, aikuɓsina'. Miquimf'eyi litaiqui' Moisés aimicuec'eyi. ¹⁶ Lataiqui', iɓe loya'apa li'ejma' Moisés, ticua: “Lipalaic'ohuo'ma laɓPoujna, exijpa li'a, jounpa iɓonc'epa liɓjaha' jiɓpe li'a”. Lan xanuc' Israel jouc'a ti'i'ma tiɓojm'ma iɓe liɓjaha'. Cua naitsi iɓniya ja'ni

tipai'ila' lipicuejma' timetsaico'ma laPoujna, tipalaic'o'ma ilque. ¹⁷ Lataiqui' locuapa "... laPoujna", ile tinescojma cal Espíritu Santo. Ja'ni alejmaleyi ilque cal Espíritu Santo ailopa'a calpa'neyacongá', tipa'a lane alpalaic'o'me cal'Ailli' LanDios.

¹⁸ Maalpalaic'oyi laPoujna tocommá lahuelojnyi ilque, joupá laxi'emponga' laPpicuejma'. Ailopa'a calpa'neyacongá' la'u'. Laf'as xanuc' lahuelojntsonga' illanc', tixim'me te ts'i'ic' ilque laPoujna. Itine itine la'ejma' ti'hua ti'onlcospa to li'ejma' Cristo. Tofta'a lo'epa laPoujna cal Espíritu Santo, ilque ti'hua alpai'inga' illanc' laPpicuejma'.

4

¹ Illanc' aimalsinyi quixoqui maluya'ayi Lataiqui'. Illanc' caltuca' aicalfajyoftsi, ma LanDios ixpic'epa, alfajponga', alpaxneponga', lapi'iponga' la'mane, la'penic'. ² Illanc' alpo'nopá laPpicuejma' al'ele ma le'a al c'a. Aimal'eyacu to lo'epa ilne noximpá calaic'ata. Ilne aimuya'ayi te ts'i'ic' lo'epa. Isina' aimetenma. Illanc' aimafel'miyaleyi, ni aimahuants'iyi Lataiqui' y ocuena cataiqui'. Luya'ayi ma litaiqui' LanDios. Tofta'a ni petsi laftseyacu lan xanuc' limetsaicotsonga' al'eyi ma le'a lanic' lalapi'iponga' LanDios.

³ Illanc' alpalaic'oyi al cuajmaica cataiqui'. Petsi aimuntu'enyacola' le'a ihniya aimicuec'eyacu. ⁴ Ihniya afohue, tofta'a li'e'epola' Satanás. Ilque ilpincuxepa petsi naihuejpá quiluca' lipicuejma'. Tofta'a Lataiqui' aimepalc'o'ila' lipicuejma'. Ille Lataiqui' tuya'e' te ts'i'ic' Cristo, ilque ma' anuli to qui'i'ic' LanDios. Ilne aimi'iya mixinyacu tofta'a.

⁵ Illanc' aimalpalaicoyoftsi. Alpalaicoyi Jesucristo, luya'ayi: "Ilque ilPoujna lan xanuc'". Illanc' al'eyi lanic' lalapi'iponga' Jesús, tofta'a altoc'ilhuo' imanc', tocommá illanc' o'nozó.

⁶ Lipangopa li'a lamats' LanDios icuxe'ma icua'ma: "Jilpe al muf ti'ila' epalc'o'". Ma'que LanDios lapalc'o'iponga' illanc' laPpicuejma', limetsaicoyi te ts'i'ic' LanDios. Ipic'a alulif'etsola' la'as xanuc', ti'ila' quilina' ilne te ts'i'ic' LanDios. Ma'que Jesucristo timuc'i'mola' tofta'a.

⁷ Illanc' linca ma le'a ninc'ixanuc', acueca' lalapi'iponga' LanDios. La'cuerpo ti'onlcospa to lapixu lilanc'ecompa ixitsqui, hiPoujna i'nij'mipa acueca' lipitali. Tofta'a ja'ni lan xanuc' tixinyi acueca' la'epa ti'ila' quilina' a'i caltuca' ma'eyi, ile al cuecaj lo'epa LanDios.

⁸ Illanc' linca altantsinga', aicaluxpats'inga' nulemma. Tama aicalina' te cal'eyacu, ti'hua al'huaijinyi LanDios. ⁹ Tama lan xanuc' alihuetsoquina', LanDios aimalpo'nonga' caltuca'. Tama alscail'enga', aimi'iya malulijyacongá' nulemma, ma' almaf'i'.

¹⁰ Tofta'a laftelcopa illanc'. Mipa'a fa'a li'a lamats' laPoujna Jesús ixingufcopa late'coya jilpe licuerpo, imapa. Jouc'a illanc', ni petsi laftsepa altelcoyi, tofta'a jifa'a la'cuerpo i'huáqui al ts'e la'pitine lalapi'iponga' Jesús hmaf'inapa.

¹¹ Cacia: Ma'mana' fa'a li'a lamats' illanc' ma'eyi lanic' lalapi'iponga' Jesús, itine itine tocommá alma'a'monga', alma'monga'. Tama ti'hua tijaf'que la'cuerpo, tama alma'monga', ma calmaf'i' i'huáqui al ts'e la'pitine lalapi'iponga' Jesús. ¹² Tofta'a illanc' laftepajnya. Illanc' alsingufcoyi lamaya, imanc' to'singufcoyi al ts'e lo'pitine.

¹³ Al Paxi Linilingiya tuya'e': "Ai'huaijijmpa LanDios, tofta'a aipalaic'opola' lan xanuc'". Tofta'a illanc' la'ejma'. Al'huaijinyi LanDios, alpalaic'ola' lan xanuc'. ¹⁴ Alsina' la'iyaconga' ti'i'ma ma' anuli to li'ipa Jesús. LanDios hmaf'i'inapa Jesús jouc'a almaf'i'ina'monga', lapenufnatonga' jilpe. Illanc' imanc' lapenufnatonga'. ¹⁵ LanDios lixp'ic'epa lo'iya i'nujuais'molhuo' imanc'. Ipic'a xonca to'sinle te ts'i'ic' litoc'iyalepa. Tijoula' imanc' unc'xpela' to's'najtsi'i'me LanDios. Tofta'a tixinim'me acueca' LanDios.

¹⁶ Illanc' ma'huaijinyi LanDios aimalsosponga'. La'cuerpo linca ti'hua tijaf'que, al ts'e la'pitine lalapi'iponga' Jesucristo aimijaf'que. Ille la'pitine itine itine tepi'im'me quipujfxi. ¹⁷ Laftelcopa fa'a xonca juaiconapa acueca' altoc'inga'. Maftelcoyi fa'a lulijyi lalapi'iyaconga' pu'hua locuena capajnya. Laftelcopa fa'a li'a lamats' aimi'onlya to lalapi'iyaconga' pu'hua. Fa'a aimico'lya late'coya. Jipu'hua al cueca' al c'a lalapi'iyaconga' LanDios aimijouya lojauhuamlaicoya. ¹⁸ Tofta'a jahuary li'huáqui fa'a li'a lamats'

aimal'nujuaisyi. Al'nujuaisyi te ts'i'ic' lopa'a jilpe petsi aici'huáqui. Jahuay pe ts'i'huáqui aimico'ya, ti'hua tijou'ma. Petsi aici'huáqui, i'e aimijouya.

5

¹ Ma'mana' fa'a li'a lamats' la'cuerpo ti'on'cospa to anuli calx'huijma', jilpe lopanc'epa la'espíritu. Ma metel'quenahuo ilque lix'huijma' tipa'a lejut'l' la'espíritu, i'e lalapi'iyaconga' LanDios. I'e lajut'l' lopa'a pu'hua lema'a, aici'huanc'e lan xanuc'. Aimi'ya metel'c'eya. ² Jilpe la'picuejma' alsina' alinca tipa'a i'e lalajut'l'. Toliya ma ma'mana' fa'a la's'huijma', la'espíritu afule mixnet'l'qui, aimicua mi'huaicoya tetel'quenni i'e lix'huijma', ipic'a ma' itsiya titsufainatsi lejut'l'. ³ Ti'ila' to'ta'a, la'espíritu aimi'hualejma' quituca'. Jilpe lejut'l' titsufainata, tipajnta tijauhuamlaicoya.

⁴ Linca mipa'a la'espíritu fa'a la'cuerpo afule ma'snet'lyi, alsinyi ipime la'iyaconga'. Alcuayi: "Aimetel'quehuo i'e la'cuerpo. Aimico'l'ma' quituca' la'espíritu, titsufaila' nulemma locuena lejut'l'." Ti'ila' to'ta'a aimal'maconayacongá, ti'hua cal'mafi'. ⁵ Ne'. Aixina' al'maf'icona'me. LanDios ilanc'e'epa la'picuejma', lapenuftonga'. Lapi'iponga' cal Espiritu Santo, to'ta'a al'muc'iponga' alinca al'maf'i'inatonga'.

⁶ Toliya tixoquei calata luyalaicoyi lapajnya. Linca mipa'a la'espíritu fa'a lix'huijma', i'e la'cuerpo, alsina' lahue'enga', aici'huatsufcongá la'Poujna Jesús. ⁷ Ma'mana' fa'a aimalahuelojnyi te ts'i'ic' mipa'a pu'huanni. Ma' al'eyi linca lataiqui' lal'iponga'. To'ta'a luyalaicoyi lapajnya.

⁸ Cacia: Al'eyi linca lataiqui' lal'iponga'. Juaiconapa al'janajyi al'po'note la'cuerpo, al'majntsa anuli la'Poujna. ⁹ Toliya al'pic'eyi al'ele al c'a. Tetel'cocola' la'Poujna i'e la'ejma'. Ja'ni al'mana' fa'a li'a lamats', ja'ni joupa al'napá lu'itsonga' la'Poujna: "Ac'a lo'ejma'". ¹⁰ Jahuay alcuainata pe lopa'a Cristo, ilque al'Juez. Jilpe linca ti'huájta acua'jmaica te ts'i'ic' la'picuejma', la'ejma'. Ti'huájta te ts'i'ic' li'ipa la'epa anuli anuli ma'mana' fa'a li'a lamats', mipa'a la'espíritu fa'a lix'huijma', i'e la'cuerpo. Ma to la'epá, ja'ni ac'a o ja'ni a'ijc'a, to'ta'a al'najtse'etonga'.

¹¹ Illanc' lihuejcoyi la'Poujna. Al'pic'eyi al'ele al c'a, limetsaicotsonga' la'as xanuc', ti'ila' quilsina' alinca al'eyi i'e lanic' lalapi'iponga' LanDios. Ma'que LanDios joupa limetsaiconga', ixina' te ts'i'ic' la'picuejma'. Iya' cacua: Jouc'a imanc' alsininga', limetsaiconga'. ¹² Itsiya, ¿ja'ni ti'hua lu'icona'molhuo': "Illanc' al'eyi lanic' lalapi'iponga' la'Poujna"? A'i. Ma' al'pic'a tixoj'ma' cunlata tolu'iyale'me: "Pablo jouc'a li'ejmale al'pomxiye". To'ta'a to'nes'me ja'ni limetsaico'monga' illanc' lummeponga' LanDios. Jouc'a ti'i'ma to'talai'e'mola' ilne naihuejpa' li'huáquila' xonca tetel'cocola'. Ilne aimipo'noyi cuenna te ts'i'ic' lunxajma'. ¹³ Tama al'nescongá, ticuayi: "Ilque Pablo tipalay to lamac'ta", o ticuayi: "Pablo tocomma acueca' quipicuejma'"; iya' cacua: ¿Te co'ia? Ja'ni tocomma to ninc'amac'ta illanc', to'ta'a al'eyi lanic' lalapi'iponga' LanDios. Ja'ni tocomma to acueca' la'picuejma' lalapi'iponga' LanDios, to'ta'a al'muc'ilhuo' imanc'.

¹⁴ Al'nujuaisyi li'epa Cristo. Ilque al'simponga' ninc'icuanuc'la, icupoxi tima'anle. Ma'nujuaisyi ilta'a aimi'ya ma'eyacu lalaten'cocoyaconga'. Joupa itsufaipa la'picuejma' te ts'i'ic' li'ipa ilque Cristo. Limanapa Cristo ilque i'najcuf'mola' li'junac' jahuay lan xanuc'. Toliya tocomma to jahuay joupa imanapola' jouc'a. ¹⁵ I'najcuf'mola' li'junac' jahuay lan xanuc' tuyalaico'e ituca' lapajnya. Ticuicomma aimicuxeyaco'tsi quituca', aimihuejyacu quituca' li'picuejma'. Tihuejco'e ilque limanapa i'najcuf'mola' li'junac', lijou'ma' imaf'ina'ma.

¹⁶ Toliya illanc' lapenufpola' lan xanuc' a'i to qui'ic' li'sans, li'raza o ja'ni i'hueca o aici'hueca. To'ta'a li'ejma' ilniya pe naihuejcopá quituca' li'picuejma'. Ja'ni luyaipa quitine to'ta'a al'nescongá Cristo, itsiya a'i. ¹⁷ Itsiya linca ipai'ipa nulemma la'picuejma'. Cristo lapenufponga', lapi'iponga' al ts'e la'pitine, ipangoconapa la'pepajnya. Al te'a

la'ejma' joupa ijoupa. Jahuay i'ipa ats'e. Ma' anuli lo'ipola' jahuay iñe lepenufpola' Cristo.

¹⁸ Linca jahuay iliya li'epa ËanDios. Iñque i'epa lixpic'epa, aliñonc'e'e'ponga' lañjunac', añejmale anuli. Toliya umme'ma Jesucristo ticuxoxi, timatsi jilpe lancruz. Mañque ËanDios lapi'iponga' lañmane lu'itsola' lan xanuc': "ËanDios aimixtuc'olhuo', tepenuf'molhuo'".

¹⁹ Lu'ila': "Limanapa Cristo jilpe tipa'a ËanDios. Jilpe iñonc'e'epolhuo' jahuay lopa'nepolhuo' imanc' noñmana' fa'a li'a ñamats', imanc' pe aimi'iya monñejmaleyacu ËanDios. Aiquitac'uilhuc' loñjunac', itac'uipa Cristo. Toñta'a epi'i'molhuo' lane tonñejmalete ËanDios."

Mañe lañpenic' lu'itsola' toñta'a. ËanDios lapi'iponga' lataiqui' laluya'apa. Iñe lataiqui' tuya'e': "ËanDios aimixtuc'olhuo'. Tepenuf'molhuo'." ²⁰ Illanc' epaluc' Jesucristo. Mañpalaiyi illanc' tocomma to ËanDios tixc'ai'ila' lan xanuc'. Luya'ayi, lu'ila': "Cristo lummeponga'. Añsahue'elhuo': Tonñejmalete ËanDios."

²¹ Cristo tama ailopa'a quijunac', ËanDios iximpa to ixcay lipicuejma', iteñ'mipa. Iñque Cristo i'onñicopoxi to illanc', i'ñajtsepa lañjunac'. Toñta'a, ja'ni Cristo lapenufponga', ËanDios añ'onñicoponga' to Cristo, añsininga' to ailopa'a cañjunac'.

6

¹ Illanc' ËanDios añ'eyi lanic' anuli. Añsc'ai'iyaleyi, lu'ila': "Tijouñta' titoc'itsolhuo' ËanDios aimoluyalaico'me to li'ipa". ² ËanDios ticua:

Litine laifxpic'epa catoc'i'mo', iñe litine aicuejpo'.

Litine lainespa: Cunñu'eyale'ma, mañe litine aitoc'ipo'.

Iya' camilhuc': Litine linescopa ËanDios "... iñe litine", ma' itsiya. Itsiya ti'hua tunñu'eyale.

³ Mañ'eyi canic' anuli ËanDios aimañ'eyacu lixcay. Añcuayi: "Ja'ni ac'a lañejma' lan xanuc' aimetets'iyacu lañpenic'". ⁴ Itine itine añcuayi: "Ti'ila' quñsina' añinca añ'eyi lanic' anuli ËanDios". Añ'ommoñaispá jahuay: Ja'ni añteñcoyi, ja'ni lañhue'enga', ja'ni tocomma añtants'inga' lapajnya, ⁵ ja'ni añsinc'ue'enninga', ja'ni añtats'enninga', ja'ni alahuoc'huañyininga', ja'ni añ'eyi juaiconapa acueca' canic', ja'ni aññaquinga' cañuñ, ja'ni añsnet'lyi mañjoc'iyi ËanDios, jahuay iñna'a añ'ommoñaispá.

⁶ Aimañfel'miyaleyi. Lañpicuejma', lañtaiqui', lañejma' anuli le'a. Limetsaiconayi te loya'apa Lataiqui', añsnet'lyi lañ'emponga', añpalaic'ola' jahuay lan xanuc', añmujiyi lapenufupá cal Espñritu Santo, añ'ela' capic'a lañ'as xanuc', añ'nujuaitsila', a'i ma le'a mañnesyi: Ima' cañehuc' capic'a.

⁷ Luya'ayi ma' al linca cataiqui', añmujiyi al cueca' lo'epa ËanDios, añ'eyi al c'a, toñta'a añcuanajcoyoñtsi, aluliquila' lalixtuc'oponga'. Toñta'a añmujiyoñtsi añinca ËanDios lapi'iponga' lañpenic' lañ'epa.

⁸ Ja'ni al c'a luyalaicoyi, ja'ni a'ijc'a laluyalaicopa, ja'ni al c'a añnesconga', ja'ni a'ijc'a lañnesconga', ja'ni añminga' cataiqui', ticuayi: "Imanc' toñfel'miyale", o ja'ni añpalaic'onga', añminga': "Toñcuayi ma' al linca", ⁹ ja'ni aimalimetsaiconga' o ja'ni limetsaiconga', ma' anuli añmujiyoñtsi añ'eyi lanic' lalapi'iponga' ËanDios.

Tama tocomma ji'hua añmana'monga', jañsintsonga'! jma' añmafi'! Tama añteñminga' a'i cañma'anga'. ¹⁰ Tama añteñcoyi luyalaicoyi tixoquei calata. Tama ailopa'a cañtomí, acueca' lalapi'ila' lañpimaye. Lapi'ila' Lataiqui' laluya'apa. Tama ailopa'a cañhueca, linca jahuay añ'huexi.

¹¹ Unc'aipimaye, imanc' noñmana' lilya' Corinto, capalaic'olhuo', camilhuc' jahuay lopa'a laipicuejma'. Itine itine acueca' añ'nujuaitsilhuc'. ¹² Illanc' ailopa'a tintsi. Il-lanc' jahuay lañunxajma' añpalaic'olhuo', imanc' a'i. ¹³ Iya' camilhuc': Imanc' joc'a aimalatets'i'monga', lapenuftsonga' lañtaiqui' lañsc'ai'ipolhuo'. Caxinnilhuc' to ainaxque', toñta'a capalaic'olhuo'.

¹⁴ Iya' camilhuc': Aimoñ'e'e'moñtsi anuli iñe pe aimihuejcoyi ËanDios. Iñiya aimi-toc'iyacolhuo'.

Ima', ËanDios jounpa ilanc'e'epo' lopicuejma', ¿te comuc'iyaco' itque pe aimihuequi locuxepa ËanDios? Lipuqui' y litine, ¿te tiyejmale'me? ¹⁵ Cristo y Satanás, itque teci'impá Belial, ¿te ihniya anuli li'picuejma'? Ima' to'huaiyinge ËanDios, itque aimi'huaiyinge, ¿te anuli loluyalaicoyacu? ¹⁶ Lejut' ËanDios y landiosla', ¿te ti'i'ma tixinc'ne'mo'ltsi? Imanc' ejut' ËanDios, itque Ëimaf'i' CanDios. Ma'que ticua:

Pe lomana' ihniya jilpe capajnta, ma'piya alsim'ma aimaf'i',
camuj'moxi iya' linca ilenDios, ihniya aixanuc'.

¹⁷ To'hiya: Tolihuejco'le lomipolhuo' ËanDios. Itque ticua:

Tolanajtso'ltsi itne pe aimalihuequi iya', ton'ete aculi'.

Aimoli'oc'olai'me jilpe pe laiflajpa, ite al xujc'a.

Tijou'la' capenufna'molhuo'.

¹⁸ Imanc' alimetsaico'ma iya' ol'Ailli',

iya' quimetsaico'molhuo' ainaxque' amijcanó, ahuats'la'.

Iya' NanDios, to'la'a laifcuapa. Iya' jahuy cacuxe.

7

¹ Maicunc'aipimaye, ac'a juaiconapa ite licuapa ËanDios, ite laluponga'. ¡Lihuejco'le! Al'etsoltsi limpio. Ja'ni la'cuerpo, ja'ni la'picuejma', aimalxisc'econa'mo'ltsi. Ti'ila' le'a al c'a la'eyacu. Lihuejco'me ËanDios. To'la'a itine itine ti'hua tilajm'ma la'picuejma', xonca teten'coco'ma ËanDios. La'ejma', jouc'a ti'hua tilajm'ma, tijou'la' ti'on'la to li'ejma' ËanDios.

² Unc'aipimaye, aimalatets'i'monga', limetsaicotsonga', illanc' ol'pimaye. Ma'mana' jilpe nij naitsi ca'najtsecopa a'ijc'a. Al'epá ma le'a al hijca. Nij naitsi calpo'nopa pangay pangay. Nij naitsi calfel'mipa. ³ Laifnespa to'la'a aicatalelhuo'. Jounpa aimipolhuo': Itine itine al'nujuaitsilhuo'. Ja'ni ol'maf'i' tixoquei calata. Ja'ni jounpa imanapolhuo' tocomma jouc'a almanaponga'. ⁴ Iya' juaiconapa ca'huaiyingilhuo'. Acueca' ac'a lainscopolhuo'. Tama al'telcoyi tixoquei neta juaiconapa cuyaijma, jounpa lixoc'impá neta.

⁵ Alcuaitsa fa'a lamats' Macedonia ti'hua al'telcoyi, aicalunxaqui. Ni petsi lahuelojnyi timana' la'eponga' laic', jouc'a jilpe lalunxajma' alsuelcoyi. ⁶ Linca ËanDios lixoc'iponga' calata, ummepa la'pima Tito, alsimpoltsi. To'la'a li'ejma' ËanDios, ja'ni alhuotsoyi lixoc'i'monga' calata. Illanc' tixoquei calata alsimpoltsi Tito. ⁷ Li'ipa cal'sina' imanc' jounpa olixoc'ipa queta Tito, xonca tixoquei calata illanc'. Itque lu'iponga': "Lapimaye nomana' li'ya' Corinto juaiconapa tijanajyi tixintso'. Ixhuj'menamma ite li'ipa jilpe, itsiya linca tihuejco'mo'."

⁸ Iya' lijounpa lainumme'epolhuo' colje'e, ite lainini'l'epolhuo', caxhuelma. Cacia: Ite lai'je'e aga tihuos'mi'mola' juaiconapa lapimaye. Itsiya aicaxhuelcoconghua. Ite lai'je'e tama ihuos'mipolhuo' a'i nulemma quitafc'ilhuo'. ⁹ Iya' tixoquei neta. Linca ite laip-ixojma' cata aicalapi'i ite laihuos'mipolhuo'. Imanc' jounpa ol'suej'menamma al xujc'a li'ipa jilpe, to'hiya tixoquei neta iya'. Ite ol'suej'menamma teten'cocojma ËanDios. To'hiya aiximpa ailopa'a qui'e'epolhuo' lai'je'e. ¹⁰ Petsi li'pihuotsoqueya teten'cocojma ËanDios linca ixhuj'menamma li'epa. ËanDios tun'lu'e'mola'. Aimipai'iyacu li'picuejma'. Timana' nohuotso'pá petsi ËanDios aimeten'coco'ya li'ejma'. Itne naihuej'pá qui'tuca' li'picuejma', tejac'em'mola'.

¹¹ Linca i'huáqui jounpa ol'suej'menamma. Itsiya to'po'noyi cuenna te ts'i'ic' lo'epa. Ol'spic'epá ol'talai'ecopoltsi, olixuc'opá itque ni'epa lixcay, ol'simpá axpaiqui' lo'iyacolhuo', juaiconapa to'janajyi alsintso'ltsi, ol'spic'epá nulemma to'sanutso'ltsi cataiqui', jounpa ol'epá hijca, ol'tel'mipá ni'epa lixcay. Jounpa al'muc'iponga' aico'ltaic' lajunac', ma le'a anuli jilpe i'epa lixcay.

¹² Iya' jilpe lainini'l'epolhuo' tama quixtu'hua itque ni'epa lixcay jouc'a aiximpa cuanuc' locuena litelcopa, xonca aipic'a tolimetsaicotso'ltsi te ts'i'ic' lo'picuejma', aipic'a to'l'muc'ite ËanDios, to'l'mujtsoltsi alinca al'nujuaitsinga' illanc'. ¹³ Al'simpá to'la'a lixoc'iponga' calata.

Xonca lixoc'iponga' calata ñe lipixojma queta Tito. Imanc' joupa olixoc'ipá queta. ¹⁴ Iya' joupa aimipa Tito: “Lałpimaye nomana' Corinto ac'a xanuc'. Lihuejco'ma.” Itsiya aicaxina' calaic'ata ñe lainscopolhuo'. Małmana' jįpe ałpalaic'opolhuo' ma le'a al linca. Jouc'a al linca ñe lañescopolhuo' ałmipá Tito. Itsiya tołta'a i'huáqui, lihuejma. ¹⁵ Itsiya Tito xonca ti'elhuo' capic'a, ti'nujuaitsilhuo' imanc' loł'ejma'. Ti'nujuaitsi ac'a olapenufpá, aicoł—lof'e'mołtsi. Ołspic'epá toł'oc'etsołtsi, tetenłcocola' loł'ejma'. ¹⁶ Itsiya iya' tixoqui neta juaiconapa. Aixina' ti'i'ma ca'huaiyijm'molhuo'.

8

¹ Unc'aipimaye, itsiya lu'i'molhuo' te ts'i'ic' lił'ejma' lałpimaye nafałyomma łamats' Macedonia. İniya ŁanDios acueca' lipaxnepola', epi'ipola' liłpicuejma' titoc'ile liłpimaye. ² İne lałpimaye nomana' łamats' Macedonia tama titełcoyi juaiconapa, tama acueca' tehue'ela', tixoqui quileta efot'lepá acueca' al tomí tumme'me, titoc'ile liłpimaye. ³ Ma to ts'ił'hueca icupa. Lijou'ma, tama tocomma aimi'iya micuconayacu, icuconapá. Aiquix-ahue'ennila'. İne quıłtuca' liłpicuejma' ixpic'epá ticule. ⁴ Ałsahue'eponga' juaiconapa, ałminga': “Lapi'itsonga' lane jouc'a illanc' ałtoc'itsola' lałpimaye, ñe jouc'a i'huexi ŁanDios. İllanc' jouc'a alafot'lele lałtomí.” ⁵ İllanc' ałmila': “Ne’”. Ałcuayi lałpicuejma': “İne tefot'le'me liłtomí”. Linca, xonca acueca' i'epá. A'i ma le'a efot'lepá liłtomí. Ate'a icu'mołtsi lałPoujna, lijoupa ałmiponga': “Lihuejco'molhuo' imanc’”. Tołta'a lixpicepa ŁanDios.

⁶ İllanc' lałsimpa li'epa lapimaye nomana' łamats' Macedonia ałcuapá: “Lałpimaye nomana' Corinto jouc'a tefot'lele nulemma al tomí locuyacu”. Tito joupa ehue-jnhuo'molhuo' anulemma. Imihuo'molhuo': “Tołpangole tolafot'lele al tomí, ñe lo-lapi'iyacola' lołpimaye”. Itsiya lumme'econa'molhuo' Tito tipalaic'otolhuo' tolafot'leconle al tomí. Jouc'a timiconatolhuo': “Imanc' joupa ołpangopá tolafot'leyi al tomí, itsiya tołjou'nele ñe lonł'epa”. ⁷ Imanc' toluliquila' lołpimaye nomana' ocuenaye quilełoıya'. Xonca toł'huaiyijnyi ŁanDios, xonca al c'a tołmuc'iyaleyi litaiqui', xonca ołsina', xonca tolihuejcoyi, xonca toł'nujuaisyi ŁanDios, jouc'a xonca toł'nujuaitsila' loł'as xanuc', tonł'ela' capic'a. Tołta'a olapejpá litaiqui' lałmuc'ipolhuo'. Itsiya camilhuo': “Ne'. Xonca tołtoc'itsola' lołpimaye.”

⁸ Aicacuxelhuo'. Aipic'a tołmujtsołtsi alinca toł'nujuaisyi ŁanDios jouc'a tonł'ela' capic'a lołpimaye, tołiya canescola' ac'a li'epa lałpimaye nomana' łamats' Macedonia, cu'ilhuo'. ⁹ Imanc' ołsina' li'epa lałPoujna Jesucristo. Mipa'a lema'a jahuyay i'hueca, aimehue'e'. Ixpicepa titoc'itsolhuo'. İpic'a imanc' jouc'a aimehue'e'molhuo'. İ'epoxi to cal xans pe aiqui'hueca. İpo'nopa ñe li'huexi, tołta'a tolapenufta acueca' coł'huexi.

¹⁰ Iya' cacua aimicuicomma cacuxeyacolhuo'. Aicamiyacolhuo': “Tolafot'letsá al tomí”. Xonca tetenłma caxc'ai'i'molhuo'. Imanc' linca olulijpola' lapimaye nomana' Macedonia. İxhuaita anuli camats' lipangopa lolafot'lepa al tomí. Imanc' a'i ma le'a ate'a ołpangopá tolafot'leyi al tomí, jouc'a ate'a ołspic'epá toł'etsa tołta'a. ¹¹ Itsiya tołsuai'nitsa ñe lolafot'lepa al tomí. Tołta'a a'i ma le'a tołnes'me: “Ne', ne', joupa ałspic'epá”, jouc'a tolanant'li'me ñe lołtaiqui'. Ma to ts'oł'hueca tołta'a tołcuta. ¹² Petsi ahuata ts'i'hueca ŁanDios aimimiya: “Tapi'ıla' acueca’”. Ts'i'hueca acueca' tepi'i'ma acueca'. Ts'i'hueca ahuata tepi'i'ma ahuata. Ja'ni ahuata o acueca' locuya cal xans, ja'ni tixoqui queta ticu'ma, ilque lo'eya tetenłcocojma ŁanDios.

¹³ Iya' laıxc'ai'ipolhuo': “Tołtoc'itsola' lołpimaye”, ¿te ja'ni aipic'a ma le'a ñe lołpimaye xonca al c'a tuyalaicotsa, tijouła' tehue'etsolhuo' imanc'? A'i. Tołta'a aicaipic'a. ¹⁴ Iya' cacua: Jahuyay anuli toluyalaico'me al c'a. Itsiya imanc' aimehue'elhuo'. Lołpimaye aiquil'hueca. Imanc' tołtoc'i'mola'. Tijouła', mouqui o pitsu, ja'ni tehue'etsolhuo' imanc', ñniya titoc'i'molhuo'. Tołta'a toluyalaico'me al c'a jahuyay imanc'. ¹⁵ Ma to loya'apa al Paxi Linilingiya tołta'a lo'iyacolhuo':

İne nefot'lepá xonca axpe' aiquipanenni,

petsi nefot'lepá huata aiquehue'e'mola'.

¹⁶ Cax'najtsi'i ÑanDios ipo'no'ipa lipicuejma' Tito titoc'itsolhuo', tixc'ai'itsolhuo'. Tołta'a i'ipa anuli lałpicuejma', iya' y Tito. ¹⁷ Iłque linca epenufpa lałmipa: “To'hua'ma, tahuejntola' lałpimaye nomana' liłya' Corinto”. Iłque li'huapa a'i ma le'a lihuejco'monga' lałsahue'epa illanc'. Małque quituca' ixpic'epa ti'huata'.

¹⁸ Alummeyi jouc'a ocuena całpima, tiyejmale'me Tito. Ni petsi lafołyomma, lapimaye tipalaicoyi al c'a iłque lałpima. Timetsaicoyi tuya'e' Lataiqui'. ¹⁹ Lapimaye nafot'lepotsi lamats' Macedonia i'huif'epá iłque lałpima ałejmalete, alacantsa lałtoc'iyacola' lałpimaye pe nahue'epola'. Illanc' całtuca' aimaleayacu, aimicuicomma. Ałpic'a tixinte acueca' ac'a lałPoujna, jouc'a ałsinintsonga' ac'a la'ejma', ałsinintsonga' ałinca ałtoc'ila' lałpimaye, aimalipa'ayi al tomí, iłe la'hua'ayacu. Ja'ni ałpalaicom'monga' a'ijc'a jouc'a tetets'i'me lałPoujna. ²⁰ Illanc' ałpo'noyi cuenna. Acueca' al tomí, iłe lałtaiyacu, tołiya ałcuayi: “Ałpo'no'me cuenna”. Ja'ni a'i ti'i'ma ałcuf'monga', ałmi'monga': “Imanc' ołtepá al tomí”. ²¹ Ni petsi lałtseyacu, jahuay la'eyacu, ałpo'noyi cuenna, ałcuayi: “Ałsintsonga' lan xanuc', jouc'a ÑanDios ałsintsonga', ał'eyi al c'a”.

²² Lummela' afantsi lapimaye, iłniya Tito, jouc'a locuena capima, jouc'a ocuena'ya lałpima. Iłque lałpima jahuay locux'e'empa tixoqui queta ti'e'ma. Tołta'a ałmuc'iponga' axpe' mi'ay. Itsiya xonca tixoqui queta ti'hua'ma jilpiya, tipalaic'otolhuo' imanc'. Ti'huaiyingilhuo' juaiconapa. ²³ Tito ałejmalepá. Ma' anuli ał'eyi lanic' lalapi'iponga' ÑanDios. Iya' ma capanehuo fa'a, iłque ti'hua'ma jilpe pe lołmana'.

Loquexi' lapimaye iłne ummempola' lapimaye nafołyomma ocuenaye quitelołya', iłne linca timujiyi acueca' ac'a lałPoujna Cristo. ²⁴ Tolapenuftsola' lam fantsi lapimaye. Tołmuc'itsola' imanc' ał'nujuaitsinga'. Illanc' joupa ałnescopolhuo' al c'a. Tołmuc'itsola' ałinca lałnespa. Tijoułta' tołta'a ti'i'ma quilšina' lapimaye nafołyomma locuenaye quitelołya', tuya'ata iłniya lummempola'.

9

¹ Tołe laixc'ai'ipolhuo': “Tolapenuftsola' lapimaye”. Aicamiyacolhuo' xonca. Joupa ołsina' lonł'eyacu, tołtoc'i'mola'. ² Imanc' tixoqui cunlata tołtoc'ila' lołpimaye. Tołta'a laifpalaicopolhuo'. Joupa nu'ipola' lapimaye nomana' Macedonia, aimipola': “Luyaipa camats' iłne lapimaye nomana' lamats' Acaya joupa efot'lepá al tomí. Ma le'a tehue'ela' tummetsa.” Licuej'me tołta'a axpela' iłniya icua'me: “Illanc' jouc'a ałtoc'i'mola' lałpimaye”. ³ Itsiya cumme'e'molhuo' lam fantsi lapimaye, tixintsolhuo' ja'ni olafot'lepá al tomí. Ja'ni a'i, iłe lainscopolhuo' al c'a ti'i'ma ma le'a ataiqui'. ⁴ Luyaicotsa jilpe iya' jouc'a oquexi' afantsi lapimaye lun Macedonia, ałcuaitsa ja'ni aicołjou'ne colafot'le al tomí, linca ałsinna calaic'ata. Illanc' joupa ałpalaicopolhuo': Joupa olafot'lepá al tomí. Ja'ni aicołafot'le, ¿te imanc' aimołsinyacu calaic'ata jouc'a? ⁵ Tołiya cumme'e'molhuo' lapimaye. Joupa aixc'ai'ipola' lo'eyacu. Iłne tiye'me jilpe pe lołmana'. Tu'itolhuo' tołsuai'nile al tomí lolafot'leyacu. Tijoułta' ca'hua'ma iya'. Imanc' joupa ołpo'nopá cataiqui', tołcu'me acueca'. Ne', tołafot'lele nulemma. Ja'ni a'i cacuaitsi iya' ticuicomma caxahue'etolhuo'. Tołta'a aicaipic'a. Aipic'a imanc' cołtuca' tołcu'me.

⁶ Toł'nujuaitsa: Nofapa ahuata tefot'le'ma ahuata. Nofapa acueca' tefot'le'ma acueca'. ⁷ Ja'ni afule mocu'ma, o ja'ni to'huaijma ticuxe'entso', iłe lo'ejma' aimetenłma ÑanDios. Cal xans ja'ni tixoqui queta ticu'ma litomí iłe lo'epa tetentłcocojma ÑanDios. ⁸ Małque ÑanDios acueca' nipajnya titoc'i'molhuo'. Jahuay litiné nipajnya tepi'i'molhuo' laicuicomma, xonca tepi'i'molhuo'. Tołta'a aimi'i'ma cahue'eyacolhuo'. Tijoułta' ti'ila' coł'huexi, ti'hua tonł'e'me al c'a, ti'hua tołtoc'i'mola' lołpimaye. ⁹ Al Paxi Linilngiya tipalaijma cal xans no'epa iłe al c'a, ticua:

Tica'nela' li'hueca, titoc'ila' pe lahue'epola'.

Iłe al c'a li'ejma' aimimenc'econyacu.

¹⁰ Lam fanu' lofapa lan xanuc', lepi'ipola' ÆanDios. Ma' anuli ða'i lotepa, ÆanDios lepi'ipola'. Mañque ÆanDios tepi'i'molhuo' ðe lolapi'iyacola' loñpimaye. Tijouña' xonca acueca' tepi'i'molhuo'. Ja'ni ac'a lonñ'e'epola' loñpimaye, xonca al c'a tepi'innolhuo'.
¹¹ Imanc' aimehue'eyacolhuo', ti'i'ma toñtoc'icona'mola' acueca' loñpimaye.

Lapimaye napenufyacu lañtaiyacu illanc', ðe lolapi'iyacola', tix'najtsi'i'me ÆanDios, timuj'me acueca' ðñque. ¹² Æinca lolapi'iyacola' lapimaye titoc'i'mola', aimehue'econa'mola'. Tijouña' xonca acueca' lo'iya. ðniya lanxpela' tix'najtsi'i'me ÆanDios. ¹³ Lepenuftsa lolapi'iyacola', lapimaye tixim'me acueca' ac'a lo'epa ÆanDios, tix'najtsi'i'me. Tix'najtsi'i'me, imanc' oñspic'epá toñtoc'itsola'. Tix'najtsi'i'me, añinca tolihuejcoyi Lataiqui', ðe Litaiqui' Cristo. A'i ma le'a oñespá: "Lihuejco'me". Tix'najtsi'i'me, imanc' a'i cunc'afts'ile, acueca' toñtoc'ila' ðniya jouc'a jahuyay lapimaye. ¹⁴ Tixim'me acueca' lipaxnepolhuo' ÆanDios, ipo'no'ipolhuo' loñpicuejma' toñtoc'itsola'. Toñya ti'nujuais'molhuo' juaiconapa, tixahue'e'me ÆanDios titoc'itsolhuo' jouc'a.

¹⁵ X'najtse'eya ÆanDios, joupa lapi'iponga' ðñque xonca acueca'. ðñque ðalapi'iponga' ÆanDios ailopa'a co'oññcoya.

10

¹ Iya' ninPablo caxa'huelhuo' lihuejcotsonga'. Toñ'nujuaitsa li'ejma' ðañPoujna Cristo. ðñque amanxu. Aiquiñof'eyoxi, i'ommaita li'ejma' lan xanuc'. Timana' jñpe nañnescopa, ticuayi: "ðñque Pablo mañmana' anuli tocomma to ninaitsi xans. Mipa'a ocuena quñña' jñpe lixtuc'onga', linil'enga', añtalenga'. Fa'a a'i." ² Æinca ti'i'ma quixtuc'o'mola' hualca nomana' jñpe, ðñne nonespá: "Pablo y liñejmale tihuejyi ma quññuca' liñpicuejma'". Caxa'hueconalhuo': Lihuejcotsonga'. Toñta'a aimalixtuc'oyacoñtsi. ³ Iya' camilhuo': Tama ninc'ixanuc' aimalihuejyi caññuca' lañpicuejma'. A'i toñta'a mañcuanajcoyoñtsi. ⁴ Æinca ÆanDios lapi'iponga' lañpa'necoyacoñtsi. A'i toñta'a mepi'iyacola' lan xanuc' naihuejpa quññuca' liñpicuejma'. Illanc' xonca acueca' lañmane lañapi'iponga' ÆanDios, añ'oc'enatsola' ðñne petsi tocomma aimi'iya muliquinyacola'. Ti'i'ma luliñ'mola' nopalaipá, ðniya at-sila' ðññtaiquí, ⁵ jouc'a pe noñof'epoñtsi, nocuapá: "Joupa aixina'". ðñne tetets'iyi ÆanDios, aiquiñsina' te ts'i'ic' lipicuejma'. Ti'i'ma aññuc'i'mola' timenaquila' ðniya pe noñpic'epá lo'eyacu ðñne quññuca', tihuejcoñe Cristo. ⁶ Toñta'a camilhuo': Lihuejcotsonga' illanc'. Tijouña' ja'ni hualca aimalihuejcoyaconga' aññe'mitola'. Joupa añspic'epá ðe lañeyacu.

⁷ Imanc', ¿te limetsaiconga' le'a to lañejma' mañmana' anuli jñpe? Aga timana' jññpiya nocuapá: "Illanc' ðñnca lapenufponga' Cristo". Iya camila' ðniya: "Toñspic'econañe imanc' coññuca' loñpicuejma'. Toñta'a limetsaico'monga' illanc' jouc'a lapenufponga' Cristo, a'i ma le'a imanc'." ⁸ Iya' joupa aimipolhuo': "ÆanDios lapi'iponga' lañmane". Ja'ni capalaico-cona'ma toñta'a ma' al ðñnca lañfnuya'aya. Aicaxinya calaic'ata.

ðe lañmane lapi'iponga' ðañPoujna. ðñque ixpic'epa añtoc'itsolhuo', tifayña' xonca' loñpicuejma', aimalajac'eyacolhuo'. ⁹ Cacia: ðe laininiñ'epola' lañpimaye, ¿ja'ni tix-paic'e'mola'? Toñya aimipolhuo': Aimalajac'eyacolhuo'. ¹⁰ Æinca jññpiya timana' nocuapá: "Pablo, jñpe liñe'atsila' ðññtaiquí linespa. Miniñ'ma acueca' añcuxenga'. Micuaihuo fa'a aññinyi ni mipalay c'a." ¹¹ Iya' cacia: Ne', ti'ñña' quññsina' ðniya joupa imenajpola'. Ma to muya'e' lañje'e laliniñpa fa'a, ma' anuli lañeyacu jñpe.

¹² Jññpiya timana' nonescopoñtsi al c'a, ticuayi: "Illanc' ðñnca añ'eyi laniñ' lalapi'iponga' ÆanDios". ðñne tehuelojnyoñtsi ma quññuca'. Toñya tixinyoñtsi to lan c'a xanuc'. Illanc' aimi'iya mañ'onññaconga' to ðniya. Tocomma xonca lan tsila' xanuc'. Ne', tipajñla'. Ma le'a cacia: Pesti acueca' lipicuejma' aimi'eya to ðniya. ¹³ Illanc' ja'ni añpalaico'moñtsi añspij'me lañtaiqui'. Añpalaico'me li'ipa mañ'eyi laniñ', ðe lañpenic' lalapi'iponga' ÆanDios. Ma' ðñque ÆanDios lu'iponga' petsi lañeyacu laniñ'. Toñya caññsecohuo'me pe loñmana', jñpe añ'etsa laniñ'. ¹⁴ Ja'ni coña' aicaññsec' pe loñmana', ja'ni coña' aicai'aic' canic' jññpiya, ¿te ti'i'ma

cacuxe'molhuo'? ¿Te ti'i'ma cami'molhuo': "Lihuejco'monga"? A'i, aimi'iya. Illanc' a'lnca ninc'itet'la a'ltsehuo'me jilpiya. Jilpe joupa luya'ahuo'me Lataiqui'.

¹⁵ Aima'palaicoyi lo'epa locuenaye. LanDios joupa ixpicufpa lamats' la'eyoyacu lanic' illanc'. Jilpe a'epá lanic'. A'palaicoyi li'ipa ma'piya.

A'cuayi: La'pimaye nomana' Corinto ti'hua ti'huaiyijnyi Jesucristo. Ti'ila' xonca acueca' li'huaiyijmpa, xonca limetsaico'monga'. To'ta'a xonca a'eta lanic' petsi LanDios lixpicufpa a'etsa. Aima'tsuflaiyacu locuenaye li'penic'. ¹⁶ Tijoula', le'me xonca aculi', a'i ma le'a pe lo'mana' imanc'. Le'me petsi LanDios lalumme'eyacongá'. Pu'huanni a'eta canic'. Tijoula' a'palaico'me ile lanic' la'epa illanc', a'i lanic' li'epa locuenaye.

¹⁷ Iya' cacua: Cal xans ts'ipic'a tipalaico'la' al cueca', ne', tipalaico'la' la'Poujna. ¹⁸ Cal xans nopalaicopoxi quituca', ja'ni tinesla': "LanDios alummepa", itque aimi'iya mepen-ufinyacu. Ja'ni LanDios timujla' lumme'pa, linca ti'i'ma tepenufim'me.

11

¹ Aga capalay to lamac'ta. Imanc' to'ommo'laitsa laifmipolhuo'. A'quimf'eta'. Aixina' to'ommo'laitsa. Ne', ti'hua to'ommo'laitsa. ² Linca ca'elhuo' capic'a juaiconapa, ile laipicuejma' joupa lapi'ipa LanDios. Litine imanc' lo'huaiyijmpa Jesucristo aimipa itque: "Ti'itso' to quipe'Ailli' ihniya. To'ta'a litine tocuaicoconanni cacutsola', toxim'mola' to anuli cal c'a cahuats'. Tapenuf'mola' to'ta'a." ³ Itsiya caxhue'ma. Ca'nujuaiti li'ipa Eva, ifel'mipa lainofa', acueca' a'ijc'a lipicuejma' itque. Cacua: Laipimaye nomana' Corinto aga tifel'mim'mola' jouc'a. Tijoula' tihuej'me ocuena, a'ile'a Cristo. ⁴ Joupa aiximpolhuo' imanc' lo'ejma'. Ja'ni ticuaitsa jilpe ilne nopalaicopá tocomma ocuenaj Jesús, a'i to la'palaicopa illanc', o ja'ni mepi'innilhuo' ocuena' espíritu, a'i to joupa lolapenufpa, o ja'ni ocuena cataiqui' loya'apa, a'i to joupa lolapejpa, imanc' tixoqui cunlata to'quimf'eyi, to'ommo'laitsa'.

⁵ Ilne nomuc'ipolhuo', imanc' to'sinnila' to xonca lan tsila' apóstole. Ilne, ¿ja'ni luliqui iya'? Cacua: A'i. ⁶ Iya' tama a'i nomxi cataiqui', linca LanDios lapi'ipa laipicuejma'. Jouc'a tipa'a laixina'. Aixina' cuhua'ma Lataiqui'. Ma'mana' jilpe to'ta'a a'lmuc'iyaleyi.

⁷ Iya' capa'a jilpe ca'e'eyoxi to ninaitsi xans. Ailopa'a cainepenufpa. Ma cuya'e' Lataiqui' aica'najtsi'ilhuo'. ¿Te a'ijc'a ile laif'epa? ¿Te to'hiya latets'ipa imanc'? ⁸ Lai'epa lanic' jilpe pe lo'mana' imanc', lume'e caitomí lapimaye lafo'lyomma ocuenaye quitelotya'. Tocomma to ca'najtsi'ila' ilne lapimaye, tijoula' catoc'ilhuo' imanc'. ⁹ Capa'a pe lo'mana' tama lahue'epa aicaixa'hue'molhuo' imanc'. Aimi'moxi: "Aicaxoc'iyacola' laipimaye nomana' li'ya' Corinto". Ma' anuli itsiya, to'ta'a laifnespa. ¹⁰ He lai'ejma' caxina ac'a. Jahuay lamats' Acaya ailopa'a na'pai'ya laipicuejma'. Laifcuapa to'ta'a aicafel'milhuo', iya' quihuequi Cristo. ¹¹ ¿Te caifcuacopa to'ta'a? ¿Te ja'ni aica'elhuo' capic'a? ¿Te catets'ilhuo'? A'i. LanDios ixina' ca'elhuo' capic'a. ¹² Tama ca'elhuo' capic'a ti'hua ca'e'ma to ca'ay. To'ta'a alcuanajco'moltsi iya' y la'ejmale. To'ta'a ti'i'ma la'talai'e'eyacola' ilne pe no'e'epoltsi to lan tsila' apóstole, ilne ti'e'eyoltsi anuli illanc'. A'muj'me a'ij linca lonespa.

¹³ Ilne a'i apóstole, pangay infel'miyale. He lanic' lo'epa aiquepi'ila' LanDios. Ma le'a ti'e'eyoltsi. Cristo aicummela'. ¹⁴ ¿Te co'cuapa: "A'i to'ta'a mi'i"? Camilhuo': Ti'i. Lonta'a Satanás, qui'huayomma al muf, itque ti'e'eyoxi to lapaluc quemaa'. Ti'e'eyoxi to qui'huayomma pe lopa'a pangay quepalc'o'. ¹⁵ Ja'ni lonta'a ti'e'eyoxi to quepaluc LanDios, itque lo'epa le'a al c'a, linca ma' anuli ti'e'e'moltsi ilne lumme'pola' lonta'a. Itsiya to'ta'a lo'epa, tijoula' ti'najtsi'im'mola' ile li'epa lixcay.

¹⁶ Camiconalhuo': A'ommo'laitsi. Aimol'nes'me: "Amac'ta itque Pablo". O ja'ni to'nesle to'ta'a, ne', to'nesle. Le'a a'quimf'eta' laifmiyacolhuo'. Tama acuej namac'ta, capalaico'moxi huata, cu'i'molhuo' te ts'i'ic' lainuyaicopa. ¹⁷ He laifmiyacolhuo' capalaic'o'molhuo' a'i to anuli ts'ihuequi Cristo. Ma le'a laipemac'ta capalaico'moxi. ¹⁸ Linca axpela' tipalaicoyoltsi ilne quituca'. Iya' jouc'a ca'e'ma to ihniya, capalaico'moxi.

19 Ja'ni capalaijma laipemac'ta aixina' alquimf'e'ma. Imanc' acueca' juaiconapa colpicuejma', tohiya tixoqui cunlata to'ommołaispola' lan mac'ta. 20 Ja'ni ti'e'etsoltsi colpoujnalá, ja'ni texic'e'etsolhuo' lo'huexi, ja'ni tifel'mitsolhuo', ja'ni ti'e'etsoltsi to lan tsila' xanuc', tetets'ilhuo', ja'ni titaletsolhuo', tuntaf'e'etsolhuo' lo'a, linca jahuay ihna'a to'ommołaispá. 21 Illanc' małmana' jilpe linca ailopa'a tołta'a acueca' calpujfxi. Tohiya, ¿te alsim'me calaic'ata?

Imanc', ¿te olpic'a ihne pe nopalaicopołtsi quittuca'? Ne'. Jouc'a iya' capalaico'moxi caituca'. Itsiya linca capalay to łamac'ta. 22 Ihne ticuayi: "Illanc' linca xonca ixanuc' ŁanDios. Illanc' ninc'hebreo, illanc' ixanuc' Israel, Abraham alatahuelo." Ne'. Iya' jouc'a ti'i'ma canesco'moxi tołta'a. 23 ¿Te ticuayi: "Illanc' al'eyi lanic' lalapi'iponga' Cristo, ilque alummeponga'?" ¡Ne'! Iya' jouc'a ca'ay lanic' lalapi'ipa Cristo. (Itsiya capalay to łejac'pa quipicuejma'.) Cacia: Iya' joupá nuliypola' jahuay ihniya. Xonca acueca' canic' iya' lai'epa, xonca alłats'empa, xonca alsinc'ue'empa. Axpej al'ipa tocomma alma'a'ma, afule nunłupa. 24 Ma to mi'eyi lan xanuc' judío alsinc'ue'e'ma anuxans quimbamaj pella. Amaquemma al'e'empa tołta'a. 25 Afanemma lan xanuc' romano alsinc'ue'ecom'ma af'ix'ec. Anulemma lipaf'quim'ma capic, ilpic'a alma'anła'. Afanemma ma caquie łaja if'acai'ma al barco. Anulemma aipanenni anuli quipuqui', anuli quitine jilpe łaja, lijou'ma lipa'ana'ma, lunłu'enapa. 26 Axpe' ca'hua lane, ma cuya'e' Lataiqui', aitelłopa. Ja'ni lan tsilaj panay, ja'ni lan namats', ja'ni laif'as xanuc' judío, ja'ni locuenaye xanuc' pe aimimetsaicoyi ŁanDios, ja'ni capa'a liya', ja'ni capa'a cal 'ec, ja'ni caquie łaja, ja'ni capa'a pe lomana' ihne nonescopołtsi "apimaye", y a'i capimaye, ma' anuli catełma. 27 Juaiconapa ca'ay canic', caxina ixoqui, juaiconapa alłacoli cahuí, axpej mał'i cunle'e, ticuimma caija', juaiconapa caxnet'łqui, aicatesma, juaiconapa al'aiqui, caxina caxita, lahue'e' caipijahua', ailopa'a caifpoxya.

28 Jahuay ihya catełma. Jouc'a itine itine caxhuełma jilpe laipicuejma', aicunxaqui. Ca'nujuaitsila' laipimaye ni petsi lafołyomma. 29 Anuli łapima ja'ni a'ij cueca' łunxajma', ¿te aicaxhuełma? Linca caxhuełma. Tocomma to ma' anuli a'ij cueca' łalunxajma'. Locuena łapima, ja'ni ic'uilitsuf'empá, ¿ja'ni iya' aiquixtuya? Linca quixtu'hua juaiconapa.

30 Ja'ni ticuicomma capalaicoconaxoxi, ne', capalaicocona'moxi. Aicanesya al cueca' lai'epa iya'. Cuya'a'ma lał'ipa, ille al'e'e to ninaitsi xans, tocomma to ailopa'a caif'eya. 31 ŁanDios ixina' al linca laifnescoyacoxi, ixina' aicafel'miyacolhuo'. Małque ŁanDios enDios y i'Ailli' łalPoujna Jesús. ¡Jahuay litiné tijahuamlaicota als'najtsi'ile!

32 Luyaipa quitine capa'a liya' Damasco tocomma to aicunłuya. Jilpe ts'ipenic', ilque lifajpa cal rey Aretas, ixpic'e'ma cola' al'noł'ma. Ecaxu'mola' no'epá cuenna lipuerta liya'. Tołta'a aimi'ya quipaya iya'. 33 Lapimaye alłus'mi'ma anuli al tsiquihuił. Alipa'acom'ma al ventana, lacangim'ma lixpula caital liya'. Tołta'a lunłu'empa limane cal rey.

12

1 Tama latets'i'ma ti'hua capalaico'moxi lał'ipa iya'. Capalaico'ma ille laifximpa jilpe laipicuejma', ille lałmuc'ipa łalPoujna. 2 Ma capalaicoyoxi cacia: Tołta'a liximpa anuli cal xans łepenufpa Cristo. Ixhuaita imbamaj malpu' camats' ilque cal xans if'ajpa lema'a xonca al toncay. (Ja'ni if'ajpa jouc'a licuerpo, o ja'ni ipanemma licuerpo fa'a li'a łamats', ma le'a lipicuejma' if'ajpa al toncay, aicaixina'. ŁanDios ixina'.) 3-4 Aixina' if'ajpa ilque cal xans, icuaita pu'hua al toncay pe lacui'impá al Paraíso. (Ja'ni if'ajpa jouc'a licuerpo, o ja'ni ipanemma licuerpo fa'a li'a łamats', ma le'a lipicuejma' if'ajpa al toncay, aicaixina'. ŁanDios ixina'.) Jipu'hua al toncay, jilpe al Paraíso, icuej'ma tipalquinni. Ille licuej'ma aimi'ya mu'inyacu. ŁanDios aiquepi'ila' lan xanuc' tołta'a liłmane, aimuya'ayacu. 5 Linca capalaico'ma al cueca' li'ipa ilque cal xans. Aicuya'e': Acueca' lai'epa iya'. Cuya'a'ma laitelłopa, al'onłcota to ninaitsi xans. 6 Ja'ni aipic'a capalaicoxoxi, ma ti'i'ma, a'i mi'ya

camac'ta cataiqui'. Aicafel'miyale'ma. Linca aicapalaicoyacoxi. Aicaipic'a. Cacia: Limetsaicoła' ma to maisina'. Lahuelojnla' te ts'i'ic' laif'epa, ałquimf'eta' laitaiqui'.

⁷ Linca, tama ałmuc'ipa iħe al cueca' juaiconapa, ĽanDios ipic'a aicalof'e'moxi. Tołta'a lapi'ipa laiftełcopa. Jifa'a laicuerpo ixingufcopa to lanaispa litac. Epi'ipa Satanás limane, iħque lume'epa anuli ĥiponta'a luntafła', ti'hua luntafqui. ⁸ Afanemma caxa'hue lałPoujna, cami: "Ti'huanła' iħque, aimaluntafcona'ma". ⁹ LałPoujna ałmipa nulemma: "A'i. Ma tołe tipajnlá'. Iya' catoc'i'mo' to'ommais, linca to'ommaita. ĩne pe ailopa'a co'eyacu, xonca timuji acueca' laimane, acueca' laif'epa."

Tołta'a aicaxa'hueconghua ĽanDios. ĩtsiya tixoqui neta capenufi iħe laiftełcopa. Aicatets'i. Ma capalaicoyoxi cacua: Ac'a laifnuyaicopa. Ma catełma caxina acueca' ałtoc'i Cristo, caxingufi al cueca' lo'epa iħque. ¹⁰ Cacia: Tetentocola' Cristo lai'ejma'. Tołta'a tixoqui neta capenufi jahuay. Ja'ni ałtafquemma, ja'ni ałmiloqui cataiqui', ja'ni lahue'e', ja'ni lihuetsuquinno, ja'ni tocomma atansca laipene, laifnuyaicopa, jahuay capenufi, aicahuos'miyacoxi. Ja'ni ailopa'a caipujfxi, ja'ni aimi'iya ca'eya, Cristo ałtoc'i, ca'e'ma acueca'.

¹¹ Tołta'a laipalaicopoxi. Tocomma nintonno. Imanc' tołtaiyi lajunac'. Nipajnya ałpalaico'ma ac'a, aicołcuac'. ĩne no'e'epołtsi to lan tsila' apóstole, licuaita pe lołmana', ĥte xonca canic' qui'epa iħniya? Linca aicaluliqui tama iya' ninaitsi xans. ¹² Małmana' anuli jilpe aimalsospa, itine itine ca'enghua lanic' lalapi'ipa ĽanDios. ĩħque imuc'ipolhuo' ałınca iya' nin'apóstol. ĩniya ĩtiné małque ĽanDios imuj'moxi, i'e'ma al cueca' juaiconapa. Acueca' juaiconapa ipaxnepolhuo'. ¹³ Laitsehuo'ma locuenaye quitelolıya', ĥte xonca ac'a lai'ejma' petsi lafołyomma locuenaye lapimaye? Linca ituca' lai'ejma' pu'huanni, capenufi al tomı' lalapi'ipa iħne. Małmana' anuli imanc' ailopa'a cainepenufpa. Caxa'huelhuo': ĥLimenc'e'ecola' iħe lalimenajpa!

¹⁴ Joupá aıxpıc'epa cahuejnconatolhuo'. Caciaicontsi jilpe ti'i'ma afanemma. Ałmajnta anuli aicaxa'hueyacolhuo', aicamiyacolhuo': "Ałtoc'ıta". ĥTe aıpic'a loł'huexi? A'i. Imanc' linca ca'elhuo' capic'a. ĥTe la'uhıyay ti'huej'me ĩı'huexi titoc'ıħe quı'ailıı'? A'i. Quı'ailıı' linca ti'huej'ma ĩ'huexi titoc'ıtsola' linaxque'. ¹⁵ Iya' to col'ailıı' tixoquıj neta cacu'ma jahuay lai'hueca catoc'ıcotsolhuo'. Cacu'moxi jouc'a. Cacia: Tijoutsı laıpujfxı, tuntul—le laıpımaye.

Cacia: ĥJa'ni ca'elhuo' capic'a juaiconapa, tołıya imanc' ahuata le'a ał'ay capic'a? ¹⁶ Ne', tołe tipajnlá'. Jilpe timana' nałnescopa, ticuayi: "Acueca' lipıcuejma' Pablo. Mıpa'a fa'a tama aıquepenufı tomı' ixına' tıfel'mıyale. Lıjou'ma linca epenuf'ma." ¹⁷ A'ıj linca iħe ĩłııtaıqui' iħne nonespá tołta'a. Lainummepola' pu'huanni, ĥte anuli iħniya ifel'mıpolhuo'? A'i. ¹⁸ Aıxa'huepa Tito ti'hıala' tehuejntsolhuo'. Jouc'a nummepa laıpıma tıyejmalete Tito. ĥJa'ni Tito ifel'mıpolhuo'? A'i. Imanc' joupá ałsimponga' ma' anuli lałpicuejma', laı'epa.

¹⁹ Aģa tołcuayi: "Tołta'a ałtalai'e'engá' Pablo y ĩıejmale, ticuanajcoyołtsı". A'i. Aımałcuanajcoyołtsı. Ałsınyı ĽanDios ałıjez. Małpalaiyi ał'nujuaisıyı Cristo joupá lapenufponga'. Ałpic'a ałtoc'ıtsolhuo' imanc' laıcałpımaye. Ałpic'a ałfa'etsolhuo' xonca lołpicuejma', tołta'a ĩnıı'elhuo'. ²⁰ Caciaıtsı jıłpiya aıpic'a laıentocotsı loł'ejma', jouc'a imanc' tetentocotsolhuo' iya' lai'ejma', aımałıxtuc'otołtsı.

ĩtsiya caxhuelma. Cacia: Laıpımaye nomana' ĩııya' Corınto, ĥte ts'i'ic' mıyalaıcoyı? ĥTe tıfuleyı, o ti'eyołtsı laıc', o tıxtulemma, o a'ıj nuli ĩıpicuejma', o tımıyołtsı cataıqui', o tınescıyołtsı, o tılof'eyołtsı? ²¹ O cacuaıtsı aģa tıłmana' iħne petsı ti'econayı al xujc'a, tıxhuıcoyı lacał'no', ti'econayı loxahue'epola' ĩıcuerpo. Ja'ni tołta'a mıłmana', linca ĽanDios ał'oc'eta, ti'i'ma acueca' laıpıhuotsoqueya. Cajojcumletola' iħne lanxpela' no'econapa al xujc'a. Aıquıııuej'meya nulemma ĩ'epa ĩıxcay.

13

¹ Cacuaitsi jilpiya pe lołmana' ti'ico'ma afanemma cahuejn-nilhuo'. Cacuaitsi ja'ni tipa'a li'ipolhuo' tucuicomma afantsi, o ja'ni aimi'iya afantsi le'a oquexi', ti'ila' anuli lonesyacu. Tijoula' alsanuta ihiya. ² Cacuaicontsi jilpe ca'eta ma to joupa laimipolhuo' małmana' anuli. Al te'a laitsehuo'ma aicainu'ilhuo' tołta'a. Lihuequi laitsecohuona'ma linca nu'ipolhuo'. Itsiya ma capa'a fa'a cu'iconalhuo'. Cu'ila' ilne ni'epá quixcay, ilne petsi aiquilsuej'meya, jouc'a locuenaye pe aimalihuejma, camila': Cacuaiconatsi ja'ni ti'hua ti'econayi nixpiya aiquimenc'e'econayacola'. Catełmitola'.

³ Imanc', ¿te oł'huaijma Cristo timuc'itsolhuo' alummepa, alcuexe'e laitaiqui' laifpalaipa? Ne'. Tołsim'me te ts'i'ic' ilque Cristo. Ilque a'i ninaiti xans, acueca' limane ilque.

⁴ Lepałts'ingimpa Cristo lancruz tocomma to ninaiti xans. Limaf'i'inapa ŁanDios epi'ipa acueca' limane. Illanc' ts'alihuequi ilque Cristo tocomma to ninaiti xanuc'. Alcuaitsa jilpe alsinnonga' linca almaf'i'. Almuc'itolhuo' acueca' lałmane alapi'iponga' ŁanDios.

⁵ Imanc' tołsintsołtsi coltuca' te ts'i'ic' lołpicuejma'. Tolicuis'etsoltsi imanc' coltuca', ¿ja'ni toł'huaiyijnyi Cristo o a'i? ¿Ja'ni aicołsina' jilpe tipa'a Jesucristo, anuli lołmana'? O, ¿aga ailopa'a, aimoł'huaiyijnyi? ⁶ Iya' cacua: Alsintsonga' illanc' alinca al'huaiyijnyi, aimalfel'miyaleyi.

⁷ Jifa'a alsahue'eyi ŁanDios titoc'itsolhuo', aimoł'econa'me quixcay. Małsahue'eyi tołta'a aimalnesyi: “Lałpimaye tihuejcole lataiqui' lalul'ipola' illanc', tołta'a lan xanuc' limetsaico'monga', tines'me: Alinca Cristo lummebola' ilniya.” Tama aimalimetsaiconyconganga' illanc', alpic'a tonl'ełe al c'a imanc'. ⁸ ŁanDios lapi'iponga' lałmane alıoc'itsolhuo' tolıhuele Lataiqui'. Ja'ni tolıhuejcoyi aimi'iya malixtuc'oyacolhuo'. ⁹ Linca tixoqui calata luyalaico'me ja'ni imanc' acueca' lołpujfxi, ja'ni alinca tolıhuejyi Cristo. Tama illanc' tocomma to ninaiti xanuc' aimalsuelmot'leyacu. Alsahue'eyi ŁanDios ti'ila' tołta'a loł'ejma'. ¹⁰ Tołsanutsołtsi nulemma. Ja'ni aimołsanuyacołtsi cacuaicontsi jilpe cataletolhuo'. Cacua: Aimi'i'ma tołta'a. Tołiya ma capa'a fa'a quinił'elhuo' ilta'a lołje'e. ŁanDios alapi'ipa laimane cafa'etsolhuo' xonca lołpicuejma', a'i catełc'eyacolhuo'.

¹¹ Cunc'aipimaye, ti'hua tijou'ma laifninił'epolhuo'. Itsiya cu'ilhuo': Tołsanutsołtsi cataiqui'. Aimołhuotso'me. Ti'ila' ma' anuli lołpicuejma'. Aimołfuli'i'mołtsi. Ja'ni ti'ila' tołta'a loł'ejma' ma ŁanDios titoc'i'molhuo', tołmajnta anuli. Małque ŁanDios lapi'inga' lałpicuejma' al'etsoltsi capic'a, al'ejmalełe al c'a. ¹² Tolu'itsola' lapimaye: “Pablo tinonilhuo'”. Tołtuc'otsoltsi lołpeque ma to mituc'o'mołtsi lapimaye, ilne i'huexi ŁanDios. ¹³ Lapimaye nomana' fa'a, ilne jouc'a i'huexi ŁanDios, jahuay ilniya tinonilhuo'.

¹⁴ Jahuay imanc' ti'ila' cołsina': ŁałPoujna Jesucristo titoc'ilhuo', cal'Ailli' ŁanDios ti'nujuaitsilhuo', cal Espıritu Santo efot'lepolhuo', tołejmaleyi anuli ilque.

LIJE'E SAN PABLO LINIË'EPOLA' LAPIMAYE LEFOT'ĒPOĒTSI ĒAMATS' GALACIA

¹ Iya' ninPablo, nin'apóstol, epaluc Jesucristo. Iya' laif'as xanuc' a'i calfaqui itta'a laipenic'. A'i ihniya calumme'e. Mañe laipenic' lapi'ipa Jesucristo y ĒanDios ca'Ailli'. Itque ĒanDios imaf'i'inapa Jesús, ipa'anapa pe lomana' limanapola'. ² Iya' jouc'a lapimaye nañmana' fa'a añnonilhuo'. Liniñ'elhuo' imanc' unc'apimaye nolafot'epoñtsi ni petsi ñamats' Galacia. Imanc' ĒanDios efot'epolhuo'. ³ Ihniya, ĒanDios ca'Ailli' y laPoujna Jesucristo titoc'itsolhuo', tipac'e'etsolhuo' loñpicuejma'. ⁴ Itque Jesús icupoxi tima'anñe. I'najtsepa la'epa quixcay. Toñta'a lunñu'eponga'. Aimi'iya malulijyaconga' lixcay lopa'a li'a ñamats'. Iñe li'epa Jesús ma lixpice'epa ĒanDios, itque añ'Ailli'.

⁵ ¡Lojauhuamlaicoya quitine timetsaiconñe añDios! Amén. Toñta'a ti'itla'.

⁶ Iñe lo'ipolhuo' añspaic'epa. Afule cacuec'e. Imanc' ma quite' tolihuejyi Lataiqui' loya'apa iñe al c'a loxpice'epa ĒanDios. Oñsingufco'me Cristo litoc'ipolhuo', ĒanDios ijoc'ipolhuo'. Itsiya toñpo'noyi ĒanDios, aimoñejmaleyi. Tolapejyi ocuena cataiqui'. ⁷ Iñe lolihuejpa itsiya tecui'inni: “Ocuena cataiqui' lonñu'eyacolhuo'”. A'ij linca iñe lecui'impa. Iñe ituca' cataiqui'. Aimi'iya munñu'eyacolhuo'. Iñe noya'apá iñe “ocuena cataiqui'” ma le'a ilpic'a tepi'itsolhuo' quixhuejma'. Tipai'iyi Lataiqui', iñe ma Litaiqui' Cristo. ⁸ Illanc' joupa lu'ipolhuo' Lataiqui'. Ja'ni lu'iconatsolhuo' ipaijma cataiqui', a'i to lijoupa lalu'ipolhuo', iya' cacua: “Lacani'etsonga' ĒanDios”. Tama apaluc quema'a lu'itsolhuo' toñta'a, ma' anuli cacua: “Tecani'etsi ĒanDios”. ⁹ Illanc' li'ipa lu'ipolhuo' toñta'a. Itsiya cam'iconalhuo'. Imanc' joupa olapenufpá mañe Lataiqui'. Ja'ni cua naitsi tu'iconatsolhuo' ipaijma cataiqui': Tecaniña' nulemma.

¹⁰ Imanc', ¿te coñcuayacu? ¿Te cahuela' lan xanuc' limetsaicoña' ca'ay lipenic' ĒanDios? O ¿te cahuy limetsaicoña' toñta'a ĒanDios? ¿Te cahuy latencocoyacola' lan xanuc'? Cacua: Ja'ni cahuy tetencocotsola' lan xanuc', coña' aica'eya lipenic' Cristo.

¹¹ Unc'aipimaye, iñe Lataiqui' lainuya'apa jilpe, a'i quitaiqui' lan xanuc'. Ma toñta'a oñsina'. Itsiya cu'iconalhuo'. ¹² Iñe lataiqui' aicalu'ic' cal xans. Ni aicalmuc'inno. Mañque Jesucristo imujpoxi, alu'ipa.

¹³ Imanc' oñcuejpa te ts'i'ic' li'ipa lai'ejma' ma cainihuequi li'ejma' laif'as xanuc' judío. Jilne litiné juaiconapa cateñ'mila' lapimaye ñefot'ñepola' ĒanDios. Cacua: Tijoutsola' nulemma. ¹⁴ Iya' culiquila' axpela' iñe laif'as xanuc' judío nomana' ihniya litiné, xonca nihuejcopa lataiqui' lañmuc'iponga'. Iñe linca tihuejyi to mi'eyi lañtatahueló. Iya' xonca nihuejcopa to mi'eyi laitatahueló.

¹⁵ Linca, ma capa'a licu'u cai'máma', ĒanDios añ'huij'epa. Lijou'ma, tama a'ijc'a laif'epa, añpaxnepa, añjoc'ipa. ¹⁶ ĒanDios joupa ixina' litine mañmuc'iya te ts'i'ic' li'Hua. Ti'itla' caixina' te ts'i'ic' lipicuejma' itque, cuya'atsi Litaiqui' pe lomana' lan xanuc' a'ij judío. Ixhuaitsi iñe litine, añmuc'ipa li'Hua. Lijoupa aicaipalaic'ola' lan xanuc'. A'ij naitsi cainicuis'epa. Joupa aixina' laif'eya. ¹⁷ Aicai'huac' liñya' Jerusalén pe lomana' lapimaye, iñe ate'a i'ipola' apóstole. Ai'huapa ñamats' Arabia. Lijou'ma aipainanni, aicuaiyoconsi liñya' Damasco.

¹⁸ Lixhuaitsi afane' camats' aif'aj'ma liñya' Jerusalén, cahuejnta Pedro. Aixintsi. Imbamaj maque' quitine añmajntsa anuli. ¹⁹ Locuenaye lan apóstole aicaixim'mola'. Aiximpa ma le'a Jacobo, itque lipima lañPoujna. ²⁰ Iñe laininiñ'epolhuo' ma' al linca. Aicafellaique. Toñta'a ixina' ĒanDios.

²¹ Lijou'ma ai'hua'ma ñamats' Siria, jouc'a ñamats' Cilicia. ²² Jilpe ñamats' Judea lapimaye ñefot'ñepola' ĒanDios, iñe lepenufpola' Cristo, aicalimetsaijma. ²³ Ma le'a icuej'me añnescopa iya'. Tuya'anni: “Itque Pablo li'ipa lihuetsouquina', añtel'minga', ipic'a tejac'la'

nulemma Lataiqui', iŕe lataiqui' loya'apa: Toŕ'huaiyijnle Jesucristo. Itsiya maŕque Pablo tuya'e' Lataiqui'."

²⁴ Iŕne li'nujuaitsa laŕ'ipa iya', ix'najtsi'i'me LanDios. Iximpá acueca' lo'epa iŕque.

2

¹ Lixhuaitsi imbamaj malpu' camats' aitsehuona'ma Jerusalén. Aŕepá iya', Bernabé y Tito, iŕque aŕtoc'iponga'. ² Nij naitsi xans naŕcuxe'epa. Ma LanDios aŕmipa: "To'huala'". Toŕta'a aitsecohuona'ma. Jiŕpiya Jerusalén aixinhua'mola' lapimaye naimetsaicompola' xonca lan tsila'. Nu'i'mola' te ts'i'ic' Lataiqui' laifnuya'apa pe lomana' lan xanuc' a'ij judío, iŕne pe aimimetsaicoyi LanDios. Cacia: Lan tsila' lapimaye limetsaicola' iya', jouc'a timetsaicole laifnuya'apa. Ja'ni a'i locuenaye lapimaye aga tixim'me to ninaitsi cataiqui' iŕe laifnuya'apa, tetets'i'me. Tijoula' aimipammai ya laipenic'.

³⁻⁴ Linca jiŕpe Jerusalén imajm'me hualca pe no'e'epoŕtsi capimaye. Iŕne itsuflaipá a-ch'ixc'a. Ma le'a tehueyi te co'iya mixinyacu te ts'i'ic' laŕ'ejma'. Illanc' joupa aŕsinyoŕtsi luhuaŕquem'monga'. Aimaŕcuxeconayaconga' lataiqui' loya'apa: "Toŕ'etsoŕtsi circuncidar, tijoula' tepenuf'molhuo' LanDios". Iŕne pe nalahue'ecoponga', iŕpic'a aŕcuxe'etsonga' lihuejconale iŕe lataiqui'. Iŕpic'a ti'eŕe circuncidar laŕejmale Tito, iŕque agriego. Illanc' aŕcuayi: "A'i. Toŕe tipanenni." ⁵ Aicalapenufela' liŕtaiqui'. Aicalihuejcola' iŕniya ni toŕta'a. ⁶ Lan tsila' lapimaye nomana' Jerusalén ailopa'a caŕmipa. (Linca, tama atsila' xanuc' aicaixina' caxpaiqui'. LanDios aŕsinninga' ma' anuli.) Cacia: Iŕniya lan tsila' lapimaye nij tintsi caŕmic'. ⁷ Limetsaicopa. Ixim'me ma LanDios alapi'ipa laipenic', ma to lepi'ipa Pedro lipenic'. Iya' pe lomana' lan xanuc' a'ij judío cuya'e' Lataiqui' loya'apa iŕe al c'a lixpica'epa LanDios. Cu'ila' lan xanuc' pe aiqui'eyoŕtsi circuncidar. Pedro tu'ila' laŕ'as judío, iŕne petsi joupa i'epoŕtsi circuncidar. ⁸ LanDios epi'ipa Pedro limane, ummepa tu'itsola' lan xanuc' judío. Jouc'a alapi'ipa iya' laimane, lummepa cu'itsola' lan xanuc' pe a'ij judío. Toŕta'a ma' anuli ninc'apóŕtole.

⁹ Jacobo, Pedro y Juan ixim'me toŕta'a laŕpaxnepa LanDios, aŕsimpa nin'apóŕtol, aŕ'not'ŕe'eponga' al c'a caŕmane iya' y Bernabé. Iŕne lam fantsi ti'onŕcospola' to ŕimule' caitaŕ, acueca' titoc'innila' lapimaye, iŕne leŕot'ŕepola' LanDios jiŕpe liŕya' Jerusalén. Maŕniya aŕmiponga': "Ne', imanc' tolu'ialeta pe lomana' lan xanuc' a'ij judío. Illanc' lu'i'mola' laŕ'as xanuc' judío, iŕne joupa i'epoŕtsi circuncidar." ¹⁰ Ma le'a aŕmiponga', aŕsc'ai'iponga': "Toŕ'nujuaitsola' lan cuanuc'la, iŕne pe ailopa'a quili'hueca". Iya' linca ma toŕta'a laŕ'ejma'. Tixoqui neta catoc'ila' iŕniya.

¹¹ Lijou'ma, maŕmana' liŕya' Antioquía Pedro itsehua'ma jiŕpe. Iŕniya ŕitiné iya' aitale'ma Pedro. Nu'i'ma lijunac'. Linca tipa'a lijunac'. ¹² Ma' a'i miŕmana' lif'as xanuc' judío, iŕne lommeyacola' Jacobo, Pedro titetsoyi anuli lapimaye pe a'ij judío. Licuaitsa lummepola' Jacobo, Pedro enaj'moxi pe lapimaye a'ij judío. Aits'itetsocoŕna'me. Ticua: "Iŕne lan judío ticuayi: Aimi'iya maŕtetsoyacu anuli pe aiqui'eyoŕtsi circuncidar. ¿Te aŕpalaico'ma iya' ja'ni aŕtetsoŕe anuli?" ¹³ Pedro ixina' te ts'i'ic' Lataiqui' loya'apa iŕe al c'a lixpica'epa LanDios. Ma le'a i'epoxi to aiquixina'. Ma' anuli i'epoŕtsi locuenaye capimaye judío nomana' jiŕpe. Bernabé jouc'a. Liximpola' liŕ'ejma' icupoxi tilecote, ihuejpolala' iŕniya.

¹⁴ Iya' aiximpola' aimihuejyi al ŕijca Lataiqui' loya'apa iŕe al c'a lixpica'epa LanDios. A'i toŕta'a Lataiqui'. Petsi lalafot'ŕeyopoŕtsi aipalaico'opa Pedro, cami: "Ima' tama unjudío aimihuequi liŕ'ejma' loŕ'as judío, xonca taihuequi to lapimaye a'i judío. Itsiya, ¿te cofcuxe'ecopola' iŕne pe a'ij judío? ¿Te comuc'ico'mola' tihuejle liŕ'ejma' lun judío?"

¹⁵ Illanc' ninc'ijudío toŕe laŕmajnlita. Linca aicalihuequi al xujc'a to iŕne pe a'ij judío. Iŕne pe aimimetsaicoyi LanDios aimihuejyi locuxepa. ¹⁶ Illanc' tama lihuejyi locuxepa LanDios, iŕe linijimpa Moisés, aŕsina' a'i toŕta'a malapenufyaconga' LanDios. Lapenuftonga' ja'ni aŕ'huaiyijnle Jesucristo. Toliya illanc', tama ninc'ijudío, jouc'a aŕ'huaiyijmpá Jesucristo. Itsiya aŕsina' LanDios lapenufinga', aŕsinninga' to ailopa'a caŕjunac'. Aimaŕnesconayacu: Iya'

quihuequi locuxepa ËanDios, tijoula' alsim'ma to ailopa'a caijunac'. A'i. Tama lihuejyi locuxepa, ËanDios aimatsinyacu tofta'a, ni illanc' ni locuenaye lan xanuc'.

¹⁷ 'Ma'huaiyinyi Jesucristo limetsaicoyoltsi ma' anuli to ihniya petsi aimihuejyi locuxepa ËanDios. Limetsaicoyoltsi a'ijc'a laipicuejma'. Tijoula', ¿te calnesyacu? ¿Te Cristo alimints'eponga' tofta'a laipicuejma'? A'i. Aimi'iyia mañesyacu ita'a. Li'ipa joupá a'ijc'a laipicuejma', ma' aicatsina'. ¹⁸ Iya' joupá aiximpa aimi'iyia calanc'eyacoxi laipicuejma'. Aimi'iyia canesconaya: Canant'hi'ma liniipa Moisés, tijoula' ËanDios alsim'ma to ailopa'a caijunac', lapenufta. Itsiya ja'ni capi'ixoxi laipicuejma', ja'ni capangocona'ma quihuejcona'ma to li'ipa, ma le'a camuj'moxi aicainenant'hi ite liniipa Moisés. ¹⁹ Li'ipa cola' canant'hi'ma jahuay lataiqui' liniipa Moisés. Lijou'ma aiximpa aimi'iyia canant'hiya. Mañe lataiqui' lacani'epa, aña'apa. Itsiya linca aimaf'i', ËanDios lapi'ipa al ts'e laipitine. ²⁰ Caxinyoxi joupá lapañts'ingimpa lancruz. Iya' y Cristo lapañts'ingimponga' jilpe. Laifnuyaicopa a'i to li'ipa. Itsiya tipa'a al ts'e laipitine ite lipitine Cristo. Ca'huaiyinge hi'Hua ËanDios. Itque añ'nujuaispa, icupoxi tima'anñe, i'najtsepa laijunac'. ²¹ ËanDios joupá alpaxnepa tofta'a. Aicatets'iyia ite al ts'e laipitine lalapi'ipa. Aicapo'noya anuli liju'. Ja'ni cola' ti'i'ma lanant'hi'me nulemma liniipa Moisés, ja'ni cola' tofta'a ti'i'ma ac'a laipicuejma', ¿te quicucopoxi Cristo? Cola' aiqicu'moxi."

3

¹ Imanc' unc'aipimaye noñmana' lamats' Galacia, ¿te qui'ipolhuo'? Tonñ'eyi to ailopa'a colpicuejma'. Lu'itla', ¿naitsi nimints'epolhuo' loipicuejma'? ¿Naitsi lifel'mipolhuo'? Ihniya hitiné loñquimf'epa Lataiqui', mu'innihuo' li'ipa Cristo, tocomma to imanc' oñsimpá itque lepañts'ingimpa jilpe lancruz. ² Quicuis'e'molhuo' ma le'a anuli lataiqui', lu'itla': Litine lolapenufpa cal Espíritu Santo, ¿te ts'i'ic' conñ'epa molapenuf'me cal Espíritu Santo? ¿Te ja'ni oñ'huaiyijmpá Lataiqui', ite lu'impolhuo'? O ¿te olihuejpá locuxepa Moisés? ³ Loñpangopa lolihuejpa oñ'huaiyijmpá cal Espíritu. Itsiya, ¿te col'huaiyijncopoltsi coltuca' lonñ'epa? ¿Te colñescopa: "Tofta'a ti'i'ma ixhueya laipicuejma', lapenuftonga' ËanDios"? ¿Te qui'icopolhuo' ma tofta'a to lamac'ta?

⁴ Imanc' lolapenufpa Lataiqui' acueca' oñtelcopá. Itsiya, ¿te quipenic' ita'a li'ipolhuo'? Ja'ni tolihuej'me ocuena cataiqui', cola' aicoñtelco'me tofta'a. ⁵ ËanDios lepi'ipolhuo' hi'Espíritu o i'epa al cueca' pe loñmana', ¿te conñ'epa imanc'? ¿Te tonlihuejcoyi locuxepa Moisés? O ¿toñ'huaiyinyi Lataiqui' lu'impolhuo'? ⁶ Linca oñ'huaiyijm'me Lataiqui' lu'impolhuo'. Toñ'nujuaitsa li'ipa Abraham. "Itque i'huaiyijmpa ËanDios limipa. Tofta'a ËanDios iximpa ac'a xans, to ailopa'a quijunac'."

⁷ Tofta'a oñsina' naitsi itne limetsaicopola' ËanDios to ixanuc' Abraham, naitsi itne lepenufpola'. Imetsaicopola' ma le'a ihniya lo'huaiyijmpa to li'huaiyijmpa Abraham. ⁸ ËanDios joupá ixina' lo'iyia. Ixina' tepenuf'mola' lan xanuc' a'ij judío. Tepenuf'mola' itne lan xanuc' no'huaiyijmpá. Tixim'mola' to ailopa'a quijunac'. Tohiya ma mehue'e' mi'iyia tofta'a, ËanDios u'ipa Abraham ite al c'a lo'iyia. Jilpe al Paxi Liniñingiya tuya'e' limipa Abraham. Timi:

Lan xanuc' nomana' jahuay lan nación, ja'ni liñ'ejma' ti'onñcospa to lo'ejma' ima', caxim'mola' to loxanuc', capaxne'mola' jouc'a.

⁹ Tohiya añsinyi naitsi itne nopaxneyacola' ËanDios to lipaxnepa Abraham. Abraham i'huaiyijmpa limipa ËanDios, ipaxnepa. Jouc'a ihniya no'huaiyijmpá tipaxne'mola' tofta'a.

¹⁰ Ituca' lo'iyacola' itne petsi nonespá: "Quihuejma lataiqui' locuxepa Moisés, tohiya ËanDios alsim'ma ninc'a xans, lapenuf'ma". Ihniya joupá ejac'pola'. Tofta'a tuya'e' al Paxi Liniñingiya ticua:

Ticuicomma tihuejcoñe jahuay lataiqui' liniipa jilpe lije'e Moisés, ni anuli aimehue'e'ma tenant'ñe.

Naitsi itque aimi'ay tofta'a, tecani'em'me.

¹¹ Acuajmaica aksinyi, tama lihuejcoyi locuxepa Moisés, a'i tołta'a ŁanDios małsinyacongá' to ailopa'a całjunac'. Tołiya tuya'e' al Paxi Linilingiya, ticua:

Cal xans no'huaiyijmpa tulijta lipitine,
ŁanDios iximpa to ailopa'a quijunac', tepenufi.

¹² Litaiqui' locuxepa Moisés aimuya'e': "Cal xans no'huaiyijmpa tulijta lipitine". Xonca ticua: "Ihe no'epá locuxe'epola', ihniya linca tulijta liłpitine". ¹³ Ihe lałcuxe'eponga' aicalanant'hi. Tołta'a lulijpá lalacani'eyacongá'. Linca aimalacani'eyacongá'. Cristo i'najtsepa lałjunac'. Małque Cristo ecani'empa litine lepałts'ingimpá lancruz. Tołta'a loya'apa al Paxi Linilingiya, ticua: "Cal xans łojunginyacu anuli al 'ec, tecani'em'me".

¹⁴ Cristo epi'impá lałjunac', ecani'empa. Tołta'a jahuay illanc', ja'ni ninc'ijudío o ja'ni a'i, ti'i'ma lapenuf'me lałpaxneconyacongá'. Ihe linescopa ŁanDios mipalaic'o Abraham. Jouc'a jahuay ma' anuli petsi nał'huaiyijmpá lapi'inga' cal Espiritu Santo. Tołta'a joupa icupa cataiqui' lapi'itsonga'.

¹⁵ Cunc'aipimaye, itsiya ca'onlıco'mola' lan xanuc' li'ejma'. Ihe ja'ni joupa icupá cataiqui', tama ma le'a axanuc', ihe lataiqui' tihuejco'me, tenant'hi'me. Aimi'iya mipo'noyacu iju'. Aimi'iya metonc'iyacu ocuena cataiqui'. ¹⁶ ŁanDios mipalaic'o Abraham icupa cataiqui'. Ihe lataiqui' tepenuf'me ilque Abraham y tihuenle łocuacoya. Al Paxi Linilingiya aiminescola' axpela' lihuenlıla'. Tinescojma ma le'a anuli. Mipalaic'o Abraham timi: "Ima' lihuenlıhuo'...", jilpe tipalaijma Cristo. ¹⁷ Linca, lixhuaitsi amalpuj maxnu nuxans quimbama' camats' quipalaic'o Abraham, ŁanDios u'i'ma Moisés litaiqui' locuxepa. Iya' cacua: Tama tołta'a li'ipa, lataiqui' liliłpa Moisés aimi'iya mulijya locuena lataiqui'. Ihe litaiqui' ŁanDios licupa, limipa Abraham, lataiqui' lepi'ipa Abraham aimi-paiya. ¹⁸ Linca, ja'ni ałnesle: "Łanant'hi'me locuxepa Moisés, tijoułá' ŁanDios lapi'itonga' cał'huexi", ihe lałnesyacu ocuena cataiqui', a'i litaiqui' licupa ŁanDios, ihe limipa Abraham. ŁanDios mipalaic'o Abraham aikuimic': "Tanant'lıłá' laıfcuxe'epo', tijoułá' capi'i'mo' co'huexi". Ticua: "Joupa aicupa cataiqui', capi'i'mo' co'huexi".

¹⁹ Tijoułá', ŁanDios ja'ni joupa tołta'a icupa cataiqui', epi'ipa Abraham, łte comi-copa Moisés locuxepa? ŁanDios ipic'a ti'lıłá' quılısina' lan xanuc' te ts'i'ic' lo'epa, ja'ni tetenłcocojma ŁanDios o aimetenłma. Tołiya ipalaic'oconapa Moisés, u'ipa ocuena cataiqui', ihe locuxe'epola' lan xanuc'. U'ipola' te lo'eyacu. Mi'huaicoyi ticuaiyunni lihuenle, małque Cristo, ma ihe lataiqui' tihuejco'me.

Małe lataiqui' locuxepa ŁanDios lapaluc' quema'a uya'apá. Moisés u'icona'mola' lan xanuc'. Fa'a li'a łamats' Moisés i'e'ma canic' to epaluc. Epenuf'ma litaiqui' ŁanDios, u'icona'mola' lan xanuc'. ²⁰ A'i tołta'a li'epa ŁanDios litine licupa cataiqui' lepi'ipa Abraham. Jilpe litine aicummaic' quepaluc. Małque ŁanDios, ilque quituca', icupa cataiqui', epi'ipa Abraham.

²¹ Itsiya, łte całnesyacu? Lataiqui' locuxepa ŁanDios jouc'a lataiqui' licupa, ihe lepi'ipa Abraham, łte ja'ni tifuli'iyoltsi jilna'a lataiqui'? ¡Aimałnes'me tołta'a! Lataiqui' locuxepa ŁanDios aimi'iya mepi'iyacola' lan xanuc' liłpitine aimijouya. Ja'ni cołá' tihuej-conle jahuay locuxepa ŁanDios, ilque tixim'mola' to ailopa'a quılıjunac', tepenufna'mola'. Aimi'iya mihuejyacu tołta'a. ²² Tołiya al Paxi Linilingiya tuya'e' jahuay anuli i'epá a'ijc'a. Tocomma itats'ıla', il'huaijma tecanitsola' nulemma. Aimi'iya munłu'eyacoltsi. Tołta'a ma le'a pe no'huaiyijmpá Jesucristo tepi'im'mola' quılı'huexi, ma to loya'apa lataiqui' licupa ŁanDios.

²³ A'i'a ticuaihuo Jesucristo fa'a li'a łamats', ihe litaiqui' ŁanDios locuxepa Moisés ti'hua ałcuxecongá'. Tocomma ałtats'eninga'. Ał'huaicopá ŁanDios ałmuc'itsonga' naitsi ilque Cał'huaiyijnyacu. ²⁴ Itsiya aksina' te ts'i'ic' lipenic' lataiqui' locuxepa Moisés. Ihe lataiqui' ti'onłcospa to no'epola' cuenna la'uhuy. Ticuxela' al c'a. Li'ipa, tołta'a lałcuxeponga' litaiqui' ŁanDios locuxepa. Ał'eponga' cuenna ma cał'huaijma ticuaiyunni Cristo, ał'huaiyijnle, ałsintsonga' ŁanDios to ailopa'a całjunac', lapenuftsonga'. Ticuaitsi

itque al'huaiyijnle. ²⁵ Itsiya linca al'huaiyijmpá Jesucristo. Ailopa'a cocuena na'l'eponga' cuenna. Aimal'onłcosponga' to la'uhuyay. ²⁶ Petsi na'l'huaiyijmpá Jesucristo illanc' inaxque' cal'Ailli' LanDios joupa alłsilojponga'.

²⁷ Jahuay imanc' petsi joupa epo'icompolhuo', ma' i'ipolhuo' anuli Cristo. Jiłpe litine, iłe lafane lołpijahua' ołpo'nonapá anuli liju', ołtatscocopá Cristo. ²⁸ Totiya aimolatets'i'mołtsi. Aimołnes'me: "Iya' ninjudío, ima' ungriego". Ni mołnes'me: "Iya' ninmozo, ima' mapoujna". Ni: "Iya' ninxans, ima' ma le'a maca'no". Tołta'a aimi'iya. Joupa i'ipolhuo' anuli. Epenufpolhuo' itque Cristo.

²⁹ Ja'ni Cristo epenufpolhuo' imanc' inaxque' Abraham. Tepi'im'molhuo' col'huexi. Tołta'a linescopa lataiqui' licupa LanDios, iłe limipa Abraham.

4

¹ Iya' cacua: Lahuac'hua ai'a titoj'ma aimepi'inyacu li'huexi. Tama ticuxe'ma jahuay li'hueca qui'ailli', lahuac'hua ai'a titoj'ma ti'onłcospa to lajmozo. ² Timana' no'epá cuenna lahuac'hua. Iłne ticuxe'me lahuac'hua, jouc'a ticuxe'me li'huexi. Tołta'a loyaicoya ma mi'huaijma ticuaiyunni litine tepi'im'me quimane ticuxela', tepenuf'ma li'huexi. Qui'ailli' joupa ixpic'epa te quitine mi'iya tołta'a.

³ Ma' anuli tołta'a li'ipola' lan xanuc' ai'a ticuaihuo Cristo fa'a li'a lamats'. Ai'a ticuaihuo Cristo LanDios alłsimponga' to la'uhuyay. Alłcuxenga', alłc'ai'inga': "To'etsi iłta'a", o "To'ela' iłiya". Lanant'iyi ma to mi'enni fa'a li'a lamats'. ⁴ Liximpa LanDios ixhuaita al 'hora, ummepa li'Hua, ticuaiyunni fa'a li'a lamats'. Ma to mimajnlita la'uhuyay tołta'a lipajnta itque. Anuli la'ca'no' nipo'nopa. Ipajnta ajudío. Li'ailli' tihuejcoyi locuxepa LanDios, itque jouc'a. ⁵ Tołta'a li'ipa ti'najcułtsola' liłjunac' jahuay lan xanuc' naihuejpa locuxepa LanDios. Tijoula' LanDios ti'i'ma limetsaico'monga' inaxque', lapi'i'monga' cal'huexi.

⁶ Imanc' ma' anuli imetsaicopolhuo' inaxque'. Totiya jiłpe lołunxajma' tipa'a cal Espíritu Santo, itque li'Espíritu li'Hua LanDios. Tołta'a alłmiyi: "Ima' mai'Ailli'". ⁷ Ja'ni joupa omepenufpa cal Espíritu, ima' a'i cum-mozo. Ima' i'hua CanDios. Ja'ni ima' i'hua tipa'a lo'huexi lapi'iyaco'. Tołta'a lixp'ic'epa, lo'epa LanDios.

⁸ Li'ipa aimolimetsaicoyi LanDios. Imanc' tolıhuejyi iłne landiosla'. Toluyalaicoyi to iłmozó iłniya. Iłne tama tecui'innila' "andiosla'", ailopa'a quiłpitine. ⁹ Itsiya tolımet-saicoyi LanDios. Xonca cacua: LanDios timetsaicolhuo' imanc'. Itsiya, ¿te colpai'icopa lołpicuejma'? ¿Te col'econapołtsi to lam mozó? ¿Te colfi'ecopołtsi lataiqui' locuxepolhuo'? ¿Te colananc'opa to mi'enni fa'a li'a lamats'? Jiłpe ailopa'a cotoc'iyacolhuo'. Joupa ołsina' pe copa'a al C'a Cane. ¹⁰ Tonłeyi ocuena cane. Tolimetsaicoyi litiné, lam mut'ła, cal juicoł jouc'a lamats'. Tonł'eyi cuenna iłna'a, tolanant'iyi. ¹¹ Iya' caxhuelma. Acueca' canic' ai'epa pe lołmana'. Itsiya cacua: Aga ailopa'a quipammaic'.

¹²⁻¹³ Unc'aipimaye, caxa'huelhuo', camilhuo': Imanc' toł'e'etsołtsi to iya'. Iya' joupa aipai'ipa lai'ejma'. Itsiya aicainihuequi lił'ejma' lan xanuc' judío. Xonca quihuequi loł'ejma' imanc'. Imanc' ailopa'a cal'e'epa. Joupa ołsina' lał'ipa jiłpe pe lołmana'. Iłe al te'a laitsehuo'ma laicuaita jiłpe iya' laxtafpa. Totiya aipanemma, nu'i'molhuo' Lataiqui'. ¹⁴ Linca iłniya litiné LanDios ehuaipolhuo'. Tama laxtafpa aicalatets'i. Aical'aic' laic'. Ac'a juaiconapa alapenufpa, tocomma napaluc quema'a alummepa LanDios. Tołta'a tolapenuf'me Jesucristo. ¹⁵ Itsiya, ¿te qui'ipolhuo'? Iłniya litiné tixoqui cunlata alapenuf'ma. Iya' ti'hua ca'nujuaitsilhuo' imanc' loł'ejma'. Juaiconapa alłsimpa cuanuc'. Tocomma tołcuayi: "Coła' lipa'a'mola' lał'u', lapi'i'me Pablo". ¹⁶ Itsiya joupa ołpai'ipołtsi lołpicuejma'. Al'e'e laic'. Ma le'a nu'ipolhuo' al linca, lijoupa al'epa laic'.

¹⁷ Linca timana' jiłpe nehuepa coła' tonłejmalete anuli. Iłne a'ijc'a liłpicuejma'. Ma le'a iłpic'a tenajtsolhuo'. ¹⁸ Iłpic'a tolıhuejtsola' ma iłniya. Linca ja'ni al c'a timuc'i'molhuo', iya' cacua: Ne', tolıhuejtsola'. Cacua: Coła' timuc'itsolhuo' al c'a. Ti'hua timuc'iconatsolhuo' tołta'a. Coła' a'i ma le'a capa'a iya'.

¹⁹ Unc'ainaxque', acueca' aitelco'ma jilpe pe lołmana'. Ma catełma cacua: “Tepenufle iłe al ts'e liłpitine”. Ma tołta'a li'ipolhuo'. Itsiya catełcocojma. Caxhuełma, cacua: “Iłne laipimaye lun Galacia joupa epenufpá Cristo. Itsiya tocomma a'ij linca iłe li'ipola'. Coła' ałmuc'iconła' acuajmaica iłne alinca epenufpá iłque Cristo. Tijouła' aicaxhuełcoconaya tołta'a.” ²⁰ Cacua: Coła' jilpe caifpa'a. Coła' capalaic'ocona'molhuo' ituca', a'i to itsiya. Itsiya linca caxhuełma. Aimi'iya caxingufyacolhuo' lołpicuejma'.

²¹ Imanc' nołnespá: “Ałcuxetsonga' lataiqui' liniłpa Moisés. Ałpic'a.” Iya' quicuis'e'molhuo' imanc': ¿Te cołcueca iłe lataiqui'? ¿Te ołsina' loya'apa? Tocomma aicołsina'. ²² Iłe liniłpa Moisés tinescojma li'ipa Abraham. Timana' oquexi' linaxque'. Anuli iłne qui'máma' acriada. Tipa'a lipoujna caca'no'. Aimicuxeyoxi quituca'. Locuena li'hua qui'máma' apoujna, iłque ipeno Abraham. ²³ Łapoujna caca'no' ma le'a ŁanDios ixpic'epa titai'ma. Iłque joupa icupa cataiqui' ti'ila' tołta'a. Locuena, iłque licriada, ŁanDios aiquicuc' cataiqui'. Ma le'a itaipa.

²⁴ Iłne loquexi' lacał'no' ti'onłcospola' to iłna'a loquej cataiqui' ŁanDios lipo'no'ipola' lixanuc'. Agar, iłque cal criada, ti'onłcospa to anuli iłna'a lataiqui'. Ti'onłcospa to lataiqui' ŁanDios lipo'no'ipola' lixanuc', mimana' iłne jilpe hijuala Sinaí. Iłe lataiqui' liniłpa Moisés. Iłque Agar tocomma to quił'máma' iłne petsi naihuejpa iłe lataiqui'. Iłne aimi'hua liłmane. Aimi'iya micuxeyacołtsi quituca'. Mane ti'onłcospola' to lam mozó. ²⁵ Iłe hijuala Sinaí jilpe łamats' Arabia tecui'inni “Agar”. Agar y Jerusalén, ma to mipa'a itsiya fa'a li'a łamats', ti'onłhiyołtsi. Jilpe Jerusalén ts'iłpenic' aimixpic'eyi quituca' lo'eyacu. Lataiqui' liniłpa Moisés tocomma to quiłpoujna. Iłe lataiqui' ticuxela' jouc'a liłxanuc'. ²⁶ Liłya' Jerusalén lopa'a lema'a ituca' lo'ipa. Jilpe aimicuxe tołta'a lataiqui' liniłpa Moisés. Iłe linca ałpiłya'. Tocomma to cał'máma', illanc' inaxque'.

²⁷ Joupa i'ipa ma to loya'apa Liniłingiya lonescopa liłya' Jerusalén lopa'a lema'a. Tuya'e': Ima' mijuiqui' caca'no', ailopa'a co'hua, įtixojla' cometa! Ima' tama aicoxina' te ts'i'ic' mipajnta łahuac'hua, įtonac'la' acueca'! Ima' tama toxinyoxi etets'impo', joupa eca'nicompo', ti'i'ma conaxque' xonca axpela'. Tołta'a tolijna'ma iłque łejonłhiyołtsi łope'ailli'.

²⁸ Unc'aipimaye, imanc' ti'onłcospolhuo' to li'hua Sara, iłque Isaac. Licupa cataiqui' ŁanDios, iłque ipajnta. Lataiqui' licupa ŁanDios jouc'a inescopolhuo' imanc'. Tołiya i'ipolhuo' inaxque' Abraham. Iłque oł'ailli'.

²⁹ Loquexi' linaxque' Abraham aimiyejmaleyi. Anuli iłniya, cal Espíritu Santo itoc'ipola' qui'ailli' qui'máma'. Tołta'a itaipa qui'máma', ipajnta quił'hua. Locuena a'i. Ma le'a ipajnta axans. Iłque i'epa laic' lipima, ihuetsojma. Itsiya tołta'a lo'ipola' iłniya pe cal Espíritu Santo epi'ipola' al ts'e liłpitine. Liłf'as xanuc', iłne pe ailopa'a tołta'a liłpitine, ti'eyi laic'. ³⁰ ¿Te co'iya? ¿Te cocuapa al Paxi Liniłingiya? Ticua: Taipa'atsola' łocriada jouc'a li'hua, aimapi'iyacola' ło'hueca. Ło'hueca tapi'i'ma locuena ło'hua, iłque li'hua łapoujna.

³¹ Unc'aipimaye, iłta'a lataiqui' ałnescoponga' illanc'. Illanc' a'i quinaxque' iłque cal criada. Ałmana' inaxque' łapoujna caca'no'.

5

¹ Linca, Cristo joupa luhuałnaponga', ipic'a luyalaicołe tołta'a. Tołiya tołpo'nołe lołpicuejma'. Aimolłi'econa'mołtsi litaiqui' locuxepa Moisés. ² Ałcuc'eła'. Iya' ninPablo camilhuo': Ja'ni ti'e'em'molhuo' circuncidar, ja'ni tołcuayi: “Tołta'a lapenuf'monga' ŁanDios”, tocomma to aimolł'huaijnyi Cristo. Iłque aimitoc'iconayacolhuo'. ³ Camiconamolhuo': Iłne petsi no'empolá' circuncidar, anuli anuli iłniya ticuxe'ennila' tenant'lıe jahuay locuxepa Moisés.

⁴ Imanc' nołnespá: “Ał'e'me locuxepa Moisés, tołta'a lapenuftonga' ŁanDios, ałsim'monga' to ailopa'a całjunac'”, imanc' joupa olanajpołtsi Cristo. Joupa olatets'ipá ŁanDios

6

¹ Unc'aipimaye, ja'ni ołsimpá anuli łapima nixpiya lo'epa, imanc' petsi onlihuejcopá cal Espíritu Santo, tołpalaic'ole, tołmuc'iconle al c'a cane. Tołnanc'ole. Tołpo'nole cuenna anuli anuli. Aga tehuaiyim'molhuo' jouc'a. ² Maluyalaicoyi lapajnya tocomma ałtaiyi acumta caitay. Camilhuo': Tołtoc'itsoltsi. Tołtac'huetsoltsi lolitay. Tołta'a ałınca tonl'e'me locuxe'epolhuo' Cristo.

³ Petsi nonescopoxi: “Iya' xonca limetsaicoła”, ja'ni iłque ninaitsi xans, ma le'a tifel'miyoxi. ⁴ Anuli anuli timetsaicoxoxi te ts'i'ic' lo'epa. Tołta'a ti'i'ma tixoc'i'moxi queta quituca' li'epa. Ti'onli'moxi quituca', aimi'onlıcoyacoxi locuenaye. ⁵ Linca fa'a lapajnya anuli anuli tipa'a litaic'. Ihe quituca' titai'ma. Ocuena aimi'iya.

⁶ Cua naitsi mimuxejma Lataiqui' titoc'ıla' lipomxi. Ja'ni tipa'a al c'a li'hueca tepi'ıla' jouc'a.

⁷ Imanc' coltuca' aimofel'mi'moltsi. Ihe lofapa cal xans, male tefot'le'ma. Aimi'iya malatets'iyacu LanDios lixpice'epa. ⁸ Petsi no'epá lojanajpa quituca' liłcuerpo, tefot'le'me, tulij'me ma le'a lamaya. Tołta'a tipammaispa al cuerpo. Petsi no'epá lojanajpa cal Espíritu Santo, ihe tefot'le'me, tulij'me liłpitine aimijouya.

⁹ Aimałsojtonga'. Ti'hua al'ele ma le'a al c'a. Ja'ni aimałtafquemmonga', ticuaiyunni litine lixpice'epa LanDios, lafot'le'me, lulij'me al c'a. ¹⁰ Tohiya iya' camilhuo': Itsiya tocomma to litine cafaya. Al'ele al c'a. Ałtoc'itsola' jahuay lałf'as xanuc'. Xonca ałtoc'itsola' lałpimaye no'huaiyimpá Jesucristo.

¹¹ ¡Tolsinte laipinila! Linca atsila' ihna'a quinili iya' caituca'.

¹² Iya' aicahuay te co'iya metenłcocoyacola' lan xanuc'. Ihe petsi locuxenai'ipolhuo' toł'etsoltsi circuncidar, ihe iłpic'a tetenłcocotsola' lan xanuc'. Ihe noxc'ai'ipolhuo' tołta'a iłpic'a tuyalaicole al c'a, aimihuetsoquim'mola'. Ja'ni tuya'ale: “Ma le'a toł'huaiyijnle Jesucristo”, ihe iłsina' tixtuc'om'mola' liłf'as xanuc' judío. Tołta'a ti'ninc'iyi lataiqui', tuya'ayi: “Jouc'a tonl'etsoltsi circuncidar”. ¹³ Ni ihe no'epoltsi circuncidar aimihuejcoyi jahuay locuxepa Moisés. Ihe mane iłpic'a tinesle: “¡Tolsinte! Ihe joupa lihuejcoponga' illanc' lałcuxe'epola'. Joupa i'empola' circuncidar. I'empola' quılseña jilpe liłpixic'.” Tołta'a tixoc'i'moltsi quileta. ¹⁴ Iya' aimi'iya quixoc'iyacoxi tohiya. Ma le'a tixoj'ma neta li'epa Cristo jilpe lancruz. Iłta'a li'a łamats' jouc'a jahuay lopa'a, caxina jouc'a epałts'ingimpá jilpe lancruz. Ma' anuli iya' lapałts'ingimpa, joupa ałma'ayompa jilpe lancruz. Lopa'a li'a łamats' ailopa'a cał'e'eya, aicajanaca iłiya.

¹⁵ Linca, ja'ni joupa i'empolhuo' circuncidar o aici'ennilhuo' circuncidar, ¿te co'iya? Xonca ticuicomma tepi'intsolhuo' al ts'e colpicuejma'. ¹⁶ Pe naihuejcopá ihe lataiqui', tipac'e'etsola' liłpicuejma' LanDios, tixintsola' acuanuc'la. Ma ihe ti'onłcospola' to lun Israel. Iłniya al linca ixanuc' LanDios.

¹⁷ Lipangopa itsiya aimałsueł'miconama. Ma' iya', a'i ihe locuenaye xanuc', jifa'a laicuerpo aitaic' łaineplot'ła'. Iłna'a tuya'ayi ma Jesús aiPoujna, iłque lummepa.

¹⁸ Cunc'aipimaye, titoc'itsolhuo' lałPoujna Jesucristo. Tolsingufle iłque lopaxnepolhuo' jilpe lolunxajma'. Tołta'a ti'ıla'. Amén.

LIJE'E SAN PABLO LINIË'EPOLA' LAPIMAYE LEFOT'LEPOËTSI LIËYA' ÉFESO

¹ Iya' ninPablo, nin'apóstol, Jesucristo alummepe. Toŧta'a ixpic'epa LanDios. Iya' quiniŧ'elhuo' imanc', unc'aipimaye noŧmana' liŧya' Éfeso. Imanc' noŧ'huaiyijmpá LanDios, i'huexi iŧque. Jesucristo joupa epenuŧpolhuo'.

² LanDios caŧ'Ailli' y laŧPoujna Jesucristo titoc'itsolhuo', tipaxnetsolhuo', tipac'e'etsolhuo' loŧpicuejma'.

³ Aŧs'najtsi'ile LanDios, iŧque enDios i'Ailli' laŧPoujna Jesucristo. Iŧque joupa aŧpaxneponga'. Cal Espíritu Santo lapi'inga' jahuay al c'a lopa'a lema'a. He al c'a LanDios tixina joupa i'ipa aŧ'huexi illanc' naŧ'huaiyijmpá Jesucristo.

⁴ Cacia: LanDios aŧpaxneponga'. Ai'a tilanc'e'ma li'a lamats' LanDios aŧ'huijfeponga', limetsaicoponga' to joupa lapenuŧponga' Cristo. Ixpica'epa laŧ'iyaconga'. Ixpica'epa te ts'i'ic' maŧsinyaconga' litine lacaxhuoŧaitsa jiŧpe pe lopa'a. Jiŧpe litine aŧmujtoŧtsi aŧinca i'huexi LanDios. Aŧmujtoŧtsi joupa i'ipa pangay c'a laŧpicuejma', ailopa'a caŧjunac', acueca' aŧ'eta capic'a LanDios.

⁵ LanDios aŧ'eponga' capic'a. Toliya ixpic'epa aŧ'itsonga' inaxque', iŧque ti'ila' aŧ'Ailli'. Ixpica'epa toŧta'a lapenuŧtonga' illanc' naŧ'huaiyijmpá Jesucristo. He lixpica'epa ma letenŧcocopa maŧque quituca'. ⁶ Toŧta'a tixinim'me acueca' LanDios. Aŧsininnonga' acueca' laŧpaxneponga', acueca' laŧtoc'iponga' illanc' lapenuŧponga' Cristo, iŧque i'Hua LanDios lipic'a.

⁷ Iŧque li'Hua LanDios joupa lapenuŧponga'. Toŧta'a LanDios limenc'e'ecoponga' lixcay laŧ'epa. Aŧsimponga' joupa i'najtsempa laŧjunac'. Cristo, litine lixcuajaipa lijuats', i'najtsepa. Linca a'i huata ile laŧtoc'iponga' LanDios. Acueca' juaiconapa ac'a laŧ'eponga'.

⁸ Acueca' lipicuejma' LanDios. Ixina' lo'eya, lo'epa. Ailopa'a caŧcuanac'eponga', acueca' laŧpaxneponga'.

⁹ Joupa aŧmuc'iponga' te ts'i'ic' lixpica'epa. Li'ipa tocomma to emiya lataiqui'. Itsiya a'i. Icuaitsi litine letenŧcocopa LanDios iŧque aŧmuc'iponga'. ¹⁰ Aŧmuc'iponga' te lo'iya Cristo, ile joupa ixpic'epa LanDios. Ma mi'hua menant'ŧi litine tixhuaitsi jahuay, ti'hua tuya'am'me ile lataiqui'. Tijouŧa' jahuay tihuejco'me Cristo, jahuay lopa'a lema'a, jahuay lopa'a li'a lamats'.

¹¹ Linca, jahuay tihuejco'me Cristo. Maŧque Cristo nalapenuŧponga'. Toŧta'a LanDios aŧsinninga' ixanuc', i'huexi. Iŧque joupa aŧ'huijfeponga' aŧ'itsonga' toŧta'a. LanDios ja'ni tixpic'eŧa' ti'ila', ma toŧta'a ti'i'ma. Iŧque tixhuai'ni'ma jahuay lipic'a. ¹² Ipic'a timetsaiconte anDios. Tixinninŧe acueca' lipicuejma' jouc'a lo'epa. Tix'najtsi'ile. Toliya aŧ'huijfeponga' illanc' petsi luyaipa quitine aŧ'huaicoyi ticuaiyunnŧi cal Cristo.

¹³ Imanc' jouc'a oŧ'huaiyijmpá Cristo. Ate'a oŧquimfe'epá al Linca Cataiqui'. Maŧe Lataiqui' loya'apa ile al c'a lixpica'epa LanDios, tuya'e' te ts'i'ic' monŧ'eyacu ja'ni tolunŧul'me. Li-jou'ma oŧ'huaiyijmpá Cristo, LanDios epi'ipolhuo' li'Espíritu ma to lijoupa licupa cataiqui' tepi'itsolhuo'. Iŧque li'Espíritu lepi'ipolhuo' maŧque cal Espíritu Santo. Toŧta'a i'huáquilhuo' imanc' ma' aŧinca ixanuc' LanDios, i'huexi iŧque. ¹⁴ Maŧmana' fa'a li'a lamats' illanc' ma' i'huexi LanDios. Tijouŧa' lunŧu'etsonga', lapenuŧtonga' nulemma. Joupa aŧmuc'iponga' aŧinca toŧta'a laŧ'iyaconga'. Aŧmuc'iponga' aimafel'miyaconga'. Toliya lapi'iponga' cal Espíritu Santo. Litine lapenuŧtsonga' timetsaicom'me ma' anDios, acueca' lo'epa.

¹⁵⁻¹⁶ Toliya iya' cax'najtsi'i LanDios. Aŧmimpa: "Iŧne lun Éfeso ti'huaiyijnyŧi laŧPoujna Jesús, ti'eyi capic'a liŧpimaye, iŧne jouc'a i'huexi LanDios". Aimaŧsospa. Ti'hua cax'najtsi'i. Ma capalaic'o LanDios caxahue'e titoc'itsolhuo'. ¹⁷ Cacia: Caxahue'e LanDios titoc'itsolhuo', tipaxnetsolhuo' cal Espíritu Santo. Iŧque tepi'itsolhuo' coŧpicuejma', ti'ila' coŧsina' te ts'i'ic'

ŁanDios lipicuejma', xonca tolimetsaico'me itque. Itque ŁanDios ma' enDios łatPoujna Jesucristo jouc'a i'Ailli'. Tołta'a itque Jesús imuj'moxi ituca'. Imuj'moxi ma' anDios.

¹⁸ Ja'ni tepi'itsolhuo' tołta'a lołpicuejma' jouc'a tepalc'o'i'molhuo'. Tołta'a a'i ma le'a moł'huaicoyacu tolapenuftsa al c'a, jouc'a ti'i'ma cołsina' te ts'i'ic' lapi'iyacolhuo' ŁanDios. Ti'i'ma cołsina' te ts'i'ic' al cueca' al c'a tolapenufta. Ite linca acueca' ac'a juaiconapa. Ailopa'a co'onłcoya. Linca imanc' tolapenufta. Jouc'a jahuay ihniya pe ŁanDios i'epola' i'huexi, tepenufta lapi'iyacola' ŁanDios linaxque'. ¹⁹ Jouc'a ti'i'ma cołsina' te ts'i'ic' al cueca' lo'epa ŁanDios. Ti'i'ma cołsina' icueya limane. Tołsinguf'me acueca' titoc'i'molhuo', acueca' tipaxne'molhuo' ma moł'huaiyijnyi.

²⁰ Linca, ŁanDios joupa imujpa acueca' juaiconapa lo'epa. Joupa i'epa acueca', imaf'i'inapa Cristo. Ipa'anapa pe lomana' limanapola'. If'ac'enapa al toncay lema'a. Icutsupa al c'a camane. ²¹ Ailopa'a co'onłcoya to itque Cristo. Itque xonca acueca', xonca acueca' ti'hua limane, xonca acueca' lo'epa, xonca acueca' locuxepa, xonca acueca' lipuftine. Ja'ni itsiya litine o locuaicoya locuena quitine, małque Cristo tuliqui jahuay. ²²⁻²³ ŁanDios joupa ixpic'epa jahuay tihuejcole Cristo, itque Incuxepa, ticuxe jahuay. ŁanDios epi'ipa lixanuc', ihne lefot'epola'. Itque copa'a itjuac, ticuxela' ihne icuerpo. Jiłpe timujyoxi ŁanDios. Linca ŁanDios ni petsi tipa'a, timujyoxi. Jiłpe lixanuc', ihne icuerpo Cristo, xonca timujyoxi.

2

¹ Imanc' ai'a tolapenuf'me al ts'e lołpitine joupa ejac'polhuo'. Aimonł'eyi locuxepa ŁanDios. Tonł'eyi lixcay. ² Toluyalaicoyi anuli ihne locuenaye xanuc' nomana' fa'a li'a łamats'. Olihuejco'me liłpicuxepa contahue. Ihne lontahue nomana' jiłpe lema'a xonca a'ojca, a'i pe lopa'a ŁanDios, ticuxeyi liłpicuejma' lan xanuc' petsi aimihuejcoyi ŁanDios. ³ ŁanDios ałsimponga' illanc' ma' anuli aicalihuequi. Imanc' illanc', luyaipa quitine luyalaicoyi lapajnya mał'eyi lałjanajpa. Lihuejcoyi lojanajpa lałcuerpo. Illanc' całtuca' ałspic'eyi lał'eyacu. Małmana' tołta'a ailopa'a al ts'e lałpitine. Ma' anuli locuenaye petsi aimihuejcoyi ałtelmi'monga' ŁanDios.

⁴ Linca, ŁanDios juaiconapa ac'a lipicuejma'. Ałsimponga' ninc'icuanuc'la. Acueca' juaiconapa ał'eponga' capic'a. ⁵ Illanc' ma aimalihuejcoyi, joupa lajac'epołtsi. Tama tołta'a lał'ejma' itque lapi'iponga' al ts'e lałpitine. Ałmaf'i'inaponga' anuli Cristo. Tołta'a lałtoc'iponga' ŁanDios, lałpaxneponga', joupa lunł'u'eponga'. ⁶ Ma' anuli Cristo lacaxunaponga', lipa'aponga' pe lomana' lomanapola'. Ma' anuli itque ałcutsunaponga' jiłpe lema'a. Lapenufponga' Jesucristo, tołiya ał'iponga' tołta'a. ⁷ Ticuaitsi Locuaicoya Quitine ŁanDios timuj'ma acueca' juaiconapa ałtoc'iponga', acueca' ałpaxneponga' illanc' ixanuc' Cristo, lapenufponga' itque. ⁸ Cacia: "ŁanDios joupa itoc'ipolhuo', ipaxnepolhuo', unł'u'epolhuo'". Linca imanc' aimi'iya molunł'u'eyacołtsi. Ma ŁanDios imetsaicopolhuo' toł'huaiyijnyi. Tołta'a ma' itque unł'u'epolhuo'. ⁹ Linca ailopa'a cal'eyacu, ni illanc' ni imanc'. Aimi'iya małnesyacu: "Joupa ai'epa al c'a, tołiya ŁanDios lunł'u'e'ma. Iya' ninc'a." Ailopa'a conescoyacoxi tołta'a.

¹⁰ Cristo joupa lapenufponga'. Tołta'a ŁanDios ałłanc'e'eponga' lałpicuejma', lapi'iponga' al ts'e lałpitine. Tołiya ti'i'ma ał'e'me al c'a. Ał'e'me małe al c'a lixplic'epa ŁanDios ał'ete. Tołta'a ixpic'epa luyalaicole.

¹¹ Tołiya aimolimenc'eco'me te ts'i'ic' lipaxnepolhuo' ŁanDios. Toł'nujuaisle te ts'i'ic' li'ipa li'ipolhuo'. Imanc' a'i cunc'ijudío, ituca' lołnación. Aiquetec'ennilhuo' lołpixic'. Tołta'a lan xanuc' judío tetets'ilhuo', tecui'ilhuo': "Ihne petsi ailopa'a quitseña, petsi aiqui'ennila' circuncidar". Ihne lan judío joupa i'empola' circuncidar, joupa etec'empola' liłpixic'. ¹² Ihniya litiné aicunłejmale Cristo. Lan xanuc' Israel imetsaiconnila' ixanuc' ŁanDios, imanc' a'i, imanc' unc'ocuenaye xanuc'. Ihne lun Israel ŁanDios joupa imanekonca cataiqui'. Nulemma icupa cataiqui' tepi'i'mola' al c'a. Imanc' aicolapenufi

ile lataiqui'. Ihiya hitiné imanc' ailopa'a col'huaicoyacu. Fa'a li'a lamats' ma toluyalaicoyi lapajnya. Aicolimetsaijma LanDios.

¹³ Itsiya joupa ipaicopa ile lołpepajnya. Joupa epenufpolhuo' Jesucristo. Li'ipa tocomma to tołmana' aculi', aimi'iya moli—loc'olaiyacu LanDios. Cristo joupa ixcuajaipa lijuats' i'najtsepa lołjunac'. Tołta'a iloc'ai'epolhuo' LanDios. ¹⁴ Małque Cristo ipac'epa lafuleya. Itsiya illanc' ninc'ijudío jouc'a imanc' a'i cunc'ijudío ma małmana' anuli. Ailopa'a tintsi. Li'ipa tipa'a lałpa'neponga'. Ihiya hitiné aicatejmale, aqui'ic'. Licupoxi Cristo tepałts'ijnle licuerpo jilpe lancruz, ilque etelpa ile lałpa'neponga', ilonc'epa nulemma.

¹⁵ Ile lałpa'neponga' itaiqui' Moisés licuxepa. Jilpe inilijmpa anuli anuli te ts'i'ic' malihuejcoyacu LanDios. Limapa jilpe lancruz Cristo ilonc'epa limane ile lataiqui'. Itsiya aimi'iya małpa'neconayaconga'. Imanc' illanc' ał'e'eponga' to anuli cal ts'e xans. Lapi'iponga' al ts'e lałpicuejma'. Tołta'a ipac'epa lafuleya. ¹⁶ Itsiya aimal'econayacołtsi laic'. Ile lixcay lałpicuejma' Cristo ima'apa ile litine lepals'ingimpa jilpe lancruz. Ma małsinyołtsi ituca' ituca' lałpicuejma' aimi'iya małejmaleyacu LanDios. Cristo ał'e'eponga' anuli. Ma ałmana' icuerpo ilque. Tołta'a ałejmale LanDios.

¹⁷ Li'huamma Cristo uya'apa joupa ipac'epa lafuleya. I'huamma ti'ila' colšina' imanc' nołmana' aculi', jouc'a ti'ila' quiłsina' petsi xonca ahuejnca LanDios, itsiya ailopa'a tintsi. LanDios tepenufla' jahuay lan xanuc' ma' anuli. ¹⁸ Ma' ilque Cristo tiku lane ałpalaic'ole LanDios cał'Ailli', li—loc'olai'me imanc' y illanc'. Joupa lapenufpá cal Espíritu Santo. Toliya lapenufing' LanDios.

¹⁹ Itsiya aimi'iya mecui'inyacolhuo' “aine”, o “ilne ocuenaye xanuc’”. Itsiya imanc' illanc', jouc'a jahuay lałpimaye, joupa ał'e'eponga' i'huexi LanDios. Tipa'a lałpiłya' pu'hua lema'a. Ma LanDios ał'Ailli'. ²⁰ Ma to lipangopa lo'huaiyijmpa lan apóstole, lam profeta, ma' anuli olpango'me imanc'. Mał cataiqui' olapejpá.

To anuli cal cueca' capic lipo'nof'impá laital cajutł, ilque lałpic nolanc'epa lajutł aimecangeya, tołta'a lo'onłcospa Jesucristo. ²¹ Petsi lepenufpola' ilque lałPoujna Cristo, ilne ti'onłcospa to anuli al paxi cajutł tilanc'econni apic'. Iha'a lałpic' tipo'nof'inni anuli anuli pe lo'eya quipenic'. Małque Cristo, to cal Cueca' Capic, ipulaic' laital. ²² Jouc'a imanc' lepenufpolhuo' Cristo, tipo'no'innilhuo' pe lonł'eyacu canic'. Tołta'a tilanc'enni lejutł LanDios. Jilpe copa'a cal Espíritu Santo, ilque ma' anDios.

3

¹ Itsiya ca'nujuaitsi'ilhuo' ile al cueca' lipaxnepolhuo', al cueca' li'e'epolhuo' LanDios. Iya' ninPablo aitoc'i'molhuo' imanc' pe a'i cunc'ijudío. Nu'i'molhuo' naitsi cal Cristo, ilque Jesús. Ile aipenic'. Toliya itsiya ałtats'iya.

² Joupa olšina' tołta'a laipenic'. LanDios ałpaxnepa, alapi'ipa laipenic', cuya'ala' Lataiqui' ni petsi lołmana' imanc' pe a'i cunc'ijudío. ³ Olšina' ma LanDios ałmuc'ipa Lemiya Cataiqui'. Ihta'a colje'e joupa ninil'epolhuo' oque' afane' lataiqui' lonescopa ile Lataiqui' lemiya. ⁴ Mołsuef'yi ile laininil'epolhuo' ti'ila' colšina' ałınca cacueca Lemiya Cataiqui', ile lonescopa Cristo.

⁵ Luyaipa quitine lan xanuc' aquiłsina' ile lataiqui'. Itsiya LanDios joupa imuc'ipola' li'apóstole jouc'a liprofeta, ilne i'huexi. Cal Espíritu Santo ałmuc'iponga'. ⁶ Ałmuc'iponga' te ts'i'ic' lo'iyacolhuo' imanc' a'i cunc'ijudío pe noł'epá linca Lataiqui', joupa epenufpolhuo' Cristo. Imanc' illanc', LanDios limetsaiconga' inaxque'. Ałsinninga' joupa ał'iponga' to anuli al cuerpo. LanDios joupa icupa cataiqui', ałmiponga' ałtoc'i'monga' illanc' ninc'ijudío. Itsiya mał lataiqui' timilhuo' imanc', ma' anuli ałtoc'i'monga' illanc' imanc'. Ma' anuli lalapi'iyaconga'.

⁷ Iya', LanDios lapi'ipa laipenic' cuya'ala' Lataiqui' loya'apa ile al c'a lixpic'epa LanDios. Ałpaxnepa, lapi'ipa lałpicuejma'. Lałpaxnepa tołta'a aixinguf'ma acueca' icueya limane LanDios. ⁸ A'i ca'onłicoyacołxi to laipimaye, ilne jouc'a i'huexi LanDios. Ja'ni anuli ihiya

tixinyoxi aca'hua xans iya' cacua: Iya' ajna'hua capima xonca. Ma ÑanDios ałpaxnepa, lapi'ipa laipenic' ca'huał' pe lomana' lan xanuc' a'ij judío, jilpe capalaicotsi Cristo, cuya'atsi te ts'i'ic' ilque lipicuejma'. Linca juaiconapa xonca acueca' ac'a lipicuejma', ailopa'a co'onłcoya. Aimi'iya micuec'eyacu nulemma.

⁹ ÑanDios lapi'ipa laipenic' camuc'itsola' acuajmaica Lemiya Cataiqui'. Ti'ila' quilsina' lan xanuc' te ts'i'ic' menant'liya Lataiqui' lonescopa. Lipangopa lilanc'epa li'a łamats', Lemiya Cataiqui' jounpa tipa'a jilpe lipicuejma' ÑanDios. Ilque jounpa ixpic'epa lo'eya. Małque ÑanDios ilanc'epa jahuary. ¹⁰ Cacua: ÑanDios lapi'ipa laipenic'. Tołta'a tefot'łela' lixanuc'. Tixintsa lapaluc' quema'a te ts'i'ic' lipicuejma'. Ihe lan tsila' capaluc' nomana' lema'a, pe acueca' icueya liłmane, ticuxeyi jilpe, małniya itsiya tehuelonginnila' lixanuc' ÑanDios lefot'łepola'. Mehuelojnyi ti'i'ma quilsina' te ts'i'ic' litoc'ipola', lipaxnepola' ÑanDios lixanuc'. Ihe lixanuc' anuli anuli ocuena ocuena liłpicuejma' lepi'ipola' ÑanDios. Tołta'a ma quefołya timuji te ts'i'ic' al cueca' lipicuejma' ÑanDios.

¹¹ ÑanDios al cołta ixpic'epa ti'ila' quilsina' tołta'a lapaluc' quema'a, tołiya' lepi'ipa lipenic' Jesucristo, ilque ałPoujna. ¹² Cristo jounpa lapenufponga'. Tołta'a tixoqui calata aliloc'olaiyi ÑanDios. Ma mał'huaiyijnyi Cristo aimalsuelmot'łeyi, ailopa'a całpa'neyaconga'. ÑanDios lapenufinga'.

¹³ Linca acueca' ilē lataiqui' laifnuya'apa. Tołiya caxa'huelhuo', camilhuo': Aimolsuelmot'łeco'me. Aimolnes'me: "Acuanuc' Pablo, acueca' juaiconapa lotelcopa". Aimolpai'i'moltsi lołpicuejma'. Toł'nujuaisle: Ja'ni coła' iya' aicatelma, coła' ailopa'a mipaxneyacolhuo' ÑanDios.

¹⁴ Ma ca'nujuaitsilhuo' al cueca' lipaxnepolhuo' ÑanDios, iya' caxc'onłingay cał'Ailli'. ¹⁵ Fa'a li'a łamats' lanaxque' mecui'innila' quilitatá "ał'ailli'", o mecui'iyoltsi tołta'a ilhe nomana' lema'a, ¿pe qui'huayomma ilē lataiqui' o ilē lił'ejma'? ¿Te qui'ipa limetsaicopoltsi tołta'a? Tołta'a małque ÑanDios ecui'ipoxi.

¹⁶ Ilque linca ma' anDios. Aimehue'e'. Ixhueya lipicuejma', acueca' icueya li-mane. Tołiya caxahue'e titoc'itsolhuo'. Caxahue'e titoc'itsolhuo' li'Espíritu, ti'ila' acueca' lołpicuejma', jouc'a tonł'e'me al cueca'. ¹⁷ Ja'ni tołta'a lotoc'ipolhuo' itine itine toł'huaiyijm'me cal Cristo, ilque tipajm'ma łolunxajma'. Tepi'i'molhuo' cołpicuejma' toł'etsoltsi capic'a. Tifa'e'molhuo' lołpicuejma'. ¹⁸ Tołta'a aimimajaiqueyacolhuo'. Imanc' jouc'a jahuary lixanuc' ÑanDios, ilhe i'huexi ilque, ti'i'ma cołsina' nulemma te ts'i'ic' litoc'ipolhuo' ÑanDios. Ja'ni to'huał' lexpats'qui o lipitoqui li'a łamats', o taimutsi al 'ocay, o toł'ajla' al toncay, ni petsi lołtseya aimoxinya Lataiqui' xonca' acueca', ailopa'a. ¹⁹ Caxahue'e tolimetsaicole te ts'i'ic' mi'nujuaitsilhuo' Cristo. Linca, aimi'iya mołcuejyacu nulemma. Juaiconapa acueca' ti'elhuo' capic'a.

Ja'ni tołta'a lotoc'ipolhuo' ÑanDios ti'hua ti'i'ma ixhueya lołpicuejma'. Ti'i'ma to lipicuejma' ÑanDios. ²⁰ Ilque ÑanDios ti'ay al cueca'. Aimi'iya małsinyacu nulemma lo'eya. Ja'ni alsahuele o jilpe lałpicuejma' alnesle: "Aipic'a ałtoc'ila' acueca'", linca xonca acueca' ałtoc'i'monga'. Tołta'a ałtoc'inga' cal Espiritu Santo, ilque łalapenufpa.

²¹ ¡Małque ÑanDios als'najtsi'ile! Cristo timuqui te ts'i'ic' ÑanDios lipicuejma'. Ma' anuli timuji lixanuc' ÑanDios lefot'łepola'. Amats' amats' ti'i'ma tołta'a. Jouc'a Locuaicoya Quitine ti'hua ti'i'ma, aimijouya. Tołta'a ti'ila'. Amén.

4

¹ Iya', ma ca'ay lanic' lalapi'ipa łaiPoujna, ał'nołimpa. Itsiya capa'a ałtats'iya. Fa'a caxc'ai'ilhuo' lonł'eyacu. Imanc' jounpa ijoc'ipolhuo' ÑanDios, imanc' ixanuc' ilque. Camilhuo': Tołmujtsoltsi ixanuc' ÑanDios. ² Aimol'nof'e'moltsi. Aimolłalai'otł'e'me ÑanDios ni mołłalai'ot'łe'mola' lan xanuc'. Tołsnet'He lo'e'epolhuo'. Amolixtuc'o'moltsi, toł'etsoltsi capic'a. ³ Cal Espiritu Santo jounpa i'e'epolhuo' anuli. Tołpo'nołe lołpicuejma' ti'hua toł'e'moltsi tołta'a. Ja'ni aimol'fuleyi linca tołuyalaico'me anuli lołpicuejma'.

⁴ Illanc' petsi na'huaiyijmpá Cristo al'oncosponga' to licuerpo. Itque licuerpo anuli le'a. Anuli cal Espíritu mipa'a jilpe, itque cal Espíritu Santo.

ŁanDios ałjoc'iponga' al'huaicole ite lalapi'iyaconga'. Ma' anuli lapi'itonga' jahuay illanc'.
⁵ Anuli łatPoujna, ma' anuli lataiqui' la'huaiyijmpa, anuli lalapocopa. ⁶ Anuli łalanDios, itque it'Ailli' jahuay. Itque xonca cal Cueca', jahuay tixhuai'niyi lixpicepa, jahuay illanc' ałmana' pe lipanga.

⁷ Łınca tama jahuay illanc' ałmana' pe lipanga ŁanDios a'ij nuli ite łatpaxneponga'. Ituca' ituca' łatpaxneponga' Cristo. Itque tixpíqui. Anuli anuli lapi'iponga' łatpenic'. ⁸ Tołta'a loya'apa ŁanDios jilpe al Paxi Linihingiya, ticua:

If'ajnapa lema'a, mif'aquinghua ilecopola' lixanuc', itne li'ipa litats'ila' joupa ux'masquem'mola'.

Lijou'ma ica'ne'mola' lixanuc' lapi'iyacola', tepenufle.

⁹ Joupa ałcuapá: "If'ajnapa". Ai'a tif'aj'ma imumma, imuyomma jilpe al 'ocay li'a łamats'. Lijou'ma if'ajna'ma, icuaita pe lopa'a al te'a. ¹⁰ Itque nimumma, nif'ajnapa ma' anuli itque. If'ajnapa lema'a xonca al toncay. Tołta'a aimi'iya minesquinyacu: "Fa'a ailopa'a". Ni petsi, ja'ni lema'a, ja'ni li'a łamats', itque tipa'a, ticuxe.

¹¹ Lijoupa lif'ajnapa al toncay lema'a, Cristo epi'ipola' lixanuc' ituca' ituca' liłpenic'. Tołta'a timana' lan apóstole, timana' lam profeta, timana' lan evangelista, itne noya'apá Lataiqui', timana' lam pastor, itne no'epá cuenna liłpimaye, timana' lomxiye, itne tuhuayı Lataiqui', timuc'iyaleyi.

Jahuay itniya Cristo epi'icopola' lixanuc', titoc'itsola' itne lefot'łepola' ŁanDios. ¹² Itne no'epá lanic' ti'hua titoc'innila' liłpimaye, tifa'ennila' liłpicuejma'. Tijoułta' jahuay lapi-maye, itne i'huexi ŁanDios, ti'i'ma pangay c'a liłpicuejma', aimehue'eyacola'. ¹³ Tołta'a jahuay illanc' na'huaiyijmpá Lataiqui', ałcuc'e'me nulemma loya'apa ite Lataiqui', limet-saico'me nulemma te ts'i'ic' lipicuejma' hi'Hua ŁanDios. Tijoułta' ałnesco'mołtsi: "Joupa ałtojpá". Ite litine liłpicuejma' ti'i'ma pangay c'a, joupa ilajmpa. Cristo mane ac'a lipicuejma', aimehue'e'. Jouc'a aimalahue'eyaconga'. ¹⁴ ŁanDios joupa lapi'iponga' itne lałtoc'iponga', ałmuc'itsonga' lihuejle. ŁanDios aimicua maluyalaicoyacu mał'onłcoyaconga' to la'uhuy, itne liłpicuejma' tife'ne'mola' ni cua tintsí cataiqui'. Aimicua małfel'miyaconga' lan xanuc' petsi acueca' quixcay liłpicuejma'. Itmafi' itniya, itšina' lo'eyacu tifel'miyale'me. Itne joupa imenajpola'. Tihuejyi ituca' cataiqui'. ¹⁵ ŁanDios xonca ipic'a lihuejle al Łınca Cataiqui'. Ma'ela' capic'a liłpimaye, ma' ite Lataiqui' luya'a'me. Tołta'a ti'hua tilajm'ma liłpicuejma', ti'i'ma pangay c'a, ti'onłcota to Cristo lipicuejma'. Itque ałjuac, illanc' icuerpo.

¹⁶ Cristo łajjuac ałtoc'enga' illanc' icuerpo. Anuli al cuerpo axpe' mipa'a. Itne aimitoqui anuli anuli. Jahuay itniya titojyola' pe lomana'. Litornillo lajontłopola' jahuay. Tołta'a tites'miyołtsi, titoc'iyołtsi. Itniya ał'onsonga' illanc' icuerpo Cristo. Mał'eyołtsi capic'a ałtoc'iyołtsi, ałfa'e'mołtsi liłpicuejma'.

¹⁷ Joupa aixc'ai'ipolhuo', aimipolhuo': "Tołmujtsołtsi ixanuc' ŁanDios". Illanc' ninc'apimaye, ma' anuli łatPoujna. Tołiya caxc'ai'icona'molhuo', camilhuo': Ma mon-luyalaicoyi lapajnya aimoł'e'me to mi'eyi itne petsi aimimetsaicoyi ŁanDios, itne naihuejpa latentłocopola' quilituca'. Aimihuejyi latentłocopa ŁanDios. ¹⁸ I'ipa muf liłpicuejma'. Aimicuec'eyi, tołta'a enaj'mołtsi ŁanDios. Joupa ejac'epołtsi. Liłpicuejma' i'ipa to łapic.
¹⁹ Aimi'iya mixinyacu calaic'ata. Icupołtsi ti'ete al xujc'a, ti'ete nixpiya. Aimicuayi: "Aimał'econa'me tołta'a". Ma ti'hua tehueyi xonca nixpiya lo'eyacu.

²⁰ Ai' tołta'a lipalaic'ocompolhuo' Cristo. Ai' tołta'a lipicuejma' itque. ²¹ ¿Te aicołcueca litaiqui'? O ¿aiquepenufilhuo' itque? Małmuc'ilhuo', małpalaicoyi itque Cristo, ¿te aicalnesqui al linca? ²² Ai'a ti'i'ma al ts'e lołpitine tolihuejcoyi coltuca' lołpicuejma'. Jilniya łitiné ti'hua tołajac'eyołtsi, ti'hua tołfel'miyołtsi, tołjanajyi tonł'ete nixpiya. Tołta'a tolihuejyi. Joupa lu'ipolhuo': "Itne lonł'epa li'ipa, tołpo'nołe nulemma". ²³ Itsiya tipa'a al ts'e lołpitine. Cal Espíritu Santo tipa'a jilpe lołpicuejma'. Itine itine tołapenufle colpujfxi lapi'ipolhuo'

ihque. ²⁴ Tołspic'ete nulemma tolihuejcołe al ts'e lołpicuejma'. Ihe to lipicuejma' ŁanDios tixpic'e ma le'a al c'a, tihuejco'ma ma le'a ŁanDios, ihque cal Paxi. Tołta'a ate'a ilanc'empa lipicuejma' cal xans. Ihque lipicuejma' mane ac'a. Ti'onłcospa to lipicuejma' ŁanDios, ihque aimifel'miyale.

²⁵ Joupa ołspic'epá aimołfel'miyaleconayacu. Ne'. Mołpalaic'oyołtsi tołnesle ma le'a al linca. Anuli anuli tipalaic'ola' tołta'a lipima. Aimołfel'miconayacołtsi. ŁanDios joupa lafot'leponga' to anuli al cuerpo. Illanc' ninc'apimaye. ²⁶ Ja'ni ołixtulepá aimi'hua molixtule'me. Ai'a tipo'nof'caita cal 'ora tołpac'ete lołpoyac'. Ja'ni a'i ŁanDios aimetenłcocoya ihe lonł'epa, tixim'ma a'ijc'a. ²⁷ Ja'ni ti'hua molixtuleyi ma le'a tołapi'iyi lane łonta'a Satanás.

²⁸ Łapima pe joupa ihuiyipa, ti'hua tinantse, aiminantsecona'ma. Ituca' tixhuico'mola' limane', ti'etsi al c'a lanic'. Tołta'a ti'i'ma ti'huej'ma. Ti'i'ma tepi'i'ma petsi aiqiu'hueca.

²⁹ Aimołnes'me camac'ta cataiqui', ni anuli. Tołspic'ete al c'a lołnesyacu. Tołmi'mołtsi: “¿Te cahue'epola' laipimaye?” Lijou'ma tołnesle lataiqui' lofa'eyacola' liłpicuejma'. Xonca ticuec'e'me. Jouc'a ŁanDios tetenłcoco'ma lołnespa. Titoc'i'mola', tipaxne'mola' no-quimf'epolhuo'. ³⁰ Ja'ni tołnesle camac'ta cataiqui' tołhuosmi'me cal Espíritu Santo, ihque lipaxi Espíritu ŁanDios. Aimonł'e'me tołta'a. Imanc' joupa olapenufpá cal Espíritu. ŁanDios imuc'ipolhuo' imanc' ałınca ixanuc'. Tocomma ipo'ninc'e'epolhuo' hisello, ihque ołPoujna. Ticuaitsi al Cueca' Quitine tepenuftolhuo' nulemma, tunłu'etolhuo'.

³¹ Ja'ni tipa'a al cuaj jilpe lołpicuejma' tołipa'ate. Aimolixtuc'ocona'mołtsi. Aimoł'nujuaiscona'me ihe li'ipa lolixtulepa. Aimołjaic'o'mołtsi. Aimołnesco'mołtsi a'ijc'a. Tołspic'ete nulemma aimoł'econa'me tołta'a. Jouc'a jilpe lołpicuejma' aimolatets'icona'mołtsi. ³² Tołpalaic'otsołtsi al c'a, tołtoc'itsołtsi, tołimenc'e'ecotsołtsi. Imanc' lepenufpolhuo' Cristo, ŁanDios joupa imenc'e'ecopolhuo' lonł'epa. Tołta'a imanc' tołimenc'e'ecotsołtsi lonł'e'epołtsi.

5

¹ Camilhuo': Ti'itsolhuo' loł'ejma' to li'ejma' ŁanDios. Tołmujtsołtsi to caiquinaxque' ihque. ² Itine itine toł'nujuaitsołtsi ma to Cristo li'nujuaispolhuo'. Ihque icupoxi tima'anle i'najtsepa lajunac'. Ihque litsufcopoxi etenłcocopa ŁanDios. Tołiya limenc'e'ecoponga' lał'epa.

³ Imanc' joupa i'huexi ŁanDios, tołmujtsołtsi tołta'a. Aimolahue'mola' cacal'no'. Aimonł'e'me nixpiya. Ni monł'e'me to lo'epa ihniya petsi ti'hua tijanajyi. Aiminesyi: “Aimal'econa'me tołta'a”. Ma ti'hua tehueyi xonca nixpiya lo'eyacu. Imanc' ni mołpalaico'mola' ihniya lo'epa. ⁴ Aimonł'e'me ni mołnes'me al xujc'a. Aimolilotsoco'mołtsi. Aimołpalaic'oco'mołtsi lołpemac'ta. Iha'a aimetenłma. Xonca ticuicomma tołs'najtsi'ile ŁanDios. ⁵ Ihe petsi nahuepá cacal'no', jouc'a petsi axujc'a liłpicuejma', jouc'a petsi ti'hua tijanajyi xonca, małniya ti'onłcospola' to naxc'onłingotaipá lilendiosla', imanc' joupa ołsina' lo'iyacola'. Nij naitsi ihniya notsufaiya pe locuxeyopa Cristo, jilpe locuxeyopa ŁanDios.

⁶ Lan xanuc' no'epá tołta'a tepi'iyi coyac' ŁanDios. Ihque titeł'mila' ihe lincuejlocale. Imanc' aimołfel'mi'mołtsi. Aimołquimf'e'mola' nocuapá: “Ailopa'a tintsí. Tonł'ete ma ts'ołpic'a.” Ihe mane tipalołaiyi. A'ij linca lonespa. ⁷ Joupa aimipolhuo': Ihe lixcay xanuc' tepi'iyi coyac' ŁanDios. Imanc' aimonł'e'me tołta'a.

⁸ Li'ipa, imanc' lołpicuejma' mane amuf. Ti'onłcospolhuo' to lipuqui'. Itsiya a'i. ŁałPoujna joupa epenufpolhuo', epalc'o'ipolhuo'. Moluyalaicoyi lapajnya tołapalc'o'itsola' locuenaye. ⁹ Pesti ŁanDios joupa epalc'o'ipola' liłpicuejma', ihe timuj'mołtsi pangay c'a xanuc'. Ti'eyi ma le'a al hijca, tihuejyi al linca. ¹⁰ Imanc' tolahuełe latentłcocoya ŁanDios, mał tonł'ete. ¹¹ Ihe petsi amuf liłpicuejma', lo'epa ihniya ailopa'a al c'a caipammaispa. To ihniya aimonł'e'me. Tolanaj'mołtsi. Xonca tołtale'mola', tołmujle a'ijc'a lo'epa. ¹² Ihniya juaiconapa axujc'a ihe lo'epa lemiya, ni aimi'iya małnescoyacu.

13 Ja'ni lepalc'o' tepalc'o'ila' lemiya, ihe ti'huájta, timuj'moxi te ts'i'ic' mipa'a. Tołta'a lo'iya ja'ni atale'mola' ihe no'epá al xujc'a. Ihe lixcay timuj'moxi te ts'i'ic' mipa'a. 14 Mane lepalc'o' tepalc'o'i'ma lemiya. Tołiya al Paxi Linilingiya tuya'e':

Aimi'hua moxmai'ma, tomaf'ila'.

Totsahuenni, taipanni, topo'notsola' lof'as xanuc', ihe no'onłcospola' to limanapola'.

Tijouła' Cristo tepalc'o'i'mo'.

15 Tołpo'nołe cuenna, moluyalaicoyi lapajnya tolihuejle al c'a. Joupa epi'impolhuo' lołpicuejma', aimoł'e'mołtsi to lan mac'ta. 16 Iha'a litiné ipime. Ja'ni ti'i'ma tonł'e'me al c'a, ne' tonł'ełe. Aimoł'huaico'me. 17 Aimonł'e'mołtsi to lan tonno. Ti'ila' cołsina' te ts'ipic'a lałPoujna. Tołta'a tonł'e'me.

18 Aimołsnatsai'me vino. Ja'ni tołsnatsaiyi timeyoj'molhuo'. Tijouła' tonł'e'me nix-piya. Xonca tołapi'ile lane cal Espíritu Santo ti'hua micuxelhuo' lołpicuejma'. 19 Tołta'a tołpalaic'o'mołtsi al c'a. Tołnes'me lan salmo, lan himno, lan alabanza. Jiłpe tołunxajma' tołunac'me, tołunac'co'me lałPoujna. 20 Itine itine moł'huaiyijnyi Jesucristo lałPoujna, ma mołnesyi ilque lipuftine, tołs'najtsi'ile LanDios, ilque oł'Ailli'. Ja'ni ac'a lo'ipolhuo', ja'ni a'ijc'a, ma' anuli tołs'najtsi'ile.

21 Imanc' tołcuc'eyi Cristo. Jouc'a tołcuc'etsołtsi. 22 Imanc' unc'apenoye, anuli anuli tolihuejcołe lołpe'ailli'. Tołta'a tolihuejco'me lałPoujna. 23 Łaca'no' lipe'ailli' tocomma to ijuac. Tołta'a cal xans ti'onłcospa to Cristo. Illanc' nalafot'leponga' LanDios, Cristo aljuac. Iłque alunł'eponga' illanc' icuerpo. 24 Tołiya lihuejcoyi, alcuxenga'. Ma' anuli lałpimaye cacal'no', ticuicomma anuli anuli tihuejcoła' lipe'ailli'.

25 Illanc' nalafot'leponga' LanDios, Cristo ał'eponga' capic'a. Ma' anuli imanc' cunc'ape'ailli', tonł'etsola' capic'a lołpenoye. Cristo mał'enga' capic'a icupoxi tima'anłe, i'najtsepa lałjunac'. 26 Ipic'a ał'e'etsonga' ma' i'huexi LanDios. Tołta'a latufc'eponga' lałpicuejma' ihe litine lalapo'icomponga' aja' mał'eyi linca litaiqui' LanDios. 27 Tołta'a ałanc'e'enga' lałpicuejma'. Ti'ila' pangay c'a. Ma to anuli cal xans tixoj'ma queta tepenuf'ma quipeno mipa'a ac'a lipicuejma', tołta'a lapenuftonga' Cristo, illanc' nalafot'leponga' LanDios.

Anuli cal ts'e cahuats', licuerpo jouc'a lipicuejma' ailopa'a qui'ic', aimi'iya minesconyacu. Tołta'a ał'onłcotonga', lapenuftonga'.

28 Imanc' cunc'ape'ailli', ma to tołsinyi acuanuc' lołcuerpo, ma tołta'a tonł'etsola' capic'a lołpenoye. Tołsintola' acuanuc'la. Cal xans noximpa acuanuc'hipeno, ma' anuli tixinyoxi acuanuc'. 29 Anuli cal xans, łte ja'ni ti'e'maj laic' licuerpo? A'i. Aimi'iya. Ałtes'miyi lałcuerpo, ał'eyi cuenna. Ma tołta'a ał'enga' cuenna Cristo, illanc' nalafot'leponga' LanDios.

30 Illanc' icuerpo Cristo. Ał'onłcosponga' to limane', li'mitsi', y tołjua mipa'a lałcuerpo. Anuli lałpixic', lałpecał. 31 Tołiya al Paxi Linilingiya tuya'e':

Cal xans tipo'no'mola' quituca' qui'ailli' qui'máma', tejonłi'mołtsi anuli hipeno.

Ihe loquexi' ti'i'mola' ma' anuli, anuli al cuerpo.

32 Ałinca acueca' ipime ihe lataiqui'. A'i ma le'a anuli loya'apa. Ihe lataiqui' ałnesconga' illanc' petsi nalafot'leponga' LanDios, illanc' icuerpo Cristo.

33 Linca ilta'a laifxc'ai'ipolhuo' a'i quipime cataiqui'. Camilhuo': Imanc' jouc'a, anuli anuli, tonł'etsola' capic'a lołpenoye. Ma to tonł'eyołtsi cuenna imanc' cołtuca', ma tołta'a tonł'etsola' cuenna iłniya. Imanc' cunc'apenoye, tolihuejcotsola' lołpe'ailli'.

6

1 Imanc' unc'a'uhuyay, tołcuc'etsola' loł'ailli'. Ihe ac'a cataiqui'. Ma moł'huaiyijnyi lałPoujna ipic'a tonł'ełe tołta'a. 2-3 LanDios ticuxe: "Taihuejco'mola' co'ailli', co'máma'. Totoc'i'mola'." Jouc'a icupa cataiqui' ticua: "Ja'ni to'ela' tołta'a toyaico'ma al c'a. Ticoł'mo' axpe' camats' topajm'ma fa'a li'a łamats'." Ai'a tines'ma tołta'a LanDios ailopa'a quicuapa: "Ja'ni to'ela' ihe laifcuxe'epo' toyaico'ma al c'a". Ihe lataiqui' al te'a loya'apa tołta'a.

⁴ Imanc' unc'a'aillí aimolapi'i'mola' coyac' loñaxque'. Toł'etsola' cuenna, tołsc'ai'itsola', tolu'itsola' te ts'i'ic' al c'a lo'eyacu. Ja'ni a'ijc'a lo'epa, tołtaletsola'. Tołmi'mołtsi: “ŁałPoujna, ¿te co'eya? O ¿te conesya iłque?” Tołta'a tonł'e'me.

⁵ Imanc' cunc'imozó, tolihuejcsotsola' lołpoujnalá. Tama iłne oł'as xanuc' aimoł'nof'e'mołtsi. Tolahue'me latenłcoyacola'. Aimołfel'mi'mola', tołcuc'etsola'. Ma to mołcuc'eyi Cristo, ma tołta'a tołcuc'e'mola' iłniya lołpoujnalá. Tołmi'mołtsi: “Ma cacuec'e iłque łaipoujna tocomma to cacuec'e Cristo”.

⁶⁻⁷ Tama tipa'a lołpoujnalá fa'a li'a łamats' imanc' imozó Cristo, tonł'eyi loxpicepa ŁanDios. Tołiya aimoł'onłico'mołtsi to iłniya lo'eyacu canic' ma le'a mehuelongila' iłpoujna. Iłne tifellaiqueyi, aimi'eyi latenłcocopa iłpoujna. Imanc' jahuay łolunxajma' tixojla' cunlata tonł'e'le canic', tonł'e'le latenłcocoya łalPoujna. ⁸ Imanc' joupá ołsina' lo'iya. Petsi no'epá al c'a, ja'ni amozó o ja'ni apoujnalá, małe al c'a, acueca' o ahuata, tepi'icona'mola' łalPoujna.

⁹ Joupá aixc'ai'ipola' lam mozó, ti'ila' lił'ejma' to lo'iya lił'ejma' lan c'a mozó. Ma' anuli laifxc'ai'ipolhuo' imanc' unc'apoujnalá. Camilhuo': Ti'ila' loł'ejma' to lo'iya lił'ejma' lan c'a capoujnalá. Aimołjaic'ocona'mola', tołsnet'He. Toł'nujuaitsa lołPoujna, iłque Nopa'a jilpe lema'a. Iłque ołPoujna imanc' jouc'a iłniya. Tixinnilhuo' jahuay anuli, ja'ni amozó ja'ni apoujnalá.

¹⁰ Jahuay imanc' camilhuo': Tipangoła' itsiya aimitafqueconayacolhuo'. Joupá epen-ufpolhuo' łalPoujna, acueca' icueya limane iłque, acueca' lo'epa. ¹¹ Toł'onłicotsoltsi to lan soldado, iłne lisoldado ŁanDios. Tołpo'notsoltsi lołpa'necoyacoltsi, iłe lapi'ipolhuo' ŁanDios. Tołta'a tołcuanajco'mołtsi, łonta'a Satanás aimi'iya mulijyacolhuo'. Tama juaiconapa a'ijc'a lipicuejma', tama tehuay te co'e'eyacolhuo', aimi'iya mi'eyacolhuo'.

¹² Jilpe lema'a, xonca al 'ocay, timana' lixcay contahue. Iłne icueya liłmane, ticuxeyi. Ticuxennila' lan tsila' quincuxepa nomana' fa'a li'a łamats', iłne lincuxepá petsi amuf liłpicuejma'. Ał'onłiyoltsi cafxi łontahue, a'i łal'as xanuc'. ¹³ Tołiya camilhuo': Tolapenufle jahuay lapi'ipolhuo' ŁanDios, tołpo'no'itsoltsi. Ticuaitsi litine xonca ipime tołcuanajco'mołtsi. Aimulijconayacolhuo'. Tijoułá' lafuleya ti'hua tołcuanajco'mołtsi.

¹⁴ Camilhuo': Ate'a tołpo'no'itsoltsi jahuay lapi'ipolhuo' ŁanDios. Tolacaxołaiłe, tołcuanajcotsoltsi. Tołpo'no'itsoltsi jahuay iłna'a laicuicomma cal soldado. Iłque ipic'a tifi'ecoxoxi. Iłe lohuocopoxi tepi'i lipujfxi. Imanc' lołnespa al łınca ti'onłcospa to lołhuocoyoltsi, lapi'ipolhuo' lołpujfxi.

Jouc'a tipa'a licoraza. Ma' anuli imanc' tipa'a lołcoraza. Iłe al łijca lonł'epa, tipa'ne łolunxajma'.

¹⁵ Tipa'a li'ejí, ti'huałá' o tecaxla' al c'a. Aimixcaiya, aimipaif'quiya. Jouc'a imanc' tocomma to tipa'a al c'a loł'ejí. Imanc' Lataiqui' lolapenufpa, iłe tuya'e': “Aimołsueł'mecona'me. ŁanDios aimixtuc'oconayacolhuo'.” Iłe Lataiqui' joupá ifa'epolhuo' lołpicuejma'. Łonta'a Satanás aimipaif'eyacolhuo'.

¹⁶ Jahuay iłna'a cal soldado tixhuico'ma. Jouc'a ticuicomma ti'nołła' li'escudo, tipa'neco'moxi al c'a. Imanc' iłe loł'huauijyma Jesucristo ti'onłcospa to coł'escudo. Teca'nitsola' łepoł' lonajpola' lixcay conta'a Satanás, iłe loł'escudo tipic'e'mola'. Tijoułá' ailopa'a co'eyacolhuo'.

¹⁷ Jouc'a tipa'a licasco, lopa'necopa łijuac. Imanc' moł'nujuaisyi tunł'u'e'molhuo' Cristo tocomma to tipa'a lołcasco.

Jouc'a tipa'a loł'espada. Iłe Litaiqui' ŁanDios, loxhuicopa cal Espíritu Santo.

¹⁸ Camilhuo': Tołta'a tolacaxołaiłe, tołcuanajcotsoltsi, ti'hua tołpalaic'ole ŁanDios. Ti'hua tołsa'huełe titoc'itsolhuo'. Ja'ni tolyalaicoyi al c'a o a'ijc'a loluyalaicopa, tołpalaic'ole ŁanDios. Tołmiłe lomipolhuo' cal Espíritu Santo. Tołpo'nołe cuenna. Aimixojtolhuo', ti'hua tołpalaic'ole ŁanDios. Tołsahue'e'le titoc'itsola' jahuay lołpimaye, iłne jouc'a i'huexi ŁanDios.

¹⁹ Mołsa'hueyi tołta'a, tołsa'huełe ŁanDios altoł'ila' iya'. Lapi'ila' laifnesya. Tołta'a ma cuya'e' aimalahue'eya lataiqui'. Tixoj'ma neta cuhuałna'ma Lataiqui'. Lan xanuc' ti'ila'

quiſina' te ts'i'ic' loya'apa iſe lemiya jilpe Lataiqui'. ²⁰ Iya' epaluc Jesucristo. Alummepa cuya'ala' iſe lataiqui'. Petsi aiqutenſcocola' iſe laifnuya'apa altats'ecopa. Toliya aſſi'ecompa atejma'. Cacia: Toſahue'eſe LanDios lapi'ila' laifneſya. Toſta'a aicaxinya calaic'ata. Ma to ts'ipic'a LanDios, toſta'a capalaila'.

²¹ Cacia: Ti'ila' coſina' jouc'a te ts'i'ic' iya' laifnuyaicopa fa'a. Toliya ti'hua'ma Tiquico. Iſque lacaipima, ac'a ti'ay lanic' lepi'ipa laſPoujna, tu'itolhuo' jahuay laſ'ipa. ²² Cumme'ma tu'itsolhuo' te ts'i'ic' maſmana'. Tixpai'itsolhuo' cunlata.

²³ LanDios caſ'Ailli', jouc'a laſPoujna Jesucristo tipac'e'etsola' liſpicuejma' lapimaye no-mana' jilpiya. Titoc'itsola' ti'entſoſſi capic'a, ti'hua ti'huaiyijnle. ²⁴ Iſne petsi aimi-pai'yoſſi, ti'hua ti'eyi capic'a laſPoujna Jesucristo, LanDios tipaxnetsola', titoc'itsola' jahuay iſniya.

LIJE'E SAN PABLO LINIĒ'EPOLA' LAPIMAYE LEFOT'LEPOĒTSI LIĒYA' FILIPOS

¹ Illanc', iya' ninPablo y Timoteo, aġ'eyi lipenic' ħaġPoujna Jesucristo. Itsiya lliniġ'elhuo' imanc' unc'aġpimaye noġmana' liġya' Filipos. Imanc' i'huexi Jesucristo. Ma' anuli lliniġ'ela' loġpimaye noxpipá lataiqui' ġiġpiya, jouc'a lapimaye notoc'impola'.

² ĒanDios caġ'Ailli', y Jesucristo ħaġPoujna, tipaxnetsolhuo', tipac'e'etsolhuo' loġpicuejma'.

³ Ma ca'nujuaitsilhuo' iya' ninPablo cax'najtsi'i ĒanDios. ⁴ Ma capalaic'o ĒanDios aicainimenc'ecolhuo'. Tixoqui neta ti'hua caxahue'e titoc'itsolhuo'. ⁵ Tixoqui neta ca'nujuaitsilhuo' imanc'. Ma colihuejyi Lataiqui' loya'apa loxpac'epa ĒanDios toġejmaleyi al c'a. Toġta'a ipangopa lon'epa maġe litine lolapenufpa Lataiqui'. Itsiya ma' anuli tonġ'eyi. ⁶ ĒanDios jounpa ipangopa tilanc'e'elhuo' imanc' loġpicuejma', ti'ila' ac'a. Iya' ca'huaiyinge iġque. Cacua: Ma ti'hua tilanc'e'elhuo' loġpicuejma'. Ticuaiconanni Jesucristo, iġe al Cueca' Quitine, ti'huáġta jounpa i'ipa nulemma ac'a loġpicuejma'. ⁷ Aixina' aġinca titoc'i'molhuo' toġta'a ĒanDios. Aicafel'miyoxi. Itine itine ca'nujuaitsilhuo'. To-comma aġmana' anuli. Tama aġtats'iya ĒanDios aġtoc'i, aġtoc'i ma catalai'ejma Lataiqui', camuqui ma' al linca iġe Lataiqui'. Aġtoc'inga' anuli, iya' imanc'. ⁸ ĒanDios ixina' te ts'i'ic' laipicuejma'. Ixina' ca'nujuaitsilhuo' juaiconapa. Ma to Jesucristo ti'elhuo' capic'a, ma toġta'a iya' ca'elhuo' capic'a. ⁹ Ma capalaic'o ĒanDios caxahue'e titoc'itsolhuo', itine itine ti'etsoġtsi capic'a xonca, ti'ila' xonca acueca' loġpicuejma', xonca toġcuc'eġe. ¹⁰ Toġta'a aimolapenufyacu jahuay ma' anuli. Ti'i'ma coġsina' petsi al c'a petsi a'ijc'a. Ja'ni toġta'a titoc'i'molhuo' ĒanDios a'i ma le'a monġ'e'eyacoġtsi, aġinca tonġ'e'me pangay al c'a. Aimi'iya mitac'uinyacolhuo' cajunac'. Toġta'a tixim'molhuo' litine ticuaicohuananni Jesucristo. ¹¹ ġiġpe litine toġmuj'moġtsi ac'a loġpicuejma' lilanc'enapa Jesucristo. Toġmuj'moġtsi juaiconapa ac'a lonġ'epa moġmana' fa'a li'a ġamats'. Tixinim'me juaiconapa ac'a ĒanDios, tix'najtsi'i'me.

¹² Cunc'aipimaye, aipic'a ti'ila' coġsina' te ts'i'ic' li'ipa fa'a. Ma cateġma ipammaita al c'a. Xonca axpela' lan xanuc' icuejpá Lataiqui'. ¹³ ġifa'a jahuay lisoldado cal cuecaġ quincuxepa, jouc'a locuenaye xanuc', iġsina' te calfi'ecompa iġe cadena catejma'. Iġsina' iya' cuya'e' litaiqui' Jesucristo. ¹⁴ Jouc'a lapimaye nomana' fa'a liġya', iġne no'huaiyijmpá ħaġPoujna, laġsimpa iya' aġfi'ecompa acadena catejma', xonca axpela' iġniya ipo'no'me liġpicuejma', tuya'ayi Lataiqui'. Aiquiġsina' caxpaiqui'.

¹⁵ Linca tiġmana' nalixtuc'opa tuya'ayi Lataiqui'. Iġniya mane aġ'e'e laic'. Iġpic'a lulijla'. Locuenaye a'i toġta'a liġ'ejma'. Iġne tehueyi latentococopa. Iġpic'a aġtoc'ila'. ¹⁶ Iġne aġ'ay capic'a. Iġsina' ma ĒanDios lapi'ipa laimane cuya'aġa' Lataiqui'. Limetsaijma toġta'a laipenic'. ¹⁷ Lalixtuc'opa ituca' iġne liġ'ejma'. Iġpic'a ti'e'etsoġtsi to xonca lan tsila'. Iġne a'ij nuli liġpicuejma'. Aimi'eyi ma le'a lipenic' ĒanDios. Aġsimpa aġfi'ecompa acadena catejma', tehueyi te co'iya mi'eyacu ti'ila' xonca acueca' laifteġcoya.

¹⁸ Itsiya, ġte caifcuaya? Ja'ni ma le'a ti'e'eyoġtsi o ja'ni ma ti'eyi lipenic' ĒanDios, jahuay iġniya tipalaicoyi Cristo. Toġiya iya' tixoqui neta. Linca aicaxhueġmot'leconaya iya'. ¹⁹ Imanc' toġsahue'eyi ĒanDios aġtoc'ila', toġiya itine itine caxingufi li'Espíritu Jesucristo, lapi'i caipujfxi. Toġiya aixina' ĒanDios aġpaxne'ma, aluntu'e'ma. Tama ti'i'ma laġ'e'enya ailopa'a caġ'iya. ²⁰ Ma capa'a fa'a li'a ġamats' aipic'a camuj'ma acuajmaica te ts'i'ic' lipicuejma' Cristo. Cacua: Lahuelojnla' iya' lai'ejma', timetsaicote naitsi iġque Cristo. Linca, toġta'a li'ipa. Cacua: Ti'hua ti'ila'. Ca'huaiyinge ĒanDios, aixina' ti'i'ma toġta'a. Ja'ni ti'hua capajnla' o aġma'anġa', ma' anuli camuj'ma te ts'i'ic' Cristo lipicuejma'. Toġta'a aicataiya calaic'ata. ²¹ Ma caimaf'i' fa'a li'a ġamats' ma le'a Cristo aġcuxe laipepajnya. Ja'ni aġmaġa', xonca al c'a cuyaico'ma.

²² Linca, ja'ni ti'hua capa'a fa'a li'a lamats' ca'e'ma al c'a xonca. Itsiya, ¿te caifcuaya?
²³ Caxhuełma, oque' laipicuejma'. Aipic'a ca'huanła', capajn-nata pe lopa'a Cristo. Jilpe cuyaicota xonca al c'a. ²⁴ Tama tołta'a laipic'a, aixina' xonca ticuicomma capajnla' fa'a li'a lamats'. Ma capa'a ti'i'ma catoc'i'molhuo' xonca imanc'. ²⁵ Ne', aixina' tołta'a ticuicomma. Toliya cacua: Capanenni fa'a li'a lamats'. Ti'hua ał'e'me canic' anuli. Tołta'a xonca tixoj'ma cunlata molihuejyi Lataiqui', xonca tołcuc'e'me. ²⁶ Juaiconapa tixoj'ma cunlata lapenufta cacuaicontsi pe lołmana' imanc'. Tołs'najtsi'i'me Jesucristo.

²⁷ Ma capa'a fa'a ma le'a anuli lataiqui' caxc'ai'i'molhuo', camilhuo': Ti'ila' al c'a loł'ejma'. Toł'nujuaisle tolihuejyi Lataiqui', ile itaiqui' Jesucristo. Tijouła', ja'ni cacuaicontsi cahuejnconatsolhuo' jilpe, o ja'ni ti'hua fa'a caifpa'a, ti'i'ma caixina' imanc' aicołpai'i lołpicuejma', cal Espíritu Santo i'epolhuo' anuli, ma' anuli lołpicuejma'. Ti'i'ma caixina' tipa'a lołpujfxi, tołpa'necoyi Lataiqui', ile lataiqui' loł'huaiyijmpa. ²⁸ Ja'ni tołta'a lonł'epa, ilne no'epolhuo' laic' aimi'iya mixpaic'eyacolhuo'. Ma mi'elhuo' laic' LanDios timuqui te ts'i'ic' lo'iyacola' ilne. Jouc'a timuc'ilhuo' imanc' te lo'iyacolhuo'. Ihiya tecani'em'mola'. Imanc' tuntu'em'molhuo'.

²⁹ Ałınca LanDios ipaxnepolhuo'. Tołta'a a'i ma le'a toł'huaiyijnyi Cristo, jouc'a tołtełcoyi ma colihuequi ilque. Tołta'a tołsinyi ałınca tuntu'e'molhuo'. ³⁰ Imanc' iya' ałtełcoyi. Capa'a jilpe ałsimpa laiftełcopa. Itsiya tama aimalsina tołcuejyi ma ti'hua catełma.

2

¹ Cristo joupa lapenufponga', toliya ałsc'ai'inga', alixpi'inga' calata mał'enga' capic'a. Cal Espíritu Santo ał'eponga' anuli lałpicuejma', ał'nujuaitsila' lałpimaye, ałsinnila' acuanuc'la. ² Itsiya camilhuo': Ja'ni tołta'a lołpicuejma', imanc' aimolixtuc'o'mołtsi, toł'etsołtsi capic'a, ti'itsolhuo' anuli lołpicuejma'. Iya' toliya lixoc'i'ma neta nulemma. ³ Aimołspic'e'me monł'e'me to lołpic'a. Aimołcua'me: "Ałsintł'a iya' xonca ninc'a xans". Toł'oc'e'mołtsi. Xonca tołcua'me: "Iya' ninaitsi, ilque laipima xonca ac'a xans".

⁴ Tolahuełe te co'iya mołtoc'iyacołtsi. Aimołcua'me: "¿Te co'iya catoc'iyacoxi iya' caituca?" ⁵ Imanc' lołpicuejma' ti'ila' to lipicuejma' Jesucristo. ⁶ Ai'a tipango'ma li'a lamats', ma tipa'a Cristo. Ilque i'Hua LanDios. LanDios qui'Ailli' ma' anuli liłsans. Ilque Cristo aiquinesqui: "Iya' ma NanDios. Małpe capanehuo." ⁷ A'i tołta'a licuapa. Ilque i'oc'e'moxi, ipai'i'moxi lixans. I'e'e'moxi imozo LanDios, i'onłico'moxi to illanc' ninc'ixanuc'. ⁸ Limuj'moxi axans, xonca i'oc'e'moxi. Ti'hua tihuejcojma LanDios jahuay locuxe'epa. Aiquicuanajyoxi. Icu'moxi tima'anłe jilpe lancruz. Iłe a'i al c'a camaya, tołta'a loma'acompol'a lixcay xanuc'. ⁹ Toliya LanDios if'ac'e'ma xonca al toncay. Epi'i'ma nulemma lipuftine. Acueca' ile laftine. Xonca acueca' o xonca ac'a laftine ailołpa'a. ¹⁰ Tołta'a lecu'i'ipa LanDios ticua: "Jahuay timetsaicołe naitsi ilque Jesús. Ilne nomana' lema'a, ilne nomana' li'a lamats', ilne nomana' joupa lemimpola' lamats', ¹¹ jahuay tinesle: Jesucristo ałınca ałPoujna." Ti'ila' tołta'a tixinim'me acueca' LanDios cał'Ailli', tixinim'me acueca' ac'a lo'epa.

¹² Cristo ałınca ihuejco'ma LanDios. Imanc', cunc'aipimaye, jouc'a tolihuejco'me. Ti'hua tolihuejco'me. Toliya LanDios tuntu'e'molhuo'. Tonł'etsołtsi cuenna, acueca' tołspaic'ełe LanDios. Ti'ila' tołta'a ma małmana' anuli, jouc'a tama ailaifpa'a jilpe, tonł'ełe iłiya. ¹³ Linca, imanc' cołtuca' aimi'iya molihuejcoyacu LanDios. Małque LanDios tilanc'e lołpicuejma', timuc'i'molhuo' te ts'i'ic' latentłcocoya, tepi'i'molhuo' lołpujfxi tonł'ełe tołta'a.

¹⁴ Ja'ni ticuxe'entsolhuo', timitsolhuo': "Tonł'ełe", tonł'ełe nulemma tixojla' cunlata. Aimolixtulecu, aimołfuleco'me cataiqui'. Aimołtalai'ot'le'me. Aimołcua'me: "¿Te caif'ecoya tołta'a?"

¹⁵ Ja'ni tolihuejle ile laimipolhuo' ti'i'ma ma le'a ac'a lonł'ejma', aimi'iya micufquiny-acolhuo'. Tołmuj'mołtsi imanc' inaxque' LanDios. Aimi'onłcoyacolhuo' loł'as xanuc', ilne a'ij hijca lo'epa, etełquemma liłpicuejma'. Xonca ti'onłcotolhuo' to lan xamna. Mi'i'ma

lipuqui' ihiya tulif'eyi pu'hua lema'a. ¹⁶ Toŋta'a lo'onŋcospolhuo' moluya'ayi, molu'iyaley i Lataiqui'. Iŋe Lataiqui' tuya'e te ts'i'ic' mulijyacu liŋpitine aimijouya. Ja'ni ti'ila' toŋta'a lo'ejma', tixoj'ma neta capalaico'molhuo' al c'a iŋe litine ticuaiconanni Cristo. Jiŋpe litine caxim'ma aŋinca ipammaita laipenic', laiteŋcopa.

¹⁷ Fa'a li'a lamats' ma ca'ay lipenic' LanDios tipa'a laiftsufcoya. Iŋe laiftsufcoya imanc' nolapenufpá Lataiqui' lainuya'apa jiŋpe. Cami LanDios: “Toxinŋa', iŋna'a oxanuc”.

Ja'ni ticuicomma catsufcoxoxi jouc'a, ja'ni ticuicomma aŋma'anŋa', ne', toŋta'a ti'ila'. Ma mixcuajaiquemma laijuats' cax'najtsi'i'ma LanDios, ca'nujuaistolhuo' imanc' lolapenufpá Lataiqui'. Cami'molhuo': Ac'a iŋe lon'epa. ¹⁸ Imanc' jouc'a toŋs'najtsi'i'me LanDios, ma' anuli aŋs'najtsi'i'me.

¹⁹ Itsiya ma ca'huaiyinge laŋPoujna Jesús, cacua: “Lapi'i'ma lane cumme'ma Timoteo”. Aimicoŋ'ma ti'huaŋa' pe loŋmana'. Iŋque ticuainanni fa'a alu'i'ma te ts'i'ic' moŋmana'. Toŋta'a aicaxhueŋmot'leconaya, tixpi'i'ma neta. ²⁰ Jifa'a ailopa'a cocuena capima lo'onŋcoya to Timoteo. Iŋque linca ti'nujuaitsilhuo'. Ipic'a tuluyalaite al c'a jahuay imanc'. ²¹ Locuenaye nomana' fa'a, ituca' iŋne liŋpicuejma'. Xonca ti'nujuaisyoŋtsi iŋne quituca'. Aimi'nujuaisyi Jesucristo lipenic'. ²² Imanc' jounpa olimetsaijma Timoteo. Iŋque jounpa imujpoxi te ts'i'ic' li'ejma'. Iya' ma to i'ailli', iŋque to ai'hua, aŋejmalepa. Aŋ'epá canic' anuli, aluya'apá Lataiqui'. ²³ Toŋiya cumme'ma Timoteo. Cacua: Ate'a ca'huaico'ma caxim'ma te ts'i'ic' laifnuyaicoya fa'a. Tijouŋa' ti'hua'ma iŋque.

²⁴ Tama camilhuo': “Aimicoŋya cumme'ma Timoteo”, ca'huaiyinge LanDios lapi'i'ma lane iya' jouc'a ca'hua'ma jiŋpe pe loŋmana'. ²⁵ Itsiya cummena'ma Epafrodito, ti'huanŋa' jiŋpe. Illanc' aŋinca ninc'apimaye. Ma' anuli aŋ'eyi lanic'. Illanc' aŋ'onŋcosponga' to isoldado Cristo. Illanc' aŋfuli'iyi lixcay. Iŋque Epafrodito loŋlapaluc, olummepá fa'a aŋtoc'ita', lapi'ita' lalahue'epa. ²⁶ Iŋque juaiconapa ti'nujuaitsilhuo'. Ipic'a tixintsolhuo'. Tixhueŋmot'le. Ixina' jounpa imimpolhuo': “Extafpa loŋpima Epafrodito”. ²⁷ Linca extafpa. Coŋa' tima'ma. LanDios ixim'ma acuanuc', aiquimac'. Ai' ma le'a iŋque ixim'ma acuanuc' LanDios, jouc'a aŋ'nujuaitsi iya'. Aŋsimpa cateŋma fa'a, toŋiya aŋtoc'ipa. Ticua: “Aimixhueŋmot'lecona'ma Pablo”. ²⁸ Epafrodito ticuaitsi jiŋpe toŋsinnatsoŋtsi imanc' tixojnata cunlata. Iya' jouc'a a'ij tine caxhueŋmot'leconaya. Toŋiya xonca aipic'a cummena'ma. Cacua: Aimicoŋ'ma. Ti'huanŋa'.

²⁹ Camilhuo': Tolapenufnate ixojma cata. Iŋque jouc'a oŋpima. Ma' anuli toŋ'huaijny i laŋPoujna Cristo. Tolimetsaicole. Jouc'a tolimetsaicotsola' jahuay iŋne no'onŋcospola' to Epafrodito. ³⁰ Iŋque coŋa' tima'ma. Aiquixina' acuanuc' lipitine, aŋtoc'ipa. Imanc' lumme'epa caitomi. Imanc' aiqui'ic' cunŋouya. Toŋiya Epafrodito ticua: “Iya caituca' catoc'i'ma laipima Pablo”.

3

¹ Cunc'aipimaye, itsiya ti'hua ticula'a'ma iŋe coŋje'e. Camilhuo': Toŋ'nujuaisle laŋPoujna li'epa. Toŋta'a tolixoc'i'moŋtsi cunlata. Ma caxc'ai'ilhuo' toŋta'a iya' aicaixina' juisquitine. Imanc' ja'ni tolihuejle iŋe laitaiqui' aimimenajyacolhuo'. ² Caxc'ai'ilhuo': Toŋpo'note cuenna lixcay xanuc', iŋne no'onŋcospola' to lan xujc'a quinnejá. Ticuxe'enai'ilhuo' tolisuac'etsotŋtsi. Tu'ilhuo': “Toŋ'etsotŋtsi circuncidar, toŋta'a tepenuf'molhuo' LanDios”. Camiconamolhuo': Toŋpo'note cuenna iŋniya. ³ Li'Espiritu LanDios aŋmuc'inga' te ts'i'ic' malihuejyacu. Tixoquei calata aŋ'nujuaisyi li'epa Cristo. Aimaŋ'nujuaisyi ja'ni latec'emponga' laŋpixic' o a'i. LanDios jounpa lapenufponga', aŋsinninga' ixanuc'.

⁴ Iya' linca nipajnya canesla': “Jounpa latec'empa laipixic'. Aŋ'empa circuncidar.” Iŋne pe nocuapá toŋta'a ti'huaijny iŋe li'empola' jiŋpe liŋpixic'. Ne', iya' nipajnya culij'mola'. ⁵ Iya' laipajntsi lixhuaitsi apaico quitine aŋ'enghuo'ma circuncidar. Laitatahueló ixanuc' Israel. Benjamín i'hua Israel iŋtatahuelo iŋniya. Lai'ailli' a'hebreo, tipalaiyi liŋtaiqui' a'hebreo, iya' jouc'a nin'hebreo. Ma to quilihuequi licuxepa Moisés iŋne lan xanuc' fariseo, iya'

jouc'a nihuejpa iŕe lataiqui', jouc'a ninfariseo. ⁶ Iya' acueca' aijanaj'ma ca'eŕa' lipenic' LanDios, toŕiya aiteŕ'mi'mola' lan xanuc' lefoŕ'lepola' LanDios. Jahuay locuxepa litaiqui' Moisés ainihuequi, jŕŕpe ailopa'a caijunac'. ⁷ Toŕta'a aiximpoxi ninc'a xans. Cacua: "Iya' canant'li. LanDios lapenufi." Lijoupa lainimetsaicopa Cristo aiximpa aimatoc'iya ni anuli laif'huaiyijmpa. Aixpic'epa nimenc'ecopa jahuay iŕiya. ⁸ Ma' anuli itsiya, ti'hua quimenc'ejma, ti'hua caxina aimatoc'iya ni anuli iŕiya. Aimi'iya mi'onŕicoya to al cueca' al c'a laŕ'ipa, lainimetsaicopa Cristo. Lainihuejpa iŕque nejac'epa jahuay. Iya' cacua: Tejac'la' nulemma. Iŕiya li'ipa lalatenŕocopa, itsiya caxina to cal cueca' quifuc. Ma le'a aipic'a aŕejmale'me Cristo, iŕque aiPoujna. ⁹ Cacua: "Aŕŕnŕa' LanDios joupa lapenuŕpa Cristo". Aicanesconaya: "Iya' ninc'a xans, canant'li locuxepa LanDios, toŕta'a limetsaico'ma". Ai. Xonca cacua: Aŕŕnŕa' LanDios ca'huaiyinge Cristo, toŕta'a limetsaico'ma, lapenuŕ'ma to ailopa'a caijunac'. ¹⁰ Cacua: Quimetsaicoŕa' xonca te ts'i'ic' Cristo lipicuejma'. Caxingufcoŕa' fa'a laicuerpo al cueca' li'ipa iŕe litine limaf'i'inaŕpa LanDios, lipa'anapa pe lomana' limanapola'. Jouc'a caxingufcoŕa' te ts'i'ic' liteŕcopa Cristo. Ma cateŕma iya' cacua: Lai'ejma' ti'ila' to li'ejma' Cristo mima jŕŕpe lancruz. ¹¹ Cacua: Cateŕcoŕa'. Litine timaf'inŕe, titsolinanca limanapola', lapi'inŕa' laipitine aimijouya.

¹² Linca, iŕe laifpalaicopa aiqenanŕi. Aicaixingufi jahuay iŕta'a. Ai quixhueya nulemma laipicuejma', lahue'e'. Mane ti'hua quipa'e laipujŕxi. Cristo joupa ixpic'epa ti'ila' toŕta'a laipicuejma'. Toŕta'a lahuepa. Icuai'ma pe laifpa'a. Alulijpa. Iya' cacua: "Ne', ti'ila' iŕe lixpic'epa Cristo".

¹³ Maicunc'aipimaye, iya' aicacua: "Joupa i'ipa". Ma le'a cahuy ti'ila'. Aica'nujuaitsi luyaipa li'ipa. Ma capa'a fa'a li'a ŕamats' ca'onŕicoyoxi to cal xans nainupa lane. Iya' ma quinu ca'nujuaitsi lopa'a jŕŕpe lema'a. Ca'nujuaitsi laŕ'iya tijouŕa' laininupa. ¹⁴ Quipa'e laipujŕxi, cacua: "Cacula'aŕa'. Cajou'ne'ma laipenic', iŕe lalapi'ipa LanDios Nopa'a lema'a." Litine lai'huaiyijmpa Jesucristo, LanDios aŕjoc'ipa ca'eŕa' iŕe lanic'. Cajou'neŕa', lapi'ita iŕe laifnulijya.

¹⁵ Imanc' iya' ja'ni LanDios joupa lapi'iponga' laŕpicuejma', ja'ni joupa aŕcuc'epá, aŕŕpic'eŕe ti'ila' toŕta'a laŕpicuejma', laŕ'ejma', to joupa laimipolhuo'. Imanc' petŕi ituca' loŕpicuejma', ma LanDios timuci'molhuo' te ts'i'ic' al c'a lonŕ'eyacu, ma to lijoupa lainu'ipolhuo' jŕŕpe laipalaicopoxi iya' lai'ejma'. ¹⁶ Ma le'a cacua: "Ja'ni joupa aŕcuc'eyi, ma toŕta'a aŕ'eŕe".

¹⁷ Cunc'aipimaye, jahuay imanc' toŕŕpic'eŕe nulemma lihuejla' iya'. Iya' quihuequi Cristo. Oŕŕŕna' laŕ'ejma' illanc', iya' y laif'as lin'epá canic'. Tolahuelojntsola' iŕne no'epá toŕta'a. Tolihuejtsola'. ¹⁸ Joupa axpe' ainu'ipolhuo' timana' petŕi ituca' liŕ'ejma'. Itsiya capalaicocona'mola'. Ma ca'nujuaitsila' iŕniya cajoqui. Iŕne muyalaicoyi lapajnya aimi'nujuaisyi Cristo liteŕcopa jŕŕpe lancruz. Tocomma ti'eyi laic' lencruz. ¹⁹ Iŕne aimunŕulyacu, tecani'mola' nulemma. Aimihuejcoyi LanDios, mane tihuejcoyi liŕcu'u lojanajpa. Aquilŕina' calaic'ata iŕe liŕ'ejma'. Xonca tixoqui quileta tuyalaicoyi toŕta'a. Ma le'a ti'nujuaisyi lopa'a fa'a li'a ŕamats'.

²⁰ Illanc' ituca' laŕ'ejma'. Aŕ'nujuaisyi laŕpiŕya' lopa'a lema'a. Jŕŕpe ti'huayohuo Nalunŕu'eyaconga', iŕque Jesucristo. Aŕ'huaicoyi ticuaiyunni. ²¹ Aŕpai'i'monga' illanc' laŕcuerpo. Maŕmana' fa'a li'a ŕamats' aŕteŕcoyi jouc'a laŕcuerpo. Cristo, Nopa'a lema'a, iŕque licuerpo i'ipa ituca'. Toŕta'a timujyoxi acueca' icueya limane lepi'ipa LanDios. Ti'hua limane ticuxeŕa' jahuay. Jahuay tixinguf'me iŕta'a limane, tihuejco'me. Toŕta'a ti'i'ma aŕpai'i'monga', laŕcuerpo ti'ila' to licuerpo iŕque.

4

¹ Ma ca'nujuaitsi toŕta'a laŕ'iyaconga', caxc'ai'iconalhuo'. Joupa aimipolhuo' te ts'i'ic' monlihuejyacu laŕPoujna Jesucristo. Itsiya camilhuo': Toŕpo'nole loŕpicuejma' ti'ila' toŕta'a lonlihuejyacu. Aŕinca ca'elhuo' capic'a, imanc' illanc' ninc'apimaye. Ca'nujuaitsilhuo'

juaiconapa. Litine ticuaicoconanni laŧPoujna aŧmajnta anuli, ¿te xonca al c'a lalapi'iya LanDios? Ma' imanc' lixoc'i'ma neta.

² Cunc'aipimaye Evodia y Síntique, camilhuo': Imanc' unc'oquexi', ma' anuli laŧPoujna. Itsiya caxa'huelhuo': Tonŧ'ete ma' anuli loŧpicuejma'. ³ Jouc'a ima' macaipima, illanc' alinca ninc'apimaye, aŧ'epá canic' anuli. Itsiya camihuo': Totoc'itsola' ilne laŧpimaye cacat'no'. Li'ipa capa'a jiŧpe loŧpiya' ilne lacaŧ'no' ma' anuli aŧ'eyi canic', luya'ayi Lataiqui'. Jouc'a laŧpima Clemente y locuenaye laŧejmalepá aŧ'epá canic' jiŧpe. Iŧniya naŧtoc'ipa liŧpuftine iniliŧgiya jiŧpiya al je'e. Iŧe al je'e iniliŧgiya liŧpuftine petŧi nolijyacu liŧpitine aimijouya.

⁴ Toŧ'nujuaisle laŧPoujna li'epa. Toŧta'a tolixoc'i'moŧŧi cunlata. Camiconalhuo': Tolixoc'itsoŧŧi cunlata. ⁵ Toŧsintŧola' acuanuc'la jahuay loŧ'as xanuc'. Toŧta'a tixinim'me ac'a loŧpicuejma'. LaŧPoujna aimicoŧconaya, ticuaicoconno.

⁶ Aimoŧŧueŧmot'le'me ni anulemma. Ja'ni al c'a, ja'ni a'ijc'a lo'ipolhuo', toŧŧahue'ete LanDios titoc'itsolhuo'. Toŧpalaic'ote, tolu'ile lahue'epolhuo', toŧŧ'najtsi'ile. ⁷ Ja'ni toŧta'a loŧ'ejma' ma moŧ'huaiyijnyi Jesucristo, LanDios tipac'e'e'molhuo' loŧpicuejma'. Aimoŧŧueŧmot'leconayacu. Toŧta'a aimi'iya maŧpac'eyaconga' laŧpicuejma' illanc' caŧtuca'. LanDios linca nipajnya.

⁸ Cunc'aipimaye, ai'a ticula'a'ma coŧje'e caxc'ai'icona'molhuo', cu'ilhuo' te ts'i'ic' moŧ'nujuaisyacu: Jiŧpe loŧpicuejma' toŧ'nujuaisle lataiqui' ja'ni al linca, ja'ni aimilosma, ja'ni lonescopa al hijca, ja'ni pangay c'a, a'ij xujc'a, ja'ni latenŧcocoya, ja'ni lonesconyacu al c'a. Toŧ'nujuaisle lataiqui' pe lonescopa al c'a lonŧ'eyacu, jouc'a lataiqui' petŧi tixoc'i'molhuo' cunlata. Toŧmi'me LanDios: "Aŧŧ'najtsi'ihuo' ilne lataiqui'". Ma iŧniya lataiqui' toŧ'nujuaisa.

⁹ Toŧta'a aimuc'ipolhuo' maŧmana' anuli jiŧpe. Joupa oŧŧina' toŧta'a lai'ejma'. Ma' anuli oŧcuejpá laifnescopa, aŧŧimpa laif'epa. Imanc' jouc'a tolihuejle toŧta'a. Ma toŧiya toŧmajm'me anuli LanDios. Iŧque tipac'e'e'molhuo' loŧpicuejma'.

¹⁰ Iya' tixoqui neta cax'najtsi'i laŧPoujna. Cami: "Laipimaye nomana' liŧya' Filipos joupa aŧtoc'iconapa". Linca aixina' imanc' li'ipa aicalimenc'ecojma, ma le'a aiqui'ic' caŧtoc'i. ¹¹ Iya' lainespa: "Aŧtoc'iconapa", aicanescoyoxi nincuanuc'. Iya' ja'ni ac'a capa'a o ja'ni a'ijc'a, tixoqui neta cuyaijma lapajnya. Joupa nepenuŧpa toŧta'a laipicuejma'. ¹² Ja'ni latets'i, ja'ni limetsaicojma, tixoqui neta cuyaijma. Joupa aŧmuc'impa tixojco'ma neta ma caxnet'ŧqui jahuay. Ja'ni tuyaf'la' laifteja, ja'ni cunle'eta', ja'ni acueca' ai'hueca, ja'ni aicai'hueca, lahue'e', ma' anuli tixojco'ma neta. ¹³ Ma cainihuequi Nalapenuŧpa, nipajnya ca'e'ma jahuay. Maŧque Cristo lapi'i caipujfxi.

¹⁴ Tama toŧta'a canescoyoxi, jouc'a camilhuo': Joupa onŧ'epá al c'a. Iŧe lalumme'epa aŧmuc'ipa imanc' aŧ'nujuaitsi iya' laifteŧcopa fa'a. Aŧŧingufcoyi anuli. ¹⁵ Ca'nujuaitsi te ts'i'ic' lonŧ'e'me li'i'ma, ilne ŧitiné lipangopa lolapenuŧpa Lataiqui'. Lainipayonni jiŧpe loŧpiya' ma capa'a laŧmats' Macedonia, ca'hua'ma ocuena camats', ma le'a imanc' unc'aipimaye noŧmana' jiŧpe liŧya' Filipos, alapi'ipa. Nepenuŧma lalumme'epa imanc', ilne aŧtoc'ipa. Locuenaye lapimaye naŧoŧyomma ŧileloŧya' aicaŧtoc'i. Toŧta'a oŧŧina'. ¹⁶ Aicuaitsi liŧya' Tesalónica, ma capa'a jiŧpe, imanc' alumme'epa laŧtoc'iya. Toŧta'a lonŧ'epa oquemma, ai' ma le'a anulemma.

¹⁷ Linca, ilne laipalaicopolhuo' imanc' laŧtoc'ipa aica'nujuaisyoxi iya' caituca'. Ca'nujuaitsilhuo' imanc'. Cacia: Ti'hua tuyaf'la' lo'epa al c'a ilne laipimaye. LanDios tixinnola' i'ipa pangay c'a liŧpicuejma'.

¹⁸ Joupa nepenuŧpa lalumme'epa imanc'. Epafrodito lapi'ipa. Itsiya aicalahue'e'. Ailopa'a caifxahue'econyacolhuo'. Aixina' xonca axpe' lai'hueca. Iŧe lonŧ'epa etenŧcocopa LanDios. Toco'ma joupa oŧŧufcopá al c'a. ¹⁹ Linca, imanc' jouc'a aimehue'eyacolhuo'. LainenDios tepi'i'molhuo' jahuay. Iŧque aimehue'e', ixhueya. Imanc' jouc'a ti'hua tix-huai'ni'molhuo', ti'onŧcotolhuo' to Jesucristo.

²⁰ Ałs'najtsi'ile ŁanDios, iłque ał'Ailli'. Ni Locuena Quitine aimijouya illanc' lałs'najtsi'ipa. Ti'hua limetsaico'me acueca' iłque, acueca' ac'a lo'epa. Amén. Tołta'a ti'ila'.

²¹ Tołnontsola' anuli anuli lałpimaye nomana' jilpe. Iłne i'huexi ŁanDios. Ma' anuli ał'huaiyjnyi Jesucristo. Tołmitsola': "Pablo tinonilhuo".

Lapimaye nomana' fa'a pe laifpa'a tinonilhuo'. ²² Jouc'a tinonilhuo' jahuay lapimaye nomana' fa'a liłya' Roma, iłne i'huexi ŁanDios. Xonca ti'nujuaitsilhuo', tinonilhuo' lapimaye nomana' lejut'ı cal cuecaj quincuxepa César.

²³ Jilpe łolunxajma' tołsingufle lotoc'ipolhuo' lałPoujna Jesucristo.

LIJE'E SAN PABLO LINIË'EPOLA' LAPIMAYE LEFOT'LEPOËTSI LIËYA' COLOSAS

¹⁻² Iya' ninPablo, nin'apóstol, alummepa Jesucristo. Toŋta'a ixpic'epa ËanDios. Illanc', iya' y ãapima Timoteo, aliniË'elhuo' imanc' i'huexi Cristo noŋmana' liËya' Colosas. Imanc' alinca unc'ãapimaye.

ËanDios cal'Ailli' tipaxnetsolhuo', titoc'itsolhuo', tipac'e'etsolhuo' loŋpicuejma'.

³ Aŋs'najtsi'iyi ËanDios, iŋque i'Ailli' ãapoujna Jesucristo. Maŋpalaic'oyi ma' aŋnujuaitsilhuo' imanc'. ⁴ Toŋta'a ãapanc'mecopa laŋs'najtsi'ipa ËanDios iŋe litine laŋcuejpá imanc' toŋ'huaiyijnyi Jesucristo, jouc'a aŋcuejpá ton'ela' capic'a jahuay lapimaye, iŋe jouc'a i'huexi ËanDios. ⁵ Anuli toŋ'huaicoyi tepi'intsolhuo' iŋe al c'a li'hueca ËanDios jilpe lema'a. Toŋiya toŋ'eyoŋtsi capic'a. Imanc' joupã oŋsina' tipã a iŋe al c'a lapi'inyacolhuo'. Illanc' lu'ipolhuo' moŋquim'eyi al Linca Cataiqui', iŋe Lataiqui' loya'apa al c'a lixp'epa ËanDios. ⁶ Iŋe Lataiqui' icuaita pe loŋmana'. Ma' itsiya tipã a jilpe. Ai' ma le'a pe loŋmana' imanc', icuaita jouc'a ni petsi li'a ãamats'. Ni petsi loya'ampa Lataiqui' ipammaita. Ti'hua tixpe'ela' lan xanuc' naihuejcopã. Al te'a quitine loŋquim'epa Lataiqui' toŋta'a li'ipa, ti'hua ti'i. Joupã i'ipa coŋsina' te ts'i'ic' loya'apa al Linca Cataiqui'. Iŋe Lataiqui' inescopa ËanDios te ts'i'ic' mitoc'ilhuo', mipaxnelhuo' imanc' noŋ'huaiyijmpã. ⁷ Toŋta'a limuc'ipolhuo' ãapima Epafras. Iŋque, illanc' aŋ'eyi lanic' lalapi'imponga'. Aŋ'huaiyijnyi Epafras. Litine litsehuo'mã jilpe illanc' lummepã. Ma' anuli lanic' lo'epã, iŋe lalapi'iponga' Cristo. ⁸ Maŋque Epafras lu'iponga': "Lapimaye nomana' liËya' Colosas, alinca epenufpã cal Espiritu Santo. Ti'eyi capic'a." ⁹ Laŋcuejpã toŋta'a aŋpango'me aŋsahue'e'me ËanDios titoc'itsolhuo' xonca. Aicãsojtonga'. Ti'hua aŋsahue'eyi ËanDios ti'ila' acueca' loŋpicuejma', ton'ete ma latenŋcocoya cal Espiritu Santo. Toŋta'a ti'i'mã coŋsina' te ts'ipic'a ËanDios. Aimoŋnesyacu: "Iŋe laif'epã, ¿ja'ni ac'a o a'ijc'a?" Aimi'i'mã oque' loŋpicuejma'. ¹⁰ Loŋ'ejma' ti'onŋcota to li'ejma' ãapoujna mipã a fa'a li'a ãamats'. Toŋta'a toluyalaico'me. Ton'e'me ma le'a latenŋcocoya ËanDios. Toŋmuj'moŋtsi imanc' ixanuc' ËanDios. Ton'e'me al c'a. Imanc' joupã oŋsina' te ts'i'ic' lipicuejma' ËanDios, ti'hua tonlimetsaicoyi. Ti'hua ti'i'mã xonca acueca' iŋe loŋsina'. ¹¹ Mon'eyi al c'a, ËanDios titoc'i'molhuo', tepi'i'molhuo' coŋpufxi. Iŋque cal Cueva' CanDios juaiconapa acueca' lo'epã. Ti'e'e'molhuo' acueca' loŋunxajma'. Toŋta'a toŋsnet'He lo'iyacolhuo'. Aimolixtuleyacu, tixoj'mã cunlata toŋsnet'He me. ¹² Toŋs'najtsi'i'me ËanDios, iŋque i'Ailli' ãapoujna Jesucristo. Joupã aŋanc'eponga' laŋpicuejma'. Toŋta'a anuli jahuay lapimaye, iŋe i'huexi ËanDios, aŋsuflaitã jilpe petsi lopa'a pangay epalc'o'. Alapi'itonga' cal c'a ãa'huexi.

¹³ Li'ipa, ma luyalaicoyi to iŋniya pe amuf liŋpicuejma', aiquepalc'o'innila'. Ma' anuli ãapincuxepã. Itsiya ituca' aluyalaicoyi. ËanDios lunŋu'eponga'. Ocuena aŋcuxenga'. Aŋcuxenga' hi'Hua ËanDios, iŋque letenŋcocopa, ti'ay capic'a. ¹⁴ Maŋque hi'Hua ËanDios aŋ'najcufponga' laŋjunac'. Toŋiya ËanDios alimenc'e'ecoponga' la'epã lixcay.

¹⁵ ËanDios, iŋque i'Ailli' Jesucristo, aici'huãqui. Aimi'iyã mixininyacu. Li'hua timuqui te ts'i'ic' qui'Ailli'. Ai'a tilanc'e'mã ËanDios lema'a, li'a ãamats', lan xanuc', ma tipã a hi'Hua. Toŋiya ecui'ipa Cal Te'a. ¹⁶ Jahuay lixp'epã ËanDios tilajnlã, hi'Hua ilanc'epã, jahuay lopa'a lema'a, jahuay lopa'a li'a ãamats', ja'ni i'huãqui o aici'huãqui. Iŋe petsi aici'huãquila', ja'ni lo'epã to lan rey, o lan tsila' capoujnalã, o lan tsila' quincuxepã, o ti'hua liŋmane, ticuxeyi, jahuay iŋniya petsi aici'huãquila' jouc'a petsi li'huãquila', hi'anc'epola' hi'Hua ËanDios. Maŋque iŋ'poujna jahuay. ¹⁷ Ai'a tilajm'mã jahuay iŋna'a iŋque tipã a. Ti'hua liŋmane aimeteŋqueya lema'a ni li'a ãamats' ni lopa'a jilpiya. ¹⁸ Iŋque copa'a aŋjuac, illanc', nalafot'leponga' ËanDios, icuerpo. Iŋque itsahuenamma, ipanamma pe lomana' limanapola', aimimaconaya. Copã a Cal Te'a hi'ipa toŋta'a. Illanc' licuerpo ma'

anuli la'iyaconga', lapi'iponga' laɔpitine aimijouya. Linca ailopa'a co'onɔcospa. Itque xonca cal Cueca', jahuay tuluiqui. ¹⁹ Ixhueya lipicuejma'. Toɔta'a LanDios etenɔcoca. Ma' anuli liɔpicuejma'. ²⁰ Li'ipa, LanDios icuaj'ma lilanc'epa. Toɔta'a tocomma tifuli'iyotɔsi, aimimana' anuli. Ixplic'epa tipac'ela' lafuleya tohiya ummecopa li'Hua timayotɔsi lancruz, tixcuajaitɔsi lijuats'. Toɔta'a ixanupa lataiqui', joupa ihijmpa. Ticuaihuo litine jahuay tetenɔcoco'ma LanDios. Ja'ni lema'a ja'ni li'a lamats', ma' anuli tetenɔcoco'ma LanDios.

²¹ Li'ipa, jouc'a imanc' aimonejmaleyi LanDios. Jiɔpe loɔpicuejma' onɔ'epaj laic' LanDios. Aicoɔcueca, onɔ'epa quixcay. ²² Itsiya a'i. Tonɔejmaleyi LanDios. Toɔta'a loɔpicuejma' lepi'ipolhuo' imanc' pe noɔ'huaiyijmpa Jesucristo, itque lima'ampa iteɔcoca jouc'a licuerpo, jiɔpe lipixic', lipecaɔ. LanDios ixpic'epa tixinintsolhuo' ma le'a i'huexi itque. Ixplic'epa tixinintsolhuo' joupa i'ipolhuo' pangay c'a loɔpicuejma'. Toɔta'a aimitac'uinyacolhuo' cajunac', ailopa'a. LanDios tepenuftolhuo' jiɔpe pe lopa'a.

²³ Toɔta'a lo'iyacolhuo' ja'ni ti'hua tonɔ'e'me linca Lataiqui', ite loya'apa lixplic'epa LanDios. Ticuicomma toɔfaɔte loɔpicuejma'. Toɔpic'ele tolihuejle. Toɔ'huaicoɔte ite al c'a lapi'iyacolhuo' LanDios. Lataiqui' loɔcujpa imanc' tinescojma maɔiya al c'a. Ite Lataiqui' loɔcujpa joupa uya'ampa ni petsi li'a lamats'. Jouc'a iya' ninPablo cuya'e'. Toɔta'a laipenic' lainepenufpa.

²⁴ Itsiya tixoquei neta cateɔma. Ca'nujuaitɔsilhuo' imanc'. Cacia: Ita'a laifteɔcoca titoc'itsola' laipimaye xonca ti'huaiyijnle Cristo.

Illanc' nalafoteɔponga' LanDios icuerpo Cristo. Maɔteɔcoyi jouc'a titeɔma Cristo. Ma tehue'e' ite lateɔcoya. Maɔteɔcoyi panca panca aɔsuai'niyi ite lateɔcoya. Toɔta'a laif'epa itsiya ma caxingufcojma cateɔma jifa'a laicuerpo.

²⁵ Iya' catoc'ila' lapimaye lefoteɔpola' LanDios. Toɔta'a lixplic'epa itque LanDios. Ma' itque lapi'ipa laipenic' cuya'ala' Lataiqui' pe loɔmana' imanc' a'i cunc'ijudío. Lummepa cu'itsolhuo' jahuay loya'apa litaiqui' LanDios. ²⁶ Cuhuaɔque lipime cataiqui' loya'apa. Ite li'ipa luyaipa axpe' camats' emiya lataiqui'. Lan xanuc' muyalaicoyi liɔpepajnya aquilɔsina' lemiya cataiqui'. Itsiya itɔsina'. LanDios timuc'ila' lixanuc', itne i'huexi. ²⁷ LanDios joupa ixpic'epa ti'ila' quilɔsina' acueca' juaiconapa ac'a loya'apa, lo'eya, ite lataiqui' li'ipa lemiya. Ite Lataiqui' tinescolhuo' imanc' a'i cunc'ijudío. Imanc' li'ipa aicolimetsaijma LanDios. Itsiya Cristo tipa'a pe loɔmana'. Itque epi'ipolhuo' loɔpicuejma'. Tohiya toɔ'huaicoyi tepenuftsolhuo' LanDios, tilaitsuftolhuo'.

²⁸ Maluya'ayi Lataiqui' aɔpalaicoyi Cristo. Jahuay lan xanuc' lu'ila' te ts'i'ic' mi'eyacu ja'ni tetenɔcocola' LanDios lo'epa. LanDios aɔhanc'e'eponga' laɔpicuejma', toɔta'a luhuaɔqueyi Lataiqui', aɔmuc'ila'. Tijouɔa' aɔmita LanDios: "Toxintsola' itna'a laipimaye, itna'a lepenufpola' Cristo. Joupa i'ipa ixhueya liɔpicuejma'. Ailopa'a mehue'ela'." ²⁹ Tohiya ca'ay canic' juaiconapa. Joupa aipo'nopa laipicuejma', cacua: Tama cateɔma catoc'i'mola' laipimaye.

Cristo acueca' aɔtoc'i. Lapi'i caipujfxi. Caxingufi acueca' lo'epa itque.

2

¹ Iya' cacua: Ti'ila' coɔsina' iya' acueca' ca'nujuaitɔsilhuo' imanc'. Ma' anuli ca'nujuaitɔsila' lapimaye nomana' liɔya' Laodicea, jouc'a jahuay locuenaye lapimaye petsi aicalimetsaijma. Acueca' quihuejnyoxi, caxahue'e LanDios titoc'itsolhuo'. ² Caxa'hue: Tixpi'itsolhuo' cunlata. Tonɔ'etsotɔsi capic'a. Toɔta'a ti'i'ma ma' anuli loɔpicuejma'. Aimoɔsinyacolɔsi to itne lan cuanuc'la pe ailopa'a quiɔ'huexi. Toɔsim'moɔtsi to itne acueca' ts'it'huca. Toɔcuc'e'me litaiqui' LanDios. Tolapejna'me nulemma lipime cataiqui' li'ipa emipa LanDios. ³ Jiɔpe ite lipime cataiqui' aɔsinna'me jahuay al c'a juaiconapa. Aɔsinna'me to jipu'hua acueca' lipitali. Ja'ni lahueyi ti'ila' xonca acueca' ac'a laɔpicuejma', o lahueyi ti'ila' xonca calɔsina', jiɔpe lataiqui' aɔsinna'me jahuay itna'a. Tocomma emiya. Lan xanuc' aimicuec'eyi.

⁴ Laifcuapa toŧta'a caxhuełcocolhuo' imanc'. Cacia: Aga tifel'mi'molhuo' iłne petŧi tocomma to ac'a lopalaipa, iłne iłsina' te ts'i'ic' mifel'miyaleyacu. ⁵ Linca tama aicapa'a jilpe, tocomma ałmana' nuli. Tocomma cahuelongilhuo'. Tixoqui neta caxinnilhuo' tolihuejcoyoltsi. Tołmujyi ałınca toł'huaiyijnyi Jesucristo.

⁶ Jounpa imuc'impolhuo' naitŧi iłque Jesucristo łalPoujna. Tołta'a olapenufpá. Itsiya camilhuo': Ma' anuli ti'hua tolihuejco'me. ⁷ Imanc' lołpicuejma' jounpa ifacaipa Cristo. Itsiya ti'hua toł'nujuaisle iłque. Tołta'a ti'hua tołfa'e'moltsi lołpicuejma'. Xonca tolimet-saico'me ma' ałınca lataiqui' limuc'impolhuo', małe lataiqui' lolapenufpa. Aimixojyacolhuo'. Juaiconapa ti'hua tołs'najtsi'i'me ŁanDios.

⁸ Camilhuo': Tołpo'nołe cuenna. Ja'ni a'i aga tileco'molhuo' ocuenaj comxi. Tifel'mim'molhuo'. Iłne no'epá tołta'a tipalaiyi tocomma atsila' cataiqui', ma le'a tipa'ayi quılta' liłpicuejma'. Tipalaicoyi liłtaiqui' lan xanuc'. Iłpic'a tolihuejle lił'ejma' lan xanuc' nomana' fa'a li'a łamats'. Iłe a'i litaiqui' Cristo.

⁹ Cacia: Cristo aimehue'e'. Ma' anDios i'epoxi xans. ŁanDios y Cristo ma' anuli liłpicuejma', ixhueya. ¹⁰ Imanc' jounpa epenufpolhuo' Cristo, jouc'a aimehue'elhuo'. Iłne locuenaye lomxiye, łte xonca capi'iyacolhuo'? Ailopa'a capi'iyacolhuo'. Lan tsila' capaluc' quema'a tama acueca' icueya liłmane, acueca ticuxeyi, Cristo tuliquila' jahuay. Ticuxela' iłniya.

¹¹ Aimicuicomma mi'enyacolhuo' circuncidar. Cristo jounpa epenufpolhuo', tołta'a tocomma jounpa i'empolhuo' circuncidar. ŁanDios tepenuftolhuo'. Linca ailopa'a quetec'elhuo' lan xanuc' lołpoxic'. Imanc' ituca' li'ipolhuo'. Jounpa ołpo'nopá lołpicuejma', olatec'opá loł'epa a'ijc'a, tołcuanajyołtsi loxahue'epolhuo' lołcuerpo, aimolihuejcoyi iłta'a. Jahuay petŧi lepenufpola' Cristo, ma' anuli li'ipola'.

¹² Lijounpa limapa Cristo emimpa. Imanc' lepo'impolhuo' tocomma emimpolhuo' jouc'a. Lijounpa lemimpa Cristo ipanamma pe lomana' limanapola'. Imanc' lolipalumma laja' tocomma olipalumma jouc'a pe lomana' limanapola'. Imanc' oł'huaiyijmpá ŁanDios, tołcuayi: “Jounpa imaf'i'ınapa Cristo, ipa'anapa pe lomana' limanapola”; tołta'a jouc'a ołmaf'i', tipa'a al ts'e lołpitine. ¹³ Li'ipa, imanc' ti'onłcospolhuo' to limanapola'. Jounpa ejac'epolhuo' iłe lonł'epa lixcay. Iłniya liłtiné ti'onłcospolhuo' to lan xanuc' pe ailopa'a quılseña. ŁanDios aiqumetsaicolhuo' ixanuc'. Mołmana' tołta'a ŁanDios imaf'i'ınapolhuo' anuli Cristo. Linca imanc' y illanc' limenc'e'ecoponga' jahuay lał'epa a'ijc'a. ¹⁴ Aicalihuequi locuxepa ŁanDios, iłe lataiqui' liliłijmpa. Tołiya iłe lataiqui' ałcuxecongá, alacani'enga'. Itsiya aimalucuxecoconayacongá. ŁanDios jounpa ilonc'epa, epałts'ingimpa jilpe lancruz. ¹⁵ Tołta'a acujmaica imuj'ma xonca acueca' Cristo. Iłque ticuxela' lan tsila' lapaluc' quema'a, iłne no'huapa acueca' liłmane. Li'ipa, iłniya lapaluc' imuc'i'me te ts'i'ic' ŁanDios. Itsiya a'i, tihuejcoyi Cristo.

¹⁶ Tołiya aimolŧuełmot'le'me iłniya nocuapá: “Aimote'ma iłta'a, aimoxna'ma iłiya”. Ni aimolŧuełmot'le'me iłne locuxe'epolhuo'. Iłne ticuxe'elhuo' tonł'ete cuenna liłtiné, ti'ıla' ajuic, ti'ıla' cal ts'e mut'ła o ti'ıla' itine conxajya. ¹⁷ Jahuay iłna'a ti'onłcospa to lipunxahua cal xans. A'ij cuajmaica mimuqui te ts'i'ic' iłe al c'a lapi'iyacola' ŁanDios lixanuc'. Itsiya jounpa ałmuc'imponga' te ts'i'ic'. Ma' iłque Cristo cal C'a. Iłque a'i cunxahua.

¹⁸ Aimolihuejco'mola' pe no'e'epoltsi to ninaitŧi xanuc', iłne ti'oc'eyoltsi juaiconapa. Iłne naxc'onłngolaipá lapaluc' quema'a. Ja'ni tolihuejle, imanc' aimolulijyacu al c'a, iłe lapi'iyacola' lixanuc' ŁanDios. Ma tołta'a iłpic'a iłniya. Iłne tihuejyi loximpa to al paiyo. Tixinyoltsi acueca' liłpicuejma', timuc'iyoltsi quılta'. Lataiqui' lomuc'iyalepa aiqumuc'ila' cal Espíritu Santo. ¹⁹ Iłne jounpa enajpołtsi Cristo, iłque ałJuac, illanc' icuerpo.

Al cuerpo tama tipa'a limef'la licoyuntura tejonłinala' anuli, ticuicomma lijuac. Ja'ni a'i ailopa'a co'eya. Tołe illanc' licuerpo Cristo, iłque łalJuac ałtes'minga' illanc' icuerpo. Licuerpo ti'hua titoqui, ma to ŁanDios tixpic'e titojla'.

²⁰ Imanc' ja'ni joupá imapolhuo' anuli Cristo, ja'ni tipa'a ituca' lołpitine, ¿te qui'icopa loł'ejma' to li'ejma' locuenaye xanuc' nomana' fa'a li'a łamats'? ¿Te coluyalaicopa tołta'a? Imanc' tocomma ailopa'a iłe lołpitine. ¿Te colihuejcopopola' iłne locuxe'epolhuo'?
²¹ Tixc'ai'ılhuo': “¡Aimoł'noł'me iłta'a! ¡Aimołte'me iłque! ¡Aimoliłoc'olai'me moł—laf'me jilcu'hua!”
²² İhna'a lonescopa aimicołya. Ti'hua tijaf'quinghua. Locuaicoya quiti-
 tine ailopa'a. İhna'a łataiquı́ lan xanuc' tipa'ayi quıltuca' liłpicuejma'. A'i tołta'a
 locuxe'epolhuo' ŁanDios. ²³ Łıłtaiquı́ tocomma juaiconapa mixingufyi. Naihuejcopá
 İhna'a łataiquı́ iłne quıltuca' tixpic'eyi texc'onłingołai'me juaiconapa, acueca' ti'oc'eyołtsi,
 acueca' titeł'miyoltsi liłcuerpo. Tołta'a aimi'eyi lipic'a ŁanDios. İłque ipic'a ał'e'mołtsi cuenna
 lałcuerpo, ałcuxe'mołtsi al c'a. Ja'ni tolıhuej'me iłta'a ituca' cataiqui' ma le'a tonł'e'me lipic'a
 lołcuerpo, iłe ticuxe'molhuo' lonł'eyacu.

3

¹ Imanc', ja'ni ŁanDios joupá imaf'i'ınapolhuo' anuli Cristo tolahuełe lapi'inyacolhuo',
 iłe lopa'a lema'a. Jilpe tipa'a Cristo ticutsuya al c'a camane ŁanDios. ² Toł'nujuaisle lopa'a
 lema'a, a'i lopa'a fa'a li'a łamats'. ³ Imanc' mołmana' a'i to li'ipa. Joupá imapolhuo', i'ipa
 ats'e lołpitine. Jilpe pe lopa'a ŁanDios tipa'a Cristo imaf'i'. Ma to iłque lipitine, tołta'a
 lołpitine. Linca itsiya aicołsina' nulemma te ts'i'ic' iłe lołpitine. Tocomma emiya. ⁴ Małque
 Cristo ałpitine. Litine timujxoxi Cristo, imanc' jouc'a jahuay lixanuc' tołmuj'mołtsi. Jilpe
 litine alinca tixinnim'me acuajmaica te ts'i'ic' iłe lałpitine. Ałsim'monga' joupá i'epa
 pangay c'a lałpicuejma'. Ał'onłcotonga' to Cristo.

⁵ Tołiya, ma mołmana' fa'a li'a łamats' toł'e'mołtsi cuenna. İhiya lołcuerpo tołcuxełe. Tihuej-
 cotsolhuo' lołmane', loł'mitsi', jahuay iłe lołcuerpo. Camilhuo': Aimolahue'mola' cacał'no',
 aimoł'e'me al xujc'a, aimolahuelojm'mola' lacał'no' mołsuico'mola', aimołjanaj'me lixcay,
 aimoł'e'mołtsi to İhniya petsi aimicuayacu: “Joupá tipa'a”. İhne ma ti'hua tehueyi xonca.
 Ja'ni tołta'a loł'ejma' ŁanDios ti'onłicolhuo' to İhniya naihuejpa' locuenaye candiosla'. ⁶ Petsi
 tołta'a lił'ejma' ŁanDios tixtuc'ola', titeł'mila'.

⁷ Li'ipa ailopa'a al ts'e lołpitine, imanc' tonł'eyi tołna'a. Tołta'a tonluyalaicoyi lapa-
 jnya. ⁸ İtsiya tołpo'nołe lołpicuejma', aimonł'econa'me to li'ipa, aimolixtutsai'me, aimolix-
 tule'me, aimolahue'me monł'e'mola' quixcay loł'as xanuc', aimołnesco'mola' a'ijc'a,
 aimołnesc'e'e'mola' cataiqui', aimi'i'ma tołta'a lołnesyacu.

⁹ Aimołfel'mi'mołtsi. Imanc' aimi'ıya moł'onłicoyacołtsi to li'ipa. Joupá ołpo'nopá lafane
 cołpicuejma'. Ołpo'nopá li'ejma' İhiya. ¹⁰ Joupá ołspic'epá tolıhuejle al ts'e lołpicuejma'.
 İhiya lołpicuejma' ti'hua tilajmna'ma. Tijouła' ti'onłcota to lipicuejma' ŁanDios. İłque
 Nolanc'enapa al ts'e lołpicuejma'. Tołta'a İhiya lałpicuejma' aimehue'eya. ŁanDios lipicue-
 jma' aimehue'e'. Tołta'a ti'i'ma illanc' lałpicuejma' aimalahue'eyaconga'.

¹¹ İhne petsi tipa'a al ts'e liłpicuejma', aiminesyacu: “İya' ninjudı́o, iłque a'i. İłque agriego,
 ninaıtsi xans.” Aiminesyacu: “İya' joupá ał'empa circuncidar, iłque a'i. İłque ŁanDios
 aimepenufya.” Aiminesyacu: “İłque aiqumuxejma”; o “İłque xonca atonno”; o “İłque
 amozo, i'huexi lipoujna”; o “İłque ailopa'a quipoujna, quıtuca' ticuxeyoxi”. İhne petsi al
 ts'e liłpicuejma' tixim'mołtsi ma' anuli. Xonca ti'nujuaisyi Cristo, iłque łepenufpola' jahuay
 İhniya ja'ni ti'huaiyijnyi.

¹² Imanc' joupá i'huıj'epolhuo' ŁanDios. Imanc' i'huexi iłque, ti'elhuo' capic'a.
 Tołiya tołsıntola' to acuanuc'la lołpimaye, tołpalaic'otsola' al c'a, aimoł'e'e'mołtsi tsila',
 aimoł'nof'e'e'mołtsi. Tołsnet'He lo'epolhuo'. ¹³ Aimolixtuc'o'mołtsi. Ja'ni a'ijc'a li'epolhuo',
 tolımenc'e'eco'mołtsi. LałPoujna joupá imenc'e'ecopolhuo' lonł'epa, ma' anuli tolı-
 menc'e'eco'mołtsi.

¹⁴ Monł'eyi jahuay tołna'a jouc'a tonł'etsoltsi capic'a ma to mi'eyi lapimaye. Tołta'a
 lonł'epa al c'a tetenłcoco'ma ŁanDios. Ja'ni aimoł'eyacołtsi capic'a tixim'molhuo' to
 tehue'elhuo'. ¹⁵ ŁanDios ijoc'icopolhuo' tipac'e'etsolhuo' lołpicuejma' Cristo. Camilhuo':

Tołmajncole tołta'a. Małta'a lipic'a ŁanDios. Ijoc'ipolhuo' ti'itsolhuo' to anuli cal xans. Ti'onłcotsolhuo' to anuli al cuerpo. Jouc'a tołs'najtsi'ile ŁanDios.

¹⁶ Anuli anuli toł'nujuaisle litaiqui' Jesucristo. Tolihuejle jahuay. Tołta'a tepi'im'molhuo' lołpicuejma' tołmuc'i'moltsi. Tołsc'ai'itsoltsi ti'ila' ac'a lonł'eyacu. Tołpalaic'ocotsoltsi lan salmo, lan himno, lan alabanza. Imanc' tolapenufyi lotoc'ipolhuo' Cristo. Tołiya jilpe łolunxajma' tolunac'co'me ŁanDios. ¹⁷ Ja'ni tołpalaiyi, ja'ni tonł'eyi canic', jahuay lonł'epa, ma monł'eyi toł'nujuaisle łalPoujna Jesús lipuftine. Tołs'najtsi'ile ŁanDios cał'Ailli'. Iłque tepenufta lołs'najtsi'ipa, toł'huaiyjnyy Jesús.

¹⁸ Imanc' unc'apenoye, tolihuejcsotola' lołpe'aillí. Tołta'a ticuicomma lonł'eyacu imanc' noł'huaiyjmpá łalPoujna. ¹⁹ Imanc' unc'ape'aillí, tonł'etsola' capic'a lołpenoye. Aimolcuxenai'mola'. ²⁰ Imanc' unc'auhuay, tolihuejcsotola' loł'aillí. Tonł'ete jahuay loxc'ai'ipolhuo'. Tołta'a tetenłma, imanc' noł'huaiyjmpá łalPoujna.

²¹ Imanc' unc'a'aillí, aimolsc'ai'ot'h'i'mola' juaiconapa lołnaxque'. Ja'ni tołsc'ai'ot'łitsola' aimixnet'lyacu. Titafquecola'. ²² Imanc' unc'imozó tolihuejcsotola' jahuay loxc'ai'ipolhuo' lołpoujnalá nomana' fa'a li'a łamats'. Aimol'onłico'moltsi to lan xanuc' petsi oque' liłpicuejma'. Ine ti'e'me canic' ma le'a mehuelongila' liłpoujna. Tijouł'a aimi'econayi. Tołspaic'ete ŁanDios. Tołta'a aimolfel'miyacola' lołpoujnalá. ²³ Jahuay lonł'eyacu tixoj'ma cunlata tonł'ete. Toł'nujuaitsa ma molihuejcola' lołpoujnalá, ilne axanuc', xonca tolihuejcoyi łalPoujna. ²⁴ Imanc' joupa ołsina' ti'najsetolhuo' łalPoujna. Iłque tepi'itolhuo' al łijca, tepi'itolhuo' coł'huexi. Imanc', ma Cristo ołPoujna, tolihuejcole ilque. ²⁵ Toł'nujuaitsa: Ine pe no'epá a'ij łijca jouc'a tipa'a lapi'inyacola'. Ma to li'epa ma tołta'a tepi'innola' quiljunac'. ŁanDios tixinnila' ma' anuli jahuay. Ine lapoujnalá, ja'ni a'ijc'a lo'epa, jouc'a tepi'innola' quiljunac'.

4

¹ Imanc' unc'apoujnalá aimolatets'i'mola' lołmozó. Toł'etsoltsi łijca loł'ejma'. Tołmujtsoltsi al c'a lołpicuejma'. Joupa ołsina', a'i ma le'a ilniya jouc'a imanc', tipa'a lołPoujna jilpe lema'a.

² Jahuay imanc' ti'hua tołpalaic'ole ŁanDios, aimixojtolhuo'. Ti'hua tołs'najtsi'ile ŁanDios. ³ Ma mołpalaic'oyi ŁanDios tołsahue'e'me alłoc'itsonga' illanc'. Lapi'itsonga' lane luya'ale Lataiqui' ille lopalaicopa Cristo. Linca luyaipa quitine li'ipa emiya, itsiya a'i. Małe lataiqui' caifnuya'apa iya'. Tołiya al'nołimpa, alłats'iya fa'a. ⁴ Ja'ni ŁanDios lapi'itsonga' lane luya'ale, alinca ca'econa'ma ille laipenic'. Cu'iyale'ma ma' acuajmaica ille lataiqui'.

⁵ Ma mołmana' petsi ilne a'i capimaye, tołspic'ete al c'a te ts'i'ic' lonł'eyacu, lołpalaicoyacu. Itine itine tipa'a al c'a lonł'eyacu. Ne', tonł'ete tołta'a. ⁶ Ma mołpalaic'oyołtsi toł'nujuaitsa łalPoujna litoc'ipolhuo', lipaxnepolhuo'. Ti'ila' lołtaiqui' ma latentłcocoya lataiqui', a'i ninaitsi cataiqui'. Tołta'a ŁanDios tepi'i'molhuo' lołpicuejma', tołtalai'e'mola' jahuay.

⁷⁻⁸ Cumme'ma Tíquico. Ticuaitsi jilpe pe lołmana' ilque tu'itolhuo' te ts'i'ic' laifnuyaicopa. Iłque Tíquico acaipima. Aiquenajyoxi, ti'hua ti'ay lanic'. Ma' anuli al'eyi lipenic' łalPoujna.

Cacua: Cumme'ma ti'ila' quixina' te ts'i'ic' mołmana'. Tixpi'itsolhuo' cunlata. ⁹ Tíquico tiyejmale'me Onésimo. Juaiconapa al'huaiyjnyy ilque łacalłpima. Iłque ołpiłya' xans. Ine tu'itolhuo' jahuay lo'ipa fa'a.

¹⁰ Tinonilhuo' Aristarco, iya' ilque alłats'emponga' anuli. Tinonilhuo' Marcos. Iłque ipepo Bernabé. Ołsina' te ts'i'ic' lołpalaic'ocoyacu Marcos. Joupa u'impolhuo'. Ja'ni ticuaitsi jilpiya tolapenufle. ¹¹ Tinonilhuo' Jesús, ilque łacui'impá Justo. Petsi lan xanuc' judío no'huaiyjmpá Cristo, ma le'a ilniya lałejmale. Małejmaleyi al'eyi canic'. Luya'ayi te ts'i'ic' mitsuflaiyacu pe locuxeyopa ŁanDios. Ine liłxi'ipa neta.

¹² Tinonilhuo' Epafras, ilque olpilya' xans, imozo Cristo. Acueca' ti'nujuaitsilhuo'. Tocomma joupá tipanno lunxajma'. Itine itine tixahue'e LanDios titoc'itsolhuo', tix-huai'nitsolhuo' lolpicuejma'. Aimolpai'imoltsi. Itine itine ti'ila' colsina' te ts'i'ic' lipic'a LanDios, ti'hua tonl'e'me tohta'a. ¹³ Nimetsaijma Epafras li'ejma'. Aixina' acueca' titef'miyoxi, titoc'itsolhuo' imanc' nolmana' jilpe liya' Colosas. Ma' anuli ti'nujuaitsila' lapimaye nomana' liya' Laodicea, jouc'a nomana' liya' Hierápolis.

¹⁴ Tinonilhuo' Lucas lacalpima, ilque lin'ehuale cafxi. Jouc'a Demas tinonilhuo'.

¹⁵ Lapimaye nomana' liya' Laodicea, ilne Ninfa y lapimaye nafot'lepotsi lejut'i, ilniya tolmitsola': "Pablo tinonilhuo'".

¹⁶ Ita'a colje'e tolsuef'itsola' lapimaye. Tijoula' toluyai'ete pu'hua Laodicea. Jouc'a tix-huef'quintsa mefot'leyoetsi lapimaye. Ie lije'e lapimaye nomana' Laodicea, tolahuetsa tolsuef'itsola' lapimaye mefot'leyoetsi jilpe Colosas.

¹⁷ Tolpalaic'otsa Arquipo. Tolsc'ai'itsa, tolmitsa: "LalPoujna joupá epi'ipo' lopenic'. Ti'hua to'ela' ille lanic'. Topo'noła' lopicuejma' tanant'hila'."

¹⁸ Iya' ninPablo canonilhuo'. Tohta'a ma laimane quinili fa'a: "NinPablo". Aimalimenc'eco'ma. Al'nujuaisla' alfi'iya fa'a.

Titoc'itsolhuo', tipaxnetsolhuo' LanDios.

LIJE'E SAN PABLO AL TE'A LINIĒ'EPOLA' LAPIMAYE LEFOT'ĒPOĒTSI LIĒYA' TESALÓNICA

¹ Illanc' ninPablo, Silvano y Timoteo aliniĒ'elhuo' imanc' unc'aġpimaye nolafot'ĒpoĒtsi liĒya' Tesalónica. Imanc' iġxanuc' caġAilli' ĒanDios y ġaġPoujna Jesucristo. Iġniya joupā epenufpolhuo'.

Titoc'itsolhuo' ĒanDios, tipaxnetsolhuo'. Tipac'e'etsolhuo' loġpicuejma'.

² Itine itine ma maġ'nujuaitsilhuo' aġs'najtsi'iyi ĒanDios. Maġpalaic'oyi aġnescolhuo' jahuay imanc'. ³ Aġ'nujuaitsilhuo' te ts'i'ic' loġ'ejma'. Ma moġ'huaiyijnyi ĒanDios tonġ'eyi al c'a. Ma monġ'ela' capic'a lapimaye toġtoc'ila'. Toġsnet'ġyi jahuay lo'ipolhuo'. Toġta'a lonġ'epa ma coġ'huaijma ticuaiconanni ġaġPoujna Jesucristo.

⁴ Unc'aġpimaye, aġsina' ĒanDios i'huif'epolhuo', ti'elhuo' capic'a. Totiya aġ'nujuaitsilhuo' ma maġpalaic'oyi ĒanDios. ⁵ Litine laluya'ahuo'me ġiġpe Lataiqui', iġe loya'apa al c'a lixp'ic'epa ĒanDios, imanc' aġquimf'eponga' a'i ma le'a illanc' laġtaiqui', jouc'a oġsingufco'me lipepaxi cal Espġritu Santo. Ma maluya'ayi Lataiqui' acueca' aġ'huaiyijnyi ĒanDios. Toġta'a oġsina'. Oġsina' te ts'i'ic' laġpicuejma'. Oġsina' ma ĒanDios lapi'iponga' laġpenic' aġtoc'itsolhuo' imanc'.

⁶ Lijoupa lolapenufpa Lataiqui', ma moġteġcoyi juaiconapa, ixoc'i'molhuo' cunlata cal Espġritu Santo. Tixoqui cunlata toġihuejyi ĒanDios. Toġta'a aġ'onġcosponga' to illanc', jouc'a ti'onġcospolhuo' to ġaġPoujna Jesucristo. ⁷ Lapimaye nomana' ġiġpiya ġamats' Macedonia, jouc'a nomana' ġamats' Acaya, jahuay iġniya ixim'molhuo' ac'a loġ'ejma'. Toġta'a oġmuc'ipola' te ts'i'ic' lo'eyacu lan xanuc' ja'ni ti'huaiyijnyi Jesucristo. ⁸ Imanc' ġiġpe liġya' Tesalónica ate'a olapenufpa Lataiqui', lijou'ma maġe Lataiqui' icuaitsi locuenaye ġiġelolġya' lopa'a ġamats' Macedonia jouc'a ġamats' Acaya. A'i ma le'a ġamats' Macedonia jouc'a ġamats' Acaya icuaitsi Lataiqui'. Ni petsi lomana' lan xanuc' i'i'ma quġisina' imanc' toġ'huaiyijnyi ĒanDios. Ailopa'a calu'iyacola' toġta'a.

⁹ Maġne lan xanuc' lu'inga' li'ipolhuo' iġniya ġitiné laġsehuo'me loġpiġya' Tesalónica. Aġminga': "Lan xanuc' nomana' Tesalónica epenufpolhuo'. Ipai'i'moġtsi liġpicuejma'. Eca'nipā lilendiosla' tihuejcoyi ĒanDios. Itsiya ti'eyi lipenic' ĒanDios. Iġque ma' aġinca anDios. Iġque a'i quimac', ma' imaf'i'." ¹⁰ Itsiya toġ'huaicoyi ticuaicoconno ġi'Hua ĒanDios Nopa'a lema'a. ĒanDios joupā imaf'i'inapa, ipa'anapa pe lomana' limanapola'. Litine ĒanDios timuc'itsola' lan xanuc' lipoyac' aimatġel'miyaconga'. Ēi'Hua aġcuanajco'monga'.

2

¹ Cunc'aġpimaye, imanc' oġsina' te ts'i'ic' li'ipa maġmana' ġiġpe. Ēinca Lataiqui' laluya'apa i'epa canic'. ² Maġmana' liġya' Filipos aġteġcopā juaiconapa, aġmiloquinghuo'monga' cataiqui'. Joupā oġsina' toġta'a laluyalaicopa. Laġcuaitsa loġpiġya' aicāsina' caxpaiqui', tama ixtuleconanca ġiġpe. Ma maluya'ayi litaiqui' ĒanDios aġ'huaiyijnyi. Iġe Lataiqui' tuya'e' iġe al c'a lixp'ic'epa ĒanDios. ³ Illanc' a'i oque' laġpicuejma'. Aġ'eyi ma le'a lipenic' ĒanDios. Lu'ilhuo' Lataiqui'. Aimalu'ilhuo' ocuena cataiqui'. Aimalġel'milhuo'. ⁴ Ma ĒanDios joupā lapi'iponga' iġe laġpenic'. Aġ'huaiyijmponga' luya'aġe Lataiqui', toġiya luya'ayi Lataiqui'. Lahueyi tetentġcocola' ĒanDios. Aimalahueyi te co'iyā metentġcocoyacola' lan xanuc'. Maġque ĒanDios tixina te ts'i'ic' laġpicuejma'. ⁵ Aimalahueyi caġtomí cola' lapi'itsonga'. Toġta'a aicalapahuilhuo'. ĒanDios ixina' a'i toġta'a laġ'ejma'. ⁶ Jouc'a aimānesyi: "Nomana' Tesalónica jouc'a locuenaye lan xanuc', limetsaicotsonga', limetsaicotsonga' acueca' lanic' aġ'eyi". Aimānesyi iġiya, tama ninc'apōstole lummeponga' Jesucristo.

⁷ Aimalġpalaic'olhuo' a'ujfxi. Maġmana' anuli aġpalaic'olhuo' al c'a. Ma to mipalaic'o'mola' ġaca'no' laiġuinaxque' mitoc'ela' iġniya, ma toġta'a aġpalaic'olhuo' imanc'. ⁸ Jahuay

łalunxajma' ał'epolhuo' capic'a. Tołıya a'i ma le'a lu'ipolhuo' Lataiqui'. Ałspic'epá ałtoc'itsolhuo' xonca. Tixoqui calata ałcuayi: “Ne', ałma'atsonga' lalixtuc'oponga', le'a tuyalaıte al c'a lałpimaye nomana' Tesalónica”. Linca acueca' ał'nujuaitsilhuo' imanc'.⁹ Cacia: Acueca' ał'elhuo' capic'a. Tołta'a ałmuc'ipolhuo' małmana' jıłpe lołpıya'. Imanc' ałpimaye ał'nujuaitsinga' lał'epa. Ał'eyi lanic' juaiconapa, ałsosponga'. Ipuqui' itine ał'eyi lanic'. Tołta'a lulijyi caktomı. Ałcuayi: “Lałpimaye nomana' lıya' Tesalónica aimalsa'hueyacola' małtoc'iyaconga'. Aimal'e'mola' quipime lıłpepajnya.” Tołta'a lał'epa ma malu'ilhuo' lıtaiqui' LanDios, ıte loya'apa al c'a lixpıc'epa.

¹⁰ Imanc' noł'huaiyijmpá Jesucristo ołsimpá lał'ejma' małmana' jıłpe. Ałsimponga' ma' ałınca alıhuejyi LanDios. Ałsimponga' ałıjca lał'epa. Ailopa'a całtac'uiyaconga' lajunac', aımi'ıya małnesc'eyaconga'. Jouc'a LanDios ixina' tołta'a lał'ejma'.¹¹ Imanc' ołsina' ałpalaic'opolhuo' to cal xans tipalaic'o'mola' linaxque'. Alu'ipolhuo': “Ti'ıla' ac'a lonł'eyacu”. Alixpi'ipolhuo' cunlata, ałsc'ai'ipolhuo', ałmıpolhuo':¹² “Tetentıcocola' LanDios loł'ejma'”. Małque LanDios joupı ijoc'ipolhuo' tołtsulfolaıtsa pe locuxeyopa, timetsaicotolhuo' ixanuc'.

¹³ Itine itine illanc' jouc'a ałs'najtsi'ıyi LanDios Lıjoc'ipolhuo'. Imanc' a'i ma le'a ałquım'eponga' ma maluya'ayi lıtaiqui' LanDios, olapenufpá. ıte Lataiqui' olimet-saicopá itaıqui' LanDios, a'ı całtaıqui' illanc' nınc'ixanuc'. Małe lataıqui' ti'ay canic' jıłpe lołpicuejma' imanc' noł'huaiyijmpá LanDios.

¹⁴ Tołta'a imanc' oluyalaıco'me to ıne lapimaye nafolyomma łamats' Judea luyalaıcopa, ıne jouc'a ixanuc' LanDios, łepenufpola' Jesucristo. Ołsnet'ı'me lo'epolhuo' lołpıya' xanuc'. Tołta'a ıniya lołpimaye nomana' łamats' Judea ixnet'ı'me lo'empola' lıłpıya' xanuc', ıne ajudıo. ¹⁵ ıniya lan xanuc' judıo ima'apá lałPoujna Jesucristo, jouc'a ima'a'me lam profeta, jouc'a alıhuetsojponga' illanc'. Aımi'eyi lipic'a LanDios, jouc'a tipa'neyi jahuyay lıł'as xanuc'. ¹⁶ Jouc'a aımalapi'ınga' lane malu'i'mola' Lataıqui' lan xanuc' pe aımımetsaicoyi LanDios. ıne lan xanuc' judıo xonca tetentıcocola' aımunłul'me ıniya lan xanuc'. Tołta'a ıne tıxhuai'niyi lo'epa lixcay. Tijoułı' aımi'ıya mı'eyacu. LanDios joupı ixpic'epa tıteł'mı'mola' nulemma, tijou'ne'ma lipoyac'.

¹⁷ Cunc'ałpimaye, ałınca ał'elhuo' capic'a imanc'. Ti'hua ał'nujuaitsilhuo', tama aımałmana' anuli. Li'ıpa, al quite' małmana' anuli juaiconapa ał'nujuaispolhuo'. Juaiconapa ałpic'a ałsingonatsołtsi. Lahueyi te co'ıya małcuaıconayacu jıłpiya. ¹⁸ Joupı ałspic'epá łe'me. Ma' ıya' ninPablo, a'ı ma le'a anulemma, oquemma aıxpıc'epa tołta'a. Lıjoupı aıqui'ıc'. Satanás ałpa'neponga'. Aıcałec'.

¹⁹ Linca acueca' ałpic'a ałsingonatsołtsi. ¿Te cołcuapa? ¿Te imanc' ołsina' lał'huaijma? ¿Te ołsina' naitsi nalıxoc'iyaconga' calata? ¿Naitsi nomujya ja'ni ipammaıta lałpenic'? Linca ma le'a imanc'. Ał'huaicoyi tıxinıne tołta'a litine ticuaıcoconanni lałPoujna Jesucristo.

²⁰ Imanc' linca tołmujyi lipammaıta lałpenic'. Imanc' lixoc'ınga' calata.

3

¹ Juaiconapa acueca' lałsuel'mecopolhuo'. İcuaıtsi litine aımi'ıya małsnet'ıconayacu. Ałspic'epá ałmanenca całtuca' lıya' Atenas. ² Ałcuxe'epá Timoteo ti'huałı' jıłpiya lołpıya'. Ałmıpá Timoteo: “Tofa'etsola' lapimaye lıłpicuejma'. Toxc'ai'itsola' ti'hua ti'huaiyijnle Jesucristo.” ıque Timoteo ałpıma, ıejmale LanDios. ıque lipenic' tuya'ala' Lataıqui'. ³ Ałcuayi: “Aımołsuelmot'ıe'me ni anuli imanc', tama tołtełcoyi”. Imanc' ołsina' LanDios joupı ixpic'epa aluyalaıco'me tołta'a. ⁴ Małmana' anuli jıłpe lołpıya' lu'ipolhuo' lał'iyaconga'. Ałmıpolhuo': “Ałtełco'me”. Ma tołta'a li'ıpa. Joupı ołsingufpá.

⁵ Laıcuejpa lipangopa lołtełcopa aıcaıxina' te ts'ı'ic' moluyalaıcoyi. Caxhuełma, cacua: “Aga Satanás ehuaıpolhuo' acueca'. Aga imıncopolhuo' lołpicuejma'. Tijoułı', tama acueca' lanic' ał'epá jıłpe tijouna'ma jahuyay. Aımıpanehuo ni tołta'a.” Licuai'ma litine

aimi'iya caxnet'lonaya laifxue'l'mepa, nummepa Timoteo titsetsi. Cacua: Tipainanni lu'i'ma ja'ni ti'hua to'l'huaiyijnyi Jesucristo.

⁶ Itsiya icuaina'ma fa'a itque Timoteo. Joupa itsehuo'ma lo'pitya'. A'simpá ac'a lataiqui' ite laluponga'. Alminga': "La'pimaye nomana' Tesalónica ti'hua ti'huaiyijnyi Jesucristo. Ti'hua al'enga' capic'a. Itine itine al'nujuaitsinga'. Juaiconapa ilpic'a alsingonatsonga', ma to illanc' alpic'a alsingonatsola' itne." ⁷ La'cujepá to'ta'a loluyalaicopa imanc' lixoc'ipoltsi calata. Tama lahue'enga', al'elcoyi, tocomma ailopa'a tintsi. Joupa i'ipa calsina' imanc' ti'hua to'l'huaiyijnyi Jesucristo. ⁸ Ja'ni aimipaiyumma lo'picuejma', ja'ni ti'hua to'l'huaiyijnyi Jesucristo, illanc' aimat'afqueyaconga'. Ti'i'ma ca'pufjxi luyalaico'me lapajnya.

⁹ Ma'l'nujuaitsilhuo' imanc' als'najtsi'iyi LanDios. Alinca imanc' lixoc'iponga' calata juaiconapa. Ma'l'palaic'oyi LanDios tixoquei calata als'najtsi'iyi to'ta'a. Tocomma aimi'iya ma'suai'niyacu ite lals'najtsi'ipa LanDios. Ailopa'a caltaiqui'. ¹⁰ Ipuqui' itine als'hueyi juaiconapa. Al'miyi: "Lapi'itsonga' lane al'tsecontsa lahuejntola' la'pimaye nomana' Tesalónica". Al'nesyi: "Mo'l'huaiyijnyi Jesucristo te aga tipa'a petsi aimol'cuc'eyi. Al'toc'itolhuo', al'muc'itolhuo'."

¹¹ Ihniya, ca'l'Ailli' LanDios y la'Poujna Jesucristo al'toc'itsonga'. Lapi'itsonga' lane al'cuaiconsa jilpiya pe lo'mana'. ¹² Ca'l'Ailli' titoc'itsolhuo' imanc'. Illanc' alinca al'elhuo' capic'a juaiconapa. Als'hueyi LanDios tepi'itsolhuo' lo'picuejma', to'l'etsoltsi capic'a juaiconapa. Jouc'a to'l'etsola' capic'a jahuay lo'f'as xanuc'. ¹³ Ja'ni titoc'itsolhuo' to'ta'a LanDios jouc'a tifa'e'molhuo' lo'picuejma'. Litine ticuaiconanca la'Poujna Jesucristo y jahuay itne h'huexi, LanDios ca'l'Ailli' aimetac'ui'iyacolhuo' cajunac'. Timetsaico'molhuo' joupa i'ipa pangay c'a lo'picuejma'.

4

¹ Cunc'al'pimaye, ai'a ticula'ala' ita'a colje'e tipa'a xonca laifmiyacolhuo'. Joupa alu'ipolhuo' te ts'i'ic' molihuejyacu LanDios. Alu'ipolhuo' te ts'i'ic' mon'eyacu ja'ni tetencocola' LanDios. Alinca, ma to'ta'a tolihuejyi. Illanc' al'eyi lipenic' la'Poujna Jesús toliya als'huelhuo', als'c'ai'ilhuo': "Ti'ila' xonca ac'a ite lolihuejpa". ² Ma to la'cuxe'eponga' la'Poujna Jesús, ma to'ta'a la'cuxe'epolhuo'. Joupa ol'sina' te ts'i'ic' la'sc'ai'ipolhuo'. ³ Al'cuxe'epolhuo' ton'ete ma lixpijma' LanDios. Tolanajtsoltsi al xujc'a, ti'itsolhuo' qui'huexi LanDios. Aimon'e'me to itne lan xanuc' pe nahuepá quileca'no'. ⁴ Jahuay imanc' to'muc'itsoltsi to'cuxetso'tsi al c'a. Tejonh'i'moltsi anuli anuli quipeno. Ma le'a itque lipeno tixhuico'ma. Timetsaico'la' jouc'a i'huexi LanDios. Aimetets'i'ma. ⁵ Aimon'e'me to lo'epa lan xanuc' petsi aimimetsaicoyi LanDios. Itne tihuejcoyi ma le'a lojanajpa lit'cuero. Ihniya aimixinyi acuanuc'la lipenoye, tixhuicoyi lonaispa lipicuejma'.

⁶ Ton'e'me ite laifcuxe'epolhuo'. Ni' anuli imanc' metets'i'ma lipima ni mifel'mi'ma to'ta'a. Aimolaxic'e'moltsi lo'penoye. Ton'etsoltsi cuenna. LanDios ti'e'ma hijca. Ti'najtse'e'mola' itne pe no'epá to'ta'a. Tite'l'mi'mola'. Joupa alu'ipolhuo' to'ta'a. Al'sc'ai'ipolhuo' juaiconapa. ⁷ LanDios al'joc'iponga', a'i ma'l'e'me al xujc'a. La'joc'iponga' joupa alsimponga' i'huexi. ⁸ Pe aimalihuejconga' illanc' ite la'sc'ai'ipolhuo' itque aimalatets'inga' illanc' ninc'ixanuc', tetets'i LanDios itque tepi'ilhuo' h'Espíritu Santo.

⁹ Ita'a colje'e aimal'cuxe'eyacolhuo': Ton'etsoltsi capic'a lapimaye. Imanc' LanDios joupa imuc'ipolhuo' ton'etsoltsi capic'a. ¹⁰ Linca olihuic'ipá ite limuc'impolhuo'. To'l'nujuaitsila' lo'pimaye ni petsi lomana' lamats' Macedonia. To'toc'ila'. Itsiya als'c'ai'ilhuo', al'milhuo': Xonca to'l'nujuaitsola' lo'pimaye. Xonca to'toc'itsola'.

¹¹ Tolahue'me te co'iya moluyalaicoyacu al c'a. Ton'e'me canic'. Anuli anuli, quituca' quituca', ti'e'ma ma le'a lipenic'. To'suicote lo'mane' ton'ete canic'. To'ta'a joupa al'cuxe'epolhuo'. ¹² To'ta'a itne petsi aimi'huaiyijnyi LanDios tixim'molhuo' ac'a lon'epa. Imanc' jouc'a to'luyalaico'me al c'a. Aimehue'eyacolhuo'.

13 Cunc'alpimaye, ti'íta' col̄sina' te lo'iyacola' iñe laṭpimaye lijoupa limanapola', iñe aṭnescopola' "tixmaīyi". Ja'ni aicol̄sina' lo'iyacola' iñiya, aga imanc' toṭhuotso'me ma to mi'eyi locuenaye xanuc', iñe petsi aiqui'huaijma litine lomaf'i'inyacola'. 14 Joupa aṭ'epá linca li'ipa Jesús. Iṭque imanapa, imaf'inapa, ipanamma pe lomana' limanapola'. Jouc'a aṭcuayi: Litine ḲanDios tummeconata Jesús jouc'a ticuaicu iñiya limanapola'. Iñe i'huaiyijmpá Jesús, aṭnescopola' "tixmaīyi". Toṭta'a laṭ'huaiyijmpa. 15 Cu'i'molhuo' lo'iya. Ita'a itaiqui' laṭPoujna Jesús. Ticuaiconanni Jesús ja'ni ts'aṭmaf'i' o joupa aṭsmaipá, cacua aṭmanaponga', ma' anuli aṭtecona'monga'. Ja'ni aṭmaf'i' aimat̄tecoyaconga' ate'a. 16 Ticuequim'me ticuxem'me. Ma mija'e' cal Cuecaj Capaluc Quema'a, muna'e' litrompeta ḲanDios, laṭPoujna Nopa'a lema'a timuyohuo. Ticuaiyoconno fa'a li'a ṭamats'. Limanapola' petsi ni'huaiyijmpá Jesucristo ate'a titsolinacu. 17 Tijouṭa' illanc', ja'ni aṭmana' jifa'a li'a ṭamats', aṭ'nof'em'monga', aṭtai'monga' ṭummahuay. Illanc' y laṭpimaye ma' anuli aṭtalecufta laṭPoujna mimumma lema'a. Toṭta'a aṭmajnta nulemma anuli laṭPoujna. 18 Iṭe lataiqui' tolu'itsola' loṭpimaye. Tolixoc'itsoṭsi cunlata.

5

1-2 Cunc'alpimaye, jifa'a col̄je'e aimalu'iyacolhuo' al 'hora ticuaiyoconno laṭPoujna. Aimi'iya malu'iyacolhuo'. Iṭe lixpijma' ḲanDios. Aical̄sina' ja'ni ahuata o axpe' lahue'epa aṭsinte iṭe al Cuecaj Quitine. Imanc' joupa oṭsina' aimi'iya maṭnesyacu: "Mouqui o pitsu o locuena camats' ti'i'ma". Cal namas no'huapa ipuqui' aimuya'e' te 'hora micuaiya lajut'l. Toṭiya micuaiya iṭe al Cuecaj Quitine. 3 Minesyi lan xanuc': "Ailopa'a tintsi. Luyalaico'me al c'a"; ma iñiya litiné tixim'me ṭumla. Litaipa ṭaca'no' joupa li'ipa lipumla aiquixinaic' lo'iya. Ma toṭta'a tixim'me locuaicoya iṭe al cueca' cateṭcoya. Titeṭ'mim'mola' nulemma. Aimi'iya muntulyacu. 4 Imanc' cunc'alpimaye aimoluyalaicoyi al muf. Toṭta'a, litine aimi'iya mixpaic'eyacolhuo' tama ticuaitsi to micuaita cal namas. 5 Jahuay imanc' joupa epalc'o'ipolhuo'. Ti'onṭcospolhuo' to litine. Imanc' illanc' a'i muf laṭpicuejma', aimat̄'onṭcosponga' to lipuqui'. 6 Toṭiya aimuluyalaico'me lapajnya to iñe noyalaicopá to noxmaipá. Ti'hua aṭmaf'iṭe. Aṭsuicoṭe al c'a laṭpicuejma'. 7 Noxmaipá tixmaīyi lipuqui'. Lisnaye timeyoquila' lipuqui'. 8 Illanc', ja'ni aṭ'onṭcosponga' to litine, ja'ni joupa lapalc'o'iponga', aṭsuicoṭe laṭpicuejma'. Aṭpa'neco'moṭsi, aimalulij'monga' Satanás. Jahuay ṭalunxajma' aṭ'huaiyijnle Jesucristo, aṭ'ele capic'a. Aṭpo'noṭe laṭpicuejma' aṭ'huaicoṭe iṭque Nocuaicoya, lunṭu'e'monga'. 9 Ma nipajnya aṭ'huaico'me lunṭu'e'monga'. ḲanDios Naṭ'huij'eponga' ixpic'epa lunṭu'e'monga' illanc' naṭ'huaiyijmpá Jesucristo. Toṭta'a aimi'iya maṭteṭ'miyaconga'. 10 Maṭque Jesucristo icupoxi tima'anṭe, i'najtsepa laṭjunac'. Toṭiya iṭe litine ticuaiconanni aṭmajm'me anuli iṭque. Ma toṭta'a laṭ'iyaconga' ja'ni aṭmaf'i', jouc'a ja'ni tocomma to aṭsmaīyi, cacua joupa aṭmanaponga'. 11 Toṭ'nujuaitsa iṭta'a al c'a lo'iyacolhuo'. Toṭta'a tolloxoc'i'moṭsi cunlata, toṭfa'e'moṭsi laṭpicuejma'. Linca ma tonṭ'eyi toṭta'a. Ti'hua tonṭ'ele.

12 Cunc'alpimaye, jil̄piya pe loṭmana' timana' lapimaye no'epá lipenic' ḲanDios. Iñiya tixc'ai'ilhuo', tu'ilhuo' te ts'i'ic' molihuejyacu iṭque laṭPoujna. Aṭsahue'elhuo': Tolimet-saicotsola' iñiya. 13 Tolimetsaicotsola' liṭpenic' lo'epa. Toṭ'etsola' capic'a juaiconapa. Tonṭejmaleṭe al c'a. Aimol̄fuli'i'moṭsi cataiqui'.

14 Cunc'alpimaye aṭsc'ai'iconalhuo': Iñe petsi aimi'eyi canic', toṭtaletsola'. Ja'ni titafquem-mola', toṭpalaic'otsola' al c'a. Petsi ailopa'a quipujfxi, toṭtoc'itsola'. Toṭsnet'ṭ'me liṭ'ejma' lan xanuc'. Aimolixtuc'o'mola'.

15 Toṭpo'noṭe cuenna loṭ'eyacu. Ja'ni ixcay li'epolhuo' aimonṭ'econa'me toṭta'a, ni anuli imanc'. Tonṭ'e'me ma le'a al c'a. Ja'ni apimaye, ja'ni ocuenaye lan xanuc', ma' anuli toṭtoc'itsola'.

16 Aimol̄sueṭmot'ṭe'me. Itine itine tixojla' cunlata. 17 Moluyalaicoyi lapajnya ti'hua toṭpalaic'o'me ḲanDios. 18 Ja'ni al c'a ja'ni a'ijc'a lo'ipolhuo', toṭs'najtsi'ṭe ḲanDios. Toṭta'a lonṭ'eyacu imanc' noṭ'huaiyijmpá Jesucristo. Joupa ixpic'epa ḲanDios.

¹⁹ Aimolpa'ne'me cal Espíritu Santo. Tolapi'ile lane ti'ela' ma lipic'a.
²⁰ Aimolatets'i'mola' lołprofeta lonespa. ²¹ Aimolapenuf'me jahuay lataiqui' lołquimf'epa. Tołspijle. Tolimetsaicołe ja'ni al c'a o a'ijc'a. ²² Tolapenufle al c'a. Ja'ni a'ijc'a tolanajtsoltsi. Aimolapenuf'me.

²³ LanDios tipaxnetsolhuo'. Ma ilque ti'i'ma tipac'e'e'molhuo' lołpicuejma'. Ti'e'etsolhuo' nulemma i'huexi. Tołta'a, ticuaiyunni Jesucristo tixim'molhuo' pangay c'a lołpicuejma', loł'alma, lołcuerpo. Aimetac'uinyacolhuo' cajunac', ailopa'a. ²⁴ LanDios ijoc'ipolhuo'. Ilque aimifel'miyale. Joupa ipo'nopa cataiqui'. Ma ti'e'ma to joupa laimipolhuo'.

²⁵ Cunc'alpimaye, tołsahue'ele LanDios altoc'itsonga' illanc'. ²⁶ Tołmitsola' lałpimaye no-mana' jilpiya: “Tinonilhuo' lałpimaye Pablo, Silvano jouc'a Timoteo”. Tołtuc'otsoltsi lołpeque ma to mituc'oyołtsi lapimaye, ilne i'huexi LanDios.

²⁷ Cacuxe'elhuo' tołsuef'le ilta'a colje'e petsi lafołyomma lałpimaye. A'i ma le'a iya' caituca' cacuxe'elhuo' tołta'a. Jouc'a ma' anuli tołiya licuxe'epolhuo' ilque lałPoujna.

²⁸ LałPoujna Jesucristo tipaxnetsolhuo', titoc'itsolhuo' jahuay imanc'.

LIJE'E SAN PABLO LOCUENA LINIË'EPOLA' LAPIMAYE LEFOT'LEPOËTSI LIËYA' TESALÓNICA

¹ Illanc' ninPablo, Silvano y Timoteo alini'elhuo' imanc' unc'apimaye olafot'lepötsi liËya' Tesalónica. Imanc' iËxanuc' ËanDios ca'Äilli' y ËaPoujna Jesucristo. Iñiya joupa epenufpolhuo'. ² ËanDios ca'Äilli' y ËaPoujna Jesucristo titoc'itsolhuo', tipac'e'etsolhuo' loËpicuejma'.

³ Aicalimenc'ecolhuo' imanc' lo'ejma'. Itine itine xonca to'huaiyijnyi ËanDios, itine itine xonca ton'eyoËtsi capic'a. Anuli anuli imanc' to'Ëa' lo'ejma'. To'Ëiya aËs'najtsi'iyi ËanDios, ticuicomma. ⁴ Ma'ñujuaitsilhuo' to'Ëa' lo'ejma' illanc' jouc'a a'palaicolhuo'. Ma'palaic'ola' locuenaye lapimaye Ëefot'lepola' ËanDios, lu'ila': "La'pimaye nomana' Tesalónica, mihuetsoquinnila' i'ne ti'hua tixnet'Ëyi. Tama tite'coyi ti'hua ti'huaiyijnyi ËanDios, aimixospola'." ⁵ Mo'Ësnet'Ëyi lo'Ëte'copa, ËanDios tilanc'e'elhuo' lo'Ëpicuejma'. Tijou'la' to'Ësulfo'Ëaita pe locuxeyopa i'Ëque. To'Ëa' timujyoxi ac'a lipicuejma' ËanDios. Timujyoxi tixpic'e ma le'a al c'a.

⁶ Cacia: ËanDios tixpic'e al c'a. Ti'ay ma le'a al Ëjca. Ti'najtse'e'mola' iñiya notel'mipolhuo' itsiya, tite'Ëmi'mola'. ⁷ Imanc' ituca' lo'iyacolhuo'. Itsiya to'Ëte'coyi, tijou'la' tolunxajta. Ma' anuli lunxajta. To'Ëa' la'Ëyaconga' litine ticuaiconanni ËaPoujna Jesús. Jilpe litine timuj'moxi ËaPoujna to qui'ic'. I'Ëque Ëinca juaiconapa icueya limane, to'Ëiya ticuxela' lepaluc' quema'a. Iñiya ËaPoujna y lepaluc' timulcu. ⁸ Jilpe mimulumma tunaita Ëunga. Jilpe litine ti'e'ma al Ëjca. Tite'Ëmi'mola' nulemma iñiya pe aimimetsaicoyi ËanDios jouc'a pe aimihuejcoyi Lataiqui', i'Ëe litaiqui' ËaPoujna Jesucristo. ⁹ I'ne tepenuf'me li'junac'. Tecani'e'mola' nulemma. Aimitsulfo'Ëaiyacu pe lopa'a ËaPoujna. Jilpe lomujyoyacoxi acueca' juaiconapa. Timuj'moxi ma' anDios. ¹⁰ To'Ëa' lo'Ëya litine ticuaiconanni ËaPoujna. Jilpe litine timuj'moxi ma' anDios. Jouc'a a'Ëmuj'mo'Ëtsi a'Ëinca i'huexi i'Ëquiya. I'Ëe litine lahuelojntsonga' jahuay illanc' na'huaiyijmpá ËanDios, tines'me: "I'Ëque Jesús Ëinca apaxi. Joupa ipai'ipola' i'ne." La'nespa: "... jahuay illanc' na'huaiyijmpá", a'Ënescopolhuo' jouc'a imanc', joupa olapenufpá Lataiqui' lalupolhuo'.

¹¹ A'ñujuaisyi i'Ëe al cueca' al c'a la'Ëyaconga' jilpe al Cueva' Quitine locuaicoya. To'Ëiya itine itine a'Ësa'hueyi ËanDios titoc'itsolhuo', ti'hua to'Ëihuejle ËanDios, i'Ëque ijoc'ipolhuo'. Ja'ni ti'Ëa' to'Ëa' lo'ejma' aimixhue'coya ËanDios te quijoc'icopolhuo'. A'Ësahue'eyi ËanDios ti'Ëa' acueca' lo'eya. Tenant'Ëa' jahuay al c'a lo'Ëpic'epa ton'Ëe. Tenant'Ëa' jahuay i'Ëe al c'a lopo'nopa ËanDios jilpe lo'Ëpicuejma' ma mo'huaiyijnyi i'Ëque. ¹² Ja'ni to'Ëa' lotoc'iyacolhuo' ËalanDios y ËaPoujna Jesucristo, lan xanuc' tixim'me acueca' ËaPoujna Jesús, tipalaico'me al c'a. Imanc' epenufpolhuo' ËaPoujna tixim'molhuo' ti'on'Ëcopolhuo' to i'Ëque.

2

¹⁻² Cunc'apimaye joupa o'Ësina' ticuaicoconno ËaPoujna Jesucristo. O'Ësina' lafot'Ëe'monga', jilpe litine a'Ëmajnta anuli i'Ëque.

Itsiya caxc'ai'ilhuo', camilhuo': Aga tu'i'molhuo': "Joupa icuai'ma al Cueva' Quitine. Icuaicona'ma ËaPoujna, cal Espiritu Santo alu'iponga'." O tu'itsolhuo': "Ëinca icuaicona'ma. I'ne Pablo jouc'a liyejmalepa alumme'eponga' ca'Ëje'e tuya'e to'Ëa'a." Ja'ni tu'itsolhuo' to'Ëa'a, imanc' aimimufc'o'molhuo' lo'Ëpicuejma', aimon'Ëe'me Ëinca. ³ Ja'ni to'Ëa'a tehue'Ëe tife'Ëmitsolhuo', o ja'ni ituca' li'ejma', aimolapenuf'e'mola' li'Ëtaiqui'. To'Ëpo'no'Ëe lo'Ëpicuejma', aimife'Ëmi'molhuo'. I'ne nonespá to'Ëa'a infel'miyale, a'i to'Ëa'a lo'Ëya micuaiconaya ËaPoujna. Ate'a lan xanuc' titaleco'me litaiqui' ËanDios. Tipai'i'mo'Ëtsi li'Ëpicuejma'. Tihuejco'me ocuena cataiqui'. Tijou'la' ti'Ëa' to'Ëa'a timuj'moxi anuli cal xans ma le'a ixçay lo'epa. Tetets'i'ma jahuay locuxepa ËanDios. I'Ëque aimun'Ëya, tejac'ma.

⁴ Hque ti'nof'e'moxi. Ti'ay quipilaic' LanDios, jouc'a ti'ela' quipilaic' jahuay lilendiosla' lan xanuc'. Ticua: "Ma le'a iya' laxc'on'ingai'ma". Ti'on'ico'moxi to LanDios. To'ta'a ticutshuai'ma jilpe lixoute' LanDios. ⁵ Imanc', ¿te jounpa olimenc'ecopa ite lainu'ipolhuo' ma'mana' anuli?

⁶ Imanc' jounpa o'sina' tipa'a lopa'necopa itque lixcay xans. LanDios jounpa ixpic'epa litine timuj'moxi itque. ⁷ Itsiya linca ma tipa'a anuli petsi aimasinyi. Hque ma le'a ixca'y lo'epa, tetets'i jahuay locuxepa LanDios. Jouc'a tipa'a petsi ti'hua limane tipa'neco'ma itque. Ti'hua tipa'ne, tijoula' tilojm'ma. ⁸ Tilojnlá' itque nopa'nepa, timuj'moxi lixcay xans, itque tetets'i locuxepa LanDios. Hque aimipaneya to'ta'a. Ticuaicoconno la'Poujna tifusco'ma, tima'a'ma. Hque cal xans aimixnet'lya ticuaicohuananni la'Poujna. Aimi'iya mehuelojnya, tejac'e'ma. ⁹ Ma Satanás lummepa itque lixcay xans. Ma'que Satanás tepi'i'ma acueca' icueya limane. To'ta'a ti'e'ma al cueca'. Lo'eya tocomma to lo'eya ma le'a LanDios. Hque a'i andios, ma' afellaiqueya litaiqui', afellaiqueya lo'epa.

¹⁰ Hque no'epa lixcay tifel'mi'mola' lan xanuc', itne petsi ti'hua tejac'eyo'tsi. Itne aikuilepenufi al Linca Cataiqui'. I'e'me capilaic', to'hiya aimuntulyacu. ¹¹ LanDios ticua: "Tifel'mitsot'si". Pe lomana' jounpa ipo'nopa lafellaiqueya cataiqui', tepenufle ita'a. ¹² To'ta'a tite'l'mi'mola' nulemma itne petsi aikuil'aic' linca al Linca Cataiqui'. Itne petsi xonca ilpic'a lo'epa lixcay, tetets'iyi locuxepa LanDios.

¹³ Imanc' aimi'on'cotolhuo' to itniya pe natets'ipá LanDios. To'hiya als'najtsi'iyi LanDios, ticuicomma. Imanc' unc'alpimaye. La'Poujna ti'elhuo' capic'a. Lipangopa li'a lamats' LanDios jounpa i'huij'ecopolhuo' tunlu'etsolhuo'. Linca tunlu'e'molhuo'. Cal Espiritu Santo ti'hua tilanc'e'e'molhuo' lo'picuejma', ti'itsolhuo' ma i'huexi LanDios. To'ta'a lo'iyacolhuo' ma molihuejcoyi al Linca Cataiqui'. ¹⁴ Litine lo'quimf'epa Lataiqui' lal'ipolhuo', LanDios ijoc'ipolhuo' toluyalaico'te to'ta'a. Tijoula' to'cuxeta anuli la'Poujna Jesucristo.

¹⁵ To'hiya, cunc'alpimaye, to'po'note lo'picuejma', tolihuejcocona'me lataiqui' la'muc'ipolhuo'. Ja'ni illanc' caltuca' alu'ipolhuo', ja'ni linit'epolhuo' ita'a co'je'e, ma' anuli ite lataiqui', tolihuejco'te.

¹⁶ Titoc'itsolhuo' itniya la'Poujna Jesucristo y LanDios. LanDios, itque cal'Ailli', al'nujuaisponga', ixpic'epa altoc'itsonga'. To'hiya lixpi'iponga' calata nulemma. Itsiya aimasuelmot'leyi te ts'i'ic' ma'iyaconga' Locuaicoya Quitine. Alsina' lapenuftonga'. ¹⁷ Ja'ni to'suelmot'leyi, LanDios tixpi'itsolhuo' cunlata. Ma mon'eyi al c'a o mo'palaic'oyi al c'a tifa'etsolhuo' lo'picuejma'.

3

¹ Cunc'alpimaye, ai'a ticula'a'ma ita'a co'je'e, tipa'a laifmiyacolhuo': To'sahue'ete LanDios altoc'itsonga'. To'ta'a aimipa'necoyacu litaiqui' LanDios. Ma to imanc' jounpa olapenufpá, olimetsaicopá ma' itaiqui' LanDios, to'ta'a tepenuf'me, timetsaico'me lan xanuc' nomana' locuenaye itelol'ya'. ² To'sahue'ete LanDios alcuanajcotsonga', amalulij'monga' itne pe liminscopola' li'picuejma', itne pe no'epá lixcay. Ai' jahuay mi'huaiyijnyi Jesucristo to la'huaiyijmpa. ³ Hque la'Poujna linca aimifel'miyale. Tifa'e'molhuo' lo'picuejma', ticuanajco'molhuo'. To'hiya aimi'i'ma co'eyacolhuo' lixcay conta'a.

⁴ Illanc' al'huaiyingilhuo'. Alcuayi: "Itne la'pimaye nomana' Tesalónica jouc'a ti'huaiyijnyi la'Poujna. To'hiya ti'eyi to latsc'ai'ipola', ti'hua ti'e'me."

⁵ La'Poujna ti'hua tilanc'e'etsolhuo' lo'picuejma', xonca to'singufle lo'epolhuo' capic'a LanDios. Titoc'itsolhuo' ti'hua to'snet'l'me ma to itque Cristo lixnet'ipa. Aimixojtolhuo'.

⁶ Cunc'alpimaye: Aimon'ejmalecona'me itne lapimaye pe aimi'eyi canic', petsi nohuinajpola'. Tolana'jtso'tsi itniya. To'po'notsola' quiftuca'. Illanc' epaluc' la'Poujna Jesucristo, to'ta'a latsc'ai'ipolhuo'. Lo'epa itne nohuinajpola' a'i to illanc' jounpa al'muc'ipolhuo'. ⁷ Imanc' jounpa o'sina' lonf'eyacu. Imanc' al'on'tsonga' to illanc' la'ejma'. Illanc' ma'mana' jilpiya

aimaḥuinaquinga'. ⁸ Aimaḥsa'hueyi caḥtejacu. Ipuqui' itine aḥ'eyi canic', aḥtel'miyotṣi, aḥcuayi: “Maḥmana' liḥpitya' laḥpimaye nomana' Tesalónica, aimixingufco'me iḥniya”.

⁹ Linca tipa'a laḥmane. Nipajnya aḥsahue'etsolhuo'. Aicaḥcuac'. Xonca aḥpic'a aḥmuc'itsolhuo' lonḥ'eyacu, aḥ'onḥsonga' to illanc' laḥ'ejma'. Tonḥ'e'me lanic' ma to illanc' laḥ'epa. ¹⁰ Maḥmana' jilpe loḥpitya' maḥsc'ai'ilhuo' lu'ilhuo': “Petsi aimicua mi'ay canic', aimitetso'ma”. ¹¹ Itsiya aḥcujpá lonescompolhuo' imanc', ticuayi: “Iḥne lapimaye nomana' Tesalónica, hualca tihuinaquila'. Aimi'eyi canic'. Ma le'a tiyelocoyi, tehuelojnyi lo'epa locuenaye.” ¹² Illanc' epaluc' Jesucristo aḥcuxe'ela' iḥniya no'epá toḥta'a, aḥsc'ai'ila': “Aimonḥeloco'me le'a, tonḥ'ete canic'. Toḥta'a toḥ'na'me coḥtuca' cola'i.”

¹³ Cunc'aḥpimaye, ja'ni tonḥ'eyi canic', ja'ni toḥta'a toluyalaicoyi lapajnya, tonḥ'eyi al c'a. Aimixojtolhuo'. Aimoḥpai'i'moḥṣi loḥpicuejma'. Aimoḥnes'me: “Aimi'iya ca'econaya toḥta'a”.

¹⁴ Ja'ni anuli loḥpima aimihuejma laḥtaiqui' laliniḥ'epolhuo' iḥta'a coḥje'e, tolimetsaicotsa naitṣi iḥque. Aimoḥejmalecona'me. Tolanaḥjṣoḥṣi. Iḥque tixinḥa' calaic'ata, tixhuej'menanni.

¹⁵ Linca aimonḥ'e'me capilaic'. Iḥque oḥpima. Toḥsc'ai'i'me, tolu'i'me: “Aimo'econa'ma toḥta'a”.

¹⁶ Ma le'a laḥPoujna ti'i'ma aḥpac'e'e'monga' laḥpicuejma'. Ma toḥta'a ti'e'etsolhuo' imanc'. Itine itine tipac'e'e'molhuo' loḥpicuejma'. Toḥmajnle al c'a, aimoḥsueḥmot'lecona'me. Pe loḥmana', jahuay imanc', toḥmajnle anuli laḥPoujna.

¹⁷ Iya' ninPablo caituca' laimane quinili fa'a laipuftine. Toḥta'a locula'acoya jahuay laije'e laifnumme'epola' lapimaye. Imanc' y locuenaye capimaye ti'ila' coḥsina' ma' aije'e.

¹⁸ LaḥPoujna Jesucristo ti'hua titoc'iconatsolhuo' jahuay imanc'.

LIJE'E SAN PABLO AL TE'A LINIĒ'EPA TIMOTEO

¹ Iya' ninPablo, nin'apóstol, epaluc Jesucristo. ŁalanDios y łalPoujna Jesucristo alfajpa iħiya laipenic'. Małque ŁanDios Łalunłu'eponga'. Illanc' joupa lapenufpá Jesucristo, tołta'a alłsina' ma' alınca alunłu'ena'monga' nulemma.

² Quinił'ehuo' cumTimoteo. Ima' ma' ai'hua. Lihuequi iya'. Ma' anuli lihuejyi Jesucristo. ŁanDios cał'Ailli' y Jesucristo łalPoujna titoc'itso'. Ti'nujuaitso', tipac'e'etso' lopicuejma'.

³ Małmana' liłya' Éfeso aimipo': "Ca'huahuanła' łamats' Macedonia. Ima' topanenni fa'a liłya' Éfeso. Toxc'ai'i'mola' nomuc'ipá łalłpimaye. Tomitsola': Aimolłmuc'i'mola' ituca' cataiqui'. ⁴ Aimolłquimf'e'mola' lan xanuc' loya'apa, ilne mane tipalaicoyi petsi a'ij linca. Aimolłquimf'e'mola' ilne nonescopá liłpuftine liłtatahueló." Ilne lonescopa aimijouya. Petsi noquimf'epá iħiya lataiqui', ¿te ti'i'ma quilsina' te ts'i'ic' lixp'ic'epa ŁanDios? A'i. Ma le'a ti'hua tixhuełcoyi, ticuayi: "¿Pe copa'a al Linca Cataiqui'? ¿Te ts'i'ic' iħiya?" Ticuicomma ti'huaiyijnle ŁanDios, ti'ełe linca litaiqui'. Tołta'a timetsaico'me te ts'i'ic' lixp'ic'epa ŁanDios.

⁵ Ilne petsi alınca naihuejcopá locuxepa ŁanDios ti'eyolłsi capic'a. Ilne joupa i'ipola' ac'a liłpicuejma'. Aimi'nujuaisyołłsi ilne quilltuca', ti'nujuaitsila' liłłpimaye. Jiłpe liłpicuejma' ilłsina' ŁanDios joupa imenc'e'ecopola' li'epa. Tołta'a aimi'econayacu al xujc'a. Ma ti'huaiyijnny ŁanDios, a'i ma le'a minesyi. ⁶ Petsi aimihuejyi tołta'a ilne joupa ecanujpá al C'a Cane. Mane tipalolłayi. Ilne loya'apa aimitoc'ila' liłłpimaye. ⁷ Ticuayi: "Illanc' linca ninc'omxiye. Alłmuc'iyaleyi ma locuxepa ŁanDios, ilne lataiqui' linilijmpa Moisés." Ilne ma le'a tipalolłayi. Ni aiquilłsina' te ts'i'ic' locuxepa ŁanDios.

⁸ Illanc' aicalatets'iyi ilne lataiqui' linilłpa Moisés, alłsinyi ac'a cataiqui'. Le'a cacua: Ilne lomxiye ticuicomma ti'ila' quilłsina' tuhualc'ele ilne lataiqui'. Timuc'iyalełe ma to ts'ipic'a ŁanDios. ⁹ Ticuicomma ti'ila' quilłsina' naitsi ilne nahue'epola' tiquimf'ełe litaiqui' Moisés. Aimehue'ela' ilne lataiqui' ilne petsi ŁanDios joupa epenufpola', petsi joupa iximpola' to ailopa'a quilłjunac'. Ilniya joupa ilłsina' te ts'i'ic' locuxepa ŁanDios. Ticuicomma timuc'intsola' lan xanuc' petsi aimihuejcoyi locuxepa ŁanDios, ilne lincuejlocale. Timuc'intsola' petsi natets'ipá ŁanDios, ilne no'epá al xujc'a. Timuc'intsola' petsi lixcay liłpicuejma', ilne tixhuełcoyi ma le'a iħiya lopa'a fa'a li'a łamats'. Timuc'intsola' petsi noma'apá quilł'ailli', quilł'máma'. Timuc'intsola' noma'apá liłf'as xanuc'. ¹⁰⁻¹¹ Timuc'intsola' petsi nahuepá quilecał'no', petsi noxhuicopá liłf'as xanuc' to cacal'no', petsi no'nołpá liłf'as xanuc' ticuj'me, petsi nofelłaiquepá, petsi aimentant'iyi lataiqui' locupa, petsi no'epá nixpiya. Ticuicomma timuc'intsola' jahuay no'epá lixcay, pe aimihuejcoyi Lataiqui' loya'apa lixp'ic'epa ŁanDios. Ilne Lataiqui' tixc'ai'iyale ma le'a al c'a, tuya'e' te ts'i'ic' ŁanDios lipicuejma'. Ilque tixoqui queta alunłu'enga'. Małe Lataiqui' lapi'ipa iya', al'huaiyijmpa cuya'ala'.

¹² Cax'najtsi'i Jesucristo łalPoujna. Ilque alłtoc'ipa, alapi'ipa laipicuejma'. Cami: "Cax'najtsi'iħuo' ima' al'huaiyijmpa, lapi'ipa laipenic'". ¹³ Li'ipa, iya ixcay capalajjma ilque Cristo. Cateł'mila' lixanuc', camiloquila' cataiqui'. Ilniya liłtiné aicainihuequi Jesucristo. Tołiya aicainimetsaicola' lixanuc' Jesucristo, aicaixina' ja'ni ixanuc' ŁanDios o a'i. Tołta'a ŁanDios aicalaca'ni'e. ¹⁴ Juaiconapa acueca' łalłpaxnepa łalPoujna. Lijoupa lainepenufpa Jesucristo jiłpe linca ai'huaiyijmpa ŁanDios, ca'ela' capic'a lapimaye.

¹⁵ Tipa'a lataiqui' ma' al linca loya'apa. Tepenufle jahuay lan xanuc'. Ilne lataiqui' tuya'e': "Jesucristo icuaiyoco'ma jifa'a li'a łamats' tunłu'etsola' no'epá lixcay". Jiłpe loya'apa "... tunłu'etsola' ilne no'epá lixcay", jouc'a iya' alłnescojma. Iya' xonca nixcay xans, ailopa'a nalulijya. ¹⁶ Ilne petsi no'huaiyijnnyacu, Jesucristo ipic'a timuc'intsola' te ts'i'ic' lipicuejma'. Ti'ila' quilłsina', tama acueca' juaiconapa liłłjunac', Cristo tepenuf'mola'.

Tepi'i'mola' al ts'e liḗpitine aimijouya. Toḗta'a ate'a alsimpa nincuanuc'. Alsnet'ḗpa iya' lai'ejma'. ¹⁷ ¡Aḗs'najtsi'ile ḘanDios cal Rey! Aḗs'najtsi'ile aimijouya licuxejma', aimimaya, aiqui'huáqui. Ma quituca' anDios. Ma le'a iḗquiya nipajnya texc'onḗngotaime. Ma le'a iḗque timinḗ: “Ima' manDios”. Ma toḗta'a lo'iyá, aimipaiya. Toḗta'a ti'ila'. Amén.

¹⁸ Mai'hua Timoteo, ḘanDios joupa imetsaicopo', epi'ipo' lopenic'. Itsiya caxc'ai'ihuo': Ma to'eḗa' jiliya lanic'. To'nujuaitsi linespa lapimaye noya'apá lixpíc'epa ḘanDios, laḗmiponga': “Ti'eḗa' Timoteo lipenic' ḘanDios”. Itsiya taipa'aḗa' lopujfxi, taihuejla' ḘanDios. ¹⁹ Ti'hua to'huaiyinge Jesucristo. To'nujuaitsi imenc'e'ecopo' lo'epa lixcay. Aimo'econa'ma. Petsi aimi'nujuaisyi limenc'e'ecompola' li'epa, aiquilcuac', iḗne ti'econayi lixcay. Aimi'hua mi'huaiyijnyi Jesucristo. Joupa ejac'epoḗtsi. ²⁰ Toḗta'a li'ipola' Himeneo y Alejandro. Iḗne iya' joupa aicupola'. Nepi'ipa lane Satanás titeḗmitsola'. Tihuic'ile aimetets'icona'me Jesucristo.

2

¹ Itsiya caxc'ai'i'mo'. Ate'a camihuo': “Toxc'ai'itsola' lapimaye nafaḗyomma jilḗpiya, tomitsola': Imanc' moḗpalaic'oyi ḘanDios toḗnujuaitsola' loḗf'as xanuc' ni petsi lomana'. Toḗsahue'eḗe ḘanDios titoc'itsola', tepi'itsola' lahue'epola'. Ja'ni joupa epi'impola' toḗs'najtsi'ile ḘanDios. ² Toḗnujuaitsola' lan rey jouc'a jahuay ts'iḗpenic'. Toḗsahue'eḗe ḘanDios titoc'itsola' iḗniya. Toḗta'a aimaḗpa'neyacongá, luyalaico'me al c'a, aimaḗsueḗmot'leyacu, aḗ'e'me ma latenḗcocoḗya ḘanDios, aimaḗ'eyacu nixpiya. ³ Ja'ni toḗta'a toḗsa'hueyi ḘanDios linca tonḗ'eyi al c'a. Iḗe lonḗ'epa tetenḗcocojma ḘanDios Ḙalunḗu'eponga'.”

⁴ Iḗque ipic'a tunḗul—le lan xanuc' ni petsi lomana'. Ipic'a ti'ila' quilsina' te ts'i'ic' al Linca Cataiqui' loya'apa. ⁵ Tipa'a ma le'a anuli ḘanDios. Jouc'a tipa'a ma le'a anuli ḗalaPaluc. Iḗque ti'i'ma tipalaic'o'ma ḘanDios jipu'hua lema'a. Tixahue'e aḗtoc'itsonga' illanc' ninc'ixanuc'. Jesucristo alaPaluc, jouc'a axans. ⁶ Iḗque icupoxi tima'anḗ. I'najtsepa laḗjunac' illanc'. Jouc'a i'najtsepa liḗjunac' laḗf'as xanuc' ni petsi lomana'. ḘanDios joupa ixpic'epa te quitine tuya'atsa iḗe li'ipa. Joupa icuai'ma al 'hora. Lataiqui' illanc' lalú'ipola' lan xanuc' tuya'e' iḗe li'epa Cristo. ⁷ Ma toḗta'a laipenic' lalapi'ipa ḘanDios. Iya' nin'apóḗtol cuya'e' iḗe lataiqui'. Iya' laifnescopoxi al linca. Aicafel'miyale. Alummeḗpa ca'huata', camuc'itsola' lan xanuc', iḗne petsi aimimetsaicoyi ḘanDios.

⁸ Aipic'a tipalaic'ole ḘanDios lan xanuc' ni petsi lafot'leyoḗtsi lapimaye. Iḗniya ja'ni al c'a lo'epa, liḗmane' lo'nof'epa tetenḗcoco'ma ḘanDios. Mipalaic'oyi ḘanDios, aimixtule'me jilḗpe liḗpicuejma', aimifuleco'me cataiqui'. ⁹ Jouc'a aipic'a ti'ila' ac'a liḗ'ejma' lapimaye cacal'no'. A'i metej'moḗtsi juaiconapa. Aimicoḗ'i'moḗtsi milanc'e'me juaiconapa liḗjuac, ma mipo'noyi jilḗpe liḗ'oro, ma mixc'uininc'iyi liḗjune' aperla. Aimehue'me juaiconapa lipitali quilḗpíjahuati. Aimines'me: “Alahuelojntsonga' lan xanuc'”. Ti'ila' liḗpíjahuati ma latenḗcocoḗya ḘanDios. Jilḗpe liḗpicuejma' tijaḗajle ti'eḗe al c'a. ¹⁰ Lacaḗ'no' naihuejpa' ḘanDios ticuicomma timujtsoḗtsi mi'eyi al c'a. Aimimuc'iyale'me te ts'i'ic' liḗpíjahuá', ja'ni ac'a o a'i.

¹¹ Laca'no' miqumf'e nomuc'iyalepa, ma tiquimf'eḗa'. Aimitalai'e'ma. Tihuejcoḗa'. ¹² Iya' a'i capi'ila' lane lacaḗ'no' mimuc'inyacola' lan xanuc' ni micuxenyacola'. Ma tiquimf'eḗe. ¹³ ḘanDios ate'a ilanc'e'ma cal xans, iḗque Adán. Lijou'ma ilanc'epa ḗaca'no' Eva. ¹⁴ Tama loquexi' aiquilihuequi locuxe'epola' ḘanDios, ma le'a Eva ifel'mimpa. Adán a'i. Toḗiya camilhuo': Lacaḗ'no' aimimuc'i'me lan xanuc', aimicuxe'me. ¹⁵ Iḗniya lacaḗ'no' iḗtaic' liḗjunac'. Ti'hua tixinyi ḗumla litine mipo'no'me liḗnaxque'. Tama toḗta'a lo'ipola' ti'i'ma tunḗul'me. Ticuicomma ti'hua ti'huaiyijnle ḘanDios, ti'hua ti'etsola' capic'a lapimaye, ti'hua timetsaicotsotsoḗtsi ma' i'huexi ḘanDios, tenajtsoḗtsi al xujc'a, ti'hua ti'eḗe al c'a. Ja'ni toḗta'a liḗ'ejma' tunḗul'me.

3

¹ Ticuayi: “Pe ts'ipic'a ticuxetsola' lipimaye, ac'a lanic' ile lojanajpa lo'eya”. Iya' cacua: Al linca lataiqui' ihiya. ² Toliya ticuicomma anuli lapima petsi joupa imetsaicompa ac'a xans, ts'anuli quipeno, ticuxeyoxi ac'a, ac'a lipicuejma', a'i caxpennaiqui, tepenufila' lapimaye jilpe lejut'l, tepi'ila' lomanc'eyacu. Jouc'a ticuicomma ts'ixina' lomuc'iyalepa. Ja'ni tohta'a li'ejma', ilque linca ti'i'ma ticuxe'mola' lipimaye. ³ Aimofaj'ma lapima ja'ni tixnatsay o himfule o tixtumma. Tofaj'ma lapima ja'ni tixnet'l'ma, ja'ni tipalaic'ola' al c'a lipimaye. Aimofaj'ma ja'ni ipic'a tulijla' quitomí. ⁴ Ja'ni ticuxela' al c'a nomana' lejut'l, ja'ni linaxque' tihuejcoyi, aimi'eyi nixpiya, ilque tofaj'ma. ⁵ Lapima petsi aikuixina' micuxeyacola' nomana' lejut'l, ¿te ti'i'ma ti'e'mola' cuenna lipimaye, lefot'lepola' LanDios? A'i. Aimi'iyia. ⁶ Ticuicomma tofajya i'ipa axpe' camats' quihuequi Jesucristo. Ja'ni quite' mihuequi aga tines'ma: “Iya' xonca nincueca”. Tijoula' ma' anuli Satanás tecani'em'me. ⁷ Ja'ni lan xanuc' petsi aimimetsaicoyi LanDios timetsaicoyi ac'a xans ti'i'ma tofaj'ma. Ja'ni a'i tinesco'me cataiqui', tijoula' lapima tic'añquehuo ma to ts'ipic'a Satanás.

⁸ Ma' anuli lapimaye notoc'iyacu lipima micuxeyale. Ja'ni aimilotsoyi, ja'ni ma' anuli liñtaiqui', a'i oque', tofaj'mola' iñniya. Aimofaj'mola' ja'ni tixnatsolaiyi ni ja'ni ts'ilpic'a tulijle quitomí. ⁹ He Lataiqui' lalapenufpa illanc' ticuicomma ticuec'ete lipime xonca jouc'a tihuejle lataiqui'. ¹⁰ Ai'a tofaj'mola' taimetsaicotsola' te ts'i'ic' li'ejma' jouc'a lipicuejma'. Ja'ni añinca ac'a xanuc' tapi'itsola' quilpenic'. Titoc'ile lipima ma micuxela' lapimaye.

¹¹ Lacañ'no' notoc'iyacu jouc'a ticuicomma petsi ac'a lipicuejma', aimixahualeyi, ticuxeyoñtsi al c'a, tenant'iyi liñtaiqui', aimifellayqueyi.

¹² Lan xanuc' notoc'iyacu ticuicomma anuli anuli ti'ila' lipeno, a'i oquexi' afantsi. Ticuicomma ticuxentsola' al c'a linaxque' y jahuay nomana' lilejut'l. ¹³ Iñe notoc'iyacu, acueca' ile lanic' lo'eyacu. Ja'ni tixhuai'nile lipenic', lipimaye timetsaico'me. Iñe quituca' timetsaico'moñtsi añinca ti'huaiyijnyi Jesucristo.

¹⁴ Iya' cacua aimacolconaya fa'a. Ca'hua'ma jilpe. Añsintoñtsi. Ma capa'a fa'a quiniñ'ehuo', cu'ihuo' lof'eya. ¹⁵ Tijoula', ja'ni acol'ma fa'a joupa i'ipa colsina' te ts'i'ic' lonl'eyacu, ima' y lapimaye nomana' jilpiya. Imanc' ixanuc' LanDios, mañque Limafi' CanDios. Ma' ilque efot'lepolhuo', ipo'nocopolhuo' toluya'ale al Linca Cataiqui'. Ipo'nocopolhuo' tonl'ete cuenna ile Lataiqui', toñsinte aimipai'im'me, aimimuc'iyale'me ituca'. ¹⁶ Linca acueca' ipime Lataiqui' lalihuejcopa illanc'. He lataiqui' tipalaijma Cristo, tuya'e':

Ilque i'epoxi xans, icuai'ma fa'a li'a lamats'.

Cal Espíritu Santo imetsaicopa pangay c'a lipicuejma'.

Lapaluc' quema'a ehuelojmpá.

Pe lomana' iñe petsi aikuilimetsaijma LanDios, jilpiya uya'ampá te ts'i'ic' li'ipa, li'epa ilque.

Fa'a li'a lamats' i'huaiyijmpá,

pu'hua lema'a epenufinnapa, imetsaicompa anDios.

4

¹ Cal Espíritu Santo joupa inespa lo'iya, ticua: “Ticuañtsi lijoujma quitine lan xanuc' aimihuejconayacu al Linca Cataiqui'. Tiquimf'e'me locuapa locuenaye lan espíritu, iñe nofellaiquepá. Tihuej'me lomuc'iyalepa lontahue.” ² Iñe petsi naihuejpá ituca' cataiqui' ti'e'eyoñtsi to lan c'a xanuc'. Ticuayi: “Illanc' añmuc'iyaleyi al Linca Cataiqui’”. Ma le'a ticuayi tohta'a, tifel'miyaleyi. Ni aimimetsaicoyoñtsi ixay lo'epa. Joupa iminscopa lipicuejma', i'ipa capeme, aimixingufcoyi. ³ Ticuayi: “Timajnle quituca' lan xanuc'. Jouc'a lacañ'no' timajnle tohta'a. Aimejonñ'moñtsi.” Jouc'a ticuayi: “Iñta'a o jilu'hua aimoñte'me. LanDios aimepi'ilhuo' lane.” Iñe nonescopá tohta'a tinescoyi ma lilanc'epa LanDios. Ja'ni añ'huaiyijmpá, añcuc'eyi al Linca Cataiqui', LanDios ipic'a añ'najtsi'ile, añtefe.

⁴ Jahuay lilanc'epa ÆanDios ma ac'a. Ailopa'a calatets'iyacu. Als'najtsi'ile ÆanDios, alte'me. ⁵ Litaiqui' ÆanDios joupa lu'iponga' ac'a lilanc'epa ÆanDios. Ja'ni alsahue'ete itque tipaxne'ma lahtejacu.

⁶ Ja'ni tohta'a lofxc'ai'iyacola' lapimaye alinca to'e'ma lipenic' Jesucristo. Tomuj'moxi te ts'i'ic' litoc'empo'. Tomuj'moxi joupa imuc'imp'o' te ts'i'ic' Lataiqui' lalihuequi', te ts'i'ic' al c'a lomuc'iyalepa. Tomuj'moxi ma ti'hua taihuequi.

⁷ Tipa'a lataiqui' ti'onlcospa to litaiqui' laca'no' joupa itojnapola', ile lataiqui' tipa'ayi quiltuca' li'picuejma'. A'ij linca lataiqui', tuya'e' nixpiya. Aimapenuf'ma ni aimoquimf'e'ma. Xonca taipa'ala' lopujfxi tanant'hila' locuxepa ÆanDios. ⁸ Ja'ni taipa'ala' lopujfxi pe lafil'ya tepi'im'mo' lofmulijya. Ja'ni taipa'ala' lopujfxi tanant'hila' locuxepa ÆanDios xonca acueca' tolij'ma. ÆanDios joupa icupa cataiqui'. Toxim'ma al c'a mopa'a fa'a li'a lamats' jouc'a Locuena Quitine toxinna al c'a. ⁹⁻¹⁰ Ticuayi: "Tohiya al'eyi lanic', lipa'ayi acueca' lahpufxi, alte'miyoltsi. Joupa al'huaiyimpá ÆanDios, itque Limafi' CanDios. Ma le'a itque ti'i'ma tunhu'e'mola' lan xanuc' ni petsi lomana'. Alinca lunhu'e'monga' illanc' petsi joupa al'huaiyimpá." Ile lataiqui' tuya'e' al linca. Tepenufle jahuay lan xanuc'.

¹¹ Ima' toxc'ai'itsola' lapimaye jilpe nomana'. Tomuc'itsola' laifmipo', ile lainini'epo'. ¹² Tama mamijcano aimetets'i'mo', ni'anuli. Topalaila' al c'a, to'ela' al c'a, to'etsola' capic'a lopimaye, tanant'hila' lopenic' jahuay, tanajxoxi al xujc'a. Ja'ni lapimaye tihuejhuo' tohta'a lo'ejma' ilne jouc'a ti'i'ma al c'a li'ejma'.

¹³ Ca'hua'ma pu'hua, cahuejnto'. Ma mopa'a cotuca' ti'hua toxhuef'itsola' lapimaye litaiqui' ÆanDios, ti'hua toxc'ai'itsola', tomuc'itsola'. ¹⁴ To'nujuaitsola' litaiqui' pe noya'apá lixpicejma' ÆanDios. Ihniya uya'apá, imi'me lan ts'ilaj capimaye: "Timoteo ti'ela' lipenic' Jesucristo. To'po'nof'ile lo'mane' lijuac." Jilpe litine ÆanDios epi'ipo' lopicuejma', to'ela' lipenic'. Itsiya aimatets'i'ma lepi'ipo' ÆanDios. To'ela' lanic'.

¹⁵ Topo'notsi cuenna ile lainini'epo', aimaimenc'eco'ma. To'etsi ma to laixc'ai'ipo'. Tohta'a ti'hua ti'i'ma xonca al c'a lopicuejma'. Jahuay lapimaye tixim'mo' ile li'ipo'.

¹⁶ Ti'hua taicuis'exoxi ja'ni ac'a lo'ejma', ja'ni ac'a lofmuc'iyalepa. Tohta'a tonhu'e'moxi jouc'a tunhu'l'me ilne noquimf'epo'.

5

¹ Anuli hitojpa xans aimotale'ma, topalaic'o'ma al c'a, ma le'a tomi'la'. Taimetsaico'la' to co'ailli'. Lof'as camijcanó, taimetsaico'mola' to copimaye. ² Litojpolá' cacal'no' taimetsaico'mola' to co'máma'. Lahuats'la taimetsaico'mola' to copimaye cacal'no'. Aimopalaic'o'mola' quixcay cataiqui', aimailotsojnco'mola' cataiqui'. Jahuay ihniya, aimotale'mola', le'a tomi'mola'.

³ Tomitsola' lapimaye nomana' jilpiya: "Tohtoc'itsola' lam potsateya cacal'no', ihniya petsi ma' alinca quiltuca'". ⁴ Anuli cal potsate caca'no', ja'ni timana' linaxque' o linietó, titoc'ile ihniya. Ate'a ti'ele al c'a quiltuca' li'pimaye. Tihuic'ile titoc'ile qu'il'ailli', qu'il'máma'. Tohta'a lipic'a ÆanDios, tetenma. ⁵ Iya' cacua: Cal potsate caca'no' petsi joupa i'huaiyimpa ÆanDios, mipa'a quituca' ja'ni itque ti'hua ti'huaiyinge, ipuqui' itine tipalaic'o'ma ÆanDios, tixahue'e'ma titoc'ila'. Ja'ni tohta'a li'ejma' itque alinca apotsate. ⁶ Timana' ocuenaye lam potsateya cacal'no' ituca' li'ejma'. Ilne tehueyi te co'iya muyalaicoyacu al c'a li'pitine. Tehueyi li'pinoxjma cata. Tohta'a, tama ilmaf'i', ÆanDios tixinnila' to limac'la, to nenajpo'ltsi ÆanDios. ⁷ To'itsola' lapimaye laifmipo'. Tomitsola': "Tolihuejle ile lahmiponga' lahpima Pablo". Ja'ni ti'ele tohta'a locuenaye lan xanuc' aiminescoyacu a'ijc'a. ⁸ Lapimaye ticuicomma titoc'intsola' li'xanuc'. Lapima xonca titoc'i'mola' nomana' lejut'i. Ja'ni aimi'eyi tohta'a, acueca' a'ijc'a li'ejma', aimihuejyi Lataiqui' loya'apa ile al c'a lixpice'epa ÆanDios. Petsi aimimetsaicoyi ÆanDios ihniya titoc'innila' li'xanuc'.

⁹ To'itsola' lapimaye: "Cal potsate caca'no' petsi aiqixhuaiya afane' nuxans lemats', aimolinijnc'e'me lipuftine. Tolinijnc'eta lipuftine ja'ni loxhuaiya afane' nuxans lemats',

ja'ni imajmpá ma le'a anuli lipe'ailli', aiqehuaic' ocuenaj xans, ¹⁰ ja'ni imetsaicompá i'epa al c'a, ja'ni ac'a itoc'epola' linaxque', ja'ni epi'ipola' lejut'í tunxac'ele noyepá al culi' cane, ja'ni epac'epola' li'mitsi' lipimaye, i'ne jouc'a i'huexi ÑanDios, ja'ni itoc'ipola' notecopá, ja'ni itine itine tehuay te co'iya mi'eya al c'a. Ma le'a to'niya tolinihjnc'etsola' li'puftine."

¹¹ Lam potsateya cacal'no' petsi aiqixhuaiya afane' nuxans hilemats' aimolinihjnc'e'mola' li'puftine. I'ne tipango'me ti'e'me lipenic' Cristo, tijoula' tixojtola', ticuanaj'mo'ksi, tijanaj'me temallicona'me. ¹² Ate'a ticuayi: "Ne' ne', linihjnc'ela' laipuftine, ca'e'ma ma le'a lipenic' Cristo". A'ij linca locuapa. Aimentant'iyacu. Tijanaj'me temallicona'me, tijoula' titai'me lajunac', tipo'no'me i'ne lipenic' Cristo. ¹³ I'ne laca'no' lijoupa lolinihjmpola' li'puftine tihuina'j'mola'. Aimi'eyacu canic', ma le'a tehuengaleta ajut'í ajut'í. Xonca lixcay ti'e'me, tixahuale'me, tehuelai'fyi, tehuejmaleyi li'f'as cacal'no', tipalaiyi lataiqui' aimentent'ma. ¹⁴ Iya' cacua: Temallicont' lam potsateya cacal'no' petsi aiqitoquila'. Tixingon-na'me qui'na'xque', ti'e'me cuenna hilejut'hi. Ja'ni to'ta'a lo'epa naixtulepá aimi'ya minesyacu: "Xinla', ix'cay lo'epa i'ne laca'no' petsi nepenufpá Cristo". ¹⁵ Timana' hualca lam potsateya cacal'no' joupa ipo'nopá al C'a Cane, tihuejcoyi lonta'a Satanás. To'niya laifcuapa: Lapimaye lam potsateya temallicont'.

¹⁶ Lapimaye cacal'no' ja'ni timana' li'pimaye apotsateya titoc'intsola'. Aimines'me: "I'ne lapimaye titoc'ile laipima". Linca titoc'im'mola' lam potsateya cacal'no' petsi ma quituca'.

¹⁷ Lapimaye litojpola', i'ne noxpijpa lataiqui', ja'ni al c'a ti'eyi li'penic', xonca timetsaicontsola', xonca ti'najtse'entsola'. Xonca timetsaicontsola' to'ta'a petsi no'epá lanic' tuya'ayi o timuc'iyaleyi Litaiqui' ÑanDios. ¹⁸ To'ta'a tuya'e' al Paxi Linihingiya, ticua: "Cal huacax mi'huailiqui cal trigo, titela'. Aimof'i'e'me lipu'nal." Jouc'a tuya'e': "Cal xans no'epa lanic' ticuicomma ti'najtsent'".

¹⁹ Ja'ni anuli ticufla' hitojpa capima noxpijpa cataiqui', ja'ni tuya'ala': "I'que i'epa quixcay", ima' aimoquimf'e'ma nonespa to'ta'a. Ja'ni oquexi' o afantsi lapimaye tu'ihuo': "I'llanc' alsina' ma i'epa lixcay, alsimpá li'epa", jil'pe linca toquimf'e'mola'.

²⁰ Petsi no'epá lixcay tox'c'ai'itsola' pe lefo'ya lapimaye. To'ta'a tixpailijtsola' lapimaye noquimf'epá, aimi'eyacu lixcay jouc'a.

²¹ Iya' cacuxe'ehuo': To'ela' i'ne laifnu'ipo'. To'nujuaitsola' naitsi i'ne nahuelojmpo', ma'niya ÑanDios, Jesucristo y lapaluc' quema'a li'huij'epola' ÑanDios. Aimocua'ma nulemma: "I'que a'ijc'a li'epa". Ate'a ti'ila' coxina' te qui'ipa. Tijoula' to'ela' ma to laimipo'. Ni aimocua'ma: "I'que itojpa xans, tixpic'e lataiqui', aimi'ya cate'l'miya". Ima' to'ela' al hijca. ²² Ja'ni topo'nof'i'ma lomane' hijuac anuli lapima, ticuxetsola' lipimaye, ate'a ti'ila' coxina' te ts'i'ic' lipicuejma', li'ejma' lapima, tijoula' topo'nof'i'ma lomane'. Ja'ni a'i, aga ti'e'ma' quixcay lapima pe joupa opo'nof'ipa lomane', to'ta'a ima' jouc'a ojunac'. Aimoxisc'e'moxi to'ta'a.

²³ Aimoxnacona'ma ma le'a caja'. Itine itine textafhuo'. Toxna'la' tutani laj vino. Ti'ina'ma locu'u.

²⁴ Iya' camihuo': Timana' petsi aimi'ya memiyacu lixcay lo'epa. Tama i'ne quituca' aimuya'ayi te ts'i'ic' lo'epa, aimico'ya ti'i'ma coxina', taimetsaico'mola' ix'cay xanuc'. Ocuenaye xonca i'lsina' mifellaiqueyi. Tocomma ac'a xanuc', tijoula' timuj'mo'ksi ituca', taimetsaico'mola' a'ijc'a li'picuejma'. ²⁵ Ma' anuli lo'ipola' no'epá al c'a. Hualca tocomma a'ijc'a xanuc', tijoula' taimetsaico'mola' ac'a li'picuejma'. Ja'ni ac'a lo'epa li'ejma' cal xans, i'que aimi'ya memiconayacoxi li'ejma', ticuaita litine ti'huájnata.

6

¹ Lapimaye amozó, petsi li'poujna i'nampola', tixpaic'ele li'poujna ticuec'ele. Ja'ni to'ta'a ti'e'me lapimaye, lan xanuc' tixim'me ac'a ÑanDios, aimetets'iyacu litaiqui'

lomuc'iyalepa. ² Petsi lihpoujnalá apimaye, aimi'onhico'mohtsi, xonca ticuec'entsola'. Timetsaicontsola' lihpoujnalá jouc'a ti'huaiyijnyi LanDios, ma' anuli ti'ela' capic'a itque. Ima', cumTimoteo, tomuc'itsola', tox'c'ai'itsola' tohta'a.

³⁻⁴ Tohta'a loya'apa litaiqui' lahpoujna Jesucristo, ihe ma le'a ac'a Cataiqui'. Ja'ni lihuejcoyi ihe lomuc'iyalepa, a'e'me ma latentcocopa LanDios. Petsi ituca' lomuc'iyalepa ailopa'a quilsina', joupa i'ipola' amac'ta, ihe quiltuca' i'e'epohtsi to lan tsila' lomxiye. Ma le'a tifulecoyi cataiqui', ita'a o ihe lataiqui' aiquilpic'a, tixtuleyi. Tijoula' petsi naihuejpa tohta'a ihniya ti'eyohtsi laic', tixtuc'oyohtsi, tinescoyohtsi, jilpe lihpucuejma' ticufcoyohtsi a'ijc'a. ⁵ Ti'hua tifuli'yohtsi, aimi'eyi anuli lihpucuejma'. Ihe lan xanuc' lihpucuejma' joupa etelquemma, aimi'iya mixpic'eyacu al c'a, tihuejyi lafellaiqueya cataiqui'. Ticuayi: "Lihuejle LanDios, tohta'a lulijle acueca' tomí". ⁶ A'i, tohiya aimi'iya ma'cuayacu. Ti'ita' lalapi'iyaconga' o aicalapi'i'monga', ma' anuli aimasuehmoht'eyacu. Ja'ni ma lihuejcoyi LanDios, joupa i'ipa acueca' lalulijnapa. ⁷ La'majnlita fa'a li'a lamats' ni tohta'a aicaltaic'. Amatsonga' jouc'a ni tohta'a aimataiyacu. ⁸ Ja'ni tipa'a lahtejacu jouc'a lahpijahuali lahp'o'noyacu, linca tixoj'ma calata, aimalanajyacu xonca, aimasuehmoht'econayacu. ⁹ Pe ts'ihpic'a tulijle acueca' al tomí, a'ijc'a muyalaicoyacu lapajnya, tehuaiyim'mola' acueca', tic'aitcolec'u, tihuej'me lihpemac'ta, tohta'a tehueyi latehcuya. Petsi naihuejcopa tohta'a li'ejma', ihe aimunhuyacu, tocomma quiltuca' tunxalac'ila', tijoula' tejac'mola'. ¹⁰ Al te'a ihpic'a tulijle acueca' tomí, tijoula' ti'e'me lixcay. Tohta'a li'ipola' hualca, ihe nojanajpa quiltomí, enajpohtsi al C'a Cane. Ihe quiltuca' ite'l'mipohtsi, i'ipa acueca' lihpixhuejma'.

¹¹ Ima', cumTimoteo, to'ay lipenic' LanDios, topo'no'la' lopicuejma' aimaihuej'ma ihe lixcay cane. Toxp'ic'ela' to'econa'ma al c'a, to'econa'ma ma latentcocopa LanDios, ti'hua to'huaiyijnla', ti'hua to'etsola' capic'a lapimaye, ti'hua toxnet'Ha' jahuay, aimaxtu'ma, aimo'e'moxi moyac'. ¹² Ima' joupa mepenufpa Cristo, ti'hua taihuequi litaiqui'. Itsiya taipa'ala' lopujfxi tolijla' al c'a. Tohta'a tepi'inno' lopitine aimijouya. Ma tohta'a ijoc'icopo' LanDios, tepi'itso' lopitine. Ihe joupa oximpa litine onespa: "Ne', iya' nihuequi Jesucristo". Ihe litine miquimf'ehuo' axpela', ima' aicoxina' calaic'ata. ¹³ Itsiya caxc'ai'ihuo', aimehuelojnhuo' lan xanuc', tehuelojnhuo' LanDios, itque timaf'i'ila' jahuay. Jouc'a tehuelojnhuo' Jesucristo, itque jouc'a aiquitaic' calaic'ata, ac'a litalai'e'epa Poncio Pilato, u'ipa al linca. ¹⁴ Caxc'ai'ihuo': Ma ti'hua co'huaijma ticuaiconanni lahpoujna Jesucristo, taihuejcola' lataiqui' locuxe'epo'. Ja'ni ima' minnaihuejcopa, tixinim'me ma le'a ac'a litaiqui' Jesucristo. Aiminesc'eyacu, aimicuayacu a'ijc'a ihe litaiqui' Jesucristo. ¹⁵ LanDios joupa ixina' jale litine ticuaicoconno Jesucristo. Ma to lixp'ic'epa LanDios, ma tohta'a ti'i'ma. Itque LanDios jahuay nipajnya ti'e'ma. Itque xonca acueca' Incuxepa, ma itque ticuxe jahuay. Itque linca apaxi, tixoqui queta. Itque aRey, ticuxela' jahuay lan rey. Itque aPoujna, ihPoujna jahuay lapoujnalá. ¹⁶ Ma le'a itque aimimaya. Pe lopa'a tipa'a pangay quepalc'o', acueca' laxpaiqui' ihe lepalc'o', aimi'iya mi'oc'huaiyacu. Itque nij naitsi nahuelojmpa, aimi'iya mehuelojnyacu. Ma tohta'a lalanDios, itque xonca cal Cueca', xonca icueya limane. Tohta'a timetsaico'le lan xanuc', ti'hua timetsaiconame aimijouya litine. Ma tohta'a ti'ila'. Amén.

¹⁷ Toxc'ai'itsola' lan xanuc' pe ts'ih'hueca acueca'. Tomitsola': "Aimon't'e'e'mohtsi to lan tsila' xanuc'. Aimolatets'i'mola' lohpimaye. Aimol'cua'me: Ai'hueca juaiconapa acueca'. Ita'a linca altoc'i'ma laifnuyaicoya laipitine. Imanc' aico'sina' ja'ni ticol'ma lo'hueca o ja'ni aimijucoya. Xonca to'huaiyijnle LanDios. Itque itine itine lapi'inga' jahuay lalahue'eponga'. Ipic'a tixojla' calata itsiya, aimasuehmoht'he'me." ¹⁸ Jouc'a tomitsola' lan xanuc' pe ts'ih'hueca: "Ima' o'hueca juaiconapa. To'ela' juaiconapa al c'a. Aimi'i'mo' mafts'ile. Totoc'itsola' lopimaye pe nahue'epola'. ¹⁹ Ja'ni tohta'a lof'eya aimixpaic'eyaco' Locuena' Quitine. Ti'i'mo' coxina' tipa'a lo'hueca jipu'hua, tepi'inno' nulemma al ts'e lopitine."

²⁰ Cum Timoteo, jouspa epi'impo' lopenic'. To'ela' al c'a. Al c'a tomuc'iyalela' Lataiqui', ihe loya'apa lixpicepa ÆanDios. Iñiya limpalaipá aimo'onhico'moxi. Topo'no'mola' quituca', aimoquimf'e'mola'. Iñe ailopa'a quimuc'iyalepa, lonespa ma le'a laipa'apa quituca' lipicuejma', ti'hua tifulecoyi cataiqui', ma micuayi: "Illanc' ahsina". A'ij linca locuapa, aiquihina'. ²¹ Petai naihuejcopá iñiya jouspa imenajpola'. Aimihuejconayi Lataiqui' illanc' la'huaiyijmpa.

ÆanDios titoc'itsolhuo' jahuay imanc'.

LIJE'E SAN PABLO LOCUENA LINIĒ'EPA TIMOTEO

¹ Iya' ninPablo, nin'apóstol, epaluc Jesucristo. Toġta'a lixpic'epa ĒanDios. Iya' nin'apóstol laifnuya'apa ticua: “Ja'ni toġ'huaiyijnle Jesucristo, tepi'im'molhuo' al ts'e loġpitine aimijouya”. ² Quiniġ'ehuo' coje'e, ima' cumTimoteo. Ima' ai'hua aipic'a. ĒanDios caġ'Ailli' y Jesucristo ġaġPoujna, titoc'itso', ti'nujuaitso', tipac'e'etso' lopicuejma'.

³ Iya' cax'najtsi'i ĒanDios, ilenDios cai'ailli' jouc'a lai'ahueló. Ĥniya ihuejcopá, ma' anuli iya' quihuequi jahuyay laipicuejma'. Cacia: Cax'najtsi'i ĒanDios. Itine ipuqui' ma capalaic'o ca'nujuaihuo' ima', caxa'hue ĒanDios titoc'itso'. ⁴ Ca'nujuaihuo' ojojpa. Toġiya juaiconapa aipic'a caxingontso', toġta' tixoj'ma neta. ⁵ Ca'nujuaihuo' ma' al linca mepenufpa Jesucristo. Toġta'a epenufpa ate'a lo'ahuela Loida jouc'a co'máma' Eunice. Ĥne a'i ma le'a mi'e'eyoġtsi, al linca ihuej'me Jesucristo. Iya' cacua ima' jouc'a taihuequi.

⁶ Toġiya camihuo': Tomaf'i'ixoxi. Ĥe litine laipo'nof'ipo' laimane' lojuac, ĒanDios epi'ipo' lopicuejma' to'eġa' lanic' lepi'ipo'. Itsiya aimixojto'. ⁷ Aimixpaij'mo'. Cal Espíritu Santo, ġalapi'iponga' ĒanDios aimaf'e'eyacongá' maġsinyacu calaic'ata. Cal Espíritu lapi'iponga' laġpicuejma' al'eġe al cueca', al'etsola' capic'a laġ'as xanuc', aġsc'ai'itsola' al c'a. ⁸ Itsiya camihuo': Ti'hua topalaico'ma ġaġPoujna Jesucristo, aimotai'ma calaic'ata. Ni aimalatets'i'ma iya'. Jouc'a capalaicojma ġaġPoujna, toġiya al'noġpa, aġtats'iya. Ja'ni toya'a'ma Lataiqui', loya'apa ġe al c'a lixpic'epa ĒanDios, ma toteġco'ma. Toxpí'c'eġa' aġteġcoġe anuli. ĒanDios, ġque No'epa al cueca', tepi'i'mo' copujfxi toxnet'Ĥa'. ⁹ Maġque ĒanDios lunġu'eponga', aġjoc'iponga' lanajtsoġtsi lixcay, al'itsonga' i'huexi ĒanDios.

Ai'a tilajm'ma li'a ġamats' ĒanDios aġpalaicoponga', ticua: “Ĥniya Jesucristo tepenuf'mola'. Iya' catoc'i'mola', capaxne'mola'.” ĒanDios aiqui'huaijma mixinya te ts'i'ic' laġ'eyacu, ja'ni ti'ġa' al c'a o ti'ġa' lixcay. Ma quituca' ixpic'epa aġtoc'itsonga', aġpaxnetsonga'. ¹⁰ Itsiya joupa aġsina' ma' al linca ġiya lixpic'epa ĒanDios. Ĥque joupa aġtoc'iponga', aġpaxneponga'. Cristo, ġque Ēalunġu'eponga', joupa imujpa toġta'a. Licuai'ma fa'a li'a ġamats' ulij'ma lamaya, aġpo'no'iponga' ġitaiqui', ġe ġataiqui' ġaluya'apa. Luya'ayi: “Cristo tepi'ġlhuo' al ts'e loġpitine aimijouya. Aimimayacolhuo' nulemma.”

¹¹ Ma' ġe ġataiqui' caya'e, camuc'ġa' lan xanuc', toġta'a laipenic', iya' nin'apóstol. ¹² Tama cateġma aicaxhueġmot'ġe. Aicaxina' calaic'ata. Quimetsaijma naitsi ġque ġai'huaiyijmpa, ca'huaiyinge ĒanDios. Joupa aicupoxi ticuaita limane. Aixina' al'e'ma cuenna. Ticuaitsi al Cuecaj Quitine alapenufna'ma.

¹³ Ĥe laimipo' ac'a ġataiqui', aimeteġquila'. Joupa oxina' toġta'a ġataiqui' ġainu'ipo'. Al c'a mepenuf'ma ġiya ġataiqui', o'epa capic'a juaiconapa. Toġta'a lopicuejma' lepi'ipo' Jesucristo. Itsiya to'nujuaiġla' te ts'i'ic' ġiya ġataiqui'. ¹⁴ Acueca' al c'a ġe loopenic' lepi'ipo' ĒanDios, ġque ti'huaiyijnhuo' tomuc'iyaleġa' al c'a ġe ġataiqui'. Ne', toġe to'eġa', aimopai'i'ma. Cal Espíritu Santo ġalapenufpa illanc' naġ'huaiyijmpá Jesucristo, ġque titoc'i'mo', aġmana' anuli ġque.

¹⁵ Ima' joupa oxina' aicalimetsaicocongħua ġapimaye nomana' ġamats' Asia. Toġta'a laġ'e'epa Figelo y Hermógenes. ¹⁶ Onesíforo ituca' li'ejma'. Ĥque ti'hua lixoc'i neta. Tama aġtats'iya, alfijncompa acadena catejma', ma' aġejmalepá. Aiquixina' calaic'ata. Iya' caxa'hue ġaġPoujna titoc'itsola' lixanuc' Onesíforo. ¹⁷ Cacia: Onesíforo aiquixina' calaic'ata. Licuai'ma fa'a ġiya' Roma ti'hua lahuay. Aiminesqui: “Aimi'iya cahuejnya Pablo, aicaxina' pe ġopa'a”. ¹⁸ Maġmana' ġipġya' Éfeso aġtoc'ipa juaiconapa. Toġta'a oxina'. Caxa'hue ġaġPoujna titoc'ġa'. Ticuaitsi al Cuecaj Quitine ġaġPoujna aimecani'e'ma.

2

¹ Mai'hua Timoteo, aimitafqueco'. Ti'hua taihuejcola' Jesucristo. Toŧta'a LanDios ti'hua titoc'i'mo', tepi'i'mo' copujfxi. ² To'nujuaisla' te ts'i'ic' laimipo' iŧe litine lolafot'lepotsi imanc', ima' y lanxpela' lapimaye. He litine nu'ipo' te ts'i'ic' lofmuc'iyaleya. He lataiqui' tomuc'i'mola' lapimaye lof'huif'eyacola'. To'huijf'e'mola' petsi ac'a naihuejpa', petsi joupa epi'impola' liŧpicuejma' timuc'iyaleŧe, iŧniya timuc'icona'mola' lapimaye.

³ Fa'a cateŧma. Jiŧpe ima' aimi'iya moyaicoya ma le'a al c'a. Totetco'ma jouc'a. Ma to mixnet'ŧyi lan soldado ima' jouc'a toxnet'ŧtsi. Cristo ticuxehuo', taihuejcola'. ⁴ Mifule cal soldado aiminesya: “¿Te caifnuyaicoya al c'a lapajnya?” Ai. Joupa ipo'nopa lipicuejma' ti'ela' ma le'a latentcocola' lipincuxepa. ⁵ Ma' anuli lo'epa lan xanuc' nocuicalepa' laipa'apa cafxi. Iŧne ma tihuejcoyi lataiqui' locuxepola'. Ja'ni aimihuejma, aimulijya lapi'inyacu. ⁶ Cal xans no'epa canic', tefot'ŧe ŧaipammaispa jiŧpe ŧemats', iŧque ti'i'ma cal te'a tite'ma lafot'ŧepa. ⁷ Topo'noŧa' cuenna laitaiqui' laifmipo'. LaŧPoujna tepi'i'mo' lopticuejma' tocuec'ela' taihuic'ila' jahuay. ⁸ To'nujuaisla' li'ipa Jesucristo, iŧque lipajnta fa'a li'a ŧamats' ibisnieto cal rey David. Lijoupa limapa, LanDios imaf'i'inapa. Toŧta'a loya'apa Lataiqui' iŧe laifnuya'apa, iŧe lataiqui' tuya'e' al c'a lixpice'epa LanDios. ⁹ Timana' petsi aimetenccocola' iŧe lataiqui' laifnuya'apa. Toŧiya cateŧma iŧsiya. Al'onliconno to lixcay xans, aŧte'ŧminno. Tama iya' aŧfi'empa, litaiqui' LanDios aiqiuifiyia. Iŧiya lataiqui' tuya'aley, tepenufyi. ¹⁰ Iya' ma caxnet'ŧqui jahuay ca'nujuaitsila' lapimaye iŧne to'huijf'epola' LanDios. Cacia: Ma mi'huaiyijnyi Jesucristo iŧniya jouc'a ti'ila' quilsina' tunŧu'ela', ti'ila' quilsina' aŧinca tilaitsufcotola' LanDios, timetsaicotola' nulemma ixanuc'.

¹¹ Al ŧinca lataiqui' loya'apa:

Ja'ni joupa aŧmanaponga' anuli Cristo, jouc'a aŧmaf'i'im'monga', anuli aŧmajnta pu'hua.

¹² Ja'ni aŧsnet'He to lixnet'ŧpa Cristo, jouc'a aŧcuxeta anuli.

Ja'ni aimalimetsaicoyi, jouc'a aimalimetsaicoyaconga'.

¹³ Ja'ni aimaf'eyi ŧinca, LanDios tenant'ŧi'ma litaiqui', aimafel'miyaconga'.

Ja'ni joupa icupa cataiqui' aiminesya: “Iŧe lataiqui' a'i caicuac”.

¹⁴ Laitaiqui' laifmipo' ima' to'icona'mola' lapimaye nomana' jiŧpiya. Aimimenc'eco'me laitaiqui'. Tomitsola': “Toŧ'etsotŧsi cuenna. LaŧPoujna tehuelongilhuo', ixina' te ts'i'ic' lof'ejma'. Aimonŧ'e'e'motŧsi to iŧniya petsi ja'ni aiqiuŧpic'a o aimetenccocola' anuli lataiqui' tixtulecu. Petsi toŧta'a liŧ'ejma' aimuyalaicoyacu al c'a. Jouc'a pe noquimf'epa timints'ela' liŧpicuejma'”.

¹⁵ Ima' cumTimoteo, tahuela' latentcocola' LanDios. Timitso': “Iya' nimetsaicohuo' ac'a lo'epa”. Al c'a to'ela' lanic' lepi'ipo' LanDios. Toxpijla' al c'a al ŧinca Cataiqui'. Tomuc'iyaleŧa' toŧta'a. Ja'ni toŧta'a lof'epa, litine tacaxingaitŧi LanDios aimoxinya calaic'ata.

¹⁶ Aimonŧejmale'me petsi juaiconapa nopalapá. Iŧne ailopa'a quilmuc'iyale, lonespa tipa'acoyi quiltuca' liŧpicuejma'. Iŧne ti'hua ti'e'e'motŧsi xonca lixcay xanuc', xonca aimihuejconayacu LanDios. ¹⁷ Lomuc'iyalepa iŧniya ti'onŧcospa to al cuana. Tetetquiyaleyi, tima'ahualeyi. Toŧta'a lomuc'iyalepa Himeneo y Fileto. ¹⁸ Iŧne joupa imenajpola'. Aimihuejconayi al ŧinca Cataiqui'. Ticuayi: “Ja'ni joupa lapenufpá al ts'e laŧpitine, tocomma to joupa aŧmaf'i'iponga'. Tijouŧa' aŧmatsonga' ailopa'a xonca. LanDios aimaf'ŧi'iyaconga'” Iŧniya lomuc'iyalepa timenac'ila' lapimaye, hualca aimihuejconayi to li'ipa. ¹⁹ Petsi LanDios ifa'epola' liŧpicuejma' aimi'iya mimenac'inyacola'. Iŧne ŧinca i'huexi LanDios. Toŧta'a loya'apa lataiqui', ticua: “LaŧPoujna timetsaicola' naitŧi iŧne lixanuc’”. Jouc'a tuya'e': “Iŧne pe nocuapá: LanDios aiPoujna, aimi'econa'me al xujc'a, tipalunca nulemma lixcay cane.”

²⁰ Al cueca' cajut'ŧ tipa'a axpe' capixú, ituca' ituca'. Tipa'a lilanc'ecompa a'oro o aplata. Jouc'a tipa'a lilanc'ecompa a'ec o ixitsqui. Tipa'a ŧapixú petsi lo'e'epa cuenna juaiconapa, ma le'a al c'a lo'nicoya. Ocuenaye a'i. Tixhuicoyi nij naitŧi lanic'. ²¹ Toŧna'a lapimaye. Laŧpima ja'ni tenajxoxi lixcay, ti'onŧcospa to al c'a capixu, tetentcoco'ma liPoujna, iŧque

timetsaico'ma i'huexi. Iximpa joupa ilanc'e'empa lipicuejma'. ŁaPoujna litine tixpic'ela' ti'ela' al c'a tepi'i'ma łapima lipenic', iłque ti'e'ma tołta'a.

²² Ima' aimaihuej'mola' lof'as camijcanó li'ejma'. Iłne tihuejco'me lojanajpa iłne quilituca' liłpicuejma'. Ima' topo'noła' lopicuejma' taihuejla' al łijca, ti'hua to'huaiyijna' ŁanDios, ti'hua to'etsola' capic'a lapimaye. Tonłejmalele lapimaye nojoc'ipá łalPoujna Cristo, iłne naihuejcopá, aimolixtuc'o'mołtsi. ²³ Aimonłejmale'me petsi nofulecopá lamac'ta cataiqui'. Petsi tołta'a li'ejma' ma le'a tixtuc'o'mołtsi, tifuli'i'mołtsi. ²⁴ Łapima no'epa lipenic' łalPoujna aimifuli'i'mola' lipimaye. Iłque tipalaic'o'mola' al c'a jahuay lapimaye, timuc'i'mola' al c'a. Ja'ni ti'ela' a'ijc'a anuli lipima, iłque pe no'epa lipenic' ŁanDios aimixtuc'o'ma. ²⁵ Panca panca tixc'ai'i'mola' iłne pe aimihuejcoyi. Aimijaic'o'mola'. Aga ŁanDios titoc'i'mola' tixhuej'menacu. Ti'ila' quilsina' te ts'i'ic' al Łınca Cataiqui'. ²⁶ Tołta'a tilanc'e'ena'mola' liłpicuejma'. Aimimanecu petsi lic'aiłpola' łonta'a, tunłul'me. Iłque łonta'a jouspa li'e'epola' to lixpicepa, i'nołpola', itats'epola'.

3

¹ To'nujuaisla', tocuec'ela' lo'iya lijoujma quitine. To'nujuaisla' ti'i'ma ipime lapajnya. ² Lan xanuc' ti'e'mołtsi capic'a ma le'a quilituca', tixim'me acuanuc' liłtomí, tipalaico'mołtsi acueca' al c'a, tetets'i'me lił'as xanuc', tinesc'e'me cataiqui'. Aimicuec'eyacu li'ailí, aimix'najtsi'iyacu iłne pe notoc'ipá. Ti'i'ma ma lixcay liłpicuejma'. ³ La'ailí liłnaxque' aimi'eyacołtsi capic'a. Aimimenc'e'econayacu ja'ni lixcay li'empola', ti'hua tixtuc'oyi. Tixahuale'me, aimicuxeyacołtsi al c'a, timuj'mołtsi oyac'la juaiconapa, tixtuc'o'me petsi no'epá al c'a. ⁴ Ticufquim'mola' loyejmalepá. Aimixpic'eyacu al c'a lo'eyacu, tołta'a ti'e'me pangay nixpiya. Ti'e'e'mołtsi to acueca' liłpicuejma'. Aimicuaispa quilituca' ŁanDios, xonca ilpic'a lixołma cata. ⁵ Iłne tama ti'hua texc'onłingolaiyi jouspa etets'ipá ŁanDios, aimihuejcoyi. Xonca tihuejco'me lojanajyacu jilpe liłpicuejma'.

Aimaihuej'mola' iłne lan xanuc'. Aimonłejmale'me, tanajxoxi. ⁶⁻⁷ Lan xanuc' li'ejma' to laifmipo' iłne ma infel'miyale. Tehueyi te co'iya mitsuflaiyacu łajut'li. Jilpiya tifel'mi'me laca'no' petsi aimixpic'eyi liłpicuejma'. Iłniya laca'no' iłtaic' acueca' quilituca'. Tihuejcoyi ni tintsí cataiqui', iłniya lataiqui' petsi iłniya quilituca' tijanajyi, tixinyi tetencocola'. Ti'hua tiquimf'eyi jahuay lomuc'impola', aimicuec'eyi. Ni micuec'eyi te ts'i'ic' al Łınca Cataiqui'. ⁸ Iłniya lan xanuc' petsi ituca' lomuc'iyalepa ti'onłcospola' to Janes y Jambres. Iłna'a loquexi' ipa'ne'me litaiqui' Moisés. Tołta'a li'ejma' iłniya lomxiye, tipa'neyi litaiqui' ŁanDios. Iłne iminscola' liłpicuejma'. Jouspa imujpołtsi aimi'huaiyijnyi ŁanDios, iłque aimimetsaicola'. ⁹ Łınca, itsiya tocomma ti'hua tulijyi. A'i. Aimi'iya mulijconayacu. Iłne Janes y Jambres imetsaicompola' liłpamac'ta. Ma' anuli timetsaicom'mola' iłniya lan xanuc' lainscopola'.

¹⁰⁻¹¹ Ima' a'i tołta'a lof'epa. Jouspa mepenufpa laitaiqui' laifmuc'iyalepa. Tołta'a taihuequi. Ima jouspa ałsimpa lai'ejma', ałsimpa te ts'i'ic' laifxpicepa, ałsimpa te ts'i'ic' lai'huaiyijmpa ŁanDios. Ałsimpa aiqixtumma, ałsimpa ca'ehuale capic'a ma to ca'ay capic'a ŁanDios. Ałsimpa caxnet'łqui jahuay ma lahuenno a'enta' quixcay. Ałsimpa laiftelcopa, ałsimpa te ts'i'ic' lainuyaicopa jilpiya liłelolaya' Antioquía, Iconio y Listra. Ałsimpa lahuenno, lihuetsuquimpa. Łınca łalPoujna alunłu'epa jahuay iłniya. ¹² Itsiya camihuo': Petsi jouspa nepenufpá Jesucristo, ixpic'epá tihuejco'me ŁanDios, iłniya łınca tehuem'mola', ti'entsola' quixcay. ¹³ Lixcay xanuc' jouspa linfel'miyale jahuay iłniya ti'e'mołtsi xonca axujc'a xanuc'. Ti'hua tifel'miyale'me, ti'hua tifel'mi'mołtsi.

¹⁴ Ima' cumTimoteo jouspa omihuic'ipa Lataiqui', jouspa o'epa łınca. Ti'hua taihuejla' tołta'a, aimanaj'moxi. Ima' oxina' naitsi iłne limuc'ipo' ile Lataiqui'. Omimetsaicola' ac'a liłpicuejma'. ¹⁵ To'nujuaisla' lomuyaicopa. Maj ma'hua omimetsaicopa al Paxi Linilingiya. Iłne liniliya łınca ti'hua tepi'ihuo' lopicuejma', tunłu'e'mo'. Tołta'a ti'i'mo' ja'ni ti'hua to'huaiyinge Jesucristo.

¹⁶ He al Paxi Linilingiya lan xanuc' aiqulipa'e quilituca' lipicuejma'. Ma miniyi, li'Espíritu LanDios timuc'ila' te lainiyacu. Toliya ihe a'i ninaitsi cataiqui', mane itaiqui' LanDios. Ja'ni tomuc'itsola' lapimaye, ja'ni toxc'ai'itsola', ja'ni totaletsola', ja'ni to'itsola' te ts'i'ic' al c'a lo'eyacu, jilpe litaiqui' LanDios taipa'a'ma lofmuc'iyacola'. ¹⁷ Toliya ma mo'ey lanic' lepi'ipo' LanDios ti'i'ma to'e'ma al c'a. Ma' o'hueca litaiqui' LanDios ailopa'a quehue'epo'. Ac'a ti'i'ma totoc'i'mola' lapimaye.

4

¹ Itsiya caxc'ai'ihuo', camihuo' lof'eya. To'nujuaitsola' ca'Ailli' LanDios y Jesucristo laPoujna, ilne tehuelojnhuo'. LaPoujna ticuaiyunni ticuxela' timuj'moxi ilJuez jahuay lan xanuc'. Ja'ni ts'ilmaf'i', ja'ni jounpa imanapola', jahuay tixim'me to'ta'a. ² Camihuo': Ti'hua toya'ala' Lataiqui'. Ti'hua to'ela' lanic' lepi'ipo' LanDios. Aimocua'ma: "Aimi'iya". Toxc'ai'i'mola' lapimaye, topalaic'o'mola', ti'ila' quilsina' ja'ni a'ijc'a lo'epa. Ja'ni oxina' a'ijc'a lo'epa, totale'mola'. To'itsola' te ts'i'ic' al c'a lo'eyacu. To'ta'a taixpi'i'mola' quileta. Topalaic'otsola' al c'a. Panca panca tomuc'itsola'. ³ Iya' camihuo' ti'hua tomuc'itsola'. Ticuaihuo litine lan xanuc' aimicuayacu. Ti'e'me laic' al c'a lomuc'iyalepa. Quilituca' tehue'me quilpomxiye, ilne latencocoyacola'. Tefot'em'mola' axpela' lomxiye. Ipic'a tiquimf'ele ituca' ituca' cataiqui', aimicuaicospa quilpic'a nulemma. ⁴ Al Linca Cataiqui' tetets'i'me. He aimiquimf'eyacu, ti'e'mo'tsi atalpe. Xonca ilpic'a tiquimf'ele ni tintsi cataiqui' loya'apa lan xanuc'. ⁵ Ima' aimoxhue'mot'le'ma. To'huijla' lopicuejma'. Toxnet'Ha' jahuay late'coya. To'ela' lopenic' ihe lepi'ipo' LanDios. Toya'ala', tomuc'iyalela' Lataiqui'.

⁶ Iya' aixina' aimalco'ya fa'a li'a lamats'. Tocomma ma' itsiya tic'equi laijuats', catsuf-coyoxi LanDios. Ma le'a lahue'e' alma'anla'. ⁷ Jounpa nipa'apa laipujfxi, jounpa nulijpa. Aijou'nepa laipenic', ihe lanic' lalapi'ipa LanDios. Lataiqui' lai'epa linca, male Lataiqui' ti'hua ca'ay linca, ti'hua cuya'e'. ⁸ Itsiya, ¿te xonca caif'huaicoya? Linca pu'hua tipa'a lalapi'inya. Ticuaitsi al Cuecaj Quitine al'najtseta laPoujna, ilque cal Cuecaj Juez, alijca lo'epa. Ilque alimetsaicota lai'epa al c'a. A'i ma le'a iya'. Limetsaicotonga' jahuay petsi al'huaicoyi ticuaiconanni Cristo. Tixoj'ma calata lapenufta.

⁹ Ima' cumTimoteo, aimicolto' jilpiya. To'huanni, alsim'mo'tsi. ¹⁰ Demas jounpa i'huanapa, alpo'nopa fa'a caituca'. Ilque aiqicuac' mi'hua mite'coconaya. Xonca ipic'a tuyaicola' al c'a capajnya fa'a li'a lamats'. I'huapa li'ya' Tesalónica. Crescens i'huapa lamats' Galacia. Tito i'huapa lamats' Dalmacia. ¹¹ Cattuca' almana' fa'a iya' y Lucas. Tahuela' Marcos. Toleconni fa'a. Ilque altoc'i'ma. Al'e'me lipenic' LanDios. ¹² Tiquico jouc'a ailopa'a. Nummepa li'ya' Éfeso. ¹³ Ima' litine to'huanni altaic'uenanni laipoxa laipo'nopa li'ya' Troas, lejut'f Carpo. Altaic'ue'enni jouc'a laije'e, ilne lilanc'ecompa ixmi. Ilne xonca ticuicomma.

¹⁴ Alejandro, ilquiya linlanc'ot'lepa tixhuijma acobre, ilque al'e'epa juaiconapa quixcay. He lixcay la'e'epa, nuli ti'najtsi'ina'ma laPoujna. ¹⁵ To'exoxi cuenna ilquiya cal xans. Aimohuaiyijm'ma. Juaiconapa alpa'neponga' illanc' laltaiqui'. Aimicuaicospa quipic'a.

¹⁶ Ate'a lajoc'impacatalai'e'etsola' petsi la'cufpa, nij naitsi laltoc'ipa. Latejmale in-ulna'me, alpo'nopa caituca'. Caxahue'e' LanDios timenc'e'ecotsola' ita'a la'e'epa. ¹⁷ Tama ihniya alpo'nopa caituca' aicalpo'nohua laPoujna Jesús. Ilque altoc'ipa, lapi'ipa caipujfxi. Ixpicepa ti'hua cuya'ala' Lataiqui', caxhuai'nifa' ihe laipenic'. Ni petsi lomana' lan xanuc' pe aimimetsaicoyi LanDios, ti'ila' quilsina' te ts'i'ic' Lataiqui'. Tama tocomma jounpa al'notpa calxmu, alma'a'ma, altejn-na'ma, LanDios lunhu'epa. Ti'hua ca'ela' lipenic'. ¹⁸ La'e'epa lan xanuc' aimalulijya. LaPoujna Nopa'a lema'a ti'hua lunhu'e'ma. Al'e'ona'ma cuenna. Almajnta anuli ihe litine tixinim'me locuxeya. Ma' ilque timetsaiconle anDios. Tix'najtsi'inle itsiya litine jouc'a Locuena Quitine. To'ta'a ti'ila'. Amén.

¹⁹ Tomitsola' Priscila, Aquila, jouc'a lixanuc' Onesíforo: "Pablo tinonghuo". ²⁰ Erasto ipanemma liya' Corinto. Tróximo textafque. Aipo'nopa liya' Mileto. ²¹ Aimicohto' jilpiya pe lofpa'a. To'huanni ai'a ti'i'ma laxita quitine. Tinonghuo' Eúbolo, Pudente, Lino, Claudia, jouc'a jahuay lapimaye nomana' fa'a.

²² Ti'ila' coxina' laPoujna Jesucristo tipa'a pe lofpa'a. LanDios titoc'itso', tipaxnetsolhuo' jahuay imanc'.

LIJE'E SAN PABLO LINIĒ'EPÁ TITO

¹ Iya' ninPablo ca'ey laɓcuxe'epa ŁanDios. Iya' nin'apóstol, epaluc Jesucristo, iŋque lum-mepa. Lummepa pe lomana' li'huij'epola'. Iŋniya tepenufle. Ti'ila' quilsina' te ts'i'ic' al Linca Cataiqui'. Tihuejcoŋe ŁanDios. ² Ti'ila' quilsina' ŁanDios tepi'i'mola' liɓpitine aimijouya. Ai'a tilanc'e'ma li'a łamats' ŁanDios inespa: “Capi'i'mola' laixanuc' liɓpitine aimijouya”. Ma' alinca tołta'a lo'epa ŁanDios, iŋque aimi'iya mifellaiqueya. ³ Icuapa: “Ticuaitsi litine laixpic'epa, camuc'i'mola' laixanuc' iŋe laitaiqui' lainespa”. Joupa icuai'ma iłta'a litine. Iya' cuya'e' lataiqui' linespa ŁanDios. Iłta'a aipenic'. Iŋque ŁanDios Łalunłu'eyacongá lapi'ipa iłta'a laipenic', aɓcuxe'epa ca'ełá'.

⁴ Iya' ninPablo quinił'ehuo' ima' cumTito. Illanc' ninc'oquexi' al'huaiyijnyi Cristo. Tołiya ima' ai'hua. ŁanDios cał'Ailli' y Jesucristo Łalunłu'eyacongá tipaxnetso', titoc'itso', tipac'e'etso' lopicuejma'.

⁵ Laipo'no'mo' jilpiya łamats' Creta nu'i'mo' lof'eya. Aimi'mo': “Jifa'a tipa'a lahue'epa. Aiquifaquila' lapimaye litsilojpolá xanuc', iŋne tixpic'e'me lataiqui'. Ima' tofaj'mola'. Iya' iłya' petsi lafołyomma lapimaye, ima' tofajtolá iŋne litsilojpolá xanuc'.” Tołta'a laimipo'. Itsiya ma to'ełá'. ⁶ Ima' tofajtolá iŋne limetsaiconnila' ac'a xanuc'. Iŋniya ts'anuli quilpeno, iŋne ts'iłnaxque' naihuejcopá locuxepa ŁanDios. Tołta'a aiminesyacu lan xanuc': “Iŋque cal xans linaxque' aimihuejcoyi, ti'eyi nixpiya”.

⁷ Lapimaye litsilojpolá xanuc' ti'e'me cuenna lixanuc' ŁanDios, tołiya ticuicomma tofajtsolá petsi limetsaiconnila' ac'a xanuc'. Aimofaj'ma petsi ma le'a quituca' tixpic'e lipicuejma'. Jouc'a aimofaj'ma laixtumma, ni łoxnatsaipa, ni linfule, ni lonesya: “Culijco'ma caitomí”. ⁸ Tofaj'ma petsi laixojpa queta tepenufla' lipimaye quiyoyomma aculi', tepi'ila' quilejut'ł tunxajle. Tofaj'ma iŋque petsi letenłcocopa al c'a a'i lixcay, petsi aimilosma, ti'ay al łijca, tenaj'moxi al xujc'a, tihuequi ŁanDios, timuj'moxi ma' i'huexi ŁanDios, ticuxeyoxi al c'a. ⁹ Tofaj'ma petsi ti'hua tihuequi lataiqui' limuc'impá, iŋe lataiqui' aimifellaique. Tołta'a ti'i'ma tu'i'mola' lapimaye. Timi'mola': “Tołta'a tuya'e' Lataiqui'. Tołcuc'e'łe.” Jouc'a titalai'e'mola' lan xanuc' pe aimihuejcoyi ŁanDios. Timuc'i'mola' a'ij linca lonespa.

¹⁰ Itsiya timana' axpela' lan xanuc' aimihuejcoyi locuxe'empola'. Iŋne tipalaicoyi quilituca' liɓpicuejma'. Tifel'miyaleyí. Iŋne linfel'miyale xonca axpela' iŋniya axanuc' judío. ¹¹ Ticuicomma ti-ch'ixc'entsolá'. Iŋne iłpic'a tulijle quilitomí, tołiya timuc'iyaleyí pe aime-tenłma. Timana' łajut'łi petsi jahuay lapimaye naihuejcopá ŁanDios joupa imenac'impolá' liɓpicuejma'.

¹² Anuli cal xans acueca' ts'ixina', lipajnyota jilpe łamats' Creta, icuf'mola' lipiłya' xanuc', ticua: “Iłna'a laixanuc' nomana' Creta infel'miyale, ailopa'a quiliɓpicuejma', ti'onłcospolá' to linneja, intetsopá, ahuiye”. ¹³ Ma' al linca linespa iŋque cal xans. Ma tołta'a lił'ejma' iŋniya nomana' Creta. Tołiya toxc'ai'itsolá' a'ujfxi lapimaye nomana' jilpiya. Tomitsolá': “Aimolihuej'me iŋe lixcay cane. Tolihuejle al Linca Cataiqui'. ¹⁴ Aimolquimf'e'mola' loya'apa iŋne lan xanuc' judío. Aimolihuej'me locuxe'epolhuo' iŋniya. Iłiya liłtaiqui' tipa'acoyi quilituca' liɓpicuejma'. Tetets'iyi al Linca Cataiqui'.”

¹⁵ Petsi joupa li'ipolá' limpio liɓpicuejma', iŋne tixinyi ac'a jahuay lipo'nopa ŁanDios jifa'a li'a łamats'. Ituca' liɓpicuejma' lan xanuc' pe aimihuejcoyi Jesucristo. Iŋniya a'ij limpio liɓpicuejma', tixinyi jahuay axujc'a. ¹⁶ Micuayi: “Alimetsaicoyi ŁanDios”, małne ti'eyi lixcay, ti'eyi pe aimentenłma ŁanDios. Iŋne ixcay liɓpicuejma', incuejlocale, aimi'iya mi'eyacu al c'a.

2

¹ Ima' conTito, aimomuc'iyale'ma to lomuc'iyalepa iñe lan xanuc'. Pangay c'a litaiqui' Jesucristo. Petsi naihuejpá iñe litaiqui' jouc'a ti'ele al c'a. Tołta'a tomuc'itsola'.

² Momuc'ila' litsilojpola' xanuc' toxc'ai'itsola', tomitsola': "Imanc' tołcuxetsołtsi al c'a. Aimolilotso'me. Tołcuc'ele Lataiqui', tolihuejle. Tonł'etsołtsi capic'a, imanc' unc'apimaye. Aimixojtolhuo', toł'ommołaitsa jahuay lo'iyacolhuo'."

³ Momuc'ila' litsilojpola' lacał'no' toxc'ai'itsola', tomitsola': "Imanc' nołspaic'epá LanDios ti'ila' ac'a loł'ejma'. Aimołsahuale'me. Aimołsnatsolaime vino. Tołmuc'iyalete al c'a.

⁴ Tołsc'ai'itsola' anuli anuli loł'as cacal'no' petsi ts'atesca quilemats', tołmitsola': To'ela' capic'a lope'ailli', to'etsola' capic'a lonaxque'. ⁵ Aimailotso'ma. Tanajxoxi lixcay. To'e'ma cuenna lomejutł. Tonanc'otsola' lopimaye. Taihuejcoła' lope'ailli'. Ja'ni aimo'ay al c'a lan xanuc' tines'me: Ah, a'ijc'a litaiqui' LanDios."

⁶ Momuc'ila' lamijcanó, toxc'ai'itsola', tomitsola': "Tołcuxetsołtsi al c'a". ⁷ Ima' cumTito jouc'a to'ela' al c'a. Tixintso' tołta'a loł'epa tihuej'mo' to mo'ay. Tomuc'iyaleł'a al lija Lataiqui'. Iñe acueca' cataiqui', tołta'a tomuc'iyaleł'a, a'i to ninaitsi cataiqui'.

⁸ Momuc'iyale ti'ila' ma le'a ac'a lołpalaiya, tołta'a iñe petsi aimihuejcoyi aimi'iya minesyacu: "Iñe axujc'a cataiqui'". Tama ilpic'a añescotsonga', aimi'iya mañescocoyaconga'. Tixim'me calaic'ata.

⁹ Toxc'ai'itsola' lam mozó, iñe li'nampola', tomitsola': "Taihuejcoła' lołpoujna. To'ela' jahuay locuxe'epo'. Aimotalai'ot'le'ma. ¹⁰ Aimaminai'ma ni tołta'a. Tołiya ti'huaiyijm'mo' lołpoujna. Ja'ni ima' ac'a loł'ejma', lan xanuc' tixim'me ac'a juaiconapa litaiqui' lołmihuejpa. Iñe litaiqui' LanDios Łalunłu'eponga'."

¹¹ LanDios jounpa ałmuc'iponga' ac'a lipicuejma'. Ni petsi lomana' lan xanuc', LanDios ipic'a titoc'itsola', tunłu'etsola'. ¹² Illanc' inaxque' cal'Ailli' ałsc'ai'inga', ałtel'minga'. Tołta'a ałmuc'inga' aimalihuej'me lojanajpa lałpicuejma', to mihuejyi iñe pe aimimetsaicoyi LanDios. Ałmuc'inga' alihuejle ma latentłcocopa LanDios. Małmana' fa'a li'a łamats' ałspic'ele al c'a, ał'ele al lija, lihuejcołe LanDios. ¹³ Ma luyalaicoyi tołta'a ał'nujuaisyi te ts'i'ic' iñe al cueca' al c'a lał'iyaconga'. Ma le'a ał'huaijma timujxoxi Jesucristo Łalunłu'eyaconga'. Jiłpe litine timuj'moxi ma' anDios. Tołta'a ałsim'me te ts'i'ic' ilque cal Cuecaj CanDios.

¹⁴ Jesucristo mipa'a fa'a li'a łamats' aiquicuanajyoxi. Icupoxi i'najtsepa jahuay lałjunac' petsi aicalihuequi locuxepa LanDios. Tołta'a ał'e'eponga' limpio, ma' i'huexi, ma' ixanuc' Jesucristo. Lapi'iponga' lałpicuejma' tixojla' calata ał'ele al c'a.

¹⁵ Fa'a loje'e nu'ipo' lo'eyacu lapimaye nomana' jilpiya. Ima' toxc'ai'itsola', tomitsola' tołta'a. Ja'ni cua naitsi ocuena qui'ejma', totaleł'a'. Aimixpaij'mo', tipa'a lomane. Ti'ila' ac'a lołcuapa, loł'epa, aimetets'i'mo' ni' anuli.

3

¹ Tomitsola' lapimaye: "Imanc' aimolimenc'eco'me lałmipolhuo'. Tolihuejcotsola' lan tsilaj xanuc' iñe nocuxepolhuo', jouc'a tolihuejcotsola' ts'ilpenic'. Ja'ni ticuxe'ennilhuo' tonł'ele lanic', ja'ni ac'a lanic', tixoj'ma cunlata tonł'ele. ² Nij naitsi mołnesc'e'me cataiqui'. Aimołfuli'i'me cataiqui'. Tołsnet'ñe, aimołtalai'ot'le'me. Ti'ila' tołta'a lonł'eyacu ni petsi lołtseyacu."

³ Al cołta illanc' lał'ejma' ti'onłcospa to lił'ejma' lan xanuc' petsi aimimetsaicoyi LanDios. Ailopa'a calpicuejma', aicalihuejma, ałfel'mimponga', lihuejcoyi lalatenłcocoponga' lałjanajpa. Luyalaicoyi lapajnya ał'e'ela' laic' lał'as xanuc'. Lahueyi te co'iya mał'e'eyacola' lixcay lał'as xanuc'. Lał'as xanuc' ałłaiquina', illanc' jouc'a ałłaiquila' iñiya.

⁴ Tama tołta'a lał'ejma' LanDios Łalunłu'eyaconga' imuj'moxi. Imujpoxi ac'a lipicuejma', ti'nujuaitsila' jahuay lan xanuc'. ⁵ Ałsimponga' ninc'icuanuc'la. Tama aical'aic' al c'a, lunłu'eponga'. Lapajponga', lapi'iponga' al ts'e lałpitine. Cal Espiritu Santo

añanc'e'enaponga' lañpicuejma'. ⁶ Aicacuanac'enga' cal Espíritu Santo. Lijoupa lixhuai'nipa lipenic' Jesucristo Ñalunlu'eponga', ÑanDios tixoqui queta lapi'iponga' cal Espíritu.

⁷ ÑanDios ipic'a altoc'itsonga', lapenuftsonga' to ailopa'a calñunac', al'itsonga' inaxque'. Ipic'a al'huaicole locuenaj capajnya aimijouya petsi añaitsufcotonga', toñiya lapi'iponga' cal Espíritu Santo. ⁸ Ñe lataiqui' ma' al ñinca.

Joupa aimipo' lofxc'ai'iyacola' lapimaye nomana' jilpiya. Aipic'a ti'hua toxc'ai'itsola' ñne naihuejcopá ÑanDios. Toñta'a tipo'no'me liñpicuejma' tixpic'e'me ti'e'me ma le'a al c'a. Ñe lainu'ipo' ac'a cataiqui'. Cacia: Lan xanuc' tihuejcole, tijouñá' jahuay ñniya tuyalaico'me al c'a. ⁹ Timana' lan xanuc' nofulecopá lamac'ta cataiqui'. Tepauyi liñtatahueló, tixhuej'meyi axpela' liñpuftine. Tifulecoyi lataiqui' licuxepa Moisés, tixtuleyi, tifuleyi. Ñne mane tipaloñaiyi. Toñta'a aimitoc'iyaleyi. Ima' aimapenuf'ma liñtaiqui', tanajxoxi.

¹⁰ Anuli ñapima ja'ni tihuequi ituca' cataiqui' a'ij ñinca, tomitsi: “Ima' timenajhuo”. Ja'ni aimicuec'ehuo' tomicontsi. Tijouñá' ja'ni aimicuec'ehuo' aimonñejmalecona'me. Aimaimetsaico'ma to copima. ¹¹ Petsi naihuejpa' toñta'a joupa iminscopola' liñpicuejma'. Titai'me liñjunac'. Tecani'eyoñtsi quilituca'. Ñniya ima' taimetsaico'mola' te ts'i'ic' liñpicuejma', aimoxim'mola' acuanuc'la.

¹² Cumme'e'mo' Artemas o Tíquico. Anuli ñniya ticuaitsi jilpiya, aimicoñ'mo', to'huañá' liñya' Nicópolis. Jilpiya capajnta iya' cuyaicota ñaxita quitine. ¹³ Ima' pe lofpa'a tahueñá' te co'iya motoc'iyacola' ñomxi Zenas y Apolos. Tapi'itsola' laicuicomma. Tiyete al c'a liñpene. Aimehue'e'mola'.

¹⁴ Tomuc'itsola' jilpiya lañxanuc', ñniya nepenufpa' Cristo. To'itsola': “Itine itine tonñ'ete al c'a. Toñtoc'itsola' loñpimaye, ñne lahue'epola'.” Ja'ni toñta'a lo'eyacu aimi'onñiyacola' to ñamats' petsi aimipammaispa.

¹⁵ Lapimaye jifa'a nomana' tinonghuo'. To'itsola' lapimaye nomana' jilpiya: “Pablo tinonilhuo’”. Ñne jouc'a tihuejyi al Ñinca Cataiqui', toñiya al'enga' capic'a.

ÑanDios titoc'itsolhuo' jahuay imanc'.

LIJE'E SAN PABLO LINIŁ'ĒPA FILEMÓN

¹ Iya' ninPablo, iya' i'huexi Jesucristo, alfi'ecompa acadena catejma'. Illanc', iya' y łapima Timoteo, alinił'ehuo' umFilemón, ima' alpima. Ima' jouc'a illanc' al'eyi lipenic' Jesucristo. ² Jouc'a alinił'ehuo' ima' małpima caca'no' Apia. Ma 'anuli alinił'ehuo' ima' małpima Arquipo. Illanc' jouc'a ima' um'Arquipo lihuejyi Jesucristo. Iłque alcxenga' to całCapitán. Jouc'a linił'ela' lapimaye nafotyomma lomejut'ł umFilemón. ³ ŁanDios cał'Ailli' y łapoujna Jesucristo titoc'itsolhuo', tipac'e'etsolhuo' lołpicuejma'.

⁴⁻⁶ Alminno: “Filemón ma' al linca ti'huaiyinge łapoujna Jesucristo, ti'ela' capic'a lapimaye, ilne jouc'a i'huexi ŁanDios”. Tołiya ma capalaic'o ŁanDios, ilque ainenDios, cax'najtsi'i, ca'nujuaishuo' ima' umFilemón. Cami ŁanDios: “Cax'najtsi'ihuo', Filemón timujyoxi ti'huaiyinge Jesucristo. Titoc'ila' lipimaye. Mi'ay tołta'a łapima limetsaico'me xonca acuajmaica jahuay al c'a lalapi'imponga'. Tołta'a tixinim'me acueca' łapoujna Jesucristo, tixinim'me ac'a lo'epa ilque.”

⁷ Maipima Filemón, iya' camihuo': Alcxepá lof'epa ima'. Tołiya illanc' ixocumma calata. Alu'imponga' ima' to'ela' capic'a lixanuc' ŁanDios, micuaita lomejut'ł, tapenufla'. Iłniya tunxac'eyi, tualainayi tixoqui quileta.

⁸ Itsiya caxa'huehuo' to'ela' xonca. Linca Cristo lapi'ipa laimane, nipajnya cacuxe'mo', itsiya aicacuxeyaco', ma le'a caxa'huehuo' to'ela' to laifmiyaco'. ⁹ Iya' ninPablo joupá altojpá xans, alfi'ecompa acadena catejma', iya' i'huexi Jesucristo. Ja'ni ima' al'ay capic'a, to'ela' ma to laifxa'huepo'. ¹⁰ Caxa'huehuo' tapenufnał'a ilca'a łai'hua Onésimo. Ma całfi'iya fa'a, aipalaic'ocopa łapoujna Jesucristo. Tołiya i'ipa ats'e lipepajnya ilca'a Onésimo, cacua: “Iłque ai'hua”.

¹¹ Li'ipa, ilca'a aiqúi'ic' quitoc'ihuo'. Itsiya linca ipaicopa. Iya' alłoc'i. Ima' jouc'a titoc'ito' jilpiya. ¹² Itsiya cummenghua, ticuainatsi pe lofpa'a. Ilca'a łai'fnummenapa ti'onłcospa to łainunxajma'. Tapenufnał'a. ¹³ Iya' cuya'e' Lataiqui', ilne loya'apa al c'a lixpíc'epa ŁanDios. Tołiya al'nołcompa, alfi'enno. Ima' aimi'iya mocuaiya małłoc'iya. Iya' nipajnya canes'ma: Tipanenni Onésimo, alłoc'i'ma. ¹⁴ Iya' a'i tołta'a caicuac'. Iya' caituca' aicaxpic'e tołta'a laif'eya. Ma' ima' toxpíc'e'ma, aicacuxe'ehuo'. Toxpíc'eł'a' ima' conFilemón. Iya' aimi'iya cacuxe'eyaco' to'ela' ilne al c'a. Ima' cotuca' toxpíc'e'ma lof'eya. ¹⁵ Tama oque' afane' quitine ima' ejac'yopa lomane Onésimo, iya' cacua tołta'a ixpic'epa ŁanDios. Itsiya tipainahuo. Ticuainatsi jilpe, ima' tapenufnał'a nulemma. ¹⁶ Tapenufnał'a. Itsiya a'i ma le'a comozo, ilca'a opima. To'ela' capic'a juaiconapa. Iya' linca ca'ay capic'a. Ima' opoujna, xonca to'ela' capic'a. Imanc' unc'oquexi' itsiya ma' anuli łapoujna.

¹⁷ Iya' camihuo': Ja'ni ma' alinca ima' alcxmalepá, ja'ni ima' alimetsaijma anuli łapicuejma', ma to malapenufi iya' tołe tapenufnał'a Onésimo.

¹⁸ Ja'ni inantsejpo' o itaiyinc'ehuo', tapułijnla', tainiłla', tonesla: “Iłta'a, Pablo alłaiyinc'e”. ¹⁹ Iya' caituca' quiniłi: “Iya' ninPablo ca'najłse'ena'mo’”. Ima' alłaiyinc'e lomuljcopa lopitine, ilne al ts'e lopitine lepi'ipo' ŁanDios. Aicamiyaco' al'najłse'ela' ilne lopitine. Linca aimi'iya mał'najłse'eya. Ma le'a caxa'huehuo': Tapenufnał'a Onésimo.

²⁰ Maipima Filemón, aimocuanaj'moxi. Ninc'oquexi' al'huaiyijnyi Jesucristo. To'nujuaısla' lał'e'eponga' łapoujna. Tołta'a to'e'ma ma to laifxa'huepo'. Tijouł'a' aicaxhuelconaya.

²¹ Iya' ca'huaiyijnhuo' juaiconapa. Cacua: “Łaipima Filemón lihuejco'ma, ti'e'ma to laimipa. Ti'e'ma xonca.” Tołiya iya' quinił'ehuo'. ²² Jouc'a camihuo', caxa'huehuo': Lapi'ita laifpanc'eya. Aixina' imanc' tołsa'hueyi ŁanDios alłoc'ila'. Tołiya cacua: ŁanDios lux'masna'ma. Lapi'i'ma lane cacuaitsi pe lołmana'.

²³ Tinonghuo' Epafra, iŕque iya' atats'eninga' anuli, lihuejyi anuli Jesucristo. ²⁴ Jouc'a tinonghuo' Marcos, Aristarco, Demas y Lucas. Aŕ'eyi anuli lipenic' łaPoujna Jesucristo.

²⁵ Jesucristo titoc'itsolhuo', tipaxnetsolhuo' loŕpicuejma'.

AL JE'E LINIË'EMPOLA' LAPIMAYE LUN HEBREO

¹ Luyaipa quitine, ÆanDios ipalaic'o'mola' lam profeta. Axpe' ipalaic'ocona'mola'. Axpe' li'ejma' timuc'itsola'. Imuc'i'mola' te ts'i'ic' lipicuejma'. Æne lam profeta u'i'me, lahtatahueló iquimf'e'me lihtaiqui'. ² Æna'a itiné ma mi'hua mijoujma li'a lamats' ÆanDios joupa aÆmuc'iponga' nulemma te ts'i'ic' lipicuejma'. Imujpoxi. Ma hi'Hua ÆanDios timuqui te ts'i'ic' lipicuejma' ÆanDios.

ÆanDios joupa ifaquimpa hi'Hua ticuxela' jahuay, jahuay ti'ila' i'huexi. Jouc'a epi'ipa limane tilanc'ela' li'a lamats', lema'a, jahuay lopa'a. Ma tohta'a li'epa. ³ Ca'Æailli' ÆanDios temiyoxi jilpiya petsi acueca' juaiconapa epalc'o'. Aimi'iya maÆsinyacu. Li'Hua acuajmaica aÆmuc'inga' te ts'i'ic' ÆanDios. Ca'Æailli' ÆanDios y hi'Hua ma' anuli mimana'. Li'hua timuqui ma' al linca ÆanDios i'Æailli' ilque.

Acueca' icueya limane hi'Hua ÆanDios. Tixpic'e aimijou'mola' lamats' lema'a jahuay lopa'a. Tohta'a aimijoucola'. Litine tinesla': "iXhuaita!", jahuay tijouna'ma.

MaÆque hi'Hua ÆanDios aliÆonc'e'eponga' laÆjunac', alatufc'e'eponga'. Lijoupa li'epa tohta'a icutsainapa jilpe al c'a camane cal Cueca' CanDios Nopa'a al toncay lema'a. ⁴ Tohta'a imetsaicom'me acueca'. Ulijpola' lapaluc' quema'a. Æne lecu'i'impola' "lapaluc'", ilque a'i. Xonca acueca', xonca ac'a ile lecu'i'impa ilque, ma' ipuftine. ⁵ Lipalaic'opa ÆanDios anuli lapaluc' quema'a, æte aga limipa: "Ima' ai'Hua. Itsiya quimetsaicohuo', iya' o'Æailli'?" O lipalaicopa lapaluc', æte luya'apa: "Iya' i'Æailli', ilque ai'Hua"? A'i.

⁶ ÆanDios mipalaic'o' hi'Hua, ilque lacui'impa Cal Te'a, ti'nujuaitsi litine tummecona'ma li'a lamats', ticua:

Texc'onÆingotaite jahuay lapaluc' quema'a.

⁷ Lipalaico'mola' lapaluc' quema'a tuya'e':

ÆanDios ixpic'epa lepaluc' quema'a ti'onÆcospola' to lahua'.

Æne epaluc' no'epá lipenic', ixpic'epa ti'onÆcospola' to lipaÆ cunga.

⁸ Lipalaico'ma hi'Hua ÆanDios tuya'e':

Locuxejma manDios, aimijouya.

Ma al hijca lo'ejma', al hijca tocuxe.

⁹ Ima' mihuequi al hijca, tetenÆcocohuo'.

Petsi aimihuejyi to'ela' laic' li'ejma',

tohiya manDios, xonca ifac'epo' lomenDios, xonca imetsaicopo'.

Joupa mulijpola' lopimaye.

Tohta'a i'e'epo' tixojma meta juaiconapa.

¹⁰ Jouc'a tuya'e':

Lipangopa li'a lamats' ma ima', manDios, opo'nopa ile li'a lamats'.

Ma' ima' olanc'epa lema'a.

¹¹ Linca lema'a tijouna'ma, ima' a'i.

Ima' topa'a tijauhuamlaicota, ti'hua topa'a.

Lema'a ti'hua tijaf'que, ti'i'ma ma to lo'iya lotsamalo.

¹² Ma to cal xans tijuis'ma lipuquiya, tohta'a tojuis'ma lema'a, tipaico'ma.

Ima' a'i mopai'iyacoxi, aimijouya lopitine.

¹³ ÆanDios, æte aga imipa anuli lapaluc' quema'a: "Tocutshuai'ma jifa'a al c'a camane. Topanehuo fa'a, iya' mi'hua culiquila' lo'epo' laic'. Tijoula' ima' tocuxena'mola'."? Tohta'a ÆanDios limipa ma le'a hi'Hua. ¹⁴ Ituca' lapaluc' quema'a. Jahuay ihniya tama ihmaf'i' ailopa'a quilcuerpo. Jilpiya lema'a ti'eyi lanic' lepi'ipola' ÆanDios. Ilque tummela' titoc'intsola' lixanuc', ihne nonÆu'eyacola'.

2

¹ Linca xonca acueca' Lalunhu'eyaconga'. Lapaluc' quema'a aimi'onlspola' to itque. Toliya ticuicomma xonca alpo'no'me cuenna, xonca lihuejco'me lataiqui' laluponga'. Ja'ni a'i lunas'mim'monga' ocuena cane. ² Luyaipa quitine lapaluc' quema'a uya'apá litaiqui' LanDios. He Lataiqui' aimi'iya mipai'inyacu. Tohta'a lan xanuc' no'epá nixpiya, pe aimihuejcoyi, epi'im'mola' lijunac'. Al hijca itel'mim'mola'. ³ Itsiya illanc', LanDios jounpa almpionga' lunhu'e'monga' nulemma, ja'ni latets'ile, ¿te aimatet'miyaconga'? Linca xonca atet'mi'monga'.

Lataiqui' laluponga' te ts'i'ic' malunhulyacu, ile lataiqui' latPoujna Jesucristo uya'apa ate'a. Lijou'ma pe niqumf'epá aluponga' illanc'. Imuj'me ma' al linca ile lataiqui'. ⁴ Jouc'a LanDios ilinc'i'ma litaiqui'. Imuj'ma a'i itaiqui' lan xanuc'. Ma muya'ayi litaiqui', LanDios imuj'moxi acueca' icueya limane. Jilpe i'e'ma acueca' to aimi'iya mi'eyacu lan xanuc'. Pesti nepenufpá lataiqui' cal Espíritu Santo ipaxnepola', epi'ipola' anuli anuli lipicuejma' ma to loxpicepa LanDios.

⁵ Jounpa alnespá lo'iya. Tijou'nem'mola' lema'a li'a lamats'. Ti'ila' ats'e jahuay, a'i lapaluc' quema'a micuxeyacu jilpe. Jounpa ixpic'epa LanDios. ⁶ Toliya jilpe al Paxi Linilingiya anuli mipalaic'o LanDios ticua:

Ima', ¿te cal'nujuaiscoponga' illanc' ninc'ixanuc'? ¿Te caltoc'icoponga'?

⁷ Ilpe litine lolanc'epa cal xans omepi'ipa acueca' limane, ti'onlcospa to ima', manDios. Ma le'a lapaluc' quema'a ni huata xonca atsila'.

⁸ Tomi cal xans: “Tocuxe'ma lailanc'epa, jahuay tihuejco'mo”.

LanDios licuapa: “... jahuay tihuejco'mo”, jilpe tuya'e' ailopa'a pesti aimatcuc'eyaconga' illanc' ninc'ixanuc'. Alcuxe'me jahuay. Itsiya a'i tohta'a maluyalaicoyi. A'i jahuay malihuejconga'. Ailopa'a tohta'a calmane. ⁹ Linca alsinyi Jesús, itque icueya limane tohta'a. Itque i'epoxi xans. Mipa'a fa'a li'a lamats' ilne “... lapaluc' quema'a ni huata xonca atsila”.

Itsiya itque ticuxe jahuay. Lijounpa limapa, imaf'inapa, LanDios i'najtse'epa nulemma. Imetsaiconapa i'Hua, ma' anDios.

Li'epoxi xans itque ixingufcopa lamaya, tunhu'etsola' lan xanuc' cua naitsi liraza, ni pesti lomanc'eyacu. Tohta'a lixpicepa LanDios. Itque al'nujuaisponga', ipic'a altoc'itsonga'. ¹⁰ Matque LanDios aPoujna jahuay. Jahuay ticuxe. Pangay c'a lipicuejma' jouc'a ac'a lixpicejma'. Ipic'a timetsaicotsola' axpela' inaxque'. Ipic'a ti'onlcotsola' to li'Hua, itque Jesús. Toliya ticua: “Ate'a titelcola' itque Lonhu'eyacola'. Tijoula' al cuajmaica quimetsaico'ma itque ai'Hua. Quimetsaico'ma jounpa ixhuaita lipenic' li'a lamats'.”

¹¹ Cagua: “LanDios timetsaico'mola' to linaxque”. Ti'i'ma timetsaico'mola' tohta'a. Jesús ti'hua tilanc'e'e'mola' lipicuejma' ilne lixanuc', tenajtsoltsi nulemma al xujc'a. Jesús y lixanuc' ma' anuli qui'Ailli', itque LanDios. Toliya Jesús li'Hua LanDios tinescola “aipimaye”. Aimetets'ila'. Tixoqui queta tinescola' tohta'a. ¹² Tohta'a loya'apa al Paxi Linilingiya. Tuya'e' linespa Cristo lipalaic'opa LanDios, ticua:

Pe lomana' laipimaye cuya'a'ma lopuftine.

Pesti lalafot'leyoyacoltsi cunac'co'mo'.

¹³ Jouc'a tuya'e':

Iya' ca'huaiyijm'ma LanDios.

Jouc'a tuya'e':

¡Tolsinle! Ma fa'a almana', iya' jouc'a lanaxque', ilne lalapi'ipa LanDios.

¹⁴ Illanc' inaxque' lan xanuc', tipa'a latpixic', latjuats'. Jouc'a Cristo i'epoxi xans, tipa'a lijuats', lipixic'. Tohta'a itsufco'moxi tima'anle. Ilonc'e'epa limane nocuxepa lamaya, itque Satanás. ¹⁵ Ux'masnapola' pe noyalaicopá lapajnya to litats'ila', tixpaic'eyi lamaya.

¹⁶ Licuai'ma Cristo aimitoc'ila' lapaluc' quema'a. Jounpa alsina' icuaicoco'ma titoc'itsola' lan xanuc', ilne ixanuc' Abraham, itque itatahuelo. ¹⁷ Toliya ticuicomma ti'exoxi ma' anuli to lipimaye, ti'onlcotsola' to ihniya. Tohta'a tixim'mola' acuanuc'la. Ac'a

ti'e'ma iŕe lanic' lepi'ipa ÑanDios, iŕe lipenic' cal Cuecaj Ca'Ailli'. Ipaç'epa lipoyac' ÑanDios, iŕonc'e'epola' liŕjunac' iŕne lixanuc'. ¹⁸ Mipa'a fa'a li'a ŕamats' Jesús miteŕma ixingufco'ma lahuaicompa. Toŕiya ti'i'ma titoc'i'mola' lixanuc', iŕne noxingufcopá lahuaicompola'.

3

¹ Unc'aipimaye, imanc' jouc'a i'huexi ÑanDios. Iŕque Nopa'a lema'a ijoc'ipolhuo' toŕcuaitŕa jiŕpiya pe lopa'a. Itsiya caxc'ai'ilhuo', camilhuo': Toŕnujuaisle Jesucristo, maŕque ŕaŕCuecaj Ca'Ailli' ÑanDios ŕummepa. Aimolimenc'eco'me li'ejma' Jesús, iŕque Ñaŕ'huaiyijmpa. ² Jesús ac'a li'epa lanic' lepi'ipa ÑanDios. Toŕta'a ti'onŕcospa to Moisés. Iŕque jouc'a ac'a li'epa lanic' lepi'ipa ÑanDios jiŕpe lejut'ŕ. ³ Ñinca Jesús tuliqui Moisés, imetsaicompa xonca acueca'. Moisés le'a anuli cal xans nolojmay lixanuc' ÑanDios, iŕne lecu'i'impola' "lejut'ŕ ÑanDios". Ituca' Cristo. Iŕque nilanc'epa lajut'ŕ, aPoujna. ⁴ Ñajut'ŕi, anuli anuli, tipa'a naitŕi ticuxe'ma jiŕpe, iŕque tixpic'e tilanc'enŕe lajut'ŕ. Maŕque ipoujna. Ma ÑanDios aPoujna jahuay, iŕque nilanc'epa. ⁵ Moisés Ñinca ac'a li'epa lanic' jiŕpe lejut'ŕ ÑanDios, ti'onŕcospa to cal mozo no'epa lanic' lepi'ipa lipoujna. Jahuay li'epa Moisés imuj'ma te ts'i'ic' lo'iya. Iŕe ÑanDios tuya'a'ma. ⁶ Ituca' Cristo. Iŕque i'Hua ÑaPoujna Cajut'ŕ. Ticuxela' lixanuc' ÑanDios. Ja'ni aimatpailinamma ni maŕspailij'monga' illanc' ixanuc' ÑanDios. Ticuicomma tixojla' calata aŕ'huaiyijnle iŕque. Aŕnesle: Aŕinca lunŕu'ena'monga'. ⁷ Ticuicomma tonlihuejcoŕe loya'apa cal Espíritu Santo. Iŕque tuya'e':

Itsiya ja'ni ÑanDios tipalaic'olhuo' toŕquimf'eŕe.

⁸ Aimi'i'ma ata ŕolunxajma'.

Toŕta'a i'e'me lincuejlocale xanuc' mimana' pe ailopa'a quiiya', ehuaiyoŕ'me ÑanDios.

⁹ Mi'hua oquej nuxans camats' ixim'me laif'epa jiŕpe pe ailopa'a quiiya'.

Iya' ma NanDios, iŕne loŕtatahueló lahuaiyoŕpá, ticuayi: "ÑanDios, ¿ja'ni ti'e'ma to laŕmiponga'?"

¹⁰ Toŕiya iya' nixtunni, iŕne lan xanuc' li'epa aicalatenŕcocojma.

Cacua: Aiquiŕcuc'e laicuxe'epola', timenaquila', aimalihuequi.

¹¹ Iŕne lan xanuc' lapi'ipa coyac', ai'epa jurar.

Aimipola': "Aimoŕtsuflaiyacu ŕamats' lainepi'ipolhuo', aimolunxajyacu jiŕpe".

¹² Unc'aipimaye: Toŕpo'noŕe cuenna. Tonlihuejle Ñimaf'i' CanDios. Aimi'i'ma a'ijc'a loŕpicuejma', ni anuli imanc'. Petsi no'eya toŕta'a, aimi'eya Ñinca limipa Ñimaf'i' CanDios, tipaino cane. ¹³ Itine itine toŕsc'ai'itsoŕtsi ma mimilhuo' ÑanDios: "Itsiya aŕquimf'eŕa". Ja'ni a'i, aga hualca imanc' tolihuej'me lixcay cane, toŕta'a toŕfel'mi'moŕtsi, ti'i'ma ata ŕolunxajma'. ¹⁴ Ja'ni ti'hua aŕ'huaiyijnny jahuay laŕpitine, ja'ni aimatpai'yacu laŕpicuejma', aŕinca joupa lapenufpá Cristo. ¹⁵ Toŕiya tuya'e':

Itsiya ja'ni ÑanDios tipalaic'olhuo', toŕquimf'eŕe.

Aimi'i'ma ata ŕolunxajma' to li'epa iŕne lincuejlocale xanuc'.

¹⁶ ¿Naitsi iŕne niquimf'epá ÑanDios, lijou'ma i'e'epoŕtsi lincuejlocale xanuc'? Toŕta'a li'ipola' jahuay iŕniya lipa'apola' Moisés jiŕpe ŕamats' Egipto.

¹⁷ ¿Naitsi iŕne nepi'ipá coyac' ÑanDios oquej nuxans camats'? Maŕniya lan xanuc', iŕne ni'epá quixcay. Iŕne epi'impola' liŕjunac', imapola' jiŕpe ŕamats' pe ailopa'a quiiya'.

¹⁸ ¿Naitsi iŕne lipalaic'opola' ÑanDios iŕe litine li'epa jurar, limipola': "Aimoŕtsuflaiyacu ŕamats' lainepi'ipolhuo', aimolunxajyacu jiŕpe"? Toŕta'a lu'ipola' lan xanuc' petsi aiquilihuejma. ¹⁹ Jiŕpe aŕsina' te ts'i'ic' liŕpicuejma' iŕne lan xanuc'. Iŕniya aiquil'aic' Ñinca limipola' ÑanDios, toŕiya aiquiŕtsuflaic' ŕamats'.

4

¹ Itsiya ÑanDios tuya'e': "Toŕtsuflai'me, alunxaj'me anuli". Iya' camilhuo': Aŕpo'noŕe cuenna juaiconapa. Ja'ni a'i, aga tixinim'mola' a'ijc'a liŕpicuejma' anuli oquexi' imanc'. Tijouŕa' aimi'iya mitsuflaiyacu. ² Aimi'i'molhuo' to li'ipola' iŕniya lan xanuc', ni anuli

imanc'. Illanc' ma' anuli ihniya lu'imponga': "ŁanDios tepi'i'molhuo' al c'a". He lataiqui' lu'impola' ihniya aiquitoc'ila'. Aiquilhuequi limipola' ŁanDios. Ma le'a tiquimf'eyi. ³ Illanc' ja'ni lihuejyi litaiqui' ŁanDios, iŁe lataiqui' lałmiponga', linca ałtsuflaita, alunxajta. He lonxajya ŁanDios lonescopa jilpe petsi tuya'e':

Ihe lan xanuc' lapi'ipa coyac', ai'epa jurar.

Aimipola': "Aimołtsuflaiyacu, aimalunxajyacu anuli".

Linca, ŁanDios joupa unxajpa. Ilanc'epa li'a łamats', tołta'a ijou'nepa lanic'. ⁴ Tipa'a liniliya loya'apa li'ipa lixhuaita acamts'us quitine. Inescopa lihuequi litine. Ticua:

Lixhuaita acamts'us quitine, icuaitsi lihuequi litine ŁanDios unxajpa.

Joupa ijou'nepa lo'eya.

⁵ Locuena liniliya ticua:

Aimipola': "Aimołtsuflaiyacu, aimalunxajyacu anuli".

⁶ Tołta'a li'ipa. Lan xanuc' niquimf'epá ate'a aiquilhuequi limipola' ŁanDios. Aiquiltsuflaic'. Tijoułá, ¿te co'iya? Litaiqui' ŁanDios aimipaicoya. IŁque tipalaic'o'mola' locuenaye, timi'mola': "TołtsuflaiŁe". ⁷ ToŁe li'ipa. Luyaiconapa axpe' camats', ŁanDios inescoconapa "itsiya". Tuya'e': "Ma mi'i itsiya litine lan xanuc' nipajnya ałquimf'e'ma, lihuejco'ma". Jilpe lije'e David ŁanDios tuya'e':

Itsiya, ja'ni ŁanDios tipalaic'olhuo', tołquimf'eŁe.

Aimi'i'ma ata łolunxajma'.

⁸ Linca Josué itsufai'epola' lixanuc' jilpe łamats' lepi'ipola' ŁanDios. Ni ihniya aiquilunxaqui nulemma. Tołiya ŁanDios ipalaicoconapa ocuena quitine.

⁹ Tipa'a petsi lixanuc' ŁanDios titsuflaita tunxajta nulemma. Jilpe aimijouya litine conxajya. ¹⁰ Linca tipa'a Anuli joupa ulijpa lonxajya. Joupa itsufaipa jilpe. Joupa ixhuai'nipa lipenic'. Tunxajyi anuli ŁanDios. ¹¹ Lipa'aŁe cafxi. AŁnesle: Lulij'me lonxajya. Alunxaj'me anuli ŁanDios. Ja'ni a'i, aga lihuej'me li'ejma' ihniya petsi aimihuejcoyi limipola' ŁanDios. Aimał'e'me tołta'a. Ni anuli illanc'.

¹² Aimi'iya malatets'iyacu linespa ŁanDios, iŁe lataiqui' laluponga'. Linespa ŁanDios imaf'i' cataiqui'. Acueca' lo'epa. Ti'onŁcospa to al cutsilo oquej lipix'ay. He litaiqui' ŁanDios xonca lo'epa. Ailopa'a lopa'neya. Texi'e'mo' lopicuejma', łomunxajma'. Jilpe lopicuejma', łomunxajma' ti'huájta xonca icu'u. Litaiqui' ŁanDios timuj'ma te ts'i'ic' lopicuejma', lołjanajpa. ¹³ Petsi lilanc'epa ŁanDios ailopa'a quemiyoxi. Mehuelonge ŁanDios jilque tixina jahuay acuajmaica. Tocomma ailopa'a quipoxa. Tołta'a li'ejma' łalanDios. Małque Łałtalai'eyacu Lijoujma Quitine.

¹⁴ Illanc' joupa ał'huaiyijmpá Jesús. Aimałpai'i'mołtsi lałpicuejma'. Jesús li'Hua ŁanDios if'ajnapa lema'a. Itsufaipa pe lopa'a ŁanDios. IŁque Jesús ałCuecaj Ca'Ailli', lihuejco'me. ¹⁵ Aimałnesyacu: "ŁałCuecaj Ca'Ailli' aiquixina' te ts'i'ic' laluyalaicopa illanc' ninc'ixanuc'". Ixina'. I'ipa xans. Tołta'a ehuiyimpa to malahuaiyininga' illanc'. Ma le'a aiqui'aic' quixcay. ¹⁶ Ja'ni tołta'a li'ejma' iŁque lałCuecaj Ca'Ailli' Nopa'a lema'a, ¿te całspaic'eyaconga' małjoc'iyacu ŁanDios? A'i. Tipa'a lane. Ałjoc'i'me ŁanDios. Jilque lałjuez ac'a lałpalaic'oyaconga', ałsim'monga' ninc'icuanuc'la, ałtoc'i'monga'.

5

¹ Li'ipa, cal cuecaj ca'ailli' lifajpa ŁanDios ti'onŁcospola' to lipimaye. Jouc'a axans. Tepi'inni limane tipalaic'ola' ŁanDios. Tinescotsola' lipimaye. Tixahue'ela' titoc'itsola'. IŁque cal cuecaj ca'ailli' tepi'i'ma ŁanDios łotsufcoya. Tiłonc'e'etsola' liłjunac' lipimaye.

² IŁque la'ailli' tixim'mola' acuanuc'la lipimaye, ihniya pe ailopa'a quilcina' o timenaquila'. Timetsaicoyoxi jouc'a axans. Ixina' aiquixhueya lipicuejma', jouc'a ti'i'ma timenaj'ma.

³ Tołiya a'i ma le'a mitsufco'ma ŁanDios tiłonc'e'etsola' lipimaye liłjunac'. Titsufco'ma ŁanDios tiłonc'e'ela' iŁque liłjunac' jouc'a.

⁴ Anuli cal xans a'i quituca' mepi'iyacoxi tołta'a quimane. Aiminesya: "Iya' ca'e'moxi cal cuecaj ca'ailli'". A'i. Ma LanDios tepi'i'ma lipenic'. Tołta'a li'ipa Aarón, itque cal te'a cal cuecaj ca'ailli'. ⁵ Ma' anuli li'ipa Cristo, itque lałCuecaj Ca'Ailli'. Itque a'i quituca' quifajyoxi. Ma LanDios Nifajpa. Małque LanDios imipa: Ima' ai'Hua, itsiya quimetsaicohuo', iya' o'Ailli'.

⁶ Jouc'a uya'acona'ma, ticua:

Ima' ma'Ailli', ti'onłcospo' to Melquisedec.

Jouc'alemma i'ipo' ma'Ailli'.

⁷ Cristo mipa'a fa'a li'a lamats' titełma. Tijoqui ujfxi. Tinu hujuay li'u'. Tijoc'i LanDios, itque nipajnya tunłu'e'ma, aimima'ma nulemma. Tixahue'e titoc'ila'. Ihuejcopa LanDios qui'Ailli'. Tołiya LanDios iquimf'epa, icuej'ma. ⁸ Tama i'Hua LanDios ihuic'i'ma te ts'i'ic' mihuejcoya. Ma mitełma ihuic'i'ma tołta'a. ⁹ Lijoupa lixhuaita lihuic'ipa, LanDios epi'ipa limane, tunłu'e'mola' nulemma jahuay pe naihuejcopá. ¹⁰ LanDios imetsaiconapa Acueca' Ca'Ailli'. Timi: "Ima' ma'Ailli' to Melquisedec".

¹¹ Tipa'a axpe' ti'i'ma lałpalaicoyacu Melquisedec. Itsiya aimi'iya. Imanc' aimi'iya muluhualqueyacu ite lataiqui' xonca ipime. Joupa i'ipa ata lołpicuejma'. Aicołcueca. ¹² I'ipa axpe' camats' colapenufi litaiqui' LanDios. Ticuicomma tołmuc'itsola' ocuenaye xanuc'. Aimi'iya. Ołpic'a timuc'icona'molhuo', tu'icona'molhuo' litaiqui' LanDios petsi a'i quipime. Imanc' ti'onłcospolhuo' to lapilmi noxnapá ma le'a aleche. Itne aimi'iya mitejacu łoteja. ¹³ Pe ts'ipic'a ma le'a aleche aimi'iya mepenufya lataiqui' loya'apa te ts'i'ic' al hijca lipicuejma' LanDios, ti'onłcospa to łapími'. ¹⁴ Petsi lijoupa litojpola', itniya linca titeji łotejacu. Itne cołta tixhuicoyi liłpicuejma'. Joupa itšina' timetsaico'me te ts'i'ic' lataiqui', ja'ni ac'a o ja'ni a'ijc'a.

6

¹⁻³ Lipangopa lałhuaiyijmpa Jesucristo ał'onłcosponga' to la'uhuyay. Ałmuc'iponga' lataiqui' petsi aiquipime. Joupa lapenufpá lataiqui' loya'apa: "Ailopa'a conłeyacu, aimi'iya molunłu'eyacołtsi. Tołsuej'menca. Toł'huaiyijnle LanDios." ¿Te aga ałmuc'icona'monga' tołta'a? A'i. Joupa ałmuc'imponga' te ts'i'ic' małeyacu ja'ni LanDios limetsaico'monga' joupa latufc'e'emponga'. Ałmuc'imponga' te ts'i'ic' locuajmaispa lo'epa lapimaye, itne mixpayof'me liłmane' hiłjuac liłpimaye. Joupa ałmuc'imponga' lo'iyacola' limanapola'. Itne timaf'ina'me. LanDios cal Juez tu'i'mola' nulemma te ts'i'ic' lo'iyacola'. Jahuay itta'a ałsina'. Joupa ałmuc'imponga'. Ticuicomma ti'hua ałtojtsonga', ti'ila' xonca acueca' lałpicuejma'. Alihuic'ite xonca. Ja'ni LanDios ałtoc'itsonga' ma' alinca ał'e'me tołta'a.

⁴ Cacua alihuic'ite xonca. Lan xanuc' pe LanDios joupa ulif'epola' aimi'iya mimuc'iconayacola' lataqui' limuc'impola'. Itne joupa ixingufpá te ts'i'ic' al c'a lalapi'iponga' LanDios, ma' anuli lapimaye ixingufpá lipaxnepola' cal Espíritu Santo, ⁵ iximpá ac'a cataiqui' ite linespa LanDios, iximpá al cueca' lo'epa LanDios itsiya litiné. (Li'ipa inescompola' itna'a litiné, ecui'impá "locuaicoya quitine".) ⁶ Itniya ja'ni tipailiconamma, aimi'iya mixhuej'meconayacu, tama timuc'iconatsola'. Itne quilituca' tepalts'ijnconayi lencruz hi'Hua LanDios, lan xanuc' titalunts'ełe, tetets'inle. ⁷ Anuli lamats' lixnapa lałcui' petsi axpe' licui'epa, ja'ni tix'najtsi'i' lałcui, jilpe tila'ma cal fanu', tipammaita. Tite'me lan xanuc' ni'epá canic'. Itque lamats' linca tetenłcocojma LanDios, tipaxne'ma. ⁸ Ja'ni jilpe lamats' titoqui ma le'a litac' jouc'a acua quitonqui pe aimitejnyacu, itque lamats' ailopa'a quipenic', timujyoxi a'ijc'a camats'. LanDios ticuaj'ma, tijoula' tipi'em'me nulemma.

⁹ Unc'aipimaye, tama capalaicola' tołta'a itniya petsi lajac'yacola', aicapalaicolhuo' tołta'a imanc'. Ałcuayi: Lałpimaye, itne a'hebreo, xonca al c'a tuyalaico'me, itne tunłu'em'mola'. ¹⁰ LanDios ac'a lipicuejma', ałijca lo'epa, aimimenc'ecoya al c'a lonł'epa imanc'. Ixina' tonł'eyi capic'a, tołiya ołtoc'ipola' lołpimaye, itne jouc'a i'huexi LanDios,

ti'hua toltoc'ila'. ¹¹ Linca tixoqui cunlata toltoc'ila' lołpimaye, itsiya ałsc'ai'ilhuo', ałmilhuo': Jouc'a tołpo'nołe lołpicuejma' aimolimenc'eco'me te ts'i'ic' loł'huaijma. Imanc' joupa ołsina'. Aimołcuayi: Aga ti'i'ma o aimi'iyia. Moł'huaicoyi ticuaicohuananni Jesucristo itine itine ti'hua toł'nujuaisle tołta'a. ¹² Ja'ni tołta'a tołpo'no'me lołpicuejma' aimicuiya colahuí. Tonlihuej'mola' lił'ejma' petsi ti'hua ti'huaiyijnyi ŁanDios, tixnet'lyi. İne linca titsuflaita petsi ŁanDios tepi'itola' ma to joupa lu'ipola'.

¹³ Litine lepi'ipa cataiqui' Abraham, ŁanDios i'epa jurar, icuaj'mi'moxi. Xonca cal cueca' ailopa'a, tołiya ŁanDios icuaj'mi'ma lipuftine. ¹⁴ Timi Abraham:

Iya' ca'ay jurar, camihuo': Linca capaxne'mo',
ca'e'mo' quitatahuelo axpela' lan xanuc'.

Aimopaneya cotuca' ima', timajnlita coxanuc'.

¹⁵ Abraham lepenufpa litaiqui' ŁanDios limipa, ti'hua tixnet'łqui. Lijou'ma iximpa li'ipa ma to linespa ŁanDios.

¹⁶ Lan xanuc' ti'etsa jurar ticuaj'mi'me lipuftine petsi loximpa xonca acueca'. Ja'ni joupa i'epá jurar aimi'iyia micuanac'eyacu liłtaiqui', tenant'li'me. ¹⁷ Ma tołta'a li'epa ŁanDios, i'epa jurar. İximpola' acuanuc'la lixanuc' Abraham, İne nonescopola' jilpe litaiqui' limipa Abraham. İpic'a nulemma ti'İta' quılısina' ŁanDios aimipai'i lipicuejma'. To lonespa, ma tołta'a lo'eya.

¹⁸ ŁanDios ja'ni joupa epi'ipa cataiqui', ja'ni joupa i'epa jurar, aimi'iyia mipai'iyia linespa, aimafel'miyaconga'. Tołta'a li'epa ti'İta' calsina' tenant'li'ma litaiqui'. Itsiya aimi'iyia małnesyacu: ¿Te lapi'i'monga' ma to lalı'iponga' o a'i? Tixoqui calata ti'hua ał'huaicoyi ałłaitsufcotonga' pu'huanni. Joupa li—loc'ołaipá ŁanDios, ałsahue'epá lunlu'etsonga'. ¹⁹ Mał'huaiyijnyi tołta'a ŁanDios, tocomma to joupa ałłaitsufcoponga'. Tocomma to joup ałmana' anuli małpe lopa'a ŁanDios. Aimalaca'ni'eyaconga'. Aimi'iyia. ²⁰ Jilpiya joup ałsufaipa Jesús. İtque łal'huaj'meponga'. İllanc' ałenc'eyi, ałcuaita. Jesús i'ipa cal Cuecaj Ca'Ailli'. Ti'onłcospa to Melquisedec, aimexic'e'enyacu lipenic'.

7

¹ İtque Melquisedec arey Salem, e'ailli' ŁanDios Nopa'a xonca al toncay lema'a. Litine Abraham lulijpola' lan rey pe naixtuc'opá, lipainanni italecuf'mołtsi Melquisedec. İtque ipaxne'ma Abraham. ² Abraham pe lenajpola' lexic'enapola' lan rey, amaxnu amaxnu ipa'a'ma imbama' epi'i'ma Melquisedec.

İtque Melquisedec lipuftine tuhuałquemma ticua “cal Łijca Rey”. Lecui'impá “aRey Salem”. İe ticuajmaispa: Cal Rey łopac'epa lafuleya. ³ İtque jouc'alemma i'ipa a'ailli'. Ailopa'a qui'máma' ni qui'ailli'. Jouc'a quitatahueló ailopa'a. Aimi'iyia minesyacu: “Jilpe litine ipangopa lipitine”. Jouc'a aimi'iyia minesyacu: “Jilpe litine ijounapa lipitine”. Ti'onłcospa to İ'Hua ŁanDios.

⁴ Linca acueca' xans Melquisedec. Tołta'a łaltatahuelo Abraham imetsaicopa. Epi'ipa locuaiya quimane, İe xonca al c'a lexic'enapola' lan rey. ⁵ (Litaiqui' Moisés aimicuxe mepi'inyacola' micuaiya quılmane lan xanuc' ja'ni ocuena quılraza.) Linca linaxque' Leví, İne nepenufpá lipenic' to a'ailli', icuxe'empola' ti'najtsi'i'me lan xanuc' to loya'apa litaiqui' Moisés lınihjmpa. Linaxque' Leví y lan xanuc' no'najtsi'impola' apimaye. Anuli łıtatahuelo, İtque Abraham. ⁶ Melquisedec y linaxque' Leví a'i capimaye. Tama ituca' liraza Melquisedec, Abraham epi'ipa locuaiya quimane. Melquisedec ipaxnepa Abraham, małque Abraham pe joup a penufpa litaiqui' licupa ŁanDios. ⁷ Tołta'a ałsinyi Melquisedec xonca acueca' xans. Tołiya ipaxnepa Abraham. Cal xans xonca acueca' tipaxne'ma locuena pe aijcueca'. ⁸ Jifa'a li'a łamats' petsi napenufpá locuaiya quılmane ma' axanuc' nomayacola'. Al Paxi Liniłingiya lonescopa Melquisedec tuya'e': “İtque ti'hua timaf'i'”. ⁹ A'i ma le'a Abraham nepi'ipa Melquisedec locuaiya quimane, jouc'a Leví epi'ipa. Małque Leví łapenufya locuaiya quimane lapi'iyacu lipimaye. ¹⁰ Litine

litalecuf'mołtsi Abraham y Melquisedec tama aiquipanga Leví tocomma to tipa'a jilpe. Abraham ti'i'ma itatahuelo Leví, itaic' cal fanu'.

¹¹ Aarón y lif'as ca'aillí, ihe ixanuc' Leví, acueca' liłpenic'. Ihe ja'ni tołta'a aimi'eyacu canic', liłpimaye aimi'ya mihuejcoyacu litaiqui' Moisés, ihe locuxepa ŁanDios. Tama juaiconapa ac'a liłpenic', tołta'a aimi'ya mixhuai'niyacu nulemma jahuay lixplic'epa ŁanDios. Ja'ni ti'i'ma tixhuai'ni'me nulemma, ¿te quipicuicoya ti'ila' ocuena ca'Ailli' lo'onłcoya to Melquisedec a'i to Aarón? ¹² Linca, ja'ni tiłonc'e'em'mola' liłmane lixanuc' Leví, ihe no'epá canic' a'aillí, lił'as xanuc' aimi'ya mihuejyacu to li'ipa litaiqui' Moisés locuxepa, ticuticomma tipai'inte. ¹³ Lataiqui' loya'apa: “Ima' ma'Ailli' to Melquisedec”, ihe lataiqui' aiminescojma anuli cal xans i'hua Leví. Tinescojma anuli petsi ni anuli quipima qui'aic' canic' a'aillí'. ¹⁴ Tinescojma łatPoujna. Iłque lipajnta li'a łamats' hitatahuelo Judá, a'i Leví. Tołta'a jahuay iłsina'. Moisés aiqicuixe, aimi'eyi lanic' to a'aillí linaxque' Judá.

¹⁵ Xonca acuajmaica ałsinyi ti'i'ma ituca' lalanant'liyacu licuxepa Moisés. Itsiya ti'ay lanic' a'aillí' iłque lo'onłcospa to Melquisedec, a'i to Aarón. ¹⁶ Iłque a'Ailli', a'i pe lifajcompa cal xans lihuequi licuxe'empa. Iłque ti'hua imaf'i', lipitine aimijouya. Tołiya ifaquimpa a'Ailli'. ¹⁷ Ma ŁanDios tuya'e' ti'hua imaf'i', ticua:

Ima' ma'Ailli', ti'onłcospo' to Melquisedec, jouc'alemma i'ipo' a'Ailli'.

¹⁸⁻¹⁹ Lataiqui' locuxepa ate'a tuya'e': “Ti'itsola' a'aillí linaxque' Leví”. Petsi naihuejpá ihe lataiqui' ihe aimi'ya mixhuai'niyacu nulemma lixplic'epa ŁanDios. Ihe lataiqui' ailopa'a quipujfxi, aimi'ya mi'eya canic'. Tołiya iłojn-łapa. Lijou'ma ŁanDios icupa cataiqui' ticuaihuo ła'Ailli', iłque xonca' ac'a lanic' lo'eya. Ja'ni ał'huaiyjny iłque ałınca li—loc'olaiyi ŁanDios.

²⁰ Locuenaye la'aillí, ihe ixanuc' Leví, lepenufpa liłpenic' ailopa'a ni'epa jurar. Jesús ituca' i'ipa. ²¹ Lepenufpa lipenic' ŁanDios i'epa jurar, timi: Iya' NanDios, aicupa cataiqui', aicapai'ya laipicuejma'. Camihuo': “Ima' ma'Ailli', ti'onłcospo' to Melquisedec, jouc'alemma i'ipo' a'Ailli'”.

²² Ihe li'epa jurar ŁanDios timuqui xonca ac'a lataiqui' ŁanDios lopo'no'iyacola' lixanuc'. Ifac'epa Jesús łala'Ailli' ti'ila' calsina' ŁanDios tenant'hi'ma ihe litaiqui'.

²³ Lifaquimpola' lixanuc' Leví ti'etsa lanic' a'aillí, ihe li'ipola' axpela'. Timala' anuli titsufaitsi locuena ti'etsi lanic'. Tołiya ticuticomma axpela'. ²⁴ Jesús aimimaya. Ti'hua imaf'i'. Iłque lipenic' ocuena aimi'eya. Małque Jesús a'Ailli' jouc'alemma. ²⁵ Tołta'a tunhu'e'mola' nulemma naimetsaicopá ile'Ailli', mi'huaiyjny tiłoc'olaiyi ŁanDios. Iłque Jesús ihe'Ailli' ti'hua imaf'i', ti'hua tixa'hue ŁanDios titoc'itsola' lixanuc'.

²⁶ Illanc' ninc'ixanuc' ticuticomma tołta'a łatCuecaj ca'Ailli'. Iłque linca ihuejco'ma ŁanDios, aiqiu'aic' quixcay, ailopa'a quijunac'. Itsiya a'i mipa'a petsi lan xanuc' no'epá quixcay, joupa enaquiya. Joupa if'ac'empa xonca al toncay lema'a. ²⁷ Locuenaye lan tsila' ca'aillí ticuticomma ate'a tiłonc'e'entsola' iłniya liłjunac'. Tijoułta', tiłonc'e'e'me liłjunac' lan xanuc'. Itine itine titsufcoyi ŁanDios. ŁatCuecaj ca'Ailli' a'i, iłque anulemma itsufcopoxi ŁanDios, tołta'a iłonc'e'enapola' nulemma liłjunac' lixanuc'. ²⁸ Litaiqui' Moisés locuxepa ticuxe tific'entsola' lan tsila' ca'aillí ma le'a axanuc' pe naimenajpola', tima'mola'. Tołta'a li'ipa ate'a. Lijou'ma ŁanDios i'epa jurar, ifajpa ocuena ca'Ailli', iłque ma li'Hua. Mipa'a fa'a li'a lamats' ixhuai'nipa nulemma lipenic'. Tołta'a limetsaicopa ŁanDios, ilaitsufcongħua nulemma jilpe lema'a.

8

¹ Ihe łalnespa xonca tipalaijma łatCueca' ca'Ailli', tuya'e' te ts'i'ic' iłque. Joupa if'ajnapa lema'a icutshuailpa al c'a camane ŁanDios, iłque cal Cueca' CanDios Nopa'a lema'a.

² Itsufainapa małpe pe łopa'a ŁanDios, jilpe xonca al paxi. Jilpe ti'ay canic' a'Ailli'. Lejut'ł

a'i lajut'ł lilanc'ecompa ijahua', lipo'nopa anuli cal xans. A'i. Lejut'ł jilpiya mane ejut'ł LanDios. Itque lipo'nopa.

³ Fa'a li'a lamats' lifaquimpa cal Cueca' ca'Ailli' itque titsufco'ma LanDios, tima'a'mola' linneja, titsufco'mola'. Tołta'a lipenic'. Cristo, ja'ni ti'ila' cal Cueca' ca'Ailli' ticuicomma coła' titsufco'ma jouc'a. ⁴ Linca, ja'ni coła' tipa'a fa'a li'a lamats', itque a'i ca'ailli'. Fa'a timana' la'ailli' titsufcoyi LanDios, tihuejcoyi locuxepa Moisés. ⁵ Jilpe lo'eyopa canic' ihniya a'i małpe copanc'epa LanDios. Ite lilejut'ł ma le'a ti'onłcospa to lopanc'epa LanDios. Ti'onłcospa to lipunxahua lejut'ł LanDios. Tołiya, litine lolanc'eya Moisés lajut'ł lolanc'ecoya ijahua', LanDios timi:

Iya' joupā ai'onłcōpa lainejut'ł, aimuc'ipo' jilpe hijuala.

Ma tołta'a tolanc'e'ma, jahuary anuli.

⁶ Illanc' lałCueca' ca'Ailli' xonca ac'a lipenic'. Itque alcuai'esponga' lataiqui' xonca ac'a, ite al ts'e cataiqui' LanDios lałpo'no'iponga' illanc' ixanuc'. Ite lataiqui' tipalaijma lalapi'iyaconga' LanDios, ite xonca al c'a.

⁷ Li'ipa, lixanuc' LanDios ihuej'me lataiqui' lipo'no'ipola' ate'a. Ja'ni tołta'a tix-huai'ni'me jahuary lixpīc'epa LanDios coła' aimalpo'no'iyaconga' ocuena cataiqui'. ⁸ Linca, aimixhuai'niyacū tołta'a. Ma LanDios timuqui tehue'e' ite al te'a cataiqui', ite lipo'no'ipola' lixanuc', tołiya ticua:

Iya' NanDios, NaPoujna, cacua:

Ticuaihūo litine capo'no'icona'mola' cataiqui' laixanuc', ite al ts'e cataiqui'.

Ihe laixanuc' ixanuc' Judá, jouc'a ixanuc' Israel.

⁹ Ite al ts'e cataiqui' laifpo'no'iyacola' a'i małe lataiqui' laipo'no'ipola' liłtatahueló ite litine ainexat'he'epola' liłmane, ainipa'apola' jilpe lamats' Egipto.

Ihe aiquil'aic' laicuxe'epola' etets'ipá laitaiqui' laipo'no'ipola', tołiya neca'nicopola'.

¹⁰⁻¹² Tijoułā' capenufcona'mola', capo'no'icona'mola' cataiqui' ihniya ixanuc' Israel.

Iya' NanDios, iya' NaPoujna,

jilpe liłpicuejma' capo'no'i'mola' laitaiqui' laifcuxe'epola',

quinił'e'mola' jilpe liłunxajma',

ihniya nulemma limetsaico'ma iya' ilenDios, iya' quimetsaico'mola' aixanuc'.

Jilpe litine liłpiłya' xanuc' o liłpimaye, aimiminyacola': "Ima' taimetsaicoła' LanDios".

Jahuary ihe limetsaicona'ma.

Ti'ila' xonca aca'hua o ti'ila' xonca acueca', jahuary limetsaicona'ma.

Tama aiquilihuequi laitaiqui' ite laicuxe'epola', caxim'mola' acuanuc'la,

aica'nujuaisconaya li'epa quixcay, ni anuli.

Tołta'a laitaiqui' capo'no'i'mola' laixanuc'.

¹³ Ite linespa LanDios: "Capo'no'i'mola' al ts'e cataiqui'", timuqui joupā i'ipa cafane al te'a cataiqui' lipo'no'ipola'. Ite li'ipa cafane, aimi'econaya canic', aimipanehuo.

9

¹ Al te'a cataiqui' lipo'no'ipola' LanDios lixanuc' ite lataiqui' icuxe'mola' la'ailli'. Tu'ila' lo'eyacu mi'eyi lanic' lepi'ipola' LanDios. Ihe la'ailli' i'e'me lanic' jilpe lajut'ł ilanc'ecompa ijahua'. ² Ite lajut'ł lexpats'qui tijujnya licortina. Lehuoc'ocōjma ite al cortina tipa'a lacui'impā "al Paxi Cajut'ł". Jilpe tipa'a al candelero acaitsi lipepalc'o'. Jouc'a tipa'a al mesa, jilpe tipo'nof'ya la'í i'huexi LanDios. ³ Lixpula' al cortina tipa'a ocuena cajut'ł ite lacui'impā "Xonca al Paxi Cajut'ł". ⁴ Lajut'ł tipa'a lopi'eyompa incienso, lilanc'ecompa a'oro. Jouc'a tipa'a licaxax, lilanc'ecompa a'ec ijui'icoya a'oro. Ite al caxax lecu'i'impā "Licaxax litaiqui' LanDios lipo'no'ipola' lixanuc'". Jilpe al caxax tipa'a lapixu lilanc'ecompa a'oro. Jilpe lapixu ti'nico al maná. Jouc'a jilpe al caxax tipa'a lił'ix'ec Aarón, ite lenef'pa quipela. Jouc'a tilmana' lapic' linilngiya litaiqui' LanDios lipo'no'ipola' lixanuc'. ⁵ Al caxax ipo'nof'impā laxma lecu'i'impā "Petsi LanDios tixinnila' acuanuc'la lixanuc'". Jilpe, iju'

iju', tecaxoŀanna oquexi' lan querubine lilanc'ecompolá' a'oro. Ine hixala' tunxahue'eyi laxma. Nolojmay ihniya imuj'moxi LanDios. Limuj'moxi ti'onŀcospa to lummahuay tepalc'o'i juaiconapa. Itsiya aimi'iya maŀpalaiconayacu ihna'a lopa'a jilpe lajut'ŀ. He lajut'ŀ xonca al Paxi Cajut'ŀ.

⁶ Jilpe al Paxi Cajut'ŀ lijoupa lilajmpa jahuay, itine itine titsulfoŀaiyi la'aillí, ti'eyi lanic' lepi'ipola' LanDios. ⁷ Lixpula' al cortina, jilpe lajut'ŀ xonca al Paxi, titsufai'ma quituca' cal cueca' ca'ailli'. A'i itine itine mitsufaiya jilpe cal cueca' ca'ailli', ma le'a anulemma amats' amats' titsufai'ma. Itaic' lijuats' quinneja titsufco'ma LanDios. Toŀta'a LanDios timenc'e'eco'ma limenajpa cal cuecaj ca'ailli', jouc'a timenc'e'eco'mola' laimenajpola' lipimaye. ⁸ Ma mi'ay toŀta'a cal Espíritu Santo tuya'e': "Ma mipa'a ile al te'a cajut'ŀ lopa'a lehuoc'ocojma al cortina, LanDios aimu'ila' acuajmaica te ts'i'ic' micuaiyacu jilpe lajut'ŀ xonca al Paxi, ma pe lopa'a LanDios". ⁹ He lo'epa luyaipa quitine ma le'a ti'onŀcospa to lo'eya LanDios, ile laŀsimpa itsiya. Ine notaipá lotsufcoyacu, ja'ni inneja loma'anyacola', ja'ni ocuenaye lotsufconyacu, tijouŀa' titsufcotsa ti'hua tixhueŀcoyi. Ine lotsufcopá aimi'iya mipac'e'eyacola' liŀpicuejma'. ¹⁰ Ine ma le'a tenant'hiyi, ti'eyi cuenna te ts'i'ic' ŀotejacu, loxnayacu. Tepo'iyolŀsi to lu'ipola' LanDios, tijouŀa' ixim'molŀsi alimpio ma le'a jilpe liŀcuerpo, liŀpicuejma' a'i. Toŀta'a lihuej'me mi'huaicoyi LanDios tipo'no'itsola' al Ts'e Cataiqui', tipai'ila' jahuay.

¹¹ Itsiya joupa i'ipa. LanDios ipo'no'ipola' lixanuc' al Ts'e Cataiqui'. Cristo joupa imujpoxi laŀCuecaj ca'Ailli', ilque lapi'i'monga' xonca' al c'a.

La'aillí no'epá lanic' fa'a li'a ŀamats', li'ipa tipa'a lilejut'ŀ lilanc'ecompa ijahua'. LaŀCuecaj ca'Ailli' xonca ac'a lejut'ŀ. Xonca ixhueya. Ilque lejut'ŀ aiquiŀhanc'e lan xanuc', aimi'onŀcospa to lopa'a fa'a li'a ŀamats'. ¹² Litsufcompa ilque jouc'a ituca'. Locuenaye lan tsila' ca'ailli', litsufŀaipa lajut'ŀ xonca al Paxi, itaic' lijuats' quinneja, ine achivo jouc'a anaxque huacax. LaŀCuecaj ca'Ailli' a'i. Ituca' litaic' ilque. Itaic' ma lijuats', toŀta'a itsufainapa nulemma lajut'ŀ xonca al Paxi, ile lopa'a lema'a. Toŀtiya LanDios imetsaicopa joupa i'najtsepa laŀjunac', aimi'iya malacani'eyacongá'. ¹³ Luyaipa quitine tijuitsafinnila' lijuats' lan toro, lan chivo. Jouc'a tijuitsafinnila' laja', ile ilanc'ecompa lepi'ila' hua huacax caca'no' lijoupa litsufcompa LanDios, lipi'empa. Lijoupa li'empola' toŀta'a ine lan xanuc' ixim'mola' alimpio jilpe liŀcuerpo. ¹⁴ Linca itsiya lijuats' Cristo xonca acueca' lo'epa. Ilque aimi'onŀcospa to ine linneja litsufcompola'. Cristo aimijaf'que lipitine, aimi'iya mima'anyacu nulemma. Maŀque quituca' jilpe lipicuejma' ixpic'epa titsufcoxoxi. Lijoupa itsufcopoxi.

LanDios joupa inespa: "Laŀtsufcoya ti'ila' ac'a quinneja petsi a'i quicuana, nij tintsí qui'ic'". Ma toŀta'a Cristo. Pangay ac'a lipicuejma'. Lijuats' latufc'enga' laŀpicuejma'. Li'ipa aŀsueŀcoyi, aŀcuayi: "¿Te lacani'e'monga' LanDios?" Itsiya a'i. Itsiya to e'aillí LanDios aŀ'e'me lanic' lalapi'iponga' LanDios, ilque Limaf'i' CanDios.

¹⁵ Cristo, lijoupa litsufcopoxi LanDios, itsufaipa lajut'ŀ xonca al Paxi, lopa'a lema'a. Toŀta'a ilque aŀCuecaj ca'Ailli', aŀcuai'esponga' LanDios, illanc' pe nalapenufpá al Ts'e Cataiqui'. He lataiqui' aŀpo'no'iponga' illanc' ixanuc' LanDios.

Litsufcopoxi Cristo jouc'a i'najtsepa liŀjunac' petsi aiquiŀ'aic' licuxe'epola' LanDios. Aiquiŀ'aic' loya'apa jilpe al te'a cataiqui' lipo'no'ipola' lixanuc'.

Tijouŀa' jahuay lijoc'ipola' LanDios tepi'i'mola' to joupa limipola'. Maŀque LanDios tilaŀtsufcotola' nulemma. ¹⁶ Petsi lan xanuc' inefocopá ticuicomma tima'anŀe hinneja titsufcoŀe LanDios. ¹⁷ Ja'ni tima'anŀe hinneja tipanecohuo lataiqui'. Ma quimaf'i' hinneja ŀoma'anyacu nipajnya tipai'i'me lataiqui'. Ja'ni joupa ima'ampá hinneja aimi'iya mipai'inyacu lataiqui'. Joupa ifayipa.

¹⁸ Toŀta'a mi'enni lepenufim'me al te'a cataiqui' lipo'no'ma LanDios. Lan xanuc' ima'a'me linneja, ixcuajaiquenni lijuats'. ¹⁹ Ate'a Moisés u'i'mola' ataiqui' ataiqui' te lixpíc'epa LanDios lo'eyacu. Lijou'ma i'noŀ'ma cal orégano, ifi'icoya unxali cocui lana.

Liljuats' lanaxque' huacax y lan chivó lima'ampola' lohuants'ipa aja' ijac'eco'ma cal orégano. Lijou'ma ijuitsijm'ma al je'e lainilijnya litaiqui' ÆanDios lipo'no'ipola' lixanuc'. Ijuitsijm'mola' jouc'a lan xanuc', jahuay ihniya. ²⁰ Mi'ay tołta'a timila': "Ita'a lajuats' tifyi'ma litaiqui' ÆanDios lipo'no'ipolhuo'". ²¹ Jouc'a ijuitsijm'ma lajut'ł lilanc'ecompa ijahua' y jahuay lo'nico jilpiya, ihya loxhuicoyacu la'aillí no'epá lipenic' ÆanDios. ²² Jilpe litaiqui' Moisés locuxepa tocomma jahuay tijuitsijnle cajuats'. Ja'ni a'i, aimi'iya mimenc'e'econyacula' lan xanuc' li'epa.

²³ Ima'a'me linneja la'aillí, itsufco'me liljuats', tołta'a i'i'ma limpio ihya lilanc'epa lan xanuc'. Jahuay ihe lilanc'epa lan xanuc' ma le'a timuqui te ts'i'ic' lopa'a lema'a. Lopa'a jilpe ticuicomma ituca' lotsufcoya, ihe xonca al c'a. ²⁴ Totiya Cristo aiquitsufaic' al Paxi Cajut'ł lilanc'epa lan xanuc'. Jilpe lajut'ł mipa'a li'a łamats' ma le'a ti'onłcospa to lajut'ł lopa'a lema'a. Cristo itsufaipa ma pe lopa'a ÆanDios. Jilpiya tipa'a itsiya. Timujyoxi cal Cuecaj ca'Ailli'. Ti'hua tixa'hue ÆanDios ałtoc'itsonga'.

²⁵ Lijoupa litsufaipa jilpiya Cristo aimitsufcoconyacoxi. Fa'a li'a łamats' cal cuecaj ca'ailli' amats' amats' ti'hua titsufay lajut'ł xonca al Paxi. Itaic' liljuats' quinneja a'i ma quituca' lijuats'. ²⁶ Ja'ni coła' tołta'a li'epa Cristo coła' ti'i'ma axpe' mitsufcoyacoxi. Lipangopa li'a łamats' coła' jouc'a tipangoco'ma ihe lotelcoya Cristo, itsiya coła' ti'hua titełma. A'i tołta'a li'ipa.

Ihna'a lijoucola' quitiné Cristo imuj'moxi fa'a li'a łamats'. Itsufcopoxi ÆanDios, liłonc'e'eponga' lałjunac'. Tołta'a li'epa anulemma. Aimi'econaya. ²⁷ ÆanDios joupa ixpic'epa lo'iyacola' lan xanuc'. Ixplic'epa tima'mola' anulemma, tijouła' małque ÆanDios cal Juez tu'itola' te ts'i'ic' muyalaicoyacu. ²⁸ Jouc'a Cristo imapa anulemma, itsufcopoxi ÆanDios, itaipa liłjunac' axpela' lan xanuc'. Litine timujcona'xoxi aimitaiconaya lałjunac'. Joupa i'epa tołta'a. Ihe litine tunłu'e'mola' lixanuc', ihe ti'huaicoyi ticuaicocono.

10

¹ Litaiqui' Moisés locuxepa a'i cuajmaica muya'e' te ts'i'ic' xonca al c'a lapi'iyacola' ÆanDios lixanuc'. Jilpe lałsimpa tocomma to ipunxahua. Mihuejcoyi ihe lataiqui' lan xanuc' aimi'iya minesyacu: "Joupa ainenant'łipa lixplic'epa ÆanDios". Amats' amats' ti'hua titsufcoyi ma' anuli. ² Ihe notsufcopá ja'ni nulemma enant'łipá, ¿te ti'hua titsufco'me? A'i. Ja'ni ixingufcopá joupa ilonc'e'enapola' nulemma liłjunac', ja'ni joupa i'ipola' limpio, aimitsufconayacu. ³ Ihsina' aiquiłonc'e'enila' nulemma liłjunac'. Amats' amats' ti'nujuaisyi li'epa lixcay. Amats' amats' tima'annila' linneja. ⁴ Liljuats' linneja lima'ampola', ihe lan toro y lan chivo, aimiłonc'e'eyacola' nulemma liłjunac' lan xanuc'. Aimi'iya. ⁵ Totiya licuai'ma fa'a li'a łamats' Jesucristo timi qui'Ailli':

Aicałcuxe'e catsufcoyaco' linneja lima'ampola', ni łocuena caiftsufcoyaco'.

Lapi'ipa iya' laicuerpo catsufco'moxi.

⁶ Ihe petsi noxingufcopá liłjunac', ja'ni titsufcoyi linneja lima'ampola' lopi'empola', o ja'ni titsufcoyi liljuats' linneja,

ima' aiquetenłcocohuo' nulemma ihna'a lotsufcopo'.

⁷ Iya' lainepenufpa laicuerpo aimipo':

"Ne', fa'a capa'a.

Jilpe al je'e liniliya ałpalajma iya' laif'eya, tołta'a ca'e'ma.

Aicuaicoco'ma ca'eła' lofxpic'epa ima' manDios."

⁸ Cristo linespa tołta'a ate'a ticua: "Linneja lima'ampola' o łocuena laiftsufcoyaco' a'i tołta'a całcuxe'e. Jouc'a linneja lopi'empola' o liljuats' linneja lotsufcopa ihe petsi loxingufcopa liłjunac', a'i tołta'a catsufcoyaco'. Aicałcuxe'e. Ihna'a lotsufcopo' aiquetenłcocohuo' nulemma."

⁹ Ti'hua tipalaic'o ÆanDios timi: "Aicuaicoco'ma ca'eła' lofxpic'epa". Cristo minesqui tołta'a ipo'nopa iju' ihe al te'a lataiqui', ihe locuxe'epola' lan xanuc' titsufcołe ÆanDios.

Locuena litaiqui' loya'apa: "Aicuaicoco'ma ca'ela' lofxpic'epa", ihe linca joupa ifayipa. ¹⁰ LanDios ixpic'epa al'itsonga' ma i'huexi itque. Tofta'a al'e'eponga' Cristo litine licupa licuerpo, itsufcopoxi nulemma.

¹¹ Locuenaye ca'ailli itine itine ti'eyi lanic' lepi'ipola' LanDios. Titsufcoyi linneja ma to licuxe'epola' titsufcole. Iha'a lotsufcopa aimi'iya milonc'e'eyacola' lijunac' lan xanuc'.

¹² Ituca' li'epa laCuecaj ca'Ailli'. Itque itsufcopoxi ma le'a anulemma. Tofta'a itojmpa nulemma lajunac'. Lijou'ma icutsingai'ma al c'a camane LanDios. ¹³ Micutsu jitpe al c'a camane LanDios i'huaijma ticuaiti litine ticuec'efe naixtuc'opá. I'huaijma timetsaicole Incuxepa. ¹⁴ Aimitsufconayacoxi. Joupa itsufcopoxi nulemma. Lixanuc' joupa i'e'epola' i'huexi LanDios. Ti'hua tilanc'e'ela' litpicuejma'.

¹⁵ Cal Espiritu Santo jouc'a lu'inga' tofta'a. Ate'a ticua:

¹⁶ Tijoula' capenufcona'mola' capo'no'icona'mola' cataiqui'.

Jitpe hilunxajma' capo'no'i'mola' litaiqui' laifcuxe'epola'.

Quini'e'mola' jitpe litpicuejma'.

¹⁷ Lijou'ma ticua:

Lixcay li'epa petsi aiqulihuequi litaiqui' laifcuxe'epola' aica'nujuaisconaya, quimenc'eco'ma nulemma.

¹⁸ Petsi joupa limenc'e'ecopola' lixcay li'epa, ihe aimitsufconayacu. Joupa itojm-napa lijunac'.

¹⁹ Unc'aipimaye, itsiya aimatsuehmot'leconayi. Jesús joupa itsufcopoxi LanDios, itsufcopa lijuats'. Toftiya tixoqui calata ti'i'ma altsuflai'me jitpe Xonca al Paxi pe lopa'a LanDios, alpalaic'o'me itque. ²⁰ Laipene itsiya ituca', imaf'i'. Cristo litsufcopoxi licuerpo, LanDios exi'epa nulemma lahsuflaicoyacu jitpe Xonca al Paxi. Lijahua' lojujnya joupa itojm-napa.

²¹ Illanc' ixanuc' LanDios juaiconapa acueca' lala'Ailli'. ²² Toftiya aimatsim'me calaic'ata, tioxjma calata laxc'onlingolai'me LanDios. Joupa aljuitsijmponga' illanc' laipicuejma', aimatsuehmot'fecoyacu lajunac', joupa itojmpa. Laicuerpo lapo'imponga' al c'a caja'. Itsiya a'i oquej laipicuejma'. Ahsinyohti ma latufnaponga'. Ti'i'ma alitoc'olai'me LanDios illanc' caltuca', alpalaic'o'me itque.

²³ Joupa aluya'apá: Al'huaijny LanDios, itque lunlu'e'monga'. Aimalpai'i'mohti laipicuejma'. Ti'hua al'huaijynle. Itque joupa icupa cataiqui', aimi'iya mipai'iya. Ma to linespa tofta'a lo'eya. ²⁴ Lahuefe te co'iya mal'nujuaisyacola' xonca laipimaye, ti'ila' xonca axpe' la'epa al c'a. ²⁵ Ihe lapimaye pe aimefot'leconayohsi aimalihuej'me lit'ejma'. Lafot'le'mohti alixpi'i'mola' quileta laipimaye. Tohsinyi ticuaihuo al Cuecaj Quitine, toftiya xonca totpo'nole laipicuejma' tonf'ele tofta'a.

²⁶ Illanc' petsi joupa alsina' te ts'i'ic' al Linca Cataiqui', ja'ni xonca apic'a al xujc'a cane, ja'ni ti'hua al'econa'me lixcay, ticuaiti al Cuecaj Quitine alsim'mohti joupa la-caniponga'. Ihe li'epa Cristo litsufcopoxi, aimalitonc'e'eyaconga' lajunac'. ²⁷ Ma le'a al'huaico'me lapi'intsonga' lajunac'. Acueca' caxpaiqui' ihe lahte'minyaconga'. Ahsingufco'me to lunga lipoyac' LanDios. Ma to lojou'neyacola' naixtulepá, ma' anuli aljou'ne'monga' illanc' ja'ni aimalihuejcoyacu. ²⁸ Li'ipa, cal xans netets'ipa litaiqui' Moisés, pe aiqui'aic' locuxe'epa, titef'mim'me. Ti'ila' oquexi' afantsi joupa ixingopá lit'u' lixcay li'epa, tijoula' aimixininyacu cuanuc', titef'minle. ²⁹ Itsiya, ¿te aimitef'minyacu xonca petsi netets'ipa Cristo, tocomma to i'huailtsufpa li'Hua LanDios? Jouc'a lijuats' Cristo etets'ipa, iximpa to ninaitsi cajuats'. Ihe lijuats' Cristo lixcuajaicopa tifayila' nulemma al Ts'e Cataiqui' lipo'no'ipola' LanDios lixanuc'. Mahe lajuats' i'e'epa cal xans ma' i'huexi LanDios. Itque pe netets'ipa Cristo inesc'epa cataiqui' cal Espiritu Santo, itque Notoc'iyalepa. Linca xonca acueca' lo'iya itque cal xans. ³⁰ Limetsaicoyi Nocuapa:

Ma' iya' icueya laimane ca'e'ma al hica.

Iya' ca'najtse'e'mola' pe no'epá lixcay.

Jouc'a ticua:

ŁanDios copa'a iŁjuez lixanuc'.

³¹ Łınca aimalulijyacu iŁque Łimaf'i' CanDios. Acueca' axpaiqui' iŁque. Acueca' lo'eya.

³² Imanc' joupa oŁmujpoŁtsi toŁ'huaiyijnyi Jesucristo. Aimolimenc'eco'me loluyalaicopa. Ti'hua toŁ'nujuaisle li'ipolhuo'. IŁniya liŁtiné ma quite' ŁanDios epalc'o'ipolhuo'. JiŁne liŁtiné oŁsnet'Ł'me al cueca' lateŁcoya. AicoŁpai'i loŁpicuejma'. ³³ IŁniya liŁtiné toŁteŁcoyi mixoconnilhuo' loŁ'as xanuc', mi'ennilhuo' lixcay, mimiloquilhuc' cataiqui'. Jouc'a toŁteŁcoyi ma miteŁcoyi toŁna'a loŁpimaye. ³⁴ OŁ'e'e'moŁtsi anuli loŁpimaye litats'empola', jouc'a toŁteŁcoyi, tunlequi łolunxajma'. Mexic'elhuo' imanc' loŁ'huexi, tixoqui cunlata tolihuejyi Jesucristo. Aicolixtuc'ola'. ToŁ'nujuaisyi tipa'a loŁ'huexi xonca al c'a. IŁe aimi'iya mexic'enyacolhuo'.

³⁵ Joupa i'ipa coŁsina' ŁanDios tepi'i'molhuo' xonca al c'a. Aimolatets'i'me. Ja'ni ti'hua toŁ'huaiyijnyi acueca' al c'a ti'najtse'e'molhuo'. ³⁶ Ne'. Ti'hua toŁsnet'Ł—le. ToŁta'a ton'le'me lixpicepa ŁanDios. Tepi'i'molhuo' al c'a. Joupa icupa cataiqui'. ³⁷ JiŁpe al Paxi LiŁiŁingiya tuya'e':

Le'a huata tehue'e', ma icuaico'ma Nocuaicoya.

³⁸ Cal xans naŁ'huaiyijmpa tulijta lipitine aimijouya.

Aiximpa to ailopa'a quijunac', capenufi.

Ja'ni tipai'ina' lipicuejma' aimalatenŁcoconaya.

³⁹ Łınca, a'i toŁta'a la'ejma'. AimaŁpailiconamma. Aimalacani'enyaconga'. Ti'hua aŁ'huaiyijm'me ŁanDios. IŁque lunŁu'e'monga'.

11

¹ Ja'ni aŁ'huaiyijnyi ŁanDios, Łte ts'i'ic' la'ejma'? MaŁ'huaiyijnyi tixoqui calata aŁ'huaicoyi ŁanDios lapi'itsonga' pe joupa aŁmiponga': "Capi'i'molhuo'". AimaŁnesyi: "¿Aga lapi'i'monga' o aimalapi'iyaconga'?" MaŁ'huaiyijnyi tama axpe' aimi'iya maŁsinyacu, pe ŁanDios joupa icuapa: "Tipa'a", aŁsina' ma tipa'a. ² ToŁta'a luyalaicopa laŁtatahueló. ToŁiya al Paxi LiŁiŁingiya tipalaicola', inescopola' al c'a.

³ MaŁ'huaiyijnyi ŁanDios aŁsina' te ts'i'ic' li'ipa lilanc'epa lema'a, li'a łamats', jahuay lopa'a. Ai'a tilanc'e'ma ŁanDios lema'a y li'a łamats' aiqui'huáqui colanc'ecoya, ailopa'a. ŁanDios ma le'a icuxepa ti'ila'. Lijoupa, ma toŁta'a li'ipa.

⁴ Abel mi'huaiyinge ŁanDios, litsufcopa ac'a itsufcopa. Caín, ipima Abel, ŁanDios aiquetenŁcocojma litsufcopa. Mi'huaiyinge Abel, ŁanDios iximpa iŁque ac'a xans, epenufpa litsufcopa. Mi'huaiyinge ŁanDios, ima'ampa. ToŁiya tama joupa imanapa tocomma to ti'hua tipalay.

⁵ Enoc mi'huaiyinge, ŁanDios iŁonc'enapa fa'a li'a łamats'. ToŁta'a aikuixina' lamaya. ŁanDios ilecona'ma, aikuixingona'me. AŁsina' Enoc i'huaiyijmpa ŁanDios. Al Paxi LiŁiŁingiya tuya'e': "Mipa'a li'a łamats' Enoc etenŁcocopa ŁanDios". ⁶ Petsi aimi'huaiyijnyi, iŁniya li'ejma' aimetenŁcocoya ŁanDios. Cal xans naxc'onŁingaiya ŁanDios tucuicomma ti'ila' quixina' tipa'a ŁanDios. Jouc'a ti'ila' quixina' ŁanDios tepi'i'ma al c'a ja'ni tehueŁa'.

⁷ Noé mi'huaiyinge ŁanDios, ilanc'epa al arca. ŁanDios joupa u'ipa Noé te ts'i'ic' lo'iya. Tama ailopa'a tintsu, Noé aikuetetets'i limipa ŁanDios. Ihuejcopa, ilanc'epa al arca, unŁu'epola' lixanuc'. Noé mi'ay toŁta'a imuj'ma a'ijc'a liŁpicuejma' locuenaye lan xanuc', iŁne nomana' li'a łamats' iŁniya liŁtiné. ŁanDios imetsaicopa ti'huaiyinge Noé. Epenufpa to ailopa'a quijunac'.

⁸ Abraham mi'huaiyinge, ihuejcopa licuxe'epa ŁanDios. IŁque ijoc'ipa Abraham tipanni, ti'huanŁa' locuena camats' tepi'ita. IŁe łamats' Abraham aikuixina'. Ni aikuixina' pe lopa'a. Ma' ipanamma, i'huanapa. ⁹ Icuaitsi jiŁpe łamats' linescopa ŁanDios, aikuipenufi nulemma. Mi'huaiyinge ipajmpa jiŁpe to ĩn'huaya. Ipajmpa lejut'Ł ilanc'ecompa ijahua'. Ma' anuli toŁiya lipajmpa Isaac, iŁque i'hua Abraham. Jouc'a ma' anuli lipajmpa Jacob i'hua Isaac. IŁniya i'huaco'me ŁanDios tepi'itsola' nulemma quilemats', ma to limipa quif'ailli'.

¹⁰ Mipa'a toŧta'a Abraham ixnet'i'ma. I'huaijma ticuaitsi anuli liŧya' xonca lifaiyiya ʔajut'hi. Jiŧpe liŧya' ʔajut'hi aimi'onŧyacola' ʔajut'hi lilanc'ecompa iŧhua'. Iŧe liŧya' ʔanDios ixpic'epa te ts'i'c' mi'iyaya, iŧque ʔilanc'epa.

¹¹ Sara mi'huaiyinge ʔanDios, epenuŧpa lipujŧxi, i'ipa quinnay. ʔanDios jounpa icuapa: “Sara tipo'no'ma qui'hua”. Ticua Sara: “ʔanDios aimifel'miyale. ʔinca ti'i'ma.” Toŧta'a li'ipa. Tama jounpa itojpa caca'no', Sara ipo'nopa hi'hua. ¹² Toŧta'a anuli cal xans i'ipa quilitatahuelo axpela' lan xanuc'. Iŧque tama tocomma to jounpa imanapa iŧepa hi'hua. Ijou'ma i'ipola' axpela' lixanuc'. Aimi'iyaya mixhuej'meyacola'. Ti'onŧcospola' to lan xamna nomana' lema'a, o cal cuixa ʔopa'a lema caja.

¹³ Jahuay iŧniya, litine lima'mola', ma ti'huaiyijnyi ʔanDios. Iŧniya aiŧuiluliqui linescopia ʔanDios mimila': “Capi'i'molhuo”. Iŧniya ma ti'onŧcospola' to nahuejlojmpá. Iŧne afule mixinyi al c'a ʔopa'a aculi'. Tixoqui quileta ticuayi: “ʔinca, ma tipa'a. Juaiconapa ac'a jiŧiya lalapi'iyaconga'.” Ma mi'huaiyijnyi ʔanDios ticuayi: “Iŧlanc', ma' aluyalaicoyi fa'a li'a ʔamats'. Aŧ'onŧcosponga' to hi'huaya.” ¹⁴ Lonespa toŧta'a aŧinca ti'huaiyijnyi ʔanDios. Acuaŧmaica timujyoŧtsi tijanajyi ticuaitsa jiŧpiya mane liŧpiya'. ¹⁵ Iŧne aimi'hua mi'nujuaisyi iŧe ʔamats' lipalyonamma. Ja'ni coŧa' i'nujuais'me, ja'ni ixhueŧco'me, ʔanDios coŧa' timuc'i'mola' te ts'i'ic' mi'eyacu mipailiyacu. ¹⁶ Iŧne a'i toŧta'a li'ejma'. Tijanajyi ticuaitsa pu'hua lema'a, petsi xonca al c'a. Toŧiya ʔanDios aiŧuetets'ila' iŧne lixanuc'. Tixoqui queta tecui'iyoxi: “Iya' NanDios, iŧenDios iŧniya laixanuc'”. Ma' iŧque lilanc'e'epola' liŧpiya' ʔopa'a pu'huanni.

¹⁷⁻¹⁸ Abraham mi'huaiyinge ʔanDios, ihuejcopa licuxe'epa litine lehuaicopa. Tit-ŧufco'ma cal nuli hi'hua, iŧque Isaac. Ai'a tipajnta Isaac ʔanDios jounpa u'ipa Abraham, timi: “Iŧque ʔo'iyaya ʔo'hua Isaac ti'i'ma quilitatahuelo lan xanuc' petsi laimetsaiconyacola' to loxanuc'”. Abraham, tama jounpa i'epa ʔinca iŧe limipa ʔanDios, aiŧuicuanac'e hi'hua, iŧque Isaac. Coŧa' ʔoŧŧufcoya. ¹⁹ Ticua: “ʔanDios ti'i'ma timaf'i'ina'mola' limanapola'. Timaf'i'ina'ma ʔai'hua.” Ma mima'aya hi'hua, ʔanDios imuc'ipa tipa'a jiŧpe anuli cal moŧ. Iŧque cal moŧ Abraham ima'apa, itsufcopia ʔanDios, a'i hi'hua. Toŧiya Isaac ti'onŧcospa to cal moŧ ʔima'apa qui'ailli'. Abraham lepenuŧnapa hi'hua iximpa to ʔanDios jounpa imaf'i'inapa. Tocomma i'ipa to linespa Abraham.

²⁰ Isaac mi'huaiyinge ʔanDios, ipaxne'mola' linaxque', iŧniya Jacob y Esaú. Ai' ma le'a ipaxne'mola', jouc'a u'i'mola' te ts'i'ic' lo'iyacola'.

²¹ Jacob mi'huaiyinge ʔanDios, mima ipaxne'mola' loquexi' linieto, iŧne linaxque' José. Mipaxnela', iŧe loya'apa, a'i lonespa quituca' lipicuejma', tuya'e' ma lixpice'epa ʔanDios. Mi'huaiyinge ʔanDios, ummejc'oyoxi lipaluc, ic'omma'ima, tix'najtsi'i ʔanDios.

²² José mi'huaiyinge ʔanDios, tixhuainatsi lipitine, ipalaic'o'mola' lipimaye, iŧne jouc'a ixanuc' Israel. U'i'mola' te lo'iyacola'. Tuya'e' tipalnacu jiŧpe ʔamats' Egipto. Ixuxe'e'mola' lo'e'eyacu lipécaŧ.

²³ Qui'ailli', qui'máma' Moisés, mi'huaiyijnyi ʔanDios aimixpailiquila'. Aiŧuilihuequi litaiqui' licuxe'eyalepa cal rey nocuxepa Egipto. Lixim'me juaiconapa ac'a ʔahuac'hua, emi'me afane' mut'ŧa. Aimima'am'me.

²⁴ Moisés mi'huaiyinge ʔanDios, lijounpa litojpa, aimimetsaicoyoxi to inieto cal rey Faraón. Aimicua, tama itoc'epa hi'hua caca'no' cal rey. ²⁵ Ticua: “Ja'ni aimetenŧcocoya ʔanDios laif'eya, tama cuyaico'ma al c'a ma capa'a li'a ʔamats', iŧe laixojcopia neta, aimicoŧya”. Toŧiya ixpic'epa titelcoŧa' to lixanuc' ʔanDios miteŧcoyi. ²⁶ Tama cal rey Faraón, iŧque nocuxepa Egipto, acueca' al c'a lapi'iyaya Moisés, iŧque aiŧuicua'. Ixina' xonca ac'a loyaicoya ja'ni lan xanuc' tetets'iŧe. Xonca ipic'a ti'huaicoŧa' ʔanDios ti'najtse'ela'. Miteŧcoyi toŧta'a lixanuc' ʔanDios ma' anuli Cristo titelcoyi, iŧque hi'Huijŧ'epa ʔanDios.

²⁷ Mi'huaiyinge ʔanDios, Moisés ipanni jiŧpe ʔamats' Egipto. Aimixpaic'e lipoyac' cal rey. Tama aiŧui'huáqui ʔanDios, tocomma to Moisés tehuelonge. Toŧiya ixnet'i'ma jahuay. ²⁸ Mi'huaiyinge ʔanDios, icuxe'epola' lixanuc' tima'anŧe lam mot'ŧ, tijuitsijnle

lajuats' liɸpuerta. Toɸta'a tuyaicoɸa' ɸapaluc quema'a, noma'ayacola' lan tet'ɸa lanaxque' camijcanó, iɸne lun Egipcio. Ailopa'a co'e'eyacola' lixanuc' Moisés. ²⁹ Moisés jouc'a lixanuc', mi'huaiyijnyi ɸanDios jilpe ɸunxali Caja, eteɸnuf'moxi ɸaja i'i'ma lane, uyalaico'me nolojmay. Icuaitsa lan xanuc' egipcio, jouc'a itsulfoɸai'me iɸpic'a tuyalaile jilpiya. Aiqui'ic'. Laja inutse'mola', unxalac'mola'.

³⁰ Lan xanuc' Israel mi'huaiyijnyi ɸanDios, acaitsi quitine ipaiyummi' me liɸya' Jericó. Jilpe lixpula' leti'icoya quiɸya' ipaiyummi' me. Tijouɸa' acamts'us quitine, lihuequi litine ecangenni leti'icoya liɸya'.

³¹ Rahab, ɸaca'no' hitepa licuerpo, mi'huaiyinge ɸanDios epenufpola' loquexi' lan xanuc', iɸniya nicuaicota tehuelojm' me ɸamats'. Toliya unɸu'ma ɸaca'no'. Lun Israel litsufɸai'me Jericó ima'a'me lan xanuc' nomana' jilpiya, iɸne petsi aiquilihuequi ɸanDios. Rahab aiquima'a'me.

³² Itsiya, ¿te xonca caifnesya? Mi'huaiyijnyi ɸanDios jouc'a i'e'me al cueca' iɸne Gedeón, Barac, Sansón, Jefté, David, Samuel jouc'a lam profeta. Aimi'ommaispa capalaicoyacola' li'epa anuli anuli iɸniya. Axpe' alcoɸ'ma. ³³ Locuenaye, mi'huaiyijnyi ɸanDios tulijyi lan tsilaj quincuxepá jouc'a liɸxanuc'. Locuenaye ticuxeyaleyi liɸca. Locuenaye epenuf' me iɸe al c'a limipola' ɸanDios lapi'iyacola'. Locuenaye mimana' nolojmay lanxmuhua ti'huaiyijnyi ɸanDios, toɸta'a ailopa'a qui'e'e'mola'. ³⁴ Locuenaye, mi'huaiyijnyi ɸanDios ipac'e'me liɸpoyac' hunga. Ailopa'a qui'e'e'mola' iɸe hunga. Locuenaye unɸul'me, aim-ima'acom'mola' acutsilo. Locuenaye, joupa itafquemmola' epenuf'cona'me liɸpujxi. Locuenaye, acueca' li'epa mifuleyi naixtulepá. Locuenaye, ihuescufi'me lan xanuc' nofulepá, iɸne ocuena quiɸraza.

³⁵ Lacaɸ'no' mi'huaiyijnyi ɸanDios, iɸne liɸxanuc' limapola', epenuf'na'me joupa imaf'i'ina'pola'. Locuenaye ixnet'ɸ'me miteɸ'minnila' juaiconapa, ima'am'mola'. Aicunɸu'eyoɸtsi, aiquilcuac'. Iɸpic'a tulijnatsa lapajnya xonca al c'a, timaf'i'ina'nsola' ɸanDios Locuaicoya Litine. ³⁶ Locuenaye, iteɸco'me mitalunts'ennila' o muntafquim'mola' o mifi'econnila' acadena, itats'em'mola'. ³⁷ Locuenaye ima'acom'mola' apic', ehuiyim'mola'. Ma quimaf'ila' etequim'mola' onɸca liɸcuerpo, ima'acom'mola' acutsilo.

Locuenaye, mi'huaiyijnyi ɸanDios tiyelocoyi iɸtatsma lipixmij moɸ o lipixmi chivo. Acueca' lahue'epola', titeɸcoyi, juaiconapa acuanuc'la. ³⁸ Iɸniya xonca lan c'a xanuc'. Toliya liɸ'as xanuc' aimi'iya mimetsaicoyacola', etets'im'mola'. Iɸne, ma mi'huaiyijnyi ɸanDios, inulnapá, tiyelocoyi petsi ailopa'a quiɸya'. Jouc'a tiyelocoyi lijualay. Tiɸmana' hunts'eja' o lipihuo camats'.

³⁹ Jahuay iɸniya, tama ɸanDios imetsaico'mola' ti'huaiyijnyi, aiquiluliqui linescopa ɸanDios, iɸe lapi'iyacola' lixanuc'. Ni aiquilɸsina' te ts'i'ic'. ⁴⁰ ɸanDios joupa ixpic'epa luyalaico'me xonca al c'a illanc'. Ixp'ic'epa ti'ila' caɸsina' te ts'i'ic' lapi'iyacola' lixanuc'. Li'ipa, iɸniya aiquilɸsina'. Ti'hua mehue'ela' mi'huaicoyi aɸ'huaiyijnle illanc'.

12

¹ Iɸne laɸpimaye joupa imuj'moɸtsi ni'huaiyijmpá ɸanDios. Tama joupa iyenapá timana' anujnca, canumicay pe laɸmana' illanc', lahuelonginga'. Axpela' iɸniya. Itsiya, ¿te co'iya? Ticuicomma aɸpo'noɸe laɸpicuejma' luliɸta iɸe lalapi'inyaconga'. Aɸ'itsonga' to iɸne lainulpá. Iɸne lic' tinul'me, aimitaiyacuj cumta copa'neyacola'. Jouc'a illanc', laca'ni'me laɸpa'neyaconga', aimalihuej'me al xujc'a lopa'a laɸpicuejma', aɸsnet'ɸ'me jahuay laɸ'iyaconga'. ² Ti'hua aɸ'nujuaitsa Jesús li'ejma'. Maɸque Jesús aɸmuc'iponga' te ts'i'ic' maɸ'huaiyijnyacu ɸanDios. Iɸque nulemma i'huaiyijmpa ɸanDios, aiquipai'i lipicuejma'. Iɸque aɸtoc'i'monga' ti'hua aɸ'huaiyijnle, tijouɸa' ɸanDios alunɸu'e'monga'. Jesús i'nujuaitsi lo'iya jilpe lema'a. Toliya ma iteɸcopa lepaɸts'ingimpa lancruz. Tama iximpá to lixcay xans aiquixim'moxi acuanuc'. Ticua: “Jipu'hua lema'a tixoj'ma neta cuyaicota”. Itsiya joupa ulijpa. Ticutsuya al c'a camane ɸanDios cal Cueca'j Quincuxepa.

³ Camilhuo': Toľ'nujuaitsa Jesús te ts'i'ic' luyaicopa, litełcopa. Toľ'nujuaisle lixnet'łpa ma mi'e'eyi acueca' quixcay iłniya lan xanuc' pe aimihuejcoyi ŁanDios. Tołta'a aimixojyacolhuo', ti'hua toł'huaiyijm'me. ⁴ Imanc' lolipa'apa cafxi tolulijle al xujc'a, łte ołscuajaipa lołjuats'? A'i tołta'a qui'ilhuo'. ⁵ Tocomma joupa olimenc'ecopa loya'apa al Paxi Linilingiya. Jiłpe ŁanDios tixc'ai'ilhuo'. Tołta'a ł'a'ailli' mixc'ai'i'mola' linaxque'. ŁanDios ticua:

Mai'hua, topo'noł'a lopicuejma' tapenufla' laifmuc'ipo' iya' oPoujna.

Ja'ni cu'itso', aimitafqueco'.

⁶ Petsi łaf'epola' capic'a camuc'i'mola' tołta'a iya' iłPoujna.

Petsi lainimetsaicopola' ainaxque' cateł'mila'.

⁷ ŁanDios aimixtuc'olhuo'. Tołsnet'He lo'ipolhuo'. Ma to ł'a'ailli' timuc'ila' linaxque' tołta'a timuc'ihuo' ŁanDios. ⁸ Jahuay linaxque' ŁanDios timuc'ila', titeł'mila'. Ja'ni aimołxingufcoyi tołta'a mimuc'ihuo' ŁanDios, imanc' a'i quinaxque'. Iłque aiquimetsaicolhuo', ocuena col'ailli' imanc'.

⁹ Li'ipa małmana' ninc'a'uhuy łaf'ailli' ałteł'minga'. Aicalixtuc'ola'. Tama le'a axanuc' limetsaicopola' tołta'a icueya liłmane. Lapajnya fa'a li'a łamats' lapi'iponga' iłniya. ŁanDios cał'Ailli' Nopa'a lema'a tepi'ila' jahuay liłpitine. Xonca ticuicomma limetsaicole iłque. Tołta'a lapi'i'monga' lałpitine aimijouya. ¹⁰ Iłne lał'ailli' nomana' fa'a li'a łamats', iłe licueya quiłmane aiquicoli. Tama icueya liłmane aimi'hua małcuxeyacongá'. Tijouł'a' ałtojtsonga' aimi'hua małteł'miyacongá'. Iłne ma to licuapa liłpicuejma' tołta'a lałteł'miponga'. Cał'Ailli' Nopa'a lema'a ituca' li'ejma'. Ipic'a luyalaicole al c'a, a'i ma le'a fa'a li'a łamats', ticua: "Toluyalaicotsa al c'a Locuenaj Quitine jouc'a". Ixplic'epa ti'ila' nulemma pangay c'a lałpicuejma', ma to lipicuejma' ŁanDios. ¹¹ Linca małteł'minga' a'i mixoqui calata, ałsinyi acumta lapajnya. Małtełcoyi ałsnet'łyi. Tijouł'a' lihuic'ile ti'i'ma ac'a lałpicuejma'. Ałpac'em'monga' lałpicuejma'.

¹² Tołiya camilhuo': Ja'ni itafquemmolhuo' aimoluyalaicona'me tołta'a. Lołmane', lołmitsi' tolapi'itsola' liłpujfxi. ¹³ Ma tolihuejle litaiqui' ŁanDios. Tołta'a petsi lo'onłcospola' to lan coxo, iłne petsi afule miyeyi, iłniya jouc'a tihuej'me, aimejac'eyacu al c'a cane.

¹⁴ Tołpo'note lołpicuejma' tołejmalete al c'a lołpimaye, jahuay iłniya. Tolahuełe te co'ıya monł'eyacu ti'ila' pangay c'a lołpicuejma'. Ma le'a iłniya pe tołta'a liłpicuejma' tixinna'me cał'Ailli' ŁanDios. ¹⁵ ŁanDios ti'hua titoc'ihuo'. Toł'etsoltsi cuenna, ni anuli menaj'moxi. Ni anuli mi'i'moxi to lixcay quitamqui, tixhueł'mi'molhuo'. Iłque lipommaya titał'molhuo', nij naitsi nonłuya. ¹⁶ Ni' anuli mi'i'moxi innahuepa cacal'no', ni mi'i'moxi to cal xans Esaú. Iłque ehue'ma ma le'a lopa'a fa'a li'a łamats'. Iłque Esaú cal te'a timi lipepo: "Lapi'ila' iłe lołtecopa, cate'ma iya'. Cał'ailli' tipaxne'mo' ima', iya' nin te'a aimalpxaxne'ma." Tołta'a etets'i'ma lopaxnecoya qui'ailli'. Xonca ipic'a titetsoł'a, tama ma le'a anulij pime. ¹⁷ Joupa ołsina' li'ipa. Lijou'ma, Esaú ipic'a qui'ailli' tipaxneł'a, timetsaicole' to cal te'a qui'hua. Aimi'ıya. Ixhuełmot'le'ma juaiconapa, ijoj'ma. Aimi'ıya mipai'ıya. Joupa i'ıpa.

¹⁸ Imanc' moli—loc'ołaiyi ŁanDios aimolacaxhuołanna lehuoc'ocojma lijuala ma le'a amats'. Jiłpiya tecaxhuołanna lixanuc' Moisés. Iłe lijuala tocomma tipi, ixim'me acueca' lipal'cunga. Ixim'me acueca' cummahuy, amuf le'a, juaiconapa ti'hua łahua'. ¹⁹ Jiłpe icuej'me tifus'minni al trompeta. Icuejpa' anuli tipalay, tixc'ai'ila'. Lan xanuc' noquimf'epá iximpá acueca' caxpaiqui', tixahue'eyi aimipalaic'ocona'mola'. ²⁰ Lataiqui' loxc'ai'ipola' iximpá juaiconapa acueca' cataiqui'. Ticua: "Tama anuli linneja ti'huałtsijnla' lijuala tima'aconłe apic'". ²¹ Jouc'a Moisés iximpa acueca' caxpaiqui' iłe lehuelojmpa jiłpe. Ticua: "Tıyu laicuerpo".

²² Imanc' joupa oli—loc'ołaipá lijuala Sión jiłpe liłya' Jerusalén lopa'a lema'a, lipiłya' ŁanDios Łimafi'. Jiłpe lefot'leyołtsi lapaluc' quema'a tixoqui quileta. Juaiconapa axpela' iłniya, aimi'ıya mixhuej'menyacola'. ²³ Oli—loc'ołaipá pe lomana' jahuay lixanuc'

lefot'lepola' LanDios jilpe lema'a. Małpiya ilpilya'. Ma to cal te'a qui'hua tepenuf'ma li'huexi lapi'ya qui'ailli' ma tołta'a ilniya tepenuf'me li'huexi lapi'iyacola' LanDios.

Oli—loc'olai pá pe lopa'a LanDios, ilque ilhuez jahuay lan xanuc'. Oli—loc'olai pá pe lomaná li'espíritu lan c'a xanuc' ni'epá al lija, ilniya nulemma i'ipa pangay c'a liłpicuejma', ailopa'a quehue'epola'. ²⁴ Jounpa oli—loc'olai pá pe lopa'a Jesús ilque Nałcuai'esponga' LanDios illanc' nalapenufpá el Ts'e Cataiqui', ille lataiqui' alpo'no'iponga' illanc' ixanuc' LanDios. Jilpe loli—loc'olai yopa tocomma tipalaic'o LanDios lijuats' lixcuajaipa Jesús, ille lałjuitsijmponga'. Loy'apa aimi'onłspa to luya'apa lijuats' Abel, ilque Caín lima'apa. Xonca ac'a loya'apa lijuats' Jesús.

²⁵ Itsiya tołpo'note cuenna. Aimolatets'i'me Nopalaic'opolhuo'. Lipalaipa fa'a li'a lamats' aicunul'me pe netets'ipá lixc'ai'ipola', itel'mim'mola'. Itsiya ilque tipalay pu'hua lema'a. Ja'ni latets'ile, ja'ni aimalihuejcoyi, ¿te aga lunlu'e'monga'? Linca xonca acueca' altel'mi'monga'. ²⁶ Li'ipa, mipalay LanDios tife'ne li'a lamats'. Małque LanDios ticua: “Xonca al cueca' ti'i'ma”. Tuya'e':

Cafe'necona'ma lamats', tifenna nulemma.

Tifenna a'i ma le'a li'a lamats', jout'a tifenna lema'a.

²⁷ He lataiqui' “nulemma”, ticuajmaispa lo'eya LanDios. Ilque tife'nela' lilanc'epa tilojm'ma. Tijoula' petsi aimi'ya mife'nemyacu, tipanehuo. ²⁸ LanDios jounpa ixpic'epa alcxeta anuli. Jilpe aimi'ya mife'nemyacu. Aimalihonc'e'eyaconga' licueya lałmane. Toliya als'najtsi'ile LanDios, tołta'a tetenłcoco'ma laxc'onłingołai'me. Malaxc'onłingołaiyi al'nujuaitsa te ts'i'ic' LanDios. Ilque apaxi, acueca' axpaiqui'. Lihuejco'me. ²⁹ Aimalimenc'eco'me: LanDios ti'onłcospa to lungá lopi'eya al xisca.

13

¹ Imanc' ti'hua tonł'etsoltsi capic'a to capimaye. ² Aimolimenc'eco'me lonł'e'eyacola' pe noyepá cane locuayumma. Tolapenuftola'. Aimixojtolhuo'. Pe tołta'a no'epá epenuf'me lapaluc' quema'a. Linca, lepenufimpola' aiqui'ic' quilsina' ja'ni apaluc' quema'a. ³ Toł'nujuaitsola' litats'ila'. Tołsingufcole to itats'ennilhuo' jout'a. Toł'nujuaitsola' lołpimaye notelcopá. Imanc' jout'a tipa'a lołcuerpo. Anuli ilniya tołsingufcole al tilca.

⁴ Ja'ni onlamallipá tonł'ele ma le'a al c'a. Tonł'etsoltsi cuenna. Aimonł'e'me nixpiya. Pe nahuepá cacal'no' o nolecopá ocuena caca'no', ilniya titeł'mi'mola' LanDios cal Juez.

⁵ Aimonł'e'me to lan xanuc' ts'ilpic'a xonca quilmó. Tetenłcocotsolhuo' ille loł'hueca itsiya. LanDios timihuo': “Aicapo'noyaco' cotuca', aicacanujyaco'”. ⁶ Toliya tixoquei calata alnes'me: “ŁaiPoujna LanDios alłoc'i'ma. Iya' aimalłpaiqui. ¿Te cal'e'eya lan xanuc'?”

⁷ Aimolimenc'eco'mola' lołpomxiye, ilne nimuc'ipolhuo' litaiqui' LanDios. Toł'nujuaisle te ts'i'ic' lijuocopa liłpejanya fa'a li'a lamats'. Ilne imaco'mola' mi'huaiyijnyi LanDios. Tołta'a ti'ila' imanc' lonł'ejma'. Jout'a ti'hua toł'huaiyijnle LanDios.

⁸ Jesucristo aimipai'iyoxi. Tsumjma, itsiya, locuaicoya quitine, ma' anuli lipicuejma'. ⁹ Imanc' ti'hua toł'huaiyijnle Jesucristo. Aimolihuej'me ocuena ocuena cataiqui' pe aimi'onłspa to limuc'impolhuo'. Ti'hua tolihuej'me lataiqui' limuc'impolhuo'. Mał'huaiyijnyi LanDios ma ilque alłoc'inga', alfa'enga' lałpicuejma'. Tołta'a aluyalaico'me al c'a. Ja'ni lihuejle lataiqui' loya'apa te ts'i'ic' lałtejacu, te ts'i'ic' aimalłtejacu, a'i tołta'a małfa'eyacołtsi lałpicuejma'. Ilne petsi naihuejpá ille lataiqui' ma' anuli mimanemma, aimi'i'ma xonca al c'a liłpicuejma'.

¹⁰ Illanc' lałaltar ituca'. Aimi'onłspa to ille al altar li'ipa lipajmpa jilpe lajut'ł lilanc'ecompa ijahua'. Ilne naihuejcopá to li'eyompa jilpe lajut'ł lilanc'ecompa ijahua', aimi'ya mitejacu lopa'a lałaltar. ¹¹ Li'ipa, mipa'a lajut'ł lilanc'ecompa ijahua', cal cuecaj ca'ailli' itai'ma liłjuats' quinnejá, titsufai'e jilpe Xonca al Paxi. LanDios liximpa ille lajuats' imenc'e'eco'mola' lan xanuc' al xujc'a li'epa. Ilne linnejá aimitejnyacu. Ti'hua'annila' jilpe limuc'o' pe a'ij pangiya. Jilpe tipi'enspola'. ¹² Tołta'a jout'a Cristo i'hua'am'me

lema quilya'. Jilpe itelco'ma, itsufco'ma lijuats', al'e'eponga' ixanuc' ÆanDios. ¹³ ¡Lihuejle Cristo! Aimalihuej'me li'epa jilpe lajut'l lilanc'ecompa ijahua'. Aitelcole to Cristo litecopa. Latets'intsonga' jouc'a. ¹⁴ Jifa'a li'a lamats' laþilya' tijou'ma. Al'huaicoyi, aljanajyi locuaicoya locuena laþilya'. ¹⁵ Maþ'huaiyjny Jesúsjouc'a altsufco'me ÆanDios. Illanc' laþsufcoyacu a'i quinneja. Altsufco'me laþaiqui'. Itine itine als'najtsi'i'me ÆanDios, itque ÆanDios. ¹⁶ A'i ma le'a ataiqui' tolihuejle ÆanDios. Tonf'ele al c'a. Toftoc'itsola' loþpimaye. Tolapi'itsola' ja'ni tehue'ela'. Ti'ila' tofta'a lonf'epa tetentcocojma ÆanDios. Tocomma to toþsufcoyi.

¹⁷ Tolihuejle lomuc'ipolhuo' loþpomxiye. Ihe ti'eyi cuenna lof'alma. Isina' ÆanDios ticuis'etola', timitola': "¿Te o'epa al c'a ite lanic' laineþi'ipo'?" Imanc' toþcuc'etsola' itne loþpomxiye. Tofta'a tixoqui quileta ti'e'me lanic'. Ja'ni aimoþcuc'ela' tixhueþmot'le'me itniya. Tijoula' imanc' jouc'a aimoluyalaicoyacu al c'a.

¹⁸ Toþsa'hueþe ÆanDios alþoc'itsonga'. Joupa aþpic'epá al'ele ma le'a al c'a, tofta'a aimalsueþmot'leyi. Ailopa'a tintsi. ¹⁹ Camiconamolhuo': Toþsa'hueþe ÆanDios alþoc'ila'. Tofta'a aimalcolconaya fa'a. Cacuaiconata jilpe pe loþmana'.

²⁰ Litsufcopoxi laþPoujna Jesucristo, lijuats' lixcuajaipa itinc'ico'ma lataiqui' ÆanDios lipo'no'ipola' lixanuc'. Ihe lataiqui' joupa litinc'ipa aimipaiya, ma tipa'a. ÆanDios lix-impá Jesúsjouc'a lixcuajaipa lijuats', imaf'i'inapa if'ac'enapa lema'a. Itque i'ipa cal Cuecaj laþPoujna, illanc' imot'i. Maþque ÆanDios aþpac'e'enga' laþpicuejma'. ²¹ Caxa'hue titoc'itsolhuo' toþsuai'nite jahuay al c'a lonf'epa. Tofta'a tolanant'li'me lixpí'epa ÆanDios. Maþ'huaiyjny Jesucristo ma tofta'a lo'epa ÆanDios. Alþoc'i'monga' al'ele ma le'a latentcocopa itque.

¡Jahuay itiné timetsaconþe anDios! ¡Texc'onþingolai'me ma le'a itque!

Amén. Tofta'a ti'ila'.

²² Cunc'aipimaye, caxa'huelhuo' tolapenufle laifxc'ai'ipolhuo'. Ai axpe' cataiqui' ite laininiþ'epolhuo'. ²³ Ti'ila' colsina' te ts'i'ic' li'ipa laþpima Timoteo. Itsiya aiquitats'iya. Joupa ux'masquinnapa. Ja'ni ticuaiyunní ma capa'a fa'a aþe'me, aþejmale'me, alsinnolhuo'.

²⁴ Loþpomxiye jouc'a loþpimaye jilþiya nomana', toþmitsola' iya' canonnila'. Ihe no'huaiyjmpá Cristo jouc'a i'huexi ÆanDios. Lapimaye nomana' lamats' Italia jouc'a tinonnilhuo' imanc'. ²⁵ ÆanDios ti'njuaitsilhuo', titoc'itsolhuo'.

Tofta'a ti'ila'. Amén.

LIJE'E SANTIAGO LINIĒ'EPOLA' LAPIMAYE

¹ Iya' ninSantiago ca'ay liĥpenic' LanDios y laĥPoujna Jesucristo.

Quiniĥ'elhuo' imanc' unc'aipimaye, imanc' iĥnaxque' laĥtet'la xanuc', iĥniya limbamaj coquexi' linaxque' laĥtatahuelo Israel. Itsiya toĥmana' ni petsi loĥca'nepoĥtsi.

² Unc'aipimaye, ja'ni toĥsinte ipime lapajnya iya' camilhuo': Aimoĥsueĥmot'le'me. ĩTixo-
jla' cunlata! ³ Imanc' jounpa oĥsina' lo'epa LanDios. Iĥque tehuaiyilhuo', ti'ila' coĥsina' ja'ni
toĥ'huaiyijnyi o a'i. Ja'ni toĥ'huaiyijnyi toĥsnet'ĥ'me lo'ipolhuo'. ⁴ Tijouĥa' aimixojtolhuo',
ti'hua toĥsnet'ĥ'cona'me. Toĥta'a LanDios tixhuai'ni'ma, ti'e'e'ma pangay c'a loĥpicuejma'.
Aimehue'econayacolhuo' loĥpicuejma'.

⁵ Anuli imanc' ja'ni tinesla': "Ahuata laipicuejma'", cami'ma iĥque: Toxahue'eĥa' LanDios
tepi'itso' lopicuejma'. LanDios a'i caĥtsile. Ma tixoqui queta tiku. Aimixtuc'ola' pe
noxa'huepá. ⁶ Jahuay lopicuejma' toxa'hueĥa', to'huaiyijnla' LanDios. Aimones'ma: "ĤJa'ni
ti'i'ma o aimi'ya?" Petsi toĥta'a li'ejma' ti'onĥcospa lipicuejma' to ĥaja mi'hua'e ĥahua'.
Tummay ĥahua'. Ti'huala' pu'hua, tetaĥ'uhua fa'a. Ma ti'hua tifenna. ⁷ Aimines'ma iĥque:
"Ĥe laifxahue'epa LanDios lapi'i'ma". A'i. Aimepi'ya. ⁸ Cal xans petsi oque' lipicuejma',
ma ti'hua tipai'iyoxi.

⁹ Anuli ĥapima ja'ni ailopa'a qui'hueca, tixojla' queta tix'najtsi'ila' LanDios. Iĥque tixina
acueca' ts'i'hueca. Timetsaijma. ¹⁰ Petsi tixoqui queta ti'njuaitsi al cueca' ĥi'huexi,
LanDios tixina to aiqui'hueca. Ti'onĥcospa to cua naitsi lipa' lopa'a jipu'hua ĥimuc'o'.
Aimicoĥya. ¹¹ Linca iĥne ĥipa' aimixnet'yi. I'huáquila' juaiconapa ac'a. Tijouĥa' tif'ajla' cal
'ora, ĥipinu' tipi'e, tijuli ĥipela, ĥipipa' tecangemma ĥamats'. Ate'a i'huáqui ac'a, mijou'ma
tejac'a. Toĥta'a tuyaico'ma petsi ts'i'hueca acueca'. Muyaicojma lapajnya ma ti'hua
tejac'eyoxi.

¹² Cal xans noxnet'ĥpa lahuaipa, iĥque linca tuyaijma al c'a. Tijouĥa' lahuaiyimpa,
LanDios timetsaicota. Tulijnata nulemma lipitine aimijouya. Toĥta'a jounpa licupa
cataiqui' LanDios, tepi'i'mola' pe no'epá capic'a.

¹³ Anuli imanc' ja'ni tixingufcojma lahuaipa aimines'ma: "Ma LanDios ummepa iĥe
lalahuaipa. Ca'eĥa' lixcay." LanDios lipicuejma' ailopa'a quixcay. Iĥque ailopa'a comiya:
"To'eĥa' lixcay". ¹⁴ Iĥne pe ĥiĥpe liĥpicuejma' timiyoĥtsi: "To'eĥa' lixcay", iĥne ma quituca'
tijanajyi ti'eĥe toĥta'a. Ĥe lixcay lopa'a liĥpicuejma' tifel'mila', ti'hua'ala' lixcay cane.
¹⁵ Titojla' lixcay lopa'a liĥpicuejma', ti'e'me toĥta'a. Tijouĥa' ja'ni ti'hua ti'eyi lixcay, ma
tejac'e'mola'.

¹⁶ Maicunc'aipimaye, aimimenaj'molhuo'. ¹⁷ Ma jipu'hua lema'a lumme'eninga'
jahuay al c'a. Ĥe lalapi'iponga', ĥiĥpe qui'huayomma juaiconapa ac'a, ailopa'a tintsi.
Maĥque caĥ'Ailli' LanDios lumme'enga'. Ĥiĥque nilanc'epa lepalac'o' nomana' lema'a.
Iĥne lepalac'o' tipai'iyi liĥpepalc'o'. Ti'i'ma huata, ti'i'ma acueca' lapalc'o'inga'. Jouc'a
tipailoyi. Miĥ'acai'ma cal 'ora, aĥpo'nonga' lunxahua, limufc'o'. A'i toĥta'a LanDios. Iĥque
aiquipaiya, ma' anuli tipa'a. Aimipailo, ipuqui', itine alulif'enga'. ¹⁸ Maĥque LanDios
i'epa ma to lixpice'epa iĥque quituca'. Ĥiĥpe laĥpicuejma' ifapa al Linca Cataiqui'. Toĥta'a
lapi'iponga' al ts'e laĥpitine, aĥ'e'eponga' inaxque', iĥque caĥ'Ailli' LanDios. Aĥ'onĥcosponga' to
iĥna'a lafot'ĥenyacu ate'a, lotsufcoyacu LanDios ai'a ticuaihuo litine cafot'ĥeya. Ticuaiyunni
al Cueca' Quitine tixinim'me jahuay lilanc'epa LanDios i'huexi iĥque. Illanc' jounpa
aĥ'e'eponga' toĥta'a. Illanc' ma' i'huexi LanDios.

¹⁹ Maicunc'aipimaye, toĥta'a jounpa oĥsina'. Toĥiya jahuay imanc', anuli anuli, toĥpo'noĥe
loĥpicuejma', toĥquim'ĥeĥe al c'a. A'i'a toĥpalai'me toĥpic'e'me te ts'i'ic' moĥpalaicoyacu.
Aimolixtulecu. ²⁰ Liĥpoyac' lan xanuc' aimipammaispa. Aimi'ya mi'eyacu toĥta'a
al c'a latenĥcocoya LanDios. ²¹ Toĥiya, toĥpo'noĥe loĥpicuejma' aimonĥ'econa'me al xujc'a.

Li'ipa, acueca' olatets'ipoltsi, juaiconapa ol'epoltsi laic'. Itsiya aimol'econa'me toлта'a. Tolana'j'moltsi nulemma jahuay iha'a lixcay. Aimol'nof'e'moltsi. Tolihuejle lataiqui' lifayipa jilpe lolpicuejma'. Tolta'a ile lataiqui' tuntu'e'molhuo' nulemma.

²² Imanc' tolihuejle lataiqui', tonl'ele to loya'apa. Ai ma le'a molquimf'e'me. Ja'ni ma le'a tołquimf'eyi, ma tołfel'miyoltsi. Ai toлта'a molunhulyacu. ²³ Anuli lapima noquimf'epa lataiqui', ja'ni aimihuequi ti'onłcospa to cal xans mehuelonge lahuejma'. Jilpe tehuelonge li'a, te ts'i'ic' lixans. ²⁴ Tijoula' tixinla' li'a, ti'hua'ma, timenc'eco'ma te ts'i'ic' lixans, ile lijoupa liximpa. ²⁵ Ticuicomma a'i toлта'a mixhue'me litaiqui' LanDios. Jilpe tipa'a lataiqui' lałcuxeponga' illanc' pe joupa luhualquenam'monga' lał'epa a'ijc'a. Ihe Lataiqui' aimehue'e'. Cal xans noxhuepa al c'a ile lataiqui' jouc'a tepequi, ilque aimimenc'ecoya loquimf'epa. Mi'ay toлта'a tixoqui queta tuyaico'ma.

²⁶ Ja'ni anuli imanc' timiyoxi: “Iya' linca nihuequi LanDios”, tijoula' aimicuxe al c'a lipal, ilque tifel'miyoxi. Ai mihuequi LanDios, ma le'a tinesqui. ²⁷ Ihe nahuejmpá lecaniya jouc'a lampotsateya notłcopá acueca', pe no'epoltsi cuenna, aimixis'meco'mola' ile lixcay lopa'a fa'a li'a lamats', ihniya ma ti'eyi latentłcocolpa LanDios, ilque cal'Ailli'. Ilque tixim'mola' ac'a lilihuequi.

2

¹ Unc'aipimaye, ja'ni tolihuejyi litaiqui' lałPoujna Jesucristo, ilque ma' anDios, aimolatets'i'mola' hualca lolpimaye. Ma' anuli tołpalaic'otsola'. ² Iya' cacua: Imanc' ma mefot'leyoltsi, ja'ni titsulfołaitte oquexi' lan xanuc', anuli lipuf'c'ihue iltaic' lił'anillo a'oro, juaiconapa ac'a lipijahua'. Łocuena ailopa'a qui'hueca. Ijoutsoqui laquipijahua'. ³ ¿Te ts'i'ic' molpalaic'oyacola'? ¿Te ituca' ituca' lolpalaic'oyacola'? Ilque ts'ipo'nohua ac'a lipijahua', ¿te tołmi'me: “To'huanni fa'a. Tocutshuaiła' al c'a”? Tijoula' łocuena, ilque pe ailopa'a qui'hueca, ¿te tołmi'me: “Ima' tacaxla' jilu'hua, o tocutshuaiła' łainitas laifpo'nof'ipa lai'mitsi'”? ⁴ Linca, ja'ni toлта'a lonł'epa tołmujyoltsi oquej lolpicuejma'. Tolta'a tonł'eyoltsi to lan juez. Ti'onłcospolhuo' to lan juez petsi aimixpic'eyi al c'a, a'ijc'a ilne liłpicuejma'.

⁵ Unc'aipimaye, ałquimf'ela' laifmiyacolhuo'. ¿Ja'ni aicolłsina' naitsi ilne pe aiquil'hueca? Fa'a li'a lamats', ilne pe aiquil'hueca i'huijł'epola' LanDios. Ilque i'huijł'epola' ti'huaiyijnle. Tolta'a ainca tepenufta quil'huexi. Tepi'innola' quilmane ticuxeta. LanDios joupa icupa cataiqui' tepi'itola' toлта'a ilne petsi no'epá capic'a.

⁶ Tolta'a liximpola' LanDios ilne pe aiquil'hueca. Imanc' a'i toлта'a molłsinnila'. Jilpe lafołyom'molhuo' joupa olatets'ipá pe aiquil'hueca.

Ihe pe ts'il'hueca, ¿te aimicuxenai'ilhuo'? ¿A'i małniya texat'łulhuo', lo'hua'apolhuo' jilpe pe lopa'a cal juez? ⁷ Imanc' joupa ecui'impolhuo': Ixanuc' Cristo. Ihe Laftine xonca al c'a. ¿Te ilne pe ts'il'hueca aiminescoyi a'ijc'a ile Laftine?

⁸ Iha'a litaiqui' LanDios lałcuxe'eponga', ile al cueca' xonca tuya'e': “Ima' to'eyoxi capic'a, ma toлта'a to'ela' capic'a loł'as xans, cua naitsi lołtalecufya”.

Ja'ni joupa olłpic'epá tolanant'li'me ile lataiqui', ne', joupa olłpic'epá tonł'e'me al c'a. ⁹ Tijoula', ja'ni ituca' ituca' tołpalaic'oco'mola' lapimaye, a'ijc'a ile lonł'eyacu. Aimolihuejyi loya'apa lataiqui' lałcuxeponga'. Małe lataiqui' tecani'elhuo'.

¹⁰ Linca ticuicomma lihuejcole jahuay lataiqui' lałcuxeponga' LanDios. Ja'ni a'i, tama ma le'a anuli lataiqui' aimalihuejcoyi, tipa'a lałjunac'. ¹¹ LanDios ticuxe: “Aimoxhuico'ma lipeno loł'as xans”. Jouc'a ticuxe: “Aimoma'ahuale'ma”. Ai oquexi' candiosla' nocuapá toлта'a. Nonespa ma' anuli LanDios. Tolta'a, tama aimoxhuijma lipeno loł'as xans, ja'ni toma'ahuale aicomihuequi LanDios locuxepa. Tipa'a lołjunac'.

¹² Illanc' petsi joupa luhualquem'monga' lał'epa a'ijc'a, jilpe Lataiqui' tipa'a lałcuxeponga'. Małe lataiqui' timuj'ma ja'ni ac'a o a'ijc'a lał'ejma'. Tołiya camilhuo': Ja'ni tołpalaite,

ja'ni tonl'ele, ti'ila' to locuxe'epolhuo' ile Lataiqui'. ¹³ Ihe pe aimixiñyi cuanuc', acueca' titef'minnola'. Pesti tixiñyi cuanuc' tuyaicota al c'a.

¹⁴ Cunc'aipimaye, ja'ni cal xans tinesla': "Ca'huaiyinge LanDios", tijoula' aimihuejma, ¿te quipenic' ile linespa? ¿Te ilque cal xans tunlu'ma ts'i'ejma' tofta'a? Ilque ma le'a ataiqui' ti'huaiyinge. ¹⁵⁻¹⁶ Iya' cacua: Ja'ni anuli imanc' tipalaic'ola' al c'a lapima axans o aca'no' pe ailopa'a quipijahua' ni coteja, ja'ni timila': "Ne', to'huanla', aimoxhuelmot'lecona'ma. Toxmainatsi afunca, totetsotsi al c'a", tijoula' aimepi'i, aimitoc'i muyaijma lapajnya. ¿Te quipenic' ile limipa? ¹⁷ Ma' anuli lof'huaiyjmpa LanDios. Ja'ni ma le'a tofcauyi: "Ca'huaiyinge", tijoula' aimolihuejyi, ¿te quipenic' ile lofnespa "ca'huaiyinge"? Ihe lofnespa tocomma to imac' cataiqui'. Aimipammaispa.

¹⁸ Ja'ni tofta'a lof'ejma' ti'i'ma timim'molhuo': "Ima' to'huaiyinge, iya' quihuejma. Ne', tama ailopa'a cof'epa al c'a, almuc'ila' lof'huaiyjmpa. Tijoula' iya' camuc'i'mo' laifnihuejcopa. Tofta'a alsim'ma ca'huaiyinge." ¹⁹ Ima' tonesqui: "Aixina' tipa'a ma' anuli LanDios, ilque ca'huaiyinge". Ne'. Ma' ac'a ile lofnespa. Jouc'a lontahue ilsina' tofta'a. Ihe tiyula' tixpailiquila'.

²⁰ Ima' conxans, tocomma ailopa'a copicuejma'. Ja'ni ma tocua: "Ca'huaiyinge", tijoula' aimihuejma, ile lof'huaiyjmpa ailopa'a quipenic'. Aimitoc'iyaco'. ¿Te aicoxina' ita'a? ²¹ ¿Te qui'ipa latatahuelo Abraham? ¿Ja'ni ilque ma le'a ines'ma: "Ca'huaiyinge LanDios"? ¿Tofta'a LanDios iximpa to ailopa'a quijunac', epenufpa? A'i. Abraham jouc'a i'epa al c'a. Ihuejcopa LanDios limipa. Li'hua cuftine Isaac, ipo'nof'ipa jilpe al altar, titsufcola' LanDios.

²² Jilpe toxina li'ipa: Ma mi'huaiyinge LanDios, Abraham ihuejcopa. I'epa to limipa. Tofta'a ilinc'ipa linespa. Imujpa ti'huaiyinge LanDios. ²³ Tofta'a enanpa al Paxi Linilingiya loya'apa: "Abraham i'huaiyjmpa LanDios, tofta'a iximpa to ailopa'a quijunac', epenufpa".

Tofiya Abraham ecui'impá: "Ts'ilejmale LanDios".

²⁴ Tofta'a tofsinyi te ts'i'ic' li'ejma' cal xans pe LanDios tixim'ma to ailopa'a quijunac', tepenuf'ma. Ilque cal xans a'i ma le'a ticua: "Ca'huaiyinge LanDios". Jouc'a tihuejma, ti'e'ma ma locuxe'empa.

²⁵ Ma' anuli li'ipa laca'no' Rahab, ilque titejyoxi licuerpo. Ilque jouc'a i'epa al c'a. Epenuf'mola' loquexi' lan xanuc', ilhe icuaitsa tehuelojnle fa'a lalamats'. Lijou'ma ummena'mola' tiyenle ocuenaj cane. Aimixim'me ilhe no'ehualepá laic'. LanDios imetsaicopa ile li'epa Rahab. Iximpa to ailopa'a quijunac', epenufpa.

²⁶ Al cuerpo, ja'ni ailopa'a quipitine, jounpa imac'. Ailopa'a co'epa. Ma' anuli ilhe ni'huaiyjmpá pe nonespá: "Ca'huaiyinge LanDios", tijoula' aimihuejcoyi. Ihe lonespá tocomma imac' cataiqui'.

3

¹ Unc'aipimaye, jahuay imanc' aimolmuc'iyale'me. Ti'ele oquexi' afantsi le'a. Ja'ni ninc'omxiye xonca ipime ile latpenic'. Ja'ni limenajtsonga' xonca alte'mi'monga' LanDios. ² Linca ilque pe aimimenaca ailopa'a. Axpe' malimenaquina' jahuay anuli. Pe nopalaipe ma le'a al c'a, ja'ni aimimenaca tofta'a, ilque linca ac'a xans, ixhueya lipicuejma'. Ilque ticuxeyoxi al c'a.

³ Laihuale alpo'no'ila' lilco anuli al freno catejma'. Tofta'a lihuejcongá, alpai'e'mola' laihuale jahuay lilcuerpo. ⁴ Jouc'a lam barco itaic' aca'hua catejma' o aca'hua c'ec lipuftine atimón. No'hua'apa al barco, ja'ni ipic'a ticuxela' al barco, tife'ne'ma ile al timón. Tijoula', tama acuecaj barco o tummetsai hujfxi cahua', tihuejco'ma no'hua'apa. Ti'hua'ma pesti ipic'a ilque.

⁵ Jouc'a latpat, tama aca'hua ti'i'ma tinesco'moxi acueca', lo'epa. Cacua: Laca'hua cunga acueca' cal 'ec' tunai'i. ⁶ Tofta'a latpat ti'onlcospa to lunga. Jahuay al xujc'a lopa'a fa'a li'a

lamats' ti'i'ma tines'ma laɬpaɬ. Toɬta'a tixis'me'ma jahuary laɬcuerpo. Lunga nopa'a al muf tunai'i laɬpaɬ. Tijoula' tunai'i'ma jahuary lopa'a hijuaihua, ti'hua'ma xonca aculi'. Ailopa'a cunɬuya.

⁷ Jahuary linneja nomana' fa'a li'a lamats' ocuena ocuena liɬ'ejma' o liɬpicuejma', jouc'a lacaɬhui, jouc'a lainofat'l, jouc'a nomana' jilpe laja, lan xanuc' jounpa imanxuc'empola', ti'hua timanxuc'eyi. ⁸ Ituca' laɬpaɬ. Aimi'iya mimanxuc'enyacu. Aimihuejma. Ti'hua ti'ay al xujc'a to loxpiceya. Imanna lafxi camaya.

⁹ Laɬpaɬ a'ij nuli le'a lo'epa. Maɬpalaiyi aɬs'najtsi'iyi LanDios, iɬque caɬ'Ailli', aɬsuicoyi laɬpaɬ. Ma' anuli aɬsuicoyi laɬpaɬ aɬcuajcola' laɬ'as xanuc', iɬne jouc'a hilanc'epola' LanDios, ti'onɬcospá to iɬque. ¹⁰ Iɬe laɬs'najtsi'icopa LanDios, ma' anuli laɬcuajcopola', quipalyomma jilpe laɬco.

Unc'aipimaye, toɬta'a aimetenɬcocojma. ¹¹ Jilpe laipalyomma laja', maɬpe tipayomma ma' anuli caja'. ¿Te tipahuo oque' laja', al ni'i laja' jouc'a al cua caja'? A'i, aimi'iya. ¹² Unc'aipimaye, al 'ec 'icux, ¿te ti'as'ma aceituna? O al 'ec 'uva, ¿te ti'as'ma 'icux? A'i, aimi'iya. Toɬta'a ma' anuli ti'i'ma laja'. Jilpe lipayomma al cua caja' aimi'iya mipayoya al ni'i caja'.

¹³ Jilpe pe loɬmana', ja'ni tipa'a nonespa: “Iya' xonca ts'aipicuejma'. Linca aixina'.” Ne'. Ti'ila' iɬque ac'a li'ejma', ti'eɬa' al c'a. Timujxoxi ts'ipicuejma', aimi'e'e'moxi le'a. ¹⁴ Ja'ni acuá loɬpicuejma', ja'ni tonlahueyi tolulijtsoɬtsi, aimolixoc'i'moɬtsi cunlata. Ja'ni toɬta'a loɬ'ejma', aimolihuejcoyi al Linca Cataiqui', ma le'a toɬfel'miyaleyi.

¹⁵ Ja'ni toɬta'a loɬpicuejma', a'i LanDios mepi'ilhuo'. Iɬe ma' iɬpicuejma' locuenaye lan xanuc' nomana' fa'a li'a lamats', iɬne nahuepá quilituca' lojanajpa. Iɬe liɬpicuejma' ti'onɬcospa to lipicuejma' lonta'a Satanás. ¹⁶ Ja'ni ti'eyoɬtsi laic', tehueyi tulijtsoɬtsi, mijou'ma ti-fuli'i'moɬtsi, ti'e'moɬtsi nixpiya. ¹⁷ Iɬne pe LanDios lepi'ipola' liɬpicuejma', iɬne ailopa'a quixcay liɬpicuejma'. Toɬiya aimifuli'iyoytsi, aimixtuc'oyacoɬtsi. Tihuejcoyoɬtsi, ma tixinyoytsi acuanuc'la, ti'eyi mane al c'a, titoc'iyoytsi, ma' anuli liɬpicuejma', tepenufyoytsi, ma' alinca lan c'a xanuc' iɬne, a'i mi'e'eyoytsi le'a. ¹⁸ Iɬne pe lo'eya xonca pangay c'a liɬpicuejma', ticuicomma ti'ila' ac'a liɬ'ejma' ma' itsiya. Iɬne aimehuoc'aiyoytsi, ma tipac'eyi lafuleya.

4

¹ Imanc' tolixtuc'oyoytsi, toɬfuli'iyoytsi, ¿naitsi nomuc'ipolhuo' toɬta'a? Linca ailopa'a nomuc'ipolhuo' toɬta'a. Imanc' coɬtuca' toɬjanajyi xonca toɬ'huejle, toɬta'a toɬfuli'iyoytsi. ² Tama acueca' toɬjanajyi, aimolulijyi iɬe loɬjanajpa. Mijou'ma toɬma'ahualeyi, toɬ'eyoytsi laic', tolixtuc'oyoytsi, toɬfuli'iyoytsi. Aicoɬsahue'e LanDios, toɬta'a aimolulijyi iɬe loɬjanajpa. ³ Imanc' moɬsahue'e'me aimepi'ilhuo'. Aimoɬsahue'eyi al c'a. LanDios jounpa ixina' loɬ'eyacu. Ja'ni tepi'itsolhuo' loɬsahue'epa toɬsuico'me ma coɬtuca' ts'oɬpic'a.

⁴ Imanc' ti'onɬcospolhuo' to lacaɬ'no', tama namallipá tihuejnaiyi xanuc'. Imanc' oɬpo'nopá loɬpe'Ailli', iɬque ma LanDios. Ma moɬcuayi: “Aɬejmaleyi LanDios”, toɬjanajyi lopa'a fa'a li'a lamats'. Jouc'a tolihuejyi coɬtuca' loɬpicuejma', to iɬne pe aimimetsaicoyi LanDios. Ma toɬfuli'iyi LanDios. ¿Te aicoɬsina' iɬta'a? Cal xans ja'ni tixpic'eɬa' tihuejla' to iɬne pe aimimetsaicoyi LanDios, ja'ni tixpic'eɬa' tiyejmaleɬe iɬniya, iɬque ti'ej laic' LanDios, aimi'iya miyejmaleyacu.

⁵ Al Paxi Linilingiya ticua: “Cal Espíritu Santo laɬpo'no'iponga' LanDios jilpe laɬunxajma', iɬque Espíritu aɬ'enga' cuenna juaiconapa, aɬsininga' ma i'huexi LanDios”.

¿Te coɬcuapa a'ij linca iɬe lataiqui'? O ¿coɬcuapa ma le'a ataiqui'? ⁶ Linca illanc' caɬtuca' aimi'iya malihuejyacu. Ma le'a LanDios xonca aɬtoc'inga', to tuya'e': “Pe no'nof'e'epoytsi, LanDios tipa'nela'. Lam manxu, iɬne no'oc'epoytsi, LanDios titoc'ila'.”

⁷ Toɬiya camilhuo': Toɬ'oc'etsoytsi, tolihuejcoɬe LanDios. Toɬpa'neɬe lonta'a Satanás, tijoula' tinuna'ma iɬque. Tipo'no'molhuo' coɬtuca'. ⁸ Toli—loc'olaiɬe LanDios, tijoula' iɬque tiɬoc'ai'molhuo'. Imanc' nonɬ'epá a'ijc'a aimonɬ'econa'me toɬta'a. ¿Tolapajle loɬpicuejma'? Ja'ni oque' loɬpicuejma', ja'ni loɬpic'epa lixcay jouc'a al hijca, tonɬ'eɬe anuli loɬpicuejma'.

Tołta'a ti'i'ma pangay c'a lołpicuejma'. ⁹ Tołsuetcole juaiconapa, tołsingufcole lołpихuejma'. Tołjolijle. Tolatec'ole iłe lołpinoxma cata, tołsingufcole lołpihuotsoqueya. Aimołsim'me mafca lołunxajma'. Tołsinle acueca' calaic'ata. ¹⁰ Tonl'oc'etsoltsi LanDios, tijoula' iłque ti'nof'e'molhuo'.

¹¹ Cunc'aipimaye, aimołnesco'moltsi a'ijc'a. Pe nonescopá iłpimaye o tecani'eyi, iłne tetets'iyi lataiqui' lałcuxeponga'. Ima' ja'ni tatets'i iłe lataiqui' lałcuxeponga', aimanant'li lataiqui', jounpa o'epoxi unjuez. ¹² Tipa'a ma' anuli lałJuez, iłque lapi'iponga' lataiqui' lałcuxeponga'. Iłque ti'i'ma tunlu'eyale'ma, ti'i'ma tejac'eyale'ma. Ima' aimi'iya macani'eya lołpima. ¿Te ima' unjuez?

¹³ Alquimf'ela' imanc' nołcuapá: “Itsiya o mouqui le'me iłe liłya'. Jiłpiya almajnta anuli camats'. Alcucaleta, al'najualeta, al'eta canic'. Tołta'a lulijta caltomi.” ¹⁴ Iya' camilhuo': Imanc' aicołsina' te ts'i'ic' mi'iya mouqui. ¿Te ts'i'ic' lołpitine? Imanc' ti'onłcospolhuo' to łummahuay. Iłque łummahuay ti'huaspa ahuata aimicoli, tejac'inghua. ¹⁵ Ticuicomma tołcuale: “Ja'ni LanDios lałPoujna ipic'a ti'hua almajnle, al'e'me iłe o iłta'a”. ¹⁶ Itsiya ma le'a toł—lof'e'eyołtsi. Tołiya tuluyalaicoyi lapajnya tixoqui cunlata. A'ijc'a iłe lonl'ejma'.

¹⁷ Camilhuo': Cal xans ts'ixina' te ts'i'ic' al c'a, tijoula' aimi'ay, iłque tipa'a lijunac'.

5

¹ Alquimf'ela' imanc' ts'ol'hueca juaiconapa. ¡Tołjolijle! ¡Tołja'ale! Juaiconapa al cueca' tołtełco'me. ² Ticuaihuo litine tołsim'me jounpa iminscopa loł'hueca. Łacaca jounpa enai'ot'lenapá lołpijaha'. ³ Loł'oro, lołplata tołsim'me jounpa unxilaipa. Iłque łunxilaic' timuqui lixcay lonl'epa. Almana' łitiné lecu'i'impá lijoucola'. Imanc' ti'hua tołafot'leyi col'oro, colplata. Linca iłque łunxilaic' titeja latejma', ma tołta'a łunga tite'molhuo' lołpicic'.

⁴ Iłe lołtomí tija'e', ticuxecolhuo'. Iłe ma iłtomí lołmozó, iłne i'e'me canic' łitiné lefot'le'me jiłpe lołamats'. Imanc' aicoł'natse'ela'. Iłne ni'epá lanic' tija'ayi. Jounpa iquimf'epola' LanDios, małque LanDios ticuxe jahuay. ⁵ Imanc' oluyalaicopá juaiconapa xonca al c'a. Ol'epá nixpiya. Olfunc'epołtsi, tołsinyi mafca lołunxajma'. Ti'onłcospolhuo' to loma'anyacola' linneja. ⁶ Olacani'e'mola' lan lija xanuc', ołma'apola'. Iłne aiquicuana-jyołtsi.

⁷ Tołta'a lo'ipolhuo' imanc' unc'aipimaye. Camilhuo': Tołsnet'He. Ticuaihuo lałPoujna. Toł'nujuaisle li'ejma' lin'eya nic' jiłpiya łilemats'. Ti'huaico'me litine cafot'leya. Iłsina' ja'ni tipammaitsi ticuaicota acueca' quilpic'a. Tołta'a ti'hua mixnet'lyi. Ti'huaico'me ticuila', tijoula' ti'huaicocona'me ticuiconla'. ⁸ Imanc' ticuicomma jouc'a tołsnet'He tołta'a. Tołfa'etsoltsi talay lołunxajma'. Jounpa ticuaihuo lałPoujna. ⁹ Unc'aipimaye, aimołtac'ui'moltsi lajunac'. Tołta'a aimitac'uinyacolhuo' jouc'a. ¡Tołsinle! Cal Juez jounpa icuai'ma, ma tipa'a jiłpe al puerta. ¹⁰ Unc'aipimaye, toł'nujuaisa li'ejma' lam profeta, iłne nuya'apá litaiqui' lałPoujna. Iłne ma mitełcoyi tixnet'lyi.

¹¹ Linca, petsi jounpa nixnet'łpá alnescola', alcuayi: “Ac'a lił'ejma' iłne. Jounpa ulijnapá.” Jounpa ołsina' te ts'i'ic' li'ejma' Job. Iłque ixnet'łpa juaiconapa. Jouc'a ołsina' te ts'i'ic' li'e'epa LanDios lijounpa lehuai'impá. Jiłpe tołsinyi a'ij ta łunxajma' lałPoujna. Iłque juaiconapa tixinyale acuanuc'la.

¹² Unc'aipimaye, xonca tołpo'nołe cuenna, aimoł'e'me jurar. Aimołnes'me: “Mixinnale lema'a”. Ni mołnes'me: “Mixinnale li'a łamats’”. Aimołnes'me nij tintsí cataiqui' tołna'a. Ja'ni tołnes'me: “Ne, tołta'a”, ma le'a tołnesle: “Ne', tołta'a”. Ja'ni tołnes'me: “A'i”, ma le'a tołnesle: “A'i”. Aimoł—lof'i'me cataiqui'. Tołta'a aimecani'enyacolhuo'.

¹³ Pe lołmana', ja'ni anuli titełma, tixahue'ela' LanDios titoc'ila'. Ja'ni anuli tixoqui queta, tunac'cola' LanDios, tix'najtsi'ila'. ¹⁴ Ja'ni anuli textafque, tijoc'itsola' łitsilojpola' capi-maye, iłne nołpijpá lataiqui'. Ticuaitsa iłne pe łonouya lałcuana, małpiya tijoc'ile LanDios. Ti'huaf'i'me caceite lałcuana ma minescoyi lipuftine lałPoujna. ¹⁵ Iłne mijoc'iyi LanDios ti'huaiyijnyi, ticuayi: “Linca tixał'mena'ma”. Tołta'a tipammaispa iłe loxa'huepa. Łalcuana

tunlu'ma. ŁałPoujna tixał'mena'ma. Tama joupa i'epa lixcay, ŁanDios imenc'e'ecopa iłe li'epa, tixał'mena'ma.

¹⁶ Unc'aipimaye, ja'ni onł'epá lixcay tolu'inatsołtsi. Tołsahue'ete ŁanDios titoc'itsolhuo'. Tołta'a tixał'mena'molhuo'.

Ja'ni cal łijca xans tixa'huełta' ŁanDios, acueca' tipammaispa. ¹⁷ Cal profeta Elías ał'onłcosponga', iłque jouc'a ma le'a axans. Iłque ijoc'i'ma ŁanDios. Ixa'hue'ma aimicui'ma. Lijou'ma aikuicuic'. Icol'ma afane' camats' y onłca aikuicuic'. ¹⁸ Lijou'ma ijoc'icona'ma, ixa'huecona'ma. Jilpe lema'a i'huayonni laja'. Icu'i'ma jilpe łamats'. Łaifa ilapa.

¹⁹⁻²⁰ Unc'aipimaye, petsi anuli imanc' ifel'mimpá joupa ux'maspa al Linca Cataiqui', ja'ni łocuena łapima tinanc'onłta', titsufai'econala' al C'a Cane, ti'ila' quixina' joupa i'epa al c'a.

Łapima nonanc'onaiya tołta'a pe a'ijc'a no'epa, tunlu'e'ma łipima. Iłque ni'epa a'ijc'a aimejac'ya, tama acueca' li'epa aimitac'uinyacu lajunac'.

LIJE'E SAN PEDRO AL TE'A LINIË'EPOLA' LAPIMAYE

¹ Iya' ninPedro, nin'apóstol, epaluc Jesucristo. Canonilhuo' imanc' ixanuc' ËanDios, imanc' pe aimoġmana' łolamats', joupa olaca'nepoġtsi. Imanc' noġmana' łamats' Ponto, jouc'a noġmana' łamats' Galacia, jouc'a noġmana' łamats' Capadocia, jouc'a noġmana' łamats' Asia, jouc'a noġmana' łamats' Bitinia, canonilhuo' quiniġ'elhuo'.

² Li'ipa lipangopa ËanDios caġ'Ailli' joupa ixina' lo'eya, joupa ixpic'epa i'huij'epolhuo' imanc'. I'huij'epolhuo' ti'itsolhuo' mane i'huexi ËanDios. Toġta'a ti'ay cal Espíritu Santo. ËanDios i'huij'epolhuo' tolihuejcoġe. I'huij'epolhuo' ti'itsolhuo' limpio. Toġta'a ti'ay lijuats' lixcuajaipa Jesucristo jilpe lancruz.

Caxa'hue ËanDios ti'hua titoc'itsolhuo', ti'hua tipac'e'etsolhuo' loġpicuejma'. Caxa'hue toġta'a tipaxnetsolhuo' juaiconapa.

³ Aġs'najtsi'ile ËanDios, enDios, i'Ailli' ġaġPoujna Jesucristo. Iġque ËanDios juaiconapa ac'a lipicuejma', aġsimponga' ninc'icuanuc'la juaiconapa. Toġta'a lapi'iponga' al ts'e laġpitine. Tixoqui calata aġ'huaicoyi Locuena Quitine, jilpe aimijouya al ts'e laġpitine. ËanDios joupa imaf'i'inapa Jesucristo, ipa'anapa pe lomana' limanapola'. Toġiya aġsina' ma' anuli aġmaf'i'ina'monga'. ⁴ Jilpe tepi'itolhuo' coġ'huexi pe aimiminscoya, pangay al c'a. Ma to mipa'a aimipaicoya. Iġque loġ'huexi ma ËanDios i'hueca pu'hua lema'a. ⁵ Tepi'innolhuo' imanc' noġ'huaiympá ËanDios. Ma moġ'huaiyjny ËanDios ti'elhuo' cuenna, icueya limane ti'ela' toġta'a. Tunġu'e'molhuo'. ËanDios joupa ixina' te ts'i'ic' malunġu'eyaconga', joupa ilajmpa jahuay. Ticuaiti lijoujma quitine aġmuc'i'monga'.

⁶ Ma' moġ'nujuaisyi ile lo'iyacolhuo' toluyalaicoyi tixoqui cunlata. Aga itsiya ticuicomma toġteġcoġe, toġteġcoyi ma mehuaiyinnilhuo' acueca', ile loġteġcopa aimicoġya. Ticuaiti Lijoujma Quitine toġsim'me joupa uyaipa. ⁷ Ja'ni tehuiyinnilhuo', iġta'a lo'ipolhuo' ti'onġcospa to lo'ipa al 'oro. Iġe al 'oro tixhuicoyi ma le'a fa'a li'a łamats'. Tama aimicoġya nulemma, tehuiyinni, tuyaijma ġunga, jilpe tipi'e al xisca, tipanehuo mane al c'a 'oro. Iġe laġ'huaiyjmpa, ËanDios aġmi'onġcojma to al 'oro, xonca ipitali, aimijouya ni Locuena Quitine. Tijouġa' lahuaiyintsonga' aġmuj'me ma' aġinca aġ'huaiyjny ËanDios. Ticuaiyunni Jesucristo ËanDios aġmi'monga': "Onġ'epá al c'a". Limetsaico'monga' joupa i'epa pangay c'a laġpicuejma', limetsaico'monga' ixanuc', lapenuftonga' nulemma.

⁸ Imanc' tama aicolahuelonge Jesucristo, tonġ'eyi capic'a. Jouc'a itsiya litine tama aimolahuelojny, toġ'huaiyjny. Toġta'a ġinca tixojma cunlata, ni aġmi'iya moluya'ayacu te ts'i'ic' loġpinoxma cata. Iġe lo'onġcospa to jipu'hua lema'a liġpinoxma cata. ⁹ Toġta'a ma' itsiya tipammaispa loġ'huaiyjmpa, ËanDios tunġu'elhuo'.

¹⁰ Cacia: "ËanDios tunġu'elhuo'". Lam profeta nomana' luyaipa quitine inesco'me ËanDios lotoc'iyacolhuo', lopaxneyacolhuo' imanc'. Ipo'no'me cuenna, ehue'me, ti'hua ehue'me, ¹¹ ticuec'ele limipola' ġi'Espíritu Cristo nopa'a jilpe liġpicuejma'. Iġque cal Espíritu u'i'mola' titelco'ma cal Cristo, tijouġa' acueca' al c'a tuyaicota. Iġne lam profeta ipo'no'me cuenna iġe lu'ipola', tixhuej'meyi, tehueyi, ticuayi: "¿Te quitine ti'i'ma? ¿Te co'iya mi'iya toġta'a?" ¹² Li'Espíritu Cristo jouc'a imuc'ipola' ti'ila' iġiya linescopa aimimajnyacu iġniya lam profeta. I'ipa quilsina' ma' imanc' toġcuec'e'me acuajmaica iġe lataiqui', a'i iġniya. Iġne lam profeta lipalaicopa maġe lataiqui' loya'apa iġe al c'a lixpice'epa ËanDios, iġe Lataiqui' joupa uya'ampá pe loġmana'. Iġne nu'ipolhuo' toġta'a lepi'ipola' liġmane cal Espíritu Santo ġummempa lema'a. Lapaluc' quema'a iġsina' juaiconapa acueca' iġe lataiqui'. Ticuayi: "Illanc' jouc'a coġa' aġcuec'ete".

¹³ Toġiya, imanc' ja'ni joupa olapenufpá Lataiqui', toġpo'noġe nulemma loġpicuejma' toġcuxetsoġtsi al c'a. Itine itine toġ'nujuaisle lo'iyacolhuo' litine ticuaicoconno timuj'moxi Jesucristo. Iġe litine ġinca toġsinguf'me acueca' juaiconapa lipaxnepolhuo' ËanDios. ¹⁴ Itsiya

imanc' tolihuejcoyi col'Ailli' ÆanDios, toliya aimi'icona'me lo'ejma' to li'ipa. Iniya litiné imanc' aimolimetsaicoyi ÆanDios, tolihuejyi ma loĵjanajpa coltuca'. ¹⁵ Cal Paxi ÆanDios joupá ijoc'ipolhuo' tolihuejle. Iĵque pangay c'a lipicuejma', lo'epa. Ti'ila' lonl'ejma' to iĵque li'ejma'. Tonl'ete ma le'a al c'a. ¹⁶ Al Paxi Linilingiya ticua: “Iya' NanDios, NinPaxi. Ca'ay ma le'a al c'a. Imanc' jouc'a tonl'ete al c'a.”

¹⁷ Imanc' moĵpalaic'oyi ÆanDios ja'ni toĵmife: “Mai'Ailli”, toĵpo'note cuenna. Iĵque ma' anuli tixinnila' lan xanuc', ja'ni ts'iĵ'huca ja'ni ailopa'a quif'huca. ÆanDios aĵuez. Tixina te ts'i'ic li'epa lan xanuc', toĵta'a titeĵ'mi'mola' o aimateĵ'miyacola'. Imanc' toĵpaic'ete. Ma moĵmana' fa'a li'a lamats' tolihuejcole.

¹⁸ Imanc' joupá oĵsina' te li'ipa litine li'najtsempa loĵjunac'. Jiĵpe litine tonl'eyi nix-piya. Toluyalaicoyi lapajnya tonl'eyi ma to mi'eyi lonl'ailli, tolihuejyi lomuc'impolhuo'. Li'najtsempa loĵjunac' licumpa a'i lopa'a fa'a li'a lamats'. Aiquicuc' tomí aplata, ni a'oro. ¹⁹ I'najtsecopa ma lijuats' Cristo, iĵque lo'onĵcospa to ĵaca'hua moĵ pangay c'a, ailopa'a tintsi. Iĵe lajuats' xonca juaiconapa acueca' lipitali.

²⁰ Ai'a tilajm'ma li'a lamats' ÆanDios ixpic'epa toĵta'a lo'eya Cristo. Ti'hua ticolí, aiqui'ic'. Icuaitsa ina'a litiné lecu'i'impá lijoucola', linca Cristo imujpoxi, icuaicoco'ma fa'a li'a lamats' tipaxnetsolhuo' ÆanDios. ²¹ Cristo joupá epi'ipolhuo' loĵpicuejma', tonl'eyi linca li'epa ÆanDios himaf'i'ina pa Cristo, ĵipa'anapa pe lomana' limanapola', himetsaicopa li'epa, epenufnapa nulemma pu'hua lema'a. Toĵta'a toĵ'huaiyijnyi ÆanDios, toĵ'huaiyicoyi tepen-uftolhuo'.

²² Imanc' itsiya a'i colihuequi al xujc'a capicuejma', tolihuejcoyi al Linca Cataiqui', toĵta'a joupá i'ipa ac'a loĵpicuejma', alimpio. Ti'i'ma tonl'e'mola' capic'a loĵpimaye. Itsiya camilhuo': Ne'. Tonl'etsoltsi capic'a, toĵ'nujaitsoĵtsi talay lolunxajma', a'i ma le'a ataiqui'.

²³ Imanc', ÆanDios joupá epi'ipolhuo' al ts'e loĵpitine, tocomma to oĵmajnliconna. Iĵta'a al ts'e loĵpitine aimi'onĵspa locuena loĵpitine. Iĵe ti'hua tijou'ma. Iĵta'a a'i, aimijouya. Toĵta'a li'e'epolhuo' lolapenufpa litaiqui' ÆanDios. Iĵe imaf'i' cataiqui'. Aimi'iyá milonc'enyacu.

²⁴ Toĵta'a loya'apa al Paxi Linilingiya, ticua:

Lan xanuc' ti'onĵcospola' to ĵitamqui c'ec.

Tama juaiconapa ac'a i'huáquila', etejyoltsi, jahuay iĵta'a ti'onĵcospa to ĵipipa' ĵitamqui c'ec. ĵTolsinle! Joupá iĵuĵpa ĵitamqui c'ec, ĵipipa' ecangemma nulemma.

²⁵ Litaiqui' ĵaĵPoujna a'i toĵta'a lo'iyá, iĵque litaiqui' aimecangemma.

Maĵe lataiqui' u'impolhuo' imanc', iĵe lataiqui' loya'apa al c'a lixp'ic'epa ÆanDios.

2

¹ Ja'ni tipa'a al ts'e loĵpitine jouc'a ti'ila' al ts'e loĵpicuejma'. Aimol'econa'moltsi lix-cay. Aimol'fel'miconamoltsi. Tolihuejcole, aimol'e'e'moltsi le'a, aimol'econa'moltsi laic', aimol'nescona'moltsi. ² Imanc' joupá oĵmajnliconna, ti'onĵcospolhuo' to lan ts'e capilmi. Toĵ'ete colpic'a loĵheche, pangay al c'a leche. Tites'mi'molhuo', ti'ila' quipujfxi al ts'e loĵpitine. Toĵta'a tunĵul'molhuo'. (Iya' laifnescopa “loĵheche”, canescojma litaiqui' ÆanDios.)

³ Linca toĵta'a tonl'e'me ja'ni joupá oĵsingufpá te ts'i'ic' ĵaĵPoujna, iĵque pangay c'a.

⁴ Ti'hua toli—loc'olai'me pe lecu'i'impá “Limaf'i' Capic”. Lan xanuc' linca iximpá to ninaitsi capic, etets'ipá. ÆanDios ituca' iximpá. Iĵque i'huif'epa, imetsaicopa xonca ac'a.

⁵ Imanc' jouc'a ti'onĵcospolhuo' to lapic', iĵne ts'iĵmaf'i'. Ja'ni toli—loc'olai'me ĵaĵPoujna, ÆanDios tipo'no'molhuo' anuli anuli pe latentcocoya, ti'i'molhuo' epic', tix-huico'molhuo' tilanc'eco'ma lejut'ĵ, iĵe lixoute'. Tixim'molhuo' to e'ailli ÆanDios. To e'ailli tipa'a loĵsufcuya ÆanDios. Toĵpo'no'me loĵpicuejma' toĵcu'moltsi. ÆanDios timetsaicolhuo' toĵ'huaiyijnyi Jesucristo, toĵta'a tetentcoco'ma loĵsufcopoltsi, tepenuf'molhuo'. ⁶ Al Paxi Linilingiya tuya'e' ÆanDios lonescopa iĵque ĵapic, ticua:

ĵTolsinle! Jiĵpe liĵya' Sión cafa'ma anulij cal Cueca' Capic, iĵque loĵo'nof'inyacu ĵaitaĵ.

Iĵque ĵapic ma' iya' ai'huif'epa, caxina juaiconapa ac'a, xonca acueca' lipitali.

Pe no'huaiyijmpá ñque łacui'impa Łapic, mañiya aimixinyacu calaic'ata, aiminesyacu: "ŁanDios ałfel'mipa".

⁷ Ja'ni toł'huaiyijnyi Cristo, "... ñque łacui'impa Łapic", ŁanDios timetsaicotolhuo'. Locuenaye lan xanuc' ituca' lo'iyacola'. Ñne pe aimihuejcoyi, tixinyi Cristo to "... łapic łetets'ipa nolanc'epá lajut'". Jouc'a tixim'me jounpa i'ipa łapic xonca łaicucoya. Ñque "... łapic xonca tilanc'e łaitał, aimecangeya lajut'". ⁸ Jouc'a tixinguf'me to "... łapic łoc'ui'eyacola' lan xanuc'". Jitque cal cueca' capic tixcai'e'mola'. Aimihuejcoyi Lataiqui', tołiya tixcai'e'mola'. Jounpa ixpic'epa ŁanDios ñe loyalaicoyacu.

⁹ Imanc' ŁanDios jounpa i'huijf'epolhuo', i'epolhuo' e'aillí, anuli tołcuxeta. Tixinnilhuo' to anuli al nación apaxi, ma' i'huexi. I'e'epolhuo' ma' ixanuc'. Tołta'a li'e'ecopolhuo' toluya'ałe, tołmujtsoltsi te ts'i'ic' al c'a lipicuejma', li'ejma' ŁanDios.

Małque ŁanDios ijoc'ipolhuo' mipa'a pangay muf lołpicuejma'. Ñque epalc'o, ulif'epolhuo' lołpicuejma'. Ołsimpá juaiconapa ac'a ñe lepalc'o'. ¹⁰ Li'ipa, imanc' a'i quixanuc' ŁanDios, itsiya ma' ixanuc'. Li'ipa, ŁanDios ixtuc'opolhuo', itsiya a'i. Jounpa iximpolhuo' unc'icuanuc'la, itoc'ipolhuo', ipaxnepolhuo'.

¹¹ Maicunc'aipimaye, caxa'huelhuo', cu'ilhuo': Aimolihuej'me lafane cołpicuejma'. Ñe ma tipa'nelhuo', tijouł'a aimolihuejyacu ŁanDios. Toł'nujuaisle: Ma le'a toluyalaicoyi jifa'a li'a łamats', aimicołyacolhuo'. ¹² Tołmana' petsi lan xanuc' aimimetsaicoyi ŁanDios. Ma molihuejcoyi ŁanDios tinescolhuo' a'ijc'a. Camilhuo': Ti'ila' mane ac'a loł'ejma', ma latencocoya. Tołta'a tehuelojm'molhuo' monł'eyi al c'a. Tijouł'a ticuaiti litine timujxoxi jilpiya ŁanDios, ñne timetsaico'me ma' anDios.

¹³ Ma' moł'nujuaisyi łalPoujna tolihuejcotsola' lincuxepá, ñne nomana' fa'a li'a łamats'. Ja'ni cal rey, ñque xonca cal cuecaj quincuxepa, ¹⁴ ja'ni pe lifajpola' cal rey, tolihuejcotsola'. Ñniya łommepola' titeł'mintsola' petsi no'epá lixcay, jouc'a tixoc'innila' quileta petsi no'epá al c'a. ¹⁵ Camilhuo': Tolihuejcotsola' lincuxepá. Tołta'a tonł'e'me lipic'a ŁanDios, tonł'e'me ma le'a al c'a, toł-ch'ixc'e'mola' lan tonno petsi aiqulłcueca.

¹⁶ Tama imanc' a'i quil'huexi loł'as xanuc' nomana' fa'a li'a łamats', aimolnes'me: "Ailopa'a nałcuxeya, ca'e'ma nixpiya". A'i. Xonca tolihuejco'me ŁanDios locuxe'epolhuo'. Ma' ñque ołPoujna. ¹⁷ Jahuay ts'ilpenic' tolimetsaicotsola'. Nij naiti colatets'iyacu. Ti'hua monł'e'ela' capic'a lapimaye, ti'hua tulummoc'ołe ŁanDios, ti'hua tolihuejcołe cal rey.

¹⁸ Imanc' unc'imozó: Tolihuejco'me locuxe'epolhuo' lołpoujnalá. Tolihuejcotsola' jahuay ñniya. Ja'ni lan c'a xanuc' petsi aimixtuleyacu, ja'ni a'ijc'a liłpicuejma', ma' anuli tolihuejcotsola'. ¹⁹ Ma molihuejcoyi ŁanDios, ja'ni tołtełcoyi tama ailopa'a conł'epa, ti'ila' cołsina' ti'najtse'molhuo' małque ŁanDios. ²⁰ Ja'ni tołsnet'lyi lontafpolhuo' ma mołtełcoyi cołtuca' lołjunac', ¿te ŁanDios tixinnilhuo' xonca ac'a loł'ejma'? A'i. Monł'eyi al c'a, ja'ni tołsnet'lyi miteł'milhuo', ñnca ŁanDios tixim'molhuo' xonca ac'a loł'ejma', ti'najtse'molhuo'.

²¹ ŁanDios ijoc'ipolhuo' tołtełcołe tołta'a. Ma tołta'a litełcopa Cristo lepi'impa lałjunac'. Tołta'a ałmuc'iponga' te ts'i'ic' al c'a ał'e'me. Alihuejle Cristo. ²² Cristo aiqui'aic' quixcay. Aiquinesqui lafellaqueya cataiqui'. ²³ Limilojpa cataiqui' aimimiconala' tołta'a. Mitełma, aimitalai'e. Epi'ipa quimane ŁanDios, ñque copa'a cal Juez No'epa al łijca.

²⁴ Jilpe lancruz lilanc'ecompa a'ec, itaic' lałjunac'. Ma quituca' licuerpo ixingufcopa liteł'mimpa. Tołta'a lunł'u'eponga' lał'epa lixcay, ñe lixcay lijoupa lacani'eponga'. ŁanDios lapi'iponga' al c'a lałpicuejma', tołta'a tipa'a al ts'e lałpitine. Li'ipa, imanc' extafpolhuo' cajunac'. Lixcai'empa Cristo, ñque itełcopa lołjunac'. Tołta'a ŁanDios ixal'menapolhuo'. ²⁵ Li'ipa, imanc' ti'onłcospolhuo' to lam mot'ł, ñne tiyelocoyi ni cua petsi lołpic'epa. Itsiya a'i tołta'a loł'ejma'. Jounpa ołpailinamma, olimetsaicopá łalPoujna. Ñque ti'elhuo' cuenna, aimejac'yacolhuo'.

3

¹ Iya' aimipolhuo': Ja'ni unc'imozó tolihuejcoetsola' loṭpoujnalá. Itsiya cu'ilhuo' unc'acaṭ'no', ma' anuli tolihuejcoṭe loṭpe'aillí. Toṭta'a, tama ihniya aimihuejcoyi Lataiqui' ti'i'ma tolulij'mola'. Aimolsc'ai'iyacola', ma le'a loṭ'ejma' tolulijco'mola'. ² Tixim'molhuo' joupá olanajpoṭsi lixcay. Tixim'molhuo' tolihuecoyi ihne loṭpe'aillí.

³⁻⁴ Imanc' unc'acaṭ'no', aimolatej'moṭsi, aimolsc'ueṭmot'le'me te ts'i'ic' loṭhualfi'moṭsi loṭjuac o te coṭpo'noyacu loṭjune' a'oro o te coṭpo'noyacu xonca al c'a coṭpijahuá'. Jahuay iṭe loximpa lan xanuc' ti'hua tijou'ma, aimicoṭya. Imanc' tipa'a loṭ'adorno petsi aicihuáqui ni aimijouya, iṭe al ts'e loṭpitine. Ma moluyalaicoyi amanxu a'i coyac'la, toṭmuji al c'a loṭpicuejma'. ⁵ Toṭta'a liṭ'adorno lam paxi cacal'no' no'huaiyijmpá LanDios nimajmpá luyaipa quitine, ihne tihuejcoyi liṭpe'aillí. ⁶ Toṭta'a li'ejma' Sara. Iṭque ihuejco'ma Abraham, timi: "Maipoujna". Imanc' jouc'a i'ipolhuo' to inaxque' Sara. Iṭque oṭ'máma' ja'ni tonṭ'eyi al c'a, ja'ni aimolsc'inyi caxpaiqui'.

⁷ Imanc' unc'ape'aillí, aimolimenc'eco'me, ihne loṭpenoye ahuata liṭpufxi. Toṭ'nujuaitsola' toṭta'a, toṭmajm'me al c'a. Joupá aimipolhuo': Ni' anuli molatets'i'me. Jouc'a loṭpenoye, aimolatets'i'mola'. Tolimetsaicola', ihne ma' anuli imanc' tipa'a al ts'e loṭpitine. LanDios ma' anuli tepi'tolhuo' loṭ'huexi. Ja'ni toṭ'nujuaitsila' toṭta'a aimi'iyá mipa'neyacolhuo', ti'i'ma toṭpalaic'o'me LanDios.

⁸ Jahuay imanc' camilhuo': Toṭ'etsoltsi anuli loṭpicuejma'. Ja'ni loṭpimaye titeṭcoyi, imanc' jouc'a toṭsintsoṭsi to toṭteṭcoyi. Toṭ'etsola' capic'a jahuay lapimaye, toṭpalaic'otsoṭsi al c'a, aimol'e'moṭsi acueca' loṭpicuejma'. ⁹ Ja'ni a'ijc'a li'empolhuo', aimol'e'cona'mola' jouc'a. Ja'ni timilhuo' cataiqui', aimolmicona'mola' toṭta'a, xonca toṭmi'mola': "LanDios tipaxnetsolhuo'". Imanc' joupá oṭsina' LanDios ijoc'icopolhuo' tipaxnetsolhuo'. Toṭta'a oṭ'huexi lapi'iyacolhuo'. Toṭiya camilhuo' toṭmi'mola': "Tipaxnetsolhuo' LanDios". ¹⁰ Al Paxi Linilingiya tuya'e':

Imanc' ja'ni tetenṭococotsolhuo' lapajnya, ja'ni toluyalaicoṭe al c'a, camilhuo': Toṭcuxete loṭpaṭ, aimolpalai'me quixcay.

Jiṭpe loṭco aimipahuo' lafelṭaiqueya cataiqui'.

¹¹ Aimol'e'cona'me quixcay, tonṭ'ete al c'a.

Tolahueṭe te co'iyá moṭpac'eyacu loyac', tijouṭa' toṭpo'noṭe loṭpicuejma' tolihuejle toṭta'a.

¹² LaṭPoujna tehuelongila' pe no'epá al hijca, tiqumf'ela' mixa'hueyi.

Pe no'epá quixcay, jouc'a tixinnila', tixtuc'ola'.

¹³ Ja'ni tixoqui cunlata monṭ'eyi al c'a, ¿naitsi no'eyacolhuo' quixcay? Aimi'iyá.

¹⁴ Ja'ni toṭteṭcoyi tama ahijca lonṭ'epa, linca toluyalaicoyi al c'a. LanDios tipaxnelhuo'. Aimolsc'ueṭmot'le'me. Ihne notel'mipolhuo' aimi'iyá mixpaic'eyacolhuo'. ¹⁵ Toṭ'nujuaisle Cristo jiṭpe loṭpicuejma'. Iṭque oṭ'Poujna. Toṭhanc'e'e'moṭsi loṭpicuejma'. Toṭta'a toṭtalai'e'me naicuis'eyacolhuo'. Toṭtalai'e'me nomiyacolhuo': "¿Te capi'inyacolhuo'?" Aimolixtulecu. Aimolatets'i'me naicuis'eyacolhuo'. ¹⁶ Jiṭpe loṭpicuejma' joupá oṭsina' te ts'i'ic' latenṭocopa LanDios. Ti'ila' ma toṭta'a lonṭ'ejma'. Linca timana' pe nonescopá colihuequi Cristo. Tinescoyi a'ijc'a. Iya' camilhuo': Ma moṭ'huaiyijnyi Cristo ti'hua tolihuejcoṭe. Toṭta'a tixim'me calaic'ata ihne linfel'miyale.

¹⁷ Aimolnes'me: "Aṭ'ete al c'a, aṭ'ete a'ijc'a, ma' anuli aṭeṭco'me". Cacia: Xonca al c'a luyalaico'me ja'ni aṭ'eyi al c'a, tama aṭeṭcoyi, ja'ni toṭta'a tixpic'e LanDios.

¹⁸ Toṭta'a lileṭcopa Cristo. Iṭque ailopa'a quijunac'. Ma laṭjunac' itaif'pa. Iṭque cal Lijca Xans. Illanc' a'ij hijca laṭ'epa. Iṭque i'najtsepa laṭjunac'. Toṭta'a aliṭoc'huai'iponga' LanDios. Jiṭpe lancruz ima'ayompa, LanDios epi'iconapa lipitine. ¹⁹ Ipo'no'ma licuerpo jiṭpe al pu'hua. Iteshuo'ma pe lomana' nomanapola', ihne itats'ila'. Jiṭpe uya'atsi Lataiqui'. ²⁰ U'i'mola' ihne pe aimihuejcoyi LanDios. Ma milanc'e Noé al arca LanDios tixnet'iqui liṭ'ejma' ihne lincuejlocale. Aiquiteṭ'mila'. Lijou'ma, ma le'a lam paico lan xanuc' nitsulfoṭaipá al arca aicunxalac'ila'. Ihne lam paico unṭu'e'mola' laja', jiṭpe texpef'que al barco.

21 Toŧta'a ŁanDios ti'onŧicojma lalapo'imponga' laja'. Oluyalaico'me jilpe laja' jouc'a ol-unŧulpá imanc' noŧ'huaiyijmpá Jesucristo, ilque limaf'i'inapa ŁanDios, ipa'anapa pe lomana' nomanapola'. Jilpe malapo'ininga' a'i ma le'a quepaqueya laŧcuerpo. Aljoc'iyi ŁanDios latufc'e'etsonga' laŧpicuejma', ti'ila' caŧsina' joupa liŧonc'e'eponga' laŧjunac'. 22 Jesucristo, maŧque aŧ'huaiyijnyi, joupa if'ajnapa lema'a, ticutsu al c'a camane ŁanDios. Jilpe lapaluc' quema'a, tama acueca' ti'hua liŧmane, acueca' micuxeyi, jahuay ihniya nomana' pu'hua tihuejcoyi Cristo.

4

1 Cristo mipa'a fa'a li'a łamats' iteŧco'ma. Imanc' jouc'a toŧpo'note loŧpicuejma', ma moŧmana' fa'a li'a łamats' toŧteŧco'me. Toŧpic'eŧe toŧta'a. Tijouŧa' aimi'iyá moŧpai'iyacu loŧpicuejma'. Linca, ticuicomma aŧteŧcoŧe, toŧta'a tetec'om'me nulemma laŧ'epa a'ijc'a. 2 Ja'ni toŧpo'no'me toŧta'a loŧpicuejma', ma moŧmana' fa'a li'a łamats' aimi'iyá molihuejyacu lojanajpa locuenaye xanuc'. Ma coŧmaf'i' tolihuej'me ŁanDios loxpic'epa.

3 Iya' cacua: Joupa ixhuaita lonŧ'epa a'ijc'a. Axpe' camats' tonŧ'eyi ma latenŧcocopola' loŧ'as xanuc', ilne pe aimimetsaicoyi ŁanDios. Ihniya liŧiné tonŧ'eyi al xujc'a, tolanant'liyi lixcay lojanajpa, timeyoquilhuo', tonŧ'eyi cal juicoŧ pe juaiconapa a'ijc'a, tonlafot'ŧeyoŧsi loŧ'as xanuc', toŧsnayi, jouc'a tonlaxc'onŧingolaiyila' landiosla'. Xonca acueca' quixcay ilne lonŧ'epa. 4 Itsiya loŧ'as xanuc' pe aimimetsaicoyi ŁanDios, aiquilcueca te co'ipolhuo'. Tixinnilhuo' ituca' loŧ'ejma'. Ihniya ti'hua tixis'mecoyoŧsi ma mi'eyi acueca' nixpiya. Imanc' a'i. Toŧiya tinescolhuo' a'ijc'a lonŧ'epa. 5 Ilne titalai'eta cal Cuecaj Juez. Ilque joupa ixpic'epa lo'eya. Petsi no'epá a'ijc'a, ja'ni ts'ilmaf'i', ja'ni joupa imanapola', ma' anuli titeŧ'mi'mola'. 6 Toŧiya u'impola' nomanapola' Lataiqui' loya'apa ilne al c'a lixp'ic'epa ŁanDios. Tepenufle al ts'e quilpitine, ilne locuya ŁanDios, tama joupa i'inapola' to mi'ila' lan xanuc' ts'iltaic' cajunac', imanapola'.

7 Joupa icuaico'me lijoucola' quitiné. Jahuay tijou'ma, aimicoŧya. Toŧiya toŧsuicoŧe loŧpicuejma', toŧcuxe'moŧsi al c'a, ti'hua toŧjoc'i'me ŁanDios. 8 Aimolimenc'eco'me, ti'hua tonŧ'econa'moŧsi capic'a. Ilne xonca al c'a capicuejma'. Petsi lapimaye ti'eyoŧsi capic'a, tama jilpe timenaquila' acueca', aiminescoyacoŧsi, aimi'nujuaiscoyacu li'epa liŧpimaye, tama a'ijc'a. Timenc'e'eco'moŧsi.

9 Tolapenuftŧola' loŧpimaye loŧajut'li. Toŧtes'miŧŧola'. Aimoŧsim'me acuanuc' lolapi'ipola'. 10 Jahuay imanc', anuli anuli, ituca' ituca', ŁanDios epi'ipolhuo' loŧpicuejma' o loŧmane. Epi'icopolhuo' toŧtoc'itŧoŧsi. Itsiya toŧsuicoŧe al c'a lepi'ipolhuo' ŁanDios, toŧtoc'itŧoŧsi. 11 Ja'ni epi'ipo' lopicuejma' toya'aŧa' o tomuc'iyaleŧa', ilne loŧmuya'aya ti'ila' mane litaiqui' ŁanDios, toŧta'a topalaila'. Ja'ni tipa'a lopenic' totoc'itŧola' lapimaye, toxahue'eŧa' ŁanDios titoc'itŧo' ima', totoc'itŧola' al c'a. Jahuay lonŧ'epa tonŧ'eŧe al c'a. Ja'ni toŧta'a tolihuejyi Jesucristo tixinim'me acueca' ŁanDios.

Ma' ilque anDios. Ilque xonca ti'hua limane. Toŧta'a timetsaicote lan xanuc'. Ti'hua timetsaicona'me aimijouya. Ma toŧta'a ti'ila'. Amén.

12 Maicunc'aipimaye, ma moluyalaicoyi lahuaiacompolhuo', moŧŧingufcoyi umla lateŧcoya, aimoŧŧueŧmot'le'me, aimoŧnes'me: “¿Te caŧ'icoponga' toŧta'a?” Toŧcuc'eŧe ilne lo'ipolhuo'. 13 Xonca tixojla' cunlata. Ma moŧteŧcoyi toluyalaicoyi to luyaicopa Cristo, to liŧeŧcopa ilque. Toŧta'a tixoj'ma cunlata juaiconapa jilpe litine ticuaiyunni Cristo, timuj'moxi ma' anDios.

14 Imanc' ma molihuejyi Cristo, ja'ni timinnilhuo' cataiqui', linca toluyalaicoyi al c'a. ŁanDios tipaxnelhuo'. Li'Espíritu titoc'ilhuo', xonca timuc'ilhuo' naitŧi ilque Cristo. 15 Linca petsi tima'ahualeyi o tinantseyi, o ti'eyi lixcay, o titsufiyoyŧsi lo'epa locuenaye lan xanuc', ilne jouc'a titeŧcoyi, titeŧ'minnila'. Imanc' a'i toŧta'a miteŧ'minyacolhuo'. 16 Ja'ni titeŧ'milhuo' ma molihuejyi Cristo, aimoŧsim'me calaic'ata. Xonca toŧmuj'moŧsi aŧinca olihuequi Cristo. Toŧta'a toŧmuj'me acueca' ŁanDios.

¹⁷ Camilhuo': Tołmujle acueca' ŁanDios. Joupá icuai'ma litine ŁanDios tipango'ma titeł'mi'mola' lixanuc'. Ja'ni tipango'ma pe lałmana', ¿te co'iyacola' petsi aimihuejcoyi Lataiqui' loya'apa iłe al c'a lixpice'epa ŁanDios? ¹⁸ Ja'ni afule malunłul'me illanc', tama ałjca lał'epa, ¿te co'iyacola' petsi aimihuejcoyi locuxepa ŁanDios, iłne tetets'iyi? ¿Petsi comanc'eyacu iłniya? ¹⁹ Tołiya camilhuo': Imanc' monł'eyi loxpice'epa ŁanDios, ja'ni tołtełcoyi, toł'huaiyijnle ŁanDios. Iłque ti'e'molhuo' cuenna lołpitine. Iłque ałłanc'eponga', aimalatets'iyaconga'. Ma ti'hua tonł'e'me al c'a.

5

¹⁻² Tołta'a laifsc'ai'ipolhuo' jouc'a imanc' litsilojpolhuo' xanuc' nołspijpá lataiqui'. Iya' jouc'a nitojpa xans. Mitełma Cristo capa'a, aiximpa. Ticuaitsi litine timuj'moxi ma' anDios, iya' jouc'a capajm'ma, limetsaico'ma.

Camilhuo' imanc' litsilojpolhuo' xanuc': Tonł'etsola' cuenna lołpimaye nomana' jilpe. Iłne ixanuc' ŁanDios. To iłpoujna motł' ti'ela' cuenna limotł', tołta'a tonł'e'mola' cuenna lapimaye. Tixoj'ma cunlata tonł'e'me iłe lołpenic'. Aimolcua'me: "Iłe aipenic', ticohuala' ca'e'ma". Ni molcua'me: "Tołta'a culij'ma caitomí". Ma tołpo'nołe lołpicuejma' tołtoc'itsola' lołpimaye. ³ Imanc' epi'impolhuo' lołpimaye tonł'etsola' cuenna, a'i molcuxenai'mola'. Tołmuc'i'mola' jahuay lapimaye al c'a lonł'ejma'. Tołta'a iłne jouc'a tihuej'me al c'a. ⁴ Ticuaitsi litine timuj'moxi cal Cueca' caPoujna motł', iłque timetsaiconnolhuo' ac'a lonł'epa lołpenic'. Tepi'innolhuo' loluliyacu. Tołmajnta anuli Cristo aimijouya.

⁵ Imanc' cunc'amijcanó, jouc'a tipa'a lonł'eyacu al c'a. Tolihuejcotsola' litsilojpola' xanuc' noxpjipá lataiqui'. Łınca jahuay imanc' unc'apimaye. Ti'onłcotsolhuo' to lam mozó, tołtoc'itsołtsi.

Petsi no'nof'epołtsi, ŁanDios tipa'nela'.

Lam manxu, iłne no'oc'epołtsi, ŁanDios titoc'i'mola'.

⁶ Itsiya ja'ni tołsingufyi acumta limane ŁanDios, xonca toł'oc'e'mołtsi. Ticuaitsi litine loxpice'epa ŁanDios, ma' iłque ti'nof'e'molhuo'. ⁷ Ja'ni tołsingufyi ipime lapajnya, ja'ni tocomma to acueca' ołtaic' lolitay, tołpo'nołe lixaye lałPoujna. Iłque aimimenc'ecoyacolhuo'. Ti'hua ti'nujuaitsilhuo'.

⁸ Tołspice'ele al c'a lołpicuejma'. Tołcuxe'mołtsi al c'a. Tołpo'nołe cuenna. Ti'hualejma naix-tuc'opolhuo', iłque łonta'a Satanás. Ti'onłcospa to calxmu. Tija'e' tumle'e. Tehuay naitsi łoma'aya, tite'ma nulemma. ⁹ Tołpa'nełe iłque Satanás. Ma mi'hua molihuejyi Lataiqui', iłe loya'apa lixpice'epa ŁanDios, łonta'a aimi'iyá mimenac'iyacolhuo'. Toł'nujuaisle lo'ipola' lołpimaye, iłniya jouc'a nomana' fa'a li'a łamats'. Iłne tuyalaicoyi nuli to imanc'. Ma' anuli tołtełcoyi ma mixhuaispa lołtełcopa. ¹⁰ ŁanDios itine itine ałtoc'inga', ałpaxnenga'. Imanc' petsi noł'huaiyijmpá Jesucristo, ŁanDios joupá ijoc'icopolhuo' tołcuaitsa pe lopa'a. Ate'a tołtełco'me, tama tocomma to ahuata łitiné, tijoula' tilaitsufcotołhuo', timetsaicotołhuo' nulemma imanc' ixanuc'. Tołmajnta aimijouya.

Małque ŁanDios tilanc'e'e'molhuo' lołpicuejma', ti'ila' ma le'a al c'a. Tepi'i'molhuo' colpicuejma' tolihuejle, aimolanaj'mołtsi, tepi'i'molhuo' xonca colpufxi, tifayi'molhuo'.

¹¹ Ma ŁanDios xonca icueya limane, tołta'a timetsaicom'me. Ti'hua timetsaicom'me aimijouya. Ma tołta'a ti'ila'. Amén.

¹² Jifa'a tipa'a lałpima Silvano, tiniłi iłta'a colje'e. Cumme'ma ti'huala' titai'ma colje'e, ticuai'etolhuo'. Iłque caxina to cal c'a capima. Ca'huaiyinge.

Iłta'a colje'e a'i quitoqui, oque' afane' cataiqui' le'a. Jifa'a aixc'ai'ipolhuo', nu'ipolhuo' te ts'i'ic' lałtoc'iponga', lałpaxneponga' ŁanDios. Aimolanaj'mołtsi.

¹³ Lałpima caca'no' nopa'a liłya' Babilonia, tinonilhuo'. Iłque jouc'a imanc' i'huif'epolhuo' ŁanDios. Ma' anuli tinonilhuo' łai'hua Marcos.

¹⁴ Tołnontsołtsi, tołtuc'o'mołtsi lołpeque. Tołta'a tołmuc'i'mołtsi tonł'eyołtsi capic'a.

Tipac'e'entsolhuo' lołpicuejma' jahuay imanc' petsi joupá epenufpolhuo' Cristo.

LIJE'E SAN PEDRO LOCUENA LINIŁ'EPOLA' LAPIMAYE

¹ Iya' ninSimón Pedro, imozo Jesucristo. Iya' nin'apóstol, epaluc Jesucristo. Jifa'a quinił'elhuo' cołje'e imanc' noł'huaiyijmpá ŁanDios cał'Ailli' y Jesucristo Łalunł'u'eponga'. İne ma' ałıjca liı'ejma', tołta'a epi'ipolhuo' lołpicuejma' toł'huaiyijnle. Imanc', illanc' ma' anuli lał'huaiyijmpa. Ma' anuli Lataiqui' lalapi'iponga' illanc' jouc'a imanc'. ² Ma mi'hua molimetsaicola' ŁanDios y Jesús lałPoujna, ti'ıta' cołsina' acueca' titoc'ilhuo', tipaxnelhuo'. Xonca ti'ıta' cołsina' tipac'e'elhuo' lołpicuejma'.

³ ŁanDios ilque ma' anDios, acueca' ac'a li'ejma', ałjoc'icoponga' lihuejle. İlque limane xonca juaiconapa acueca'. Aimi'onłspa lałmane illanc' ninc'ixanuc'. Joupa lapi'iponga' jahuay laicuicoya al ts'e lałpitine. Aimalahue'eyaconga'. Lapi'iponga' lałpicuejma' ał'ełe ma le'a latenłcocoya ŁanDios. Ma molimetsaicoyi ŁanDios tołsinguf'me ıta'a. ⁴ Mipa'a tołta'a lipicuejma', li'ejma' ŁanDios icupa cataiqui'. İe lataiqui' licupa acueca' cataiqui', juaiconapa ac'a. Jiłpe lu'iponga' te ts'i'ic' lalapi'iponga'. Imanc' nolapenufpá ille lataiqui' jouc'a ti'hua tilanc'e'e'molhuo' lołpicuejma', ti'onłcota to al c'a lipicuejma' ŁanDios. Jifa'a li'a łamats' lan xanuc' tıjanajyi lixcay. İe lojanajpa tijou'nela' ilne liłpitine, tejac'e'mola'. A'i tołta'a mi'iyacolhuo', joupa unłu'empolhuo'.

⁵ Linca, ŁanDios acueca' li'epa, acueca' lepi'ipolhuo'. Imanc' jouc'a tipa'a lonł'eyacu. Aimolnes'me: "Ailopa'a caif'econaya". Tołmaf'ile. Ma monł'eyi linca lıtaiqui' ŁanDios jouc'a ti'ıta' ac'a lonł'ejma'; mipa'a ac'a lonł'ejma' jouc'a tołcuc'e'ele; ⁶ ma mołcuc'e'eyi jouc'a tołcuxe'mołtsi al c'a; ma mołcuxeyołtsi al c'a jouc'a tołsnet'ı'me lo'ipolhuo'; ma mołsnet'ıyi jouc'a tonł'e'le latenłcocoya ŁanDios; ⁷ ma monł'eyi latenłcocoya ŁanDios jouc'a tonł'etsola' capic'a lapimaye; ma monł'ela' capic'a lapimaye toł'nujuaitsola' jahuay loł'as xanuc'.

⁸ Ja'ni tołta'a lonł'ejma', ja'ni toluyalaicoyi monł'eyi tołta'a, ałınca ti'hua tolimetsaicoyi xonca Jesucristo, ilque ałPoujna. Aimi'onłyacolhuo' to ilne nocuapá: "Joupa ai'huaiyijmpa ŁanDios. Ailopa'a caif'econaya." ⁹ İlque petsi aimi'ay to lainu'ipolhuo' ti'onłcospa to cal fo'. Aimixina al culi'. Luyaipa quitine acueca' ixis'mepoxi li'epa quıxcay. Itsiya joupa imenc'ecopa litine lepac'empa. Litine ŁanDios liximpa alimpio imenc'ecopa.

¹⁰ Tołıya cunc'aipimaye, tołmaf'ile. ŁanDios joupa ijoc'ipolhuo', joupa i'huıj'epolhuo'. Toł—linc'ile ille li'epa ŁanDios. Ja'ni tonł'eyi lainu'ipolhuo' aimejac'yacolhuo'. ¹¹ Tołcuaita petsi aimıjouya licuxejma lałPoujna Jesucristo. Jiłpe tıxoj'ma cunlata tołtsuflaita.

¹² Cacia: Ticuicomma tonł'e'le to lainu'ipolhuo'. Tołıya joupa aixpic'epa ti'hua ca'nujuaits'i'itolhuo' ilıya lataiqui'. Aicacia: Aicołsina'. Linca, joupa ołsina' lainu'ipolhuo'. Joupa imuc'impolhuo' al c'a al Linca Cataiqui', tolıhuejyi. ¹³ Ma mipa'a laı'espıritu fa'a laicuerpo, ilca'a laıx'huıjma', iya' cacua ca'e'ma al c'a, camaf'i'i'molhuo'. Ma ca'nujuaits'i'icona'molhuo' lainu'ipolhuo'. ¹⁴ Tijoula' capo'noła' nulemma laicuerpo aimi'ıya ca'nujuaits'i'iconayacolhuo'. Aixina' aimıcołya małmaya. LałPoujna Jesucristo joupa lu'ıpa.

¹⁵ Jouc'a cacua: Tijoula' ałmała' iya', imanc' ti'hua toł'nujuaitsa laıfnu'ipolhuo'. Tołıya capi'i'moxi caıpujfxi, cahuay te co'ıya catoc'iyacolhuo', tołta'a aimolimenc'ecoyacu.

¹⁶ Illanc' joupa lu'ipolhuo' te ts'i'ic' li'epa, lo'eya lałPoujna Jesucristo. Lu'ipolhuo' acueca' ti'hua limane ilque. Lu'ipolhuo' ticuayıoconno. İe lałtaiqui' a'i ma le'a całtaıquí il-lanc'. Illanc' joupa ałsimpá limujpoxi cal Cueca'. Ma lał'u' lahuelojmpá. ¹⁷ Malahuelojnyı lałPoujna, ŁanDios imetsaicopa, epalc'o'ıpa acueca' lipepalc'o'. Jiłpe ałcuej'me tipalay ŁanDios, ilque cal Cueca' juaiconapa. Małque tuya'e': "İłca'a ai'Hua, juaiconapa caıpic'a, latenłma lipicuejma'". ¹⁸ İe lataiqui' lopalaıpa ałcuejpá ma co'huayomma lema'a. Lałcuejpá tołta'a ałmana' cal paxi quıjuala ałejmale Jesucristo.

¹⁹ Lan Dios jout'a lapi'iponga' litaiqui' lam profeta, tohta'a xonca al'huaijny Cristo. Ine litaiqui' tocomma to lepalc'o lolif'epa jilpe petsi pangay muf. Ticuicomma to'po'no'e cuenna i'e lataiqui', tolihuejle. Tijoula' jilpe lolunxajma' to'singuf'me titsahuehuo cal Xamna Quilic'ejma, i'e tuya'e': "Joupa icuaico'ma litine". To'singuf'me acueca' epalc'o'ipolhuo' lo'picuejma'. ²⁰ Xonca ticuicomma ti'ila' co'sina' te ts'i'ic' litaiqui' lipalaipa lam profeta. Aimipa'acoyi i'ne lataiqui' li'picuejma'. ²¹ Ni anulemma quiltspic'e quiltuca' te ts'i'ic' loya'ayacu. Ine lam paxi profeta uya'a'me ma le'a lu'ipola' Lan Dios. Cal Espiritu Santo ujfxi icuxe'mola' jilpe li'picuejma'.

2

¹ Li'ipa pe limajmpá lan xanuc' Israel jout'a imajmpá locuenaye profeta. Ine a'i cummela' Lan Dios, mane infel'miyale. Pe lo'mana' imanc' jout'a ti'i'ma tohta'a. Ticuaicu lomxiye ts'ipic'a tifel'mitsolhuo'. Timuc'i'molhuo' ituca' cataiqui', i'e mane tejac'eyale. Ine tetets'iyi li'poujna, i'que joupa i'najtsepa li'junac'. Tohta'a tejac'eyo'tsi. Litine mejac'eyacola' aimico'lya. ² Linca, axpela' tihuej'me. Ti'e'me nixpiya to lo'epa i'ne linfel'miyale. Tohta'a tinesc'em'me al Linca Cane. ³ Ine lomxiye mane i'pic'a tulijle quiltomí. Quiltuca' li'picuejma' tipa'a'me lataiqui' lopalaiyacu, co'la' tifel'mitsolhuo'. Linca, axpe' camats' ti'hua ticue i'e lotel'miyacola'. Tama tico'i ma ti'huaijma. Tijoula' tecani'e'mola' nulemma.

⁴ Cacia: Tecani'e'mola'. Linca ni quimenc'e'econnila' lapaluc' quema'a, ni'epá quixcay. Eajm'mimpola' al pu'hua al muf. Jilpe i'huequimpola' ticuaiti litine tite'l'mim'mola'. ⁵ Jout'a a'i cuntu'e li'a lamats' li'ipa al te'a. Ni quimenc'e'ecola' li'epa lan xanuc' limajmpá. Ma le'a unlu'e'mola' apaico lan xanuc'. Anuli Noé jout'a locuenaye lan caitsi. I'que Noé uya'a'ma: "Lan Dios a'ijca lo'epa". Locuenaye lan xanuc' pe aimihuejcoyi Lan Dios, i'ne ima'a'mola' laja', litine licui'ma laxpaiqui' cacui. ⁶ Jout'a ecani'e'mola' li'elol'ya' Sodoma y Gomorra. Ipi'e'mola' nulemma. Ipanenni ma le'a api'. Jilpe tama joupa i'ipa, ma ti'hua timuqui te ts'i'ic' lo'iyacola' i'ne petsi aimihuejcoyi Lan Dios.

⁷ Linca, un'upa Lot. I'que ac'a xans, iximpa ipime lapajnya jilpe li'ya' petsi nixpiya lo'epa lan xanuc' pe aimihuejcoyi locuxepa Lan Dios. ⁸ Lot a'ijca xans, mipa'a li'ya' Sodoma itine itine iximpola' lo'epa lan xanuc' pe aimihuejcoyi Lan Dios. Iquimf'e'mola' lonespa. I'que al c'a lipicuejma' aimeten'ama loximpa, loquimf'epa. Tocomma to quituca' tite'l'miyoxi.

⁹ I'hiya li'ipa a'muc'inga' te ts'i'ic' li'ejma' la'poujna. I'que ixina' lo'eya. Pe nohuejcopá, tama tehuaingila', tunlu'e'mola'. Locuenaye pe a'ij'ijca lo'epa, ituca' lo'iyacola'. I'hiya ti'huequila' mite'coyi, ti'huaicoyi ticuaiti litine timitsola' te ts'i'ic' lo'iyacola'.

¹⁰ Pe a'ij'ijca lo'epa, i'ne no'epá ma lojanajpa lafane capicuejma', tixis'meyo'tsi tohta'a, tetets'innila' lincuxepá nomana' lema'a, xonca tite'l'mi'mola'. Ine lixcay xanuc' aimixpailiquila', ma quiltuca' tixpic'eyi li'picuejma'. Tetets'innila' lan tsila' lapaluc' quema'a. Tinescoyi a'ijc'a. ¹¹ Lapaluc' quema'a, i'ne xonca lan tsila' juaiconapa, tama xonca acueca' li'pujfxi, aimicufquinnila' i'hiya no'epá quixcay. Aimija'ayi, aimu'iyi Lan Dios, aimimiya: "Tohta'a, tohta'a lo'epa i'ne lan xanuc'".

¹² Ine lixcay xanuc' aimicuec'eyi. Ti'on'cospola' to linneja petsi ailopa'a quiltpicuejma'. Imajnicota ti'no'intsola' tima'antsola'. Ine tama aiquilsina' lonescopa ti'hua tipalaicoyi, tetets'iyi. Ma mi'eyi i'la'a lixcay tecani'em'mola' nulemma. ¹³ Tohta'a lolijyacu. Ti'najtse'em'mola' i'ne pe a'ij'ijca lo'epa.

Ine ma teten'cocoyo'tsi quiltuca'. Mane tehueyi lopa'a fa'a li'a lamats', i'e aimico'lya, ti'hua tijou'ma. Aiquilsina' calaic'ata, tama infel'miyale. Tixoqui quileta tit-sufilai'me pe lo'mana'. To'tetso'me anuli jilpe lo'juic. Ine ma le'a tixis'meco'molhuo', timints'e'e'molhuo' lo'juic.

¹⁴ Tehuelai finnila' lacal'no'. Ja'ni aimetentma ËanDios ti'hua ti'eyi tołta'a, aimixospola'. Tifel'minnila' petsi a'i quifayiya liłpicuejma'. Aimicuayi: "Joupa ixhuaita". Ti'hua tijanajconayi. Ihueyipá tołta'a li'ejma'. ËanDios joupa icuajpola'.

¹⁵ Ìne joupa enajpołtsi al Ëijca Cane, ejac'pola'. Tihuejyi li'ejma' Balaam i'hua Beor. Ìhque ticua: "Aiquihuejcoya ËanDios. Tołta'a culij'ma caitomí. Al'najtse'ma." ¹⁶ Ìhque ma' aimihuejma ËanDios italempa, imuc'im'me a'ijc'a li'ejma'. Ëiburro, inneja aimi'iya mipalaiya, ipalai'ma to cal xans. Tołta'a etequenni lipemac'ta cal profeta Balaam.

¹⁷ Pe naihuejpá li'ejma' Balaam ti'onłcospola' to al pu'hua caja' joupa ijułpa. Ti'onłcospola' to łummahuay ti'hua tinulyi mi'hua łahua' juaiconapa. Ìhque łummahuay aimicui'e. Joupa ilanc'empa petsi locuaiyacu ìne lan xanuc'. Jiłpe ailopa'a quepalc'o', pangay muf. ¹⁸ Liłtaiqui' lopalaipá ìniya atsila' juaiconapa. Aimi'iya muhuac'enyacu. Tifel'miyaleyi, tu'iyaleyi: "Ailopa'a tintsi. Ìe nixpiya lołjanajpa, ne', tonł'e'me." Tołta'a timinnila' tifel'minnila' ìne petsi al quite' enajpołtsi lił'as xanuc' laimenajpola'. ¹⁹ Lomxiye nocuapá: "Tolihuejle lałtaiqui'. Tołta'a aimi'iya micuxenyacolhuo", a'ij linca ìta'a lonespa. Małniya aimicuxeyołtsi quiltuca'. Mane tihuejcoyi lixcay lopa'a jiłpe liłpicuejma', ìe ticuxela'. Cal xans pe joupa uliquimpa ti'onłcospa to cal mozo. Ìe locuxepa tocomma to ipoujna. Tołta'a cacua: Aimicuxeyołtsi ìne.

²⁰ Petsi joupa imetsaicopá lałPoujna Jesucristo Ëalunłu'eponga', joupa enajpołtsi lixcay lopa'a fa'a li'a łamats', ticuicomma ti'hua tihuejle al c'a. Ja'ni titsuflaiconale lixcay cane, ja'ni tulijconatsola' nulemma ìta'a lixcay, acueca' a'ijc'a lo'iyacola'. Ëinca, tama al te'a a'ijc'a lo'iyacola', itsiya xonca acueca' lo'iyacola'. ²¹ Ìne coła' aiquilimetsaijma al C'a Cane. Tołta'a aij tine lo'iyacola'. Ìne ma' imetsaicopá ìe Lane, lijoupa ipailinamma. Etets'ipá al Paxi Cataiqui' locuxepola', ìe li'ipa lepenufpa. ²² Li'ipola' to minesqui lataiqui', ti'onłcospola' to: "Cal tsiqui joupa icuaiconama' petsi linajhuo'ma, titeconghua". Jouc'a tuya'e: "Ëijna mijou'ma mepo'im'me timelfaiconghua łixitsqui". Ma' al linca loya'apa ìe lataiqui'.

3

¹ Maicunc'aipimaye, joupa ninił'epolhuo' anuli lołje'e. Itsiya quinił'elhuo' ocuena cołje'e. Ìiya loque' lołje'e ma' anuli cu'ilhuo'. Imanc' joupa i'ipa ac'a lołpicuejma', a'i ma le'a moł'e'eyołtsi. Quinił'econalhuo' caxc'ai'ilhuo' tołsuicote al c'a ìe lołpicuejma'. ² Camilhuo': Toł'nujuaisle liłtaiqui' lam paxi profeta, ìiya lataiqui' linespa luyaipa quitine. Toł'nujuaisle jouc'a lataiqui' licuxepa lałPoujna, ìhque Ëalunłu'eponga'. Małe litaiqui' lałPoujna joupa lu'ipolhuo' ìne lan apóstole icuaitsa pe lołmana'.

³ Xonca ticuicomma toł'nujuaisle lo'iya lijoucola' quitiné. Ìniya łitiné ticuaicu lintaluntseyale. Titaluntse'me ma mi'eyi lixcay lołjanajpa ìne quiltuca'. ⁴ Tines'me: "Joupa icumpa cataiqui' ticuaihuo cal Cristo, timuj'moxi fa'a li'a łamats'. Aiqui'ic' tołta'a. Joupa imanapola' lałtatahueló. Ailopa'a qui'ipa. Ma to mipa'a litine lilanc'empa li'a łamats', ma' anuli ipanemma."

⁵ Ìne nonespá tołta'a aiquił'nujuaitsi te li'ipa. Ma quiltuca' i'epá imenc'ecopa. Li'ipa timana' lema'a jouc'a li'a łamats'. Jiłe łamats' ipayonge laja'. Małe laja' titoc'i łamats' aimetetquehuo. ËanDios ma linespa, tołta'a i'ipa. ⁶ Małe laja', ìe lopa'a al 'ocay quema'a jouc'a ìe al toncay, etełpa li'a łamats'. Łamats' imanna caja'. ⁷ Lema'a jouc'a li'a łamats' lałsimpa itsiya, tiłmana' ì'huaijma locuaicoya łunga, tipi'em'mola'. Litaiqui' lonespa ËanDios ti'huejela' ticuaitsi al Cueca' Quitine. Jiłe Litine cal Juez titeł'mi'mola' lan xanuc' petsi aimihuejcoyi, tejac'e'mola'.

⁸ Maicunc'aipimaye, xonca toł'nujuaisle ìca'a lataiqui': Ja'ni ti'ila' imbamaj maxnu camats', ja'ni ti'ila' ma le'a anuli quitine, lałPoujna tixina'ma ma' anuli.

⁹ Ëinca timana' nocuapá: "Joupa uyaiconapa litine. ËanDios aimi'eya to licuapa." A'ij linca lonespa ìniya. Ma ticuaitsi litine lixpicepa ËanDios, lałPoujna tenant'li'ma

litaiqui' lijoupa licupa. Aimicołcoconaya. Itque tixinnilhuo' unc'icuanuc'la. Ipic'a jahuay tixhuej'menanca al xujc'a lo'epa. Aimixpic'e mejac'eyacola'. Ticua: "Ni' anuli mejac'ya".

¹⁰ Ma' ałınca ticuaihuo ite al Cueca' Quitine lecui'impá: Litine łalPoujna. Cal namas no'huapa ipuqui' aimuya'e, aimu'iyale'ma: "Mouqui o pitsu cacuaita". Tołta'a ticuaihuo al Cueca' Quitine. Ite litine ma muna'e' juaiconapa, lema'a tejac'ma. Lepalałc'o' nomana' lema'a acueca' tepat'natola', tijana'mola'. Ma' anuli li'a łamats', łunga tipi'e'ma jouc'a jahuay lilanc'empa lopa'a jilpe. ¹¹ Tołta'a tejac'na'mola' jahuay łalsimpa itsiya.

Ja'ni tołcuc'eyi ite lo'iya, tołspic'e'me tolimetsaicotsołtsi ma' i'huexi ŁanDios, toluyalaico'me tołta'a. Tonł'e'me ma latenłcocoya ŁanDios. ¹² Tixoqui cunlata toł'huaico'me locuaicoya al Cueca' Quitine, timujxoxi ŁanDios. Ja'ni tonł'eyi latenłcocopa ŁanDios, ite Litine aimicołya locuaicoya. Ticuaitsi jilte Litine lema'a tunaita, tija'ma. Ite łunga juaiconapa tepat'natola' łepalałc'o', tołta'a tija'mola'. ¹³ Illanc' jouc'a imanc' ał'huaicoyi a'i ma le'a tipitsola' lema'a y li'a łamats'. Xonca ał'huaicoyi ti'ila' ma to loya'apa litaiqui' ŁanDios licupa. Ał'huaicoyi ti'ila' al ts'e lema'a, ti'ila' al ts'e li'a łamats'. Jilpiya ti'e'me ma le'a al łijca.

¹⁴ Cunc'aipimaye, ja'ni toł'huaicoyi tołta'a lo'iya, tołmaf'ite, tołpo'nołe lołpicuejma' ti'ila' ac'a loł'ejma'. Tijouł'a' ticuaiconanni łalPoujna aimołsuełmot'leyacu. Itque tixim'molhuo' ailopa'a cołxis'mecoyołtsi. ¹⁵ Toł'nujuaisle te cocołcopa łalPoujna. Itque ti'hua tixnet'łqui. Aimixtuc'ola' nulemma pe no'epá lixcay. Ticua: "Tunłu'entsola' axpela". Ma tołta'a u'ipolhuo' łacałpima Pablo jilpe lołje'e linił'epolhuo'. Jilpe imuj'moxi acueca' lipicuejma' lepi'ipa ŁanDios. ¹⁶ Pablo jahuay łije'e ma' anuli tinescojma lo'iya. Jilpe łije'e tipa'a łataiqui' acueca' ipime, afule małcuc'eyi. Ite lan xanuc' pe a'ij cueca' quipicuejma', aiqumuxejma, aiqulfayiya lipicuejma', ite aiqumueca litaiqui' Pablo, xonca tixnic'eyi. Ma' anuli aimuhuałyi locuenaye łataiqui' liniłijmpa jilpe al Paxi Liniłingiya. Ma mi'eyi tejac'e'mołtsi.

¹⁷ Imanc' unc'aipimaye, joupa ołsina' ite lo'iya. Tołpo'nołe cuenna. Ja'ni tetentłcocolhuo' laimenac'iyale cataiqui', tołpai'i'mołtsi lołpicuejma' tama itsiya joupa ifayipolhuo'. Tileco'molhuo' pe aimihuejcoyi locuxepa ŁanDios. ¹⁸ Imanc' a'i mi'i'molhuo' tołta'a. Xonca ti'hua tolapenuf'me lotoc'ipolhuo', lopaxnepolhuo' łalPoujna Jesucristo, itque Łalunłu'eponga'. Ti'hua tolimetsaico'me, tołta'a xonca tolıhuej'me.

Ma' itque anDios, itsiya tołta'a mipa'a, tijauhuamlaicota ma anuli mipa'a. Tołta'a ti'ila'. Amén.

AL TE'A LIJE'E SAN JUAN LINIĒ'EPOLA' LAPIMAYE

¹ Lipangopa jahuay, itque tipa'a. Illanc' jounpa atquimf'epá lałpalaic'oponga', jounpa alsingopá la'lu', lahuelojmpá, limetsaicopá naitsi itque. Lałmane' jounpa al'no'e'epá li-mane'. Illanc' maluya'ayi, alpalaiçoyi itque łacui'impá: Lataiqui'. Itque Lataiqui' imaf'i'. Lipitine aimijouya. Małe litine tepi'iyale. ² Itque imujpoxi. Illanc' jounpa alsimpá, luya'ayi, lu'ilhuo' imanc' te ts'i'ic' lipitine pe aimijouya. Itque petsi aimijouya lipitine tiłmana' anuli qui'Ailli' ŁanDios, imujpoxi, alsimpá. ³ Itsiya jounpa lu'ilhuo' imanc' te ts'i'ic' lałsimpa, lałquimf'epa. Ja'ni tolapenuf'me ite lałtaiqui' alinca alajmale'me. Illanc' alajmale ŁanDios cał'Ailli' y Jesucristo, itque li'Hua ŁanDios. Imanc' jounpa lu'ilhuo' imanc' te ts'i'ic' ma tonajmale'me tołta'a. ⁴ Alcuayi: Tenanłta' laıxojcopa calata. Tołiya alinił'elhuo' ita'a colje'e.

⁵ Jesucristo jounpa lu'iponga' laluya'ayacu. Itsiya cu'ilhuo' imanc', ticua: "ŁanDios lipicuejma' pangay epalc'o', ailopa'a quixcay". ⁶ Tołiya, ma małnesyi: "Illanc' alajmale ŁanDios", ja'ni ti'hua al'eyi quixcay a'ij linca ite lałnespa. Alfelłtaiqueyi. ⁷ Pe lopa'a ŁanDios jilpiya pangay epalc'o', ailopa'a quixcay. Ja'ni tołta'a lałpepajnya, alinca alajmale lałpimaye. Tijoułta', ja'ni a'ijc'a lał'epa aimalmanecu nulemma. Lijuats' lixcuajaipe Jesucristo li'Hua ŁanDios ti'hua alapac'enga'.

⁸ Aimi'iyá małnesyacu: "Iya' aicai'aic' quixcay. Ailopa'a caijunac'." Ja'ni tołta'a alnesyi alfel'miyoltsi. Al Linca Cataiqui' aiquitsufaic' lałpicuejma'. ⁹ Ja'ni almiyi ŁanDios: "Linca, tipa'a laıjunac'", itque limenc'e'eco'monga' itna'a lał'epa. Lapac'e'monga' al xujc'a. Tołta'a li'ejma' ŁanDios. Itque ti'e'ma ma to linespa. Ti'e'ma al łijca. ¹⁰ ŁanDios jounpa lu'iponga': "O'epa quixcay". Ja'ni alcuayi: "Aicai'aic' quixcay", litaiqui' aiquitsufaic' lałpicuejma'. Tocomma to alcuayi: "ŁanDios infel'miyale".

2

¹ Imanc' unc'ainaxque' ita'a caifninił'ecopolhuo' colje'e aimol'econa'me lixcay. Ja'ni limenajponga', ja'ni jounpa al'epá lixcay, jilpe pe lopa'a cał'Ailli' ŁanDios tipa'a Jesucristo Nałtalai'ecoponga'. Itque ailopa'a quijunac', ma' alijca li'epa. ² Itque i'najtsepa lałjunac'. Tołta'a ipac'epa lipoyac' ŁanDios. I'najtsepa lałjunac', jounpa i'najtsepa liłjunac' jahuay lan xanuc' nomana' ni petsi li'a łamats'.

³ Ja'ni al'eyi lałcuxe'eponga' ŁanDios, alsina' alinca limetsaijma. ⁴ Pe nocuapa: "Nimetsaijma ŁanDios", tijoułta' aimi'ay locuxe'epa, itque cal xans tifellaique. Al Linca Cataiqui' aiquitsufaic' lipicuejma'. ⁵ Ja'ni al'ele lałcuxe'eponga' ŁanDios, alinca al'eyi capic'a itque. Tołta'a alsina' ŁanDios lapenufponga'. ⁶ Pe nocuapa: "Iya', ŁanDios lapenufpa", ticuicomma ti'ita' li'ejma' to li'ejma' Cristo.

⁷ Maicunc'aipimaye, ita'a laininił'epolhuo', laifxc'ai'ipolhuo' a'ij ts'e cataiqui'. Imanc' jounpa olcuejpa lataiqui', olapenufpa jilpe litine loł'huaıyijmpa Jesucristo. Małe lataiqui' cu'ilhuo', caxc'ai'ilhuo' itsiya. ⁸ Ite lataiqui' laifxc'ai'ipolhuo' jounpa canescojma to ats'e cataiqui'. Tołta'a imuj'ma Cristo. Uya'apa mipa'a fa'a li'a łamats'. Ma' anuli tołmujyi imanc'. Li'ipa pangay muf lołpicuejma', itsiya a'i. Fa'a li'a łamats' ti'hua tuyaijma al muf, lepalc'o' jounpa ipangopa tepalc'o'iyale. Ite lataiqui' alinca epalc'o'.

⁹ Pe nonespa: "Iya', lepalc'o' alulif'e", tijoułta' ja'ni ti'ay quipilaic' lipima, a'ij linca ite linespa. Lipicuejma' tipanemma muf. ¹⁰ Naitsi no'epa quipic'a lipima itque linca aime-najyoxi lepalc'o', ailopa'a cuc'uilitisufeya. ¹¹ Pe no'epa quipilaic' lipima itque lipicuejma' amuf. Tołta'a tuyaijma lapajnya. Aiquixina' te ts'i'ic' lipene lo'huapa. Aiquixina' pe cotseya. Al muf lopa'a lipicuejma' i'e'epa afo'.

¹² Imanc' unc'ainaxque', ŁanDios jounpa imenc'e'ecopolhuo' loł'epa lixcay, imetsaicopolhuo' olihuequi itque łacui'impá Jesucristo. Tołiya quinił'elhuo' ita'a colje'e. ¹³ Imanc'

unc'a'aillí, olimetsaijma itque Nopa'a lipangopa li'a lamats'. Toliya quiniit'elhuo' ita'a colje'e. Imanc' unc'amijcanó, joupa olulijpá hixcay xans, itque lonta'a. Toliya quiniit'elhuo' ita'a colje'e.

Imanc' inaxque' LanDios, joupa olimetsaicopá col'Ailli'. Toliya quiniit'elhuo' ita'a colje'e. ¹⁴ Imanc' unc'a'aillí, olimetsaijma itque Nopa'a lipangopa li'a lamats'. Toliya quiniit'elhuo' ita'a colje'e. Imanc' unc'amijcanó tipa'a lołpujfxi. Joupa olapenufpá litaiqui' LanDios. He litaiqui' copa'a lołpicuejma'. Joupa olulijpá hixcay xans, itque lonta'a. Toliya quiniit'elhuo' ita'a colje'e.

¹⁵ Cunc'ainaxque, aimoljanaj'me moluyalaico'me to lan xanuc' nomana' fa'a li'a lamats', itne naihuejpa' quilituca' liłpicuejma'. Aimoljanaj'me lopa'a fa'a. Naitsi ti'onlicoyoxi tołniya o tjanaca tołna'a, itque aimi'ay capic'a LanDios, xonca ti'ay capic'a lopa'a fa'a li'a lamats'. ¹⁶ Lan xanuc' pe aimimetsaicoyi LanDios itne ticuxeyołtsi quilituca'. A'ijc'a lojanajpa itniya. Tehuelojnyi, tjanajyi. Tinescoyołtsi xonca ac'a lił'hueca, xonca' ac'a lo'epa. He lił'ejma' aiqui'huayoya LanDios. Itque aimimuc'iyale tołta'a. He it'ejma' lił'as xanuc' nomana' li'a lamats'. ¹⁷ Itca'a lamats' aimicołya. Ti'hua tuyaipa. Jouc'a tijouna'ma jahuay lojanajpa itniya pe aimimetsaicoyi LanDios. Petsi no'epá lixpicejma' LanDios, itniya aimijouya liłpitine.

¹⁸ Cunc'ainaxque' camilhuo': Joupa icuai'me lijoucola' quitiné. Joupa ołcujepá lim-impolhuo': "Ticuaihuo cal Anticristo. Itque naixtuc'opa cal Cristo." Itsiya timana' axpela' lan anticristo. Toliya alsina' joupa icuai'me hijoujma quitiné. ¹⁹ Itne lan anticristo enajpołtsi, alpo'no ponga' caltuca'. Tama li'ipa ałejmalepá, itne a'i capimaye. Ja'ni apimaye colá' almana' anuli itsiya. Joupa alpo'no ponga' caltuca'. Tołta'a al muc'iponga' te ts'i'ic' liłpicuejma' itniya. Tama anuli lalafot'lepołtsi timana' petsi ituca' liłpicuejma', a'ij nuli illanc'.

²⁰ Imanc' a'i to itniya. Cal Paxi li'Hua LanDios joupa ipaxnepolhuo'. Epi'ipolhuo' cal Espíritu Santo. Tołta'a ti'i'ma tołcuc'e'e me jahuay litaiqui' LanDios, aimolmesyacu: "Aicaicueca". ²¹ Itsiya ma quiniit'elhuo' colje'e aicacua: "Itne laipimaye aiquilimetsaijma al Linca Cataiqui'". A'i. Joupa ołsina' al Linca Cataiqui' te ts'i'ic'. Ołsina' te ts'i'ic' loya'apa petsi naihuejpa' al Linca Cataiqui'. Itniya aimuya'ayacu lafelłaiqueya cataiqui'. Aimi'iya.

²² ¿Naitsi itque noya'apa lafelłaiqueya cataiqui'? Itque noya'apa tołta'a ticua: "Jesús, itque a'ij Cristo. A'i itque munłueyale." Petsi nocuapa tołta'a copa'a cal Anticristo. Itque tetets'i cal'Ailli' LanDios, jouc'a tetets'i li'Hua LanDios. ²³ Petsi natets'ipá li'Hua cal'Ailli' LanDios, nocuapá: "Itque a'ij Cristo", itniya aiquilepenufi cal'Ailli' jouc'a. Petsi naimetsaicopá li'Hua, nocuapá: "Itque linca aCristo", itniya joupa epenufpá cal'Ailli' LanDios jouc'a.

²⁴ Imanc' aimolihuej'me ocuena cataiqui'. Lipangopa loł'huaiyijmpa Jesucristo olapenufpá al Linca Cataiqui', tipanenni ite litaiqui' jilpe lołpicuejma'. Mipa'a ite litaiqui' jilpe lołpicuejma' aimolanajyacołtsi li'Hua cal'Ailli' LanDios, ni aimolanajyacołtsi cal'Ailli' LanDios. ²⁵ Cristo joupa icupa cataiqui'. Icuapa: "Capi'i'mola' liłpitine aimijouya". He lałpitine lapi'i'monga' ja'ni aimalanajyołtsi.

²⁶ Tołta'a laininiit'epolhuo'. Capalaicola' itniya pe ts'itpic'a tifel'miyalele. ²⁷ Imanc' ituca' lołpicuejma'. Cristo joupa ipaxnepolhuo', olapenufpá cal Espíritu Santo. Tołta'a aimicuicomma comxi mimuc'iyacolhuo'. Itque pe lepi'impolhuo', jahuay timuc'ilhuo'. Itque timuc'iyale al linca. Aimifel'miyale. Cristo joupa imuc'ipolhuo'. Aimolanaj'mołtsi itque.

²⁸ Cunc'ainaxque', itsiya camilhuo': Aimolanaj'mołtsi Cristo. Tołta'a ticuaiconanni itque aimalsinyacu calaic'ata. Tixoj'ma calata limetsaico'me.

²⁹ Imanc' ołsina' te ts'i'ic' li'ejma' LanDios. Itque ti'ay ma le'a al hijca. Ja'ni tołta'a ołsina', jouc'a ołsina' te ts'i'ic' lił'ejma' petsi alinca inaxque' LanDios. Itne jouc'a ti'eyi al hijca.

3

¹ Juaiconapa acueca' al'eponga' capic'a cal'Ailli' LanDios. Alacui'iponga': "Inaxque' LanDios". Ma' aŋca illanc' inaxque' LanDios. Locuenaye lan xanuc' nomana' fa'a li'a lamats' aicalimetsaiconinga' toŋta'a. Aimi'iya. Ine aimimetsaicoyi LanDios. ² Maicunc'aipimaye, itsiya aŋsina' illanc' inaxque' LanDios. Tama toŋta'a aŋsina', aicaŋsina' te ts'i'ic' mi'iya laŋsans, laŋpicuejma' tipaicotsi pu'hua. Aicalmuc'inninga'. Linca litine timujxoxi LanDios aŋsim'me iŋque ma to qui'ic'. Iŋe laŋsina' aŋmuc'inga' aŋsim'moŋtsi pangay c'a laŋpicuejma' ma to lipicuejma' iŋque. Ja'ni a'i coŋa' aimalŋsinyacu to qui'ic'. ³ Ine petsi jouc'a no'huaiyijmpá toŋta'a, jahuay iŋniya, tenaj'moŋtsi lixcay, ti'i'moŋtsi limpio, to LanDios pangay limpio lipicuejma'.

⁴ Ja'ni aimalihuejcoyi LanDios locuxepa, iŋe laŋ'epa ma' ixgay. Jahuay lo'epa ja'ni a'i to micuxe LanDios, iŋe ma le'a ixgay. ⁵ Imanc' joupá oŋsina' te quicuaicoco'ma Jesucristo fa'a li'a lamats'. Icuaiacoco'ma liŋonc'e'etsonga' laŋ'epa lixcay. Jouc'a oŋsina' iŋque linca aici'iaic' quixgay. ⁶ Toŋiya petsi aimenajyoŋtsi Cristo, pe joupá lepenufpola', iŋniya aimi'eyi lixcay. Pesti no'epá lixcay iŋe aimimetsaicoyi Cristo. Aiquiŋsina' te ts'i'ic' lipicuejma'.

⁷ Imanc' unc'ainaxque', toŋpo'nole cuenna. Toŋta'a aimifel'miyacolhuo'. Ine petsi no'epá al hijca ma le'a iŋniya lan hijca xanuc'. Ine liŋpicuejma' ahijca to al hijca lipicuejma' LanDios. ⁸ Pesti no'epá lixcay iŋniya ixanuc' ŋonta'a Satanás. Lipangopa li'a lamats' iŋque Satanás joupá ixgay lo'epa. Li'Hua LanDios icuaiacoco'ma fa'a li'a lamats' tejac'ela' iŋe lo'epa Satanás, aimal'econa'me toŋta'a.

⁹ Pesti aŋca inaxque' LanDios iŋe aimi'eyi lixcay. Jiŋpe liŋpicuejma' LanDios joupá ifapa Litaqui'. Joupá epi'ipola' al ts'e liŋpitine. Toŋta'a aimi'iya mi'econayacu lixcay.

¹⁰ Toŋta'a ti'i'ma tolimetsaico'mola' lan xanuc' te ts'i'ic' liŋpicuejma'. Iŋniya quilituca' timuj'moŋtsi ja'ni inaxque' LanDios, ja'ni inaxque' ŋonta'a. Pesti aimi'eyi al hijca iŋe a'i quinaxque' LanDios. Jouc'a petsi aimi'eyi capic'a liŋpimaye a'i quinaxque' LanDios.

¹¹ Lipangopa loŋ'huaiyijmpa Jesucristo u'impolhuo' toŋta'a. Ixc'ai'impolhuo': "Aŋ'etsolŋtsi capic'a". ¹² A'i toŋta'a li'ejma' Caín. Iŋque i'hua ŋonta'a. ŋonta'a lo'epa ma le'a al xujc'a. Caín ima'apa lipima. ¿Te quima'acopa? Lipima ac'a li'ejma', Caín li'ejma' ixgay. Toŋta'a ima'apa lipima.

¹³ Cunc'aipimaye, lan xanuc' petsi aimimetsaicoyi LanDios tama ti'ennilhuo' capilaic', aimoŋsueŋmot'lecona'me. ¹⁴ Illanc' al'eyi capic'a laŋpimaye, toŋta'a aŋsinyi lapi'iponga' al ts'e laŋpitine LanDios. Li'ipa, anuli locuenaye lan xanuc' lajac'ponga'. Itsiya a'i. I'ipa ituca' laŋpepajnya. Pesti aimi'eyi capic'a liŋpimaye, iŋe linca ailopa'a al ts'e liŋpitine, ejac'pola'. ¹⁵ Naitsi no'epa laic' lipima, iŋque inma'ahuale. Linma'ahuale ailopa'a al ts'e quilitine.

¹⁶ Illanc' joupá aŋsina' te ts'i'ic' laŋ'eyacu ja'ni aŋca' al'ela' capic'a laŋpimaye. Cristo mal'enga' capic'a icupoxi tima'anŋe. Toŋta'a lunhu'eponga'. Illanc' jouc'a aŋcutsolŋtsi, aŋcuanajcotsola' laŋpimaye. ¹⁷ Cal xans ts'i'huca, loyaicopa lapajnya ja'ni tixinŋa' lipima tehue'e', ¿te co'eya? Ja'ni aimixina acuanuc', aimitoc'i, iŋque cal xans ¿ja'ni toŋta'a ti'ay capic'a LanDios? A'i. Aimi'ay capic'a. ¹⁸ Imanc' unc'ainaxque', camilhuo': Iŋe mal'ehualeyi capic'a aimi'i'ma le'a ataiqui'. A'i ma le'a aŋes'me: "Ca'ela' capic'a". Aŋca aŋ'etsola' capic'a. Aŋtoc'itsola' laŋpimaye.

¹⁹ Toŋta'a aŋpac'e'e'moŋtsi laŋpicuejma'. Aimalŋsueŋmot'leconayacu, aimalŋmiconayacolŋtsi: "¿Te iya' i'hua LanDios o a'i?" Ti'i'ma caŋsina' joupá ifapa al Linca Cataqui' jiŋpe laŋpicuejma'. ²⁰ Tijouŋa' ja'ni aŋsueŋmot'lecona'me, ja'ni aŋmiconam' moŋtsi: "¿Te iya' i'hua LanDios o a'i?", jouc'a aŋ'nujuaitsa xonca ixina' cal Cueva' CanDios. Iŋque ixina' jahuay laŋ'epa. Ixina' jahuay lopa'a jiŋpe laŋpicuejma', laŋlunxajma'. ²¹ Maicunc'aipimaye, ja'ni aimalŋsueŋmot'leyi toŋta'a, ja'ni aŋsinyoŋtsi aŋca illanc' inaxque' LanDios, tixoj'ma calata aŋpalaic'o'me LanDios. ²² Tijouŋa' pe laŋsahue'epa iŋque lapi'i'monga'. Aŋsim'monga' lihuejcoyi laŋcuxe'eponga'. Tetentococojma laŋ'epa. ²³ Aŋcuxe'eponga' aŋ'huaiyijne li'Hua, iŋque Jesucristo. Jouc'a aŋcuxe'eponga' aŋ'etsolŋtsi capic'a. Ma' anuli toŋiya laŋcuxe'eponga' Jesucristo. ²⁴ Ja'ni

alihuejcoyi ÑanDios locuxepa, aimalanajyacoltsi ÑanDios. Jouc'a ÑanDios aimenajyacoxi, luyalaico'me anuli. Añsinguf'moltsi tipa'a cal Espíritu Santo, itque Ñalapi'iponga' ÑanDios. Tołta'a añsim'me aiqnenajyoxi ÑanDios. Añsim'me luyalaicoyi anuli.

4

¹ Maicunc'aipimaye, aimonl'e'mola' linca jahuay lam profeta nocuapá: “Iya' cuya'e' lalu'ipa cal Espíritu Santo”. Tołpo'nołe cuenna. Ti'itla' colšina' ja'ni umme'epola' ÑanDios o a'i. Itsiya fa'a li'a łamats' timana' axpela' linfel'miyale. Joupa ummempola' ti'ełe tołta'a.

² Imanc' joupa olšina' te ts'i'ic' lonespa pe noya'apá lomipola' li'Espíritu ÑanDios. Ine ticuayi: “Jesús aCristo. I'epoxi xans. Icuai'ma fa'a li'a łamats'.” ³ Petsi aimimetsaicoyi tołta'a Jesús, ine aimuya'ayi lonespa li'Espíritu ÑanDios. Ine tu'iyaleyi loya'apa li'espíritu cal Anticristo. Imanc' joupa olcuejpá ticuaihuo itque cal espíritu. Camilhuo': “Joupa icuai'ma. Tipa'a fa'a li'a łamats'.”

⁴ Imanc' unc'ainaxque', joupa olulijpola' iniya lam profeta. Ine aimi'iya mifel'miyacolhuo'. Imanc' joupa olapenufpá li'Espíritu ÑanDios. Itque xonca acueca'. Lonta'a nopa'a li'a łamats' aimi'onłospa. ⁵ Ine linfel'miyale profeta ti'onłospá to lif'as xanuc' nomana' li'a łamats'. Ma' anuli lif'picuejma', lopalaipa. Tołiya lif'as xanuc' tiquimf'eyi, tihuejcoyi. ⁶ Illanc' inaxque' ÑanDios ituca' lałpicuejma'. Petsi ilimetsaijma ÑanDios, ine alquimf'enga'. Petsi a'i quinaxque' ÑanDios, ine aimalquimf'enga'. Tołta'a alšina' naitsi ine noya'apá al Linca Cataiqui'. Alšina' naitsi noya'apa a'ij linca.

⁷ Maicunc'aipimaye, al'etsoltsi capic'a. Ma ÑanDios alapi'icoponga' lałpicuejma' al'etsoltsi capic'a. Naitsi no'epa capic'a, itque linca i'hua ÑanDios, imetsaijma ÑanDios. ⁸ ÑanDios ti'nujuaitsila' jahuay lan xanuc', aimi'elaj laic'. Tołiya ja'ni cal xans aimi'nujuaitsila' lif'as xanuc', ja'ni ti'ela' laic', itque aiqumetsaijma ÑanDios. ⁹ ÑanDios almuc'iponga' ma' alinca al'nujuaitsinga'. Ummepa li'Hua, itque cal Nuli. Ummepa quicuaicoco'ma fa'a li'a łamats', lapi'itsonga' al ts'e lałpitine. ¹⁰ Ja'ni alinca al'e'mola' capic'a lałpimaye, ticuicomma al'nujuaitsola' iniya, ma to ÑanDios al'nujuaitsinga' illanc'. Li'ipa aimal'nujuaisyi ÑanDios. Małniya litiné itque al'nujuaisponga', ummepa li'Hua. Itque li'Hua i'najtsepa lałjunac', ipac'epa lipoyac' ÑanDios.

¹¹ Maicunc'aipimaye, ja'ni tołta'a al'nujuaisponga' ÑanDios, illanc' jouc'a al'etsola' capic'a lałpimaye. Ticuicomma al'etsola' capic'a. ¹² ÑanDios ni naitsi niximpa. Ja'ni al'eyoltsi capic'a jouc'a al'eyi capic'a ÑanDios. Tołta'a itque tipa'a pe lałmana', aicalanajyoltsi. ¹³ ÑanDios joupa lapi'iponga' li'Espíritu. Tołiya alšina' alapenufponga', alšina' lapenufpá itque.

¹⁴ Illanc' joupa alšimpá li'epa cal'Ailli' ÑanDios. Itque ummecopa li'Hua tunłu'etsola' lan xanuc' nomana' ni petsi fa'a li'a łamats'. Tołta'a luya'ayi. ¹⁵ Petsi nonespá: “Jesús ma' i'Hua ÑanDios”, iniya joupa epenufpá ÑanDios. ÑanDios epenufpola'.

¹⁶ Joupa i'ipa calšina' ÑanDios al'enga' capic'a. Alšina' al'nujuaitsinga'. ÑanDios pangay c'a lipicuejma', ti'nujuaitsila' jahuay lan xanuc', aimi'elaj laic'. Petsi no'epá capic'a ine aimi'eyi laic'. Ine linca ÑanDios epenufpola', aiqnenajyoxi. Pe lomana' jilpe tipa'a ÑanDios, tuyalaicoyi anuli. ¹⁷ Ja'ni al'eyi capic'a aimalšpaic'eyacu locuaicoya al Cueva' Quitine. Ma małmana' fa'a li'a łamats' alšinyoltsi ninc'ihijca, al'onłcosponga' to Cristo, itque copa'a cal Lijca. ¹⁸ Ja'ni al'eyi capic'a ailopa'a calšpaic'eyacongá'. Ma mał'eyi capic'a lałpaiqui' aimi'iya mipa'neya lałpicuejma'. Ja'ni alšesyi: “Aga lateł'mi'ma ÑanDios”, tocomma to ÑanDios alteł'minga'. Małnesyi tołta'a almujoyoltsi aiqixhueya lałpicuejma', lahue'enga'. A'i tołta'a mał'eyi capic'a.

¹⁹ ÑanDios al'nujuaisponga', al'eponga' capic'a, tołiya illanc' jouc'a al'eyi capic'a.

²⁰ Petsi nocuapa: “Iya' ca'ay capic'a ÑanDios”, ja'ni ti'ay quipilaic' lipima, itque no'epa itla'a infellaiquepa. Ja'ni aimi'ay capic'a lipima petsi lahuelojmpa, itque jouc'a i'hua ÑanDios, łte ti'i'ma ti'e'ma capic'a ÑanDios, itque petsi aimehuelonge? A'i. Aimi'iya. ²¹ Małque

ŁanDios joupa aŁcuxe'eponga' la'eyacu, aŁminga': "Naitsi no'epa capic'a ŁanDios jouc'a ti'ela' capic'a łipima".

5

¹ Petsi no'huaiyijmpá Jesús, nonespá: "IŁque cal Cristo", ilne linca inaxque' ŁanDios. IŁque epi'ipola' al ts'e liŁpitine. Petsi lepi'impola' al ts'e liŁpitine ti'eyi capic'a ŁanDios quiŁ'Ailli'. Ma' anuli ti'eyi capic'a liŁpimaye, ilne jouc'a inaxque' ŁanDios. ² Ja'ni al'eyi capic'a ŁanDios, ja'ni al'eyi ma to laŁcuxe'eponga', toŁta'a aŁsina' al'nujuaitsila' laŁpimaye, al'eyi capic'a. ³ ¿Te ts'i'ic' ma'eyacu capic'a ŁanDios? Al'ete ma to laŁcuxe'eponga', toŁta'a al'e'me capic'a ŁanDios. A'i quipime ilne laŁcuxe'eponga' ŁanDios. ⁴ Illanc' linca inaxque' ŁanDios ja'ni iŁque lapi'iponga' al ts'e laŁpitine. Alulijyi lixcay lopa'a fa'a li'a łamats'. Toliya aŁsinyi a'i quipime laŁcuxe'eponga'. Illanc' inaxque' ŁanDios, ¿te ts'i'ic' malulijyacu lixcay lopa'a fa'a li'a łamats'? Ma ma'huaiyijnyi ŁanDios toŁta'a alulij'me. ⁵ ¿Naitsi iŁque nolijpa lixcay lopa'a fa'a li'a łamats'? Petsi no'huaiyijmpa Jesús, nocuapa: "Jesús ma i'Hua ŁanDios", iŁque tuliqui.

⁶ Jesús mipa'a fa'a li'a łamats' epo'icom'me aja', ixcuajaipa lijuats'. A'i ma le'a epo'icom'me aja', epo'icom'me aja' jouc'a ixcuajaipa lijuats'. ToŁta'a aŁsina' maŁque Jesús aCristo, hi'Hua ŁanDios. Ma' anuli loya'apa cal Espíritu Santo. IŁque tuya'e' ma le'a al linca. ⁷ JiŁpe lema'a timana' afantsi tuya'ayi: "Jesús i'Hua ŁanDios, aCristo". IŁniya comana' cal'Ailli' ŁanDios, jouc'a Jesús, iŁque łecui'impa "Litaiqui' ŁanDios", jouc'a cal Espíritu Santo. Ilne lam fantsi ma' anuli ŁanDios. ⁸ Fa'a li'a łamats' timana' afantsi nonescopá Jesús, tuya'ayi naitsi iŁque, ma' anuli loya'apa. Cal Espíritu Santo, iŁque anuli, laja' lepo'icompa Jesús, ilne i'ipa oŁque', lijuats' lixcuajaipa, ilne i'ipa afane'.

⁹ Ja'ni al'huaiyijm'me loya'apa lan xanuc', ¿te aimal'huaiyijnyacu loya'apa ŁanDios? Linca iŁque loya'apa xonca acueca'. ŁanDios joupa inescopa al c'a iŁque hi'Hua. ToŁta'a luya'apa ŁanDios, al'huaiyijmpá. ¹⁰ Petsi no'huaiyijmpá Jesús joupa epenufpá ilne luya'apa ŁanDios. Petsi aimi'eyi linca ŁanDios ilne linescopa hi'Hua, ilniya joupa etets'ipá licuapa ŁanDios, iximpá to infel'miyale, aimi'eyi linca ŁanDios linescopa hi'Hua. ¹¹ Pe na'huaiyijmpá aŁsina' al linca luya'apa ŁanDios. AŁsina' lapi'iponga' al ts'e laŁpitine aimijouya, maŁe lipitine Jesús hi'Hua ŁanDios. ¹² Petsi joupa nepenufpá hi'Hua ŁanDios, ilniya tipa'a al ts'e liŁpitine. Ja'ni aiquirepenufi hi'Hua jouc'a ailopa'a al ts'e liŁpitine.

¹³ ToŁta'a lainini'epolhuo' imanc' no'huaiyijmpá Jesús, iŁque hi'Hua ŁanDios. Cacua: Ti'ila' coŁsina' joupa olapenufpá loŁpitine aimijouya.

¹⁴ Ma'huaiyijnyi ŁanDios aŁsina' ti'i'ma aŁsahue'e'me aŁtoc'itsonga' o aŁsahue'e'me lapi'itsonga' lalahue'eponga'. AŁsa'hue'me aimalsinyacu calaic'ata. Ja'ni ilne laŁsahue'epa tetentŁocojma aŁsina' alquimf'enga'. ¹⁵ Ma maŁsa'hueyi, ja'ni aŁsina' alquimf'enga' jouc'a aŁsina' joupa aŁtalai'eponga', joupa lapi'iponga' laŁsahue'epa.

¹⁶ Anuli imanc' ja'ni toxim'ma łopima lo'epa aimetenŁma ŁanDios, ja'ni ilne lo'epa ti'i'ma timenc'e'ecom'me, toxa'huela' ŁanDios, toŁta'a tepi'i'ma lipitine. Linca tipa'a lixcay lacani'eyacola' lan xanuc'. Aimi'iya mimenc'e'ecoyacola' no'epá toŁta'a. Ilne ti'hua titai'me liŁjunac', tejac'em'mola'. Aicamilhuo': ToŁsa'hueŁe timenc'e'ecotsola'. A'i. Aimi'iya. ¹⁷ Lan xanuc' ja'ni aimihuejcoyi ŁanDios iŁque ixim'mola' ixcaj lo'epa. Ixim'mola' titaiyi cajunac'. Tipa'a ilne lixcay lo'epa ti'i'ma timenc'e'ecom'mola'. Tipa'a petsi aimi'iya, tejac'em'mola' nulemma.

¹⁸ AŁsina' petsi ŁanDios lepi'ipola' al ts'e liŁpitine ilne aimi'hua mi'econayi lixcay. Ilne tipa'a al ts'e liŁpitine lepi'ipola' ŁanDios. Ilne al ts'e liŁpitine ti'ela' cuenna. Toliya ailopa'a co'e'eyacola' łonta'a. IŁque ma' ixcaj lipicuejma'. ¹⁹ AŁsinyoŁtsi illanc' inaxque' ŁanDios. IŁque lapi'iponga' laŁpitine. Petsi aimimetsaicoyi ŁanDios, iŁque lixcay conta'a ti'hua ticuxela'. ²⁰ Jouc'a aŁsina' te ts'i'ic' li'epa hi'Hua ŁanDios. IŁque icuai'ma fa'a li'a łamats'. Lapi'iponga' laŁpicuejma'. Toliya limetsaicoyi ŁanDios, iŁque ma' anDios. Ja'ni

lapenufponga' hi'Hua LanDios, itque Jesucristo, ma' anuli lapenufponga' LanDios. Itque ma' anDios, aimijouya lipitine. Ja'ni limetsaicoyi tohta'a jouc'a lapi'inga' al ts'e lapitine aimijouya. ²¹ Imanc' caxinnihuo' to cainaxque', tohta'a camilhuo': To!etsotsti cuenna. Ti'hua tolihuejco'me itque petsi a!inca anDios. Tohta'a aimonlihuejyacu landiosla'.

LOCUENA LIJE'E SAN JUAN LINIĒ'EPA ĒIPIMA CACA'NO'

¹ Iya' nitojpa xans. QuiniĒ'elhuo' ima' maipima caca'no' jouc'a lonaxque'. Ima' i'huijf'epo' ĒanDios. Ma' anuli lihuejcoyi al Ēinca Cataiqui', toĒiya ca'elhuo' capic'a. AĒi ma le'a iya' ca'elhuo' capic'a. Jahuay lapimaye petsi Ēimetsaicopá al Ēinca Cataiqui' jouc'a ti'elhuo' capic'a. ² Ēe al Ēinca Cataiqui' jounpa ifayiya laĒpicuejma'. Aimi'iya maliĒonc'e'enyaconga'. Lihuejcoyi Lataiqui' toĒiya aĒ'elhuo' capic'a.

³ Ma malihuejcoyi al Ēinca Cataiqui', ma maĒ'ela' capic'a laĒpimaye, ĒanDios caĒ'Ailli' y Jesucristo Ēi'Hua ĒanDios altoc'i'monga', aĒ'nujuais'monga', aĒsim'monga' nin'icuanuc'la. AĒpac'e'e'monga' laĒpicuejma'.

⁴ Juaiconapa tixoqui neta aixim'mola' lonaxque' tihuejcoyi al Ēinca Cataiqui'. Ma to caĒ'Ailli' ĒanDios laĒcuxe'eponga' aĒ'eĒe, ma toĒta'a ti'eyi Ēniya.

⁵ Maipima caca'no', itsiya tipa'a laifxahue'eyacolhuo'. Ēe laifxc'ai'iyacolhuo' a'i ituca' cataiqui' ni ts'e cataiqui'. Caxc'ai'i'molhuo' tonĒ'eĒe ma to jounpa laĒcuxe'eponga'. Al coĒta aĒquimf'epá Ēta'a lataiqui'. Itsiya caxa'huelhuo', caxc'ai'Ēlhuo': Ēllanc' ninc'apimaye, aĒ'etsotĒsi capic'a. ⁶ Ja'ni aĒ'eyi laĒcuxe'eponga' ĒanDios, ĒiĒpe Ēinca aĒ'eyoĒtsi capic'a. Jounpa oĒquimf'epá toĒta'a. Al coĒta icuxe'empolhuo' te ts'i'ic' loluyalaicoyacu lapajnya. Ēxc'ai'Ēmpolhuo': "TonĒ'etsotĒsi capic'a".

⁷ Ja'ni tonĒ'eyoĒtsi capic'a ti'hua toĒihuejco'me toĒta'a al Ēinca Cataiqui'. Ja'ni tonĒ'eyoĒtsi capic'a aimifel'miyacolhuo'. Timana' axpela' Ēinfel'miyale jounpa aĒpo'noponga' caĒtuca'. Tiyelocoyi fa'a Ēi'a Ēamats'. Ēne Ēinfel'miyale aimi'eyi Ēinca Jesucristo i'huamma fa'a Ēi'a Ēamats'. Aimi'eyi Ēinca i'epoxi xans, ticuayi: "Aimi'iya mi'eya toĒta'a". Ēne nocuapá toĒta'a Ēxanuc' cal cueca' quinfel'miyale Ēecui'Ēmpá: cal Anticristo.

⁸ Ēmanc' tonĒ'etsotĒsi cuenna. Ti'hua toĒihuejco'me Ēe laĒmuc'Ēpolhuo' ĒiĒpiya. Aimolpai'i'moĒtsi. ToĒta'a toĒlulij'me nulemma lapi'iyacolhuo' ĒanDios.

⁹ Petsi no'epoĒtsi omxiye, ja'ni aimihuejconayi lataiqui' Ēimuc'iyalepa Jesucristo, Ēne aimiyeyi anuli ĒanDios. Petsi ti'hua tihuejcoyi Ēimuc'iyalepa Jesucristo, Ēne aimenajyoĒtsi, tiyeyi anuli caĒ'Ailli' ĒanDios. Jouc'a tiyeyi anuli Ēi'Hua, ĒĒque Jesucristo.

¹⁰ ĒiĒpe lolajut'Ē ja'ni ticuaitĒsi petsi ituca' lomuc'iyalepa, a'i Ēe Ēimuc'iyalepa Jesucristo, aimolapenuf'me lolajut'Ē. Aimolnom'me to coĒpima. ¹¹ Ja'ni tonona to copima ima' to'onĒico'moxi to ĒĒquiya. Tocomma to ima' jouc'a Ēxcay lof'epa.

¹² Ti'hua tehue'e' laifnu'iyacolhuo'. Itsiya aimi'hua quiniĒ'eyacolhuo'. Cacia: Cahuejn-tolhuo', aĒsinnoĒtsi. AĒpalaic'otoĒtsi, iya' imanc'. ToĒta'a tenanĒ'ma laĒpixoĒma cata.

¹³ Tinonghuo' Ēinaxque' loĒpima caca'no'. ĒĒque jouc'a i'huijf'epa ĒanDios.

LOCUENA LIJE'E SAN JUAN LINIĒ'EPA ĪIPIMA GAYO

¹ Iya' nitojpa xans. QuiniĒ'ehuo' ima' unGayo macaĪpima. Ma' anuli lihuejcoyi al Linca Cataiqui', toĪiya ca'ehuo' capic'a.

² Maipima, joupa aixina' ti'hua taihuequi. Iya' caxa'hue ĪanDios titoc'itso', toyaicoĪa' al c'a lapajnya fa'a li'a Īamats', aimi'i'mo' cocuana.

³ Licuai'me fa'a ĪaĪpimaye Īne inesco'mo' al c'a. Ticuayi: AĪinca omihuequi al Linca Cataiqui', tomujyoxi tipa'a Īe Lataiqui' ifayiya ĪĪpe lopicuejma'. Li'ipa caixina' toĪta'a tixoqui neta iya'. ⁴ Ja'ni aĪminĪa': "Ima' lonaxque' tihuejyi al Linca Cataiqui'", Īe lataiqui' lalū'Īpa lixoc'i'ma neta juaiconapa. Ailopa'a caĪminya mixojya neta xonca.

⁵ MacaĪpima, ima' tomujyoxi aĪinca taihuequi Lataiqui'. Totoc'ila' ĪaĪpimaye noyepá aculi' lane. ⁶ Malafot'ĪeyoĪtsi fa'a, Īne ĪaĪpimaye nitsehuo'me ĪĪpiya, licuainanca alu'iponga' Īe lof'epa. Alu'iponga' te ts'i'ic' lof'epola' capic'a. Linca to'ay al c'a ma motoc'ila' lapimaye, tapi'ila' lahue'epola'. ToĪta'a tetentococojma ĪanDios. ⁷ Īne ipo'nopá ĪĪpiya', tiyeyi tuya'ayi naĪtsi Jesús, Īque Īcui'Īpa cal Cristo. Lan xanuc' petsi aimimetsaicoyi ĪanDios, ja'ni coĪa' tepi'intsole' quĪtomí Īne aikuilepenufi. ToĪe liĪ'ejma'. ⁸ Illanc' ĪĪpimaye ticuicomma aĪtoc'itsola' no'epá toĪta'a. Ticuicomma lapi'itsola'. ToĪta'a aĪtoc'i'mola' ti'hua tuya'atsa al Linca Cataiqui'.

⁹ Joupa niniĪ'epola' lapimaye lafoĪyomma ĪĪpiya lopĪya'. ĪĪpe tipa'a Diótfefes. Īque aimalapenufinga' laĪsc'ai'ipola' lapimaye. Ma' Īque ti'eyoxi cal te'a. Īpic'a ticuxetsola' lapimaye. ¹⁰ CacuaĪtsi ĪĪpe capalaic'ocotola' lapimaye lo'epa Īque. ĪĪpe Īque aĪpalaiconga' a'Īc'a. A'i maĪe le'a co'epa. Xonca acueca' lixcay ti'ay. Aimepenufila' lapimaye nocuaispá ĪĪpiya. Lapimaye nomana' ĪĪpe ticuxela', timĪa': "Aimolapenuf'mola' Īne nocuaispá". Petsi nocuapá: "Lapenuf'mola'. AĪpic'a", Īque Diótfefes tixtuc'o'mola' acueca', timi'mola': "TonĪente. AimoĪtsuflaicona'me pe lalafot'ĪeyopoĪtsi." ¹¹ Macaipima, aimo'onĪico'mola' to Īne no'epá lixcay. To'onĪicoxoxi petsi ac'a lo'epa. Ja'ni ac'a lo'epa, Īque Īinca i'hua CanDios, ĪanDios ummepa. Petsi ixcay lo'epa Īque aikuimetsaijma ĪanDios, aikuixina' te ts'i'ic' li'ejma'.

¹² Minescoyi Demetrio jahuy ticuayi: "Īque ac'a xans". Ma to loya'apa al Linca Cataiqui' ma toĪta'a li'ejma' Demetrio. Jouc'a illanc' fa'a aĪcuayi: "Demetrio ac'a xans". Illanc' aimafellaiqueyi, aĪcuayi ma le'a al Īinca. ToĪta'a oxina'.

¹³ Tehue'e' axpe' laifmiyaco'. Itsiya aikuiniĪ'eyaco'. ¹⁴ Cacua: AimaĪcoĪya fa'a. Ca'hua'ma. CacuaĪtsi ĪĪpe aĪsinnoĪtsi. AĪpalaic'otoĪtsi iya' ima'.

¹⁵ Aimoxxhuelmot'Īe'ma.

LalimetsaicoyoĪtsi nomana' fa'a tinonghuo'. Ima' tomitsola' anuli anuli lalimetsaicoyoĪtsi nomana' ĪĪpiya: "Juan tinonghuo".

LIJE'E SAN JUDAS LINIŁ'EPOLA' LAPIMAYE

¹ Iya' ninJudas ca'ay lipenic' łaiPoujna Jesucristo. Santiago aipima. Quinił'elhuo' imanc' liioc'ipolhuo' ŁanDios.

Cał'Ailli' ŁanDios ti'elhuo' capic'a, Jesucristo ti'elhuo' cuenna. ² Itine itine xonca tołcuejle ti'nujuaitsilhuo' ŁanDios, xonca tołcuejle tipac'e'elhuo' lołpicuejma', xonca tołcuejle ti'elhuo' capic'a.

³ Unc'aipimaye, iya' joupá aipo'nopa laipicuejma', cacua: Quinił'e'mola' laipimaye. Iłe cołje'e coła' cu'icona'molhuo' te ts'i'ic' munł'u'enyacolhuo'. Linca ma' anuli lalunł'u'enyaconga' illanc' imanc'.

Itsiya aiximpa ticuicomma quinił'e'molhuo' ituca' cołje'e. Ticuicomma caxc'ai'i'molhuo' tolipa'ale cafxi tołcuanajcole litaiqui' ŁanDios. Imanc' joupá olapenufpá iłe Lataiqui', oł'huaiyimpá, ołsimpá te ts'i'ic' mipa'a. Małe lataiqui' ŁanDios ipo'nopa nulemma tepenufle, ti'ełe cuenna jahuy iłne petsi i'huexi ŁanDios. ⁴ Camilhuo': Ticuicomma tonł'ełe cuenna, tołcuanajcole litaiqui' ŁanDios. Jiłpe pe lołmana' ihuants'ipołtsi lan xanuc' iłne ituca' liłpicuejma'. Linca ate'a a'i mu'iyacolhuo' tołta'a. Jiłpe al Paxi Linilingiya joupá inescopola' iłniya lan xanuc'. Joupá uya'apa aimunł'u'enyacola', tejac'em'mola'. Iłne aimihuejcoyi ŁanDios locuxe'epola'. Iximpoltsi joupá itoc'ipola', ipaxnepola' ŁanDios. Iximpoltsi joupá unłulpá. Iłne ti'hua ti'eyi nixpiya. Ticuayi: "Aimalacani'enyaconga". Tołta'a tetets'iyi cal Cuecaj Quincuxepa, iłque cal Nuli Quincuxepa. Jouc'a tetets'iyi łaiPoujna Jesucristo.

⁵ Imanc' joupá ołsina' jahuy li'ipa luyaipa quitine. Itsiya ca'nujuaits'i'i'molhuo' li'epa ŁanDios. Iłque ipa'a'mola' lixanuc' jiłpe łamats' Egipto, unł'u'epola', aikuima'annila' lin'ehuale laic'. Lijou'ma iłne pe lipa'apola' petsi aikuil'huaiyinge, ecani'epola'. ⁶ Jouc'a toł'nujuaitsa li'ipola' lapaluc' quema'a. Iłne incuxepá, ipo'no'me liłpenic' lepi'ipola' ŁanDios. Ipalyonca petsi ŁanDios joupá ixpic'epa timajnle. Iłne lapaluc' quema'a ŁanDios i'huequila' joupá ifingiyicola' acadena catejma', aimi'iya mits'alqueya. Jiłpe petsi lomana' ja'ni tehuelojnle al toncay tixim'me amuf. Jiłpe ti'huaicoyi ticuaiyunnı al Cuecaj Quitine. ŁanDios tepi'i'mola' liłjunac'. ⁷ Jouc'a toł'nujuaitsa li'ipola' liłelołya' Sodoma y Gomorra jouc'a liłelołya' lomana' anujnca. Lan xanuc' nomana' iłniya liłelołya' ixhuico'moltsi liłcuerpo ma mi'eyi al xujc'a. Jouc'a i'e'me a'i to joupá ixpic'epa ŁanDios. Iłhuejme ocuena 'ejma'. Tołta'a ti'onłcospola' to iłne lixcay lapaluc' quema'a. Li'ipola' iłne liłelołya' ałmuc'inga' lo'iyacola' iłne petsi no'epá lixcay. Iłne liłelołya' ŁanDios itel'mico'mola' unga. Jiłe łunga aimipijya.

⁸ To li'epa iłne lixcay xanuc' mimana' jiłpe liłelołya' Sodoma y Gomorra, ma tołta'a ti'eyi iłna'a lixcay xanuc' iya' laifnescopola' iłta'a lołje'e. Iłne jiłpe liłpicuejma' tijanajyi ti'ełe lixcay. Mijou'ma tixhuicoyołtsi liłcuerpo mi'eyi al xujc'a, tixis'mecoyołtsi tołta'a. Jouc'a tetets'innila' lincuxepá nomana' lema'a. A'ijc'a tinesconnila' lan tsila' lapaluc' quema'a. ⁹ Cal cuecaj lapaluc' quema'a, iłque Miguel, ni tołta'a mipalaic'o' łonta'a Satanás. Iłque Miguel ixina' lo'iya licuerpo Moisés. Satanás ituca' lipicuejma'. Ipic'a tilecoła'. Iłne tipalaic'oyołtsi. Mifuli'iyolołtsi cataiqui' Miguel ixim'ma caxpaiqui', aikuimiloqui cataiqui' Satanás. Ma le'a timi: "Titaletso' łaiPoujna". ¹⁰ Iłne lixcay xanuc' laifpalaicopola' aimixpailiquila'. Tama aikuil'cueca, aikuil'sina' te ts'i'ila' iłne lan tsila' capaluc' quema'a, tetets'iyi, tinescoyi. Iłne ti'onłcospola' to linneja petsi ailopa'a quilpicuejma'. Linca tama inneja tipa'a lojanajpa. Tołta'a iłniya, ti'hua tixhuai'niyi lojanajpa. Tołta'a ma quiltuca' tecani'eyolołtsi.

¹¹ Linca, juaiconapa a'ijc'a lo'iyacola' iłniya. Iłne tihuejyi Caın lipicuejma'. Imenajpola' to Balaam. Ipo'nopá liłpicuejma' tulijle quiltomı. Tołta'a aimihuejyi ŁanDios. Ti'onłcospá

to Coré. Li'ipa, iŕque timiloquila' cataiqui' petsi no'epá lipenic' lepi'ipola' LanDios. Iŕque Coré ejac'pa. Iŕniya jouc'a tejac'mola'. ¹² Iŕne lixcay xanuc' ti'onŕcospá to lix'ay capic quemiya. Jiŕpe tixcai'e'molhuo'. Imanc' tolafot'leyoŕtsi, toŕtetsoyi anuli, toŕta'a toŕmujoŕtsi apimaye. Mimana' iŕniya loŕpaxi juic tixis'me'me, aimetenŕcocoya LanDios. Jiŕpe iŕne xanuc' titetsoyi, tixnayi, aimixpailiquila'. Ma quituca' ti'eyoŕtsi cuenna. Ti'onŕcospola' to hijuŕ cummahuay tummetsai ŕahua'. Ti'onŕcospola' to cal 'ec' micuaita litine caxita tocomma tijuŕyi, ailopa'a quii'as. Tocomma to aikuimaf'ila'. Ai' ma le'a tocomma aikuimaf'ila', aŕinca joupa imapola', joupa iyaxquimpola'. ¹³ Iŕne lixcay xanuc' ti'onŕcospá to ŕoyac' quitsilo caja petsi pangay quico' to axujc'a quifuc. Aiquiŕsina' calaic'ata, ti'hua timujyi lo'epa lixcay. Ti'onŕcospola' to lan xamna laipalumma lipene, iŕne aimepalc'o'iyaleyi. Tiyeyi petsi lomanc'eyacu nulemma, iŕpe al muf. Maŕpe copa'a lipanga.

¹⁴ Jouc'a Enoc inescopola' iŕne lixcay xanuc'. Tipanc'nicola' Adán, iŕque cal te'a ŕattatahuelo, iŕque Enoc ixhuaicota acaitsi. Enoc uya'apa lo'iya, ticua: ¡Aŕquimf'ela' laifnuya'aya!

Aiximpa licuai'me ŕaŕPoujna y lam paxi quepaluc' quema'a, iŕniya juaiconapa lanxpela'.

¹⁵ LaŕPoujna icuai'ma timuj'moxi cal Cuecaj Juez, timuj'moxi iŕJuez jahuay lan xanuc'.

Iŕne petsi aimihuejcoyi ticuf'mola'.

Ticuf'mola' jahuay li'epa, jahuay lipalaipa.

Ticuf'mola' li'epa nixpiya, iŕne petsi aimihuejcoyi, petsi aimixpailiquila'.

Iŕne lixcay xanuc' petsi aimihuejcoyi, jouc'a ticuf'mola' limilojpa LanDios lan tsila' cataiquí.

¹⁶ Iŕne lixcay xanuc' pangay tipaloŕaicoyi. Ticuayi: “Iŕe a'i caipic'a”. Aimimajncoyi quixojma cata. Lojanajpa iŕne quituca' ma iŕe tihuejyi. Tipalaiyi lan tsila' cataiquí juaiconapa. Pe latentŕcocopola', ma le'a iŕniya tipalaic'onnola' al c'a. Ticuayi: “Iŕque aŕtoc'i'ma”.

¹⁷⁻¹⁸ Unc'aipimaye, imanc' aimolihuej'mola' iŕniya. Toŕnujuaitsa liŕtaiqui' lan apóŕtole, iŕne epaluc' ŕaŕPoujna Jesucristo. Iŕne imipolhuo' lo'iya. Imipolhuo': “Ti'ila' lijoucola' quitiné ticuaicu lintaluntseyale xanuc'. Lojanajpa iŕne quituca' ma iŕe tihuejyi, aimihuejcoyi LanDios.” ¹⁹ Iŕne tifel'minnila' lapimaye, tenaquinnila'. Tihuejyi lojanajpa ma quituca' lipicuejma'. Aiquilepenufi cal Espíritu Santo.

²⁰ Imanc', unc'aipimaye, aimonŕ'onŕi'moŕtsi to iŕniya. Imanc' joupa ol'huaiyimpá al Paxi Cataiqui'. Ti'hua toŕpalaic'ote LanDios to mu'ilhuo' cal Espíritu Santo. Toŕiya tifayi'molhuo' loŕpicuejma'.

²¹ Ma moŕ'huaicoyi ticuaicohuananni ŕaŕPoujna Jesucristo, ti'hua toŕnujuaitsa lo'epolhuo' capic'a LanDios. Tonŕ'etsoŕtsi cuenna aimolanaj'moŕtsi. Toŕta'a, ticuaicohuananni iŕque ŕaŕPoujna tixim'molhuo' unc'icuanuc'la. Iŕque lipitine aimijouya, imanc' jouc'a aimijouya loŕpitine.

²² Lapimaye petsi oquej lipicuejma' toŕsintsola' acuanuc'la. ²³ Iŕne petsi to joupa ejac'pola' tolahuetsola', tolunŕu'etsola', aimiye'me ŕunga. Locuenaye, tama toŕsim'mola' acuanuc'la, jouc'a toŕsim'me laxpaiqui'. Aimoli—loc'ai'e'moŕtsi. Toŕsintsola' joupa ixis'mecopoŕtsi jouc'a liŕpijahuahi.

²⁴ ¡Aŕs'najtsi'ife LanDios! Ma' iŕque xonca ti'hua limane. Nipajnya ti'e'molhuo' cuenna, toŕta'a ma tolihuej'me. Nipajnya ti'e'molhuo' tolacaxhuoŕaita pe lopa'a. Toŕta'a ti'i'ma iŕe litine timujxoxi te ts'i'ic' mipa'a. Iŕe litine tixinim'molhuo' pangay c'a loŕpicuejma', ailopa'a tintsi. Tixoj'ma cunlata juaiconapa.

²⁵ ¡Aŕs'najtsi'ife cal Nuli CanDios, iŕque ŕalunŕu'eponga'! Toŕta'a lipenic' lepi'ipa ŕaŕPoujna Jesucristo. Ma' iŕque anDios, iŕque xonca cal Cueca', xonca ticuxe, xonca ti'hua limane. Ai'a tipango'ma tilanc'em'me li'a ŕamats' toŕta'a mipa'a. Ma toŕta'a mipa'a itsiya. Ma anuli mipa'a tijahuamlaicota ticuaitsi Locuenaj Quitine. Toŕta'a ti'ila'. Amén.

LIJE'E SAN JUAN LINIŁPA LIMUC'IPA JESUCRISTO

¹ Jifa'a tuya'e' te ts'i'ic' ŁanDios limuc'ipa Jesucristo. Limuc'ipa te lo'iya. Aimicołya ti'ila' tołta'a. ŁanDios quimuc'icopa Jesucristo timuc'itsola' lixanuc'. Małque Jesucristo ummepa łepaluc. Timi: “To'huał'a' pe lopa'a łaimozo Juan. Iłque ti'ay lanic' lainepi'ipa. To'itsi, tomuc'itsi, iłe łamuc'ipa ŁanDios.” ² Iya' ninJuan aininiłpa jifa'a jahuary laix-imp'a. Iłe ma' itaiqui' ŁanDios, luya'apa Jesucristo. ³ Lataiqui' laininiłpa jifa'a tuya'e' te ts'i'ic' lixp'ic'ep'a ŁanDios. Tixoqui queta łapima noxhuf'iyacola' lipimaye iłta'a al je'e. Jouc'a łapimaye noquimf'eyacu, iłniya naihuejcoyacu, tixoj'ma quileta iłniya. ŁanDios tipaxne'mola'. Aimicołya. Ti'i'ma to liniłjimp'a fa'a.

⁴ Iya' ninJuan quinił'elhuo' imanc' aipimaye nołmana' lan caitsi quilełołya'. Imanc' ixanuc' ŁanDios, iłque efot'łepolhuo'. Tolafot'łeyołtsi jilpe łolpitolołya'.

ŁanDios timilhuo': “Capaxne'molhuo', catoc'i'molhuo', capac'e'e'molhuo' łolpicuejma'”. Iłque ŁanDios li'ipa ma tipa'a, itsiya tipa'a, ma' anuli iłque łocuaiya.

Ma' anuli timilhuo' lan caitsi Espiritu, łehuoc'ocoyołtsi locutsuya ŁanDios Łalcuxeponga'.

⁵ Jouc'a timilhuo' Jesucristo. Iłque tuya'e' ma le'a al linca. Iłquiya imapa, imaf'inapa, aimimaconaya. Tołta'a i'ipa iłpima iłniya petsi jouc'a timaf'ina'me. Iłque cal Te'a limaf'inapa tołta'a. Ticuxela' lan tsilaj quincuxepá nomana' fa'a li'a łamats'.

Jesucristo ał'enga' capic'a. Ixcuajaipa lijuats', i'najtsecopa łaljunac'. Tołta'a aluhualp'onga' lixcay łal'ep'a, iłe ałfi'eponga'. ⁶ Ał'eponga' ixanuc' ŁanDios Łalcuxeponga', iłquiya i'Ailli' Jesucristo. Ał'eponga' e'ailli' ŁanDios, ał'eyi lipenic'.

Iłque Jesucristo ma' anDios. Ma' iłque ticuxe jahuary. ¡Ma tołta'a ti'ila'! Amén.

⁷ ¡Tolsinle! Iłque icuaico'ma jouc'a łummahuay. Tixim'me iłniya lixcai'epá jouc'a jahuary lan xanuc'. Iłne petsi naihuejpá quilituca' liłpicuejma' tijolij'me caxpaiqui'. Ticuis'e'mołtsi: ¿Te cal'iyaconga'?

Ne'. Ma tołta'a ti'ila'. Amén.

⁸ Minescoyoxi łalPoujna ŁanDios ticua: “Iya' cacui'iyoxi A, cacui'iyoxi Z. Jahuary iya' aipangopa, jahuary iya' cajou'ne'ma. Iya' capa'a itsiya, li'ipa ma' anuli capa'a, ma' iya' łalfcuaiya. Ailopa'a cal'onłcoya, jahuary cacuxe.”

⁹ Iya' ninJuan olp'ima, ma' anuli lihuejyi Jesús. Ma' anuli ałtelcoyi. Imanc' illanc' ma' anuli ixanuc' Łalcuxeponga', iłque Jesús. Małmana' fa'a li'a łamats' ma' anuli ałsnet'lyi imanc' illanc'.

Iya capa'a jifa'a al isla Patmos. Ałixtuc'opa, alummepa jifa'a al isla. Ałixtuc'opa lainuya'apa litaiqui' ŁanDios, lainu'iyalepa naiłtsi iłque Jesucristo. ¹⁰ Fa'a łamats' Patmos icuaiłtsi al domingo, iłe litine lacui'imp'a “Itine łalPoujna”, cal Espiritu Santo ałcuxe iya' laipicuejma'. Jilpe laixpula' aicuej'ma ałpalaic'o. Ujfxi tipalay. Ti'onłcospa to mi-fus'mim'me anuli al trompeta. ¹¹ Ałmi: “Iłta'a lofximpa tainiłijnla'. Topu'nijnla' jilpe loje'e. Tijouł'a' tomme'etsola' lopimaye iłta'a al je'e. Iłne nafot'łepołtsi lan caitsi quilełołya' lo-mana' łamats' Asia. Tomme'etsola' łapimaye nafot'łepołtsi liłya' Éfeso, jouc'a nafot'łepołtsi liłya' Esmirna, jouc'a nafot'łepołtsi liłya' Pérgamo, jouc'a nafot'łepołtsi liłya' Tiatira, jouc'a nafot'łepołtsi liłya' Sardis, jouc'a nafot'łepołtsi liłya' Filadelfia, jouc'a nafot'łepołtsi liłya' Laodicea.”

¹² Cacia: “¿Naiłtsi iłque nałpalaic'opa?” Aipai'e'moxi. Aixim'ma acaitsi lan candelero lilanc'ecompa a'oro. ¹³ Jilpe nolojmay lan caitsi candelero tipa'a anuli ti'onłcospa to cal xans. Itoqui lipijahua' ticuaispa mane li'mitsi'. Lofi'ecopa łunxajma' a'oro. ¹⁴ Lijuac afujca, ti'onłcospa to al moł, o ti'onłcospa to cal nieve. Li'u' ti'onłcospa to hipal'cunga. ¹⁵ Li'mitsi' tepalc'o'i, ti'onłcospa to mipi'em'me łatejma' iłe acobre lopi'empa. Lipalaijma cacueca to muna'e', to axpe' panay. ¹⁶ Jilpe al c'a quimane ti'noli acaitsi lan xamna. Lico

tipamma litoqui cutsilo oque' lipix'ay juaiconapa ix'aic'iya. Li'a ti'onkospa to cal 'ora micuaita menac'o, tepalc'o'i juaiconapa.

¹⁷ Laiximpa tohta'a iya' ninJuan atspajma juaiconapa. Necangenni li'mitsi' to joupa ałmapa. Itque atspayaf'pa al c'a quimane. Ałmi: "Aimixpaij'mo'. Iya' NinTe'a. Iya' NiJoujma. Lipangopa lema'a li'a łamats' ma capa'a. Tijou'mola' ma' anuli capajm'ma.

¹⁸ Ma' iya' NanDios, Nimaf'i'. Iya' łınca' ałma'apa, ałmapa. Itsiya ałsınla', ma' aimaf'i'. Aimałmaconaya. Iya' cacuxe lamaya, cacuxe pe lomana' limanapola'.

¹⁹ "Joupa aimuc'ipo' naitsi iya' capalaic'ohuo'. Toliya tainiıta' loximpa, topu'nijnla' loya'apa iıiya, jouc'a tainiıta' lo'ıya.

²⁰ "Iıniya lan caitsi lan xamna loximpola' jilpe al c'a caimane, jouc'a iıniya lan caitsi candelero loximpola' aıcoxina' te loya'apa iıe loximpa. Iıne lan caitsi lan xamna ti'onkospola' to lilepaluc' lapimaye łefot'łepola' ŁanDios, iıne nafot'łepołtsi lan caitsi quıleloıya'. Lan caitsi candelero ti'onkospola' to lapimaye nafot'łepołtsi jilpe lan caitsi quıleloıya'.

2

Ita'a itje'e lapimaye nomana' liıya' Éfeso

¹ "Ima' tainiı'ela' hilepaluc lapimaye nafot'łepołtsi jilpe Éfeso. To'ıta': 'Tipalaic'ohuo' itque ts'i'notila' lan caitsi lan xamna jilpe al c'a quimane. Itque no'huapa nolojmay lan caitsi candelero. Itque timihuo': ² Quimetsaıcohuo' te ts'i'ic' lof'epa. Aixina' to'ay laipenic', toxnet'ıqui jahuay lo'ipo'. Toxina ipime lapajnya jilpe pe lomana' lixcay xanuc'. Joupa oxingufpola' pe nonescopołtsi: İllanc' ninc'apóstole. İne a'i apóstole. Joupa oximpola' mane infel'miyale. ³ Tama toxina ipime lapajnya, ał'nujuaitsi iya', ti'hua toxnet'ıqui, aikuıxojhuo'. ⁴ Łınca tipa'a lof'epa aimalatenıma. Al te'a ał'epa capic'a juaiconapa. Itsiya a'i. Xonca aıjtine mał'ay capic'a. ⁵ Camihuo': Tocomma acueca' mecangemma. To'nujuaitsi lo'ejma' al te'a. Toxhuej'menanni. İe lo'epa li'ıpa to'econıta'. Ja'ni aimox-huej'menamma aimաcoıya cacuaıconno ma pe lofpa'a. Quılınc'e'e'mo' locandelero. Aimıpajınconaya pe lopa'a. ⁶ Łınca tipa'a al c'a lof'epa. Pe lecui'impola' lan nicolaita to'ay copılaic' lo'epa iıniya. Iya' jouc'a ca'ay capılaic' lo'epa. ⁷ Naitsi nocuejpa tıquımf'ela' iıe lataıqui' loya'apa cal Espıritu Santo ma mıpalaic'ola' lapimaye iıne ixanuc' ŁanDios, itque łefot'łepola'. Małniya lapimaye nafoıyomma lan caitsi quıleloıya'. Naitsi nolıjya capi'i'ma lane titeta hı'as al 'ec lopa'a nolojmay łequeya ŁanDios. İe łaqueya łecui'ımpa al Paraıso. Naitsi noteja iıe hı'as aimımaya nulemma.'

Ita'a itje'e lapimaye nomana' liıya' Esmirna

⁸ "Jouc'a tainiı'ela' hilepaluc lapimaye nafot'łepołtsi Esmirna. To'ıta': 'Fa'a tipa'a laıfnespa iya' ninTe'a, niJoujma. Iya' ałma'apa, ałmapa, aimaf'ınapa, itsiya aimaf'i'. ⁹ Iya' quimetsaıcohuo' te ts'i'ic' lof'epa, te ts'i'ic' loftelcopa, te ts'i'ic' lopepajnya. Aixina' ailopa'a co'huexi fa'a li'a łamats'. Tama ailopa'a co'huexi caxinghuo' acueca' o'hueca. Jouc'a aixina' te ts'i'ic' lonesc'epo' lan judıo nocuapá: Ma' illanc' ixanuc' ŁanDios. İne a'i quıxanuc' ŁanDios, mane łefot'łepola' Satanás. ¹⁰ Łınca xonca totelcocoıa'ma. Aimixpaij'mo'. Łonta'a joupa ixpic'epa lo'eya. Hualca lopimaye tummem'mola' lacarza, tehuai'im'mola'. İmbama' quıtine tıtelcota. İma' ti'hua lihuejla'. Tama tımitso': Ałma'a'mo', aimopai'i'moxi lopıcuejma'. Tijouıta' quımetsaıco'mo' i'hua cal Cuecaj Rey. Capi'ıcona'mo' lopıtine aimıjouya. ¹¹ Naitsi nocuejpa tıquımf'ela' iıe lataıqui' loya'apa cal Espıritu Santo ma mıpalaic'ola' lapimaye, iıne ixanuc' ŁanDios, itque łefot'łepola'. Małniya lapimaye nafoıyomma lan caitsi quıleloıya'. Naitsi nolıjya aimımaconaya. İe al Cueca' Camaya ailopa'a co'e'eya itque.'

Ita'a itje'e lapimaye nomana' liıya' Pérgamo

¹² "Jouc'a tainiı'ela' hilepaluc lapimaye nafot'łepołtsi Pérgamo. To'ıta': 'Fa'a tipa'a laıfmıpo' iya' ts'ai'hueca laıcutsilo oque' lipix'ay ix'aic'ıya. ¹³ Iya' quımetsaıcohuo' te

ts'i'ic' lof'epa. Nimetsaijma te ts'i'ic' jilpe lofpa'a. Jilpe ma ticuxe Satanás. Aixina' ima' ti'hua lihuequi, ti'hua al'huaiyinge, aicoménajyoxi. Jilpe petsi ticuxe Satanás ima'ampa lolpima Antipas, itque ma' aínca uya'a'ma laitaiqui', u'iyale'ma naitsi iya'. Jilpe litiné aiquixpaijhuo', aicopai'i lopicuejma'. ¹⁴ Linca tipa'a oque' afane' lof'epa aimalatenl-cocojma. Tolafot'leyotsti anuli lan xanuc' ituca' lomuc'iyalepa, lit'ejma' ituca'. Ine lan xanuc' tihuejyi litaiqui' Balaam, itque imuc'i'ma Balac lo'eya ja'ni tuc'uilitisufe'mola' lan xanuc' Israel. Tofta'a ine lan xanuc' Israel ite'me lixic' joupa itsufcompola' landiosla', jouc'a ehue'me laca'no'. ¹⁵ Ma' anuli tolafot'leyotsti ihniya petsi lecui'impola' lan nicolaita. ¹⁶ Camihuo': ¡Toxhuej'menni! Ja'ni a'i aimalcoya, cacuita pe lofpa'a. Cafuli'icotola' ihniya lan xanuc'. Caxcai'ecotola' ita'a laicutsilo laipayomma laico. ¹⁷ Naitsi nocuejpa tiquimf'ela' ite lataiqui' loya'apa cal Espíritu Santo ma mipalaic'ola' lapimaye, ine ixanuc' LanDios, itque tefot'lepola'. Mahniya lapimaye nafolyomma lan caitsi quitelolya'. Naitsi nolijya capi'i'ma lane titefa' ta'i LanDios locupa, lacui'impacal maná. Itque lemiya ca'i, locuenaye xanuc' aiquilsina' pe lopa'a itque cal maná. Itque nolijya capi'i'ma jouc'a cal fujca capic. Itque lapic tihijnya al ts'e caftine. Naitsi lapenufyacal fujca capic itque linca timetsaico'ma liniliya ite al ts'e caftine, locuenaye aimixinyacu.'

Ita'a itje'e lapimaye nomana' litya' Tiatira

¹⁸ "Tainil'ela' hilepaluc lapimaye nafot'lepotsi litya' Tiatira. To'ila': 'Fa'a tipa'a laifnespa iya' i'Hua LanDios. Iya' lai'u' ti'onlcospa to hipal'cunga, lai'mitsi' ti'onlcospa to mipi'em'me latejma' ite acobre. ¹⁹ Iya' quimetsaicohuo' te ts'i'ic' lof'epa. Aixina' to'ehuale capic'a, aixina' loftoc'iyalepa, aixina' toxnet'iqui jahuay lo'ipo'. Aixina' li'ipa o'e'ma al c'a. Itsiya xonca acueca' al c'a lof'epa. ²⁰ Linca tipa'a lof'epa aimalatenlcocojma iya'. Jilpe tapi'i' lane laca'no' Jezabel, itquiya inescopoxi aprofeta. Ticua: Cuya'e' linespa LanDios. Itque mimuc'ila' laixanuc' tifel'mila', tofta'a ine tehueyi laca'no', titeji lixic' joupa itsufcompola' landiosla'. ²¹ Iya' joupa ai'huaicopa tixhuej'menanni lo'epa nix-piya. Aiquixhuej'meya. Aiquicuac'. ²² ¡Toxinla'! Acueca' cate'li'mi'ma laca'no', ti'i'ma quicuana. Tipanehuo' jilpe lihualfa, aimi'iya mitsahueya. Itque laca'no' lo'epa ti'onlcospa to lan xanuc' Israel li'epa. Ine li'ipa enajpotsi hilenDios, ihuej'me landiosla'. Jilpe pe lofpa'a, petsi aimixtuc'oyacu itque laca'no' lo'epa, ihniya cate'li'mi'mola' acueca'. Tofta'a laif'e'eyacola' ihniya ja'ni aimixhuej'menamma, ja'ni aimimetsaicoyi lixcay lo'epa itquiya laca'no'. ²³ Linaxque' laca'no', ine ts'ilihuequi, cama'a'mola' nulemma. Tofta'a limet-saico'ma iya' jahuay lapimaye ni petsi lafolyomma. Ti'i'ma quilsina' naitsi iya', iya' linca caxina te ts'i'ic' cal xans lipicuejma'. Petsi xonca lemiya iya' caxina. Ma to lonf'epa tofta'a ca'najtse'e'molhuo' anuli anuli. ²⁴ Imanc' unc'ocuenaye nolmana' jilpe litya' Tiatira, ituca' laifmiyacolhuo'. Imanc' aicolihuequi lomuc'iyalepa laca'no'. Aicolapenufi lataiqui' lacui'impacal: Lataiqui' ipime xom. Ite ma litaiqui' Satanás. Imanc' joupa olsina' te ts'i'ic' licuxe'empolhuo', ailopa'a xonca caifcuxeyacolhuo'. ²⁵ Ma le'a camilhuo': Imanc' joupa olapenufpá Lataiqui'. Ma tolihuejle. Aimolanaj'moltsi. Tama iya' ailaifpa'a ti'hua lihuejla', cacuaiconno. ²⁶ Naitsi nolijya, naitsi jahuay lipepajnya ti'hua ti'ay lalatenlcocoya iya', itque capi'i'ma limane ticuxe'mola' locuenaye xanuc', ine petsi aimimetsaicoyi LanDios. ²⁷ LanDios ujfxi ticuxe'mola' ihniya lan xanuc'. Ti'onlcotola' to lapixu. Tepaco'mola' anuli lapaluc ilanc'ecompa atejma'. Ti'em'mola' epi' epi'. Tofta'a laimane joupa alapi'ipa cai'Ailli', ma tofta'a limane capi'i'ma cal xans nolijya. ²⁸ Jouc'a capi'i'ma cal xamna quikic'ejma'. ²⁹ Naitsi nocuejpa, tiquimf'ela' ita'a lataiqui' loya'apa cal Espíritu Santo ma mipalaic'ola' lapimaye, ine ixanuc' LanDios tefot'lepola'. Mahniya lapimaye nafolyomma lan caitsi quitelolya'.

3

Ita'a itje'e lapimaye nomana' litya' Sardis

¹ "Tainil'ela' hilepaluc lapimaye nafot'lepotsi liya' Sardis. To'ila': 'Fa'a tipa'a laifnespa iya' ts'ai'hueca lan caitsi li'Espíritu LanDios, jouc'a ai'nohila' lan caitsi lan xamna. Iya' quimetsaicohuo' te ts'i'ic' lof'epa. Ticuanni ima' omaf'i'. Iya' caxingufhuo' joup'a imapo'.
² Ima' tomaf'i'ixoxi, topo'nohla' cuenna. Tofaxoxi lopicuejma', to'econa'ma al c'a. Ja'ni a'i, aimi'iya mo'econaya. Jahuay lo'epa aixina' ailopa'a quetenlcocojma LanDios, ni anuli. Jahuay lo'epa tehue'e'.
³ Camihuo': To'nujuaiti te ts'i'ic' lataiqui' lomepenufpa, ile joup'a oquimf'epa. Taihuejla'. Toxhuej'menni. Ja'ni aimopo'nohuo cuenna iya' cacuaihuo to micuaihuo cal namas no'huapa lipuqui'. Toxim'ma laxpaiqui'.
⁴ Linca jilpe Sardis timana' oquexi' afantsi loxanuc' aiqixis'mecoyołtsi. Ihe mane afujca lipijahua'. Latenlcocojma. Le'me anuli.
⁵ Naiti nolijya tipo'no'im'me al fujca lipijahua'. Lipuftine tipanehuo jilpe al je'e peti linilingila' lipuftine ihe limaf'ila'. Aicatufc'eya lipuftine. Pe lomana' cai'Ailli' y lepaluc' quema'a iya' cu'itola': Ique cal xans tohla'a lipuftine, linca lihuequi.
⁶ Naiti nocuejpa, tiquimf'ela' ile lataiqui' loya'apa cal Espiritu Santo ma mipalaic'ola' lapimaye ihe ixanuc' LanDios, ique lefot'lepola'. Mañiya lapimaye nafałyomma lan caitsi quitelołya'.

Ita'a ije'e lapimaye nomana' liya' Filadelfia

⁷ "Tainil'ela' hilepaluc lapimaye nafot'lepotsi Filadelfia. To'ila': 'Fa'a tipa'a laifnespa iya' ninLinca, nimPaxi. Iya' ai'hueca iyahui cal rey David. Iya' ti'hua laimane caxi'e'ma, tijouhla' ailopa'a noxnifcoya. Jouc'a ti'hua laimane caxnifco'ma, tijouhla' ailopa'a naxi'eya.
⁸ Iya' quimetsaicohuo' te ts'i'ic' lof'epa. Aiximpo' ile litine, tama a'ij cueca' lopujfxi, ma ti'hua taihuejcojma laitaiqui'. Ima' aicomenałyoxi, ti'hua lihuequi. Tohla'a jilpe lopiłya' ainexi'epa anuli al puerta. Ihe al puerta ailopa'a noxnifcoya.
⁹ Alcuejla', cu'ilhuo' laif'eya. Joup'a aixpic'epa lo'iyacola' ihe lefot'lepola' Satanás, iñiya infel'miyale judío, ihe lonespa a'ij linca. Tinesyi: Ma le'a illanc' ixanuc' LanDios. Iñiya a'i quixanuc' LanDios. Ihe ticuaita pe lofpa'a, texc'onhingołai'mo' jilpe lo'mitsi'. Timetsaico'mo' iya' ai'epo' capic'a.
¹⁰ Ima' linca oxnet'łpa, omihuequi laitaiqui' lałpalaicopa iya' laixnet'łpa. Tuya'e' toxnet'łha' jouc'a. Tołiya ca'e'mo' cuenna ticuaiti al cueca' catełcoya locuaicoya. Ihe latełcoya tixingufco'me lan xanuc' nomana' ni peti li'a łamats', tehuai'i'mola'.
¹¹ ¡Alcuejla'! Iya' aimatcołya, cacuaicocono. Ima' tipa'a ts'o'hueca, ile lainepi'ipo'. To'e'ela' cuenna. Ja'ni a'i aimimetsaiconyaco' ima' i'hua LanDios, ique cal Cuecał Rey.
¹² Naiti nolijya capo'no'ma nulemma jilpiya lixoute' łainenDios. Jilpe ti'onłcota to limula joup'a lifayipa. Małpe al xoute' tipanehuo, aimipaya. Ique cal xans quiniłinc'e'ma afane' laftine. Quiniłinc'e'ma lipuftine łainenDios. Quiniłinc'e'ma lipuftine lipiłya' łainenDios, iłiya liya' al ts'e quiliya' Jerusalén laimuyoya lema'a pe lopa'a łainenDios. Jouc'a quiniłinc'e'ma al ts'e laipuftine.
¹³ Naiti nocuejpa, tiquimf'ela' ita'a lataiqui' loya'apa cal Espiritu Santo ma mipalaic'ola' lapimaye ihe ixanuc' LanDios, ique lefot'lepola'. Mañiya lapimaye nafałyomma lan caitsi quitelołya'.

Ita'a ije'e lapimaye nomana' liya' Laodicea

¹⁴ "Tainil'ela' hilepaluc lapimaye nafot'lepotsi liya' Laodicea. To'ila': 'Fa'a tipa'a laifnespa iya'. Iya' ninAmén. Calinc'i jahuay loxpice'epa LanDios. Iya' cuya'e' al linca, aica'eyoxi ma le'a laipicuejma'. Jahuay LanDios lixpice'epa tilanc'ente ma' iya' aipangopa, ailanc'epa.
¹⁵ Iya' quimetsaicohuo' te ts'i'ic' lof'epa. Aixina' lo'ejma'. Ma' afule malihuequi. Iya' ca'onłicohuo' to laja' a'i quinu' a'i quitinuhua.
¹⁶ Ca'onłicohuo' to laja' huata caquinu'. Tohla'a caxits'ehuo', aicaxnet'łconaya, canajcuf'mo'.
¹⁷ Tocua: Iya' ai'hueca. Acueca' ile lainulijpa, ailopa'a calahue'epa. Ima' aicoxina' te ts'i'ihuo'. Ima' a'ijc'a juaiconapa lofmuyaicopa. Ima' uncueca' cuanuc', ailopa'a co'hueca, ima' umfo', tocomma um-mila.
¹⁸ Cu'ihuo' lof'eya: To'nała' iya laifcujpa. To'nała' co'oro joup'a ipi'empa lipifuc, ma ipa'ampa łunga. Tohla'a ti'i'mo' ts'o'hueca. To'nała' copijahua', ile al fujca lopijahua', topo'nohla'. Tohla'a aimi'iconaya cum-mila. Aimotaiya calaic'ata. To'nała' comełxi, tomet'łila' lo'u', tijouhla' al c'a tahuetsale'ma.
¹⁹ Jahuay laif'epola' capic'a,

ja'ni ixcay lo'epa, iya' catale'mola', caxc'ai'i'mola', tipai'itsołtsi li'ejma'. Ti'ete al c'a. Tołta'a camilhuo' anuli anuli imanc': Toxpice'ela' lihuejla' al c'a. Toxhuej'menanni li'ipa lo'ejma'. ²⁰ ¡Ałcuejla! Joupa aicuai'ma, caje'e' fa'a al puerta. Cal xans nałquimf'eya iya' laifpalaipa, laxi'ela' al puerta, iya' catsufai'ma jilpe lejut'ł, ałsmoco'me nuli. ²¹ Naitsi nolijya capi'i'ma lane ałcutsołai'me fa'a pe laifcutsuya, ałcuxe'me nuli. Iłque lo'iya ti'i'ma to iya' la'ipa. Iya' ate'a ainulijpa, lijoupa aicutsingaipa pe locutsuya cai'Ailli', ałcuxeyi. ²² Naitsi nocuejpa, tiquimf'ela' iłta'a lataiqui' loya'apa cal Espıritu Santo ma mipalaic'ola' lapimaye iłne ixanuc' LanDios, iłque łefot'łepola'. Małniya lapimaye lafołyomma lan caitsi quılelołya'."

4

¹ Lijoupa lałmipa tołta'a aiximpa jilpe lema'a tipa'a al puerta exiya. Aicuejcona'ma ałpalaic'o. Iłque lopalaipa ti'onłcospa to mifus'mim'me al trompeta. Iłque ałmi: "Tof'acunni. To'huanni fa'a. Camuc'i'mo' lo'iya. Iłe laifmuc'iyaco' al linca, ma ti'i'ma." ² Małpe 'hora aixingufcopa cal Espıritu Santo ałcuxe jilpe laipicuejma'. Jilpe lema'a aiximpa lexpats'qui li'nofquiya. Jilpe tipa'a al 'asiento acueca' to li'asiento lan rey. Iłe al 'asiento tipa'a naitsi nocutsafya. ³ Iłque Nocutsuya li'a tocomma mane epalc'o', to lepalc'opa lapic' liłpuftine ajaspe y acornalino. Jilpe lexpats'qui li'nofquiya canumicay tipa'a lupaje. Iłe lupaje tepalc'o'i axhuaica to lepalc'opa łapic cuftine esmeralda. ⁴ Aixim'mola' anuxans malpu' lan tsilaj asiento. Ticutsafcołanna anuxans malujxi' lan tsilaj xanuc' noxpıjpa' lataiqui'. Lexpats'qui li'nofquiya lopa'a nolojmay iłniya. Iłne anuxans malujxi' lan tsilaj xanuc' afujca liłpijahua'. Jilpe liłjuac anuli anuli itaic' licorona ilanc'ecompa a'oro.

⁵ Jilpe lexpats'qui li'nofquiya tixcafi, tipalołaiyi, tuna'e'. Lihuec'ocojma lexpats'qui li'nofquiya tunaqui acaitsi lepalaic'o', iłne lan caitsi li'Espıritu LanDios. ⁶ Lihuec'ocojma lexpats'qui li'nofquiya tipa'a tocomma to łaja lilanc'ecompa apulu, al c'a vidrio cuftine acristal. Iłe al vidrio ti'i'ma tixim'ma acajm'maica. Pe lopa'a lexpats'qui li'nofquiya, iłniya lam malpu' qui'esquina, nolojmay jilpe aixim'mola' amalujxi' lam paxi quinneja. Iłne imanna ca'u'. Iłne liłspula' jouc'a liłcu'u imanna pangay ca'u'.

⁷ Cal te'a linneja ti'onłcospa to calxmu. Locuena ti'onłcospa to cal toro. Locuena'ya li'a ti'onłcospa to li'a cal xans. Locuena'ya ti'onłcospa to cal cuecaj cui łaiyupa. ⁸ Lam malujxi' quinneja anuli anuli tipa'a acamts'us łixala'. Iłniya liłxala' imanna pangay ca'u'. Jilpe liłxpula' quılxala' liłjuhuay tipa'a pangay ca'u'. Jouc'a licu'u quılxala' tipa'a pangay ca'u'. Iłniya linneja aimixospola'. Itine ipuqui' tuya'ayi:

"Apaxi, apaxi, apaxi łalPoujna LanDios,
iłquiya cal Cuecaj Rey, jahuay ticuxe.

Li'ipa ma tipa'a, itsiya tipa'a, ma' anuli iłque locuaiya."

⁹ Iłniya lam malujxi' quinneja tołta'a lopalaicopa LanDios. Timetsaicoyi anDios, timetsaicoyi cal Cueca'. Tix'najtsi'iyi małquiya Nocutsuya jilpe lexpats'qui li'nofquiya. Iłquiya ti'hua imaf'i, aimimaya. ¹⁰ Mipalaiyi tołta'a iłniya linneja, lan nuxans malujxi' lan tsilaj xanuc' noxpıjpa' lataiqui', texc'onłngolołaiyi łamats' ehuoc'oco'me Nocutsuya jilpiya lexpats'qui li'nofquiya. Iłquiya imaf'i, aimimaya. Tipa'ayi liłcorona, tipo'noyi małpe huejnca lexpats'qui li'nofquiya. Timiyi Nocutsuya jilpe:

¹¹ "Ma' ima' małPoujna, ma' ima' malanDios.

Ma' ima' jahuay nipajnya to'e'ma.

Ailopa'a cocuena całnescoyacu tołta'a, aimi'iya.

Ima' olanc'epola' jahuay.

Al te'a ailopa'a, ma' ima' oxpic'epa ti'ila', oxpic'epa tilanc'em'me."

5

¹ Aixim'ma anuli al je'e ijuisquiya i'no'l'ma al c'a quimane itque Nocutsuya jilpe lexpats'qui li'nofquiya. Ite al je'e inilingiya jilpe licu'u jouc'a lixpula', acaitsi cal sello enantsi'icoya. ² Aixim'ma anuli cal cuecaj capaluc quema'a, tipalay ujfxi, ticua: “¿Naitsi ti'i'ma tits'al'ma lan sello, tuxpalaif'ma lunts'iquiya al je'e?” ³ Ailopa'a nots'atya lan sello, muxpalaif'ya al je'e. Ni jilpe lema'a ni li'a lamats' ni al 'ocay camats'. ⁴ Aijoj'ma juaiconapa. Ailopa'a noxpalaif'ya al je'e mixhueya, ni mehuelojnya. Ni anuli mi'iya. ⁵ Anuli ihniya lan tsilaj xanuc' alpalaic'opa, almi: “Aimojoj'ma. Toxinla', jifa'a tipa'a itque lecu'i'impa calXmu. Cal te'a litatahuelo cuftine Judá. Itquiya Judá jouc'a itatahuelo David. Itque lecu'i'impa calXmu joupa ulijpa. Totla'a ti'i'ma tits'al'ma lan caitsi sello, tuxpalaif'ma lijuisquiya al je'e.”

⁶ Aixim'ma anuli La'huaj Moł tecaxu jilpiya. Itque ti'onlcospa to la'huaj moł hima'ampa, hitsufcompa LanDios. Tecaxu mane ehuoc'ocojma lexpats'qui li'nofquiya. Lijuihuay timana' lam malujxi' lam paxi quinnejaja jouc'a lan nuxans malujxi' lan tsilaj xanuc'. Itque La'huaj Moł tipa'a acaitsi lipecala, acaitsi li'u'. Ine li'u' lan caitsi li'Espíritu LanDios, joupa ummempola' tiyete ni petsi li'a lamats'. ⁷ La'hua Moł i'hua'ma, i'no'l'ma lijuisquiya al je'e, ite li'no'l'ma al c'a quimane itque Nocutsuya jilpe lexpats'qui li'nofquiya.

⁸ Lijou'ma li'nołpa al je'e La'huaj Moł, epatshuolai'me lam malujxi' lam paxi quinnejaja jouc'a lan nuxans malujxi' lan tsilaj xanuc', tummoc'oyi La'hua Moł. Ihniya lan tsilaj xanuc' anuli anuli tipa'a li'harpa jouc'a itaica' litaza lilanc'ecompa a'oro, imanna hipac'ec, ite locuajmaispa loxahue'epa lixanuc' LanDios, ihniya i'huexi LanDios. ⁹⁻¹⁰ Ine lan tsilaj xanuc' ats'e lonac'copa. Litaiqui' tuya'e':

“Ima' joupa ima'ampo', otsufcopa lojuats', o'najtsepa lijunac' lan xanuc' ni petsi liyouy-omma.

Ine lan xanuc' ituca' ituca' litaiqui', ituca' ituca' lipi'ya', ituca' ituca' lincación.

O'epola' ixanuc' lanDios, itque cal Cuecaj Rey.

O'epola' a'aillí, mepi'ipola' lincane, ticuxeta li'a lamats'.

Tohya icueya lomane, o'nołpa lijuisquiya al je'e, ti'i'ma tots'al'ma lisello.”

¹¹ Lijou'ma aixim'mola' axpela' lapaluc' quema'a. Ihniya timana' canumicay lan tsilaj xanuc' petsi al canumicaica lam paxi quinnejaja, ihniya linnejaja tecaxhuolanna lam malpu' qui'esquina lexpats'qui li'nofquiya. Tołta'a lexpats'qui li'nofquiya lopa'a nolojmay jahuay ihniya. Axpela' axpela' ihniya lapaluc' quema'a nomana' jilpiya. Aimi'iya mox-huej'meyacola'. Aicuej'ma tipalquinni. ¹² Tipalaiyi ujfxi, ticuayi:

“La'hua Moł, itque ima'ampa, itsufcompa, małque ti'i'ma tepenuf'ma la'alabanza.

Itque nipajnya ti'e'ma jahuay, jahuay i'hueca, ailopa'a cahue'epa,

xonca acueca' lipicuejma', ailopa'a nolijya tołta'a.

Itque xonca ipujfxi, xonca timetsaicom'me,

timetsaicoyi al Cueca' Xonca.

Itque ma' anDios.

¡Ałs'najtsi'ite!”

¹³ Lijou'ma aicuej'mola' tipalquinni jahuay ts'ihmaf'i' lilanc'epola' LanDios. Ihniya nomana' lema'a, nomana' li'a lamats', nomana' al 'ocay lamats', nomana' łaja. Ni petsi ticuayi: “Ałs'najtsi'ite itque Nocutsuya lexpats'qui li'nofquiya, alimetsaicote cal Cueca' Xonca.

Itque ma' anDios, jahuay ticuxe.

Ma' anuli ałs'najtsi'ite La'hua Moł.

Tijahuamlaicota litine tołta'a ti'ila'.”

¹⁴ Lam malujxi' lam paxi quinnejaja ticuayi: “Tołta'a ti'ila'. Amén.”

Lan tsilaj xanuc' exc'onlingolai'me, tummoc'oyi Nocutsuya lexpats'qui li'nofquiya, jouc'a tummoc'oyi La'hua Moł.

6

¹ Iya' cahuelonge, aixim'ma Ła'hua Moł lits'al'ma anuli ihniya lan caitsi sello. Aicuej'ma tipalay anuli ihe lam malujxi' lam paxi quinnejaja, tocomma to muna'a'ma. Ticua: “iTo'huanni!” ² Lijou'ma aixim'ma joupaja icuai'ma anuli cal fujca caihuala. Łocutsafya łaihuala i'noli lomf'ants'. Epi'im'me licorona, ipanni tulijcale. Linca ti'hua tulijcale-cona'ma.

³ Ła'hua Moł lits'al'cona'ma łocuena sello, aicuej'ma tipalay łocuena ihe lam malujxi' lam paxi quinnejaja. Ticua: “iTo'huanni!”

⁴ Icuai'ma łocuena caihuala. Iheque łaihuala ma' unxali. Iheque łocutsafya epi'im'me limane ti'e'ma tifulele lan xanuc' nomana' li'a łamats', tima'a'mołtsi anuli anuli. Epi'im'me juaiconapa itoqui licutsilo.

⁵ Lijou'ma Ła'hua Moł its'al'cona'ma łocuena sello. Tołta'a i'ipa afane' lan sello lits'al'pola'. Aicuej'ma tipalay łocuena ihe lam malujxi' lam paxi quinnejaja. Ticua: “iTo'huanni!”

Aixim'ma icuai'ma łumi caihuala. Iheque łocutsafya łaihuala i'noli calxpicołma. ⁶ Aicuej'ma tocomma tipalquinni jilpe nolojmay pe lomana' ihe lam malujxi' lam paxi quinnejaja. Ticuayi: “Linca ti'i'mola' huata cal trigo, lan cebada. Tiłof'ma liłpitali. Anuli kilo cal trigo liłpitali lolijpa anuli quitine cal xans. Afane' kilo lan cebada liłpitali lolijpa anuli quitine cal xans. Timanecu lan oliva laipamma caceite, jouc'a lan 'uva laipamma al vino. Ihniya aimomints'e'mola'.”

⁷ Lijou'ma Ła'hua Moł its'al'cona'ma łocuena sello. Tołta'a i'ipa amalpu' lan sello lits'al'pola'. Aicuej'ma tipalay łocuena quinnejaja, ticua: “iTo'huanni!”

⁸ Aixim'ma icuai'ma łefouc'o łaihuala. Tocomma ailopa'a quijuats'. Iheque łocutsafya łaihuala lipuftine Lamaya. Ihuequi anuli cuftine Hades. (Tołta'a lecu'i'mpa jilpe pe lomana' lamizhua.)

Iheque łocutsafya łaihuala epi'im'me limane ticuxe'ma hualca li'a łamats'. Petsi petsi ticuxe'ma hualca. Ni petsi locuxeya iheque tima'a'mola' lan xanuc'. Hualca tima'aco'mola' acutsilo. Hualca tima'aco'mola' cumemma. Hualca tima'aco'mola' al cuana. Locuenaye tima'a'me lan ximalo quinnejaja.

⁹ Ła'hua Moł its'al'cona'ma łocuenaj sello. Tołta'a i'ipa amaque' lan sello lits'al'pola'. Aixim'mola' lił'alma lapimaye nimanapola'. Ihniya nepenufpá litaiqui' ŁanDios, uya'a'me, ihuej'me ihe lataiqui'. Tołhiya ixtuc'om'mola', ima'am'mola'. Ihniya lił'alma timana' al 'ocay jilpe al altar. Ihe al altar ti'onłcospa to al altar petsi titsufcoyi ŁanDios. ¹⁰ Ihniya tija'ayi ujfxi, ticuis'eyi, timiyi ŁanDios: “Ima' małPoujna, illanc' omozó. Ima' umPaxi, ima' unLinca, aimofel'miyale. ¿Te ti'hua ticoł'mo'? ¿Te aimal—linc'iyaconga'? ¿Te aimoteł'miyacola' ihe nałma'aponga'? Ihe jouc'a lił'as xanuc' nomana' li'a łamats', ma' anuli lił'ejma'.”

¹¹ Anuli anuli ihniya nopalaipá tołta'a, umim'mola' afujca liłpijahlua'. Timila': “Tehue'e' huata. Ti'hua tulunxajle. Tixhuai'ni'mola' lołpimaye, ihniya jouc'a imozó ŁanDios liłPoujna. Ihniya jouc'a tima'am'mola'. Tijoułta' tima'antsola' linca cateł'mi'mola' ihe ninma'ahualepá, jouc'a ihniya nima'apolhuo' imanc'.”

¹² Aixim'ma Ła'hua Moł its'al'cona'ma łocuena sello. Tołta'a i'ipa acamts'us lan sello lits'al'pola'. Ihe'ne'ma acueca' cunanto. Cal 'ora i'i'ma umi umi, tocomma to lijahua' mipo'noyi nohuotsopá. Litojpa mut'ła i'i'ma cunxali to lajuats'. ¹³ Lan xamna nomana' lema'a ecangołenca łamats'. Ihe li'ipola' lan xamna ti'onłcospa to lo'iya li'as 'icux mi'hua'ma ujfxi cahua', tife'ne limané al 'ec, łaxhuaica qui'as tecangołecu. ¹⁴ Lema'a ijuis'moxi to anuli al je'e, ijuisquim'me, ejac'e'moxi. Lijualay jouc'a łamats' isla, jahuay ihniya iłonc'em'me. Ailopa'a quipaneya pe lopa'a al te'a. ¹⁵ Li'ipa tołta'a jahuay lan xanuc' inulna'me. Emi'mołtsi lunts'ejay, jouc'a emi'mołtsi lijualay pe lopa'a lan tsilaj capic'. Ihe lan xanuc', ja'ni lan rey nocuxepá fa'a li'a łamats', ja'ni lan tsilaj xanuc', ja'ni lan tsilaj soldado nocuxepá lił'as soldado, ja'ni lan xanuc' ts'il'hueca acueca', ja'ni acueca' quilpujfxi, ja'ni notahuaicopá tipa'a liłpoujnalá, ja'ni ailopa'a quilpoujna, jahuay ma' anuli emi'mołtsi.

¹⁶ Tipalaic'oyi lijualay jouc'a lan tsilaj capic', timiyi: “Tonlacangołenca, alamitsonga'.

Aimałsim'monga' iłque Nocutsuya jilpe lexpats'qui li'nof'quiya. Aimałtel'mi'monga' Ła'hua Moł. Iłque ixtunni. ¹⁷ Joupā icuai'ma al Cuecaj Quitine. Iłne nulemma timuj'me liłpoyac'. ¿Te naitsi noxnet'łya?"

7

¹ Lijou'ma aixim'mola' amalujxi' lapaluc' quema'a tecaxołanna jilpe lam malpu' quiju' łamats'. Iłniya tipa'neyi łahua', aimitsufai'ma ni anuli quiju' łamats'. Aimi'hua'ma cahua' łamats'. Aimi'hua'ma cahua' łaja. Aimi'hua'ma, aimifenna ni anuli al 'ec. ² Aixim'ma icuaico'ma ocuena capaluc' quema'a. Iłque tif'aqui pe łaipammaiyomma cal 'ora. Itaic' lisello Łimafi' CanDios. Tijoc'ila' lam malujxi' capaluc' quema'a, iłniya petsi joupā epenufpá liłmane timints'ełe łamats', jouc'a timints'ełe lopa'a jilpiya. Timints'ełe łaja jouc'a lopa'a jilpiya. Tipalaic'ola' ujfxi, ³ timila': "Toł'huaicołe. Aimołmints'e'me łamats' ni lopa'a jilpiya. Aimołmints'e'me ni anuli al 'ec. Ate'a lunanc'i'mola' cal sello liłepali iłniya no'epá lipenic' ŁanDios, iłque liłPoujna. Tijoułā' tołtel'mi'mola' locuenaye xanuc'."

⁴ Lijou'ma aicuej'ma tojua mimana' iłniya nepenufpá cal sello. Ixhuaitisola' amaxnuj oquej nuxans malujxij mil lan xanuc'. Liłtatahueló iłniya inaxque' cal xans Israel. ⁵ Iłniya lunanc'impola' quilsello, limbamaj coquej mil iłne liłtatahuelo cuftine Judá. Locuenaye imbamaj coquej mil liłtatahuelo cuftine Rubén. Locuenaye imbamaj coquej mil liłtatahuelo cuftine Gad. ⁶ Locuenaye imbamaj coquej mil liłtatahuelo cuftine Aser. Locuenaye imbamaj coquej mil liłtatahuelo cuftine Neftalí. Locuenaye imbamaj coquej mil liłtatahuelo cuftine Manasés. ⁷ Locuenaye imbamaj coquej mil liłtatahuelo cuftine Simeón. Locuenaye imbamaj coquej mil liłtatahuelo cuftine Leví. Locuenaye imbamaj coquej mil liłtatahuelo cuftine Isacar. ⁸ Locuenaye imbamaj coquej mil liłtatahuelo cuftine Zabulón. Locuenaye imbamaj coquej mil liłtatahuelo cuftine José. Locuenaye imbamaj coquej mil liłtatahuelo cuftine Benjamín.

⁹ Lijou'ma aixim'mola' axpela' lan xanuc' efołya jilpiya. Axpela' juaiconapa, aimi'iyā moxhuj'meyacola'. Iłniya quiyoyomma jahuay lan nación lomana' li'a łamats', jahuay liłelołya'. Ituca' ituca' liłtatahueló, ituca' ituca' liłtaiqui'. Iłniya tecaxingołanna tehuelojnyi lexpats'qui li'nof'quiya, tehuelojnyi Ła'huaj Moł. Afujca itoqui liłpijahuā', ił'nołi liłxanghue. ¹⁰ Tipalaıyi ujfxi, ticuayi:

"ŁanDios, Nocutsuya jilpe lexpats'qui li'nof'quiya, jouc'a Ła'hua Moł, ma' iłniya alunłu'eponga'."

¹¹ Jilpe lexpats'qui li'nof'quiya, canumicay, timana' jahuay lapaluc' quema'a jouc'a lan tsilaj xanuc', jouc'a lam malujxi' lam paxi quinnejā. Iłniya ixpats'cołenca ilimetsaijma ŁanDios. ¹² Ticuayi:

"Tołta'a ti'ila', amén.

Ma' łalanDios limetsaico'me cal Cueca', ma' iłque ałmi'me:

'Ima' oxina' jahuay, ima' malanDios, ałs'najtsi'ihuo',

ima' unCueca' Xonca, jahuay ti'i'ma to'e'ma, ima' xonca opujfxi, ima' aimopai'iyoxi.

Itsiya litine jouc'a locuaicoya quitine, tołta'a mopa'a.'

Tołta'a ti'ila', amén."

¹³ Anuli iłne lan tsilaj xanuc' alicuis'epa, ałmi: "Iłniya lan xanuc' afujca itoqui liłpijahuā', ¿naitsi iłne? ¿Petsi quiyoyomma?" ¹⁴ Aitalai'e'e'ma, cami: "Maipoujna, ima' oxina". Iłque ałmi'ma: "Iłniya lipalyomma al cueca' catelcoya. Epajcopa liłpijahuā' lijuats' lixcua-jaıpa Ła'huaj Moł. Tołta'a i'ıpa afujca liłpijahuā', aıcunxalaic'.

¹⁵ "Tołıya itsiya tecaxingołanna tehuelojnyi lexpats'qui li'nof'quiya pe łocutsuya ŁanDios. Iłne itine ipuqui' ti'eyi lipenic' ŁanDios jilpe lipaxi quejut'ł.

Timanecu anuli ŁanDios, iłque Nocutsuya li'nof'quiya, iłque ti'hua ti'e'mola' cuenna.

¹⁶ Aimunle'econayacu, aimicuiconaya quılja'.

Cal 'ora aimipi'econayacola', aimixinyacu ni tołta'a quinu'.

17 La'hua Moł, itque Nopa'a nolojmay laquiju' lexpats'qui li'nofquiya, itque ti'e'mola' cuenna, tixinnola' to imot'ł, itque itPoujna. Tileco'mola' petsi laipayomma laja', ihiya laja' tepi'ila' litpitine aimijouya. LanDios tetufc'ena'mola' lilujay itne lixanuc', aimijojconayacu.”

8

1 La'huaj Moł its'alcona'ma hijoujma sello. Joupa its'atpola' lan caitsi sello. Lijou'ma jilpiya lema'a i-ch'ixco'mola'. Icol'ma to nolojmay 'hora. 2 Aixim'mola' acaitsi lapaluc' quema'a. Ihiya tecaxolanna tehuelojnyi jilpe pe lopa'a LanDios. Ini'im'mola' acaitsi litrompeta. Anuli anuli i'nołi litrompeta. 3 Icuaiyunni ocuena capaluc quema'a. Ecaxingai'ma jilpe al altar pe lopi'eyompa lipac'ec. Ite al altar ehuc'ocojma lexpats'qui li'nof'quiya. Lapaluc quema'a i'nołi lopi'ecompa lipac'ec, lilanc'ecompa a'oro. Epi'im'me acuecaj lipac'ec. Lepi'im'me tipi'eta' ma mixa'hueyi LanDios ihiya i'huexi. Itne noxa'huepá, litaiquí ihiya jouc'a lipac'ec lopipa, tif'ajyomma jilpe al altar lilanc'ecompa a'oro. 4 Lapaluc quema'a mejuaf'i'ma lipac'ec licuxis tif'aqui, jouc'a tif'aqui litaiquí lixanuc' LanDios, itne noxa'huepá. 5 Lijou'ma lapaluc quema'a i'noł'ma lopi'ecompa lipac'ec, ima'ne'ma cunsuac' lopa'a jilpe al altar, eca'ni'ma jilta'a lunsuac', ecangoltenca lamats'. Lijou'ma tunalequi, tija'anni, tuxcuafi, ife'ne'ma inu'ma lunanto.

6 Lan caitsi lapaluc' quema'a, ihiya petsi anuli anuli tipa'a litrompeta, i'noł'me litrompeta, tuna'me lan caitsi. 7 Cal te'a lapaluc quema'a tunay litrompeta. Iyuj'ma hi'ay cacui, jouc'a lunga ihuants'i cajuats'. Itque hi'ay cacui itel'mi'ma lamats'. Lamats' jouc'a cal 'ec' etelnufila' afane'. Anuli ipina'ma, tipanemma oque'. Laixhuaica pajac ipina'ma.

8 Locuenaj lapaluc quema'a tunay litrompeta. Tocomma to anuli hijuala lonajpa i'nijm'maitsi laja. Tołta'a anuli parte laja i'i'ma cajuats', oquej parte a'i.

9 Jilpe laja ts'itmaf'i' nomana' jilpe lajuats' caja imana'mola'. Nomana' jilpe al c'a caja timanemma itmaf'i'. Ma tołta'a ejac'pola' lan tsilaj barco lomana' laja.

10 Locuena lapaluc quema'a tunay litrompeta. Joupa i'ipa afantsi nunapa. Anuli cal cuecaj xamna ecangenni lema'a. Itque cal xamna tunaqui, tocomma oli, ecangaf'caita cal panay jouc'a petsi laipayomma lajay. Tipa'a petsi licajm'maitsi, petsi a'i. (Tołta'a ja'ni anuli al pana' ixim'ma lonajpa, timanemma oque' cal panay petsi aiqixim'me tołta'a.)

11 Itque cal xamna cuftine Acuaj Ajenjo. (La'hua c'ec ajenjo, itque acuá juaiconapa.) Ni petsi lecangaf'caita lonajpa cal xamna, laja' i'ipa acuá to ajenjo. Lan xanuc' lixna'me al cua caja' imana'mola'.

12 Locuenaj lapaluc quema'a tunay litrompeta. Joupa i'ipa amalujxi' nunapa. Luna'apa litrompeta iminscom'mola' cal 'ora, cal mut'ła, lan xamna. Cal 'ora tocomma etelnufila' afane', anuli aiquepalc'o'. Jouc'a cal mut'ła etelnufila' afane'. Anuli aiquepalc'o', oque' epalc'ola'. Jouc'a lan xamna, ja'ni anuli aiquepalc'o' oque' ti'hua tepalc'ola'. Tołta'a ma micoki litine amalpuj hora i'ipa pangay muf. Ma' anuli lipuqui'. Tipa'a amalpuj hora joupa imufc'opa, aiquepalc'ola' cal mut'ła ni lan xamna.

13 Lijou'ma aixim'ma anuli cal cui tiyu lema'a. Tiyu małpe pe lo'iyoya cal 'ora menac'o. Aicuejpa loya'apa, ticua: “Aijc'a lo'iya, aijc'a lo'iya, aijc'a lo'iya. Linca acuanuc'la lan xanuc' nomana' li'a lamats'. Muna'me litrompeta locuenaye lam fantsi lapaluc' quema'a acueca' juaiconapa lo'eyacola' lan xanuc', acueca' titelco'me.”

9

1 Locuena lapaluc quema'a tunay litrompeta. Joupa i'ipa amajxi nunapá. Aiximpa anuli cal xamna joupa ecangeyomma lema'a icuai'ma li'a lamats'. Itque cal xamna epi'impá liyahui al cuecaj pu'hua cuftine al Abismo. Jilpiya timana' lontahue. 2 Exi'e'ma al cuecaj pu'hua. Lijoupa lexi'epa tif'aqui lipicuxis ti'onłcospa to lipicuxis al cueca' capa. Itque licuxis tipa'ne cal 'ora, imufc'o' li'a lamats'. 3 Małpe licuxis tipalumma lan xa'mut'ł. Ni petsi li'a

lamats' icuaiyunca ihniya lan xa'mut'í. Epi'impola' liłmane ti'ete to lo'epa linnaispo lomana' li'a lamats'. ⁴ U'im'mola': "Ma le'a tołtel'mitsola' lan xanuc' petsi aikuiltaic' hilepali lisello LanDios. Al pajac, jouc'a laxhuaica lilapola, jouc'a cal ec', aimołtel'mi'mola' ihna'a."

⁵ Tołta'a ihniya lan xa'mut'í epi'impola' liłmane titeł'mite lan xanuc' petsi aikuiltaic' hilepali lisello LanDios. Lan xa'mut'í aimima'a'me, ma titeł'mi'me. Amaque' mut'ła ti'hua titeł'mi'me lan xanuc', tummi'i'me liłpitac'. Anuli anuli ihniya lipitac' tumlej'ma to lipumla lipitac' linnaispo. ⁶ Ihniya litiné lan xanuc' notelcopá tołta'a tehue'me te co'iya mimayacola'. Aimixinyacu. Aimi'iya mimayacola'.

⁷ Ihniya lan xa'mut'í ti'onłcospola' to laihuale joupa itats'empola' tiye'me lafuleya. Iłtaic' liłjuac tocomma acorona lilanc'ecompa a'oro. Lił'a ti'onłcospa to li'a cal xans. ⁸ Liłjuac ti'onłcospa to liłjuac lacał'no', lił'ay ti'onłcospa to li'ay calxmu. ⁹ Iłtaic' liłcoraza tocomma to lilanc'ecompa atejma'. Liłxala' tuna'e' to lona'apa axpej carro minul'me, to mexat'hu'me laihuale tinulyi tifuleta. ¹⁰ Tipa'a liłpo ti'onłcospa to lipo linnaispo, itaic' lipitac' titeł'mico'me lan xanuc'. Ti'hua titeł'mi'me lan xanuc' amaquej mut'ła. ¹¹ Tipa'a liłrey ticuxela'. Iłque epaluc al cuecaj pu'hua. Lipuftine ataiqui' hebreo ticua: Abadón. Ataiqui' griego ticua: Apolión. Iłe laftine lohualquemma tuya'e': Iłque tejac'eyale.

¹² Tołta'a liłcospa lan xanuc' lunapa litrompeta łapaluc quema'a, iłque cal majxi. Tehue'e' locuenaye oquexi' łapaluc' quema'a tunale litrompeta, titełcocona'me lan xanuc'.

¹³ Locuena łapaluc quema'a tunay litrompeta. Joupa i'ipa acamts'us nunapá. Aicuej'ma tipalquinni. Iłe lataiqui' qui'huayomma jilpe lam malpu' liju' al altar lilanc'ecompa a'oro, ihniya al altar ehuoc'ocojma pe lopa'a LanDios. ¹⁴ Tipalaic'o łapaluc quema'a ts'i'noli litrompeta, iłque cal camts'us, timi: "Tox'mastsola' lam malujxi' capaluc' quema'a iłne lifingohila' jilpe al cuecaj pana' cuftine Éufrates".

¹⁵ LanDios joupa ixpic'epa tej hora, te quitine, te mut'ła, te camats' tux'mas'mola' ihniya łapaluc' quema'a. Iłne ti'huaicoyi. Itsiya joupa ixhuaita al 'hora. Ux'masquim'mola' tima'antsola' lan xanuc'. Aimima'anyacola' jahuay. Petsi tima'a'me anuli timanecu ts'ihmaf'i' oquexi'. ¹⁶ Iłne łapaluc' quema'a timana' liłsoldado ilenafcołaic' laihuale. Uya'am'me tojua mimana', aicuej'ma. Timana' oquej maxnu millón.

¹⁷ Tołta'a lałmuc'ipa LanDios. Aixim'mola' laihuale jouc'a nocutsafcołanna. Ihniya iłjojma liłcoraza. Timana' liłjojma liłcoraza unxali to łunga, jouc'a petsi liłjojma umi azul, jouc'a liłjojma ata'enca to łazufre. Liłjuac laihuale toco'ma to liłjuac lanxmuhua. Liłco tipamma cunga, quicuxis, jouc'a łazufre. ¹⁸ Iłe laipayomma liłco laihuale, ihniya łunga, liłcuxis jouc'a łazufre ima'a'mola' lan xanuc'. Pe lima'am'me anuli timanecu oquexi' ts'ihmaf'i'. ¹⁹ Ihniya laihuale liłpo tipa'a liłjuac to lijuac łainofał. Iłe liłjuac tipa'a liłco ticacónnila' lan xanuc'. Tołta'a acueca' lo'epa ihna'a liłco quilpo, titeł'miyaleyi juaiconapa.

²⁰ Lan xanuc' lomanemma ts'ihmaf'i', ihniya petsi aikuima'ala' łunga ni liłcuxis ni łazufre, ihniya aikuilsej'meya li'epa. Aikuilnesqui: "Al'epa a'ijc'a. Alłanc'epola' lalandiosla'." Iłne lan xanuc' ti'hua tihuejyi lontahue. Ti'hua text'onłingolaiyi landiosla' lilanc'ecompa' a'oro, aplata, abronce, apic o a'ec. Ihna'a lacui'impola' landiosla' aimi'iya mixinyacu, aimi'iya miquimf'eyacu, aimi'iya miyeyacu. ²¹ Jouc'a ti'hua tima'ahualeyi, ti'hua tilotsocoyołtsi, ti'hua tehueyi quilecał'no', ti'hua tinantseyi. Iłne aikuilsej'meya li'epa tołta'a.

10

¹ Aixim'ma ocuena capaluc quema'a, xonca ipujfxi, timuyomma lema'a. Iju'icoya cummahuay. Tipo'nof'iya lijuac anuli lupaje. Li'a ti'onłcospa to cal 'ora tunts'ifqui. Li'mitsi' tocomma to liłpał cunga to munaj'ma al puc'o c'ec. ² I'nołi limane to la'hua je'e uxmalai'f'quiya. Al c'a camane li'mis tecaxc'o łaja, lipoxa camane qui'mis tecaxu lamats'. ³ Ipalai'ma ujfxi tocomma to mija'a'ma calxmu. Lipalai'ma jouc'a una'a'mola' lan caitsi quetumi. ⁴ Luna'apola' lan caitsi quetumi coła' quinił'ma loya'apa ihniya. Aicaininiłi.

Aicuej'ma tipalay anuli nopa'a lema'a. Ałmi: "Aimainiłijm'ma linespa lan caitsi letumi. Aimo'itola' lan xanuc'."

⁵ Lijou'ma łapaluc quema'a, małque łaiximpa tecaxc'o łaja tecaxu łamats', i'nif'ma al toncay al c'a quimane, enas'ma lema'a. ⁶ Icuaj'mi'ma lipuftine Ēimaf'i' CanDios, iłque aimimaya, małque Nilanc'epa lema'a y jahuay lopa'a jilpiya. Jouc'a ilanc'epa li'a łamats', łaja y jahuay lopa'a. Ticua łapaluc quema'a: "Aimicołconaya. ⁷ Ai'a tuna'a'ma litrompeta hijoujma capaluc quema'a, iłque cal caitsi, ti'i'ma to loya'apa lemiya cataiqui' iłe lonescopa lixp'ic'epa ĒanDios. Iłe lataiqui' ĒanDios jounpa u'ipola' liprofeta, iłniya no'epá lipenic' iłque ĩłPoujna."

⁸ Iłque tipalay jilpe lema'a jounpa aicuej'ma tipalqui. Małque ałpalaic'oconapa, ałmi: "To'huala'. To'nołta al je'e loxmalai'quiya jilpe limane łapaluc quema'a, iłque tecaxc'o łaja tecaxu łamats'." ⁹ Ai'huahuo'ma. Cacuaitsi pe lopa'a łapaluc quema'a, cami: "Ałni'ila' la'hua je'e". Ałmi: "To'nołta', totela'. Moteja toxim'ma ani'i to al kujua. Ticuaitsi locu'u ti'i'ma acuá." ¹⁰ Ai'noł'ma la'huaj je'e lopa'a limane łapaluc quema'a. Ai'nico'ma laico, aite'ma. Laico i'i'ma ani'i to al kujua. Lijou'ma lainuc'ma laicu'u i'i'ma acuá. ¹¹ Lijou'ma ałmim'ma: "Toya'acona'ma loxp'ic'epa ĒanDios. Tonesco'mola' lan xanuc' ituca' ituca' ĩłelolıya', ituca' ituca' ĩłnación, ituca' ituca' ĩłtaiqui'. Jouc'a topalaico'mola' axpela' lan rey."

11

¹ Ałnim'ma al jaxa to al 'ec loxpijcompa. Ałmi: "Totsahuenni. Toxpijta lipaxi quejut' ĩ ĒanDios. Toxpijta jouc'a jilpe al altar lopi'eyompa ĩpac'ec. Toxhuej'metola' jilpiya laxc'onłingolanna. ² Ēipuna jilpe lipaxi quejut' ĩ ĒanDios aimoxpijta. Ēuna a'ij paxi, iłe ił'huexi locuenaye lan xanuc'. Iłniya tetets'i'me al Paxi Quiłya', ticuxenai'i'me lixanuc' iłe ĩłya' oquej nuxans coquej mut'ła. ³ Oquexi' laixanuc' łapalaicopa iya', capi'i'ımola' quılmane tuya'a'me laitaiqui'. Tipo'no'me ĩłpijahua' umi. Imbamaj coquej maxnu afanej nuxans quitiné tuya'a'me al cueca' laixpic'epa ca'e'ma."

⁴ Iłniya ti'onłcospola' to loque' lan 'ec' olivo, jouc'a ti'onłcospola' to loque' lepalc'o' lacaxolanna pe lopa'a ĒanDios iłque aPoujna jahuay li'a łamats'. ⁵ Ja'ni naitsi tixpic'ela' tixcai'etsola' iłniya loquexi' lan xanuc', tipahuo cunga ĩłco, iłque łunga tima'a'ma no'eya lixcay. Tołta'a titeł'mim'mola', tima'am'mola' petsi naixtuc'opá. ⁶ Iłniya loquexi' lan xanuc' epi'impola' ĩłmane teti'i'me lema'a, aimicuiconaya. Ēitiné muya'ayi iłiya lixp'ic'epa ĒanDios, muya'ayi lo'eya, jahuay iłne ĩłtiné aimicuiconaya. Jouc'a epi'impola' ĩłmane tipai'ıle łaja', ti'ila' ajuats'. Jouc'a titeł'mıle łamats', tepi'ınle ni tintsi cuana. Iłniya, ĩłtine tixpic'ele ti'ele tołta'a, ti'i'ma ti'e'me, tijouła' ti'econa'me.

⁷ Iłniya loquexi' nopalaicopá Jesucristo, tijou'nela' loya'apa ticuaihuo cal Cuecaj Quin-neja łaipayomma al cuecaj pu'hua lacui'impá al Abismo. Iłe ĩłinneja tifule'ma, tulij'mola', tima'a'mola'. ⁸ ĩłłcuerpo timanecu jilpe łaneya al Cuecaj Quiłya'. Jilpe ĩłya' jouc'a tecui'inni ĩłya' Sodoma, o łamats' Egipto. Lixanuc' ĩł'ejma' ti'onłcospa to ĩł'ejma' lan xanuc' nimajmpá ĩłya' Sodoma jouc'a łamats' Egipto. Małpiya ĩłya' jouc'a ima'a'me ĩłPoujna, epałts'ijmpa lancruz. ⁹ Jilpiya timana' lan xanuc' quiyoyomma ni petsi li'a łamats', ituca' ituca' ĩłtatahueló, ituca' ituca' ĩłtaiqui', ituca' ituca' ĩłnación. Iłniya lan xanuc' afane' quitine y onłca tehuelojnyi iłniya nomapola'. Ticua: "Aimalapi'iyacola' lane meminyacola'". ¹⁰ Lan xanuc' nomana' li'a łamats' tixoc'ıyołtsi quileta. Ti'eyi ĩłjuic, tepi'ıyołtsi. Ticuayi: "Jounpa imapola' iłniya loquexi' lam profeta. Aimalteł'miconayaconga'. Aimalmiconayaconga': Tołta'a lixp'ic'epa ĒanDios."

¹¹ Tijoutsı lam fane' quitine y onłca ĒanDios imaf'i'ina'mola' iłne loquexi' nomapola', ecaxolconame. Petsi nehuelojmpá ĩxpailij'mola' juaiconapa. ¹² Iłne loquexi' ĩmaf'i'ınapola' icuej'me tipalay ułfxi pu'hua lema'a, timila': "Tołf'ajcunca fa'a". Ma mehuelojnyi naixtulepá anuli łummahuay if'ac'e'mola' lema'a. ¹³ Małe 'hora inu'ma

acueca' cunanto. Etehnufipa liya' imbama'. Anuli ecangenni. Itque hunanto ima'a'mola' acaitsij mil lan xanuc'. Petsi nomanemma ts'ihmaf'i' ihniya ixpailij'mola' juaiconapa. Imetsaicoco'me ma' acueca' LanDios Nopa'a lema'a. ¹⁴ Tohta'a litecopa lan xanuc' luna'apa litrompeta locuena lapaluc quema'a, itque cal camts'us. Tehue'e' locuena'ya lapaluc quema'a tuna'ala' litrompeta, titecocona'me lan xanuc'. He lo'iya aimico'ya.

¹⁵ Locuena lapaluc quema'a tunay litrompeta, itque cal caitsi. Jilpe lema'a tipalaiyinni ujfxi, ticuayi:

“Itsiya i'ipa, itsiya lalanDios y hCristo ticuxeyi jahuay li'a lamats'.
Cristo ti'hua ticuxe'ma, aimijouya locuxeya.”

¹⁶ Lan nuxans malujxi' lan tsilaj xanuc' nomana' lehuoc'ocojma LanDios ticutsolanna. Anuli anuli ticutsu lipexpats'qui li'nofquiya, jahuay ihniya ixpats'olai'me, imetsaico'me LanDios cal Cueca' Xonca. ¹⁷ Timiyi:

“Ima' manDios, ima' ma'Poujna, ima' xonca uncueca', tocuxe jahuay.
Ima' ma' itsiya topa'a, topa'a li'ipa.

Itsiya als'najtsi'ihuo', ima' almuc'iponga' acueca' lomane, tocuxe jahuay.

¹⁸ Lan xanuc' pe aiquimetsaicohuo' tixtuc'ohuo', icuai'ma litine tote'li'mi'mola'.

Limanapola' tefot'le'moltsi pe lofpa'a ima' itJuez, tepi'i'mola' litjunac'.

Jouc'a lam profeta ihne ni'epa'loopenic' ima' itPoujna, tapi'i'mola' lolijyacu.

Ma' anuli tapi'i'mola' loxanuc' ihne o'huexi ima', ma'ne petsi naihuejcopo' tapi'i'mola' lolijyacu.

Ja'ni lan tsocay, ja'ni lan tsilaj xanuc', tapi'i'mola' lolijyacu.

Petsi netelpa lamats' tote'li'mi'mola' tejac'em'mola'.”

¹⁹ Exi'em'me al Paxi Lugar pu'hua lema'a pe lopa'a LanDios. I'huáqui jilpiya al caxax. Jilpe al caxax ipo'nompa lapic' linilingiya lataiqui' lixpac'epa LanDios lo'eyacu lixanuc'. Ma'le 'hora ipango'ma tixcaflay, iquimf'em'me tipalquinni, tunalequi. Inu'ma hunanto. Juaiconapa icui'ma qui'ay cacui.

12

¹ Lijou'ma i'huátsi jilpe lema'a acueca' y axpaiqui'. Jilpe imaxcaita anuli laca'no', ijui'icoya lipepa' cal 'ora. Cal mut'la tipa'a al 'ocay li'mitsi'. Lijuac tipa'a licorona imbamaj coque' lan xamna. ² Innay laca'no'. Joupa tumlec'o, tipo'no'ma li'hua. Tija'e'. ³ Lijou'ma i'huátsi jilpe lema'a ocuena'ya acueca' caxpaiqui'. Ipiya tipa'a anuli cal cuecaj coyac' quinnejá to cal cuecaj caimu. Tipa'a licala'. Linneja cuftine cal Dragón. Itque cal dragón unxali to lunga. Tipa'a acaitsi lijuac, imbama' lipecala'. Lijuac tipa'a acaitsi lan tsocay quicorona. ⁴ Lipo texat'lucola' lan xamna nomana' lema'a. Afantsi lan xamna texat'uhua anuli. Teca'nila' lamats'.

Cal dragón ecaxingai'ma laca'no' nopo'noya qui'hua. Tipajntsi li'hua tite'ma. ⁵ Laca'no' umof'ma. Ipajntsi li'hua amijcano. Itque ticuxe'mola' lan xanuc' nomana' li'a lamats'. Ipujfxi ticuxe'mola'.

Li'hua laca'no' exic'e'empa, ilecom'me al toncay lema'a pe lopa'a LanDios, ilecom'me jilpe pe lopa'a lexpats'qui li'nof'quiya. ⁶ Laca'no' inu'ma pe ailopa'a quilya'. Jilpe LanDios lilanc'epa lopanc'eya. Tipajnta imbamaj coque maxnu afanej nuxans quitine. Jilpe tites'minna.

⁷ Lijou'ma jilpe lema'a aixim'ma lipango'ma al cuecaj cafuleya. Cal cuecaj capaluc quema'a cuftine Miguel y lif'as capaluc' quema'a jouc'a cal dragón y lipontahue ti-fuli'iyoltsi. ⁸ Cal dragón y lipontahue ailopa'a quilpujfxi, aiculij'me. Ipiya lema'a aimimajnconayacu. ⁹ Ipa'am'me jilpiya cal cuecaj dragón, lainofa' nopa'a al te'a. Itque lécui'impá loque' lipuftine: Lonta'a, jouc'a Satanás. Tifel'mila' lan xanuc' ni petsi nomana' li'a lamats'. Ihne cal dragón y lipontahue eca'nim'mola', icuaitsa li'a lamats'. ¹⁰ Aicuej'ma tipalquinni ujfxi jilpiya lema'a, ticua:

“Itsiya linca imuj'moxi nulemma łalanDios, małque Łaluntu'eponga', iłque acueca' lo'epa, ticuxe.

Jouc'a hiCristo imuj'moxi icueya limane.

Joupa eca'nimpa łonta'a Satanás, ticufquila' lapimaye.

Ipuqui' itine tipalaic'o ŁanDios, ticuxecola'.

¹¹ Ła'huaj Moł joupa ixcuajaipa lijuats', tołta'a lapimaye joupa ulijpá.

ŁanDios aikuquimf'e lonescopola' łonta'a.

Joupa ilaitsufcola' iłne nuya'apá litaiqui',

iłne aikuixim'me acuanuc' liłpitine, icu'mołtsi, ima'am'mola'.

¹² Tixojla' cunlata jahuay imanc' nołmana' lema'a, jiłpiya ailopa'a łonta'a y lipontahue.

Linca ituca' lo'iyoya łamats' y łaja.

Jiłpiya ti'i'ma acueca' latełcoya, łonta'a joupa imumma,

juaiconapa tixtu'hua, ixina' ahuata ticoł'ma.

¹³ Cal dragón liximpxi joupa ecangemma, tipa'a li'a łamats', ipango'ma ihuejtsoj'ma łaca'no', iłque nipo'nopa łamijcano. ¹⁴ Ipo'no'im'me łaca'no' oque' lixala' to lixala' cal cuecaj cui, tiyułá' pe lopanc'eya, jiłpiya pe ailopa'a quilya'. Jiłpe tites'minni afanej y onłca camats'. Łainofał aimixinya. ¹⁵ Lixpula' łaca'no' inacafipa caja' łainofał, tocomma acuecaj pana', ticua: “Iłiya al pana' nulemma tinus'ma łaca'no'”.

¹⁶ Łamats' itoc'i'ma łaca'no'. Epanni łamats', inuc'ma łaja' laipamma lico łainofał. ¹⁷ Cal dragón, ixtuc'o'ma łaca'no'. T'hua'ma ehuețsola' locuenaye linaxque' łaca'no', iłne nocuec'epá locuxepa ŁanDios, tuya'ayi litaiqui' Jesús, ihuej'me iłque.

¹⁸ Cal dragón ecaxhuai'ma łema caja.

13

¹ Aixim'ma anuli cal cuecaj coyac' quinneja ipamma jiłpe łaja. Tipa'a acaitsi lijuac, imbama' lipecala'. Lipecala' timana' imbama' lan tsocay corona. Anuli anuli lijuac inilingiya anuli laftine. Iłne laftine tetets'iyi ŁanDios. ² Iłque cal cuecaj coyac' quinneja łaixim'ma ti'onłcospa to cal tigre. Li'mitsi' ti'onłcospa to li'mitsi' cal oso, lico ti'onłcospa to lico calxmu. Cal dragón łacaxuya łema caja epi'i'ma acueca' quimane cal cuecaj coyac' quinneja. Tepi'i' lane ti'i'ma ti'e'ma al cueca', a'ujfxi ticuxe'ma.

³ Aixim'ma cal cuecaj coyac' quinneja anuli lijuac tocomma imac', to ima'acompa acutsilo. Lijou'ma lixcaipa ixałconapa, imaf'inapa iłiya lijuac. Jahuay lan xanuc' nomana' li'a łamats' ticuayi acueca' li'ipa cal cuecaj coyac' quinneja, tihuejyi. ⁴ Texc'onłngolaiyi cal dragón, iłque łepi'ipa limane cal cuecaj coyac' quinneja. Jouc'a texc'onłngolaiyi cal cuecaj coyac' quinneja, ticuayi: “Ailopa'a co'onłcoya cal cuecaj quinneja. Aimi'iya mulijyacu.”

⁵ Cal cuecaj quinneja epi'im'me lane tipalaıta' atsilaj cataiquı, tinesla' latets'icopa ŁanDios. Epi'impa lane ticuxe'ma oquej nuxans coque' mut'ła. ⁶ Ipango'ma inesc'e'ma ŁanDios. Tetets'i lipuftine ŁanDios, tetets'i pe lopa'a ŁanDios, tetets'ila' nomana' jiłpe lema'a. ⁷ Epi'impa lane tifuli'itsola' lixanuc' ŁanDios, iłniya i'huexi ŁanDios, tulij'mola'. Epi'im'me limane ticuxetsola' jahuay locuenaye lan xanuc', iłne ituca' ituca' liłtatahueló, ituca' ituca' liłtaiqui', ituca' ituca' liłnación. ⁸ Iłniya lan xanuc' nomana' ni petsi li'a łamats' texc'onłngolai'me cal cuecaj quinneja. Iłniya petsi naxc'onłngolaiyacu liłpuftine aikuinilingiya lije'e Ła'huaj Moł. Iłque Ła'huaj Moł lilajmpa li'a łamats' tocomma to joupa ima'ampa, itsufcompa.

⁹ Naitsi nocuejpa tiquimf'ełá' lataiqui' loya'apa: ¹⁰ “Ja'ni joupa ixpic'empa titats'entso' o tima'aconto' acutsilo, ma titats'enno', tima'aconno' acutsilo”.

Mitełcoyi tołta'a iłne petsi i'huexi ŁanDios, iłniya timujyołtsi ti'huaiyijnyi ŁanDios, tixnet'ł'me.

¹¹ Aixim'ma ocuena cal cuecaj coyac' quinneja, tipayomma łamats'. Tipa'a oquej lipecala' to lipecala' ła'huaj moł. Tipalay to cal dragón. ¹² Tipa'a acueca' limane to limane cal te'a' cal cuecaj coyac' quinneja. Mehuelongel cal te'a' quinneja ma' anuli lo'epa

locuena. Ticuxela' nomana' li'a lamats' texc'ontingotaile cal te'a cal cuecaj coyac' quinneja, itque lixaconapa lixaipa, imaf'ina. ¹³ Timuc'ila' lan xanuc' al cueca' lo'epa. Tijoc'i' tecangenni lunga lema'a, ticuaiyunni lamats'. ¹⁴ Lijoupa lepi'icompá limane ti'eta' al cueca'. Toita'a ti'ay ma mehuelonge lif'as quinneja. Tifel'mila' lan xanuc' nomana' li'a lamats'. Timila': "Tohanc'ete anuli lolandios, ti'onlcota to itque cal cuecaj coyac' quinneja. Itque ima'acompa acutsilo, ijou'ma imaf'ina'ma." ¹⁵ Ilanc'epá hilendios. Lijou'ma epi'impá limane locuenaj cal coyac' quinneja timaf'i'ila' hilendios, tipalaita', ticuxela'. Ticua: "Petsi aimexc'ontingotaile cal cuecaj coyac' quinneja tima'antsola".

¹⁶ Locuena quinneja ticuxe'ela' jahuay lan xanuc' tepenufle quitseña al c'a quitmane o hilepali. Ticuxe ti'e'entsola' jahuay lan xanuc', lan tsocay jouc'a lan tsila', petsi ts'it'hueca jouc'a petsi aiquil'hueca, petsi ailopa'a quitpoujna, ti'eyi canic' quituca', jouc'a lam mozó itne tipa'a hitpoujna. Ma' anuli ipo'ninc'e'em'mola' quitseña. ¹⁷ Ite litseña tepi'ila' lane ti'na'me, ticuj'me. Petsi ailopa'a quitseña aimi'iya mi'najacu, aimi'iya micujyacu. Ite al seña ipuftine cal coyac' quinneja o linúmero.

¹⁸ ¡To!cuc'ete! Naitsi itque ts'ipicuejma' tixhuej'mela' linúmero cal cuecaj coyac' quinneja. Ite al número inúmero xans, a'i quinúmero LanDios. Acamts'us maxnu afanej nuxans camts'us, 666, ite linúmero cal cuecaj coyac' quinneja.

14

¹ Lijou'ma aixim'mola' La'hua Mo! jouc'a anulij maxnu oquej nuxans malujxij mil lan xanuc' tecaxhuolanna jitpe hijuala cuftine Sión. Itne lam maxnu oquej nuxans malujxij mil lan xanuc' tinitijnya hilepali itaic' lipuftine La'huaj Mo! jouc'a lipuftine qui'Ailli'.

² Aicuej'ma jitpe lema'a petsi lonapa lit'harpa. Aicuej'ma tuna'e' juaiconapa to mipahuo laja' axpe' cal panay o to muna'a'ma letumi. ³ Itne petsi nonapá lit'harpa timana' jitpe lehuoc'ocojma' lexpats'qui li'nof'quiya, lehuoc'ocojma' pe lomana' lam malujxi' lam paxi quinneja, lehuoc'ocojma' pe lomana' lan tsilaj xanuc'. Jitpe tunac'yi al ts'e canción, ituca'. A'i jahuay lan xanuc' mihuic'iyacu itiya al ts'e canción. Tihuic'i'me ma le'a lam maxnu oquej nuxans malujxij mil lan xanuc', itne li'napola' LanDios, i'epola' ixanuc'. ⁴ Itne aiquilxis'mecoyotsi, aiquilhuequi laca!no'. Ti'onlcospola' to lamijcanó, ma tihuejyi La'huaj Mo! ni petsi lotseya. I'napola', joupa ixanuc' LanDios. Aimi'onlspola' to locuenaye lan xanuc' nomana' li'a lamats'. LanDios jouc'a La'huaj Mo! epenuf'mola' to cal te'a lipammaita litsufcompa. ⁵ Itniya aimifel'miyaleyí. Tinesyi ma le'a al linca. Ailopa'a quitjunac'.

⁶ Aixim'ma anuli lapaluc quema'a tiyu malpe locuaiya cal 'ora ti'ila' menac'o. Itque tuya'e' Lataiqui' loya'apa ite al c'a lixpica'epa LanDios. Ma!e Lataiqui' aimipaicoya. Tuya'e' ticuejle jahuay lan xanuc' nomana' ni petsi li'a lamats'. Itne lan xanuc' ituca' ituca' línación, ituca' ituca' litatatahueló, tipalaiti ituca' ituca' litaitaiqui', ituca' ituca' hitpitolotya'.

⁷ Lapaluc quema'a tipalay ujfxi, timila': "Imanc', tolimetsaico!e LanDios. To!mite: Ma' ima' cotuca' manDios. Joupa icuai'ma litine, tipango'ma lipenic' cal Cuecaj Juez. Itque ilanc'epa lema'a, li'a lamats', laja, jouc'a ilanc'epa laipayomma lajay. ¡To!axc'ontingotaile!"

⁸ Ithuequi locuena capaluc quema'a ticua: "Al cuecaj quitya' Babilonia joupa ecangemma nulemma etelquemma. Litya' ti'onlcospa to liscay caca'no', tifel'mila' lan xanuc' ni petsi línación. Itne lan xanuc' tihuejyi to lamac'ta quisnaye. Linca LanDios joupa itel'mipa litya'."

⁹⁻¹⁰ Tihuequi locuena capaluc quema'a, lo'icoya afantsi. Tipalay ujfxi, ticua: "Lan xanuc' joupa exc'ontingotaipá cal cuecaj coyac' quinneja jouc'a cal imagen lilanc'epa lan xanuc'. Itque cal imagen lo'onlcospa to itque linneja. Malniya lan xanuc' nexc'ontingotaipá toita'a itaic' hilepali o litmane quitseña. Itniya a'i munhu'enyacola'. Tixim'me ma tixtuc'ola' cal Cuecaj CanDios. Aimixinyacola' acuanuc'la. Titel'mico'mola' ipal'cunga y azufre. Lam paxi capaluc' quema'a jouc'a La'huaj Mo! tixinim'mola' mitelcoyi. Aimitoc'inyacola'.

¹¹ Iłpiya lotelcoyopa ile ĩunga ĩpicuxis ti'hua tif'aqui, aimipica ĩunga. Petsi notelcopá ĩłpiya aimunxajyi, ipuqui' itine ti'hua titełcoyi. Tołta'a titełco'me petsi naxc'onłingołaipá cal cuecaj coyac' quinneja, jouc'a naxc'onłingołaipá cal imagen, ĩłque lo'onłospa to ĩłque linneja. Małniya lan xanuc' epenufpá ĩłseña, ile ĩnúmero cal cuecaj coyac' quinneja.”

¹² Linca lixanuc' ŁanDios, ĩne ĩ'huexi, ituca' lo'eyacu. ĩne tihuejcoyi locuxepa ŁanDios, ti'hua ti'huaiyijnyi Jesús.

¹³ Aicuej'ma anuli tipalay jipu'hua lema'a, ałmi: “Tainiłta' laifmipo': Itsiya ipangocopa tixoj'ma quileta ĩłne limanapola' mi'huaiyijnyi łatPoujna Jesús.” Cal Espiritu Santo ticua: “Al ĩnca locuapa. ĩne aimi'econayacu canic'. Tunxajyi. ŁanDios ti'nujuaitsila' al c'a li'epa mimana' li'a łamats'.”

¹⁴ Ma cahuelonge aixim'ma anuli cal fujca cummahuay. ĩłpe ĩummahuay ticutsafya anuli ti'onłospa to cal xans. ĩpe ĩjuac itaic' licorona ilanc'ecompa a'oro. Limane inic' li'hoz juaiconapa ix'ay. ¹⁵ Locuenaj capaluc quema'a quipayonni al paxi quejut'ł ŁanDios. Tipalay ujfxi. Tipalaic'o łocutsafya ĩummahuay, timi: “ĩpe łamats' tacanc'ola' lo'hoz. Tatejla' cal trigo. Cal trigo łopa'a li'a łamats' joupa unta'amma, ixhuaita litine cafot'łeya, tatejla'.”

¹⁶ Łocutsafya ĩummahuay tecanc'o' li'hoz, tetequi cal trigo łopa'a ĩłpiya li'a łamats'.

¹⁷ Ipanni łocuena capaluc quema'a qui'huayomma al paxi quejut'ł ŁanDios, ile lajut'ł łopa'a lema'a. Jouc'a inic' li'hoz juaiconapa ix'ay. ¹⁸ Łocuena capaluc quema'a ipanni ĩłpe pe łopa'a al altar. ĩłque łapaluc quema'a ticuxe ĩunga. Tipalay ujfxi, tipalaic'o ĩif'as capaluc quema'a, ĩłque inic' li'hoz. Timi: “Tacanc'ola' lo'hoz, ile ix'ay. Tatejla' ĩxcala' uva łopa'a ĩłpe li'a łamats'. Joupa imajpa.”

¹⁹ Łapaluc quema'a tecanc'o' li'hoz ĩłpe li'a łamats'. Tetequi ĩne ĩxcala' uva, tefot'łe lan uva, ti'nij'mi ĩłpiya al cueca' loxojoyoya, tipa'am'me lija'. ĩłpiya loxojoyoya timuj'ma lipoyac' ŁanDios. ²⁰ Tipa'a lema quıya' petsi loxojoyoya lan uva. ĩpe i'huailejyompa. Ipanni lajuats' to al cuecaj pana'. Lipitoqui ĩnu'ma ĩıya lajuats' tixhuaispa anulij mil acamts'us maxnu estadio. (ııya al estadio loxpıjcopa lan xanuc' mimana' ĩııya ĩtiné. Anulij mil acamts'us maxnu lan estadio tixhuaispa to oquej maxnu malpuj nuxans paico lan kilómetro.) ĩpiculhuo ĩpe lajuats' tuntsac'aispa ĩłco łaihuale.

15

¹ Aixingona'ma ile al cueca' caxpaiqui' ĩłpe lema'a. Timana' acaitsi łapaluc' quema'a ĩłtaic' lan caitsi catełcoya. ĩne ĩjoucola' latełcoya. Tijoutsola' ĩłna'a latełcoya, ŁanDios joupa ixhuai'nipa lipoyac'. ² Aixim'ma tocommma to łaja ilanc'ecompa apulu ĩhuants'i' cunga. ĩpe łaja ĩlanc'ecompa apulu tecaxolanna lan xanuc' nulıjpá cal cuecaj coyac' quinneja. ĩne aıquexc'onłingołai'me cal imagen ĩlanc'epa lan xanuc', ĩłque ti'onłospa to linneja. ĩne aıquıłtaic' quıłseña. ĩe al seña ĩnúmero cal cuecaj coyac' quinneja. Tuya'e' te ts'i'ic' lipuftine. ĩłtaic' ĩıł'harpa lepi'ipola' ŁanDios. ³ Tunac'yi ĩıya lunac'pa Moısés, ĩłque i'epa lipenic' ĩıPoujna ŁanDios. ĩe al canción ma' anuli łicancıón Ła'huaj Moł. Timiyi ŁanDios: “Acuecaj y xpaiqui' łof'epa ima' malanDios.

İma' małPoujna, ima' unCuecaj, tocuxela' jahuy lan xanuc'.

İma' to'ay ma le'a al c'a, ma le'a al ĩjca.

⁴ ¿Ja'ni tipa'a petsi aimixpaic'eyaco'?

¿Ja'ni tipa'a petsi aimixinyaco' unCuecaj, ima' manDios?

Ailopa'a.

Linca ma' ima' cotuca' umPaxi, omujpoxi ac'a, alıjca lofxpic'epa.

Jahuay timetsaicoco'mo', texc'onłingai'mo'.”

⁵ Lıjou'ma aixim'ma ĩłpe lema'a exıya al Paxi Lugar pe łopa'a ŁanDios. ĩłpe ti'onłospa to li'huec'empa lan tsilaj capic' ĩnıłingimpola' łataıquí loya'apa locuxepa ŁanDios. ⁶ ĩłpe al Paxi Lugar ipalunca acaitsi łapaluc' quema'a. ĩne lan caitsi łapaluc' quema'a epi'impola' ĩłmane titeł'mim'mola' lan xanuc'. ĩłpıjhua' ĩlanc'ecompa alino afujca, aıcunxalaic'.

Tipa'a ts'ifli'ejma lilunxajma', ilanc'ecompa a'oro. ⁷ Anuli lam malujxi' lam paxi quinneja tepi'ila' lan caitsi capaluc' quema'a quiltaza lilanc'ecompa a'oro. Ihe lan taza imanna lipoyac' LanDios. Ique Limafi' CanDios, aimimaya. (Tixcua'ale anuli anuli lan taza lan xanuc' tixim'me lipoyac' LanDios.) ⁸ Lipalumma lapaluc' quema'a jilpe al Paxi Lugar, LanDios imuj'moxi ma' anDios, imuj'moxi acueca' lo'epa. Tohiya al Paxi Lugar imantsi quicuxis. Ma miteh'minnila' lan xanuc' lan caitsi lapaluc' quema'a, aimi'iya mitsulfaiconayacu jilpe.

16

¹ Aicuej'ma tipalquinni ujfxi jilpe al Paxi Lugar. Timila' lan caitsi capaluc' quema'a: “Tonlele. Toluhuale lohtazá ihe imanna lipoyac' LanDios. Tolscujaitsa jilpe li'a lamats'.”

² Cal te'a capaluc quema'a ipanni, ixcuajaitsi ilpe lamats'. Lan xanuc' ts'iltaic' liseña cal cuecaj coyac' quinneja, mañiya nexc'onhingołaipá cal imagen, ilque ti'onłcospa to linneja, ihniya i'i'mola' quilehui, etefcai'itsola' quixcay cahui acueca' cumla.

³ Locuena capaluc quema'a tixcuajay ixcuafipa laja. Laja i'i'ma cajuats', tocomma to limac' xans lijuats'. Jahuay nomana' jilpe laja ima'mola'.

⁴ Locuena capaluc quema'a ixcuamipa cal panay jouc'a laipayomma lajay. Jilpiya cal panay y lajay i'i'ma cajuats'. ⁵ Aicuej'ma tipalay lapaluc quema'a nocuxepa lajay, timi: “Ima' manDios, ima' topa'a itsiya, topa'a li'ipa.

Ima' ahjca lof'epa, ahjca toteh'mila' lan xanuc'.

⁶ Ihe nima'apá loxanuc' o'huexi.

Ima'a'me loprofeta nuya'apá lofxpic'epa.

Ixcai'e'me loxanuc', ic'ejai'epa lijuats'.

Ima' o'epa hja, laja' jounpa ipaicopa, i'ipa cajuats'.

Ihniya tixnale' ihya lajuats'.”

⁷ Aicuej'ma tipalquinni jilpiya al altar. Timiyi LanDios:

“Ima' manDios, ima' alPoujna.

Mane ac'a lof'epa, mane ahjca toteh'miyale.”

⁸ Locuena capaluc quema'a ixcuafipa cal 'ora. Tohta'a cal 'ora tipi'e'mola' lan xanuc' to mipi'ennila' lunga. ⁹ I'i'ma quinu' juaiconapa, ipi'e'mola' lan xanuc', emix'mola'. Lan xanuc' inesc'e'me quixcay cataiqui' LanDios. Timetsaicoyi ma' ilque ticuxe'e titeh'mintsola' tohta'a. Aimilsuej'memma, ni mimiya LanDios: “Al'epá quixcay. Ima' manDios, ima' unCueca'.”

¹⁰ Locuena capaluc quema'a, ilque cal majxi, ixcuafipa pe lopa'a cal cueca' coyac' quinneja micutsuya ticuxe. Petsi locuxeyopa imufc'o'ma, i'ipa muf juaiconapa. Lan xanuc' jilpe nomana' titeh'coyi juaiconapa. Aimixnet'lyi. Titeji hłpał. ¹¹ Tixinyi acueca' cumla, acueca' titeh'mila' lilehui. Tohiya tinesc'eyi quixcay cataiqui' LanDios. Aimilsuej'memma, ti'hua ti'eyi quixcay.

¹² Locuena capaluc quema'a, ilque cal camts'us, ixcuafipa ilpe al cuecaj pana' cuftine Éufrates. Ixnaj'ma laja'. I'i'ma to lane. Ipiya tiye'me lan tsilaj rey naipalyomma liyuf'ma 'ora.

¹³ Lijou'ma aixim'mola' afantsi lan tałcue. Ihniya ontahue. Anuli cal tacue ipanni lico cal dragón. Locuena ipanni lico cal cuecaj coyac' quinneja. Locuena ipanni lico cal profeta nofelłaiquepa. (Ilque cal profeta copa'a locuena cal cuecaj coyac' quinneja.) ¹⁴ Ihe lontalque ontahue. Epi'impola' liłmane ti'ele al cueca'. Tipalumma, tiyeyi ni petsi li'a lamats', tefot'lela' lan rey. Ticuaitsi al Cuecaj Quitine ihe lan rey tifuli'i'me LanDios. Ma' ilque cal Cuecaj Ts'ipenic'.

¹⁵ “¡Tolcuejle! Litine aimal'huajma lan xanuc' iya' cacuaihuo. Ma to micuaihuo lin-nantsepa tohta'a iya' cacuaiya. Al c'a lo'iya cal xans ja'ni ti'hua timaf'i', ja'ni aimipa'e

lipijahuati. Cacuaitsi iya' tixoj'ma queta itque. Ja'ni a'i, ja'ni tixmay, tixim'ma calaic'ata, tixinguf'moxi to amila.”

¹⁶ Lontahue efot'lem'mola' lan rey petsi cuftine Armagedón. To'ta'a lipuftine ataiqui' hebreo.

¹⁷ Locuenaj capaluc quema'a, itque cal caitsi, ixcuaf'ipa lahua'. Lijou'ma tipalquinni ujfxi jilpe al Paxi Lugar. Tipalquinni ma jilpe lexpats'qui li'nof'quiya, ticua: “Joupa ixhuaita”.

¹⁸ Tixcaflay, tunalequi, tija'ayi, inu'ma acuecaj cunanto. Lan xanuc' nomana' li'a lamats' aiqiuksina' ni anulemma to'ta'a cunanto. ¹⁹ Lamats' petsi lilajnyopa al cuecaj quitya' epanni. I'i'ma afane'. Lan tsilaj quiteloty'a lan nación ecangenni, etelquenni nulemma. Ihe al cuecaj quitya' cuftine “Al Cuecaj Babilonia”, LanDios i'nujuaiti lixcay li'epa jilpiya. Aiquimenc'ejma. Ticuxe'ela' lan xanuc' tixnafe lopa'a ihiya litaza, tixnafe lipoyac' LanDios. Tama aimicuayi, LanDios tixnai'i'mola'. ²⁰ Jahuay lamats' isla ejac'pola', aits'ihuajtsola' ni anuli hijuala. ²¹ Iyuj'ma acueca' qui'ay cacui. Anuli anuli li'ay cacui lipicumta oquej nuxans kilo. Ecangaf'caitsola' lan xanuc'. Ihe ixingufco'me acueca' juaiconapa ihe late'coya, tohiya inesc'e'me quixcay cataiqui' LanDios.

17

¹ Icuai'ma pe laifpa'a anuli lapaluc quema'a. Itque anuli ihe lan caitsi hiluhuaic' litaza. Alpalaic'o'ma, almi: “E'epá. Camuc'ito' lo'iya laca'no' xonca cal xujc'a, ma'que nocutsafya jilpe laja. LanDios tite'f'mi'ma. ² Lan tsilaj rey nocuxepá li'a lamats' ihuej'me laca'no'. Ihuej'me jouc'a lan xanuc' nomana' ni petsi li'a lamats'. Tijanaj'me juaiconapa, i'ipola' camac'ta to lisnaye.”

³ Iya' i'huapa laipicuejma'. Lapaluc quema'a al'hua'e petsi ailopa'a quitya'. Ihiya aiximpa laca'no' ticutsafya cal cuecaj coyac' quinneja. Itque linneja unxali. Jahuay licuerpo inilingiya laftiné. Ihe laftiné tetets'iyi LanDios. Tipa'a acaitsi lijuac, imbama' lipecala'. ⁴ Lipijahua' laca'no' unxali cumi jouc'a unxali. Tipa'a lila'acoyoxi ilanc'ecompa a'oro jouc'a apic' acueca' lipitali, jouc'a aperla. Limane i'noti anuli al taza lilanc'ecompa a'oro. Ihiya al taza imanna jahuay al xujc'a, ihe lo'epa itque cal xujc'a caca'no', imanna jahuay laxits'epa. ⁵ Lepali inilingiya lipuftine, ihe ticua: “Iya' ninBabilonia. Nincuecaj quitya'. Iya' il'máma' jahuay laca'no' no'epá quixcay, il'máma' jahuay ihiya petsi no'epá laxits'epa LanDios.” Ihe linilingiya emiya cataiqui'. Ticuicomma tuhua'c'infe.

⁶ Aixim'ma imeyojpa laca'no'. Itque ima'apola' lixanuc' LanDios, ihe i'huexi. Ima'apola' ts'ilihuequi Jesús, noya'apá litaiqui'. Ixnapa li'juats'.

Laixim'ma laca'no' alspajma juaiconapa. Aines'ma: “¿Te cocuajmaispa ihe laiximpa?”

⁷ Lapaluc quema'a almi: “¿Te coxpaijcopo'? Iya' cuhua'c'e'e'mo' ihe lemiya cataiqui'. Cami'mo' te ts'i'ic' lo'on'cospola' laca'no' y cal cuecaj coyac' quinneja ts'itaic' acaitsi lijuac, imbamaj lipecala'.

⁸ ”Joupa oximpa cal cuecaj coyac' quinneja. Ma'que copa'a luyaipa quitine, itsiya ailopa'a, ticuaiconno, tif'ajyohuo al cuecaj pu'hua lacui'impá al Abismo. Tijoula' tima'am'me nulemma. Lan xanuc' nomana' li'a lamats' tixim'me linneja locuaiconaya. Itque nopa'a luyaipa quitine, itsiya ailopa'a. Tixim'me laxpaiqui'. To'ta'a ti'i'mola' ihe petsi li'puftine aiqunilingiya al je'e. Ihe al je'e petsi linilingiya lipuftine pe napenufpá al c'a lipitine aimijouya. Lilajmpa li'a lamats' i'na'a laftiné joupa inilingiya jiliya al je'e.

⁹ ”Pe ts'ac'a lipicuejma' ihe ticuec'e'me laifmipo'. Lan caitsi lijuac linneja, ihe acaitsi lijualay. Ihe ticutsafya laca'no'. Lan caitsi lijualay jouc'a ti'on'cospola' acaitsi lan rey. ¹⁰ Ihiya lan rey, amajxi' joupa ilonc'empola' micuxeyi. Anuli ticuxe itsiya. Locuena ticuaihuo, ticuxe'ma. Itque locuxeya aimico'ya.

¹¹ ”Cal cuecaj coyac' quinneja nopa'a luyaipa quitine, itsiya ailopa'a, ticuaiconno, itque ocuenaj rey, cal paico. Tijoula' ticuxele ihe lan caitsij rey, itque ticuaihuo, ticuxe'ma. Tijoula' tejac'ma nulemma.

¹² "Limbamaj quecala' loximpa, iñe locuenaye lan rey. Iñiya aikuilepenufi locuxeyacu, tepenuf'me. Iñe y cal cuecaj coyac' quinneja tepi'im'mola' liñmane. Ticuxe'me to anuli 'hora. Aimicoñyacola'. ¹³ Iñe lan rey, anuli liñpicuejma'. Tixpic'e'me, ticuayi: 'Aimañcuxeyacu illanc' cañuca'. Toñiya timetsaicom'me cal cuecaj quinneja. Tihuejcom'me iñque.'

¹⁴ "Tijouñ'a' jahuay iñiya tixtuc'o'me, tifule'me Ña'huaj Moñ. Iñque Ña'huaj Moñ iñPoujna jahuay lapoujnalá, iñRey jahuay lan rey. Toñiya tulij'mola' laixtuc'opá. Petsi noyejmalepá, joupa ijoc'ipola', i'huij'epola', iñiya aimenajyacoñsi, ti'hua tiyejmaleyi."

¹⁵ Ñapaluc quema'a añpalaic'ocona'ma, añmi: "Ñaja loximpa pe locutsafya ñaca'no', iñiya ti'onñcospa to lanxpela' xanuc', ituca' ituca' liñnación, lopalaipa ituca' ituca' liñtaiqui'. ¹⁶ Cal cuecaj coyac' quinneja jouc'a limbamaj quecala' loximpa iñe tixtuc'o'me lixcay caca'no'. Tetets'i'me, texit'e'me limane, tipo'no'me quituca', amila. Tehuaitsoj'me liñpoxic', tite'me. Tipi'e'me lipecañ.

¹⁷ "Ma ÑanDios nicuxepola' liñpicuejma' iñe limbama' lan rey. Toñta'a i'e'me loxpoc'epa ÑanDios, ihuejco'me cal cuecaj coyac' quinneja. Iñque ticuxela'. Tijouñ'a' tenañña' jahuay loya'apa litaiqui' ÑanDios, loyac' quinneja aimicuxeconaya. (Ma mehue'e' menañni loya'apa litaiqui' ÑanDios, ti'hua ticuxe iñque loyac' quinneja. Tijouñ'a' tenañña' aimicuxeconaya.)

¹⁸ "Ñaca'no' loximpa ti'onñcospa to al cuecaj quiñya', iñe liñya' incuxepa, ticuxela' lan rey nomana' ni petsi li'a ñamats'."

18

¹ Lijou'ma aixim'ma ñocuena capaluc quema'a imuyonni lema'a. Acueca' apaxi iñque. Epalc'o'i'ma jahuay li'a ñamats'. ² Acueca' y axpaiqui' lipalai'ma. Ipalai'ma ujfxi, tuya'e': "ñjoupa ecangemma, i'ipa camats' al cuecaj quiñya' Babilonia!

Itsiya ailopa'a xanuc' iñpiya, timana' ma le'a lontahue.

Iñpiya timana' lan xujc'a contahue, timana' lan xujc'a cacañhui naiyulpá, iñiya pe lan xanuc' texitseyi.

³ Luyaipa quitine tixoqui quileta lan xanuc' quiyouyomma lan nación tiyeyi titsufoñaiyi jilpe al cuecaj quiñya'.

Iñiya liñya' ti'onñcospa to quixcay caca'no', i'e'mola' lan xanuc' camac'ta to lisnaye.

Lan rey nomana' li'a ñamats' tihuejyi liñya' to mihuejyi lixcay caca'no'.

Nocucalépá ti'ñajnufyi locujyacu, ticujconayi ulij'me acuecaj quiñhuexi."

⁴ Aicuej'ma ñocuena tipalay pu'hua lema'a, timila' lixanuc' ÑanDios:

"Imanc' aixanuc' tolipalunca jilpiya liñya'.

Ja'ni aimolipalumma tonñ'e'me lixcay to lo'epa iñpiya.

Tijouñ'a' imanc' jouc'a lan xanuc' nomana' jilpe liñya' titeñ'mim'molhuo' anuli.

⁵ Axpe' camats' ti'eyi juaiconapa lixcay.

Iñe liñpoxicay i'ipa to anuli cal cuecaj quiñjuala, icula'apa icuaita lema'a.

Itsiya linca, ÑanDios aimiñonc'e'eyacola' liñjunac'.

⁶ Iñiya liñya' ma to li'e'epolhuo' imanc' tonñ'e'econtsa xonca.

Iñe lixcay li'epa, tonpai'iconñe oquemma.

Iñuants'i lixcay loñsnapa, imanc' tonñuants'i'me xonca lixcay loxnaya.

⁷ Iñiya liñya' i'epoxi to acuecaj caca'no', iñque nipajmpa ac'a, tenant'ñi jahuay lojanajpa.

Itsiya imanc' tonñeñ'miñe juaiconapa, tixiñña' acuecaj cumla, tixhueñcoñ'a', tijoñla'.

Luyaipa quitine ticua: 'Jifa'a cacutsu, cacuxe to cal cuecaj quincuxepa.

Iya' a'i nimpotsate, jouc'a aimañ'iya tonñta'a.

Aicaxhueñcoya ni cajoñya, ni anulemma.'

⁸ Iñe linespa aikuixpic'e ÑanDios, tonñiya icuaico'ma lateñcoya.

Ite litine jilpe liya' lan xanuc' tixim'me lamaya, tixim'me lumemma, tixhuełmot'le'me, tijohualque'me.

Łipal cunga tipi'e'ma nulemma liya', ti'i'ma capi', tejac'e'ma.

Tipa'a acueca' lipujfxi łalPoujna ŁanDios, itque Noteł'miya ite liya'."

⁹ Lan rey nomana' li'a łamats' tixim'me tif'aqui łicuxis mepi liya'. Luyaipa quitine itne lan rey ac'a lomajmpa jilpe al cuecaj quilya'. To cal xujc'a caca'no' itque liya' tepi'ila' lojanajpa. Itsiya ihniya tijolijyi, tija'ayi. ¹⁰ Tecaxolıyi aculi'. Tixpailiquila'. Łunga tipi'enni jiliya liya', timiyi:

"ıBabilonia, ima' uncuecaj quilya'!

ıIma' mujfxi quilya'!

Joupa ixcaiyołpo', uncuanuc', aikuicoli lotelcopa.

Tijoula' ma le'a to anuli 'hora joupa etelquemmo'."

¹¹ Nocucalępá nomana' li'a łamats' jouc'a tijolijyi, tixhuełcoyi acueca' quihuotsoqueya. Itsiya, ınaitsi no'najá ts'itaić ihniya? Ailopa'a no'najá. Joupa etelquemma liya'. ¹² Ihniya nocucalępá itaić' al 'oro, al plata, łapic' acueca' quipitali, jouc'a lam perla. Itaić' al c'a quijahua' al fujca, jiliya cuftine lino, jouc'a lijahua' ummangaic' unxałcumi jouc'a unxali. Jouc'a itaić' lijahua' aseda. Itaić' al c'a c'ec, tujuej c'a, itaić' lilajncopa amárfil, itaić' lilajncopa al c'a c'ec acueca' quipitali, itaić' lilajncopa abronce, lilajncopa atejma', itaić' lilajncopa łapic cuftine mármol. ¹³ Itaić' cal canela, jouca' łupa c'ec łojuepa c'a, jouc'a łipa' c'ec, jouc'a licat'la al 'ec cuftine mirra, jouc'a al 'ec cuftine olıbano. Itaić' al vino, laceite, jouc'a cal 'harina trigo, jouc'a lan trigo. Iticola' lam mot'ł, jouc'a locuenaye quinnejá. Jouc'a iticola' lai huale, iticola' lan carro jouc'a liłxanuc' joupa i'nampolá'. Jouc'a iticola' locuenaye lan xanuc' ticuj'me. ¹⁴ Nocucalępá timiyi liya':

"Ite lofjanajpa aimapenufconaya, jahuay al c'a loftepa joupa ailopa'a.

Al c'a lopijahua', jahuay łola'acoyoxi, joupa ejac'pa nulemma, aimoxingonaya."

¹⁵ Nocucalępá jouc'a no'najualepá itne nolijpá juaiconapa jilpe al cuecaj quilya', ihniya tecaxolıyi aculi'. Tixpailiquila' łunga. Tipi'enni liya'. Tijolijyi, tixhuełcoyi acueca' quihuotsoqueya. ¹⁶ Ticuayi:

"Ay, acuanuc' itla'a al cuecaj quilya'.

Li'ıpa i'huáqui to łaca'no' łetejyoxi al c'a, lipijahua' ilajncopa lan c'a quijahuaki, to al fujca quijahua' cuftine lino.

Jouc'a ilajncopa lunxałcumi quijahua', jouc'a lunxali quijahua'.

Ipo'no'ma łila'acoyoxi ilajncopa a'oro, ilajncopa apic' acueca' quipitali, jouc'a lam perla.

¹⁷ Icoł'ma ma le'a anulij hora liteł'mim'me.

Luyaipa quitine acueca' li'huca, itsiya joupa ijounapa."

Tecaxolanna aculi' lan xanuc' nocuxepá liłbarco, jouc'a noyepá lam barco, jouc'a jahuay no'epá canic' jilpe łaja. ¹⁸ Lixim'me łicuxis pe itpe lepipa al cuecaj quilya' tija'ayi, ticuayi: "ıTe tipa'a acueca' quilya' lo'onłcospa to ihya al cuecaj quilya'? A'i. Ailopa'a co'onłcoya." ¹⁹ Tija'ayi, tijolijyi, tixhuełcoyi acueca' quihuotsoqueya. Tejuaf'iyoltsi capi' liłjuac'. Ticuayi:

"Ay, acuanuc' juaiconapa jiliya al cuecaj quilya' Babilonia.

Luyaipa quitine acuecaj tomı tipa'a jilpiya.

Liłpoujnalá jilne lam barco loyepá łaja tulijyi juaiconapa.

Jilpe liya' ti'naji liłtaić' liłbarco.

Itsiya joupa ejac'pa; ma le'a anuli 'hora icoł'ma liteł'mimpa.

²⁰ ıTixojla' cunlata imanc' nołmana' lema'a!

Imanc' ixanuc' ŁanDios, imanc' unlıhuequi Jesús,

imanc' unc'iprofeta noluya'apá loxpıc'epa ŁanDios,

jahuay imanc': ıTixojla' cunlata!

Joupa etelquemma al cuecaj quilya', ite liya' itel'mipolhuo',

itsiya ÑanDios itel'miconapa, i'epa hijca li'e'epolhuo'."

²¹ Anuli cal cuecaj capaluc quema'a ipulaf'ma cal cuecaj caxpehui capic, ecajm'mi'ma ñaja, ticua:

"Ñique cal cuecaj capic nulemma necajm'mipa ñaja, if'acaipa, aimipajnconaya, aimixingonayacu.

Ma toña'a etelquemma al cuecaj quiña' Babilonia, if'acaipa, aimipajnconaya.

²² Luyaipa quitine jilpe liña' tunayi li'harpa, tunac'liyi, tifus'miyi liñflauta, tifus'miyi liñtrompeta.

Itsiya a'i, iñpiya aimunaconayacu.

Luyaipa quitine iñpiya timana' lan xanuc' acuecaj liñpicuejma', tilanc'eyi al c'a.

Itsiya a'i, iñpiya aimixingonayacu ni anuli cal xans ts'ipicuejma'.

Luyaipa quitine jilpe ticuequinni hilepic molino, titaijyi lan trigo.

Itsiya a'i, joupa i-ch'ixcopa, aimicuejconayacu.

²³ Luyaipa quitine jilpe ulif'iya epalañ'o' ñajut'hi.

Itsiya a'i, i'ipa pangay muf, jilpe aimulif'iconaya, ni anuli lepalc'o'.

Luyaipa quitine jilpe tixoquei quileta tipalaic'oyoñsi, temalliyyi, ti'eyi liñjuic.

Cal xans tipalaic'o' hipeno, ñaca'no' tipalaic'o' hipe'ailli'.

Itsiya a'i, aimicuejconayacu toña'a, aimipalaic'oconayoñsi.

Luyaipa quitine ipalunca jahuary li'a ñamats', tiñcuaiyumma jilpiya lan tsilaj xanuc' nocucalepá, ticujyi liñtaic'.

Itsiya aimi'econayacu toña'a.

Ima' cumBabilonia, to cal bruja tofel'mila' jahuary lan xanuc' nomana' li'a ñamats'."

²⁴ Ñipe al cuecaj quiña' Babilonia ixim'me lixcuajaiquemma liñjuats' ñne lam profeta, lixcuajaiquemma liñjuats' lixanuc' ÑanDios, ñne i'huexi ÑanDios. Ma jilpe liña' ixim'me jouc'a lixcuajaiquemma liñjuats' jahuary noma'ampola', ñne lan xanuc' naihuejpa' ÑanDios. Ñe liña' itaiyinge lajunac'.

19

¹ Lijou'ma aicuej'ma tipalaiyi ujfxi axpela' lan xanuc' pu'hua lema'a, ticuayi:

"¡Aleluya! ¡X'ñajtse'eya ñañPoujna ÑanDios! Ñique joupa ulijpa.

Timetsaiconñe anDios, ma le'a ñique cal Cueca', ñique quituca' nipajnya ti'ay.

² No'epá quixcay a'i munt'u'enyacola',

ÑanDios titeñ'mi'mola', añijca titeñ'mi'mola', aimuyaipa xpijma.

Itsiya joupa itel'mipa ñaca'no' no'epa acuecaj quixcay.

Ni petsi li'a ñamats' iyu'iyalepa lipixcay qui'ejma', itac'uiyalepa ti'ete toña'a.

Ima'apola' lixanuc' ÑanDios pe no'epá lipenic'.

ÑanDios joupa itel'mipa lixcay caca'no', ipai'iconapa li'e'eyalepa."

³ Tinesconayi:

"¡Aleluya! ¡X'ñajtse'eya ñalanDios!

Liña' ti'hua tipi, aimipica, ti'hua tif'aqui lipicuxis."

⁴ Lan nuxans malujxi' lan tsilaj xanuc' noxpijpa' lataiqui', jouc'a lam malujxi' lam paxi quinnejá, exc'onñingolai'me ÑanDios Nocutsuya pe li'nof'quiya. Ticuayi:

"Amén, toña'a ti'ila'.

¡Aleluya! ¡X'ñajtse'eya ÑanDios!"

⁵ Tipamma lataiqui' pe lopa'a li'nof'quiya, timila' lan xanuc':

"Jahuary imanc' nonñepá lipenic' ÑanDios ñañPoujna, imanc' noñsimpá acueca' ÑanDios,

ja'ni unc'atsocay xanuc', ja'ni unc'atsilaj xanuc',

¡tixojla' cunlata, toñs'ñajtsi'ñe ÑanDios!"

⁶ Aicuej'mola' tocomma to juaiconapa axpela' lan xanuc' tipalaiyi. Aicuej'ma lopalaipa tocomma to ti'nixma axpe' cajú, tocomma tunalequi juaiconapa. Ticuayi:

"¡Aleluya, x'ñajtse'eya ÑanDios!

Itque aPoujna, ticuxela' jahuary, ma le'a itque aRey, ma le'a itque ticuxe.

⁷ ¡Tixojla' calata alunac'life!

Ahmi: 'Ma' ima' manDios'.

Itsiya ijuic La'huaj Moł, ilejma lipeno.

Itque lahuats' joupa imetsaicompa, ailopa'a quehue'e'.

⁸ Joupa epi'impa lipijahua' juaiconapa tunts'ifqui, ite alino afujca.

Tołta'a lipijahua' lepi'impola' petsi i'huexi LanDios,

ihniya mimana' li'a lamats' i'epá al c'a."

⁹ Lapaluc quema'a ahmi: "TainiHa': Ti'e'ela' juic La'huaj Moł, tilecola' lipeno. Ixojma quileta lan xanuc' lijoc'impola' ihiya al juic." Jouc'a ahmi: "Al linca laimipo'. Małiya itaiqui' LanDios."

¹⁰ Iya' cola' nexc'onłingai'ma lapaluc quema'a. Itque ahmi: "A'i. Aimo'e'me tołta'a. Ma' anuli lałpenic' iya' ima' jouc'a lopimaye noya'apá litaiqui' Jesús. Taxc'onłingai'a' ma le'a LanDios. Illanc' naluya'apá litaiqui' Jesús, jahuary ninc'iprofeta, ahmuc'inga' cal Espíritu Santo."

¹¹ Aixingonapa exiya lema'a. Jiłpe tipa'a anuli cal fujca caihuala. Itque lenafcaic' laihuala cuftine: Itque Aimixospa. Itque Noya'apa al Linca. Itque mitel'mila' lan xanuc' ti'ay al łijca, jouc'a ałijca tifulicojma. ¹² Li'u' tocomma to lipal' cunga. Łijuac tipa'a axpe' corona. Jiłpiya tinilijnya lipuftine. Itque linca ticuec'e' ihiya laftine, locuenaye aimicuec'eyi. ¹³ Ipoqui unxali lipijahua', ummanc'ecompa ajuats'. Itque ipuftine: Litaiqui' LanDios. ¹⁴ Axpela' itejmale, itne nomana' lema'a, lif'as soldado. Ilenafcaic' jouc'a lan fujca caihuale. Itpo'nohua lipijahua' ilajncopa al c'a quijahua' cuftine alino. Ihiya lijahua' afujca juaiconapa, tunts'ifqui. ¹⁵ Lico tipamma al cuecaj cutsilo juaiconapa quix'ay, tixcai'eco'mola' lan xanuc' nomana' li'a lamats'. Acueca' ipujfxi ticuxe'mola'. Timuc'i'mola' lan xanuc' lipoyac' LanDios, itque cal Cuecaj Ts'ipenic' Nocuxepola' jahuary, ixtupa. Titełmi'mola', ti'huailletsuf'mola' to mi'hualequi'me lan uva, tipa'anni lijiya'. ¹⁶ Lipijahua' jouc'a litungu li'mis inilijgiya lipuftine ticua: Iya' xonca cacuxela' jahuary lan rey. Iya' itPoujna jahuary lapoujnalá.

¹⁷ Aixim'ma anuli lapaluc quema'a tecaxijnya pe łopa'a cal 'ora. Tipalaic'ola' jahuary lan tsilaj cacal'hui miyulyi nolojmay lema'a. Timila': "Tonłouyunca. Tolafot'letsotłsi petsi LanDios lo'eyopa licuecaj juic. ¹⁸ Tołtele lipixic' lan rey jouc'a lipixic' lincuxepá soldado, jouc'a lipixic' lan soldado, jouc'a lipixic' laihuale jouc'a lipixic' lilenafcaic'. Tołtele lipixic' jahuary lan xanuc'. Ja'ni quituca' nocuxepołsi, ja'ni lipoujnalá ticuxela', ma' anuli tołtele lipixic'. Tołtele lipixic' lan tsocay, lan tsila' jouc'a."

¹⁹ Aixim'mola' cal cuecaj coyac' quinnejá y lan rey nomana' li'a lamats', jouc'a liłsoldado. Joupa efołumma tifuli'i'me lenafcaic' cal fujca caihuala, jouc'a tifuli'i'mołsi lisoldado.

²⁰ I'nołim'me cal cuecaj coyac' quinnejá jouc'a liprofeta nofel'miyalepa. Itque liprofeta li'ipa epi'impa quimane cal cuecaj coyac' quinnejá ti'ela' al cueca'. Tołta'a ifel'mi'mola' pe nepenufpá lisello cal cuecaj coyac' quinnejá. Itne lan xanuc' exc'onłingotai'me cal imagen, itque lo'onłcospa to linnejá. Itne loquexi', ma quilmaf'i', i'nij'mim'mola' al cuecaj capa imanna cunga, tipi łazufre. ²¹ Lenafcaic' quipihuala pe laipaiyomma lico al cuecaj cutsilo, tima'ala' locuenaye lixanuc' al cuecaj coyac' quinnejá, tima'acola' ihiya al cutsilo. Lan tsilaj cacal'hui naiyulpá lema'a titejn-nila' lipixic'. Ti'hua titeji tixhuaitzola'.

20

¹ Aixingo'ma ocuena lapaluc quema'a. Timuyomma lema'a. Inic' liyahui al cuecaj pu'hua. Jouc'a limane inic' al cuecaj cadena catejma'. ²⁻³ Lapaluc quema'a ti'nołi cal dragón, itque lainofal nopa'a al te'a, łacui'impa Łonta'a Satanás. Ifi'e'ma. I'nij'mi'ma al cuecaj pu'hua. Tipajnlá' imbamaj maxnu camats'. Italinc'i'ma cal sello. Aimipahuo cal dragón. Aimifel'miconayacola' lan xanuc' nomana' li'a lamats'. Tixhuaitzi limbamaj maxnu camats' tux'masquim'me huata.

⁴ Aixim'ma axpe' lan tsilaj asiento. Nocutshuolanna jilpiya epi'impola' liłmane ticuxete. Ihe aikuexc'onlingolaic' cal cuecaj coyac' quinneja, aikuexc'onlingolaic' cal imagen lo'onlcospa linneja, aikuilepenufi lisello linneja, aikuinilingiya hilepali ni liłmane. Ihiya naihuejpá Jesús, noya'apá litaiqui' LanDios, tohiya ima'ampola'. Tama ima'ampola', lił'alma imaf'i'. Timana' pe lopa'a Cristo. Imbamaj maxnu camats' anuli Cristo ticuxeyi. ⁵ Ihiya lan tet'la limaf'i' inapola'. Tijoula' limbamaj maxnu camats' locuenaye limanapola' timaf'ina'me. ⁶ Tixoqui quileta lan tet'la limaf'i' inapola'. Ihe linca ixanuc' LanDios, i'huexi ilque, aimimaconayacola' oquemma. Lamaya aimima'aconayacola' nulemma. Ihe e'aillí LanDios, e'aillí Cristo, ti'eyi lipenic'. Limbamaj maxnu camats' tiyejmale'me Cristo, ticuxe'me anuli.

⁷ Tixhuaitsi limbamaj maxnu camats' tux'masquim'me Satanás. Jilpe lifingiya tif'ajnahuo, tipahuo. ⁸ Ni petsi li'a lamats' ti'hua tifel'mila' lan xanuc', lan nación, ihe pe aimihuejyi LanDios.

Lan xanuc' lacui'impola' Magog, nocuxepola' lacui'impá Gog, Satanás tefot'lela' ti-fule'me. To axpe' cal cuixa lopa'a lema caja, tołta'a axpela' ihiya, aimi'ya mix-huej'menyacola'. Tifule'me. ⁹ Tipalyomma ni petsi li'a lamats'. Icuaiyunca pe lefołya lixanuc' LanDios. Jilpe al cuecaj quilya' pe ts'ipic'a LanDios, małpe lomanc'epa lixanuc', if'em'mijpá. Aiximpa ilpe ecangemma cunga lema'a, tipi'ela'. Joupa i'ipola' capi' lan xanuc' pe aimicuec'eyi LanDios. ¹⁰ Cal Satanás nifel'miyalepa, i'nij'mim'me al cuecaj capa imanna cunga, tipi lazufre. Małpe lapa ti'nij'minni, joupa i'nij'mimpola' cal cuecaj coyac' quinneja jouc'a hiprofeta hinfel'miyale. Itine ipuqui' tixinte acuecaj cumla. Aimijouya latełcoya, ti'hua ticołi.

¹¹ Lijou'ma aixim'ma anuli al cueca' quexpats'qui li'nof'quiya afujca. Aixim'ma naitsi jilpe locutsuya. Lema'a y lamats' aimi'ya micolayacola' pe lopa'a jilque, tejac'mola'. Aimixinconayacola'. ¹² Aixim'mola' limanapola', lan tsila' y lan tsoyay. Tecaxolanna jilpiya. Lan je'e pe linilingiya li'epa joupa uxpalaifquimpa. Ihe aixim'ma locuenaj je'e uxpalaifcona'me. Jilpe inilingiya liłpuftine petsi nepenufpá liłpitine aimijouya. Cal Juez tixhue lan je'e linilingiya li'epa limanapola'. Lijou'ma timila' lo'iyacola'. ¹³ Ihe lomanapola' nomana' laja ipalyonca. Jouc'a ipalunca petsi cuftine Hades, petsi Lamaya ummepola'. Limanapola', ma' anuli to li'epa, ti'i'ma lo'iyacola'. Tołta'a lomipola' cal Juez. ¹⁴ Jilpiya al cuecaj capa imanna cunga ti'nij'minnila' Lamaya jouc'a ilte al lugar cuftine Hades. ¹⁵ Jilpe al cuecaj capa imanna cunga, ti'nij'minnila' jouc'a jahuay petsi aikuinilingiya liłpuftine jile al je'e. Ihiya petsi ninilingiya liłpuftine, pe joupa nepenufpá liłpitine aimijouya, aiku'i'nij'minnila'.

21

¹ Aixim'ma al ts'e quema'a y ats'e lamats'. Ailopa'a caja. Lomana' itsiya lema'a y li'a lamats' joupa ejac'pola'. ² Aixim'ma al Paxi Quilya', ilte al ts'e Jerusalén imuyomma lema'a pe lopa'a LanDios. Ihiya al cuecaj quilya' etejyoxi juaiconapa al c'a, ma to metej'moxi lahuats' namaneya, litine tilecola' hipe'ailli'.

³ Aicuej'ma anuli tipalay, ilque lopa'a jilpe lexpats'qui li'nof'quiya. Tipalay ujfxi, ticua: “¡Toxinla!, icuaico'me LanDios y lixanuc', itsiya timajm'me anuli! LanDios tines'ma: 'Ihe linca aixanuc', iya' ilenDios'.

Ilque hilenDios aimecanujyacola' quiltuca'.

⁴ LanDios tetufc'ena'mola' lilujay lixanuc', aimijolijconayacu.

Ihe litine aimi'ya camaya, tijouna'ma nulemma.

Aimixhuełmot'leconayacu, aimijolijconayacu, aimitelconayacu cumla.

Ti'ila' tołta'a joupa ipaicopa jahuay.”

⁵ Nocutsafya lexpats'qui li'nof'quiya ticua: “¡Toxinla! Ca'e'econghua ats'e.” Alpalaic'opa, almi: “Tainilijla' laifmipo' itsiya. Al linca laitaiqui', aimipaicoya.”

⁶ Ti'hua ałpalaic'o, ałmi: "Joupa enanłpa jahuay laimipo'. Iya' ał'onłcospa to łainila cal A, jouc'a ał'onłcospa to łainila cal Z. Iya' aipangopa jahuay, iya' jouc'a cajou'ne'ma jahuay. Pe łaicuipa quija' iya' cuhui'i'ma quija', tixnała' petsi laipayomma laja', iłe lapi'iya lipitine aimijouya. Aica'najtsi'iya, ma le'a cuhui'i'ma tixnała'.

⁷ "Cal xans nolijya, tołta'a ti'i'ma, tołta'a tepenuf'ma. Iłque ai'hua, iya' enDios, aicacanu-jya. ⁸ Ituca' lo'iyacola' pe notaipá calaic'ata, iłne aimalihuequi. Jouc'a ituca' lo'iyacola' pe aimal'huaiyinge, jouc'a iłniya lan xujc'a xanuc', jouc'a noma'ahualepá, jouc'a nahuepá quilecal'no', jouc'a lam brujo, jouc'a naxc'onłngolaipá lilendiosla', jouc'a linfel'miyalepá. Jahuay iłniya tepenuf'me lapi'iyacola'. Tecajm'mim'mola' al cuecaj capa imanna cunga, tipi łazufre. Tołta'a lo'iyacola' pe nomaconayacola' oquemma."

⁹ Jiłpe lema'a lan caitsi capaluc' quema'a liluhuaic' liłtaza, iłne imanola' lan caitsi lijoucola' catełcoya, anuli iłniya lapaluc' quema'a ałpalaic'o, ałmi: "To'huanni. Lepá. Camuc'ito' łahuats' namaneya. Ła'huaj Moł tileco'ma."

¹⁰ Lijou'ma aixim'ma to i'hua'ma laipicuejma', ałłeco'ma al toncay anuli cal cuecaj quijuala itoqui. Aixim'ma al Paxi Quiłya' Jerusalén timuyomma lema'a pe lopa'a ŁanDios.

¹¹ Iłta'a liłya' epalc'o'. Lipepalc'o' małe lipepalc'o' ŁanDios. Ma to munts'ifqui łapic acueca' quipitali, ma tołe tepalc'o'i al Cuecaj Quiłya', tunts'ifqui to łapic cuftine jaspe, cangufca i'huáqui. ¹² Canumicay liłya' tipa'a cal cuecaj quitoqui caital. Iłiya łaital tipa'a imbamaj coque' lipuertá. Jiłpe cal puertá tecaxola'na lapaluc' quema'a, anuli anuli al puertá. Iłpe cal puertá inilingiya liłpuftine limbamaj coquexi' linaxque' cal xans Israel, iłne lałtatahueló. Apuerta apuerta tipa'a lipuftine. ¹³ Iłpe łaital lehuoc'ocojma laipammayomma cal 'ora tipa'a afane' cal puertá. Lehuoc'ocojma lo'huayomma łujfxi cahua' tipa'a afane' cal puertá. Lehuoc'ocojma lo'huayomma łahua' quema caja tipa'a afane' cal puertá. Lehuoc'ocojma lof'acaiyopa cal 'ora tipa'a afane' cal puertá. ¹⁴ Iłpe lipital'liłya' itsahuecomma imbamaj coque' lapic'. Anuli anuli łapic tinilijnya anuli laftine. Liłpuftine iłne limbamaj coquexi' lan apóstole, iłne ts'ilihuequi Ła'huaj Moł.

¹⁵ Łapaluc' quema'a łapalaic'o'ma itaic' łoxpijcompa. Tocomma al łaj-jaxa, ilajncopa a'oro. Tixpijta iłpe liłya' jouc'a lipuertá, jouc'a lipital'. ¹⁶ Liłya' ma' anuli lipitoqui lipexpats'qui. Łapaluc' quema'a tixpicufi liłya'. Lixpicufpa imbamaj coquej mil estadio. Liłya' lipitoqui, li'nofquiya, lipexpats'qui ma' anuli lixpicufpa. Iłne limbamaj coquej mil estadio ixhualtsi to oquej mil, oquej maxnu kilómetro. ¹⁷ Tixpicufi łaital ma to mixpicufyi lan xanuc', ma tołe tixpicufi lapaluc' quema'a. Iłque łaital tixhualtsi anuli maxnu oquej nuxans malpu codo. (Tocomma to afane' nuxans y amaque' metro.)

¹⁸ Łaital ilajncopa łapic cuftine ajaspe. Liłya' ilajncopa a'oro xonca al c'a. Tunts'ifqui to al pulu lepaquiya.

¹⁹ Pe lipanc'micopa lipital'liłya' i'huáqui ac'a juaiconapa, ilanc'empa al c'a. Iłpiya timana' imbamaj coque' lapic', acueca' ipitali iłniya lapic'. Cal te'a capic ajaspe, iłhuequi azafiro, łocuena a'ágata, łocuena a'esmeralda, ²⁰ łocuena asardónica, (iłque a'onix), łocuena acornalina, łocuena acrisólito, łocuena aberilo, łocuena atopacio, łocuena acrisoprasa, łocuena ajacinto, łijoujma capic a'amatista. ²¹ Limbamaj coque' lipuertá ilajncopa aperla. Anuli anuli lipuerta ilajncopa anuli cal perla. Al cuecaj cane liłya' ilajncopa a'oro xonca al c'a. Tunts'ifqui to lepaquiya al pulu.

²² Iłpiya aicaixim'ma xoute'. Ailopa'a. Iłpiya liłya' tipa'a łalPoujna ŁanDios, ticuxe jahuay. Lan xanuc' texc'onłngolałyi ŁanDios, texc'onłngolałyi Ła'huaj Moł. ²³ Ni cal 'ora ni cal mut'ła aimepalc'o'i liłya'. Aimicuicomma. Ma ŁanDios lipepalc'o' tepalc'o'i, Ła'huaj Moł jouc'a epalc'o'. ²⁴ Iłe lipepalc'o' iłpe liłya' tepalc'o'ila' lan nación, tiyełe al c'a lan xanuc'. Iłpiya liłya' tiłcuaispa lan tsila' quincuxepá nomana' li'a łamats'. Iłtaic' cal cueca' quıl'huexi tipo'nota jiłpe. ²⁵ Cal puertá timanemma exiliya. Iłpe pangay quitine. Aimimufc'o'. Ailopa'a quipuqui', aimixnif'miya cal puertá. ²⁶ Iłpe tiłcuaispa lan xanuc' quiyoyomma jahuay lan nación. Tiłcuai'espera al cueca' quıl'huexi, jahuay al c'a li'huca. ²⁷ Jiłpe titsulfaiyi

ma le'a lan xanuc' liniñgiya liḡpuftine lije'e La'huaj Moḡ, iḡe al je'e petsi liniñgiya liḡpuftine pe nepenufpá liḡpitine aimijouya. Aimitsufaiya jiḡpiya petsi aimetenḡma LanDios. Jouc'a aimitsuflaiyacu pe no'epá al xujc'a, ni nofel'miyalepá.

22

1-2 Ḳapaluc quema'a aḡmuc'i'ma al pana'. Jiḡpe al pana' a'i quijuet laja', tunts'ifqui to lepaquiya al pulu. Al pana' tipayomma lexpats'qui li'nof'quiya pe lomana' LanDios y La'huaj Moḡ. Tinu al cuecaj cane liḡya'. Jahuay noxnapá jiḡe laja' ti'hua ts'iḡmaf'i'. Lema lema al pana' tipa'a al 'ec. Notepá li'as iḡe al 'ec tepenufyi liḡpitine aimijouya. Amut'la amut'la al 'ec ti'atsi. Tixhuaitsi anuli camats' joupa i'aspa imbamaj coquemma. Afxi lipela, tixaḡ'mela' lan xanuc' nomana' lan nación. ³ Jiḡpe tipa'a ma le'a letenḡcocopa LanDios. Licuajquimpa ailopa'a. Maḡpe liḡya' tipa'a lexpats'qui li'nof'quiya pe lomana' LanDios y La'huaj Moḡ. Lan xanuc' naimetsaicopá LanDios to quiḡPoujna, iḡpiya ti'eyi lipenic', text'onḡingolaiyi pe lo'pa'a. ⁴ Tehuelojnyi li'a La'huaj Moḡ, lipuftine tiniñijnya hilepali. ⁵ Iḡpe ailopa'a quipuqui'. Aimicuicomma quepalc'o', ni lepaḡ 'ora ni ocuena quepalc'o' to lapalc'o'ipa lamats'. LiḡPoujna, iḡque LanDios, tepalc'o'ila'. Lixanuc' ticuxe'me, aimijouya liḡcuxejma.

⁶ Ḳapaluc quema'a aḡmi: “Al linca jiḡe lataiqui' laifmipo'. Ma toḡta'a ti'i'ma. LanDios, iḡque liḡPoujna lam profeta, alummepa iya' epaluc. Aḡmuc'ipa lo'iya. Lixanuc' no'epá lipenic', LanDios ipic'a ti'ila' quiḡsina' iḡe lo'iya.”

⁷ “¡Toxinḡa! Aimaḡcoḡya. Ma cacuaihuo. Tixoqui queta naitsi nopo'nopa cuenna loya'apa LanDios, iḡe litaiqui' liniñgiya fa'a iḡta'a al je'e.”

⁸ Iya' ninJuan joupa aicuejpa iḡniya lataiquí, joupa aiximpa li'ipa. Toliya nexc'onḡingai'ma li'mitsi' Ḳapaluc quema'a, iḡque laḡmuc'ipa toḡta'a, iḡe joupa niniḡpa fa'a al je'e. ⁹ Ḳapaluc aḡmi: “A'i. Aimo'e'ma toḡta'a. Jahuay aḡ'eyi lipenic' laḡPoujna LanDios, ima' jouc'a lapimaye lam profeta, jouc'a no'epá cuenna lominiñijmpa fa'a iḡta'a al je'e. Taxc'onḡingaiḡa' LanDios.”

¹⁰ Jouc'a aḡmi: “Iḡta'a al je'e aimoxpats'ijm'ma lisello. Jifa'a tiniñijnya lixpic'epa LanDios. Itsiya aimicoḡya, ma ti'i'ma. ¹¹ Cal xans latenḡcocopa lixcay lo'epa, ti'hua ti'econḡa' lixcay. Cal xans latenḡcocopa al xujc'a lo'epa, ti'hua ti'econḡa' al xujc'a. Cal xans latenḡcocopa al c'a lo'epa, ti'hua ti'econḡa' al c'a. Cal xans pe i'huexi LanDios ti'hua tihuejla' LanDios, aimenaj'moxi.”

¹² “¡Toxinḡa! Aimaḡcoḡya. Cacuaicoconno. Lan xanuc' to lo'epa, ma' anuli tepenuf-cona'me. Cacuaiyunni, lan c'a xanuc' tepenuf'me al c'a. Lixcay xanuc' tepenuf'me lixcay. ¹³ Iya' aḡ'onḡcospa to lainila cal A, jouc'a aḡ'onḡcospa to lainila cal Z. Aipangopa jahuay, jouc'a jahuay cajou'ne'ma. Iya' ninTe'a jouc'a niJoujma.”

¹⁴ Tixoj'ma quileta petsi joupa epajpa liḡpijahua', LanDios tixim'mola' limpio. Iḡniya tepi'i'mola' liḡmane titeḡe li'as al 'ec lapi'iyacola' liḡpitine aimijouya. Titsuflai'me cal puertá, timajnta jiḡpe al Paxi Liḡya'. ¹⁵ Luna timana' lan xujc'a xanuc' lo'onḡcospola' to lan tsliḡqui. Jouc'a timana' lam brujo, jouc'a pe nahuepá quilecal'no', jouc'a noma'ahualepá, jouc'a pe naxc'onḡingolai'pá lilendiosla', jouc'a pe natets'ipá al linca, jouc'a linfel'miyale.

¹⁶ “Iya' ninJesús nummepa lainepaluc. Iḡe litaiqui' lomuc'impo' cu'ila' jahuay lapimaye lolafot'lepoltsi. Iya' lanef'epa cal rey David, iḡque aitatahuelo. Iya' capalc'o'i acueca', toḡta'a lacui'impa ninXamna Quiḡic'ejma.”

¹⁷ Cal Espíritu Santo jouc'a Lipeno cal Moḡ timiyi: “¡To'huanni!”

Naitsi nocuejpa iḡe lataiqui' jouc'a timiḡa': “¡To'huanni!”

Imanc', ja'ni ticui conḡja', toliḡoc'olaiyunca. Laja' lapi'iyacolhuo' loḡpitine aimijouya, toḡsnaḡe. Iḡe laja' tepi'im'molhuo', aimi'najtsi'inyacolhuo'.

¹⁸ Lataiqui' liniñiya fa'a al je'e ma' itaiqui' LanDios, tuya'e' lixpic'epa. Iya' camilhuo' jahuay imanc' noḡquimf'epá: Aimolatonc'i'me. Ja'ni tolatonc'i'me LanDios xonca' titeḡ'mi'molhuo'. Titeḡ'mi'molhuo' to liniñgiya jiḡta'a al je'e, iḡe tuya'e' lixpic'epa LanDios.

¹⁹ Jouc'a aimolifonc'e'me anuli lataiqui'. Ja'ni tolifonc'e'me anuli jilta'a lataiqui' LanDios tifonc'e'e'molhuo' lapi'ipola' lixanuc', ife loya'apa ita'a al je'e. Tofta'a aimepi'inyacolhuo' lane moltejacu ti'as jife al 'ec lapi'ipola' lan xanuc' lipitine aimijouya. Aimotulfaiyacu al Paxi Quiya'.

²⁰ Lataiqui' linihiya fa'a al je'e itaiqui' Nopalaipa itsiya, ticua: “Linca cacuaiyoconno. Aimalcoya.”

Amén. Tofta'a ti'ifa'. Ima' maiPoujna Jesús: ¡To'huanni!

²¹ LaPoujna Jesús mouqui mouqui titoc'itsolhuo' jahuay imanc'. Amén. Tofta'a ti'ifa'.